





24

БУТУН ДУНЕ ПРОЛЕТАРЛАРИ, БИРЛАШИНГИЗ!



ЎЗБЕКИСТОН КОММУНИСТИ

Uzbekiston Kommunisti
=



Hx
385.27
.A5
U93
1987
no. 1-5

1
ЯНВАРЬ
1987

tml

Бутун дунё пролетарлари, бирлашингиз!



ЎЗБЕКИСТОН КОММУНИСТИ

№ 1
ЯНВАРЬ
1987 йил

*1920 йилдан
чиқа бошлаган*

ЎЗБЕКИСТОН КОММУНИСТИК ПАРТИЯСИ
МАРКАЗИЙ КОМИТЕТИНИНГ НАЗАРИЯ
ВА СИЁСИЯ ЖУРНАЛИ

Ўзбек ва рус
тилларида
чиқади

Омманинг жонли ижодкорлиги,
социалистик тузумнинг жуда катта
имкониятлари ва афзалликларидан
максимал даражада фойдаланиш —
бизнинг муваффақиятимизни таъмин-
лаб бериши лозим бўлган бош омил-
дир.

*КПСС МКнинг партия XXVII съездиغا
Сиёсий докладидан.*

ЎЗБЕКИСТОН КОМПАΡТИЯСИ МАРКАЗИЙ КОМИТЕТИНИНГ НАШРИЕТИ

Т О Ш К Е Н Т

МУНДАРИЖА

Бош мақола — Ҳн иккинчи беш йилликнинг иккинчи йили	3
СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ	
Т. Мирзаев, Л. Раскин — Меҳнат ресурсларини қайта тақсимлашни яхшилайтик	12
В. Нехай — Оммавий эҳтиёж молларига бўлган талаб тўларок кондирилсин	19
ИНСОН — ЖАМИЯТНИНГ АСОСИЙ ИШЛАБ ЧИҚАРУВЧИ КУЧИ	
Ю. Шодиметов — Инсон омилини активлаштиришнинг социал ва медик-гигиеник проблемалари	25
ЛЕНИНИЗМ — БИЗНИНГ БАЙРОҒИМИЗ ВА ҚУРОЛИМИЗ	
П. Ниёзов — Ленинизмда уруш, тинчлик ва революция проблемалари диалекти- каси	34
ПАРТИЯ ҚУРИЛИШИ	
Ш. Зиёмов — Партия сафлари мустаҳкамланиб, коммунистлар активлиги оши- рилсин	41
Г. Ҳамидова, Ю. Дадабоев, М. Ҳамидов — Агросаноат бирлашмасига партиявий раҳбарлик	49
Д. Дадажонова — Ешлар ташаббусига — кенг йўл	55
ФАН: ИЗЛАНИШ САМАРАСИ	
С. Комилова — Билишда комплекс проблемаларнинг қўйилиши ва ҳал этилиши	60
МАРКСЧА-ЛЕНИНЧА ТАЪЛИМ СИСТЕМАСИ УЧУН	
«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар: Ишлаб чи- қариш муносабатларини, бошқариш системасини ва ҳўжалик юритиш метод- ларини такомиллаштириш	65
«ҲУЖУМ» ҲАРАКАТИ БОШЛАНГАННИНГ 60 ЙИЛЛИГИГА	
Р. Ражабова — Хотин-қизларни бутунлай озод қилиш учун революцион кураш намунаси	75
ХАЛҚАРО ТЕМАЛАРДА	
А. Қудинов — Милитаризм зулми остида	84
ТАНҚИД ВА БИБЛИОГРАФИЯ	
В. Ефимов — Халқ жасорати ҳақида	90
Х. Арғинов, Қ. Фозилхўжаев — Катта ёшлилар таълими проблемасига бағишлан- ган тадқиқот	92
Т. Ғиёсов — Тарихни сохталаштирувчилар ва тарихий ҳақиқат	94

ЎН ИККИНЧИ БЕШ ЙИЛЛИКНИНГ ИККИНЧИ ЙИЛИ

1986 ЙИЛ энди тарихдан ўрин олди. Мамлакатимиз учун, бутун тараққийпарвар инсоният учун у муҳим марра бўлди. У КПССнинг XXVII съезди йили, ўн иккинчи беш йилликнинг биринчи йили бўлди. Съезд қарорлари таъсирида совет жамияти ҳаётида чиндан ҳам революцион ўзгаришлар содир бўлмоқда. Жадаллаштириш стратегияси партия билан халқ фаолиятининг ўзаги бўлиб қолди. Ҳар тарафлама қайта қуриш кучая бориб, тобора катта қўлам ва теранлик касб этмоқда. Совет кишилари съезд илгари сурган халқ ҳўжалигини ривожлантиришнинг улуғвор программасини рўёбга чиқаришга фаол киришдилар.

Совет кишиларининг фидокорона меҳнати, партиянинг улкан ташкилотчилик иши туфайли социал-иқтисодий тараққиётни жадаллаштириш ҳозирдаёқ дастлабки сезиларли натижаларни бермоқда. 1986 йилда 80-йиллар мобайнида миллий даромад ва саноат маҳсулотининг энг юксак даражада ўсишига эришилди. Бунинг устига халқ ҳўжалигида фан-техника тараққиётини белгиловчи тармоқлар — машинасозлик, приборсозлик, химия ва нефть химияси саноатининг ривожланиш суръатлари умуман бутун индустриядагига қараганда жадалроқдир. Металлургия, кўмир ва газ қазиб чиқариш каби база тармоқларининг иши яхшиланди. Агросаноат комплексида дон, картошка, сабзавот, ҳўл мева, чорвачилик маҳсулоти етиштириш ва давлат йўли билан харид қилиш кўпайди. Капитал қурилиш суръатлари ошди, ишлаб турган корхоналарни реконструкция қилиш ва техника билан қайта қурулантириш жадаллашди. Саноат маҳсулотининг деярли бутун ўсими меҳнат унумдорлигини ошириш ҳисобига олинди. Халқ фаровонлигини юксалтиришга қаратилган тадбирлар планли тарзда амалга оширилмоқда.

Мамлакатнинг социал-иқтисодий ривожланишини жадаллаштириш вазифалари КПСС ташки сиёсий стратегиясининг асосий мақсади — совет кишиларини, Ер юзидаги барча халқларни тинчлик шароитида яшаш имконияти билан таъминлаш мақсади билан ҳамбарчас боғлаб амалга оширилмоқда. КПСС МК Бош секретари М. С. Горбачев Рейкьявикдаги совет-америка учрашувида мазкур ғоят муҳим проблемани асосли тарзда ҳал этиш ва кенг халқаро ҳамкорликни ривожлантириш ҳақидаги таклиф билан чиқди. М. С. Горбачевнинг 1986 йил ноябри охирида Ҳиндистонга қилган сафари мамлакатимиз бутун планетада халқаро ҳавфсизликни мустаҳкамлашга, ядровий қурулдан холи ва зўрликсиз дунёни қуришга интилаётганлигини яна бир бор тасдиқлади.

Беш йилликнинг иккинчи йили плани унинг биринчи йилида яратилган мустаҳкам пойдеворга таянади. Ўн биринчи чакирик, СССР Олий Советининг 1986 йил 17—19 ноябрда бўлиб ўтган олтинчи сессияси 1987 йилги СССРни иқтисодий ва социал ривожлантириш Давлат плани ва СССР Давлат бюджетини муҳокама қилди ва тасдиқлади. Бу планлар КПСС XXVII съездининг жамиятимиз социал-иқтисодий тараққиётини жадаллаштиришга қаратилган йўлига мос бўлиб ва қайта қуриш жараёнида орттирилган тажрибани жамлаб

улар экономикадаги ижобий ўзгаришларни мустаҳкамлашга, ижтимоий ишлаб чиқаришнинг узокни кўзловчи стратегик омиллари ишга солишга қаратилган. Махсулотни давлат қабул қилишини жорий этиш масалаларига бағишлаб 1986 йил 14 ноябрда ўтказилган КПСС МК кенгашидаги нуткида М. С. Горбачев бундай деб таъкидлади: «Биз ишимиз жўшқинлигини ошириб, асосий иқтисодий вазифалар узвий бирликда ҳал этилишига эришишимиз лозим. Иккинчи йилнинг плани айни худди шундай тузилган — унда тараққиёт суръатларини жадаллаштириш, ишлаб чиқариш ва технологияни тубдан янгилаш, халқ учун тобора юксак техникавий даражадаги ва сифатли sanoat буюмлари ҳамда товарларини ишлаб чиқаришни таъминлаш кўзда тутилган. Беш йиллик иккинчи йили планининг асосий таркибий элементлари, философияси ана шундай».

Социалистик ҳўжалик юритишнинг прогрессив методларини кенг қўллаш — уни ажратиб турувчи белгидир. Бутун индустрия, агросаноат комплекси, транспорт, алоқа, маиший хизмат янги шароитда ишлай бошладилар. Қурилишда ва ташки иқтисодий фаолият соҳасида ҳўжалик механизми қайта қурилмоқда. Иттифокка бўйсунувчи бешта sanoat министрлиги, бошқа министрликларнинг бир қатор йирик бирлашмалари ва корхоналари, шунингдек СССР Денгиз флоти министрлиги ва савдо тўла ҳўжалик ҳисобига, ўзини-ўзини маблағ билан таъминлашга ва ўз харажатларини коплашга ўтказилди. Бу билан бирлашмалар ва корхоналарнинг ҳўжалик борасидаги мустақиллигини ва масъулиятини кенгайтиришга, меҳнат коллективларининг ташаббусини ривожлантиришга қаратилган йўл мустаҳкамланмоқда. Шунга мувофиқ равишда давлат пул жамғармаларини ҳосил қилишда ҳам, бирлашмалар ва корхоналарнинг молиявий базасини мустаҳкамлашда ҳам фойданинг роли ошиб бормоқда. Фойданинг 40 процентдан кўпроғи ишлаб чиқаришни ривожлантириш ва социал эҳтиёжлар учун меҳнат коллективлари ихтиёрида қолдириладики, бу миқдор бутун халқ ҳўжалиги бўйича беш йилликнинг иккинчи йилида 200 миллиард сўмга етади.

Ўзук муддатли барқарор иқтисодий нормативлар 1987 йилги планга асос қилиб олинганлиги унинг характерли хусусияти бўлиб, бу нормативлар марказлаштирилган планли раҳбарликнинг ҳамда социал-иқтисодий сиёсатни рўёбга чиқаришнинг энг муҳим воситаларидан бири бўлиб қолмоқда. Ушбу нормативлар олдига қўйилган вазифа бирлашмалар ва корхоналарни ривожлантиришга ҳамда моддий рағбатлантиришга мўлжалланган маблағларни уларнинг ҳўжалик фаолияти пировард натижалари билан маҳкам боғлашдир. Ўз навбатида илгари директив тарзда планда тасдиқлаб берилган кўрсаткичлар сони кескин тарзда қисқартирилди — улар планлаштириш учун министрликлар ва идораларга, иттифокдош республикаларга ёки бевосита бирлашмалар ва корхоналарнинг ўзига бериб қўйилди.

Ишга бир қанча эскича ёндашишларни бартараф этиш беш йиллик иккинчи йили планининг муҳим хусусияти бўлиб, бундай ёндашишлар, маълумки, ижтимоий ишлаб чиқаришнинг ривожланишига салбий таъсир кўрсатарди, унинг самарадорлигини оширишга тўғанок бўларди. Аввало корхоналар фаолиятини планлаштиришга ва баҳолашга «ялпи махсулот» нуқтаи назаридан ёндашишни бартараф этишда муҳим одим ташланди. 1987 йилдан бошлаб sanoatда, сўнгра эса капитал қурилиш ва бошқа тармоқларда махсулотни истеъмолчилар буюртмаларига тўла мувофиқ тарзда етказиб бериш бўйича топшириқларнинг бажарилиши асосий кўрсаткичлар бўлиб қолмоқда.

Планда «харажатларга қараб» ёндашиш деб аталувчи нарсани бартараф этишга ҳам катта эътибор берилган. Ана шу максатда фойдани давлат ва корхоналар ўртасида тақсимлашнинг норматив методига ўтиш амалга оширилмоқда, у меҳнат коллективини социал ва ишлаб чиқариш жиҳатдан ривожлантиришнинг ҳал қилувчи манбаига айланмоқда.

Планлаштиришга «эришилганига қараб» ёндашиш ҳам бартараф этилмоқда. 1987 йилги план кўрсаткичлари 1986 йилги планининг бажарилиши асосида эмас, балки беш йиллик топшириқларига таянган ҳолда белгиланган. Улар

экономикани беш йиллик планда кўзда тутилган ўсишнинг ўртача суръатларига олиб чиқади. Янгича ёндашиш планнинг стабиллигини, шунингдек узок муддатли иктисодий нормативларни қўлланишдан максимал самара олишни таъминлайди. Шу билан бир каторда меҳнат коллективлари барча резервларни аниқлаш ва ишга солиш, кейинги йиллар учун базани кўпайтириб қўйишдан ҳадиксирамасдан планнинг фақат бажарилишинигина эмас, балки ошириб бажарилишини ҳам таъминлаш имконига эга бўладилар.

1987 йилги планнинг муҳим хусусияти шундаки, у интенсив омиллардан янада тўлароқ фойдаланишга асосланади. Шу боисдан ўсиш суръатлари беш йилликнинг биринчи йилига планлаштирилганига қараганда юқорироқ бўлади. Ишлаб чиқарилган миллий даромад 1986 йилги 3,9 процент ўрнига 4,1 процент, саноат маҳсулоти тегишли равишда 4,3 процент ўрнига 4,4 процент кўпаяди. Ижтимоий меҳнат унумдорлиги 4 процент ортади. Миллий даромаднинг, моддий соҳадаги маҳсулот ва ишларнинг бутун ўсимига меҳнат унумдорлигини ошириш ҳисобига эришиш кўзда тутилган.

Планда фан-техника тараққиётининг асосий концепциялари акс эттирилган ва ривожлантирилганки, уларни рўёбга чиқариш халқ хўжалиги тармоқларининг фан ва технологиянинг юксак марраларига чиқиб олишига кўмаклашади. Илмий тадқиқотлар ўтказишга 30,8 миллиард сўм — 1986 йилдагига нисбатан 6,3 процент кўпроқ маблағ ажратилган.

Машинасозлик комплекси янада ривож топади. Унинг маҳсулоти ҳажми 7,3 процент ўсади. Станоксозлик, приборсозлик, ҳисоблаш техникаси ишлаб чиқариш, электротехника ва электрон саноат каби тармоқларда маҳсулотнинг ўсиш суръатлари бутун машинасозликдагига нисбатан 1,4 барабар ортик бўлади.

Ёқилғи-энергетика комплексини ривожлантириш юзасидан юксак топшириқлар кўзда тутилган. Электроэнергия ҳосил қилиш 60 миллиард киловатт-соат, нефть, шу жумладан газ конденсати казиб чиқариш 617 миллион тонна, газ чиқариш 712 миллиард кубометр (1986 йилдагига нисбатан 40 миллиард кубометр кўпроқ), кўмир казиб чиқариш 743,6 миллион тонна (10 миллион тонна кўпроқ) ортади.

Агросаноат комплексини ривожлантириш планида кўзда тутилган тадбирлар совет кишиларини озиқ-овқат маҳсулотлари билан таъминлашни яхшилайдди. Дон проблемасига катта эътибор берилган. Картошка, сабзавот, ҳўл мева етиштириш юксак суръатлар билан боради. Гўштни (сўйилган вазнда) 18 миллион тонна, сутни 101,5 миллион тонна етиштириш белгиланган. Қишлоқ хўжалик ишлаб чиқаришини ва у билан боғлиқ тармоқларни ривожлантиришга 166 миллиард сўм ёки халқ хўжалигига сафланадиган жами маблағларнинг учдан бир қисмидан кўпроғи сарфланади.

КПСС МҚ ва СССР Министрлар Совети курилиш комплексини бошқаришни ва курилишда хўжалик механизмини такомиллаштириш тўғрисида қабул қилган қарорга мувофиқ мазкур тармокни ривожлантириш плани ишлаб чиқилди. Асосий эътибор кўпроқ асосий ишлаб чиқариш фондларини кенгайтиришдан уларни янгилашга қаратилади. Ишлаб турган корхоналарни техника билан қайта қуроллантириш ва реконструкция қилиш учун бутун ишлаб чиқаришга мўлжалланган капитал маблағларнинг 45 проценти ажратилади. 1987 йилдан бошлаб курилиш ташкилотларини тўла хўжалик ҳисобига ва ўзини-ўзи маблағ билан таъминлашга ўтказиш амалга оширилади.

Беш йиллик иккинчи йили планининг муҳим фазилати шундаки, унда социал тадбирлар комплексини амалга ошириш кўзда тутилган. Бу тадбирлар эса совет кишилари ҳаётининг ҳамма жихатларини ўз ичига олади. Маблағ билан таъминлашнинг ҳамма манбаларидан ана шунга қилинадиган харажатлар 380 миллиард сўм миқдорда белгиланганки, бу 1986 йилдагига қараганда 20 миллиард сўм кўпроқдир. Ишчи ва хизматчиларнинг айрим категориялари меҳнатига ҳақ тўлашни такомиллаштириш ва иш ҳақини ошириш кўзда тутилган. Юқори сифатли халқ истеъмоли молларига бўлган талаб янада тўлароқ қондирилади, хизматлар кўрсатиш доираси кенгайтирилади. Умумий майдони 126,2 миллион квадрат метр уй-жойлар куриш белги-

ланганки, бу ўн биринчи беш йилликда йилига ўрта ҳисобда фойдаланишга топширилиб турган уй-жой майдонига қараганда 15,8 миллион квадрат метр кўпроқдир. Бутун социал-маданий соҳанинг моддий базаси янада ривож топади.

Планда ҳар бир иттифокдош республиканинг мамлакат ягона халқ хўжалик комплексига, совет жамияти социал-иқтисодий тараққиётини жадаллаштиришга кўшадиган ҳиссасини кўпайтириш мўлжалланган. Ўн биринчи чакирик Ўзбекистон ССР Олий Советининг 1986 йил 5—6 декабрда бўлиб ўтган тўртинчи сессияси тасдиқлаган 1987 йилда Ўзбекистон ССРни иқтисодий ва социал ривожлантириш Давлат плани ана шу позициялардан туриб ишлаб чиқилган. У республикаимиз халқ хўжалигини сифат жиҳатдан янги даражага кўтаришга қаратилган.

Қайта қуриш Ўзбекистонда ҳам ўз натижаларини бермоқда. Ўтган йили саноат ишлаб чиқариши суръатлари ўсди, кўмир, газ, нефть казиб чиқариш, электр энергия ҳосил қилиш, машинасозлик, химия индустрияси, бинокорлик материаллари саноати ва бошқа бир қатор тармоқлар маҳсулотининг кўп турларини ишлаб чиқариш бўйича план топшириқлари ошириб бажарилди. Кишлоқ меҳнатчилари 1985 йилдагига нисбатан кўпроқ сабзавот, картошка ва узум етиштирдилар. Чорвачилик маҳсулдорлигининг ўсиши тенденцияси кўзга ташланмоқда, сут ва тухум етиштириш ортмоқда. Уй-жой, мактабларни ва социал соҳанинг бошқа объектларини ишга тушириш кўпайди.

Кўпгина саноат корхоналари коллективлари зиммаларига олган мажбуриятларини муваффақият билан адо этмоқдалар. Фарғона, Тошкент, Сурхондарё ва Наманган областлари, 50 дан зиёд районларнинг деҳқонлари пахта етиштириш ва харид қилиш планларини бажардилар.

Бирок, шунга қарамай, республиканинг социал-иқтисодий ривожланишида тегишли бурилиш, чинакам жадаллаштириш ҳали содир бўлганича йўқ. Ҳали бир қанча нохуш тенденцияларни бартараф этишга муваффақ бўлингани йўқ. Экономика ички резервларини ишга солишнинг асосий воситаси бўлмиш қайта қуриш бераётган имкониятлардан суств фойдаланилапти. Фан-техника тараққиётини жадаллаштиришда, маҳсулот сифатини яхшилашда, шартнома интизомига риоя қилишда жиддий ўзгаришлар бўлмади.

Республикада барпо этилган ишлаб чиқариш потенциалидан яхши фойдаланилаётгани йўқ. Саноат корхоналарининг 10 процентдан кўпроғи маҳсулот реализация қилиш топшириқларини уудалай олмаётирлар. Ҳар уч корхонадан бири турдош корхоналар ва истеъмолчиларга буюмларни талаб қилинадиган номенклатура ва ассортиментдагига қараганда анча-мунча кам миқдорда бермоқдалар, Енгил саноат министрлиги системасида эса корхоналарнинг ярмидан кўпи шартнома интизомининг бузмоқда. Умуман олганда маҳсулотнинг 225 та энг муҳим турларидан деярли учдан бир қисмини ишлаб чиқариш бўйича план бажарилмаётир.

1985 йилга нисбатан пахта тайёрлаш 400 минг тонна камайди, дон, мева, полиз маҳсулотлари камроқ харид қилинди. Қашқадарё, Бухоро, Навоий, Самарқанд, Жиззах ва бошқа бир неча областлар кишлоқ хўжалигида йил қониқарсиз якунланди.

Капитал қурилишда, транспортда ишларни тубдан яхшилашнинг катта-катта резервларидан фойдаланилмаётир. Савдо, маиший хизмат, алоқа тармоқлари, халқ хўжалигининг бошқа тармоқлари корхоналари фаолиятидаги катта-катта камчиликларга барҳам берилмаган.

Беш йиллик иккинчи йилининг плани ишлаб чиқаришни интенсивлашнинг энг муҳим участкаларидаги катъий ўзгаришларни таъминлаш, Ўзбекистон аҳолисининг фаровонлигини янада ошириш юзасидан конкрет ишлар программасини ўз ичига олган. Бунда қайта қуришга тўғанок солаётган ҳақиқий сабаблар ва жараёнларнинг аниқланиши ва бартараф этилишига жуда катта эътибор берилиши лозим.

Ҳаммаси бўлиб 2 мингдан зиёд саноат корхоналари, шунингдек, носаноат министрликларининг ишлаб чиқариш бўлинмалари 1987 йил январидан бошлаб хўжалик юртишининг янги шароитига ўтказилади. СССР Нефть саноати, нефть-химия саноати, приборсозлик, автомобиль саноати министрликларининг

республикада жойлашган бир қатор корхоналари, илмий-ишлаб чиқариш бирлашмаларининг тадқиқот ва конструкторлик бўлинмалари тўла-тўқис хўжалик ҳисоби ва ўз-ўзини маблағ билан таъминлашга ўтади.

Ишлаб чиқариш самарадорлигини ошириш аввало бунёд этилган ишлаб чиқариш потенциалининг унумини ошириш ва интенсив омиллар ролини кучайтириш ҳисобига амалга оширилади. Шу боисдан ялпи ижтимоий маҳсулотга нисбатан миллий даромад илдамрок ўсиб боради: миллий даромадни бир йил ичида 6,2 процент кўпайтириб, 23,3 миллиард сўмга етказиш планлаштирилмоқда, ялпи ижтимоий маҳсулот эса 5,1 процент ўсиб, 52 миллиард сўмни ташкил этади. Ана шу маррага эришиш учун меҳнат унумдорлигини янада ўстириш зарур: у саноатда 3,5 процент, қурилишда — 2,4 процент, қишлоқ хўжалигида 3,2 процент ошади. Фонд унумининг пасайиши суръатларини икки баравардан зиёд қамайтириш мўлжалланганки, бу план асосан интенсивлашга қаратилганлигидан далолат беради.

Ишлаб чиқаришни комплекс механизациялаш ва автоматлаштириш, робот техникасини, автоматлаштирилган бошқарув системаларини қўлланиш янада ривож топади. Ана шу негизда маҳсулот сифатини ошириш кўзда тутилмоқда — аттестациядан ўтказилиши лозим бўлган Сифат белгиси қўйилган буюмлар умумий ҳажмида унинг улуши ортади ва 32,9 процентни ташкил этади.

Саноат маҳсулоти чиқаришни 4,9 процент кўпайтириш мўлжалланган. Планнинг социал йўналишини кучайтиришдан шу нарсга далолат бериб турибдики, ишлаб чиқариш воситалари ишлаб чиқариш («А» группаси) 4,2 процент, истеъмол предметлари ишлаб чиқариш («Б» группаси) 7,2 процент ортади. Саноат ишлаб чиқариши структурасида бутун халқ хўжалигининг техника даражасини белгилаб берувчи база тармоқларининг, шунингдек одамларнинг иш билан банд бўлишини кўпроқ таъминловчи сермеҳнат тармоқлар улуши ортади.

Индустрия базасини сифат жиҳатдан тубдан ўзгартиш экономикани жадал юксалтириш негизидир. Бунда ҳам машинасозлик хал қилувчи роль ўйнайди. Ушбу тармоқ бутун саноатга нисбатан деярли икки баравар тезроқ ривожланади — унинг ўсиш суръатлари 9,1 процент бўлади. Панда техниканинг янги авлодини, яъни кўпроқ унумли, пишиқроқ, энергияни кўпроқ тежовчи ва камроқ материал талаб қилувчи ишлаб чиқаришни кенгайтиришга алоҳида эътибор берилган. Электротехника саноати, приборсозлик ва автоматлаштириш воситалари маҳсулотини ишлаб чиқариш кўпаяди, қишлоқ хўжалик машинасозлиги янада ривожланади.

Экономика миқёсларини кенгайтириш ёқилғи-энергетика комплекси тармоқларини самарали тарзда ривожлантиришни талаб этади. Электроэнергия ҳосил қилиш 54,6 миллиард киловатт-соатни ташкил этади, кўмир қазиб чиқариш 9,2 процент кўпаяди.

Саноатнинг бошқа тармоқлари ҳам янги марраларга чиқиб олади. Қора металлургия маҳсулоти чиқариш 12,3 процент, химия ва нефть химияси саноати маҳсулоти — 9,3 (шу жумладан минерал ўғитлар — 14,1), бинокорлик материаллари чиқариш — 4,2 процент ортади.

Агросаноат комплексини ривожлантиришда ҳам юксак суръатлар кўзда тутилган. Қишлоқ хўжалиги ялпи маҳсулоти 7,2 процент кўпаяди, айни чоқда озиқ-овқат тармоқлари маҳсулоти 11,7 процент ортади. Пахта етиштиришнинг белгилаб қўйилган ҳажмига мувофиқ харид қилинган тола 1 миллион 730 минг тоннани ташкил этади. Дон тайёрлаш ҳажми 1986 йилги план даражасида қолади, картошка, сабзавот, полиз маҳсулотлари, хўл мевалар, узум харид қилиш кўпаяди. Чорвачилик маҳсулоти тайёрлашни анча ўстириш кўзда тутилган. Агросаноат комплексининг қайта ишловчи тармоқлари янада жадалроқ ривожланади. Бу тармоққа 2 миллиард 835 миллион сўм ёки капитал маблағлар умумий ҳажмининг 44,4 проценти миқдорида давлат капитал маблағлари сарфланади.

Капитал қурилишда асосий эътибор капитал маблағлар самарадорлигини оширишга, маблағлар ва ресурсларни энг муҳим ва ишга тушириладиган қурилишларга кўпроқ жамлашга, уларнинг норматив муддатларда ишга

туширилишини таъминлашга қаратилади. Планада капитал маблағларни биринчи навбатда ишлаб турган корхоналарни техника билан қайта куллантиришга ва реконструкция қилишга сарфлаш кўзда тутилган.

Халқ ҳўжалиги барча тармоқларида ишлаб чиқаришнинг ўсиш суръатларини жадаллаштириш республика аҳолисининг турмуш шароитларини янада яхшилаш, социал соҳани ривожлантириш имконини беради. Ўртача иш ҳақи 169,1 сўмга етади. Ижтимоий истеъмол фондларидан тўловлар ва имтиёзлар 5,2 процент ортади ва 7,1 миллиард сўмни ташкил этади.

Халқ истеъмоли моллари ишлаб чиқаришни жадал ривожлантириш ҳал қилувчи вазифалигича қолмоқда. Бундай моллардан 10 миллиард сўмликдан кўпроқ чиқарилади, шу жумладан қарийб 3 миллиард сўмлигини Енгил саноат министрлиги корхоналари чиқарадики, уларда товар ишлаб чиқаришнинг кўпайтирилиши билан бир қаторда уларнинг ассортименти ҳам янгиланиб ва кенгайрилиб боради. Маҳаллий саноат буюмларининг 400 дан зиёд янги ва яхшиланган турларини чиқаришни ўзлаштиради.

Планада уй-жой қурилишига катта эътибор берилган. Маблағ билан таъминлашнинг барча манбалари ҳисобидан салкам 7 миллион квадрат метр уй-жой фойдаланишга топширилади. 1987 йилда деярли етти юз минг киши ўз уй-жой шароитларини яхшилаб олади.

Беш йиллик иккинчи йили плани топшириқлари тўғрисида, лекин бемалол амалга оширилса бўладиган топшириқлардир. Уларни бажариш интенсивлаштириш тенденциясини мустаҳкамлаш, ишлаб чиқариш самарадорлигини ошириш учун алоҳида аҳамиятга эга бўлади. Қайта қуриш муқаррар жараёнларининг реал натижалари айни шу янги йилда жуда яққол намоён бўлиши лозим. Шу боисдан йилнинг бошланишиданоқ планини аниқ-пухта бажариш зарур.

Бу йил эса — давлатимиз тарихида алоҳида йилдир. СССР халқлари ва бошқа социализм мамлакатлари халқлари, бутун тараққийпарвар инсоният Улуғ Октябрь кунини, дунёдаги биринчи Советлар мамлакатининг туғилган кунини 70-дафъа тантанали тарзда байрам қиладилар. Бутун мамлакатда бу муҳим сана шарафига юксак социалистик мажбуриятлар олган коллективлар сони кўпайиб бормоқда.

Бизнинг республикамызда «СССР 50 йиллиги номли Тошкент трактор заводи» ишлаб чиқариш бирлашмаси, Қўқондаги Охунбобоев номли тикув фабрикаси, Ўрта Осиё темир йўлининг Фарғона бўлими, Косонсой район ишлаб чиқариш бирлашмасининг комсомол-ёшлар бригадаси, «Ўзбекгидроэнергострой» трести курувчилари, монтажчилари, эксплуатациячилари, Узагропромстрой 2-трестининг 108-кўчма механизациялашган колоннаси, Фарғона области Олтиариқ райони қишлоқ ҳўжалик меҳнаткашлари коллективлари янги йил арафасида Улуғ Октябрнинг 70 йиллигини муносиб кутиб олиш ташаббуси билан чиқдилар. Улар қувватлардан янада тўлароқ фойдаланиш, меҳнат унумдорлигини ўстириш, ишлаб чиқариш ва технология интизомига риоя қилиш, янги техникани, илғор технологияни, меҳнатни ташкил этиш ва рағбатлантиришнинг прогрессив формаларини яратиш ва жорий этиш, социал ривожланишни жадаллаштириш йўли билан юқори сифатли маҳсулот чиқариш, хом ашё, материаллар, электроэнергияни пландан ташқари тежаш орқали беш йилликнинг икки йили топшириқларини муддатидан илгари бажаришга аҳд қилдилар.

Ўзбекистон КП Марказий Комитети бу ватанпарварлик ташаббусини маъқуллади. Ҳозирдаёқ кўп коллективлар Улуғ Октябрнинг 70 йиллиги шарафига юксак мажбуриятлар олиб, бу ташаббусни қўллаб-қувватладилар. Партия комитетлари, ҳўжалик раҳбарларининг вазифаси — ҳар бир меҳнаткашга умумий сафда ўз ўрнини белгилаб олишига кўмаклашишдир.

Новаторларча ёндашиш қарор топаётган, техника тараққиётига, фан ютуқлари, илғор тажрибадан фойдаланишга таянилаётган жойда планлар ва мажбуриятлар муваффақиятлироқ бажарилади. Зеро илмий ечимларни қатъий тарзда жадаллаштириш, тадқиқотлар натижаларини ишлаб чиқаришга тез ва кенг қўламда жорий этишгина энг илғор позицияларни эгаллашни таъминлайди.

Республикамизда ана шу йўналишда иш олиб борилмоқда. Аммо бир қатор министрликлар, идоралар, ишлаб чиқариш бирлашмалари ва корхоналарнинг фан-техника тараққиёти ютуқларини жорий этиш фаолиятида ҳозирча сифат ўзгаришлари бўлганича йўқ. Фан ва техникани ривожлантириш давлат плани мунтазам равишда бажарилмай келмоқда.

Социал-иқтисодий ривожланишни жадаллаштиришда фан-техника тараққиёти ролининг ўсиб бориши барча даражалардаги хўжалик раҳбарларидан янги техника бўйича план бажарилишига эътиборни кескин кучайтиришларини талаб этади. Бу ҳозирги кунда улар фаолиятига баҳо беришнинг асосий мезонларидан бири бўлиб қолмоқда.

Ўзбекистон ССР Фанлар академиясининг кўп институтлари, шунингдек тармоқ фани республика халқ хўжалигини ривожлантиришнинг тармоқ ва комплекс программаларини амалга оширишда сушт қатнашмоқдалар. Кўпинча тугалланган тадқиқотлар қўйиладиган талабларга жавоб бермайди, илмий ва амалий қиммати бўлмайди. Ўзбекистон ССР Олий ва ўрта махсус таълим министрлиги системасидаги олий ўқув юртларининг илмий потенциалидан эконоимкани ривожлантириш манфаатлари йўлида мутлақо қониқарсиз фойдаланилмоқдаки, бу ерда олимлар ва ўқитувчиларнинг деярли 20 проценти тадқиқотларда умуман қатнашмайдилар, студентлар диплом лойиҳаларининг 0,5 процентдан камроғи жорий қилишга тавсия этилади. Фан-техника тараққиёти учун курашнинг олдинги сафларида бораётган илмий ходимларнинг бурчи — улардан юксак самарали янги ечимларни қутаётган ишлаб чиқариш томон кескин тарзда бурилишдир.

Ҳозирги кунда сифат проблемаси социал-иқтисодий ривожланишни жадаллаштиришда олдинги ўринга қўйилмоқда. Жаҳондаги энг яхши ютуқлар сари йўл олинди. Бунинг маъноси шуки, мамлакатимизда чиқариладиган буюмлар илмий тафаккурнинг энг янги ютуқларини ўзида гавдалантириши, юксак техникавий-иқтисодий, эстетик ва бошқа истеъмол талабларига мос бўлиши лозим. Айнан сифат эконоимкани ривожлантиришни жадаллаштиришнинг энг кучли ҳаракатлантирувчиларидан бири, меҳнат коллективларининг хўжалик ҳисобига асосланган ўзаро муносабатларида ишлатиладиган воситаларидан бири бўлиб қолмоқда. Ҳаётнинг ўзи сифат масалаларини қайта қуриш марказига қўйди.

Сифатнинг пастлиги, ишнинг ёмонлиги, виждонан қилинмаслиги меҳнатни, ресурсларни, бутун халқ бойлигини исроф қилишнинг энг хавfli турларидан биридир. Ўзбекистонда ҳар уч корхонадан бири юқори категорияли сифатга эга бўлган буюмлар чиқариш планини тўлиқ бажармайди — 1986 йилда улардан 60 миллион сўмлик кам берилди. Ўзбекистон ССР Енгил саноат министрлигига қарашли корхоналарнинг ўзида ўтган йили брақдан кўрилган зарар 10 миллион сўмдан ошиб кетди.

Партия «сифат» тушунчасига кенг маъно бермоқда. Бу фақат маҳсулотнинг юксак техникавий даражаси ва пишиқлигигина эмас, балки, аввало иш услуги, иш билан сўзнинг мустаҳкам бирлиги, тор маҳкамачилик ва ўткинчи манфаатлардан ўзини юқори кўя билиш ҳамдир.

КПСС МК ва СССР Министрлар Советининг «Маҳсулот сифатини тубдан ошириш тадбирлари тўғрисида»ги қарори ишлаб чиқариш ҳар бир иштирокчисининг кенг ҳаракат программасидир. Унда иқтисодий, техникавий, социал ва ҳуқуқий тадбирлар комплекси белгиланганки, уларни амалга ошириш совет буюмларининг конкуренци қилиш қобилиятини кескин оширади. Ишчидан тортиб министрғача — ҳамманинг пировард маҳсулот даражаси учун масъулияти кучайтирилди.

Маҳсулотни давлат йўли билан қабул қилиб олиш бўлимлари барпо этилганлиги сифатни оширишга қаратилган энг қатъий тадбирдир. Бу бўлимлар мамлакатнинг 1 минг 700 та етакчи корхоналарида 1987 йил 1 январидан эътиборан ишлай бошлайдиларки, бу корхоналар фан-техника тараққиётини жадаллаштириш, меҳнаткашларни хилма-хил товарлар билан таъминлаш учун ҳал қилувчи аҳамиятга эга бўлган саноат маҳсулотининг ярмини чиқарадилар. Ўзбекистонда маҳсулотни давлат қабул қилиб олиши усулига 33 корхона, шу

жумладан 21 та машинасозлик, 6 та химия ва нефть химияси, 2 та рангли металлургия, 2 та мебель саноати, 1 та енгил саноат, 1 та бинокорлик матери-аллари саноати корхоналари ўтмоқда. Улар 2,6 миллиард сўмликдан зиёд маҳсулот ёки жами чиқарилаётган маҳсулотнинг 15 процентини ишлаб чиқарадилар. Саноат министрликлари бирлашмалари ва корхоналарида маҳсулотни давлат йўли билан қабул қилиб олишни жорий этиш масалалари КПСС МКда 1986 йил 14 ноябрда бўлиб ўтган кенгашда муҳокама қилинди.

Давлат йўли билан қабул қилиб олиш бўлимлари техника контроли бўлимлари қиладиган ишни ўз зиммаларига олмасдан туриб бракка ишончли тўсик қўядилар. Стандартлардан ҳатто озгина бўлсада четга чиқадиган тайёр маҳсулот қайта ишлаш учун цехларга қайтарилади. Бирок, айтиш чокда бундай ҳар бир қайтариш брак сабабларини тезда бартараф этиш ниятида чуқур анализ қилиниши керак. Бинобарин, давлат қабули вакиллари бу борада завод мутахассислари билан биргаликда иштирок қилишлари керак.

Давлат йўли билан қабул қилиш жорий этилиши билан сифатга онд ҳамма проблемалар ҳал бўлади, деб ҳисоблаш нотўғри, албатта. Бу борада ҳам конструкторлик ва технология бўлинмалари, план-иктисодий ва таъминот хизматлари, ишлаб чиқаришни тайёрлаш хизматлари ишини, яъни ишлаб чиқариш жараёни барча иштирокчиларининг — ишчидан тортиб то директорга-ча ҳамманинг ишини қайта қуриш зарур. Ҳозир масала фақат сифат устидан контролни кучайтириш эмас, балки кўпроқ мавжуд ресурсларни чинакам ишнинг кўзини билиб тасарруф этишда, меҳнат ва технология интизомини мустаҳкамлашда, бракчиларга тоқат қилинмайдиган вазиятни яратишда эканлигини ҳар бир киши тушуниб олиши керак.

Маҳсулотни давлат йўли билан қабул қилиб оладиган шароитда корхоналардаги техникавий контрол бўлимларининг роли ва аҳамияти пасаймайди, балки, аксинча, янада ортади. Бу бўлинмалар аслида сифатсиз маҳсулот чиқариш йўлида ўтиб бўлмас тўсикқа айланиши лозим. КПСС МК ва СССР Министрлар Советининг тегишли қарорида вазифа ана шу тарзда қўйилган. Техника контроли бўлимлари билан давлат йўли билан қабул қилиб олиш хизматларининг пухта баҳамжихат ишлашларига эришмоқ зарур.

КПСС МКда бўлиб ўтган кенгашда таъкидланганидек, маҳаллий партия органлари маҳсулотни давлат йўли билан қабул қилиб олиш иши учун нормал вазият яратишда муҳим роль ўйнайдилар. Улар юксак давлат манфаатларини кўзда тутишлари, изчиллик ва принципиаллик кўрсатишлари, ўзининг бир лаҳзалик фойдасини кўзлаб, маҳаллий ватанпарварлик қилишга, ҳақиқий аҳволни бўяб кўрсатишга уриниб, давлат йўли билан қабул қилиш бўлимлари томонидан маҳсулот сифатига бериладиган объектив баҳога таъсир кўрсатишга интиладиган кишилардан қатъий талаб қилишлари лозим. Бошланғич партия, касаба союз, комсомол ташкилотлари маҳсулот сифатини яхшилашда меҳнат коллективларининг родини кучайтириш учун фаол ва аниқ мақсадни кўзлаб иш олиб боришлари лозим.

Тежамкорлик режими жадаллаштириш стратегиясининг энг муҳим таркибий қисмларидан биридир. Хўжасизлик, исрофгарчилик, хилма-хил зарар ва талофотлар ҳамон катта зиён келтирмоқда. Чунончи, 1986 йилнинг 11 ойи мобайнида бутун Ўзбекистон халқ хўжалиги бўйича унумсиз харажатлар 210 миллион сўмдан ошиб кетди, салкам 130 миллион сўм ҳар хил жарималар, пеня ва ҳоказолар тўланди.

Моддий-хом ашё ресурсларидан оқилона фойдаланиш зарур проблемадир. Беш йиллик иккинчи йилининг планида шундай ташкилий-техникавий тадбирлар кўзда тутилганки, уларни амалга ошириш ресурсларни тежовчи технологияни ўзлаштириш, Ўзбекистон саноатида моддий харажатларни 1,4 процент ва қурилишда 1,1 процент камайтириш имконини беради.

Ҳар бир ишда ва ҳамма ерда тежаш, хўжасизлик ва исрофгарчиликка бепарво бўлмаслик керак — партия масалани ана шу тарзда қўйди. Министрликлар, идораларда, ҳар бир бирлашма ва корхонада ўқитиш ва контролни яхшилаш, тежамкорлик режимини кучайтириш, нобудгарчиликларга, соца-

листик мулкнинг ўғирланишига қарши курашни кенг қўламда авж олдириш зарур.

Корхоналар ва ташкилотларни 2—3 сменали иш режимига ўтказиш — жадаллаштириш стратегиясини рўёбга чиқаришга бевосита қаратилган жуда муҳим ҳўжалик-сиёсий вазифадир. У бунёд этилган потенциалдан ғоят самарали фойдаланиш, янги қурилишда маблағларни тежаш, бу маблағларни корхоналарни реконструкция қилишга ва меҳнат коллективларини социал жиҳатдан ривожлантиришга сарфлаш имконини беради. Ваҳоланки, Ўзбекистонда, масалан, машинасозлик ва металлга ишлов бериш корхоналарида сменалилик коэффициенти 1,2 дан ошмайди, Бинокорлик материаллари саноати министрилиги системасида — 1,35, Маҳаллий саноат министрилиги системасида — 1,3 дир.

Бирлашмалар ва корхоналарни кўп сменали иш режимига ўтказишдан аввал пухта тайёргарлик ишлари олиб борилиши керак. Тажириба кўрсатиб турганидек, бунда, жумладан, шаҳар транспорти, савдо, медицина ва мактабга-ча тарбия муассасалари, ўқув юртлари ишини жиддий тарзда қайта қуриш билан, иккинчи ва тунги сменада ишловчиларга зарур шароит яратиш билан боғлиқ бўлган анча-мунча проблемалар пайдо бўлади. Бунда ҳал қилувчи сўзни маҳаллий Советлар, партия ва касаба союз ташкилотлари айтиши лозим.

Сменалиликни кўпайтириш экономикани интенсивлаш изига ўтказишга кўмаклашади. Бу тадбир конкрет иқтисодий натижаларга — маҳсулот чиқаришни ўстиришга, меҳнат унумдорлигини оширишга, машина-ускуналарни иш билан тўла таъминлашга, ишлаб чиқариш майдонларидан яхшироқ фойдаланишга, янги ишлаб чиқаришлар барпо этишда капитал маблағлар сарфини камайитиришга олиб келиши керак.

Янги йилнинг биринчи куниданок иш вақтидан рационал фойдаланиш — социал-иқтисодий жадаллаштириш суръатларини ошириш демакдир. Ҳар бир иш минутини тежашга эътибор берилган жойда муқим муваффақиятларга эришилади, меҳнат унумдорлиги юқори бўлади, ресурслардан тўлароқ фойдаланилади.

Бирлашмалар ва корхоналарнинг партия ва касаба союз комитетлари, ҳўжалик раҳбарлари ҳа бўл-ҳа бўлчиликка ва бекор туриб қолишларга қарши, суриштирмай-нетмай иш вақтидан ташқари вақтда ишлашларга қарши қатъий кураш олиб боришлари зарур. Бир маромда меҳнат қилиш — кишиларга фақат қулай бўлибгина қолмай, балки ҳар бир иш минутининг юксак самара бериши гарови ҳамдир.

Ун иккинчи беш йиллик иккинчи йилининг одими жадаллашиб бормокда. Меҳнатчиларни янги вазифалар томон буриш, ана шу вазифаларни ҳал этишга ҳар бир меҳнат коллективининг ғайрати ва ижодий потенциалини сафарбар этиш, кишиларга қайта қуришнинг революцион характерини англашда, жадаллаштириш сари бундан бошқа йўл йўқ ва бўлиши мумкин эмаслигини тушуниб олишда ёрдамлашиш — ҳозирги кунда партия идеология ишининг биринчи навбатдаги мақсадидир. Бу ҳол Ўзбекистон Компартияси МК (1986 йил октябрь) III пленумида жуда қаттиқ таъкидланди.

Ҳар бир кишининг ҳозирги моментнинг ўзига ҳослигини тушуниб олишига эришиш, тарихимизнинг ҳозирги масъулиятли босқичида қандай ишларни қай тарика қилиш кераклигини тушунтириш, ҳар бир меҳнатчида ишлаб чиқаришнинг, бутун мамлакатнинг ҳўжайини туйғусини шакллантириш зарурдир. Ўзгаришларга нисбатан соғлом қайфиятда бўлиш, уларни қабул қилишга ва амалга ошишга фаол кўмаклашишга шайлик норма бўлиб қолиши лозим.

Ҳар бир коммунистнинг, ҳамма меҳнатчиларнинг фидокорона ижодий меҳнати, турғунлик ва формализмга нисбатан мурасасизлиги, ғайрат-шижоати ва активлиги беш йиллик иккинчи йили планининг бажарилишини, мамлакат иқтисодий қудратининг ва халқ фаровонлигининг янада ўсишини таъминлайди.

СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ

МЕҲНАТ РЕСУРСЛАРИНИ ҚАЙТА ТАҚСИМЛАШНИ ЯХШИЛАЙЛИК

Т. МИРЗАЕВ, Л. РАСКИН,
иқтисод фанлари кандидатлари

ИЖТИМОИЙ ИШЛАБ ЧИҚАРИШ микёсларининг тобора кенгайиб бориши, СССР экономикасининг территориал ва тармоқ структурасини такомиллаштириш шароитида халқ хўжалигини иш кучи билан таъминлаш масалалари жиддий эътибор беришни талаб қилади. Умуман мамлакатда меҳнатга лаёқатли ёшдаги аҳоли ўсишининг камайиши ва Ўрта Осиё ҳамда Закавказье республикаларида эса улар сероблигининг ошиб бориши муносабати билан меҳнат ресурсларини территориал қайта тақсимлашни ташкил этиш муҳим аҳамият касб этмоқда.

Машиналарга асосланган ишлаб чиқаришнинг сифат жиҳатдан янги, янада юксак техникавий даражага ўтиши бу ишлаб чиқаришнинг жамланиши ва ихтисослашувини ошириши, ишлаб чиқаришнинг янги, илғор тармоқлари ва турларини яратиш, технологик жараёнлар ва бошқарувни ташкил этишни такомиллаштириш билан қўшиб олиб борилмоқда. Бу муқаррар равишда ижтимоий ишлаб чиқаришда иш кучини қайта тақсимлаш заруратини келтириб чиқаради. Бундан ташқари, мамлакатнинг катор районларида, шу жумладан табиий ресурсларни ўзлаштириш муносабати билан халқ хўжалик тармоқларининг жўшқин ривожланиши ҳам кўпинча бу ерга қўшимча равишда иш кучини жалб қилишни талаб этади. СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида мавжуд ва янгидан бунёд қилинаётган иш ўринларини меҳнат ресурслари билан тармоқлар бўйича ва территориал тарзда баланслашга эришиш чора-тадбирларининг кўзда тутилганлиги бежиз эмас.

Ўзининг иқтисодий, социал ва маданий сиёсатини планли асосда, пропорционал ривожлантириш конунига мувофиқ ташкил этадиган социалистик давлат меҳнат ресурсларини айрим регионлардаги ишлаб чиқарувчи кучларни жойлаштиришга ва уларнинг ривожланиш даражасига мос келадиган қилиб бирмунча баравар тақсимлаш мақсадида аҳоли кўчишига ҳам муайян уюшқоқлик бахш этишга ҳаракат қилади.

Ҳар бир иттифоқдош республика меҳнат ресурсларини халқ хўжалигининг тармоқлари, меҳнатни ишга солиш соҳалари бўйича банд қилиш ва тақсимлаш характерида ўзига хос белгиларга эга. Меҳнат ресурслари территориал тақсимотининг нотекислиги, уларнинг юқори суръатлар билан ўсиши, географик ва иқлим хусусиятларига кўра аҳолининг жойлашиши ва унинг ишлаб чиқариш-меҳнатга оид малакаларининг тарихий қарор топган формаси Ўзбекистонга хос ана шундай белгилардир. Ҳозирги пайтда республика аҳолисининг 58,2 проценти қишлоқ жойларда яшовчилар бўлиб, улар сони тез кўпаймоқда. Мамлакатнинг бошқа кўпгина районларидан фарқли равишда бу ерда меҳнатга лаёқатли аҳоли ўсишининг юксак суръатлари сақланиб қолаверади.

Ўн биринчи беш йилликда Ўзбекистонда саноатнинг сермеҳнат тармоқларини илдам ривожлантириш кичик шаҳарларда ва қишлоқ жойларида йирик корхоналар филиалларини ташкил этиш йўли билан ишлаб чиқарувчи кучларни

жойлаштиришни такомиллаштириш юзасидан қатор чора-тадбирлар амалга оширилди. Кейинги ўн йилда ҳар йили ҳунар-техника билим юртлари тайёрлаётган малакали ишчилар сони 1,7 барабар ошди. Тураржой-коммунал қурилиши янада ривожланди, мактаблар, мактабгача тарбия муассасалари, маданий-маиший объектлар сони кўпайди. Лекин ижтимоий ишлаб чиқаришга жалб қилинганлар сони аҳоли ўсиш суръатларидан барибир орқада қолмоқда. Бинобарин, ўтган беш йилликда уй-рўзғорда ҳамда шахсий ёрдамчи хўжалигида банд бўлган кишилар ҳиссаси кўпайди. Ҳозирги пайтда ижтимоий ишлаб чиқариш соҳасида банд бўлмаганлар сони республикада бир миллиондан зиёд кишини ташкил этади. Мана шу сабабли, Ўзбекистон Компартиясининг ХХI съезди «биз энг яқин ва олис истикболга мўлжалланган планларимизни ишлаб чиқа туриб, республикамиз учун долзарб бўлган масалалардан бири — аҳолини кўпроқ иш билан таъминлаш ва меҳнат ресурсларидан оқилона фойдаланиш масаласини диққат марказида тутишимиз керак», деб таъкидлади.

Социал-иқтисодий ривожланишнинг юқори суръатларини таъминлаш ва ижтимоий ишлаб чиқариш самарадорлигини ошириш иш кучининг сифати ва миқдорий состави, структураси ва ундан оқилона фойдаланилиши билан ҳамма вақт боғлиқдир. Лекин бу масалага фақат иқтисодий нуқтаи назардан ёндашиш ярамайди. Жумладан, меҳнат ресурсларининг қайта тақсимотини ташкил этишда кишиларнинг маданий ва социал-маиший эҳтиёжларини сингизиб ўрганиш ҳамда ҳисобга олиш зарур.

Мамлакат турли регионларидаги аҳолининг кўзгалувчанлик даражаси асло бир хил эмас. Масалан, агар Сибирь, Узоқ Шарқ ва Чекка Шимолда бу кўрсаткич анча юқори бўлса, Ўрта Осиё республикаларида, жумладан Ўзбекистон ССРда у ҳозирча анча паст. Ўзбекистон аҳолисининг кўчиб юриш бобидаги активлиги пастлиги аввало туб аҳолининг она юртига ва қишлоқ хўжалик меҳнатига ўрганиб қолганлиги, қатор миллий ва маиший хусусиятлар билан изоҳланади. Шунинг учун меҳнат ресурслари муайян миқдорининг у ёки бу районга кўчирилишини таъминлаш учун одамларнинг иш ва яшаш жойини танлашига таъсир этиш омилини аниқлаш керак.

Бундай омиллар мажмуини учта гурппага: социал-иқтисодий, географик ва демографик омилларга ажратиш мумкин. Биринчи гурппага ишлаб чиқариш муносабатларининг характери, ишлаб чиқарувчи кучларнинг ривожланиш даражаси ва уларнинг жойлаштирилиши киради. Иккинчи гурппага — жойнинг иклими, рельефи, ер ости ресурслари, тупроғи ҳамда аҳоли, айниқса қишлоқ аҳолиси жойлашишида катта роль ўйнаб келаётган бошқа табиий хусусиятлар киради. Маълумки, Ўзбекистоннинг иш кучи ғоят сероб районлари табиий-иклим шароитларининг жуда қулайлиги билан характерланадики, бу ерлардаги қишлоқ аҳолисининг бошқа районларга кўчишини активлаштириш мушкулдир. Учинчи гурппага туғилиш ва нобуд бўлиш миқдори даражасидаги регионал тафовутлар киради, бундай тафовутлар аҳолини территория бўйлаб бевосита қайта кўчирмасдан туриб унинг жойлашишида ўзгаришлар келтириб чиқаради.

Тадқиқотнинг кўрсатишича, одамларни бошқа жойга кўчиш билан боғлиқ меҳнат шартномалари тузишга ундовчи сабаблар жуда ҳам турли-тумандир. Бировларни янги қурилишлардаги меҳнат романтикаси жалб қилса, бошқалар катта маош кетидан боришади. Кўплар ўзининг бошқа жойга кўчишини ишга жойлашишнинг у ёки бу масаласи билан боғлайдилар: ихтисоси бўйича меҳнат қилиш имконияти, қизиқарлироқ ишга жойлашиш, малакасини ошириш ва ҳоказо. Маданий-маиший ва тураржой шароитларини яхшилаш, шахсий турмушини йўлга қўйиш, оилавий келишмовчиликларни ҳал этиш каби сабаблар ҳам юқоридаги сингари кўчишга ундовчи сабаблар жумласига киради. Мамлакатимиз граждaнлари қаерда ишлаш ва яшаш афзаллигини ўзлари ҳал қиладилар, бир жойдан иккинчи жойга кўчиш жараёнларини бошқариш вазифаси ана шу танлаш эркинлигини чеклашдан эмас, балки бу проблемани ҳам ҳар бир конкрет шахс, ҳам умуман жамият манфаатларини кўзлаб ҳал этишга қўмаклашишдан иборат.

Қишлоқ хўжалик ишлаб чиқаришидан иш кучини бўшатиб олиш ва ундан республика халқ хўжалигининг бошқа тармоқларида оқилона фойдаланишдаги

кийинчиликлар қатор объектив сабаблар билан боғлиқдир. Шулардан бири — колхозчилар ва совхоз ишчиларида саноатда ҳамда қишлоқ хўжалигидан бошқа тармоқларда ишлаш учун зарур махсус малака ва билимларнинг йўқлигидир. Шунинг учун қишлоқ ёшларини индустриал касбларга ўргатиш Ўзбекистондаги аҳолиси зич областлар қишлоқ хўжалигидан меҳнат ресурсларини бўшатиб олиш жараёнини интенсивлаштиришнинг муҳим йўналишларидан биридир.

Янги территорияларни хўжалик жиҳатдан ўзлаштириш микёсларини ошириш мамлакат экономикасини ривожлантиришнинг ҳозирги босқичида ишлаб чиқарувчи кучларни жойлаштиришдаги жиддий силжишлар билан боғлиқ. Сибирь, Узоқ Шарқ, Чекка Шимолни ўзлаштириш тобора муҳим аҳамиятга эга бўлиб бормоқда, бу жойларда минерал хом ашё ва ёқилғи-энергетика ресурсларининг катта запаслари тўплангандир. Айни шу сабабли кўрсатиб ўтилган районларда жойлашган корхоналар ва ташкилотларни, шунингдек мамлакатнинг бошқа районларида фойдаланишга топширилаётган муҳим халқ хўжалик объектларини зарур кадрлар билан комплектлаш мақсадида уюштирилган ҳолда ишчиларни жалб қилиш ва ёшларга жамоатчилик даъвати самарадорлигини янада ошириш тадбирлари кўрилди.

Ишчиларни уюштирилган ҳолда ишга қабул қилиш ҳозирги пайтда меҳнат кучи етишмайдиган жойлардаги корхоналар ва ташкилотларни кадрлар билан таъминлаш, иш кучини тармоқлар ва территориялар ўртасида тақсимлашнинг асосий формаларидан биридир. У меҳнат ресурсларини ишга тушириладиган ва алоҳида муҳим халқ хўжалик қурилишларида ўз вақтида тўплашга хизмат қилади, баликчилик ва ўрмончилик саноатига кадрлар масаласини ҳал этишда катта ёрдам беради.

Иш кучини планли асосда территориал қайта тақсимлашнинг бошқа бир тури — аҳолини оилалари билан бирга кўчиришдир. Бундан мақсад асосан кўпинча хўжалик мақсадларида янгидан ўзлаштирилаётган, шунингдек суғориладиган ва заҳи қочирилаётган ерларда ташкил этилаётган колхозлар, совхозлар ва бошқа қишлоқ хўжалик корхоналарини кадрлар билан таъминлашдан иборат.

Мамлакатимизда меҳнат кучи сероб районлардан меҳнат ресурсларини бошқа жойларга планли асосда қайта тақсимлаш катъий ихтиёрий тарзда амалга оширилади. Бунда кўчувчиларга хўжалик-рўзгор эҳтиёжлари учун моддий ёрдам ва қўшимча имтиёзлар берилади.

Республикамиз қишлоқ хўжалигида оилаларни кўчириш ва ишчиларни уюштирилган тартибда ишга қабул қилишни Ўзбекистон ССР Меҳнат давлат комитети ва унинг жойлардаги органлари амалга оширади. 1985 йилда бу органлар ишчиларни республикаларо уюштирилган тартибда ишга қабул қилиш орқали 5,7 мингдан зиёд кишини ишга йўллади, бу кўрсаткич 1981 йилдагига қараганда деярли 40 процент кўпдир. Умуман ўн биринчи беш йилликда 25 мингга яқин ишчи республикадан ташқарига ишга юборилди, қишлоқ хўжалигида оилаларнинг республикаларо кўчиши эса қарийб 3 барабар кўпайди.

Шу билан бирга, умуман республика меҳнат ресурсларининг ғоят сероблиги билан ажралиб турса-да, Ўзбекистоннинг ўзидаги янги ўзлаштирилаётган районларда қишлоқ хўжалигининг ишчи кадрлари ва мутахассислари етишмайди. Вужудга келган аҳволни тўғрилаш мақсадида кейинги пайтда аҳолиси зич Фарғона водийси меҳнат ресурсларининг бир қисми Сирдарё, Жиззах ва Қашқадарё областларининг кўрик районларига кўчирилди. Бу ерларда факат 1985 йилда 4300 дан зиёд оила қабул қилиб жойлаштирилди. Ўн иккинчи беш йилликда областларо ва областлар ичидаги қишлоқ хўжалигида аҳолини кўчириш режасига кўра 25 мингга яқин оила Ўзбекистоннинг кўрик районларига юборилади. Бу қўшимча равишда 67 мингдан зиёд оммавий касб ишчиларини тайёрлашни талаб қилади. Кўчадиган оилаларни танлашда партия ва давлат органлари фаол иштирок этиши мазкур мушкул вазифани ҳал этишга хизмат қилади, бундай оилалар таркибда коммунистлар, комсомоллар, тажрибали механизаторлар, пахтакорлар, чорвадорлар бор.

Аҳолининг кўчишида шахсий сабаблар кучайиши ва уларнинг жамият манфаатларига мувофиқ келмаслик ҳоллари — аҳолини планли асосда қайта тақсимлашдаги айрим формаларнинг етарлича эпчил эмаслиги, ўзгарувчи шарт-шароитлар яхши ҳисобга олинмаслиги оқибатидир. Меҳнат ресурсларини уюштирилган тартибда қайта тақсимлашни такомиллаштириш ва унинг иқтисодий самарадорлигини оширишдаги бу ва бошқа проблемалар уларни ҳал этишга комплекс ёндашувни тақозо қилади.

Меҳнат ресурсларини уюштирилган тартибда қайта тақсимлаш микёсларининг ўсиб боришига уни кварталлар бўйича планлаштиришдан иборат амалдаги тартиб асосий тўсиқлардан бири бўлиб қоляпти. Корхоналари ва ташкилотлари РСФСР ва Қозоғистон территориясида жойлашган айрим министрликлар ишчиларни бевосита йўллаш кўзда тутилган объектлар учун заявкаларни Ўзбекистон ССР Меҳнат давлат комитетига анча кечикиб тақдим этадилар, аслида планлаштирилаётган йил, квартал бошланишидан 45 кун илгари шундай қилиниши керак.

РСФСР ва Қозоғистондаги корхоналар ва қурилишлар ишчиларининг меҳнат ва маиший шарт-шароитлари тўғрисидаги реквизи́тлар ва ахборот-справка материаллари ўз вақтида келмайди — улар кўпинча пландаги кварталнинг ярмида зўрға етиб келади. Қолган бир ярим ой ичида ахборот бериш ишларини ўтказиш ва ишчиларни белгиланган жойга етказиш юзасидан ташкилий масалаларни ҳал этиш жуда мушкулдир. Чунки, одатда, навбатдаги кварталда ишчиларни бошқа қурилишлар ва корхоналарга юбориш мўлжаллаб қўйилган бўлади. Натижада ишчиларни уюштирилган тартибда ишга йўллаш муддатлари 2 барабар қисқарадики, бундай аҳвол бутун йил бўлиб давом этади.

Шунингдек, қатор министрликлар ва идоралар планларида ишчиларни уюштирилган тартибда ишга йўллашнинг арзимас ҳажмда кўзда тутилиши, юборилган кадрларнинг кўп сонли объектлар бўйлаб сочилиб кетиши, улардан ёрдамчи, кам ҳақ тўланадиган ишларда фойдаланилиши зарур ишлаб чиқариш ва маиший шарт-шароитларнинг йўқлиги ҳам салбий омиллардандир. Буларнинг ҳаммаси ишчилар ўртасидаги қўнимсизликнинг юқорилигига сабаб бўлади ва ишчиларни уюштирилган тартибда ишга қабул қилиш тадбирининг самарадорлиги ва обрўсини пасайтириб юборади.

Фикримизча, министрликлар ва идоралар ишчиларни уюштирилган тартибда ишга қабул қилишни катта ҳажмларда планлаштиришлари ва уларни асосан муҳим давлат аҳамиятига эга йирик объектларга, шунингдек янгида ишга туширилаётган корхоналар ва қурилишларга йўллашлари иқтисодий жиҳатдан фойдалидирки, бундай корхоналар ва қурилишларни маҳаллий меҳнат ресурслари ҳисобига иш кучи билан комплекшлаш осон эмас.

Ишчиларни уюштирилган тартибда ишга қабул қилиш амалга оширилар экан, шубҳасиз, уларнинг тегишли малакага эга бўлишларига интилиш жуда муҳим. Лекин, анализнинг кўрсатишича, кўчиб бораётганлар орасида касбий тайёргарликка эга бўлмаган кишилар кўплаб учрайди. Ишчилар сони лимитдан ошиб кетган ишлаб турган корхоналар ва қурилишлардан керакли мутахассисликлар бўйича ишчиларни уюштирилган тартибда ишга қабул қилиш — юборилаётган ишчиларнинг сифат составини яхшилаш йўлларида биридир. Бунда, албатта, иш ва яшаш жойини ўзгартираётган кишиларнинг моддий манфаатдорлиги тўғрисида ғамхўрлик қилиш лозим бўлади.

Кўчувчиларнинг ёш составига мурожаат қилайлик. 1985 йилда Ўзбекистондан Қозоғистонга юборилган 205 оила бошлигининг 28,6 проценти — 20—24 ёшда, 30,9 проценти — 25—29 ёшда, 24,1 проценти 30—39 ёшда; РСФСРга кўчган 406 оила бошлиқларининг ёш группалари ўша тартибда — 17,6, 35,2 ва 30,9 процентни ташкил этади. Оилалардаги меҳнатга лаёқатли бошқа аъзоларнинг ёши бобида ҳам шу хил манзара мавжуд. Шундан кўриниб турибдики, ёшлар республика аҳолисининг бирмунча ҳаракатчанроқ қисми ҳисобланади.

Ўша йили Ўзбекистондан Қозоғистонга кўчган оилалардаги меҳнатга лаёқатли аъзоларнинг 54,3 проценти ўрта маълумотга, 29,2 проценти — тўлиқсиз ўрта, 9,4 проценти — бошланғич маълумотга эга эди, ҳеч қандай

малакаси бўлмаган кишилар 28,9 процентни ташкил қилди. Россия Федерациясига кўчганлар орасида 97 процент киши ўрта, тўлиқсиз ўрта ва ўрта махсус маълумотга эга бўлиб, 24,6 процент ишчи малакасиз кишилар эди. Бундан ташқари, гарчи кишилар кишлоқ хўжалигида ишлаш учун юборилаётган бўлсалар-да, уларнинг асосий қисми индустриал касбларга эга эдилар. Буларнинг ҳаммаси, бир томондан, кўчувчиларнинг сифат составига талабни ошириш кераклигини, иккинчи томондан эса, кўчиб бориладиган жойларда кишлоқ хўжалик профилидаги ходимларни тайёрлаш ва улар малакасини ошириш учун махсус курслар ташкил этиш зарурлигини кўрсатиб турибди.

Кўчадиган оилалар меҳнатга лаёқатли аъзоларининг кўпчилиги шаҳарлар ва ишчи посёлкалари аҳолиси бўлганлиги сабабли уларнинг кишлоқ хўжалиги касбларини эгаллаши масалалари тобора катта аҳамиятга эга бўлиб бормоқда. Афтидан, хўжаликларда механизаторлар ва чорвадорлар курслари ташкил этиш, кишиларни деҳқончиликда, чорвачиликда ва шу сингари соҳаларда ишлашга ўргатиш учун якка тартибда ўқитишни уюштириш керак бўлади.

РСФСР ва Қозоғистондаги қатор корхона ва қурилишларда иш шароитлари оғирроқ, улардаги меҳнат ҳақи Ўзбекистондагига нисбатан камроқ эканлиги ҳам ишчиларни уюштирилган тартибда ишга қабул қилиш плани бажарилишига салбий таъсир кўрсатади. СССР Саноат қурилиши ва Оғир машинасозлик министрликларига қарашли қатор корхоналар ва ташкилотларнинг ишчиларни қабул қилиб олиш ва жойлаштиришга зарур даражада тайёргарлик кўрмаслиги, Ўзбекистон ССРдан уюштирилган тартибда ишга юборилаётганлар учун тураржойлар етишмаслиги ҳам бу планнинг бажарилишига салбий таъсир қилади.

Фикримизча, шундай тартиб ўрнатилиши керакки, унга кўра икки йил ва ундан кўпроқ муддатга меҳнат шартномаси тузган граждандар корхона ёки қурилишга келганидан сўнг маълум муддат ичида қулай уй-жой олиш учун навбатга қўйилиши лозим. Ҳозирча эса корхоналар ва қурилишлар кўпинча ишчиларга барак типдаги ётоқхоналардан, палаткалардан ташкил топган шаҳарчалардан ёки ноқулай вагончалардан ўрин беришади. Бундай ҳол, шубҳасиз, шу объектларни иш кучи билан комплектлашга тўсқинлик қилиб, кадрлар кўнимсизлигини келтириб чиқаради. Бундай ҳолларда тегишлича қулай шарт-шароитсиз яшаганлик учун корхона ҳисобидан тўловлар берилишини кўзда тутиш мақсадга мувофиқ деб ҳисоблаймиз.

Кўчиб борган оилаларнинг тураржой-майший шарт-шароитлари тўғрисида алоҳида ғамхўрлик кўрсатиш керак. Зеро, 1985 йилда Ўзбекистондан Қозоғистонга юборилган оилаларнинг 32,1 проценти уч кишидан, 25,6 проценти — тўрт, 14,4 проценти — беш кишидан иборат эди; РСФСРга юборилган оилалар аҳволи ҳам деярли шу хилда эди. Бундай оилаларни жойлаштиришда қулай тураржой-майший шарт-шароитларни яратиш билан бирга уларнинг барча меҳнатга лаёқатли аъзоларини иш билан таъминлаш керак, бунда уларнинг аксарият қисмини олдиндан ўқитиш керак бўлади.

Эҳтимол, шу сабабларга кўра ишчиларни уюштирилган тартибда ишга қабул қилишга доир меҳнат шартномаларининг барча шартларида мамлакатимиздаги корхона ва қурилишларга ёлғиз ходимлар юборилиши махсус кўрсатиб қўйилгандир. Ўзбекистон ССРда бу уюштирилган тартибда ишга юбориш планларини бажаришни қийинлаштиради, зеро бу ерда аҳолининг оилаларда яшовчи қисми мамлакатда энг юқори кўрсаткичлардан бирини — 94 процентни (умуман СССРда 68 процентга яқин) ташкил этади. Бизнинг назаримизда, ишчиларнинг янги қуриладиган корхоналарга оиласи билан кўчиб бориши уларнинг ишлаб чиқаришда муқим жойлашиб қолишини таъминлаб, ўша жойларда доимий ишлаб ва яшаб қолиши учун шароит яратади. Ўзбекистонда эркаклар ва хотин-қизлар сони ўртасида қулай пропорциялар сақланиб келиши туфайли ишчиларнинг уюштирилган тартибда оилалари билан ишга кетиши мавжуд мувозанатни бузмайди. Бундан ташқари, Ўзбекистондан кўчиб борган оилалар, бизнинг фикримизча, туғилиш даражаси паст бўлган районларнинг демографик кўрсаткичларини муайян даражада яхши томонга ўзгартиришга имкон беради.

Кейинги йилларда ишчиларни шаҳар ва қишлоқ жойлардан уюштирилган тартибда ишга йўллаш тахминан тенг миқдорда амалга оширилмоқда. Масалан, 1980 йилда жами ишга юборилганларнинг 48,2 проценти, 1981 йилда — 50,1 проценти, 1985 йилда — 51 проценти шаҳарликлар эди. Шуниси диққатга сазоворки, мутлақ кўрсаткичларга кўра ўн биринчи беш йилликда уюштирилган тартибда ишга юборилган колхозчилар сони икки барабар кўпайди, оилаларни қишлоқ хўжалигида республикалараро кўчиришнинг деярли 80 проценти эса илгари шаҳарларда яшаган аҳоли ҳисобига амалга оширилмоқда.

Ўзбекистондан оилаларни уюштирилган тартибда кўчиришга доир кўрсаткичларни анализ қилганда қуйидаги муҳим аҳамиятга эга ҳолни қайд қилмаслик мумкин эмас. Республика аҳолиси составида туб миллатга мансуб кишилар қарийб 70 процентни ташкил этадиган ҳозирги пайтда ҳар йили қишлоқ хўжалигида республикалараро кўчириш йўли билан ишга юборилаётган жами оилалар ичида ўзбек оилалари салмоғи атиги 10 процентдан зиёдрокни ташкил этади. Бу Ўзбекистон ССР туб аҳолиси, айниқса, қишлоқ аҳолисининг кўчиш бобида қўзғалувчанлиги пастлигидан далолат беради.

Кўшимча иш кучи келиб қўшилишга муҳтож районларда кишиларни шу ерга боришга ундайдиган, уларнинг муқим жойлашиб қолишига кўмаклашадиган шарт-шароитлар яратиш керак. Бу у ерларда кечки ва сиртки таълим формаларини ташкил этиш, болалар муассасаларини қуриш, умумий овқатланиш ва савдони ривожлантириш, нафақат йиғитларни, шу билан бирга кизларни ҳам иш билан банд қилишни таъминлайдиган ишлаб чиқариш тармоқларини яратиш тўғрисида ғамхўрлик қилиш кераклигини англатади, ҳозирги пайтда уюштирилган тартибда ишга юборилаётган ишчиларнинг 80 процентдан кўпроғи эркаклардир.

Ишчи кадрларни тайёрлаш системаси меҳнатга лаёқатли аҳоли турли тоифаларининг ўзига хос хусусиятларини ҳисобга олиши лозим. Бу меҳнатга лаёқатли аҳоли тўпланган жойлардаги мавжуд мактаблар, курслар, билим юртлари, турлича таълим формаларига эга ўрта ва олий ўқув юртларини кенгайтиришни ва янгиларини ташкил этишни тақозо қилади.

Иш кучини қайта таксимлашнинг уюштирилган тартибдаги формалари обрўсини ошириш мақсадида, бизнинг назаримизда, прописка тўғрисидаги низомга баъзи бир ўзгартишлар киритиш керак. Меҳнат шартномаларининг шартларини анализ қилиш шуни кўрсатдики, кўп ҳолларда республикалараро уюштирилган тартибда ишга қабул қилиш бўйича меҳнат шартномаси тузган ишчилар қайтиб келганидан сўнг яна прописка қилишга ҳеч қандай гарантиясиз тураржойларидан ҳисобдан чиқиб кетишлари керак бўлади. Айни шу нарса кўпларнинг шартнома тузишига ҳалал беради. Назаримизда, уюштирилган тартибда ишга юборилаётган ишчилар учун корхоналар ва қурилишларнинг у ёки бу министрлик ва идорага мансублигидан, шунингдек территориял жойлашувидан қатъи назар уларнинг тураржойларини бутун меҳнат шартномаси муддатига сақлаб қўйишга доир ягона мажбурий тартиб ўрнатиш лозим. Уюштирилган тартибда 6 ойгача бўлган муддатдаги сезонли ишларга жалб қилинадиган ишчиларни эса доимий тураржойидан ўчмасдан иш жойида вақтинча прописка қилишга руҳсат бериш мақсадга мувофиқдир.

Янги кўчиб келувчиларнинг муқим жойлашиб қолиш даражаси пастлиги, одатда, хўжалик раҳбарларининг уюштирилган тартибда ишга юборилувчиларга вақтинча ишлайдиган кишилар сингари муносабатда бўлишининг натижасидир, бундай кишиларга етарли ғамхўрлик кўрсатилмайди. Ишчиларнинг ҳаммаси ҳам корхонага, ҳам ўзига муайян зарар етказиб шартномада кўрсатилган муддатни тўла ўтайвермаслиги маълум. Ишчи кадрларнинг жойлашиб қолиш даражаси пастлиги сабабларини аниқлаш шуни кўрсатадики, ишлаб чиқариш ва маиший шарт-шароитларнинг қониқарсизлиги, меҳнатнинг ташкил этилиши олдинги иш ҳақига нисбатан юқориқоқ ҳақ олишни таъминлай олмаслиги; ихтисосга эга кишилардан бошқа, баъзан кам ҳақ тўланадиган қўл

ишларида фойдаланиш; 2—3 йил давомида квартира олиш имконияти йўқлиги — шундай асосий сабаблардандир.

Маълумки, ишчилар кўчиб борадиган қатор районлардаги совуқ иқлим кийим-кечак, овқатланиш учун қўшимча харажатлар қилишни тақозо этади. Эҳтимол, кўчиришнинг мазкур йўналишини рағбатлантириш учун бундай жойлардаги ҳаётий шарт-шароитлар мажмуи мамлакатнинг қулай иқлимли ўзлаштирилган районларига нисбатан бу ерда моддий жиҳатдан сезиларли ютуққа эришишдан иборат бўлиши тўғрисида ғамхўрлик қилиш керакдир.

КПСС МКнинг партия XXVII съездига Сиёсий докладида «Якин келажакдаги ва узоқ истикболдаги планларимиз кўп жиҳатдан Сибирь ва Узоқ Шарқ табиий бойликларини ўзлаштириш билан боғлиқдир... Бу ерда одамлар самарали меҳнат қилиши ва тўлақонли ҳаёт кечириши учун зарур шароит яратишга алоҳида эътибор бериш керак. Ҳозир бу бош масала бўлиб, ўртага қўйилган вазифаларнинг бажарилиши ана шу масала қандай ҳал этилишига боғлиқдир», деб таъкидланган.

Кўриниб турибдики, съезд бу масалага доир ўзининг асосли фикрини билдирди. Лекин барча партия ва ҳўжалик органлари раҳбарлари бу масалага илгариги муносабатини ўзгартирдилар, деб бўлмайди. Бизнинг фикримизча, шу муносабат билан корхоналар ва қурилишларнинг уюштирилган тартиб бўйича ишга келаётган ишчиларга зарур ишлаб чиқариш, тураржой ва маданий-маиший шароитлар, ихтисос эгаллаш, касбий малакани ва маълумот даражасини ошириш, белгиланган тартибга биноан ўз вақтида прописка қилиш учун имконият яратилишини назорат қилишни кучайтириш керак.

Кўчиришга оид жараёнларни тартибга солиш мақсадида қуйдагича эксперимент ўтказиш ҳақида ўйлаб кўриш керак: бундай эксперимент давомида республикадан ташқарига бориб ишлашни хоҳловчилар конкрет корхоналарга йўлланмалар олиши лозим. Натижада, биринчидан, кўчиб боровчиларни уларнинг хоҳиш-истаклари, ихтисоси, малакаси, психофизиологик хусусиятларига мувофиқ равишда ишга жойлаштириш масалалари ҳал этилади, иккинчидан, кўчиш оқимлари тартибга солинади, бу ишга жойлаштириш муддатларини қисқартиришга, ортиқча кўчиб юришларни камайтиришга, кишиларнинг меҳнат ресурслари билан етарли таъминланган районларга боришларига барҳам беришга имкон яратади. Бундай эксперимент корхоналарнинг конкрет мутахассисликлар бўйича иш кучига эҳтиёжини ҳисобга олишни йўлга қўйиш юзасидан муайян иш ўтказилишини, шунингдек меҳнат ва маиший шароитлар тўғрисидаги тегишли ахборотни талаб қилади, бундай ахборотни шаҳар ва районлардаги аҳолини ишга жойлаштириш бюроларида жамлаш мақсадга мувофиқдир.

Меҳнат ресурсларини қайта тақсимлашнинг уюшган формаларини пропаганда қилишда ҳозирча матбуот, телевидение ва радио етарлича актив роль ўйнаётгани йўқ. Нима учун газета ва журналларда, радиоэшиттириш ва телевидение программаларида тегишли рубрикалар очиш мумкин эмас? Бу рубрикалар материаллари жамоатчилик фикрини биринчи навбатда ривожлантирилиши давлат манфаатларига мос келадиган районларга кўчиш фойдасига шакллантирган бўлур эди.

Статистиканинг кўрсатишича, ҳар йили республикалараро уюштирилган тартибда, ишга қабул қилиш йўли билан Ўзбекистон ССРдан ташқарига юбориладиган меҳнатга лаёқатли ёшдаги граждaнлар ҳиссаси жами кўчувчиларнинг атиги 5,3 процентини ташкил этади. Бинобарин, кўчишлар асосан ўз-ўзича амалга ошади. Бу мамлакатнинг янги ўзлаштирилаётган районлари, корхона ва қурилишларини иш кучи билан таъминлаш учун Ўзбекистонда катта резервлар мавжудлигини билдиради. Фақат барча манфаатдор томонларнинг куч-ғайратларини бирлаштириш ва уларни меҳнат ресурсларидан фойдаланиш самарадорлигини оширишнинг муҳим шarti бўлган бундай ресурсларни уюштирилган тартибда қайта тақсимлашни такомиллаштиришга йўналтириш лозим.

ОММАВИЙ ЭХТИЁЖ МОЛЛАРИГА БЎЛГАН ТАЛАБ ТЎЛАРОҚ ҚОНДИРИЛСИН

В. Н Е Х А Й,

иктисод фанлари кандидати

ҚПСС ИКТИСОДИЙ стратегиясининг мақсади — совет кишилари турмуш шароитини муттасил яхшилаб боришдан иборат. Партия XXVII съезди қарорлари бунинг ёрқин далилидир. Янги таҳрирдаги партия Программасида шундай таъкидланади: «ҚПСС совет кишиларининг фаровонлигини сифат жиҳатдан янги босқичга кўтариш, моддий, социал ва маданий неъматларни истеъмол қилишнинг шундай даражаси ва структурасини таъминлаш вазифасини ўртага қўядики, булар уйғун тарзда ривожланган, маънавий баркамол шахсни камол топтириш... мақсадларига тўла-тўқис мос келади».

Партия қўйган вазифага мувофиқ СССРни иктисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида халқ фаровонлигини оширишни характерлайдиган кўрсаткичларни янада юқори суръатлар билан ўстириш кўзда тутилган. Гап аввало юқори сифатли ва хилма-хил моллар ҳамда хизматларга нисбатан ошиб бораётган тўлов қобилиятига эга талабни тўла-тўқис қондириш ҳақида, истеъмолнинг фан тавсия этаётган оқилона нормаларига эришиш тўғрисида бормокда. Бу соҳадаги ўн беш йилга мўлжалланган программа жумладан халқ истеъмол молларини ишлаб чиқариш билан боғлиқ йирик проблемаларни илмий жиҳатдан ишлаб чиқишга асосланади.

Маълумки, истеъмол характери, форма ва шарт-шароитлари ишлаб чиқариш мазмунига боғлиқ. Истеъмол жараёнида эса ишлаб чиқаришнинг жамият, шахс талабларига қанчалик мувофиқ келиши аниқланади. Истеъмол туфайли ишлаб чиқариш қатнашчиларининг ҳаёти ва фаолияти сақланиб туради, бусиз ишлаб чиқариш яна давом эта олмайди, яъни истеъмол такрор ишлаб чиқаришга янгича туртки бўлиб хизмат қилади.

Жамият ривожланишнинг янги босқичларига кўтарила боргани сари аҳолининг эҳтиёжлари ўзгариши сабабли ишлаб чиқариш ҳам такомиллаша боради. Бу жараён узлуксиздир. Аввало аҳоли сонининг кўпая бориши билан ишлаб чиқаришнинг умумий даражаси ҳам юксалаверади. Масалан, Ўзбекистонда 1970 йилда 210 миллион погон метр ип газлама ишлаб чиқарилган бўлса, 1985 йилда — 406 миллион метр шундай газлама ишлаб чиқарилди. Шу даврда ипак газлама ишлаб чиқариш 50 миллион метрдан 149 миллион метргача, пайпок махсулотлари — 30 миллион жуфтдан 65 миллион жуфтгача, пойабзал ишлаб чиқариш — 18 миллион жуфтдан 35 миллион жуфтгача кўпайди. Маданий-маиший ва хўжалик моллари 1970 йилда 130 миллион сўмлик, 1985 йилда эса 630 миллион сўмлик ҳажмида ишлаб чиқарилди.

Такрор ишлаб чиқариш формаси сифатидаги истеъмол бутун социализм қонунилари системаси таъсири остида ривожланади. Лекин унга асосий иктисодий қонун энг кўп таъсир кўрсатади, чунки шахсий истеъмол ишлаб чиқаришнинг пировард мақсадигина бўлиб қолмасдан шу билан бирга унинг бевосита мақсади ҳамдир. Бу қонуннинг ҳозирги босқичдаги ўзига хос хусусияти ишлаб чиқаришнинг мақсади билан шу мақсадга эришиш воситалари ўртасидаги боғланишнинг янада мустаҳкамланишида, чуқурлашувида ифодаланади.

Ўзбекистон ССРда истеъмол («Б» группа) моллари ишлаб чиқариш суръатларини жадаллаштириш юзасидан қўрилган чора-тадбирлар натижасидан 1970 йилдан 1985 йилгача уларни ишлаб чиқариш 1,9 барабар қўпайди, умуман саноат ишлаб чиқариши эса 1,5 барабар ошди. Ўзбекистон Компартияси XX I съездида қайд қилинганидек, енгил саноатни ривожлантиришга ўн биринчи беш йилликда 1 миллиард 150 миллион сўм ёки ўнинчи беш йилликка нисбатан 2,5 барабар қўп капитал маблағ сарфланди. Газлама, кийим, пойабзал, хўжалик моллари ишлаб чиқарадиган 84 та объект фойдаланишга топширилди.

Буларнинг ҳаммаси талайгина халқ истеъмол молларини ишлаб чиқаришни қўпайтиришга имкон берди. Ишлаб турган корхоналарни реконструкциялаш ва қайта жиҳозлаш, технологияни такомиллаштириш туфайли маҳсулотларнинг ассортиментни кенгайтирилди ва янгиланди, маҳсулот сифати яхшиланди.

Шу билан бирга, ўн биринчи беш йиллик якунлари халқ истеъмол моллари ишлаб чиқарадиган тармоқлар ишида жиддий камчиликлар борлигидан гувоҳлик беради. Капитал маблағларни ўзлаштириш, ишлаб чиқариш қувватларини ишга тушириш планларининг бажарилмаганлиги ва корхоналардаги асбоб-ускуналарнинг иш билан тўла-тўқис таъминланмаслиги ана шундай жиддий камчиликлардандир. Масалан республикада ишлаб чиқариладиган ип газламаларнинг аксарият қисмини етказиб берадиган Бухоро ва Тошкент тўқимачилик комбинатларида ишлаб чиқариш қувватларидан бор-йўғи 60—75 процент фойдаланилди. Аҳолини иш билан таъминлашни яхшилаш ва халқ истеъмол моллари ишлаб чиқаришни қўпайтириш мақсадида йирик аҳоли пунктларида қўрилган корхоналар филиалларининг қарийб ярми ўтган беш йилликда план топшириқларини бажармади.

Ўзбекистон ССРда «Б» группа молларини ишлаб чиқаришни анча юқори суръатлар билан ўстириш планлаштирилганига қарамасдан бу иш ҳали ҳам жиддий орқада қолмоқда. Масалан, ўн биринчи беш йиллик охирига келиб Ўзбекистон аҳолиси СССР аҳолисининг 6 процентини ташкил этди, бу ерда газлама, кийим, пойабзал, мебель, идиш-товуқлар ишлаб чиқаришнинг салмоғи эса умумиттифок кўрсаткичларининг 3—4 проценти даражасида қолаверди. Республикамизда маданий-маиший ва хўжалик молларининг жами ишлаб чиқарилиши Белоруссия ССРдагига нисбатан қарийб 4 барабар, Латвия ССР ва Литва ССРдагига қараганда икки барабар камдир.

Анализнинг кўрсатишича, бундай қолоқликка лойиҳалашдаги хатолар, корхоналар қурилишидаги нуксонлар, асбоб-ускуналарни ўрнатадиган ва созлайдиган юқори малакали мутахассисларнинг етишмаслиги, кадрлар қўнимсизлигининг юксаклиги ва бошқалар сабаб бўлиб келяпти.

Халқ истеъмол молларига талабнинг умумий даражаси билан бу маҳсулотларни ишлаб чиқаришнинг ҳажмий кўрсаткичлари ўртасидаги мутаносибликни таъминлаш талабни кондиринида биринчи даражали роль ўйнайди. Бирок бунда таклифнинг, яъни корхоналар ишлаб чиқараётган маҳсулот ассортиментининг структураси ҳам муҳим аҳамият касб этади. Масалан, шуниси равшанки, аҳолига умуман кийим эмас, балки унинг конкрет турлари, мода йўналишларига мос келадиган (кишки, кузги-бахорги, ёзги), жинсий-ёш составига (хотин-қизлар, эркеклар, болалар учун) ва жисмоний тузилишига (бўйи, тўлалиги) мос келадиган, муайян мақсад учун (байрамда, ишда, уй-рўзғорда кийиладиган, спортчилар учун) ва ҳоказо турлари керак.

Мамлакатда кейинги вақтда қабул қилинган чора-тадбирлар корхоналарнинг хўжалик-оператив мустақиллиги шу жумладан аҳоли эҳтиёжларига энг қўп мувофиқ келадиган маҳсулотлар ишлаб чиқариш масалаларидаги мустақиллиги доираларини жиддий кенгайтирди. Бу борада ҳозирдаёқ ижобий тажриба тўпланган. Ўзбекистонда ҳар йили ишлаб чиқарилаётган кийим, пойабзал, трикотаж буюмлари, хўжалик моллари, мебель ва шу сингарилар ассортиментининг тўртдан бир қисмига яқини янгиланмоқда. Республикада ўтказилаётган улгуржи ярмаркаларда молларнинг асосий турлари бўйича корхоналар ўзлаштираётган минглаб янги ва янгиланган моделлар намойиш қилинади. Маҳсулотларни «Н» (новинка — янгиллик) белгиси билан кичик-кичик группаларда чиқариш методи тобора кенг ёйилмоқда.

Бироқ корхоналарнинг ҳаммаси ҳам белгиланган ассортиментга мувофиқ маҳсулот ишлаб чиқариш топшириқларини муваффақиятли бажараётгани йўқ. Масалан, 1985 йилда пойабзал етказиб бериш плани 12 миллион сўмга, тикилган буюмлар — 30 миллион сўмга, ип газлама — қарийб 40 миллион сўмга, трикотаж буюмлари — 25 миллион сўмга, мебель етказиб бериш плани 11 миллион сўмга бажарилмай қолди. Ўзбекистон ССР Енгил саноат министрлиги корхоналарининг ҳар иккитасидан бири, Мебелсозлик ва Маҳаллий саноат министрликлари корхоналарининг ҳар тўрттасидан бири шартнома мажбуриятларини бажармади. Биргина Олмалик маиший химия заводи ассортиментдаги маҳсулотлардан 7,7 миллион сўмлик миқдорда етказиб бермади. Ун биринчи беш йилликда республика министрликлари ва идоралари ассортиментдаги ноозик-овқат молларидан жами 1 миллиард сўмликдан зиёд етказиб беришмаган.

Яна шуни ҳам қайд қилиш керакки, одатда, у ёки бу ассортиментдаги молларни етказиб беришдаги камчилик ўрнини эскирган моделлар, фасонлар, конструкциялардаги ёки харидорлар томонидан салбий баҳоланган маҳсулотларни ишлаб чиқариш билан қоплашга уринадилар. Масалан, 1985 йилда савдо ташкилотлари Маҳаллий саноат министрлиги корхоналаридан мутлако кераксиз бўлган 70 миллион сўмлик молни олишдан бош тортиди.

Бундай ҳол асосан корхоналарнинг маҳсулот ассортиментини танлаш ва такомиллаштириш масалаларини ҳал этишда истеъмолчи манфаатларидан эмас, балки ўзларининг хусусий манфаатларидан келиб чиқиб иш кўришлари билан изоҳланади. Чунки, молларнинг пишик-пухталиги, чидамлилиги каби истеъмолга оид хусусиятларини яхшилаш, маҳсулотни юқори сифатли қилиб чиқариш кўшимча куч-ғайрат сарфлашни, асбоб-ускуналарни қайта созлашни, ишлаб чиқариш технологиясини ўзгартириш ва шу сингариларни такозо қилади.

Ўзбекистон шароитида болалар учун моллар ишлаб чиқаришни ривожлантириш алоҳида диққат-эътиборга сазовордир. Республика аҳолисининг умумий сонига болалар салмоғи умуман СССРдагига қараганда бирмунча юқори бўлишига қарамадан Ўзбекистонда йилига аҳоли жон бошига шундай маҳсулотлар ишлаб чиқариш кўрсаткичлари умумиттифок кўрсаткичларига нисбатан пастдир. Мантиққа зид бўлса ҳам, болалар учун маҳсулотлар ишлаб чиқарадиган қувватлар иш билан тўла-тўқис таъминланмаган ёки улардан бошқа мақсадларда фойдаланилмоқда.

Маълумки, молларнинг истеъмол хусусиятлари талабни кондирешнинг бевосита моддий асоси ҳисобланади. Бу хусусиятлар кўп жиҳатдан сифатга боғлиқ. Бугунги кунда партия масалани шу тарзда қўймоқдаки, олий сифат даражасига эга маҳсулотлар нафақат белгиланган стандартларга мос келиши, шу билан бирга жаҳон намуналари даражасида бўлиши керак. Бу — фақат талабни тўла-тўқис кондиреш учунгина эмас, балки шу билан бирга ишлаб чиқариш жараёнида истеъмол қилинадиган ресурслардан энг кўп самарали фойдаланиш учун ҳам ишончли йўлдир.

Лекин, Ўзбекистон Компартиясининг XXI съездида қайд қилинганидек, республикамиз олий сифатли маҳсулотлар ҳиссасига кўра иттифокдош республикалар орасида охириги ўринни эгаллаб турибди, брак маҳсулотлар (текширишда аниқланганлари) миқдори бўйича эса республикадаги кўрсаткич умумиттифок кўрсаткичидан 2—3 баравар юқоридир. Бундай шароитда халқ истеъмоли моллари ишлаб чиқариш ва хизмат соҳасини ривожлантиришнинг 1986—2000 йилгача мўлжалланган Комплекс программаси қондалари алоҳида аҳамият касб этади. Бу ҳужжатга мувофиқ, ишлаб чиқаришни ташкил этишни яхшилашга, қувватлардан энг самарали фойдаланиш, корхоналарни реконструкция қилиш ва техника жиҳатдан қайта қуроллантиришга, технологик жараёнларни такомиллаштириш, хом ашё ва материалларнинг замонавий турларидан фойдаланиш, маҳсулотларнинг материал сарфини камайтиришга, ресурслардан тежаб-тергаб фойдаланиш ҳисобига ишлаб чиқаришни интенсивлаштиришга асосий эътибор қаратилиши лозим. Министрликлар, идоралар, партия органлари ва халқ депутатлари Советларининг аҳолининг зарур

молларга эҳтиёжини қондириш, бунинг учун жойлардаги мавжуд резервлар ва имкониятлардан тўла-қўқис фойдаланиш учун масъулияти сезиларли даражада ошмоқда.

Программада енгил саноат, маданий-маиший ва хўжалик молларини ишлаб чиқариш ва истеъмол қилиш структурасини фаол ва собитқадамлик билан такомиллаштириш, шаҳар ва қишлоқ аҳолисининг меҳнати, турмуши, дам олишидаги социал-иқтисодий ўзгаришларни тобора тўлароқ ҳисобга олган ҳолда аҳоли талабларининг ўзгаришига ўз вақтида эътибор бериш кўзда тутилган. Маҳсулотлар сифати ва ассортиментини тубдан яхшилаш, уларнинг техникавий ва эстетик даражасини, фойдаланишдаги пишиқ-пухталигини ошириш халқ истеъмоли моллари ишлаб чиқариш билан машғул тармоқларнинг биринчи навбатдаги вазифаларидир. Айни бир вақтда совет кишиларида оқилона эҳтиёжларни тарбиялаш, социалистик турмуш ва дам олиш маданиятини шакллантириш, бўш вақтдан мазмунли фойдаланиш учун шароит яратиш юзасидан собитқадам иш олиб борилади.

Мамлакатимизда алкоғолли ичимликлар ичишни чеклаш, хушёр турмуш тарзини қарор топтириш соҳасида олиб борилаётган чора-тадбирлар бундай иш авж олдирилганлигининг ёркин далилидир. Масалан, Ўзбекистонда биргина 1985 йилда бу ичимликларни сотишнинг қисқартирилганлиги республика аҳолисига 300 миллион сўмдан кўпроқ маблағдан ўз эҳтиёжларини қондириш учун фойдаланиш имконини берди.

Ўзбекистонда ўн иккинчи беш йиллик охирига бориб ноозик-овқат товарларнинг барча турларини ишлаб чиқаришни 7,2 миллиард сўмликка ёки 1985 йилдагига қараганда 1,4 баравар кўпайтириш кўзда тутилган. Енгил саноат юксак суръатлар билан ривожлантирилади. Ип газлама ишлаб чиқариш 1,6 баравар, ички трикотаж 3,3 баравар, пойабзал 1,5 баравар, болалар учун мўлжалланган товарлар қарийб 2 баравар, спорт товарлари 1,5 баравар, чинни идишлар ишлаб чиқариш 1,9 баравар кўпаяди. Бунда СССР, социалистик ҳамдўстликдаги бошқа мамлакатлар илғор корхоналарининг тажрибаси асосида мамлакатдаги ва чет эллардаги энг яхши намуналарга мос маҳсулотларни ишлаб чиқариш кўзда тутилмоқда.

Комплекс программага мувофиқ талаб ва таклифнинг регионал хусусиятларини энг юқори даражада ҳисобга олишга имкон берадиган тармоқ сифатида маҳаллий саноатни ривожлантиришга алоҳида эътибор қаратилмоқда. Ўзбекистонда оммавий талабга эга маданий-маиший ва хўжалик моллари — боғдорчилик-полизчилик инвентарлари, турли хил миллий идишлар, кийимлар, уй-рўзғор буюмлари, мактаб учун керакли нарсалар, бадний буюмлар ва ҳоказоларни ишлаб чиқаришни жадаллаштириш бу саноат олдига асосий вазифа қилиб қўйилди.

Ассортиментни планлаштиришнинг қарор топган практикасини қайта қуриш зарурати пишиб етилди, ҳозирги практика маҳаллий ва енгил саноат корхоналари ассортимент соҳасида бир-бирларини такрорлашларига йўл қўяди. Ахир, шу сабабга кўра Ўзбекистон ССРда айрим товарлар бўйича таклиф керагидан ортиқча, бошқа хиллари эса етишмайди, кўпгина молларни, масалан, хўжалик буюмларини бошқа иттифокдош республикалардан олиб келишга тўғри келмоқда.

Хом ашёнинг маҳаллий турларидан ва ишлаб чиқариш чиқиндиларидан, айниқса қурилиш материалларидан, металл, қоғоз, ёғоч-тахтадан фойдаланиш маҳаллий саноат ходимларининг яна бир муҳим вазифасидир. Маҳаллий саноат тўқимачилик, гиламчилик, тикувчилик ишлаб чиқариши чиқиндиларини қайта ишлаш соҳасида ҳам яхши истикболга эга. Жумладан, шу асосда йигирилган ипдан ўнлаб номдаги оммавий талабга эга маҳсулотларни ишлаб чиқариш мумкин. Бунда амалда чиқитсиз технологияни жорий этиш туфайли ишлаб чиқариш самарадорлигини ошириш, айниқса хотин-қизларни касаначилик меҳнати билан кўплаб банд қилиш, аҳоли эҳтиёжларини тўла-қўқис қондириш сингари ва бошқа жиддий масалаларни ҳам ҳал этиш мумкин бўлур эди.

Назаримизда, Белоруссия ССР маҳаллий саноатининг истеъмолдан чиққан полиэтилен плёнкасини қайта ишлашга доир тажрибаси ўрганиш ва омма-

лаштиришга арзигуликдир. Ўзбекистонда бу тажрибадан фойдаланиш нафақат эртаги сабзавотларни етиштиришни кенгайтиришга, шу билан бирга табиатни муҳофаза қилишга ҳам кўмаклашган бўлур эди, чунки ҳозир бизда бу плёнканинг ёкиб юборилиши натижасида ҳам тупроқ ифлосланмоқда, ҳам ахлатхоналар тўлмоқда.

Халқ истеъмоли моллари ишлаб чиқариш ва хизмат соҳасини ривожлантириш Комплекс программасини амалга ошириш ихтисослашувидан қатъи назар халқ хўжалиги барча тармоқларининг корхоналари, бирлашмалари ва ташкилотларини бу ишга жалб қилишни кўзда тутати. Халқ истеъмоли моллари ишлаб чиқариш топшириқларининг бажарилишини рағбатлантиришни кучайтириш учун 1986 йилнинг 1 январидан бошлаб моддий рағбатлантириш фондига қўшимча пул ажратишга доир янги тартиб жорий этилди. Бунда иш ҳақи фондининг ҳар бир сўми ҳисобига халқ истеъмоли молларини ишлаб чиқаришга доир белгиланган топшириқларнинг бажарилишини назорат қилиш кучайтирилади. Оммавий талаб қилинадиган товарлар ишлаб чиқаришни кўпайтириш, энг юқори сифат даражасига эга ва истеъмол хусусиятлари яхшилланган маҳсулотлар салмоғини ошириш учун мукофотлаш системаси таъсирчанлиги ошади.

Комплекс программани амалга оширишда савдо масъул роль ўйнайди. Биринчидан, савдо талабни ўрганади ва шу асосда саноат маҳсулотларига керакли ассортиментдаги буюртмалар системасини тузади; иккинчидан, айти савдо соҳаси товарлар массасини энг самарали жойлаштиришни таъминлайди ва уни сотишни ташкил этади.

Территориал меҳнат максимотидан келиб чиқадиган республикалараро товар етказиб бериш туфайли халқ истеъмоли молларининг ярмидан кўпи республикага мамлакатнинг бошқа районларидан келтирилади. Натижада таклиф этиладиган товарларни кўпайтириш ва эҳтиёжни тўлароқ кондириш мумкин деб ўйлаймиз.

Шуни қайд қилиш керакки, Ўзбекистон ССРда аҳоли жон бошига товаробороти мунтазам ўсиб бормоқда. Агар у 1970 йилда 417 сўм бўлган бўлса, 1985 йилда — 722 сўмни ташкил этди.

Бирок сўнгги йилларда умуман республика бўйича товаробороти плани бажарилмаяпти. Ҳар уч савдо корхонасининг бири белгиланган топшириқларни удалай олмаяпти. Кўпинча омборларда ва улгуржи базаларда мавжуд товарлар савдода бўлмайди. Баъзи магазинларда моллар тўлиб-тошиб ётгани ҳолда бошқаларида уларнинг умуман етишмаслиги, маҳсулотлар группаларини комплекташда уларнинг керакли ҳажмдаги размери, бўйи, кенлиги таъминланмаслиги ва ҳоказо сабаблар ҳам аҳоли талабини кондиришга тўсқинлик қилади. Шунингдек, аҳолига товарларни кредитга сотишда Ўзбекистон ССР иттифокдош республикалар орасида охириги ўринлардан бирини эгаллаши билан ҳам муроса қилиб бўлмайди.

Сўнгги беш йилда хизмат кўрсатиш соҳасида ҳам жуда кам ўзгариш юз берди. Гап аҳолининг мураккаб ёки катта ҳажмли буюмларни ташишга бўлган эҳтиёжини кондириш, олдиндан берилган буюртмаларга кўра сотиш ва харид қилинган нарсани уйга элтиб бериш, бевосита универмагларда газламаларни бичиш ва кийимларни мослаш тўғрисида боряпти. Реклама яхши йўлга қўйилмаган, справка материали йўқ, харидорларнинг товарларни харид қилишга кетадиган вақтини қисқартириш тўғрисида ғамхўрлик қилинмайди, савдо корхоналарининг иш режимини яхшилаш керак ва ҳоказо.

Аҳолининг талаб-эҳтиёжларини ўрганишдаги камчилик ва хатолар оқибатида Ўзбекистон савдо тармоғида ярим миллиард сўмликдан зиёд нормативдан ортиқча моллар тўпланиб қолган, касод бўлиб чанг босиб ётган маҳсулотларни ҳар йили арзонлатиш эса давлатга қарийб 1 миллион сўмлик зарар келтирмоқда. Кўрилаётган чора-тадбирлар, жумладан товар запаслари нормативларини ошириш талаб ва таклифни баланслаштириш проблемасини ҳал этолмаяпти. Товар запасларининг ўсиши билан бир қаторда муайян талаблар кондирилмаяпти, товароборотининг ўсиш суръатларидан кўра аҳоли омонат кассаларга қўяётган пул миқдорининг ўсиш суръатлари юқори эканлиги шундан далолат берапти.

Ўзбекистон ССР доирасида талаб билан таклиф ўртасида энг оптимал нисбатнинг ўрнатилиши куйидагиларни тақозо қилади:

планлаштириш соҳасида — талаб ва таклифни маҳсулотларнинг батафсил номенклатураси ва ассортиментиға кўра уйғунлаштиришнинг планли кўрсаткичлари билан тўлдирилган саноат ишлаб чиқариши имкониятларидан янада самаралироқ фойдаланиш. Қайси маҳсулотни қандай ҳажмда чиқариш масалалари у ёки бу маҳсулотларға бўлган талаб, унинг қондирилиш даражаси, товар запаслари, хом ашё ресурслари, ташиш, сақлаш имкониятлари ва хоказо тўғрисидаги ахборотлар негизида ҳал қилиниши лозим. Перспектив планларни асослаш учун бундай маълумотларни янада кенг ҳажмдаги материаллар билан тўлдириш зарур. Талабнинг даражаси ва структураси қонуниятлари, узок муддатға мўлжалланган социал риволантириш программалари, товарларнинг истеъмолға оид хусусиятларини ўзгартириш мақсадида қилинадиган фан ва техника соҳасидаги прогнозлар, ассортиментға оид давлат сиёсатининг йўналишлари ва шу сингарилар ана шундай материаллардир. Бу иш алоҳида территориал-иктисодий районлар доирасида айниқса катта масъулият қасб этади, чунки юқорида баён қилинганлардан ташқари товар запасларининг талабға яқинлаштирилишини таъминлайдиган четдан мол олиниши ва четға мол чиқарилишини асослаш лозим;

хисоб-китоб соҳасида — талабнинг миқдорий ва сифатға оид кўрсаткичлари асосида маҳсулот ишлаб чиқаришнинг план кўрсаткичларини белгилаш мумкин бўлиши учун уларни ғоят аниқ белгилаш, товарлар ассортименти орасида эскирганларини, талабға эға эмасларини, талаб-эҳтиёжнинг ҳозирги даражасиға мувофиқ келмайдиганларини, корхоналар коллективларини янги, илғор нарсаларни излашға сафарбар қилмайдиганларини аниқлаш мақсадида уни мунтазам равишда қайта кўриб туриш лозим;

анализ соҳасида — талаб ва таклифларнинг сабаб ва оқибатға доир муносабатларини янада тўлароқ очишға мувофиқ келадиган омилға оид анализи, яъни талаб ва таклифнинг ишлаб чиқариш, эҳтиёжлар, аҳолининг пул даромадлари, баҳоларнинг ўртача индекси, талабнинг тўлалик даражаси ва шу сингари омилларға боғлиқлигини анализ қилишни кучайтириш лозим. Бир хилдаги маҳсулот ишлаб чиқарадиган корхоналар фаолиятининг киёсий анализини қўллаш ҳозирги босқичда талабни энг юқори даражада қондира оладиган товарлар ишлаб чиқариш резервлари ва имкониятларини аниқлашға қаратилиши керак;

тартибға солиш соҳасида (кенг маънода) — иктисодий воситалар ва стимуллар, шунингдек маъмурий методлардан фойдаланиш йўли билан талаб ва таклифнинг координацияланиши ҳамда мувофиқликлигини тутиб туришни таъминлаш, яъни маҳсулот сифатини оширишға янада изчил йўналтириш иш ҳақи билан оммавий талабға эға маҳсулотларни ишлаб чиқариш ўртасида янада қатъий боғлиқлик ўрнатиш, шартномаларға мувофиқ маҳсулот етказиб бериш планларини бажариш кўрсаткичларини яхшилаганлик учун рағбатлантириш лозим. Бунда юқори талабға эға, шунингдек хусусиятлари ва сифати яхшилланган маҳсулотлар баҳосиға устама ҳақ қўйиш имкониятларидан кенг фойдаланиш зарур. Шу билан бир вақтда талабға эға бўлмаган маҳсулотларнинг улгуржи баҳоларидан чегириб ташлашни кенг қўллаш керак.

Шундай қилиб, республика аҳолисининг халқ истеъмол молларига бўлган эҳтиёжини сифат жиҳатдан янги даражада қондириш йўлида анча проблемаларни ҳал этиш лозим бўлади: Халқ хўжалигининг бошқа участкаларида бўлгани каби бу соҳадаги иш муваффақияти ҳам бугунги кундаги зарур қайта қуришнинг қандай суръатлар билан амалға оширилишиға боғлиқ.

ИНСОН — ЖАМИЯТНИНГ АСОСИЙ ИШЛАБ ЧИҚАРУВЧИ КУЧИ

ИНСОН ОМИЛИНИ АКТИВЛАШТИРИШНИНГ СОЦИАЛ ВА МЕДИК-ГИГИЕНИК ПРОБЛЕМАЛАРИ

Ю. ШОДИМЕТОВ,

философия фанлари кандидати

ИНСОНЛАР СОҒЛИҒИНИ муҳофаза қилиш ва мустаҳкамлаш тўғрисида ғамхўрлик — Совет давлатининг социал сиёсатидаги асосий йўналишлардан биридир. «Биз сихат-саломатлик проблемаларига, — деб таъкидланади КПСС МКнинг партия XXVII съездига Сиёсий докладада, — кенг социал позициялардан туриб қарашимиз керак. Сихат-саломатлик, энг аввало меҳнат ва турмуш шароитларига, фаровонлик даражасига боғлиқ. Халқ соғлиғини сақлаш жуда катта аҳамиятга молик, албатта».

Жамиятнинг сихат-саломатликни муҳофаза қилиш эҳтиёжининг ўсиб бориши қатор сабаблар: ҳозирги шароитда иш кучига бўлган талабнинг ортиши, қўшимча меҳнат ресурсларининг камайиши, касаллик туфайли иш вақти зое кетишини анча қисқартиришнинг муҳимлиги, янги экологик вазиятнинг қарор топиши, инсон ҳаёти ва фаолиятидаги социал ҳамда биологик жиҳатлар ўртасидаги мавжуд ва бўлиши мумкин бўлган қарама-қаршиликларни бартараф этиш зарурати, ҳозирги замон медицинаси ва соғлиқни сақлаш профилактик имкониятларининг анча кенгайиши ва бошқа сабаблар билан изоҳланади. Буни шунингдек фан-техника революциясининг ҳозирги аҳволи ҳам тақозо этадики, у турмуш тарзининг динамикасини, унинг макон-замон параметрларини анча кенгайтиришни, кишилар психологиясига таъсир этувчи янги меҳнат шароитларининг вужудга келиши, уларнинг фикрлаш ва хулқ-атвор тарзининг шаклланишини белгилаб беради ва буларнинг натижаси сифатида инсоннинг уларга мослашуви, актив социал-гигиеник ва психологик жиҳатдан тартибга солиб туриш проблемасини олдинга суради.

Ҳозирги фан-техника революцияси шароитида социал-биологик профилдаги фан бўлмиш медицина қатор умуминсоншунослик проблемаларини ўрганишда муҳим ўрин тутди. Ҳар томонлама камол топган шахсни тарбиялаш, социалистик турмуш тарзининг моддий ва маънавий асосларини мустаҳкамлаш, совет кишилари ҳаёти ва фаолиятининг ҳамма томонларини янада инсонпарварлаштириш — партия XXVII съезди материалларида ўз ифодасини топган мана шу вазифаларнинг ҳаммаси инсон омилини активлаштиришда медик-социологик аспектга эга. Уларнинг актуаллиги КПСС МКнинг «Коммунист» журнали тўғрисидаги қарорида яна бир бор таъкидланиб, шундай дейилган: «Инсон ҳаёти ва ривожининг комплекс проблемаларига... кўпроқ эътибор бериш, социал ва табиий-биологик омиллар ўртасидаги ўзаро алоқадорликни чуқур тадқиқ этиш лозим».

Модомики, медицина инсонга қаратилган экан, — социал шароитлар билан боғлиқ бўлган саломатлик ва касаллик эса индивид турмуши ҳамда онгининг ҳамма соҳаларига кириб боради, — у меҳнат, истеъмол, ўзаро алоқа, маданият проблемаларини объектив равишда четлаб ўтолмайди. Медицина муҳим билиш, гуманистик ва социал-иктисодий функцияларни бажаради. Бинобарин, методо-

логик анализ, ҳозирги замон медицинасининг социал потенциаллини аниқлаш мамлакатнинг социал-иқтисодий ривожланишини жадаллаштириш даврида инсон омилини тадқиқ этишда белгилловчи роль ўйнайди. Социал-иқтисодий ҳодисаларни анализ қилишга медицинанинг ҳам қўшилиши шу билан боғлиқки, кишилар биологик ҳаёти ва фаолиятининг социал чегаралари кенгаймоқда, ижтимоий ҳаёт ритми тезлашибгина қолмай, шунингдек унинг психо-эмоционал мазмуни ҳам кучаймоқда. Инсон бу нарсага ўз вақтида мослашишга доим ҳам улгуравермайди ва натижада унинг биосоциал табиатида муайян зиддиятлар пайдо бўладики, бу кенг тарқалган катор касалликлар (юррак-томир, асаб-психик ва бошқа)нинг умумий сабабларидан биридир.

Социалистик ишлаб чиқариш муносабатлари инсон омилини активлаштиришнинг медик-гигиеник жиҳатларини ривожлантириш учун кенг имкониятлар очиб беради. Айни бир вақтда фан-техника революцияси шароитида инсон саломатлигининг социал ва иқтисодий қиммати янада ортади. Ишлаб чиқаришни механизациялаш ва автоматлаштириш ҳамда меҳнаткашларнинг профессионал тайёргарлиги даражаси канчалик юқори бўлса, инсон касаллигининг жамиятга келтирадиган социал ва иқтисодий зарари шу қадар кўп бўлади. Ўз навбатида ишлаб чиқаришни техникавий жиҳатдан қуроллантиришни яхшилаш, меҳнатни илмий асосда ташкил этишни жорий қилиш, иш жойида, турмуш ва дам олиш соҳаларида қулай шарт-шароитлар яратиш кишилар соғлиғига, уларнинг психо-физиологик имкониятларини реализация қилишга жиддий таъсир кўрсатади.

Аҳолини ялпи диспансеризация қилишга аста-секин ўтиш инсон омилини активлаштиришда соғлиқни сақлашнинг ролини оширишнинг йўналишларидан биридир. Ўрта Осиё республикаларида индустрия корхоналари, қурилиш ташкилотлари, агросаноат комплекси меҳнатчиларини диспансер кузатуvidан ўтказишни ташкил этиш борасида катта ишлар қилинмоқда. Профилактик медицина кўриклари — медик-санитария қисмлари, поликлиникалар, соғломлаштириш пунктлари ва бошқа даволаш муассасалари фаолиятининг муҳим йўналишидир.

Ишлаб чиқариш фаолиятини медицина жиҳатдан таъминлаш жамият ишлаб чиқарувчи кучларини ривожлантиришнинг бугунги кунда муҳим омили бўлиб қолди. Ҳозирги замон ишлаб чиқаришининг мураккаблиги, бошқариш жараёнларининг юксак параметрлари кишининг меҳнат жараёнидаги психофизиологик имкониятларига ўз талабини қўяди. Касалликларнинг олдини олишни ишлаб чиқариш муҳитининг у ёки бу зарарли жиҳатини бартараф этиш деб анъанавий тушунишнинг ўзи камлик қилади. Касалликка сабаб бўлувчи жараёнлар келиб чиқишининг сабаб-оқибат жиҳатларини янада чуқурроқ ўрганиш, ходимни ўраб турган кўп факторли муҳитни аниқлашга комплекс ёндашиш зурур, бунда касалликларнинг тез олдини олишнинг табақалашган ва интеграциялашган методларидан фойдаланиш керак. Чунончи, туркман олимлари томонидан ўтказилган Ашхобод ва Уфа аҳолиси касалланишининг қиёсий анализи маълумотларига қараганда мия кон томирининг шикастланиши ва миокард инфаркти Ашхободда Уфага нисбатан икки баравар кўп учрайди. Андижон медицина институти умумий хирургия кафедраси олимларининг аниқлашича, иссиқ иқлим касаллар организмга таъсир қилиб, уларни бемадор, лоқайд қилади, иштаҳасини бўғадик, бу операциядан кейинги даврнинг кечишини оғирлаштиради. Бундан ташқари, иссиқ пайтда операция қилинган беморларда гемодинамика ва сув-туз алмашиш кўрсаткичларида салбий ўзгаришлар йилнинг бошқа мавсумларидагига қараганда яққолроқ ифодаланadi.

Ўрта Осиё иқлими шароитида одамнинг янги иқлимга қўникиши ва унинг кечиши хусусиятларини комплекс ўрганиш масалалари кун тартибига қўйилмоқда. Назарий ва экспериментал характердаги ишлар ҳозирча катта салмоққа эга. Афсуски, уларнинг натижалари кўпинча илмий лаборатория доирасида қолиб кетаяпти.

Давр инсоннинг мослашуви биомеханизмларини фан ва техниканинг энг янги ютуқларини ҳисобга олган ҳолда янада кенгрок, бевосита ишлаб

чиқаришнинг ўзида ўрганишни талаб қияпти. Бу тадқиқотлар соғлиқни сақлашни касалликнинг олдини олиш ва беморни турли иқлим шароитлари ҳамда йилнинг турли мавсумларида даволашнинг тактикаси ва методлари билан қуроллантириши, касалликнинг ёки иқлим терапияси шароитида унинг оғирлашиши мумкинлигининг олдини олиш тадбирларини ишлаб чиқишга ёрдам бериши керак. Шунинг учун ҳам яшаш шароитининг ўзгаришига жавобан геоомоастада (инсон организмнинг нисбатан барқарорлиги) юз берадиган энг илк бузилишларни аниқлаш алоҳида аҳамият касб этади. Ўзбекистон ССР Соғлиқни сақлаш министрлиги санитария, гигиена ва касб касалликлари илмий-тадқиқот институти ва С. М. Дурсунова номидаги Ашхобод эпидемиология ва гигиена илмий-тадқиқот институти маълумотларига кўра Ўзбекистон ва Туркменистон корхоналарида иссиқ иқлим шароитларига етарлича кў-никмаслик натижасида ёз ойларида меҳнат қилиш қобиляти пасаяди. Бунда бошқа ёқдан келганлар билан шу ерли кишиларнинг толиқиш даражасидаги фарқ унчалик сезилмайди. Бу икки гурппада ҳам толиқиш ёзда ошиб боради, меҳнат унумдорлиги эса ўртача 10—15 процент пасаяди.

Биобарин, медицина фани ва амалий соғлиқни сақлашнинг вазифаси инсон ҳаёти ва фаолиятининг конкрет шароитларида социал ва биологик жиҳатларнинг оптимал нисбатини таъминлашдан иборатдир. Бунга, масалан, турмуш тарзи иқлим-географик хусусиятларининг соғлиққа таъсирини ўрганиш киради. Агар Ўрта Осиёда янги ерлар ўзлаштириляётганлигини, шаҳарлар ва ишчи посёлкалари қуриляётганлигини, йирик территориал-ишлаб чиқариш комплекслари барпо этиляётганлигини ҳисобга оладиган бўлсак, инсон омилини активлаштиришнинг социал-гигиеник жиҳати проблемаси алоҳида актуаллик касб этади. Иссиқ иқлим бошқа факторлар, жумладан табиий инсоляциянинг таъсири (ер сатҳининг қуёш радиациясидан нурланиши), кишлоқ хўжалигидаги кенг химиялаштириш, ландшафт шароитлари, овқатланишнинг ўзига хослиги билан қўшилиб, қоннинг морфологик манзарасида чуқур ўзгаришларни келтириб чиқариб, унинг физиологик функцияларини ҳам анча ўзгартириб юборади. Тошкентда ўтказилган кузатувларга қараганда, ёзда қўп қон кетишидан кейин зардоб оксилларининг регенерацияси қишдагига нисбатан анча секин кечади. Агар совуқ пайтда альбуминларнинг (зардоб оксилларининг) концентрациялашуви 5 кунда тўла-тўқис тикланса, иссиқ вақтларда уларнинг миқдори ҳатто 10 кун давомида ҳам дастлабки даражасига етолмайди.

Шу нарса равшанки, иқлимга мослашиш ва у билан мустаҳкам боғлиқ бўлган географик патология проблемасини анча кенг маънода тушунмоқ керак. Бунга ҳар қандай табиий-географик ва иқлимий шароитларда ҳам инсон умрини сақлаш ва узайтириш билан боғлиқ бўлган барча нарсаларни киритиш керак бўлади. Иқлимлаштириш билан боғлиқ функционал ва бошқа бузилишларнинг пайдо бўлишидан огоҳ қилувчи метод ва воситаларни излаб топиш жуда муҳимдир. Масалан, шу нарса аниқланганки, Ўрта Осиёда одамнинг иссиқлик регуляцияси процесслари иш ва дам олиш режими гигиеник рационализация қилинганда кун ва йил давомида яхшиланади ҳамда енгиллашади.

Шундай қилиб, Ўрта Осиё региони шароитида инсон омилини активлашти-ришнинг медик-биологик жиҳатлари ўзига хос хусусиятларга эга. Инсон ҳаёти ва фаолиятини ҳам ишлаб чиқариш, ҳам ноишлаб чиқариш соҳаларда социал-гигиеник жиҳатдан тартибга солиб туриш шахснинг биосоциал имкониятлари-дан самарали фойдаланиш ва юксак меҳнат унумдорлигига эришишда ижобий натижалар бермоқда.

Медицина ходимлари, фақат бемор организми билан эмас, шунингдек унинг социал муносабатлари ва яшайтган муҳити билан ҳам қизиқиш кераклигини бугунги кунда тобора кўпроқ тушунмоқда. Касалланишнинг социал сабаблари-ни ҳисобга олмасдан тўғри диагноз қўйиш мумкин эмас. Қундалик меҳнат ва турмуш шароитининг инсон организмга таъсирини эътиборсиз қолдириб беморни даволаб бўлмайди. Социал омилларни ўзгартирмай туриб касални самарали даволаш у ёқда турсин, ҳатто касалликнинг олдини олиш мумкин бўлмайди. Ахир, соғлигини касалхона ёки санаторияда тиклаган бемор аввалги шароитга тушгач яна касал бўлади ва яна врачга мурожаат қилади. Демак,

медицинанинг ҳаракати етарли даражада мақсадга мувофиқ бўлмайди ва кам самара беради. Шунинг учун ҳам ҳар қандай даволаниш тадбири, агар у айни бир вақтда беморнинг меҳнат шароити ҳамда уни куршаган муҳитни яхшилаш билан боғлиқ бўлмаса, мазкур касалликка қарши курашнинг умумий жараёнида унинг фойдаси бўлмайди.

Корхоналар ва ташкилотларнинг медик-санитария қисмлари соғлиқни муҳофаза қилишда муҳим роль ўйнайди. Кейинги йилларда уларнинг сони Ўзбекистонда анча ортди. Ҳозирги кунда моддий ишлаб чиқариш соҳасининг 4,5 миллион ходими 54 медик-санитария қисмларида, шунингдек 2,6 минг поликлиника ва даволаш амбулаторияларида, 1,2 минг касалхона ва кишлоқ жойлардаги 6,2 минг фельдшерлик-акушерлик пунктларида зарур медицина ёрдамини олмакда.

Медик-санитария қисмларининг кўпчилиги меҳнат характери ва мазмунидаги ўзгаришларни, фан ва техника ютуқларини ишлаб чиқаришга жадал жорий этиш туфайли инсон патологиясида юз берган янги ҳодисаларни ҳисобга олган ҳолда даволаш-профилактика ишини актив қайта кура бошлашди. Улар фаолиятидаги профилактик йўналиш анча кенгайди, ишлаб чиқариш жараёнида инсон ҳаёти ва фаолиятидаги социал ва биологик жиҳатларнинг номувофиқлигини келтириб чиқарувчи сабабларни аниқлаш юзасидан иш олиб борилмоқда. Ҳозирги кунда бундай иш корхона ва ташкилотлар инженерлари, технологлари, психологларини жалб қилган ҳолда амалга оширилмоқда, бунда маъмурият, касаба союз комитетлари вакиллари бевосита иштирок этмоқдалар.

Масалан, Ўзбекистон қийин эрувчи ва ўтга чидамли металллар комбинатида инсон омилини активлаштиришнинг социал-гигиеник ва технологик жиҳатларини ўрганиш уларнинг ижтимоий ишлаб чиқариш самарадорлигини оширишдаги роли тобора ошиб бораётганлигини кўрсатди. Бу ерда врач-инженерлик бригадаси ишлаб, унинг составига асосий мутахассислик бўйича врачлар, комбинатнинг бош мутахассислари, профком, хавфсизлик техникаси бўлими вакиллари кирди. Бу бригада цехлар ва участкалар бўйича касалланишнинг анализи қилади, санитария-гигиеник текширишларга раҳбарликни амалга оширади, меҳнат жараёнида санитария нормаларига амал қилинишини назорат қилиб боради. Ишлаб чиқариш жараёнининг ишчилар саломатлигига таъсирини ўрганиш ва ишлаб чиқаришни такомиллаштириш ҳамда кишиларнинг меҳнат жараёнига кўникиш имкониятларини ошириш юзасидан илмий асосланган медицина-технологик тавсияномаларни ишлаб чиқиш бу бригада фаолиятида муҳим ўрин тутди. Ишлаб чиқариш гимнастикаси ҳам врач-инженерлик бригадаси эътиборидан четда қолмади. Машқлар комплекси тузиб чиқилди, улардан комбинат ишчиларининг меҳнат режимида физкультура паузаси сифатида фойдаланилади. Шуни таъкидлаш керакки, гимнастика билан мунтазам шуғулланаётган кишиларнинг 90 процентининг аҳволи, кайфияти яхшиланмоқда, толиқиш камаймоқда, меҳнат қилиш қобилияти ошмоқда.

Спорт жамоатчилиги, касаба союз комитети ва корхона меҳнатчиларининг кенг иштирокида комбинатда физкультура ва спортни 1990 йилгача ривожлантиришнинг мақсадли комплекс программаси ишлаб чиқилган бўлиб, у соғлиқни муҳофаза қилиш системасини такомиллаштириш, диагностика ва даволанишнинг замонавий методларини жорий этиш, медицина кўриги сифатини яхшилаш, гигиеник таълим, санитария-маориф иши сингари жиҳатларни ўз ичига олади. Программада кўзда тутилган кўплаб технологик тадбирлар, вентиляция системаларнинг реконструкция қилиниши ва янгиларининг ўрнатилиши, қатор жараёнларнинг механизацияланиши ҳамда автоматлаштирилиши иш зоналари муҳитини соғломлаштириш, оғир қўл меҳнати билан банд кишилар сонини қисқартиш, бевосита иш жойларининг ўзида ишлаб чиқариш гимнастикаси учун янада қулай шароитлар яратиш имконини беради. «Саломатлик» группаларида шуғулланаётганлар сонини 270 кишига, ишлаб чиқариш гимнастикаси билан шуғулланадиганларни 1080 кишига, спорт секцияларига қатнайдиганлар сонини 2 минг кишига етказиш мўлжалланмоқда. Янги спорт секцияларини очиш, корхонанинг спорт-тренировка базасини анча мустаҳкамлаш кўзда тутилмоқда.

Кўриб турибмизки, меҳнат шароитини соғломлаштириш ва спорт-оммавий иштини ривожлантириш масалаларига комбинатда катта эътибор берилмоқда. Бу ўзининг ижобий натижаларини бермоқда. Масалан, физкультура ва спорт билан дўстлашган ходимларнинг меҳнат унумдорлиги анча юқори, улар касалга камроқ чалинади. Масалан, 7- ва 8-металлургия цехларида ишлаб чиқариш нормаларини бажариш даражаси спорт тадбирларида қатнашмайдиганларникига нисбатан анча юқоридир. Жумладан спорт омили ҳисобига ҳам меҳнат унумдорлиги ўсганлиги туфайли комбинат 1986 йил план топшириқлари ва социалистик мажбуриятларини ҳам муваффақиятли бажарди. Пландан ташқари миллион сўмлик маҳсулот ишлаб чиқарилди.

Юксак самарали меҳнат учун янада қулай шарт-шароит яратиш, санитария-гигиеник шароитни ва хавфсизлик техникасини яхшилаш, ишлаб чиқариш маданиятини ошириш керак — СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида шундай деб ёзилган. Бу вазифаларни бажариш партия XXVII съезди белгилаб берган марраларни эгаллашда муваффақиятларни кўп жиҳатдан таъминлайди. Лекин экономиканинг кўпгина соҳаларида инсон омилини активлаштиришнинг бу муҳим жиҳатига етарлича эътибор берилмаяпти. Фақат ўтган йилнинг ўзида республикада меҳнат муҳофазаси қондалари 110 минг мартадан зиёд бузилганлиги аниқланди, иш жойларини аттестация қилиш, айниқса санитария-гигиеник талабларни ҳисобга олиб аттестация қилиш бўш олиб борилмоқда. Маълумки, «инсон — ишлаб чиқариш» муносабатларининг ришталари айни шу иш жойида «боғланади» ва «узилади», корхона самарадор ходимга эгами-йўқми, ва аксинча, ходим ўз ишидан мамнунми-йўқми, деган масала ҳам худди шу ерда ҳал қилинади. Бошқача қилиб айтганда, ҳозирги замон ишлаб чиқаришининг инсонга, инсоннинг — ишлаб чиқариш олдига қўяётган талаблар қай даражада бажарилаётгани маълум бўлади, улар кишининг иш жойидаги ҳаёт ва фаолиятини социал-гигиеник жиҳатдан тартибга солишга боғлиқдир.

Тадқиқотларнинг кўрсатишича, инсон омилини активлаштиришга медицина-гигиеник таъсирнинг катта имкониятларидан ҳали ҳам кам фойдаланилмоқда. Машинасозлик, қурилиш материаллари саноати, энергетика, рангли металлургия, нефть химияси ва бошқа тармоқларнинг кўпгина корхоналарида бунга етарлича эътибор берилмаяпти. «Малика» ишлаб чиқариш тикув бирлашмаси, Андижон ип газлама комбинатида, Фарғона ва Самарқанд химия заводларида мана бир неча йилдан буён медицина-санитария қисмларини очиш масаласи ҳал қилинмай келади, холбуки уларда бир неча минглаб ишчилар ишлашади.

Сир эмаски, айрим хўжалик раҳбарлари учун социалистик ишлаб чиқаришнинг асосий мақсади шунчаки ширдан бошқа нарса эмас. Улар оғизда уни маъқуллашади, лекин уни ўзининг кундалик фаолияти учун принцип қилиб олишмаган. Шунинг учун ҳам планни ҳар қандай йўл билан бажариш, кишиларнинг меҳнат ва турмуш шароитларига бефарқ қараш практикасига ҳали ҳам барҳам берилмаган. Оқибат натижада буларнинг ҳаммаси ходимларнинг соғлиғига ҳам, ишлаб чиқариш кўрсаткичларига ҳам салбий таъсир қилади, меҳнатчиларнинг бутун жисмоний ва интеллектуал кучларини сафарбар этиб, зарбдорларча ишлаш имкониятларини пасайтиради. Ишлаб чиқаришнинг социал томонига, турмуш ва дам олиш масалаларига бефарқ қаралган ҳар бир фактга принципиал, партиявий баҳо бериш керак.

Ўзбекистон Компартияси МКнинг III пленумида (1986 йил октябрь) таъкидлаб ўтилганидек, зарур коммунал хизматларнинг йўқлиги, ишлаб чиқариш ва турмушдаги антисанитария ҳолати, меҳнат ва дам олиш режими-нинг бузилиши шунга олиб келдики, фақат 1985 йилнинг ўзида касаллик туфайли 37 миллион киши-кун йўқолди, касаллик варақаси бўйича 230 миллион сўм пул тўланди. Холбуки медресанқисмлар ташкил этилган корхоналарда ходимлар соғлиги медицина-санитария қисмлари бўлмаган жойлардаги ходимларникига қараганда анча яхши. Масалан, медицина-санитария қисми бўлган «Қизил тонг» фирмасида вақтинча меҳнат қилолмайдиған касаллиги

бўйича кўрсаткич 1985 йилда 100 ишловчига 706 кунни, «Учкун» ишлаб чиқариш бирлашмасида эса — 1035 кунни ташкил этди.

Ўзбекистонда 200 дан ортиқ саноат корхонаси бўлиб, уларда 1 мингдан ортиқ медицина ходими банд. Бу — инсон омилини активлаштиришдаги соғлиқни муҳофаза қилиш жиҳатининг зарур резерви бўлиб, ундан корхона ва министрликлар куч ҳамда маблағларини кенг кооперациялаш ҳисобига медицина-санитария қисмларини барпо этган тақдирдагина фойдаланиш мумкин. Чирчикдаги бирлашган медреса бундай ҳамкорликка мисол бўла олади, у шаҳардаги турли корхоналарда ишлаётган 27 мингдан зиёд ишчи ва инженер-техник ходимларга хизмат қилади.

Социалистик жамиятда ишлаб чиқаришнинг ишлаб туриши ижтимоий ҳаётнинг барча бошқа соҳаларида бўлгани каби, меҳнаткашлар фаровонлигига қаратилгандир. Лекин ҳўжалик соҳасида дарҳол самарадорликка интилиш медицина-гигиеник тавсияларнинг жуда катта иқтисодий ва гуманистик самарасини тушунишга доим ҳам имкон беравермайди. Ишлаб чиқариш-техник фикр-мулоҳазалардан келиб чиқиб, ўша тавсияларга амал қилмасликни оқлашга уринувчилар ҳам учраб туради. Ахир, касалнинг олдини олиш уни даволашга нисбатан фақат осон бўлибгина қолмай, арзонга ҳам тушишини ҳамма билади-ку.

Меҳнат шароитининг гигиеник жиҳатдан нормал, оптимал бўлиши лойиҳалаштириш босқичидаёқ кўзда тутилиши керак. Хавфсизлик техникасидан хавфсиз техникага дадилроқ ўтиш — бу давр талабидир. Маъмурият ва касаба союз ходимларини, шунингдек конструкторларни бу принципни амалга оширишга ёрдам берганликлари учун моддий рағбатлантириш системасини жорий этиш тўғрисидаги таклифни қўллаб-қувватлаш керак.

Бир-бирига яқин касб ва ихтисосликни эгаллаш йўлидаги ҳаракатни барча чоралар билан рағбатлантириш медицина нуқтаи назаридан ҳам муҳимдир. Физиологларнинг аниқлашича, меҳнат фаолияти жараёнида ходимларда динамик стереотиплар деб аталмиш бир ҳолат пайдо бўладиги, уларни бузиш (масалан, ихтисосни ўзгартиришда) баъзида янгиларини қарор топтиришга нисбатан анча мураккаб бўлади. Шунинг учун ҳам медик-психологик қондалар билан инсон омилини активлаштиришни янада тўлароқ бирга қўшиб олиб бориш учун эски стереотипларни синдириш эмас, балки ишлаб чиқариш фаолияти соҳасини кенгайтириш асосида уларни бойитиш керак. Зеро, бундай ёндашув мамлакатни социал-иқтисодий ривожлантиришни жадаллаштириш концепциясининг бош мақсадига — шахсни ҳар томонлама уйғун камол топтириш мақсадига мос бўлиб тушади.

Инсон омилини активлаштиришда медиклар куч-ғайрати самарадорлигини ошириш борасида касаба союzlари катта роль ўйнайди. Ун биринчи беш йилликда кўп жиҳатдан уларнинг фаолияти туфайли Ўзбекистонда 415,2 кишининг, шу жумладан 163,9 минг хотин-қизнинг меҳнат шароити яхшиланди, оғир жисмоний ишларда банд бўлган кишилар сони 25,6 минг, зарарли ишлаб чиқаришда 50,6 минг кишига камайди. Санатория-курортда даволаниш, дам олиш ва туризмнинг барча турлари билан социал страхование маблағлари ҳисобига текин ва имтиёзли йўлланмалар билан 2,3 миллион ишчи, хизматчи, колхозчи ва уларнинг оила аъзолари камраб олинди.

Лекин инсон омилини активлаштиришнинг бу муҳим жиҳатларидан самарали фойдаланишмайди. Фақат 1985 йилнинг ўзида 30 санаторий-профилакторий меҳнаткашларни соғломлаштириш планини бажармади, натижада 7 мингдан ортиқ одам даволана олмади. ВЦСПС президуми, санаторий-профилакторийлар иш сифатини баҳолашда улар хизмат кўрсатаётган корхоналарда касаллик туфайли иш вақти зое кетишини камайтириш асосий мезон қилиб олиниши керак деб кўрсатма берди. Ҳам касаба союз органлари ходимларининг, ҳам меҳнаткашларнинг ўзининг даволаниш ва дам олиш учун бор имкониятлардан самаралироқ фойдаланиш бобидаги шахсий масъулиятини ошириш зарур.

Меҳнат коллективларида, айниқса мансабдор шахслар билан улар қўл остида ишлайдиганлар ўртасидаги ўзаро муносабатларда нормал ахлоқий-

психологик иқлим яратиш — инсон омилини активлаштиришнинг муҳим йўналишларидан биридир. Ишхонада шикастланганда бўлгани каби у ёки бу касалликларнинг (миокард инфаркти, гипертония кризи, баъзи хроник касалликларнинг кучайиши ва ҳоказо) пайдо бўлиш сабабларини ўрганиш мақсадга мувофиқдир, уларни туғдираётган сабабларни бартараф этиш, шунингдек айбдорларни жавобгарликка тортиш керак. Бу масала пишиб етилган-у, лекин бундай ҳодисаларни ишхонадаги шикастланишга киритишнинг тегишли юридик норма ва медицина мезонлари ҳали ҳам ишлаб чиқилмаган. Қасаба союзлари меҳнат коллективи ҳаётининг бу муҳим томонини контрол қилишни амалга оширишда ташаббус кўрсатсалар бўларди, улар меҳнатқашларнинг меҳнат шароити ва соғлиғини мустаҳкамлаш борасидаги тадбирларнинг бажарилиши учун хўжалик раҳбарларига, шунингдек ўз соғлиғига бефарқ қарайдиган, ёмон одатларни сунистеъмол қиладиган конкрет шахсларга нисбатан талабчанликни оширишлари керак. Бизнинг фикримизча, инсоннинг соғлом турмуш тарзи ва меҳнати билан боғлиқ масалалар меҳнат коллективларидаги тарбиявий ишнинг марказида бўлиши керак.

Социал-иктисодий, илмий-техникавий ва социал-гигиеник мақсадлар бирлиги инсон омилини активлаштиришда соғлиқни сақлаш ролини оширишнинг объектив асосини ташкил этади. Юқорида таъкидлаб ўтганимиздек, соғлиқни сақлаш ҳаётнинг турли томонларига, моддий ишлаб чиқаришдан тортиб, маданият ва тарбиягача сезиларли таъсир кўрсатади. Масалан, инсоннинг нейропсихик ва анатомфизиологик хусусиятларини ҳисобга олмай туриб ҳозир юқори унумли техника ва асбоб-ускуналарни яратиб бўлмайди. Ҳозирги замон медицина фани ихтиёридаги хилма-хил илмий потенциал ва ахборотдан фойдаланмай туриб кишилар меҳнати, турмуши ва дам олишини ташкил этишнинг янги принцип ва методларини ишлаб чиқиш мумкин эмас, шаҳарлар ва бошқа аҳоли пунктларини ишлаб чиқариш ҳамда иқлим шароитларига мувофиқ равишда планлаштириб бўлмайди, моддалар, материаллар ва энергия турларининг соғлиқ учун салбий таъсирининг олдини олиб бўлмайди.

Ҳар қандай халқ хўжалик вазифасини ҳал қилишда социал-гигиеник талабларни ҳисобга олмасдан бўлмайди. Бу ишлаб чиқарувчи кучларни жойлаштириш, атроф муҳитни муҳофаза қилиш проблемаларига ҳам, меҳнат ва дам олиш режимларини ишлаб чиқиш масалаларига ҳам тааллуқлидир. Масалан, иш ҳафтаси, иш куни графиги маҳаллий иқлимий-географик хусусиятларни, унинг ҳафта ва сутканинг турли пайтларидаги чарчаш даражасини ҳисобга олган ҳолда инсон организмнинг ритмларига мос келиши керак. Маълумки, масалан, иш ҳафтаси охирига бориб толиқиш орта боради, организмнинг қаршилиги камаяди, у инфекция ва бошқа касалликларга тез чалинадиган бўлиб қолади.

Шу муносабат билан айрим гигиеначилар ишлаб чиқариш имкон берган жойда дам олишнинг бир кунини ҳафта ўртасида, иккинчисини эса ҳафта охирида қилиш мақсадга мувофиқ деб ҳисоблашади. Социалистик турмуш тарзини янада инсонпарвар қилиш учун шунга эришиш керакки, социал-гигиеник прогнозлар иктисодий, технологик ва экологик прогнозлардан орқада қолмай, аксинча улардан олдинда бўлсин, ўзгариб бораётган муҳитнинг аҳоли соғлиғига турлича таъсир кўрсатиш имкониятларини олдиндан айтиб бера олсин. Социализм шароитида меҳнатни илмий асосда ташкил этиш эса инсоннинг жисмоний ва асабий-психик кучларини кам сарфлаган, яъни унинг соғлиғини иложи борида авайлаган ҳолда энг кўп меҳнат унумдорлигига эришишга ёрдам бериши керак.

Шундай қилиб, мамлакатни социал-иктисодий ривожлантиришни жадаллаштириш, бундан кейинги фан-техника тараққиёти кўп жиҳатдан инсон омилини активлаштиришнинг методологик, медик-биологик ва социал-гигиеник жиҳатларига боғлиқ. Шу муносабат билан социал гигиена бўйича философлар, социологлар, олим-медиклар, мутахассислар олдида катта вазифалар турибди. Биринчи навбатда инсон организмга таъсир қиладиган омилларни аниқлаш ва баҳолаш методларига бўлган талаб анча ортади, ишлаб чиқариш муҳитини соғломлаштириш, Ўрта Осиё регионининг иссиқ ва қуруқ иқлими шароитида ўта

таъсир килувчи омиллardan ҳар бирининг конкрет ўзгаришини аниқлаш юзасидан конкрет таклифларни ишлаб чиқиш зарурати ошади.

СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида шундай деб таъкидланган: **«Аҳолининг сihat-саломатлигини муҳофаза қилиш ва дам олиш шароити доимо яхшилаб берилсин.** Соғлиқни сақлашнинг профилактика йўналиши кучайтирилсин, медицина хизмати сифати яхшилансин ва бутун аҳолини ҳар йили диспансер кўригидан ўтказиш бошлансин». Ижобий пировард натижаларга йўналтирувчи бундай кенг социал пландаги вазифа биринчи бор таърифлаб берилди. Уни фақат сihat-саломатликни сақлаш, уни мустаҳкамлаш, касалликнинг олдини олиш, уни барвақтрок аниқлаш ва самарали даволашнинг оптимал шарт-шароитларини кўзда тутувчи профилактика йўлидагина амалга ошириш мумкин бўлади. Соғлиқни сақлаш соҳасидаги профилактик фаолиятнинг ҳар бир босқичи, ҳар бир тури ҳар бир конкрет шароитда ишнинг муваффақиятини таъминловчи ўз восита ва методлари, ўз ижрочиларига эга.

Профилактикани ривожлантиришда медицина фани ҳал қилувчи аҳамиятга эга. Фан инсон ҳаёти ва фаолияти физиологик ва психик томонларининг энг нозик механизмларини, унинг атроф муҳит билан алоқасини, патологик ҳолатларнинг келиб чиқиш сабабларини очиб, одамнинг ўзига бепарво бўлиши, таваккалчилик қилиши факторлари ва группалари тўғрисидаги концепцияни ривожлантирибгина аҳоли сihat-саломатлиги учун курашда юқори самарадорликни таъминлаши мумкин.

Соғлиқни сақлашнинг санитария-эпидемиология хизмати профилактикани амалга оширишда муҳим бўғиндир. У юқумли касалликларнинг олдини олиш ва йўқотишда, табиатни муҳофаза қилишда, аҳоли меҳнати ва дам олишининг қулай санитария-гигиена шарт-шароитларини таъминлаш борасидаги тadbирлар устидан давлат назоратини амалга оширишда белгилловчи роль ўйнайди. Илмий асосланган санитария-гигиена нормативларини практикага жорий этиш, самарали оғоҳлантирувчи ва жорий санитария назоратини таъминлаш соҳасидаги хизматнинг роли мамлакатни социал-иқтисодий ривожлантиришни жадаллаштириш босқичида айниқса ошади. Бугунги кунда кенг ва самарали профилактика бўйича ягона комплекс тadbирларни таъминлаш максadларида санитария-эпидемиология хизмати фаолиятини даволаш-профилактик тadbирлар системаси билан узвий қўшиб олиб бориш керак.

Бутун аҳолини диспансеризация қилиш профилактиканинг энг муҳим проблемалари орасида марказий ўринда туради. Ўз қўлами бўйича жуда катта программани амалга оширишга бугунги кунда нафақат социалистик соғлиқни сақлашнинг асосий принципларини турмушга ошириш деб қаралапти. Бу ерда гап халқ сihat-саломатлиги ҳолатини ҳар томонлама баҳолашни, ҳар бир кишининг соғлиғини муттасил кузатиб боришни, ишлаб чиқариш ва маиший шароитларни яхшилаш, шахснинг жисмоний ҳамда психик жиҳатдан ҳар томонлама уйғун тарзда камол топишини таъминлаш, касалликларнинг олдини олиш ва самарали даволаш, совет кишилари соғлиғи даражасини ва актив узок умр кўришини чўзиш бўйича социал-иқтисодий ва медицина тadbирларини комплекс равишда амалга оширишни таъминловчи ягона интеграллашган система бўлган диспансеризация тўғрисида боряпти. Бугунги кунда кишилар ҳаёти ва фаолиятининг ўзига ҳoс хусусиятларини, регионнинг иқлимий-географик шароитларини, химик препаратларнинг кишлоқ хўжалигида кенг қўлланишини ҳисобга олган ҳолда соғлом турмуш тарзини аҳоли ўртасида, айниқса кишлоқ жойларда пропаганда қилиш методларини анча яхшилаш ва уни қайта қуриш талаб қилинади.

Республикамиз аҳолиси ўртасида касалликларнинг олдини олишда тармок ва олий ўқув юртларидаги фан муҳим роль ўйнайдик, бу ерда кудратли илмий-техник потенциал, малакали кадрлар тўпланган. Лекин бу кучлар касалликларнинг камайишига ҳозирча жиддий таъсир кўрсатмаяпти, аҳоли ўртасида, меҳнат коллективларида илмий асосланган профилактик ишни етарлича ўтказишмаяпти. Биргина Тошкентнинг ўзида аслида битта проблема

устида юкумли ва касб касалликлари профилактикаси, диагностикаси ва даволаш йўллари, восита ва методларини ишлаб чиқиш бўйича ихтисослашган бир неча илмий-тадқиқот институтлари ишлаб турибди. Бу институтларнинг жуда катта илмий потенциали куч-ғайратини бирлаштириб, фақат Ўзбекистон олдидагина турмаётган соғлиқни сақлашнинг муҳим проблемаларини ҳал қилишга қаратиш зарур. Бу ишни Ўрта Осиё республикаларидаги шу хилдаги илмий марказлар фаолияти билан координация қилиш мақсадга мувофиқдир.

Касалликларнинг олдини олиш ва соғлом турмуш тарзини шакллантиришнинг комплекс программасини муваффақиятли ҳал этиш бир республика ёки ҳатто бутун регион доирасидан чиқиб кетишини ҳаёт кўрсатиб турибди. Шаҳарлараро алоқалар даражасининг юқорилиги, иқлим-географик шароитларнинг ўхшашлиги, Ўрта Осиё кишилари тарихий анъаналаридаги, турмуш тарзидаги ўзига хос хусусиятларнинг умумийлиги фақат соғлиқни сақлаш органлари ва илмий-медицина марказларининггина эмас, шунингдек давлат ҳамда жамоат ташкилотлари, министрликлар ва идоралар куч-ғайратини ҳам қўишни талаб этади.

Ўзбекистонда «Саломатлик» программаси ишлаб чиқилган бўлиб, у 1986—1990 йилларга мўлжалланган медицина, социал-иктисодий, илмий-техник ва ташкилий тадбирларнинг идоралараро комплексидан иборатдир. Бу программа соғлиқни сақлаш муассасалари шохобчаларини янада кенгайтириш ва уларнинг моддий-техника базасини мустаҳкамлаш, фаолиятини яхшилаш, медицина ёрдами ихтисослаштирилган турлари, функционал-диагностика хизматлари ҳажмини кенгайтиришни, аҳолини диспансеризация қилишни, касалликларнинг олдини олиш ва даволашнинг мустаҳкам илмий базасини таъминлаш, соғлом турмуш тарзини шакллантириш бўйича ишни активлаштиришни кўзда тутди. Шунингдек ичкилик ва бошқа зарарли одатларни суиистеъмол қиладиган шахсларга жамоатчилик йўли билан таъсир этиш тадбирларини кучайтириш, меҳнат шароити ва муҳофазасини яхшилаш, вақтинча меҳнатга лаёқатсизлик даражасини, касб касаллигини, ишхонада шикастланишни, инвалидликни камайтиришга қаратилган санитария-соғломлаштириш тадбирларининг ўтказилиши, атроф муҳитни соғломлаштириш, аҳолининг актив дам олишини ривожлантириш, санаторий-профилакторийлар, туристик, физкультура-спорт базалари ва бошқа соғломлаштириш муассасаларини кенгайтириш ва улардан фойдаланиш самарадорлигини ошириш ҳам ўша программанинг бажарилишига ёрдам беради.

Мамлакатни иктисодий ва социал ривожлантиришни жадаллаштириш концепцияси биринчи навбатда иктисодий харажатлар талаб қилмайдиган, лекин юксак наф келтирадиган инсон омилидан рационал фойдаланишни кўзда тутди. Инсон меҳнат субъекти сифатида жуда катта ижодий ва психофизиологик имкониятларга эга. Қулай шарт-шароитларни яратиш унга меҳнат унумдорлигини бир неча бор оширишга имкон берадики, инсон омилини активлаштиришнинг социал ва медик-гигиеник тадбирлари шунга қаратилиши керак.

ЛЕНИНИЗМДА УРУШ, ТИНЧЛИК ВА РЕВОЛЮЦИЯ ПРОБЛЕМАЛАРИ ДИАЛЕКТИКАСИ

П. НИЕЗОВ,

философия фанлари доктори

КПСС XXVII СЪЕЗДИ уруш ва тинчлик проблемаси ҳозирги пайтда инсоният олдида турган энг кескин проблемадир деб таъкидлади. Унинг ҳал этилиши тараққиёт билан реакция, турли хил демократик ва революцион ҳаракатлар қарама-қарши курашувчи кучларининг синфий манфаатларига боғлиқдир.

Жаҳон революцион жараёнининг миқёси ҳеч қачон ҳозиргидек қўламдор ва таъсирли бўлган эмас. Капитализмдан социализмга ўтиш инсоният тараққиётининг асосий тенденцияси, ҳозирги тарихий даврнинг мазмуни бўлиб қолди.

Империализм ижтимоий тараққиётнинг объектив оқимиға милитаризмни ва жаҳон урушини тайёрлаш сиёсатини қарама-қарши қўймоқда, буржуа сиёсий арбоблари ва идеологлари бунинг учун масъулиятни прогрессив кучлар, жаҳон социализм системаси ва аввало СССР зиммасига юклашға уринмоқдалар. Улар халқларни «кизил хавф», «коммунизмнинг тажовузкор табиати», Совет Иттифоқининг «жаҳонға ҳукмронлик» қилишға бўлган афсонадан иборат интилиши билан кўрқитишға ҳаракат қилмоқдалар.

Аслида эса буларнинг барчаси социализмға тўхмат қилишдан, империализмнинг ҳақиқий табиатини, юзага келган халқаро кескинликнинг, ҳарбий конфликтлар ва эҳтимол бўлган жаҳон термоядро урушининг ҳақиқий сабабларини яширишға уринишлардан бошқа нарса эмас. «Социализм, — деб эълон қилди КПСС МК Бош секретари М. С. Горбачев партия XXVII съезди минбаридан, — давлатлараро сиёсий ва иқтисодий зиддиятларни, мафкуравий низоларни бартараф этиш воситаси сифатида урушни ҳеч сўзсиз рад этади. Қурулсиз ва зўравонликсиз дунё, ҳар бир халқ ўз ривожланиш йўлини, ўз турмуш тарзини эркин танлаб оладиган дунё — бизнинг олий мақсадимиздир».

Капитализмнинг бутун тарихи конли урушлар тарихидан иборат. Буржуазия ўзи учун мол сотишнинг янги бозорларига, хом ашё ва арзон иш кучи манбаларига ўт ва қилич ёрдамида йўл очиб келди. Тараққиётнинг империалистик босқичида жаҳон урушлари капитализм қонуни бўлиб қолди. Айни империализм, деб таъкидланди КПССнинг янги таҳрирдаги Программасида, ўн миллионлаб кишиларнинг ёстиғини қуритган иккита жаҳон урушининг айбдоридир. У учинчи жаҳон уруши хавфини солмоқда. Империализм инсоният даҳоси ютуқларини даҳшатли вайрон қилиш қучига эга бўлган қуруллар яратишға хизмат қилдирмоқда. Бутун-бутун халқларнинг тақдирини қурбон қилишға тайёр бўлган империалистик доираларнинг сиёсати бу қурулнинг ишға солиниш хавфини қучайтирмоқда. Пировард натижада бу нарса ялпи ҳарбий тўқнашувни келтириб чиқариши мумкин, бунинг натижасида ғолиблар ҳам, мағлублар ҳам бўлмайдилар, лекин жаҳон цивилизацияси ҳалок бўлиши мумкин.

Уруш ўз табиатига кўра ғайринисоний ҳаракат бўлиб, марксистлар унинг ашаддий мухолифларидирлар. В. И. Ленин социалистлар халқлар ўртасидаги

урушларни ваҳшийлик ва йиртқиқчилик иши деб ҳамиша коралаб келганликларини таъкидлайди. «Подшолар ва капиталистларнинг йиртқиқчилик интилишлари натижасида келиб чиққан ҳамма урушларни, — деб кўрсатади Владимир Ильич, — биз жинояткорона уруш деб ҳисоблаймиз, чунки улар меҳнаткаш синфлар учун ҳалокатли бўлиб, ҳукмронлик қилаётган буржуазияга жуда кўп фойдалар келтиради» (Тўла асарлар тўплами, 37-том, 82—83-бетлар).

Меҳнаткашларнинг ва мазлум халқларнинг озод бўлиш учун олиб бораётган курашига қарши қаратилган урушларни, шунингдек, истилочилик урушларини коралаб, уларни адолатсиз урушлар деб баҳолаш билан бир пайтда марксизм-ленинизм меҳнатни капитал зулмидан халос қилиш учун мазлум синфлар олиб борадиган урушларни, миллий озодликка чиқишни кўзлаган, хорижий агрессияга қарши қаратилган урушларни ёқлайди. Марксизм нуқтаи назаридан қараганда улар адолатли, муқаддас урушлардир. В. И. Ленин ёзганидек, «бизнинг урушга муносабатимиз буржуа пацифистларининг... ва анархистларнинг муносабатидан принцип жиҳатидан тамомила бошқачадир. Биз буржуа пацифистларидан шу жиҳатдан фарқ қиламизки, биз урушларнинг мамлакат ичидаги синфлар кураши билан муқаррар равишда боғлиқ эканлигини тушунамиз, синфларни йўқотмасдан ва социализмни вужудга келтирмасдан туриб, урушни йўқотиш мумкин эмаслигини тушунамиз, яна шу жиҳатдан ҳам фарқ қиламизки, биз граждан урушларининг, яъни эзилган синфнинг эзувчи синфга қарши, кулларнинг кулдорларга қарши, крепостной деҳқонларнинг помещикларга қарши, ёлланма ишчиларнинг буржуазияга қарши қаратилган урушларининг қонуний, прогрессив ва зарур эканлигини эътироф қиламиз» (ТАТ, 26-том, 357-бет).

Урушларнинг социал мундарижасига баҳо бериш масаласига синфий ёндашиш бугунги кунда алоҳида актуаллик касб этмокда. Империализм дунёдаги кескинликни кучайтираётган, АҚШ ҳукумати эса энг қудратли курулнинг янги-янги турлари ёрдамида реал социализмни емиришни ўйлаётган, инсониятнинг омон қолишини ҳам хавф остига қўяётган ҳозирги шароитда мамлакатимиз урушнинг олдини олиш учун барча зарур тадбирларни кўрмокда. СССР билан АҚШ, Варшава Шартномаси Ташкилоти билан НАТО ўртасида ҳарбий-стратегик мувозанат ўрнатилганлиги, деб таъкидланади партиянинг янги тахрирдаги Программасида, социализмнинг тарихий ютуғи бўлди. Мамлакатимиз ҳарбий мувозанат мустаҳкам бўлиши керак деб ҳисоблайди.

Бутун ер куррасидаги тараққийпарвар арбоблар Совет Иттифоқининг умумий тинчликни сақлаб қолишга қаратилган сиёсатида тушуниш билан қарамоқдалар. СССРнинг жавоб чораларини жаҳон термоядро ҳалокатининг олдини олиш учун қаратилган зарурий чоралар деб баҳоламоқдалар. Лекин гўё ишчилар синфи номидан сўз олиб, капитализмдан социализмга ва коммунизмга ўтишда синфий кураш объектив қонун сифатида муқаррар эканлиги ҳақидаги ленинча қоидаларнинг умри тугади деб даъво қилувчиларнинг ҳам овозлари қулоққа чалинмокда. Улар ўзларини ижодий фикрловчи марксистлар деб эълон қиладилар, аслида эса фан-техника революциясининг социал оқибатларини сунистеъмол қилувчи ва капиталистик жамиятнинг ўз-ўзидан пролетарлашувидек сохта илмий ғояларни пропаганда қилувчи антикоммунизм назариячиларининг ортидан эргашадилар. Ана шундай «назариячилар» Европанинг социал тараққиёт йўлини СССР ва социалистик ҳамдўстликка қирувчи бошқа мамлакатларнинг революцион ривожланишига қарши қўювчи «еврокоммунизм», турлича «социализм моделлари» ва ҳоказо концепцияларни яратганлар. Фактларга зид ўларок, улар синфий кураш тарихий анахронизм бўлиб қолди ва ҳозирги пайтда фақат синфий тотувлик шароитидагина социализмга ўтиш мумкин деб даъво қиладилар.

Лекин ҳақиқат шундан иборатки, жамиятнинг социализм йўлида тинч формада ривожланиши мумкинлиги ҳақида марксизм-ленинизм классиклари кўп маротаба ва батафсил ёзган эдилар. Бундан ташқари, улар шундай имкониятни коммунистларнинг идеали деб ҳисоблаганлар ва ушбу проблемани ҳар томонлама назарий ишлаб чиқиш учун кўп иш қилганлар. Лекин улар революциянинг тинч йўл билан ғалаба қилишини синфий курашга қарама-

қарши қўймаганлар, аксинча, уни тараққиёт қонунлари билан боғлаганлар. «Хусусий мулкни тинч йўл билан йўқ қилиш мумкинми?» деган саволга Ф. Энгельс «Коммунизм принциплари» деган асарида пролетар революционерларнинг нуқтаи назарини баён қиларкан, шундай деб жавоб берган эди: «Шундай бўлса айни муддао бўлур эди ва коммунистлар албатта бунга қарши ʻтироз билдирувчиларнинг энг охиргиси бўлур эдилар» (К. Маркс ва Ф. Энгельс. Ҳақ тоғлиқ танланган асарлар, 1-том, 86-бет).

Марксизм асосчилари ана шу принципаал муҳим масалани фақат назарий жиҳатдан эмас, балки амалий соҳада ҳам ҳал эта бордилар. Ўтган асрнинг 70-йилларида К. Маркс революция тинч йўл билан Америка ва Англияда амалга ошиши мумкин деб ҳисоблаганлиги маълум. У бунда бошқа мамлакатлардагидек мулкдор синф манфаатларини ҳимоя қилиш мақсадида таркиб топган қудратли ҳарбий-бюрократик ҳокимият аппарати санаб ўтилган мамлакатларда ўша пайтларда мавжуд бўлмаганлигидан келиб чиққан эди; кейинчалик расмийчилик тусини олган буржуа демократияси принциплари бу мамлакатларда у ёки бу қадар изчил амал қилаётган, буржуа диктатураси ҳали янада кескин формаларга кириб улгурмаган эди. Пролетариат эса, айниқса Англияда, уюшган куч бўлиб, ҳокимият унинг қўлига ўтиши масаласи ҳал этилишида буржуазия шафқатсиз қаршилиқ кўрсата олмаслигига ҳали ишонса бўлар эди.

Пролетариат синфий қурашининг тинч йўл билан ҳал бўлиши мақбул эканлиги ҳақида В. И. Ленин ҳам ёзган эди. «Ишчилар синфи *тинч йўл билан* ҳокимиятни ўз қўлига олишни афзал кўрган бўлур эди, албатта», — деб кўрсатди у (ТАТ, 4-том, 307-бет). Владимир Ильич социалистик революциянинг тинч йўл билан ривожланиши ҳақида 1917 йил апрелида, мамлакатда икки ҳокимиятчилик вужудга келган, большевиклар партияси уюштирган пролетариат буржуазиядан қучли бўлган ва уни Советлар фойдасига ҳокимиятдан воз кечишга мажбур эта олиши мумкин бўлган бир шароитда айтган эди. «...Бутун ҳокимият Советлар қўлига ўтган бир вақтда революциянинг тинч ривожланиши *мумкин* ва *аниқроқдир*», — деб ёзган эди В. И. Ленин ўша кунлари. (ТАТ, 34-том, 263-бет). Муваққат ҳукумат Петроград кўчаларида ишчиларни ўққа тутган 1917 йил июль воқеаларидан кейингина пролетариат диктатурасини тинч йўл билан қарор топтириш имконияти бой берилди. Буржуазия мустаҳкамланиб олганлигини ва ўз синфий позицияларини қурол қучи билан ҳимоя қилишини, жангсиз таслим бўлмаслигини очик-ойдин намоён қилди.

Жаҳон революцион ҷираёнини, жаҳон социалистик системаси муваффақиятларини, ишчилар ва миллий-озодлик ҳаракатининг ошиб бораётган кўламини таҳлил қила бориб, КПСС ўзининг XX съездида (1956 йил) ҳозирги шарт-шароитда бир қатор мамлакатларда революция тинч йўл билан ғалаба қозониши мумкинлиги ҳақидаги ҳулосага келди, чунки тараққиёт ва социализм қучлари умуман олганда реакция қучларидан устун бўлиб, реакция доимо ва ҳар жойда ҳам қалтис биродарқушлиқ урушига қодир бўла олмайди. Жаҳон коммунистик ҳаракати қўллаб-қувватлаган бу ҳулоса коммунистик ва ишчи партиялар вакилларининг 1957 йилда бўлиб ўтган кенгаши Декларациясида ҳамда кўпгина коммунистик партияларнинг ҳужжатларида мустаҳкамланди.

Социалистик революциянинг тинч йўл билан ғалаба қозониши мумкинлиги ва мақбул эканлиги ҳақида сўз юритган марксизм-ленинизм классиклари унинг амалга ошиши тарихий ривожланишнинг бориши натижасида ҳокимият масаласи кун тартибига қўйилган ҳал қилувчи пайтда синфий қучлар нисбатига, пролетариат уюшқоклигига ва унинг қандай бўлмасин ҳокимиятни ўз қўлига олишга қатъий қарор берганлигига, буржуазия ўзини қандай тутишига бутунлай боғлиқ бўлиши ҳақида жуда аниқ фикр айтганлар. Буржуазия қаршилиқ кўрсатадиган бўлса, пролетариатга революция тақдирини қурол ёрдамида ҳал қилишдан бошқа илож қолмайди. «Агар буларнинг ҳаммаси, — деб ёзган эди Ф. Энгельс, — пировардида, эзилган пролетариатни революцияга ундаса, у ҳолда биз коммунистлар амалий ҳаракатимиз билан пролетариат ишини ҳозирги вақтда сўзда ҳимоя қилаётганимиздан кўра яхшироқ ҳимоя қиламиз» (К. Маркс ва Ф. Энгельс. Ҳақ тоғлиқ танланган асарлар,

1-том, 86-бет). В. И. Ленин ҳам ана шу фикрни ёклаб, агар буржуазия пролетариатга тинч йўл билан ён бермасдан, ҳал қилувчи пайтда ўз имтиёзларини зўравонлик билан ҳимоя қилишга уринса, «бундай ҳолда ишчилар синфига ўз мақсадини амалга ошириш учун революциядан бошқа йўл қолмайди», деб огоҳлантирган эди (ТАТ, 4-том, 308-бет).

Шундай қилиб, ленинизм гарчи муайян тарихий шароитларда революциянинг тинч йўл билан ғалаба қилиши варианты мақбуллиги ва мумкинлиги ҳақида сўз юритса ҳам реформизмдан ва марксизмнинг ҳозирги муртадларидан фарқли ўлароқ, синфий кураш позицияларида қолади. Тинч йўл социализмга ўтиш формаларидан бири бўлиб, реаллиги буржуазиянинг атвориға, фаросатлилигига боғлиқ бўлади. Жаҳон революцион жараёнига империализм ҳаддан ошган реакция ва милитаризмни қарши қўйиб, халқаро вазиятни кескинлаштираётган ҳозирги даврда революциянинг тинч йўл билан ғалаба қозониши масаласи бирмунча мураккаблашди. Шунга қарамай пролетариат ҳозир ҳам ўзининг янги жамият бунёд этишдан иборат жаҳоншумул-тарихий миссиясини тинч йўл билан бажаришга тайёр, чунки унинг мақсадлари ижтимоий тараққиёт билан муштаракдир.

Пролетариатнинг сиёсий ҳокимиятини қарор топтириш учун кураш стратегиясини белгилашда илмий коммунизм мамлакат ичида ҳам, халқаро миқёсда ҳам синфий қучларнинг нисбатини ҳисобга олишдан келиб чиқади. К. Маркс ва Ф. Энгельс социалистик революция Европа ва Америкадаги илғор мамлакатларнинг кўпчилигида бир вақтнинг ўзида ғалаба қилиши лозим ва мумкин деб ҳисоблаган эдилар. Томонополистик капитализм шароитида битта мамлакатдаги пролетариат чиқишини реакция ҳукмронлиги сақланиб қолаётган бошқа мамлакатлар унга қарши очган уруш ёрламида бўғиб ташлаган бўларди. Бундай ҳолат билан ҳисоблашмасликнинг иложи йўқ эди. Айни шунинг учун марксизм асосчилари «пролетариат озод бўлишининг дастлабки шароитларидан бири ҳеч бўлмаганда маданий мамлакатлар қуч-ҳаракатларини бирлаштиришдан иборатдир», деб кўрсатган эдилар (К. Маркс ва Ф. Энгельс. Икки томлик танланган асарлар. М., Госполитиздат, 1955, 1-том, 27-бет).

Капиталистик давлатлар бир текис ривожланмайдиган ва улар орасидаги зиддиятлар жаҳон урушига олиб келадиган империализм даврида В. И. Ленин революциянинг бир мамлакатда ғалаба қилиши мумкинлиги ҳақидаги хулосага келди. «...Социализм, — деб ёзди у, — *барча* мамлакатларда бир вақтда ғалаба қозонолмайди. У дастлаб бир ёки бир неча мамлакатда ғалаба қозонади, қолган мамлакатлар эса бирмунча вақтгача буржуа мамлакатлари ёки ҳали буржуа тараққиёти даражасига етмаган мамлакатлар бўлиб қола берадилар» (ТАТ, 30-том, 159—160-бетлар).

Шундай қилиб, коммунистларнинг революцион стратегияси уруш ва тинчлик проблемалари билан диалектик бирликни ташкил этади. Бир ҳолда халқлар ўртасидаги тинчликни сақлаб қолган вазиятда синфий курашда ғалаба қозонишга интилиш маданий мамлакатларнинг кўпчилигида у ёки бу даражада бир вақтда капитализмга штурм қилишга асосланувчи жуда муҳим методологик қондага олиб келди. Бошқа ҳолда империализм бошлаб берган жаҳон урушидан пролетар революциясини дастлаб бир мамлакатда амалга ошириш ва унинг негизида халқлар ўртасида тинчликни қарор топтириш имконияти сифатида фойдаланилди, бунинг устига асосида янги коммунистик формация объективлаштирган янги социал қонунлар ётгани учун ҳам барқарор ва мустаҳкам тинчлик қарор топди.

Сулҳ тўғрисидаги декрет дунёдаги биринчи социалистик давлатнинг дастлабки декрети бўлган эди. Турли ижтимоий тузумга эга бўлган давлатларнинг тинч-тотув яшаши мумкин эканлигини В. И. Ленин назарий жиҳатдан асослаб берди, чунки революция тинчликни таъминлай олмаган тақдирда пролетариатнинг бир мамлакатда ғалаба қозониш учун кураши маъносиз бўлиб қоларди.

Ўша вақтда дунёда ягона бўлган социалистик давлатнинг капиталистик дунё билан тинч-тотув яшай олиши мумкинлигига, биринчидан, ғолиб пролета-

рият халқаро реакцияга қарши курашда революцияни ҳимоя қилишга даъват этилган армия қудратигагина эмас, балки тинчликни қарор топтириш ва мустақкамлашга қаратилган актив ташки сиёсат йўлини олиб бораётган, социалистик давлат куч-қудратига таянганлиги ҳам шарт-шароит бўлган эди. Ана шу мақсадда давлатимиз дипломатия донолиги ва санъатидан, тинчликсевар сиёсатимизни пропаганда қилишнинг ҳамма воситаларидан, капиталистик давлатларнинг Совет Россияси билан иқтисодий ва бошқа хил алоқалар ўрнатишдан манфаатдор эканлигидан фойдаланди. Иккинчидан, тинч-тотув яшаш мумкинлиги барча мамлакатлар меҳнатқашларининг Октябрь ватани билан интернационал бирдамлиги фактидан, шунингдек империалистик давлатлар, мустамлакалар ва метрополиялар ўртасидаги зиддиятлардан келиб чиққан эдики, бу зиддиятлар реакция антикоммунистик кучларга Советлар республикасини енгиб ташлаш учун бор куч-ҳаракатларини бир ерга жамлаш имконини бермаганди.

Ленинизм тинч-тотув яшашни халқаро миқёсда меҳнат ва капитал ўртасидаги синфий курашнинг янги формаси сифатида қараб чиқмоқда. Тинч-тотув яшаш аввало социализм шаклланиши ва ривожланишининг, биринчи бўлиб эксплуататорлар зулмини ағдариб ташлаб, планетамиз меҳнатқашларининг барча шаклдаги жабр-зулмга қарши курашида истеҳкомга айланган мамлакатда социализм ҳар томонлама мустақкамланишининг энг муҳим шарти бўлиб хизмат қилади. Тинч-тотув яшаш жаҳон революцион ҳаракатининг умуман кейинги ўсиши, миқёсларининг янада кенгайиши учун ҳам жиддий замин бўлмоқда.

В. И. Ленин тинч-тотув яшаш мумкинлиги ва зарурлигини инкор қилувчи, бир мамлакатда ғалаба қозонган революция халқаро революция манфаатлари йўлида унга туртки бериб туриши, бунинг учун ягона восита сифатида урушдан фойдаланиши кераклиги ҳақида даъво қилувчиларга қарши қатъият билан қарши чиқар эди. Тинч-тотув яшашни империализмга ён бериш деб ҳисобловчи нуқтаи назарни қатъиян рад этиб, В. И. Ленин бундай «назария»ни марксизмга ҳилоф деб ҳисоблаган эди (ТАТ, 25-том, 466—467-бетлар). Владимир Ильич мамлакатимиз янги жамият қуришдаги ўз намуна кучи билан жаҳон революцион жараёнига жуда катта таъсир кўрсатади деб бир неча бор таъкидлаган эди. Тинч-тотув яшаш шу мақсадга эришишда муваффақият қозонишнинг зарур шарт-шароитидир.

Асрнинг социал ўзгаришлари бундан кейинги ижтимоий ривожланиш шартлари кўринишини ўзгартирмоқда. Ҳозирги вақтда жаҳон социализми юксак даражада ривожланган экономикага, бақувват илмий базага, мустақкам ҳарбий-сиёсий потенциалга таянувчи қудратли халқаро уюшмадир. У ижтимоий проблемаларни принципиал жиҳатдан бошқача, коллективистик асосда ҳал қилиш мумкинлигини намойиш этди, мамлакатларни ривожланишнинг янада юқори марраларига олиб чиқди, меҳнат аҳлига муносиб ҳаёт ва эртанги кунга ишонч бахш этди.

Мустамлака қарамлигидан халос бўлган мамлакатларда катта ўзгаришлар содир бўлди. Бу ерларда аввало халқларнинг ўз-ўзини сиёсий жиҳатдан англаши ўсиб етилди, уларнинг асосий куч-ғайрати иқтисодий ва социал ривожланишда мустамлака ўтмишидан мерос бўлиб қолган чуқур қолоқликни енгишга қаратилмоқда. Бу мамлакатлар ана шу вазифани ҳал қилишни миллий-озодлик курашида узил-кесил ғалаба қозонишнинг гарови деб билмоқдалар. Озод бўлган ёш давлатларнинг кўплари социалистик ориентация йўлини танлаганликлари ҳам жаҳон революцион жараёни ривожланишининг муҳим қирраси бўлди. Осиё, Африка ва Лотин Америкасидаги ривожланаётган мамлакатлар халқаро майдонда ўз мустақилликларини борган сари кенгрок намойиш этмоқдалар, тинчлик учун, империалистик экспансияга, реакция ва милитаризмга қарши изчил курашмоқдалар.

Замонамизнинг қудратли сиёсий кучига айланган жаҳон ишчилар ва коммунистик ҳаракатининг ўсиши урушдан кейинги тарихнинг муҳим омили бўлиб қолди. У социал характердаги принципиал муҳим вазифалар қаторига янги жаҳон урушига йўл қўймаслик ва умумий тинчликни сақлаб қолиш

максадини кўймоқда. Коммунистлар тинчлик тарафдорлари сафларини кўпайтиришга, уларнинг уруш оловини ёқувчиларга қарши курашини уюштиришга қаратилган жуда катта иш олиб бормоқдалар.

Табиийки, ўзгарган халқаро вазиятда КПСС ва кардош коммунистик партиялар уруш, тинчлик ва революция проблемаларини бошқача ҳал қилмоқдалар. КПСС ва Совет давлати ташқи сиёсатининг бош йўли ўзгармай қолгани ҳолда тинчлик учун кураш янги мазмун билан бойимокда. Партиямиз вужудга келган вазиятда ҳозирги даврда жаҳон урушининг олдини олиш мумкинлиги ҳақида КПСС XX съездида ишлаб чиқилган принципиал муҳим назарий қондани янада ривожлантирди. «КПСС шунга асосланадики, — дейилади партиянинг янги таҳрирдаги Программасида, — империализмнинг агрессив доиралари сиёсати тинчликка солаётган хавф нақадар катта бўлмасин, жаҳон уруши муқаррар қисмат эмас. Урушнинг олдини олиш, инсониятни ҳалокатдан сақлаб қолиш мумкин. Бу — социализмнинг, Ер юзидаги барча тараққийпарвар, тинчликсевар кучларнинг тарихий бурчидир».

Бу ҳулоса пролетар революцияси ҳақидаги ленинча таълимотни бойитади ҳамда тинчлик ва инсониятнинг социал тараққиёти учун курашга янги куч-қувват бағишлайди. Агар биринчи жаҳон уруши, В. И. Ленин олдиндан башорат қилганидек, бир мамлакатда — Россияда социалистик революциянинг ғалаба қозонишига, иккинчи жаҳон уруши эса Шарқий Европа ва Жануби-Шарқий Осиёдаги бир қатор мамлакатларда социалистик революциялар юз беришига олиб келган бўлса, эндиликда жаҳон революцион жараёнининг ривожланиши фақат ўзаро қарама-қарши икки ижтимоий системанинг тинч-тотув яшаш шароитларигагина боғлиқ бўлиб қолди. Ҳозирги шарт-шароитда уруш, ногаҳон у бошлангудек бўлса, ялпи термоядро урушидан иборат бўлиб, революция ғалабасига эмас, балки умуман инсон цивилизацияси барҳам топишига олиб келади. Шундай қилиб, тинчлик учун кураш ҳозир алоҳида актуал воқеа бўлиб қолди, коммунистлар уни социализм учун кураш деб билмоқдалар.

Тинчлик революциянинг энг муҳим шarti ва асоси бўлиб қолмоқда. Кейинги ўн йилликлар мобайнида социал тузуми турлича бўлган давлатлар тинч-тотув яшаётган шароитда Совет Иттифоқи, социалистик ҳамдўстлик мамлакатлари, бутун тараққийпарвар инсоният шу принципни рўёбга чиқариш учун ҳормай-толмай кураш олиб бораётган бир пайтда жаҳон революцион жараёни ўз уфқларини янада кенгайтди. Империализм ўз умумий кризисининг учунчи босқичига кирди. Айни шу даврда бир қанча социалистик ва халқ-демократик революциялар (Куба, Лаос, Афғонистонда) ғалаба қозонди, инсоният мустамлакачилик системасига барҳам берди.

Тинч-тотув яшашни кўзлаш, социализм ва тараққиёт кучларини мустаҳкамлаш КПССнинг, бутун жаҳон коммунистик ҳаракати революцион стратегиясининг негизидир. Фақат ана шундай стратегиягина инсониятни атом уруши ҳалокатидан ҳимоя қилишга ва капиталистик ижтимоий-иқтисодий формациянинг ўз ўрнини коммунизмга бўшатиб беришдан иборат объектив революцион жараённинг муваффақиятли ривожланишини таъминлашга қодирдир.

Лекин тинчликни сақлаб қолиш учун кураш фавқулодда мушкул ишдир. Ўз вақтида В. И. Ленин шундай деб жиддий огоҳлантирган эди: «Қимки сулҳга эришиш осон нарса, сулҳ ҳақида оғиз очилган ҳамон буржуазия бизга сулҳни лаганда келтириб беради, деб ўйлаган бўлса, у киши батамом гўл кишидир» (ТАТ, 35-том, 129-бет).

Социализм инсоният тараққиётининг, турли демократик ҳаракатларнинг мустаҳкамланиши ва жиддий ютуқларга эришишининг ҳал қилувчи омилга айлана боргани сайин буржуазия капитализмнинг тарихан маҳкумлигини англаб етмоқда. Шу сабабдан ҳам жаҳон империализми инсониятнинг олға ҳаракатини орқага буриш умидида кескинликни юмшатиш сиёсатиға ҳужум қилмоқда, милитаризмга ва халқаро кескинликнинг кучайишига умид боғламоқда. Бунда халқаро реакциянинг истехкоми бўлган АҚШ империализми айниқса фаоллик кўрсатмоқда. АҚШ монополистик буржуазиясининг ўнг қаноти ҳозирги кунда ҳам, деб таъкидланди КПСС XXVII съездида, халқаро кескинликни кучайтиришга ҳарбий мақсадларга маблағ ажратишни, жаҳонга

хукмронлик даъволарини, бошқа мамлакатлар ишига аралашишни окловчи бир восита деб қарамоқда. Ҳозирги Америкада давлатдан улкан буюртмалар олувчи ва мамлакат экономикасини милитарлаштиришдан социалистик мамлакатлар, ер юзидаги истисносиз барча прогрессив кучлар билан муносабатларни кескинлаштиришдан ғоят манфаатдор бўлган ҳарбий-саноат комплекси сиёсатни белгиламоқда. Ҳатто тинчлик шароитида ҳам АҚШ маъмурияти ҳарбий бюджетнинг йиллик ўсиш суръатларини 12—14 процентга етказмоқда. Буларнинг барчаси америка империализмининг узокни мўлжалловчи режаларига, халқаро миқёсда ижтимоий ҳаётни социал жиҳатдан янгилашнинг ҳозирги жараёни асосий тенденцияларига қарши курашга мўлжалланган режаларига яққол далолат бўлмоқда.

Еппасига қарама-қарши курашиш, ҳарбий муҳолифлик сиёсати истикболсиз сиёсатдир. Бугунги кунда куролланиш пойгаси шунчаки масъулиятсизлик сиёсати бўлиб қолмай, балки инсоният олдидagi жиноятдир. Замонавий курул характери бирор бир давлатга ҳам фақат ҳарбий-техникавий восита ёрдамида, айтилиқ ҳатто энг қудратли мудофаани бунёд этиш билан ҳам ўзини сақлаб қолишга умид қолдирмайди. Ҳисоб-китоблар, шу жумладан ғарб экспортлари амалга оширган ҳисоб-китоблар ҳеч қандай хомхаёлга ўрин қолдирмайди. Европа китъасида «чекланган ядро уруши» ҳар учта европаликдан биттасининг ёстиғини қуриб, қолганларини ҳалокатли нурланишга маҳкум этарди.

Хавфсизлик интиқомдан даҳшатга тушиш, яъни «тўхтаб туриш» ёки «қўрқувга солиш» доктриналарига абадулабад асосланиши мумкин эмас. Бутун дунё ядро курулининг тутқини бўлиб қоладиган бундай вазиятнинг бемаънилиги ва ғайриахлоқийлиги ҳақида гапирмаганда ҳам бу доктриналар эртами-кечми назорат остида чикиб кетиши мумкин бўлган курулланиш пойгасини рағбатлантираётганини таъкидлаш керак. Хавфсизлик фақат муштарак бўлиши, умуман халқаро муносабатларни оладиган бўлсак, фақат ялпи хавфсизлик бўлиши мумкин.

Совет Иттифоқи ҳали кеч бўлмасдан туриб курулланишнинг бундан буён ўсишига дадил «йўқ» жавобини бериш керак бўлган тарихий пайт етиб келди деб ҳисобламоқда. Тинчликни ҳозирча сақлаб қолиш мумкин, бу реал имкониятни қўлдан бой бермаслик керак. КПСС МҚнинг партия XXVII съездига Сиёсий докладида айтилганидек, ҳозирги тарихий пайтнинг мураккаблиги ва кескинлиги ядро курулини қонундан ташқари қилиб қўйиш, бу ва кишиларни оммавий қирғин қилишнинг бошқа воситаларини бутунлай тугатиш, халқаро муносабатларни соғломлаштириш вазифасини борган сари муҳим вазифа қилиб қўймоқда. Совет Иттифоқи тинчликни сақлаб қолиш, давлатлар ўртасида, аввало СССР билан Америка Қўшма Штатлари ўртасидаги ишончни мустаҳкамлаш учун ўзига боғлиқ бўлган ҳамма ишни қилаверади.

Шундай қилиб, партиямиз социализм, тинчлик ва бунёдкорлик ўзаро чамбарчас боғлиқ эканлигини ишончли тарзда исботлаб бермоқда. Ана шу маънода инсон зотининг яшаб қолиши учун кураш марксча-ленинча социалистик революция назариясини ҳозирги босқичда ривожлантиришда янги жиҳат бўлмоқда. Халқлар ўртасидаги мустаҳкам тинчлик инсониятнинг бундан буёнги тараққиёти учун, унинг коммунизм сари, социал адолатсизлик ва антагонизмларни инкор этувчи олға ҳаракати учун энг муҳим асос бўлмоқда. В. И. Лениннинг қуйидаги сўзлари ҳозир жуда ҳам актуал янграмоқда: «Урушларнинг тугаши, халқлар ўртасида тинчлик ўрнатилиши, талашлар ва зўравонликларнинг тўхтатилиши — худди шулар бизнинг идеалимиздир» (ТАТ, 26-том, 349-бет).

Коммунистик партия ва Совет давлати ана шу идеални реалликка айлантириш учун барча ишларни қилмоқда. Бугунги кунда мамлакатимиз бутун инсониятнинг тинчликни ҳимоя қилиш ва уни сақлаб қолиш, ўзларининг яшаш ҳуқуқларини ҳимоя қилиб қолишга бўлган орзу-умидларининг мужассами бўлиб қолди. КПСС XXVII съездининг тарихий қарорлари мамлакатимиз шу орзу-умидларни оқлашга қатъий бел боғлаганлигидан далолат бермоқда.

ПАРТИЯ САФЛАРИ МУСТАҲКАМЛАНИБ, КОММУНИСТЛАР АКТИВЛИГИ ОШИРИЛСИН

Ш. З И Е М О В,
тарих фанлари доктори

ПАРТИЯГА АЪЗОЛИК, коммунистлар активлиги ва масъулиятини ошириш масалаларининг актуаллиги КПССнинг совет жамияти ҳаётидаги раҳбарлик роли ўсиб бориши, партия ташкилотларининг ташкилотчилик, идеологик, сиёсий фаолияти барча жиҳатларини яхшилаш, социал-иқтисодий тараққиётни жадаллаштириш юзасидан КПСС XXVII съезди ўртага қўйган вазифаларни ҳал этишга партиявий таъсирни кучайтириш зарурати билан белгиланади.

Совет жамияти ривожда кескин бурилиш рўй бераётган ҳозирги пайтда КПСС партия ташкилотларидан ўз фаолиятини баҳолашга принципиал тарзда, янгича ёндашувни, ишчанлик ва фидокорлик кўрсатиш, ишни қайта қуриш, «бенуксонлик» кайфиятидан холи бўлиш, ўз сафларининг ғоявий ва ташкилий бирлигини мустаҳкамлаш ва такомиллаштириш асосида партиявий раҳбарлик даражасини оширишни талаб этмоқда. Туб ўзгаришлар сари кадам қўйилаётган бундай шароитда партия аъзолиги ҳақидаги ленинча принципларни изчил рўёбга чиқариш ҳал қилувчи моҳият касб этади. Чунки бу масала партия қурилишининг негизини ташкил этиб, партиянинг кўп қиррали фаолиятига, унинг обрў-эътибори ва жанговарлигига бевосита таъсир кўрсатади.

К. Маркс ва Ф. Энгельснинг назарий меросига таянган, ишчилар синфи позицияларидан келиб чиққан ҳолда В. И. Ленин янги типдаги пролетар партиясига аъзолик принциплари ва шартларини — унинг программасини тан олиш, партия ташкилотларидан бирининг ишида шахсан қатнашиш, партияни моддий жиҳатдан қўллаб-қувватлаш каби қоидаларни аниқ-пухта белгилаб берди. Бу қоидаларнинг асоси ўзгармаган ҳолда тинимсиз ривожлантирилди, КПСС аъзолигига нисбатан талаблар ошиб борди. Партиянинг XXVII съездида тасдиқланган Уставининг I параграфида бундай деб ёзилган: «Партия Программаси ва Уставини эътироф этувчи, коммунизм қуришда актив қатнашувчи, партия ташкилотларидан бирида ишловчи, партия қарорларини бажарувчи ва аъзолик взносларини тўловчи Совет Иттифоқининг ҳар бир граждани КПСС аъзоси бўла олади».

Ижтимоий тараққиёт жадаллашаётган, жаҳон майдонида идеологик кураш жиддий кескинлашаётган ҳозирги шароитда партия сафларининг ғоявий ва ташкилий бирлиги, амалпарастлик ёки бошқа таъмағирлик мақсадларини кўзловчи тасодикий кишиларнинг партияга кириб қолишларига йўл қўймаслик мисли кўрилмаган моҳият касб этади. КПСС Марказий Комитетининг партия XXVII съездида Сиёсий доклади «Партия» қисмининг бутун иккинчи параграфи коммунистнинг беғубор ва ҳалол-покиза қиёфада бўлиши учун кураш, кадрлар сиёсатида принципиаллик масаласига бағишланган.

Ҳар қандай партиянинг состави у таянадиган социал пойдевор билан белгиланади. КПСС учун бу — ишчилар синфи, шунингдек унинг позициялари-га ўтган колхозчи деҳқонлар ва халқ зиёлиларидир. Партия омма партияси

бўлиб қолган бир шароитда ўз табиати билан ишчилар синфи партияси — илғор идеологияни ва революцион анъаналарни ташувчи синф партиясига айланиши, унга таяниши, у билан узвий боғлиқлик ришталарини мустаҳкамлаши, ўз навбатида бутун меҳнаткаш халқ билан чуқур ва мустаҳкам алоқада бўлиши, ўз сафларини унинг энг яхши вакиллари ҳисобига тўлдириб бориши, партия сафларини сон жиҳатдан ўстириш унинг состави сифати билан ўзаро боғлиқ бўлиши ҳақидаги ленинча кўрсатмаларга амал қилиши партия учун ниҳоятда муҳимдир. В. И. Ленин партия аъзолари сонини партия тараққиётининг конкрет шароитларига ва унинг олдида турган вазифаларга қараб тартибга солиш зарур деб таълим берган, унинг сифат составини ҳисобга олмасдан туриб сон жиҳатдан ўстиришга жиддий қарши чиққан эди. Ахир, революцион партиянинг оммавийлиги нафакат унинг аъзолари сони билан, балки биринчи навбатда унинг меҳнаткашлар кенг қатламларига таъсири билан белгиланади.

Партия ташкилотлари фаолиятининг таҳлили бу муҳим қонда ҳамisha ҳам эътиборда тутилмаётганини кўрсатиб турибди. Партия сафларини ўстиришда сифатга зиён етказган ҳолда қабулни жадаллаштириш, сон жиҳатдан ўстириш орқасидан, процентлар орқасидан қувиш, кишиларнинг сиёсий, ишчанлик, маънавий-ахлоқий фазилатларини юзаки ўрганиш баъзи партия ташкилотларининг булғанишига, жанговарлиги пасайишига олиб келди, партия ички муносабатларига, иқтисодий ва маданий қурилишга раҳбарлик даражасига салбий таъсир қилди.

Партия сафига кирувчиларни текшириш ва тайёрлашнинг мунтазам системаси В. И. Лениннинг бевосита раҳбарлиги остида қарор топган, янги аъзоларни қабул қилиш, коммунист деган номни оқламаётганларни эса сафдан чиқариш тартиби партия Уставида белгилаб берилган ва мустаҳкамлаб қўйилганди. Бу тартиб ҳозирги пайтда ҳам амал қилмоқда. Партияга қабул ва унинг сафларидан чиқариш масалаларини кўриш ва ҳал этиш, тавсияномалар бериш, КПСС аъзолигига кандидатлик даври синови, шунингдек тарихан қарор топган ягона партия билетига эга бўлиш қондаси КПСС га яқка-яқка қабул қилиш системасини ташкил этади. Ленин таълим берганидек, партия ўз сафига сукилиб қирган ҳар қандай ёт унсурлардан покланиш йўли билан мустаҳкамланиб боради. Владимир Ильич партияни нокоммунистик элементлардан тозалаш воситаларини тўғри танлаш зарурлигини таъкидлаганди. Ана шундай тозаланишни у партия сафларининг заифлашуви эмас, аксинча, партия ташкилотлари жанговарлигини ошириш, уларнинг омма ўртасидаги обрў-эътиборини кучайтиришнинг тўғри йўли деб билган эди. «Партия аъзолари сонининг *бундай* камайиши, — деган эди В. И. Ленин, — партия кучи ва салмоғининг *жуда ҳам ортиши* демакдир» (ТАТ, 39-том, 32-бет). Жамиятимиз ҳаётида партиянинг роли ошиб бораётган ҳозирги шароитларда ҳам бу сўзлар актуал янграмоқда.

Партия сафларининг булғаниши, КПССга аъзолик ленинча принципларининг бузилиши нималарга олиб келиши мумкинлигини яқин ўтмишда республикамизда кенг ёйилган салбий ҳолатлар яққол кўрсатди. Масалан, Қашқадарё, Бухоро ва бошқа баъзи областларда партия сафлари булғаниши оқибатида КПСС аъзолигига нолийк шахслар раҳбарлик лавозимларига сукилиб киришди, бу ерлардаги партия ташкилотлари бўшашиб кетди, улар партия турмуши принциплари ҳамда нормалари, совет қонунлари қўпол тарзда бузилишига мустақил қарши туриш ва кескин зарба беришга қодир бўлмай қолдилар.

Бизнинг дунёқарашимиздан йнрок турган кишилар партияга қабул қилинганликларини кўрсатувчи бошқа ҳолларни ҳам мисолга келтириш мумкин. Масалан, «Правда Востока» газетасида Андижондаги пойабзал фабрикасининг қайта қуриш соҳасидаги фаолияти таҳлил этилган мақола босилганди. Унда турли-туман камчиликларнинг, кўпгина коммунистлар пассивлигининг сабаблари орасида идеология ишларидаги етишмовчиликлар ҳам таъкидланганди. Айрим партия аъзолари ишдан сўнг ислом ақидаларини ўрганиш билан шугулланишган, партия ташкилоти эса улар диний хурофот чоҳига тойиб кетаётганликларига хотиржамгина қараб келаверган. Аслида эса тили

бошқа-ю дили бошқа кишиларга партия сафларида ўрин йўқ. К. Маркс ва Ф. Энгельс томонидан ишлаб чиқилган «Коммунистлар союзи» уставидаяк коммунистик этикодларга мустаҳкам садокат коммунистларнинг энг муҳим фазилати эканлиги таъкидланган эди. Ишчилар ҳаракатига битишувчилар олдиға, деб қайд қилишганди пролетариат дохийлари, ўзлари билан ҳар хил бидъатлар қолдиғини судраб келмаслик талабини қўймоқ керак.

КПСС Марказий Комитетининг иштироки ва ёрдами натижасида, Ўзбекистон Компартияси Марказий Комитети XVI пленумининг (1984 йил июнь) салбий ҳолатларға қарши муросасиз курашға, ўз хатти-ҳаракати билан партиянинг обрўсини туширган шахслардан тозаланишға қаратилган қарорларини принципнол тарзда амалға ошириш туфайли бугунги кунда вазиятни яхшилаш, партия интизомини мустаҳкамлаш, коммунистларнинг партия раҳбар органларининг масъулиятини кучайтириш йўли изчил ўтказилмоқда. Партия составини ҳозирги шароитда ҳам яхшилашға Коммунистик партияға аъзолик ҳақидаги ленинча принципларға оғишмай, қатъий амал қилиш туфайлиғина эришиш мумкинлигини ҳамиша эсда тутиш зарур. КПСС XXVII съезди қарорларида ҳам худди шундай деб кўрсатилган.

Партияға қабул практикасини такомиллаштириш заруратидан келиб чиққан ҳолда КПСС XXVII съезди КПСС Уставига қатор муҳим ўзгаришлар киритди. Партияға аъзолик, коммунистнинг ҳуқуқ ва бурчлари масалалари тўлароқ ва ҳар томонлама белгилан берилди. Партияға, қоидаға биноан, очик йиғилишларда қабул қилиш кераклиги кўрсатиб ўтилди. Бу эса партияға қирувчиларнинг сиёсий, ишчанлик, маънавий-ахлоқий сифатларини чуқур ўрганиш ва баҳолаш имконини беради. Тавсия этувчиларға нисбатан талаб оширилди, Ленин комсомолининг партия сафларини муносиб равишда тўлдириш соҳасидаги тарбиявий роли кучаяди ва ҳоказо. Фикримизча, бугунги кунда КПСС сафига қирувчиларни системали тарзда, аниқ мақсадни кўзлаб тайёрлашни йўлга қўйиш ғоят актуалдир. Бошланғич партия ташкилотлари, уларнинг бюрolari, секретарлари қабул масалалари билан фақат зарурат туғилганда эмас, балки доимий шуғулланган тақдирдағина сафға қўшилаётганлар сифати яхшиланиши мумкинлигини партия ташкилотларининг тажрибаси кўрсатиб турибди. Бунда ҳар бир коллективда партия сафига қирадиганларни уларнинг сиёсий, ишчанлик, маънавий-ахлоқий хислатларига қараб, шунингдек ишлаб чиқаришнинг ҳар бир участкасига партиявий таъсирни кучайтириш эҳтиёжларини ўрганган ҳолда топиш, танлаш мақсадға мувофиқдир. Одамларни синчиклаб ўрганиш ва баҳолашдан ташқари улар билан тегишли тарзда ташкилий, ғоявий-тарбиявий иш олиб бориш, жамоат ташкилотлари фаолиятиға уларни актив жалб этиш зарур.

Маълумки, партияға қирувчиларнинг сиёсий, ишчанлик, маънавий-ахлоқий сифатларини текшириш, уларни тарбиялашда кандидатлик муддатининг роли ва аҳамиятини янада ошириш мақсадида КПСС Уставига муҳим қўшимчалар киритилди. Бунда ана шу масалаға ленинча ёндашув яққол намоён бўлди. В. И. Ленин 1919 йилнинг декабрида РКП(б)нинг Бутун Россия VIII конференциясида сўзға чиқиб, партияға қирувчиларни ғоят қаттиқ текшириш ва унинг сафига майда буржуа ва бутун пролетариатға тўғридан-тўғри душман элементларнинг сукилиб қиришиға мутлако йўл қўймаслик зарурлиғига алоҳида эътиборни қаратган эди. Владимир Ильич бундай деганди: «Партия ўз дарвозасини кенг очиб қўя олмайди, чунки капитализм чириётган бир даврда партия сафига ёмон элементларнинг қириб қолиш мутлако муқаррардир. Партия йўлини шу даражада тор қилиб қўйиш керакки, у, ишчилар синфидан ташқарида бошқа синфларға мансуб бўлган шундай кишиларниғина ўз ичига олиши керакки, бу кишиларни у жуда эҳтиётлик билан синаш имконига эға бўлсин» (ТАТ, 39-том, 416-бет). Конференция партиянинг янги Уставини қабул қилди, унга мувофиқ партияға қирувчилар учун кандидатлик муддати биринчи маротаба жорий этилди.

Кейинги ўн беш йилда партиянинг социал базасида анча ўзгаришлар рўй берди. У бирмунча кенгайди ва совет жамияти социал бир хиллиги тобора барқарорлик касб этиши туфайли мустаҳкамланди.

70-йилларда ва 80-йиллар бошида республика партия ташкилоти ўсиши проблемасига ўтишдан олдин партия қурилишининг энг муҳим масалаларидан бирига тўхталишни истардик. Маълумки, партиянинг янги таҳрирдаги Программасида, Уставида КПСС ҳозирги пайтда умумхалқ партияси бўлиш билан бирга синфий моҳияти, идеологияси жиҳатидан ишчилар синфи партияси бўлиб қолмоқда, деб таъкидланган. Бу қонда партия сафларини шакллантиришда принципаал аҳамиятга эга. КПССнинг ўз социал составида ишчилар синфи етакчи ўрин тутиши, ишчилар ядросини оғишмай мустаҳкамлаш йўли партиянинг табиатан синфийлигидан, энг онгли, уюшқок, коммунистик идеалларни амалга оширишда собиткадам ҳисобланган ишчилар синфи таъсирини кучайтириш заруратидан келиб чиқади. Шунинг учун ҳам ишчилар синфи КПССнинг асосий социал базаси ҳисобланади.

Хўш, 70-йилларда ва 80-йилларнинг бошида Ўзбекистонда ана шу йўл қандай амалга оширилди? Статистик маълумотлар бу соҳада жиддий камчиликлар рўй берганлигини кўрсатади: Саноат, транспорт, алоқа, қурилиш анча тараққий этганлигига, ишчилар синфи сон жиҳатдан ўсганлигига қарамай ана шу тармоқларда коммунистлар салмоғи бир даражада қолаверган ва 31,8 процентни ташкил этган. Бу масалани умуман КПСС миқёсида олиб қарайдиган бўлсак халқ хўжалиги тармоқлари бўйича коммунистларнинг бирмунча бошқача тақсимланганини, яъни саноат, қурилиш, транспорт ва алоқада 1983 йилда коммунистлар 47,3 процент жамланганини кўрамиз.

В. И. Ленин уқтирган эди: «Шаҳар ва саноат пролетариати социал-демократик ишчилар партиямизнинг асосий ядроси бўлиши муқаррардир» (ТАТ, 11-том, 257-бет). «Ишчилар оммасига кўпроқ ишонч билдириш ва унинг орасидан куч топа билиш керак» (ТАТ, 37-том, 52-бет). Бунда Владимир Ильич жуда қисқа бир муддатда ишчи бўлиб олган, йирик саноатда ҳеч бир жиддий мактабдан ўтмаган кишиларнинг партияга қириб қолишидан хавотирланган эди (ТАТ, 45-том, 21-бетга қаралсин).

Ўзбекистонда эса 70-йиллар ва 80-йилларнинг бошида йирик саноатда ишлаб чиқариш ва ижтимоий-сиёсий тобланиш мактабидан ўтган ишчиларни партияга қабул қилишга етарли эътибор берилмади. Ҳолбуки республикадаги 1600 дан зиёдрок ишлаб чиқариш бирлашмалари ва корхоналарида индустриал ишчиларнинг улкан армияси мавжуд.

Ишлаб чиқариш билан боғлиқ бўлмаган тармоқларда коммунистлар салмоғи ошганлиги кўзга ташланади. 1976 йилда бу соҳаларда улар 25,8 процентни ташкил этган бўлса, 1986 йилда 27,4 процентга етди. Давлат, хўжаликни бошқарув органларида, партия ва жамоат ташкилотлари апаратиди ҳам ўсиш (7,1 процентдан 9,5 процентгача) рўй берди. Ана шу кўрсаткичларни ҳам таққослайдиган бўлсак, масалан, Украина Компартиясида бошқарув соҳасида коммунистлар салмоғи 1981 йилга келиб 70-йиллардагига нисбатан камайди ва 7,6 процентни ташкил этди.

Коммунистик партия аввалгидек ҳозир ҳам деҳқонлар ва зиёлиларнинг энг яхши вакиллари қабул қилишга катта эътибор бермоқда, ўз сафларида улар ҳам ишчилар синфи билан елкама-елка туриб коммунизм учун кураш олиб боришларидан беҳад манфаатдор эканлигини намойиш этмоқда.

Вужудга келган аҳволни тузатиш мақсадида, бизнинг фикримизча, партияга аввало йирик саноат корхоналарининг ижтимоий-сиёсий, ишлаб чиқариш мактабини ўтган ишчиларни қабул қилишга қаратилган тадбирларни амалга ошириш мақсадга мувофиқдир. Бу эса халқ хўжалигида фан-техника тараққиётини белгиловчи тармоқларда коммунистлар салмоғининг ошувига, иқтисодий ва социал муаммоларни ҳал этишга партиявий таъсирни кучайтиришга имкон яратган бўлур эди. Иккинчидан, фан, маориф, маданият ва санъат муассасаларида ҳам партиявий қатламни ўстириш муҳим, чунки мамлакатни социал-иқтисодий ривожлантиришни жадаллаштириш муаммоларини ҳал этиш кўп жиҳатдан илмий тадқиқотларнинг юксак самарадорлигига, ҳар бир совет кишида актив ҳаётий позицияни шакллантиришга боғлиқ. Учинчидан, партия бошқарув апаратини қискартириш, бошқарув механизмини такомиллаштириш, бу соҳадаги ходимларда билимдонлик, ишчанлик ва масъулият ҳиссини

бутун чоралар билан авж олдириш ҳисобига раҳбарлик савиясини ошириш йўлини тутаётган шароитда бошқарув ходимларини КПССга қабул қилишни бирмунча қисқартириш зарурати туғилмоқда.

Маълумки, коммунистлар активлигини ошириш кўп жиҳатдан партиёга қабулни яхшилашга боғлиқ. КПСС аъзолари ва аъзоликка кандидатларнинг авангардлик роли жамиятимиз социал-сиёсий ва иқтисодий жараёнларига, меҳнаткашлар тарбиясига самарали таъсир кўрсатишнинг муҳим воситасидир. Партия раҳбарлигининг асосий методи — сўз, иш, шахсий ибрат воситасида ишонтира билиш ҳудди ана шунда ўз ифодасини топади. В. И. Ленин таъкидлаганидек, «агар коммунистлар... пролетариат революциясининг ривожланишини ва унинг ғалабасини ҳаммадан юқори кўя олишларини, унинг учун энг оғир қурбонлар беришдан ҳам қайтмасликларини амалда иш билан исбот қилолмас эканлар, ҳеч қандай программанинг ва энг тантанали гапларнинг ҳам бир чакалик қиммати бўлмайди» (ТАТ, 41-том, 201-бет).

Партия ўз сафидаги ҳар бир аъзо коммунизм қурувчиларининг олдинги каторида боришига, мамлакатни социал-иқтисодий ривожлантиришни жадаллаштириш программасини бажариш учун курашда, кенг авж олган қайта қуришда сўзда эмас, конкрет ишлар билан иштирок этишига эришишни мақсад қилиб қўймоқда. КПСС Марказий Комитетининг партия XXVII съездида Сиёсий докладада кўрсатиб ўтилганидек, ҳар бир коммунист ҳаётни олға томон силжитадиган, меҳнат самарадорлигини оширадиган амалий ҳаракатларнинг жуда катта аҳамиятини англаб етмайдиган бўлса, ҳеч қандай бурилиш бўлиши мумкин эмас. Коммунистнинг авангардлик роли умуман бўлмайди, у амалий ишларда ифодаланади.

Партия ўзининг XXVII съездидан сўнг қайта қуришнинг моҳиятини, унинг мақсадлари ва вазифаларини тушунтириш учун катта ишни авж олдириб юборди, токи ҳар бир совет кишини уни англаб олсин, унинг зарурлигини билиб олсин ва шунга мувофиқ ўз ҳаётини, фикрлашини, ҳаракатларини ҳам қайта қурсин, социал-иқтисодий ривожланишни жадаллаштиришнинг конкрет вазифаларини ҳал этишга янгича ёндашишларни изласин. Қайта қуриш қатъият касб этиши, социалистик тузумимиз замиридаги катта қучларни ҳаракатга келтириши муҳимдир. Қайта қуриш бир кунлик, бир дақиқалик воқеа эмас, балки маълум тарихий давр доирасида кечадиган жараёндир. Меҳнаткашларнинг тобора кенг оммаси бу жараёнга амалий тарзда қўшилмоқда. Ўзгаришлар жамият ҳаётининг барча соҳаларини камраб олди. Бирок ҳамма ҳам қайта қуриш нима эканлигини ҳали англаб етганича йўқ, унга қаршилиқ кўрсатаётганлар, эскича яшашга интилаётганлар ҳам бор.

Кенг ошқоравийлик, мамлакатимиз ҳаётининг долзарб муаммоларини очик-ойдин муҳокама этиш қайта қуришни муваффақиятли амалга оширишнинг зарур шартидир. Бу жамиятда янгича муҳитни яратади. Муҳокамалар, мунозаралар, қарашлар ва нуктаи назарларни таккослаш, мулоҳазалар юритиш орқали кишилар нарсаларни янгича тушунадилар.

Партияга мансублик мамлакатда амалга оширилаётган барча ишлар учун коммунистик қурилиш, ижтимоий тараққиёт тақдири учун масъулият ҳиссини янада қучайтиради. Ҳар бир коммунист меҳнатда ва ҳулқ-атворда, ижтимоий ва шахсий ҳаётда ўрнатилган кўрсатмоғи зарур. Партиянинг омма билан мустаҳкам алоқаси, унинг халқ орасидаги обрў-эътибори кўп жиҳатдан коммунистларнинг авангардлик роли нақадар тўлароқ намоён бўлишига боғлиқ. «Партия ҳар бир коммунистдан ўз бурчига, партия аъзосининг ҳалол ва мусавффо киёфасига нисбатан талабчанликни муттасил ошираверади, унга иши ва ҳатти-ҳаракатига қараб баҳо беради», дейилади КПСС Программасида. КПСС Марказий Комитетининг Бош секретари М. С. Горбачев 1986 йилнинг октябрида Краснодар ва Ставрополь ўлкалари меҳнаткашлари билан учрашувлари пайтида таъкидлаб ўтганидек, коммунистга нисбатан талаб икки чандон ошадди. Мамлакатда амалга ошириш кўзда тутилаётган ишлар аввало улардан бошланади, шунинг учун ҳам андак бўлса-да фаолиятсизлик ва турғунликка мутлақо йўл қўйиш мумкин эмас.

Активлик ўз моҳиятига кўра коммунистлар ва партиясиз меҳнаткашларга

баб-баравар тааллукли умумий ходисадир. Шу билан бирга коммунистлар активлиги алоҳида хусусиятга эга, у кўпрок барқарор бўлиб, чуқур гоёвий эътиқодга, сиёсий етукликка, ижтимоий тараққиёт қонунларини билишга, партия планларини сўзсиз бажариш заруратини, ижтимоий манфаатлар билан шахсий манфаатлар ажралмаслигини англашга, коллектив учун масъулият хисси ривожланган бўлишига таянади.

Активликнинг намоён бўлиши мазмуни ва шакллари коммунистик қурилиш конкрет босқичининг хусусиятларига, унинг ўзига хос вазифаларига узвий боғлиқдир. Коммунистлар ҳамиша қаҳрамонона ва фидокорона меҳнат намуналарини кўрсатадилар. Улар Чернобил АЭСида рўй берган авария оқибатларига қарши кураш вақтида ана шундай фазилатларни намойиш этдилар. Станция коммунистлари ўз ҳаётлари учун хавфли шароитларда ҳам қўлларидан келган, имкони бўлган ҳамма ишни қилдилар. У ерда ўтказилган цех партия йиғилишларида партия аъзоларидан кўпчилигининг мардона ҳаракатларига юсак баҳо берилди. Ўша қийин кунларда партия аъзолигига кандидатликка қабул қилиш ҳақида партия комитетига ўнлаб аризалар тушди.

Партия XXVII съезди қарорлари КПСС аъзолари активлигини ўстиришнинг қудратли омили бўлди. Коммунистлар авангардлик ролининг оширилишига партия ички муносабатлари бутун системаси таъсири, партия ташкилотларининг, аввало бошланғич ташкилотларнинг аниқ мақсадни кўзлаб олиб бораётган кундалик ишлари туфайли эришилади.

Шунинг учун КПССнинг марказий ва маҳаллий органлари партия қуйн бўғинларига доимий эътибор бериб келмоқдалар. Ҳозир Ўзбекистон Компартиясида 640 мингдан зиёд коммунист бўлиб, улар 21 мингдан кўпроқ бошланғич партия ташкилотларига бирлашган. Республиканинг катта ёшдаги аҳолиси орасида коммунистлар қатлами қарийб 8 процентни ташкил этади. 1986 йилда халқ хўжалигида банд бўлган коммунистларнинг тўртдан уч қисми моддий ишлаб чиқаришда меҳнат қилди.

Афсуски, кўпгина партия ташкилотларида пассив ва актив коммунистлар шундайгина ёнма-ён яшаб, ишлаб келмоқдалар. Хўш, бунинг боиси нимада? Ахир КПСС сафига ўтиш пайтида ҳар бир киши партия сиёсатини қуч-ғайрат билан амалга оширишга ишонтиради-ку! Бироқ сўнгра баъзиларнинг сўзи билан иши мос келмай қолади. Бунинг сабаблари кўп. Лекин энг асосийлари ана шу партия ташкилотларида тарбиявий ишлар етарли эмаслиги, ҳар бир КПСС аъзосига нисбатан зарур даражадаги талабчанликнинг йўқлиги бўлса керак. Шунинг учун ҳам Ўзбекистон Компартияси Марказий Комитети XVI пленумида ва республика Коммунистик партиясининг XXI съездида партия ташкилотлари ролини ва жанговарлигини, коммунистлар масъулиятини оширишга, кадрлар билан ишлашни яхшилашга қоят катта эътибор берилгани тасодифий эмас.

Партия органлари бошланғич партия ташкилотлари фаолиятининг турли жиҳатларига доир масалаларни мунтазам қараб чиқмоқдалар, иш мазмунини бойитиш, меҳнат коллективларининг сиёсий ўзаги сифатидан бурчларини самаралироқ бажаришларида уларга ёрдам кўрсатмоқдалар. КПСС XXVII съезди, Ўзбекистон Компартияси XXI съезди ҳужжатларида коммунистик қурилиш вазифаларини ҳал этишда уларнинг биринчи даражали роли таъкидлаб ўтилди.

Бошланғич партия ташкилотлари жанговарлиги кўриги қайта қуриш ва ишлаб чиқаришни интенсивлаш, ижтимоий-сиёсий ҳаётда коммунистлар активлигини оширишнинг самарали иш шакллари билан биридир. Бундан кўзда тутилган асосий мақсад ва вазифалар бошланғич, цех партия ташкилотлари, партия группалари, ҳар бир коммунистнинг фаолиятини чуқур ўрганиш ҳамда баҳолаш, социал-иқтисодий тараққиётни жадаллаштириш шароитларида уларнинг ишини яхшилаш йўллари белгилашдан иборат. Коммунистлар билан яққам-яққа суҳбатлашиш жараёнида мавжуд камчиликлар, резервлар аниқланади, партия бюролари, партия комитетларининг ташкилотчилиги ва гоёвий-тарбиявий ишларини яхшилашга доир фикр-мулоҳазалар, таклифлар ҳисобга олинади.

Кўрикни ўтказиш пухта тайёргарликни, унга расмийлик билан қарашга

мутлако йўл қўймасликни талаб этади. Тошкентдаги «Миконд» заводи партия ташкилоти бу тадбирни ўтказишга биринчилардан бўлиб киришганди. Иш ёмон бошланмади, аммо бора-бора бўшашиб кетди, расмийатчилик кўринишлари кўзга ташланиб қолди. Тошкент шаҳар партия комитети заводдаги ишлар аҳволини ўрганиб чиқди ва партия комитети кескин танқид қилинди. Аммо шундан кейин бошланғич партия ташкилотига ёрдам кўрсатилмади. Аслида эса у ёрдамга мухтож эди, чунки жанговарлик кўриги янги иш бўлиб, шаҳар ва район партия комитетларининг доимий назорати остида туриши, улар бундан бевосита манфаатдор бўлишлари зарур.

Коммунистларни партиянинг фаол жангчилари қилиб тарбиялашда, коллектив раҳбарликни таъминлашда партия йиғилишлари муҳим ўрин тутишини тажриба кўрсатиб турибди. Коммунистлар бундай йиғилишларида сиёсий масалаларни, партиянинг, унинг раҳбар органлари ва ўз ташкилотлари амалий фаолиятини эркин муҳокама этиш, таклифлар киритиш, камчиликларни танқид қилиш соҳасидаги ҳуқуқларидан фойдалана оладилар. КПСС XXVII съезди партия йиғилишлари ролини янада ошириш, уларни ўтказишда ташкилий жиҳатга берилиб кетишни бартараф этиш зарурлигини таъкидлади.

Кейинги пайтларда йиғилишларни ўтказиш тажрибаси бойиди. Партия ташкилотлари кун тартибини танлашда ҳаётдан, коллектив ҳал этадиган конкрет вазифалардан келиб чиқиш, социал-иктисодий тараққиёт планларини, илгари қабул қилинган қарорлар ва берилган тавсияларни ҳисобга олиш муҳим. Йиғилиш муваффақияти кўпгина омилларга боғлиқ. Шулардан бири — доклад сифати. Энг ёмони унинг қўзилиб кетиши, конкрет бўлмаслигидир. Коммунистларни ўз фикрлари ва таклифларини лўнда ва қисқа баён қилишга ўргатиш керак. Айрим партия ташкилотларида уларнинг нутқлари тексти аввалдан сўраб олинади, уларни таҳрир қилишга уринишади. Бундай ҳолларда партия аъзолари ўз фикрларини эркин изҳор этиш имконидан амалда маҳрум бўлиб қоладилар. Бу эса одамлар активлигини ўстиришга халакит беради, албатта.

Партия йиғилишининг таъсирчанлиги кўп жиҳатдан унда қабул қилинадиган қарорга боғлиқ. Агар у кўрилган масалани чуқур ва ҳар томонлама муҳокама этилганига асосланса, қимматли ҳамма таклифларни ҳисобга олса, конкрет тусда бўлса, долзарб масалаларни амалга оширишга қаратилган бўлса, сафарбар этувчилик кучини касб этади, коммунистлар активлигини ўстиришга хизмат қилади. Мабодо қарор ҳеч кимнинг зиммасига бирор масъулият ёки вазифа юкламайдиган умумий тарздаги икки-уч банддан (бунақаси тез-тез учрайди) иборат бўлса, коммунистлар тушунчасида бирор бир сезиларли из қолдирмайди, уларда масъулиятсизлик ҳиссини вужудга келтиради, партия ташкилотининг жанговарлик қобилиятини пасайтиради. Шунинг ҳам таъкидлаш зарурки, партия қарорлари қабул қилингандан сўнг жонли ташкилотчилик ишлари авж олдирилган, ижрони назорат қилиш ва текшириш моҳирона йўлга қўйилган тақдирдагина уларнинг таъсирчанлиги таъминланади. КПСС XXVII съезди қабул қилинган қарорларнинг ижросини назорат қилиш ва текширишни такомиллаштириш масалаларига катта эътибор берди. Марказий Комитетнинг Сиёсий доклади юзасидан қабул қилинган резолюцияда биз олға томон ҳаракат қилганимиз сари назоратни уюштириш бутун ишимизда катта салмоққа эга бўлиши кераклиги кўрсатиб ўтилган.

Партия барча партия ташкилотларида ижрони текшириш ёзма ҳисоботлар ва справкаларга қараб эмас, бевосита жойнинг ўзида йўлга қўйилиши, уларни бажаришга жавобгар кишиларнинг конкрет ишлари таҳлил этилиши, ижрони назорат қилиш ва ташкил этиш ягона жараён бўлишига ундамоқда.

Бошланғич партия ташкилотларида ижрони назорат қилиш ва текширишни пухта уюштириш ғоят улкан аҳамиятга эга. Уларнинг кўпчилигида маълум бир система қарор топган: баъзиларида қабул қилинадиган қарорларни ва уларнинг бажарилиши қандай бораётганини ҳисобга олувчи карточкалар, бошқаларида эса журналлар юритилади. Назоратнинг бундай шакли муваффақият қозонишининг муқаррар шarti — қабул қилинган қарорлар ижроси хусусида партия йиғилишларида ахборот бериш, топширилган иш учун жавобгар коммунистларнинг ҳисоботларини муҳокама этишдир.

Ижрони назорат қилиш ва текширишдан моҳирона фойдаланиш бошланғич партия ташкилотларига коммунистларда, жумладан раҳбар кадрларда юксак ишчанлик, сиёсий ва маънавий-ахлоқий сифатларни шакллантиришга фаол таъсир кўрсатиш, эгаллаб турган лавозимидан қатъи назар ҳар бир кишини эътибор марказида тутиш имконини яратади. Бу эса одамларнинг интизомли бўлишларига, ленинча иш услубини эгаллашларига ёрдам беради.

КПСС XXVII съезди кадрларни танлаш, жой-жойига қўйиш ва тарбиялашда, партия ҳамда давлат интизомини мустаҳкамлаш учун курашда бошланғич партия ташкилотлари родини оширишни талаб қилди. Партия Уставини, коммунистик ахлоқ нормаларини бузганлиги учун, қайси лавозимни эгаллаб турган бўлмасин, ҳар бир коммунистдан жиддий талаб қилиш ҳар бир партия ташкилоти ҳаётининг оғишмай роя қилинадиган қондаси бўлсин.

Партия топшириқлари коммунистларни ишга фаол жалб этишнинг синалган воситасидир. Кўпгина партия ташкилотлари бундай топшириқларни тақсимлашга оқилона ёндашмоқдалар. КПСС аъзоларининг ҳаммасини жамоат ишларини олиб боришга жалб этмоқдалар.

Маълумки, танқид ва ўз-ўзини танқид масалалари партия XXVII съезди ишида марказий ўринлардан бирини эгаллади. Айрим партия ташкилотлари фаолиятидаги жиддий камчиликлар кўп жиҳатдан улар танқид доирасидан чиқиб қолганликлари оқибатида рўй бергани кўрсатиб ўтилди. Съезд бундан буён партияда назоратдан четда қоладиган, танқид эшиги ёпиб қўйиладиган бирорта ташкилот бўлмаслигини талаб қилди.

Шуни айтиш керакки, танқидий мулоҳазаларни объектив тарзда, ўз вақтида қараб чиқиш у ёки бу масалани ҳал этиш, камчиликларни тугатиш имконини берибгина қолмай, коммунистлар активлигини оширишга, ходимларни тўғри тарбиялашга ҳам ижобий таъсир кўрсатади. Уларда юксак ғоявий ва маънавий-ахлоқий сифатларни шакллантириш ҳам шунга қўмаклашади. КПСС XXVII съезди партия ташкилотларидан коммунистларнинг сиёсий ўқиши, марксизм-ленинизмни чуқур эгаллашлари, олинган билимлар уларнинг эътиқодларига айланиши, партия планларини рўёбга чиқариш учун курашда намоён бўлиши зарурлигини талаб этди.

КПСС XXVII съезди ҳужжатларида раҳбар кадрларнинг ғоявий-тарбиявий ишларда иштирок қилишларига бу тадбирларнинг самарадорлигини оширишнинг муҳим шарти сифатида қаралади. Ўзбекистон Компартияси XXI съезди ҳам идеологик фаолиятга катта эътибор берди, республика Компартиясининг III пленуми (1986 йил октябрь) шу масалага бағишланди, унда кўпгина камчиликлар очиб ташланди ва уларни бартараф қилиш йўллари ҳамда воситалари белгиланди. Пленумда одамларни тарбиялашда раҳбарлар иштирокининг аҳамияти ҳақида ҳам сўз юритилди.

Бугунги кунда ягона сиёсий кунлар билан бир каторда ғоявий-сиёсий ишларнинг бошқа кизиқарли шакллари ҳақида ҳам сўз юритиш мумкин. Масалан, хўжалик раҳбарлари ҳузурида ўтказилаётган идеологик планёркалар яхши иш бермоқда. Бундай тадбир Чирчиқ шаҳри, Ўзбекистоннинг бошқа баъзи шаҳар ва районларидаги саноат корхоналарида моҳирона уюштирилмоқда. Планёркалар давомида корхоналарнинг раҳбарлари нафақат хўжалик, шу билан бирга тарбиявий масалаларни ҳам муҳокама этмоқдалар. Бу эса, фикримизча, ташкилотчилик, хўжалик, ғоявий-ахлоқий ишлар бирлигини таъминлайди. Ана шу қимматли тажрибани умумлаштириш, уни кенг ёйиш мақсадида тавсиялар ишлаб чиқишни мақсадга мувофиқ деб ҳисоблаймиз.

Шундай қилиб, КПССнинг раҳбарлик роли ошаётгани партия состави сифатини яхшилашни, коммунистларнинг авангардлик родини ўстиришни, уларнинг шахсий ибрати аҳамиятини кучайтиришни кўзда тутди. Бу эса барча меҳнаткашларнинг ишлаб чиқариш ва ижтимоий-сиёсий активлигини ривожлантиришга ҳал қилувчи таъсир кўрсатади. Партия худди ана шу йўл билан, миллионлар ташаббусига таянган ҳолда ўн иккинчи беш йилликнинг тифиз планлари, қўйилган барча вазифаларнинг бажарилишини таъминлай олади.

АГРОСАНОАТ БИРЛАШМАСИГА ПАРТИЯВИЙ РАЎБАРЛИК

Г. ХАМИДОВА,
профессор

Ю. ДАДАБОВЕВ, М. ХАМИДОВ,
иктисод фанлари кандидатлари

НАМАНГАН РАЙОН экономикасининг аграр сектори меҳнатчилари партия ташкилоти раҳбарлигида мамлакат Озик-овқат программасини амалга ошириш соҳасида юксак кўрсаткичларга эришиб келмоқдалар. 1982 йилдагига — КПСС Марказий Комитетининг май Пленумида шу Программа қабул қилинган даврдагига қараганда қиймат ҳисобида олганда қишлоқ хўжалиги ялпи маҳсулоти ўн биринчи беш йилликнинг охириги йилида 5,5 миллион сўмлик ёки 1,5 баравар кўпайди. Бу ерда меҳнат унумдорлиги ҳамиша иш ҳақининг ўсиш суръатидан ўзиб борапти. Пахта ҳосилдорлиги ўтган беш йилликда гектар бошига 5,1 центнерга юксалиб, ўрта ҳисобда, 40,1 центнерни ташкил қилди. Район пахта тайёрлаш беш йиллик планини 109 процент бажарди. Бу ерда ўн иккинчи беш йилликнинг дастлабки йили якунлари бўйича ҳам яхши натижаларга эришилди.

Умуман районда қишлоқ хўжалик ишлаб чиқаришининг барча тармоқларини ривожлантиришдан олинаётган даромадлар кескин кўпайди. Масалан, кейинги ўн йил мобайнида ялпи даромад 21,6 миллион сўмдан 58,4 миллион сўмгача, жумладан деҳқончиликда 18,7 миллион сўмдан 43,1 миллион сўмгача, чорвачиликда — 2,6 миллион сўмдан 8,5 миллион сўмгача кўпайди. 100 гектар экинзор ҳисобига 1985 йилда 243 минг сўм ёки 1975 йилдагига қараганда 109 минг сўм қирим олинди. Соф даромад 1980 йилда 8,7 миллион сўм бўлган бўлса, 1985 йилда 14,7 миллион сўмни ташкил қилди. 1985 йил ва ўн биринчи беш йиллик якунларига кўра Наманган райони КПСС МК, СССР Министрлар Совети, ВЦСПС ва ВЛКСМ МКнинг кўчма Қизил байроғи билан тақдирланди.

Бу муваффақиятлар тасодиқий бўлмасдан, КПСС аграр сиёсатини амалкорлик билан амалга ошира бориш, агросаноат комплексини бошқаришни муттасил такомиллаштириш, хўжалик юритишнинг иқтисодий механизмини яхшилаш натижасидир. Агросаноат бирлашмасининг тузилиши районда қишлоқ хўжалиги ишлаб чиқаришининг барча соҳаларини ривожлантиришда муҳим роль ўйнади. Барча колхоз ва совхозлар, хўжаликлараро корхоналар, қурилиш, сув хўжалиги, тайёрлов ва хоказо ташкилотлар, сельхозтехника, сельхозхимия район бирлашмалари ва бошқалар унинг таркибига кирди. Кўп тармоқли хўжаликка раҳбарлик қилишни уйғунлаштириб туриш учун 27 кишидан иборат РАПО Совети тузилди.

РАПО ташкил топиши биланоқ район партия комитети Озик-овқат программасини амалга ошириш билан боғлиқ бўлган масалаларни ўзининг эътибор марказига қўйди. Район партия комитети аграр секторни такомиллаштиришни унинг барча хизматларини, колхоз ва совхозларни, корхоналар ва ташкилотларни тажрибали кадрлар билан мустаҳкамлашдан бошлади. Район агросаноат бирлашмаси Совети составига ташкилотчилик қобилиятига эга бўлган, қишлоқ хўжалигини яхши биладиган мутахассислар киритилди.

Ҳозир колхоз ва совхозларнинг барча раҳбарлари, мутахассислари олий маълумотга эга. Бўлимлар, бригадалар ва фермаларга асосан махсус маълумотли кишилар бошчилик қилишяпти. Ҳар йили раҳбар ходимларнинг катта группаси Тошкент кишлок хўжалик институти ва Андижон пахтачилик институти қошидаги курсларда малака ошириб қайтадилар.

Барча колхоз ва совхозлар оммавий касб кадрлари: механизаторлар, сувчилар, машинада сут соғиш операторлари билан деярли тўлиқ таъминланган. Механизаторларнинг класслиги 1975 йилдагига қараганда икки баравар ошди. Ҳозир районда биринчи ва иккинчи класс тракторчи-машинистлар улар умумий сонининг 85 процентга яқинини ташкил қилади. Ҳар йили 120—130 киши ўз класслигини оширмоқда.

Район партия комитети ишлаб чиқаришнинг энг муҳим участкаларини истикболли ёш ходимлар билан мустаҳкамлашга алоҳида эътибор бериб, уларни тайёрлаш тўғрисида доимий ғамхўрлик қилиб келяпти. Шу мақсадда ўрта мактабларни, кишлок хунар-техника билим юртларини битирувчилар билан хўжаликлар, корхоналар ва муассасаларнинг раҳбарлари иштирокида суҳбатлар ўтказиб турилади. Шу ёшлардан энг муносиблари танланиб, хўжаликлар учун зарур ихтисосларга эга бўлишлари учун олий ўқув юртларига юборилади. 1985 йилда хўжаликлардан стипендия олиб республиканинг турли олий ўқув юртларида таҳсил кўраётган район ёшлари 37 кишини ташкил қилди. Бўлажак ёш мутахассислар билан доимий алоқа боғлаб турилади.

Районда ҳар йили кишлок хўжалигини ривожлантириш, Озиқ-овқат программасини амалга ошириш, интенсив технологияларни жорий этиш проблемалари юзасидан илмий-амалий конференциялар ўтказиб турилади.

Район партия комитети агросаноат комплекси раҳбарлари ва мутахассисларининг масъулиятини оширишга катта эътибор бериб келмоқда. Бу ерда ўрта бўғин кадрлари ўқуви, улар малакасини ошириш тўғрисида ғамхўрлик кўрсатилади. Масалан, ҳозир ўрта бўғин раҳбарларидан 80 дан зиёд киши республикамиздаги кишлок хўжалик олий ўқув юртларида сирдан таълим олмоқда. Свердлов номли колхоз базасида бригадирлар ва фермаларнинг раҳбарлари иштирокида бригада пудратини жорий этишга бағишлаб уч кунлик семинар ўтказилди. Семинарда район партия комитети бюросининг аъзолари, колхозларнинг раислари, совхозларнинг директорлари, мутахассислар сўзга чиқдилар. «Коммунизм» колхозини чорвачилик комплексида ҳам шундай семинар бўлиб ўтди.

Район партия комитети РАПО Советининг иш услубини яхшилашга катта эътибор берапти, унинг эътиборини мажлисларда кишлок хўжалигини ривожлантиришнинг, пахта, дон, сут, гўшт ва деҳқончилик ҳамда чорвачиликнинг бошқа маҳсулотларини етиштиришни кўпайтиришнинг энг муҳим масалалари чуқур ва принципиал равишда қараб чиқилиши лозимлигига қаратмоқда.

Хўжаликларнинг сельхозтехника, сельхозхимия ва кишлок хўжалигига хизмат қилувчи бошқа ташкилотлар билан бўладиган ўзаро ҳисоб-китобларини контрол қилиб боровчи РАПО комиссияси аъзолари пухта текшириш натижасида машина-мелиоратив отряд (ММО) раҳбарлари мавжуд тартиб-қоидаларни кўпол равишда бузганликларини аниқлади. ММО мутахассислари Охунбобоев номли, «Қизил байрок» ва баъзи бошқа колхозларда бажарилган иш ҳажми учун ниҳоятда юқори ҳақ талаб қилиб, анчагина ортиқча пул ундиришга эришган эканлар. РАПО Совети айбдорларни каттик жазолади. ММО бошлиғи вазифасидан бўшатилиб, конунсиз олинган пуллар хўжаликларга қайтариб берилди.

«Самарқанд» ва «Шербулок» совхозларида меҳнат интизомининг аҳволи пухта ўрганиб чиқилди. Транспорт воситалари йўқлигидан кўпгина ишчилар далага, фермаларга, устахона ва гаражларга, бошқа ишлаб чиқариш участкаларига кечикиб ишга чиқаётганлиги аниқланди. РАПОнинг махсус комиссияси чуқур ва ҳар томонлама текширишдан кейин совхозларга сельхозтехника фондидан автобуслар ажратиш зарур, деган

таклифни киритди. РАПО Совети бу қарорни тасдиқлади. Ўз навбатида совхозларнинг раҳбарлари автобусларнинг иш жойларига бориб-келишларини кўрсатиб аниқ график тузиб чиқдилар, натижада меҳнат интизомининг бузилиш ҳоллари барҳам топди.

РАПОнинг бутун райондаги қорвачилик фермалари ишини контрол қилувчи комиссияси аъзолари «Қизил байроқ» колхозида молдарга озуқа тайёрлаш қониқарсиз аҳволда эканлигини аниқладилар. Ихтисослаштирилган цех йўқлиги бунга асосий сабаб бўлиб келарди. РАПО Совети мазкур хўжаликка зарур пул маблағлари, фонд материаллари ажратишга қарор қилди. Ишларни бажариш райондаги кўчма механизациялашган қурилиш ташкилоти зиммасига юклатилди. Бу ташкилот коллективи қисқа муддатда озуқа цехини бунёд этиш билан бир пайтда фермалар яқинида силос ўраларини тайёрлаб берди, айрим молхоналарни ремонтдан чиқарди. Шу тадбирлар натижасида «Қизил байроқ» колхозида қорвачилик маҳсулотлари етиштириш 1985 йилда 1984 йилдагига нисбатан 30 процент кўпайди ва бундай юксалиш давом этапти.

Давлат банки бўлимида РАПО ҳисобида ҳозир бир миллион сўмга яқин марказлашган фонд мавжуд. РАПО Совети колхозлар, совхозлар, бошқа қишлоқ хўжалик қорхоналарининг қурилиш материалларига бўлган кескин муҳтожлигини ҳисобга олиб, йилига 20 миллион дона ғишт етказиб бериш қувватига эга бўлган ғишт заводи қуриш тўғрисида қарор қабул қилди.

Агросаноат бирлашмаси суғориладиган ерларнинг мелиоратив ҳолатини яхшилашга биринчи даражали эътибор бериб келмоқда. Ун биринчи беш йилликда сув хўжалиги қурилишига 11 миллион сўмдан кўпроқ маблағ сарфланди. Шунинг эвазига 882 гектар ер қишлоқ хўжалик оборотига киритилди. 2311 гектар ерда асосий текислаш ўтказилди. Суғориш новлари янада узайтирилди, 450 та вертикал дренаж қудуғи қазилди, бунинг натижасида 3840 гектар ернинг мелиоратив ҳолати яхшиланди.

Қўқимбой ва Шербулоқ тоғ массивларида мева-узумчилик ҳамда қорвачилик йўналишидаги иккита совхоз ташкил этилди. Шу хўжаликларни сув билан таъминлаш мақсадида Катта Наманган каналидан сув кўтариб берувчи Дегрезлик насос станцияси қурилди. Унинг ёрдамида 2 минг гектардан кўпроқ ер суғорилмоқда.

Биргина 1985 йилнинг ўзида районда ирригация ва мелиорация қурилишига 3,2 миллион сўм ажратилди.

Бу ерда ғўзани парваришлаш ва пахта ҳосилини йиғиб-териб олишни комплекс механизациялаш тўғрисида жиддий жон куйдирадилар. Районда ПЛ-3-3,5 плуги ёрдамида ерларни 40—45 сантиметр чуқурликда икки қатламлаб шудгор қилинмоқда. Чигит асосан кенг қаторлаб пуштага экилади.

Олимлар ва амалиётчилар фикрига кўра, чигитни пуштага экишга мўлжаллаб тупроқни тайёрлаш технологияси ҳайдаладиган қатламнинг энг макбул даражада жойлашишини таъминлаб, тупроқ ҳароратини 0,9—3,1 даража оширади. Бу чигитнинг тез ва бўлиқ униб чиқишига, тўлиқ кўчат олишга имкон яратади. Тупроқни тайёрлашнинг бундай технологияси оптимал муддатлардан ҳам 3—5 кун илгари чигит экишга киришиш, шунингдек белгиланган чигит миқдорига қараб аниқ уялаб экишни кенг жорий этиш учун ҳам қулай шарт-шароит туғдирадики, бу хўжаликларни ортиқча чигит сарфлашдан халос қилади, яғаналаш пайтида меҳнат сарфини камайтиради.

Район партия комитети ана шу афзалликларни ҳисоб-китоб қилиб кўргач, бошланғич партия ташкилотлари, коммунистлар орқали янги технологияни актив пропаганда қилишга киришди. Натижада чигитни пуштага экиш ҳозир кенг жорий этилмоқда.

Умуман олганда район партия комитетининг қатъий позицияси шарофати билан хўжалик юритиш анча пухта ва режали бўлиб қолди. Бу ерда ҳозирги кун талабларига жавоб берадиган барча илғор методларни жорий этишга ҳаракат қиляптилар. Масалан, илгари зараркунандаларга

карши курашда, дефолиация килишда кишлок хўжалик авиацияси қўлланиларди, бу эса атроф муҳитга катта зарар етказарди. Эндиликда партия ташкилотлари раҳбарлигида ана шу операцияларни ерда юрадиган техника ёрдамида бажариш йўлидан бориляпти.

Ерларни ўғитладан, экинларга ишлов беришдан тортиб то ҳосилни йиғиб-териб олишгача бўлган барча ишларни комплекс механизациялаш иши катъий, режали характер касб этди. Ғўза кўсақларининг 65—75 проценти очилгандан кейингина машиналар теримга тушади. Ҳар бир колхоз ва совхозда терим-транспорт комплекслари ташкил этилади. Уларнинг кўпчилигида партия группалари тузилади. Ана шу комплексларда ишнинг яхши ташкил этилиши коммунистлар хизматидир. Далаларни теримга тайёрлаш, йиғим-терим, отрядга техника хизмати кўрсатиш, маданий-маиший хизмат кўрсатиш ишлари шу комплексларга киритилади.

Районда меҳнатга ишбай-мукофотли ҳақ тўлаш қўлланилмоқда. Йил охирида колхозчиларга пландан ташқари етиштирилган маҳсулот қиймати-нинг 40 проценти микдорида қўшимча ҳақ тўланади. Қатор ораларига сифатли ишлов берганлиги, пахтадан мўл ҳосил олганлиги, план ва социалистик мажбуриятларни бажарганлиги учун колхозчиларга маошининг 30 проценти микдорида қўшимча ҳақ берилади. Пахта ҳосилини қисқа муддатларда ва нобудгарчиликсиз йиғиб-териб олганлиги учун механик-ҳайдовчилар тариф ставкасининг 30 проценти микдорида устама ҳақ оладилар.

Пахтачиликни комплекс механизациялаш маҳсулот бирлигига меҳнат ва маблағ сарфини камайтириш имконини беради. Чунончи, 1985 йилда туксизлантирилган чигитни аниқ микдорда ташлаб экишдан 244 минг сўм, кенг қаторлаб экишдан 594,4 минг сўм, ғўзани механизмлар ёрдамида чеканка қилишдан 21 минг сўм, ҳосилни машинада теришдан 184 минг сўм тежаб қолинди. Ерларни икки қатламлаб шудгор қилиш натижасида эса 638,2 минг сўм фойдага қолди.

Комплекс механизация тайёрланаётган пахта сифатини оширишга ҳам имкон берапти. Масалан, 1983 йилда пахтанинг 68,7 проценти биринчи сортга сотилган бўлса, 1985 йилда ҳосилнинг 80 процентга яқини биринчи сортга, салкам 9 проценти иккинчи сортга топширилди. 1986 йилда ҳам биринчи навли пахта микдори анча салмоқли бўлди.

Район партия ташкилоти тупрок унумдорлигини оширишга жуда катта таъсир кўрсатадиган пахта-беда алмашлаб экишни жорий этиш соҳасида астойдил иш олиб борапти. Бу чорвачилик учун мустаҳкам озука базасини яратишга ҳам имкон беради.

Район хўжаликларида рапс, перко, жавдар, лавлаги, силос учун маккажўхори сингари такрорий ва оралик экинларини экиш кенг қўлланилмоқда. Шу тарика ҳар гектар ер ҳисобига кўпроқ озука бирлиги олиш асосида молларни дағал ва ширали ем-хашак билан бутун йил давомида рационал равишда озиқлантириб боришни йўлга қўйиш мумкин бўлади. Масалан, С. Оржоникидзе номи колхозда гектарига 210 центнер беда пояси, 85 центнер дон учун маккажўхори, 550 центнер силосбоп маккажўхори, 700 центнер лавлаги ва 342 центнер оралик экинлар етиштиришяпти. Шу йўл билан хўжаликда чорвачилик учун мустаҳкам озука базаси яратилди-ки, бунинг натижасида 1985 йилда 1980 йилдагига нисбатан 15 процент кўп ғўшт, 24 процент кўп сут етиштирилди.

Агросаноат комплексида химия хизматида муҳим ўрин ажратилади. Район партия комитети бу ишда фаннинг энг сўнгги янгиликлари айниқса пухта ҳисобга олиниши лозимлигига РАПО раҳбарлари диққатини қаратиб келмоқда. Район агрохимиклари Тошкент кишлок хўжалик институтининг Фарғона филиали олимлари билан мустаҳкам алоқа боғлаб турибдилар, олимлар фан ва илғор практиканинг ютуқларини ишга солишга ёрдам беришяпти. Масалан, филиал доцентлари И. ва Э. Исмоиловлар Охунбобоев номи совхозда минерал ўғитлардан фойдаланишнинг самарали методларини жорий этдилар, агрохимия хизматини илмий асосга қўйдилар.

Район партия ташкилоти коллектив пудратни жорий этиш сингари муҳим йўналишни ҳам контролга олган. РАПО план бўлимининг комиссияси деҳқончилик ва чорвачиликда меҳнатни ташкил этиш ҳамда унга ҳақ тўлашни такомиллаштиришга доир тавсиялар ишлаб чиқди. Ҳозир пахтачилик, сабзавотчилик, боғдорчилик, озуқа етиштиришда ва чорвачиликда юзлаб коллективлар меҳнатга нарядсиз ҳақ тўлаш системаси асосида ишлашяпти. Оддий анализ ҳам бу системанинг фойдали эканлигини тўлиқ кўрсатиб турибди. Бинобарин, коллектив пудрат асосида ишлаётган бригадаларда пахта ҳосилдорлиги анча юқори, маҳсулот таннархи арзон, ҳар бир ишловчи оладиган иш ҳақи эса анча кўп бўляпти.

Колхоз ва совхозларнинг Наманган шаҳридаги сут заводи билан бевосита алоқа ўрнатиши ҳам РАПОнинг хизматидир. Эндиликда бутун райондаги бевосита сут-товар фермаларидан сут ана шу корхона транспортида ташиб келтирилади. Сутнинг сифати ўз жойида ҳар иккала томон вакили иштирокида аниқланади.

Агросаноат бирлашмаларининг ташкил этилганлиги иқтисодий жиҳатдан асосланган зарур одим эканлигини давр кўрсатиб турибди. Эндиликда моддий ва меҳнат ресурсларидан янада рационал фойдаланиладиган бўлди, сарфланган маблағлар самараси анча ошди. Шу билан бирга бир қатор колхозларда деҳқончилик маданияти ҳали анча паст, алмашлаб екишни жорий этиш ниҳоясига етказилмаган, уруғчилик ва фан-техника тараққиёти ютуқларини жорий этиш зарур даражада йўлга қўйилмаган.

Ҳозир район партия комитетининг бутун куч-ғайрати қишлоқ меҳнатчиларини КПСС XXVII съезди ва Ўзбекистон Компартияси XXI съезди қарорларини бажаришга сафарбар этишга қаратилган. Кадрлар ленинча иш услубини эгаллашлари, бошланғич партия ташкилотлари жанговарлигини, коммунистларнинг авангардлик ролини ошириш, меҳнаткашларнинг сиёсий ва ишлаб чиқаришдаги активлигини ўстириш учун қатъият билан иш олиб бориляпти.

Район партия комитетининг ўз иши ҳам сезиларли равишда қайта қурилмоқда. Бюро аъзолари, аппарат ходимлари, партия активистлари тез-тез партия ташкилотларида бўладилар, коммунистлар, барча меҳнаткашларни район ҳаётидан, кундалик ишлардан хабардор қилиб турадилар, партия, уруш ва меҳнат ветеранлари билан маслаҳатлашадилар. Ветеранлар тажрибасидан ишлаб чиқаришни ривожлантириш ва такомиллаштиришда, жамоатчилик ҳаётини фаоллаштиришда, тарбиявий ишни яхшилашда кенг фойдаланилмоқда. Бу ҳурматли кишилар меҳнат коллективларига улар олдида турган вазифаларни ҳал қилишда амалий ёрдам бериб туришади.

Энг яхши партия ташкилотларидан бўлган «Ленинград», Охунбобоев номли колхозлар, механизациялашган кўчма колонна партия ташкилотлари ўз меҳнат коллективларидаги ишлар аҳволига самарали таъсир кўрсатишяпти, ишлаб чиқаришнинг муҳим вазифаларини ҳал этишга бош бўлмоқдалар, ҳар бир коммунист хизмат ва жамоатчилик бурчини бажаришда намуна бўлишига, КПСС XXVII съезди материалларини тушунтириш юзасидан агитация-пропаганда ишларини яхши йўлга қўйишга эришмоқдалар.

Меҳнат коллективлари, партия ташкилотлари фикрига таяниш раҳбар кадрлар сифат составини муттасил яхшилаб бориш, уларга талабчанликни ошириш, масъул лавозимларга ғоявий етук, билимдон, касби юзасидан яхши тайёргарликка эга бўлган, ишда яхши синаб кўрилган ўртоқларни кўтаришга имкон беради. Бугунги кунда номенклатурага кирувчи ходимларнинг 80 процентидан кўпроғи олий ва ўрта махсус маълумотга эга.

Ҳозирги шароитда колхоз ва совхозларда, агросаноат комплексининг барча тармоқларида мустаҳкам моддий-техника базаси яратмасдан туриб ишнинг муваффақиятини таъминлаб бўлмайди. Қишлоқ хўжалик маҳсулотлари етиштиришни кўпайтира боришда иқтисодий омиллар ва стимуллар ролини ошириш, қишлоққа техникани ўз вақтида ва комплекс

равишда жўнатиб туриш, ажратилаётган маблағлардан янада рационал фойдаланиш лозим. Бошқариш органларининг куч-ғайрати айна ана шунга қаратилган бўлиши керак.

Район меҳнаткашлари ўн иккинчи беш йилликнинг дастлабки йилида олдиларига талай вазифаларни қўйган эдилар. Улар пахта ҳосилдорлигини гектаридан 40 центнерга етказиш, ҳосилнинг қарийб 80 процентини машиналар ёрдамида йиғиб-териб олиш, 11 минг тонна дон, шу жумладан 9,5 минг тонна маккажўхори дони, 26 минг тонна сабзавот, 2 минг тонна полиз маҳсулотлари етиштириш мажбуриятини олган эдилар. 2500 тонна гўшт, 7000 тонна сут, 6 миллион дон тухум етиштиришга имкон берадиган даражада чорвачилик озуқа базасини янада мустаҳкамлашга қарор қилинган эди. Умуман олганда район меҳнатчилари белгиланган марраларни эгаллашнинг уйдасидан чиқдилар.

Қишлоқ хўжалигини интенсивлаштириш йўли, ишлаб чиқаришнинг мураккаблиги қишлоқ меҳнатчилари малакасини тобора ошира боришни талаб қилади. Замонавий машиналар, технологиялар имкониятларини яхши билишадиган жойлардагина меҳнатнинг юксак унумдорлиги ва сифатига эришиб бўлади.

Агросаноат комплекси тармоқлари ишидаги камчиликлар муайян даражада унинг раҳбарларининг ҳаммаси ҳам бошқаришни қайта қуриш моҳиятини яхши тушуниб етмаганликлари, ўзларига бериб қўйилган ҳуқуқ ва имкониятлардан кенг фойдаланишни ўрганиб олмаганликлари оқибатида келиб чиққандир. Бирлашмаларнинг мутахассисларида ҳали ҳам тажриба етишмаслиги, кўп ҳолларда эса уларда активлик йўқлиги сезилиб турибди. Улар агросаноат комплекси тармоқлари экономикасига ҳар доим ҳам чуқур кириб боравермайдилар, қишлоқ хўжалигини ривожлантиришга ажратилаётган ресурслардан самарали фойдаланиш масалалари билан кам шуғулланадилар.

Ҳозир агросаноат комплекси ягона яхлит организм сифатида ташкил топиб бўлди. Энди унинг кенг имкониятларини ишга солиш муҳимдир. Бошқаришнинг янги ташкилий формалари янгича иқтисодий ёндашувларни ҳам талаб қиладики, бундай шароитда колхозлар ва совхозлар кўпроқ маҳсулот етиштириш ва кўпроқ даромад олишдан, хўжалик фаолиятини ўзини ўзи қоплаш принципи асосида юритишдан манфаатдордирлар.

КПСС Марказий Комитети ва СССР Министрлар Советининг «Мамлакат агросаноат комплексида хўжалик юритиш иқтисодий механизмининг янада такомиллаштириш тўғрисида»ги қарори (1986 йил март)да таъкидланганидек, агросаноат комплексига раҳбарлик қилиш услуби ва методлари жиддий яхшилашни талаб қилади, бутун ташкилотчилик ва сиёсий иш даражасини жиддий равишда ошириш зарур. КПСС XXVII съезди уқтирганидек, бу иш энг аввало партия, давлат ва технология интизомини мустаҳкамлашга, меҳнат коллективларининг ташаббуси ва ижодий активлигини оширишга, ҳар бир ходимда планлар бажарилиши ва энг юксак пировард натижаларга эришилиши учун, юксак масъулият туйғусини тарбиялашга қаратилиши лозим.

Наманган район партия ташкилоти, халқ депутатлари Совети, агросаноат бирлашмаси диққат марказида аграр секторнинг барча участкаларини ишлаб чиқаришни фан-техника тараққиёти ютуқлари асосида самарали олиб бора оладиган малакали кадрлар билан янада мустаҳкамлаб бориш масаласи турибди. Район партия комитети раҳбар кадрлар бошқаришнинг замонавий методларини тўлиқ ва тезроқ ўзлаштира боришларига, интенсив технологияни чуқур билишларига, энг кам меҳнат ва маблағ сарфлаган ҳолда дала ва фермаларда юксак самара олишга интилишларига эришмоқда. Зеро бу — белгиланган вазифаларни муваффақиятли ҳал этиш гаровидир.

ЁШЛАР ТАШАББУСИГА — КЕНГ ЙЎЛ

Д. ДАДАЖОНОВА,

Ўзбекистон ЛКСМ МК биринчи секретари

80-ЙИЛЛАР ЁШЛАРИНИНГ ДУНЕҚАРАШИ кенглигини, билимдонлигини, серғайратлигини, уларга ижтимоий ҳаётнинг ҳамма соҳаларида ўзларини кўрсатиш учун имконият излаш хослигини кўрсатиб, Михаил Сергеевич Горбачев КПСС XXVII съездида шундай деб таъкидлади: «...Комсомол эса ана шу интилишни халқ ҳўжалигида, фан ва техникада, билимларни ва маданиятни эгаллашда, сиёсий ҳаётда ҳамда Ватанни ҳимоя қилишда — ҳамма жойда ҳар жиҳатдан кўллаб-қувватлаши лозим. Бунинг устига ана шу иш ҳар қандай ишга нисбатан ҳам изланувчанлик характерида бўлиши, ёшларга қизиқарли ва тушунарли бўлиши, ишлаб чиқаришда, ўқишда ва турмушда, бўш вақтдан фойдаланишда ёшларнинг эҳтиёжлари билан мустаҳкам боғлиқ бўлиши лозим». Ўзбекистон комсомоли тарбиялаган, юсак шарафга — партия олий анжуманига делегат бўлиш шарафига сазовор бўлган республикамизнинг 11 ёш коммунисти ҳам ана шу кўрсатмани чин дилдан қабул қилиб олдилар.

Партия съездининг материаллари — катта назарий ва сиёсий аҳамиятга молик ҳужжатлардир. Бизнинг энг муҳим вазифамиз уларнинг моҳияти ва руҳини ҳар бир йигит ва кизнинг онги ва қалбига сингдиришдан иборат.

Пропагандист, агитатор, лектор ва сиёсий ахборотчиларнинг жуда катта отряди ана шу вазифани бажариш билан машғул. Комсомол сиёсий ўқуви системасида, комсомол активи мактабларида, ётоқхоналарда съезд материалларини чуқур ўрганиш ташкил этилди. Бу ишда бизга партия пропагандистлари, КПСС XXVII съезди ва Ўзбекистон Компартияси XXI съезди делегатлари катта ёрдам кўрсатмоқдалар. Съезд делегатлари, партия ходимлари билан суҳбат-мулоқотлар ёшлар аудиториясида жуда катта қизиқиш туғдиришини практика кўрсатмоқда.

Ёшлар ташаббуси лойиҳаларининг «ҳимоя»си йигит ва қизларни актив меҳнат ва студентлик фаолиятига жалб қилишнинг истикболли формаси бўлиб, уларни тайёрлаш учун комсомоллар ишлаб чиқаришни такомиллаштириш, фан-техника тараққиётини жорий қилиш, ўқишни, дам олиш ва турмушни ташкил этишга доир конкрет ва асосли таклифларни танлаб оладилар ва ўзлари ишлаб чиқадиладар.

Цех комсомол ташкилотлари ва группаларида ўтказилаётган «Иш адресини партия съезди кўрсатиб берди» изланиш иши, шунингдек, «Жадаллаштириш концепцияси: сенинг шахсий ҳиссанг қандай?» мунозараси ёшларнинг кенг оммасини амалий ишга жалб этишда бизга ёрдам бермоқда. Ёшларнинг съезд материалларини мустақил ўрганишида «КПСС XXVII съезди: революцион назария ва ҳаракат давомийлиги» ленинча дарси ўзига хос якун бўлди.

КПСС XXVII съездида таъкидланганидек, Ленин комсомолининг энг муҳим, туб вазифаси бўлган ёшларни тарбиялаш вазифасини ҳал қилишда партия бизни конкрет, амалий ёндашишга йўлламоқда.

Янгича ишлашнинг дастлабки одимларига якун ясаркан, М. С. Горбачев, кайта куриш меҳнат коллективларининг, барча кадрларнинг ташаббускорлиги ва мустақил фаолиятини ҳар томонлама ривожлантиришни кўзлайди, деб таъкидлади. Мамлакат комсомоли ана шу хулосани съезд ишлаб чиққан бош йўлни ҳаётга татбиқ этиш стратегияси сифатида қабул қилди. Съездолди ҳужжатларини муҳокама қилиш давомида СССР ёшлари ташаббускорлигини ривожлантириш комплекс программасини ишлаб чиқиш ҳақида таклиф илгари сурилган эди. Ленин комсомоли ўз съездидида бу таклифни қувватлади. Ҳозир ВЛКСМ Марказий Комитети ана шундай программа лойиҳасини яратмоқда. Ёшлар учун «қизикарли» ишларни шундоққина тақдим этиб қўя қолиш эмас, балки ҳаётга, у таклиф қилаётган янгиликларга, қандай қизикарли ташаббус ва ғоялар туғилаётганига диққат-эътибор билан қараш комсомолнинг ёшлар ташаббускорлигини ривожлантиришга қаратилган ишнинг моҳияти бўлиши лозим. Бу ташаббусларни эса ҳам ташкилий, ҳам молиявий, ҳам сиёсий жиҳатдан қўллаб-қувватлаш керак. В. И. Ленин шундай деб ёзган эди: «Совет ҳокимиятининг буйруқ чиқариши, ёки партиянинг бирон шиор ташлаши, ёхуд энг яхши ходимлардан маълум бир қисмининг бу ишга юборилиши билангина иш битмайди... Коммунизм шундан иборатки, Ёшлар союзида аъзо бўлган ёшлар — йигит ва қизлар: бу бизнинг ишимиз, ...десинлар» (Тўла асарлар тўплами, 41-том, 352-бет). Комсомоллар ўз ишимиз дея оладиган ишлар эса тўлиб-тошиб ётибди. Ёшлар ташаббуси реал самара келтириши катта аҳамиятга сазовордир.

Комсомол ташкилотларининг амалий иши, ёшлар ташаббусларини амалга оширишдан келиб чиққан тажрибаси комплекс программани ишлаб чиқиш учун пойдевор бўлиб хизмат қилади.

Куч-қувватимизни ишга соладиган энг муҳим участкалардан бири бўлмиш ишлаб чиқаришни интенсивлашда ёшлар ташаббуси катта роль ўйнаши керак. Ана шу жиҳатдан олганда, «Навбоназот» ишлаб чиқариш бирлашмасининг иш тажрибаси кам ўрганилган, кенг тарғиб қилинмаган. Бу ерда эса ибратга лойик жиҳатлар йўқ эмас: бирлашма комсомоллари комсомол ташкилотлари учун ишлаб чиқаришда конкрет йўللار ва реал бажариладиган ишлар топишни ўз олдига мақсад қилиб қўйган «Экономика ва ёшлар» мунозарасидан иш бошлаган эдилар. Мунозара ишни яхшилашнинг резервларини, янги имкониятларини очиб берди. Иш жойлари аттестациядан ўтказилди. Ундан аввалроқ комсомол ташкилотлари секретарлари аттестациядан ўтказилган эди. Цехларда комсомол йиғилишлари бўлиб ўтиб, уларда ёшларнинг ишлаб чиқариш фаолиятини яхшилашга доир конкрет тадбирлар ишлаб чиқилди. ВЛКСМ бюро секретарлари ана шу тадбирларнинг бажарилиши ҳақида йил давомида ҳисобот бериб борадилар.

Қишлоқ хўжалик ишлаб чиқариши суръатларини анча ошириш, пахтадан, деҳқончилик ва чорвачилик бошқа маҳсулотларидан гарантияланган юкори ҳосил олишни таъминлаш — республика кишлоқ меҳнаткашлари олдиди ана шундай вазифа турибди. Совхоз ва колхозларнинг ҳуқуқларини кенгайтириш, пировард натижалар учун уларнинг манфаатдорлиги ва масъулиятини ошириш комсомол ташкилотларининг ташаббускорлигини ўстириш учун реал замин яратади. Жиззах область Зарбдор районидаги «Ленин йўли» совхозиди Исмоил Усмоновнинг комсомол-ёшлар бригадаси бригада пудратига ўтиб, юкори натижаларга эришди — бу ерда 74 гектар пахтазорга жами 14 киши қарамокда. Ёш пахтакорлар мўл-ҳосил етиштирдилар ва деярли барча пахтани машиналар ёрдамида териб олдилар.

Ўзбекистон комсомол ташкилоти ишларнинг аҳволини баҳолашга объектив ёндашиши керак. Республикада рўй берган салбий жараёнлар ёшларнинг сиёсий ўсишига тўсқинлик қилди. Комсомол кадрларининг бир қисми баъзи бир айниган раҳбарларга ёқишга интилиб, комсомол турмуши норма ва принципларини унутиш йўлига ўтиб олдилар. Унинг деярли барча соҳаларига кўзбўямачилик ва қўшиб ёзишлар вирус кириб олди, ҳисоботлардаги маълумотлар ошириб кўрсатилди. Комсомол Марказий Комитети, область комитетлари фаолиятидаги мактанчоқлик ва хўжақўрсинчилик бошланғич комсомол ташкилотларига

рахбарлик қилишга доир ишни тўсиб қўйди, кейинроқ эса умуман орқа планга суриб қўйди. Оддий комсомоллар, республика ёшларни комсомол ходимларининг ўзларининг асосий ишларига лоқайд эканлигини кўрмаслиги мумкин эмас эди. Бунинг оқибати ўз таъсирини кўрсатмай қолмади: кейинги йилларда бизда комсомолга қабул қилиш сезиларли қисқарди, союзнинг ички интизоми сусайди. 280 мингдан ошқ ВЛКСМ аъзоси, ёки деярли ҳар ўн комсомолдан биттаси учётдан ўчмай туриб ўз ташкилотларидан чиқиб кетдилар ва натижада комсомол билан алоқани узиб қўйдилар.

Комсомол ташкилотлари иш услуби ва формаларини қайта қуриш жуда суст бормокда. Ёки, ҳар қалай ҳозирча қутилган самарага эришганимизча йўқ.

Бугунги кунда ғоявий-ахлоқий тарбия масалалари ҳақида сўзлар эканмиз, рўй берган салбий ҳодисалар ҳозирги кўплаб ёшларнинг ахлоқий кифоасида ўз изини қолдирганлигини эсдан чиқармаслик керак. Ёшларнинг турли группаларида ижтимоий ва меҳнат соҳасида пассивлик, тайёрга айёрлик кайфиятлари, сиёсатдан ўзини олиб қочишлик у ёки бу даражада намоён бўлмокда.

Биз В. И. Лениннинг қуйидаги сўзларини эсда тутамиз: «Биз кишилиқ тушунчасидан, синфий тушунчадан ташқарн олинган ҳар қанақа... ахлоқни инкор қиламиз... Коммунизмни мустаҳкамлаш ва батамом қуриш учун курашиш коммунистик ахлоқнинг асосидир» (ТАТ, 41-том, 345-, 350-бетлар). Коммунистик ахлоқ принципларидан ҳар қандай чекиниш буржуа ахлоқи сари йўл тутиш демакдир. Фақат ана шундай ленинча талабчан кўрсатмагина ҳозир биз учун кўл келади.

Қайта қуриш ҳақида сўз борганда гапни аввало кадрларимиздан бошлаш лозим. Ёшларни ахлоқий тарбиялаш билан шуғулланадиган комсомол ходимининг ўзи коммунистик ахлоқ нормаларини бажаришда ўрнатилган бўлиши керак. Биз ўзига доғ туширган раҳбарлардан қутулиб бормокдамиз. Комсомол етакчиларига талабчанликни янада оширишимиз зарур. Шахсий ва ижтимоий ҳаётда оддийлик ва камтаринлик — коммунистик ахлоқнинг ана шу энг биринчи қондасини баъзан ҳатто бошланғич ташкилотларнинг секретарлари ҳам «унутиб» қўядилар. Баъзан, шанбаликларда, пахта терими кампанияларида жон-жаҳди билан ишлаётган ёшлар орасида кийинмига гард юқишидан чўчувчи, байрамона кийинган комсомол ходимлари учраб қолади — қаранг-а, у шахсий намуна кўрсатиш ўрнига «ташқил этаётган» бўлади.

Комсомол комитетларининг секретарлари, комсомол МК аппаратининг масъул ходимлари меҳнат ва ўқув коллективларида ёшлар орасида сўзга чиқишга лоқайд муносабатда бўладилар. Бухоро, Сурхондарё, Қашқадарё область комсомол комитетларининг биринчи секретарлари оддий комсомоллар олдидан ахён-ахёнда сўзга чиқадилад. Аммо ёшлар билан жонли алоқа бўлмаганда комсомол етакчилари кўп нарсани бой беришлари аниқ.

Диккат марказида конкрет инсон ўзининг реал эҳтиёжи, проблемаси, орзумидлари билан туриши қайта қуришдаги энг асосий жиҳатдир. Айни инсон турмоғи керак, у билан ишлаш формалари эмас. Машъум «камраб олиш», иш формаларини хилма-хиллаштириш ва «такомиллаштириш»га маҳлиё бўлиб, ўзимиз сезмаган ҳолда ана шундай маккорона ўрин алмашиш юз берган эди. Биз комсомол ишини «умуман», ўртамиёна олиб боришга одатланиб қолган эдик. Қатнашувчиларнинг доимий состави билан оммавий тадбирлар ўтказишнинг бутун бир системаси шаклланиб қолган эди. Аллақачон «агитация қилинганлар»ни қайтадан агитация қилардик, ёшларнинг фаоллиги суи ва шу билан бирга жуда катта қисми эътибордан четда қолиб кетмокда эдики, аслида айни улар билан иш олиб бориш керак эди.

Партия халқнинг социалистик ўз-ўзини бошқариши системасида комсомолнинг ролини ошириш йўлини изчиллик билан ҳаётга татбиқ этмокда. Турли хил масалаларни қўйиш, ҳал қилишда комсомол комитетлари катта ҳуқуқларга эга бўлмокдалар. Лекин ВЛКСМ аъзолари ўз проблемалари, масалалари билан комсомол органларига жуда оз мурожаат қилаётганларини сезиш учун статистика маълумотларига мурожаат қилиш шарт эмас. Эҳтимол, Новосибирскда қилинганидек, район, шаҳар, область комсомол комитетларида жамоат қабулхоналари ташқил этиш ҳақида ўйлаш пайти келгандир. Ҳар бир комсомол

ишлаб чиқариш, жамоат фаолияти, турмуши билан боғлиқ масалаларни ҳал қилиш, комсомол органлари ишини яхшилашга доир таклифлар билан бу ерга мурожаат қила олар эди. Сайлаб қўйилувчи комсомол активи учун депутатлик нақзига ўхшаш практикани жорий қилиш ҳам фойдали бўлади. Шунга мувофиқ комсомол органларига турли орган ва ташкилотларга депутатлик сўрови беришга ўхшаш ҳуқуқлар бериш ҳақида ўйлаш керак.

Комсомол аъзоси ўз ташвишлари, эҳтиёж ва фикрлари билан бизларга мурожаат қилишини кутиб ўтириш керак эмас. Бизнинг ўзимиз ҳар бир киши олдида боришимиз керак — бунда ҳам социологик тадқиқотлар, жамоат фикрини сўрашлар жуда катта ёрдам кўрсатиши мумкин. Ҳозиргача бу иш республика ташкилотига ибтидоий усулда олиб борилмоқда, тасодифий тусда бўлиб, системали ёндашишдан йироқдир, оқибатда олинган натижалардан амалий ишларда умуман фойдаланиб бўлмаяпти. Комсомол комитетларининг кўпгина ташаббуслари «хавода осилиб қолиши», уларнинг иқтисодий ва ахлоқий самарасини прогнозадаги ношудлик сабаби ҳам шунда.

Биз бутун ғоявий-тарбиявий ишимизни ёшлар ташаббускорлигини ривожлантириш нуқтаи назаридан қараб чиқиш ниятидамиз. Масалан, идеологик жабҳанинг сиёсий ўқиш каби муҳим соҳасини олиб кўрайлик. Ундаги айрим ижобий мисоллар билан бирга, Ўзбекистон Компартияси Марказий Комитети III пленумида очик-ойдин айтилганидек, расмийлаштирилган кучли эканини кўрмаслик мумкин эмас. Йигит ва қизларнинг марксча-ленинча назарияни чуқур, жонли тушунишга интилишларини форма ва методларнинг бюрократик бир хиллиги билан чегаралаб қўйиш керак эмас. Шароит мавжуд бўлган, пропагандист кадрлар шаклланган жойларда комсомоллар сиёсий мактаб ташкил этишлари мумкин. Назарияни мустақил ўрганишда ўқув ишига сиёсий клуб ёрдам бериши мумкин. Сиёсий ўқишнинг ана шу прогрессив формаси фазилатларига у ташкил қилинган жойларда ишонч ҳосил қилдилар. Хоразм областининг Қўшқўпир районида сиёсий клуб район комсомол комитети ҳузурида ташкил этилган бўлиб, бу шу йўл билан бирданига икки вазифани: идеологик ва пропагандистлар тайёрлашни кўзда тутувчи методологик вазифани ҳал қилишга имкон берган. Проблемали суҳбатлар, мунозаралар кам аъзоли комсомол ташкилотларида сиёсий билимларни ривожлантиришнинг мустаҳкам омили бўлиши керак. «Юкоридан» туриб унинг формаларини белгилаш керак эмас, уларни танлаш бошланғич комсомол ташкилотларининг ишидир.

Ғоявий-сиёсий тарбия ва меҳнат тарбияси мустаҳкам боғлиқдир — партия бизни ана шунга ўргатади. Фақат жамият фаровонлиги учун биргаликда меҳнат қилишдагина коммунистик келажак кишии шаклланиши мумкин. Фақат меҳнат жараёнида юзага келадиган проблемаларни биргаликда ҳал қилишгина комсомол ташкилотини жипслаштириши мумкин. Аҳолининг иш билан машғул бўлмаган қисмини ижтимоий-фойдали меҳнатга жалб этиш энг актуал иқтисодий, социал ва сиёсий аҳамиятга молик вазифалар ичида энг муҳимидир. Комсомол комитетлари партиянинг ана шу кўрсатмасини бажаришга куч-ҳаракатларини йўналтиришлари керак. Ҳар бир ташкилот, Қўкон пайпоқ йигирув бирлашмаси комсомоллари қилганидек, бу ишга ўз ҳиссасини қўшиши мумкин. Бирлашма комсомоллари маъмурият кўмагида ишлаб чиқаришни техникавий қайта ускуналашни тезлаштирдилар, ишлаб чиқариш биноларидаги вентилизация системасини такомиллаштирдилар, натижада меҳнат қилишдаги ёмон шароитлар туфайли ишлашни хоҳламаган бир неча юз киз — ёндош кишлоқлар аҳолиси — фабрика ва унинг филиалларига ишга келди.

Йигит ва қизларнинг мамлакатимизнинг янги ерлар ўзлаштирилаётган, саноат гигантлари бунёд этилаётган, янги магистраллар қурилаётган жойларига ихтиёрий равишда кўчиб бориши ватанпарварлик олий туйғусининг намоён бўлишидир. Масалан, Тошкентдан Калинин областига (РСФСР) Тошкент, Самарқанд, Наманган, Андижон области комсомол ташкилотларининг 75 вакилидан иборат кўнгилчилар отряди жўнаб кетди, улар КПСС XXVII съезди номли Бутуниттифок отряди составида Нокоратупрок зонада меҳнат қилмоқдалар. Нокоратупрок зона, Сибирь, БАМ зонаси, Ўзбек Шарқ киефасини ўзгартиришда

иштирок этаётган Ўзбекистон вакиллари ҳисобига индустриал ишчилар синфини тўлдиришдаги ёрдамимиз ўсиб бориши мумкин ва лозим деб ҳисоблаш учун ҳамма асослар бор.

Ешларни атеистик тарбиялаш вазифаларини ҳал қилишда ташаббускорликни бутун чоралар билан ривожлантиришимиз лозим. Идеология ишининг бу соҳасида, Ўзбекистон Компартияси Марказий Комитети III пленумида таъкидланганидек, нуксонлар айниқса кўпдир. Атеистик тарбия, янги прогрессив анъаналарни жорий қилиш мураккаб, ҳатто машаққатли иш бўлиб, маъмуриятчиликни, дағал таййик ва волюнтаристик методларни истисно этади. Совет маросимларини пропаганда қилувчи ёш атеистлар клублари, агитбригадалар ташкил этиш, йигит ва қизлар ҳаётидаги шонли воқеаларга бағишланган тантанали маросимлар ўтказиш комсомол комитетларининг доимий диққат-эътиборида туриши керак. Атеист пропагандистларни тайёрлаш ва уларнинг малакасини ошириш марказлари ҳисобланувчи атеистлар клубларига катта аҳамият бермоқдамиз. Область комсомол комитетлари область халқ маорифи бўлимлари, маданият ва кинолаштириш бошқармалари, «Билим» жамияти область ташкилотлари правлениелари билан ҳамкорликда атеистлар клубларини паспортлаштиришлари, уларнинг ўқув-моддий базасини мустаҳкамлашлари, ёшлар ўртасида атеистик иш олиб боровчи активистлар слётларини мунтазам ўтказиб туришлари лозим.

«Партия шахсда юсак гражданлик туйғусини, совет қонунларига ва социалистик турмуш қоидаларига ҳурмат, социалистик қонун бузилишининг ҳар қандай кўринишларига мурасасизлик, ҳуқуқ-тартиботни муҳофаза қилишда актив қатнашишга шай бўлиб туриш туйғусини тарбиялашга катта аҳамият беради», — янги таҳрирдаги КПСС Программасида шундай дейилган. 1986 йил баҳорида Ўзбекистон ЛКСМ Марказий Комитети республика комсомол комитетлари ва ички ишлар органларининг вояга етмаганлар ва ёшлар ўртасида ҳуқуқни бузиш ва ичкиликбозликнинг олдини олишга доир 1985 йилда ҳамкорликда амалга оширган ишларига якун ясади. Бу якунлар комсомол комитетлари ана шу йўналишда етарлича пухта ишламаётганини, ички ишлар органлари билан ҳамкорлиги суст эканлигини кўрсатмоқда. Айниқса, Тошкент, Қашқадарё областларида вояга етмаганлар ўртасида қонунни бузиш ҳоллари аввалгидек кўп. Наркотик моддаларни истеъмол қилишга «иштиёқманд» ёшлар ва психотроп моддаларни «тотиб кўрувчи» мактаб ўқувчилари эътибордан четда қоляпти. Шу ўринда комсомол ва педагогларнинг оператив отрядлари ўзларини кўрсатишлари лозим. Улар расмий учун ишлаётгани, кўп ҳолларда фақат қоғозда мавжудлиги сир эмас.

Ешларнинг дам олишини ташкил этиш, шаҳар ва районларда ўсмирларнинг истикоматгоҳлардаги клубларини, ёшлар марказларини, видеотека, спорт ўйинлари клублари, заллари, майдончаларини, ёшларнинг қизиқишлар бўйича бирлашмаларини яратиш масалалари ҳуқуқ бузилишлари олдини олиш иши билан чамбарчас боғланган. Бу соҳада ёшлар ташаббускорлиги учун майдон чекланмаган.

Комсомол ғоявий-тарбиявий ишининг барча масалалари бугунги кунда даврнинг шубҳасиз бўлиб қолган талабларига мувофиқ бўлиши, яъни ёшлар ташаббускорлигига эътиборни қучайтиришимиз, унинг ривожланишига ёрдам беришимиз, кенгайтиришимиз, совет жамияти социал-иктисодий ривожланишини жадаллаштириш вазифаларини муваффақиятли бажаришга қаратилган амалий ҳаракатларга айлантиришимиз лозимлиги яққол кўриниб турибди.

БИЛИШДА КОМПЛЕКС ПРОБЛЕМАЛАРНИНГ ҚЎЙИЛИШИ ВА ҲАЛ ЭТИЛИШИ

С. КОМИЛОВА,

философия фанлари кандидати

БИЛИШ ПРОЦЕССИ ТАРАҚҚИЕТИНИНГ далолат беришича, янги илм ҳар хил фанларнинг «чатишган жойи»да ўсиб чиқади (К. Маркс ва Ф. Энгельс. Асарлар, 20-том, 607-бетга қаралсин). Бир хил фанларни бошқаларидан ажратиб турган тўсиқлар йўқолиб, илмнинг бир-бирига яқин ва унча яқин бўлмаган соҳалари ўртасида ўзаро мустаҳкам алоқа қарор топади. «Эндиликда, — деб қайд қилган эди академик Б. Кедров, — табиатнинг бир объекти ўтмишдан фаркли ўларок... бирон бир фан томонидан эмас, балки ўзаро боғлиқ фанларнинг бутун бир комплекси томонидан ўрганилади». Билимнинг турли хил соҳаларининг тобора кучайиб бораётган ўзаро таъсири уларнинг тадқиқот методларини ўзаро ўзлаштириши йўли билан ҳам бир фаннинг ўз предметини билишдаги «ҳаракат эркинлиги»ни бошқа, баъзида ҳатто ўзидан йироқ фанларга бериш йўли билан ҳам содир бўлади.

У ёки бу объектни комплекс ўрганиш комплекс проблемаларни таърифлашга имкон туғдириб, билим олишнинг шарти бўлади. Илмий тадқиқотлардаги бундай ёндушув материалистик диалектиканинг умумий принципларининг, аввало ходисаларнинг умумий алоқадорлиги ҳамда билишнинг ҳар томонламалиги принципларининг рўёбга чиқишида янги босқич бошланганлигини англатади.

Комплекс проблемаларни таърифлаш билишга оид вазифаларни турли хил фанлар ўртасида тақсимлашга асосдир. Масалан, жонли табиатнинг биологик, физикавий-химиявий ва механик қонуниятлари, материя ҳаракатининг турли шаклларини тадқиқ этиш комплекс проблема бўлиб, бу уларни табиатнинг ўзидаги моҳиятига кўра диалектик бирликда тадқиқ этишни кўзда тутати. Тирик организмларнинг яшаши ва ривожланишининг ана шу барча қонуниятлари бир-биридан ажралган ҳолда эмас, мустаҳкам бирликда мавжуддир: материя ҳаракатининг биологик шакли физикавий, химиявий ва механик шаклларга нисбатан юқори бўлиб, уларни инкор қилмасдан, аксинча, уларни ўз ичига олади.

Ф. Энгельс жонли табиат, ҳаёт ходисаларини билиш учун фанларнинг ўзаро мустаҳкам алоқаси зарурлигини уқтириб, шундай ёзган эди: «Организм, шубҳасиз, ўзида механика, физика ва химияни бир бутун ҳолда боғлаб турадиган олий бирлик бўлиб, бу учликни бир-биридан ажратиб бўлмайди» (К. Маркс ва Ф. Энгельс. Асарлар, 20-том, 566-бет).

Комплекс проблемаларни қўйиш ва улар тадқиқотини ташкил этишда фандаги интегратив тенденциялар яққол намоён бўлади. Бунда ўзаро боғлиқ фанларнинг мазмуни ва структураси ўзгариб, билиш чуқурлаша борган сайин уларнинг предметлари ва объектлари ҳам ўзгариб, кўпайиб боради, илмий назариялар, принцип ҳамда қонунлар янада такомиллашади. Фан-техника тараққиёти даврида турли хил фанлар, табиий ва ижтимоий фанларнинг алоқаси асосий табиий фанларга оид билимларнинг самарали равиши учун ҳал қилувчи шарт-шароит бўлиб хизмат қилади.

Илмий билимлар интеграцияси янги билимлар ва илмий ахборот ҳосил қиладиган янги оралик фанларни вужудга келтиради. Бу эса, ўз навбатида, фан ютуқларини таҳлил этишга янгича ёндашишни талаб қилади. Интегратив жараёнлар илмий фаолиятнинг барча турлари, даражалари ва компонентлари: воситалар ҳамда билиш процедуралари, мақсадлар ҳамда натижалар учун характерлидир. Интеграция илмий фаолиятнинг янги метод ва формаларини, билиш воситалари ва операцияларини яратди.

Билишдаги илмий билимлар интеграцияси туфайли таркиб топган янги гносеологик вазият илмий проблемаларни қўйиш ва ҳал этишнинг анъанавий характерини тубдан ўзгартиради. Фан ва илмий билим техника, ишлаб чиқариш билан узвий равишда бирикиб, жамият тараққиётининг қудратли омилига айланди. Натижада бир қатор янги проблема ва вазифалар майдонга келди, уларни ҳал этиш учун кўпдан-кўп табиий, ижтимоий ва техникавий фанларнинг кучини координациялаш лозим.

Мазкур кўп планли, йирик микёсли проблемаларнинг муҳим хусусияти шундан иборатки, уларни ҳал этишда барча масалалар комплексини системали анализ қилиш объектив заруриятга айланади. Мазкур проблемаларнинг нафакат кўп аспектлилиги, балки уларнинг теран чапишиб кетганлиги, барча жиҳатларнинг ўзаро чамбарчас боғлиқлиги ҳам мураккаблик туғдиради. Бу аспектларнинг ҳеч бирини алоҳида ажратиб, бошқалари билан системали муносабатини инкор қилган ҳолда ўрганиш мумкин эмас. Интегративлик илмий билим тараққиётининг қонунияти сифатида ҳодисаларнинг умумий алоқадорлиги диалектик принципнинг конкретлаштиришидан иборатдир. Мазкур принцип моҳиятини таърифлар экан, В. И. Ленин уни умуман илмий тадқиқотнинг, хусусан марксча диалектиканинг биринчи ва асосий қоидаси деб атаган эди.

Моддий воқелик ҳодисаларининг объектив ўзаро алоқадорлиги ва бир-бирини такозо қилиши дунё ҳақидаги фан ва билимлар системаси ривожининг тегишли қонуниятларида ўз аксини топади. Бу қонуниятлар ҳамма фанларга ҳос, комплекс феноменларда намоён бўлади.

Комплекс проблеманинг шаклланиш жараёнини ҳар томонлама ўрганиш дунё, унинг қонунлари ҳақида янги билим олишга қаратилган билиш фаолиятининг конкрет шароитларида ҳар бир «омил»нинг таъсирини ҳисобга олишни такозо қилади. Энг асосийси — илгари эришиш қийин бўлган аспектларни ўрганиш ва объектив дунёни тадқиқ қилиш соҳасини кенгайтиришдир. Материя ҳаракатининг социал формаси ҳам турли хил фанлар бинобарин, уларнинг ўзаро таъсир методлари орқали комплекс ўрганишни талаб этадиган шундай муҳим объектдир. Ижтимоий ҳодисаларнинг комплекс ўрганилиши, албатта, турли фанлар кучларининг шунчаки жамланишини англатмайди; уларнинг ўзаро таъсири натижасида ҳар бир фаннинг мазмунини ва методлари бойийди, тадқиқот объектини билишнинг янгича методлари пайдо бўлади ва ривожланади. Бу методлар кўпинча кўплаб тармоқлар учун умумий бўлиб, шу туфайли уларнинг янада яқинлашиши ва бир-бирига қўшилиб кетишига ёрдам беради.

Фан турли тармоқларининг тадқиқот объект (предмет)лари бўйича диалектик ўзаро таъсири натижасида ўзаро алоқадор проблемалар комплексларининг шаклланиши — ҳозирги фан тараққиётининг муҳим хусусиятидир. Кучайиб боровчи ўзаро таъсир жараёни янги, янада теран синтетик билишни вужудга келтиради.

Табиат ва жамиятда ҳар хил даражаларда юз бераётган жараёнларнинг қонуний характери, фанларнинг бирлаштирилган кучлари билангина ечиш мумкин бўлган мураккаб проблемаларни ўртага қўяётган ижтимоий практика, ниҳоят, объектив равишда фанлар алоқаларининг янада мустаҳкамланишига, илмий билимларнинг синтезлашувига олиб келувчи фан тараққиёти мантикининг ўзи турли объект (предмет)ларни комплекс тадқиқ қилишга имкон беради. Бунда ўзаро таъсир этувчи фанлар бир-бирини тўлдириб, ўз натижаларини биргаликда тузатишади. Оқибатда уларнинг ҳаммаси ҳам ютади, билиш объекти эса тўлалигича ва серкирралигича намоён бўлади.

Комплекс проблема турли хил фанларнинг восита ва методлари орқали

тўпланган бутун бой экспериментал ва назарий материалнинг умумлашмасига асосланган. Комплекс проблемаларни қўйиш 1) моддий дунёнинг янги жихатларини аниклаш, 2) проблемани тавсифлаш ва изохлаш учун ягона тушунтириш апаратини яратиш, 3) туташувчи, умумий, фанлараро проблемаларни аниклаш ва қўйиш, 4) уларни қўйиш ва ечишнинг методологик бирлигини шакллантиришга олиб келади. Билиш жараёни ривожланишининг диалектикаси бир фанга оид билим бошқа фанга ўтказилганида ўзаро бойиш ва ривожланиш содир бўлиши, билимнинг эвристик ўзаро таъсири принципи намоён бўлишдан далолат беради.

Хаёт жараёнида пайдо бўлаётган кўплаб катта ва мураккаб комплекс проблемаларни бугуноқ ҳал қилиш лозим. Шулардан бири совет жамиятининг кейинги социал тараққиёти такозо этаётган шахсни камол топтириш комплекс проблемасидир. Унинг қўйилиши ва назарий жихатдан ишлаб чиқилиши шахс илмий дунёқарашини шакллантириш йўллариغا оид кўпгина конкрет масалаларни яхшироқ тушунишга имкон беради.

Мазкур проблемани ечишга ёндашишнинг ягона тўғри назарий ва методологик принциплари марксизм-ленинизм классиклари томонидан ишлаб чиқилган. Бу принциплар кейинчалик Коммунистик партия фаолиятида ўз аксини топди. КПСС шахс илмий дунёқарашини янгича тарихий шароитлар ва янгича асосда шакллантириш йўллари кўрсатиб бермоқда. Бу кўрсатмалар коммунистик тарбия проблемаларини ишлаб чиқиш ва ҳал этишда муҳим назарий ва амалий аҳамиятга эга.

Партия илгари сураётган жамиятнинг ҳар бир аъзосида илмий дунёқарашни шакллантириш вазифаси ғоят улкан тараққиёт тўғрисида, шунингдек жамият ривожининг ҳозирги босқичида бу вазифани ҳал этиш учун мавжуд шарт-шароитлар ҳақида гувоҳлик беради.

Бу вазифани амалга ошириш, биринчидан, умумий савияни мунтазам ошириб боришни, жамият барча аъзоларини дунёнинг илмий манзараси асосий элементлари ҳақидаги билим билан қуроллантиришни; иккинчидан, фан-техника ютуқларини ўзлаштириш, назарий ва амалий билимларни ривожлантиришни; учинчидан, эски дунёқараш саркитлари, ноилмий қараш ва тасаввурларни бартараф этиб, билимларни чуқур эътиқодга айлантириш, марксча-ленинча назарияни муттасил эгаллай боришни; тўртинчидан, коммунистик меҳнат формалари ва кишилар ўртасидаги янгича муносабатларни ривожлантиришда; буржуа идеологиясига қарши курашда муҳим роль ўйнайдиган ахлоқий, эстетик дидларни турли йўллар билан такомиллаштиришни талаб қилади. Шахс дунёқарашини шакллантириш проблемасини чуқурлаштириш ва конкретлаштиришдаги бундай ёндашиш уни комплекс илмий проблема тарзида ишлаб чиқиш заруриятини келтириб чиқаради. Бу — муҳим методологик талаб бўлиб, В. И. Лениннинг қўйидаги кўрсатмасидан келиб чиқади: «Предметни ҳақиқатан билиш учун унинг ҳамма томонларини, ҳамма алоқаларини ва «воситаланишларини» бирга олиб текширмоқ керак» (Тўла асарлар тўплами, 42-том, 343-бет).

Асосий йўналишлари партиямиз ҳужжатларида ишлаб чиқилган комплекс ёндашиш, юқорида қайд этилганидек, материалистик диалектикага асосланади. Айни у илмий билиш методи сифатида ҳозирги воқеликнинг энг мураккаб ходисаларини аниқлаб олиш, ҳозирда жаҳонда юз бераётган воқеа ва тенденцияларнинг маъзини чақиш ҳамда уларнинг келгусидаги ривожини белгилашга қўмаклашиб, бизни ижтимоий ҳаётни билиш ва тубдан ўзгартиришнинг ягона тўғри назарияси ва методи билан қуроллантиради.

Шуни таъкидлаш лозимки, шахс дунёқараши тайёр ҳолда пайдо бўлиб қолмайди. Унинг шаклланишига кўпдан-кўп умумий ва специфик, субъектив ва объектив ташки ва ички омилларнинг ўзаро ҳаракати ва бирикуви таъсир кўрсатади. Аввало, социал-иктисодий система, фан, маданиятнинг эришган даражаси тарихий аъналар, халқнинг миллий хусусиятлари, синфий қучлар билан ижтимоий тараққиёт тенденцияларининг нисбати, яъни бутун зиддиятлари ва конкретлиги билан олинган ижтимоий ҳаёт ана шундай омилдир. Дунёқараш шаклланиши жараёнида шахснинг ўзи пайдо бўлади ва камол

топади. Ижтимоий муҳит шахснинг умумий йўналишини, унинг хулқ-атвори, меҳнатга муносабати, ахлоқий принципларини белгилайди ва тартибга солади. Дунёқарашнинг шаклланиш жараёни инсоннинг бутун атроф-муҳитни идрок этиб, мушоҳада этишига ёрдам берадиган ўзига хос призма, индивидуал ва ижтимоий онг ядроси, шахс маънавий оламининг марказий элементидир. Агар дунёқараш дунёни тўғри тушунишга асосланса, унда дунёни оқилона ўзгартириш учун мустаҳкам асос бўлиб хизмат қилади. Мабодо у воқеликнинг нотўғри инъикосидан иборат бўлса, унда индивид ҳаётида жиддий тўсикка айланади. Дунёқараш масалалари ва дунёни билиш ҳамда ўзгартиришга муносабат усулларида кенг ва тўғри йўналишга эга бўлмаган киши ўзини ожиз ва ночор ҳис қилади.

Дунёқараш уни шакллантириш жараёнида ишлаб чиқиладиган асосий принципларга асосланади. Бу принципларнинг мавжудлиги, уларга садоқат, уни душман ғоялар ҳамда қарашлардан ҳимоя қилиш қобилияти ва бунга шайлик рационал негизни ташкил этади. Индивид табиат, жамият, бошқа кишиларни шу негиз нуктаи назаридан идрок қилади ва уларга муносабатини белгилайди.

Дунёқараш шаклланишига фан, илмий билим тараққийси тобора кўпроқ таъсир кўрсатмоқда. Энгелс таъбири билан айтганда, дунёқараш шаклланиши материалнинг ғоявий ўзлаштирилишини, яъни тегишли фанларни воқеликка умумий қараш, унга муносабатни ишлаб чиқиш маъносига эгаллашни талаб қилади. Билим шахс амалда қўллайдиган сиёсий, маънавий, эстетик позицияларни яратиш, шакллантириш билан унинг дунёқарашига айланади. Лекин билимнинг ўзи дунёқараш шаклланишига асос бўла олмайди. У ижтимоий фанлар соҳаси билимлари билан тўлдирилиши керак. Фақат фалсафий, иқтисодий ва социал-сиёсий қарашларнинг яхлит ва мунтазам системаси бўлган марксизм-ленинизм асосидагина инсон фаолиятида ҳал қилувчи аҳамиятга эга чинакам илмий дунёқарашни шакллантириш мумкин.

Коммунистик дунёқараш ҳаётимизнинг бутун социалистик уклади, аввало партиянинг аниқ мақсадни кўзловчи, изчил ғоявий-тарбиявий иши орқали шакллантирилади. Янги дунё яратиш — янги дунё кишисини шакллантириш, унинг ғоявий-ахлоқий ўсиши, социал ҳамда маънавий камолоти ҳақида тинмай ғамхўрлик қилиш демакдир.

Комплекс фанлараро проблема ва тадқиқотларга намуна сифатида термоядровий синтезнинг илмий-техник лойиҳалари, кибернетика, экология ва бошқа кўплаб проблемаларни келтириш мумкин. Бу проблемалар техника, ишлаб чиқариш вазифалари билан бевосита боғлиқ эмас, чунки улар нафақат табиий ва техникавий, шу билан бирга гуманитар ва социал фанларни ҳам камрайди. Инсон, ўқитиш, тарбия ва бошқа проблемалар шулар жумласидандир. Уларнинг мураккаб, комплекс моҳияти бир неча, баъзан эса кўплаб фанлар кучини бирлаштиришни талаб қилади.

Илмий билимлар тараққийси комплекслилик проблемаси янгидан-янги аспектларини пайдо қилиб, уларни олдинги ўринга суради. Бир бутунлик, системалилик бу проблеманинг муҳим, ажралмас хусусияти бўлиб, улар социал воқеликнинг объектив сабаблари билан боғлиқдир. Бутунлик тўғрисидаги, яъни жамулжамлик тўғрисидаги тасаввур комплекслилик проблемасининг конкрет-илмий мазмунини ташкил этадики, К. Маркснинг фикрича, «кўпдан-кўп таъриф ва муносабатлар» билан бирга, «кўплаб таърифлар синтези, бинобарин, ранг-барангликнинг бирлиги»ни англатади (К. М а р к с в а Ф . Э н г е л ь с . Асарлар, 12-том, 726, 727-бетлар).

Мазкур специфик хусусиятлар билан бирга, фикримизча, билишга комплекс ёндашув методологик жиҳатдан умумий диалектик-материалистик метод ўрнини боса олмайди ва унга бир тартибда қарши тура олмайди, аксинча у диалектик-материалистик методнинг умумий принциpidан келиб чиқиб, у томонидан белгиланади ва ўз навбатида бу методни тегишли янги хусусиятлар билан тўлдириб, узлуксиз ривожлантира боради.

Комплекс проблемалар моҳиятини тадқиқ этиш билиш форма ва воситаларининг янги методларини талаб қилади. Шу маънода билишнинг

системали-структурвий, информацийон, нисбийлик ва бошқа методлари тобора кўпроқ аҳамият касб эта бошлагани бежиз эмас.

Умуман комплекс проблемаларни қуйидаги тип ёки турларга ажратиш мумкин: фанлараро, фанлар ичидаги, тармоқлар ичидаги, тармоқлараро, умумий, универсал, глобал, туташ. Бу турлар ўзига хос ўзаро боғланиб, узвий бирикиб, қўшилиб кетади. Масалан, тармоқ ичидаги комплекс проблеманинг қўйилишига фанлараро ва фанлар ичидаги тармоқлараро, умумилмий ва фалсафий (универсал) комплекс проблемаларнинг қўйилиши ва ечилиши сабаб бўлади.

Умумилмий ва фалсафий комплекс проблемаларнинг вужудга келиши бутун илмий билимларнинг тўпланиши ҳамда ривожланиши натижасидир. Мазкур ҳолат тескари таъсирни ҳам таъқозо қилади: бу типдаги комплекс проблемаларнинг қўйилиши бутун илмий билим тараққиётининг йўналишини, тенденциясини белгилайди ва умумий комплекс проблемалар шаклланиши характерига таъсир этади. Фалсафий комплекс проблемалар ҳар қандай даражадаги илмий билим интеграциясининг комплекс проблемаларини қўйиш ва ечиш учун умумметодологик асосдир.

Диалектик материализм аниқ фанлар тараққийси натижасида инсоният эгаллаган барча назарий билимларни синтезлашга хизмат қилади. У шу билан фанда олий интегратив вазифани бажариб, ўз принциплари негизда методологик асосларни ишлаб чиқади. Дунёни илмий билиш шу асосларга мувофиқ содир бўлади. Илмий билиш принциплари, ўз навбатида тинимсиз ривожланади, янги мазмун билан бойийди, янгича жиҳатлари, хусусиятлари намоён бўлади. Бу жиҳат ва хусусиятлар уларни тобора мураккаб ички алоқаларда ва ўзаро таъсирда кўриб чиқишга имкон беради. Ҳозирги фан-техника революцияси шароитларида интеграцион жараёнлар кучайишининг натижаси бўлмиш илмий билим ва ишлаб чиқаришнинг интенсив бирлашиши социализмни планли равишда ва ҳар томонлама такомиллаштириш, мамлакатнинг социал-иқтисодий тараққиётини жадаллаштириш асосида совет жамиятининг коммунизм томон ҳаракатининг улкан вазифаларини ҳал этишга самарали таъсир кўрсатади.

КПСС XXVII съезди қарорларида жамиятимиз фанлар ривож, улар ютуқларининг амалда қўлланилиши учун сарфлаётган катта маблағларнинг ҳалқ ҳўжалигидаги самарасини ошириш зарурлигига алоҳида эътибор берилган. Коммунистик қурилишнинг кенг кўламдаги вазифаларини ҳал этиш учун СССРнинг Озиқ-овқат программаси ишлаб чиқилди. Бундай программани тайёрлаш ва амалга ошириш — планлаштириш системасида, социалистик экономикани бошқаришда принципаал янги қадамдир. Уни озиқ-овқат проблемасини ҳал этишга мақсадли, комплекс ёндашиш намунаси дейиш мумкин. Бу кўплаб шунга ўхшаш мисоллардан биридир ҳолос.

Шундай қилиб, комплекс проблема — бир-бири билан боғлиқ хилма-хил сифатли системалардан ташкил топиб, ҳозирги илмий билим интеграцияси натижасида фанлараро тадқиқотлар туташган жойда пайдо бўладиган мураккаб, яхлит, ягона системадир. Билиш жараёнида комплекс проблемаларни қўйиш ва ҳал этиш бир бутун ҳолдаги ҳар хил системаларнинг қонуниятлари, ўзаро алоқадорлигини очишга имкон беради. Мазкур проблемаларни ўрганиш системали ёндашишни талаб қилади ва уларни қўйиш ҳамда ечиш механизмини тадқиқ қилиш вазифасининг ўзи билим ривожини тўлдириши ҳамда конкретлаштириши мумкин. Натижада фан тараққиётининг ҳозирги ҳолатига мувофиқ келувчи янгидан-янги илмий аспектлар топилаверади.

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар

ИШЛАБ ЧИҚАРИШ МУНОСАБАТЛАРИНИ, БОШҚАРИШ СИСТЕМАСINI ВА ХЎЖАЛИК ЮРИТИШ МЕТОДЛАРИНИ ТАКОМИЛЛАШТИРИШ

КПСС XXVII съезди социал-иқтисодий ривожлантиришни жадаллаштириш негизда социализмни ҳар томонлама такомиллаштириш, совет жамиятини коммунизм сари яқинлаштиришнинг кенг миқёсли программасини илгари сурди. Съезд бундай жадаллаштиришнинг объектив зарурлигини асослаб берди, унинг йўллари ва воситаларини белгилади. Бу ерда гап фан-техника тараққиёти негизда ишлаб чиқаришни интенсивлаш йўли билан иқтисодий ўсиш суръатларини кескин ошириш тўғрисида, экономикадаги чуқур структуравий силжишлар тўғрисида, фан-техника тараққиёти, меҳнат унумдорлиги ва маҳсулот сифати жиҳатдан дунёда энг илғор марраларга чиқиб олиш тўғрисида бормокда. Экономикани қайта қуриш, унда туб бурилиш ясаш, комплекс социал проблемаларни ҳал қилиш, мавжуд иқтисодий имкониятларга мувофиқ равишда совет халқи фаровонлигининг сифат жиҳатдан янги даражасини таъминлаш лозим бўлади. Бундай туб ўзгартишлар социалистик ишлаб чиқариш муносабатларини ҳам такомиллаштиришни талаб қилади.

Темани қуйидаги план бўйича ўрганиш тавсия қилинади:

1. КПСС XXVII съезди ишлаб чиқарувчи кучлар билан ишлаб чиқариш муносабатларининг ўзаро муносабати тўғрисида.
2. Ишлаб чиқариш муносабатларини такомиллаштиришнинг асосий йўналишлари.
3. Бошқариш системасини ва хўжалик юритиш методларини қайта қуриш.

КПСС XXVII СЪЕЗДИ ИШЛАБ ЧИҚАРУВЧИ КУЧЛАР БИЛАН ИШЛАБ ЧИҚАРИШ МУНОСАБАТЛАРИНИНГ ЎЗАРО МУНОСАБАТИ ТЎҒРИСИДА

Бу бўлимни ўрганган вақтда ишлаб чиқариш муносабатлари билан ишлаб чиқарувчи кучлар ўртасидаги мувофиқлик ва зиддиятлар, вужудга келадиган зиддиятларни ҳал этиш, ишлаб чиқариш муносабатларини такомиллаштириш зарурлиги тўғрисидаги масалаларни ажратиб кўрсатиш муҳимдир.

Социалистик жамият — ишлаб чиқарувчи кучлари ва унга мос ишлаб чиқариш муносабатлари юсак даражада ривожланган жамиятдир. Ишлаб чиқарувчи кучлар меҳнат куrollари (машиналар, асбоб-ускуналар, ўлчов асбоблари, юк ташувчи транспорт воситалари)ни ҳамда меҳнат предметлари (хом ашё, материаллар, ёкилғи ва бошқалар)ни ўз ичига олади. Буларнинг бари ишлаб чиқариш воситаларидир. Лекин ишлаб чиқарувчи кучларнинг асосий элементи иш кучининг ҳомили бўлган ходимдир. В. И. Ленин ёзганидек, «*бутун инсониятнинг энг биринчи ишлаб чиқарувчи кучи — ишчи, меҳнаткашдир*» (Тўла асарлар тўплами, 38-том, 418—419-бетлар). Инсоннинг меҳнат предмети-га таъсир қилишининг технологик усули ҳам, ишлаб чиқаришни ташкил этиш ҳам ишлаб чиқарувчи кучларнинг элементидир.

Ишлаб чиқарувчи кучлар миқдор жиҳатдан ўзининг миқёслари билан характерланади, бу миқёслар натурал ва қиймат кўрсаткичлар билан ўлчанади, булар станоклар, асбоб-ускуналар, транспорт воситаларининг миқдори ва қуввати, ишлаб чиқаришдаги приборлар, ЭХМнинг қуввати, моддий ишлаб чиқариш ходимлари (ишлаб чиқариш соҳасидаги ишчилар ва хизматчилар) миқдори, халқ хўжалигининг, умуман ва бир ходим ҳисобига асосий ишлаб чиқариш фондларининг қийматидан иборат. Лекин ишлаб чиқарувчи кучларни сифат жиҳатдан ҳам баҳолаш зарур. Ишлаб чиқарувчи кучлар социализм экономикасининг моддий пойдевори сифатида ижтимоий

характерга эга. Уларнинг ҳолати социализм етуклигининг асосий белгиси, муҳим кўрсаткичидирки, уларни жадал ривожлантирмасдан туриб жамиятимизни янада такомиллаштириб бўлмайди.

Пропагандист социализмнинг ишлаб чиқарувчи кучлари ишлаб чиқариш воситалари билан иш кучининг оддий йиғиндисидан иборат эмаслигини таъкидлайди. Улар ижтимоий формага, социал белгиларга эга. Уларнинг таркибига кирадиган ишлаб чиқариш воситалари ижтимоий бойликдир, иш кучи ҳомили бўлган ходим эса социалистик типдаги ходим, ишлаб чиқариш воситалари эгаллигига шерик бўлиб, унинг меҳнати эркин, у социалистик меҳнат коллективининг аъзоси бўлиб, ўзи учун ва бутун жамият манфаати учун ишлайди. Ишлаб чиқарувчи кучлар иш кучи билан ишлаб чиқариш воситалари ўзаро алоқасининг планли ташкил этилишини ўз ичига олади. Фан ютуқларини моддийлаштирадиган ишлаб чиқариш техникаси билан технология ишлаб чиқарувчи кучлар элементларига узвий туташиб кетади.

Жамиятнинг ишлаб чиқариш потенциали ва унинг реализация қилиниш даражаси ишлаб чиқарувчи кучларнинг ривожланиш даражасини ифодалайди. У нафақат асосий ишлаб чиқариш фондларининг ҳажми, ишловчилар сони, аҳоли жон бошига маҳсулот ишлаб чиқариш бўйича, шу билан бирга бир қатор сифат характеристикалари — чунончи фонд структурасининг техникавий даражаси ва прогрессивлиги, технологиянинг мукамаллиги, ресурсларнинг тежалиши, ходимларнинг умумий ва профессионал тайёргарлиги, уларнинг меҳнатдаги активлиги ва ҳоказоларга кўра ҳам баҳоланади. Ана шу сифат параметрлари ишлаб чиқаришнинг юксак самарадорлигига эришиш омиллари бўлиб майдонга чиқади. Ишлаб чиқарувчи кучларнинг ривожланиш даражаси умумлашган ҳолда ижтимоий меҳнатнинг унумдорлигида ифодаланади.

Ишлаб чиқариш муносабатларининг конкрет формалари, деб таъкидлайди пропагандист, ишлаб чиқарувчи кучларнинг муайян даражасига мос бўлиши керак. Социализмнинг ишлаб чиқариш муносабатлари — социалистик жамият аъзоларининг ишлаб чиқариш, тақсимот, алмашув ва истеъмол жараёнидаги иқтисодий муносабатларининг жамидир. Улар мураккаб система бўлиб, ички структурага эга, ўзаро боғлиқ томонлардан иборат. Меҳнат коллективлари (бирлашмалар, колхоз, совхозлар, бригада, звено, цех, бўлимлар ва ҳоказолар)га бирлашган жамиятнинг барча аъзолари, шунингдек айрим ходимлар ишлаб чиқариш муносабатларининг субъекти — ҳомили бўлиб майдонга чиқади. Ишлаб чиқариш муносабатлари албатта ўзининг моддий объектига — ишлаб чиқариш воситалари ва ишлаб чиқарилган маҳсулотга эга бўлади. Одамларнинг муносабатлари аввало ишлаб чиқаришнинг ўзида, шунга боғлиқ ҳолда эса тақсимот, алмашув ва истеъмол жараёнида таркиб топади. Ишлаб чиқарувчи кучлар билан ишлаб чиқариш муносабатлари ижтимоий ишлаб чиқаришнинг икки томони сифатида диалектик бирликда бўлиб, бири иккинчисисиз яшай олмайди. Бирок бу бирлик зиддиятларни истисно қилмайди. Ишлаб чиқарувчи кучлар ҳаракатчанрок бўлиб, уларнинг ривож ишлаб чиқариш муносабатларида ўзгаришларни келтириб чиқаради. Айни вақтда ишлаб чиқариш муносабатлари нафақат натижа, шунингдек ишлаб чиқарувчи кучлар ривожининг шарт-шароити ҳамдир. Ишлаб чиқариш муносабатлари ишлаб чиқарувчи кучлар тараққиётига фаол таъсир қилиши мумкин. Лекин бу активлик ишлаб чиқариш муносабатларининг конкрет формалари нафақат эришилган даражага, шунингдек ишлаб чиқарувчи кучларнинг янада ўсиши эҳтиёжларига ҳам мувофиқ бўлганида юз беради. У ишлаб чиқариш муносабатлари замиридаги ривожланиш омилига боғлиқдир. Шундай ривожланиш манбалари доимо янгилиниб туриши учун ишлаб чиқариш муносабатларининг формалари такомиллашиб бориши керак.

Социалистик ишлаб чиқариш муносабатлари ўзининг туб белгиларига кўра (ишлаб чиқариш воситаларининг ижтимоий мулклиги, ривожланишнинг планлилиги, жамият аъзоларининг иқтисодий тенглиги, иқтисодий алоқалар бевосита ижтимоий формаларининг ҳукмронлиги ва ҳоказо) ишлаб чиқарувчи кучларнинг ижтимоий характериға мосдир. Лекин баъзи бир ички зиддиятлар уларга хосдир. Масалан, ижтимоий мулк ишлаб чиқариш воситаларини ўзлаштиришда тенгликни такозо этса ҳам, лекин бу соҳада ҳали тенгсизлик мавжуддир, чунки ходимлар ўзларининг социал-иқтисодий аҳволи ва аввало ўзларининг меҳнатга лаёқатиға кўра бир хилда эмаслар. Қолаверса халқ ҳўжалигининг турли даражаларида ишлаб чиқариш воситалари ўзларининг сифат параметрлари билан фарк этадилар. Еки бошқа бир ҳолатни олайлик: гарчанд ижтимоий мулкка умумхалқ манфаати устун бўлган ҳолда иқтисодий манфаатларнинг уйғунлиги ботинан хос бўлса-да, реал ҳаётда бу уйғунлик ҳар доим ҳам бўлавермайди. Бошқа хил зиддиятлар ҳам бор. Масалан, ишлаб чиқариш муносабатларининг бевосита ижтимоий характери пировард натижада ишлаб чиқарувчи

кучларга мувофиқ бўлса-да, лекин конкрет иқтисодий формаларда, хўжалик механизмида ҳамиша ҳам тўла ифодасини топмайди. Бироқ, деб таъкидлайди пропагандист, социализмнинг ишлаб чиқариш муносабатлари ишлаб чиқарувчи кучларнинг ривожланиш йўлида бартараф қилиб бўлмайдиган тўсикларни вужудга келтира олмаслигини унутмаслик лозим. Ишлаб чиқаришнинг ўсишини секинлаштирадиган ёки унга тўсик бўладиган социал-иқтисодий омиллар социализм шароитида ишлаб чиқариш муносабатларини муайян мақсадни кўзлаб такомиллаштириш йўли билан бартараф этилади. КПСС XXVII съезди таъкидлаганидек, «социалистик шароитда **ишлаб чиқариш муносабатларининг ишлаб чиқарувчи кучлар характериға мувофиқлиги** гўё ўз-ўзидан таъминланади, деган тасаввур асоссиз эканлигини ҳаёт кўрсатди. Ҳаётда ҳамма нарса мураккаброкдир. Тўғри, социалистик ишлаб чиқариш муносабатлари ишлаб чиқарувчи кучларнинг ривожланишига кенг йўл очиб беради. Аммо бунинг учун ишлаб чиқариш муносабатлари доимо такомиллаштирилиши керак».

Бу қондага муфассалроқ тўхталиш лозим. Ишлаб чиқарувчи кучларнинг ривожланиш жараёнида ишлаб чиқариш муносабатларининг айрим томонлари ва элементларининг уларга номувофиқлиги вужудга келиши мумкин, шунга кўра, агар улар ўз вақтида бартараф қилинмаса, бу номувофиқликлар аста-секин йиғилиб, шундай бир зиддиятларга айланадики, бунда ишлаб чиқариш муносабатлари энди ишлаб чиқарувчи кучларни ривожлантириш учун етарлича омил яратмай қўяди. Маълумки, СССР экономикасида бундай вазият 70—80-йиллар оралиғида вужудга келди, ўшанда миллий даромаднинг, меҳнат унумдорлигининг ўсиш суръатлари пасайиб кетди, ишлаб чиқариш структурасида номутоносиблик юз берди, пул муомаласида танглик вужудга келди. Экономикадаги бундай ҳодисалар ишлаб чиқариш муносабатлари ишлаб чиқарувчи кучлар ривожини секинлатиб қўйганлигидан дарак беради.

Бу ўринда тингловчилар эътиборини шунга қаратиш керакки, бизнинг жамиятимизда ишлаб чиқарувчи кучлар билан ишлаб чиқариш муносабатлари ўртасидаги зиддиятлар антагонистик бўлмай, уларни бутунлай ҳал этиш мумкин. Ўз вақтида В. И. Ленин таъкидлаганидек, антагонизмлар билан зиддиятлар сира ҳам бир хил нарса эмас, социализмда антагонизмлар йўқ бўлиб кетади, зиддиятлар қолади. Лекин бу зиддиятлар ўз-ўзидан ҳал бўлади, деган гап эмас.

Пропагандист социалистик ишлаб чиқариш муносабатларини ижтимоий асосда тартибга солиб туриш мумкинлигини таъкидлайди. Социалистик ишлаб чиқариш муносабатлари — ишлаб чиқариш воситаларига биргаликда эғалик қиладиган, ўзининг иқтисодий турмушига хўжайин бўлиб олган, муштарак иқтисодий манфаатлар ва сиёсий мақсадларга, ижтимоий хўжалик юритиш учун характерли бўлган иқтисодий феъл-атвор негизларига эга бўлган меҳнаткашлар муносабатлари бўлганлиги сабабли улар ўз-ўзидан эмас, балки онгли равишда ва муайян мақсадларни кўзлаб такомиллаштирилади.

Социализм — ўзининг социал-иқтисодий тараққиётини планли тарзда бошқаришга қодир жамиятдир. Социализмнинг бундай афзаллиги экономикада турғунлик муқаррар юз беришини соқит қилади. Энг муҳими — ишлаб чиқариш муносабатларини ва шунга яраша хўжалик юритиш ва экономикани бошқариш методларини ўз вақтида қайта қуришдир. Бу ўринда шу нарсани таъкидлаш муҳимки, вужудга келадиган зиддиятларни бартараф этмоқ учун уларнинг сабабларини, шунингдек ишлаб чиқарувчи кучлар ривожининг эҳтиёжларини ва уларнинг келгусидаги ўсиш истикболларини белгилаб олиш керак. КПСС XXVII съезди ишлаб чиқариш муносабатларини комплекс равишда, ўзаро келишиб олган ҳолда такомиллаштириш юзасидан пухта йўл-йўриқ берди, чунки уларни динамик ривожланиб турган ишлаб чиқарувчи кучларга ҳамиша мувофиқ ҳолда сақлаб туриш жамиятимизнинг социал-иқтисодий тараққиётини жадаллаштиришнинг зарур шартидир.

ИШЛАБ ЧИҚАРИШ МУНОСАБАТЛАРИНИ ТАКОМИЛЛАШТИРИШНИНГ АСОСИЙ ЙЎНАЛИШЛАРИ

Ишлаб чиқариш воситаларининг ижтимоий мулклиги социализм иқтисодий системасининг пойдевори бўлиб, маҳсулотларни ишлаб чиқариш, тақсимлаш, алмашиш ва истеъмол қилишга хос бўлган барча бошқа муносабатларнинг характерини белгилайди, бу муносабатларни ўзаро бир бутун қилиб боғлайди, экономикадаги бевосита ижтимоий алоқаларнинг, умумхалқ хўжалик юритиши ҳукмронлигини таъминлайди. У жамиятимиз социал-синфий структурасининг, иқтисодий фаолият соҳасида СССР халқлари ҳамкорлиги ва ўзаро ёрдамнинг дастлабки асоси бўлиб хизмат қилади. Ишлаб чиқариш воситаларининг ижтимоий мулклиги жамият уларнинг соҳиби сифатида иш кўришини ҳамда хўжаликни умумхалқ манфаатлари йўлида планли тарзда юритишни объектив равишда талаб қилади.

Ижтимоий мулкни такомиллаштириш ишлаб чиқариш муносабатларини ривожлантиришда етакчи бўғиндир. Бу ўринда тингловчилар эътиборини икки ҳолатга тортиш муҳим: а) ижтимоий мулкни мустаҳкамлаш ва кўпайтириш ва б) тегишли формалар орқали унинг афзалликларини рўёбга чиқариш. Шунга таъкидлаш керакки, ижтимоий мулкнинг ривожланиши меҳнат коллективлари ва ҳар бир ходимнинг ундан самарали фойдаланиш ҳамда уни кўпайтиришга манфаатдорлик ва масъулият билан муносабатсиз мумкин эмас. Ўз навбатида, бундай муносабат реал иқтисодий шароитларда шаклланадики, бунда ҳар бир киши ишлаб чиқаришнинг ҳўжайини мавқеида бўлади ва унинг натижалари учун иқтисодий жавобгар ҳисобланади. Бундай шароитларни яратиш эса бошқаришнинг иқтисодий омилларини такомиллаштиришни, халқнинг ўз-ўзини бошқаришини кенгайтиришни кўзлаб бошқаришни демократиялаштиришни талаб қилади. Меҳнатқашларнинг ишлаб чиқариш, ўз меҳнати натижаларини тақсимлаш ва улардан фойдаланиш устидан (меҳнатни ва моддий харажатларни нормалаштириш, меҳнатга ҳақ тўлаш, мукофотлаш, корхона фойдасини тақсимлаш, иқтисодий рағбатлантириш фондларидан фойдаланиш ва ҳоказо) юзаки эмас, балки таъсирчан контроли керак. КПСС XXVII съезди ижтимоий мулкдан фойдаланишда меҳнат коллективлари ролини ошириш, корхоналар ва бирлашмалар ўз иши зарар келтирмайдиган бўлиши учун тўла-тўқис жавобгар бўладиган шароит яратиш зарурлигини уқтиргани бежиз эмас.

Ижтимоий ҳўжайлик юришти меҳнат коллективларининг фаолияти орқали амалга ошади, ижтимоий мулк бўлиши асосий ишлаб чиқариш фондлари уларга бириктириб қўйилган. КПСС МКнинг партия XXVII съездида Сиёсий докладада таъкидланганидек, «ўз заводи ёки колхозда, цехи ёки фермасида ҳақиқий ҳўжайин бўлмай туриб, мамлакатнинг ҳўжайини бўлиш мумкин эмас. Меҳнат коллективи ҳамма нарса учун жавобгар бўлиши, ижтимоий бойликни кўпайтириш ҳақида ғамхўрлик қилиши керак». Пропагандистга бу қондани конкрет коллективдаги ишлаб чиқариш фондларидан фойдаланишнинг самарадорлиги билан боғлаш, унинг ижтимоий мулкни кўпайтиришдаги ҳиссасини аниқлаш тавсия этилади. Шунингдек мамлакат ва республика миллий бойлигининг, унинг таркибий элементи — мулкнинг моддий элементи бўлган асосий фондларнинг ўсиши ва ундан фойдаланишга доир кўрсаткичлардан ҳам фойдаланиш керак.

Масалан, 1970 йилда СССРнинг миллий бойлиги 1,7 триллион сўм микдорида баҳоланган, 1984 йилда эса у 3,4 триллион сўмни ташкил қилди, шундан 1,49 триллион сўм асосий ишлаб чиқариш фондларига тўғри келди. Бироқ ана шу фондларнинг самараси пасайиб борди. 1971—1975 йилларда СССР миллий даромади 1 процент ўсганида асосий фондлар 1,86 процент, 1981—1985 йилларда эса 2,1 процент кўпайди. Ун биринчи беш йилликда жонли меҳнат сарфи ва капитал сарфи миллий даромад ўсишининг бир единицаси микдорида камайганида, унинг фондга талаблик даражаси кўпайди. Натижада асосий ишлаб чиқариш фондларидан фойдаланишнинг самарадорлиги 1981—1984 йилларда 12 процент камайди. Республикада моддий ишлаб чиқаришдаги бир ишловчи ҳисобига ишлаб чиқариш фондлари тез ўсгани ҳолда халқ ҳўжалигида меҳнат унумдорлигининг ўсиши анча секинлашди, айрим йилларда эса ҳатто пасайиб кетди. Масалан, 1985 йилда 1980 йилга нисбатан у атиги 0,9 процентни ташкил қилди, кишлоқ ҳўжалигида эса 20 процент пасайди. Ижтимоий мулкни кўпайтириш мақсадида яқин вақтлар ичида фонд самарадорлигининг пасайиш суръатларини секинлаштириш, кейинчалик эса уни стабиллаштириш ва ошириб бориш керак. Ҳисоб-китобларнинг кўрсатишича, фонднинг самарадорлиги стабиллашганида СССРда ишлаб чиқариш самарадорлигини ошириш суръатлари 2 барабар ўсиши мумкин. Ана шу боисдан ҳар бир корхона, цехда, участка, бригадада ва ҳар бир иш жойида фонддан самарали фойдаланиш проблемаси шу қадар актуалдир.

Партия социалистик мулкнинг афзалликлари реализация қилинишига, яъни унинг замиридаги иқтисодий ўсиш имкониятларидан фойдаланишга ва социал проблемаларни ҳал қилишга алоҳида аҳамият бермоқда. Ана шу реализациянинг иқтисодий ва социал формаларини фарқ этиш лозим. Ишлаб чиқаришнинг пировард натижалари ва унинг самарадорлиги, конкретроқ олганда — сарф-харажатлар даражаси, меҳнат унумдорлиги, моддий ресурсларни иқтисод қилиш даражаси, соф маҳсулот, соф даромад микдори, миллий даромад ва ижтимоий бойлик ҳажми ва ҳоказолар иқтисодий формалар жумласидандир. Социал формалар фаровонликни, реал даромадларни, моддий ва маънавий неъматларни шахсий истеъмол қилишга, аҳолининг билим ва маданий савиясини оширишга сарфланадиган маблағлар даражаси ва уларни кўпайтириш суръатларини, меҳнатдаги социал тафовутларни бартараф этиш микёсларини, социал-синфий бир хилликни қарор топтириш даражасини, миллат ва элатларнинг социал-иқтисодий бирлигини кучайтириш ва бошқаларни ўз ичига олади.

Халқ хўжалик даражасида мулкни реализация қилиш умуман моддий ишлаб чиқариш самарадорлигида ифодаланади, яъни меҳнат сарфи, моддий харажатлар ва мавжуд ишлаб чиқариш фондларини пировард натижа — миллий даромад билан таққослаш йўли билан белгиланади. Ана шундай таққослаганда ўтган беш йилликда ишлаб чиқариш самарадорлиги ўртача йиллик ҳисоблаганда тахминан 1,5 процент ошди. Миллий даромаднинг ўсиши харажатлар ўсишидан орқада қолди. Бунинг сабаби СССР миллий даромади ўсишининг 40 процентига ишлаб чиқаришни интенсивлаш ҳисобига, 60 процентига — экстенсив омиллар ҳисобига эришилди. Экономикада экстенсив ривожланишнинг устунлиги билан боғлиқ бўлган самарадорликнинг секин суръатлар билан ўсиши ижтимоий мулк афзалликларидан амалда тўла фойдаланилмаётганлигидан далолат беради. КПСС XXVII съезди бу проблемага алоҳида эътибор берганлигининг боиси ҳам шунда.

Юсак унумдор меҳнат — социалистик мулк реализация қилинишининг энг биринчи шартидир. Ишлаб чиқариш воситаларининг ижтимоий мулклиги афзалликларидан фойдаланиш халқ хўжалиги барча бўғинларининг пировард натижаларини кўзлашни талаб қилади. Пировард натижа мамлакат социал-иктисодий ривожланишини жадаллаштиришга республикалар, ўлкалар, областлар, коллективлар ва ҳар бир ходимнинг кўшган ҳиссасини ташкил қилади. Мулкни реализация қилишнинг халқ хўжалик, тармоқ, регионал, коллектив ва шахсий даражалари мавжуд бўлиб, булар конкрет иш жойидан тортиб бутун халқ хўжалигигача барча бўғинлар ишининг самарадорлигига боғлиқдир. Мулкни реализация қилиш социал маънода иктисодий омилдан ҳосил бўлади. Бундай боғлиқликни қуйидаги ҳолатдан кўриш мумкин. Ишлаб чиқариш самарадорлигининг ошиши социал тараққиёт учун етарлича моддий ресурслар берадики, бунда халқ фаровонлигини ошириш етакчи йўналиш бўлади. Ишлаб чиқаришни интенсивлашнинг ҳозирги даражасига унинг самарадорлигини йилига тахминан 1,5 процент ўстириш мос келади. Бунда ўн биринчи беш йилликда миллий даромаднинг ўртача йиллик ўсиши 3,1 процентни, аҳолининг реал даромадлари ўсиши эса 2,2 процентни ташкил қилди. Агар биз иктисодий ўсишнинг интенсив (сифат) омиллари улушини ҳозирги 40 процентдан 70—75 процентгача оширсак, ишлаб чиқариш самарадорлигининг ҳар йили 3,5—4 процент, миллий даромаднинг 5 процентдан зиёд, аҳоли жон бошига реал даромадларнинг кам деганда 4 процент ўсишига эришамиз. Шундай қилиб мулкни ҳам иктисодий жиҳатдан, ҳам социал жиҳатдан реализация қилиш ишлаб чиқаришни интенсивлаш проблемасининг ҳал қилинишига бориб тақаладики, бу эндиликда ҳар бир коллективнинг, ҳар бир ходимнинг ишидир. Шу муносабат билан мулкни реализация қилиш мезонларига мувофиқ мазкур коллектив, унинг бўлинмалари ва айрим ходимлари меҳнати натижаларини таҳлил этиш зарур.

Мулкни реализация қилиш формалари орасида асосий фондлар, ер, оборот маблағларидан оқилона фойдаланишда коллектив жавобгарлик ва манфаатдорликни ошириш билан, ҳозирги шароитларда озик-овкат солиғи тўғрисидаги Ленин ғояларини ижодий татбиқ этиш асосида саноат корхоналари, шунингдек колхоз ва совхозларнинг мустикаллигини кенгайтириш ҳамда уларга планлаштирилган маҳсулотнинг пландан ортиқча қисmini ўз хоҳишича тасарруф этиш ҳуқуқи бериш билан боғлиқ бўлган бригада ва онлавий пудратни ажратиш кўрсатиш лозим. Колхоз ва совхоз коллективларида машғулотлар ўтказганда хўжаликларнинг ана шу формалардан қандай фойдаланаётганлигини кўриб чиқиш зарур.

Мулкни ривожлантириш нафақат давлат мулкнинг, балки колхоз-кооператив мулкнинг ҳам потенциал имкониятларидан фойдаланишни тақозо этади. Маълумки, колхоз-кооператив мулки айрим коллектив хўжаликлари доирасида реализация қилинади. Бу ерда биргаликда қилинган меҳнат билан давлат ёрдами бунинг шартидир. Колхоз мулкни реализация қилиш даражаси ўша коллектив куч-ғайрати билан белгиланиб, колхозларнинг ялпи ва соф даромадлари микдорида ва ўсиш суръатларида, уларнинг тақсимланиши ҳамда фойдаланишида ифодаланади. Шунинг таъкидлаш керакки, колхоз мулки ўзининг ички имкониятларини ҳали тўла ишга солганича йўқ. Унинг доираларида хўжаликни интенсив юритиш ва колхозларнинг ҳам, бутун жамиятнинг ҳам манфаатларини кўзлаб унинг самарадорлигини ошириш мумкин.

Кооператив мулки шунингдек савдода, қурилишда, ишчи ва хизматчиларнинг боғ-поллизчилик хўжаликларидан мавжуддир. Мамлакатимизда ҳосил қилинаётган миллий даромад, товар обороти, энг муҳим кишлоқ хўжалик маҳсулотлари етиштиришнинг анча-мунча қисми унинг улушига тўғри келади. Демак, у аҳоли талабини қондиришга фаол кўмаклашади. Шунинг ҳисобига олиб, XXVII съезд аниқ кўрсатма бериб: «Кооператив ташкилотлар ва корхоналарни ташкил қилиш ва ривожлантиришга эҳтиёж бўлган жойларда уларни бутун чоралар билан қўллаб-қувватлаш лозим».

Ижтимоий мулкни такомиллаштириш тегишли иктисодий механизмлар орқали умумхалқ манфаатларининг коллектив, шахсий, тармоқ ва регионал манфаатларидан

шак-шубҳасиз устунлигини амалда таъминлаш каби проблемани ҳам ўз ичига олади. Социалистик мулк ижтимоий характерининг ўзи шуни талаб қилади, шу муносабат билан XXVII съезд маҳкамачилик ва маҳаллийчиликнинг ижтимоий мулк афзалликларини рўёбга чиқаришга тўсқинлик қилишига йўл қўймасликни аниқ қилиб кўрсатиб ўтди.

Сўнгра шуни таъкидлаш керакки, социализм шахсий мулкни инкор қилмайди, балки, аксинча, уни ривожлантиришни кўзда тутди. Бунинг манбаи ижтимоий хўжаликда, шунингдек гражданларнинг шахсий томорка ва уй хўжалигидаги шахсий меҳнатидир. Шуни таъкидлаш лозимки, шахсий ёрдамчи хўжалик кишлокдаги шахсий мулкнинг муҳим структуравий элементи бўлиб, оила даромадининг кўпайишига ва озиқ-овқат маҳсулотлари етиштиришнинг ўсишига хизмат қилади. 1984 йилда СССРда ишчи, хизматчи ва колхозчиларнинг 34 миллион ёрдамчи хўжалиги бор эди. Уларда ялпи кишлоқ хўжалик маҳсулоти — 25 процент, гўшт, сут, тухум — 30 процент, асал — 60, картошка — 58, сабзавот — 30, мева ва резавор — 60 процент етиштирилган. Шунча миқдордаги маҳсулотни ижтимоий секторда (колхоз ва совхозларда) етиштирмак учун қўшимча 3 миллион киши, кишлоқ хўжалигига анча миқдорда қўшимча капитал маблағ сарфлаш талаб қилинар эди. Лекин, шахсий хўжалик ижтимоий хўжаликка зарар келтирадиган тарзда ривожланмаслиги, меҳнатсиз даромадлар манбаи бўлиб хизмат қилмаслиги керак. Колхоз ва совхозлар томонидан омихта озукалар бериш, пичанзорлар, яйловлар, навли уруғлар, кўчатлар, семиртириш учун бузук ва паррандалар ва шу қабилар ажратиш йўли билан уларга ёрдам кўрсатиш шахсий хўжаликларни ривожлантиришга берилган ижтимоий ёрдамдир.

Сўнгра пропагандист таксимот ва алмашув муносабатларини кўриб чиқишга ўтади. Янги таҳрирдаги КПСС Программасида таъкидланганидек, партия уларни такомиллаштиришга катта аҳамият беради, чунки улар ижтимоий ишлаб чиқаришни ривожлантиришдан коллектив ва шахс манфаатдорлигининг ўсишига, одамларнинг турмуш даражаси ва тарзига фаол таъсир кўрсатади. Таксимлаш муносабатларининг аҳамияти уларнинг функцияларидан келиб чиқади. Бу — меҳнат активлигини рағбатлантириш, социал адолатни таъминлаш, меҳнаткашлар турмуш даражасини ошириш ҳозирги вақтда коллектив ва шахсий меҳнатни рағбатлантириш функциясининг аҳамияти айниқса ошиб боради. В. И. Ленин ёзганидек, «таксимот ишлаб чиқаришни кўтариш учун хизмат қиладиган бир метод, қурол ва восита»дир (ТАТ, 43-том, 406-бет).

КПСС XXVII съезди социал-иқтисодий ривожланишни жадаллаштириш эҳтиёжларига мувофиқ ижтимоий маҳсулотни ва миллий даромадни энг самарали таксимлаш йўлларини белгиллаб берди. Ана шу мақсадда миллий даромадда жамғарма улуши ошириб борилади, истеъмол фондида ижтимоий истеъмол фондлари улуши кўпаяди, амортизация ажратмалари фонди эса эски техника даражасида фондларни оддий янгилашга эмас, балки техникани реконструкция қилишга, техникий жихатдан эскириб қолган ишлаб чиқариш фондларини фан ва техниканинг илғор ютуқларини муассамлантирган янги фондлар билан алмаштиришга сарфланади.

Социалистик жамиятнинг такомиллаштиришнинг муҳим вазифаларидан бири — меҳнатсиз даромадларга, меҳнатга ҳақ тўлашдаги тенглаштиришга ишончи тўсик бўлиб хизмат қиладиган, яъни таксимотнинг социал адолатли принципларига қатъий риоя қилинишни таъминлайдиган таксимот механизмининг яратишдир. Шулардан энг асосийси бўлган — «ҳар қимдан — қобилиятига яраша, ҳар қимнинг — меҳнатига яраша» принципини амалга ошириш таксимотдаги меҳнатга моддий стимулларнинг таъсирчанлигига путур етказадиган тенглаштириш билан ҳам, бошқалар меҳнати натижаларини ўзлаштиришдан иборат бўлган меҳнатсиз даромадлар олиш билан ҳам сиғишмайди. Аслини олганда, корхоналарнинг ёмон ишлаб, бошқалар фойдасини қайта таксимлаш ҳисобига олган даромадларини ҳам меҳнатсиз даромадлар деб ҳисоблаш мумкин. Бинобарин, меҳнат билан даромадлар меъёрининг қатъий мос бўлишини изчил таъминлашни нафақат айрим ходимларга нисбатан, шунингдек ишлаб чиқариш коллективларига нисбатан ҳам қўлланиш зарур.

Бундай ёндашувни рўёбга чиқаришда моддий ишлаб чиқаришда корхоналарнинг ўзлари топадиган маблағлар ҳисоби ва уларнинг доирасида иш ҳақини ошириш алоҳида роль ўйнайди. Ҳозир мамлакатимизда жорий этилаётган бу тартиб таксимот муносабатларини янада ривожлантиради. Шу тўғрида гапирганда тингловчилар эътиборини улар коллективлари ишини яхшилаш резервларига тортиш керакки, бу резервлардан фойдаланиш иш ҳақининг ўсишини асосли қилади.

1987 йилдан бошланадиган иш ҳақи системасини қайта қуриш 75 миллион ишчи ва хизматчилар меҳнатига ҳақ тўлашни ўз ичига олади. Янги шароитларда техника тараққиёти ва ишловчилар сонини камайтириш ҳисоби ва иш ҳақи фондини тежаш, шунингдек коллективлар ишининг самарадорлиги ҳисоби фойдани кўпайтириш иш ҳақини ўстириш манбаидир. Ходимлар малакасига қараб меҳнатга ҳақ тўлашнинг табақалаштирилиши кучаймоқда. Масалан, энгил саноатда I разряднинг тариф ставкаси

18 процент, VI разряд ставкаси 25 процент кўпаяди. 4 инженерлик лавозими жорий этилади, уларнинг ойлик иш ҳақи 130 сўмдан 230 сўмгача бўлади. Иш ҳақига турли қўшимча тўловлар белгилашда корхоналарнинг ҳуқуқлари кенгайди. Буларнинг бари тақсимотни ҳам коллектив меҳнати, ҳам индивидуал меҳнат натижаларига яқиндан боғлиқ қилиб қўяди.

Пропагандист тақсимотни такомиллаштириш жараёнида «баравар меҳнатга баравар ҳақ тўлаш» принципини тўлароқ рўёбга чиқариш асосий нарса эканини тушунтириб, ижтимоий истеъмол фондларини тақсимлашга тўхталади, уларни ўстириш ва такомиллаштириш, янги тахрирдаги КПСС Программасида таъкидланганидек, «социализм шаронтида айрим граждандар, оилалар, социал группаларнинг моддий аҳволида объектив равишда муқаррар бўлган тафовутларни камайтириши, болаларни тарбиялаш учун социал-иктисодий ва маданий шарт-шароитларни бараварлаштириши, аҳоли айрим группаларининг кам таъминланганлигини тугатишга ёрдам бериши лозим».

Тақсимотни рағбатлантирувчи функциясини кучайтириш корхоналар ва бирлашмалар даражасида ижтимоий истеъмол фондларини (социал-маданий тадбирлар фондини) тақсимлаганда меҳнат ҳиссасини тўлароқ ҳисобга олишни талаб қилади. Акс ҳолда ана шу фондлардан олинадиган неъматлар текинхўрлик кайфиятини тугдириши мумкин. Пропагандист ижтимоий фондларни тақсимлашда жамоатчиликнинг қатнашуви ва бу ишда ошкоралик муҳимлигини уқтириб ўтади. Тингловчилар онгига шуни сингдириш лозимки, социал адолат принципини таъминлаш ижтимоий истеъмол фондларининг ижтимоий уй-жой фондини сақлашга кетадиган дотация формасида аҳоли баҳраманд бўладиган қисмига ҳам дахлдордир. Бунга уй-жой майдони ва унинг сифатига қараб квартира ҳақини табақалаштириш орқали эришилади.

КПСС XXVII съезди алмашув муносабатларини янада ривожлантиришни ҳам актуал вазифалар қаторида илгари сурди, чунки ишлаб чиқаришни ўстириш суръатлари, унинг динамикаси, аҳолининг шахсий эҳтиёжларини қондириш даражаси шуларга боғлиқ. Махсулотни реализация қилиш товар муомаласи (алмашув) орқали содир бўлади, корхоналар ўз харажатларини қоплайди, даромадлар олади, жамғарма тўплайди, асосий ва оборот фондларини тўлдиради, — бинобарин, у ишлаб чиқаришнинг узлуксиз ва бир маромда боришининг, моддий ресурслар оборотини жадаллаштиришнинг шарт бўлади. Товар муомаласи аҳолининг товарлар ва хизматларга бўлган эҳтиёжларини тўлароқ қондириши, бинобарин, социал программанинг ҳам бажарилишини таъминлайди.

Корхоналар ва ташкилотлар хўжалик алоқалари ишончлироқ бўлишини мустаҳкамлаш, истеъмолчиларга зарур сифат ва ассортиментдаги товарларни сўзсиз ва ўз вақтида етказиб беришни таъминлайдиган иктисодий шарт-шароитларни яратиш, алмашувни такомиллаштиришнинг муҳим йўналишидир. Иктисодий жиҳатдан олганда бу корхоналар фаолиятига баҳо беришнинг мезони бўлиб қолиши керак. Бу ўринда тингловчилар билан биргаликда уларнинг меҳнат коллективлари мол етказиб бериш юзасидан ўзларининг мажбуриятларини қай даражада бажараётганини таҳлил этиш фойдалидир.

Алмашув муносабатларини ривожлантиришнинг бошқа бир муҳим проблемаси товарларга, хусусан халқ истеъмол товарларига талаб билан тақлифнинг динамика мувозанатини таъминлашдирки, ўтмишда вужудга келган пул муомаласи соҳасидаги мушкул аҳволни бартараф этиш шу билан боғлиқдир. Ишлаб чиқарилаётган халқ истеъмол моллари ҳажми билан структурасини аҳолининг реал талабини акс эттирадиган савдо буюртмаларига мувофиқ белгилаш тартиби жорий этилади. Бу ҳозир мавжуд бўлган аҳолининг тўловга қобил талаби билан товар массаси орасидаги номуносиваликни йўқ қилади.

КПСС XXVII съезди таҳлил этган товар-пул муносабатларига тўхталиш лозим. Бунинг моҳияти, биринчидан, жамиятимиз иктисодий системасида уларнинг ўрнини уларга хос бўлган янги мазмун позициясидан туриб баҳолашдан, иккинчидан, хўжаликни бошқаришда улардан актив фойдаланиш зарурлигини биринчи ўринга чиқаришдан иборат. Съезд товар-пул муносабатлари хусусидаги хато тушунчага, экономикага планли раҳбарлик қилиш практикасида уларга етарлича баҳо бермасликка чек қўйиш кераклигини таъкидлаб ўтди.

Ижтимоий мулк ҳукмронлик қилган бир шароитда социалистик корхона товар ишлаб чиқарувчи бўлиб майдонга чиқади, товар-пул муносабатлари умумий характери йўқотади, чекланган доираларда ривожланади, стихиялилик уларга ётдир, чунки улар ишлаб чиқариш давлат воситасида ягона иктисодий марказдан ижтимоий тарзда тартибга солиб турилган ҳолда амал қилади. Товар-пул муносабатлари иктисодий турмушимизнинг реаллиги бўлиб, партия хўжаликни планли бошқаришда пул, нарх, таннарх, фойда, кредит, талаб ва тақлиф каби уларга хос бўлган категориялар орқали улардан тўлиқроқ фойдаланиш зарурлигини уқтиради. Харажатлар билан натижаларни қиёслашда, иктисодий ўсишнинг баланслашган бўлишини таъминлашда, баҳолаш

кўрсаткичларини такомиллаштиришда, маҳсулотни ўзгариб турадиган ижтимоий эҳтиёжларга мувофиқ тақсимлашда, ишлаб чиқаришни ҳамда товар муомаласини рағбатлантиришда бошқариш механизмига киритилган ана шу иктисодий формалардан актив фойдаланиш керак. КПСС XXVII съезди экономикани планли бошқаришда товар-пул муносабатларидан фойдаланишнинг муҳимлигини кўрсатиб, таъкидладики, «уларнинг одамлар манфаатдорлигини, ишлаб чиқариш самарадорлигини оширишга актив таъсирининг аҳамиятини рад этиш хўжалик ҳисобини заифлаштиради, бошқа номақбул оқибатларни келтириб чиқаради. Аксинча, товар-пул муомаласининг социалистик асосда соғлом амал қилиши шундай вазиятни, хўжалик юритишнинг шундай шароитларини вужудга келтира оладики, бунда унинг натижалари коллективнинг иш сифатига, раҳбарликнинг маҳорати ва ташаббусига тамомила боғлиқ бўлиб қолади».

Шундай қилиб, деб хулоса чиқаради пропагандист, мамлакатимизнинг ҳозирги экономикасида товар-пул муносабатларини такомиллаштириш, биринчидан, уларнинг соғлом амал қилишини таъминлашдан, яъни юқорида айтиб ўтилган социализмда уларга хос бўлган специфик хусусиятларни бойитишдан, иккинчидан, социалистик хўжалик юритиш практикасида улардан актив фойдаланишдан иборат. Баҳо товар-пул муносабатлари категорияси сифатида экономикада актив роль ўйнайди. У харажатларни ўлчабгина қолмай, шу билан бирга бир қатор бошқа функцияларни ҳам бажарадики, булар нарх белгилашда ҳисобга олинади. Янги таҳрирдаги КПСС Программасида кўрсатиб ўтилганидек, «нарх-наво ижтимоий зарур сарфлар даражасини, шунингдек маҳсулот ва хизматлар сифатини аниқроқ акс эттириши, фан-техника тараққиётини, ресурсларни тежашни, буюмларнинг техникавий-иктисодий ва истеъмол хусусиятларини яхшилашни, барча янги, илғор тажрибани жорий қилишни аниқроқ акс эттириши, тежамкорлик режимини кучайтиришга қўмаклашиши учун нарх белгилашни такомиллаштириш лозим».

Молия ва кредит муносабатлари товар-пул муносабатларининг муҳим томонидир. Улар тақсимот ва хўжалик фаолияти устидан контрол функциясини кучайтиришни кўзлаб ривожлантирилади. Корхоналарнинг бюджет билан молиявий муносабатларини барқарорроқ қилиш, уларни доимий амал қиладиган нормативлар билан тартибга солиш тадбирлари кўрилолмакда. Корхоналарнинг молия резервларини барпо қилиш, корхоналар (бирлашмалар) ўзини маблаг билан таъминлашига ўтиш лозим бўлади. Капитал қурилишда, фан-техника тараққиётини жадаллаштиришда, корхоналарни техникавий реконструкция қилишда кредит ролини ошириш керак. Мамлакатда бошланган экономикани тубдан қайта қуриш кредит социалистик хўжалик юритишнинг таъсирчан қуроли бўлишини, ўзининг рағбатлантирувчилик вазифасини тўлароқ бажаришини талаб қиладди.

Пропагандист, ушбу бўлимни кўриб чиқишни тугаллар экан, шуни таъкидлайдики, ишлаб чиқариш муносабатларини такомиллаштириш уларнинг ҳамма томонларини ва асосий элементларини ўз ичига олади, чунки фақат шундай бўлганида улар ишлаб чиқарувчи кучларнинг ривожланишига кенг йўл очиб беради.

БОШҚАРИШ СИСТЕМАСИНИ ВА ХЎЖАЛИК ЮРИТИШ МЕТОДЛАРИНИ ҚАЙТА ҚУРИШ

Пропагандист тингловчиларга хўжалик механизми — бу ижтимоий ишлаб чиқаришни ривожлантиришга таъсир қилиш формалари, методлари ва усуллари мажмуи эканлигини эслатиб ўтади. Бунинг асосий элементлари: планлаштириш, бошқариш, иктисодий рағбатлантириш (хўжалик ҳисоби) дир. Иктисодий категориялар системасида хўжалик механизми социалистик ишлаб чиқариш муносабатлари намоён бўлишининг конкрет ташкилий-иктисодий формаси сифатида майдонга чиқади. Хўжалик механизми социализм иктисодий қонунлари талабларини қанчалик тўла рўёбга чиқариш имкониятини бериши унинг самарали амал қилишининг асосий мезонидир. Бу ўринда мамлакатнинг хўжалик механизмида амалга оширилаётган ўзгаришлар зарурлигини асослаб бериш мақсадга мувофиқдир. Улар ишлаб чиқарувчи кучларнинг ҳозирги тараққиёти хусусиятлари: унинг юсак даражадаги динамизми, сакраш йўли билан бориши, ишлаб чиқариш барча элементларининг сифат жиҳатдан янги даражага ўтиши, ҳам ички, ҳам халқаро ишлаб чиқариш-хўжалик алоқаларининг мураккаблашуви ва шу қабилар билан боғлиқдир. Буларнинг бари хўжалик юритиш формалари ва методларини янгилашни талаб қилди ва бу соҳада содир бўлаётган жараён социализмга хос бўлган ишлаб чиқариш муносабатларини узлуксиз ривожланаётган ишлаб чиқарувчи кучларга мослаштиришдан иборатдир.

КПСС XXVII съезди таъкидлаганидек, мамлакат ўз ривожланишида шундай ҳолатга етиб келдики, у эндиликда бурилиш характерини касб этмокда. Жадаллаштириш йўли лоқайдликни, турғунликни ва консерватизмни бартараф этишни такозо этиб, социалистик тузумнинг барча афзалликларидан фойдаланишга қаратилгандир. Бу эса социализм ривожининг ҳозирги босқичига мос бўлган созланган хўжалик механизмисиз, амалда ишлаб чиқаришни ижтимоий эҳтиёжларга бўйсундириши, уни самарадорлик ва сифатни оширишга йўналтириши, техника тараққиётини жадаллаштириши, ҳодимларнинг меҳнат натижаларидан манфаатдорлигини, ташаббусни, социалистик тadbиркорликни ривожлантириши лозим бўлган ишлаб чиқариш системасини қайта курмасдан мумкин эмас.

КПСС XXVII съезди хўжалик механизминини қайта қуриш соҳасида қабул қилган қарорларнинг муҳим хусусияти унинг турли элементларини такомиллаштиришга комплекс ёндашувдир. Бу ўринда тингловчилар эътиборини ана шу қайта қуришнинг асосий йўналишларига қаратиш лозим. Биринчидан, экономикага марказлашган тартибда раҳбарлик қилишнинг таъсирчанлиги, бинобарин, КПСС иқтисодий сиёсатини рўёбга чиқаришнинг асосий қуроли бўлган планлаштиришнинг ҳам таъсирчанлиги ошиб боради. План интизомини мустаҳкамлаш, умумдават манфаатлари устуңлигини таъминлаш, маҳкамачилик ва маҳаллийчиликни, бюрократизм ва волюнтаризмни бартараф этиш алоҳида аҳамият касб этади. Шу мақсадда марказий бошқариш органларининг фаолияти қайта қурилади, йирик тармоқлараро комплексларни бошқариш учун янги органлар тузилади, тармоқ министрликларининг функциялари ўзгаради.

Айни вақтда бирлашмалар ва корхоналарнинг мустақиллигини кенгайтириш ва ишнинг пировард натижалари учун масъулиятини ошириш юзасидан тadbирлар қўрилади. Бу аввало хўжалик юритишнинг маъмурий методларидан иқтисодий методларига ўтиш, министрликлар функцияларининг бир қисмини ишлаб чиқариш коллективларига олиб беришдан иборатки, улар ижтимоий эҳтиёжларни қондирадиган маҳсулот ишлаб чиқариш учун тўла жавоб беришлари керак.

Корхоналар мустақиллигининг кенгайиши уларга етказиладиган директивали-адресли топшириқлар сонининг кескин камайишида қўринади. Иккинчи томондан, бу узоқ муддат амал қиладиган барқарор иқтисодий нормативлар системасидан кенг фойдаланишни талаб этади. Яна бир жуда муҳим ҳолат шуки, корхоналар ҳуқуқларининг кенгайтирилиши агар тўла хўжалик ҳисоби принциплари бригададан тортиб то иш жойига қадар барча бўғинлар ишига сингиб кетсагина лозимича самара беради.

КПСС XXVII съезди бошқаришда демократик асосларнинг ривожланишига, меҳнаткашларнинг корхоналар ишларида бевосита қатнашишига кучли туртки берди. Меҳнат коллективининг қарори узил-кесил қарор ҳисобланадиган масалалар доирасини кенгайтириш кўзда тутилади. Лекин шунини унутмаслик керакки, деб таъкидлайди пропагандист, коллективларнинг нафақат ҳуқуқлари, шу билан бирга бурчлари, жамият олдидаги масъулияти ҳам ошади.

Чикимга қарши механизмни вужудга келтириш масаласини алоҳида қўриб чиқиш керак. Экономиканинг экстенсив ривожланиши шароитида таркиб топган аввалги хўжалик юритиш ва бошқариш системаси аниқ ифодаланган сарфлаш характерига эга эди. Қиммат беҳикмат бўлмас деган қоида амал қиларди. Сарф-харажатлар натижалар деб тушуниларди, бу эса ресурслардан нораціонал фойдаланишга, хўжалик тафаккурининг консерватив, типни шаклланишига олиб келди.

КПСС XXVII съезди бу ҳолга барҳам бериш вазифасини қўйди. Эндиликда маҳсулот сифатини, унинг техникавий ва истеъмол хусусиятларини характерлайдиган баҳолаш кўрсаткичлари биринчи ўринга қўйилади. Реализация қилинган маҳсулот ҳажмининг кўрсаткичлари эса ассортимент, номенклатура ва етказиб бериш бўйича шартнома мажбуриятларининг белгиланган муддатларда бажарилиши билан боғланади. Тежамкорлик режими ва хўжалик ҳисоби асосида рағбатлантириш, маҳсулот чиқаришга сарфни камайтириш принциплари қучаяди. Ресурслардан нораціонал фойдаланиш, паст сифатли маҳсулот ишлаб чиқарганлик учун масъулият оширилади.

Хўжалик юритишнинг янги методлари тўғрисида гапирганда мазкур корхонанинг ишлаб чиқаришни интенсивлаш шароитида тўла хўжалик ҳисобиға, ўз харажатларини ўзи қоплаш ва ўзини маблағ билан таъминлашға ўтишға тайёрлигини қўриб чиқиш лозим. Тингловчиларнинг шу нарсани англаб олишлариға эришиш керакки, хўжалик юритиш методи бўлган ҳақиқий хўжалик ҳисоби ўз харажатларини тўла қоплашни ва юксак рентабелликни талаб этади. Агар корхона нафақат жорий харажатларини, шу билан бирға капитал харажатларни ҳам қопласа, яъни ўзини маблағ билан ўзи таъминласа, унинг ўз харажатларини қоплаши тўғрисида гап юритиш мумкин. Бирок у ўзининг жамият олдидаги мажбуриятларини ҳам бажариши, белгиданган нормативларға мувофиқ даромадларининг бир қисмини унинг ихтиёриға ўтказиши керак.

Фақат шу шароитдагина тўлиқ хўжалик ҳисоби амалга оширилади. Унга ўтиш учун қуйидагилар зарур:

- ишлаб чиқаришни ривожлантириш фондини корхонани техникавий жиҳатдан қайта қурулантириш ва реконструкциялашнинг асосий манбаига айлантириш;

- меҳнат коллективлари социал программаларини улар ҳосил қилган маблағларга боғлиқ қилиб қўйиш;

- иш ҳақи фондлари миқдорини бевосита корхоналарнинг даромадларига қараб белгилаш;

- бир хил корхоналарнинг хўжасизлигини фойдани қайта тақсимлаш йўли билан бошқа корхоналарнинг юксак натижалари ҳисобига қоплашга имкон берадиган ҳамма йўллари беркитиш;

- шартнома муносабатлари соҳасини кенгайтириш, корхоналарнинг истеъмолчилар олдидаги мажбуриятларини бажариш учун уларнинг қатъиян жавобгарлигини жорий этиш;

- юқори органлар томонидан корхоналарнинг майда-чуйда ишларига аралашувига барҳам бериш, меҳнат коллективларига олдиларида турган планларни рўёбга чиқаришнинг оптимал йўллари ўзлари топиш имконини бериш.

ВАЗ ва М. Ф. Фрунзе номидаги Сумск машинасозлик заводининг мамлакатда биринчи бўлиб хўжалик юритишнинг янги методлари ва формаларини ўзлаштирган меҳнат коллективларининг КПСС МҚ маъқуллаган тажрибаси ишлаб чиқаришни интенсификаш учун бундай шароитлар катта қулайлик туғдиришлигидан далолат беради.

Партия хўжалик механизмининг қайта қуришни энг муҳим хўжалик-сиёсий вазифа сифатида илгари сураётган экан, буни ҳал этишни социалистик ишлаб чиқариш муносабатларини такомиллаштириш ҳамда мамлакат ишлаб чиқарувчи кучларини янада ривожлантиришнинг йўли деб билади. «Бошқаришни такомиллаштиришнинг... энг юқори мезони, — деб таъкидланди КПСС МҚнинг партия XXVII съездида Сиёсий докладида, — социал-иктисодий ривожланишни жадаллаштириш, социализмни амалда мустаҳкамлаш бўлиб қолиши керак».

ТЕМАГА ОИД АДАБИЕТ

К. Маркс. Гота программасини танқид. К. Маркс ва Ф. Энгельс. Танланган асарлар, 3-том, 5—28-бетлар. Т., «Ўзбекистон», 1981.

Ф. Энгельс. Анти-Дюринг. К. Маркс, Ф. Энгельс, Асарлар, 20-том, 328—332-бетлар.

В. И. Ленин. Давлат ва революция. ТАТ., 33-том, 104—112-бетлар.

В. И. Ленин. Советлар молия бўлимлари вакилларининг I Бутун Россия съездида 1918 йил 18 майда қилинган доклад. ТАТ., 36-том, 397-бет.

В. И. Ленин. «Совет ҳокимиятининг навбатдаги вазифалари» деган мақоланинг дастлабки варианты. ТАТ, 36-том, 175—178-бетлар.

В. И. Ленин. Мактабдан ташқари таълимга бағишланган I Бутун Россия съезди. ТАТ, 38-том, 418—421-бетлар.

М. С. Горбачев. КПСС Марказий Комитетининг 1985 йил 23 апрелдаги Пленумида қилинган доклад. Танланган нутқлар ва мақолалар. Т., «Ўзбекистон», 1986, 14—16-бетлар.

Совет Иттифоқи Коммунистик партияси XXVII съездининг материаллари. Т., «Ўзбекистон», 1986. 37—45, 52, 145, 166—170-бетлар.

М. С. Горбачев. Краснодар ўлкаси партия активи билан учрашувда сўзланган нутқ. — «Совет Ўзбекистони», 1986, 21 сентябрь.

В. Куликов. Взаимосвязь производительных сил и производственных отношений социализма. — Вопросы экономики, 1986, № 9.

А. Любинин. Основные противоречия социалистической экономики. — Вопросы экономики, 1986, № 9.

ХОТИН-ҚИЗЛАРНИ БУТУНЛАЙ ОЗОД ҚИЛИШ УЧУН РЕВОЛЮЦИОН КУРАШ НАМУНАСИ

Р. РАЖАБОВА,

тарих фанлари доктори

О КТЯБРЬ СОЦИАЛИСТИК РЕВОЛЮЦИЯСИНИНГ ғалабаси натижасида инсониятнинг энг актуал — хотин-қизларни эркинликка чиқариш проблемасини ҳал этиш, янги типдаги хотин-қизларни — тўла ҳуқуқли гражданларни, жамиятнинг давлат, сиёсий, ишлаб чиқариш, маънавий турмушининг актив иштирокчиларини шакллантириш учун принципаал янгича негиз вужудга келди. В. И. Ленин 1919 йилда шундай ёзган эди: «Жаҳонда ҳеч бир демократик партия энг илғор буржуа республикаларининг биронтасида ҳам ўн йиллар давомида бу жиҳатдан биз ҳокимият тепасига чиқиб олган биринчи йилдаёқ қилган ишларимизнинг юздан бирини ҳам қилгани йўқ. Биз хотин-қизларнинг тенг ҳуқуқли эмаслиги тўғрисидаги... конунлардан том маъноси билан асар ҳам қолдирмадик, ҳолбуки маданияти тараққий топган мамлакатларнинг ҳаммасида бу конунларнинг қолдиқлари жуда кўп бўлиб, улар буржуазияни ва капитализмни шарманда қилмоқда. Биз бу соҳада қилган ишларимиз билан фахрланишга минг марта ҳақлимиз» (Тўла асарлар тўплами, 39-том, 27-бет).

Лекин хотин-қизларнинг кадр-кимматини ҳўрлайдиган, уларни эркакларга нисбатан тенг ҳуқуққа эга бўлмаган аҳволга соладиган эски конунларнинг тугатилишини В. И. Ленин «социализмга ўтадиган ҳар қандай ишчи давлати» олдида қонуний равишда вужудга келадиган асосий проблеманинг нисбатан оддий ва енгил бир қисми деб ҳисоблаган эди. В. И. Ленин хотин-қизлар масаласига доир марксча концепцияни ижодий ривожлантириб, бу масалани социализмда ҳал этишнинг илмий программасини ишлаб чиқди.

В. И. Ленин хотин-қизларнинг тўла тенг ҳуқуқлилиги, уларнинг ҳақиқатан эркинликка чиқарилиши тўғрисидаги қондани ўртага қўйди ва асослаб берди. Хотин-қизларнинг тўла тенг ҳуқуқлилиги, деб кўрсатган эди Владимир Ильич, фақат уларнинг юридик тенглигини жорий этиш билан чекланмайди. Юридик тенглик иқтисодий ва социал тенглик билан мустаҳкамланмаса, унда бундай тенглик юзаки бўлиб қолади (ТАТ, 40-том, 221—222-бетларга қаралсин). В. И. Ленин ана шундай тенгликка эришиш учун курашни Коммунистик партия ва Совет давлатининг асосий мақсади, деб ҳисоблар эди. Бунда у хотин-қизларни ижтимоий-ишлаб чиқариш фаолиятига жалб этиш вазифасини бир ёклама, тангал тушунишдан огоҳлантирган эди. «... Бунда гап, меҳнат унуми, меҳнат миқдори, иш соати, меҳнат шароити жиҳатидан ва бошқа жиҳатлардан хотин-қизларни эркаклар билан бараварлаштириш тўғрисида бораётгани йўқ, — деб таъкидлаган эди В. И. Ленин партиясиз ишчи хотин-қизларнинг IV Москва умумшаҳар конференциясида 1919 йил сентябрда сўзлаган нутқида, — балки хотин-қизлар, эркаклардан фарқли ўларок, ўзларининг уй-рўзғорлари орқасида эзилишларига йўл қўймаслик устида боради. Ҳаммангизга аён, ҳатто ҳуқуқда тўла тенглик бўлганда ҳам хотин-қизлар амалда мана шундай эзилган аҳволда қолаверадилар, чунки бутун уй-рўзғор ишларини хотин-қизлар устига юклайдилар» (ТАТ, 39-том, 233-бет).

В. И. Ленин таърифлаганидек, коммунизмнинг дастлабки куртаклари бўлган ошхоналар, болалар боғчалари, яслилар, бошқа ижтимоий муассасаларни куриш хотин-қизларни «уй ҳўрилиги»дан озод этишнинг ҳал қилувчи йўллари деб топилди. Владимир Ильич уларни ривожлантиришга катта аҳамият берар экан, бу муассасаларга диққат-этибор билан муносабатда бўлишни, уларга яхши қарашни талаб қилди, шу билан бирга бу вазифани ҳал этишнинг қийинлигини ҳам таъкидлаган эди.

Хотин-қизлар масаласини ҳал этишга доир ленинча концепция Коммунист-тик партиянинг бу соҳадаги программавий йўл-йўриқларининг моҳиятини белгилаб берди. Партия ана шу социалистик идеалга эришиш борасидаги ишнинг бутун мураккаблиги, кенг қўламлилигини тушунган ҳолда В. И. Лениннинг «бу кураш — ижтимоий техникани ҳам, ҳулқ-атворларни ҳам тубдан ўзгартаришни талаб қиладиган, узок давом этадиган курашдир» (ТАТ, 40-том, 222-бет) деган кўрсатмасига оғишмай амал қилиб келди.

Мамлакатимизда хотин-қизлар масаласини ҳал этишга доир тарихий тажриба доҳий башоратининг тўғрилигини тасдиқлади. КПССнинг хотин-қизларни эркинликка чиқариш соҳасидаги фаолияти қатор босқичларни босиб ўтди, бу босқичларнинг ўзига хослиги қуйидаги омиллар мажмуи: тегишли босқичдаги тарихий вазиятнинг ўзига хослиги, социалистик қурилиш истикболлари, омма сиёсий онгининг даражаси, партия идеологик кучларининг тайёргарлик даражаси билан белгиланар эди. Кўп миллатли Советлар Мамлакати ҳар бир конкрет регионининг ўзига хос хусусияти ҳам хотин-қизлар масаласининг ҳал этилишига муайян таъсир ўтказди. Масалан, Ўрта Осиёда социалистик қурилишга асос бўлган дастлабки шарт-шароитлар — социаликтисодий ва сиёсий колоклик, феодализм колдикларининг кучлилиги, ишчилар синфининг заифлиги ва камсонлилиги, деҳқонлар, майда буржуа стихиясининг таъсири, диний, синфий ва миллий муносабатларнинг етарлича табақалашмаганлиги — хотин-қизлар масаласини социалистик тарзда ҳал этиш асосий қонуниятларининг бу ерда ўзига хос равишда намоён бўлишини белгилаб, партия йўл-йўриқларини амалга ошириш суръатлари, форма ва методларига ўзгартишлар киритишни тақозо этди.

РКП(б) МК томонидан 1918 йил ноябрда чакирилган хотин-қиз ишчиларнинг I Бутун Россия съезди хотин-қизларни чинакамига озод қилиш, уларни социалистик қурилишга жалб этиш юзасидан системали ишни бошлаб берди. Съезддан кейин кўп ўтмай хотин-қизлар ўртасида агитация ва пропаганда бўйича комиссиялар тузила бошлади, улар 1919 йилда қайта ташкил этилиб, партия комитетларининг хотин-қизлар ўртасида ишлаш бўлимларига — хотин-қизлар бўлимларига айлантирилди. Туркистон АССРда бундай бўлим 1919 йилнинг июнида Туркистон Коммунистик партияси (ТКП) Ўлка комитети қошида ташкил қилинди, ўша йилнинг ноябридан эътиборан шаҳар ва район партия комитетлари қошида хотин-қизлар бўлимлари ташкил қилина бошлади.

Хотин-қизлар бўлимлари ўз фаолиятининг дастлабки қадамларидан бошлаб катта қийинчиликларга дуч келди. Туркистон АССРда одат ва шариатга асосланган эски урф-одатлар ҳали ҳам оила-турмуш муносабатларида ҳукмронлик қиларди. Бундай одатлар маҳаллий миллатларга мансуб хотин-қизларни баланд девор сингари янги турмушдан ажратиб турар эди.

Гарчи секин бўлса-да, барибир туб миллатлар вакиллари ичидан хотин-қизлар активини тайёрлаш иши борарди. Улар республиканинг ижтимоий-сиёсий ҳаётида иштиёқ билан қатнашишарди. Партиянинг хотин-қизларни амалда озод қилиш бўйича сиёсатини ўлкада амалга оширишда катта роль ўйнаган бундай кишилар орасида Шамсикамар Ғоибжонова, Манзура Собирова (Ойдин), Собира Холдорова, Жаҳон Обидова, Робия Носирова, Тожихон Рустамбекова ва бошқалар бор эди.

Туркистон АССРдаги хотин-қизлар бўлимлари РКП(б) МК ва унинг хотин-қизлар бўлимининг бевосита раҳбарлиги остида ва ёрдами билан иш олиб бордилар. Кўп сонли ҳужжатлар — бу бўлимнинг губернялар хотин-қизлар бўлимларига хати (1920 йил сентябрь), губерняларнинг хотин-қизлар ўртасида ишлаш бўйича бўлимлари мудирлари III Бутун Россия кенгаши Шарқ халқлари

секциясининг қарори (1920 йил декабрь), Шарк хотин-қиз коммунист-ташкilotчилари I ва II Бутун Россия кенгашларининг резолюциялари (1921 йил апрель, 1923 йил март), РКП(б) МКнинг РКП(б) область бюрolari ва миллий республикалар Компартиялари МКларига юборган «Шаркнинг меҳнаткаш хотин-қизлари ўртасидаги иш тўғрисида»ги циркуляри (1923 йил май), РКП(б) МК пленумининг «Шаркнинг хотин-қиз ишчилари, деҳқонлари ва меҳнаткашлари ўртасидаги иш соҳасида партиянинг навбатдаги вазифалари тўғрисида»ги қарори (1925 йил январь) ва бошқалар РКП(б) МКнинг Совет Шарқи хотин-қизлари ўртасидаги ишнинг аҳволига доимо эътибор берганлигини кўрсатади.

Коммунистик партия тажриба ортиши, унинг умумлаштирилиши ва тушуниб етилишига қараб бу йўналишларни конкретлаштириб, аниқлаштира борди, Шарк хотин-қизларини озод қилиш соҳасидаги ишни ривожлантиришнинг бундан кейинги йўллари белгилаб берди.

Энг муҳими, Шарқда хотин-қизлар ҳаракатининг тажрибасини умумлаштириш тайёргарликка эга ходимларнинг, хотин-қизлар оммасининг қобилиятли ташкilotчилари етишмаслигини кўрсатди. Шу туфайли, II Бутун Россия кенгаши (1923 йил март) РКП(б) МКга тегишли ўлка курсларини ташкил этишга маблағ ажратиш тўғрисидаги илтимос билан мурожаат қилди. РКП(б) МК РКП(б) область бюрolari ва миллий республикалар Компартиялари МКларига 1923 йил майда юборган «Шаркнинг меҳнаткаш хотин-қизлари ўртасидаги иш тўғрисида»ги махсус циркулярда Шаркнинг меҳнаткаш хотин-қизлари ўртасида олиб борилган ишдаги эришилган натижаларни мустаҳкамлаш учун қатор конкрет чора-тадбирларни белгилади. РКП(б) МК парткомлар олдида партия аъзолари ва партиясиз омма ўртасида хотин-қизларни озод қилиш проблемаларига доир агитацияни чуқурлаштириш, уларнинг хотин-қизлар бўлимлари фаолиятига раҳбарлигини кучайтириш, бу бўлимлар аппаратларини малакали партия ходимлари билан мустаҳкамлаш вазифаларини қўйиш билан бир вақтда уларга хотин-қизлар бўлимлари тавсия қилган коммунист хотин-қизлар ва партиясиз делегат аёлларни тақсимлаш ҳисобидан ишчилар факультетларига, комуниверситетлар ва партия мактабларига ўқишга юбориш учун командировка қилишни юклади. Партия мактаблари ва комуниверситетлар қошида хотин-қизлар ўртасида ишлаш бўйича махсус секциялар тузилди.

Ўша йили РКП(б) МК Ташкилий бюроси РКП(б) МКнинг учёт-таксимот бўлимига икки ойлик муҳлат ичида ТКП МКнинг ишчи хотин-қизлар бўлимини, область хотин-қизлар бўлимларини бутлаш, давлат ҳисобидан хотин-қизлар мактаблари тармоғини очиш; маҳаллий аҳоли вакиллари ичидан хотин-қизлар оммаси ташкilotчиларини тайёрлашни кучайтириш, Совет Шарқи республикаларидаги барча партия мактабларида хотин-қизлар ўртасида ишлаш бўйича секциялар ва ишчи факультетларида хотин-қизлар бўлимларини ташкил этиш, комсомолнинг Шарқ қизлари ўртасидаги ишини активлаштиришни таклиф қилди. РКП(б) Марказий Комитети РКП(б) МК ишчи хотин-қизлар бўлимининг инструктори Серафима Тимофеевна Любимовани ТКП МК хотин-қизлар бўлими мудир лавозими тавсия қилди.

Россия марказий районларидаги хотин-қизлар ўртасида амалий иш тажрибасига эга бўлган С. Т. Любимованинг Туркистонга келиши мамлакат хотин-қизлар бўлимлари фаолиятидаги янги босқичга тўғри келди. Совет ҳокимиятини мустаҳкамлаш ва янги иқтисодий сиёсат негизда халқ ҳўжалигини муваффақиятли тиклаш шароитида ўтган РКП(б) XIII съезди (1924 йил май) партияни ленинча бош йўл теваарагида янада жипслашишга, социализм куриш учун зарур шарт-шарoнтларни яратишга йўналтирди. Съезда деҳқон оммасини кооперациялашни, индустриялашни кенгайтиришни, маданий революцияни авж олдиришни шу куннинг асосий вазифалари деб тан олиб, хотин-қизлар ўртасидаги ишларнинг ғоят долзарблигини таъкидлади. Махсус резолюцияда партия ташкilotларига сиёсий ва маданий тарбия йўли билан ишчи ва деҳқон хотин-қизларга таъсирни кучайтириш, уларни саноат, кооператив курилишига жалб этишга, барча сайлаб қўйиладиган раҳбар

лавозимларга кўтаришга ва тегишли вазифаларни бажаришга тайёрлашга доир ишларни авж олдириш таклиф қилинди.

Ўлкада миллий-давлат чегараланишининг ўтказилиши Совет Шарки хотин-қизлари ўртасидаги ишларни кенгайтиришга ва чуқурлаштиришга таъсир этган муҳим омил бўлди. Ўзбекистон ССР ташкил топганидан сўнг Ўзбекистон Компартияси РКП(б) XIII съезди қарорларидан келиб чиқиб, бу ишни республика партия ташкилотининг социалистик қурилишдаги энг муҳим вазифаларидан бири сифатида белгилади. Маҳаллий шароитда бу иш характеридаги кескин бурилиш Ўзбекистон Компартиясининг I съезди (1925 йил февраль) қабул қилган «Хотин-қизлар ўртасидаги иш тўғрисида»ги резолюцияда белгилаб берилди. Масаланинг қўйилишидаги янгилик шундан иборат эдики, туб миллатларга мансуб хотин-қизларни сиёсий ва иқтисодий жиҳатдан озод қилишнинг муваффақияти биринчи марта хотин-қизларнинг турмушдаги ўрта асрга оид аҳволига қарши олиб бориладиган курашга ва «туб аҳолининг жаҳолат ичидаги саводсиз оммасига муллалар ва эшонлар ўтказаяётган таъсирга партия таъсирини қарама-қарши қўйиш»га боғлиқ қилиб қўйилган эди (Ўзбекистон Коммунистик партияси съездлар резолюциялари ва қарорларида. Тошкент, 1968, 50-бет). Компартия қалинини ва ёш қизларни эрга беришни тақиклаш тўғрисидаги совет декретларини агитация қилиш ва оммалаштиришдан уларни кескин равишда ҳаётга татбиқ қилишга ўтишга, бунга аввало партия аъзолари, комсомоллар, масъул ходимларнинг амал қилишига эришишга чақирди. Съезд резолюциясида айниқса қишлоқлардаги хотин-қизлар ўртасидаги ишларга партиявий раҳбарликни юксалтириш, уларни партия, давлат қурилишига, ишлаб чиқаришга ва делегатлар йиғилишларига жалб этиш, маданий-маърифий фаолиятни ва маҳаллий миллатларга мансуб қизлар ўртасидаги ишларни ривожлантириш; хотин-қизлар бўлимлари аппаратларини бутлаш ва улар фаолиятини координация қилишга доир белгиланган конкрет чора-тадбирлар республика партия ташкилотларининг социалистик қурилишнинг янги босқичида хотин-қизлар масаласини ҳал этишдаги программасини белгилаб берди.

Партиянинг мазкур йўл-йўриқларини амалга ошириш бўйича 1924—1926 йилларда авж олдириб юборилган ишлар республика хотин-қизлар бўлимлари эришган етуқлик, тажрибадан далолат берарди. Хотин-қизлар масаласида партия сиёсатини пропаганда қилиш, жамоатчилик фикрини шакллантириш ҳужумкорлик билан ва бир неча йўналишларда амалга оширилди. Барча партия, совет, касаба союзлари, комсомол съездларининг, область партия конференциялари, ВКП(б) МК Ўрта Осиё бюроси, Ўзбекистон КП(б) МК томонидан ўтказиладиган турли хил кенгашлар минбарларидан, шунингдек матбуот органларидан республикадаги хотин-қизлар ҳаракати проблемаларига эътиборни жалб этиш учун фойдаланилар эди. С. Т. Любимова (ВКП(б) МК Ўрта Осиё бюроси хотин-қизлар бўлими мудири), З. Прищепчик (Ўзбекистон КП(б) МК хотин-қизлар бўлими мудири) ва бошқа хотин-қизлар бўлимлари ходимлари санаб ўтилган оммавий анжуманларда қилган докладларида туб миллатларга мансуб хотин-қизларни озод қилиш масалаларини кескин қилиб қўйишар, хотин-қизлар ҳаракатининг етилган эҳтиёжларига диққатни қаратар эдилар.

Хотин-қизлар активини тобора шакллантира боришга доир иш ҳам муҳим йўналишлардан эди. Қисқа муддат ичида деҳқон хотин-қизларнинг Бутун Ўзбекистон қурултойи (1925 йил март), икки марта хотин-қизлар бўлимлари мудирларининг ўлка кенгаши (1925 йил апрель, октябрь), хотин-қизлар ўртасида ишлайдиган ходимларнинг Бутун Ўзбекистон кенгаши (1925 йил август), шу тоифадаги ходимларнинг область кенгашлари, ўқувчи хотин-қизларнинг I Тошкент конференцияси ва Ўрта Осиёдаги хотин-қизлар клублари ва қизил бурчаклари ходимларининг II кенгаши (1926 йил апрель) ва бошқа тадбирлар ўтказилди. Ўша йиллар турмуш тарзи учун янгича бўлган хотин-қизлар активини ташкил этишнинг бундай барча формалари республика Компартиясининг хотин-қизларни ҳақиқатан озод қилишга доир ишида кескин

бурилиш бўлаётганлигини, бунинг учун коммунистларнинг катта ижодий имкониятларининг сафарбар қилинганлигини кўрсатар эди.

Хотин-қизлар социал-сиёсий активлигининг ўсиб боришини кўрсатувчи фактлар Ўзбекистон ижтимоий-сиёсий ҳаётидаги янги тенденциялардан, хотин-қизларнинг жамиятдаги ўрни тўғрисидаги жамоатчилик фикрини қайта қуриш жараёнининг бошланганлигидан далолат берарди. Лекин шу хилдаги ҳар қандай жараён каби бу ҳам оддий эмас эди, бунинг устига унинг суръатлари социалистик қурилиш эҳтиёжларини қондирмас эди. Ўзбекистонда ер-сув ислохотини ўтказиш практикаси буни жуда равшан исботлади.

Ислохот муносабати билан бошланган ва синфий курашни кескинлаштириб юборган феодал-патриархал муносабатларга қарши кенг ҳужум республика хотин-қиз аҳолисининг асосий қисми — деҳқон хотин-қизларни зудлик билан активлаштиришни, уларни бойларга, йирик ер эгаларига, рухонийларга қарши қишлоқ меҳнаткашларининг курашида партия раҳбарлиги остида ташкил топаётган ягона фронтнинг социал қучига айлантиришни қатъиян талаб этарди. Хотин-қизларни озод этиш ҳаракатига оммавий тус бериш, унинг йўлидаги барча тўсиқларни бутунлай тугатиш керак эди. Қишлоқдаги меҳнаткаш хотин-қизларга ерга эгалик қилишда эркаклар билан тенг ҳуқуқларнинг берилиши уларнинг иқтисодий мустақиллигини мустаҳкамларди. Буларнинг ҳаммаси урф-одатлари ва таомили ўрта асрчилик қолдиқларидан иборат эски турмушнинг сақланиб қолишига зид келарди.

Шу туфайли, ВКП(б) МК 1926 йил 18 июнда қабул қилган қароридида Ўрта Осиёда хотин-қизлар ўртасидаги ишларнинг тўғри йўлдан бораётганлигини қайд қилиб, меҳнаткаш хотин-қизларга нисбатан турмушдаги муносабатларда эскилик сарқитларига қарши курашни қучайтиришни зарур деб топди. Белгиланган чора-тадбирлар республика ижтимоий ҳаётининг бу участкасига партиявий раҳбарликнинг доимий ошиб боришини назарда тутар, бу эса ўлкадаги хотин-қизлар ҳаракатининг янги ривожланиш босқичига қадам қўйишини олдиндан белгилаб берган эди.

ВКП(б) МК Ўрта Осиё бюроси томонидан ВКП(б) МК кўрсатмаларини амалга ошириш юзасидан конкрет чора-тадбирларни ишлаб чиқиш учун чақирилган хотин-қизлар бўлимлари ходимларининг III ўлка кенгашида (1926 йил сентябрь) Ўрта Осиёдаги хотин-қизлар ҳаракатининг аҳволи ва унинг истикболлари тўғрисидаги ўндан зиёд масала муҳокама қилинган эди, булар: экономика ва, айниқса, саноат ишлаб чиқариши соҳасидаги, қасаба союзлари йўлига доир, хотин-қиз ходимларни тайёрлаш, делегатлар йиғилишларининг фаолияти, коммунист хотин-қизлар ўртасидаги тарбиявий ишлар, меҳнаткаш хотин-қизлар турмушини яхшилаш комиссияларининг тажрибаси, ҳуқуққа оид ишлар, хотин-қизлар маорифи, пионерлар отрядлари фаолияти, жойлардан хабарлар ҳақидаги масалалар эди. Эски турмушни, унинг таомили ва урф-одатларини кескин бузиб ташлаш вазифасининг биринчи ўринга қўйилиши бу масалаларни ҳал этишга ёндашувга ўзига хослик бахш этди. ВКП(б) МК Ўрта Осиё бюроси раиси И. А. Зеленский кенгашда қилган докладыда шундай таъкидлади: «Биз ўз ишимизга: ҳужумга ўтайлик! — деган шиор бағишлашимиз керак! Биз ҳозирги пайтда хотин-қизларни қул қилишга асос бўлиб хизмат қилаётган жаҳолатга, турмушимизнинг қолоқ формаларига, иқтисодий қолоқликка қарши ҳужумга ўтишимиз керак» («Правда Востока» газетаси, 1926, 22 октябрь). Ўртага ташланган шиорлар хотин-қизлар масаласини ҳал этишдаги янги босқичнинг моҳиятини ниҳоятда тўла акс эттирди.

«Ҳужум»нинг авж олдирилиши жамиятнинг улкан ижодий имкониятлари билан боғлиқ эди, лекин бунинг учун партиядан маҳаллий аҳоли ўртасида ғоят жўшқин сиёсий-оммавий иш олиб бориш талаб қилинарди. Юз бераётган воқеалар характери кишиларнинг оммавий онгида, уларнинг ҳатти-ҳаракатларида туб ўзгаришлар ясашни тақозо этди. Партия янги ташаббусларни қўллаб-қувватлаб, кенг ишчи-деҳқон оммасини, аввало коммунистларни уларни амалга оширишга сафарбар қилди, кўпинча бу кишилар ҳар доим ҳам бу ишларга тайёр эмас, ўтмиш юки, қолоқ одатлар, тафаккур инерцияси, реакцион анъаналар қучи уларнинг елкасидан босиб турарди. Хотин-қизлар ҳаракатининг ўзини ҳам

кайта куришга катта аҳамият берилар эди. Шу сабабли, ер-сув ислохотини ўтказиш пайтида бўлгани каби агитация-тушунтириш кампаниясида бирданига икки йўналиш белгиланди: коммунистлар ҳамда партия активи ўртасидаги ишлар ва хотин-қизлар ҳамда бутун меҳнаткаш омма ўртасидаги ишлар.

ВКП(б) МК Ўрта Осиё бюроси, Ўзбекистон, Туркменистон Компартиялари Марказий Комитетлари ва ВКП(б) Қирғизистон обкомининг «Ўрта Осиё республикалари Компартияларининг барча аъзолари ҳамда кандидатларига ва ташкилотларига» Мурожаати (1927 йил январь) катта ғоявий-пропагандистик таъсирга эга ҳужжат бўлди. Бу ҳужжат орқали авж олдирилаётган «Хужум»нинг аҳамияти, унда коммунистларнинг вазифалари ва роли кенг партия оммасининг онгига етказилди. «Озод қилинган хотин-қизлар оммасини маданий қурилишда, ҳўжалик ҳаётини юксалтиришда қатнаштирмасдан туриб, — деб уқтирилган эди Мурожаатда, — жадал ривожланиш, орқада қолган халқларнинг ўзларининг олдинга ўтиб кетган Иттифокдош ўртоқларини қувиб етиши мумкин эмас».

Турмушдаги феодал-бойларга хос кўринишларга (хотин-қизларнинг тутқунликда яшаши, кўп хотинлилик, қалин бериш, вояга етмаган қизларни эрга бериш ва ҳоказо) қарши кураш вазифаларига мувофиқ Мурожаат партия ташкилотларининг «Хужум»ни авж олдириш юзасидан асосий иш йўналишларини аниқ белгилаб берди: Совет ҳокимиятининг хотин-қизларни озод қилиш тўғрисидаги қонунларини оммалаштириш, хотин-қизларни социализмнинг тенг ҳуқуқли қурувчисига айлантирадиган иқтисодий мустақилликка эришишига кескин ёрдамлашиш, савод чиқариш учун, узлатда яшашга қарши кураш, бу ишни бевосита партия муҳитида активлаштириш, ишчи ва деҳқонлар кенг оммасини хотин-қизларни озод қилиш ишига жалб этиш. Мурожаат партиянинг ҳамма аъзоларини хотин-қизларни ҳақиқатан эркинликка чиқариш учун актив ҳаракатларга сафарбар қилди, бу тадбирни бир ёклама тушунишдан, фақат паранжини ташлашдангина иборат деб ўйлашдан огоҳлантирди. «Партия «Хужумга!» деган шиор остида бутун иқтисодий, маданий, маиший чоратадбирлар системасини тушунади, — деб ёзган эди Ўзбекистон Компартияси МК секретари Акмал Икромов. — ... Лекин, шубҳасиз, яқин вақт мобайнида паранжи масаласи биринчи ўринда туради. Токи паранжи сақланиб турар экан, хотин-қизларни ҳақиқатан эркинликка чиқариш, уларнинг чинакам тенг ҳуқуқлилиги ҳақида гап бўлиши мумкин эмас... Паранжи — улкан, узокка чўзиладиган ва оғир ишнинг бошланиши, холос» («Правда Востока» газетаси, 1927, 8 март). Ҳамма жойда партия ячейкаларининг йиғилишларида хотин-қизларни озод қилиш ҳақидаги директив ҳужжатлар муҳокама қилинди.

1926 йил декабрда тузилган Марказий, республика ва область, 1927 йилда ташкил этилган округ ва район хотин-қизларни озод қилиш учун курашни кучайтириш комиссиялари, шунингдек партия комитетларининг хотин-қизлар бўлимлари, хотин-қизлар ташкилотлари, бутун партия, комсомол, қасаба союз ва кўшчи активи сиёсий-тарбиявий, агитация-пропаганда ишларини кенг авж олдириб юборди. Ҳамма жойда хотин-қизлар — «Хужум» активларининг йиғилишлари, район, округ конференциялари бўлиб ўтди.

«Хужум»ни ҳар томонлама ва чуқур ёритиб борган маҳаллий матбуот эски турмушга қарши ҳужумда муҳим роль ўйнади. Республика газеталари ва бошқа газеталар ҳар бир сонда «Хужум»нинг бориши тўғрисидаги, шаҳарда ва қишлоқда туб миллатларга мансуб хотин-қизларнинг ижтимоий ишлаб чиқаришга жалб этилиши, хотин-қизлар ўқув юртлари тармоғининг ташкил қилиниши, хотин-қизларнинг оммавий тарзда паранжи ташлаши билан ўтадиган конференциялар, йиғилишлар, митинглар, ўқитувчилар, меҳкилар, маҳаллий зиёлилар бошқа вакилларининг «Хужум»даги иштироки ҳақидаги ахборотни, маълумотларни, мақолаларни босиб чиқарар эди.

Лекин шу билан бирга паранжи ташлаган хотин-қизларнинг таҳқирланиши, уларнинг ва активларнинг ҳақорат қилиниши, ҳатто ўлдирилиши тўғрисида ҳам кўплаб хабарлар келиб турарди. Одатда ўтакетган мутаассиб рухонийлар бундай ҳаракатларнинг ташаббусчилари бўлиб чиқишарди. Улар эски, умрини яшаб бўлган нарсаларга қарши оммавий ҳужумни ҳар қандай йўллар билан

барбод килишга интилиб, гўёки асрлар давомидаги диний йўл-йўриklar туфайли муқаддас бўлиб қолган оила тузуми, хотин-қизларнинг турмушдаги аҳволининг абадийлиги ва ўзгармаслигини тарғиб қилар, «худонинг қаҳрига» учрашни эслатиб кўрқитар эдилар. Омма маданий ва сиёсий жиҳатдан умуман қолок, диний ҳис-туйғулар асирлигида қолган бир шаронгта бундай тарғибот айрим ҳолларда аҳолига тегишлича салбий таъсир ўтказар, «Хужум»ни ҳар тарафлама ривожлантириш учун шундай ҳам ғоят кескинлашган курашни янада мураккаблаштирарди. Бундай адолатсиз курашда реакция ўзининг қўл остидаги барча воситаларни ишга солар эди. Улар партия ташкилотларининг ҳар қандай хатолари ва камчиликларини ўзларига қурол қилиб олишарди. Масалан, хотин-қизларни озод қилиш муддатларининг белгиланиши, хотин-қизларнинг йиғилиши тўғрисида аҳолини милиция орқали хабардор қилиш, мачитлардаги ибодатлар пайтида «Хужум»ни тарғиб қилиш ва бошқалар ана шундай камчиликлардан эди. Партия ташкилотларининг иш методлари ва суръатларида бундай хато ва камчиликлар алоҳида куч билан намоён бўларди.

Мавжуд чегарадан чиқиш ҳоллари 1927 йил 19 апрелда бўлиб ўтган Ўзбекистон Компартияси МК мажлисида катъий қораланди. Марказий Комитет «Хужум» тажрибасини умумлаштириб, партия ташкилотларига бундан кейин ҳам бу ишни партияли ва партиясиз омманинг кенг табақаларига Коммунистик партия ва Совет давлатининг бу масаладаги сиёсатини тушунтиришда агитация, пропаганданинг ранг-баранг формаларидан фойдаланган ҳолда ишонтириш методлари орқали олиб боришни юклади, расмийчилик йўлини тутишдан катъий оғоҳлантирди.

Ўзбекистон КП(б) МКнинг йўл қўйилган чегарадан чиқиш ҳолларига нисбатан тутган принципиал йўли, уларни қоралаганлиги партия ташкилотлари йўлини тўғрилашда, уларнинг меҳнаткашлар ўртасидаги ғоявий-тарбиявий ишдаги куч-ғайратларини активлаштиришда катта роль ўйнади. Булар ҳаммаси бойлар, реакцияон руҳонийлар, бошқа антисоциалистик унсурларнинг советларга қарши йўлини илдизи билан қўпориб ташлашга ёрдам берди.

«Хужум» тажрибаси синфий душманларнинг ҳар қандай қарши ҳатти-ҳаракатлари ва бадхоҳликларига қарамасдан хотин-қизларни эркинликка чиқариш жараёнини сира ҳам орқага қайтариб бўлмаслигини исботлади. «Хужум»нинг биринчи босқичидаёқ — 1926 йил охиридан 1927 йил майигача — 100 мингга яқин хотин-қиз паранжи ташлади ва эски турмуш билан алоқасини узди.

Коммунистик партиянинг «Хужум»ни амалга оширишдаги тарихий тажрибаси бу кампаниянинг ўз характериға кўра Совет Шарқи минглаб хотин-қизлари тақдирини тубдан ўзгартирган ҳақиқий революцион аҳамиятга эга кампания эканлигини кўрсатди. Бу ўлкадаги қарийб ўн йиллик социалистик қурилиш томонидан тайёрланган ва республиканинг нафақат хотин-қиз, балки бутун аҳолиси онгидаги кескин бурилишдан далолат берувчи объектив жараён эди. Ахир, паранжи ташлаш билан ҳам дин рамзига, ҳам барча эскирган нормалар, эски турмуш ҳамда феъл-атвор анъаналарига зарба берилган эди. Илгариги узлатда яшаётган хотин-қиз ўрнига ижтимоий саҳнада социал фаол шахс пайдо бўлди. «Хужум»нинг дастлабки босқичидаёқ хотин-қизлар ижтимоий, маданий-маърифий фаолияти турли ташкилий формалари сонининг кескин кўпайганлиги бунинг далили эди. Масалан, 1927 йилнинг ўртасига келиб Ўзбекистонда 5 мингга яқин хотин-қизни ўз ичига олган 120 та саводсизликни тугатиш мактаби ишлаб турар, 200 га яқин оилавий тўғарақлар ташкил этилган эди. Судлардаги халқ маслаҳатчиларининг қайта сайлови уларга 5 мингдан зиёд хотин-қизнинг сайланиши билан яқунланди (жами халқ маслаҳатчилари сонининг 24,8 проценти). Деҳқон хотин-қизларнинг активлиги 1927 йилда қишлоқ Советларига бўлган сайловларда айниқса яққол кўринди. Сайловда 128 минг хотин-қиз иштирок этди (жами сайловчилар составининг 16,7 проценти), деҳқон хотин-қизлардан 4 мингга яқини эса қишлоқ Советлари аъзолари қилиб сайланди (Советларга сайланганларнинг 13 проценти). Хотин-қизларнинг қишлоқ Советлари раислари қилиб сайланиш ҳоллари ҳам кўпайди.

«Хужум»нинг дастлабки босқичи тажрибаси паранжи ташлаш учун кураш

билан хотин-қизларни социалистик жамият куришга жалб этиш борасидаги фаолият ўртасидаги ўзаро боғланиш — партиянинг хотин-қизларни эркинликка чиқариш соҳасидаги ишининг асосий қонунияти эканлигини кўрсатди. ВКП(б) МК Ўрта Осиё бюросининг партия ташкилотларининг Ўрта Осиё хотин-қизларини озод қилиш соҳасидаги иши тўғрисидаги доклад юзасидан қабул қилган қарорида (1927 йил июль) «Хужум»ни бундан кейин ривожлантиришда шу қонуниятни ҳисобга олиш ва амалга оширишнинг аҳамияти кўрсатилган.

ВКП(б) МК Ўрта Осиё бюроси томонидан турмушдаги эскилик сарқитла-рига қарши бошланган янада кескин курашни маъқуллаб ва бу курашда региондаги барча партия ташкилотлари фаол иштирок этаётганлигини, уни кенг ишчи-деҳқон оммаси, айниқса хотин-қизлар қўллаб-қувватлаётганликларини қайд қилиб, ВКП(б) МК партиянинг бу йўналишдаги ишини кучайтириш зарур деб топди. Қарорда давлат ва жамоат ташкилотлари, маданий-маърифий муассасаларнинг паранжи ташлаган хотин-қизларга ёрдам кўрсатишга доир фаолиятининг аҳамияти қайд қилинди; совет, хўжалик ва кооперация ташкилотларига меҳнаткаш хотин-қизлар учун мавжуд артеллар, устаконалар, клублар, мактаблар ва бошқа муассасалар тармоғини мустаҳкамлаш ҳамда янгиларини ташкил этиш вазифаси топширилди. ВКП(б) МК партия ташкилотларини хотин-қизларни озод қилишга доир ишни вақтинча амалга ошириладиган зарбдор кампания деб хато тушунишдан огоҳлантириб, бу ишнинг узок давом этадиган характерга эгаллигини таъкидлади; партия ташкилотларини, бир томондан, коммунистлар ва шаҳар ҳамда қишлоқнинг кенг партиясиз оммаси ўртасида олиб бориладиган тушунтириш ишларини кучайтиришга, уларнинг паранжи ташлаш учун курашни янада ривожлантириш борасидаги фаолиятини активлаштиришга, иккинчи томондан эса — эришилган натижаларни мустаҳкамлашга, хотин-қизларнинг совет жамиятининг ижтимоий-сиёсий, хўжалик, маънавий турмушида актив қатнашишлари учун шарт-шароитлар яратишга чақирди, мазкур вазифаларнинг иккинчи қисми эндиликда асосий вазифалар ҳисобланар эди.

ВКП(б) Марказий Комитети, Ўзбекистон партия ташкилоти коммунистлар, ишчи ва деҳқонлар, илғор зиёлилар, ёшларнинг бутун қуч-ғайратини «Хужум»ни янада авж олдиришга йўналтирдилар. Республикада капитализмни четлаб социализмга ўтиш даврида хотин-қизлар ҳаракати эришган тарихий муваффақиятлар партия, Совет ҳокимиятининг бу соҳадаги сиёсати реаллигини тасдиқлади. Ўзбекистон Компартиясининг VII съездида (1937 йил июнь) қайд қилинганидек, барча ижтимоий муносабатларни социалистик қайта қуриш, индустриялаштиришни, қишлоқ хўжалигини коллективлаштиришни, маданий революцияни амалга ошириш асосида республика партия ташкилоти хотин-қизларни ҳақиқатан озод қилиш учун курашда муҳим муваффақиятларга эришди: ўзбек хотин-қизлари ва бошқа маҳаллий миллатлар вакиллари саноат ишлаб чиқаришга жалб қилинди, улар қолхозларни қуришда ва пахта учун курашда фаол иштирок этдилар, хотин-қизларнинг маданий даражаси ўсди.

Коммунистик партия социализмни ривожлантириш ва такомиллаштиришнинг кейинги босқичларида ҳам хотин-қизларга нисбатан феодал-бойларча муносабат қўринишларига қарши курашиб, уларни ишлаб чиқаришга ва ўқув-юртларига тобора кенгрок жалб этиш, меҳнаткаш хотин-қизлар малакасини системали ошира бориш, маданий-маиший хизмат кўрсатишни кенгайтириш, хотин-қизларни раҳбар давлат, партия, хўжалик ишларига қўтариш тўғрисида ҳар доим ғамхўрлик қилиб келди. Ўзбекистон Компартияси МКнинг КПСС МК талаблари асосида республика партия ташкилотининг кадрлар билан ишлашни янада такомиллаштириш соҳасидаги вазифаларини муҳокама қилган XVI пленуми (1984 йил июнь) ҳозирги шароитда хотин-қиз кадрларни тарбиялашни яхшилашнинг амалий ва сиёсий ақуаллигини қайд қилди. Пленум ишлаб чиқариш ва ижтимоий турмушнинг ҳар қандай участкасида ютуқларга эришиш — кадрларни танлаш, жой-жойига қўйиш ва тарбиялашни яхшилашга боғлиқ эканлигини таъкидлаб, хотин-қиз кадрлар билан ишлаш тўғрисида алоҳида ғамхўрлик кўрсатиш зарурлигини билдирди. Пленум кўпгина партия комитетлари, министрликлар ва идораларнинг хотин-қизларни раҳбарлик

ишларига кўтаришга ниҳоятда хушёрмай, баъзан эса бутунлай нотўғри муносабатда бўлаётганликларини қайд қилди.

Ўзбекистон Компартияси МК XVI пленумидан сўнг хотин-қизлар ўртасида ишлаш бўйича Республика советининг фаолияти активлашди. Масалан, унинг 1984 йил 29 декабрда бўлган мажлисида хотин-қизларнинг меҳнат ва турмуш шароитларини яхшилаш, уларнинг меҳнат ва сиёсий активлигини ошириш масалалари муҳокама қилинди. Мажлис қатнашчилари партия ташкилотининг бу участкадаги ижобий ютуқларини қайд қилиб, шу билан бирга хотин-қизлар меҳнати улуши айниқса кўп бўлган кишлоқ хўжалик ишлаб чиқаришида ва енгил саноатда банд бўлган хотин-қизларнинг иш шароитлари секинлик билан яхшиланаётганлигини таъкидлашди, оналик ва болаликни муҳофаза қилишда фойдаланилмаган резервлар мавжудлигини кўрсатиб ўтишди. Ишлаб чиқилган тавсияларда камчиликларни бартараф этиш, партия талаблари асосида хотин-қизлар ўртасидаги иш самарадорлигини ошириш йўллари белгиланди.

Бизнинг давримиз жамият олдига хотин-қиз меҳнат ресурсларининг улкан ижодий потенциалидан оқилона фойдаланишдек сиёсий жиҳатдан ғоят актуал вазифани қўймоқда. Бунинг муҳимлиги яна шундаки, республикамизнинг моддий ва маънавий бойликларининг 40 процентдан ортиғи хотин-қизлар томонидан яратилади. Ўзбекистонда ҳар уч инженердан бири, ўқитувчилар ва врачларнинг ярмидан кўпи — хотин-қизлардир, 13 минг хотин-қиз — илмий ходимлардир. 110 дан зиёд хотин-қиз Социалистик Меҳнат Қаҳрамони унвони билан тақдирланган. Ўзбекистон Компартиясининг XXI съезди арафасида партия ташкилоти сафларида 178 минг хотин-қиз бор эди (республикадаги барча коммунистларнинг 27,7 проценти).

Ўзбекистон ҳаётида меҳнаткаш хотин-қизлар, оналарнинг бугунги кундаги роли — партиянинг хотин-қизлар масаласига доир ленинча программасининг ҳаётга татбиқ қилиниши натижасидир. Бу КПСС раҳбарлиги остида «Хужум»нинг — феодал-крепостнойчилик муносабатларига, жаҳолатга, қолоқликка қарши революцион ҳужум, таракқиёт йўлида ғов бўлиб турган ҳамма нарсга қарши мурасасиз курашнинг амалга оширилганлиги тўғрилигидан далолатдир. «Хужум» тажрибасининг тарихий аҳамияти Ўзбекистон КП МКнинг республика Компартияси XXI съездига ҳисобот докладида илгари сурилган «эскилик саркитларига, ирим-сиримларга, хурофотларга, қолоқликка қарши курашдаги ҳужумкорлик ишини кучайтиришда мана шу кийин, аммо самарали тажрибадан фойдаланиш лозим» деган фикр билан яна бир бор тасдиқланди.

1987 йилда бошланганига 60 йил тўладиган «Хужум» тажрибасига мурожаат қилиш, уни социализмни планли асосда ва ҳар тарафлама такомиллаштириш, коммунизм сари янада олға бориш проблемалари нуктан назаридан тушуниб олиш ҳозирги замон ходисалари ва жараёнларини тушунишга йўл очиб беради, хотин-қизлар масаласида КПСС сиёсати, унинг стратегик ва сиёсий раҳбарлигининг давомийлигини ойдинлаштириб, етилган вазифаларни ҳал этишга ёрдамлашади. Янги таҳрирдаги КПСС Программасида шундай дейилади: «**Оналарнинг аҳволини янада яхшилаш** партиянинг доимий ғамхўрлиги остида бўлади. Шу мақсадда оналикни аёлларнинг меҳнат ва ижтимоий фаолиятда фаол иштироки билан уйғунлаштириш учун қулай шароит яратиб берилади. Оналик ва болаликни муҳофаза қилишга алоҳида эътибор берилади, тукқунча бериладиган отпусқа, шунингдек болаларга қараш учун бериладиган отпусқа муддати узайтирилади. Оилавий дам олиш учун санаториялар, дам олиш уйлари ва пансионатлар шахобчалари кенгайтирилади. Аёлларни меҳнатга жалб этишнинг турли-туман формалари ривожлантирилади, уларнинг истаги билан ўзгариб турувчи иш графиги, тўликсиз иш куни, касаначилик меҳнати кенг қўлланилади».

Бу программавий йўл-йўриқларнинг амалга оширилиши она, меҳнаткаш, граждан аёлнинг социалистик идеалини уйғун тарзда ва ҳар томонлама янада ривожлантириш учун реал шарт-шароитлар яратади.

МИЛИТАРИЗМ ЗУЛМИ ОСТИДА

А. КУДИНОВ,

философия фанлари кандидати

Янги ТАХРИРДАГИ КПСС ПРОГРАММАСИДА: «Империализм ўн миллионлаб кишиларнинг ёстиғини қуритган иккита жаҳон урушининг айбдоридир. У учинчи жаҳон уруши хавфини солмоқда. Империализм инсоният даҳоси ютуқларини даҳшатли вайрон қилиш кучига эга бўлган қуроллар яратишга хизмат қилдирмоқда. Бутун-бутун халқларнинг тақдирини қурбон қилишга тайёр бўлган империалистик доираларнинг сиёсати бу қурол ишга солиниши мумкинлиги хавфини кучайтирмоқда. Пировард натижада бу нарсаялпи ҳарбий тўқнашувни келтириб чиқариши мумкин, бу можаро натижасида ғолиблар ҳам, мағлублар ҳам бўлмайдиган, аммо жаҳон цивилизацияси ҳалок бўлиши мумкин», деб кўрсатилган.

Айниқса, Америка империализми ҳаддидан ошмоқда. Оқ уй Ер юзининг ҳамма регионларида ҳукмронлик қилишни, бошқа халқларни эса АҚШнинг «хаётий манфаатлари» соҳасига қўшиб олишни истайди. Вашингтон ўзининг экспансионистик даъволарини илгари сургани сайин унинг милитаризмга, қуролланиш пойгасига умид қилаётгани тобора равшан кўринмоқда.

«Коммунизм тинчлик истайди, — деб ёзади антикоммунизм идеологи У. С. Шламм. — У тинчлик шароитида гуллаб-яшнайдиган ва ғалаба қилади. Ғарб эса, агар у омон қолишни истаса, урушишга қатъий бел боғлаши керак. Фақат урушга шай туриш етарли эмас». Ҳозир ҳокимият тепасида турган Америка буржуазияси ўнг қаноти ташки сиёсатининг расмий мақсади социализмга қарши «салб юриши» қилишдан иборат бўлган бир пайтда реакционерлар бундай қақириқлардан тортиниш тугул, аксинча, уларни сурбетларча ошқора ўртага ташламоқдалар.

Антикоммунистик ва милитаристик ваъзхонликлар конкрет ҳаракатлар программасида ўз ифодасини топган. Америка Қўшма Штатлари президенти Р. Рейган 1986 йил февралда расмий эълон қилган «неоглобализм» назарияси АҚШ қуролли кучларининг қаида бешта уруш олиб боришга имкон берадиган жанговарлик қобилияти бўлишини назарда тутадиган, улар қуйидагилардан иборат: Европадаги «чекланган ядровий уруш», Яқин ва Ўрта Шарқ, Жануби-Шарқий Осиё, Африка ва Лотин Америкасидаги урушлар. «Нью-Йорк таймс» газетаси АҚШ муҳофаа ва министри К. Уайнбергернинг Оқ уй хўжайинининг «самовий урушларга тайёргарликдан воз кечгиси йўқлиги» тўғрисидаги фикрини эълон қилди.

Р. Рейган унинг республикачилар партиясига ва ҳукумат кабинетига фойдали бўлган пайтларда вақти-вақти билан «тинчликка интилиш» ҳақида демагогиядан иборат қуруқ гап ва «инсониятни ҳалос этиш» хусусида ибодатлар қилиб туради. Бироқ бу мунофиқона афсунлар Оқ уй ва Пентагоннинг коммунизмга қарши беҳаёларча қилаётган ҳужумлари билан тез-тез бўлиниб туради. У ерда ҳали ҳам илгаригидек куч ишлатишга умид боғлашади ва бунни яширишмайди ҳам. Бунда дунёнинг қолган қисмини Америкага бўйсундиради-

ган устун кучга умид қилишади. КПСС МКнинг XXVII съездга Сиёсий докладада таъкидланганидек, «АҚШ, унинг ҳарбий саноат машинаси милитаризмининг ҳаракатлантирувчи кучи бўлиб қолмоқда, бу машина ўз те лигини ҳозирча қамайтирмоқчи эмас».

Ҳарбийлаштириш буржуа жамиятининг бутун ҳаётига сингиб кетган. Ҳарбий-саноат комплекси мамлакатнинг бутун шаҳарлари ва районлари экономикасига ҳукмронлик қилади. Саноатнинг асосий тармоқлари ҳарбий харидларга боғлиқ бўлиб қолган. Асосан ёки тўла-тўқис ҳарбий маҳсулот чиқаришга ихтисослашган монополиялар вужудга келди.

Мудофаа министрлигининг энг йирик пудратчилари — «Женерал дайн-эмикс», «Боинг», «Локхид». «Женерал электрик», «Нортрон», «Рейтон» ва бошқалар қурул-яроғларнинг энг янги турларини чиқаришни монополия қилиб олиб, 50 минг субподрядчига ўз амрини ўтказди. Улар қурул-аслаҳаларга ҳаддан ташқари катта баҳолар қўйишадик, бу уларга экономиканинг граждан секторида учрамайдиган, мисли қўрилмаган фойда келтиради. Масалан, 80-йилларнинг биринчи ярмида 103 корпорация сарфлаган капиталига 70 процентдан зиёд, 57 корпорация — 120 процентдан ортиқ, 33 таси — 200 процентдан зиёд, 10 таси — 400 процент, иккитаси — 700 процентга яқин ва бир корпорация — 1000 процентдан кўпроқ фойда олган.

Ҳарбий-саноат комплекси — давлат-монополистик капитализмининг энг текинхўр шаклидир. Унинг намояндалари агрессив ниятларини амалга ошириш учун назоратидаги давлат аппарати имкониятларидан тўла-тўқис фойдаланадилар, бунда ўзларининг бойиши учун ҳар бир имкониятни ҳам қўлдан чиқаришмайди ва бутун ўн йилликларга кўп пул ажратилишини олдиндан белгилаб қўйишади. 1981—1985 йилларда Пентагон 1300 миллиард доллар олди. 1986 йилда унга яна 322 миллиард доллар ажратилди. Бу милитаристларнинг тинчлик пайтидаги энг юкори бюджетидир.

Бунчалик катта суммаларга эга бўлган ҳарбий идора ҳаётнинг барча томонларига кенг таъсир ўтказадиган қудратли марказга айланди. У ҳамма штатларнинг ҳукуматларига, илмий, тадқиқотчилик, ўқув муассасалари ва билим юртларига, оммавий ахборот воситаларига иктисодий, сиёсий, социал ва маънавий таъсир ўтказиб келади.

Олисни кўзловчи агрессив ниятларни амалга ошириш учун ўйламасдан ва иккиланмасдан замонавий қурулни, даҳшатли ҳарбий машинани ишга солаверадиган, ҳар қандай буйрукни бажарадиган, вайрон қилиш, ўлдириш, ёқишга шай одамлар керак. Пентагон америкаликларни маънавий ҳаётни ҳарбийлаштиришнинг — мактаб ва колледждан черков ва «оммавий маданият» марказларигача бўлган босқичларидан бошлаб борадиган кишиларни бузишнинг пухта ўйланган системасидан, уларни маънавий тайёрлашнинг улкан механизмидан кенг фойдаланади. «Ҳозирги замон капитализмининг ғайринисоний идеологияси одамларнинг маънавий дунёсига тобора кўпроқ зиён етказмоқда, — дейилади янги таҳрирдаги КПСС Программасида. — Индивидуализмга, зўравонликка ва бебошликка сизғиниш, ёвуз антикоммунизм, маданиятдан бойиш манбаи сифатида фойдаланиш ғоясизликни сингдиришга, маънавий инкирозга олиб боради. Империализм оммавий жиноятчиликни, терроризмни келтириб чиқарди, бу тўлқин капиталистик жамиятни ўз гирдобига олди. Одамларнинг онгини ҳукмрон синф манфаатлари йўлида заҳарлаётган буржуа оммавий ахборот воситаларининг роли тобора фалокатли тус олмоқда».

Бу ҳулосаларнинг тўғрилигини Америка воқелиги тўла-тўқис тасдиқлайди. Оқ уйнинг империалистик сиёсати ҳозир ўз олдига қўяётган мақсадлар шунчалик реакцион, даҳшатли ва умуман инсоният манфаатларига, социал тараккиётга шу қадар зидки, энди уларни никоблаб ҳам бўлмади. Америка милитаризмининг антикоммунистик стратегиясини ҳеч нима билан оқлаб бўлмайди. Шунинг учун ҳам уни «асослаш» учун ёлғон, дезинформация, онгни манипуляция қилиш, яъни маданиятли кишиларга хос бўлмаган методлар ва усуллар керак.

Америка милитаризмининг сиёсатчилари ва идеологлари авантюризмни, ўзларининг ғаразли ниятлари йўлида бошқа халқлар манфаатларини қурбон

килишга тайёр эканлигини оклашга астойдил интилиб, Совет Иттифоки, Варшава Шартномаси мамлакатларининг «ҳарбий жихатдан ғоят устунлиги» тўғрисидаги, «коммунизм хавфи» ва «қизил хавф-хатар» ҳақидаги уйдирма гапларни важ қилиб кўрсатадилар. Бунда пропаганда «истеъмолчиларининг» ҳарбий масалалардаги нуқонлигидан, беҳабарлигидан беҳаёларча фойдаланилади.

Милитаризм амалдаги маънавий таъсир кўрсатиш форма ва методларини буржуа давлати ҳукмрон доираларининг неоглобалистик мақсадларига мувофиқлаштириш учун бу доираларни пропаганда аппаратини янгичасига йўналтиришга, унинг структурасини қайта қуришга, идеологик асбоб-ускуналарни қайта жиҳозлашга, мазкур форма ва методларни қайтадан текшириб чиқишга мажбур қилмоқда. Буларнинг ҳаммасига мудофаа министрлиги бошчилик қилиб турибди. Унинг ихтиёрида улкан радио ва телевидение тармоғи: 400 га яқин станция, шу жумладан чет элларда 40 дан зиёд йирик телемарказ бор. Ҳамма штатларда ва кўпгина давлатларда тарқатиладиган қарийб 1500 газета ва журнал, пропаганда хизматлари ва ҳарбий-саноат корпорацияларидаги тегишли бўлимлар ҳарбий идорага қарайди.

В. И. Ленин капиталистик мамлакатлардаги қуроли кучларни «эски тузумни қўллашнинг энг мустаҳкам қуроли... буржуа интизомининг, капитал ҳукмронлигини қўллашнинг, меҳнаткашларни унга қўлларча муте қилиб қўйишни ва итоат қилдиришни сақлаш ва асрашнинг энг мустаҳкам таянчи» сифатида таърифлаган эди (Тўла асарлар тўплами, 37-том, 342-бет). Бу таъриф маънавий ҳаётнинг ҳарбийлаштирилиши оммавий характер ва даҳшатли кўлам касб этган АҚШ аҳволини кўриб чиқишда яна ҳам актуал ҳисобланади.

Болалар ҳали ёш пайтида, энди мактабга қатнаши билан уларни ҳарбий базаларга олиб боришади. Уларга у ерда ҳозирча ўқув-машқ қуроли беришади. Инструкторлар уларни отишга, граната иргитишга, совуққонларча ўлдиришга ўргатишади. Бундай дарсларда болалар онгига ҳозир «ўта қудратли одам» бўлиш кераклиги, бўлмаса «омон қолиш мумкинмас»лиги, урушнинг «бизнес»лиги, унда яхшигина «пул ишлаб олиш» мумкинлиги, яхши яшайман деган одам бошқаларни талаши зарурлиги сингдириб борилади.

Ўрта мактабларда «коммунизм ҳақидаги курс» деб аталадиган «ўқув» фани киритилган. Калифорния университетининг маориф ишлари бўйича инспектори Бреккли Ю. Маккрери бу курс мазмуни тўғрисида шундай ёзади: «...Махсус антикоммунистик ёки Америкача курслар... бу предметларнинг ўта ачинарли даражадаги билимсизлигини акс эттиради. Кам ривожланган мамлакатлардаги оч ва ночор халқларнинг кўпинча революцион ўзгаришларни талаб қиладиган қонуний интилишларини коммунистик фитналарга чиқариб қўйишади. Ҳар қандай ислохот ёки тараққиёт хавф-хатар деб ҳисобланади...»

Ҳозирги империализм ва унинг соҳиблари — эксплуататорлар синфи, ҳарбий-саноат комплекси сиёсатчилари ва идеологлари милитаризмнинг ижтимоий-тарихий ҳодиса сифатидаги социал моҳиятини ташкил этадилар, зеро улар манфаатлари ўзларининг ҳукмронлигини сақлаб қолиш ва кенгайтириш мақсадида зўрлик ишлатишни талаб қилади. «Тарихий ривожланишнинг бориши империализм позицияларини кучлироқ емиргани сайин унинг энг реакцион кучлари сиёсатининг халқлар манфаатларига душманлиги ортмоқда, — дейилади янги таҳрирдаги КПСС Программасида. — Империализм ижтимоий тараққиётга жуда қаттиқ қаршилик қилмоқда, тарихнинг боришини тўхтатиб қолишга, социализм позицияларини кўпоришга, жаҳоншумул микёсда социал қасос олишга уринмоқда».

Социализмга қарши «салб юриши» антикоммунизм ва ҳарбий васвасанинг лойка оқимларини вужудга келтирди, бу оқимлар бир ўзанга қўшилиб, бутун Американи чулғаб олди. Унда «американизм»ни шовинистларча қўқларга кўтариш энг юқори чўққига чиқиб, айни бир пайтда бошқа халқларга нисбатан нафрат ва ғазаб ҳислари тарбияланмоқда. Чикаго қасаба союзининг гувоҳлик беришича, америкалик болаларга АҚШ тарихини «ғоят милитаристик ва иркчилик руҳида» тақдим қилишади. Ўрта мактаб ўқувчилари учун 12 та дарслик ана шу руҳда ёзилган.

Харбийлар олий мактабдан ҳам ўз манфаатлари йўлида изчил фойдаланмоқдалар. Америкалик журналист Ф. Гейелиннинг фикрича, олий ўқув юртларидаги студент-ёшлар кўзга кўринарли ва кўринмас минглаб иплар билан харбий аравага боғлаб қўйилган, АҚШнинг миссияси «жаҳонга ҳукмронлик қилиш», «дунёнинг андасини Вашингтондан туриб бичиш» лозимлиги тўғрисидаги фикр юзлаб усуллар билан улар онгига сингдирилади, бунда ҳар қандай воситадан фойдаланилади. «Ўлдириш» — ана шундай воситалардан бири бўлиб, у америкалик студентларнинг энг кенг тарқалган ўйинидир. Студент ҳисобидаги «қурбон»лар қанча кўп бўлса, очколар ҳам шунча кўп бўлади. Голибга пул мукофоти берилади. Чемпионни телевидение оркали кўрсатилади.

Барча оммавий ахборот воситалари милитаризм ва урушни системали тарғиб қиладилар. Улар ичида айниқса телевидение кўп иш қияпти. Афтидан, АҚШнинг маънавий ҳаётидаги барча энг бемаъни, ёвуз ва шафқатсиз нарсаларнинг ҳаммаси телекўрсатувларда ўз ифодасини топмоқда. Экранлардан қотилликлар, қирғинлар, зўравонликлар кетма-кет кўрсатилади. Ҳамма: эркаклар, хотинлар, болалар, қизлар қотиллик қиладилар. Ишқ-муҳаббат уруш туфайли, ватанпарварлик ва бошқача маслак йўқлиги учун ўлдирадилар. Пистолетлардан отиб ва доимо энг ичида бўладиган предметлар билан уриб, битталаб ва қаторасига ўлдиришади. Пентагоннинг «Америкэн мэрин кор» газетаси завқ билан қайд қилади: «Агар сиз одамларни урушни ва зўравонликни қабул этишга ўргатишни мақсад қилган бўлсангиз, телевидение урушни қойил қилиб ёритяпти. Зўравонлик оқими болалар хоналаридаги «қотиллик ўйинчоқларидан», пистолетлар ва хилма-хил уруш қуролларидан бошланиб, рекламанинг таъкидлашича, улар ҳатто мактабгача ёшдаги болалар учун ҳам яроқли. Бундай ўйинчоқлар қотиллик — кўнгилхушлик, уруш эса — яхши нарса эканлигини ўргатади».

Статистиканинг аниқлашича, америкалик бола балоғатга етгунича телеэкранларда 130 мингдан зиёд кишининг қурбон бўлишини кўради. Шунини айтиш керакки, америкалик оила ўртача олганда ҳафтасига 44 соат вақтини телевизор олдида ўтказди, бошқача айтганда, ишдан кўра телевизор кўришга кўпроқ вақт сарфлайди.

Кинога ҳам милитаризм руҳи сингиб кетган. Яқинда Оқ уйда кўп сонли журналистлар ва меҳмонлар иштирокида «Супермен — 3» фильми намойиш қилинди. Номиданок кўриниб турибдики, бу картина ниҳоятда зўр қудратли «қахрамон» — ҳаддан зиёд қучли одам тўғрисида, бу одам ёруғлик тезлигида учишга ва ҳатто Ер шарини тесқарисига айлантиришга қодир. Дарҳақиқат, Пентагон ниятини кинематографчилар экранда гавдалантиришган. Милитаристларга қолса чиндан ҳам Ер шарини бошқа томонга буриб юборса. Бирок кинода қилиш мумкин бўлган ишни ядрочи телбалар қанчалик орзу қилишмасин, ҳақиқатда амалга ошириб бўлмайди.

АҚШ империализми кетма-кет мағлубиятга учрамоқда. Кескинлашаётган зиддиятлар, сиёсий жанжаллар Америка жамиятини ичидан зир титратмоқда. Аҳоли ўртасида маънавий инқироз ўсмоқда ва чуқурлашмоқда. Буржуазия янгича афсоналар, «тоза» идеологик наркотик моддаларни изламоқда ва яратмоқдаки, бу нарсалар америкалик обивателларнинг руҳини кўтаришга, Америка муштумининг ҳар нарсага қодирлигига ишончини қайта тиклашга, гўёки Америкага ҳамма нарса мумкинлигини кўрсатишга қаратилгандир. Жумладан, «самовий урушлар» тўғрисидаги фильмлар серияси ҳам шу изланишларга хизмат қилади. Уларнинг мақсади — Пентагоннинг фақат қнопкаларни манипуляция қилиш билан, ҳеч қандай қурбонсиз ядровий урушда ўтиб чиқиш мумкинлиги тўғрисидаги фикрни томошабинлар онгига сингдириш. Ядровий зарба берилиши мўлжалланаётган томоннинг ишончли жавоб топиши мумкинлиги тўғрисидаги факт томошабинлардан жинояткорона тарзда яширилади.

Советларга қарши кампания киночи қорчалонларнинг осон даромад манбаига айланиб қолди. Бу кампания ҳар турли қалбакиликлар ва қўпол ўйдирмаларга, шунингдек Вьетнамга қарши мавзу — Жонни Рэмбонинг Вьетнамдаги, Лаосдаги саргузаштлари тўғрисидаги «Рэмбога шайдоликлар»га

тўлиб-тошган. «Биринчи кон», «Америкалик қаҳрамон Рэмбо сени чорлайди» деган доврўғи кетган кинофильмларда ханжар, улкан камон, автомат билан куролланган профессионал қотил душманини бир четдан бурдалаб ташлайверади. Янги чиққан қаҳрамонга маҳлиё бўлган кинозалдаги оломон завқ-шавкка тўлиб кийкиради. Кинотеатрлар олдидаги навбатларнинг чеки йўқ. Бош роль ижроқиси С. Сталлоне ўзини кўз-кўз қилади: «Одамлар ўз ватанпарварлигини изхор этиш учун кўпдан бери пайт пойлашарди. Биз уларнинг ҳис-туйғуларини жиловлаб турган тўғонни кўпориб, ёрдам бердик. Рэмбо — бу жанговар машинадир, уни тўхтатиш ва бузиш мумкин эмас». «Тайм» журналининг тан олишича, «Рэмбога шайдоликлар» штатлар бўйлаб шунчалик тез тарқалмоқдаки, унинг тезлиги экранда Рэмбонинг ўзи чиқарадиган ёнғинлар ва портлашлардан ҳам шиддатлироқдир. Магазинлар нафақат қотил киёфаси акс этган майкаларга, шу билан бирга у ўз душманларига қирғин келтирган турлитўман курол-аслаҳаларга ҳам тўлиб тошган. Бугунги кунда расмий Америка ана шундай «қаҳрамонлар»га тенглашмоқда, уларга Ок уйда қарсақлар чалишмоқда.

Америкаликлар бундай фильмларни кўп «истеъмол» қиладими? АҚШнинг прогрессив жамоат арбоби М. Лернер шундай ёзади: «Америкалик болаларни бешафқат бўлишга ўргатишади, агар улар ҳиссиётга берилса ёки инсоний ҳис-туйғуларини намоён қилса, улардан кулишади. Америкада картинада агар бир нечта ўлим бўлмаса, уни яхши деб ҳисоблашмайди».

Уруш ва у келтириб чиқарадиган зўравонликлар ва қотилликлар бадий адабиётни ҳам тўлдириб юборган. Ғоят ўнг қарашларга амал қиладиган ёзувчилар куч-ғайратларини «ижобий» тип, корчалон ва «ўта қудратли одам» образларини яратишга қаратишган. Масалан, новеллачи М. Спиллейн асосан милитаризм манфаатларига мос келадиган йўлда фаолият кўрсатади. Унинг «Пистолетлар кун», «Улкан қотиллик», «Менинг револьверим эпчил», «Қонли кун чиқиш», «Ўлим дастёрлари» (жами 30 га яқин) романларида иллатлар тўпланган бўлиб, гангстерлар «ўта қудратли одам»лар қилиб кўрсатилади. Бундай асарлар ҳамма нарсаси — одамларга, бошқа давлатларга, инсониятга нафрат ҳисси билан суғорилгандир.

80-йилларда АҚШнинг маънавий ҳаётида ҳарбий-саноат комплексининг қудратли таъсири билан боғлиқ бўлган янги босқич бошланди. Пентагон америкаликлар онгидан кескинликни юмшатиш ва халқаро ҳамкорлик ғояларини чиқариб ташлашга, ҳарбий психозга янгича импульс беришга уринмоқда. Мисли кўрилмаган куролланиш пойғасининг янги программалари интенсив суратда ишлаб чиқилмоқда, аслида мамлакатдаги сиёсий ва психологик муҳит уларни амалга оширишга тайёр эмас. Бу муҳитни «неоглобализм» назариясининг максадлари ва вазифаларига тезроқ мувофиқлаштириш учун ижтимоий фикрга «шиддатли ҳужум кампаниялари» авж олдириб бoборилди. Антисоветизмни ва «ядровий милитаризм»ни тарғиб қиладиган эски ташкилотлар фаоллашди, янгилари кетма-кет пайдо бўла бошлади.

Буржуа идеологик системасининг бошқа кўп сонли секторлари орасида «оммавий маданият» маънавий экспансия учун катта имкониятларга эгаллиги билан ажралиб туради. Оддий кўнгилхушликлар ва сохта бадий маҳсулотлар шаклига кириб олган «оммавий маданият» ҳозирги электрон техника қудратига таяниб, нафақат буржуа дунёси доирасида, шу билан бирга ундан ташқарида ҳам ёйилмоқда. Бундай «маданият» буржуа дунёсида тўла ҳукмронлик қилмоқда. Америкалик социолог М. Чукаснинг ёзишича, маънавий ҳаётнинг интенсив ҳарбийлаштирилишидан мақсад «умуман нарсалар моҳиятини уқиб олиш, танқидий ва оқилона фикрлаш қобилиятидан холи, энг паст эмоционал аҳволга етказилган кишини яратишдир».

Агрессия ва урушлар учун курашувчилар ҳарбий-саноат комплексига хизмат қилувчи черков арбобларига тобора кўпроқ мурожаат қилмоқдалар. Масалан, жаҳолатпараст «руҳоний» Д. Фолуэлл раҳбарлик қиладиган «Маънавий кўпчилик» ҳаракати америкаликларни террор қилмоқда. Телевиденининг 392 канали, 500 дан зиёд радиостанция унинг «ибодатлари»ни миллионлаб граждaнлар уйига олиб қиради. «Маънавий кўпчилик» 50 штатда

амал қилади, 72 минг черков билан алоқа ўрнатган, унинг кўплаб «шуъба» ташкилотлари бор. У америкаликлар орасида мунтазам варақалар тарқатиб боради. Масалан, шу варақалардан бирида шундай дейилади: «Агар биз ўзимизнинг ҳарбий қудратимизни тикламасак, унда руслар кунларнинг бирида телефон трубкасини кўтариб, Вашингтонга қўнғирок қилиши ва бизнинг капитуляция қилиш шартларимизни айтиши мумкин. Бу воқеа рўй берган куни Америка бутунлайига инкирозга юз тутди. Бизнинг озодлигимизнинг бой берилиши — 80-йилларнинг энг катта хавфидир».

Д. Фолуэллнинг ваъзхонликлари буклетлар холида нашр этилади ва АҚШда, Ғарбий Европада, бошқа регионларда тарқатилади. Мана улардан бири: муковасида — ядровий кўзикорин. Кўзикорин қалпоғида: «Армагеддон ва Россия билан бўлажак уруш» деб ёзилган. Биринчи саҳифадаёқ обивателни титроққа соладиган ва мушкул аҳволга туширадиган шундай сўзлар дарров кўзга ташланади: «Халқларни йўлдан оздириш учун иблис йўлга чиқади. Бирок осмондан олов тушади ва уларни ўз қомига тортади. Ҳа, суюнинглар, фарзандларим. Муқаддас олов коммунистик хавфга батамом чек қўяди!» Американинг ҳозирги маъмурияти Фолуэллни «революциялар даврининг ҳақиқий ватанпарвари» қилиб кўрсатаётганига ажабланмаса ҳам бўлади.

В. И. Ленин буржуа пропагандаси меҳнаткаш омма кўзи ўнгида социализмни обрўсизлантириш, ўзининг ҳарбий тайёргарлигини оқлаш умидида «қизил милитаризм» деб аталадиган нарсга тўғрисида шов-шув кўтариш учун ҳар доим баҳона топади, деб огоҳлантирган эди. Владимир Ильич бундай афсоналар муаллифлари тўғрисида шундай деган эди: «...булар сиёсий муттаҳамлар бўлиб, булар ўзларини гўё шу аҳмоқликка ишонган кишилар қилиб кўрсатадилар ва суриштирмай-нетмай ҳаммаёққа шу хил айбларни тарқатадилар, ва бунинг учун сохта далиллар тўкиб чиқариш ва омманинг кўзига қум пуркаш учун ўзларининг адвокатлик маҳоратларидан фойдаланадилар» (ТАТ, 38-том, 60-бет).

АҚШдаги милитаристик пропаганда империализм идеология системасининг энг жўшқин, тутқич бермас, таъсирчан ва қудратли қисмидир. Унинг ҳалокатли таъсир кучини ва миқёсини қамайтириб кўрсатиш катта хато бўлур эди. Биз жуда тажрибали синфий душман билан юзма-юз турибмиз, унинг асрлар давомида тўплаган сиёсий тажрибаси хилма-хилдир. У замонавий техника воситалари билан қуролланган, социализмнинг устумон ғанимларидан иборат жуда катта аппаратга эга бўлган ёпирилма пропаганданинг ғоят катта машинасини яратган.

Милитаристик пропаганданинг кучига ортикча баҳо бериш ҳам керак эмас. Дунёда инсоният томонидан тўпланган буюк маънавий бойлик ва социализмнинг буюк маънавий қадриятлари ҳам мавжудки, улар кишиларнинг инсон бўлиб қолишларига ёрдам беради. Инсоният ақлини йўқотмаган, йўқотмайди ҳам. Бу бутун дунёда авж олган ва турли социал ва сиёсий масаладаги миллион-миллион кишиларни қамраб олган ракетага, урушга қарши ҳаракатда бор куч билан намоён бўлмоқда. Жаҳон ҳамжамиятининг қўпчилиги, шу жумладан социалистик мамлакатлар, қўшилмаган давлатлар халқлари, капиталистик мамлакатлар меҳнаткашлари тинчликни сақлаб қолиш тарафида.

Бугунги кунда телбаларча қуролланиш пойгасига, уруш тарғиботига қарши, тинчликни ҳимоя қилиш учун овоз бераётган ҳар бир кишининг ишончи қомил бўлсинки, Совет Иттифоқи, бошқа социалистик мамлакатларнинг сиёсати ана шу мақсадларга эришишга йўналтирилгандир. На атом бомбалари, на милитаристик телбаликлар билан халқларни кўрқитиш, тарих ғилдирагини тўхтатиб қўйиш асло мумкин эмас.

ХАЛҚ ЖАСОРАТИ ҲАҚИДА

КПСС реакцион империализм кучлари термоядро урушини бошлаб юбориш хавфи мавжуд ҳозирги мураккаб шароитда социалистик Ватанни ҳимоя қилишга доир тарихий тажрибани ҳар томонлама ўрганиш ва умумлаштиришга, кишиларни совет ватанпарварлиги ва социалистик интернационализм руҳида тарбиялашга катта эътибор бермоқда. Ана шу муҳим ишга бағишланган босма нашрлар ичида уч томдан иборат «Ўзбекистон ССР Улуғ Ватан уруши йилларида (1941—1945 йиллар)»^{*} номли тадқиқот ҳам бор. Асарда совет кишиларининг душман устидан қозонган ғалабасига республика меҳнатқашлари қўшган ҳисса ҳар тарафлама очиб берилади. Авторлар коллективи талай миқдордаги янги ҳужжатлардан фойдаланишган, Ўзбекистон тарихчилари олдинги даврда шу проблема бўйича олиб борган изланишларни умумлаштиришган.

Улуғ Ватан уруши йилларида фронтни кўп турдаги қуро-аслаҳа, мудофаа саноатини ҳам ашё билан таъминлаган Ўзбекистон Совет Армиясининг йирик аслаҳа-хоналаридан бири бўлган эди. Тадқиқотда Ўзбекистон Компартиясининг бу ишдаги катта роли, унинг омма билан алоқасининг кучайганлиги ишонарли мисолларда кўрсатилган.

Республика социал-иктисодий турмушининг ҳарбий изга солиб, қайта қурилиши илмий позициядан туриб акс эттирилган. Бу ерда қисқа — бир ойдан олти ойгача бўлган муддат ичида мамлакатнинг ғарбий районларидан эвакуация қилинган юздан зиёд корхона қайта тикланди ва ишга туширилди. Илгаридан ишлаб турган завод ва фабрикаларнинг катта қисми тез вақт ичида ҳарбий маҳсулот ишлаб чиқариш учун қайта қурилди.

Урушга кетганлар ўрнига одам топишдек мушкул проблема моҳирона ҳал қилинди.

1943 йилга келиб юз минглаб кишилар таълимнинг ҳар хил турлари билан камраб олинган эди, шулардан саноат ишлаб чиқаришида қатнашувчиларнинг кўпчилигини ва қишлоқ хўжалиги меҳнатчиларининг асосий қисмини хотин-қизлар ташкил этарди.

Совет фронти орқаси фронтни барча зарур нарсалар билан ишончли суратда таъминлаб турди. Тадқиқотда республика саноат потенциалининг жўшқин ривожланиши, ишчилар синфи ва деҳқонларнинг меҳнат қаҳрамонлиги, фан ва маданиятнинг юксалиши, фронт орқаси билан фронт алоқаларининг мустаҳкамланиши, идеологик иш кўрсатиб берилган (II томнинг 5, 45—68, 177-бетларига қаралсин).

Улуғ Ватан уруши СССР халқларини янада мустаҳкамроқ жипслаштирди. Умумий хавф-хатар пролетар интернационализмининг ғалаба учун курашда қудратли кучга айлантирди. Ўзбекистонлик ишчилар ва деҳқонлар нафакат ўз республикасида, шу билан бирга ундан ташқарида ҳам фидокорона меҳнат қилдилар. Маккор душман билан олишувда мақсад бирлиги совет жамиятидаги барча социалистик миллатларнинг, социал табақаларнинг дўстлигини янада мустаҳкамлади. Ишчилар синфи билан қолхозчи деҳқонлар иттифоқи янада жипслашди.

1943 йил нафакат урушининг боришида, шу билан бирга совет фронт орқасидаги ишда ҳам кескин бурилиш йили бўлди. Бу республика ишчилар синфи, деҳқонлари, зиёлиларининг мисли кўрилмаган меҳнат кўтаринкилиги натижасида рўй берди деб таъкидлашади авторлар. Иш қучи, техника ва механизмларнинг етишмаслиги, шунингдек халқ моддий аҳолининг оғирлигини енгиб ўтиш жуда катта қуч-ғайрат талаб қилди. Одамлар бундай аҳволга ўзларининг ватанпарварлик бурчларини тушунган ҳолда муносабатда бўлдилар, бу бурчни шараф билан адо этишга ҳаракат қилдилар. Масалан, партия Марказий Комитети ва Совет ҳукумати 1943 йил якунларига баҳо берар экан, Ўзбекистон қишлоқ хўжалигининг

^{*} Ўзбекская ССР в годы Великой Отечественной войны. Ташкент, «Фан», т. II, 1983, 288 с, т. III, 1985, 340 с. Биринчи томга тақриз «Ўзбекистон коммунисти»нинг 1982 йилги 2-сонига босилган.

Қизил Армия ва аҳолини озик-овқат билан, sanoатни эса — хом ашё билан жиддий узилишларсиз таъминлаб турганлигини қайд қилган эди (II том, 142-бетга қаралсин).

Улуғ Ватан уруши йилларида республика фани ва маданияти юксалишда давом этди. 1943 йили Ўзбекистон ССР Фанлар академияси ташкил қилинди. Фаннинг ишлаб чиқариш билан алоқаси қучайди, илмий тадқиқотлар комплекс характер касб этди, олимларнинг геологик қидирувлардаги, ярдорлар ва касалларни даволашда янги методларни қўллашдаги ҳамдўстлиги янада кенгайди. Уша даврда халқ маорифига катта эътибор берилди. Ўзбекистон ёзувчилари меҳнаткашлар орасида катта ғоявий-тарбиявий иш олиб бордилар.

Тақриз қилинаётган нашрда Ўзбекистонлик жангчиларнинг Сталинград остоналарида, Курск ёйида, Днепрни кечиб ўтишда ва бошқа катта ва кичик жангларда кўрсатган қаҳрамонликлари батафсил ёритилган, уларнинг юксак жанговар малакаси ва матонат, душман билан курашдаги мардлиги кўрсатилган; солдатлар ва офицерлар орасида олиб борилган сиёсий-оммавий ишлар, ўзбек тилидаги фронт матбуотининг жангчиларни ғоявий тарбиялашдаги роли таърифланади. Ўзбекистоннинг кўпгина кўзга кўринган журналистлари фронтда бўлишган, улардан 30 дан кўпроқ киши Ватан учун ўз ҳаётини қурбон қилди. 1943 йил охирига келиб фронтларнинг сиёсий бошқармалари СССР халқлари тилларида 47, шу жумладан ўзбек тилида 11 газета чиқарар эди (II том, 218-бетга қаралсин).

Урушнинг сўнгги босқичига келиб республикада катта ташилотчилик тажрибаси тўпланди, халқ хўжалигига партиявий ва давлат раҳбарлиги даражаси ошди, партия ташилотлари ва уларнинг жанговарлиги янада ўсди, Советлар, касаба союзлари ва комсомол фаолиятига партия таъсири қучайди, идеология иши янги босқичга кўтарилди. Кўпгина турдаги ҳарбий маҳсулотлар, халқ истеъмоли молларини тобора жадал суръатлар билан ишлаб чиқараётган Ўзбекистон sanoати катта муваффақиятларга эришди.

Маълумки, урушнинг биринчи ва иккинчи босқичида Ўзбекистонда пахта экиш кескин камайган эди. Шуни ҳисобга олиб, ВКП(б) МК 1944 йилда Ўзбекистон ССРда пахтачиликни қайта тиклаш ва ривожлантириш тадбирлари тўғрисида қарор қабул қилди. Қарорда республика пахтачилигида юзага келган аҳвол чуқур анализ қилиниб, ялпи пахта ҳосили кескин камайиб кетишининг ва қишлоқ хўжалигига раҳбарлик қилишда йўл қўйилган хатоларнинг сабаблари очиб ташланди, 1944 йилдаёқ пахтачиликда урушдан олдинги даражани

таъминлаш ва уни янада юксалтириш учун зарур шароит яратиш вазифаси қўйилди (III том, 111—112-бетларга қаралсин). Бу кўрсатмаларни амалга ошириш учун Ўзбекистон Компартияси МК ва республика ҳукумати пахта экин майдонларини кенгайтириш, алмашлаб экишдан чиқиб қолган суғориладиган ерларни қайта тиклаш ва ҳоказо бўйича шошилиш чора-тадбирларни кўрдилар.

Китобнинг ўзбекистонлик жангчилар тўғрисида, уларнинг социалистик Ватанга, Советлар Мамлакатини ҳимоя қилиш ишига чуқур садоқати, партизанлар ҳаракатидаги, милитаристик Японияни тор-мор этишдаги иштироки тўғрисида ҳикоя қиладиган боблари катта қизиқиш уйғотади ва республика аҳолиси, айниқса ёшларни ватанпарварлик руҳида тарбиялашда муҳим аҳамият касб этади (III том, 240, 247—263, 278-бетларга қаралсин). «Ўзбекистонликлар — Европа мамлакатларидаги Қаршилиқ ҳаракати қатнашчилари» бўлими диққатга сазовор. Ўзбекистонлик 280 киши жасурлиги ва мардлиги учун Совет Иттифоқи Қаҳрамони унвони билан тақдирланди, юз минглаб жангчилар Ватаннинг орден ва медаллари билан муқофотланди (III том, 311-бетга қаралсин).

Шуни қайд қилиш керакки, тақриз қилинаётган томлар авторлари нафақат тарихчиларнинг урушдан кейинги бутун даврда шу проблема бўйича эришган ютуқларини умумлаштиришган, шу билан бирга улар кам ўрганилган масалаларни ёритишга муайян ҳисса қўшишган. Масалан, Ўзбекистонда уруш йилларидаги партия қурилиши, ўзбекистонликларнинг республикадан ташқаридаги мудофаа объектларини қуришдаги иштироки, ўзбек жангчилари ўртасидаги сиёсий-оммавий иш ва ҳоказолар биринчи марта кўриб чиқилган. Авторлар фашист босқинчиларга қарши курашда ўзбек халқи кўрсатган ватанпарварлик жасоратининг аҳамиятини камситишга уринаётган буржуа историографиясини танкид қиладилар.

Шу билан бирга нашрда камчиликлар ҳам мавжуд. Масалан, sanoатнинг ҳарбий йўсинда қайта қурилиши нима эканлиги тўла кўрсатилмаган. Авторлар бу тадбирни асосан мамлакатнинг ғарбий районларидан эвакуация қилинган корхоналарни қайта тиклаш ва янги sanoат қурилиши билан айнан бир хил деб кўрсатгандек тасаввур ҳосил бўладики, бу мутлақо тўғри эмас. Тадқиқотда Ленин партияси урушнинг оғир синовли йилларидаги барча жанговар ва меҳнат ғалабаларининг ташилотчиси ва илҳомчиси бўлганлиги тўғри таъкидланади. Лекин республика партия ва давлат раҳбарлигининг фаолияти охиригача очиб берилмаган, жумладан, Ўзбекистон Компартияси МК Бюроси ва Секретариати ишига жуда кам эътибор берилган.

Кўпгина масалалар бўйича бой материал келтирилгани ҳолда уруш йилларида фан ва маданиятнинг ривожланишига бағишланган боб мазмунан кашшоқ бўлиб қолган (II том, 143—177-бетларга қаралсин). Бунинг устига, бутун бир бўлим — санъат тушиб қолган. Ҳолбуки, ўша даврда бутун санъат ходимлари ғоят кенг фаолият кўрсатишган эди. Халқни жасоратга илҳомлантирган оқинлар ижоди айниқса оммалашиб кетган эди. Фронтларда ва фронт орқаси меҳнаткашлари учун минглаб концертлар берган, фронтга борган артистлар бригадалари катнашчилари, театр ва музика ташкилотларининг ходимлари тўғрисида ҳам ҳудди шундай дейиш мумкин. Ўзбекистон рассомлари ҳам урушнинг дастлабки кунларидан жанговар вахтада турган эдилар. Республика шаҳарларидаги кўрғазмали агитация — шиорлар, чакириклар, сиёсий карикатуралар — буларнинг ҳаммаси машаққатли кунларни, душман билан шафқатсиз курашни акс эттирарди. Рассомлар фронтга бориб уруш манзараларини тасвирловчи картиналар яратдилар, ўзбекистонлик жангчилар портретларини чиздилар, ўз асарларида фашистларнинг советлар ерида қилган ёвузликларини қайд қилдилар. Афсуски, уруш йилларида илҳомлантирувчи

роль ўйнаган бундай жиҳатлар авторларнинг деярли эътиборидан четда қолган.

Ўзбекистонга эвакуация қилинган атоқли кино арбоблари билан ҳамкорликда 1941—1945 йилларда ажойиб фильмлар яратган ўзбек кинематографчилари иши ҳақида ҳам янада кўпроқ ва яхшироқ ҳикоя қилиш мумкин эди, ваҳоланки бу фильмларни ҳозир ҳам катта қизиқиш билан томоша қиладилар. Ижодий союзлар ва ташкилотлар, Ўзбекистон санъатининг атоқли вакиллари — Тамарахоним, Мукаррама Турғунбоева, Ҳалима Носирова ва бошқаларнинг уруш йилларидаги катта фаолияти ҳам авторларнинг эътибор доирасидан четда қолган. Ҳуллас, мазкур мавзуга доир мавжуд фактик материалдан тўлалигича фойдаланилмаган.

Бу мулоҳазалар Ўзбекистон меҳнаткашларининг меҳнатда ва жангдаги сўнамас жасоратини, кўп миллатли Ватанимизнинг шон-шарафи ва озодлиги учун умумхалқ курашига улар қўшган ҳиссани ҳужжатлар асосида ва ёрқин акс эттирган мазкур асарнинг қимматини сира ҳам қамайтирмайди.

В. ЕФИМОВ,
тарих фанлари доктори.

КАТТА ЁШЛИЛАР ТАЪЛИМИ ПРОБЛЕМАСИГА БАҒИШЛАНГАН ТАДҚИҚОТ

МАМЛАКАТИМИЗНИНГ бошқа қардош республикаларида бўлгани сингари Ўзбекистонда ҳам ишчи ва деҳқонларни социализм қурилишида актив иштирок этишга жалб қилиш мақсадида катта ёшдаги аҳолига таълим бериш ҳамда маърифат тарқатиш масаласи маданий революциянинг энг муҳим таркибий қисмларидан бири бўлди. Бунинг учун барча типдаги умумий таълим мактаблари, халқ университетлари ва ишчи факультетлари очилди, маданий-маърифий муассасалар қурилди. Ж. Ҳасанбоевнинг китобида* уларнинг катта ёшлиларга таълим беришдаги иш тажрибаси умумлаштирилган.

Катта ёшлиларга таълим бериш мақсадлари ва вазифаларини В. И. Ленин назарий жиҳатдан асослаб берган эди, деб таъкидланади китобда. Хусусан бу мақсад ва вазифалар 1919 йилда РКП(б) VIII съезди

қабул қилган партия Программасида таърифлаб берилган эдики, мазкур Программани тузиб чиқишда Владимир Ильич бевосита иштирок этганди.

Сиёсий маориф муассасасининг мактабдан ташқари бўлими ташкил этилиши Туркистон меҳнаткашларини маърифатли қилишда катта роль ўйнади, бу бўлим асосан катта ёшлилар учун кечки умумий таълим мактаблари тармоғини кенгайтириш билан шугулланар эди. Муаллиф мазкур бўлим фаолиятини анча батафсил ёрита олган.

Кўп миллатли Туркистонда катта ёшлилар таълимини йўлга қўйишда регионнинг маданий-иқтисодий қолоқлиги, бой-феодалча муносабатлар, аксилинқилобчи элементларнинг хуружлари, зиёлиларнинг қамлиги ва маҳаллий миллатларнинг вакилларида зиёлиларнинг деярли йўқлиги, мамлакатда граждандар уруши давом этаётганлиги ва бошқа кўплаб сабаблар билан боғлиқ муайян қийинчиликлар мавжуд эди (53-бет). Шунга қарамадан, деб қайд

* Ж. Ҳасанбаев. Становление и развитие общего образования взрослых в Советском Узбекистане. Ташкент, «Укитувчи», 1986, 220 с.

килади муаллиф, 1921 йилдаёқ республика территориясида 300 га яқин саводсизликни тугатиш мактаблари ва курслари ишлай бошлаган эди.

Китобда партия, совет ва жамоат ташкилотларининг ҳамда халқ маорифи органларининг туб ерли аҳоли таълимини ошириш учун зарур шарт-шароитларни яратиш соҳасидаги ишлари кўрсатиб берилган. Саводсизлик ва чаласаводчилиқни тугатиш тўғрисидаги Ленин декрети кенг пропаганда қилинарди, шу масалага бағишланган съездлар, конференциялар, курултойлар ўтказиб туриларди, турли саводсизликни тугатиш курслари ва мактаблари ташкил этиларди, ўқитувчилар ва маданий армиячилар тайёрланар, бошқа тадбирлар амалга оширилари.

Бухоро ва Хоразм Халқ Совет Республикаларида катта ёшлиларга таълим бериш маҳаллий хусусиятларни ҳисобга олган ҳолда йўлга қўйилди.

Ўзбекистон ССРда мактаб қурилиши кенг авж олдириб юборилди. Бу ерда саводсизликни тугатиш ва маданий-маориф муассасалари тармоғини вужудга келтириш соҳасида таъсирчан чора-тадбирлар кўрилди.

1926—1927 йилларда Ўзбекистон ССРнинг 15 ёшдан 35 ёшгача бўлган аҳолиси орасида саводсизлик ҳали тугатилмаган эди. Бу республика партия ташкилотидан меҳнаткашларда савод чиқаришга қизиқишни тарбиялашга янада кўпроқ куч-қайрат сарфлашни талаб қилди. Бу ишнинг натижаси тезда кўзга ташланиб қолди.

Китобнинг бўлимларидан бирида партиянинг ўзбек хотин-қизлари маданий даражасини оширишга қаратилган сиёсатининг моҳияти очиб берилган. «Хужум» ҳаракати тўғрисидаги ҳикоя улар активлиги ошиб борганлигини ёрқин кўрсатадики, бу ҳаракатнинг мақсади республика хотин-қизларини озодликка чиқаришдан иборат эди. «Актив пропаганда ва сиёсий-тарбиявий иш тўғрисида...» — деб ёзади Ж. Ҳасанбоев, — минглаб ўзбек хотин-қизлари заводларга, фабрикаларга ишга кирдилар, колхозларда ишлай бошладилар, техникумларда, олий ўқув юртларида ўқишни давом эттиришга аҳд қилдилар». Шу тариқа ўзбек хотин-қизлари ўзларининг саводсизликлари ва чаласаводчилиқларини тугата бориб, 30-йилларнинг охирида мамлакатимиз ижтимоий-сиёсий ҳаётига актив киришиб кетдилар (125—127-бетлар).

Китобда ишчи университетлари ва ишчи факультетларининг ташкил этилиши, муайян таълим системасини яратиш орқали республика ишчи ва деҳқонларининг уму-

мий таълим ва маданий савияси ошириб борилганлиги тўғрисида ҳикоя қилинади.

Мамлакатни индустриялаш ва қишлоқ хўжалигини коллективлаштириш муносабати билан халқ хўжалиги олдида турган вазифалар ишчи ва деҳқонлардан фақат бошланғич маълумотгагина эмас, балки янада чуқурроқ билимга эга бўлишни талаб қиларди. Уларнинг кўпларига бу соҳада муваффақият қозонишда етти йиллик мактаб ҳажмида билим берадиган юқори типдаги мактаблар катта ёрдам берди. Шу билан бир қаторда бундай мактаблар хоҳловчиларни олий ўқув юртига киришга ёки ишчи факультети ҳажмида курсни ўтиш учун тайёрлашга шарт-шароит яратарди. Муаллиф бундай мактабларда таълим беришнинг ўзига хос хусусиятларини қараб чиқарди.

Улуғ Ватан уруши йилларида, урушдан кейинги даврда ҳам катта ёшлиларни саводхон қилиш иши тўхтатилмади. Китобда ўқитишнинг асосий йўналишлари кўрсатиб берилган. Муаллиф катта ёшлиларни ўқитиш формаларини таърифлаб, мустақил билим олишга эътиборни қаратади, ҳамма жойда ишлаб турган сиёсий билим тўғраклари, халқ университетлари ва хоказолар бунга кўп жиҳатдан ёрдам берар эди.

Китоб ўқув юртларининг моддий базасини кучайтириш, ишчи ва қишлоқ ёшларини кечки (сменали) мактабларда ўқитиш ҳамда тарбиялаш форма ва методларини такомиллаштириш сингари муҳим масалаларни кўтарди.

Такриз қилинаётган асарни умуман ижобий баҳолаган ҳолда, унинг ҳамма бўлимлари ҳам етарлича юксак илмий-назарий савияда ёзилмаганлигини қайд қилиб ўтиш лозим. Жумладан, ўқув-тарбия ишининг мазмунини чуқур очиб берилмаган. Ўқув планлари, программалар ва дарсликларнинг етарли таҳлил қилинмаганлиги ҳам китобни қашшоқлаштириб қўйган. Бу ҳол уларнинг афзалликлари ва камчиликларини кўришга имкон бермайди. Афсуски, илғор мактаблар ва энг яхши ўқитувчилар тажрибаси ҳақида ҳам ҳикоя қилинмаган. Катта ёшлиларни ўқитиш системасига оид дарсларнинг тушунарлилиги ва кўргазмалилиги, тарбия билан таълимнинг боғлиқлиги масалалари бўш ёритилган.

Х. АРҒИНОВ,
педагогика фанлари доктори.

Қ. ФОЗИЛХУЖАЕВ,
тарих фанлари доктори.

ТАРИХНИ СОХТАЛАШТИРУВЧИЛАР ВА ТАРИХИЙ ҲАҚИҚАТ

КПСС МКНИНГ ПАРТИЯ XXVII съездида Сиёсий докладида қайд қилинганидек, буржуа идеологияси — истикболсиз жамият идеологиясидир, унинг йўл-йўриклари: демократия, озодлик, тенглик, социал таракқиёт сингари кадриятларнинг моҳиятини бутун чоралар билан бузиб кўрсатишдан иборат. Шунинг учун КПСС у билан муросасиз кураш олиб бориш вазифасини кўяди. Бу курашда ижтимоий фанларга ғоят муҳим роль ажратилади.

Маълумки, Ўрта Осиё республикалари иктисодий ва маданий соҳаларда эришган таракқиёт, шунингдек СССР билан қўшни Шарқ мамлакатларида сўнгги пайтда юз бераётган сиёсий, социал-иктисодий ўзгаришлар империализм идеологиясига тинчлик бермаяпти. Улар Совет Ўрта Осиёси, шунингдек қатор Яқин ва Ўрта Шарқ мамлакатлари халқларининг нисбатан қисқа тарихий давр ичида амалга оширган сифат жиҳатдан янги туб ўзгаришларининг аҳамиятини ҳар қандай йўллар билан камситишга уринадилар. Республикаларнинг бир группа шарқшунос олимларининг мақолалар тўплами* ана шу регионларнинг тарихи, экономикаси ва маданияти масалалари бўйича «иктисослашган» буржуа сиёсатдонларининг ёлғон гапларини фош этишга бағишланган.

«Ўрта Осиё, Яқин ва Ўрта Шарқ халқларининг фалсафий ва ижтимоий тафаккур тарихини буржуа сохталаштириш» деган мақолада «советшунослар»нинг ҳақиқий тарихий фактлар билан кизикишдан кўра кўпроқ уларни буржуазия манфаатларини ҳимоя қилиш учун бузиб кўрсатишга уринишлари қайд қилинади. Ўз пайтида В. И. Ленин шундай таъкидлаган эди: «Совет ҳокимиятига қарши улар ишлатмаган ёлғончилик ва тухмат қолмади» (Тўла асарлар тўплами, 37-том, 190-бет). Бу ленинча баҳо ҳозирги пайтда ҳам ўз актуаллигини йўқотгани йўқ. Ҳозир ҳам худди ўша пайтдагидек, сохталаштирувчиларнинг «изланишлар»и Советлар Мамлакатининг сиёсатини бузиб кўрсатишга, халқларнинг социал-иктисодий ва маънавий ютуқларини камситишга асосланади. Улар ҳали ҳам асослаб бўлмайдиган нарсани исботлаш умидида Ўрта Осиё ва Қозғоғи-

тонда социалистик революциянинг ғалабаси учун объектив ва субъектив шароитлар йўқ, бу революция регион халқларининг миллий манфаатларига ёт тасодифий ҳодиса, Совет ҳокимияти зўравонлик билан ўрнатилган деб даъво қилишларини қўймаптилар.

Авторлар «советшунослар»нинг бундай бемаъни сафсаталарининг бутунлай асоссизлигини ва уларнинг замирида нима ётганлигини кўрсатиб беришган.

Буржуа сохталаштирувчиларининг ўзлари истаган нарсани ҳақиқат деб тақдим қилишга уриниши, айниқса уларнинг Ўрта Осиё, Қозғоғистон ва бутун Шарқ халқларининг ижтимоий ва фалсафий тафаккурининг характерини нотўғри талқин қилишида, бу тафаккурни дин чўриси деб, мутафаккирларни эса — ислом ҳимоячилари деб эълон қилишида кўринади. Мақолада буржуа тарихчиларининг гўёки бутун шарқ фалсафаси бутунлай диний характерга эгаллиги ва унинг Ғарб мантикий тафаккурига зидлиги тўғрисидаги фикри далиллар асосида рад қилинади, ҳозирги евроцентристлар ва компартавистлар «шериклик» тактикасининг асл замирида нима ётганлиги очиб ташланади, реал социализм, марксизм-ленинизм ғояларининг Шарқ мамлакатлари кенг меҳнаткаш оммаларига таъсири қучайиб бораётганлигидан империалистик доираларнинг ташвишга тушаётганлиги кўрсатиб берилади.

Китобда, шунингдек, Совет Ўрта Осиёсида хотин-қизлар масаласининг ҳал этилишини сохталаштиришларни фош этишга ҳам, муваффақиятли уриниш бор. Лекин шу ўринда, фикримизча, КПССнинг совет жамиятида хотин-қизлар ролини оширишга, уларни коммунистик қурилишга активроқ жалб этишга қаратилган йўлини ўтказишдаги изчилликни янада асослироқ қилиб кўрсатилса яхши бўларди. Масалан, сўнгги йилларда Ўзбекистон Компартиясининг съездларида, Ўзбекистон КП МКнинг пленумларида хотин-қизларни сиёсий, хўжалик ва маданий соҳаларда раҳбарлик лавозимларига кўтаришга алоҳида эътибор берилмоқда.

Покистоннинг социал-сиёсий ривожланиши ва ишчилар синфи курашининг буржуа-историографиясига бағишланган мақолалар авторлари бу мамлакатдаги ҳарбий давлат тузуми ўзининг реакцияни ички ва америкача ташки сиёсати билан жаҳон прогрессив жамоатчилиги кўзи ўнгида аллақачон ўзини обрўсизлантирганлигини қайд қилишади. Социал, миллий, сиёсий зидди-

* Фальсификаторы истории (Критика буржуазной историографии Средней Азии и стран зарубежного Востока). Ташкент, «Фан», 1985, 180 с.

ятларнинг чуқурлашуви Покистоннинг расмий идеологларини бу зиддиятларни ҳал этиш йўлини исломдан излашга мажбур этмоқда. «Ягона дин — ягона миллат — ягона давлат — ягона тил». Мамлакатда «умумхалқ синфсиз жамияти»ни яратишга онд улар эълон қилаётган, аслида халқларнинг озодлик ҳаракатини бостиришга қаратилган схема тахминан шундай.

Маълумки, исломдан нафакат хорижий Шарқ мамлакатларидаги айрим реакцияон ҳарбий режимлар, шу билан бирга империалистик давлатларнинг ҳукмрон доиралари ҳам ўзларининг тор ғаразли мақсадларига эришиш йўлида асосий воситалардан бири сифатида фойдаланадилар. Такриз қилинган тўпламдаги айрим мақолаларда шу масала кўриб чиқилган. Уларда ҳаққоний кайд қилинганидек, «исломни ҳимоя қилиш», «мусулмонлар билан дўстлик» ҳақидаги шиорлар ҳам империализмнинг мустамлакачилик сиёсати сингари қадимийдир. Масалан, афгон халқига душман кучлар ислом байроғи остида АҚШ бошчилигидаги халқаро реакциянинг кўрсатмаси ва унинг ҳар томонлама ёрдами билан Апрель революциясидан сўнг бой берилган позициялари ва имтиёзларини қайтариб олишга уринмоқдалар.

Шуни кайд қилиш керакки, диний ва миллатчилик омиллари ўтмишда ҳам империализмнинг миллий мустиқиллик, демократия ва социал тараққиётга интилаётган халқларга қарши курашидаги воситалар арсеналидан алоҳида ўрин олар эди. Масалан, Германиянинг сўнгги императори Вильгельм II ўз вақтида ўзини зўр бериб «мусулмонлар ҳимоячиси» қилиб кўрсатган эди. У юнкерлар-буржуа давлати манфаатлари учун ва Усмонли Туркия билан ҳарбий иттифокни мустаҳкамлаш мақсадида ўзини «асл мусулмон» қилиб кўрсатишдан ҳам тоймаган эди. Тарихда бундай мисоллар кўплаб топилди. Бугунги кундаги «ислом дўстлари» ўтмишдошларининг методларини янгича ҳийла-найранглар билан бойитишмоқда.

Китобда Ҳиндистоннинг тарихий ўтмишини сохталаштиришларни фош қилишга катта ўрин ажратилган. Масалан, неокOLONиализм идеологлари Британия ҳукмдорлари ўзларига қарам бўлган мустамлакаларга жуда хайрихоҳ эди, деб такрорлашни яхши кўришади. Жумладан, Ҳиндистоннинг 1947 йили кўп миллионли халқнинг фидокорона миллий-озодлик кураши натижасида мустиқиллигини қўлга киритганини улар Англия ўзининг энг катта мустамлакасидан «ихтиёрий равишда воз кечди» деб кўрсатишади.

«Ўрта Осиёнинг Россияга қўшиб олиншининг тарихий аҳамиятини сохталаштиришга қарши» деган мақолада буржуа сиёсатдонларининг ўтмишда ғарбий давлат-

лар Осиё ва Африка халқларининг ҳақиқий дўстлари эди деган гапларининг уйдирма эканлиги очиб ташланади. Улар шу тарика мустамлакачиликни айбсиз қилиб кўрса-тишга ва айни пайтда неокOLONиализмни оклашга ҳаракат қиладилар. «Советшунослар» илгари сураётган асосий концепция шундай: Ўрта Осиё тарихида Россия сиёсати гўё агрессив бўлган эмиш. Бундан: фақат ғарбий давлатларгина бу регион халқларининг ҳақиқий дўстлари бўлиши мумкин, бизнинг давримизда Ўрта Шарқ халқларига империализм эмас, балки Совет Иттифоки асосий хавф солиб турибди, деган хулоса чиқарилади.

«Рус хавфи» деб аталмиш масала Ҳиндистон учун ҳам узоқ тарихга эга. Бу «ривоят»ни Британия экспансионизми маддоҳлари Осиё ва Африка мамлакатларини мустамлакага айлантириш давридаёқ ўйлаб чиқарган эдилар. Мустамлакачилар ва уларнинг идеологлари Ҳиндистонни нима қилиб бўлсада ўз қўлларида сақлаб қолиш ниятида «рус хавфи» ҳақидаги афсонадан кўрқитиш воситаси сифатида фойдаланган эдилар. «Советшунослар» Совет Иттифокининг тинчликсевар ташки сиёсатига доғ тушириш, бизнинг мамлакатимизни «иссиқ денгизларга чиқиш»га, Форс қўлтиғида ҳукмронлик ўрнатишга интилишда ва шу сингариларда айблаш учун ҳар сафар бу уйдирмани ишга соладилар.

Бу мавзу такриз қилинган тўпламдаги «Ҳозирги замон буржуа историографияси Ўрта Шарқдаги инглиз-рус муносабатлари тарихининг баъзи жиҳатлари тўғрисида («Ўлкан ўйин» тарихидан)» деган мақолада давом эттирилади. Мақола автори тўла асосли равишда бу тезис аввал бошиданок Ўрта Ер денгизидан то Ҳиндистонгача бўлган ерларда Британия тож-тахтининг мустамлакачилик амрини қарор топтириш учун қулай бахона бўлиб хизмат қилган эди, деб кайд этади. Мустамлакачилик идеологлари Ҳиндистондаги, инглиз ҳукмронлигининг ҳалокатли характерини хаспўшлашга уриниб, бу ҳукмронликни «Буюк Британиянинг маданий» ёки «прогрессив миссияси» деб атаб, унинг «бунёдкорлик фаолияти»ни кўкларга кўтариб макташади. Аслида эса, китобда жуда яхши кўрсатиб берилганидек, мустамлакачи ҳокимлар бу ерда темир йўл куриш билан хинд халқининг фзровонлигини эмас, балки фақат ўз фабрикалари учун зарур қишлоқ хўжалик хом ашёсини ташишни арзонлаштиришни ўйлаган эдилар. Инглизлар мамлакатда атайлаб жамоалар ўртасидаги диний адоватни авж олдирган эдилар.

XIX аср охири — XX аср бошларида Ҳиндистондаги миллатлар, буржуа миллатчилиги масалалари бўйича сохталаштирувчиларни танкид қилишга бағишланган мақола муайян кизиқиш уйғотади. Автор

ёзадики, миллий-озодлик ҳаракатларининг марксча-ленинча анализи зид равишда буржуа олимлари синфий зиддиятларни эмас, балки мустамлакачиларга қарши бемаъни террористик ҳаракатларга айланиб кетган миллий зиддиятларни хинд жамиятининг ҳаракатлантирувчи кучи деб биладилар. Баъзи бир инглиз тарихчилари «миллат» ва «диний жамоа» тушунчаларини айнан бир хил деб қараб. Ҳиндистонда фақат «икки миллат» — хиндилар ва мусулмонлар бор, деб ҳисоблашади. Ана шу «икки миллат тўғрисидаги назария» мамлакатни Покистон ва Ҳиндистонга бўлиб юборишга асос бўлган эди.

Буржуа идеологлари мустамлакачилик сиртмоғидан халос бўлган халқларнинг ўз мамлакатини ўзлари идора қилишга қодир эмаслиги тўғрисидаги қуруқ гапларни айрим араб давлатлари, жумладан Саудия Арабистони тўғрисида ҳам айтмоқдалар, бу ҳақда давлатнинг буржуа историографияси ҳақидаги мақолада гап боради. Масалан, буржуа идеологлари бу давлат раҳбарлари ўз-ўзини бошқаришга тайёр эмас эдилар, инглизларнинг Саудия Арабистонидан кетиши бутун Арабистон яриморалини тартибсизлик, урушга «мубтало қилади», деган уйдирмани ўйлаб чикарганлар.

Жаҳон сиёсатининг ҳозирги босқичида империализмнинг бош кўргони АҚШ ҳам ўзини «арабларнинг дўсти» қилиб кўрсатишга уринмоқда. Айни Вашингтоннинг милитаризм ва неоколонизализм, терроризм ва агрессия сиёсатининг асосий илҳомчиси эканлигини бутун дунё кўриб турибди. Ливияга нисбатан иктисодий бойкот эълон қилинганлиги, «канонеркалар сиёсати»нинг яна қайта тикланганлиги Америка им-

периализмининг «ўз хавфсизлиги»ни химоя қилиш мақсадида Осиё, Африка ва Лотин Америкаси халқларига нисбатан «куч-қудрат позициясидан туриб» сиёсат юргизишдан, шантаж, таҳдид ва очикқасига босқинчиликдан қайтмаётганлигидан далолат беради.

«Буржуа историографиясида араблар нефти (XX асрнинг 60—70-йиллари)» мақоласида ғарб тадқиқотчиларининг нефть проблемасига бағишланган айрим асарларидаги ғаразгўйлик кўрсатилган. Уларнинг вазифаси, деб қайд қилади автор, ғарб, аввало Америка нефть монополияларининг манфаатларини ҳимоя қилиш, улар фаолиятининг ривожланаётган мамлакатлар — нефть экспортчилари учун «фойдали»лиги ва «зарур»лигини кўрсатишдан иборат.

Афсуски, буржуа идеологларининг СССР халқлари ўртасидаги дўстликка раҳна солишга қаратилган уринишларининг танқиди тўпلامда ўз аксини топмаган. Ёшнинг синфий душманларимиз совет кишиларини гўё улар нотўғри йўлдан бораётганларига ишонтиришга, ҳар қандай йўллар билан улар орасига миллий адоват уруғини сочишга, социализмнинг тарихий истикболига ишончсизлик туғдиришга ҳаракат қиладилар. Китоб авторлари антисоветчилар ва антикоммунистларнинг «ижодий изланишлари»даги бундай тенденцияларга эътиборни қаратишлари керак эди.

Умуман мазкур тўплам Совет Шарқи ва хоржий Шарқнинг қадимги ва ҳозирги тарихининг қатор масалаларига муайян ойдинлик киритади ва бу тарихни сохталаштирувчиларга муносиб жавобдир.

Т. ГИЁСОВ,
тарих фанлари доктори.

РЕДАКЦИОН КОЛЛЕГИЯ:

Р. А. Нуруллии (бош редактор), **М. Ғ. Ваҳобов**, **Е. И. Завалишин**,
З. Ёкубов (бош редактор ўринбосари), **М. Б. Ицковский** (масъул секретарь),
Б. В. Лунии, **Х. Р. Муҳаммадхонов**, **Х. Рўзमतов**, **Х. Т. Турсунов**,
А. У. Ўлмасов, **С. К. Курбонов**, **Қ. А. Ҳасанжонов**, **Г. А. Ҳидоят**

Р е д а к ц и я а д р е с и: 700000. Тошкент — П. Ленин кўчаси, 41.

Телефонлар: бош редактор — 32-58-01, 32-78-87; бош редактор ўринбосари — 32-58-02; 32-78-93; масъул секретарь — 32-58-03, 33-60-42; масъул секретарь ўринбосари — 32-58-63; 33-60-42; бўлимлар: марксча-ленинча назарияни пропаганда қилиш — 32-58-65; партия ва совет қурилиши — 32-58-68; экономика — 32-58-71; фан ва маданият — 32-58-66; халқаро ҳаёт — 32-58-69; танқид ва библиография — 32-58-70.

Корректорлар: **М. Комилов**, **Х. Каримов**.

Техредактор **Э. А. Кушнар**.

Теришга берилди 11.12.1986 й. Босишга рухсат этилди 7.01.1987 й. Формати 70×108¹/₁₆.
Фотонабор. Офсет босма усули. Шартли босма листи 8,4. Нашриёт ҳисоб листи 9,1.
Тиражи 29311. Нашр В-49. Заказ № 5385.

Ўзбекистон Компартияси Марказий Комитети нашриётининг
Меҳнат Қизил Байроқ орденли босмаҳонаси.
Тошкент шаҳри, Ленин кўчаси, 41.

Баҳоси 25 тийин

ISSN 0134—2193

Индекс 75399

На узбекском языке
ежемесячный теоретический и политический
журнал ЦК КП Узбекистана» —
«ЎЗБЕКИСТОН КОММУНИСТИ»
«КОММУНИСТ УЗБЕКИСТАНА»

Ордена Трудового Красного Знамени
типография Издательства ЦК Компартии Узбекистана

Digitized by Google

Quf

БУТУН ДУНЕ ПРОЛЕТАРЛАРИ, БИРЛАШИНГИЗ!



ЎЗБЕКИСТОН КОММУНИСТИ

2

ФЕВРАЛЬ

1987

Бўтун дунё пролетарлари, бирлашингиз!



ЎЗБЕКИСТОН КОММУНИСТИ

№ 2
ФЕВРАЛЬ
1987 йил

1920 йилдан
чиқа бошлаган

ЎЗБЕКИСТОН КОММУНИСТИК ПАРТИЯСИ
МАРКАЗИЙ КОМИТЕТИНИНГ НАЗАРИЯ
ВА СИЁСИЯ ЖУРНАЛИ

Ўзбек ва рус
тилларида
чиқади

Биз айнан бошдан кечираётган мана шу конкрет иқтисодий ва сиёсий вазият, тарихий жараённинг совет жамияти ва бутун дунё босиб ўтаётган айнан ҳозирги алоҳида палласи партиядан, ҳар бир коммунистдан ижодкорликни, новаторликни, одат бўлиб қолган, лекин аллақачон эскирган тасаввурлар доирасидан чиқа билишни талаб қилмоқда.

*КПСС МКнинг партия XXVII съездида
Сиёсий докладидан.*

МУНДАРИЖА

Бош мақола — Октябрь йўлидан	3
--	---

СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ

А. Йўлдошев — Партия билан халқ ҳаётидаги буюк воқеа. КПСС XXVII съездининг бир йиллигига	13
Н. Усмонов, Х. Нурмуротов — Фан-техника тараққиёти ва ижтимоий меҳнатни те- жаш	22
Қ. Уролов — Ҳозирги шароитда жамоатчилик фикри ролининг ошиши	28

ПАРТИЯ ҚУРИЛИШИ

Л. Горбунова — Партия комитети аппарати	32
---	----

ИДЕОЛОГИЯ, МАДАНИЯТ

Ю. Злотников — Марксча-ленинча дунёқарашнинг назарий-методологик жиҳати	39
Г. Стефановский — Ешлар ҳарбий-ватанпарварлик тарбиясининг актуал проблема- лари	46
Г. Шерматова — Миллий маданиятлар ҳамкорлиги самарабахшлиги	50

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар: Жамиятнинг олға томон ривожланишида инсон омили ролининг ошиши	56
--	----

ХАТЛАР, КОРРЕСПОНДЕНЦИЯЛАР

Ф. Ёқубов — Маҳсулотнинг материал сарфини камайтириш ва ишлаб чиқариш са- марадорлиги	66
М. Абдалимова — Бўш вақт тадқиқотининг аспекти	69

ПУБЛИЦИСТИКА, ОЧЕРКЛАР, ЛАВҲАЛАР

И. Жабборов — Маънавий камолот ва социал адолат	72
---	----

ХАЛҚАРО ТЕМАЛАРДА

В. Гулин — Осиё коммунистлари қитъадаги тинчлик ва хавфсизлик проблемалари тўғрисида	77
---	----

ЖУРНАЛХОНЛАРНИНГ САВОЛЛАРИГА ЖАВОБ

М. Шапсанов, А. Сахибоев — СССР — Ҳиндистон: дўстлик ва ҳамкорлик	85
Г. Бобожонова — Инсоннинг ҳақиқий ва сохта ҳуқуқлари тўғрисида	87

ТАНҚИД ВА БИБЛИОГРАФИЯ

А. Раззоқов, З. Муҳамедова, М. Ҳасанов — Совет пахтачилиги қарор топиши ва ри- вожланиши тўғрисидаги ҳужжатлар	91
С. Султонов — Ўзбекистон ССР Конституцияси ривожланишининг асосий босқич- лари	93

ОКТЯБРЬ ЙЎЛИДАН

СОВЕТ ХАЛКИ мамлакат ҳаётида улкан воқеа — инсониятнинг янги тарихий даврга қадам қўйишини нишонлаган, Ер қуррасида цивилизациянинг янги типини яратишга йўл очиб берган Улуғ Октябрь социалистик революциясининг 70 йиллигига яқинлашиб бормокда. «**Улуғ Октябрь социалистик революцияси**, — деб таъкидланади янги таҳрирдаги КПСС Программасида, — **жаҳон тарихида бурилиш ясаган воқеа бўлди, жаҳон таракқиётининг бош йўналиши ва асосий тенденцияларини белгилаб берди, капитализмнинг янги, коммунистик ижтимоий-иқтисодий формация билан алмашинувидан иборат муқаррар жараёни бошлаб берди**».

Октябрь революциясининг ғалабаси — партиянинг, ишчилар синфининг, мамлакатимиз барча миллатлари ва элатлари меҳнаткашларининг буюк жасоратидир. Улуғ Ленин партияси пролетарларнинг социализм учун кураши, дехконларнинг ер учун курашини, Россия мазлум халқларининг миллий-озодлик курашини, империалистик урушга қарши, тинчлик учун умумхалқ ҳаракатини бир қудратли оқимга бирлаштирди ва уни буржуа тузумини ағдариб ташлашга қаратди.

Октябрь социалистик революциясининг ғалабаси ҳақли суратда ХХ асрнинг асосий воқеаси ҳисобланади. У ижтимоий таракқиётнинг, монополистик капитализм шароитидаги синфий курашнинг қонуний натижаси бўлди. Унинг ғалабаси натижасида дунёда биринчи социалистик давлат вужудга келди, социалистик бунёдкорлик учун кенг ва ёруғ истиқболлар очилди. Октябрь революцияси мамлакатни эксплуататор синфлар маҳкум қилган миллий ҳалокатдан қутқарди, Россия халқларини ажнабий капитал асоратига тушиш хавфидан халос этди. Улуғ Октябрь пролетар революциясининг алоҳида олинган бир мамлакатда ғалаба қилиши мумкинлиги тўғрисидаги ленинча таълимотнинг тарихий тўғрилигини амалда исботлади.

Советлар Мамлақати инсоният тарихида биринчи бўлиб социализмга йўл очиб берди. Янги жамият дехконлар кўпчиликни ташкил этадиган ва аҳоли составида ижтимоий таракқиётнинг турли босқичларида турган кўплаб миллат ва элатлар бўлган нисбатан кам таракқий этган мамлакатда бунёд қилинди. Бу бунёдкорлик капиталистик давлатлар қуршови, революция ағдариб ташлаган эксплуататор синфларнинг кескин қаршилиги ва партияга, Ленинга қарши гуруҳларнинг доимий душманчилик ҳаракатлари шароитида амалга оширилди.

Октябрь ғалабасидан сўнг социализм қурилишининг назарий ва амалий масалалари ленинизмда марказий ўринни эгаллади. Партия социализм қурилишининг мураккаб масалаларини назарий жиҳатдан ишлаб чиқиши керак эди, ҳақиқатан ҳам уларни ишлаб чиқди. Бунда В. И. Ленин ғоят катта роль ўйнади. У қолоқ, ҳамма томондан душманлар қуршовида турган мамлакатда социализм қуриш мумкинлигини илмий асослади, социализмни бунёд этиш вазибалари ва йўлларини белгилаб берди, уларни амалга оширишга амалий раҳбарлик қилди.

В. И. Ленин, Коммунистик партия СССРда социализм курилишининг умумий вазифалари, социалистик курилишнинг умумий қонуниятларини очиб бериш билан бир қаторда илгари қолоқ бўлган халқларнинг нокапиталистик ривожланиш йўлига, уларнинг капитализмни четлаб социализмга ўтишига доир назарий проблемаларни, социалистик курилишнинг умумий қонуниятларини токапиталистик шароитда қўлланиш проблемаларини ишлаб чиқдилар.

В. И. Ленин мамлакатнинг ривожланган марказий областларига нисбатан унинг қолоқ миллий районларида «секинлик, анча эҳтиётлик ва анча изчиллик билан социализмга ўтиш» зарур деб (Тўла асарлар тўплами, 43-том, 225-бет), «...беvosита социализмга ўтиш вазифамизни муваффақиятли бажаришимиз учун токапиталистик муносабатларнинг социализмга ўтиши учун қандай оралик йўллар, усуллар, чоралар ва воситалар лозим эканлигини билишимиз керак» деб кўрсатган эди (ТАТ, 43-том, 258—259-бетлар). В. И. Ленин «Маҳаллий хусусиятлар ҳам, иқтисодий укладнинг алоҳида хусусиятлари ва турмуш формалари ҳам, аҳолининг тайёргарлик даражаси ҳам, маълум бир планни амалга ошириш йўлидаги ҳаракатлар ҳам — буларнинг ҳаммаси ...социализмга қараб бориш йўли ҳар хил бўлишига таъсир қилади», деб таъкидлаган эди (ТАТ, 36-том, 173-бет).

В. И. Ленин илғор рус пролетариати, Совет Россияси томонидан мамлакатнинг қолоқ миллий чекка ўлкаларидаги халқларга ёрдам берилишини у ерларда муваффақиятли тарзда социализм курилишининг ҳал қилувчи шартларидан бири деб ҳисоблаган эди. «...Қолоқ мамлакатлар,— деган эди у Коммунистик интернационалнинг II конгрессида қилган докладида,— илғор мамлакатларнинг пролетариати ёрдами билан, капиталистик тараққиёт босқичини четлаб ўтиб, совет тузумига ва муайян тараққиёт босқичлари орқали коммунизмга ўтишлари мумкин» (ТАТ, 41-том, 274-бет).

Коммунистик партия СССРда социализм курилишининг ленинча планига амал қилиб, урушдан олдинги беш йилликлар мобайнида мамлакатда чуқур социал-иқтисодий ва маданий туб ўзгартиришларни амалга оширди. Индустриалаштириш, коллективлаштириш, маданий революция, миллий масаланинг одилona ҳал этилиши натижасида бизнинг Ватанимиз қудратли социалистик давлатга айланди. Кишининг киши томонидан эксплуатация қилиниши, синфий антагонизмлар ва миллий адоват батамом тугатилди. Ленин ғоясига кўра совет республикаларининг СССР Иттифоқига бирлашиши мамлакатнинг социализм курилишидаги кучлари ва имкониятларини янада кўпайтириб юборди. Инсоният тарихида биринчи марта социалистик жамият барпо этилди. Мамлакатимизда социализм ғалабаси 1936 йилги СССР Конституциясида қонун асосида мустаҳкамланди.

«Совет кишилари социалистик ўзгартишлар йўлига биринчи бўлиб кирганликлари билан ҳақли равишда фахрланадилар,— деб қайд қилди КПСС МК Бош секретари М. С. Горбачев совет халқига Янги йил Мурожаатномасида.— Социализм Ватанимизни социал-иқтисодий ва маданий тараққиёт юксакликларига кўтарди. У меҳнат аҳлини озодликка чиқарди, унга тенг ҳуқуқлар ва эркинликлар берди».

Ўзбекистон халқлари ҳам совет халқларининг ягона оиласида социализмга келдилар, улар Октябрь революцияси ғалабасидан кейинги йигирма йил давомида феодал ижтимоий-иқтисодий формациядан капитализмни четлаб социализмга ўтдилар.

Илгари қолоқ бўлган Ўзбекистонда социалистик курилиш вазифаларини жадал ҳал этишда улуг рус халқи, унинг шонли ишчилар синфи берган беғараз иқтисодий ва маданий ёрдам катта роль ўйнади.

Совет тузуми Улуг Ватан уруши йилларида оғир имтиҳондан ўтди. Ҳар доим бўлгани каби бу сафар ҳам Коммунистик партия совет халқининг немис-фашист босқинчиларга қарши кураши авангардида бўлди. Шу пайтгача ҳеч қачон ҳеч қайси урушда Совет Иттифоқининг Улуг Ватан урушида бўлганидек халқнинг, давлат ва идора қилувчи партиянинг манфаатлари бунчалик даражада бирлашиб кетмаган эди. Коммунистик партия фавқулодда қийин шароитларда халқни фашист босқинчиларга қарши муқаддас курашга

сафарбар қила олди ва уруш ҳаракатларининг дастлабки давридаги вақтинчалик муваффақиятсизликларга қарамасдан урушнинг боришида кескин бурилиш ясашга ва унинг ғолибона якунланишига муваффақ бўлди. Партия халқ ҳўжалигини ҳарбий йўсинда қайта қуриш бобида ниятда зўр иш қилди. Коммунистлар ўзларининг шахсий намунаси, қаҳрамонлиги ва жасорати билан омманинг жанговар руҳини кўтарди, уларни қаҳрамонликлар сари бошлади, уларда душман устидан тўла ғалаба қозонишга мустаҳкам ишонч ҳосил қилди. Уруш йилларида партиянинг обрўси бекиёс даражада ўсди, унинг сафлари янада маҳкамроқ жипслашди, партия билан халқнинг бирлиги янада мустаҳкамланди. «Ленин партияси қурашаётган халқ билан бир жон-бир тан бўлиб жанг қилаётган партияга айланди,— деб таъкидлади М. С. Горбачев «Совет халқининг ўлмас жасорати» докладыда.— Тарихимизнинг энг қийин — уруш даврида партия Ватан такдири учун ўзининг ғоят катта масъулиятига муносиб юксак даражада бўлди ва мамлакатни ғалабага олиб келди. Уруш йилларида партияимизнинг маънавий-сиёсий обрў-эътибори мустаҳкамланди, коммунист номи халқ назарида яна ҳам юкори кўтарилди. Зотан биз, Ленин партиясининг аъзолари, буни ҳамиша кадрлаб, шу билан фахрланаверамиз».

Совет халқи Улуғ Ватан урушини ғалаба билан тугаллаб, коммунист партиянинг синалган раҳбарлиги остида мамлакатнинг уруш натижасида вайрон бўлган халқ ҳўжалигини жадал қайта тиклади, социалистик жамиятни янада юксалтирди.

Эллигинчи йиллар охирига келиб мамлакат иктисодий ва мудофаа қудратининг мустаҳкамланиши, социалистик системанинг вужудга келиши ва қарор топиши натижасида СССРда социализм батамом ва узил-кесил ғалаба қилди.

Совет жамияти эришилган ютуқларга таяниб, иктисодий, социал-сиёсий ва маънавий ривожланишда олға томон дадил ҳаракат қилаверди. Мамлакатда яхлит халқ ҳўжалик комплекси таркиб топди, миллий даромад анча ўсди, ижтимоий меҳнат унумдорлиги ошди, халқ фаровонлиги, даражаси анча юксалди, социалистик ижтимоий муносабатлар мустаҳкамланди, одамларнинг янги социал ва интернационал бирлиги — совет халқи таркиб топди. Пролетариат диктатураси давлати ўсиб, умумхалқ социалистик давлатига айланди, совет демократияси янада ривожлантирилди.

* * *

В. И. Ленин 1922 йил 28 мартда РКП(б) МКнинг партия XI съездида Сиёсий ҳисоботи юзасидан якунловчи сўзида шундай қайд қилган эди: «Шу чоккача ҳалок бўлган барча революцион партиялар — кибрланганликларидан ва ўз. қучларининг нимада эканлигини қўра билмаганликларидан ҳамда ўзларининг заиф томонлари тўғрисида гапиришдан қўрққанликларидан ҳалок бўлдилар. Биз эса ҳалок бўлмаймиз, чунки биз ўзимизнинг заиф томонларимиз тўғрисида гапиришдан қўрқмаймиз ва заифлигимизни енгишга ўрганамиз» (ТАТ, 45-том, 137-бет).

КПСС МК ана шу принципаал ленинча қоидаларга амал қилиб, ўзининг XXVII съездида эришилган ютуқларга муносиб тарзда баҳо бериш билан бирга сиёсий ва амалий фаолиятдаги нуксонлар, экономика ва социал-маънавий соҳадаги ноҳуш тенденциялар ҳақида, ана шундай ҳолатларнинг объектив ва субъектив сабаблари ҳақида виждонан ва рўй-рост гапирди.

Партия XXVII съезди ҳужжатларида қайд қилинганидек, 70-йилларда ва 80-йиллар бошида эришилган ютуқларга нообъектив баҳо бериш авж олди. Иктисодий вазият ўзгарганига қарамасдан халқ ҳўжалигини бошқаришни қайта қуриш, экономикани интенсив ривожланиш методларида ўтказиш, фан-техника тараққиёти ютуқларидан актив фойдаланишнинг ниятда зарурлиги, бу масаланинг кескин бўлиб турганлиги тўла идрок қилинмади. Янги реалликларни акс эттирмайдиган одат бўлиб қолган схемалар ва формулалар олға томон ҳаракат йўлларини излашга кўп жихатдан тўсқинлик қилди. Сўз билан

иш бир-бирига тўғри келмай қолди. Амалий хатти-ҳаракатларда собитка-дамлик, дадиллик етишмасди.

Бу шунга олиб келдики, 70-йилларда ва 80-йиллар бошида иқтисодий ўсиш суръатлари сезиларли тарзда сусайди. Таксимот муносабатларидаги салбий жараёнлар партия ва халқни қаттиқ ташвишга солди. Вужудга келган вазиятда экономикада социал ва ахлокий-маънавий йўсинда қўплаб салбий ҳолатлар пайдо бўлди, бундай ҳодисалар бизнинг республикамизда айниқса кенг тарқалган эди.

Буларнинг ҳаммаси кўп даражада партия ва давлат органлари фаолиятидаги жиддий камчиликларнинг оқибати эди. Ўзига бино қўйиш, қуюшқондан чиқиш, ишларнинг ҳақиқий аҳволини бўяб кўрсатиш қайфиятлари авж олди. Кадрларни танлаш ва жой-жойига қўйиш ишида талабчанлик камайди, кадрларнинг топширилган иш учун масъулияти сусайди. Айни бир пайтда изчил демократизм, кенг ошқоралик, танқид ва ўз-ўзини танқид, таъсирчан контролнинг йўқлиги салбий ҳодисаларни ўз вақтида очишга, совет жамияти тараққиётига тўсқинлик қилаётган нарсаларга қарши кескин кураш олиб боришга имкон бермади. Бундай жараёнлар идеологик, пропагандистик ишда ҳам ўз аксини топди, бу соҳада ҳам расмиятчилик илдиз отиб, унинг ҳаётдан ажралиб қолганлиги характерли тус олди.

М. С. Горбачев КПСС МКнинг партия XXVII съездига Сиёсий докладида ўша йилларда қарор топган ноҳуш вазиятга баҳо бериб ва унинг сабабларини очиб шундай деди: «КПСС раҳбарлиги қўлга киритилган ютуқларга муносиб тарзда баҳо бериш билан бирга бизнинг сиёсий ва амалий фаолиятдаги нуқсонларимиз, экономика ва социал-маънавий соҳадаги ноҳуш тенденцияларнинг сабаблари ҳақида партия ва халққа виждонан, рўй-рост айтишни ўз бурчи деб билади. Фақат объектив омиллар сабаблигина эмас, балки, энг аввало субъектив сабабларга кўра ҳам бир қанча йиллар мобайнида партия ва давлат органларининг амалий ишлари давр талабларидан, ҳаёт талабларидан орқада қолиб келди. Мамлакатни ривожлантириш проблемалари уларнинг ҳал этилишидан кўра тезроқ қўпайиб борди. Бошқарув формалари ва методларининг сустилиги, қотиб қолганлиги, ишда динамизмнинг пасайиб кетиши, бюрократизмнинг кучайиб кетиши — ана шуларнинг ҳаммаси ишга озмунча зиён келтирмади. Жамият ҳаётида турғунлик ҳолатлари пайдо бўла бошлади».

Ана шу вазиятда жамиятни социал-иқтисодий ривожлантиришдаги салбий ҳолатларни қандай қилиб мумкин қадар тезроқ бартараф этиш, унга зарур жўшқинлик ва жадаллик бахш этиш масаласи кўндаланг бўлиб қолди. Партия ва халқда яхши томонга ўзгариш, жўшқин амалий ҳаракатлар зарурлигини тушуниш етилди. КПСС МКнинг ноябрь (1982 йил) Пленумидан сўнг интизомни мустаҳкамлаш сари қадам қўйилди. Партия Марказий Комитетининг апрель (1985 йил) Пленуми мамлакатдаги вазиятни чуқур анализ қилиб, унинг социал-иқтисодий тараққиётини жадаллаштириш стратегиясини, ижтимоий ҳаётнинг барча соҳаларида кескин бурилиш ясаш, янгилаш, революцион қайта қуриш стратегиясини илгари сурди. Бу йўл КПСС XXVII съездидан ҳар томонлама ишлаб чиқилди ва ривожлантирилди.

Жадаллаштириш стратегияси моҳияти КПСС МК Сиёсий докладида, съезднинг бошқа ҳужжатларида чуқур очиб берилган. Жадаллаштириш деганда сифат жиҳатдан янгича негизда — фан-техника тараққиёти, экономика структурасини қайта қуриш, бошқаришнинг, меҳнатни ташкил этиш ва рағбатлантиришнинг самарали шакллари асосида ишлаб чиқаришни ҳар томонлама интенсивлаш негизидан иқтисодий ўсиш суръатларини ошириш тушунилади. Бу йўл актив социал сиёсат юритишни, социал адолат принципини изчиллик билан қарор топтиришни, ижтимоий муносабатларни такомиллаштиришни, сиёсий ва идеологик муассасаларнинг иш форма ва усулларини янгилашни, социалистик демократияни чуқурлаштиришни, эскича иш юритиш, турғунлик ва консерватизмни қатъият билан бартараф этишни назарда тутди.

КПСС XXVII съезди стратегик қарорларининг ҳаётга татбиқ қилиниши совет жамиятини такомиллаштиришнинг етилган иқтисодий, сиёсий ва маданий вазифаларини амалга оширишни таъминлайди ва мамлакатни сифат жиҳатдан

янги марраларга олиб чиқади. Унинг қарорлари совет жамиятининг коммунизмга томон бир неча ва ўн йилларга мўлжалланган ҳаракатининг характери ва суръатларини белгилаб беради.

КПСС XXVII съездининг жамиятимиз ҳаётида туб ўзгаришлар яшашга, уни янгилашга қаратилган қарорлари ҳақиқатан ҳам революцион характерга эгадир. Бу М. С. Горбачевнинг совет халкига Янги йил Мурожаатномасида янгича куч билан таъкидланган: «Бинобарин, ўртоқлар, революция давом этмокда, — деди у. — Революция аввало ишларимизда давом этмокда. Бошланган қайта қуришнинг революцион руҳи — Октябрнинг жонли нафасидир. Агар биз новаторлик йўлидан, коммунистлар партияси бошчилигидаги халқ оммасининг тарихий ижодкорлигини ривожлантиришнинг Ленин васият қилган йўлидан дадил олға борсак, социализм меҳнаткашларга яна кўп неъматлар бериши мумкин ва лозим».

Съезд жамиятимизни бундан буён ривожлантиришнинг асосий масалаларига жавоб берди, ҳар бир коммунистни, ҳар бир совет кишини янги вазифаларни, уларни ҳал этиш йўллари яққол кўра билиш қобилияти билан қуроллантирди. Съезд партия фаолиятига, бутун мамлакатимиз ҳаётига юксак маънавий, руҳий йўналиш бахш этди. У илмий коммунизм назарияси ва практикасига, жаҳон тараққиёти жараёнларини ва социалистик жамиятни такомиллаштириш вазифаларини илмий идрок этишга катта ҳисса қўшди. Съезд КПССнинг Октябрь ишини изчиллик билан давом эттираётганини, Ленин йўлидан дадил олға бораётганини, ишчилар синфи, бутун совет халқининг сиёсий йўлбошчиси ролини муносиб тарзда бажараётганини кўрсатди, у партияга В. И. Ленин томонидан берилган «давримизнинг ақл-идроки, шон-шарафи ва виждони» (ТАТ, 34-том, 108-бет) деган баҳонинг тарихан тўғри эканлигини яна бир бор тасдиқлади.

Партия съезд ишлаб чиққан ва совет кишилари кўлаб-қувватлаётган йўлнинг тўғрилигига чуқур ишонади. Зўр меҳнат, партия билан халқнинг бўзилмас бирлиги, барча меҳнаткашларнинг актив, бир ёкадан бош чиқариб ҳаракат қилиши — бу йўлни ҳаётга муваффақиятли татбиқ қилиш гаровидир.

КПСС МКнинг июнь (1986 йил) Пленумида қайд қилинганидек, «совет жамияти КПСС XXVII съезидан кейин барча соҳаларда — сиёсий, иқтисодий, маънавий соҳаларда ҳаракатга келди. Ижтимоий ривожланиш қудратли жўшқин куч олди, бу эса омманинг сиёсий онглигини яна ҳам қучайтириб юборди».

Мамлакатда партия раҳбарлигида кўлаби ва мазмунига кўра революцион характерга эга қайта қуриш жараёни авж олдирилмокда. У асосий социалистик принципларни мустаҳкамлаш ва ривожлантиришга, бу принципларга зид бўлган ҳамма нарсани бартараф этишга, мамлакатнинг ғоят катта потенциалдан самарали фойдаланиш учун шарт-шароитлар яратишга қаратилган. Ўсишнинг узоқ вақтга мўлжалланган стратегик омиллари — фан-техника тараққиётини жадаллаштириш, интенсивлаштириш, ишлаб чиқариш структурасини яхшилаш, инвестиция жараёнини қайта қуриш, маҳсулот сифатини ошириш ва ресурсларни тежаш омиллари ҳаракатга келтирила бошланди.

КПСС XXVII съездининг совет кишилари «бутун қучлари, билимлари, қобилиятлари, ижодий ғайратларини коммунистик бунёдкорликнинг буюк мақсадларига сарфлашга, Лениннинг ғолибона революцион ишини, Октябрь ишини муносиб равишда давом эттиришга» қаратилган чақирғига, КПСС МКнинг Совет Иттифоқи меҳнаткашларига «Совет халқининг илҳомбахш ижодий меҳнати — ўн иккинчи беш йилликка!» шиори остидаги Мурожаатномасига меҳнаткашлар съезд қарорларини ҳаётга татбиқ қилиш учун, XII беш йилликни, унинг биринчи йили топшириқларини муваффақиятли бажариш учун, Улуғ Октябрь социалистик революциясининг 70 йиллигини муносиб қутиб олиш учун социалистик мусобакани кенг авж олдириш билан жавоб бердилар.

КПСС XXVII съезди илгари сурган янгилаш гоялари совет кишилари-нинг жонажон иши бўлиб қолди. Кенг меҳнаткашлар оммаси съездининг «эндиликда энг муҳими — ўй-фикр ва режалар энергиясини конкрет ҳаракатлар энергиясига айлантиришдан иборат» деган кўрсатмасига амалий жавоб бериб,

XII беш йиллик топшириқларини муваффақиятли бажаришга ўз ҳиссаларини кўпайтирмакдалар. Ижодий ёндашиш кўпайди, тартиб ва интизом мустаҳкамланди. Бизнинг бутун турмушимизда янгиловчи ўзгаришлар тобора кўпроқ сезилмокда. Омма меҳнат ва сиёсий активлигининг кучайганлиги, уларнинг янгичасига ишлашга, чуқур резервларни ишга солишга интилаётганлиги — ана шундай ўзгаришлардандир.

Партия XXVII съезди кўрсатмаларини ҳаётга муваффақиятли тарзда татбиқ қилиш, Улуғ Октябрь ғалабасининг 70 йиллигини муносиб кутиб олиш учун умумхалқ кураши катор йирик ватанпарварлик ташаббуслари билан нишонланди. Масалан, Кузбассдан В. Гвоздев бошчилигидаги шахтёрлар бригадаси Октябрь революциясининг 70 йиллигигача кўмир қазиб олиш бўйича икки йиллик планни бажаришга аҳд қилган эди, улар 1,5 миллион тонна ёқилғи қазиб олиб, ўз сўзларининг устидан чиқишди.

КПСС МК июнь (1986 йил) Пленумида ленинградликларнинг техника жихатдан қайта курулантириш ва илғор техникадан 2—3 сменада максимал тарзда фойдаланиш юзасидан планли асосдаги иши маъқулланди. Ана шу ғоят қимматли ташаббусни юзлаб корхона ва коллективлар давом эттиришмокда. Белоруссия темирйўлчиларининг ажойиб намунаси кўпчиликка маълум. Улар Шчекино методи ижодий қўлланиб, 12 мингдан зиёд ишловчини бошқа тармоклар учун бўшатиб беришга муваффақ бўлишди. Бошқирдистон нефтни қайта ишловчиларининг ташаббуси ҳам қимматлидир: улар хом ашёдан фойдали маҳсулотлар олишни кўпайтириш учун мусобакани авж олдириб юборишди. Талантли ташкилотчи, ҳозир Социалистик Меҳнат Қаҳрамони Н. Травкин бошчилигидаги 18-«Мособлсельстрой» трести курувчиларининг КПСС МК томонидан маъқулланган тажрибаси ҳам диққатга сазовор. Бу трестнинг ҳаммаси коллектив пудратга ўтди. Натижада ҳар бир ишчининг объектларни жадал фойдаланишга топширишдан, меҳнат унумдорлиги ва сифатининг ошишидан манфаатдорлиги кучайди. Қисқа муддат ичида товар маҳсулоти ҳажми бир ярим барабар кўпайди ва илгари зарар келтирадиган трест энди салмоқли фойда ола бошлади.

КПСС XXVII съезидан кейин ўтган даврга назар ташлар эканмиз, меҳнат коллективлари, барча совет кишиларининг социал эҳтиёжлари тўғрисида ғамхўрлик кучайганлигини қайд қилиш керак. Ана шу жихатдан Новолипецк металлургия комбинати, Могилевдаги «Химволокно» бирлашмаси, Родниковскдаги «Большевик» меланж газламалар комбинатининг меҳнаткашлар касаллигининг олдини олиш ва камайтириш юзасидан тажрибаси маъқулланди. Кўп минг кишилик коллективда уй-жой проблемасини ҳал этишни жадаллаштириш ва 1995 йилга бориб ҳар бир оилани қулай ва шинам квартира билан таъминлашга аҳд қилган Горький автозаводчиларининг ташаббуси қўллаб-қувватланди.

Мамлакатнинг илғор корхоналаридан ибрат олиб, бизнинг республикамизда ҳам кўплаб ватанпарварлик ташаббуслари пайдо бўлди. Бухоро областининг бир гуруҳ илғор ишчилари ўн иккинчи беш йилликда ўн йиллик ва ундан зиёд нормаларни бажариш мажбуриятини олдилар. Тошкент областидан КПСС XXVII съезди ва Ўзбекистон Компартиясининг XXI съезди делегатлари «Маҳсулот сифати — коллектив шон-шарафи, меҳнат сифати — сенинг ишчилик шарафингдир» шиори остида партия XXVII съездининг юксак талаблари руҳидаги ажойиб ташаббус билан чиқдилар. Бундай ижодий ташаббуслар Фарғона водийси областларида ҳам туғилди.

Республикамизда Волга бўйидаги «АвтоВАЗ» бирлашмаси коллективининг фан-техника тараққиёти ютуқларини жорий этиш ҳисобига ишлаб чиқариш ҳажмларини кўпайтириш борасидаги, Украина корхоналари ва ташкилотлари коллективларининг иккиламчи ресурслардан самарали фойдаланиш бўйича, Белоруссия темирйўлчиларининг меҳнат унумдорлигини ошириш суръатларини жадаллаштириш юзасидан, Северск труба ишлаб чиқарадиган завод ва бир катор бошқа саноат корхоналари ҳамда ишлаб чиқариш бирлашмалари коллективларининг маҳсулотларни шартнома мажбуриятларига мувофиқ етказиб беришни таъминлашга доир ватанпарварлик ташаббуслари кенг қўллаб-қув-

ватланмокда. Бир маромда меҳнат қилиш ва тураржой ҳамда социал-маданий объектларни комплекс тарзда фойдаланишга топшириш учун бошланган ватанпарварлик ташаббуси ҳам республика меҳнаткашлари томонидан маъқулланди ва кенг қўллаб-қувватланди.

Мамлакатдаги қатор илғор шахтёрлар ва нефтчилар бригадалари коллективларининг Улуғ Октябрнинг 70 йиллигига беш йилликнинг икки йили программасини бажариш, меҳнат унумдорлигини анча оширишга қаратилган ташаббусини ҳам қўплаб коллективлар давом эттирмокда. Ўзбекистонда 20 мингга яқин ишчи, 600 дан зиёд бригада ана шу ташаббусга қўшилди. Ҳозирги беш йиллик биринчи йили якунларининг кўрсатишича, улар ўз сўзлари устидан чиқишмокда. Масалан, «Мубарекгаздобича» бирлашмасидан Социалистик Меҳнат Каҳрамони Д. Қурбонов бригадаси 1986 йилги нефть казиб олиш планини 162 процент, газ казиб олиш планини — 176 процент, меҳнат унумдорлигини ўстириш бўйича топширикни — 171 процент қилиб бажарди. Республикада бундай коллективлар қўплаб учрайди.

Тошкент область ишлаб чиқариш илғорларининг яқинда бўлиб ўтган слёти катнашчилари областнинг барча меҳнаткашларига Октябрнинг шонли юбилейини меҳнатда янги зафарлар билан нишонлаш тўғрисидаги қақирик билан мурожаат қилдилар. Бу мурожаатни республика меҳнаткашлари кенг қўллаб-қувватламокдалар. Ўтган йил декабрь ойининг бошида «СССР 50 йиллиги номли Тошкент трактор заводи» ишлаб чиқариш бирлашмаси, Қўкон тикувчилик фабрикаси, Ўрта Осиё темир йўлининг Фарғона бўлими ва бошқа қўплаб корхоналар ва бирлашмалар коллективлари Улуғ Октябрь социалистик революциясининг 70 йиллиги шарафига оширилган социалистик мажбуриятлар қабул қилишди.

Бу коллективлар Улуғ Октябрь юбилейини меҳнатда юксак муваффақиятлар билан, беш йилликнинг икки йили топшириқларини муддатидан илгари бажариш ва бунда ишлаб чиқарилаётган маҳсулотнинг юқори сифатли бўлишига, хом ашё, материаллар, электр энергиясини пландагидан ортиқ даражада тежашга эришиш билан кутиб олишга қарор қилишган. Улар бундай мақсадга бунёд қилинган қувватлардан фойдаланишга янгичасига ижодий ёндашиш, меҳнат унумдорлигини ўстириш, ишлаб чиқариш ва технология интизомига риоя қилиш, янги техникани, илғор технологияни, меҳнатни ташкил этиш ва рағбатлантиришнинг илғор формаларини яратиш ва жорий қилиш, социал таракқиётни жадаллаштириш эвазига эришишни ният қилиб қўйишган.

Ўзбекистон Компартияси МК илғор корхоналарнинг ана шу ватанпарварлик ташаббусини маъқуллаб, область, шаҳар, район партия комитетларига, министрликлар ва идоралар раҳбарларига, Ўзбекистон қасаба союзлари республика Советига, бошланғич партия, қасаба союз ва комсомол ташкилотларига барча меҳнат коллективларида мазкур ташаббусни кенг муҳокама қилиш ва қўллаб-қувватлашни, Улуғ Октябрь социалистик революциясининг 70 йиллиги шарафига юксак мажбуриятлар ишлаб чиқиш ва қабул қилишни юклади. Илғор корхоналар ташаббуси республикадаги қўплаб меҳнат коллективлари томонидан қўллаб-қувватланди.

Ишчилар синфи, колхозчи деҳқонлар, халқ зиёлиларининг фидокорона меҳнати, социализмнинг улкан иқтисодий, социал ва маънавий потенциалидан энг самарали фойдаланиш натижасида совет жамияти ҳаётининг барча соҳаларида жиддий ижобий силжишлар рўй берди. «Биз экономикамизнинг истисносиз ҳар бир соҳасида турғунлик ҳолатларини бартараф этиб, олға силжишга муваффақ бўлдик,— деб қайд қилди М. С. Горбачев совет халқига Янги йил Мурожаатномасида.— Миллий даромад анча қўпайишига эришилди, социал проблемаларни янада активрок ҳал этиш сари бурилиш бошланди».

Беш йилликнинг биринчи йилидаёқ миллий даромадни ва саноат ишлаб чиқаришини ўстириш бўйича 80-йиллардаги энг юқори суръатларга эришилди. Кишлоқ хўжалик маҳсулотларининг ўсиш суръатлари беш йиллик планнинг ўртача йиллик топшириқлари даражасига нисбатан қарийб икки баравар ошиб кетди. Экономикамизнинг социал самарадорлиги ҳам сезиларли даража ўсди. 10 миллиондан зиёд совет кишилари 1987 йилни янги квартираларда кутиб олди.

Халк маорифи, соғлиқни сақлаш, маданият объектларини қуриш кўлами кенгайди.

Съезддан кейинги ўтган даврда бизнинг республикада ҳам экономикада ва социал ҳаётда бир қатор ижобий силжишлар юз берди. Саноат ишлаб чиқариши суръатлари ўсди, кишлок хўжалик маҳсулотларини сотиб олиш кўпайди, барча хўжалик ва социал соҳаларда ижобий ўзгаришлар сезилди.

Ана шу силжишларга қарамасдан, шунинг ҳам қайд қилиш керакки, бу дастлабки қадамлар, ихтиёримиздаги улкан имкониятлардан фойдаланишнинг дастлабки натижаларидир, холос. «Қириб келаётган йилда,— деди М. С. Горбачев Янги йил муносабати билан совет халқига Мурожаатномасида,— экономикада янада юксак марраларни эгаллашимиз, корхоналарни хўжалик юритишнинг янги усулларига кенг микёсда ўтказишни амалга оширишимиз, маҳсулот сифатини катъиян яхшилашимиз лозим бўлади. Совет жамияти турмушининг бошқа соҳаларида ҳам жуда муҳим ва мураккаб вазибалар олдимизда турибди. Биз учун ҳеч ким ҳеч нарса қилмаслигини, бизнинг вазибаларимизни, бизнинг муаммоларимизни ҳал этиб бермаслигини яхши биламиз. Биз ҳамма ишни ўзимиз қилишимиз керак. Бунинг маъноси шуки, ҳар биримиз иш суръатига суръат қўшишга, қўшганда ҳам салмоқли суръат қўшишга мажбурмиз. Фақат шу йўл билангина жадаллаштиришни таъминлаш ва Улуғ Октябрнинг 70 йиллигини меҳнатда катта ютуқлар билан нишонлаш мумкин». Совет кишилари ўтган йили эришилган муваффақиятларни янада кўпайтириб, Октябрнинг 70 йиллик юбилейини янги меҳнат зафарлари билан кутиб олиш учун бутун қуч-ғайратларини ишга солади.

Совет халқи етмиш йил ичида Ленин партиясининг раҳбарлигида асрларга тенг келадиган йўлни босиб ўтди. Мамлакатимиз тарихан қисқа муддат ичида ўтмишдан мерос бўлиб қолган қолоқликни бартараф этиб, дунёнинг энг тараққий этган давлатларидан бирига айланди. Унинг миллий бойлиги 50 барабар кўпайди, совет кишиларининг турмуш даражаси ва сифати кескин ўзгарди, шаҳар аҳолисининг реал даромадлари 12 барабар, кишлок аҳолисиники — 19 барабар кўпайди. Совет кишилари учун гарантияланган иш, текин медицина ёрдами, қариганда моддий таъминланиш ҳуқуқи, ҳамманинг давлат ва жамият ишларини бошқаришда иштирок этиши мумкинлиги оддий ҳаётнинг нормалар бўлиб қолди.

Босиб ўтилган йўлга баҳо берар эканмиз, В. И. Лениннинг Улуғ Октябр социалистик революциясининг тўрт йиллиги арафасида айтган қуйидаги сўзларини эъга олмаслик мумкин эмас: «Бу буюқ кун биздан йироқлашган сари, Россиядаги пролетар революциясининг аҳамияти равшанроқ бўлиб бормоқда, шунингдек, бутун ишимизнинг амалий тажрибаси устида тобора чуқурроқ ўйламоқдамиз» (ТАТ, 44-том, 166-бет).

* *
*

Социализм Ватанимизнинг халқаро майдондаги аҳволи ва ролини тубдан ўзгартирди. У бизга шунингдек дунёдаги воқеалар жараёнига самарали таъсир этишимиз, ўз халқимиз ва дунёдаги барча халқларнинг тинч ҳаёти учун хужумкорлик билан кураш олиб боришимиз учун имконият яратадиган моддий, ғоявий ва маънавий ресурслар ҳам берди.

Социализм ва тинчлик ажралмасдир. Ўз вақтида К. Маркс ёзган эдики, «иктисодий қашшоқ ва сиёсий жихатдан ақлсиз бўлган эски жамиятга қарама-қарши ўлароқ янги жамият дунёга келади, тинчлик бу жамиятнинг халқаро принципи бўлади, чунки ҳар бир халқнинг ягона ҳукмдори меҳнат бўлади» (К. Маркс ва Ф. Энгельс. Асарлар, 17-том, 5-бет). Тинчлик учун кураш социалистик давлатнинг ўз табиатидан келиб чиқади, чунки унда социал зулмни ва эксплуататорлик, босқинчилик мақсадларини кўзлайдиган, интервенциялар ва ҳарбий авантюраларни ташкил этадиган эксплуататор синфлар йўқ қилинган.

Совет давлати дунёга келган кундан бошлаб тинчликсевар давлатдир. Тинчлик тўғрисидаги декрет — унинг биринчи декрети эди. Мамлакатимизнинг

тинчликсевар ташки сиёсатиға В. И. Ленин асос солган эди. У янги жамият барпо этиш учун кураш тинчлик учун кураш билан чамбарчас боғлиқ деб хисоблар эди. В. И. Ленин Совет давлати тинчликсевар ташки сиёсатининг асосий принциплари — пролетар интернационализи ва турли социал системадаги давлатларнинг тинч-тотув яшаши принципларини таърифлаб берган эди. Советлар Мамлакати ана шу принципларға сўзсиз амал қилиб, дунёға келган дастлабки кунларидан бошлаб тинчлик учун изчил кураш олиб бормокда.

КПСС Ленин васиятларини бажариб, мамлакатнинг совет кишилари самарали меҳнат қилиши учун тинч шароитлар яратишни таъминлашға қаратилган ташки сиёсат йўлини ишлаб чиқишға ва амалға оширишға катта ижодий хисса қўшмокда. Ахир, фақат шундай шароитлардагина халқ фаровонлигининг ошиши, шахснинг камол топиши, фан ва маданиятнинг ривожланиши, инсоннинг меҳнат қилиш, дам олиш, илм олиш, уй-жойли бўлиш, саломатлигини муҳофаза қилиш, сермазмун ҳаёт кечириш каби асосий ҳуқуқларини қондириш мумкин. Янги ижтимоий тузумнинг, миллионлаб кишиларни ижодий бунёдкорликка илҳомлантирувчи марксча-ленинча дунёқарашнинг теран моҳияти тинчлик билан социализмнинг ажралмаслигида худди кўзгуда акс этгандек ўз ифодасини топгандир.

Совет ҳокимиятининг биринчи халқаро акти — тинчлик ҳақидаги Ленин Декретидан тортиб — КПСС XXVII съезди ишлаб чиққан халқаро хавфсизликнинг кенг қамровли программасига қадар бизнинг партия билан давлатимиз тинчлик ва халқлар озодлиги учун курашнинг асосий йўналишлари давомийлигини сақлаб келмокда. КПСС тинчликсевар ташки сиёсатининг жаҳон ривожланишининг бориши ва истикболларига ғоят теран ва кенг миқёсда таъсир ўтказётганлиги — совет кишиларининг коммунизм қурилишида, СССРнинг муҳофаза қилинганлиги мустаҳкамлашда эришаётган улкан муваффақиятларининг бевосита натижасидир.

КПСС XXVII съезди тинчлик учун курашда муҳим марра бўлди, партиянинг Ер қуррасида тинчликни мустаҳкамлашға қаратилган бош йўлининг қабул қилинганлиги ва тасдиқланганлиги съезднинг иккита асосий сиёсий якунидан биридир. Съезд Совет Иттифоқининг ташки сиёсатини ленинча тинч-тотув яшаш йўлига қатъий амал қилишға, Совет принциплари ва позицияларини қатъиян ҳимоя қилишни тактик эпчиллик, ўзаро мақбул битимларға, мулоқотға, бир-бирини тушуниш йўллариини излашға шайлиқ билан қўшишға йўналтирди.

КПСС МК Сиёсий докладида янгича куч билан шундай таъкидланди: «Социализм давлатлараро сиёсий ва иқтисодий зиддиятларни, мафкуравий низоларни бартараф этиш воситаси сифатида урушни ҳеч сўзсиз рад этади. Қурулсиз... дунё... — бизнинг олий мақсадимиздир. ...Ядро уруши хавфига, қурулланиш пойгасига қарши, ялпи тинчликни сақлаш ва мустаҳкамлаш учун кураш партиянинг жаҳон майдонидаги фаолиятининг асосий йўналиши бўлиб қолаверади». Партия XXVII съезди янги йирик ғояни — халқаро хавфсизликнинг кенг қамровли системасини вужудға келтириш ғоясини илгари сурди ва унинг принципиал негизларини таърифлаб берди.

КПСС ва Совет давлати XXVII съезднинг планетамизда тинчликни мустаҳкамлаш, қурулсизланиш, халқларнинг ялпи хавфсизлигини таъминлашға қаратилган йўлини изчиллик билан ҳаётға татбиқ қилмокдалар. СССР съезддан кейин ўтган даврда қатор тинчликсевар ташаббуслар билан чикди. 1986 йилнинг 11—12 октябрида Рейкьявикда бўлиб ўтган Совет-Америка учрашуви халқаро ҳаётда, қурулланиш пойгасига қарши, ядро қурулини тақиқлаш ва йўқ қилиб ташлаш, инсониятни уруш хавфидан халос этиш учун курашда улкан сиёсий воқеа бўлди. «Биз Рейкьявикдаги ўз таклифларимизда бениҳоя кўп эзгу хоҳиш-иродани ифодаладик, — деб қайд қилди шу муносабат билан М. С. Горбачев совет халқига Янги йил Мурожаатномасида, — Рейкьявикдаги музокаралар чоғида инсоният бамисоли уфқ ортига назар ташлагандек, ядросиз дунё киёфасини кўргандек бўлди. Афсуски, ғарбдаги кўпгина сиёсий арбобларнинг Рейкьявик хусусида билдирган фикр-мулоҳазалари эски, консерватив фикрлашнинг сийка андозалари ҳали ҳам накадар кучли эканини,

баъзи ҳукуматларнинг сиёсати халкларнинг ҳақиқий орзу-умидларига нақадар зид эканини кўрсатди». Тинчлик, қуролсизланиш, жаҳон ядро урушига йўл қўймаслик учун кураш ҳозир ҳам илгаригидек КПСС ва Совет давлати ташқи сиёсат соҳасидаги фаолиятининг асосий йўналишларидан бири бўлиб қолмоқда.

В. И. Ленин Улуғ Октябрь социалистик революциясининг нафақат Россия халклари учун аҳамиятга эгалиги, балки унинг бутун инсониятнинг тарихий тақдирига дахлдор бўлиб, жаҳон революцион жараёнига ҳал қилувчи таъсир ўтказишини бир неча бор таъкидлаган эди. У «Коммунизмда болаларча «сўллик» касали» (1920 йил) асарида бизнинг революциямиз, кенг маънода олиб гапирганда, унинг барча асосий ва кўпгина иккинчи даражали томонларининг барча мамлакатларга таъсир қилиши маъносида ва, тор маънода олиб гапирганда, «яъни халқаро аҳамияти деган сўзни бизда бўлган нарсаларнинг халқаро аҳамияти ва уларнинг халқаро миқёсда такрорланиши тарихий жиҳатдан муқаррар эканлиги маъносида» халқаро аҳамиятга эгадир, деб ёзган эди (ТАТ, 41-том, 3-бет).

Лениннинг бу сўзлари ҳақиқий доҳиёна башорат бўлиб чиқди. Бугунги кунда Европа, Осиё, Африка ва Лотин Америкасининг турли мамлакатлардаги юз миллионлаб кишилар Совет Иттифоқи халклари билан биргаликда Улуғ Октябрь бошлаб берган йўлдан бормокдалар. Натижада дастлаб бизнинг мамлакатда воқе бўлган социализм эндиликда жаҳон системасига айланди. Социалистик интернационализм муносабатлари социалистик ҳамдўстликда тўла-тўқис намоён бўлди.

Социализмга томон марксизм-ленинизм томонидан кашф этилган, СССРдаги ва бошқа реал социализм мамлакатларидаги тажриба ва уни қуриш практикаси, революцион кураш ва социалистик бунёдкорликнинг интернационал тажрибаси тасдиқлаган умумий қонуниятлардан бошқача йўл йўқлиги ва бўлиши ҳам мумкин эмаслиги тарих томонидан исботланди. Худди шунингдек ҳар бир давлатнинг миллий ўзига хос хусусиятларини ҳар тарафлама ҳисобга олмай туриб бу йўлдан муваффақиятли бориш мумкин эмаслиги ҳам исботланди. Қўйидагилар социализмнинг ана шундай умумий қонуниятларидир: ишчилар синфининг ғалабага эришганлиги роли шароитида меҳнатқашлар ҳокимияти, илмий социализм идеологияси билан қуролланган коммунистик партиянинг жамият ривожланишига раҳбарлиги; асосий ишлаб чиқариш воситаларининг ижтимоий мулклиги қарор топиши ва шу негизда экономиканинг халқ манфаатлари йўлида планли ўсиши; «Ҳар кимдан — қобилятига яраша, ҳар кимга — меҳнатига яраша» принципининг амалга ошиши; социалистик демократиянинг ривожланиши; барча миллат ва элатларнинг тенг ҳуқуқлилиги ва дўстлиги; революцион ғалабаларни синфий душманларнинг ҳамлаларидан ҳимоя қилиш. «Социалистик мамлакатлардан ҳар бирининг конкрет шароитларда умумий қонуниятлардан фойдаланиши, — деб кўрсатилади КПСС Программасида, — уларнинг дадил олға ҳаракат қилиши, ўсиш қийинчиликларини енгиб ўтиши ва рўй берадиган зиддиятларни ўз вақтида бартараф этишининг асосидир, идора этувчи коммунистик партияларнинг социалистик ривожланиш умумий жараёнига қўшаётган реал ҳиссасидир».

Октябрь ғояларининг, совет халқи, социалистик ҳамдўстлик бошқа мамлакатлари социалистик бунёдкорликда эришаётган муваффақиятларнинг қудратли таъсири остида миллий-озодлик ҳаракати неҳоятда авж олиб кетди. Империализмнинг мустамлакачилик системаси барбод бўлганлиги, унинг вайроналари ўрнида ўнлаб мустақил давлатлар вужудга келганлиги ана шу ҳаракатнинг тарихий ғалабаси бўлди. Озодликка эришган бир қанча мамлакатлар танлаб олган нокапиталистик ривожланиш йўли, социалистик йўналишни танлаш йўли ижтимоий таракқиётнинг ёруғ истикболларини очади.

Сўнгги 70 йил мобайнида бизнинг мамлакатда ва бутун планетада рўй берган тарихий ўзгаришлар Улуғ Октябрь социалистик революциясининг жаҳоншумул-тарихий аҳамияти тўғрисида яққол далолат беради. Улуғ Октябрь ғоялари яшамокда ва ғалаба қилмоқда.

СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ

ПАРТИЯ БИЛАН ХАЛҚ ҲАЁТИДАГИ БУЮК ВОҚЕА

КПСС XXVII СЪЕЗДИНИНГ БИР ЙИЛЛИГИГА

А. ЙЎЛДОШЕВ,
тарих фанлари доктори

ПАРТИЯМИЗНИНГ ҲАР БИР СЕЪЗДИ, Ленин сўзлари билан айтганда, нафақат бутун ишчилар ҳаракатида, шунингдек бутун совет ҳокимияти қурилишида юсак даражада муҳим аҳамиятга моликдир. Съездларнинг шундай юсак ижтимоий-сиёсий роль ўйнашига сабаб шуки, уларнинг иши ва қарорларида сиёсий, ҳўжалиқ ва маънавий тараққиётнинг объектив эҳтиёжлари реал тарзда ифодаланади. Съезд сайланган вакилларнинг энг обрўли йиғини бўлиб, бутун партиядан ваколат олади ва шу билан унинг номидан гапириш ҳуқуқига эга бўлади.

В. И. Ленин партия съезди — юкори инстанциядир, съездда шахсий нарсаларнинг ҳаммаси улоктириб ташланиши, ҳеч бир нарса ҳаспўшланмаслиги керак, деб ҳисоблар эди. У съездларнинг қарорларини ўзаро ишонч, ўзаро келишув ифодаси, партиянинг коллектив тафаккури ва коллектив иродасининг гавдаланиши сифатида ҳурматлашга ва уларга оғишмай риоя этишга даъват қилар эди. Тарихнинг ҳар бир кескин бурилишида, масъулиятли стратегик вазифаларни ҳал этишда В. И. Ленин бутун партиянинг фикрини билиш шарт деб ҳисоблар эдики, пировард натижада фақат угина тўғри сиёсий кўрсатмалар бериши, камчилик ва хатоларга йўл қўймасликка ёрдам қилиши мумкин.

Партиянинг сиёсий таржимаи ҳолида ўз аҳамиятига кўра фавқулодда ўрин эгаллаган КПССнинг навбатдаги XXVII съезди айни шундай бир вақтда ўтди. Янги ижтимоий формациянинг қарор топишида, бутун инсоният тақдирида съезднинг алоҳида роли унда қабул қилинган қарорларнинг стратегик характери билан белгиланади. КПСС МКнинг 1985 йил апрель Пленумида илгари сурилган мамлакатнинг социал-иқтисодий ривожланишини жадаллаштириш ва шу асосда социалистик жамиятнинг сифат жиҳатдан янги ҳолатига эришиш концепцияси съездда янада ижодий ривожлантирилди. У КПСС Марказий Комитетининг КПСС МК Бош секретари М. С. Горбачев қилган Сиёсий докладида, съезд қабул қилган янги таҳрирдаги партия Программасида, СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида, съезднинг бошқа ҳужжатларида кенг ифодасини топди. Жадаллаштириш стратегияси ана шу ҳужжатларнинг негизини, партиянинг ҳозирги босқичдаги бош йўлининг моҳиятини ташкил қилади.

1920 йилда, ўз характерига кўра бурилиш даврида В. И. Ленин РКП ташкилотларига мурожаат қилиб, ёзган эди: «Олға қараб бориш керак, олдинга қараш кёрак, съездга ҳўжалиқ қурилишига доир пухта ўйлаб чиқилган ва барча партия аъзоларининг биргалашиб меҳнат қилиши, биргалашиб қуч-ғайрат кўрсатиши натижасида яхшилаб қайта ишланган амалий тажриба билан келиш керак... Амалий тажрибани шунинг учун ҳисобга олиш керакки, зарарли нарсалар чиқариб ташлансин, барча қимматли нарсалар тўплансин, энг яқин

орада кўриладиган бир қанча амалий тадбирлар аниқ белгилансин ва бу тадбирлар қандай қилиб бўлса ҳам, ҳар қанча қурбонлар бериб бўлса ҳам амалга оширилсин,— биз ҳозирги пайтнинг вазифасини ва партия съездининг вазифасини ана шундай деб тушунамиз» (Тўла асарлар тўплами, 40-том, 164, 166-бетлар). Тўла асос билан айтиш мумкинки, бугунги кунда ҳам партия, унинг Марказий Комитети вазифаларни худди шу тариқа, ленинчасига қўймоқда. Партиядаги характерига кўра ғоятда актив, мазмундор ва натижаларига кўра самарадор съездолди ҳисобот-сайлов кампаниясига ишга айна шундай ёндашиш хос бўлди. Партия съездининг иши учун ҳам айна шундай ёндашув характерли эди. «Ленин тўғрисида тез-тез эслаб турайлик, ўртоклар»,— КПСС XXVII съездида янграган бу сўзларда кироатхонликка даъватдан асар ҳам йўқ, улар реал практика талабларининг далилидир. Марксистик тафаккур ривожининг олий босиқичи бўлган Ленин ғояларига, ленинизмга садоқат — Ленин партияси бутун тарихининг фарқ қилувчи хусусиятидир. Бу тарих, деб қайд қилинди съездда, гулдираб ўтган шонли ўтмиш эмас, балки барча коммунистларнинг жонли, бугунги сиёсий иши ва ақл-идрокининг ажралмас қисмидир.

Вакт Ленин тафаккурига, практикада кўп марта синовдан ўтган ленинча қондалар ва ҳулосаларга ўз амрини ўтказолмайди, буни КПСС XXVII съезди ғоятда ёрқин намоёйиш қилди. Вакт ўзининг олға томон ҳаракатида уларнинг тобора чуқур мутолаа қилинишига ёрдам беради. Ленин сабоқларининг башоратли кучини ва боқий сиёсий муҳимлигини тасдиқлайди. Съезддаги докладчилар ва сўзга чиққан делегатлар бугунги кун ташвишлари тўғрисида ўйлаб, ана шу сабоқларга доимо зўр қизиқиш билан мурожаат қилдилар, эришилган муваффақиятларни реалистик, ленинча дадиллик билан ленинча ижодий идрок этишда, янги вазифаларни қўйишда уларга таяндилар. Съезд қатнашчилари ва меҳмонларининг, унинг ишини манфаатдорлик билан, ҳолис қўзатиб борган барча кишиларнинг яқдил фикрича, КПСС МҚнинг Сиёсий доклади, янги таҳрирдаги КПСС Программаси, XXVII съезднинг бошқа ҳужжатлари ижодий марксизм-ленинизмнинг буюк ютуғидир. Улар ҳозирги замоннинг энг долзарб саволларига жавоб берди, янги вазифалар ва проблема-лар қўйди. Тарихий оптимизм, коммунистик идеаллар тантанасига ишонч билан йўғрилган, назарий жиҳатдан дадил, очик-ойдин, характерига кўра конструктив бўлган бу ҳужжатлар совет халқида, унинг кўпдан-кўп чет эллик дўстларида янги умидлар туғдиради ва айна вақтда теран фикр-мулоҳазаларга, ҳар тарафлама пухта ўйланган қарорлар чиқаришга, ғайрат-шижоат билан ҳаракат қилишга ундайди.

Шу билан бирга съезд КПССнинг халқаро воқеаларга таъсири тобора ортиб бораётганини ишонарли тарзда намоёйиш қилди. КПСС XXVII съезди ишида дунёнинг турли қисмларидаги 113 мамлакатдан келган коммунистик, ишчи, революцион-демократик, социалистик, социал-демократик, лейбористик ва бошқа партияларнинг 152 делегацияси, халқаро, демократик жамоат ташкилотларининг вакиллари қатнашгани унинг юксак обрўси, жаҳоншумул аҳамиятининг тан олингани бўлди.

Коммунистлар социал тараккиёт йўлларини ҳамиша уларнинг бутун ички мураккабликлари ва зиддиятлилиги ҳолида тасаввур этиб келганлар. Инсон, унинг эҳтиёжлари ва ишлари мазкур жараёнларнинг ҳам марказида туради — коммунистик дунёқарашнинг асосий фарқи ҳам шунда (айтгандай, партия XXVII съезди ҳам бунини алоҳида таъкидлади). Инсон ҳаёти, уни ҳар тарафлама намоён этиш имкониятлари, Лениннинг фикрича,— энг катта бойлик бўлиб, ижтимоий ривожланиш манфаатлари — ҳамма нарсадан юқори туради. КПСС ўзининг бутун амалий фаолиятида шу йўлни тутди.

Партия XXVII съезди ҳозирги шароитларда янгича тафаккур тарзини, янгича психологияни, янгича қадрият ориентациясини ишлаб чиқиш зарурлиги тўғрисида ғоятда муҳим ҳулоса чиқардики, эндиликда бусиз на совет жамиятини социал-иктисодий ривожлантиришни жадаллаштиришнинг хилма-хил вазифаларини муваффақиятли ҳал этиб, на жаҳон социализмининг позицияларини янада мустаҳкамлаб, на инсониятнинг мавжудлигига таҳдид солаётган ҳавфни йўқ қилиб бўлади. «Биз айнан бошдан кечираётган мана шу **конкрет**

иктисодий ва сиёсий вазият, тарихий жараённинг совет жамияти ва бутун дунё босиб ўтаётган айнан ҳозирги алоҳида **палласи** партиядан, ҳар бир коммунистдан ижодкорликни, новаторликни, одат бўлиб қолган, лекин аллақачон эскирган тасаввурлар доирасидан чиқа билишни талаб қилмоқда», — дейилади КПСС МКнинг съездга Сиёсий докладида.

Янгича тафаккур тарзи, янгича психология ва кадрият ориентацияси мамлакат ички аҳволини асосли ва ҳаққоний таҳлил этишда, жадаллаштириш концепцияси ва стратегиясида мужассам ифодаланган назарий тафаккурнинг янгилиги ва дадиллигида, КПСС XXVII съезди қўйган конкрет биринчи навбатдаги ва перспектив вазифаларда бутун тўлалигича намоён бўладиги, бу вазифалар социализмнинг туб афзалликларидан жадал ва самарали фойдаланишга, социал-иктисодий ривожланишнинг энг муҳим йўналиши сифатида инсон тўғрисидаги ғамхўрликни амалда қарор топтиришга қаратилгандир. Съезд берган ҳақиқат сабоғи, — аввалги тараққиёт тажрибасини, таркиб топган назарий концепция ва тасаввурларни партиянинг дадил танқидий қайта баҳолаши, ўз хато ва камчиликларини, нафақат умуман жамиятдаги, шунингдек партия муҳитидаги салбий ҳодисаларни ҳам муросасиз таҳлил этиши борасидаги сабоқдир.

Марксизм-ленинизм танқид ва ўз-ўзини танқидни Коммунистик партиянинг, реал социализм шароитларида эса — бутун халқнинг революцион-тубдан ўзгартирувчилик фаолиятининг методи деб қарайди. Бугунги кунда танқид ва ўз-ўзини танқиднинг зарурлиги, КПСС XXVII съездида таъкидлаганидек, аввалги вақтлардагидан кўра кескинроқ сезилмоқда. Зеро партия узлуксиз ривожланишда, «нуксонсизлик» комплексидан холи бўлса, қўлга киритилган муваффақиятларни танқидий баҳоласа, нималар қилиш кераклигини равшан кўрсагина ўз вазифаларини муваффақиятли ҳал қила олади. Съезд сабоқлари шундан таълим берадики, танқиднинг «очикдан-очик ўринсиз инкор этиш» билан ҳеч қандай алоқаси йўқ, у конструктив характерда бўлиши, келиб чиқадиган проблемаларнинг мақбул ечимларини излаб топишга ёрдамлашиши керак. Ижтимоий практика соҳасида танқид қуроли одамларни тезроқ психологик жиҳатдан қайта қуришга, жамият ҳаётининг ҳамма томонларини сифат жиҳатдан янгилаш соҳасидаги фаолиятнинг янги формаларини ишлаб чиқишга хизмат қилиши керак.

Шу билан бирга «танқид қуролининг» тигидан социал мимикрия, демагогия, ўч олиш максадларида фойдаланиш йўлидаги уринишларнинг олдини олиш муҳим. Сир эмаски, танқид ва ўз-ўзини танқиднинг эзгу аҳамияти ҳақида сафсата сотиш ёрдамида гоҳо янгича ишлашни хуш кўрмасликни ёки уддалай олмасликни ниқобламоқчи бўлишади. Танқид ва ўз-ўзини танқид сўз билан ишнинг бир бўлишини, жавобгарликни ўз зиммасига олишга тайёр туришни такозо этади. Партия ўзининг барча кадрларидан, шу жумладан назарий кадрлардан, ҳар бир меҳнат коллективидан, ҳар бир коммунистдан, ҳар бир ҳалол меҳнатчидан шундай тайёрликни кутади ва талаб қилади.

КПСС XXVII съезди, иктисодий тараққиётнинг янги вазифаларини эски хўжалик механизмидан фойдаланиб ҳал қилиб бўлмайди, деб қайд қилди. Бу ерда туб ислохот зарур. Хўжаликни юритиш методларини шундай қайта қуриш лозимки, улар жадаллаштиришнинг ҳал қилувчи шарти бўлган интенсивлаштиришга тўла жавоб берсин. Социалистик экономиканинг олий максадига мувофиқ ижтимоий талабларни ва ҳар бир инсоннинг эҳтиёжларини кондиритиш диққат марказига қўйилиши керак. Хўжалик механизмини юксак самарадорлик ва иш сифати йўлига солиб, унга кўп чиким қилмаслик хусусияти бағишлаб, фан-техника тараққиётига мойил қилиб, коллективларнинг ўз меҳнати натижаларидан чуқур манфаатдорлигини вужудга келтириб, ташаббусга ва социалистик омилкорликка кенг йўл очибгина бунга эришиш мумкин.

Ҳар бир кишининг социал-иктисодий жадаллаштиришга, социализмни амалда мустаҳкамлашга қўшадиган реал ҳиссаси хўжалик юритиш ва бошқаришнинг у ёки бу формалари текшириб қўриладиган синов мезони бўлиб қолиши керак. Бу вазифаларнинг ҳал қилиниши социализмнинг сиёсий иктисоди соҳасидаги илмий ишламаларнинг активлашуви, иктисодчи олимлар-

нинг жадаллаштириш концепциясига, унинг энг муҳим жиҳатларига эътиборни қаратиши билан чамбарчас боғлиқдир. Буларнинг энг муҳимлари — жамиятимиз таракқиётининг ҳозирги босқичидаги ишлаб чиқарувчи кучлар билан ишлаб чиқариш муносабатларининг диалектикаси, улар орасидаги ноангагонистик зиддиятларни ҳал қилиш йўллари ва методлари, социалистик мўлҳамда ўни иқтисодий жиҳатдан реализация қилишнинг хилма-хил формалари проблемаси (бу проблема съезд янгича қўйган масалалардан энг муҳими бўлган — экономикада социалистик ўз-ўзини бошқаришни янада чуқурлаштириш тўғрисидаги масалани ҳам ўз ичига олади), хўжалик ҳисоби ва товар-пул муносабатларидан социалистик асосда самарали фойдаланишга доир кўп қиррали мавзудир.

Бу масалаларга хўжалик юритиш практикасига энг кўп яқинлаштирилган ва уни жиддий тарзда тубдан ўзгартиришга қаратилган, азалги хато назарлар таъсиридан холи бўлган пухта илмий қараш — партия XXVII съезди талаб қилган хўжалик механизмини ўзгартириш, ишлаб чиқариш муносабатларини такомиллаштиришнинг энг муҳим дастлабки нуктасидир. Ижтимоий ишлаб чиқаришни бутун техникавий-технологик қайта қуриш аниқ социал йўналишга эга бўлиши керак, деб таъкидланди съездда. Бунда меҳнат соҳасидаги инсон бутун борлиғича намоён бўладиган асосий соҳадаги социал проблемаларни ҳал этишга, унинг ҳам ходим, ҳам шахс сифатида камол топишга энг биринчи аҳамият берилади. Гап жонли меҳнатни шунчаки буюмлашган меҳнат билан алмаштириш тўғрисида эмас, балки унинг мазмунидаги чуқур туб ўзгаришлар тўғрисида, уни анча интеллектлаштириш тўғрисида борапти. Шу мақсадда ўн иккинчи беш йилликда ва 2000 йилгача бўлган даврда оғир бир хилдаги ишни анча камайтириш, қўл меҳнати улушини икки баравардан зиёд қисқартириш, 20 миллиондан кўпроқ одамни кам малакали ишдан холи қилиш лозим бўлади. Бу билан меҳнатни биринчи ҳаётий эҳтиёжга айлантириш йўлида катта қадам қўйилади.

КПСС XXVII съезди XX асрнинг сўнгги чорагидаги жаҳон таракқиётини ҳисобга олган ҳолда ҳозирги даврнинг, халқаро вазиятдаги чуқур ва турли моҳиятдаги ўзгаришларнинг ленинча характеристикасини ривожлантирди ва бойитдики, бу содир бўлган ўзгаришларнинг барча объектив ва субъектив, социал ва технологик факторларини комплекс таҳлил қилиб чиқишни талаб қилди. Ҳозирги дунё мураккаб, хилма-хил, жўшқин, унга қарама-қарши тенденциялар сингиб кетган, зиддиятларга тўла. Мураккаб альтернативалар, ташвиш ва умидлардан иборат бу дунё, съезднинг таърифида, тарихий жарённинг янги палласига қадам қўйди. Фан-техника революцияси натижасида ишлаб чиқарувчи кучларда юз берган сифат сакраши ҳозирги вазиятда принципаал янгиликни белгилайди. Бу революция инсониятнинг бунёдкорлик имкониятини айниқса ҳозирги босқичда беҳад кўпайтирдики, бу янги техника ва технологиянинг ривожланиши билан боғлиқдир. Шу билан бирга у вайронлик келтирувчи воситаларда шу қадар масштабли ўзгаришлар ясашга ёрдам берадики, цивилизациянинг ўзини қирғин қилиш ёқасига келтириб қўяди. Табиийки, фан-техника революцияси ўз ҳолича инсоният бошига фожиа солмайди. Буни империализм ўзи билан олиб келади, у инсоният даҳоси ютуғини мудҳиш вайронлик кучига эга бўлган курулни яратишга хизмат қилдиради. Бутун-бутун халқлар тақдирини қурбон қилишга тайёр турган империалистик доиралар сиёсати бундай курул ишга солиниши хавфини кучайтиради. Инсоният тарихда биринчи марта жуда хавфли мушкул аҳволда қолди — у ё ўлимни, ё ҳаётни танлаши керак — Ленин партияси жаҳонга ана шу даҳшатли ҳақиқатни биринчи бўлиб айтди. Ҳозир шундан муҳимроқ нарса йўқ.

КПСС XXVII съезди нафақат ҳозир инсоният рўпара келиб қолган альтернативаларни аниқлабгина қолмай, шунингдек ягона макбул йўлни — тинчлик ва социал таракқиёт йўлини илмий асослаб ҳам берди. Съездда таъкидланганидек, жаҳон таракқиётининг бориши бунинг учун зарур моддий, социал, сиёсий шарт-шароит яратади. Съезднинг узоқ истикболга мўлжалланган, ҳозирги дунё диалектикасини акс эттирадиган икки система мусобақасининг, тарихий курашининг жаҳон ҳамжамияти давлатларининг кучайиб

бораётган ўзаро боғлиқлиги тенденцияси билан қўшилиши тўғрисидаги, зиддиятли, аммо ўзаро боғлиқ, социал карама-қаршилиқлар кураши оркали таркиб топаётган кўп жихатдан яхлит дунё тўғрисидаги қондаси ҳозирги тарихни материалистик тушуниш, ташқи сиёсатни илмий асослаш учун принципиал муҳим аҳамиятга эга.

XXVII съездда КПССнинг ташқи сиёсат стратегияси ленинча чуқур ва ҳар тарафлама идрок этилди ва белгилаб берилдики, бу сиёсат партиянинг мамлакат ичидаги туб вазифалари билан ҳамбарчас боғлиқдир. Ташқи сиёсат олдида қўйиладиган энг биринчи программавий талаб — совет халқига мустаҳкам тинчлик ва эркинлик шароитида меҳнат қилиш имкониятини таъминлаш талаби яна бир бор тасдиқланди; асосий йўл: ядро ҳавфига, қуролланиш пойгасига қарши йўл, умумий тинчликни сақлаш ва мустаҳкамлаш йўли кўрсатиб берилди. Жаҳондаги вазиятнинг чуқур ўзгаришларини комплекс таҳлил этишга таянган ҳолда съезд тинчлик ва социал тараққиёт учун ҳар тарафлама асосланган ҳаракат программаси билан майдонга чиқди, планетанинг илғор, демократик доираларида бу программа кенг кўламда ижобий баҳоланди, съезд янги, адолатли тинчлик тартибининг ғоявий-назарий асосларини ишлаб чиқди. КПСС илгари сурган янги ташқи сиёсат тафаккури зарурлиги тўғрисидаги тезис, ҳозирги шароитларда, ядро урушининг ўзида ютиб чиқиб бўлмаганидек, қуролланиш пойгасида ҳам ютиб чиқиб бўлмаслиги тушунчаси янада асосланди ва ривожлантирилди. Бинобарин, ҳатто урушга тайёргарлик, ҳарбий устунликка интилиш объектив равишда ҳеч кимга сиёсий ютуқ келтира олмайди.

Ҳозирги дунёнинг асосий тенденциялари ва зиддиятларининг съезд ҳужжатларида берилган анализи тинчлик ва социал тараққиёт тақдир бугунги кунда жаҳон социалистик системасининг иктисодий ва сиёсий тараққиёти динамизми билан ҳар қачонгидан кўра маҳкамроқ боғлиқлигини ишонарли тарзда кўрсатади. Ҳозир инсониятнинг учдан бир қисмидан кўпроғи, кўпгина мамлакатлар ва халқлар социализм ва коммунистик цивилизацияни бунёд қилиш йўлидан бормокда. Улар бу йўлни ҳар хил шароитларда, турлича бошланғич позицияларда бошладилар. Баъзида бу ҳаракат силлиқ ва оддий кечмади; ҳатолар ҳам бўлди. Лекин, К. Маркс башорат қилганидек ва КПСС XXVII съезди таъкидлаганидек, янги дунёнинг хилма-хиллиги, бир хил базиснинг ўзининг конкрет намоён бўлишидаги вариация ва градацияларнинг беҳадлигига қарамай, бу ерда боқий аҳамиятга эга йўл кўрсатувчи босқичлар — социализмнинг умумий қонуниятлари бўлган эди, ҳозир ҳам бор ва яна бўлажак. Бинобарин, ҳозир, социалистик дунё учун мана шундай бурилиш даврида, тарих қардош халқлар олдида янги, коллективистик ижтимоий тузумнинг туб афзалликларидан тўла ва сифат жихатдан энг юксак даражада фойдаланиш зарурлигини қатъий қилиб қўйган бир шароитда ана шу қонуниятларни ва уларнинг конкрет шароитларда намоён бўлишининг ўзига хос хусусиятларини янада чуқурроқ билиш — келиб чиқадиган вазифаларни тўғри ҳал қилишнинг, қийинчиликларни бартараф этишнинг гарови, олға томон — XXI аср сари дадил ҳаракат қилишнинг асосидир. Социал-иктисодий ва сиёсий тузумнинг бир типдалиги, дунёқарашларнинг бирлиги, синфий бирдамлик ва мақсадларнинг муштараклиги социалистик мамлакатлар замон даъватига берадиган жавобнинг принципиал жихатдан айнан бир хиллигини олдиндан белгилаб беради, — бу ижтимоий ишлаб чиқаришни интенсивлаштириш томон кескин бурилиш, илмий-техникавий, иктисодий ва социал тараққиётни жадаллаштиришдир.

Қардош мамлакатлар идора қилувчи партияларининг навбатдаги съездлари бу бирликнинг конкрет кўринишлари хилма-хил бўлгани ҳолда унинг мустаҳкамлигини намоён этди. Болгария Коммунистик партияси, Германия Социалистик бирлашган партияси, Чехословакия Коммунистик партияси, Югославия Коммунистлар Союзи, Польша бирлашган ишчи партияси, Вьетнам Коммунистик партиясининг КПСС XXVII съезидан кейин бўлиб ўтган съездлари ўз қарорларида тарихнинг ҳозирги кескин бурилиши талабларини акс эттирдилар, социалистик жамият ривожининг ўткир ва кечиктириб

бўлмайдиган проблемаларини ҳар тарафлама кўриб чикдилар ва уларни ҳал қилиш йўллари кўрсатдилар, унинг экономикаси ва сиёсати, маданияти ва бошқарувидаги, турмушнинг турли соҳаларидаги туб ўзгартаришларнинг йўналишларини белгилаб берди. Ҳозирги замоннинг энг муҳим масаласи фан-техника тараққиёти негизда социал-иктисодий ривожланишни жадаллаштиришдир, деб таъкидланди ана шу съездларда. Қардош партиялар ана шу кўламдор вазифани ҳал этиш йўллари очиб борар экан, ўзаро тўлақонли ва самарадор алоқаларнинг, коллектив ақл-идрокнинг қудратли потенциалининг, ҳамкорлик ва ҳамжиҳат ҳаракатлар имкониятларининг ғоят улкан аҳамиятга эга эканини таъкидладмокдалар.

Ривожланишнинг миллий ва интернационал омилларининг узвий ўзаро алоқаси социалистик иктисодий интеграцияда яққол намоён бўлмокда. Иктисодий ҳамкорлик ҳозирги босқичининг энг муҳим вазифаси қардош партиялар ва давлатлар раҳбарлари томонидан коллектив ҳолда белгилаб чиқилди. Бу — фан-техника тараққиёти, ишлаб чиқариш кооперациясидир (биринчи навбатда машинасозликда). УИЕК аъзолари бўлган мамлакатларнинг 2000 йилгача бўлган даврга мўлжалланган фан-техника тараққиётининг комплекс программаси куч-ғайратларни ишлаб чиқаришни интенсифлаштиришнинг энг муҳим йўналишларида изчил бирлаштириш, бу соҳада революцион сакрашни амалга ошириш ва жаҳонда энг юксак марраларни забот этишга даъват қилинган. Замон даъватига — жаҳон бошидан кечираётган кенг кўламдаги технологик тўнтаришга — жавобан бу коллектив программа қардош мамлакатларнинг ҳамжиҳат ҳаракатларида янги сифатга ундайди. Гап уларнинг фан ва техника соҳасидаги ҳамкорлигининг келишиб олинган ёки ягона илмий-техника сиёсати заминида ривожланадиган технологик интеграцияга ўсиб ўтиши тўғрисида бормокда. Бундай новаторларча ёндашув КПСС XXVII съездининг, қардош партиялар съездларининг ҳужжатларида назарий жиҳатдан асослаб берилди.

КПСС XXVII съезди ва қардош партияларнинг навбатдаги съездлари илгари сурган вазифаларни рўёбга чиқариш социализм мамлакатлари ҳамкорлиги механизмининг ўзини янада такомиллаштириш билан чамбарчас боғлиқдир. Бу соҳада ҳам жадаллаштиришга эҳтиёж очик-ойдин сезилмокда. Партиямизнинг қатъий ишончига кўра, ғайрат-шижоат, ишчанлик, ташаббус қардош давлатлар орасидаги ўзаро муносабатлар бутун системасига ҳам ёйилиши керак. Экстенсив ривожланиш даврида таркиб топган эски, одатдаги формалар ҳозир ҳамкорлиқнинг жуда тез ўсишини таъминлашга қодир эмас. Ўртоқ М. С. Горбачев ГСБП XI съездида нутқ сўзлаб, шундай таъкидлаган эди: «Социалистик мамлакатлар ҳозир ўз ўрталаридаги ҳамкорлик янада юқори поғонага кўтарилиши лозим бўлган даврга қадам қўяётганликларини ҳаммамиз сезиб турибмиз, деб ўйлайман. Бунда бир-икки поғона эмас, балки математиклар ибораси билан айтганда, бутун бир даража юқори поғонага кўтарилиш керак». Корхоналар ва тармоқларнинг бевосита ҳамкорлик қилишларига дадил киришиш, бевосита ҳўжалик алоқаларини ривожлантириш, биргаликда бирлашмалар, конструкторлик бюрolari ва лабораториялар тузиш мўлжалланади. Бу соҳада иш бошланиб кетди: бир қатор биргаликдаги илмий-ишлаб чиқариш бирлашмалари ташкил этилди. Булар интеграция янги формаларининг дастлабки куртақлари бўлиб, истикболга эга.

Халқаро иктисодий алоқаларни такомиллаштириш бошқаришни ва ҳўжалик механизмини қайта қуриш билан боғлиқдир, ҳозир социалистик ҳамдўстлик мамлакатларининг кўпчилигида шундай қайта қуриш бормокда, у марказий бошқариш билан корхоналар (бирлашмалар) мустиқчилиги орасидаги макбул нисбатни излаш билан характерланадики, бундан мақсад уларнинг ўз фаолиятлари натижалари учун масъулиятини оширишдир. Шу муносабат билан халқаро ҳўжалик механизми соҳасига татбиқан КПСС XXVII съездининг баъзи назарий тасаввурлар ва концепцияларга янгича назар билан қараш талаби ғоятда муҳимдир. Ҳолислик, инерцияни, ҳўжалик механизмидаги ҳар қандай ўзгаришни социализм принципларидан чекиниш деб қарашдек доғ-

матик интилишни бартараф этиш — қардош партияларнинг фикрича — социалистик мамлакатлар алоқалари системасида етилган кўпгина ўзгаришларни амалга ошириш учун мана шулар талаб қилинади. Жумладан, интеграция штаби — Ўзаро Иктисодий Ердан кенгаши фаолиятининг самарадорлигини ошириш учун бу ташкилотни унга хос бўлмаган оператив функциялардан холи қилиб, унинг эътиборини иктисодий интеграциянинг стратегик проблемаларига қаратиш кўзда тутилмоқда.

Ишлаб чиқариш ва меҳнатни ҳар тарафлама умумлаштириш объектив жараёни қардош мамлакатлар иктисодий алоқаларини такомиллаштиришнинг теран асосидирки, бунини ривожлантириш ҳозирги босқичда миллий чегаралар доирасидан янада тезроқ чиқиш билан характерланади. Фан-техника революцияси, хусусан ҳозирги технологик тўнтаришнинг авангард йўналишлари хўжалик ҳаётини интернационаллаштириш жараёнини анча тезлаштиради, унга чинакам дунёвий микёслар бағишлайди. Бу жараёнинг янада чуқурлашуви умумлаштирувни миллий доираларда унинг тобора мукаммаллашган формалари томон авж олдириш билан, шунингдек уни давлатларнинг хўжалик соҳасидаги ўзаро муносабатларига изчил равишда татбиқ этиш билан ҳам боғлиқдир.

КПСС Программасида шундай таъкидланади: «Социализм мамлакатлари тенг ҳуқуқликка ва миллий манфаатларни ўзаро ҳурмат қилишга тўла-тўқисриоя этиб, тобора кўпроқ бир-бирини тушуниш ва яқинлашиш йўлидан бораверадилар. Партия шу тарихий прогрессив жараёнга кўмаклашаверади». Социализм билан капитализм ўртасидаги мусобақанинг аҳволи, жаҳон цивилизациясининг келажаги умуман ҳар бир социалистик мамлакат бунёдкорлик фаолиятининг муваффақиятларига, ҳамдўстликнинг бирлиги ва кучқудратига боғлиқдир.

Еш социализм дунёсига ҳали ҳам кучли ва хавфли, лекин энди авжи пасайган капитализм эксплуататорлик дунёси қарши турибди. Инсоният тақдири нуктаи назаридан ҳозирги замоннинг бир қатор зиддиятлари — икки системадаги давлатлар, икки формация ўртасидаги зиддиятлар шу билан боғлиқдир, бу зиддиятлар кўп жиҳатдан замонамиз динамикасини, ҳозирги аср ва келажак асрдаги социал силжишларни белгилайди.

Империалистик мамлакатлар билан ривожланаётган мамлакатлар ўртасида янги мураккаб ва ҳаракатчан зиддиятлар комплекси вужудга келди. Бир томондан, инсониятнинг кўпчилигини ташкил қиладиган халқлар ҳаётида секин ва қийин, лекин муқаррар принципиал социал-иктисодий туб ўзгаришлар жараёни, жаҳон сиёсатида Осиё, Африка ва Лотин Америкаси давлатлари роли ва обрўси муттасил ошиб бориш жараёни бормоқда. Иккинчи томондан, шафқатсиз эксплуатация, ривожланаётган мамлакатларни талаш кўп даражада империализм системаси яшашининг шартини, унинг милитаристик тараддудларини маблағ билан таъминлашнинг муҳим манбаини, социал маневр қилиш, меҳнатқашлар баъзи қатламларини қўлга олиш омили бўлиб қолмоқда.

КПСС XXVII съездининг стратегик қарорлари кенг халқаро таассурот туғдирди, жаҳон жамоатчилик фикрига жуда катта таъсир кўрсатди. Бу ҳозирнинг ўзида ўз ҳолича халқаро ҳаётнинг эзгу психологик омили бўлиб қолди. Қардош социализм мамлакатларининг оммавий ахборот воситаларида совет коммунистлари олий анжумани ишига хос бўлган янгиланишга интилиш, оптимизм, энтузиазмнинг жўш ургани юксак баҳоланди. КПССнинг ҳозирги турмушини характерлайдиган дадиллик ва реализм, ошкоралик, принципиал танқид вазиятини дўстларимиз алоҳида таъкидламоқдалар. Социализмнинг етуқлиги ва кучи нақадар юксак бўлса, у камчиликларга шу қадар кескин ёндашади ва эскириб қолган, йўлимиз бир бўлмаган жамики нарсаларни қатъиян улоқтириб ташлайди, демокдалар улар.

Буржуа матбуоти КПСС XXVII съездининг планетадаги миллион-миллион кишилар онига таъсирини сусайтиришга, у қабул қилган қарорлар аҳамиятини пасайтиришга уринганди. «Совет Иттифоқи, — деб ёзди Италияда чиқадиган «Республика», — ғарбни индустрия соҳасида «беллашувга» чақирди. Совет партия раҳбарлари қабул қилган 2000 йилга бориб саноат ишлаб чиқаришини

ва мамлакатнинг миллий даромадини икки баравар кўпайтириш тўғрисидаги қарорни айтиш шундай тушунмоқ лозим». Бизнинг бунёдкорона режаларимиз Осиё китъасида, жумладан, капиталистик дунёнинг етакчи мамлакатларидан бири бўлган Японияда қудратли акс садо берди. «Съездга,— деб қайд қилди Токиода чиқадиган «Асахи» газетаси,— кескин танқидий кайфият, очик-ошкоралик, ишчанлик характери ҳосилдир. Кремль қўяётган мақсадларда қандайдир таассурот туғдиришга уриниш йўқ. Совет Иттифоқининг йирик ўзгаришлар қилиш ҳаракати бошлагани тўғрисида ўйлашга мажбур қиладиган ўзининг реализми билан съезд ҳақиқатан олға томон муҳим қадам ташлади».

КПССнинг совет жамиятининг сифат жиҳатдан янги ҳолатига эришиш соҳасидаги новаторона стратегик йўлининг муҳим халқро аҳамияти тўғрисида, партияimiz XXVII съезди ҳужжатларида белгилаб берилган ана шу мақсадни рўёбга чиқариш йўллари ва воситалари тўғрисида қардош социалистик мамлакатлар, озодликка чиққан ёш давлатлар, кенг халқро жамоатчилик томонидан уларнинг зўр қизиқиш, эътибор билан кутиб олингани ва маъқуллангани далолат беради. «Сизларнинг ажойиб, қаҳрамон мамлақатингиз қилган ишларга,— деди Куба Коммунистик партияси МК Биринчи секретари Ф. Кастро КПСС XXVII съезди минбаридан туриб,— биз, меҳмонлар баҳо беришимиз керак эмас. Нима қилиш мумкин ёки кераклигини ҳам биз айтиб беришимиз лозим эмас. Биз фақат яна бир бор ўзимизнинг чуқур таҳсинимиз ва қомил ишончимизни изҳор қила оламизки, бу халқ ва унинг партияси ҳар қандай қийинчиликларни бартараф эта олади, коммунизм қурилишининг синалмаган йўлидаги ҳар қандай даъватга жавоб бера олади». ПБИБ МКнинг Биринчи секретари В. Ярузельский КПСС XXVII съездидаги нутқида бизнинг буюк планларимизнинг аҳамиятига баҳо бериб, шундай деди: «Сизларнинг социалистик қурилиш соҳасидаги жуда бой тажрибангиз универсал аҳамиятга эга. Унга мурожаат қилиш, ҳар бир мамлакатнинг тарихан конкрет шароитларида ундан ижодий ва диалектик тарзда фойдаланиш социализм кун сайин тобора кучлироқ бўлиши учун энг тўғри йўлдир».

Лекин шунинг ҳам таъкидлаш кераки, ғарбда баъзи бир кимсалар партия анжумани ҳужжатлари билан танишиб, асаблари бузилгани ва ҳатто дарғазаб бўлганларини яширмайдилар. Бизнинг тинч бунёдкор улкан планларимизда улар ўзлари учун катта хавфни кўрдилар.

КПСС XXVII съездининг стратегик қарорлари — ижодий марксизм-ленинизмнинг толмас кучи, ҳаётийлиги ва самарадорлигининг рад қилиб бўлмас далилидир. Революцион диалектика бу кучнинг манбаидир. У партиянинг назарий ҳазинасини бойитган жадаллаштириш, қайта қуриш концепциясининг, янги муҳим илмий умумлашмалар ва сиёсий ҳулосаларнинг жониридир. Съезд ҳужжатлари, марксча-ленинча идеологиянинг ўзгартирувчилик куч-қудратидан қандай фойдаланиш ва уни ошириш кераклигига намуна бўлиб хизмат қилади. Съезд материаллари замиридаги буюк ғоявий-назарий потенциал, шак-шубҳасиз, жамиятимиз ривожини жадаллаштиришнинг таъсирчан омилига айланади. Бинобарин, партия ҳам, бутун жамият ҳам эндиликда эскича фикрлай ва ишлай олмайди. Съезднинг назарий ва сиёсий йўл-йўриклари айтиш уларни ижодий қабул қилиш ва татбиқ этишга мўлжалланган. Ҳақиқий қайта қуриш унга мослашишдан шу билан фарқ қилади. Марксча-ленинча таълимотнинг кучи, Коммунистик партия сиёсатининг кучи шундаки, деб уқтирган эди В. И. Ленин ўз вақтида, «у воқеаларнинг объектив ҳолатини ва эволюциянинг объектив боришини таҳлил қилишда тўла илмий ҳушёрликка асосланади ва шу билан бирга омманинг... революцион ғайрати, революцион ижоди ва революцион ташаббусининг аҳамиятини қатъий суратда эътироф қилади» (ТАТ, 16-том, 27-бет).

КПСС XXVII съезди бугунги кунда омманинг ана шу ғайрати, ижоди ва ташаббусини бағоят янги ва чинакам тарихий кўламдаги вазибаларни ҳал қилишга йўналтиради. У биз учун назарий ва сиёсий ишнинг олий академияси бўлди ва шундай бўлиб қолади.

Совет кишилари ўз олдларида турган вазибаларнинг бажарилишига аминдилар. Ҳозир авж олган қайта қуриш жараёни асос солувчи социалистик

принципларни мустаҳкамлаш ва ривожлантиришга, у билан сиғишмайдиган жамики нарсаларни бартараф этишга, социализмнинг улкан имкониятидан самарали фойдаланиш учун шароит яратишга қаратилгандир. Мамлакатда амалга оширилаётган туб ўзгаришлар, янгиланиш жараёни нафақат экономикани, шунингдек ижтимоий ҳаётнинг бошқа ҳамма томонларини: социал муносабатлар, сиёсий системани, маънавий-мафкуравий соҳани, партиянинг, барча кадрларимизнинг иш услуби ва методларини ўз ичига олади. Қайта қуриш,— деб таъкидлади ўрток М. С. Горбачев,— бу жамиятдаги муносабатлар бутун системасида, одамларнинг ақли ва қалбида, психологияси ва ҳозирги даврни ва аввало шиддатли фан-техника тараққиёти туғдирган вазифаларни тушунишида чинакам революциядир.

Съезддан кейинги ишнинг асосий якуни шундан иборатки, бизнинг жамиятимиз ҳаракатга келди: КПСС XXVII съезди ижтимоий ҳаётга қудратли импульс бағишлади, омма сиёсий онгининг юксалишига сабаб бўлди. Меҳнаткашлар партиянинг новаторлик ташаббусларига ўзларининг бутун фикр-ўйлари ва ишлари билан қизғин жавоб бердилар, унинг талабчанлиги ва ҳаққонийлигини маъқулламоқдалар, белгиланган туб ўзгаришларни фаол қўллаб-қувватламоқдалар ҳамда ижтимоий ва хўжалик ҳаётини қайта қуриш амалий ва ҳамма ерда бўлишини қатъиян ёқлаб чиқмоқдалар. Янгича ишлашга, теранликдаги резервларни юзага чиқаришга интилиш, халқ хўжалигининг ҳар бир тармоғида тезкорликни ошириш чинакам оммавий тус олмоқда. Буларнинг бари экономикадаги ишлар аҳволига ижобий таъсир кўрсатмоқда. Саноат ишлаб чиқариши плани муттасил ошириб бажарилмоқда, меҳнат унумдорлигини, фойдани ўстириш, таннархни арзонлаштириш топшириғи ошиб бормоқда. Машинасозлик комплекси жадал ривожлантирилмоқда. Капитал қурилиш, ишлаб турган корхоналарни реконструкциялаш ва техникавий қайта қурилантириш суръатлари ортди. Агросаноат комплекси ишида прогрессив ўзгаришлар кўзга ташланмоқда. Кейинги йилларда анча орқада қолиб келган тармоқларда ҳам яхши ўзгаришлар бўлмоқда.

Бироқ реал ижтимоий ва хўжалик ҳаёти бир хилда эмас, у мураккаб ва зиддиятлидир. Унда ижобий тенденциялар билан бир қаторда тўғонок бўлаётган омиллар ҳам хануз амал қилмоқда. Партия ўзгаришлар суръатини доимо назорат қилиб турибди, учраётган тўсиқларни аниқ ва тўғри баҳолаш, уларни бартараф этишнинг энг яхши йўллари ва воситаларини ўз вақтида топмоқ учун ўз фикр-мулоҳазаларини ҳаёт оқими билан қиёсламоқда. Эришилган муваффақиятларга баҳо беришнинг мезони — амалий ишлар, қайта қуришнинг конкрет ижобий натижаларидир. Ҳозир меҳнат коллективлари, партия, совет, хўжалик кадрларининг фаолияти фақат шу нуқтаи назардан баҳоланади.

Партия қабул қилаётган қарорлар, уларни амалга ошириш соҳасидаги тадбирлар унинг қатъий иродасидан ҳамда белгиланган вазифаларни турмушга оширишнинг тўғри йўллари топа билиш қобилиятидан далолат беради. КПСС ўзининг тарихий миссиясини амалга оширар экан, жадаллаштириш ва янгиланиш стратегиясини рўёбга чиқаришнинг асосий қафили сифатида иш кўрмоқда. Партия ўтмиш сабоқларини ҳисобга олмоқда ва шу билан бирга коммунистик бунёдкорлик истикболларидан келиб чиқмоқда, бутун совет халқининг манфаатлари ва орзу-умидлари билан яшамоқда ва фикрламоқда, меҳнаткашларни КПСС XXVII съездининг тарихий қарорларини бажаришга сафарбар қилмоқда.

ФАН-ТЕХНИКА ТАРАҚҚИЁТИ ВА ИЖТИМОЙ МЕҲНАТНИ ТЕЖАШ

Н. УСМОНОВ, Х. НУРМУРотов,
иктисод фанлари кандидатлари

ФАН-ТЕХНИКА ТАРАҚҚИЁТИНИ жадаллаштирмасдан ва жамиятнинг барча ресурсларидан оқилона фойдаланмасдан туриб экономикани ташкил этиш ҳамда унинг самарадорлигини оширишнинг юксак даражасига эришиб бўлмайди. Шу сабабли КПССнинг янги таҳрирдаги Программасида бунга нафакат иктисодий, балки умумижтимоий, умумпартиявий, умумхалқ масаласи сифатида ёндашилган. Бундай жадаллаштиришнинг объектив зарурати мамлакатимиз экономикасини ривожлантириш соҳасида ўтган бутун даврда қилинган ишларга таянади ва унинг бундан буёнги тараққиёти қонуниятларига мос тушади. Жамиятимизнинг олға томон ҳаракати кўп жиҳатдан фан-техника тараққиёти суръатларига боғлиқ деган фикр КПСС XXVII съезди материалларининг, партия томонидан кейинги йилларда қабул қилинган бошқа ҳужжатларнинг маъзига сингиб кетган. «Съезд фан ва техниканинг энг замонавий ютуқлари негизида халқ хўжалигини техник жиҳатдан чуқур реконструкциялашни амалга оширишни биринчи даражали вазифа деб билади»,— дейилади КПСС XXVII съездининг партия Марказий Комитети Сиёсий доклади юзасидан резолюциясида.

Мамлакатимизда фан-техника тараққиётини жадаллаштиришга қаратилган ишлар ҳозирги босқичда «электрон» деса ҳам, «технологик» деса ҳам бўладиган фан-техника революцияси билан ўзаро боғлиқ бўлиб, унинг талабларига жавоб беради. Шиддатли суръат, фан билан ишлаб чиқаришнинг бир-бирига тобора кучли таъсири, билимларнинг янги соҳаларига шиддат билан кириб бориш бу босқичнинг характерли хусусиятларидир. Замонавий фан-техника революцияси ютуқларидан амалда фойдаланиш меҳнат унумдорлигини бир неча ҳисса ошириш, ресурсларни кўп микдорда тежаш, яъни бугунги кунда олдимизда биринчи навбатда турган вазифаларни ҳал этишни таъминлаш имконини бериши мумкин.

Жамиятимиз ҳаётининг ҳамма соҳаларида, аввало экономикада сифат ўзгаришлари содир бўлаётган ҳозирги давр экстенсив ўсиш имкониятлари амалда тугаб битгани ва мавжуд ресурслардан имкони борича унумли фойдаланиш, улардан кўпроқ самара олиш зарурати билан принципаал тарзда фарқ қилади. Мамлакат халқ хўжалигини интенсив тараққиёт изига кўчириш вазифасини ҳаётнинг ўзи ўртага қўйди, фан-техника тараққиётини тубдан жадаллаштириш эса бу вазифани бажаришнинг бош омили сифатида олға сурилди.

Ишлаб чиқаришни ҳар томонлама интенсивлаш ишлаб чиқариш натижалари унга қилинган харажатларга нисбатан тезроқ ўсишига, ресурсларни камроқ сарфлаган ҳолда кўпроқ маҳсулот олишга эришиш орқали мавжуд иктисодий потенциалдан тобора самарали фойдаланиш билан беvosита боғлиқдир. Фан-техника тараққиётини кескин жадаллаштирмасдан туриб ишлаб чиқариладиган маҳсулот ҳажминини кўпайтиришнинг асосий омили, ижтимоий ишлаб чиқариш самарадорлигининг бош кўрсаткичи бўлган меҳнат унумдорлигини зарур даражада юксалтириш мумкин эмас. Ун иккинчи беш йилликда эса миллий даромадни ўстиришнинг, sanoat, кишлок хўжалиги маҳсулотлари ишлаб

чиқариш, шунингдек темир йўл транспортида юк ташиш ҳажмини кўпайтириш ўсимининг ҳаммасига ижтимоий меҳнат унумдорлигини 20—23 процент ошириш ҳисобига эришиш мўлжалланган. Мамлакатимизда меҳнат унумдорлигининг ўсиши таҳлил этилганда бу ўсишнинг деярли тўртдан уч хиссаси ишлаб чиқаришнинг техникавий даражаси юксалишига, чорак қисми меҳнатни ташкил этишга ва бошқа омилларга боғлиқ эканлиги аниқланди. Масалан, СССР саноатида янги техникани жорий қилиш ва меҳнатни илмий ташкил этиш тадбирларини амалга ошириш 1981—1985 йилларда меҳнат унумдорлигини 80 процентдан зиёдрок ўстириш имконини берди.

Меҳнат сарфини тежашга қаратилган техника ва технологияни ишлаб чиқиш ҳамда қўлланиш фан-техника тараққиётининг меҳнат унумдорлигини оширишга таъсирини таъминловчи асосий омил ҳисобланади. Чунки ана шулар туфайли тайёрланадиган маҳсулот бирлигида бирмунча камроқ иш вақти сарфланади, жонли меҳнатни шартли ва бевосита тежаш таъминланади. Шундай қилиб, ижтимоий меҳнат унумдорлигини ўстириш ҳам, уни тежаш ҳам фан-техника тараққиёти суръатларига ва уни жорий этиш ҳажмига бевосита боғлиқдир. Шуниси характерлики, ўн иккинчи беш йилликда меҳнат унумдорлигини оширишнинг камида учдан икки қисмига фан ва техника ютуқларидан фойдаланиш ҳисобига эришиш мўлжалланган.

Ўзбекистонда бу масала ғоят кескин бўлиб турибди. Гап шундаки, республикада меҳнат унумдорлигининг ўсиш суръатлари иттифок бўйича бу соҳада эришилган ўртача кўрсаткичлардан анча орқада қолмоқда. Бундай аҳволнинг асосий сабаблари сифатида фан-техника тараққиёти сустлашганини, меҳнат унумдорлигини ўстиришга кучли таъсир этувчи тадбирлар етарли амалга оширилмаётганини, корхоналарнинг аксар қисмида эскирган техника ва технология қўлланилаётганини кўрсатиш мумкин. Ўзбекистондаги илмий кучлар фан-техника тараққиётини жадаллаштириш проблемалари билан чинакамига шуғулланмай келдилар ва ҳаёт талабларидан орқада қолдилар.

Ўн иккинчи беш йиллик республикада меҳнат унумдорлигини ўстиришда бурилиш босқичи бўлиши: бу кўрсаткич саноатда 18 процент, кишлок хўжалигининг жамоат секторида 14 процент оширилиши керак.

Ана шу юксак марраларга эришиш йўли Ўзбекистон экономикаси учун характерли бўлган қатор ҳолатлар туфайли мураккаблашади. Биринчидан, ишловчиларнинг катта қисми малакасиз қўл меҳнати билан бандки, бундайлар саноатда 40 процентдан кўпрокни, бошқа баъзи тармоқларда эса бундан ҳам кўпрокни ташкил этади. Бинобарин, СССРни иқтисодий ва социал ривожлантиришнинг Асосий йўналишларида қўл кучидан ва оғир жисмоний меҳнатдан фойдаланишни изчил қисқартира бориш бўйича қўйилган вазифа Ўзбекистон ССР шароитида алоҳида аҳамиятга эга.

Иккинчидан, саноат корхоналарининг ярмидан кўпроқ қисмини сира кечиктирмасдан техникавий қайта қурулантириш талаб этилади. Меҳнат унумдорлигини ошириш ва ижтимоий меҳнатни тежаш кўп жиҳатдан ана шу вазифанинг қай суръатда бажарилишига ҳам боғлиқ.

Учинчидан, меҳнат ресурсларининг тўлиб-тошиб ётганлигидир. Маълумки, техникани кенг қўлланиш оз сонли ишловчилар ҳисобига кўпроқ маҳсулот ишлаб чиқариш имконини беради. Техника тараққиёти, бир томондан, ходимларнинг муайян қисмини иш жараёнидан озод этса, иккинчи томондан, янги иш жойларини вужудга келтириш ва умуман меҳнатни қайта ташкил этишга олиб келади. Ана шу жиҳатларни ҳисобга олган ҳолда республиканинг меҳнатга яроқли барча аҳолисини ижтимоий ишлаб чиқаришга жалб этишнинг комплекс программасини бажаришда интенсив ва экстенсив ривожланиш йўллари кўшишни иқтисодий жиҳатдан асослаб амалга ошириш зарур.

Тўртинчидан, республиканинг кичик ва ўртача шаҳарларида, кишлок аҳоли пунктларида саноат корхоналарининг филиаллари қурилган ва уларни қуриш давом этмоқдаки, бу бир қатор иқтисодий ҳамда социал проблемаларни ҳал қилишга ёрдам беради. Бироқ мазкур филиалларда 'юкори унумли замонавий ускуналарни ишлатиш имкониятлари чекланган бўлиб, бу ҳол меҳнат унумдорлиги кўрсаткичларига таъсир кўрсатмаслиги мумкин эмас.

Бешинчидан, бу роботлар, қайишувчан автоматлаштирилган системалар ва ишлаб чиқаришни автоматлаштиришнинг бошқа замонавий воситалари тўғрисидаги масалалар. Республикадаги кўпчилик корхоналарда улардан унумли фойдаланилмаётгани сир эмас. Гап шундаки, мамлакатнинг бошқа регионларида қилинаётган ишлардан кўр-кўрона, кампаниячиликка берилган ҳолда нусха кўчириш ярамайди. Бундай ишлаб чиқариш воситаларини вужудга келтириш ва қўлланишнинг мақсадга мувофиқлиги ҳар бир ҳолатда иқтисодий мулоҳазалардан, шунингдек, улардан фойдаланишнинг конкрет шароитлари ва зарур муддатларидан келиб чиққан ҳолда баҳоланиши керак. Шу муносабат билан социал-иқтисодий тараққиётни анча жадаллаштириш имконини берувчи самаралироқ технологик системалар ва машиналарни танлаш билан боғлиқ муҳим вазифалар ўртага қўйилади. Бу ўринда психологик ҳолатни — айрим раҳбарлар маҳорат кўрсатиб ишлаш ўрнига сон орқасидан қувиш, янгиликдан чўчиш, техникага нисбатан консерваторларча муносабатда бўлиш одатларидан ҳали ҳам қутулмаганликларини назардан соқит қилиш ярамайди.

Ишлаб чиқаришни механизациялаш ва автоматлаштириш ижтимоий меҳнат унумдорлигини кўп ҳисса ошириш ҳамда уни тежашнинг муҳим резервидир. Халқ хўжалигини батамом автоматлаштириш меҳнат унумдорлигини ҳозирги даражасига нисбатан 30 барабар ўстириш имконини беражаги ҳисоблаб чиқилган. Ўзбекистонда фан-техника тараққиётининг бу соҳасида анча иш қилинмоқда. Ўн биринчи беш йилликда саноатда юқори унумли техника жорий этилди, ишлаб чиқариш технологияси тақомиллаштирилди. Ускуналар парки рақамли программий бошқарув (РПБ)га эга бўлган станоклар билан тўлдирилди. Машинасозликда метални тежовчи технологияларни қўлланиш кенгайди, металга ишлов берувчи прогрессив ускуналар сони кўпайди. Қарийб 500 номдаги турли-туман янги машиналар, ускуналар, асбоблар ва аппаратлар ўзлаштирилди ва уларни ишлаб чиқариш бошланди. Корхоналарда саноат роботлари, механизациялаш ва автоматлаштириш воситалари кўпайди. Бироқ, муайян муваффақиятлар қўлга киритилганига қарамадан республиканинг бу соҳалардаги кўрсаткичлари иттифоқ бўйича эришилган кўрсаткичлардан пастлигича қолмоқда.

Асосий ишлаб чиқариш жараёнларини автоматлаштириш йирик машинали ишлаб чиқаришнинг сифат жиҳатидан янада юксак поғонага кўтаришни англатади. Бунда машинасозлик муҳим роль ўйнайди. Унинг ривожига илгари йўл қўйилган қусурлар техника тараққиёти суръатларига салбий таъсир кўрсатди. Бу ҳол Ўзбекистон учун ҳам характерлидир. Аммо вужудга келган аҳвол етарли даражада зудлик билан тузатилмаётир. Республиканинг машинасозлик корхоналарида, хусусан «Ўзбекхлопкомаш» ва «Ташсельмаш»да эскирган, камунум, жаҳон намуналаридан йироқ бўлган машиналар ва механизмларни чиқариш давом этмоқда.

Фан-техника тараққиётини жадаллаштириш манфаатлари халқ хўжалигини техникавий қайта қуришнинг моддий негизи ҳисобланган машинасозлик ривожини жадал ўстиришни талаб этади. КПСС XXVII съездида таъкидланганидек, реконструкциялаш самарадорлиги, иқтисодий ўсиш суръатлари халқ қилувчи даражада машинасозликка боғлиқ. Ресурсларни тежашга имкон берувчи, принцип жиҳатидан янги технологияларга, меҳнат унумдорлигини ва маҳсулот сифатини оширишга шу тармоқда асос яратилади.

Шу муносабат билан КПСС Марказий Комитети ва СССР Министрлар Совети машинасозликни ривожлантириш ҳақида қарор қабул қилдилар. Бошқарувнинг ягона органи — СССР Министрлар Советининг машинасозлик бўйича бюроси тузилди. Шу беш йилликнинг ўзидаёқ машинасозлик комплекси-га сарфланадиган капитал маблағларни анча миқдорда, яъни 1,8 барабар, бу тармоқда маҳсулот ишлаб чиқаришнинг 43 процент кўпайтириш кўзда тутилди. Бутун оғир саноат маҳсулотлари салмоғида машинасозлик буюмлари ҳиссаси 43 процентдан 48 процентга етказилади. Бунда станоксозлик, ҳисоблаш техникаси ишлаб чиқариш, асбобсозлик, электротехника, электроника устунликлари эгаллайди. Ўн иккинчи беш йиллик давомида СССР халқ хўжалигида ишлаб чиқаришнинг автоматлаштириш даражаси ўрта ҳисобда икки барабар, ҳисоблаш

техника воситалари ишлаб чиқариш 2—2,3 барабар, саноат роботлари сони уч барабар ошади. Машинасозликни ривожлантиришда янги иш курулларининг техник-иктисодий характеристикаси — унумдорлигига, тежамли ишлатилишига, материаллар сарфини қисқартиришига, мустаҳкамлигига алоҳида эътибор қаратилади. Ана шу тадбирларни амалга ошириш мамлакатга бир йилда қарийб 12 миллион кишининг меҳнатини, 100 миллион тоннадан зиёд шартли ёнилгини, кўп миллиард сўмлаб маблағни иктисод қилиб қолиш имконини беради.

Юқорида баён этилган фикрларни ҳисобга олсак, Ўзбекистон машина-созлари, олимлари ва конструкторлари нақадар масъулиятли босқичда турганликлари аён бўлади. Машинасозлик тармоғидаги ишлар аҳолини пайсалга солмай яхшилаш зарурати, фан-техника тараққиёти вазифалари бу соҳада ишловчи ходимларнинг касб маҳорати ва умумий тайёргарлигини, маданияти ва гражданлик фазилатларини ошириш юзасидан ғоят юксак талаблар қўяди. Ахир ҳеч қанақа техника ва технология этилган проблемаларни ўзича ҳал этмайди. Энг замонавий ускунани ўрнатиш ҳам меҳнат унумдорлигини юксак даражада ўстириш кафолатини бермайди — укувсиз кишилар қўлида у ўзини оқлай олмайди, қолаверса, ҳатто бутунлай яроксиз ҳолга тушиб қолади. Демак, тегишли кадрларни тайёрлаш ҳақида ғамхўрлик кўрсатиш ҳам муҳимдир.

Фан-техника тараққиёти талабларини ҳисобга олган ҳолда партия ва ҳукуматимиз кадрлар тайёрлашнинг кенг миқёсли тадбирларини белгиладилар. Жумладан, умумий таълим ва ҳунар мактабини ислох қилиш, олий ва ўрта махсус таълимни қайта қуриш жараёнидан шу мақсадда фойдаланишни кўзда тутдилар. Бу ишда КПСС Марказий Комитети ва СССР Министрлар Советининг «Халқ хўжалиги тармоқларида янги техника ва технологияни ўзлаштириш учун кадрлар тайёрлаш ва қайта тайёрлаш практикасини такомиллаштириш ҳақида» яқинда қабул қилган қарори катта роль ўйнаши керак.

Бизнинг республикаміз шароитида айниқса туб ерли аҳоли жумласидан малакали ишчи кадрлар тайёрлаш жиддий эътибор беришни талаб этади. Бунда, бизнинг назаримизда, бошқа тадбирлар қатори саноат корхоналарининг ҳунар-техника таълими органларига ёрдамини кучайтириш, қардош республикаларда ишчи кадрлар тайёрлашни кўпайтириш, жуда танқис ихтисослар бўйича кадрлар тайёрлаш ва қайта тайёрлаш учун мамлакатнинг саноат марказларидан тажрибали, юқори малакали ишчиларни таклиф этиш зарур.

Ҳозирги шароитда машиналарнинг ишлатилиши қийматига, яъни уларнинг халқ хўжалиги нуктаи назаридан, ижтимоий жиҳатдан фойдалилиги ва самарадорлигига талаб ҳам кескин ошмоқда. Янги техника ва технология нафақат меҳнат сарфини камайтиришга, балки моддий сарф-харажатларни ҳам қисқартиришга хизмат қилиши керак. Бу халқ хўжалиги мутахассислари зиммасига энг унумли машиналар ва технологик системаларни танлаб олишда катта масъулият юқлайди. Улардан қай бирини жорий этиш мақсадга мувофиқлигини аниқлашда ҳам жонли, ҳам буюмлаштирилган меҳнат ялпи сарфини тежаш асосий мезон бўлиши керак.

КПСС XXVII съезди экономика соҳасида қўйган туб вазифалардан бири — жамики, ҳам меҳнат, ҳам моддий ресурслардан моҳирона ва унумли фойдаланишдан иборатдир. СССРда саноат ишлаб чиқариши кўламлари ўсиши билан бирга кўп йиллар давомида унга қилинган моддий сарф-харажатлар ҳиссаси ҳам ошиб борганлиги ташвишлантирмаслиги мумкин эмас. Масалан, 1950—1985 йилларда у деярли 30 процент ошди ва ҳозир 80—85 процентни ташкил этади. Мамлакат халқ хўжалигида материал сарфини атиги бир процент қисқартиришдан миллий даромадга қўшимча равишда тахминан 7 миллиард сўм келиб тушиши ҳисоблаб чиқилган.

Моддий ресурсларни тежаш кўпгина факторларга боғлиқ. Лекин улар ичида асосийси, ҳал қилувчиси фан-техника тараққиёти бўлиб, у янги, янада тежамли ва юксак самарали материалларни, ресурслар сарфини камайтирувчи технологияларни ишлаб чиқиш ва жорий этишни таъминлайди. Фундаментал илмий тадқиқотлар ва кашфиётларга таянган лазерли, плазмали, кукунли

металлургия ва бошқа айрим технологиялар ишлаб чиқаришга революцион рух бахш этади. Уларнинг ўзига хос белгилари — операцияларнинг қисқариши, узлуксиз иш жараёнини таъминлаши, материал, энергия ва меҳнатни тежаши, чикитларни камайтиришидир. Масалан, металл куқунларидан тайёрланган ҳар минг тонна маҳсулот икки минг тоннагача қора ва рангли металлни иктисод қилиб қолиш, металл қирқувчи 80 станокни ишдан озод этиш ва 190 ишчининг меҳнاتини тежаш имконини беради. Шундай экан, ўн иккинчи беш йилликда металл куқунларидан маҳсулотлар тайёрлашни уч барабардан зиёд кўпайтириш кўзда тутилганлиги тасодифий эмас.

Энергетика ресурсларини тежаш ҳам муҳим халқ хўжалиги аҳамиятига эга, негаки энергияни ҳосил қилиш, етказиб бериш ва қайта ўзгартириш вакт ўтиши билан жамиятга тобора қимматга тушмоқда. Бундай шароитларда энергияни иктисод қилиш бирмунча арзон «манба»га айланмоқда. Шу муносабат билан энергияни тежаш имконини берувчи технологиялар, жараёнлар ҳамда ускуналарни тезроқ ва кенгрок жорий қилиш талаб этилади. Жумладан, автомобиль транспортини дизель ёнилғисига ўтказишни олиб кўрайлик: дизелли автомобиль ёнилғини бензинли автомобилга нисбатан 30—40 процент кам сарфлайди. Бироқ, дизель ёнилғиси билан ишлайдиган юк машиналари ва автобуслар салмоғи ҳозирча жуда оз бўлиб, фан-техника тараққиётини жадаллаштириш масалаларига бағишланиб 1985 йил 11 июнда КПСС Марказий Комитетида ўтказилган кенгашда бунга эътибор қаратилганди.

Ресурсларни тежайдиган ва ўзини амалда оклаган бошқа технологиялар ҳам нихоятда суст жорий этилмоқдаки, буни ўтакетган исрофгарчилик дейиш мумкин. Ахир, бундай технологиялардан кенг фойдаланиш ёнилғи ва хом ашёни казиб олишни кўпайтиришга нисбатан 2—3 барабар арзонга тушади. Ўн иккинчи беш йилликда тежамкорлик ва ресурсларни тежаш бўйича оширилган кўрсаткичлар белгиланди. Ёнилғи, энергия, хом ашё, металл ва бошқа материалларга нисбатан ўсиб бораётган эҳтиёжларнинг 75—80 проценти уларни тежаш ҳисобига қондирилиши керак.

Ўзбекистонда бу проблема кескин бўлиб турибди. Республика халқ хўжалиги ҳар йили 1,7 миллион тонна қора металллар прокати, 5 миллион тоннадан зиёд цемент, 3,1 миллион куб метрдан кўпроқ ёғоч-тахта ва бошқа кўпгина материалларни сарфлайдики, улар асосан мамлакатнинг турли районларидан ташиб келтирилади. Бироқ ўтган йилларда республика материал ресурсларини тежаш топшириқларини бажармади, бунинг натижасида мазкур проблема долзарблигича қолмоқда. Уни ҳал этиш учун аввало ҳамма жойда тартиб ўрнатиш, технология ва меҳнат интизомини йўлга қўйиш зарур. Бу йўналишда кейинги пайтларда республикада бирмунча ижобий натижаларга эришилди. Аммо хўжасизлик ҳамон сезилиб турибди, унумсиз сарф-харажатларга, иш вақтининг беҳуда ўтишига йўл қўйилмоқдаки, бу ҳақда Ўзбекистон Компартияси Марказий Комитетининг 1986 йил 4 октябрда бўлиб ўтган III пленумида зўр ташвиш билан сўз юритилди. Демак, бу соҳада ҳали кўп иш қилиниши керак.

Бошқа яна бир йўналиш — фан-техника тараққиётини бутун чоралар билан жадаллаштиришдир. Ресурсларни тежаш имконини берадиган барча қимматли янгиликларга тезроқ йўл очиш лозим. Фикримизча, республиканинг «Тежамкорлик» яхлит программасини ишлаб чиқиш пайти келди. Ресурсларни тежаш проблемаси шу қадар муҳимки, у билан илмий нуктаи назардан, мунтазам, комплекс тарзда шуғулланса арзийди.

Фан-техника тараққиётини жадаллаштириш ўз-ўзидан, силликина кечмайди. Унинг йўлида маҳкамачилик, бюрократизм, техникавий консерватизм, илмий тадқиқотларнинг ҳаддан ташқари «диссертациявий йўналиш»да бўлиши, уларнинг натижаларини ўзлаштиришда сусткашлик, ишлаб чиқарувчиларнинг уларни жорий этишдан манфаатдор эмасликлари, хўжалик ходимларининг чет элдан келтириладиган техникага кўз тикиши, хўжалик механизмининг такомиллашмагани ва бошқа тўсиқлар турибди.

Ҳолатлардан саноатга жорий этишгача бўлган йўлни қисқартириш — энг

долзарб масалалардан биридир. КПСС XXVII съезди материалларида, партиянинг бошқа ҳужжатларида бунга аниқ жавоб берилган. Аввало фан билан ишлаб чиқариш алоқасини мустаҳкамлаш, уларни интеграциялашнинг илмий ғоялар туғилишидан бошлаб амалда қўлланишигача ўзига аниқ-пухта, тез йўл очишини таъминлаш имконини берувчи ташкилий шакллари вужудга келтириш керак. Илмий-ишлаб чиқариш бирлашмалари тармоғини кенгайтириш, тармоқлараро илмий-техникавий комплекслар ва марказлар тузиш лозим бўлади.

Мамлакатдаги энг яхши илмий-ишлаб чиқариш бирлашмалари иш тажрибаси фан ва ишлаб чиқариш интеграциясининг бу шакли самарали эканлигини тасдиқлайди. Бундай бирлашма шароитида «фан — ишлаб чиқариш» цикли бўйича ҳаракатларда кўпроқ ҳамжихатликка эришилади, бунинг натижасида янги техникани вужудга келтириш муддатлари 1,5—2 барабар қисқаради, уни ишлаб чиқишга қилинадиган харажатлар камаяди. Партиянинг директив ҳужжатларида янги илмий-ишлаб чиқариш бирлашмалари тузиш йўлида алоҳида куч-ғайрат сарфлаш кўзда тутилганлиги бежиз эмас. Ана шу кўрсатмани бажариш жараёнида нафақат тармоқ, шу билан бирга тармоқлараро илмий-ишлаб чиқариш бирлашмалари вужудга келтирилмоқда, уларнинг олдида қайси тармоққа мансублигидан қатъи назар региондаги корхоналар учун замонавий буюмлар ва ускуналар намуналарини ишлаб чиқиш вазифаси қўйилмоқда.

Мавжуд илмий-ишлаб чиқариш бирлашмалари ишини яхшилашга эришиш ҳам муҳимдир. Масалан, Ўзбекистон Компартияси Марказий Комитети бюроси «Технолог» илмий-ишлаб чиқариш бирлашмасидаги ишларнинг аҳволини кўриб чиқиб қуйидагиларни таъкидлади: бу ерда илмий тадқиқот ва тажриба-конструкторлик ишлари суст авж олдирилаётир, бунинг оқибатида умуман «Главмашхлопководство» корхоналарида прогрессив ускуналар салмоғи 56 процентдан ошмаяпти; юқори малакали мутахассислар куч-ғайрати кўпинча оддийгина ускуналар ва асбобларни яратишга жалб этилмоқда; станоклар ва технология линияларини ишлаб чиқишда жиддий хатоларга йўл қўйилмоқда; янги техникани жорий этиш муддатлари чўзилиб кетмоқда, унинг самарадорлиги баъзан нормативдагидан анча паст бўлмоқда. Илмий-ишлаб чиқариш бирлашмалари фаолиятидаги бундай камчиликлар ва қусурларга барҳам бериш фан-техника тараққиётини жадаллаштиришнинг муҳим резервидир.

КПСС XXVII съезди юқорида эслатилган резервни ишга солиш учун қандай иқтисодий омиллардан фойдаланиш зарурлигини кўрсатиб ўтди. Булар планлаштириш, рағбатлантириш, нарх ҳосил бўлишини яхшилаш, тўла ҳўжалик ҳисобини жорий этишдан иборатдир.

Планли-иқтисодий бошқаришнинг принцип жиҳатидан янги методларини жорий этиш муҳим дастаклардандир. Махсулот ишлаб чиқаришни планлаштириш билан фан-техника ютуқларини жорий этишнинг бирлигига эришишни ҳаётнинг ўзи қатъий талаб қилмоқда. Планлаштиришнинг мавжуд тартиби ҳатто фан ва ишлаб чиқариш интеграциясининг илмий-ишлаб чиқариш бирлашмаси сингари синалган шаклида ҳам бундай бирликка эга эмас. Бу бирлашмалар иши икки йўналиш бўйича планлаштирилади, яъни институт плани бошқа-ю, заводларнинг плани бошқа ва улар ўртасида иқтисодий алоқа йўқ. Бундай ҳолни, шубҳасизки, албатта тузатиш ва олимлар тавсия этишаётганидек планлаштиришнинг ягона илмий-техникавий-ишлаб чиқариш тартибига ўтиш керак.

Фан ва техника ютуқларидан фойдаланишнинг моҳияти ишлаб чиқариш харажатларини қисқартириш, тежамкорликнинг ижтимоий зарур даражасини таъминлашдан иборат. Жамиятимиз тараққиётининг ҳозирги бурилиш босқичи янгича ишлашга ўрганиш, фан ва техника ютуқларини ҳар томонлама ўзлаштириш, бу йўлдаги тўсиқларни енгиб, фан-техника тараққиётининг барча йўналишларида ижобий силжишларга эришиш талабини ўртага қўймоқда.

ҲОЗИРГИ ШАРОИТДА ЖАМОАТЧИЛИК ФИКРИ РОЛИНИНГ ОШИШИ

К. ҶУРЛОВ

ТАРИХИЙ ТАЖРИБАНИНГ далолат беришича, кенг халқ оммасининг фикри ижтимоий ҳаётнинг барча томонларига ҳеч қачон социализм шароитидагидек шу қадар кучли таъсир кўрсатмаган. Бу таъсир объектив характерга эга, чунки социалистик демократия ривожининг ўзи одамларга, уларнинг талаб-эҳтиёжларига янада кўпроқ эътибор билан муносабатда бўлишни тақозо этади. Янги инсонни тарбиялаш, унинг жамият ҳаётидаги ролини ошириш масалалари айти шу социализм даврида умумдават, умумхалқ вазифалари даражасигача кўтарилди. Бу социалистик жамият ривожининг энг муҳим қонуниятларидан бири — халқ оммаси онгли фаолиятининг муттасил кенгайиб бориши билан боғлиқдир. В. И. Лениннинг башорат қилиб «давлат омманинг онглилиги билан кучлидир» деган сўзлари (Тўла асарлар тўплами, 35-том, 22-бет) айтгансиз бизнинг кунларда актуал жаранглайди.

Бизнинг мамлакатимизда энг йирик партия ва давлат ҳужжатларини тайёрлаш ҳамда муҳокама қилишга мутахассислар, меҳнаткашларни жуда кенг жалб қилиш анъанага айланган. Натижада социалистик жамият ҳаётини тартибга солиб туришга даъват этилган бу ҳужжатлар партия ва халқ коллектив ақлининг меваси бўлиб қолади. Чунончи кейинги йилларда СССР Конституцияси (Асосий Қонун), меҳнат коллективлари тўғрисидаги Қонун лойиҳалари умумхалқ муҳокамасига қўйилди. Биргина умумий таълим ва ҳунар мактаблари ислохоти лойиҳасини муҳокама қилишда 120 миллион киши катнашди. Меҳнаткашларнинг бу масала юзасидан ёзган минг-минглаб хатлари партия ва совет органларига келиб тушди. Муҳокама социалистик тузумнинг чинакам демократизмини, партия ва халқнинг бузилмас бирлигини янги куч билан намоён этди.

Янги таҳрирдаги КПСС Программаси, партия Устави, СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишлари лойиҳалари меҳнат коллективларида ҳар томонлама муҳокама қилиниб, кенг қўллаб-қувватланди. Ишлаб чиқариш илғорлари, уруш ва меҳнат ветеранлари, олимлар, халқ ҳўжалиги мутахассислари ўз фикр-мулоҳазалари ва таклифлари билан оммавий ахборот воситалари органларига, партия комитетларига, совет органларига мурожаат қилдилар. КПСС Марказий Комитетининг партия XXVII съездига Сиёсий докладида таъкидлаб ўтилганидек, бу ҳужжатлар лойиҳалари «бошланғич партия ташкилотлари йиғилишларида, район, шаҳар, округ, область, ўлка ҳисобот-сайлов конференцияларида, иттифокдош республикалар компартияларининг съездларида кенг муҳокама қилинди. Программа лойиҳасининг ўзигагина муҳокама қилина бошлангандан буён 6 миллиондан кўп таклиф ва мулоҳаза олинди. Уларнинг муаллифлари — ишчилар ва колхозчилар, олимлар, ўқитувчилар, инженерлар, врачлар, Совет Армияси ва Флотининг жангчилари, коммунистлар ва партиясизлар, ветеранлар ва ёшлар... кўпдан-кўп таклифлар, қўшимча ва таҳририй аниқликлар киритдилар... Салкам 2 миллион киши КПСС Устави хусусида ўз фикр-мулоҳазаларини билдирди». Асосий йўналишлар лойиҳасини муҳокама қилишда тахминан 110 миллион киши иштирок этди.

Совет халки бу ҳужжатларни янги фикрлар, қондалар билан бойитдики, бу омманинг мамлакатнинг давлат ва сиёсий ривожланиши проблемаларига катта кизиқиш билан қарабини ҳамда бу масалалар юзасидан жамоатчиликнинг фаол ўй-фикрлари мавжудлигини акс эттирди.

Марксизм-ленинизм асосчилари жамоатчилик фикрига социал бошқаришнинг воситаси, усули, реал сиёсий куч сифатида жуда катта аҳамият берган эдилар. В. И. Ленин янги жамиятни қуришда жамоатчилик фикри роли ва функциясининг муҳимлигини таъкидлаб шундай деган эди: «Биз ҳукуматнинг ҳамма вақт ўз мамлакатининг афкор оммаси контроли остида бўлишини хоҳлаймиз» (ТАТ, 35-том, 19-бет).

КПСС ленинча принципларга амал қилиб, мамлакатда қурилган социализмни такомиллаштириш мақсадларида жамоатчилик фикридан фойдаланишга катта эътибор бермоқда. Партия бунинг ўз Программасида ҳам мустаҳкамлаб қўйди.

Маълумки, жамоатчилик фикри — бу оммавий онгнинг ҳолати бўлиб, у турли гуруҳдаги кишиларнинг социал воқелик ҳодисалари ва фактларига муносабатини (яширин ёки ошқора) ўз ичига олади. Жамоатчилик фикри табиатини ўрганиш мақсадида ижтимоий онг воқеликни қандай теранликда акс эттираётганини аниқлаш зарур. Бунинг учун унда назарий онгни, яъни кишилар назарий фаолиятининг натижаси бўлмиш илмий қарашлар ва мулоҳазаларни кундалик, одатдаги онг — омманинг кундалик практикаси туғдирадиган қарашлар ва тасаввурлардан фарқлай билиш керак.

Ўхшаш белгилари кўп бўлишига қарамай, назарий онг кундалик онгдан кескин фарқ қилади. Кундалик онг мантик қонунларига қатъий мос равишда қурилган фикр-мулоҳазалар системаси эмас. Бу турли шарт-шароитлар таъсирида ҳар хил вақтларда ташкил топган қарашлар ва қайфиятлар қоришмасидир. Кундалик онгда эмоционал жиҳат жуда катта ўрин тутди, чунки у фикр-мулоҳазалар шаклида баён этилган қарашлар ва ғоялар бўлибгина қолмай, шунингдек анъаналар, урф-одатлар, феъл-атворнинг яширин шаклларида ва шу қабиларда мустаҳкамланиб қоладиган инсонлар хис-туйғулари, кизиқишлари, қайфиятлари ҳамдир. Бундан ташқари кундалик онг социал психологиянинг кўп элементларини ўз ичига олади, унда ғайриихтиёр, стереотип нарсалар ҳам анчагина учрайди.

Шу билан бирга, агар жамоатчилик фикрининг бир томонида кундалик онг соҳасида пайдо бўлган тасаввурлар группаланса, бошқа томонида эса назарий тафаккур шакллантирган тушунчалар группаланади. Бу жамоатчилик фикри воқеликни акс эттиришнинг ҳар иккала даражасида ташкил топади дейиш учун асос бўла олади. Лекин шуни унутмаслик керакки, турмуш тарзи, анъана ва урф-одатлар, овозалар ва шахслар ўртасидаги муносабатлар ҳам кундалик онгда жамоатчилик фикрини шакллантириш учун манба бўлиб хизмат қила олади, зеро уларда шахснинг билим даражаси, ҳулқ-атвор маданияти намоён бўлади.

Маълумки, жамоатчилик фикри турмушнинг реал шарт-шароитлари таъсирида шаклланади. Унинг ривожланишининг турли даражаларида кишиларнинг ҳар хил группалари фаол иштирок этади, уларга ҳар хил, қатор ҳолларда эса қарама-қарши манфаатлар, структура ва белгилар ҳосдир. Бу фақат, жумладан, шу билан изоҳланадики, жамоатчилик фикрининг шаклланиши баъзида зиддиятли кечади, бунда фикр-мулоҳазалар қураши шакл-шубҳасиздир.

Социалистик жамият шундай системаки, унга тузилиши ва ҳажмининг катта-кичиклигига кўра қўплаб структуралар қиради. Улардан ҳар бири доирасида муайян структура манфаатларига дахлдор бўлган масалалар атрофида ички фикр ташкил топадики, у ҳам жамоатчилик фикри ҳисобланади. Шунинг учун ҳам биз коллектив, группа, миллат, синф ва шу қабиларнинг жамоатчилик фикри ҳақида гапиримиз. Жамоатчилик фикрини ҳар қандай даражада, ҳар қандай структура бирлигида тадқиқ этиш демократияни янада ривожлантиришга, ижтимоий ҳаётни бир мақсадни кўзлаб бошқаришга,

конкрет шароитда омма психологияси, ўй-фикрлари ва кайфиятларини билишга ёрдам беради.

Социалистик жамиятдаги ривожланган жамоатчилик фикри зарур социал-психологик муҳитни яратиш омилидирдан бири бўлиб, меҳнаткашлар социал активлигининг ошганлигидан далолат беради. Агар киши коллективнинг бир оғиздан билдирилган фикридаги талабларга бўйсунмаса, у коллективнинг, ўз ўртокларининг ишончини йўқотиши мумкин. Ўз хатти-ҳаракатини ижобий ёки салбий баҳолаган жамоатчилик фикрига бефарқ қарайдиган одам камдан-кам топилса керак. Жамоатчилик фикри билан ҳисоблашган, унга кулоқ солган тақдирдагина унинг кучи тўла намоён бўлиши мумкин.

Ўрта Осиё халқлари тараккиётнинг капиталистик босқичини четлаб феодализмдан социализмга ўтганлиги маълум. Социалистик қурилиш давомида бу ерда маҳаллий аҳоли турмушининг ўзига хос шарт-шароитлари билан боғлиқ мураккабликларга дуч келиндики, бунда нафакат капиталга қарши, шу билан бирга «ўрта асрчилик қолдиқларига қарши кураш» вазифасини ҳам ҳал қилиш керак эди (ТАТ, 39-том, 380-бет). Табиийки, бу ерда ўшанда жамоатчилик фикри кундалик, социал-психологик даражада шаклланиб, зарур билимларнинг йўқлиги билан характерланарди.

Совет ҳокимияти йилларида, Коммунистик партия раҳбарлиги остида СССР қардош республикаларининг, биринчи навбатда Россия Федерациясининг беғараз ёрдами туфайли Ўрта Осиё региони индустрияси юксак ривожланган, илғор кишлоқ хўжалигига эга бўлган, аҳолиси ёппасига саводхон ва юксак маданиятли ўлкага айланди. Бу ерда ишчилар синфи, миллий интеллигенция шаклланди. Масалан, Ўзбекистонда шундай социал структура қарор топдики, у жамоатчилик фикрини шакллантириш учун реал асос бўлди.

Республикамизда жамоатчилик фикрининг ривожланиши ўзига хос хусусиятларга эга бўлиб, улар биринчи навбатда авлоддан авлодга ўтиб келаётган анъаналар билан боғлиқдир. Вақт ўтиши билан улар ўзгариб боради, янги мазмун касб этади. Маълумки, ҳар қандай анъаналар-у, урф-одатлар, маросимлар, агар улар жамоатчилик фикри томонидан қўллаб-қувватланмаса, йўқ бўлиб кетади. Бу ерда синфий, партиявий позициядан туриб, чинакам халқчил нарсани барча зарарли, аслида бўлмаган нарсалардан фарқ қила билиш керакки, Ўзбекистон Компартияси МКнинг III пленуми (1986 йил октябрь) бунини яна бир бор алоҳида кўрсатиб ўтди. Шарқ кишиларининг кўплаб чинакам халқчил анъаналари ва маросимлари совет турмуш тарзимида мустаҳкам ўрин олди. Зеро уларда халқ донолиги, меҳнатсеварлиги, унинг тинчликка интилиши намоён бўлади. Ҳашар, катталарга ҳурмат ва бошқалар ана шундай фазилатлардандир. Масалан, ҳашар йўли билан спорт иншоотлари, чорвачилик комплекслари, тураржойлар қурилмоқда. Пахта йиғим-теримини умумхалқ ҳашари дейишади.

Совет жамиятининг реал ҳаёти талаблари юзага келтираётган янги маросимларни турмушга татбиқ этиш жамоатчилик фикрини шакллантириш учун муҳим аҳамиятга эга. У ёки бу республиканинг миллий хусусиятларини ҳисобга олиб ўтказилаётган бу маросимлар идеологик таъсирнинг қудратли воситасидир.

Агар янги байрамлар чуқур ўйлаб, бир мақсадни кўзлаб, мазмундор қилиб ўтказилса уларнинг тарбиявий функцияси анча самарали бўлади. Бу жиҳатдан Сирдарё ва Жиззах областларининг қатор кишлоқ меҳнат коллективларида ўтказилган социологик тадқиқот маълумотлари диққатга сазовордир. «Қайси байрам сизларда уюшқоқлик билан ўтказилади?» деган саволга анкета тарқатилган кишиларнинг 68 проценти ҳамма революцион байрамларнинг, 32 проценти — профессионал байрамларнинг, тахминан ўшанчаси «Ҳосил байрами»нинг, 11 проценти пенсияга тантанали кузатишларнинг, 8 проценти — Совет Армияси сафига жўнатишларнинг муттасил ва уюшқоқлик билан ўтишини таъкидлаганлар. Бу тадбирлар анализи шунини кўрсатадики, улар баъзан юзаки, хўжакўрсинга ўтказилади, жуда нари борса фақат тантанали мажлислар бўлади. Маданият саройлари ва уйлариининг кўпчилиги оддий кўнлар у ёқда турсин, ҳатто байрам кўнлари ҳам бўм-бўш бўлади. Холбуки,

маданий-маърифат ходимлари бор, 1980 йилдан совхоз директори (колхоз раиси)нинг маданият ва турмуш масалалари бўйича муовини штати киритилган, лекин барибир кишлоқ меҳнаткашларининг дам олишлари ҳали ҳам кўнгилдагидек эмас.

Ҳозирги кунда мамлакатда ҳушёрлик учун актив кураш кенг авж олиб кетди. Партия ва ҳукуматимиз бу масала юзасидан тегишли ҳужжатлар қабул қилди. Совет кишилари уларни ишлаб чиқариш ва турмушнинг жиддий проблемаларини ҳал этишнинг ишончли асоси деб биладилар. Бизда алкоголизм ва ичкиликбозликка қарши аллақачон актив жамоатчилик фикри қарор топган. Меҳнат коллективларида ичкиликхўрлар, прогулчилар қаттиқ қораланади, уларга нисбатан тарбиявий таъсир чоралари қўрилади. «Ҳушёрлик — ҳаёт нормаси» деган шиор ҳамма ерда қизғин қўллаб-қувватланмоқда.

Ўзбекистонда жамоатчилик фаолиятининг ўзига хос формаси бўлмиш маҳалла комитетлари бу борада жуда кўп иш қилмоқдалар. Уларнинг кўпчилиги маҳалла аҳолисининг тобора ўсиб бораётган активлигига таяниб, жойларда кварталлар ва микрорайонларни ободонлаштириш, оилани мустаҳкамлаш, эски урф-одатларни тугатиш ва янги, прогрессив маросимлар, анъаналарни жорий этиш бўйича қатор тадбирларни амалга оширибгина қолмай, шунингдек, ичкиликбозлик ва алкоголизмга қарши кураш борасида ҳам катта ишлар қилмоқдалар. Чунончи, Тошкент шаҳрининг Фрунзе районидаги Авлоний номли маҳалла комитетининг аъзолари, ҳамма тадбирларни, шу жумладан тўйларни ҳам спиртли ичимликларсиз ўтказиш тўғрисида бир фикрга келдилар. Бу ташаббусни маҳаллада яшовчиларнинг ҳаммаси қўллаб-қувватлади. Андижон областининг Ленин райони аҳолиси ичкиликбозлик ва алкоголизмни бутун районда тугатиш ташаббуси билан чиқдилар.

Лекин, афсуски, ҳамма жойда ҳам аҳвол шундай эмас. Ўзбекистон Компартиясининг III пленуми (1986 йил октябрь) маҳалла комитетларини «эски негизларга қарши мурасимсиз курашга» йўналтириш, уларни коммунистлар, комсомоллар, илғор интеллигенция вакиллари билан мустаҳкамлаш, айрим маҳаллаларда ҳукм сураётган турғун консерватив муҳитни бузиш учун курашга партия ва меҳнат ветеранларини кенг жалб қилиш зарурлигини кўрсатиб ўтди.

Ичкиликбозлик ва алкоголизмга қарши курашда қимматли ташаббусларни ёйишда республика ва область матбуоти катта роль ўйнади. «Правда Востока» газетаси «Ичиш ё яшаш», «Совет Ўзбекистони» эса «Ичкилик — иллат» рубрикалари остида қатор материаллар эълон қилди. Бундай рубрикалар бошқа вақтли матбуот нашрлари саҳифаларида ҳам пайдо бўлди. Партия ва меҳнат ветеранлари, ишлаб чиқариш илғорлари, олимларга сўз берилди, улар жойларда олиб борилаётган ишлар тўғрисида гапириб беришди, конкрет тадбир-чоралар таклиф қилишди. Хуллас, ичкиликбозликка қарши жамоатчилик фикри шаклланди ва у тобора мустаҳкамланди.

Жамоатчилик фикрини шакллантиришда, маълумки, телевидение муҳим роль ўйнайди. Республикамизда «Оталар сўзи — ақлнинг кўзи», «Инсон ва қонун», «Баҳс» ва бошқа кўрсатувлар анча машҳур бўлиб қолди. Улар ёш авлодни тарбиялаш компетентли жамоатчилик фикрини шакллантиришнинг муҳим воситасидир. «Ёшлар тарбияси масалалари бўйича маълумот олиш учун турли телевизион эшиттиришларга тез-тез мурожаат қиласизми?» деган саволга сўраб чиқилганларнинг 90 проценти, бу масалада бизга юқорида санаб ўтилган кўрсатувлар ёрдам берди, деб жавоб қилишди. Ахир, ўша кўрсатувларнинг кўпчилиги телетомошабинларнинг хатлари асосида тайёрланади, чунки уларнинг манфаатдорлиги хатларида шундай кўриниб туради, жуда кўплаб истаклар билдирилади.

Шундай қилиб, меҳнаткашлар оммасининг фикри ўзига хос бир барометр бўлиб, у кишиларнинг ғам-ташвишлари, эҳтиёжлари ва кайфиятлари тўғрисида ҳукм чиқаришга имкон беради. Унга таянмай туриб, ғоявий-тарбиявий ишнинг бирон-бир жиддий вазифасини ҳал қилиб бўлмайди. Бизнинг фикримизча жамоатчилик фикрини яхшироқ билиш учун жойларда уни ўрганиш бўйича кенгашлар тузиш зарур. Бундай кенгашлар мамлакатимиз марказий районларидаги кўпгина партия комитетлари қошида муваффақиятли ишлаб турибди.

ПАРТИЯ КОМИТЕТИ АППАРАТИ

Л. ГОРБУНОВА,
тарих фанлари кандидати

КПСС XXVII СЪЕЗДИ марксча-ленинча фанни ижодий ривожлантириб, партия қурилиши назариясига муҳим хисса қўшди. Съезд қабул қилган янги таҳрирдаги партия Программаси ва Устави коммунистларни, партия органларини халққа садоқат билан хизмат қилишга йўналтиради.

Партия Уставининг 23-параграфига киритилган қўшимча янги қоидалардан бири ҳисобланади. Бу ерда шундай ёзилган:

«КПСС Марказий Комитетида, иттифокдош республикалар компартиялари Марказий Комитетларида, ўлка, область, округ, шаҳар ва район партия комитетларида партия қарорларининг ижросини ташкил этиш ва текшириш ҳамда қўйи ташкилотларнинг фаолиятига ёрдам бериш юзасидан кундалик ишларни бажариш учун аппарат тузилади.

Партия аппаратининг структураси ва штатларини КПСС Марказий Комитети белгилайди».

Партия турмушида аппаратнинг ўрни ва ролини Владимир Ильич Ленин назарий асослаб берган.

В. И. Ленин 1899 йилдаёқ «Муҳим масала» мақоласида партия аппарати зарурлигини, унинг фаолиятининг синфий йўналишини далиллар асосида исботлаб берган эди. Мақолада «муассаса ва группалар маъносидаги...», газета маъносидаги органлар» ҳақида гап боради (Тўла асарлар тўплами, 4-том, 226-бет). Улар «меҳнатни тақсимлаш ва қўчларни тежаш принципларини муттасил амалга ошириб бориш» имкониятига эга бўлиш учун зарур (ўш а ж о й д а).

В. И. Ленин 1902 йилда «Ташкилий вазифаларимиз ҳақида ўртоққа хат» мақоласида партия ташкилоти структурасида бошқариш группасига эга бўлишни таклиф қилган эди. Бошқача айтганда, гап аппарат тўғрисида борган эди. Группа составини комитет белгилайди. У, Ленин фикрича, «секретарни ва умуман барча ишларга амалий бошчилик қилишга кўпроқ қобил бўлган кишиларни ўз ичига оладиган» бўлиши керак (ТАТ, 7-том, 10-бет). Владимир Ильич шу ерда комитетни ва унинг аппаратини ташкил этишда ишчиларга таяниш тўғрисидаги фавқуллода муҳим ғояни илгари сурган ва кейинчалик РСДРП III съездида бунинг зарурлигини яна бир бор таъкидлаган эди.

В. И. Ленин ташкилий аппаратнинг муқаммаллигини унинг партия ва ҳукумат қарорларини ҳаётга татбиқ эта олиш қобилияти билан боғлаган эди. Владимир Ильич таърифлаб берган аппарат ишини ташкил этиш принциплари ҳозир ҳам асосий принциплардир. Бу аввало раҳбарликнинг коллегиялиги ва топирилган участка учун шахсий жавобгарлик принциpidир. В. И. Ленин ошқораликни аппаратнинг муваффақиятли фаолият юргизишининг шартларидан бири деб атаган эди.

Владимир Ильич 20-йиллар бошидаёк «партиядаги касал», яъни айрим масъул ходимларнинг партия ташкилотлари ва меҳнаткашлар оммасидан ажралиб қолиши, бюрократизм билан курашнинг сусайиши ва шу сингарилар хавфидан огохлантирган эди (ТАТ, 42-том, 38—39-бетларга қаралсин). Умуман В. И. Ленин аппаратнинг омма билан алоқаларига катта аҳамият берар, аппаратнинг оммадан узилиб қолиши кўнгилсиз воқеа, офат, касаллик деб ҳисоблар эди.

Аппарат, деб таълим берган эди дохиймиз, сиёсатга бўйсунити, қатъий, лекин эпчил бўлиши лозим, акс ҳолда у манёвр қила олмайди, ҳаётда бўлиши муқаррар бурилишларга ҳалакит беради. В. И. Ленин ўз асарларида кишиларнинг ярқили-ярқисизлигини текшириш, ҳақиқий ижронини текшириш зарурлигини исботлайди, аппарат учун ўз-ўзини танқид даркорлигини асослаб беради (ТАТ, 45-том, 18, 137-бетларга қаралсин).

Партия комитети секретари вазифаларининг конкретлаштирилиши катта аҳамиятга эга. Владимир Ильич асосий сиёсий иш, бош вазифани кўзлаб, секретарь майда-чуйда ишлардан холи қилиниши керак деб ҳисоблар, кишиларни тақсимлашни ўрганишни маслаҳат берар эди. Унинг талаби билан РКП(б) МК Пленуми 1922 йил апрелда қарор қабул қилди, бу қарорга мувофиқ «секретарларнинг чинакам принципиал раҳбарлик ишидан бошқа ҳеч қандай ишни шахсан ўз зиммаларига олмасликлари» қонда қилиб қўйилган эди (ТАТ, 45-том, 161-бет).

В. И. Ленин партия аппарати пухталиги ҳақидаги масалани унинг аъзоларининг шахсий фазилатлари нуктаи назаридан кўриб чиқишни таълим берган эди. У «Съездга хат»да сиёсий ташкилотчи учун керак бўлган фазилатларни — кўпроқ чидамлик, кўпроқ ҳолисона иш кўриш, ўртокларга кўпроқ ҳушмуомала ва кўпроқ эътибор берадиган бўлишни қайд қилган эди (45-том, 389-бетга қаралсин). Партия аппаратини комплекташда партиянинг синфий табиати ҳисобга олиниши керак. «Ишчиларни комитетлар составига киритиш, — деб кўрсатган эди В. И. Ленин, — бу таълим-тарбия бериш вазифасигина эмас, балки шу билан бирга сиёсий вазифа ҳамдир» (ТАТ, 10-том, 177-бет).

Партия аппарати фаолиятининг ленинча принциплари партия съездлари, конференциялари, Марказий Комитет пленумлари материалларида янада ривожлантирилди. Уларда партия аппарати ишининг турли томонларини такомиллаштириш тўғрисида изчиллик билан ғамхўрлик қилиб келинаётгани кўриниб турибди. Бунинг ҳар сафар тарихий шарт-шароитлар, конкрет вазият тақозо этарди. Масалан, 1919 йил декабрида РКП(б)нинг VIII Бутун Россия конференцияси қабул қилган партия Устави партия фаолиятининг алоҳида формалари учун комитетлар қошида ташкил этиладиган ва бевосита уларга бўйсунадиган махсус бўлимлар (миллий, хотин-қизлар ўртасида ва ёшлар ўртасида ишлаш бўйича ва ҳоказо) бўлишини кўзда тутар эди. РКП(б) IX съезди (1920 йил 29 март — 5 апрель) МКга Секретариатни қучайтиришни топширди; ташкилий ва ижровий характердаги жорий ишлар Секретариат ихтиёрига берилди. 1920 йил сентябрида бўлиб ўтган РКП(б) IX Бутун Россия конференцияси қолоқлик билан курашиш ва талабчанликни ошириш учун совет ва партия аппаратини янада кенгрок ва чуқуррок ўрганишни назарда тутган, масъул партия ходимларига тез-тез жойларга чиқиб туришни юклаган, уларнинг кўпчилигини ҳар томонлама ёрдам кўрсатиш мақсадида Москвадан жойларга юборган эди.

1921 йил майда бўлиб ўтган РКП(б)нинг X Бутун Россия конференцияси партиянинг ташкилий аппаратини мустаҳкамлашда алоҳида роль ўйнади. У партия марказларининг жойлар билан жонли алоқа ўрнатишига, аппарат ишини контрол қилишга, аппарат раҳбарларининг партия МК Секретариати олдида мунтазам ҳисобот бериб туришига, маҳаллий тажрибадан амалий фойдаланишга катта эътибор берди. Конференция парткомлар учёт аппаратининг қуйидан юқоригача қучайтирилишини назарда тутди. Партия қучларини тўғри тақсимлаш зарурлиги шуни талаб қиларди.

Ушша йилларда партия аппаратини такомиллаштиришга доир иш тўхтовсиз

давом этди. Масалан, РКП(б)нинг XI Бутун Россия конференцияси (1921 йил декабрь) барча даражалардаги партия комитетлари секретарларининг сифат составини яхшилаш, парткомларнинг ишчи аппаратини минимум даражагача қискартириш, уни тез-тез алмаштиришлардан саклаш ва шу билан ишда энг яхши давомийликни таъминлаш тўғрисида қарор қабул қилди.

1922 йил 27 март — 2 апрелда бўлиб ўтган РКП(б) XI съезди яхшилаб ҳўжалик юргизишни ўрганишга чақирди. Шу муносабат билан партия аппарати вазифалари ҳам мураккаблашади. Бу ерда шуни таъкидлаш лозимки, Владимир Ильич ўша йиллардаёқ партиявий раҳбарликнинг идеологик, ташкилотчилик ва ҳўжалик ишининг ажралмас бирлигидан иборат ғоят муҳим принципларни тўғрисида гапирган эди.

РКП(б) XI съезди партия аппаратининг бюрократик қисмини қискартиришни энг муҳим вазифа деб атаган, партия комитетларини Россиянинг турли областларидаги ишга табақалаштирилган ҳолда ёндашишга чақирган ва, энг муҳими, партия ва совет муассасалари ўртасидаги функцияларни аниқ тақсимлаш зарурлигини кўрсатган эди. Съезд резолюциясида партия аппарати ишини такомиллаштиришга қаратилган ва, жумладан, МК аъзоларининг маҳаллий партия ташкилотларини айланиб чиқишини кўзда тутган чоратадбирлар ифодаланган эди. В. И. Ленин кучларни тўғри тақсимлаш ва ижронинг системали текширилишини ташкил этиш вазифасини илгари сурди.

РКП(б) XII съезди (1923 йил апрель) қарорлари катта аҳамиятга эга бўлди. У, жумладан, сиёсий жихатдан яхши тарбияланган ва собитқадам ўртоқларни партия ишида тўплаш зарурлигини қайд қилди. Съезд МКдан то райкомгача бўлган органларда инструкторлик лавозими жорий этилишини партиявий иш савиясини ошириш усули ва партия кадрларининг амалий тайёргарликдан ўтиш воситаси деб баҳолади.

РКП(б) XIII конференциясида (1924 йил январь) барча партия ташкилотларига навбатдаги сайловларда партия аппаратини мунтазам янгилаб бориш, амалда партия ички демократиясини таъминлаш таклиф қилинди. Ушанда ахборот бўлими ҳамда ишчи ва деҳқон хотин-қизлар бўлимлари ташкил этилган эди. РКП(б) XIII съезди (1924 йил май) ишчи ва деҳқон хотин-қизларни партия қурилишига жалб этишга, коммунист хотин-қизларни раҳбар партия ва совет органларига ишга қўтаришга алоҳида эътибор берди.

Партия XIV съезди (1925 йил декабрь) партия бирлигини жипслаш, партия ва давлат интизомини мустаҳкамлаш, аппарат фаолиятини яхшилаш ишига муҳим ҳисса қўшди. У янги Уставни қабул қилди ва РКП(б)ни Бутуниттифок коммунистик (большевиклар) партияси — ВКП(б) деб ўзгартиришга қарор қилди.

ВКП(б) XVI партия конференциясида (1929 йил апрель) партия ичидаги ва партия аппаратидаги бюрократизм элементларига қарши кураш вазифалари кўриб чиқилди. Бу ғоят муҳим масала ҳозир ҳам актуаллигича қоляпти, КПСС XXVII съездида унга катта эътибор берилди.

ВКП(б) XVII съезди (1934 йил 26 январь — 10 февраль) қарорлари марказий ва маҳаллий органлар аппарати ишини яхшилашда катта аҳамиятга эга бўлди. Съезд тасдиқлаган партия Уставида партия комитетларидаги бўлимлар ҳақидаги қоида конкретлаштирилди ва бу бўлимлар партия директивалари ва қарорларини рўёбга чиқариш юзасидан амалий фаолият юргизиш учун тузилади, деб ёзиб қўйилди. Ишлаб чиқариш-тармок принциплари бўйича ташкил этилган бўлимлар ўз тармоғида ташкилий-партиявий ва оммавий-агитация ишларини, кадрларни тақсимлаш ва тайёрлаш, ишлаб чиқариш пропагандаси, тегишли совет, ҳўжалик органлари ва партия ташкилотларининг партия қарорларини бажаришини кузатиш функцияларини бажариши лозим эди. Шунингдек, муҳокаматалаб масалалар тўғридан-тўғри бюрога қўйилади, қатор амалий чора-тадбирларни ишлаб чиқиш эса махсус комиссияларга эмас, балки комитетлар бўлимларининг мудирлари ва совет, касаба союз, кооператив, комсомол ва бошқа ташкилотларнинг раҳбар ходимлари зиммасига юкланади, деб белгиланди. Партия Устави шунингдек сон

жихатдан ва ташкилий мустаҳкамланган партия ячейкалари учун янги номни — бошланғич партия ташкилотлари номини жорий қилди.

ВКП(б) XVIII съездида (1939 йил март) партия аппарати ишининг ташкил этилиши қониқарсиз деб топилди. Бундай ташкил этиш кадрларни танлаш ишининг ишлаб чиқариш-тармок бўлимлари ўртасида сочилиб кетишига, ташкилотчилик иши кўламининг торайишига олиб келди, ходимларнинг бир тармокдан бошқасига ўтишини қийинлаштирди. ВКП(б) МК вужудга келган аҳволни ҳисобга олиб, қатор чора-тадбирлар қабул қилди, кадрлар танлаш ишини мустақил бошқарма зиммасига юклади. Бундан ташқари, Марказий Комитетда пропаганда ва агитация бошқармаси, ташкилий-инструкторлик, кишлоқ хўжалик ва мактаблар бўлимлари ташкил қилинди.

Округ, область, ўлка комитетларида ва иттифокдош республикалар компартиялари МКларида кадрлар, пропаганда ва агитация, ташкилий-инструкторлик, кишлоқ хўжалик ва ҳарбий бўлимлар ташкил этилди. Худди шундай бўлимлар, кишлоқ хўжалик бўлимидан ташқари, шаҳар ва район партия комитетларида ҳам ташкил этилди.

ВКП(б) XVIII съездида қабул қилинган Уставдаги ўзгаришлар партия комитети аппаратининг кенгайтирилишини назарда тутарди. Шунингдек, партия контроли Комиссияси ВКП(б) МК Пленуми томонидан сайланади ва Марказий Комитет раҳбарлигида ишлайди, деб қарор қилинди. Комиссия функциялари конкретлаштирилди.

СССР экономикасини янада ривожлантириш, бошланиб кетган иккинчи жаҳон уруши шароитида айниқса зарур бўлган мамлакат мудофаа қобилиятини мустаҳкамлаш вазифалари саноатга партия раҳбарлигини қучайтиришни талаб қиларди. ВКП(б) МК 1939 йил ноябрида иттифокдош республикалар компартиялари МКларида, ўлка, область, шаҳар комитетларида саноат бўлимларини ташкил этиш тўғрисида қарор қабул қилиб, улар функцияларини белгилаб берди. Уларга саноат ва транспорт соҳасида партия директиваларини амалга ошириш юзасидан амалий иш юргизиш, тармок корхоналарининг ишлаб чиқариш планларини бажаришини назорат қилиш, партия ва хўжалик ташкилотларининг социалистик мусобақани авж олдиришга доир фаолиятини текшириш топширилди. Шунингдек саноат корхоналари, қурилиш ташкилотлари, колхозлар, совхозлар бошланғич партия ташкилотлари уларга ВКП(б) XVIII съезди берган маъмурият фаолиятини контрол қилиш ҳуқуқини қандай амалга ошираётганликлари тўғрисидаги масалани кўриб чиқиш ҳам улар вазифасига кирар эди.

ВКП(б) МК 1943 йил сентябрда «ВКП(б) МК ташкилий-инструкторлик бўлимининг вазифалари ва структураси» деган қарор қабул қилди. Унда бўлим партия Марказий Комитети Секретариатининг аппарати ҳисобланади деб таъкидланди. У область, ўлка комитетлари, иттифокдош республикалар компартиялари МКларининг раҳбарлик тажрибасини кузатиши, маҳаллий органларга ташкилий-партиявий иш масалаларига доир йўл-йўриқлар кўрсатиб туриши, уларнинг МК директиваларини бажаришини текшириши, ахборот материалларини ишлаб чиқиши ва маҳаллий партия ташкилотлари тажрибасини умумлаштириши, партия қурилиши масалаларига оид қарорлар лойиҳаларини ВКП(б) МКда кўриб чиқиш учун тайёрлаш лозим эди. У шунингдек партия составини ва ВКП(б) аъзолари ҳамда аъзоликка кандидатларига партия ҳужжатлари берилишини ҳисобга олиб борар, маҳаллий партия ташкилотларидаги партия хўжалигини текширар эди.

КПСС XIX съезди (1952 йил) XVIII съездан кейинги ўтган даврдаги партия қурилиши ва партиявий иш тажрибасини умумлаштириб, партия Уставига аввало коммунистлар ролини оширишга қаратилган жиддий ўзгаришлар киритди. Партия марказий органлари структураси тубдан ўзгартирилди. Бутуниттифок партия конференцияларини чақирмаслик тўғрисидаги қарор партия сиёсати ва тактикасининг асосий масалаларини партия съездлари ўз вақтида кўриб чиқиши лозимлиги билан асосланар эди. МК Сиёсий бюроси негизида қайта ташкил этилган МК Президиуми Марказий Комитет пленумлари оралигида унинг ишига раҳбарлик қилиши керак эди.

МКнинг тугатилган Ташкилий бюроси функциялари МК Секретариатига берилди, партия контроли Комиссияси КПСС МК хузуридаги партия контроли Комитети қилиб ўзгартирилди. Съезд партия номини ўзгартириш ва бундан буён уни Совет Иттифоки Коммунистик партияси (КПСС) деб аташ тўғрисида қарор қабул қилди.

Сўнгги йилларда партия аппарати узлуксиз такомиллаша борди. КПСС МК Пленумлари ва партия съездлари мунтазам чақирилиб турди. 1953 йили КПСС МК Биринчи секретари лавозимини таъсис қилиш мақсадга мувофиқ деб топилди ва Марказий Комитетнинг сентябрь Пленумида шундай қилинди. Бу Пленум шунингдек қишлоқ район партия комитетлари, улар аппаратининг мустахкамланишига ёрдам берди.

Партия коммунистлар ташаббускорлиги ва мустакиллигини ривожлантириш йўлини тутиб, 50-йилларда маош олиб ишлайдиган аппаратни қисқартириш ва арзонлаштиришга ҳаракат қилди. Масалан, КПСС МКнинг «КПСС область, ўлка комитетлари ва иттифокдош республикалар компартиялари МКларининг штатларини қисқартириш тўғрисида»ги қарори ана шу партия комитетларининг масъул ва техник ходимлари штатларини 25—30 процент қисқартиришни талаб қилди.

КПСС XXII съезидан сўнг (1961 йил) ишда жамоатчилик асосларини янада ривожлантириш, маош олиб ишлайдиган партия аппаратини қисқартириш йўли давом эттирилди. Съездда қабул қилинган янги партия Программаси ва Устави партия комитетлари аппаратининг омма билан алоқани мустахкамлаш, меҳнатни илмий асосда ташкил этишни юксалтириш, бюрократизмга қарши кураш, партия контролини яхшилашга доир фаолиятини такомиллаштиришга ёрдам берди.

КПССнинг шундан кейинги ҳамма съездлари партия аппаратини такомиллаштиришга ўз ҳиссасини қўшди, улар орасида XXVII съезд алоҳида ўрин тутди. Съезд қарорлари партия ичидаги демократияни ҳар томонлама ривожлантиришга, барча даражаларда коллектив раҳбарлик принципини амалга оширишга, танқид ва ўз-ўзини танқидни кенгайтиришга, контролни, ишга масъулият билан ёндашишни кучайтиришга йўналтиради. Биринчи навбатда партия аппарати ходимлари ишни шу таҳлилда қўйиш учун курашишлари, турғунлик ва сусткашликка муросасиз бўлишлари лозим. Улар доимо партия сиёсатини ҳаётга актив татбиқ этувчилар, унинг ғоявий ва ташкилий асосларининг изчил ва қатъий ҳимоячилари бўлишлари керак.

Аппарат иш методлари совет жамиятининг раҳбар ва етакчи кучи, омманинг сиёсий ташкилотчиси ва тарбиячиси бўлган КПССнинг аҳволи билан ҳамбарчас боғлиқдир. КПССнинг мамлакатимизда коммунизм куришга қаратилган бутун куч-ғайрати сиёсий фаолиятдан иборат. Бундан келиб чиқадики, партия аппаратининг иш методлари сиёсий методлардир.

Сиёсий раҳбарлик қилиш, деб тушунтирган эди В. И. Ленин, аввало бирлаштириш, тарбиялаш, ташкил қилишни аниқлади (ТАТ, 43-том, 106-бетга қаралсин). Шу сабабли партия комитетининг иши ғоят ранг-баранг бўлса-да унинг қуйидаги йўналишларини ажратиш мумкин: оммани партиянинг ҳозирги босқичдаги сиёсати тўғрилигига ишонтириш; партия сафларининг тозаллиги тўғрисида ғамхўрлик қилиш; коммунистларни жой-жойига қўйиш; партия ташкилотлари структурасини такомиллаштириш; коммунистларнинг авангардлик ролини ошириш; бошланғич партия ташкилотларининг жанговарлигини юксалтириш. Партия аппарати ўз фаолиятида Уставдаги партия органлари ва бошқа органларнинг функциялари аралаштириб юборилишга йўл қўймаслик тўғрисидаги қоидага ҳар доим амал қилиш кераклигини таъкидлаш лозим.

Юқорида айтиб ўтилганидек, партия комитети аппаратининг иш формалари конкрет тарихий шароитнинг ўзига хос хусусиятлари ва бевосита шу шароитдан келиб чиқадиган вазифалар билан белгиланади. Партиявий практикани доимий ривожлантириш, зиддиятларни ҳар қуни ҳал этиб бориш, даврнинг ҳар бир конкрет босқичида иш формаларини мазмун билан мувофиқлаштириш жараёни сифатида кўриб чиқиш лозим. Қайта куриш шароитида В. И. Лениннинг қуйидаги огоҳлантиришини эсда тутиш зарур. «Форманинг ривожланмаганли-

ги ва мустаҳкам эмаслиги мазмунни кенгайтириш йўлида яна олдинга караб жиддий кадам босишга имкон бермайди, шармандали турғунликка сабаб бўлади, кучларни нобуд қилишга, сўз билан ишнинг бир-бирига тўғри келмаслигига олиб боради» (ТАТ, 8-том, 431-бет).

Партия аппарати фаолиятининг самарадорлиги чуқур ўйлаб қабул қилинган қарорларга, сиёсий, иктисодий ва социал вазифаларни ҳал этиш йўллари тўғри танлашга боғлиқ. Ишни моҳирона планлаштириш, илмий муассасалар билан мустаҳкам ва системали алоқа, иктисодий анализ ва социологик тадқиқотлар маълумотларидан кенг фойдаланиш, ишни илмий асосда ташкил этиш, илғор тажрибани ўрганиш ва ундан фойдаланиш — аппаратнинг иш қобилиятини оширишнинг таркибий қисмлари деярли ана шулардан иборат. Қайта қуриш шароитида ахборот билан аниқ ишлай олиш фазилати алоҳида аҳамият касб этади. Зеро, вужудга келган аҳволни анализ қилишдаги объективлик, бинобарин, камчиликларни тузатиш учун воситаларни тўғри танлаш ва ҳақиқатан кенг фойдаланишга арзийдиган тажрибани жорий этиш ҳам ана шунга боғлиқ. Шу муносабат билан партия аппарати ходимларида одамлар қалбига йўл топа билиш, уларнинг фикр-мулоҳазаларини тинглаш, шахсан ўз номидан эмас, балки партиявий тажрибага асосланиб хулоса чиқариш қобилиятини тарбиялаш тўғрисида гапириш зарур.

Партия қарорларини ҳаётга татбиқ этиш — аппаратнинг асосий вазифаларидан бири. Қарорни тайёрлашдан тортиб то унинг бутунлай бажарилишигача бутун иш аппарат ходимлари зиммасида бўлади. Бу ерда нафакат чуқур билимлар, шу билан бирга ташкилотчилик қобилияти, ўзини интизомга бўйсундириш, юксак масъулият ҳисси, ижронини текшириш маҳорати ҳам зарур. Бунда текшириш жараёнида ишни қарточкалар набори ва турли журналларни тузишдан иборат қилиб қўймасдан, конкрет партиявий қарорни амалда ҳаётга татбиқ қилиш зарур. Назоратнинг бош вазифаси «тузата билишдан иборатдир», деб таълим берган эди В. И. Ленин (ТАТ, 44-том, 144-бет). «Тузата билмоқ учун, 1-дан, бирон-бир муассасада, корхонада, бўлимда ва шу қабилада ишнинг бошқарилувини *ўргана бориш* ва ўрганиб олмоқ керак; 2-дан, зарур бўлган амалий ўзгартишларни ўз вақтида *ўтказиш*, бу ўзгартишларни амалга ошириш керак» (ў ш а ж о й д а).

Аппарат коммунистлар ўртасида, раҳбар партия органлари билан партиявий омма ўртасида, турли даражалардаги партия комитетлари билан партия ташкилотлари ўртасида ривожланиб боровчи ғоявий, сиёсий, ташкилий, маънавий ва бошқа алоқалар системасидан иборат бўлган партия ички муносабатларини амалга оширишда актив катнашади. Бу муносабатлар марксизм-ленинизм принциплари асосида, демократик централизм принципи билан катъий мувофиқликда қурилади. Масалан, район, шаҳар даражасидаги аппарат ҳар кунги практикада бошланғич партия ташкилотлари, уларнинг бюрolari, партия комитетлари, район, шаҳар партия комитетлари аъзолари, активистлар билан муносабатга киришади ва шу тарзда кишилар ўртасида алоқалар ўрнатилиши ва ривожлантирилишининг мураккаб, кўп планли жараёнидан иборат бўлган ва биргаликдаги фаолият эҳтиёжлари туфайли туғиладиган муносабат субъекти бўлиб қолади. Бу жараён ахборотлар алмашишни, бошқа кишига ўзаро таъсир этиш, уни қабул қилиш ва тушунишнинг ягона стратегиясини ишлаб чиқишни ўз ичига олади, бунда амалий хатти-ҳаракатларда партиявий этика тобора кўпроқ етакчи ўринни эгаллаб бормоқда. Партиявий бирдамлик, инсонпарварлик, революцион ҳушёрлик, ўз сўзига содиқлик, ўз-ўзини танқид қила билиш, ҳаққонийлик, принципиаллик, камтарлик бошқа фазилатлар билан боғлиқ ҳолда биринчи ўринга чиқади.

Аппарат ходими идеологик фаолият соҳасида кишилар билан яккама-якка тартибда иш олиб бора олиши айниқса муҳим. Маълумки, КПСС XXVII съезди тарбиянинг мана шу ғоят муҳим формасига алоҳида эътиборни қаратди, шахсни камол топтириш ишида максимал конкретлилик зарурлигини кўрсатди. Партия аппарати ходимлари шахсий намунаси, фаол гражданлик позицияси билан ҳам социалистик жамият идеаллари, принциплари ва кадриятларини қарор топтиришлари лозим.

Ўз вақтида В. И. Ленин хўжалик иши — бу коммунистлар партияси учун энг кизиқарли сиёсатдир, деб таъкидлаган эди (ТАТ, 43-том, 374-бетга қаралсин). Ҳар бир регионда бу сиёсат муваффақияти партия комитети, демак унинг аппаратининг ҳам ташкилотчилик куч-ғайратига боғлиқдир.

Партия комитети ўзининг район, шаҳар, область миқёсидаги сиёсий раҳбарлик миссиясини меҳнаткашларнинг ижтимоий ташкилотлари иши мазмуни ва услубига чуқур ҳамда кенг таъсир ўтказиш орқали амалга оширади. В. И. Ленин сўзлари билан айтганда, «авангард билан омма ўртасидаги тўғри муносабатни» қуришдек муқаддас бурч унинг зиммасидадир (ў ш а ж о й д а, 62-бет). Партия комитети барча давлат ва жамоат ташкилотларининг «зўр бериб ва бирдамлик билан амалий» ишлаши тўғрисида ғамхўрлик кўрсатиши керак (ТАТ, 42-том, 287-бет).

Партиявий иш тажрибасини ўрганиш — партия комитетларининг энг муҳим вазифасидир. Шу муносабат билан олганда уларнинг аппарати — барча энг яхши, илғор тажрибани анализ қилиш, улардан энг қимматлисини умумлаштириш ва бу тажрибани партия ташкилотлари практикасига жорий қилиш функциясини бажарадиган механизмдир. Аппарат ходимлари илмий анализ қилиш, сайлаб қўйиладиган куйи активга тўла-тўқис йўл-йўриқ кўрсата олиш, илмий муассасалар билан амалий алоқалар ўрнатиш усулларини эгаллаши, ўзларининг социологик билимдонлигини ошириш тўғрисида жон қуйдириши керак.

Партия комитети аппарати партиявий иш услубини такомиллаштиришга қаратилган амалий чора-тадбирларни амалга оширишда асосий бўғин ролини бажаради. Бу ўринда ҳам мазкур ишда муваффақиятга эришишнинг В. И. Ленин эътиборни қаратган шартларини эслатиб ўтиш жоиздир: биринчидан, «жамоат фаолиятининг, ҳеч қандай мустасносиз, *барча* формаларини ёки томонларини билиб, эгаллаб олиш» ва иккинчидан, «бир форманинг жуда тез ва қутилмаганда иккинчи формага ўтишига тайёр туриш»дир (ТАТ, 41-том, 90-бет).

Ленинча иш услубини эгаллаш — бу ҳозир партия комитетлари олдида турган ғоят муҳим вазифадир. Шу услубга хос бўлган хусусиятлардан бири — компетентлилик тўғрисида алоҳида тўхталиб ўтмоқчимиз. Бу хусусият ишни билишни (ихтисосига кўра маълумоти), аппаратдаги лавозими бўйича ўз вазифаларини билишни, партиявий ишни билишни ўз ичига олади. Шу муносабат билан В. И. Лениннинг ўн марта текширгандан кейингина лавозимга тайинлаш тўғрисидаги талабини яна бир бор эслатиб ўтиш керак бўлади. Фикримизча, бу талабни партиявий-сиёсий маълумотга эга кишиларга ҳам жорий қилиш лозим. Лекин амалда бу талаб ҳозирча суст бажарилмоқда. Партия комитети аппарати ходимлари орасида партиявий-сиёсий маълумотга эга мутахассислар салмоғи камайди. Ишга тавсия қилинадиган ҳар бир кишининг лавозимга мувофиқ бўлишига эришиш борасида кам иш қилинапти.

Аппарат партия органи обрўси учун масъулдир. Шу сабабли унинг ходимларининг психологик-педагогик тайёргарлиги катта аҳамиятга эга. Чунки аппаратнинг ҳар бир ходими партиявий обрў ифодаловчисидир, бинобарин, у ўзининг сўзлари ва хатти-ҳаракатларига нисбатан меҳнаткашларнинг мутлак ишончини қозона билиши керак. «Коммунистик димоғдорлик», сиёсий вайсақилик, ишда малакасизлик, бюрократизм, формализм, кишиларга бағри-тошларча муносабатда бўлиш, ҳокимиятни суниистеъмол қилишнинг ҳар қандай кўриниши обрўга путур етказди.

Партия ходимининг партиявий фаолиятда ленинча раҳбарлик услубини амалга ошириши, шахсий феъл-атворининг КПСС Устави талабларига, коммунистик ахлоқ нормаларига мувофиқ бўлиши унинг обрўсининг асосий кўрсаткичидир.

МАРКСЧА-ЛЕНИНЧА ДУНЁҚАРАШНИНГ НАЗАРИЙ-МЕТОДОЛОГИК ЖИҲАТИ

Ю. ЗЛОТНИКОВ,
философия фанлари доктори

КПСС XXVII СЪЕЗДИ марксча-ленинча дунёқарашнинг буюклиги ва методологик кудратини яққол таърифлаб берди: «Марксизм-ленинизм — буюк революцион дунёқарашдир. У инсоният ҳали ҳеч қачон ўз олдиға қўймаган энг инсоний мақсадни — Ер юзида адолатли социал тузумни бәрпо этиш мақсадини асослаб берди. У ижтимоий тараққиёт жараёнини қонуний тарздаги, ғоят кенг қўламдаги кўп қирралилиги ва зиддиятчилиги билан яхлит ҳолда илмий асосда ўрганиш йўлини кўрсатиб беради, иқтисодий ва сиёсий қучларнинг характери ва ўзаро муносабатларини тўғри англаб олишға, қурашнинг тўғри йўналишлари, формалари ва методларини танлаб олишға, кескин тарихий бурилишларда ўзини дадил ҳис қилишға ўргатади».

Мамлакат социал-иқтисодий тараққиётини жадаллаштириш вазифаларини муваффақиятли ҳал этиш кенг меҳнаткашлар оммасининг илмий, марксча-ленинча дунёқарашға эға бўлишини тақозо этади. Нафакат билимлар йиғиндисига эға бўлиш, шу билан бирға мушоҳада қила билиш, илмий методларни, марксча-ленинча методологияни эғаллаш зарур. Ўз вақтида М. И. Калинин шундай деб таъкидлаган эди: «Марксистнинг қадри шундаки, у конкрет вазифаларни ҳал этишда марксистик методни қўллай билади» (М. И. К а л и н и н. Статьи и речи о коммунистическом воспитании. М., 1951, с. 193).

Бизнинг давримизда бу қонда алоҳида актуаллик қасб этмоқда. Ишончли, диалектик-материалистик методсиз халқ хўжалигини ривожлантиришда асло туб ўзгартиш ясаб бўлмайди. Юз бераётган ҳодисалар диалектикасини, уларнинг объектив мантикини чуқур тушуниш, замон ўзгаришини акс эттирадиган тўғри ҳулосалар чиқара билиш — мураккаб, лекин ғоят зарур ишдир. Шу сабабдан ҳам «диалектик-материалистик методология табиий-илмий ва социал билишнинг принципиал, синалган негизи бўлиб келди ва шундай бўлиб қолади. Уни бундан буён ҳам ижодий ривожлантириш, тадқиқотчилик ишида ва ижтимоий практикада оқилона қўлланиш керак», — дейилади янги таҳрирдаги КПСС Программасида.

Фалсафий материализм ва материалистик диалектика фалсафий, диалектик-материалистик метод (методология) структурасига қиради. Бунда умумий методнинг шу ҳар иккала томони ҳам барабар методологик вазифани бажаради. Материализм ғайритабиийликнинг мистик никобини олиб ташлайди, фанни табиатшуносликда ва жамиятшуносликда жараёнлар ҳамда ҳодисаларнинг объектив алоқаларини, ҳақиқий сабабларини очишға йўналтиради. Бирок фалсафий материализм фақат диалектикаға таянибгина ўзининг умумий методик ролини бажариши мумкин. Ф. Энгельс фикрича, «фақат диалектика табиатда юз берадиган тараққиёт процесслари учун, табиатнинг умумий алоқадорликлари учун, бир тадқиқот соҳасидан иккинчи тадқиқот соҳасига ўтиш учун аналогдир ва шу билан бирға изоҳлаш методидир» (К. М а р к с в а Ф. Э н г е л ь с. Танлачган асарлар. Т., «Ўзбекистон», 1981, 3-том, 64-бет).

Материянинг бирламчилиги ва онгнинг иккиламчилиги, дунёни билиш мумкинлиги, ривожланиш манбаи бўлмиш зиддиятлар, билишнинг манбаи, мақсади, ҳаракатлантирувчи кучи ва ҳақиқийлигининг мезони бўлган практика тўғрисидаги ва бошқа қоидалар дунёни билиш ва ўзгартиришнинг умумий, диалектик-материалистик методининг асосини ташкил этади. Марксча-ленинча философиянинг ана шу асосий қоидаларидан бевосита диалектик-материалистик методнинг асосий принциплари келиб чиқади.

Объективлик принципи буюмлар, жараёнлар ва ходисаларни улар воқеликда қандай ҳолда учраса, шундайлигича қараб чиқишни, субъектив, ташки, бегона хусусиятларни истисно қилишни такозо этади. КПСС XXVII съездида таъкидланганидек, «реал воқеликнинг ҳал қилувчи тенденцияларини фақат равшан тушуна олган тақдирдагина тўғри, илмий жиҳатдан асосланган сиёсат юритиш мумкин». Шунинг эса тутиш лозимки, билиш орқали ходисалар аввало субъектив тарзда, яъни уларнинг айрим, алоҳида, ташки жиҳатлари идрок қилинади, билиш процесси чексиз чуқурлаша борганидагина қонуний, умумий, бутунни англашга, бирмунча саёз моҳиятдан анча чуқур моҳиятга олиб боради. Бу принципни қўллай билиш исталган ёки зоҳирий нарсаларни воқелик деб қабул қилишга олиб келадиган юзаки ҳукм чиқаришдан ва субъективистик ҳатолардан холи қилади.

Ҳар томонламалик принципи нарсани билиш учун унинг ҳамма томонларини, хусусиятларини — миқдори ва сифати, мазмуни ва шакли, структураси ва функциясини ўрганиш кераклигини билдиради. Фақат шу йўсинда нарсанинг ҳаддан зиёд кўп хусусиятлари ва томонлари ичидан унинг мавжудлигини қонуний белгилайдиган, асосий, муҳим хусусиятларини ажратиб олиш мумкин. Акс ҳолда вазиятни эгаллашга, унга ҳукмронлик қилишга олиб борадиган «асосий бўғин»ни топиш қийин бўлади. Партия вужудга келган аҳволга ҳар томонлама баҳо бериб, эндиликда бизнинг бутун ҳаётий фаолиятимизни қайта қуриш ана шундай «асосий бўғин»дир деган хулосага келди.

Ўзаро алоқадорлик принципи ҳар бир ходисани бошқаларидан ажратилган ҳолда эмас, балки улар билан универсал умумий алоқада, ўзаро таъсирда, ўзаро боғланишда кўриб чиқишни такозо этади. Масалан, партия давлатларнинг ўзаро таъсирига объектив зарурият, ҳозирги жаҳон процессининг диалектик қонуниятлари деб қарайди. «Ядровий фалокатнинг олдини олиш учун, цивилизация омон қолиши учун мана шундай биргаликдаги ҳаракат зарур, — дейилади КПСС МКнинг партия XXVII съездида Сиёсий докладида. — Кескинлашиб бораётган бошқа умумбашарий проблемаларни ҳам биргаликда ва ҳар бир давлатнинг манфаатлари йўлида ҳал этиш учун мана шундай биргаликдаги ҳаракат талаб этилади. Икки системанинг мусобақаси, ўзаро кураши билан жаҳон ҷамияти давлатларининг ўзаро боғлиқлиги томон кучайиб боровчи тенденциянинг бирга қўшилиши — ҳозирги замон тараққиётининг реал диалектикасидир». Бир нарсанинг бошқа нарсаларга турли муносабатларининг бутун мажмуини ҳисобга олиш, унинг барча алоқалари ва воситаларини қамраб олиш зарур. Бу энг барқарор ва муҳим алоқаларни топишга, ҳодисанинг фикрий моделини номуҳим муносабатлардан абстракция қилиш йўли билан тўғри «соддалаштириш»га ёрдам беради.

Тараққиёт принципи нарсалар ва ходисаларни уларнинг доимий ҳаракатида, ўзгаришида ўрганиш кераклигини, зиддиятларни тараққиётнинг ички манбаи сифатида тадқиқ қилиш, бу жараёни текис эволюция сифатида эмас, балки миқдорий ўзгаришларнинг доимий суратда сифат ўзгаришларига ўтиши, янгининг эскини ва энг янгининг янгини диалектик инкор этиши сифатида кўриб чиқиш лозимлигини билдиради. Фақат шу тарздагина ривожланиш тенденцияларини тушуниш, истикболни кўра билиш, ўсиб бораётганини эскираётгандан фарқлаш, янги, илғор нарсани кўзлаш, консерватизмдан ёки аксинча асоссиз равишда илгарилаб кетишдан холи бўлиш мумкин. Партия СССРнинг халқаро сиёсатини мазкур принципга мувофиқ равишда белгилаб, шундай қайд қилади: «Ҳозирги дунё мураккаб, ранго-ранг жўшқин дунё, бир-бирига қарама-қарши тенденциялар билан йўғрилган, зиддиятларга тўлиб-тошган дунёдир. Бу дунё гоёт мураккаб альтернативалар, ташвиш ва умид-орзулар дунёсидир... Унинг

зиддиятлари эски дунё устидан, олға томон ҳаракатга ҳалал берувчи барча нарсалар устидан чиқарилган ҳукмни ифодалагина қолмай, балки ижтимоий таракқиётнинг ҳаракатлантирувчи кучининг манбаи ҳамдир» (КПСС XXVII съездининг материаллари, 7-бет).

Конкретлилик принципи ҳар бир ҳодисани мавҳум, воқеликдан ажратилган ҳолда эмас, балки конкрет-тарихий шароитда, бу жараён ўтаётган ривожланиш даври билан боғланишда қўриб чиқишни, мазкур ҳодисанинг бутун тарихдан олдинги даври ва барча конкрет ҳолатларини текшириб боришни тақозо этади. Қуруқ сафсаталар, дадил назарий умумлашмалардан йироқ фактларнинг пассив тарзда қайд қилиниши, тутуриқсизлик, реалликдан узилиб қолиш фанга зиддир. Шунинг ҳар доим эсда тутиш керакки, мавҳум ҳақиқат бўлмайди, ҳақиқат ҳамини конкретдир. Бу ўй-фикрларда ва ҳатти-ҳаракатларда догматизм ва расмиятчиликдан ҳоли бўлишга ёрдам беради.

Партиявийлик принципи экономика, фан, техниканинг у ёки бу проблемаларини ҳал этиш жараёнида уларга аниқ англаб олинган синфий позициядан туриб, бу барча проблемалар нафақат ҳўжаликка онд ёки техникавий, шу билан бирга сиёсий, партиявий проблемалар ҳам эканлигини ёдда тутган ҳолда ёндашиш зарурлигини қўзда тутати. Шу сабабли партиянинг энг муҳим вазифаларидан бири — совет кишиларида юксак сиёсий англолик ва ҳўш-ёрликни, ижтимоий ҳодисаларни аниқ синфий позициялардан туриб баҳолай олиш, социализм идеаллари ва маънавий кадриятларини ҳимоя қилиш қобилиятини тарбиялашдан иборат.

Ўз-ўзидан равшанки, диалектик-материалистик метод принциплари фақат юқорида санаб ўтилганлар билан чекланмайди. Марксизм-ленинизм классиклари асарларини, КПСС XXVII съезди материаллари, Коммунистик партия ва Совет давлатининг қўзғал қўринган арбоблари асарларини ўрганиш бу методни янада тўлароқ қамраб олишга имконият яратади.

Шундай қилиб, диалектик-материалистик методологияни эгаллаш марксизм-ленинизмнинг асосий қондаларини чуқур билишни — илмий дунёқараш ривожланишининг олий даражасини тақозо этади, бундай дунёқараш шахс руҳий дунёсининг негизи бўлиб, унинг ижтимоий етуқлиги ва маданиятини қўрсатади. Бунда марксизм-ленинизмнинг назарий асоси бўлган марксча-ленинча философия илмий дунёқарашнинг ўзагини ташкил этади, чунки борлик ва тафаккурнинг энг умумий қонунлари тўғрисидаги билимларни айтиш шу философия беради. Ўз-ўзидан равшанки, марксча-ленинча таълимотнинг бошқа таркибий қисмлари — сиёсий иқтисод ва илмий коммунизм ҳам дунёқарашни шакллантиради.

Методологик функция илмий дунёқарашнинг асосий функцияларидан бири ҳисобланадики, дунёқараш принципларининг билиш процесси ва амалий фаолият қўлланмаси сифатида белгиланишининг ўзи шунинг тақозо этади. Методологик функциядан ташқари қуйидагилар ҳам марксча-ленинча дунёқарашнинг асосий функциялари ҳисобланади: тарбиявий — коммунистик шахсни шакллантириш; идеологик — социал кадриятлар, манфаатлар ва идеалларнинг мезонларини белгилаш; интегратив — индивидлар ва ижтимоий гуруҳларни ягона социал бутунга жиқсалаштириш. Санаб ўтилган функцияларни бажариш энг муҳим идеологик вазифа бўлиб, партия XXVII съезди бизни шу вазифани ҳал этишга даъват этди.

Марксча-ленинча дунёқарашнинг шахсни шакллантириш ва ривожлантиришдаги методологик, рағбатлантирувчи қобилияти унинг энг қаида иккита алоҳида ҳусусияти билан изоҳланади.

Биринчидан, у инсоннинг синтезланган идеали сифатида намоён бўлади, чунки бу дунёқараш инсоннинг имкониятлари ва қобилиятлари, потенциаллари ва ривожланиш истикқоллари ҳақидаги билимни ўзида мужассамлаштиради. Идеал билан воқелик ўртасида доимо зиддият мавжуд бўладики, ана шу зиддият индивид фаолиятини рағбатлантиради, социал активлигини уйғотади, унинг қамол топишида муҳим омил бўлиб ҳизмат қилади. Билиш процессига нисбатан олганда дунёқараш ғносеологик идеал сифатида намоён бўладики, дунё ҳақидаги билим ўз ҳаракатида ана шу идеалга интилади. Воқеликни

билиш жараёнида унинг идеал образига эришилади, бу образ реалликка айланади, яъни у идеал бўлмай қолади, лекин билишнинг янги боскичида тагин идеал сифатида намоён бўлади ва бу цикл янада юкорироқ даражада такрорланади. Шундай қилиб, дунёқараш идеал (умумсоциологик ва гносеологик) сифатида инсон ва унинг билими ривожланишининг генератори вазифасини бажаради.

Иккинчидан, дунёқараш — бу ишончга айланган билим, эътикоддир. Эътикод эса инсоннинг ўз ғоялари, қарашлари, позициялари тўғрилигига бутунлай ва мустаҳкам ишончидир. Эътиқодлар, К. Маркс таъбири билан айтганда, «иблислардир, инсон уларга бўйсунибгина уларни енгизиши мумкин» (К. Маркс ва Ф. Энгельс. Асарлар, 1-том, 118-бет.). Ишончга асосланган дунёқарашнинг ўзига хос хусусияти шундан иборатки, у норматив характерга эга бўлади, у нафақат фикрлаш тарзини, шу билан бирга хатти-ҳаракатлар тарзини ҳам ўз ичига олади. Дунёқарашга асосланган чуқур эътикод билиш фаолиятига рағбатлантирувчи таъсир ўтказади, у гносеологияда синтез қилинган ғоя — билишнинг олий формаси сифатида «иш кўради», бундай формадаги билим ўз мазмунига кўра объектив борлиқ билан қўшилиб кетади ва практикага чиқишга интилади. Ишончга асосланган дунёқараш — фақат дунё ҳақидаги назарий билим бўлибгина қолмай, шу билан бирга уни туб ўзгартириш мақсади ва тажрибаси ҳамдир. Шу тахлитда дунёқараш эътикод сифатида ҳам инсон фаоллигининг генератори вазифасини бажаради. Бундан яна шу нарса келиб чиқадики, марксизм-ленинизмни ва бошқа фанларни шунчаки биладиган киши эмас, балки шу билимга мувофиқ яшаб фаолият кўрсатадиган кишигина коммунистик дунёқарашга эга бўлади.

Дунёқарашнинг билишга оид ва амалий фаолиятга методологик таъсири бир неча йўналишлар орқали юз беради. У, жумладан, билиш ва ҳаракатнинг асосий йўл-йўриқларини, инсон дунёни қандай кузатиши ва талқин қилишини белгилаб беради. Чунончи, турлича дунёқарашларнинг тарафдорлари бир хил ходисаларни кўриб чиқар эканлар, уларда турли нарсаларни кўришлари маълум. Дунёқараш яна умумий илмий тушунчаларни (материя, онг) ва унга умумий бўлмаган илмий тушунчаларни (масса, энергия), шунингдек проблемалар танлашни ва илмий изохлаш турларини белгилаб беради. Ниҳоят, илмий кашфиётларни амалга ошириш йўналишлари дунёқараш билан боғлиқ бўлади.

Буларнинг ҳаммаси бизга фалсафий дунёқарашни шакллантиришни инсоннинг назарий тафаккурини ривожлантириш, уни фикр методологияси билан қуроллантириш нуктаи назаридан кўриб чиқиш вазифасини юклайди. Ф. Энгельс «назарий тафаккур фақат қобилят шаклидаги туғма хусусиятдир. Бу қобилят ривожлантирилиши, такомиллаштирилиши лозим, бунинг учун эса ҳозирга қадар, бутун ўтмиш философияни ўрганишдан бошқа ҳеч қандай восита йўқ», деб кўрсатган эди (К. Маркс ва Ф. Энгельс. Танланган асарлар. Т., «Ўзбекистон», 1981, 3-том, 63-бет). Бунда дунёқарашнинг билиш фаолиятига методологик таъсир ўтказиш механизмининг очиб бериш муҳимдир.

Маълумки, билиш билим билан билмаслик ўртасидаги зиддиятларни ҳал этиш орқали ривожланиб боради. Бу кенг (дунёқарашга оид) планда қуйидагича намоён бўлади: дунёқараш фақатгина объектив дунёни тўла акс эттирмаганлиги учун эмас (дунё ҳамиша мураккаброкдир), балки ҳали ҳақиқатда мавжуд бўлмаган янги дунёнинг идеал образини ўзига мақсад деб билгани учун ҳам объектив оламга тўлиқ мувофиқ келмайди. Дунёқараш билан объектив борлиқ ўртасидаги муайян яхлитлик доирасида амал қилувчи улар ўртасидаги ана шу зиддият дунёни назарий билишни ва амалий туб ўзгартиришни рағбатлантириб турувчи бўлиб хизмат қилади.

Бирок дунёқараш объектив қонунларни ишончли акс эттиргани ҳолдагина дунёни туб ўзгартириш учун кенг имкониятлар очиб беради. Марксизм-ленинизм ана шундай дунёқарашдир. У тўғри бўлганлиги учун ҳам унинг методологик қучини инкор қилиб бўлмайди; бизнинг бутун тараккиётимиз шунга асосланади ва бу бизга оптимистик руҳ бағишлайди — «бизнинг планларимиз марксча-ленинча фаннинг мустаҳкам пойдеворига қурилади. Владимир Ильич Ленин ғояларининг битмас-туганмас бойлигига таянади»

(КПСС XXVII съездининг материаллари, 109-бет). Агар дунёкараш вокеликни нотўғри акс эттирса, у методологик аҳамиятга эга бўлмай қолади ва социал таракқиётга тўскинлик қилади. Буржуача дунёкараш ана шундай дунёкараш бўлиб, идеалларнинг йўқлиги, мавҳумлик, пессимизм, ҳаётий мақсад ва маънонинг йўқлиги, ахлокий нигилизм ва сурбетлик унга хос хусусиятлардир. КПСС XXVII съездиди таъкидланганидек, шахсиятпарастлик, зўравонлик ва ҳамма нарсанинг мумкинлигига сиғиниш, ёвуз антикоммунизм, маданиятдан бойлик орттириш манбаи сифатида фойдаланиш маънавийсизликнинг ёйилишига, маънавий таназзулга олиб боради.

Илмий дунёкарашнинг методологик функцияси доирасида бу дунёкарашнинг алоҳида киши ва жамият учун амалий фаолиятга оид ролини алоҳида таъкидлаш керак бўлади. Практика назариядан юкори туради, деб таълим берган эди В. И. Ленин. Дунёкараш практика, иш учун керак. Албатта, илмий дунёкараш ўз-ўзидан ишни юрита олмайди, балки буни кишилар фаолияти орқали бажаради. У кишиларга бу фаолиятнинг йўли, мақсади ва воситаларини кўрсатади, шу нарсаларсиз фаолият ҳар қандай маънодан маҳрумдир. У кишиларни нафақат билимлар, шу билан бирга ҳис-туйғулар, фаолият кўрсатиш учун ирода билан қуроллантиради ва пировард оқибатда ўзи ҳам практика тусини олади. Бошқача айтганда, дунёкараш — бу мавҳум, абстракт тушунчалар йиғиндиси, ақл-заковат учун ўйлаб топилган билимлар эмас, балки амалдаги фикр, баррикадалардаги, кураш тактикасидаги ғоядир. «Маркс, — деб ёзган эди В. И. Ленин, — пролетариат тактикасининг асосий вазифасини ўз материалистик-деалектик дунёкарашининг ҳамма қоидаларига қатъий суратда мувофиқ қилиб белгилаб берган эди» (ТАТ, 26-том, 85-бет). Табиийки, совет кишининг сиёсий етуқлиги ва ишдаги амалий активлиги даражаси унинг дунёкараш билан қуролланганлигининг мезони бўлиб ҳисобланади.

Ҳаракат методологияси сифатидаги илмий дунёкарашни шакллантириш проблемаси студент-ёшларга нисбатан олганда алоҳида актуаллик касб этади. Бизда баъзан коммунистик дунёкараш тўғрисида кўп гапирилади, лекин енгил, юзаки, бир хил қолипда гапирилади, унинг чуқур моҳияти ва бунёдкор кучи, юксак инсонпарварлиги ва прогрессив характери, буржуача дунёкарашдан тубдан фарқ қилиши очиқ берилмайди; дунёкарашни шакллантиришнинг амалий томони ҳали ҳам бўшлиғича қолмоқда, таълимнинг дунёкарашни тарбиялашдан ажралиши ёки уларнинг сунъий равишда қўшилиши учраб туради. Натижада шундай бўладики, одамларимиз болалигиданоқ марксча-ленинча дунёкарашнинг тўғри дунёкараш эканлигини умуман билишмади. Бирок унинг нега шундайлигини яхши, ишонарли тарзда билишмайди. Бундай салбий ҳоллар асосан субъектив сабабларга кўра рўй беради. Объектив жиҳатдан эса бундай ҳолларни истисно қилиш учун барча зарур шарт-шароитлар мавжуд.

Таълимнинг дунёкарашга оид-методологик йўналиши ўқув-тарбия жараёнига сунъий тарзда киритилмаслиги керак. Бу — онгли ва масъулиятли бўлиш зарурлиги тўғрисида ҳар доим ишлатилаверадиган иборалар эмас. Бу — ҳар бир машғулотнинг жонли юрагидир. Таълим ўз моҳиятига кўра партиявий бўлиб, дунёкараш масалалари унга қўшимча эмас, балки унинг мазмунли қисмидир. Фан ижтимоий тузум, иқтисодий ва социал сиёсат, ҳукмрон маънавий йўл-йўриқлар характерига, ғоялар ва идеаллар системасига, педагогнинг дунёкараш ва методология билан қуролланганлигига боғлиқ. Дунёкараш илмий билим мазмунига, унинг жон-танига сингиб кетади. Таълимда нигилизм, ҳамма нарсани ўртага ташлайвериш ярамайди.

КПСС МК Бош секретари ўрток М. С. Горбачев Ижтимоий фанлар кафедралари мудирларининг Бутуниттифок кенгашида 1986 йил 1 октябрда сўзлаган нутқида ижтимоий фанларни ўқитишнинг илмий дунёкарашни шакллантиришдаги аҳамияти тўғрисида гапирди. «Ҳозирги мураккаб, зиддиятли, аммо бир-бирига боғлиқ дунёда тўғри йўл топа билиш маҳорати — табиат инъоми эмас, — деб таъкидлади Михаил Сергеевич. — Бундай маҳорат йўл-йўлақай, махсус фанларни ўзлаштириш билан бирга ҳам пайдо бўлмайди. Бўлғуси мутахассисларни шундай маҳоратга ўқитиб-ўргатиш керак. Чунки дунёкараш — дунё тўғрисидаги умумий маълумотларнинг йиғиндисидангина

иборат эмас. Бу айни вақтда англаб олинган синфий манфаатлар ва идеаллар, ҳукукий ва маънавий нормалар, социал афзалликлар ва гуманистик бойликлар — ҳуллас инсоннинг ҳаётда танлаб оладиган хулқ-атвор йўлини, унинг жамиятга ҳамда ўзига нисбатан масъулиятли муносабатини белгилаб берадиган барча нарсалар ҳамдир».

Барча фанлар совет кишиларининг илмий дунёкарашини шакллантиришга алоқадордир. Бу ерда В. И. Лениннинг «инженер коммунизмни тан олиш масаласига подпольеда ишлаган пропагандист, адиб келган *тахлитда келмасдан, ўз фанининг маълумотлари орқали* келиши... коммунизмни тан олиш масаласига — агроном *ўзича*, ўрмоншунос ва бошқалар *ўзича* келиши...» тўғрисидаги кўрсатмасини эсга олиш муҳим (Тўла асарлар тўплами, 42-том, 408-бет). Жумладан, эндиликда олий ўқув юртларида бўлғуси мутахассисларни дунёкараш жиҳатидан узлуксиз тайёрлаш программалари ишлаб чиқилмокдаки, улар шу жараёнга қўмаклашиши лозим. Программаларда ҳар бир ўқув фанининг марксча-ленинча дунёкараш билан боғлиқ конкрет жиҳатларни ажратиб кўрсатилади.

Махсус билимлар ривожланишининг қонуниятларини ҳисобга олмасдан туриб жамиятга, кишининг ундаги ўз ўрнига қатъий диалектик-материалистик қарашни ишлаб чиқиш мумкин эмас. Ҳар қандай профилдаги бўлғуси мутахассис касбий тайёргарлигининг дунёкарашга оид жиҳатини изчил ва собитқадамлик билан кучайтириш мақсадга мувофиқ деб топилган.

Бошқа томондан, киши марксизм-ленинизм асосларини қанчалик тўла эгалласа, унинг методология билан қуролланганлиги шунчалик юқори бўлади, касбида муваффақиятли камол топа боради, амалий фаолияти янада самарали бўлиб, ҳаётга қизиқиши ошади. К. Маркс шундай қайд қилган эди: «У ёки бу масала *сиёсий* масала тусини олгандагина ўзига алоҳида эътиборни жалб этади» (К. Маркс ва Ф. Энгельс. Асарлар. 1-том, 360-бет). Вазифа махсус билимларга сиёсий, дунёкарашга оид, бинобарин, методологик характер бахш этишдан иборат. Бунда методология сифатидаги илмий дунёкарашни шакллантиришга доир фаолиятни касбга оид билимлар доирасида чеклаб бўлмайди. Ҳар бир раҳбар — идеолог ҳамдир, у идеологик воситаларнинг бутун хазинасидан фойдаланиб, меҳнат коллективларига дунёкараш бобида таъсир ўтказиши керак.

Бунда идеология ишининг асосий вазифаларидан бири шундан иборатки, у марксча-ленинча дунёкарашнинг нафақат изчил партиявий, шу билан бирга илмий, ягона ҳақиқий дунёкараш эканлиги шубҳасиз фактини ҳар бир совет кишиси онгига чуқур сингдириши керак. Пропагандистнинг бутун методик хазинаси, бор маҳорати ана шунга бўйсундирилиши лозим.

Марксча-ленинча партиявийлик ва илмийлик — коммунистик дунёкарашнинг бир-бирига қўшилиб кетган иккита ажралмас томонидир. Шу сабабли идеология ишининг юсак илмийлиги бу ишда партиявийликин рўёбга чикаришнинг энг муҳим йўналиши ҳисобланади. Коммунистик партиявийлик билан илмий объективлик узвий равишда бир-бирига тўғри келади. Ростгўйлик, ҳақиқат, партиявийлик — бизнинг энг қудратли идеологик қуролимиз. Бу социализмнинг ғоят муҳим ғалабасидир. КПСС XXVII съезди таъкидлаганидек, «ижтимоий тараққиётнинг объектив қонуниятлари сиёсатда қанчалик аниқ ҳисобга олинса, жонли практикани идрок этишда марксча-ленинча назариянинг роли қанчалик актив бўлса, социализмни такомиллаштириш иши шунчалик муваффақиятли боради».

Буржуа дунёкараш ҳақиқатга зиддир. Бу асло буржуа идеологларининг билиш қобилияти йўқлиги ёки ақли заифлиги билан эмас, балки улар хизмат қиладиган синфнинг социал-иктисодий аҳволи билан изоҳланадики, бундай аҳвол дунё ривожланишининг объектив мантикига, бинобарин, илмий дунёкарашга зид шундай манфаатларни зарурий тарзда вужудга келтиради.

Ҳозирги дунёда икки жаҳон системаси — социализм билан капитализмнинг қарама-қаршилигини акс эттирувчи иккита бир-бирига зид идеология — коммунистик ва буржуа идеологиялари ўртасида шафқатсиз кураш кетмокда. Капиталистик тузум маддоҳлари кишиларни марксизм-ленинизмдан юз

Ўғиртириш учун кўлидан келган барча воситаларни ишга солмоқдалар. Буржуача дунёкараш — социал норозилик яшинларини капитализм учун хавфсиз ўзанга йўллайдиган яшинкайтаргич родини бажарувчи методологиядир. Биз шуни яққол тушуниб олишимиз керакки, буржуача дунёкараш коммунистик дунёкарашга мутлақо зиддир ва унга қарши курашмасдан янги инсонни камол топтириб бўлмайди. «Коммунистик тарбия иши, — деб таъкидланади янги таҳрирдаги КПСС Программасида, — **ёт идеология ва ахлоқ кўринишларига... барча салбий ҳодисаларга қарши кураш билан чамбарчас боғлиқдир**».

Хозирги пайтда ҳамма фаолият соҳаларида марксча-ленинча дунёкарашнинг методологик роли ошиб бормоқда. Бу муайян социал-сиёсий вазиятлар стихияли эмас, онгли, марксча-ленинча дунёкарашга мувофиқ равишда қурилаётган янги жамият табиати; жамият ҳаёти ва фаолиятининг барча соҳаларида партия ролининг ошиб бориши; шахс ва социал группа эркинлиги ва демократияси янада ривожланиши; жамият тараққиёти суръатларининг жадаллашиши; бутун социал ва иқтисодий турмушнинг қайта қурилиши; жаҳон революцион процессининг зўр равнақи; буржуа идеологияси билан кескин курашиш эҳтиёжлари билан боғлиқдир.

Бугунги кунда ғносеологик йўсиндаги вазиятлар: ижтимоий ва аниқ фанлар соҳасида янги маълумотларнинг пайдо бўлиши; дунёдаги аҳволнинг мураккаблашиши, янги дунёкарашга оид методологик категорияларнинг бутун бир туркумига бўлган эҳтиёж; фанлар интеграцияси ва табақаланиши жараёнининг ривожланиши, анъанавий фанлар туташган жойда янги фанлар пайдо бўлиши; фанларнинг математикалашуви кучайиши, «физик» идеализм ва шу сингариларнинг такрорланиш хавфи; фанларнинг космиклаштирилиши; фан билан ишлаб чиқариш алоқасининг кучайганлиги; ижтимоий ҳаётда фан ролининг ошиб бораётганлиги ҳам методология сифатидаги илмий дунёкараш ролининг ошиб боришини тақозо этмоқда.

Қасбий сабаблар: қайта қуриш даврида барча ихтисослардаги раҳбар кадрлар ролининг ошиб бориши; меҳнаткашларни ғоявий-сиёсий тарбиялаш вазифалари салмоғининг ошиши; корхоналар ва меҳнат коллективлари ҳуқуқларини ва мустақиллигини кенгайтириш шароитида тафаккурнинг ўзи ҳам қайта қурилиши кабилар совет кишиларининг дунёкарашга оид-методологик қуролланганини интенсивлаштириш ва унинг сифатини ошириш зарурлигини тақозо қилади.

Булар ҳаммаси КПСС XXVII съезди белгилаган планларни амалга ошириш юзасидан муваффақиятли фаолият юргизишнинг зарурий шarti сифатида меҳнаткашларни дунёкараш бобида тайёрлаш ишида партиявий-сиёсий аппарат ва идеология фаоллиги куч-қайратларини бирлаштиришни талаб қилади. Марксча-ленинча дунёкарашга оид эътиқодни камол топтириш — совет кишилари марксча-ленинча таълимотни чуқур эгаллаши тўғрисида доимо ғамхўрлик қилиб келаётган партиянинг биринчи даражали вазифасидир.

ЁШЛАР ҲАРБӢЙ-ВАТАНПАРВАРЛИК ТАРБИЯСИНИНГ АКТУАЛ ПРОБЛЕМАЛАР

генерал-лейтенант Г. СТЕФАНОВСКИЙ.

ҳарбий совет аъзоси — Кизил Байроқли Туркистон
Ҳарбий округи Сиёсий бошқармасининг бошлиғи

ҲОЗИРГИ мураккаб халқаро вазиятда армия ва халқнинг бўлиши эҳтимол оғир синовларга тайёр туриши алоҳида аҳамият касб этмоқда. Шу сабабли, янги таҳрирдаги КПСС Программасида таъкидланганидек, «ҳарбий-ватанпарварлик тарбияси, социалистик Ватанни химоя қилишга, бунинг учун ўзининг бутун куч-ғайратини, агар лозим бўлса, ҳаётини ҳам бағишлашга шайлик туйғусини ҳосил қилиш ғоявий-тарбиявий ишнинг муҳим вазифаси бўлиб қолаверади». Бу иш соҳасида тўпланган илғор тажриба шуни кўрсатадики, агар у комплекс тарзда ўтказилсагина, яъни ғоявий-сиёсий чиниктириш, маънавий-психологик, ҳарбий ва жисмоний тайёргарлик бирга қўшиб олиб борилганидагина яхши самара бериши мумкин.

Ёш авлодда социализм ғалабаларини химоя қилишга тайёргарлик ва қобилиятни шакллантиришнинг ягона системаси бўлган ҳарбий-ватанпарварлик тарбияси ҳамма жойда — оилада, мактабда, армияда ва ишлаб чиқаришда олиб борилиши керак. Совет Куролли Кучлари бу системанинг марказий бўғинидир, миллион-миллион совет кишилари ана шу ўзига хос «эркаклар университети»дан ўтишган. Уларнинг кўпчилиги хизмат вақтида социал активлик, гражданлик жасорати, мақсадга эришишда қатъийлик ва тиршиқлик, дадиллик сингари қимматли фазилатларга эга бўлишган. Ёшларнинг синовларга тайёрлиги, ҳарбий иш асосларини пухта билиши, юксак уюшқоклиги ва интизоми улар билан ўтказиладиган ҳарбий-ватанпарварлик ишининг таъсирчанлигини ва самарадорлигини белгилайди.

Ўтган йили Тошкентда Ўзбекистон ва Туркменистон компартиялари Марказий Комитетлари, округ Ҳарбий совети томонидан қатор министрликлар, идоралар, ҳарбий комиссарликлар вакиллари, шунингдек командирлар ва сиёсий органлар бошлиқлари иштирокида ўтказилган зонал кенгаш ёшларнинг ҳарбий-ватанпарварлик тарбиясига ва уларнинг армия хизматида тайёргарлигига бағишланди. Унда муҳофаа-оммавий ишлар ташкилотчилари учун амалий тавсияномалар ишлаб чиқилди ва қабул қилинди.

Ҳозир барча даражаларда — Ўзбекистон Компартияси МК дан район ва шаҳар партия комитетларигача, округ Ҳарбий советидан район ҳарбий комиссарликлари ва ҳарбий қисмларгача ҳаммасида ёшларнинг ҳарбий-ватанпарварлик тарбиясини ва уларни армия хизматида тайёрлашни яхшилаш юзасидан биргаликдаги иш планлари тузилган ва амалга оширилмоқда. Масалан, республика областлари ва районларида муҳофаага оид активлар ўтказилди, партия, совет ва комсомол органлари иштирокида ва улар раҳбарлигида совет қўшинларининг чекланган контингенти составида Афғонистон Демократик Республикаси территориясида интернационал бурчини ўтаётган ҳарбий қисмлар билан оталик муносабатлари ривожланмоқда ва мустаҳкамланмоқда. Тошкент, Фарғона ва Самарканд областлари комсомоллари ҳарбий госпиталларни донмий оталиқларига олишган. Армияга тантанали кузатишлар ва уйига қайтаётган интернационалист-жангчиларни кутиб олишлар анъанавий бўлиб қолди.

Лекин бу — улкан муҳофаа-оммавий ишларнинг дебочаси, холос. Бу иш сўнгги пайтларгача лозимича ўтказилмай келган, чунки республиканинг кўпчилик область, шаҳар ва район ҳарбий комиссарликларида бу ишни пировард натижаларга қараб эмас, балки ўтказилган тадбирлар сонига, бундай

тадбирлар билан ёшларнинг канча проценти камраб олинганлигига қараб баҳолашдек нотўғри практика расм бўлган эди. Бу ракамларнинг «ялпи» кўрсаткичи жойлардаги ишларнинг ҳақиқий аҳолини яширар эди.

Республикадаги ҳарбий-ватанпарварлик тарбиясининг ҳозирги талабларга жавоб бера оладиган бўлиши учун қандай вазифаларни бажариш керак?

Ерли миллатга мансуб кишилар ичидан офицерлар тайёрлаш — энг актуал проблемалардан бири. Ҳозир улар офицерлар корпусимиз умумий сонининг жуда кам қисмини ташкил этади. Бунга сабаб қатор жойларда ўқувчи ёшлар орасида ҳарбий касб танлаш ишининг қониқарсиз ўтказилишидир.

Вужудга келган аҳвол ёш авлод назарида совет офицери касбининг социал аҳамиятини қарор топтириш ишини тубдан қайта қуришни тақозо этади. Бу мақсадга ҳар хил йўллар билан эришиш мумкин. Масалан, ёшларни ҳарбий ихтисосликни танлашга йўналтира туриб армиядаги совет офицерлари, айтайлик, учувчи Шожалиловлар, сиёсий ходимлар Мамажоновлар ва уларга ўхшаган бошқа офицерлар сулоласи вакиллари хизматининг ижобий тажрибасига мурожаат қилиш мумкин бўлади. Бизда бундай иш амалда умуман қилинмаяпти. Мактабларда давлат муқофотларига сазовор бўлган, хизмат ва интернационал вазифаларни адо қилишда жасорат кўрсатган ёш офицерлар билан муттасил учрашувлар ва суҳбатлар ўтказиб туришнинг мақсадга мувофиқлигини ҳаётнинг ўзи кўрсатмоқда. Тошкент, Самарқанд ва Чирчикдаги ҳарбий билим юртлари қошидаги ҳарбий-ватанпарварлик мактаблари иши ҳам ҳозирча қўнғилдагидай эмас.

Иккинчи проблема маҳаллий миллатга мансуб кишиларга рус тилини ўргатишни яхшилашдан иборат. Бу проблемани ҳал этмагунча хизматга чақириладиган контингентни сифатли тайёрлаш тўғрисида гап ҳам бўлиши мумкин эмас. Бўлғуси жангининг рус тилини яхши билиши — бу ҳам юксак жанговар тайёргарлик, ҳам ёш қучларнинг тезда сафдан жой олиши, ҳам ҳарбий билим юртларини мукамал комплектлашдир.

Афсуски, ҳозирча кўпгина мактаблардаги ҳарбий раҳбарлар бу вазифаларни яхши бажаришмаяпти. Республика мактабларининг ҳар иккитадан биттасида ҳарбий тайёргарликка доир машғулотлар ҳали ҳам ўзбек тилида ўтилади. Унинг устига кўпгина мактаблар ва ҳунар-техника билим юртларининг ҳарбий раҳбарлари атиги ўрта маълумотга эга, уларнинг учтасидан бири — партия аъзоси, кўпчилик қисми — запасдаги сержантлар ва солдатлардир, улар ичида ҳатто армияда умуман хизмат қилмаганлар ҳам бор. Бу ўқувчиларнинг ҳарбий-ватанпарварлик тарбиясини яхши ўтказишга ҳалақит беради.

Албатта, ҳамма жойда ҳам аҳвол шундай эмас. Айрим ҳарбий раҳбарларнинг ўз вазифаларига ижобий ёндашаётганликларини кўрсатувчи мисолларни кўплаб келтириш мумкин, лекин, афсуски, уларни кўпчилик билмайди, аслида бундай тажрибани оммалаштириш мудоффа-оммавий ишга жиддий ҳисса бўлиб қўшилган бўлур эди. Ҳозирги пайтда мактабларнинг энг яхши ҳарбий раҳбарлари Туркистон Ҳарбий округи қўшинлари қўмондони томонидан рағбатлантирилгандир. Шубҳасиз, бу ана шу касбдаги кишилар обрўсини мустаҳкамлашга ва улар фаолиятини активлаштиришга ёрдам беради.

Учинчи проблема допризывникларни жисмоний чиниктиришни тубдан яхшилаш зарурлиги билан боғлиқ. Бугунги кунда бу проблема ҳар қачонгидан кўра ҳам кескинроқ бўлиб турибди, бу аввало ҳар бир ҳарбий хизматчининг жисмоний тайёргарлигига талабларнинг низоҳатда ошиб кетганлиги, шунингдек республиканинг қатор область ва районларида спорт-соғломлаштириш ишида жиддий нуксонлар, баъзан қўшиб ёзишлар ҳам мавжудлиги билан боғлиқдир. Масалан, маълумотларга қараганда, хизматга чақирилувчиларнинг қарийб 100 проценти ГТО нишондорлари ва разрядчи-спортчилар ҳисобланишади, контрол текширишда эса уларнинг жуда кам қисми нормативларни бажара олишади. Ёшларнинг спорт жиҳатдан тайёргарлигининг ёмонлиги, шунингдек, кўпгина ўқув юртларида физкультура ва спорт машғулотлари учун зарур базанинг йўқлиги ҳамда физкультура ва спортнинг, айниқса унинг ҳарбий-амалий ва техник турларининг яхши пропаганда қилинмаслиги билан ҳам боғлиқдир.

Ўз ечимини кутаётган тўртинчи проблема — бу хизматга чакириладиган ёшлар орасида пацифизм фактларининг тобора кўпроқ учраётганлигидир. Хизматга чакириладиганлар орасида бу хилдаги кайфият ва қарашларга ҳеч ҳам йўл қўйиш керак эмас. Уларга барҳам бериш — ҳарбий-ватанпарварлик тарбиясининг энг масъулиятли вазифаларидан бири бўлиб, оммавий пропаганда ва ишонтиришнинг барча воситаларидан фойдаланган ҳолда ана шу вазифани ҳал қилиш керак. Бунда ёшлар билан тушунтириш иши олиб борилганида улар эътиборини аввало дунёдаги ҳозирги ҳарбий-сиёсий вазиятга қаратиш ва синфий душманларимизнинг хатти-ҳаракатларини тегишли тарзда изохлагач, барча ёшларни армия хизматида кунт билан тайёрланиш ва Ватанга садоқат билан хизмат қилиш зарурлигига ишонтиришга ҳаракат қилиш зарур.

Бу ишда оталикдаги қисмларнинг офицерлари, курсантлари, солдатлари ва сержантлари, ҳарбий комиссарликлар ва юристлар янада актив қатнашиши керак. Гап бугунги ҳарбий хизматнинг аҳамиятини кўрсатиш, ёшларнинг бу хизматни фидокорона ва виждонан бажараётганлигини кўрсатувчи реал мисолларни пропаганда қилиш, шунингдек совет қонунлари талабларини допризивишлар онига етказиш зарурлиги тўғрисида бормокда. Афсуски, биз ҳарбий-оталик ишида расмийлик ва маърифатчиликни суи бартараф қилишимиз, қўпинча бу ишни докладчилар ва байрам қўнларида бадий ҳаваскорлик концертлари билан алмашишдангина иборат қилиб қўйяёмиз.

Бешинчи проблема запасдаги интернационалист-жангчилар билан ишлаш методларини тубдан қайта қўриб чиқишдан иборат. Мамлакатнинг қўпгина регионларида махсус советлар ва секциялар ташкил этиш йўли билан бундай ёшлар актив фаолиятга жалб қилинаётган бир пайтда Ўзбекистонда бу йўналишда ҳозирча жуда кам иш қилинган. Фикримизча, оммавий ахборот воситалари имкониятларидан янада кенгрок фойдаланиш бу ишни йўлга қўйишга ёрдамлашиши мумкин. Улар Совет Армияси сафларидан бўшаб қайтган барча ҳарбий хизматчиларни кутиб олишни ташкил этишни ва уларни меҳнат, ижтимоий-сиёсий ва тарбиявий фаолиятга жалб қилишни ўз назоратига олишлари, мазкур социал актив қучнинг ғайрат-шижоатини ёш авлоднинг қаҳрамонлик-ватанпарварлик тарбиясини такомиллаштиришга йўналтираётган ҳарбий комиссарликлар, маҳаллий партия, совет ва комсомол органларининг амалий тажрибасини ёритиб боришлари керак. Хуллас, биз запасдаги жангчилар тевадарида «алоҳида диққат-эътибор зонаси»ни яратишимиз лозим.

Олтинчи проблема — музейлар ва жанговар-шон-шухрат хоналарининг тарбиявий имкониятларидан оқилона фойдаланиш ҳам ғоят муҳимдир. Бу анча катта қучдир. Бироқ ёш авлоднинг ҳарбий-ватанпарварлик руҳида тарбиялаш ишида уларнинг ҳаммасидан ҳам самарали фойдаланилаётгани йўқ. Масалан, 1986 йилда студентлар ва юкори синфлар ўқувчиларининг округ қўшинлари тарихи музейини келиб қўриши аввалги йилдагига нисбатан учдан бир марта камайди. Бу муассасалар ўз фаолиятини тубдан қайта қўриб чиқишлари, уни мудофаа-оммавий иш вазифаларини бажаришга йўналтиришлари керак.

Республика ёшларини ҳарбий-ватанпарварлик руҳида тарбиялашнинг асосий проблемалари ана шулардан иборат. Уларни муваффақиятли ҳал этиш учун Ватанчимизнинг қаҳрамонона ўтмишини, Совет Қурулти Қучлари ва Қизил Байроқли Туркистон ҳарбий округининг шонли анъаналарини, ўзбекистонлик жангчиларнинг Улуғ Ватан уруши йилларида кўрсатган жанговар қаҳрамонликларини моҳирона ва бир мақсадни кўзлаб пропаганда қилиш ниҳоятда зарур. Ҳозирги армиянинг жанговар қўнларини ёритиш, ёш жангчиларнинг қаҳрамонона ишлари тўғрисида хикоя қилиш ҳам ғоят муҳим ишдир.

Афсуски, бу йўналишда қилинаётган ишларнинг ҳаммаси ҳам давр талабига жавоб бермайди. Бу ишда ёзувчиларимиз ва журналистларимиз катта ёрдам кўрсатишлари мумкин ва лозим. Уларнинг вазифаси — совет солдатларининг ҳарбий бурчга, ҳарбий қасамга, қисмининг Жанговар Байроқига садоқатини иложи борида ишонарли, ёркин ва эҳтирос билан акс эттириш, армия интизомининг аҳамиятини таъкидлаш, ҳозирги командирлар ва сиёсий ходимлар, барча ҳарбий мутахассисларнинг масъулиятли ролини алоҳида

кўрсатишдан иборат. Ешларимиз очерк, корреспонденция ва репортаж қаҳрамонларига эргашиш, улардан ибрат олсин. Барча пропаганда ва ахборот воситалари социалистик Ватанни химоя қилишда Совет Куролли Қучларининг ошиб бораётган аҳамиятини, Туркистон ҳарбий округи жангчиларининг армиядаги кундалик меҳнатининг қаҳрамонлигини кўрсатсин, ҳарбий хизмат обрўсини кўтарсин. Бунда армия хизматининг машаққатини ва Ватан химоячилари зиммасига тушадиган реал қийинчиликларни яшириш керак эмас.

Шуни айтиш керакки, республикамизда бундай ишлар амалга оширилмоқда. Масалан, республикадаги «Советский воин» телевизион программаси ва «Подвиг» радиоэшиттиришининг юксак даражасини, ЎзТАГнинг ҳарбий-сиёсий ахборот редакцияси ва «Ўзбекистон» нашриётининг оммавий-сиёсий адабиёт редакцияси тайёрлаётган материалларнинг оперативлиги ва сермизмунлигини қониқиш билан таъкидлаш мумкин. «Правда Востока», «Ҳақиқати Ўзбекистон», «Совет Ўзбекистони», «Қишлоқ ҳақиқати» ва бошқа газеталар ҳарбий-ватанпарварлик мавзунини ишлаб чиқишда актив иштирок этмоқдалар, бу мавзуга оид долзарб масалаларни кўтариб чиқмоқдалар.

Туркистон ҳарбий округи жангчиларининг иш кунлари зўр бериб ўқиш ва хизмат қилишдангина иборат эмас. Улар студентлар, ишчилар, мактаблар ва ҳунар-техника билим юртлари ўқувчилари, республикамизнинг партия ва комсомол ташкилотлари билан мустаҳкам алоқа ўрнатганлар. Кўпгина армия коллективлари пионерлар ва мактаб ўқувчилари ўртасида актив ҳарбий-ватанпарварлик иши олиб боришади. Армия билан халқнинг бузилмас бирлигидан далолат берадиган ана шу алоқалар тўғрисида, уларни мустаҳкамлаш ва ривожлантириш ҳақида баралла гапириш лозим.

Маълумки, ҳар бир ҳарбий бўлинма — жанговар кўп миллатли оиладир. Бу ерда ёш йигитлар қардошлиқ, бирлик ва дўстлик сабоғини олишади, турли миллат ёшлари билан алоқа қилиш маданиятини, рус тилини мукамалроқ ўзлаштиришади. Армия ҳаёти ва фаолиятини гражданлик, жасорат, ватанпарварлик ва интернационализм мактаби сифатида ҳаққоний ва ёрқин тасвирлаш, шубҳасиз, ҳарбий хизмат аҳамиятини оширади, уларни ана шу мукаддас бурчни бажаришга актив ва сабот билан тайёрланишга ундайди.

Афсуски, ҳали ҳам ҳарбий-ватанпарварлик мавзунда мутлақо бўш, юзаки, гўр ва пала-партиш материаллар пайдо бўлиб қолади. Бунга сабаб, биринчидан, авторларнинг бу мавзуга етарлича эътибор бермаслиги бўлса, иккинчидан, айрим редакцияларнинг округ Сийёсий бошқармаси, область марказларидаги гарнизонлар командирлари ва сийёсий ходимлари, ҳарбий комиссарликлар ва ДОСААФ ташкилотлари ходимлари билан алоқасининг сусайганлигидир. Ахир, бизда ўзаро алоқанинг кўлаб самарали, практикада ўзини оқлаган формалари мавжуд-ку. Фақат уларни кенг пропаганда қилиш ва кунт билан кенгайтириш керак. Бу журналистлар билан бўладиган ҳар йилги учрашувлар (уларда олдинда турган вазифалар ва биргаликда ҳарбий-ватанпарварлик эшиктиришларини ўтказиш имкониятлари муҳокама қилинади), ҳарбий округ раҳбар составининг республика оммавий ахборот органларидаги чиқишлари, келишилган ҳолда энг масъул материалларни планлаштириш ва бошқа тадбирлардир. Масалан, яқинда «Ўзбекистон» нашриёти билан ўқув юртларидаги бошланғич ҳарбий тайёргарлик, ҳарбий-ватанпарварлик тарбияси ташкилотчиларига ёрдам тариқасида чиқариш мўлжалланаётган «Ватан химояси — мукаддас бурч» сериясидаги брошюралар тематикаси келишиб олинди.

Округ ҳарбий кенгаши ва сийёсий бошқармаси бундан кейин ҳам республика матбуоти, Гостелерадио ва Госкомиздат вакилларининг ҳарбий-ватанпарварлик тарбиясини такомиллаштиришга қаратилган барча ташаббусларини ҳамма воситалар билан қўллаб-қувватлашга тайёрдир. Ахир, КПСС XXVII съезди, Ўзбекистон Компартиясининг XXI съезди қўйган вазифалар, шу жумладан мудофаа-оммавий иш соҳасидаги вазифаларнинг ўз вақтида ва муваффақиятли ҳал қилиниши ана шу муҳим ва масъулиятли ишда идеология фронти ходимларининг иштирок этишларига ҳам кўп жиҳатдан боғлиқдир.

МИЛЛИЙ МАДАНИЯТЛАР ҲАМКОРЛИГИ САМАРАБАХШЛИГИ

Г. ШЕРМАТОВА,

философия фанлари кандидати

МАДАНИЯТЛАР ҲАМКОРЛИГИ — инсоният ижтимоий-тарихий тараккиётининг объектив қонуниятидир. У айниқса капитализм даврида ҳар томонлама намоён бўла бошлади. Йирик саноат ишлаб чиқаришининг жадал ривожланиши натижасида, К. Маркс ва Ф. Энгельс «Коммунистическая партия манифести»да таъкидлаганларидек, «илгариги эски маҳаллий ва миллий бикиклик ўрнига, ўзида ишлаб чиқариладиган маҳсулотлар ҳисобида яшаш ўрнига миллатларнинг бир-бирлари билан ҳар тарафлама алоқаси ва бир-бирларига ҳар жиҳатдан боғланиши вужудга келмоқда. Бундай алоқа ва боғланишлар моддий ҳаётга ҳам, маънавий ҳаётга ҳам баб-баравар тааллуқлидир. Айрим миллатларнинг маънавий фаолияти умум бойлигига айланмоқда. Миллий бир ёкламлик ва маҳдудликда яшаш борган сари мумкин бўлмай қолмоқда...» (К. Маркс ва Ф. Энгельс. Уч томлик танланган асарлар. I-том. Т., 1980, 111-бет). Ана шу жараёнларни шахслараро муносабатлар ва кишиларнинг зарурий эҳтиёжларини қондириш билан боғлаган ҳолда илмий коммунизм асосчилари инсоният тарихи индивидларнинг ҳамкорликдаги жаҳоншумул-тарихий фаолият босқичига қадам қўяётганлиги шароитларида уларнинг айримлари «ҳар хил миллий ва маҳаллий чегаралардан озод бўладилар, бутун дунёдаги ишлаб чиқариш билан (шунингдек маънавий ишлаб чиқариш билан ҳам) амалий алоқага киришадилар ва бутун ер юзининг бу ҳар томонлама ишлаб чиқаришидан (одамлар яратган ҳамма нарсадан) фойдаланиш лаёқатига эга бўладилар», деб таъкидладилар (К. Маркс ва Ф. Энгельс. Уч томлик танланган асарлар. I-том, Т., 1980, 30—31 бетлар).

Лекин капитализмда ана шу прогрессив тенденциянинг амал қилиши чекланган характерда эди. Ушбу хусусиятни эътиборда тутиб, В. И. Ленин халқаро буржуазиянинг ағдарилиши «ҳамма ва ҳар қандай миллий чегараларнинг йўқолишини жуда ҳам тезлаштиради, бу билан инсониятнинг «дифференцияланиши», яъни маънавий ҳаётнинг... бойлиги ва хилма-хиллиги маъносидаги дифференцияланиш камаймайди, балки миллион марта қўпаяди» деб таъкидлаган эди (Тўла асарлар тўплами, 26-том, 323-бет).

Ҳақиқий демократик, ҳақиқий интернационалистик негизда социалистик давлат ташкил топганлиги, ССР Иттифоқига бирлашганлик қардош республикаларнинг социал-иқтисодий соҳада ҳам, маънавий соҳада ҳам жадал ривожланиши пойдевори, энг муҳим омили бўлди. Айни социалистик жамиятда маданиятлар ҳамкорлигининг маънавий вазифалари тўлиқ очилди. Хусусий мулкнинг тугатилиши социал ва миллий зулмни тугатиш, миллий душманликни енгиш негизи, шахснинг маънавий бойлиги учун жуда муҳим омил бўлди.

Партия иқтисодий сиёсатини амалга ошириш миллат ва элатларнинг ижтимоий ҳаётнинг турли соҳаларида интенсив ҳамкорлик қилишини тақозо этдики, бу ишлаб чиқариш, турмуш, ҳордик чиқариш ва хоказо маданиятлар ривожланишига имкон яратди. Бунда Коммунистическая партия илгари эзилган халқлар бирданига «тараккиётнинг юқори босқичига кўтарила олмайдилар», «уларга узок вақт давомида ташқаридан ҳақиқий ёрдам кўрсатилмаса... олдинга кетган миллатларни қувиб етолмайдилар» (КПСС съездлари, конференциялари ва Марказий Комитет Пленумларининг резолюция ва

қарорлари. 2-том. Т., 1981, 459-бет), деган фикрдан келиб чиққан эди. Шунинг учун миллий чекка ўлкалар колоқлигини изчил тугатиб бориш эҳтиёжларидан келиб чиқиб, уларнинг экономикаси ва маданиятини юксалтириш масалаларига алоҳида эътибор бериш муҳим эди. Транспорт ва йўл қурилиши ривожланганлиги қардош республикаларнинг, уларнинг энг овлоқ ва ажралиб қолган қисмлари иқтисодий ва маданий алоқаларини активлаштириш имконини берди.

Иқтисодий ривожланиш давомида туб ерли аҳоли орасида ишчилар синфи шаклланди. Чор Россияси собиқ мустамлака чекка ўлкаларининг кўплаб намоёндалари Москва, Ленинград ва бошқа шаҳарларда махсус маълумот олдилар, ўз республикаларини индустриялаштиришда фаол иштирок этдилар. Янги қурилишларга мамлакатнинг иқтисодий ривожланган районларидан малакали мутахассислар юборилдики, бу кўп миллатли ишчилар синфи шаклланишига имкон яратди. Совет Шарқи, Сибирь районларига бошқа миллатларга мансуб аҳолининг келиши шунингдек қишлоқ хўжалигидаги йирик ўзгаришлар билан, жумладан, кўрик ва бўз ерларни ўзлаштириш билан боғлиқ эди.

Халқларнинг иқтисодий муштараклиги шаклланиши давомида уларнинг бир-бирига ёрдами жуда хилма-хил формаларда: маблағларни колоқ чекка ўлкалар фойдасига қайта тақсимлаш, уларнинг жадал ривожланишини таъминлаш ва ҳоказоларда намоён бўлди. Ленинча миллий сиёсат принципларини социал практикага татбиқ қилишга доир ана шу ҳақиқатан бағоят катта ишга КПСС XXVII съезди яқун ясади.

Собиқ чекка ўлкаларнинг иқтисодий ва маданий колоқлигини тугатиш проблемаси хал қилинган ҳозирги пайтда миллий манфаатларнинг мамлакат бутун халқ хўжалик комплексини ривожлантириш манфаатлари билан қўшилиши катта аҳамиятга эга бўладики, бунда барча республикаларнинг унга қўшадиган ҳиссаси республикаларнинг ўсган иқтисодий ва маънавий потенциалига мувофиқ бўлсин. КПСС XXVII съездида таъкидланганидек, республикаларнинг ишлаб чиқариш кооперациясини, ҳамкорлигини ва ўзаро ёрдамини ривожлантириш — кўп миллатли Совет давлати ва ҳар бир республиканинг юксак манфаатларига мосдир. Маҳаллийчиликнинг ҳар қандай кўринишларини сабот билан енга бориб, мавжуд имкониятлардан тўлиқ фойдаланиш муҳимдир.

Ўзбекистонликлар, масалан, РСФСР Нокоратупроқ зонасининг иқтисодий потенциалини янада оширишга баҳоли қудрат ҳисса қўшмоқдалар. Республика-миздан борган мелиораторлар, ирригаторлар ва қурувчилар оталикдаги Иваново ва Новгород областларига ҳар томонлама ёрдам кўрсатяптилар. Тошкентдаги «Средазгипроводхлопок» институти мутахассислари юкорида тилга олинган областлар меҳнаткашлари учун замонавий агрошаҳарчанинг оригинал лойиҳасини ишлаб чиқдилар, Ўзбекистоннинг кўплаб вакиллари Сибирь районларини ўзлаштиришда, Тюмень ва БАМ қурилишларида иштирок этмоқдалар. Ўн иккинчи беш йилликда мамлакатнинг Бутуниттифок зарбдор қурилишларига республикамиздан 60 минг киши юборилди. Ана шу муносабат билан партия, совет ва давлат органлари, жамоат ташкилотлари аҳоли бир қисми турмушидаги колоқ негизни енгилшга, миграция жараёнларини тартибга солишга, ёшларни ишчилар синфи сафларига, ўн иккинчи беш йилликнинг янги қурилишларига жалб қилишга доир ишларни кучайтиришлари лозим бўлади.

СССР экономикаси ривожланишининг ҳозирги босқичи учун иқтисодий районлар ва территориал-ишлаб чиқариш комплекслари ўртасидаги ижтимоий меҳнат тақсимотининг янада чуқурлашуви ва такомиллашуви ҳарактерлики, у миллатлар ичидаги ва миллатлараро хўжалик алоқаларининг ҳар томонлама мустақамланишига қонуний равишда олиб келади. СССРдаги ҳар бир миллат ўз тараққиётида мамлакатнинг бутун иқтисодий потенциалига таянади ва бир вақтнинг ўзида унинг янада ўсишига муайян ҳисса қўшади. Республикалар ўртасида ишлаб чиқариш ютуқлари, тажриба, ишлаб чиқариш қуроллари, моддий қадриятларни айирбошлаш жадал амалга ошириляпти. Янада авж олаётган фан-техника революцияси ана шу жараёнларнинг интенсив бўлишига олиб келяпти.

Миллатлараро алоқанинг ҳар томонлама ҳамкорлик, ўзаро ёрдам, дўстлик каби асосий принциплари коллективистик руҳ ва ўртокларча ўзаро ёрдам ҳукмрон бўлган социализмга ҳос ижтимоий иқлим муҳитида фаолият кўрсатувчи социалистик меҳнат коллективлари доирасида бирлашган турли миллат кишиларини жипслаштиради. Ҳозирги вақтда партия раҳбарларнинг, меҳнат коллективларида коммунистик тарбия муассасалари билан шуғулланувчи барча кишиларнинг эътиборини ишни шундай ташкил этишга қаратмоқдаки, бу иқтисодий тафаккурнинг ташаббускорлик ва социалистик ишбилармонликни ривожлантиришга, масъулиятни оширишга, ишлаб чиқаришни яхшилаш йўллариини ижодий излашга йўналтирилган янгича типини шакллантиришга актив ёрдам берсин. Иқтисодий тафаккурнинг ишлаб чиқаришни янада такомиллаштириш вазифаларига, фан-техника революцияси талабларига мувофиқ келувчи янгича типи янги инсон маънавий маданиятининг жуда муҳим қисми, меҳнат унумдорлигини, шахснинг социал активлигини ошириш омили сифатида ҳам қаралиши керакки, бундай активлик ижтимоий тараққиётни жадаллаштиришнинг сифат жиҳатидан янги вазифаларини ҳал қилишга даъват этилган.

Ушбу шароитларда бутун меҳнат коллективининг бир ёкадан бош чиқариб ишлаши айниқса муҳимдир. Бундай меҳнат самарадорлиги социалистик ишлаб чиқаришнинг ранг-баранг соҳаларида турли миллий республикаларнинг, шунингдек, хорижий мамлакатларнинг илмий ва ишлаб чиқариш соҳасидаги ютуқлари канчалик ўз вақтида ўзлаштирилаётганлигига кўп жиҳатдан боғлиқ бўлади. Бундан келиб чиқадики, ҳаётнинг ўзи, жамият иқтисодий ва маънавий тараққиётининг эҳтиёжлари, ишлаб чиқариш соҳасида инсон омили ролининг оширилиши миллатлар маданий алоқаси интенсивлашишига олиб келади, иқтисодий тафаккур янгича типининг шаклланиши эса ўз навбатида маданиятларнинг ўзаро таъсири ва ўзаро бойиши янада чуқурлашувига ёрдам беради.

Кишиларнинг ишлаб чиқариш фаолияти жараёнида бевосита алоқаси кўпинча ишлаб чиқаришдан ташқарида ҳам алоқа қилишга ўсиб ўтадики, бу янги анъаналар, урф-одатларнинг пайдо бўлиши ва қарор топишига, социалистик миллатлар ҳаётий фаолиятининг турли формалари турмуш тарзи яқинлашувига имкон беради. Бевосита алоқа жараёнида маданий информацияни айирбошлаш ҳам юз беради, интернационалистик негизлар, кадриятлар ориентацияси шаклланади, булар ҳам маданиятлар ўзаро ҳамкорлиги жадаллашиши учун қулай шарт-шароитлар яратади.

Социал практиканинг ўзи совет кишиларида миллатлараро муносабатларга бир хил қараш шаклланаётганини тасдиқлайдики, бу ягона Ватанни эътироф этиш айрим республика ёки миллат манфаатларидан умумдавлат манфаатларини устун қўйиш билан характерланади. Социалистик интернационализм ва совет ватанпарварлиги коммунистик қурилишнинг реал практикасида чуқур эътиқод, совет кишилари ҳуқуқ-атвори нормаси сифатида мужассамланади. Турли миллатлар вакилларида яшаш шароитлари, эҳтиёжларни қондириш муштараклиги, кадриятларга ягона ориентация ва ҳоказолар шаклланоқда. Коммунистик партиянинг кўп қиррали фаолияти ана шу жараёнларнинг жадал ривожланишига ёрдам беради, у, КПССнинг янги таҳрирдаги Программасида таъкидланганидек, «шунга асосланаядики, ленинча миллий сиёсатни изчил амалга ошириш, халқлар дўстлигини бутун чоралар билан мустаҳкамлаб бориш — социализмни такомиллаштиришнинг таркибий қисми, кўп миллатли социалистик Ватанимизни янада раванг топтиришнинг ижтимоий практикада синалган йўлидир».

Миллий маданиятлар ўзаро таъсири жадаллашуви натижасида социалистик турмуш тарзининг ҳамма соҳаларида муайян ўзгаришлар юз бераяпти, шахснинг маънавий бойиши, ҳар томонлама қамол топиши учун қулай имкониятлар яратилмоқда. Албатта, бунда кишиларнинг субъектив эҳтиёжларига, майлларига кўп нарсаси боғлиқдир. Лекин индивид турмуши ҳордик формаларининг маънавий мазмундор бўлиши шуниси билан муҳимки, улар жамият фаолияти ва тараққиётининг ўзаги бўлган ишлаб чиқариш жараёнлари билан маҳкам боғлиқдир.

Совет кишилари хордик чиқариш фаолиятининг хилма-хил формаларни шахс маданий, ижодий потенциалининг ўсишига, унинг актив ҳаётий позицияси шаклланишига қаратилгандир. Таълим системаси, маданий-маърифий ташкилотларнинг кўп қиррали фаолияти ҳам ана шунга хизмат қилади. Клублар, музейлар, маданият ва истирохат боғлари, кутубхоналар, лекторийлар томошабинлар, ўқувчилар, тингловчиларнинг кўп миллионлик армиясини СССР халқлари маданиятининг турли намуналари билан таништиради. Албатта, бундай ишнинг яхши йўлга қўйилмаганлиги, яъни моддий-техникавий жиҳозлашдаги етишмовчиликлар, оммавий тадбирларнинг бир қилипга солиб ўтказилиши, меҳнаткашларнинг бўш вақтдан фойдаланишнинг у ёки бу турларига, усул ва формаларига бўлган эҳтиёжларини аниқлаш ва қондиришда яхлит методиканинг йўқлиги ва ҳоказолар, табиийки, шахс маънавий маданияти шаклланишининг самарадорлигини пасайтиради, унинг социал активлиги ошишига тўсқинлик қилади. Натижада миллий маданиятлар ҳамкорлиги суръатлари ҳам пасаяди, уларнинг жамият ҳаёти турли соҳаларини такомиллаштиришдаги интенсивлиги заифлашади. Социалистик турмуш тарзи нормаларига зид бўлган, СССР миллатлари ва элатларининг бир-бирини бойитиши ва тушунишига ҳалакит берувчи алоқа маданиятининг паст даражаси, бадий-эстетик диднинг ривожланмаганлиги, диний ахлоқ сарқитлари ва бошқа ҳодисалар кўпинча айни хордик чиқариш соҳасида намоён бўлади.

Ана шу сабабли партия истикоматгоҳларда оммавий-сиёсий ишни ҳар томонлама такомиллаштиришга, дам олишни ташкил этишда, меҳнаткашларни интернационал ва ватанпарварлик руҳида тарбиялашда маданий-маърифий муассасалар ролини оширишга катта аҳамият бермоқда. КПСС Марказий Комитетининг «Клуб муассасалари ва спорт иншоотларидан фойдаланишни яхшилашга доир тадбирлар тўғрисида»ги қарори (1985 йил июнь) партия, совет, жамоат ташкилотлари, министрликлар, идораларнинг хордик чиқариш формаларини такомиллаштиришга, меҳнаткашларни ғоявий-сиёсий, ахлоқий-эстетик, интернационал-ватанпарварлик руҳида тарбиялашнинг мазмундорлиги, самарадорлигини оширишга доир ишини собитқадам, системали ташкил этишда принципнал янги босқичга ўтилганлигини қайд қилди, партия ташкилотларини узоқ вақтга мўлжалланган ҳар томонлама асосланган ҳаракат программаси билан қуроллантирди.

Совет кишилари турмуш тарзидан коллектив равишда хордик чиқариш формалари мустаҳкам ўрин олди. Киноконцерт залларига, кўرғазмаларга, клубларга келувчиларнинг, бадий ҳаваскорлик коллективлари, хилма-хил тўғарак ва ҳоказоларнинг составлари кўп миллатлидир. Байрамлар, интернационал бирлик фестиваллари, турли республикаларнинг адабиёт ва санъат ўн қўликлари ва ҳафталиклари, кинофестиваллар, концерт ва бошқа оммавий тадбирлар меҳнаткашларни мамлакатдаги турли миллат ва элатларнинг маданий ютуқлари билан ошно қилишга хизмат қилади. Шахснинг кадриятларга умумсовет ориентацияси совет кишиси эҳтиёжлари ўсганлигининг, маънавий савияси, дидлари, интернационал онги кенгайганлигининг энг муҳим кўрсаткичидир.

Маданиятлар ўзаро таъсир этиш жараёнининг социалистик турмуш тарзи социал-психологик омиллари ўзгаришига таъсири мураккаб, билвосита тусда бўлади. Бунда миллий мансубликни англаш билан боғлиқ туйғулар, кайфиятлар, одатлар, тасаввурлар, шунингдек, урф-одат ва анъаналар воситасида воқеликни акс эттирувчи миллий психологиянинг намоён бўлиш соҳаларидаги ўзгаришлар назарда тутилади. Миллий психология нисбатан барқарор бўлгани учун турмушнинг, шахс маънавий дунёсининг турли соҳаларида — меҳнатда, турмушда, ҳулқ-атворда, кадриятлар ориентациясида намоён бўлади ва аввало социал-иктисодий омиллар таъсирида ўзгаришларга дуч келади. Совет жамияти ҳаётий фаолиятининг ҳамма соҳаларига хос бўлган объектив тенденция—интернационаллашиш тенденцияси — миллий психология соҳасида ҳам амал қилади. Натижада, масалан, социал-иктисодий соҳадаги қараганда секинроқ суръатларда бўлсада, турли миллатлар вакилларининг характери, психологияси муштарак хусусиятлари шакллана боради.

Миллатчилик психологиясининг баркарорлиги, жумладан, миллий характер, миллий ифтихор каби феноменларни нотўғри тушунишга боғлиқдир. оқибатда ўзлари мансуб миллат ва бошқа миллатларнинг тарихий ўтмиши ходисалари, кадриятларига нотанкидий ёндашиш, уларни нотўғри талкин қилиш ва баҳолаш юзаса келади. Ҳақиқий миллий ифтихор фақат ўз миллати ва миллий характери асосиз мадх қилиш билан ҳеч қандай муштаракликка эга эмас. Бунини барча давлатлардаги маданиятнинг тараккийпарвар арбоблари яхши тушунганлар. Ўрта асрлардаёқ комусий мутафаккир Абу Райҳон Беруний «замин — фақат уларнинг замини, кишилар — фақат улар мансуб халқнинг вакиллари, шохлар — фақат уларнинг ҳукмдорлари, дин — фақат уларнинг эътиқоди, фан — фақат уларда мавжуд фан» эканлигига ишонган кишиларни қоралаган эди (Беруний Абу Райҳон. Избранные произведения. Ташкент, 1963, т. II, с. 67—68).

Маънавий соҳадаги миллий чекланганлик, жумладан, ўз миллатининг ижодий қобилиятларини, ютуқларини ҳаддан ташқари ошириб кўрсатишда, бошқа халқларни бунга ўхшаш миллий кадриятларни яратишга ноқобил деб кўрсатишга уринишларда намоён бўлади. У ўтмишга, архаик анъана ва маросимларга ҳаддан ташқари ружу қўйишда ҳам ўз ифодасини топадики, бу, ўз навбатида, миллий спецификани дахлсиз сақлаб қолишга, уни маданиятларнинг ўзаро таъсир этиш ва бир-бирини бойитиш жараёнидан сунъий равишда ажратиб қўйишга уринишларни келтириб чиқаради. КПСС XXVII съездида таъкидланганидек, «ҳар бир миллий маданиятда мавжуд бўлган барча қимматли жиҳатларга соғлом қизиқиш миллий маданиятларнинг ўзаро таъсири ва яқинлашувидан иборат объектив жараёндан ажралишга уринишларга айланиб кетмаслиги муҳимдир. Баъзи бир адабиёт ва санъат асарларида, илмий ишларда миллий ўзига хослик никоби остида идеологиямизга, социалистик турмуш тарзимизга, илмий дунёқарашимизга зид бўлган, реакцион миллатчилик ва диний сарқитларни бежаб тасвирлашга уринилган пайтда ҳам бунини назарда тутмоқ керак».

Интернационал тарбияни шундай олиб бориш керакки, миллий хусусиятларни бутунлай инкор этиш ҳам, уни кўпиртириш, ошириб кўрсатиш ҳам сиёсатдан четда эканлиги, реакцион ва илмий жиҳатдан асосsizлиги яққол намоён бўлсин. Бунда дин реакцияни урф-одат, анъаналарга доимо «ҳақиқий» миллийлик статусини беришга интилишини эсда тутмоқ зарур. Қолаверса, шахсдан муайян идеологик, этник, психологик стандартлар, стереотиплар қабул қилишни талаб этувчи диний мумтозлик ғоялари миллатчилик принциплари билан ҳамкорликда кучаяди. Исломи динининг ҳозирги арбоблари кишиларнинг миллий ва диний мансубликларини илоҳийлаштиришга борган сари собитқадамлик билан эътибор бераётганликлари бежиз эмас. Бизнинг республикамизда ҳам, Ўзбекистон Компартияси Марказий Комитетининг III пленумида (1986 йил октябрь) таъкидланганидек, ислом дини арбоблари кўпинча мусулмонларнинг миллий характериға, унинг ғўё ботиний бирлигига, ҳатто миллий-специфик, яъни «ҳақиқий» миллий хусусиятлар билан бир эканлигига ҳам урғу бермоқдалар. Ана шу «бирлик»ни англашни миллий ўз-ўзини англаш негизи, миллий кадр-қиммат, миллий мансублик туйғуси асоси деб кўрсатмоқдалар.

Айрим совет кишилари томонидан диний байрам ва маросимларни ҳақиқий миллий маросимлар билан бир деб тушунилиши шахс маънавий ўсишини чеклабгина қолмайди, балки миллатларнинг яқинлашишиға ҳам тўсқинлик қилади, ўзаро маданий бойишлар соҳасини торайтиради, турмуш тарзиға янги, прогрессив жиҳатларнинг барини олиб киришни секинлаштиради. Бу ҳол интернационал тарбияни атеистик тарбия билан тигиз алоқада ва Ўрта Осиё халқларининг турмуши, анъаналарининг ўзига хос жиҳатларини ҳисобга олган ҳолда амалға оширишни тақозо этади. Бундай ишни меҳнат коллективларидагина эмас, балки чойхоналардан ва кишилар хордиқ чиқарувчи бошқа жойлардан ҳам фойдаланган ҳолда истикоматгоҳларда ҳам олиб бориш мақсадға мувофиқдир. Чойхоналар асосан эркакларнинг ўзига хос клублари бўлгани учун хотин-қиз аҳолини ҳам ғоявий-тарбиявий иш билан қамраб олиш мақсадида ҳамма жойда аёллар клублари ишлашини таъминлаш зарур, уй бекалари

бўлган аёлларнинг ижтимоий-фойдали меҳнат билан машғул бўлишини таъминлаш мақсадида эса бевосита маҳаллаларда муайян корхоналарнинг филиал ва цехларини ташкил этиш мақсадга мувофиқдир. Кўп болали оилалар оз бўлмаган сераҳоли районларда бу билан бир қаторда мактабгача тарбия муассасалари тармоғини кенгайтириш ҳам ўринли бўлади.

Диний урф-одатлар, маросимлар системаси томонидан мустаҳкамланаётган миллатчилик психологияси саркитларини енгилда уларни янги, умумсовет, прогрессив одат ва маросимлар билан моҳирона, билиб алмаштириш катта роль ўйнайди. Бунда янада жозибали ва эмоционал мазмун, уларни ўтказиш маданияти, оммавий тадбирлар форма ва воситаларининг эстетик ифодавийлиги ҳақида қайғуриш керак.

Социал-иқтисодий ҳаёт тараққиётининг, совет жамияти ва айрим миллатлар маданиятининг интернационал йўналганлиги, характери умумсовет психологияси шаклланишини янги тарихий бирлик — совет кишиси психологиясининг ифодаланиши деб белгилайди. Совет кишиларининг ватанпарварлик, миллий ифтихор, миллий ўз-ўзини англаш туйғуси каби характер хусусиятлари социалистик Ватанга садоқат, совет кишисининг умуммиллий ифтихори билан узвий бирлашиб кетади. Миллий мансубликдан катъи назар қарашлар, туйғулар, идеаллар муштараклигини ифодаловчи хусусиятлар ягона совет халқининг ўз-ўзини англаши структурасида етакчи хусусиятлар ҳисобланади. Умумсовет ўз-ўзини англаш миллийлик ҳақидаги тасаввурлар доирасини кенгайтиради, совет халқи ҳаётига дахлдорликни англашга имкон беради. Ана шу омилларнинг бари маданиятларнинг ўзаро таъсирини жадаллаштириш учун қулай социал-психологик муҳит яратади.

Демак, социалистик миллатлар ҳаётининг ҳамма соҳаларида маданий ютуқларнинг ўзаро айирбошланиши совет жамиятининг социал-иқтисодий, маънавий тараққиётининг етакчи омили бўлиб қоляпти. Социализмни такомиллаштиришнинг сифат жиҳатидан янги вазифаларини фақат мамлакатимиздаги барча миллат ва элатларнинг биргаликдаги куч-ҳаракатлари билан ҳал қилиш мумкин бўлган ҳозирги пайтда ана шу омилнинг роли ва аҳамияти бекиёс ошмоқда. КПСС Программасида таъкидланганидек, «партия, бизнинг давлатимиз ҳар бир совет кишисига СССРдаги барча миллатлар ва элатларни бирлаштирувчи дўстлик ва қардошлик туйғуси, миллатлараро юксак алоқа маданияти сингдирилишидан, миллатчилик ва шовинизм, миллий маҳдудлик ва миллий худбинлик кўринишларига, турмушни коммунистик янгилашга ҳалақит бераётган урф-одатлар ва феъл-атворларга нисбатан муросасизлик хис-туйғулари сингдирилишидан манфаатдордирлар».

Шундай қилиб, миллий маданиятлар ҳамкорлиги социализмни такомиллаштириш омили сифатидаги мазмуни, намоён бўлиш характери, вазифалари умуман ижтимоий тараққиётнинг энг муҳим манбаи — ишлаб чиқарувчи кучларни ривожлантиришга боғлиқ бўлиб, совет жамиятининг социал-иқтисодий, маънавий негизларини такомиллаштиришга тескари таъсир кўрсатади. Бундай боғлиқлик бошқа омиллар билан бир қаторда мамлакатимизда шаклланган, миллатлар дўстлиги ва ҳамкорлигининг моддий негизи бўлган ягона халқ хўжалик комплексини мустаҳкамлаш ва жадал ривожлантиришда, шунингдек, СССР халқлари ҳаётининг барча — хўжалик, социал-сиёсий, маънавий томонларини интернационаллаштиришни кучайтиришда, социализмни такомиллаштириш шароитида ҳаётнинг ҳамма соҳаларидаги сифат жиҳатидан янги ўзгартишлар таъсири остида ана шу жараёнларни янада жадаллаштиришда ифодаланади. Бу ҳол миллат ва элатларнинг оғишмай яқинлашишида, улар интернационал бирлиги мустаҳкамланишида, интернационал онг, психология шаклланишида, шахснинг маънавий бойишида ҳам, ва шу йўллар билан мамлакат ривожланишининг мустаҳкам тезлатгичи — инсон омили самарадорлигини оширишда ҳам намоён бўлади.

МАРКСЧА-ЛЕНИНЧА ТАЪЛИМ СИСТЕМАСИ УЧУН

*«Мамлакатни социал-иқтисодий ривожлантиришни жадаллаштириш —
КПССнинг стратегик йўли» курси бўйича методик маслаҳатлар*

ЖАМИЯТНИНГ ОЛГА ТОМОН РИВОЖЛАНИШИДА ИНСОН ОМИЛИ РОЛИНИНГ ОШИШИ

Хозирги кунда КПСС XXVII съезди илгари сурган мамлакатни социал-иқтисодий ривожлантиришни жадаллаштириш вазифаси ҳал этилмоқда. Бу жараённинг микёслари Совет давлатининг қарийб 70 йиллик тарихида маълум бўлган бутун ўзгартиришларга нисбатан қўламлироқдир. Шундай пайтда партия халқ ижодкорлигини жамиятимизнинг сифат жиҳатдан янги ҳолатига эришишнинг улкан резерви деб қараб, унинг битмас-туганмас манбаига мурожаат қилмоқда. Гап большевизмнинг партия ғояларини барча меҳнаткашларнинг фикри-зикри ва эътиқодига айлантиришга эришишдан иборат абадий анъанаси ҳақида бормоқда, зеро уларнинг пухта англаган ва актив хатти-ҳаракатларисиз ҳар қандай, ҳатто назарий жиҳатдан мукамал ўйланган ва моддий таъминланган планлар ҳам ҳавода муаллақ осилганича қуруқ режалар бўлиб қолаверади.

Партия шунинг эсада тутиб, жадаллаштиришнинг бошқа омиллари билан бир қаторда **инсон омили** родини кучайтириш, халқнинг ижодий қучларини сафарбар қилиш, унинг социал активлигини оширишнинг зарурлигига эътиборни қаратмоқда. КПСС XXVII съездида партия МК Бош секретари ўрток М. С. Горбачев шундай ишонч билдирди: «Шубҳасиз, съезд қарорларининг бажарилиши халқ ташаббусининг янги кўринишларини, омма социал-сиёсий ижодкорлигининг янги формаларини келтириб чиқаради».

Машғулотнинг қуйидагича плани тавсия қилинади:

1. **Партия XXVII съезди инсон омилини активлаштириш тўғрисида.**
2. **Хўжалик механизмининг такомиллаштириш ва омманинг меҳнат активлигининг ошиши.**
3. **Меҳнаткашларнинг ижтимоий-сиёсий активлигини ривожлантириш.**

ПАРТИЯ XXVII СЪЕЗДИ ИНСОН ОМИЛИНИ АКТИВЛАШТИРИШ ТЎҒРИСИДА

Теманинг мазкур бўлимини баён қилишга киришлар экан, инсоннинг вазифаси, бурчини ҳар тарафлама рўёбга чиқариш, унинг қобилиятларини тўла очиш социализмнинг асосий мақсади эканлигини таъкидлаш зарур. Янги цивилизациянинг чексиз тараққиёти шахс ижодий истеъдодларини тўла юзага чиқариш билан ёки, К. Маркс таъбири билан айтганда, «ҳар қандай **олдиндан белгилаб қўйилган** микёсдан катти назар, бутун инсоний қуч-қувватларнинг, ривожланиши билан узвий боғлиқдир» (К. Маркс ва Ф. Энгельс, Асарлар, 46-том, I қисм, 476-бет).

Шу сабабли инсоннинг ижтимоий қиёфаси, ишга муносабати, халқ ишларидаги фаол иштирокига социалистик маданиятликнинг энг муҳим компонентларидан бири сифатида қаралади. Шахсни ҳар тарафлама, уйғун равишда ривожлантирмасдан унинг маънавий маданиятини, ўзининг мақсад ва хоҳишларини ижтимоий мақсад ва хоҳишлар билан қўшиб олиб бориш қобилиятини, жамиятга фойдали бўлишдан иборат ички эҳтиёжни ўстирмасдан туриб характер ва феъл-атворнинг ўша вазифага мувофиқ хусусиятларига эришиш мумкин эмас.

Социализмнинг бутун ахлоқий-маънавий кадриятлар системаси, унинг барча негизлари ва тартиботлари ҳар бир гражданда аввало ижтимоий манфаатлар устун бўлишини тарбиялашга қаратилган, бундай манфаатлар асосида шахсий манфаатлар ҳам пухта таъминланиши мумкин. Бундай система жаҳон цивилизациясида биринчи марта ўз меҳнати ва билимини бошқаларга бахш этадиган кишининг жамият томонидан ҳурмат-иззат қилинишини назарда тутди. КПСС XXVII съездида чуқур асосланган социал адолат ғояси инсоннинг ижтимоий манфаатдорлигини ўстиришга, меҳнат активлигини оширишга хизмат қилади.

Бу ўринда тингловчилар эътиборини съезд ҳужжатларининг ўзига хос хусусиятига — уларнинг инсонга қаратилганлигига жалб этиш ўринлидир. Иктисодий, социал, маънавий соҳаларда белгиланаётган барча вазифалар ва планлар беvosита у билан боғлиқдир. Партия ижтимоий фаолиятнинг инсонга оид жиҳатларига биринчи даражали эътибор берадики, КПССнинг ҳозирги сиёсатидаги имтиёзлар ҳам аynи шу негизда белгиланади. «Партия белгиланган вазифаларни муваффақиятли ҳал этишни **инсон омили ролининг оширилиши** билан боғлайди, — дейилади КПСС Программасида. — Социалистик жамият ҳамма соҳаларда омманинг ижодий фаолиятини ривожлантиришнинг янги-янги йўлларини топмасдан туриб, самарали тарзда иш юрита олмайди».

Инсон омилининг активлаштирилиши, жамиятимиз ҳаётида, жумладан, жадаллаштириш концепцияси назарда тутаётган вазифаларни ҳал этишда унинг ролининг ошиб бориши ҳақида мисоллар асосида гапириш учун тингловчиларга яқин вақтгача «инсон омили» категориясининг ҳар қалай эътибордан четда қолиб келганлигини ҳам эслатиб ўтиш жоиздир. Бу категориядан унинг мазмуни ва вазифасига яраша онгли, собитқадамлик билан фойдаланишдан кўра у кўпроқ бизнинг назариямиздан ўрин олиб келди. Партия объектив сабабларга кўра ва ўз вақтида унга диққат-эътиборни жалб қилди. Бундай қилиниши социализмни янада такомиллаштириш, коммунизм сари илдам олға бориш билан боғлиқ амалий проблемаларни ҳал этишни назарий ва идеологик жиҳатдан таъминлаш вазифалари билан боғлиқдир. Инсон омилини активлаштиришни программавий талаб сифатида белгилаб берган КПСС XXVII съезди кўриб чиқиладиган категорияни бизнинг ижтимоий фанимиздаги олдинги ўринлардан бирига чиқариб қўйди.

Яна шу ҳақда ҳам гапириш жоизки, ҳозиргача олимлар ва пропагандистлар асосан «субъектив оми́л» терминидан фойдаланиб келишар, унга «инсоний оми́л» терминининг ўзига хос эквиваленти сифатида қарашар эди. Бирок бу терминлар орқали ифодаланадиган тушунчалар унчалик бир хил эмас: «инсоний оми́л» тушунчаси кенгрок. У «жамият ишлаб чиқарувчи кучларининг ашёвий элементлари» — меҳнат куроллари (техника) ва меҳнат предметлари (шу жумладан умумий меҳнат предмети сифатидаги табиат) тушунчаси билан ўзаро муносабатдош бўлиб, шунингдек кишилар ҳаётининг демографик таърифларини (улар сони, меҳнатга лаёқатли аҳоли проценти, жинслар, ёшларнинг миқдорий нисбатлари ва ҳоказо) ҳам ўз ичига олади.

Шу сабабли янги таҳрирдаги КПСС Программасида шунчаки субъектив эмас, балки аynи инсоний оми́л тўғрисида гапирилади, агар партиянинг бу омилини активлаштиришга қаратилган сиёсатини анализ қилиб кўрилса, унда унинг мазмуни ва структураси янада ойдинлашади.

Шуни ҳисобга олиб, қуйидагича ҳолни аниқлаб олиш керак бўлади: «инсоний оми́л» тушунчаси — **инсоннинг** социал, иктисодий, ишлаб чиқариш, илмий-техникавий, ташкилий-бошқарувга оид ва бошқа муносабатлар системасида амал қилишининг, унга ижтимоий ҳаётнинг турли соҳаларидаги **фаолиятнинг** субъекти сифатида тааллуқли бўлган ҳамма нарсанинг специфик ифодасидир. Инсон омили — социал-иктисодий ривожланишни жадаллаштиришнинг, бутун қайта куриш жараёнининг ҳал қилувчи омилидир.

Пропагандист факат социализмдагина инсоннинг ҳар томонлама камол топиши ва унинг фаолияти учун битмас-туганмас имкониятлар туғилишини таъкидлайди. Буржуа жамиятида инсон эмас, балки ишлаб чиқариш, максимал фойда ундириш бирдан-бир мақсад қилиб қўйилади. Ҳатто социалистик қурилишнинг дастлабки босқичларида ҳам ички ва ташқи сабабларга кўра инсонни камол топтиришни бирдан-бир мақсад қилиб қўйиш чекланган эди. Факат эндиликда, мамлакатимиз социализмни такомиллаштириш босқичига қадам қўйган бир пайтда инсон қобилиятларини, унинг ижодий куч-қувватини ривожлантириш тўғрисида ҳар тарафлама ғамхўрлик қилиш олдинги ўринга қўйилмоқда.

Кўриб чиқиладиган проблема актуаллашишининг яна бошқа конкрет-тарихий сабаблари ҳам бор. Сўнгги пайтдаги партиявий ҳужжатларда, аynикса КПСС XXVII съезди материалларида инсон омилини активлаштириш ҳақидаги масаланинг қўйилиши аynи шу сабаблар билан боғлиқ. Улар ичида — халқимиз яратган ҳамма нарсадан, бугунги кунда совет жамияти эга бўлган барча резервлар, имкониятлардан оқилона, самарали фойдаланиш зарурлиги асосий сабаблардан биридир.

Социализмни ҳар томонлама такомиллаштириш шароитида инсон омилининг юксалиши унинг аввало ишлаб чиқариш жараёнида намоён бўлишини такозо этади. Бу шу билан изоҳланадики, ҳозирги ишлаб чиқаришнинг қиёфаси нафакат унинг миқёслари ва юксак техникавий даражаси билан белгиланади. Ишлаб чиқарувчи кучларни бир жойга тўплаш, ихтисослаштириш ва кооперациялаштириш, уларни жойлаштиришнинг яхшиланиши ва меҳнатни умумлаштиришнинг актив жараёнини олдиндан белгилаб берадиган ҳўжалик муносабатларининг мураккаблашиши эндиликда вужудга келган ягона халқ ҳўжалик комплексида мужассамлашган. Бу комплекснинг амал қилиши

унинг алоҳида иш ўрнига, ҳар бир ходимгача бўлган компонентининг яхлит бир системанинг элементи сифатида биргаликда пухта ҳаракат қилишини талаб этади. Фан-техника тараққиётини жадаллаштириш ва ишлаб чиқаришдан жонли меҳнатни нисбатан сиқиб чиқариш, одамлар ўрнини машиналар билан алмаштириш жараёни нақадар интенсив борса, инсоннинг ўзи ўз билимлари, малакалари, ижодий активлиги, меҳнатга онгли муносабати билан шунчалик кўпроқ аҳамият касб эта боради.

Бу ўринда партиянинг манфаатпарастлик билан иш кўрмаслигини, инсоннинг ҳозирги ишлаб чиқаришдаги актив ролини пасайтириш, тобора мукамаллашаётган ва унга боғлиқ бўлмаган техникага инсоннинг бўйсунуши ҳақида ҳали ҳам у ер-бу ерда қўрилиб қолаётган технократик тасаввурларга қарши чиқишини таъкидлаб ўтиш керак. Шунинг эса тутиш керакки, биз нафақат компьютерлар, электроника, роботлар, информатика, биотехнология дунёсига, шу билан бирга инсондаги инсоний хислатларнинг — унинг ақли ва инсонпарварлиги, маънавий соҳадаги шахсий зоҳирлигининг ноёблиги ва ранг-баранглигининг ғоят юксак ривожланиши оламига ҳам қадам қўймоқдамиз. Шубҳасиз, роботлар кўп нарсани ўз хўжайинларига нисбатан тезроқ ва яхшироқ бажарадилар. Лекин бош масала шундаки, янги технология кимнинг қўлида бўлади? Бизнинг жамиятимиз унинг инсонпарвар, маданий кишилар қўлида бўлиши учун ҳамма ишни қилмоқда. КПСС XXVII съезди мутлақо аниқлик билан шундай таъкидлади: экономика, техника, фан ривожининг сифат жиҳатдан янги даражасида инсоннинг ишлари, идеаллари, кадрларининг аҳамияти ошиб боргани каби унинг роли ва масъулияти ҳам мисли кўрилмаган даражада оша боради.

Шундан сўнг **социалистик ишлаб чиқаришдаги инсон омили** деган тушунча моҳиятини очиб бериш тавсия қилинади. Энг умумий тарзда бундай тушунча озод меҳнаткашни характерлайди. Бундай меҳнаткаш айти бир пайтда асосий ишлаб чиқарувчи куч, ишлаб чиқаришнинг коллектив хўжайини (ҳам хўжайини) ва жамиятнинг тенг ҳуқуқли аъзоси хусусиятларини ўзида мужассамлаштирган бўлади. Бундан олдинги темани ўрганиш пайтида аниқлаб олинганидек, ишлаб чиқариш воситалари ва уларни ҳаракатга келтирувчи кишилар ишлаб чиқаришнинг бир томони — ишлаб чиқарувчи кучларни ташкил этадилар. Унинг бошқа томони — ишлаб чиқариш муносабатларидир, кишилар меҳнат фаолияти жараёнида бундай муносабатларга киришадилар. Меҳнат воситалари — иш кучини ривожлантириш мезони бўлганлиги сабабли инсоннинг ишлаб чиқариш воситалари билан ўзаро алоқаси унда касбий қобилиятлар ва малакаларни шакллантиради. Иқтисодий муносабатлар ва умуман ижтимоий муносабатларга келганда эса улар ходимнинг муайян социал хусусиятлари тарзида гавдаланади ва жонланадилар.

Яна шунини таъкидлаш керакки, инсоннинг жисмоний ва руҳий қобилиятлари ҳар қандай ишлаб чиқаришнинг асосий ҳаракатлантирувчи кучи бўлади. Бунда шундай бир диққатга сазовор хусусият намоён бўлади: меҳнат фаолиятининг натижалари асло қобилиятлар ривожланишининг даражаси билан белгиланмайди, балки кўп жиҳатдан инсоннинг меҳнатга қандай муносабатда бўлишига, яъни унинг ғоявий-сиёсий, маънавий ва бошқа социал хислатларига боғлиқ бўлади. Шу ўринда Ф. Энгельснинг «шахс нафақат нима қилаётгани билан, шу билан бирга бу ишни қандай бажараётгани билан ҳам характерланади» деган сўзларини эслаш ўринлидир (К. Маркс ва Ф. Энгельс. Асарлар, 29-том, 492-бет). Айти шу «қандай бажариш»да ёки, бошқача айтганда, шахснинг меҳнатга муносабатида инсоннинг табияти ва жамиятни қайта ўзгартирувчи кучи, истеъдоди ва маҳорати тўлалигича намоён бўлади.

Шу сабабли ҳам «ишлаб чиқаришнинг инсоний омили» таърифи шахснинг шундай муҳим хусусиятлари билан беvosита боғлиқдирки, бунингсиз у ижтимоий меҳнатнинг актив субъекти сифатида иш кўра олмайди. Инсон омилни активлаштириш, бинобарин, ходимлар қобилиятларидан ҳозирги талаблар асосида максимал фойдаланишга имкон берадиган ва ишлаб чиқариш соҳасида меҳнаткашларнинг моҳиятга оид куч-қувватларини янада ривожлантириш учун имкониятларни таъминлайдиган зарур шарт-шароитлар яратишни ҳам аниқлатади.

Социалистик жамият ўзининг олға томон тўхтовсиз ҳаракатида ишлаб чиқаришни тобора кўпроқ меъёрга инсон эҳтиёжларига бўйсундира боради. Меҳнат шароитларини яхшилаш, уни интеллектуаллаштириш — партия социал-иқтисодий сиёсатининг энг муҳим йўналишларидан бири. Бу жараёнлар ўз негизига кўра фан-техника революцияси ютуқларини ишлаб чиқаришга кенг жорий этишга асосланади. Автоматлаштириш, ғоят мураккаб узлуксиз ва қайишувчан ишлаб чиқаришлар дунёсида, нихоясиз ахборотлар оқимида ишдаги муваффақият ёки муваффақиятсизлик, улкан ютуқлар ёки талафотлар бир кишига боғлиқ бўлиб қолиши мумкин. Бундай шароитда киши нафақат касбий, техникавий жиҳатдан, шу билан бирга ғоявий-сиёсий, фалсафий, ахлоқий жиҳатдан ҳам яхши тайёрланган бўлиши лозим. Ҳар бир меҳнаткашда илмий дунёқарашни, коммунистик ахлоқни камол топтириш, унинг жисмоний ва руҳий хислатларини такомиллашти-

риш, унга ўзининг ижодий қобилиятларини ишга солиши учун ёрдам бериш зарурлигининг сабаби шундадир.

Шу жihatдан партиянинг тарбиявий, гоаявий-сиёсий ва ташкилотчилик иши гоая катта аҳамият касб этади. Бу ишнинг самарадорлиги ишчилар, колхозчилар, зиёлиларнинг катта ва кичик проблемаларни ҳал этишда қандай иштирок этаётгани, қандай меҳнат қилаётгани, қамчилик ва нуқсонлар билан қандай курашаётгани билан ўлланади. Партия миллион-миллион кишиларда мамлакат олдида турган янги вазифалар ва проблемаларга кизиқиш ва онгли муносабат уйғотишга, меҳнаткашларни белгиланган туб ўзгартиришларни ғайрат-шижоат билан амалга ошириш зарурлигига ишонтиришга, бу ишларнинг ҳар бир меҳнаткашнинг ўз, шахсий ишига айланишига эришишга, барча ўзгаришларнинг ҳал қилувчи омили — инсон омилининг ўзини тўла-тўқис намоён этиши учун имкон беришга интиломда.

ХҲЖАЛИК МЕХАНИЗМИНИ ТАКОМИЛЛАШТИРИШ ВА ОММАНИНГ МЕХНАТ АКТИВЛИГИНИНГ ОШИШИ

Авалло шуни кайд қилиш керакки, социализмни такомиллаштириш шароитида совет кишилари активлигининг оша бориши социалистик тузум характери билан, социалистик ишлаб чиқариш муносабатларининг танҳо ҳукмронлиги билан чамбарчас боғлиқдир. Ҳаёт В. И. Лениннинг «...ижтимоий ва шахсий ҳаётнинг барча соҳаларида тезлик билан, ҳақиқий, чинакам, оммавий суратда *қўпчилик* аҳолининг, сўнгра эса бутун аҳолининг иштироки билан олға қараб борадиган ҳаракат амалда *фақат* социализмдан бошланади» (Тўла асарлар тўплами, 33-том, 116-бет) деган сўзларининг ҳаққонийлигини ишонарли равишда исботлади. Социализм инсонни эксплуатация занжирларидан ҳалос этиб, халқ оммасининг ижодий қуч-қуввати ва ташаббускорлигининг намоён бўлиши учун мисли қўрилмаган имконият яратди.

Мамлакатимизда коммунистик қурилиш микёсларининг кенгайиши ва вазифаларининг мураккаблашиши омманинг ишлаб чиқариш ва ижтимоий-сиёсий активлиги ошишининг таъсирчан омили бўлиб қолди. В. И. Ленин бу хил ривожланиш жараёнини башорат қилиб, шундай ёзган эди: «Кишиларнинг тарихий ижодиётлари кенгайган ва чуқурлашган сари, аҳолининг тарихи онгли равишда яратувчи намоёндаларининг сони ҳам ошмоғи керак» (ТАТ, 2-том, 614-бет). Ҳозирги босқичда, жадаллаштириш концепциясини амалга ошириш жараёнида кишиларнинг ижодий ташаббускорлиги янада авж олади. Бунда партия биринчи навбатда ишчилар синфига умид боғлайди, унинг қудратли социал имкониятларидан максимал равишда тўла фойдаланишга интилади. «Ишчилар синфининг сиёсий тажрибаси, унинг юксак онглилиги, уюшқоклиги ва иродаси жамиятимизни жипслаштирмоқда, — дейилади КПСС Программасида. — Ишчилар синфининг умумий таълим, маданий ва профессионал савиясининг, меҳнат ғайрати ва ижтимоий-сиёсий активлигининг ўсиши унинг социализмни такомиллаштиришдаги, коммунистик қурилишдаги авангардлик ролини оширади». Шу сабабли, партия В. И. Ленин маслаҳатларига амал қилиб «социализм қурилиши каби жуда ҳам оғир ишда» навбатдаги машаққатли довонни ошиб ўтиш зарурати вужудга келганида ҳар донм «борган сари кўпроқ ишчи қатламларига мурожаат» қилади (ТАТ, 37-том, 496-бет).

Партия томонидан белгиланган ҳўжалик механизмининг туб ислохоти, деб таъкидлайди пропагандист, халқнинг улкан ижодий имкониятларини очиб беришнинг муҳим стратегик воситаси бўлиб қолади. КПСС МКнинг июнь (1986 йил) Пленуми иқтисодий восита ва стимуллар халқ ҳўжалигида яхшиланиш сари ўзгаришларнинг боришига ҳал қилувчи таъсир кўрсатиш лозим деб таъкидлади. Чинакам таъсирчан ҳўжалик механизми яратамиз, ходимлар меҳнатига ҳақ тўлашнинг улар меҳнатининг пировард натижаларига боғлиқ бўлишини таъминлаймиз, бу ҳақ тўлашни уларнинг ўз ишлаб чиқаришининг келажаги, техникавий даражаси, ишлаб чиқарилаётган товарлар ассортименти ва сифати тўғрисида қандай ғамхўрлик қилаётганлари билан боғлаймиз — омманинг улкан қуч-ғайратини ишга соламиз, кенгайтирилган асосда ўз-ўзини тақроп ишлаб чиқарадиган барқарор жадаллаштиришга эришамиз.

Ҳўжалик-механизмни қайта қуриш, бир томондан, ишлаб чиқаришни тобора умумлаштириш ва экономикадаги стратегик ўзгаришларга марказлаштирилган раҳбарлик самарадорлигини ошириш, иккинчи томондан — корхоналарнинг мустиқлиги ва масъулиятини ошириш, коллективлар ва ҳар бир ходимнинг энг яхши пировард натижаларга эришишдан манфаатдорлигини қучайтириш зарурлигига асосланади. Аини шу ҳўжалик механизми иқтисодий фаолиятни ташкил этиш, планлаштириш ва рағбатлантириш формаларини белгилайди. Ҳўжалик механизми ходимларнинг ҳар бир категориясини муайян ташкилий-иқтисодий шароитларга қўйиш билан унинг иқтисодий манфаатларини, шу жумладан ишга ижодий, манфаатдорлик билан муносабатда бўлишини шакллантиради. Жамиятнинг социал-иқтисодий ривожланишини жадаллаш-

тириш негизда социализмни такомиллаштириш шароитида, деб таъкидланди КПСС XXVII съездида, ҳўжалик юритиш системаси шундай қурилиши керакки, унда ҳар бир меҳнаткаш, ҳар бир коллектив ижтимоий ишлаб чиқаришда ўз қобилиятлари ва имкониятларини тўла-тўқис ишга солишга интилсин.

Мана шу сабабли меҳнат стимулларининг бирлигини, уларнинг ижтимоий жихатдан зарур қобилиятлар ва эҳтиёжларни шакллантириш ва рўёбга чиқаришга йўналтирилишини таъминлаш бугунги кунда самарали ҳўжалик юритишнинг энг муҳим шарти бўлиб турибди. Бунда айни шу стимуллар жамият аъзоларини актив фаолиятга ундайди, уларнинг феъл-атворини тартибга солади ва меҳнатга муносабатини шакллантиради. Хилма-хил стимулларнинг ҳаммаси, одатда, уч турга бўлинади. Булар: **моддий** (ҳодимнинг фаровонлик даражаси билан унинг ижтимоий ишлаб чиқаришга қўшадиган меҳнат хиссаси ўртасида боғлиқлик ўрнатиш воситаси орқали меҳнат фаолиятига ундайдиган), **ижодий** (эришилган натижадан қониқиб, қасбдан фахрланиш туғдирадиган), **маънавий** (ижтимоий ва коллектив мақсадлар ҳамда вазибаларга, муайян ижтимоий мавқени эгаллаш билан боғлиқ шахсий нуфузга асосланадиган) стимуллар. Барча турдаги стимулларнинг бирлигини таъминлаш — бу стимулларнинг жамият аъзолари, коллективларнинг меҳнат активлигига таъсир ўтказиш самарадорлигининг муҳим шартидир.

Пропагандист шуни тушунтириб, тингловчилар эътиборини қуйидаги нарсага жалб қилади: одамларнинг бир қисмида ҳали ҳам давлатга «ёлланиб» ишлайдиган ҳодимга ҳос эски психология, меҳнатга ва ижтимоий мулкка лоқайдлик, истеъмолчилик муносабати сақланиб қолган, бундай позицияни В. И. Ленин образли қилиб «каттарок бўлакни юлиб олиш ва жуфтани ростилаш» деб таърифлаган эди. Индивидуалистик онг, стихиялилик психологияси рецидивларига барҳам бериш меҳнаткашнинг социализм нуктаи назаридан соғлом шахсий манфаатини, унинг ижтимоий ишлаб чиқариш натижаларидан, давлат ишларидан манфаатдорлигини активлаштиришни тақозо қилади. Ўз-ўзидан равшанки, биз масалани ривожланишимизни «қуруқ» энтузиазмга асосланиб жадаллаштириб деган тарзда қўяётганимиз йўқ. Ўз вақтида Ленин ҳам қайд қилган эдики, социализм бевоқифа энтузиазмга асосланиб эмас, балки унинг ёрдамида қурилиши керак. Гап юқори унумли меҳнатга ундовчи стимулларнинг бутун «мажмуи»дан, аввало маънавий стимуллардан иложи борица тўларок фойдаланиш устида бормоқда. Қўпинча социалистик ватанпарварлигини намоиш қилишга, қўпчилиكنинг эътирофига сазовор бўлишга, жамият учун зарур ишни бажаришга интиладиган ишчи, илғор меҳнаткаш маънавий стимулларга қоят мушток бўлади.

Тузумимизнинг сарасоси — ишлаб чиқариш воситаларига ижтимоий мулкчилик замиридаги онглиликдек улкан потенциалнинг аҳамиятини ҳам камситмаслик керак. Бу онглилик нафакат юқори даражада ташкил этилган, планли асосда бошқариладиган экономика учун асос яратади, шу билан бирга у индивидуалистик «меники»ни коллективчиликка ҳос «бизники»га айлантиришга ёрдам беради, ишлаб чиқаришнинг ҳўжайини тўғусини актив шакллантиради.

Бинобарин, бугунги кунда ҳодимлар манфаатларини аниқ биладиган ва ундан моҳирона фойдалана оладиган бошқарув системасигина самарали бўлиши мумкин. Бу манфаатлар серкирра, қўпгина сабабларга боғлиқ эканлиги ва вазиятлар таъсири остида ўзгариши туфайли инсон омилини бошқариш ҳам методларнинг ранг-баранглиги, ўзгарувчанлиги, маҳаллий шароитларни ва бўлиши мумкин ўзгаришларни ҳисобга олиши билан ажралиб туриши керак. Методларнинг қотиб қолганлиги унга зиддир, чунки назорат қилиб бўлмайдиган фаолият оқимлари эскирган инструкциялар уюми орасидан барибир ўзига йўл топиб чиқаверади. Стимуллар сифатида фойдаланиладиган воситаларнинг бой ҳазинаси ҳам катта аҳамиятга эга. Агар улар фақат «сўм»дан ва муайян ҳулқ-атвор усулларини маъмурий тақиқлашдангина иборат бўлса, унда ҳодимлар манфаатларининг бирмунча, баъзан эса анча қисми бошқарув таъсири доирасидан четда қолаверади.

Ишлаб чиқаришнинг ҳар бир киши ўз жойида ишга янгилаш ёндашишни намоён этадиган, виждонан, ижодий ва тўлиқ самара билан меҳнат қиладиган, ишлаб чиқариш новаторларига, ўз ишининг ҳақиқий усталарига тенглашадиган тарзда ташкил этилиши, деб қайд қилади пропагандист, инсон омилининг самарали амал қилишига қўмаклашади. Бунда социалистик мусобақанинг роли қоят каттадир. У эксплуатациядан ҳоли бўлган меҳнаткашларнинг умумий муваффақиятга эришиш учун меҳнатда ўртоқларча беллашуви ва рақобатлашувида намоён бўладиган ҳодимлар ҳамкорлиги ва ўзаро ёрдамнинг муҳим формасидир.

Меҳнат беллашувининг асосий мақсадлари КПСС МҚ, СССР Министрлар Совети, ВЦСПС ва ВЛКСМ МҚнинг ўн иккинчи беш йиллик топшириқларини муваффақиятли бажариш учун Бутуниттифок социалистик мусобақасини ўтказиш тўғрисидаги қарорида (1986 йил июнь) баён қилинган. Улар — меҳнат унумдорлигини, маҳсулот сифатини

кескин оширишдан, ресурсларни тежаш, шартнома мажбуриятларига катъий амал қилиш, меҳнат интизомини мустаҳкамлашдан иборат.

Беш йилликнинг бошланишида кўплаб ташаббуслар туғилди, фойдали тажриба тўпланди. Аввало ишнинг сифат кўрсаткичларига томон бурилиш диққатга сазовордир. Масалан, илғор коллективлар бутун ишлаб чиқариш ҳажми ўсишига прогрессив янгиликларни қўлланиш йўли билан, хом ашё ва материаллар сарфини кўпайтирмасдан эришишга қарор қилдилар. Мусобақада бундай ёндашув ҳозир айниқса зарур. Шаҳар ва қишлоқларнинг, шу жумладан бизнинг республикамизнинг ҳам ўн минглаб меҳнаткашлари Улуғ Октябрнинг 70 йиллиги кунигача юқори сифатли маҳсулот чиқарган ҳолда меҳнат унвондорлигини ўстириш бўйича икки йиллик топшириқни бажаришга аҳд қилдилар.

Ресурсларни тежаш — куч-ғайрат, тажриба, билим сарфланадиган муҳим соҳадир. Тежамкорлик, деб қайд қилади пропагандист, ҳар бир кишининг қони ва танига сингиб кетиши керак, бугунги кунда металл ва ёқилғига, ёғоч-тахта ва электр энергиясига бошқаларга қараганда яхшироқ ҳўжайинлик қила оладиган кишигина мусобақа ғойиб бўлиши мумкин. Халқ бойлигини авайлайдиган кишиларни бажонидил рағбатлантираётган, чиқитсиз технологияларни фаол қўллашдан, харажатларни камайтиришдан манфаатдорликни ҳар қандай йўллар билан ошираётган раҳбарлар тўғри қилишади. Ҳар бир коллективдаги мусобақа шунингдек штурмчилик ва ура-урачиликни бартараф қилишга, меҳнатни коллектив бўлиб пухта ташкил этишни таъминлашга, иш вақти — иш учун деган асосий қондага катъий амал қилинишига қўмаклашиши керак.

Мусобақанинг таъсирчанлиги шунингдек унинг ҳаёт билан, умумхалқнинг эконимикани интенсифлаштириш йўлига ўтказиш бобидаги куч-ғайратлари билан қандай боғланганига ҳам боғлиқдир. Фақат коллектив тажриба ва новаторлар ғайрат-шижоатига таянибгина муваффақиятга эришиш мумкин. Афсуски, буни ҳамма жойда ҳам эсда тутаверишмайди. Шу сабабли мусобақа самараси ҳар доим ҳам салмоқли бўлавермайди. 1985 йил сентябрида КПСС МҚда стахановчилик ҳаракати ветеранлари, ишлаб чиқариш илғорлари ва новаторлари билан бўлган учрашувда қайд қилинганидек, бунинг сабабларидан бири шундаки, мусобақанинг форма ва методлари иқтисодий тараққиёт ҳозирги босқичнинг ҳаракатига унчалик тўла мос эмас. Кўпгина коллективларда у шунчаки ўз ҳолича, фан-техника тараққиётини жадаллаштириш, ҳўжалик механизминини қайта қуришга онд ишлар билан мустаҳкам ва чуқур боғланмаган ҳолда ўтаверади.

Меҳнат беллашувини ташкил этишда ҳали ҳам сийқаси чиққан андазалар кўплаб учрайди. Масалан, бугунги кунда ишнинг муваффақияти тўғрисида фақат «ялпи» кўрсаткичга қараб баҳо бериш ёки кишиларнинг меҳнат ва маиший шароитларини яхшилашга қаратилган чора-тадбирларни ҳисобга олмаслик мумкин эмас. Айрим жойларда ҳали ҳам на мажбуриятларнинг иқтисодий асоси тўғрисида, на бригада, участка, ферма коллективининг фикрини ҳисобга олиш тўғрисида қайғурмасдан мажбуриятларни бошқаларникидан нусха кўчириб олаверишади.

Партия мусобақани ташкил этишни такомиллаштириш ва таъсирчанлигини ошириш, унга меҳнаткашларнинг ўзларининг жонли ишига бўлгани сингари муносабатда бўлиш зарурлигига эътиборни қаратмоқда. Ҳамма жойда мусобақани расмийлик зангидан тозалаш, унга ҳақиқий беллашувчилик ва жанговарлик хусусиятларини қайтариш, кенг ошкораликни таъминлаш вазифаси қўйилмоқда. Натижаларни чуқур анализ қилиш ва таққослаш, энг яхши тажрибани оператив тарзда оммалаштириш, юксак пировард натижаларга эришишда ўзаро ёрдам — ҳозир, ишни қайта қуриш, ҳўжалик юритиш янги методларини қарор топтириш жараёнида меҳнат мусобақасининг ана шу ленинча принципларига амал қилиш айниқса муҳимдир. Яхши ташкил этилган мусобақа коллективнинг ижодий потенциални ва ҳар бир меҳнаткашнинг қобилиятлари, маҳоратини тўлалигича намоён қилади, ишчанлик ва социалистик омилкорликни тарбиялашга бутун чоралар билан ёрдам беради, кўзбўямачилик ва ташаббусбозлик, маҳкамачилик ва маҳаллийчиликнинг ҳар қандай кўринишларига ишончли қалқон бўла олади.

МЕҲНАТКАШЛАРНИНГ ИЖТИМОИЙ-СИЁСИЙ ФАОЛЛИГИНИ РИВОЖЛАНТИРИШ

Социализмнинг социал-иқтисодий етуклик даражаси билан граждандар ижтимоий-сиёсий активлиги даражаси ўртасидаги бевосита алоқадорлик социализмнинг муҳим қонуниятларидан биридир. Давлат ишларини, ишлаб чиқаришни бошқаришда меҳнаткашлар иштирокининг даражаси — совет жамияти демократизмининг асосий ҳусусий мезонидир. Шу билан бирга у социализмда шахснинг социал роли ва активлигини ҳам кўрсатади.

Пропагандист социалистик демократияни абстракт равишда тушуниш мумкин эмаслигини тушунтиради. У экономикани ривожлантириш, социал, ғоявий-тарбиявий проблемаларни ҳал этиш воситаси бўлиб келди ва шундай бўлмоқда. Партия белгилаётган тарихий туб ўзгаришларни амалга ошириш учун халқнинг бутун ижодий кучларини ҳаракатга келтириш зарур, бу кучлар омманинг меҳнат ва ижтимоий-сиёсий активлигининг бирлигида айниқса яққол намоён бўлади. Социалистик жамиятда кишилар социал активлигининг бу икки асосий формаси бир бутун бўлиб қўшилиб кетади, бир йўналишда ҳаракат қилади. Социализмнинг энг муҳим афзалликларидан бири ва унинг сиёсий маданиятининг характерли белгиси аини шундан иборат, уларни амалга оширишда меҳнат коллективлари — социал организмнинг бошланғич ячейкалари ҳал қилувчи роль ўйнайди. Уларнинг ҳаёти ва фаолиятида икки функция: давлат, жамият ишларини муҳофама қилиш ва ҳал этишда қатнашиш ҳамда корхоналар, муассасалар, ташкилотларни бошқаришда иштирок этиш қўшиб олиб борилади.

Кишининг меҳнат коллективига, бутун социал ва иқтисодий муносабатлар мажмуига «қўшилиб кетиши» учун хилма-хил формаларда иш қўрадиган бошқа кишиларнинг манфаатлари ва талаблари билан ҳисоблашиши зарур. Акс ҳолда улар ўртасида ўртоқларча ҳамкорлик бўлиши мумкин эмас. «Барча меҳнаткашларни соатдек аниқ ва тўғри ишловчи бир ҳўжалик органига боғловчи ирода бирлиги бўлмаса, — деб қайд қилган эди В. И. Ленин, — на темир йўллар, на транспорт, на йирик машиналар ва корхоналар умуман ишлай оладилар» (ТАТ, 36-том, 178-бет).

Социалистик мулкчилик муносабатларига асосланадиган биргаликдаги коллектив ҳатти-ҳаракатларда муайян ритмлик ва планга асосланганликка объектив равишда қатъий риоя қилиш зарурлигини тушуниш ўзини интизомга бўйсундиришни, уюшқоқликни, тартибни мустаҳкамлашга ёрдам беради, бу нарсалар юксак пировард натижаларга, демак юксак ишлаб чиқариш самарадорлигига эришиш учун дастлабки асослар бўлиб хизмат қилади. Бунда шуни алоҳида қайд қилиш зарурки, социализмда жамият томонидан бошқарувга оид таъсир ўтказиш объекти бўлган инсон аини бир вақтнинг ўзида бошқарув муносабатларининг актив, ижодий иштирокчиси (субъекти) ҳам бўлади. Шу билан бирга ривожланишнинг тобора етукроқ босқичига ўтила борган сари бошқарувнинг инсон омилини активлаштириш билан чамбарчас боғлиқ бу жиҳати кучая боради.

Бу ўринда партиянинг ишлаб чиқаришда демократик асосларни кенгайтиришга қандай аҳамият бераётгани тўғрисида ишонарли далолат берадиган конкрет мисол келтириш жоиздир. Масалан, 1985 йилда КПСС МК Минск автомобиль заводи партия, касаба союз ва комсомол ташкилотлари, шунингдек маъмуриятининг СССРнинг меҳнат коллективлари тўғрисидаги Қонунини бажаришга доир иш ҳақидаги масалани махсус қўриб чикди. Қабул қилинган қарорда, жумладан, жамоат ташкилотлари ва маъмурият барча меҳнаткашларнинг корхона ишларини бошқаришда амалий иштирок қилишига эришишлари кераклиги таъкидланади. Амалда коллектив иродасининг ифодачиси бўлиши лозим бўлган мажлислар ва конференцияларни ўтказишда расмийлик ва тадбирбозликни бартаф қилиш керак бўлади. Шунингдек бригадалар советлари, доимий ишлаб чиқариш кенгашлари ва коллектив бошқарув бошқа органларининг ролини кўтариш, раҳбар кадрларнинг автосозлар олдида ҳисобот бериб туриш практикасини кенгайтириш таклиф қилинди.

Меҳнат коллективлари тўғрисидаги Қонунни амалга ошириш бугунги кунда нафақат ҳуқуқий нормаларнинг ўзгарганлиги, шу билан бирга иқтисодий муносабатлар конкрет формаларининг такомиллашганлиги билан ҳам боғлиқ. Шу сабабли ҳўжалик механизмини қайта қуриш бўйича амалга оширилаётган чора-тадбирларнинг меҳнат коллективлари активлиги ва ташаббускорлигини ҳар тарафлама ривожлантиришга қаратилганлиги қонуний ҳолдир. Меҳнаткашларнинг ўз заводалари ва фабрикалари, банклар, савдо ва транспорт ташкилотлари, тураржой-коммунал ҳўжалиги, илмий ва маданий муассасаларни бошқаришда таъсирчан, манфаатдорлик билан, кундалик иштироки нафақат уларнинг ҳуқуқи, шу билан бирга бурчи ҳамдир. Бу бурч аввало ишлаб чиқариш ва бошқарув муносабатлари сифати билан фаровонлик, маориф, маданият, турмуш сифати даражаси ўртасидаги барқарор сабаб-оқибат муносабатлари билан боғлиқдир. Мулкни умумлаштиришнинг янада юксак формаларига ўтиш ҳар бир меҳнаткашнинг социалистик ҳўжалик юритишда актив роль ўйнашини, ишлаб чиқариш фаолияти натижаларини анализ қилишда, планларни ишлаб чиқишда, ташкилий ва кадрларга оид масалаларни ҳал этишда, рағбатлантириш фондларини тақсимлашда, ишга ижодий ёндашувда, исрофгарчиликка қарши курашда манфаатдорлик билан иштирок этишини таъқоз қилади.

Ташаббускорлик учун қанчалик кенг имконият очилгани сари янги ечимларни ижодий излаш, ресурслар билан маневр қилиш, ностандарт новаторлик усулларини қўлланиш шунчалик кенг микёсда авж олади. Ҳозирги ишлаб чиқариш ҳатто соф

технологик ва ташкилий жиҳатдан коллектив меҳнат тақсимои (ихтисослашиши) ва кооперациясига асосланган комбинацияланган жараёндан иборат бўлгани учун инсон омилини активлаштириш алоҳида шахснинг ва меҳнат коллективларининг ташаббускорлигини кенгайтиришни талаб қилади ва шуни тақозо этади. Бу, ўз навбатида, план кўрсаткичларининг вужудга келган системасини, ҳўжалик ҳисоби ва тақсимои муносабатлари конкрет формаларини, ташкилий структура ва кадрлар билан ишлашни тегишлича қайта қуришни кўзда тутди.

Бугунги кунда корхоналар ва бирлашмалар коллективларининг мустақиллиги ишлаб турган ишлаб чиқариш аппаратини техника жиҳатдан реконструкциялаш ва замонавийлаштиришда, янги маҳсулот турларини ўзлаштириш ва илгари ўзлаштирилганларининг сифатини яхшилашда, меҳнат ресурслари, шунингдек хом ашё, материаллар ва энергиядан оқилона фойдаланишда амалда бирмунча тўларок намоён бўлмоқда. Шунга мос равишда моддий рағбатлантириш ва социал ривожлантириш фондлари кўпаймоқдаки, бу коллектив аъзоларининг меҳнат, дам олиш ва маиший шароитларини системали тарзда яхшилашга имкон берапти.

Машғулотда яна шуни таъкидлаш муҳимки, агар илгари ходим ташаббуси асосан белгиланган план топшириқларини бажаришга қаратилган бўлса, ҳозирги босқичда меҳнаткаш ана шу планнинг ўзини ишлаб чиқишга, корхонадаги техникавий ва социал сиёсатни ишлаб чиқиш ва амалга оширишга, кадрлар масалаларини ҳал этишга жалб қилинади. Лекин самарали бошқариш учун ишлар аҳволини яхши билиш зарур. Шу туфайли инсон омилини активлаштириш учун одамларни мазкур корхонада, регионда, тармоқда, республикада, умуман мамлакатдаги социал ва иқтисодий характердаги жараёнлардан системали хабардор қилиб бориш керак. Ҳал қилишда албатта коллектив розилиги талаб қилинадиган масалалар доираси кенгайиб бормоқда, масалан, бригадир, мастерни танлашда. Яна шуниси муҳимки, корхона мустақиллигини молиявий ва моддий таъминлаш учун: ишлаб чиқаришни ривожлантириш, иш ҳақи, моддий рағбатлантириш, социал-маданий тадбирлар ва уй-жой қурилиши фондлари унинг ихтиёрига берилади. Истикболда бу фондлар микдори, миллий даромадда улар ҳиссаси кўпая боради.

Айни бир пайтда меҳнат коллективларининг улар ихтиёрига ажратилган ресурслардан самарали фойдаланиш учун реал масъулият оширилмоқда. Мустақиллик ва масъулият ўз-ўзини бошқаришнинг икки томонидир. Бунда масъулият муносабати асосийдир. Мустақиллик муносабати билан қўшилган ҳолда ишлаб чиқариш катнашчиларида ташаббус уйғотади ва бу ташаббусни ҳаракатга келтиради.

Шундан кейин пропагандист халқ ҳўжалигидаги объектив масъулият муносабатлари конкрет ижрочиларни тегишлича рағбатлантириш ва жарима солишлар билан мустаҳкамланган ҳўжалик ҳисоби ва планга оид, ҳуқуқий, сиёсий ва маънавий нормаларнинг бутун системаси ёрдамида амалга оширилишига эътиборни жалб этади. Масъулият ва мустақиллик муносабатлари ҳар бир ходимнинг конкрет бурчлари ва ҳуқуқлари формасига эга бўлади. Масъулият ва мустақилликнинг тўғри қўшиб олиб борилиши, бурчлар билан ҳуқуқларнинг аниқ чегаралаб қўйилиши — инсон омилини активлаштиришнинг асосий элементларидан биридир. Улар нафакат бир-бирига, бошқарувнинг барча элементларига зарурий қўшимча, шу билан бирга ходимнинг ўз шерикларига, умумий пировард натижаарга омилкорлик, талабчанлик билан муносабатда бўлишининг муҳим асоси ҳамдир. Меҳнат коллективлари ва ҳар бир ходимнинг масъулияти қанчалик аниқ қайд қилинган, уни таъминлаш механизми қанчалик ишончли бўлса, улар мустақиллигининг чегаралари ҳам шунчалик кенг, шахсий, коллектив ва умумхалқ манфаатлари шунчалик яхши ва тўла мувофиқлаштирилган бўлади.

Жамият олдида турган проблемаларнинг катта қўламдорлиги ва мураккаблиги кадрлар, айниқса раҳбар кадрлар олдида юксак талаблар қўймоқда. Бу талаблар бутун ҳўжалик фаолиятининг асосий йўналишларига, партия стратегик йўлининг асосий йўл-йўриқларини тушунишга дахлдордир. Гап ҳўжалик фаолиятига раҳбарлик қилишнинг барча даражаларидаги ҳамма кадрларнинг ҳар бир корхона, тармоқ, бутун экономикани интенсив ривожланиш йўлига қайта йўналтиришнинг, корхоналарни техника жиҳатдан қайта қуроллантириш эмас, балки янги қурилиш ишлаб чиқаришни кенгайтиришнинг асосий методи ҳисобланган пайтдаги эски ҳўжалик юритиш андазаларидан воз кечишнинг ҳаётин зарурлигини англаши тўғрисида бормоқда. Бундай шароитда партиявий ишдаги биринчи даражали дастур юқоридан қуйигача бўлган кадрларнинг онги ва қайфиятида кескин бурилиш ясашдан, улар эътиборини энг муҳим иш — фан-техника тараққиётига жалб этишдан иборат бўлади.

Тингловчиларга, шунингдек, кишилар психологиясини қайта қурмасдан инсон омилини ҳар тарафлама активлаштириш мумкин эмаслигини ҳам тушунириш тавсия қилинади. Социал-иқтисодий ривожлантиришнинг асосий проблемаларини ҳал этиш ҳўжалик юритиш механизмини такомиллаштириш билан бир қаторда эскирган андазалардан воз кечишни, ҳўжалик фаолиятининг эски психологиясини бартараф этиш

ва янгисини шакллантиришни такозо этади. Энг муҳими эса меҳнаткашларда халқ хўжалигини интенсивлаштириш, фан-техника тараққиётини жадаллаштиришдан чуқур манфаатдорликни собитқадамлик билан шакллантира боришдан иборат. Айни шу маънавий феномени қарор топтириш ва ривожлантириш хўжалик фаолияти психологиясига янгилик бахш этади.

Психологик қайта қуриш проблемасини ҳал этиш совет кишиларидаги у ёки бу социал-психологик қарашлар, тасаввурлар, сифатларнинг ривожланиш даражасини аниқлашни такозо этади. Бу аввало айни қандай сифатларни шакллантиришга эътибор бериш, қайси резервларни ишга солиш, ғоявий-тарбиявий ишларни қай тарзда ташкил этиш кераклигини янада аниқроқ тасаввур этишга имкон беради. Мамлакатдаги мавжуд социологик ва социал-психологик хизматлар кўпдан-кўп тадқиқотлар ўтказишади, бу тадқиқотлар, масалан, социалистик жамият меҳнаткашларининг энг муҳим социал-психологик хусусиятларидан бири бўлган ишлаб чиқариш хўжайини туйғусининг ривожланиш даражаси қандайлиги ҳақида ҳулоса чиқаришга имкон беради. Советлар Мамлакатининг бошқа ҳар қандай ҳақиқий граждани сингари ҳозирги совет ишчиси ҳам жамият, коллектив ҳаётининг аҳамиятга молик ҳолатлари, шахсий фаровонлик билан боғлиқ қарорларни қабул қилишда иштирок этишга интилади. Ахир кишининг самарали меҳнат қилиши, ўзининг ишдош ўртоқлари ва бошқа коллективлар олдидаги мажбуриятларини бажариши тўғрисида ғамхўрлик кўрсатиши учун, юқорида қайд қилинганидек, унинг ўзини хўжайин сифатида ҳис қилиши ва ўз қорхонасининг хўжайини сифатида ҳаракат қилишига ва айни вақтда, В. И. Ленин таъбирича, унинг мамлакат вакили, ишлаб чиқаришни ташкил этиш, меҳнат натижаларини тақсимлаш ва улардан фойдаланишга реал таъсир этиш имкониятига эга вақил бўлишига эришиш зарур.

Шуни алоҳида таъкидлаш керакки, КПСС Программасида ишлаб чиқилган социалистик ўз-ўзини бошқариш ғояси хўжайин туйғусини шакллантиришга хизмат қилади. Бу ғоя меҳнат коллективлари ҳуқуқларини, улар фаолиятидаги демократик асослар — сайлаб қўйиш, ошқоралик принципларини қўлланишни, барча ходимларни муҳим проблемаларни муҳокама қилиш ва ҳал этишда қатнаштиришни кенгайтиришни кўзда тутди. Партия XXVII съезди экономикада социалистик ўз-ўзини бошқаришни янада чуқурлаштириш вазифасини қўяр экан, инсон яшаётган реал шароит, унинг ишлаб чиқаришни ташкил этишга, меҳнат натижаларини тақсимлаш ва ундан фойдаланишга таъсир ўтказиш имкониятлари — мулкка, ижтимоий бойликка муносабатни шакллантирадиган жиҳатлардир деб қайд қилди.

Лекин, КПСС МКнинг партия XXVII съездига Сиёсий докладида таъкидланганидек, «хўжайинлик туйғусини қуруқ сўз билан тарбиялаш мумкин, деб ўйлаш гўллик бўлур эди», у «аввало инсон яшаётган реал шароит» билан шакллантирилади. Совет социалистик экономикаси амал қилаётган ва ривожланаётган ўнларча йиллар мобайнида шундай шароит яратиш учун талай ишлар қилинди. Лекин бу соҳада эришилган муваффақиятларни ошириб кўрсатиш ҳам керак эмас. Гап шундаки, халқ хўжалигини бошқаришда жойларда ҳал қилиш мумкин ва керак бўлган кўпгина проблемалар марказий органлар томонидан ҳал этиладиган методларнинг ҳали ҳам устунлик қилиши қорхоналар коллективларининг ҳуқуқларини жиддий чеклайди. Натижада кўпгина ишчиларда ўз қорхонасидаги ишлар аҳволи учун масъул ва бу ишлар боришига таъсир этиш ваколатига эга хўжайинлик туйғуси сусайиб қолади ёки бундай туйғу умуман ривожланмайди.

Ва, аксинча, қорхона ва бирлашмаларнинг хўжалик ҳисоби, ўз-ўзини маблағ билан таъминлаш ва ўз-ўзини қоплаш принциплари асосида ишлашга ўтиши ишчиларнинг бошқарувдаги ролини ошириш учун қулай шароит яратади. Қолаверса бошқарувга оид қарорларни ишлаб чиқишда иштирок этиш меҳнат коллективлари муваффақиятли ишлашининг зарурий омили бўлиб қолади.

Ишчилар коллективларининг ўз-ўзини бошқариш фаолияти ривожланиши учун коллектив аъзоларини бундай фаолиятга жалб этишнинг тегишли метод ва формаларини ҳосил қилиш лозим. Сайлаб қўйилган бригадирлар ва советлар бошқарадиган хўжалик ҳисоби ёки пудрат асосидаги бригадалар ишчи коллективларининг ўз-ўзини бошқаришнинг ривожлантиришнинг муҳим воситасидир. Бу соҳада анча тажриба тўпланган, лекин уни қўллаб-қувватлаш, кенг ёйиш зарур.

Инсон омилини активлаштириш шахснинг меҳнат фаолиятига муносабатининг ижобий маънавий-психологик асосларини шакллантиришни такозо этади, коллективда меҳнат ахлоқини мустаҳкамлаш ва виждонан қилинган ишни маъқуллайдиган ҳамда интизомни бузишларни кескин қоралайдиган жамоатчилик фикрини яратиш орқали бунга эришиш мумкин. Бундай фикрни шакллантириш ва қўллаб-қувватлаш — осон иш эмас. Лекин айни шу интизомни бузишларга мурасасиз умумий фикр коллектив аъзолари психологиясини ижобий қайта қуришга ёрдам беради. Тажриба, социологик тадқиқотлар материалларининг кўрсатишича, меҳнат соҳасидаги муваффақиятларнинг коллектив

фикри томонидан маъқулланиши кишида қониқиш, ифтихор, ўз ишини янада яхшироқ бажариш истагини уйғотади. Шахснинг энг яхши хислатлари, шу жумладан ижтимоий бурчни, масъулиятни англашни шакллантирадиган коммунистик тарбия бутун система-сининг самарадорлиги оша борган сари инсон омили интизомни мустаҳкамлаш ишида ўзини янада тўлароқ ва чуқурроқ намоён қила боради.

Пропагандист хулоса сифатида шуни таъкидлайдики, инсон омилини активлашти-риш партия ташкилотлари, барча ижтимоий ва давлат муассасаларининг собитқадам куч-ғайрат кўрсатишини такозо этади. Олдимизда турган улкан новаторлик ва мураккаб ишлар ҳар бир киши тафаккурининг интенсив ишлашини, зўр ғайрат билан меҳнат қилишни, эс-ҳушни йиғиб иш кўришни, онглилик ва ушқоқликни талаб қилади. Жадаллаштириш концепцияси потенциал имкониятларининг рўёбга чиқарилиши совет кишиларининг меҳнат ва социал активлигини ўстириш, Ленин партияси планлари, унинг новаторлик сиёсатини амалга оширишнинг қудратли омили бўлади.

Семинар машғулоти ўтказиш учун «Совет жамияти ривожланишининг ҳозирги босқичида инсон омилини активлаштириш йўллари» деган мавзу таклиф қилинади.

ТЕМАГА ОИД АДАБИЁТ

В. И. Ленин. Мусобақани қандай уюштириш керак? Тўла асарлар тўплами, 35-том, 215—226-бетлар.

В. И. Ленин. Совет ҳокимиятининг навбатдаги вазифалари. Тўла асарлар тўплами, 36-том, 187—237-бетлар.

В. И. Ленин. Буюк почин. Тўла асарлар тўплами, 39-том, 1—33-бетлар.

В. И. Ленин. Пролетариат диктатураси даврида экономика ва сиёсат. Тўла асарлар тўплами, 39-том, 311—323-бетлар.

В. И. Ленин. Ички ва ташқи сиёсат тўғрисида Бутун Россия Марказий Комитети ва Халқ Комиссарлари Советининг доклади, 22 декабрь. Советларнинг VIII Бутун Россия съезди. 1920 йил 22—29 декабрь. — Тўла асарлар тўплами, 42-том, 160—170-бетлар.

Совет Иттифоқи Коммунистик партияси XXVII съездининг материаллари. — Т., «Ўзбекистон», 1986.

КПСС Марказий Комитети Пленумининг материаллари. 1985 йил 23 апрель. — Т., «Ўзбекистон», 1985.

КПСС Марказий Комитети Пленумининг материаллари, 1986 йил 16 июнь. Т., «Ўзбекистон», 1986.

Ун иккинчи беш йиллик топшириқларини муваффақиятли бажариш учун Бутуниттифоқ социалистик мусобақасини ўтказиш тўғрисида. КПСС МК, СССР Министрлар Совети, ВЦСПС ва ВЛКСМ МК қарори. — «Совет Ўзбекистони», 1986, 22 июнь.

Совет Социалистик Республикалари Иттифоқининг «Меҳнат коллективлари ва корхоналар, муассасалар, ташкилотларни бошқаришда уларнинг ролини ошириш тўғрисида»ги Қонуни. — Т., «Ўзбекистон», 1983 йил.

М. С. Горбачев. Партия иқтисодий сиёсатининг туб масаласи. КПСС Марказий Комитетида Фан-техника тараққиётини жадаллаштириш масалаларига бағишлаб ўтказилган кенгашда 1985 йил 11 июнда қилинган доклад. — «Совет Ўзбекистони», 1985, 12 июнь.

М. С. Горбачев. Туб бурилиш стратегияси. Тольятти шахри меҳнаткашлари билан 1986 йил 8 апрелда бўлган учрашувда сўзланган нутқ. — «Совет Ўзбекистони», 1986, 9 апрель.

М. С. Горбачев. Владивостокка Ленин ордени топширилишига бағишланган тантанали йиғилишда сўзланган нутқ. — «Совет Ўзбекистони», 1986, 29 июль.

М. С. Горбачев. Қайта қуришни кечиктириб бўлмайди, у барчага ва ҳар жиҳатдан тааллуқлидир. Хабаровск ўлка партия ташкилоти активининг кенгашида 1986 йил 31 июлда сўзланган нутқ. — «Совет Ўзбекистони», 1986, 3 август.

М. С. Горбачев. Краснодар ўлкаси партия активи билан учрашувда сўзланган нутқ. — «Совет Ўзбекистони». 1986, 21 сентябрь.

Е. К. Лигачев. Октябрь йўлидан, революцион ижодкорлик руҳида. Улуғ Октябрь социалистик революциясининг 69 йиллигига бағишлаб 1986 йил 6 ноябрь кўни ўтказилган тантанали мажлисда қилинган доклад. — «Совет Ўзбекистони» 1986, 7 ноябрь.

И. Б. Усмонхўжаев. КПСС XXVII съезди талаблари асосида идеология ишининг самарадорлигини янада ошириш юзасидан республика партия ташкилотлари-нинг вазифалари. Ўзбекистон Компартияси МК пленумида 1986 йил 4 октябрда қилинган доклад. — «Ўзбекистон коммунисти», 1986, № 11.

МАҲСУЛОТНИНГ МАТЕРИАЛ САРФИНИ КАМАЙТИРИШ ВА ИШЛАБ ЧИҚАРИШ САМАРАДОРЛИГИ

ИКТИСОД режимини амалга ошириш ишлаб чиқаришни интенсифлаштиришнинг асосий йўналишларидан биридир. У мавжуд ресурслардан оқилона фойданишни таъминлаш билан халқ хўжалигини янада ривожлантириш ва меҳнаткашлар фаровонлигини ошириш мақсадида мамлакат иктисодий потенциални мустаҳкамлайди. Иктисод режими халқ хўжалигининг ички резервларидан фойдаланиш ва ишлаб чиқаришни жадал ривожлантириш йўли билан кам сарфлаб энг юкори натижаларга эришишга ёрдам берадиган техникавий, ташкилий, тарбиявий чоратadbирлар системасини ўз ичига олади. Партиянинг иктисод режимини кучайтиришни мустаҳкам планли ва ташкилий негизга қўйиш, уни бутун хўжалик фаолиятимизнинг энг муҳим таркибий қисмига айлантириш вазифасини илгари сургани бежиз эмас.

Ижтимоий ишлаб чиқариш самарадорлигини ошириш жараёни уч асосий ўзаро боғлиқ халқ хўжалик кўрсаткичи — фонд, меҳнат ва материал сарфининг ҳаракати билан характерланади. Ана шу жараёнга материал сарфи таъсирини кўриб чиқамиз, бу кўрсаткич истеъмол қилинаётган моддий ресурслар ҳажмининг ишлаб чиқарилаётган маҳсулот ҳажмига нисбатини ва ишлаб чиқаришнинг энг муҳим элементларидан бири — меҳнат предметларидан фойдаланиш самарадорлигини кўрсатади.

Социалистик ишлаб чиқариш жараёнида моддий ресурсларни тежаш зарурлиги ва унинг моҳияти тўғрисида тўлароқ тасаввурга эга бўлиш учун унинг капитализмдаги социал-иктисодий мазмунига мурожаат қиламиз. Ишлаб чиқариш воситаларига хусусий мулкчилик ҳукмрон бўлган, синфлар ўртасидаги муносабатлар антагонистик характерда бўлган бу тузум бутун жамият доирасида иктисод режимини изчил амалга ошириш йўлида мустаҳкам тўсиқлар қўяди. «... Капиталистик ишлаб чиқариш процессининг... мақсади, — деб ёзган эди К. Маркс, — капиталининг ўз-ўзидан мумкин қадар кўпроқ ўсишидир, яъни мумкин қадар кўпроқ қўшимча қиймат

ҳосил қилишдир» (К. Маркс. Капитал. 1-том, «Ўзбекистон», 1983, 329-бет). Капитал шаклида намоён бўладиган меҳнат предметлари ишлаб чиқариш воситаларининг таркибий қисми сифатида капиталистнинг иш кучини беаёв эксплуатация қилиш йўли билан энг юкори фойда олишига қаратилади. Шу сабабли меҳнат предметларидан оқилона фойдаланиш, бинобарин, материал сарфини камайтиришдан асосан капиталистлар манфаатдордир, зеро бу улар фойдасининг ошишига, бойишига хизмат қилади. Ҳеч қандай меҳнат воситасига эга бўлмаган ва ўз кучини товар сифатида сотишга мажбур ишчи меҳнат предметларидан оқилона фойдаланишдан мутлақ манфаатдор эмас, чунки иктисодга интилиш унга ҳеч қандай фойда келтирмайди. Шундай қилиб, ишлаб чиқариш воситаларига капиталистик хусусий мулкчилик иктисод режимини амалга оширишда ишчилар билан капиталистлар манфаатларини қарама-қарши қўяди.

Социализмда бутунлай бошқача манзарани кўрамиз. Ф. Энгельс қайд қилганидек, «ишлаб чиқариш воситаларининг ижтимоий мулкка айлантирилиши нафакат ҳозирда мавжуд ишлаб чиқаришнинг сунъий тўсиқларини, шу билан бирга ишлаб чиқарувчи кучлар ва маҳсулотларнинг тўғридан-тўғри исроф қилинишини ва йўқ қилинишини ҳам бартараф этади...» (К. Маркс ва Ф. Энгельс. Асарлар, 20-том, 294-бет). Бу қонунийдир, чунки ишлаб чиқариш воситаларига ижтимоий эгаллик жамият барча аъзолари туб манфаатларининг бирлигини, демак бутун жамият миқёсида иктисод режимини планли асосда, изчил амалга оширишни таъминлайди.

Социализм ҳам ашё, материаллар, ёқилғи ва энергиядан фойдаланишни ғоят оқилона ва системали яхшилаш учун чексиз имкониятлар яратади. Лекин бу имкониятлар воқеликка айланиши учун моддий харажатларни иктисод қилиш резервларини излаб топиш соҳасида жиддий иш олиб бориш зарур. В. И. Ленин бундай ишнинг муҳимлигини таъкидлаб, шундай ёзган эди: «Коммунизм оддий ишчиларнинг меҳ-

нат унумдорлигини кўпайтириш тўғрисида. *Галла, кўмир, темир* ва бошқа маҳсулотлар шахсан ишловчиларга ва уларнинг «яқинлари»га эмас, балки «беғоналарга», яъни умуман бутун жамиятга, ... ўн ва юз миллионлаб кишиларга тегадиган шу маҳсулотларнинг ҳар бир пудини асраш тўғрисида фидокорона ва оғир меҳнатни енгадиган ғамхўрликлари пайдо бўлган жойда бошланади» (Тўла асарлар тўплами, 39-том, 25-бет).

Жамиятимизнинг ҳар бир аъзоси шунинг англаб олиши керакки, социализмда ишлаб чиқариш фондлари шаклида намоён бўладиган ишлаб чиқариш воситалари халқ фаровонлигини тобора ошириш негизи бўлиб хизмат қилади. Биз мавжуд ресурслардан қанчалик оқилона фойдалансак, моддий неъматларни шунчалик кўпроқ яратиш, халқ турмуш даражасини ошириш учун шунчалик кўпроқ маблағ ажратиш мумкин бўлади. Бошқача айтганда, социализм шаронтида моддий ресурслардан тежаб ва оқилона фойдаланиш, маҳсулотнинг материал сарфини камайтириш умумхалқ хўжалик вазифаси ҳисобланади.

Экономика микёсларининг узлуксиз ўсиши тобора кўпроқ микдордаги моддий ресурслардан фойдаланиш билан кўшиб олиб борилади. Ҳозир уларнинг Ўзбекистон ялпи ижтимоий маҳсулотидagi ҳиссаси 53,8 процентдан кўпрокини, саноат маҳсулотидagi салмоғи эса — 72,4 процентни ташкил этади. Бу кўрсаткичларни камайтириш — ижтимоий ишлаб чиқариш самарадорлигини оширишнинг ғоят муҳим омидидир. Шунинг ҳам эътибордан соқит қилмаслик керакки, фойдала қазилмалар қазиб олиш эски конларнинг битиши ва янги районларни ўзлаштириш зарурлиги, бунинг эса катта харажатлар талаб қилиши муносабати билан йилдан-йилга мураккаблашмоқда. Масалан, 15 йил илгари 1 миллион сўмлик хом ашё қазиб олиш учун 2 миллион сўм сарфланган бўлса, энди 4 миллион сўм сарфланаяпти.

Албатта, бундай шаронгда мавжуд моддий ресурслардан оқилона фойдаланишга эришиш — маҳсулотнинг материал сарфини камайтириш, бирмунча арзон ва самарали материалларни ишлатиш, шунингдек уларни тежаб сарфлаш ғоят муҳимдир. СССРни иктисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида экономиканинг моддий ресурсларга эҳтиёжларини қондиришга принципиал янгича ёндашув назарда тутилади. Агар ўтган йилларда бу эҳтиёжлар ишлаб чиқариш ҳажмини кўпайтириш ҳисобига қондирилган бўлса, 2000 йилга бориб екилги, энергия, хом ашё, металл ва бошқа материалларга бўлган эҳтиёжлар ўсишининг 75—80 проценти уларни

тежаш йўли билан қондирилишига эришни вазифаси қўйилмоқда.

Бугунги кунда ва истикболда нима нарса моддий харажатларни тежаш режимини ишлаб чиқариш самарадорлигини оширишнинг асосий йўналишларидан бири қилиб қўйилмоқда?

Биринчидан, маҳсулот бирлигини ишлаб чиқаришга материал сарфининг камайиши бир хил микдордаги ресурслардан кўпроқ тайёр маҳсулот олиш имконини беради, яъни ишлаб чиқариш ҳажмини кўпайтириш ва қўшимча маҳсулот ишлаб чиқаришнинг ички манбаи бўлиб хизмат қилади. Қуйидаги маълумотлар халқ хўжалигида моддий харажатларни тежашнинг аҳамияти ортиб бораётганини кўрсатади: агар 1975 йилда бундай харажатларни 1 процент камайтириш Ўзбекистон ССР миллий даромадининг 136,9 миллион сўмга ошишига тенг бўлган бўлса, унда 1985 йилда бу кўрсаткич 214,5 миллион сўмни ташкил этди. Умуман ўн биринчи беш йилликда моддий харажатларнинг 1 процентга камайтирилиши республикада 1 миллиард сўмдан зиёд маблағни тежашга имкон берди, бу капитал маблағларнинг бир процентини тежашга нисбатан 3 барабар ва иш ҳақи фонди иктисодига нисбатан 2 барабардан зиёд ортиқ демакдир. Ишлаб чиқаришнинг моддий харажатларини 1 процентга камайтириш республика ва бутун мамлакат халқ хўжалигининг бир йилда уч ёки тўрт кун факат тежалган материаллар билан ишлашига имкон беради.

Иккинчидан, моддий ресурсларни тежаш асосий фондлардан самарали фойдаланишга ёрдам беради. Масалан, материал сарфи кам маҳсулотга технологик ишлов бериш учун камроқ иш вақти талаб қилинади, натижада вақт бирлиги ичида маҳсулот ишлаб чиқариш ҳажми кўпаяди. Бу пировард оқибатда асосий фондлардан фойдаланишнинг асосий кўрсаткичи — фонд самарадорлигининг (асосий фондларнинг 1 сўми эвазига ишлаб чиқарилган маҳсулот ҳажми) ошишини таъминлайди ёки маҳсулотнинг фонд сарфини камайтиради.

Учинчидан, материал сарфининг камайиши хом ашё қазиб олувчи тармоқларга ажратиладиган капитал маблағларни кескартириш воситаси бўлиб хизмат қилади, саноатдаги барча ишлаб чиқариш фондларининг ярмидан кўпи шу тармоқларда тўпланган ва бу ердаги фонд сарфи ишлама тармоқлардагига қараганда юқоридир. Бу тадбир яна шунинг учун ҳам муҳимки, юқорида қайд қилинганидек, эски конлар тугаб бормоқда, янгиларини ўзлаштириш эса тобора қимматга тушмоқда.

Тўртинчидан, материал сарфининг камайиши маҳсулот таннархини пасайтиришга

имкон беради, унинг талай қисмини моддий харажатлар ташкил этади. Маҳсулот таннархи (уни ишлаб чиқариш учун ишлатилган хом ашё, материаллар, ёкилғи, энергия ва бошқа меҳнат предметлари қиймати + амортизация чегирма + меҳнат ҳақи харажатлари + маҳсулотни реализация қилиш билан боғлиқ харажатлар) корхона ишлаб чиқариш-хўжалик фаолиятининг ҳамма томонларини ўз ичига олади ва у эришган ишлаб чиқаришнинг техникавий-иктисодий даражасини акс эттиради. Таннархнинг камайиши фойда, рентабелликнинг, иктисодий рағбатлантириш фондлари микдорининг кўпайишига ёрдам беради, бу ҳозирги шароитда тобора муҳим аҳамият касб этиб бормоқда.

Ўзбекистонда бу жабҳадаги ишлар қай аҳволда? Умуман республика саноати ва унинг асосий тармоқлари бўйича таннарх структурасида моддий харажатлар ҳиссаси жуда катта — 81,3 процент. Бу кўрсаткич снгил (90,6 процент) ва озиқ-овқат (90,8 процент) саноатларида айниқса юқоридир. У химия ва нефть химияси саноатида — 69,1, машинасозлик ва металл ишлов бериш саноатида — 67,8, қурилиш материаллари саноатида — 61,2 процентга тенг. Электроэнергетикада моддий харажатлар составида хом ашё ва асосий материаллар деган элемент йўқ, бироқ унда ёкилғи салмоғи ғоят юқори — 50,3 процентдир. Шу сабабли республикадаги ҳозирги ишлаб чиқариш ҳажмида маҳсулот таннархининг моддий харажатлар ҳиссасини камайтириш — бу ишлаб чиқариш самарадорлигини оширишнинг муҳим резервидир.

Бешинчидан, фан-техника тараққиёти ютуқлари, жумладан, ресурсларни тежайдиган техника ва технологияни жорий этиш натижасида моддий ресурсларни тежаш иш кучига талабни камайтиришга олиб келади. Масалан, 1 миллион тонна металл прокатга босим орқали ишлов бериш кесиш орқали ишлов бергандагига нисбатан 150 минг тоннадан зиёд қора металллар прокатини иктисод қилишга ва бунда 15 минг металл кесиш станогини ва 22 минг кишини холи қилишга имкон беради. Холи қилинаётган иш кучидан ижтимоий ишлаб чиқаришнинг бошқа тармоқларини жадал ривожлантириш учун, яъни пировард оқибатда кишилар эҳтиёжларини янада тўлароқ қондириш учун фойдаланилиши мумкин.

Олтинчидан, материаллардан самарали фойдаланиш моддий ишлаб чиқариш соҳасида балансга оид алоқаларни ва тармоқлараро пропорцияларни такомиллаштиришни такозо этади. Тармоқлараро пропорциялар билан моддий ресурсларни тежаш ўзаро чамбарчас боғлиқдир. Хўжалик тежамкорлик билан юргизилганда маҳсулот ишлаб чиқариш учун кетадиган

моддий ресурслар харажатлари шунга мувофиқ камаяди, бу харажатлар оптимал тармоқлараро пропорциялар белгиланишига бевосита таъсир кўрсатади. Пропорцияларнинг планли асосда оптималлаштирилиши ўз навбатида моддий ресурсларни тежашнинг муҳим манбаи бўлиб хизмат қилади.

Еттинчидан, меҳнат предметлари қиймати оборот фондларининг асосий қисмини ташкил қилиши сабабли моддий ресурслардан оқилона фойдаланиш саноатнинг уларга бўлган эҳтиёжини шунга мувофиқ камайтиради, бу оборотга юборилаётган ресурслар микдорини қисқартиради. Натижада оборот вақти қисқаради, бу маблағларнинг айланишини тезлаштиради, яъни оборот маблағларининг ҳар бир сўми эвазига кўпроқ маҳсулот ишлаб чиқарилади. Шу билан бир қаторда иктисод ҳисобида маблағлар айланишининг тезлашиши ишлаб чиқариш запаслари ва пул маблағлари нормативини қисқартиришга олиб келадики, бу ҳол ишлаб чиқаришнинг оборот фондлари (ташиш, юклаш, тушириш, саклаш) ила таъминлаш жараёни билан боғлиқдир. Бунда бўшаб қолган оборот маблағлари халқ хўжалигининг бошқа тармоқларига ёки мазкур тармоқ корхоналарида қўшимча маҳсулот ишлаб чиқариш учун юборилиши мумкин.

Саккизинчидан, моддий ресурслардан тежаб ва оқилона фойдаланиш катта тарбиявий роль ўйнайди, бундай қилинганида социалистик жамият аъзоларига режалilik, тежамкорлик, хўжасизликка ва бепарволикка мурасасизлик каби муҳим фазилатлар сингдирилади. В. И. Лениннинг куйидаги васыятлари бугунги кунда ҳам актуаллигини йўқотгани йўқ: «Пул ҳисобини пухта ва ҳалол олиб бор, тежаб-тергаб хўжалик юрит, дангасалик қилма, ўғирлик қилма, меҳнат интизомига қаттиқ риоя қил...». «Ҳозир биз ҳамма нарсани ҳисоб-китоб қилишимиз лозим, бинобарин, ҳар бирингиз ҳисоб-китобни ўрганишингиз керак» (ТАТ, 36-том, 196-бет; 45-том, 347-бет).

Моддий ресурслардан оқилона ва тежаб фойдаланиш зарурлиги халқ хўжалигининг барча тармоқларида материал сарфини қисқартиришнинг асосий йўллариини белгиланиш талаб қилади. Ҳозирги кунда мамлакатнинг ҳамма жойида бўлгани каби Ўзбекистонда ҳам бу йўналишда иш олиб бормоқда. Масалан, ўн биринчи беш йилликда республикада 151,2 минг тонна қора металллар прокати, 3 миллиард 359 миллион қиловатт-соат электр энергия, 4 миллион 226,8 минг гигакалория иссиқлик энергияси, 686,7 минг тонна қозонхона-печка ёкилғиси (шартли қилиб ҳисоблаганда) иктисод қилинди.

Лекин республикада хали ҳам талайгина ҳам ашё ва материаллар беҳуда сарфланмоқда, афсуски, маҳсулот бирлигини ишлаб чиқариш учун моддий ресурсларни ортикча сарфлаш, маҳсулотга материал сарфининг ошиб кетиш ҳоллари кўплаб учрайди. Масалан, бутун республика халқ хўжалиги бўйича бир сўмлик ялпи маҳсулотга материал сарфи 1981 йилда 53,2 тийинни ташкил этган бўлса, 1985 йилда — 53,8 тийинни ташкил этди. Ишлаб чиқарилган ялпи ижтимоий маҳсулотнинг бир сўмига моддий харажатларнинг ошганлиги пировард оқибатда ишлаб чиқариш самарадорлиги даражасига салбий таъсир кўрсатди ва республика миллий даромадининг 213,4 миллион сўм камайишига олиб келди.

Бу республикада ана шу масалага эътиборни кучайтириш кераклигини кўрсатади.

Халқ хўжалигининг ҳар бир тармоғида, ҳар бир корхонада, участкада иктисод режимини бузишларга барҳам бериш, моддий ресурслардан оқилона фойдаланиш резервларини излаб топиш ва уларни ҳаракатга келтириш лозим. КПСС МКнинг июнь (1986 йил) Пленумида кўрсатиб ўтилганидек, ресурсларни тежашга ва улардан фойдаланиш даражасига доир топшириқларнинг бажарилиши ҳар бир корхона ва коллектив ишига баҳо беришнинг асосий мезонларидан бири бўлиб қолишига эришиш йўлини тутиш лозим. Партия, касаба союз, хўжалик, ҳуқуқни муҳофаза қилиш органлари, халқ контроли ва, шубҳасиз, меҳнат коллективларининг биргаликдаги куч ғайратлари ана шу топшириқларни бажаришга қаратилиши керак.

Ф. ЕҚУБОВ.

БЎШ ВАКТ ТАДҚИҚОТИНИНГ АСПЕКТЛАРИ

БЎШ ВАКТ ПРОБЛЕМАСИ марксча-ленинча назарияда муҳим ўрин тутати, чунки уни илмий-назарий идрок этиш ва амалий ҳал этиш шахсни ҳар тарафлама камол топтиришнинг зарур шартларидан биридир. Социализмда бўш вақт коммунистик турмуш тарзини шакллантиришнинг муҳим омили бўлиб қолди.

Бу проблема мамлакат социал-иктисодий тараққиётини жадаллаштириш босқичида алоҳида аҳамият касб этмоқда. Бунда энг муҳими шуки, бўш вақт нафақат ишлаб чиқаришнинг сифат кўрсаткичларини яхшилашда, шу билан бирга шахснинг юксак социал фазилатида ҳам ифодаланиши лозим. Бинобарин, ижтимоий ҳаётнинг барча соҳаларида омма ижодий фаолиятини ривожлантирмасдан, улар интеллектуал потенциалини фаоллаштирмасдан партиянинг жадаллаштириш йўлини амалга ошириш мумкин эмас. Бунда бўш вақт роли ғоят катта бўлиб, унинг асосий мазмуни совет кишиларининг қобилиятлари, истеъдодлари ва талантларини жамият манфаатлари йўлида янада тўлароқ очишга қаратилгандир. КПСС МКнинг партия XXVII съездида Сиёсий докладида шундай таъкидланади: «Асосий гап — кишининг турмуш тарзида, хусусан, у ўз бўш вақтидан қанчалик оқилона ва ўринли фойдаланишидадир». Эндиликда нафақат янги инсонни камол топтиришда бўш вақт аҳамиятининг ўсиб бориш тенденцияси, шу билан бирга бу бўш вақтни шахснинг боти-

ний кучларини ишга солиш шартига айлантириш тенденцияси ҳам намоён бўлмоқда.

Совет жамияти турмушининг ижтимоий жараёнлардаги чуқур ўзгаришлар билан характерланидиган ҳозирги босқичи шахснинг социал хислатларини ривожлантиришга бўш вақт таъсирини фалсафий идрок этишни тақозо қилади. Унинг тадқиқоти предмет-структуравий, функционал ва тарихий аспектларни ўз ичига олади.

Предмет-структуравий аспект тўғрисида гапирилар экан, шунинг қайд қилиш зарурки, марксизм бўш вақтнинг икки элементини ажратиб кўрсатади: бир томондан, у дам олиш ва кўнғил очиш (телекўрсатувлар, кинофильмлар кўриш, китоблар, газета-журналлар ўқиш, театрлар, музейлар, концертларда бўлиш ва ҳоказо) йўли билан инсоннинг кучлари, қобилиятларини қайта тиклаш учун шароит, яъни ишдан холи вақт, бошқа томондан — у «янада юксакроқ фаолиятдир» (К. Маркс). Бундай фаолият ижодий, интеллектуал машғулотлар мажмуидан иборат бўлиб, бу машғулотлар жараёнида инсоннинг ботиний кучлари фаол ва тўла миқёсда очилади ҳамда олий даражадаги, яъни ўз-ўзини такомиллаштириш эҳтиёжлари қондирилади. Бундай фаолият доирасида киши пассив дам олиш, кўнғил очиш, кундалик ахборотни шунчаки ўзлаштириш доирасидан ташқари чиқади. Бу фаолиятнинг энг кўп тарқалган формалари қуйидагилардир: ишдан бўш вақтда уюшган ҳолда ўқиш, онгли тарзда ва

муайян максадни кўзлаб ўз билимини ошириш, малака ошириш, ижтимоий иш, касбдан ташқари ижодкорлик (бунда киши маданий кадриятлар истеъмолчисидан уларнинг бунёдкорига айланади), рационализаторлик ва ихтирочилик, болалар тарбияси ва бошқалар.

Бу икки фаолият формасини бир-бирига карама-карши қўйиш мумкин эмас. Уларнинг ҳар бири фақат шахсни, унинг эркин фаолиятини ривожлантиришнинг турли усуллари, боскичлари ва даражалари мавжудлигини кайд қилади. Бўш вақт структурасида бу ҳар иккала компонент бир-бирини тўлдиради ва бойтади. Уларнинг бир-бирига ўтиши индивидни ҳар тарафлама камол топтиришнинг энг самарали формаларини излаб топишга кўмаклашади.

Бунда шунингдек шахсни шакллантиришнинг асосий йўналишлари: шахсни шакллантирадиган индивидиал ва уни муайян социал тип сифатида шакллантирадиган — социал йўналишларни ҳисобга олиш керак. Бу икки йўналиш бир-бирига чамбарчас боғлиқ бўлиб, бир-бирини такозо этади, уларни бу жараённинг нисбатан мустақил тармоқлари сифатида фақат назарий жиҳатдан тасаввур қилиш мумкин. Бундан ташқари, шахснинг шаклланиши инсон ҳаётининг муайян боскичларига мувофиқ келадиган уч даражада кечади: стихияли, суёт бошқариладиган ва социал тартиботлар томонидан суёт назорат қилинадиган; уюшган, онгли тарзда бошқариладиган ва социал тартиботлар томонидан назорат қилинадиган; ўз-ўзини англаш, ўз-ўзини назорат қилиш, мустақил ўқиш ва ўз-ўзини тарбиялаш даражасида. Бу йўналишлар ва даражалар (боскичлар)ни ҳисобга олиш совет кишиси феноменини таърифлаш, унинг хилма-хил хусусиятларини кўрсатиш имкониятини яратади, унда бундай ҳислатларни бўш вақт шароитида шакллантиришимиз лозим бўлади.

1985—1986 йилларда Андижон области кишлокларида яшайдиган 500 кишининг анкета сўрови ўтказилди. Сўровда, жумладан, «Сиз ўз бўш вақтингизни қандай ўтказасиз?» деган савол ҳам бор эди. Жавобларнинг кўпчилиги қуйидагича хулоса чиқаришга асос бўлади: кишлоқ меҳнаткашларининг бўш вақти структурасида «энг юксак фаолият» соҳасидаги ижодий машғулотлар бўш вақтни ўтказишнинг пассив формаларига нисбатан жуда кам ўрин эгаллайди. Масалан, улар учун қуйидагилар ҳозир бўш вақт ўтказишнинг энг кўп тарқалган формаларидир: телекўрсатувларни мунтазам томоша қилиш (96,8 проценти), газета ва журналлар ўқиш (92,9), радиоэшиттиришларни тинглаб бориш (89,9), уйда меҳмон кутиш (76,6), кариндош-уруғ, яқинлар билан мулоқот (74,6), меҳмонга бориш (65,3), улфатлар

билан учрашувлар (64), болалар билан шугулланиш (69,8), физкультура билан шугулланиш (55,6), бадий адабиёт ўқиш (52,6), чойхона, ресторанга бориб туриш (40,2 проценти). Кўриниб турибдики, кишлоқ аҳолисининг бўш вақтларда маънавий манфаатларни кондиритининг ранг-баранг формалари орасида телевизион программаларни томоша қилиш, газета, журналлар ўқиш ва радиоэшиттиришларни тинглаб бориш асосий ўрин тутди.

Ҳар бир кишининг бўш вақтларда маданиятдан баҳра олиш формаларини танлаши кўп жиҳатдан унинг шахсига, ижтимоий етуқлигига, онгига ва бошқа индивидиал хусусиятларига боғлиқ бўлади. Текшириш шуни кўрсатдики, кишлоқда яшовчиларнинг атиги 10 проценти халқ қолғу асбоблари қилиш, хаваскорлик ва илмий-техникавий ижодкорлик, спорт билан шугулланар экан. Эркакларнинг бор-йўғи 53 ва хотин-қизларнинг 49 проценти бадий адабиёт ўқийди. Сўровга жавоб берганларнинг яна 33 проценти ўқишни хоҳлайдию, лекин бунга вақтлари йўқ. «Сиз бўш вақтингизни кўпроқ қаерда ўтказасиз?» деган саволга эркакларнинг 63,9 ва хотин-қизларнинг 74 проценти «уйда» деб жавоб беришган. Эркакларнинг 30,6 ва хотин-қизларнинг 33,3 проценти Маданият уйида, клубда бўлишмайти.

Маънавий ижодкорлик кишидан муайян қобилиятлар, умумий маданият талаб қилади. Ўтказилган текширишнинг кўрсатишича, ўзларининг бўш вақтини ижодкорликка бағишлашни хоҳлайдиганлар ҳозирда шу иш билан шугулланаётганларга қараганда анча кўп. Бу, хусусан, кишлоқдаги маданий муассасалар ўз ишида ҳозирча кишиларнинг эҳтиёжлари ва қизиқишларини яхши ҳисобга олмаётганликларини англатади.

Кишлоқда бўш вақтнинг анчагина қисмини уй шароитида ўтказиш тенденцияси кўзга ташланади. Бинобарин, у кишлоқ меҳнаткашлари учун ишдан холи вақтнинг «хукмирон» тарзи бўлиб, у асосан дам олишнинг пассив формалари билан тўлдирилади. Бўш вақтдан асосан дам олишга, кўнгли очишга, жисмоний қучларни қайта тиклашга бўлган эҳтиёжлар кондириладиган тарзда фойдаланиш уйғун тарзда камол топган шахс вазибаларини тўла ҳал қила олмайди. Фақат юксак ижодий фаолият учун фойдаланиладиган бўш вақтгина социал кадрият, ижтимоий бойлик бўла олади.

Маълумки, бўш вақт структурасини нўлаб чиқаришдан ташқари, оилавий-манший, ижтимоий муносабатлар ташкил этади. Турмуш соҳасида ҳал этилмаган қатор проблемалар борлиги кишлоқ аҳолиси бўш вақтининг социал хусусиятига жиддий таъсир кўрсатади. Турмуш, меҳнат,

инсоний муносабатлар маданияти умуман бўш вақт маданиятига таъсир қилади.

Энди бўш вақт анализининг функционал аспекти тўғрисида. У бўш вақтни кишиларнинг реал ҳаётини фаолиятида ўрганиш, унинг янги инсонни тарбиялашдаги ролини бутун тўлалигича очиб бериш учун имкон беради. Коммунистик типдаги шахсни шакллантирадиган социал омиллар системасида бўш вақт аynи бир пайтда уларнинг ҳаракат қилиш шароити ва нисбатан мустақил ходиса сифатида намоён бўлади. Бўш вақт структурасидан унинг қуйидаги икки функцияси — дам олиш ва кўнгил очиш ҳамда шакллантириш ва ривожлантириш функциялари келиб чиқади. Бўш вақтнинг қолган барча таркибий қисмларини ўзида бирлаштирган ривожлантириш функцияси унинг марказий функцияларидан бири эканлигини тан олган ҳолда шунини айтиш керакки, агар бўш вақт шахс дунёқарашини шакллантириш, унинг индивидуаллигини очиб бериш, инсон ижтимоий-сиёсий активлигини оширишнинг воситаси бўла олсагина бу функция ўзини намоён эта олади.

Предмет-структуравий ва функционал аспектлар билан бир қаторда бўш вақт анализининг тарихий аспектига ҳам мурожаат қилиш керак бўлади. Методологик нуқтаи назардан олганда бу ўринда бўш вақт, иш вақти ва моддий неъматлар ишлаб чиқариш усули каби тушунчаларни бири-биридан ажратмаслик муҳимдир.

Хукмрон ишлаб чиқариш муносабатлари типи бўш вақтдан фойдаланиш характери структурасининг тарихий типларини ажратиш учун асос бўлади. Турли даврларда бўш вақтнинг бир-бирига ўхшаш элементларининг мавжудлиги фақат унинг умуминсоний белгиларини таъкидлайди. Масалан, актив ва пассив дам олишнинг бир хилдаги кўринишлари, айрим кўнгил очишлар, ўйинлар, ўзаро алоқа формалари ва шу кабилар ана шулар жумласидандир. Кишиларнинг моддий ишлаб чиқаришдаги меҳнат фаолияти бўш вақт базиси бўлганлиги сабабли юқоридаги каби белгиларнинг ўхшашлигидан кўра тафовутлари кўпроқ бўлади. Тарихий тараққиёт жараёнида бўш вақт структураси кенгайди ва хилма-хил формалари бойийди.

Бўш вақт мазмунининг бойлиги, биринчи навбатда, кишининг ўз индивидуаллигининг ижодий асосларини фаолиятда ифода қилиш қобилияти билан белгиланади.

Шахс онгининг, аввало унинг «ўзаги»ни ташкил этадиган дунёқараш каби жиҳатининг ривожланганлик даражаси инсон ҳаётининг эркинлик принциплари мазмунига канчалик мувофиқ келишини кўрсатадиган кўрсаткичлардан биридир. Инсон дунёқарашининг ҳаётини фаолияти ривожланишининг бош йўналишини белгилайди ва субъектнинг ўзининг борлигини, тевақулни атрофдаги дунё билан муносабатларининг мураккаб комплексини идрок этишини англатади.

Инсоннинг актив ижодий фаолияти бўш вақтнинг иккинчи ўзига хос хусусиятидир. Шахснинг потенциал имкониятлари ва қобилиятлари фақат унда ва у орқали намоён бўлади. Бунда актив ижодий фаолият нафақат инсонни янада ривожлантириш учун шароит яратади, шу билан бирга уни эришилган нарсани ўзининг янги изланишларга бўлган имкониятлари билан солиштириб кўришга ундайди, уни ўша кишининг ўз онгида шахс сифатида қарор топтиради.

Нихоят, одамда ўз фаолияти учун масъулият ҳиссини тарбиялаш бўш вақтнинг асосий хусусиятидир, бунда нафақат ҳаракатларнинг натижалари, шу билан бирга бу ҳаракатларнинг мақсади, сабаби учун масъулият ҳисси ҳам кўзда тутилади. Шу нарсани ўзлаштириб олган киши, агар унинг фаолияти ижтимоий манфаатлар билан боғлиқ бўлса, унда ҳеч қандай чекланишларсиз фаолият кўрсатаверади.

Бўш вақтнинг санаб ўтилган ўзига хос хусусиятлари ҳар қалай: киши нималарга эга бўлса, эркин бўлади? деган саволга жавоб бўлади. Саволни шу тарзда қўйиш ҳам тўғри бўлади: киши нимага муносабати орқали эркин бўлади? Уларга жавоб бериш — шахсни тарбиялашнинг муҳим шартини, унинг дунёқарашини шакллантириш, индивидуаллигини очиб бериш воситаси ва инсоннинг социал активлигини оширишнинг ҳаракатлантирувчи кучи, аввало ижтимоий бойлик сифатидаги эркинликни ривожлантириш тарзидаги бўш вақтни методологик йўсинда тадқиқ қилиш демакдир.

Социализмдаги бўш вақт моҳиятининг ифодаси сифатидаги эркин фаолият — бу нафақат ижтимоий бурчга, жамият ҳаёти нормаларига ихтиёрий тарзда амал қилишга асосланадиган ҳаракат, шу билан бирга у инсоннинг ўз атрофидаги воқеликка социал муносабати ҳамдир.

М. АБДАЛИМОВА.

МАЊНАВИЙ КАМОПОТ ВА СОЦИАЛ АДОЛАТ

И. ЖАББОРОВ,
фалсафа фанлари доктори

Яқинда мен собиқ студентим, ҳозир кишлоқда ўқитувчилик қилаётган бир танишимдан хат олдим. Хатда у ўз районларида бир гуруҳ қаллоблар устидан бўлган суд ҳақида ёзибди. Қаллобларнинг юлғичлик ва порахўрлик бобида қилган ишлари судда тўлиқ фош бўлибди, суд томонидан ҳар хил муддатга ҳукм қилинибди. Лекин собиқ студентим суд ҳукмидан норози экан. Унинг фикрича, беш йил муддатга қамок жазосини олган сельпо бухгалтери ўн йил, ўн йилга ҳукм қилинган раис эса отилиши керак экан.

Бу хатни ўқиб мен чуқур ўйланиб қолдим. Бир томондан бу унинг партиямиз меҳнатсиз даромад ҳисобига яшаб, давлат мулкани талон-тарож қилувчиларга қарши олиб бораётган кескин курашини жон-дилдан қўллашини кўрсатса, иккинчи томондан, оддий кишиларнинг социал онги, сиёсий етуқлиги нечоғлик ўсиб бораётганидан далолат беради. Зотан, бу ҳол партиямизнинг социал адолат принципини изчил амалга ошириш йўлини халқимиз жуда тўғри тушуниб, сидқидилдан қўллаб-қувватлаётганини кўрсатиб турибди.

Менинг билишимча, меҳнаткаш халқимизнинг тилида юрган дил сўзларини ифодаловчи бундай хатлар фақат менга эмас, жуда кўп давлат идораларига, газета, радио ва телевидение редакцияларига, шунингдек, таниқли олим ва ёзувчиларга ҳам тинимсиз оқиб келмоқда. Бу қувонарли факт яна шундан далолат берадики, кейинги ўн йиллар давомида республикамызда хўжаликни юртишда йўл қўйилган жиддий хатолар, мансабпарастлик, лаганбардорлик, халқ мулкига хиёнат, меҳнатсиз даромад туфайли ховлиқиб кетишлар, ўғирлик ва порахўрлик каби иллатлар жамиятимизни жуда ташвишга солиб келаётган экан. Шу боисдан ҳам пок кишиларнинг ҳар хил ноҳалол шахсларга қарши қаратилган бундай фаоллиги оддий меҳнаткашлар онгида янги даврга ҳос туб бурилиш бошланганидан дарак беради. Умуман ҳаётимизга, ижтимоий фанлар соҳасига, илмга, тилимизга «социал адолат» деган ибора кириб келишининг ўзи даврнинг, ижтимоий ҳаётимизнинг жуда жиддий ютуғи дейиш мумкин.

Мен ўз касбим тақозоси билан студент-ёшлар, ишчи ва колхозчилар, зиёлилар орасида кўп бўламан, лекциялар, суҳбатлар ўтказаман. Бу учрашувларда бугунги ҳаётимиз ҳақида, партия-мизнинг XXVII съезди белгилаб берган янгица сиёсат тўғрисида, турмушимизнинг ҳамма жабҳаларида рўй бераётган ва бурилиш даври деб ном олган бугунги кун ҳақида, пок ва ҳалоллик учун олиб борилаётган кескин кураш тўғрисида фикр алмашувлар бўлади, ҳар хил саволлар тушади. Тўғри, агар мен бу ўринда ҳамма бирдай бугунги кун талабларини тўғри идрок этиб, турмушимизда рўй бераётган катта иқтисодий, сиёсий ва ғоявий ўзгаришларни тўғри қабул қилмоқда десам ҳақиқатга зид гапирган бўлар эдим. Бугунги сиёсатимизни тўғри тушуниб, ҳалоллик учун курашга астойдил бел боғлаган ҳалол кишилар билан бир қаторда ҳаётимизда бошланган бу туб бурилишларни ва унинг ички омилларини ҳали тўғри идрок эта олмай чалкаш фикрлаётганлар ҳам йўқ эмас. Партиямиз Марказий Комитети Бош секретари М. С. Горбачевнинг Ўзоқ Шарқда гапирган нутқларида қайд қилинганидек, «ҳали нима бўлар экан», деб бир чеккада томошабин бўлиб турганлар ҳам, афсуски, бор. Лекин бахтимизга булар кўпчиликини ташкил қилмайди. Биз бугун шунини қомил ишонч билан айтишимиз мумкинки, бутун совет халқи мамлакатимизда бошланган бу муҳим бурилишни сидқидилдан қўллаб-қувватламоқда.

Шу билан бирга ўша мактубда ташвишли бир оҳанг ҳам борки, бу ҳақда ҳам ўйламаслик мумкин эмас. Гап шундаки, хат муаллифига ўхшаб баъзи кишилар турмушимизда ўн йиллар давомида йўл қўйилиб келган хатоларга чек қўйиш, давлат ҳисобига бойлик орттирган порахўрлар

ва юлғичларни тугатишнинг фақат битта йўли бор деб ўйламокда. Бу ҳам бўлса, шафқатсиз жазо йўлидир. Албатта, халк ва давлат мулкига хиёнат қилган нопок кишиларга нисбатан раҳмдиллик қилиш, енгил жазо бериш тўғри бўлмайди. Бу ерда совет қонуни ўз ишини қилмоғи даркор. Лекин шу билан бирга кўп йиллар давомида йўл қўйилган ҳамма хато ва камчиликларни фақат жазо бериш йўли билангина бартараф қилиш мумкин, деган фикрга ҳам қўшилиш қийин. Чунки хўжалик борасида қабул қилинган кўпдан-кўп низоомлар, завод ва фабрика, колхоз ва совхозлар, министрликлар орасидаги ўзаро муносабатларда, айниқса таъминот соҳасида шундай чалкашликлар ҳам мавжуд эдики, бу нарса гоҳо пок кишиларни ҳам нотўғри йўللарга киришга мажбур этарди.

Хозир партиямиз ва давлатимиз мамлакатимиз ривожига катта зарар келтирган бундай мавҳум, ноаниқ қонун-қоидалар, ҳар хил инструкцияларни бекор қилмокда. Уларнинг ўрнига хўжалик соҳасидаги ишларимизни тўғри йўлга солиб турувчи қонунлар қабул қилинмокда, чуқур ўйланган қарорлар кўплаб чиқарилмокда, мустахкам тартиб-интизом ўрнатилмокда. Энг муҳими, бу қонунлар кенг жамоатчилик муҳокамасига қўйилмокда, ҳамма ишимизда «покланиш даври» деб аталган ҳозирги даврнинг энг одил принципи изчиллик билан тикланмокда, ошқоралик ва социал адолат ҳаётимизнинг ҳамма жабҳаларида амалга оширилмокда. Халқ эса бу ошқоралик ва адолатли принципларни катта мамнуният билан қабул қилмокда.

Маълумки, инсон табиат яратган биологик мавжудот бўлибгина қолмай, балки давтаввал меҳнат фаолияти туфайли социал моҳият ва тафаккурни эгаллаган ижтимоий шахсдир. Инсон моҳияти жамият моҳияти билан боғлиқ, шахс камолининг асосий манбаи ҳам жамиятда. Лениннинг таърифича, «жамиятда яшаб, жамиятдан озод бўлиш мумкин эмас». Демак, социалистик тузум шароитида кимки ҳаром йўлга ўтиб, меҳнатсиз даромад ахтариб, жамиятга хиёнат қилса, давтаввал у ўзига хиёнат қилади. Инсоннинг чинакам пок шахс сифатида юзага келишига, социал қиёфасининг шаклланишига, ўзлигини англашига, ижобий мақсадлари ва маънавий дунёсини тушуниб олишига биринчи навбатда социалистик тузумдаги ижтимоий-қийдали меҳнат замин яратган. К. Маркс, меҳнат одамнигина пайдо қилибгина қолмай, балки унинг маънавий дунёсини ҳам шакллантирган, деб қайд қилган. Киши ўз маънавий эҳтиёжларини қондириш жараёнида шахс сифатида шакллана боради, унинг дунёқарашида муайян ҳулқ-атвор, юксак орзулар, билим ва эътиқод пайдо бўлади. Киши том маънода бахтли инсон бўлиши учун чуқур маънавий ахлокий дунёга эга бўлиши зарур. Шунинг учун ҳам партия ҳозирги босқичда ғоявий-тарбиявий иш соҳасида илгари сураётган асосий вазибалардан бири шахснинг маънавий дунёсини бойитиш, уни барча социал ва маиший иллатлардан озод, юксак ахлоқли ва маданиятли қилиб тарбиялашдир.

Доҳиймиз В. И. Ленин қайта-қайта таъкидлаганидек, «юксак ҳис-туйғуларсиз ҳеч маҳал кишиларда ҳақиқат қийдириш бўлмаган, бўлмайди ва бўлиши ҳам мумкин эмас». Ҳақиқатга, адолатга, яхшилиқка интилиш ҳар бир пок инсонга ҳос ҳусусиятдир. Пок қалбга ҳақиқат ва адолат тез ўрнашади, у кишининг гўзаллик оламини бойитади. Шунинг учун халқ ва буюк донишмандларнинг доно фикрлари, эзгулик, одиллик ва ҳаққонийлик инсон қалбига ҳамиша пок туйғулар уйғотади. Антик давр мутафаккирлари гўзаллик фақат эзгуликда, деб бежиз айтишмаган. Буюк испан ёзувчиси Сервантеснинг «Дон-Кихот» номли ажойиб асарида аёл қахрамонларидан бири: «Чиройли бўлиш учун нима зарур», деганда, «Ахлокий поклик» деб жавоб олади. Адолат ва ҳақиқатнинг инсон қамолотига ижобий таъсир қилини алоҳида қайд қилган улўғ аждоҳимиз Беруний ҳам: «Ҳақиқатни билиш учун аввало ўз руҳингни қўпчилик кишиларни йўлдан оздирадиган (ёмон) ҳусусиятлардан, одамни ҳақиқат олдида қўр қилиб қўйвчи сабаблардан, ҳасад, рақобат, хирсага бўйсунуш, ҳокимлик учун қураш ва шу қабилардан тозалаб олишининг лозим», деб насиҳат қилган эди.

Ахлокий қамолот амалий бунёдқорлик фаолиятида, ижодий меҳнатда намоён бўлади. Маънавий ҳаётнинг қин моҳияти ҳам инсоннинг яхши ҳулқи, одиллиги, одоб-иқроми билан белгиланади. Киши одоби ва ақл-иқроқи инсонни социал актив шахс қилиб шакллантиради ва у социалистик тузум шароитида ўз бахтига эришади. Тузумимизнинг энг олий мақсади — инсонни барча турдаги сарқит ва ҳурофотдан озод, ҳар жиҳатдан барқамол, унинг ички ва ташқи дунёсини чинакам гўзал қилиб шакллантиришдан иборатдир.

Маълумки, кишининг амалий фаолияти қарама-қарши бирликдан — лаззат ва қийинчилик, бахт ва мусибат, осойишталик ва жиддий қураш, ҳурсандчилик ва ҳафачилик қабилардан иборатдир. Киши турмуш шароитининг ўзгариши фақат социал муҳит билангина эмас, инсон эркинлиги билан ҳам бевосита боғлиқдир. «Берганига шуқур» қилиб, «олло таолонинг насибаси»ни қутиб ўтирган киши актив ижодқор бўла олмайди, унинг эрки, иродаси чекланган бўлади. Киши турмушининг тараққиёти аслида юксак ғояларга таянган инсон эркинлигининг ўсиши, ҳар хил объектив, субъектив ғояларни енгиб қикиши орқали рўй беради.

Ҳаётда яхши орзу-ниятлар тинч, осуда бахтни англамайди, инсон фақат қураш туфайли

бахтли бўлади. Социал зиддиятни, турмуш қийинчиликларини кўр-кўрона итоат ва тоат-ибодат қилиш, тақдирга тан бериш билан енгиб бўлмайди. Бахт-саодатга яхшилик, адолат, ҳақиқат ва инсон эркинлиги учун курашда эришилади. Киши маънавий қанчалик қашшоқ, эрксиз ва иродасиз бўлса, у нафс балосига берилса, мешчанлик ва хурофий ҳаётнинг барча қийинчиликлари олдида ожизлик қилади.

«Биз тажрибадан шуни биламизки, — деган эди М. С. Горбачев Ижтимоий фанлар кафедралари мудириларнинг Бутуниттифок кенгашида, — инсон ва жамиятдаги маънавий, ахлокий негизлар қашшоқлашиб қолган тақдирда истеъмолчилик кайфиятлари, молпарастилик мукаррар кучаяди, ички дунё қашшоқлашиб боради». Халқда «Орик отга чанг юкар», деган гап бор. Ҳақиқатан ҳам, барча ифлос саркитлар ожиз, иродасиз, бўш-лапашанг, кўрқок, нодон шахсларга ёпишади. Бундай шахслар турмуш қийинчиликларига дуч келганда нопок, енгил-елпи турмуш йўлига ўтади, ғайриилмий тасаввурлар тўрига тезроқ илинади. Демак, инсон бахти учун даставвал актив меҳнат фаолияти, юксак маънавийлик, социал ва шахсий эркинлик зарурдир. Эркин шахс ўзининг жамиятда тутган ўрнини аниқлаб олишга, ўз ақлий кучи, ижодий меҳнати билан турмуш шароитини яхшилашга, дунёвий бахтни ўрнатишга интилади.

Партияимизнинг бу борада олиб бораётган ғоявий-тарбиявий ишлари, социал адолат принципларини ҳаётда тўлароқ қўллаш юзасидан XXVII съездда белгиланган тадбирларни амалга ошириш жуда муҳим аҳамиятга эгадир. Бу ўринда мен кишиларимизнинг социал адолат принципини жуда зўр қувонч билан қабул қилаётганини матбуотда, радио ва телевиденида, айниқса бадний адабиётда пайдо бўлаётган бадний асарлар мисолида кўрсатишни истардим. Менинг кузатишимча, ҳаётимизда рўй бераётган катта ўзгаришлар ҳақида ёзилган ҳар бир жонли асар, ҳар бир ўтқир публицистик мақола уларда илгаригига нисбатан бир неча бор катта қизиқиш уйғотмоқда. Мен сўнгги бир-икки йил давомида пайдо бўлган В. Распутин, Ю. Бондарев, В. Биков, Ч. Айтматовларнинг роман ва кассаларини назарда тутяпман. Жиддий ҳаётий муаммолар кўтарилган, кейинги вақтларда йўл қўйилган хато ва камчиликлар шафқатсиз фош этилган, айни замонда бу нуқсонларга қарши мардона курашган кишилар образи яратилган мазкур асарлар қўлдан-қўлга ўтиб ўқилмоқда, кизгин мунозараларга сабаб бўлмоқда.

Менинг назаримда, ҳозир бизда публицистика жанри анча жонланди. Олимларимиз ва ёзувчиларимизнинг ҳаётимизда йўл қўйилган камчиликлар, адолат тантанаси учун кураш, хусусан экология масалалари, табиатни эъзозлаш муаммоларига бағишланган чиқишлари анча қўпайди, социал салмоғи ошди, улардан бугунги кун нафаси уфуриб турибди. Мен бу ўринда қатор истеъдодли ёзувчиларимиз ва шонрларимиз Абдулла Орипов, Шуқурулло, Пиримқул Кодиров, Рамз Бобожон, Дадахон Нурий, академик М. Муҳаммаджонов каби таниқли олимларимизнинг эхтирос билан ёзилган қатор жиддий мақолаларини кўзда тутяпман. Еки талантили кинорежиссёр Э. Эшмухамедов билан ёш адиб Ж. Исҳоқовнинг «Алвидо, гўр ёшлигим» деган фильмини олайлик. Бугунги ҳаётимиз, ёшларнинг турмушдаги ўрни, хато ва камчиликлари, молпарастиликка берилиб кетиб кингир йўللарга кириб кетишлари ва, ниҳоят, тўғри йўл топишдаги ҳатти-ҳаракатлари томошабинни бефарқ қолдирмайди.

Яқинда мен Ўзбекистон халқ ёзувчиси Одил Екубовнинг «Оқ қушлар, оппоқ қушлар» романини ўқиб чиқдим. Роман 70-йилларнинг охири ва 80-йилларнинг бошларида республикаимизда йўл қўйилган жиддий ҳатолар ва бу ҳатоларга барҳам бериш йўлида мардона курашган кишилар ҳақида. Асарда бошига тушган барча қийинчиликлардан букилмаган, ҳалол, пок, танти қаҳрамонлар образлари яратилган. Мени айниқса оддий деҳқон Шораҳим Шоввоз ва унинг ҳаёт йўлдоши Ойсулов образи чинакамига ҳаяжонга солди. Менинг билишимча, адабиётимизда оддий меҳнат кишиларининг образлари ҳали ҳам кам яратилган. Бу жиҳатдан «Оқ қушлар...» сўнгги йиллардаги яхши бир янгилик, ҳатто ўзбек романчилигида қашфиёт бўлди дейиш мумкин. Мен бу романини ўқиган пайтимда ёзувчимизнинг аввалги «Диёнат» номли асарини эсладим. «Диёнат» ҳақида СССР Ёзувчилар союзининг VIII съездида ҳам жуда яхши фикрлар айтилди. У мамлакатимизда кўп тилларга таржима қилинган, Хитойда ҳатто 700 минг нусхада босилган. Асарда республикаимизда йўл қўйилган ҳатоларга қарши бонг урилгани қайд этилди. Бу жиҳатдан «Оқ қушлар...» романи «Диёнат» романининг давомидек туюлади. Фақат, агар «Диёнат» романи марказида босар-тусарини билмай қолган, ўзини кичик бир хон деб билган катта хўжалик раҳбари образи турса, кейинги романда ана шундай нопок раҳбар томонидан оёқ ости қилинган, лекин ҳаётда поклигини йўқотмаган, ҳамма мусибатларга дош бера олган оддий деҳқон образи яратилди. Албатта, мен бу асарни атрофлича таҳлил қилмоқчи эмасман. Бу олимларимиз ва танқидчиларимизнинг иши. Ҳаётимизда рўй бераётган жиддий ўзгаришлар, социал адолат учун бўлаётган жиддий курашлар, ҳаётимизда чинакам ленинча принципларни тиклаш борасида қилинаётган катта ишлар ва ниҳоят ҳамма нарсани ҳал қилувчи инсон фактори ролининг ошиши муносабати билан бу романи тилга олмоқда-

ман, холос. Чунки асар қаҳрамонлари Шораҳим Шоввоз ҳам, олим Расул Нуриддинов ҳам, собик комбат Белобородов ҳам ана шундай бугунги кун талабини яхши тушунадиган, онгли, фаол кишилардир. Уларнинг Музаффар Фармонов ва унинг ўғли Фотих Музаффаровга қарши мардона кураши турмушимизда бўлаётган бугунги ўзгаришлар, реал ҳаётини курашларнинг бадий инъикосидир. Шуниси диққатга сазоворки, икки дўст «пулларга, қимматбаҳо совға-саломларга учиб, ҳануз ҳақиқат йўлини тўсишга уринадиганлар»ни, нопок йўллар билан мол-дунё орттириб ҳакамлик, бойваччалик қилаётганларни фош қилибгина қолмай, унинг сабабларини тушунишга интиладилар. Профессор дехкон дўстига, ҳозир бойларнинг йўқлигини, улар аллақачон синф сифатида тугатилганини тушунирганида, оддий заҳматкаш шундай жавоб беради: «Синф сифатида тугатилган бўлсаям илдизлари қолган! Тагидан тешиб чиқаяпти. Одамни одам қатори кўрмайдиган бойваччалар бутоклаб кетган ҳозир...» Инсофу адолатни унутган, одамгарчиликни оёқости қилган, виждонини мол-дунёга сотган мулкпарастларни нималар кутишини Фармоновлар образи орқали очиб берган муаллиф социал адолат доимо енгиллигини исботлаб, ўз қаҳрамони тилидан: «Е покланиш даври деган гаплар қулоқларига чалинмадими ҳали? Е манман деган, ўзи хон, кўланкаси майдон бўлиб юрган не-не зўравонларнинг тагига сув кетганидан беҳабармилар...?», — деб сўрайди.

Роман оппоқ қушдай пок, ҳалол кишилар тантанаси билан тугайди. Бу жиҳатдан роман қаҳрамони Иван Харитонович Белобородовнинг сўзларини эслаш зарур. У профессор дўсти Расулнинг «виждонини жигилдонига урган», «шўрлик пахтакорнинг пешона тери билан топган пули ҳисобига орттирган бойлик» тугайли бойиб кетган лўттибозларнинг ўз халқи ва юртига иснод келтирганлигидан қуюнганини сезиб, шундай дейди: «...Бутун умри шу ер, шу ўлкада яшаб келган оддий бир рус зиёлиси сифатида айтиб қўяй сенга: мен ўзбек дехкони олдида ҳамиша бош эгиб келганман, ҳануз бош эгаман! Чунки биламан: пахтакор меҳнатидан оғир меҳнат йўқ дунёда! Шундоқ экан халқ, умри далада кетмон чопиб ўтаётган халқ, кўнгли пок, дили пок меҳнат аҳлининг дахли йўқ бу ишларга. Улар жавоб бермайди инсофу адолатни унутган олғирлар учун! Албатта покланиш учун бошланган бу кураш осон кўчмайди... Ҳали кўп қийинчиликлар турибди олдимизда. Фармоновлар ҳам қараб ётмайди». Сўнгги ўн-ўн беш йилда сохта шон-шараф орттириш ниятида нималар қилмади бу юлғич-мансабпарастлар. Ҳамма ишда волюнтаристик йўл тутиб, ерга, тупроққа, табиатга келтирган зарарлари-чи? Бажарилмаган ишларни бажарилди деб давлатнинг миллион-миллион пулларини қўққа қўлдай совурганлари-чи...» Асар қаҳрамонлари ҳақиқат, адолат, ҳалоллик тантана қилишига қатъий ишонадилар. Бош қаҳрамон Шоввознинг ибораси билан айтганда, ҳар бир инсон, авваламбор ўз кўнгли, ўз виждони олдида пок бўлмоғи лозим. Пок бўлса охири бахайр бўлади.

Социалистик жамиятимиз энг адолатли принципга — ҳалол ва самарали меҳнат билан унга кўпроқ фойда келтириш принципига асосланган. Албатта жамиятимиз ривожда носоғлом ҳодисалар ҳам рўй бериши мумкин. Чунки жамият — бу жонли организм. Модомики янги жамият эски заминдан ўсиб чиқар экан, унга хос бўлган баъзи камчиликлар, хатоликлар янгисига ҳам кўчиб ўтади. Энг муҳими, саркитлар шаклида намоён бўладиган ўша хато ва камчиликларга тўғри баҳо бериш ва ўз вақтида бартараф этишдир. Ана шундагина социал-иктисодий ривожланишни жадаллаштириш учун кенг йўл очилади. Ҳозирги бурилиш даврининг муҳим ҳислати ҳам ана шунда. Ҳаётимизда кейинги йилларда рўй берган жиддий камчиликлар, носоғлом ҳодисаларга аниқ диагноз қўйиб, уларни тўғри даволашга киришилган экан, бу жараёнда ҳеч ким қузатувчи бўлиб қолмаслиги керак. М. С. Горбачев ўзининг Узок Шарқ сафаридаги нутқларида қайд қилганидек, «На ишчи синфи, на дехкон, на техник, на ижодий интеллигенция — ҳеч ким энди эскича яшашни, эскирган ҳолат билан муросада бўлишни, бизнинг тараққиётимизга дов бўлаётган ва бизнинг борлиққа, бизнинг ҳаётимизга, бизнинг социалистик турмушимизга ҳақ тушираётган нарсаларга бефарқ қарашни истамайди. Биз энди сиз билан эскича яшай олмаймиз. Бу аниқ». Бутун амалий фаолиятимизда, тафаккурлаш ва изланишларимизда туб ўзгаришларни амалга оширишга жону-дил билан киришмагунча, ҳар ким ўз соҳасида бир ёкадан бош чиқариб, ҳалол меҳнати билан партиямиз қўйган вазифаларни тўла бажармагунимизча ижтимоий тараққиётга эришолмаймиз. Шуниси қувончлики, Ўзбекистон Компартияси Марказий Комитетининг 1986 йил октябрь ойида бўлиб ўтган III пленуми йўл қўйилган ҳатоларни тезроқ тузатиш ва негатив ҳодисаларни бартараф этиш мақсадида ғоявий-тарбиявий соҳадаги вазифаларни белгилаб берди. Унда жумладан шундай деб таъкидланди: «Идеология аппарати кишиларнинг, айниқса ёшларнинг онгидаги мешчанларча индивидуализм ва худбинликни, жамиятга иستهъмоличлик муносабатига бўлиш, ғаразғўйликни, манфаатпарастликни тугатиш юзасидан ҳужумкорлик билан иш олиб боришлари керак. Партия ташкилотлари коммунистик ахлоқ, ҳалоллик, коллективизм, виждонлилик, андишалilik, соддалик ва камтаринликни пропаганда қилиш ва қарор топтириш, меҳнат аҳлини улуғлаш юзасидан конкрет йўналишларни ишлаб чиқишлари лозим».

КПСС Марказий Комитетининг «Коммунист» журнали тўғрисида» яқинда қабул қилган қарорида ҳам инсон омилининг ролига юсак баҳо берилган. Ҳозирги ҷамият тараққиётини жадаллаштириш даврида инсоннинг социал активлиги нақадар муҳим эканлиги алоҳида таъкидлаб ўтилган. Онглилик ва фаоллиқнинг узвий бирлиги асосида ҳар томонлама барқамол шахсни тарбиялаш — давр талабидир. Чунки инсон, қарорда айтилганидек, ҷамиятдаги барча ресурслардан энг муҳими, унинг қобилияти ва имкониятидан тўла-тўқис фойдаланиш ижтимоий тараққиётнинг қудратли кучи ва олий мақсадидир. Шунинг учун ҳам асосий вазифа инсонда марксча-ленинча дунёқарашни шакллантириш, уни ижтимоий-фойдали меҳнатга, тартиб-интизомли бўлишга, коллективизмга ўргатиш, асл ватанпарвар ва интернационалист қилиб табриядан иборатдир. КПСС МҚнинг партия XXVII съездида Сиёсий докладида айтилганидек, инсон омили ҳозирги ҳал қилувчи ўзгаришларда энг катта роль ўйнайди. Социалистик ҷамиятнинг капиталистик ҷамиятдан фарқи ҳам шундаки, унда ҳар бир инсон ўзини тўла ҳуқуқли хўжайин деб англайди. Инсон омилини ҳар тарафлама активлаштириш — ижодий фаолият учун кенг имкониятлар яратиб бериш демакдир. Аммо ижод ва ташаббускорлик социалистик турмуш тарзининг муҳим сифатларидан бири — масъулият ва тартиб-интизом тушунчалари билан узвий боғлиқдир. Шунинг учун ҳам партиямиз ҳар бир ҷамият аъзосининг социал фаоллигини ошириш борасида катта тадбирларни амалга оширмакда. Ҳалқимиз эса уларни сидқидилдан қўллаб-қувватламакда. Бу турмушимиздаги ҳамма ижобий тенденциялар, туб бурилиш даври сиёсати тантана қилажак, деган сўздир!

Ҷамиятимизда рўй бераётган сифат чинакам революцион ўзгаришлар янгича ўйлаш, ташаббускорлик ва дадилликни, жадал ва ностандарт ҳаракатларни талаб қилади. М. С. Горбачев кўрсатиб ўтганидек, биз «совет кишиси шахсининг маънавий асосларини, унинг актив гражданлик позициясини шакллантириш, унинг хатти-ҳаракатларини белгилаб беришдек асосий вазифани сира ҳам назардан қочирмаслигимиз керак». Бу олижаноб вазифани бажаришда ижодий ходимлар, фан, адабиёт ва санъат арбоблари улкан армиясининг роли жуда каттадир. Биз совет кишиларига, айниқса ёшларга зиддиятларга тўла ҳозирги мураккаб даврда тўғри йўл топишида, аниқ ахлоқий тартиб ва принципга, синфий позиция ва юсак ғояларга эга бўлишида ёрдам беришимиз, эзгу, олий мақсадлар билан яшовчи барқамол шахсни шакллантиришимиз шарт. Шундагина ҷамиятимизнинг яна ҳам зўр ривожига кенг имкониятлар яратилади.

ОСИЁ КОММУНИСТЛАРИ ҚИТЪАДАГИ ТИНЧЛИК ВА ХАВФСИЗЛИК ПРОБЛЕМАЛАРИ ТЎҒРИСИДА

В. ГУЛИН,

тарих фанлари кандидати

ХОЗИРГИ боскичда тараққиёт ва реакция кучлари ўртасидаги курашда Осиёда тинчлик ва хавфсизлик, қитъа халқларида АҚШ ҳамда унинг иттифокчиларининг қуролланиш пойгасини давом эттиришга, миллий мустақилликни барбод қилишга, озодликка эришган халқларни қул қилишга ва талашга, уларни социалистик мамлакатларга қарши уюштиришга қаратилган сиёсатида қаршилиқни кучайтириш проблемалари тобора катта аҳамият касб этмокда.

Осиё қитъасидаги 30 давлатда Ер юзи аҳолисининг ярмидан кўпроғи яшайди. Турли социал-иктисодий системаларга мансуб давлатлар: социалистик ҳамда социалистик ривожланиш йўлини танлаган, капиталистик давлатлар жойлашувининг тарқоқлиги ҳар қаердагидан кўра шу қитъада яққол кўзга ташланади. Совет Иттифоқи Осиёдаги энг йирик социалистик давлатдир. Коммунистик партиялар Осиё халқлари курашининг авангардида бормокда. Қитъанинг носоциалистик қисмида иш олиб бораётган 20 дан кўпроқ компартия сафида 1 миллион 300 минг киши бирлашган. Бутун дунёда бўлгани сингари Осиёдаги коммунистлар ҳам ижтимоий тараққиётнинг барча асосий кучлари сафида фаолият кўрсатмокдалар.

Осиё мамлакатлари компартияларининг аксарият кўпчилиги империалистик зўравонлик ва агрессия сиёсатини синфий, революцион нуқтаи назардан туриб баҳоламокдалар, АҚШ ҳамда унинг иттифокчилари хатти-ҳаракатларини фош қилмокдалар, Совет Иттифокининг тинчлик таклифларини актив қўллаб-қувватламокдалар ва тушунтирмокдалар. Ер қуррасидаги ана шу энг йирик қитъанинг турли районларида тинчлик, хавфсизлик ва қуролсизланишга доир ўзларининг конкрет программаларини ишлаб чиқиб, уларни амалга оширишга халқ оммасини сафарбар қилмокдалар. Коммунистлар Осиёдаги «совет» ва «вьетнам» ҳарбий хавфи ва гўё АҚШ ва унинг иттифокчилари «мудофаа» чораларини кўраётганликлари тўғрисидаги сохта назарияларни фош қилишяпти.

КПСС Марказий Комитетининг XXVII съездга Сиёсий докладида дунёнинг ҳозирги тараққиётида Осиё-Тинч океани регионининг аҳамияти тобора ошиб бораётганлиги уқтириб ўтилди.

КПСС XXVII съезди Яқин ва Ўрта Шарқда, Осиёнинг бошқа қисмларида конфликтли вазиятларни тинч йўл билан ҳал этиш чораларини коллектив бўлиб излашни таклиф қилди. Совет Иттифоқи ўзининг халқаро хавфсизликнинг кенг қамровли системаси тўғрисидаги ва ташқи сиёсатга оид бошқа ташаббусларида Осиёдаги барча мамлакатларнинг ҳам манфаатлари тўла назарда тутилган деб ҳисоблайди. КПСС Марказий Комитетининг Бош секретари М. С. Горбачев 1986 йил 28 июлда Владивостокда сўзлаган нутқида Осиёда хавфсизлик ва ҳамкорлик системасини яратишнинг конкрет программаси билан чиқиб, Хельсинки конференцияси типига океан атрофидаги барча мамлакатлар

ништирокида Тинч океан конференциясини ўтказиш ва Кампучияга, Жануби-Шарқий Осиё, Афғонистон, Корея ярим оролига тегишли масалаларни регионал ҳал этишни таклиф қилди. Айни бир пайтда ХХР, Япония ва Осиё китъасидаги бошқа мамлакатлар билан муносабатларни яхшилашга доир йирик проблемалар қўйилди. «Совет давлати, — деди М. С. Горбачев, — Осиё-Тинч океандаги барча мамлакатларга мурожаат қилиб, тинчлик ва хавфсизлик манфаатлари йўлидаги ҳамкорликка даъват этади. Шу мақсадларга интилаётган, ўз халқларининг яхшироқ келажагига умид боғлаётганларнинг ҳар бири учун биз хайрихоҳ суҳбатдошлар ва халол шериклар бўламиз».

Бирок, умуман ер юзида ҳамда унинг конкрет регионларида тинчлик шароитида яшаш имконияти бўлишига қарамасдан, АҚШ ва бошқа империалистик мамлакатлар Осиё китъасининг турли районларида кескинликни кучайтиришга олиб боровчи ҳаракатларини давом эттирмоқдалар.

Узоқ Шарк ва Жануби-Шарқий Осиё ана шундай районлардан биридир. Совет ҳукуматининг 1986 йил 23 апрелдаги баёнотида шундай деб уқтирилади: «АҚШ ва Япониядаги муайян сиёсий доиралар Осиё-Тинч океани районининг келажагини турли мамлакатларнинг ўзаро курашидан бошқа шаклда тасаввур этмаётганликлари равшан кўриниб турибди. Амалий жиҳатдан шу мақсадда «Тинч океани ҳамжамияти» деб аталган структура ва механизмни барпо этишга уринмоқдалар, бу нарса келгусида бекик регионал гуруҳга, яна бир милитаристик блокка айлантирилиши мумкин. Бу план ташаббускорлари ҳамжамиятнинг потенциал катнашчилари составини ниҳоятда саралаб чиқмоқдалар. Ҳамжамият ҳозирча фақат АҚШ билан ҳарбий ҳамкорликни юксак даражада олиб бораётган, «хавфсизлик шартномалари»га эга бўлган давлатлар ва режимлари (Япония, Жанубий Корея, Таиланд, Филиппин, Австралия, Янги Зеландия) камраб олган. Келажакда АСЕАНга қаршли бошқа мамлакатларни (Жануби-Шарқий Осиё Ассоциацияси давлатлари) — Малайзия, Сингапур, Индонезия, Брунейни ҳам ҳамжамиятга қўшиб олиш режалаштириб қўйилган. Совет ҳукумати воқеаларнинг шундай ривожини тўхтатилмаса, бу Осиё-Тинч океан региониди кескинликни жиддий равишда оширишга олиб келиши мумкин деб ҳисоблайди. «Тинч океани иқтисодий ҳамкорлиги» ғоясига келганда, М. С. Горбачев Владивостокда сўзлаган нуткида таъкидланганидек, «биз бу ғояга ҳолис муносабатда бўлдик, ўз-ўзидан равшанки, бундай ҳамкорлик кимдир тикиштирган блокбозлик, антисоциалистик схемага кўра тасаввур қилинмай, балки ҳеч қандай камситувларсиз эркин мунозара натижаси бўлган тақдирда унинг эҳтимол тўтилган асослари тўғрисидаги фикру мулохазаларга қўшилишига тайёرمىз».

АҚШнинг Узоқ Шарк ва Жануби-Шарқий Осиёдаги ҳарбий-сиёсий активлиги ошганлигини бошқа социалистик мамлакатлар компартиялари ҳам қораламоқдалар. Хитой Компартияси органи бўлган «Жэньминь жибао» газетаси 1986 йил майда Осиё ва Тинч океани региониди АҚШнинг ўз стратегик манфаатлари бор, деб ёзди. Газета 1986 йил баҳорида қисқа вақт ичиди регионда давлат секретари Шульц, муҳофаа министри Уайнбергер, президент Рейган бўлиб кетганлигига эътибор берди, шу визити пайтида Рейган АСЕАН мамлакатлари ташқи ишлар министрлари билан Бали оролида учрашув ва етти етакчи капиталистик мамлакат раҳбарлари билан Токиода кенгаш ўтказди.

МХР коммунистлари Осиёда кескинлик кучайишига қарши фаол кураш олиб боришяпти. Корея коммунистлари Узоқ Шарқда хавфли кескинлик юзага келганлигининг сабабларини дадил очиб ташламоқдалар.

Жануби-Шарқий Осиё мамлакатларининг компартиялари империалистик агрессия ва қарама-қарши туриш сиёсатини қатъий қораламоқдалар. Вьетнам, Лаос, Кампучия коммунистлари АҚШ ҳамда унинг иттифокчиларининг Ҳинди-Хитойдаги революцион мамлакатлар билан АСЕАН мамлакатлари ўртасида тўқнашувлар уюштиришга, ўйлаб топилган «Кампучия проблемаси»ни бўрттириб кўрсатишга, Кампучия халқининг жаллодлари — полпотчиларни шармандаларча қўллаб-қувватлашга қаратилган маккарона хатти-ҳаракатларини қош қилишяпти.

Япония Компартияси Узок Шаркда вазият кескинлашганлигини таъкидлаб, бунда ўз мамлакатларидаги реакцион ва милитаристик кучлар ўйнаётган ролни очиб ташламокда.

Индонезия ва Филиппин коммунистлари региондаги кескинлик сабабларини тушунтириш соҳасида катта иш олиб бормокдалар. Улар Жануби-Шаркий Осиёда кейинги йилларда империализм, энг аввало Америка империализми активлиги анча ошганлигини кўрсатмокдалар, у регионни «АҚШ манфаатлари зонасига айлантиришга интиляпти».

АСЕАН мамлакатларига, биринчи навбатда Америка империализмига сидкидилдан хизмат қилаётган режимларга энг янги куруллар тобора кўп келтирилмокда. 1984 йилдан бошлаб Тинч ва Хинд океанларида сузиб юрган АҚШ 7-флоти ҳарбий кемаларида «Томагавк» канотли ракеталари ўрнатилди. Ҳарбий базалар, аэродромлар, ўртача масофага мўлжалланган ракеталар учун учуриш майдончалари қуриш ва уларни модернизация қилиш ишлари олиб бориляпти.

1986 йилнинг июль ойи охирида АҚШ Филиппин соҳилларида кенг кўламли ҳарбий машқлар ўтказди, унда биринчи марта япон ҳарбий хизматчилари катнашдилар. АҚШ мудофаа министри Уайнбергернинг Калифорнияни Аризонадан эмас, Янги Гвинейдан туриб химоя қилган маъқул деган гап Жануби-Шаркий Осиё жамоатчилигининг қаҳр-ғазабини келтирди.

Жанубий Осиёда ҳаддан ташқари хатарли, урушга сабаб бўлувчи вазият юзага келди. БМТ ҳамда қўшилмаслик ҳаракатининг Хинд океанини тинчлик зонасига айлантириш тўғрисидаги машҳур талабига қарши ўларок Қўшма Штатлар мана 10 йилдирки бу йўналишда амалий тадбирлар ишлаб чиқиш мақсадида БМТ бошчилигида Коломбода конференция ўтказишга ҳар хил найранглар билан қаршилиқ қилиб келяпти. Бунинг устига АҚШ Хинд океанини милитарлаштиришни, Осиёнинг шу қисмидаги мамлакатларнинг ўзига маъқул бўлмаган ҳуқуқматларига қарши қўпоровчилик ишларини давом эттирмокда. Ҳиндистон, Шри Ланка, Бангладеш ва Осиёдаги бошқа давлатлар коммунистлари АҚШ ҳамда унинг региондаги малайларининг бундай сиёсатини кескин танқид қилиб, кескинлик кучаяётганлигига ким айбдор эканлигини ўз халқлари ва жаҳон жамоатчилигига кўрсатмокдалар.

Хиндистон Компартиясининг 1986 йил мартда бўлиб ўтган XIII съезди Хиндистон ва бошқа мустақил давлатларга қарши империализм уюштираётган ошқора ва яширин фитналарни қоралаб чикди. Съезднинг сиёсий резолюциясида АҚШнинг кирдикорлари кучайганлиги уқтирилади. Яширин кураш олиб бораётган Покистон коммунистлари сингари Хиндистон коммунистлари ҳам Хинд океани милитарлаштирилишини, Диего-Гарсия ороли йирик атом базасига айлантилишини ва Хинд океанида АҚШнинг ҳарбий-денгиз машқлари ўтказилиб туришини қораламокдалар.

Революцион Афғонистон билан бирдамликларини изҳор этаётган Покистон коммунистлари АДРга қарши агрессия базасини кенгайтираётган, Афғонистон ҳукуматининг шу мамлакатга тааллуқли муносабатларни нормаллаштириш тўғрисидаги оқилона таклифларини рад этаётган Исломобод режимининг шармандали сиёсатини каттик қораламокдалар.

Эрон коммунистлари вакиллари АҚШни Эрон-Ирок урушини авж олдиришда, Жануби-Ғарбий Осиёда вазиятни кескинлаштиришда айблашади.

Маълумки, Якин Шарк ва Ўрта ер денгизи халқаро кескинликнинг энг хавфли ўчоқларидан биридир. АҚШ, Исроил ва унинг иттифокчилари айби билан бу ерда кескинлик тобора кучаймокда. Региондаги компартиялар бу ҳақиқатни халқ оммасига кенг тушунтириб бермокдалар.

Жабрдийда Ливанда кескинликни саклаб туришда, у ерда гражданлар урушини чикаришда АҚШ империализми ва унинг малайи Исроил қандай роль ўйнаётганлигини Ливан, Сурия ва региондаги бошқа мамлакатларнинг компартиялари далил-исботлар билан очиб ташламокдалар.

Шундай қилиб, Япониядан тортиб то Нил соҳилларигача бўлган бутун Осиё китъасида коммунистлар ўз халқлари ва бутун дунё олдида Осиёдаги кескинликнинг ҳақиқий айбдорларини дадил фош қилмокдалар. Бу билан улар

тинчлик, курулсизланиш учун, империализмга карши курашга кенг халк оммасини сафарбар этишга ёрдам бермоқдалар.

Осиёдаги социалистик давлатлар китъада тинчлик ва хавфсизлик учун кураш авангардида боришяпти. Бу ерда жойлашган қардош социализм мамлакатлари компартиялари КПСС XXVII съездининг ташки сиёсат соҳасидаги программасини, М. С. Горбачев Владивостокда сўзлаган нуткида илгари сурган таклифларни тўлиқ қўллаб-қувватламоқдалар. Улар КПССнинг эскириб қолган сиёсий тафаккур формаларини бартараф қилиш, халқаро практикага ядро асри реалликларига мос тушадиган янги типдаги онгни жорий этиш зарурлиги тўғрисидаги ҳулосаси муҳимлигини таъкидлашяпти. Коммунистлар тинчлик фалсафасини, зиддиятли, лекин ўзаро бир-бирига боғлиқ, қўн жиҳатдан яхлит бу дунёда урушларсиз яшай олишни ёқлаб чиқмоқдалар.

Кейинги йилларда Монголияда Осиё мамлакатлари парламентлари, қасаба союзлари, диний ташкилотлари вакилларининг муҳим халқаро учрашувлари бўлиб ўтди, улар регионда хавфсизлик ва ҳамкорлик учун кураш проблемаларини муҳокама қилдилар. МХИП XIX съезди Осиё мамлакатлари кенг жамоатчилиги иштирокида тинчлик ва ҳамкорлик учун Умумосиё форумини ўтказишни таклиф қилди. Монголия коммунистлари китъада тинчлик ва барқарорликни таъминлаш масалалари юзасидан Осиё мамлакатлари коммунистик ва ишчи партиялари вакилларининг учрашувларини ўтказиш муҳимлигига яна бир бор эътиборни қаратиб, ана шундай учрашувни тайёрлаш ва ўтказишда актив иштирок этиш истагини билдирдилар.

Корея Халқ Демократик Республикаси 1986 йил июнда янги конструктив ташаббуслар билан чиқди. У Корея ярим оролини ядро қуролидан холи зонага айлантиришни таклиф қилиб, бир томонлама тартибда ядро қурулини синаш, ташиб келтириш ва жойлаштиришдан воз кечишни, унинг республика территорияси, ҳаво кенглиги ва территориял сувлари орқали олиб ўтилишини тақиқлашини эълон қилди. КХДР ҳукумати АКШни Жанубий Кореяга ядро қурулини ташиб келтиришни тўхтатишга, у ердаги мавжуд қурулларни босқичма-босқич қисқартириб боришга ва Кореяда ядро қурулини ишлатиш планидан воз кечишга чақирди. Бу таклифларни Совет Иттифоқи ва Осиёдаги бошқа социалистик мамлакатлар қўллаб-қувватладилар.

Жануби-Шарқий Осиёда тинчлик ва хавфсизлик учун курашда Вьетнам, Лаос, Кампучия коммунистлари муҳим роль ўйнашяпти. Бу мамлакатлар коммунистлари тинчлик учун курашни миллий мустақиллик учун кураш билан узвий боғлаб бориб, Жануби-Шарқий Осиёни тинчлик, барқарорлик ва ҳамкорлик зонасига айлантиришни ёқлаб чиқмоқдалар. Гап энг аввало Ҳинди-Хитойдаги ана шу учта мамлакат билан АСЕАН мамлакатлари ўртасидаги келишмовчиликларни музокаралар ёрдамида тартибга солиш тўғрисида борапти.

1985 йилдан бошлаб Вьетнам билан Индонезия ўртасида икки ёқлама музокаралар йўлга қўйилди. Кампучия масаласи музокаралардаги энг муҳим ва энг қийин масалалардан биридир. АСЕАН мамлакатлари Кампучиядан вьетнам қўшинларини олиб чиқиб кетишни талаб қилиб «Кампучиянинг коалицион ҳукумати» деб аталмиш «ҳукумат»ни қўллаб-қувватлашяптики, унга ўз халқиға нисбатан геноцидни амалга оширган полпотчилар ҳам киради. Вьетнам, Лаос, Кампучия полпотчиларга хориждан ҳарбий ёрдам бериб турилишини тўхтатишни ва уларни Кампучия Халқ Республикаси ҳукуматининг оппозиция кучлари билан эҳтимол тутилган музокараларига қўшмаслиқни таклиф қилишмоқда. Шунда масалани сиёсий жиҳатдан йўлга солиш тўғрисида бир битимга келиб, манфаатдор томонлар тобора камайиб бораётган вьетнам қўшинларини олиб чиқиб кетиш масаласи ҳам узил-кесил хал бўларди.

Ҳинди-Хитойдаги мазкур учала мамлакат шу билан бирга Жануби-Шарқий Осиёда тинчлик, барқарорлик, дўстлик ва ҳамкорлик зонасини вужудга келтириш тўғрисида кенгрок планда музокаралар олиб боришни, шу муносабат билан эса региондаги барча давлатлар ва БМТ Хавфсизлик Кенгашининг доимий аъзолари иштирокида халқаро конференция чақиришни таклиф қилишяпти. Бу мамлакатлар коммунистлари ўз давлатларининг ХХР билан

дўстлик муносабатларини қайта тиклаш зарур деб ҳисоблаб, шу масала юзасидан кўплаб таклифлар киритдилар.

Совет Иттифоқи Хинди-Хитойдаги учала мамлакатнинг ташқи сиёсат соҳасидаги ташаббусларини кўллаб-қувватламоқда. М. С. Горбачев Владивостокда сўзлаган нуткида Жануби-Шарқий Осиёнинг бошқа проблемалари каби бунда ҳам кўп нарса Хитой — Вьетнам муносабатларини нормаллаштиришга боғлиқ бўлади. Бизнинг мамлакатимиз ана шу социалистик давлатлар ўртасидаги чегара яна тинчлик ва яхши кўшничилик чегараси бўлиб қолишидан ҳамда ўртоқларча мулоқот қайта тикланишидан, кераксиз шубҳа-ғумон ва ишончсизликка барҳам берилишидан манфаатдорлигини билдирмоқда, деди. «Бутун Осиё... шунга муҳтождир», деб таъкидлади КПСС МК Бош секретари.

Осиёдаги носоциалистик мамлакатлар ижтимоий онгида шундай ўзгаришлар юз бериптики, улар ҳукумат, ҳарбий ва диний доиралардан тортиб меҳнаткашлар кенг оммасигача бўлган турли ижтимоий қучлар курашга тортилаётганлигидан гувоҳлик беради. Японияда урушга қарши ҳаракат кучаймоқда, бу ерда юзлаб шаҳарлар ва обшчиналар ўзларини ядро кулоли бўлмаган зоналар деб эълон қилдилар, 17 миллиондан кўпроқ япониялик ядро уруши олдини олиш ва ядро кулолини тугатиш учун «Хиросима ва Нагасаки даъвати»га имзо чекдилар.

Япон халқининг ядро урушига қарши курашида компартия муҳим ўрин эгаллайди. Унинг ташаббуси билан 1985 йил ёзида Токиода ядро урушининг олдини олиш ва ядро кулолини тугатиш масалалари юзасидан халқаро симпозиум бўлиб ўтди, унда 30 га яқин коммунистик, ишчи, революцион-демократик ва социалистик партиялар вакиллари иштирок этдилар. Симпозиум дунёни ҳалокат ёқасига олиб келиб қўйган АҚШ ва бошқа империалистик қучлар сиёсатини қоралади, халқ оммасини ядро кулолидан воз кечиш, космосни ҳарбийлаштиришнинг олдини олиш учун курашга сафарбар этиш соҳасидаги қимматли тажриба билан ўртоқлашди. Япония Компартияси МК президиумининг раиси Т. Фува 1986 йил августида М. С. Горбачев билан бўлган учрашувида таъкидлаганидек, «ЯҚП ўз мамлақати еридаги Америка ядро базаларини тугатишни ёқлаб чиқмоқда, префектуралар, шаҳарлар ва аҳоли пунктларини ядро кулолидан холи территориялар деб эълон қилинишига қаратилган умумхалқ ҳаракатини авж олдирмоқда, Япония эълон қилган «учта ноядровий принцип»га (ядро кулолини ишлаб чиқармаслик, унга эга бўлмаслик, уни ташиб келтирмаслик) қатъий риоя қилиниши учун, ўз мамлақати конституциясининг тинчликсевар қоидаларини ёқлаш учун қатъий кураш олиб борапти».

Жанубий Кореяда ядро кулолига, Америка сиёсатига қарши қайфиятлар кучаймоқда, ярим орол жанубидан Пентагоннинг ядро кулолига эга бўлган оккупациячи корпусини олиб қикиб кетиш талаби зўраймоқда. Бу кураш шунингдек Чон Ду Хвanning америкача режимига қарши, гражданларнинг кенг ҳуқуқлари учун курашни ҳам ўз ичига олади.

АСЕАН мамлакатларида урушга, ядро кулолига қарши ҳаракат вужудга келди ва муваффақиятли ривожланмоқда. Бу ҳаракат мазкур мамлакатлар ҳукуматларининг АҚШ ва Япония билан бўлган музокараларда ўз позицияларини белгилашларига ўз ҳиссасини қўшди. АҚШ президентининг АСЕАН давлатлари вакиллари билан Индонезияга қарашли Бали оролида бўлиб ўтган учрашуви пайтида улар америка-япон рецептларига мувофиқ «Тинч океан ҳамжамияти»ни тузиш ғоясини янги мустамлакачилик экспансиясини қучайтириш воситаси сифатида баҳолаб, унга салбий муносабат билдирдилар. Бу мамлакатлар жамоатчилиги АҚШ «ҳамжамият» никоби остида Америка-Япония уюшмаси негизида Осиё-Тинч океани региониди НАТОга ўхшаш система тузиш иштиёқида деган фикрни билдирмоқда.

Филиппинда АҚШнинг ядро кулоли ортиб олган самолётлар ва кемаларни қабул қиладиган АҚШ ҳарбий базаларига қарши ҳаракат авж олди. Филиппин коммунистлари бу ҳаракатни мамлакатдаги урушга қарши ҳаракатнинг асосий формаси деб ҳисоблаб, уни миллий озодлик ва социал-иктисодий тараққиёт учун кураш билан боғламоқдалар. 1982 йилдаёқ бу ерда базаларга қарши кенг

иттифок тузилди, 1983 йил июлида компартия иштирокида тинчлик ва ҳамкорлик Филиппин Совети ташкил этилди, кейинги йилларда бу Совет Осиёни ядро куролидан холи зонага айлантириш учун кураш йўллари ишлаб чиқиш юзасидан бир қатор миллий ва ҳамда халқаро конференциялар ва симпозиумлар ўтказди.

Жанубий Осиёда, Ўрта ва Яқин Шарқда урушга қарши ҳаракат анча активлашди. Бунда қўшилмаслик ва тинчлик йўлидан бораётган, халқларнинг миллий озодлик учун, империализм, иркчилик ва мустамлакачиликка қарши курашини қўллаб-қувватлаб келаётган Ҳиндистон алоҳида роль ўйнамоқда. Ҳиндистон ҳукуматининг бундай позицияси халқ оммасининг ва кенг сиёсий кучларнинг урушга қарши ҳаракатда иштирок этишига ёрдам берапти. Масалан, 1986 йил июлда Бангалорда Осиёда тинчлик ва ҳавфсизлик проблемаларига бағишланган икки кунлик халқаро конференция бўлиб ўтди. Унда Ҳиндистон жамоатчилигининг вакиллари ҳамда 30 мамлакат ва миллий-озодлик ҳаракатларининг вакиллари қатнашдилар. Конференция ҳужжатларида тинчлик учун кураш империализмнинг янги глобализм сиёсатига қарши кураш, Ҳинд океанини тинчлик зонасига айлантириш, Тинч океани ҳавзасини ядро куролидан халос қилиш учун олиб борилаётган кураш билан мустаҳкам боғлиқлиги кўрсатилган. Курулсизланиш учун кураш вазифаси озодликка чиққан мамлакатларнинг социал-иқтисодий жиҳатдан муваффақиятли ривожланишининг энг муҳим шарт-шароити сифатида аниқ белгилаб берилди. Ҳиндистондаги урушга қарши ҳаракатнинг муҳим характерли жиҳати шундаки, бу ҳаракат мамлакатни парчалаб юборишга ва унинг ташқи сиёсат йўлини ўзгартиришга қаратилган сепаратчиликка, террорчиликка ва империалистик аралашувларга қарши қатъий кураш олиб бормоқда.

Бу курашга коммунистлар катта ҳисса қўшиб келишяпти. Улар халқ оммасини курулланиш пойгасига қарши, мамлакат ҳавфсизлигини ёқлаб оёққа турғизиш юзасидан кўплаб кампаниялар ўтказдилар, уларда юз минглаб кишилар иштирок этишди. Ҳиндистон Компартиясининг XIII съезди бу ҳаракатни янги юксакликка кўтариш, кенгайтириш ва ривожлантириш вазифасини илгари сурди. Ҳаракатда Ҳиндистоннинг бошқа оммавий Компартияси (марксистик) ҳам актив қатнашмоқда. Ҳар иккала компартия бу йўналишдаги ишларини мувофиқлаштиришга интиломоқдалар.

М. С. Горбачевнинг 1986 йил ноябрда Ҳиндистонга қилган визити пайтида КПСС ва Совет давлатининг Осиё ҳамда Ҳинд ва Тинч океанлари акваториясида ҳавфсизлик ҳамда ишонч чораларига доир концепцияси конкретлаштирилди ва янада ривожлантирилди. КПСС МК Бош секретари Ҳиндистон парламентида сўзлаган нуткида мазкур концепциянинг кенг планини баён қилдики, унинг мазмуни қуйидагидан иборат: Совет Иттифоқи АҚШ ҳамда соҳилда жойлашган ва Ҳинд океанида доимий асосдаги ҳарбий кемаларига эга бўлган давлатлар билан бу ердаги ҳарбий-денгиз кучлари сонини ва фаолиятини сезиларли даражада камайтириш тўғрисида музокараларни исталган вақтда бошлашга, пиёда, ҳарбий-ҳаво ва ҳарбий-денгиз кучларини у ердан бу ерга кўчириш ҳамда уларнинг машқларини ўтказиш масаласи юзасидан келишиб олишга, Ҳинд океани устидаги ҳаво коммуникациялари ҳавфсизлигига доир битим ишлаб чиқиш тўғрисида келишиб олишга Совет Иттифоқи ҳар доим тайёр, СССР шунингдек денгиз ва ҳаво коммуникацияларида терроризмга қарши курашга доир конвенция ишлаб чиқилишида иштирок этиш ва унинг қатнашчиси бўлишга ҳам тайёрдир. Совет Иттифоқи ана шу тилга олинган проблемалар юзасидан бошқа ҳар қандай мамлакатнинг таклифларини муҳокама қилишга интилаётганлигини изҳор этди.

М. С. Горбачев Ҳиндистонга визити пайтида бир қатор регионал конфликтлар ва кескинлик ўчоқлари хусусида ҳам СССРнинг позициясини баён қилди. Хусусан, Афғонистон, Кампучияга тегишли масалалар ва бошқа кескин проблемалар сиёсий жиҳатдан йўлга солинишига умид боғлади.

М. С. Горбачев ва Р. Ганди имзо чеккан «Ядро куролидан холи ва зўравонликдан халос дунёнинг принциплари тўғрисида Дехли декларацияси» тинчлик, ҳавфсизлик ва курулсизланиш учун курашга Осиё халқларини

сафарбар этишда катта роль ўйнайди. Унинг қоидаларини амалда китъадаги барча сиёсий кучлар қизғин муҳокама қилмоқдалар. Бинобарин, уларнинг кўпчилиги «ядро қуролидан холи ва зўравонликдан халос дунёни барпо этиш одамларнинг онгини революцион қайта қуришни, халқларни тинчлик, ўзаро ҳурмат ва мурося руҳида тарбиялашни талаб қилишини» эътироф этмоқдалар.

КПСС Марказий Комитети Бош секретари М. С. Горбачевнинг визитини Хиндистон коммунистлари қизғин олқишлаб, мамлакатнинг бошка ижтимоий-сиёсий кучлари билан биргаликда визит учун дўстона вазият вужудга келтиришга ҳисса қўшдилар. М. С. Горбачев Хиндистоннинг ҳар иккала оммавий Компартияси раҳбарлари билан учрашув ўтказди. Хиндистон Компартияси Миллий советининг Бош секретари Р. Рао ва Хиндистон Компартияси (марксистик) Марказий Комитетининг Бош секретари Е. Намбудирипат билан бўлган суҳбатларда Осиё ва бутун дунёда тинчликни сақлаш учун СССР билан Хиндистон ўртасидаги дўстлик ва ҳамкорлик муносабатларининг алоҳида аҳамияти тўғрисида гапирилди. Хиндистон коммунистлари мамлакатда визит якунларини, СССР билан дўстликни пропаганда қилиш, халқаро кескинликнинг ҳақиқий айбдорлари бўлган АҚШ империализми ва унинг иттифокчиларини фош этиш юзасидан катта ишларни бошлаб юбордилар.

Покистонда урушга қарши ва антиимпериалистик ҳаракат, шунингдек америкача ҳарбий режимга қарши чиқишлар кучайиб бормоқда. Фақат 1986 йил июль ойининг ўртасида норозилик митинглари ва намойишларида 20 миллион киши иштирок этди. Августда яна ҳам кучлироқ намойишлар, полиция билан тўқнашувлар бўлиб ўтди. Покистон Компартияси вакили КПСС XXVII съездида айтиб ўтганидек, «мамлакатимиздаги барча прогрессив, демократик ҳамда ватанпарвар кучлар империализм билан ҳамкорлик қилиш сиёсатиға барҳам беришни... Афғонистоннинг революцион ҳукумати билан бевосята музокаралар олиб боришни ва шу мамлакатга қарши эълон қилинмаган урушни тўхтатишни қатъий талаб қилмоқдалар». Чекланган совет қўшинлари контингентидан 6 та полк Афғонистондан олиб чиқиб кетилганидан кейин бундай талаблар янада кучайди.

Афғонистон Халқ Демократик партияси МК Бош секретари Нажибнинг 1986 йил декабрда Совет Иттифокига қилган визити пайтида СССР билан АДР Афғонистонга тегишли масалаларнинг бу мамлакат ишларига ташқаридан қуролли аралашув тўлиқ тўхталиши ва қайта тикланмаслиги гарантияланиши асосида сиёсий изга солинишиға эришишға бутун чоралар билан ёрдам беришға тайёр эканликлари таъкидланди.

Шри Ланка, Бангладеш ва Непал коммунистлари ҳам урушга қарши ҳаракатни ривожлантириш соҳасида катта иш олиб бормоқдалар, антиимпериалистик шиорларни илгари сурмоқдалар ва пропаганда қилмоқдалар. «Биз Америка ҳарбий базаларини тугатишни, Хинд океанидан тез ҳаракат кучлари ва денгиз қўшинлари олиб кетилишини талаб қилмоқдамиз, — деди Шри Ланка Компартияси МК Бош секретари К. П. Сильва. — АҚШнинг қўллаб-қувватлаши ва йўл қўйиб бериш натижасида Афғонистон ва Кампучияға қарши олиб борилаётган эълон қилинмаган урушларни тўхтатишни талаб қилмоқдамиз».

Яқин Шарқ мамлакатларида урушға қарши ва антиимпериалистик ҳаракат анча юксалди, Ливан компартияси раҳбарларининг фикриға кўра, бу ерда «бир томондан, араб миллий озодлик ҳаракати, иккинчи томондан, империализм, сионизм ва реакция ўртасидаги кураш ўз чўққисига чикди».

Коммунистлар регионда тинчлик ва хавфсизлик учун энг собиткадам курашчилар бўлиб қикмоқдалар. 1985 йил июлидаёқ араб мамлакатлари компартиялари ўз кенгашларида бу кураш вазибаларини муҳокама қилдилар, шу вазибалар моҳияти «Араб халқларининг эркин ва тинч ҳаётға бўлган ўз ҳуқуқларини ҳимоя қилиши — бутун дунёда ялпи тинчлик учун умумий курашнинг ажралмас қисмидир» деган тезисда ўз ифодасини топган. 1986 йил апрелда Ливияға қилинган ҳужумға қарши норозиликлар авжига чиккан бир пайтда араб мамлакатлари компартиялари ўз халқларига маҳсуе баёноот билан мурожаат қилдилар, бу баёнотда давлат террорчилигига асосланган Америка-Исроил сиёсати фош қилиниши билан бирға региондаги барча миллий-

ватанпарварлик ва тараккийпарвар кучлар катъий равишда агрессияга қарши туришга, Ливия, Сурия ва Фаластин халқларини қўллаб-қувватлашга даъват этилади.

СССРнинг тинчлик ташаббуслари, КПСС XXVII съезди илгари сурган халқаро хавфсизликнинг кенг камровли системасини яратиш программаси, М. С. Горбачев 1986 йил 28 июлда Владивостокда сўзлаган нутқида баён этилган конструктив таклифлар Осиёдаги носоциалистик мамлакатларда ривожланиб бораётган урушга қарши ҳаракатда тобора кўпроқ қўллаб-қувватланмоқда. Компартиялар ўз баёнотларида ана шу ташаббуслардан кейин омма билан алоқалар осонроқ ва самарали бўлиб қолганлигини таъкидламоқдалар.

Осиёдаги носоциалистик мамлакатлар коммунистларининг бошқа ижтимоий-сиёсий кучлар билан биргаликдаги тинчликни сақлаб қолишга қаратилган фаолияти қўшилмаслик ҳаракати аъзолари бўлган Осиё мамлакатлари ҳукуматларининг сиёсатини белгилашга таъсир кўрсатяпти, бу мамлакатлар Ердаги ҳамда космосдаги қуролиниш пойғасини қораламоқдалар, ядро қуроли синовларини тезроқ тўхтатишни ёқлаб чиқмоқдалар. Бу позиция қўшилмаслик ҳаракатининг 1983 йил Дехлида бўлиб ўтган VII конференциясида, 1986 йил сентябрда Харарда бўлиб ўтган VIII конференциясида аниқ-равшан белгилаб берилди.

* * *

Осиёдаги носоциалистик мамлакатлар коммунистлари ўз мамлакатларидаги урушга қарши ҳаракат даражасига оқилона баҳо беришяпти. Бу даража турличадир. Бирок Осиёдаги кўпчилик мамлакатларда АҚШ ва унинг иттифокчиларининг милитаристик активлигига ғов бўла оладиган урушга қарши бундай оммавий ҳаракат мавжуд эмас. Урушга қарши ҳаракат етарли даражада ривожланмаганлигига ҳар мамлакатда ўзига хос сабаблар бор. Лекин ўхшаш сабаблар ҳам бор. Омманинг ҳар қандай мураккаб ҳаракатидан, жумладан урушга қарши ҳаракатдан кўрқадиган ҳукмрон режимларнинг аксарияти репрессив характерда эканлигини компартиялар ана шундай сабаблар жумласига киритадилар. Бу режимлар ва уларни қўллаб-қувватловчи ҳукмрон синфлар социалистик мамлакатларга нисбатан ишончсизлик туйғусини сингдирадилар, гўё Совет Иттифокидан чиқаётган «хавф» тўғрисида бўхтон таркатадилар.

Глобал ядро конфликти юз берган ҳолда Осиё мамлакатлари «кутулиб қолиши», бетарафликка риоя қилиб, омон қолиши мумкин деган хомхаёл жуда яшовчан чиқиб қолди. АҚШ билан СССР тўқнашуви осиеликларга наф келтиради, чунки буюк давлатлар заифлашиб, Осиё халқлари ҳамма нарсага эга бўладилар, деган фикрлар ҳам учраб қолади.

Осиё мамлакатларида кўплаб диний-жамоатчилик, этник, территориал ва бошқа конфликтлар бўлиб турадики, улар бу мамлакатлар жамоатчилиги диққат-эътиборини доимий ўзига тортади. Бундан ташқари, шу ердаги аҳолининг ахборот ва билим олиш даражаси ҳам паст. Бу ва бошқа сабаблар жаҳондаги кескинликка империализм ҳам, социализм ҳам, ҳар иккала буюк давлат айбдор деган анча кенг тарқалган янглиш фикрларни келтириб чиқаради.

Осиё коммунистлари урушга қарши ҳаракат ожизлигининг бу факторларини енгилари учун инсониятга таҳдид солаётган ўлим хавфини меҳнаткашларнинг жуда кенг оммаси онига собитқадамлик билан сингдира бориш, ҳарбий хавф манбаини кўрсатиб, унга қарши курашнинг реал йўллари кўрсатиб бериш зарур деб ҳисоблайдилар.

Тошкент областининг Пскент районидаги Свердлов номли колхозда яшовчи журналхон В. Назиркулов Совет-Ҳиндистон муносабатлари ҳақида сўзлаб беришимизни сўраган.

СССР—ҲИНДИСТОН: ДЎСТЛИК ВА ҲАМКОРЛИК

Ҳиндистон республикаси экономика ва маданиятни ривожлантиришда шубҳасиз катта ютуқларга эришди. Мамлакат мустақил деб эълон қилингандан кейин (1947 йил) ялпи миллий маҳсулот 3,5 баравардан зиёд кўпайди. Ишлаб чиқарилаётган саноат маҳсулоти ҳажмига кўра Ҳиндистон жаҳоннинг етакчи мамлакатлари жумласига киради. Давлат секторининг мавқеи мустаҳкамланиб бормоқда ва қора ҳамда рангли металлургия, энергетика, оғир машинасозлик, кемасозлик, кўмир, нефть ва нефтни қайта ишлаш каби тармоқларда у энг муҳим мавқеларни эгаллаб турибди. Саноат ишлаб чиқаришининг салкам 40 проценти ва мамлакат ялпи миллий даромадининг 20 процентдан кўпроғи шу сектор ҳиссасига тўғри келади.

Совет Иттифоқи билан иқтисодий ҳамкорлик бир қатор афзалликларга эга. Мамлакатимиз Ҳиндистоннинг индустриялашга, давлат секторида замонавий саноатни вужудга келтиришга интилишини қўллаб-қувватламоқда, миллий кадрлар тайёрлашда ёрдамлашмоқда. Совет Иттифокидан товарлар ва кредитлар олиш бунинг учун ҳеч қандай алоҳида ҳуқуқ ва имтиёзлар бериш зарурияти билан боғлиқ эмас.

Совет давлати билан Ҳиндистон республикаси ўртасидаги савдо алоқалари улар иқтисодий муносабатларининг энг умумлаштирувчи кўрсаткичидир. Кейинги ўн йилнинг ўзида улар ўртасида товар обороти бир неча баравар ўсди ва 3 миллиард сўмдан ошиб кетди. СССР қуйидаги хинд молларининг асосий харидоридир: чой, қахва, тамаки, ошланган тери, ип-газламалар, қалампир, слюда, пойабзал, жун буюмлар.

Ҳиндистонда мамлакатни индустриялаш борасида 1955 йилдан бери амалга оширилаётган кенг кўламадаги тадбирлар СССР билан иқтисодий муносабатларда ҳамкорлиқнинг саноат корхоналари ва бошқа объектлар қурилишида техникавий ёрдам кўрсатиш каби формасидан фойдаланиши

учун қулай шарт-шароитлар яратди. Бхилан ва Бокародаги металлургия заводлари, Хардвардаги оғир электр ускуналари заводи ва Ранчадаги оғир машинасозлик заводи, Обра, Корба, Нейвели, Бхакрадаги электростанциялар, Барауни, Койяли, Матхур, Мадрасдаги нефтни қайта ишлаш корхоналари, Ришикешдаги антибиотиклар ва Ҳайдарободдаги химиявий-фармацевтика препаратлари фабрикалари, Анклешвардаги нефть конлари — булар Ҳиндистонда Совет Иттифоқи ёрдамида қурилган ва қурилаётган объектлар рўйхатининг бир қисмигинадир. Ҳозирги вақтда мамлакатда ишлаб чиқарилаётган пўлатнинг 34 проценти, прокатнинг 36,4 проценти, нефтнинг 77 проценти, нефть маҳсулотларининг 30 проценти, электр энергиянинг 20 проценти, металлургия, кон-шахта ва бошқа оғир ускуналарнинг 80 проценти шу объектлар ҳиссасига тўғри келади. Агар Ҳиндистон мустақилликка эришмасдан аввал унинг металлургия корхоналари йилига 1,5 миллион тонна пўлат ишлаб чиқарган бўлса, ҳозирги вақтда биргина Бхилан металлургия заводининг ўзи 2 миллион тоннадан кўпроқ пўлат эритмоқда. Унинг маҳсулоти жаҳоннинг 40 дан ортиқ мамлакатига экспорт қилинади. Ҳозирги вақтда завод қувватини йилига 4 миллион тоннага, истикболда эса 7 миллион тоннагача етказиш учун база яратилмоқда.

Индустриялаш нафақат иқтисодий, балки социал проблемаларни ҳам ҳал этмоқда. Объектларни қуриш ва улардан фойдаланиш даврида жойларнинг ўзида, олий ўқув юртларида қўллаб-мутахассислар тайёрланмоқда. Умуман совет-хинд ҳамкорлиги йилларида 120 мингдан ортиқ мутахассислар, техниклар ва малакали ишчилар тайёрланди. Бизнинг мамлакатимиз ёрдамида қурилган корхоналар ўн минглаб кишиларни иш билан таъминламоқда.

Ҳиндистоннинг СССР билан алоқаларида

кредит муносабатлари муҳим ўрин тутадди. Совет кредитлари жуда паст процентли ставкалар (йилига 2,5 процент) асосида бериллади. Капиталистик мамлакатлар ва халқаро молия ҳамда кредит ташкилотлари кредитларининг акси ўларок (уларнинг кредитларига битим тузилиши биланок процент ставкаси қўшиб ҳисоблана бошлайди) совет кредитларининг тегишли қисми Хиндистон томонидан ишга солинганидан кейингина бу кредитларга процентлар қўшилади.

Совет-Хиндистон дўстона муносабатларини мустаҳкамлашга Ўзбекистон катта ҳисса қўшмоқда. Республиканинг деярли барча йирик корхоналари Хиндистонга ўз махсулотини: компрессорлар, химиявий аппаратлар, тўқимачилик ва пахта териш машиналари, тракторлар, радиолампарлар, ярим ўтказгич приборлар, самолётлар ва трубомашиналар учун эҳтиёт қисмлар, бактериал ва вирусли препаратлар ҳамда кўпгина бошқа махсулотлар юборадилар.

Хиндистоннинг уч штати — Тамилнаду, Мадхья Прадеш ва Уттар Прадешда электростанциялар қурилишига Ўзбекистон техникавий ёрдам кўрсатди. Бхилаи металлургия заводини ускуналашда 400 дан ортиқ совет заводлари, шу жумладан Ўзбекистоннинг 28 корхонаси қатнашди, булар Бхилаига 500 минг тоннадан зиёд турли ускуналар юбордилар. Ранчадаги оғир машинасозлик, Дургапурдаги коншахта ускуналари заводларини қуриш ва ишга туширишда қатнашган совет мутахассислари орасида республикамиз вакиллари ҳам бор эди.

70-йилларнинг иккинчи ярмида СССР билан Хиндистон ўртасида Хиндистон қишлоқ хўжалиги учун совет машиналари ва ускуналарини етказиб беришни кўпайтириш тўғрисида бир қатор битимлар имзоланди. Ўзбекистон Хиндистондаги замонавий давлат фермалари қурилишида қатнашмоқда, улар учун тракторлар, комбайнлар, пахта териш машиналари, запас қисмлар етказиб бермоқда.

Хиндистонда Совет мамлакатининг вакиллари барпо этаётган барча корхона ва объектлар одатда қурувчи, металлург, нефтчи, монтажчи, қишлоқ хўжалик механизаторлари миллий кадрлари тайёрлайдиган мактабларга айланади. Ўзбекистондан борган мутахассислар саноат корхоналарини лойиҳалаш ва қуришнинг ҳамма босқичларида ҳинд ҳамкасабалари билан мустаҳкам ҳамжиҳатликда ишлаб, ўз ишлаб чиқариш-техника тажрибаларини улар билан баҳам кўрадилар.

Хиндистондан келган кўплаб мутахассислар ва ишчилар Ўзбекистон олий ўқув юр்தлари, заводлари, корхоналари, лабораторияларида тайёргарлик ва ишлаб чиқариш практикасини ўтайдилар.

Республика дехқонлари ва чорвадорлари тажрибасини ўрганиш учун Ўзбекистонга Хиндистон олимлари келиб турадилар. Тошкентдаги ирригация ва қишлоқ хўжалигини механизациялаш инженерлари институтининг ўқув хўжалигида сизот сувлар юза жойлашган тупроқли даладарда маккажўхори экинини суғоришнинг оптимал режимлари ва техникаси биргаликда аниқлаб чиқилди, бу Хиндистон, шу жумладан Бихар штатидаги айни шундай тупроқли маккажўхоризор даладар унумдорлигини ошириш имконини берди.

Хиндистон экономикаси ва фанини ривожлантиришга Ўзбекистон геологлари ҳам салмоқли ҳисса қўшдилар. Хиндистоннинг баъзи районларида металл мавжудлиги биринчи марта Тошкентда, Ўзбекистон Фанлар академиясининг Геология институтида прогноз қилинди. Бу иш муаллифи академик И. Х. Ҳамробоевдир. Унинг қалайи конлари бўлиши мумкин экани тўғрисида айтган тахминлари ҳозирда тасдиқланди.

Ривожланиб бораётган Совет-Хиндистон иқтисодий алоқалари социалистик ҳамдўстлик билан озодликка эришган мамлакатлар ўртасидаги муносабатларда тенг ҳуқуқлилик, бир-бирини ўзаро ҳурматлаш ва ўзаро манфаатдорлик принциплари амалда рўёбга чиқарилаётганлигининг ёрқин мисолидир.

КПСС МК Бош секретари М. С. Горбачевнинг Хиндистонга расмий дўстона визити жаҳон жамоатчилигида кенг ақс-сано туғдирди. Совет ва Хиндистон раҳбарларининг музокаралари ва учрашувларида икки томонлама муносабатларга, шунингдек жаҳоншумул проблемаларга тааллуқли катта доирадаги масалалар тилга олинди. Бу учрашувлар ошқоралик ва ўзаро ҳамфикрлик вазиятида ўтди. Дехлида қилинган ишларнинг натижалари имзоланган ҳужжатларда ўз аксини топи, бу ҳужжатларда Совет-Хиндистон алоқаларини кенгайтиришнинг жуда катта потенциал мўжассамдир. 1986—1990 йилларга мўлжалланган, товар айирбошлашнинг юксак суръатларини сақлаб қолиш ва формалари ҳамда структурасини такомиллаштиришни кўзда тутувчи узок муддатли савдо битимининг амалга оширилиши ўзаро фойдали савдо-сотикни янада ўстириш ва такомиллаштиришга ёрдам беради. Совет-Хиндистон илмий-техникавий ҳамкорлиги, маданият, соғлиқни сақлаш, маориф, оммавий ахборот воситалари, спорт соҳасида ҳамкорлик қилиш тобора катта аҳамият касб этмоқда. 1987—1988 йилларда Хиндистонда ўтказиладиган СССР Фестивали ва СССРда ўтказиладиган Хиндистон фестивали иккала мамлакат ва уларнинг халқлари ўртасида дўстлик ва ўзаро ҳамфикрликни мустаҳкамлашда муҳим роль ўйнаши керак.

Юксак даражадаги Совет-Хиндистон

муносабатлари музокаралар катнашчиларига чинакам тарихий кўламдаги ҳужжат билан майдонга чиқиш имконини берди. «Ядро куролидан холи ва зўровонликсиз дунё принциплари тўғрисида Деҳли Декларацияси» Совет Иттифоки билан Ҳиндистоннинг ҳозирги замоннинг энг долзарб проблемалари тўғрисидаги нуктаи назарларини акс эттиради. СССР билан Ҳиндистон шу нқкала мамлакат аҳолисини ташкил этувчи бир миллиарддан ортик эркаклар, хотин-кизлар ва болалар номидан барча мамлакатларнинг халкларига ва раҳбарларига мурожаат қилиб, ялпи қирғин курулларидан, урушлардан холи бўлган дунёга олиб келадиган шошилиш ҳаракатлар қилишга чақирдилар.

Совет Иттифоки олдинга сурган ҳозирги асрнинг охирига қадар ядровий курулни ва ялпи қирғин курулининг бошқа турларини босқичма-босқич батамом йўқ қилиб ташлаш тўғрисидаги программани Ҳиндистон томони табриклав маъқуллади. Музокараларнинг катнашчилари ядро курули ишлатишни тақиқлаш тўғрисида зудлик

билан халқаро конвенция тузишга даъват этдилар, унинг барча синовларини дарҳол тўхтатиш фикрини изҳор қилдилар.

Қўшилмаслик ҳаракати ҳозирги замоннинг нуфузли кучига айланди. Унинг яшовчанлик қобилияти аввало империализмга, янги мустамлакачиликка, агрессияга, иркчиликка қарши курашда намоён бўлмокда. Совет Иттифоки Ҳиндистоннинг ушбу ҳаракатдаги конструктив ролига берган ўз юксак баҳосини тасдиқлади.

Томонлар халқаро иқтисодий муносабатларни адолатли ва тенг ҳуқуқли асосда қайта қуришга ва янги халқаро иқтисодий тартиб ўрнатишга даъват этдилар. Ушбу актуал вазифанинг хал этилиши бутун инсониятнинг, айниқса ривожланаётган мамлакатларнинг манфаатларига жавоб берган бўлур эди, шунинг учун ҳам СССР ва Ҳиндистон бу вазифани амалга ошириш учун актив курашмоқдалар.

М. ШАПСАНОВ.

тарих фанлари кандидати,

А. САХИБОВЕВ.

Журналимиз ўқувчиси Х. Ҳўжаев редакцияга шундай деб ёзди: «Америка овози», «Немис тўлқини» ва Ғарбининг бошқа радиостанциялари буржуача турмуш тарзини кўз-кўз қилар экан, капитал мамлакатлари конституцияларида граждaнларнинг меҳнат қилиш ҳуқуқи ва инсоннинг «бошқа ҳуқуқлари» эълон қилинган деб жаврайдилар. Айни бир вақтда улар социалистик тузумимизни обрўсизлантиришга уринадилар. Сизлардан СССР ва ғарб мамлакатларида инсон ҳуқуқларининг қандай амалга оширилиши тўғрисида ҳикоя қилиб беришларингизни сўрайман».

ИНСОННИНГ ҲАҚИҚИЙ ВА СОХТА ҲУҚУҚЛАРИ ТЎҒРИСИДА

ИНСОНИЯТ ҳозир ўз тарихининг мураккаб ва ташвишли даврини бошидан кечиряпти. Бу бир-бирига қарши икки дунёкараш — коммунистик ва буржуа дунёкарашлари ўртасидаги курашнинг урушдан кейинги бир неча ўн йиллар давомида сира қўрилмаган даражада кескинлашгани ва кучайгани билан характерланади. Янги таҳрирдаги КПСС Программасида кўрсатиб ўтилганидек, тарихий тараққиётнинг бориши империализм позицияларини қанчалик кўп заифлаштирса, унинг энг реакцион кучлари

сиёсатининг душманлиги шунчалик орта боради. Империализм ижтимоий тараққиётга ёвузларча қаршилиқ кўрсатади, тарих ғилдирагини тўхтатиб қўйишга, социализм позицияларини бўшаштиришга, жаҳон миқёсида социал реванш олишга уриниб кўрмокда. Антикоммунизм унинг асосий ғоявий курули бўлиб, социалистик тузумга тухмат, коммунистик партияларнинг мақсадлари ва сиёсатини, марксча-ленинча таълимотни сохталаштириш антикоммунизмнинг асосий мазмунини ташкил этади.

Социализм мамлакатларига карши идеологик курашда империалистлар турли пропагандистик кампаниялардан кенг фойдаланмоқда, уларни тарқок душманлик акцияларига қараганда таъсир этишнинг энг самарали формаси деб ҳисоблашмоқда. 70-йилларнинг ўрталаридан бошлаб империалистик пропаганда «СССРда инсон эрки ва ҳуқуқларини» химоя қилиш бўйича узокқа мўлжалланган ва кенг кўламли кампанияни авж олдириб юборди, АҚШ бунинг ташаббускори бўлди.

Бу кампания анча олдиндан ва алоҳида бир ҳафсала билан ишлаб чиқилди. Унга буржуа давлатлари пропагандасининг барча воситалари қўшилишди. Империалистлар уларнинг олдида: «инсон ҳуқуқи» терминини рўқач қилиб социализмни, социалистик мамлакатлар ҳукуматларини, уларнинг коммунистик партияларини обрўсизлантириш, кишилар онгига буржуа тузумини қўқларга кўтариб мактовчи муайян стереотипларни сингдириш, Ғарб мамлакатлари аҳолисида социалистик давлатларнинг гўё ҳуқуқсиз граждандарига нисбатан ачиниш туйғусини уйғотиш вазифасини қўйди. Бунда шунинг таъкидлаш керакки, буржуа идеологлари, масалан, Чилида ёки ЖАРда граждандар ҳақ-ҳуқуқлари поймол қилинаётганлигини ҳеч қачон танқид қилмайдилар, холбуки Чилида конли хунта ҳукмронлик қилмоқда. Жанубий Африка республикаси халқи ирқчиликнинг шафқатсиз зулми остида эзилиб келмоқда.

Пролетар, социалистик интернационализм принципларига ҳужум советларга карши пропаганданинг ҳозирги босқичдаги асосий йўналишларидан бири бўлиб, у миллий жиҳатларни интернационал жиҳатларга қарама-қарши қўйиш, миллатчилик бидъатларини авж олдириш, миллатлар ўртасидаги сунъий зиддиятларни кидириб топши йўллари билан амалга оширмоқда. Бу ишда айниқса «Озодлик» радиостанцияси «муваффақият қозонмоқда», у «граждандар ҳуқуқлари учун» кураш шиори остида Ўзбекистонга қаратилган антисовет пропаганда олиб бормоқда. У Ўрта Осиё мустамлака чекка ўлка деган эски, сийкаси чиққан уйдирмани ўзига қурол қилиб олиб, Ўрта Осиё республикаларининг гўё СССРга зўрлик билан қўшиб олинганлиги тўғрисидаги фикрни кишилар онгига сингдиришга уринади.

СССР Конституциясининг 76-моддаси бўлса тезисни ишонарли тарзда рад этади. Унда иттифокдош республика — суверен социалистик давлат бўлиб, у бошқа совет республикалари билан бирга СССРга бирилашган ва ўз территориясида мустақил давлат ҳокимиятини амалга оширади, дейилади. Бундан ташқари ҳар бир иттифокдош республика ўз Конституциясига эга бўлиб, у СССР Конституциясига мувофиқ ва

республиканинг ўзига хос хусусиятларини ҳисобга олган.

Буржуа идеологлари совет республикалари граждандарига миллатчилик кайфиятини уйғотишни мақсад қилиб қўйиб, мамлакатимизда «халқларни руслаштириш» юз беряпти деб даъво қиладилар. Улар, масалан, барча миллий тиллар рус тилига зўрлик билан қўшиб юбориляпти деб беҳуда исботламоқчи бўладилар. Ўз она тилларида ўқитиладиган мактаблар мамлакатимизнинг ҳамма жойларида бор. Шу билан бирга ўқувчилар, уларнинг ота-оналарининг хоҳиши билан рус тилида ўқитиладиган мактабларда ҳам ўқиш имконияти мавжуд. Барча тилларнинг эркин ривожланиши ва уларнинг бир-бирини бойитиши совет халқи бирлигини мустаҳкамлашнинг энг муҳим омилларидан биридир.

Буржуа пропагандистлари эфирни ва матбуот саҳифаларини СССРдаги рус бўлмаган граждандар «ҳуқуқларининг чекланиши» тўғрисидаги уйдирмалар билан тўлдиришар экан, капиталистик мамлакатларда майда миллатларнинг ҳуқуқлари мутасил ва қўпол равишда поймол қилиниши тўғрисида атайлаб лом-мим демайдилар. Масалан, ҳозирги вақтда АҚШда мамлакатнинг туб аҳолиси бўлмиш индеецлардан атиги 1,5 миллион киши қолган. Ҳокимият амалга ошираётган геноцид сиёсати туйғали ўнлаб индеец қабилалари қирилиб кетди. Индеецларнинг 75 процентдан кўпроғи доимий очлик ва қашшоқликдан азоб чекади. Уларнинг неча минг йиллар давомида яратилган миллий анъаналари, маданияти, тили, урф-одатлари инкирозга учрамоқда.

Ғарбий Германия кейинги ўн йиллар давомида шундай бир давлатга айландики, бу мамлакатда турли ирқ, миллат ва этник гуруҳларга мансуб кишилар яшапяти. Нацизм даврида бир амаллаб омон қолган майда миллатлардан ташқари ГФРда ҳозирги вақтда бу ерга ривожланаётган мамлакатлардан 60—70-йилларда иш қидириб келган салкам 5 миллион киши яшайди. Чет эллик ишчилар ўзларига бошпана берган мамлакат экономикасини кўтариш учун жуда кўп меҳнат қилдилар, мана энди улар кризис ва ишсизлик шароитида ортикча одамлар бўлиб қолдиларки, ҳукумат улардан тезроқ қутулиш ҳаракатида.

Эки капитал мамлакатлардаги ишсизлик проблемасини олиб қўрайлик, зеро бу капиталистик жамяят учун энг асосий проблемалардан бири бўлиб қолди. Масалан, расмий маълумотларга қўра, 1985 йилда АҚШда — 8 миллиондан зиёд, Буюк Британияда — 4,9 миллион ишсизлар бор эди.

Шунинг таъкидлаш керакки, кўпгина капиталистик мамлакатларнинг конституцияларида меҳнат қилиш ҳуқуқи тўғрисида умуман ҳеч нима дейилмайди, мабодо у эълон

килингудай бўлса, аслида шунчаки ёлгон-яшиқлигича қолади.

Ишсизлик сингари ижтимоий офатни айнн шу капиталистик система келтириб чиқаришини эндиликда буржуа идеологларининг инкор этишлари кийин. Лекин, буни эслатганлари холда улар ўқувчи ва тингловчиларни ўзларининг «объективлиги» ҳамда «хотисизлиги»га ишонтирмокчи ва дадил-исботларни нотўғри талкин қилиш билан ўша ахборотни капитализм фойдасига ишлатмокчи бўлишади. Маълумки, СССР ва социализмнинг бошқа ҳамма мамлакатлари конституцияларида меҳнат қилиш, дам олиш, медицина хизмати, социал таъминот, уй-жойга эга бўлишнинг гарантияланган ҳукуки мустаҳкамлаб қўйилган. Масалан, СССР Конституциясининг 40-моддасида шундай дейилган: «СССР граждaнлари меҳнат қилиш ҳукукига, яъни меҳнатнинг миқдори ва сифатига мувофиқ ва қамда давлат томонидан белгиланган минимал миқдорда ҳақ тўланадиган ва гарантияланган иш олиш ҳукукига... эгадирлар». Бинобарин, мамлакатимиз граждaнларининг ҳаммаси бу ҳуқукдан тўла-тўқис фойдаланишади. Лекин буржуа пропагандистлари бу факт ҳусусида лом-мим демай, «совет меҳнаткашларининг оғир турмуши», СССР граждaнларининг «шафкатсиз эксплуатация қилиниши ва арзимаган ҳақ учун сулайиб қолгунча ишлашлари» тўғрисида тинимсиз вайсайдилар. Бундай даъволарнинг беаънилиги очик-равшaн кўриниб турибди.

Буржуа идеологлари хотин-қизларнинг камситилиши сингари капиталистик жамиятнинг шармандали ҳодисаси тўғрисида гапирмасликка уринади. Холбуки, хотин-қизлар капитал мамлакатларида кейинги вақтларда катта проблемаларга дуч келмокдалар: уларнинг ишга жойлашиш имкониятлари чеклаб қўйилган, меҳнатия инсоф билан ҳақ тўланмайди, улар ишсизликнинг биринчи қурбони бўлмокдалар.

Бизнинг мамлакатимизда эса хотин-қизларнинг эркаклар билан тенг ҳуқуқлиги гарантиялаб қўйилган. СССР Конституциясининг 35-моддасида: «Бу ҳуқуқларнинг амалга оширилиши хотин-қизларга илм олишда ва касб-хунар ўрганишда, меҳнатда, меҳнат учун ҳақ тўлашда ва ишда кўтарилишда, ижтимоий-сиёсий ва маданий фаолиятда эркаклар билан тенг имкониятлар бериб қўйиш... йўли билан таъминланади», дейилган. Совет хотин-қизлари социалистик жамият ҳаётида фаол иштирок этадилар, бинобарин, буржуа пропагандистларининг гўё «уларнинг жуда оғир меҳнатдан тинкаси қуриганлиги, жамиятнинг ижтимоий-сиёсий ҳаётига бепарволиги» тўғрисидаги даъволари ошқора сохталаштиришнинг ўзидир.

«Озодлик» радиостанцияси гўё «ўзбек

хотин-қизлари социалистик турмуш тарзини оғриниб қабул қилаётганлиги ва мамлакатнинг ижтимоий-сиёсий ҳаётида фаол иштирок этмаётганлиги» тўғрисидаги фикрни тингловчиларга сингдиришга ҳаракат қилади. Бу гапларнинг ёлгон-яшиқлиги кўриниб турибди. Шунн айтиш қифояки, туберли миллатлар хотин-қизлари бугунги кунда давлат, партия ва бошқа органларда раҳбар лавозимларда ишламокдалар. Масалан, Ўрта Осиё республикалари маҳаллий Советларидаги депутатларнинг салкам ярмини хотин-қизлар ташкил этади.

Буржуа сохталаштирувчилари, «совет кишилари ўз вақтида ва малакали медицина ёрдами ололмайдилар» деб даъво қилишади. Лекин капитал мамлакатларида оддий меҳнаткашнинг даволаниши анча мушқуллиги тўғрисида ҳеч нима демайдилар. Уерда медицина ёрдами ва дори-дармон йилдан-йилга қимматлашиб кетяпти.

Мамлакатимизда медицина хизмати бепул бўлиб, у граждaнлар учун СССР Конституциясида гарантиялаб қўйилган. Совет кишилари бу ҳуқукдан тўла-тўқис фойдаланадилар. Бизда дори-дармонлар нисбатан арзон бўлиб, улар аҳолининг айрим категорияларига бепул ёки 80 процентгача арзонлаштириб берилади. Партия ва ҳукумат меҳнаткашларнинг соғлиги масаласига катта эътибор берадилар. Янги таҳрирдаги КПСС Программасида шундай деб кўрсатилган: «**Совет кишилари соғлигини мустаҳкамлаш**, уларнинг актив умрини узайтириш жуда муҳим ишдир».

Совет халқининг маориф соҳасидаги муваффақиятлари ҳам буржуа пропагандистларига тинчлик бермаёпти. Улар КПССнинг бу соҳадаги сиёсатини обрўсизлантиришга уриниб, кўпинча, масалан, «СССРдаги илмли кишилар — булар элита вакиллариридир» сингари очикдан-очик ёлгон-яшиқ гапларни ишга соладилар. Улар бу билан мамлакатимиз меҳнаткашларининг энг муҳим зафарларидан бири—илм олиш ҳуқуқини қоралашга уринишади. СССР Конституциясининг 45-моддаси барча совет кишиларига бошланғич мактабдан бошлаб, то олий ўқув юртларигача бепул таълим олишни гарантиялайди. Техникумлар ва билим юртлари талабаларига, олий ўқув юртлари студентлари, аспирантларига турли имтиёзлар берилган, давлат уларга стипендия тўлайди. СССРда яратилган чинакам халқ мактаби барча граждaнларга билим олиш имконини берди.

Капитал мамлакатларида таълим олиш ҳуқуқи қандай амалга оширилади? Европа парламентининг ёшлар, маданият, тарбия масалалари бўйича комиссиясининг доклада, Европа иктисодий бирлашмаси (ЕИБ) давлатларида салкам 15 миллион саводсиз борлиги маълум қилинади. Техас университети тадқиқотлари маълумотларига кўра,

капиталистик дунёнинг энг бой ва техник жихатдан ривожланган мамлакати бўлмиш АҚШда 23 миллион одам хатосиз ёзолмайди. Ғарбнинг кўпгина мамлакатларида мактаб таълими системаси бутунлай барбод бўлиш арафасида турибди. Бунга сабаб таълим эҳтиёжларига маблағнинг нихоятда кам ажратилаётганлиги ва айни вақтда ҳарбий бюджет ошиб бораётганлигидир.

Лекин буржуа идеологлари капитал мамлакатларидаги таълимнинг ҳақиқий аҳволи тўғрисида индамасликни афзал кўрадilar. Масалан, «Немис тўлкини» радиостанцияси ГФРдаги ўқувчи ёшлар ҳаётини кўпинча жуда яхши қилиб кўрсатади. Холбуки, бу давлатда, бошқа кўпгина капитал мамлакатларида бўлгани каби, мактаб системасида кўзда тутилганидек ўқувчилар синфий жихатдан ажратилади. Ғарбий Германия журналисти М. Премслернинг уни «профессионал, бинобарин, ҳаётини йўлни белгилловчи аппарат» деб таърифлаши бежиз эмас. ГФР меҳнаткашларининг болалари тўккиз йиллик умумий мактабга катнашади, уни битирганлар кейинчалик ишчилар бўлишади. Бадавлат одамларнинг болалари эса аввал гимназияларда, кейин университетларда ўқишади. Улар таълим олишни тугатганларидан кейин раҳбар лавозимларни эгаллашади ёки элита сафини тўлдиради. Бинобарин, «элитар» таълим ҳақида гапириладиган бўлса, бу тўла-тўқис буржуа жамиятига хос нарсадир. Федерал ҳукумат таълим соҳасидаги кризис ҳолатидан чиқиш йўлини топиш хусусида ёшларга бир неча бор ваъда берган эди, лекин бу ваъдалар хануз бажарилмай келади. Масалан, ГФР бюджетида ҳарбий эҳтиёжларга ажратилаётган маблағлар йилдан-йилга ортиб бормокда, таълимга эса муттасил камайтирилмокда.

«Инсон ҳуқуқларини ҳимоя қилиш» шиори остида советларга қарши олиб борилган пропагандада виждон эркинлиги, яъни ҳар қандай динга эътикод қилиш ёки умуман эътикод қилмаслик, диний маросимларни бажариш ёхуд атеистик пропаганда олиб бориш масалаларига катта ўрин ажратилади. СССР Конституциясининг 52-моддаси мамлакат граждaнларига виждон эркинлигини гарантiялайди. Диний эътиқодлар баҳонаси билан душманлик ва нафрат ҳиссини уйғотиш тақиқланади.

Бизнинг мафкуравий душманларимиз, гўё СССРда «диний уюшмалар ҳуқуқини камситиш, давлатнинг улар ҳаётини қатъий контроль қилиши, динни тарғиб этиш ва оммавий тарзда тоат-ибодат қилиш тақиқланганлиги КПССнинг динга қарши йўлининг ифодаси...», «диндорлар социализм вазифаларини амалга ошириш учун қанчалик гайрат-шижоат билан курашишларидан

қатъи назар, СССРда уларни камситиш ҳамон давом этапти» деб жар солмокдалар. Бундай тўхматлардан мақсад коммунистик партия ва социалистик давлатнинг динга муносабати ҳақидаги марксча-ленинча таълимот моҳиятини бузиб кўрсатиш, динга ишонувчиларни КПСС ва Совет ҳукумати сиёсатига қарши кўзғатиш, партия билан халқ бирлигига зарба бериш, СССРдаги диндорлар билан динга ишонувчилар ўртасига нифок солишга уринишдир.

Бу ўринда шунини таъкидлаш керакки, Ғарбнинг капиталистик мамлакатларида виждон эркинлиги аслини олганда йўқ. Қонун ҳеч қандай динга эътикод қилмайдиган кишиларни, яъни атеистларни камситишни тақиқламайди. Шундай қилиб, буржуа пропагандистлари қонун олдида барча граждaнларнинг сохта тенглиги ҳақидаги гапларга ишонтiriшга қанчалик уринмасинлар, барибор, буржуа ҳуқуқи атеист ҳуқуқларини ҳимоясиз қолдиради.

СССРда мусулмон динининг аҳволини Ғарбда жон-жаҳдлари билан сохталаштирадilar. Мақсад — ислом анъаналарини жонлантiriш ва уларни миллий анъаналар деб кўрсатиш, КПСС ва Совет давлатининг миллий ва диний масалалардаги сиёсатини обрўсизлантириш, диндорларни жамиятга қарши қатти-ҳаракатлар қилишга рағбатлантириш, шунингдек реал социализмнинг бутун Шарқ халқларига кўрсатаётган жозиба кучини сусайтиришдир. Лекин сохталаштирувчилар беҳуда уринишяпти. КПСС ва Совет давлати ҳудудий мусулмонларга, уларнинг анъаналари ва урф-одатларига ҳамиша эътибор ҳамда эҳтиёткорлик билан муносабатда бўлиб келганлар. Социалистик жамиятни қуриш ва уни такомиллаштириш социализм ислом ва бошқа динларга эътикод қилувчи халқларга бегона эмаслигини исботлади.

Шундай қилиб, мамлакатимизда барча меҳнаткашларга чинакам ҳуқуқлар гарантiялаб берилганки, улар СССР Конституциясида аниқ таърифланган бўлиб, бажарилиши давлат томонидан таъминланади. Буржуа идеологлари оғиз кўпиртираётган ҳуқуқ ва эркинликлар капитал мамлакатлари меҳнаткашлари учун қуруқ бир расмиятчиликдир. «СССРда инсон ҳуқуқлари» хусусида Ғарбда кўтарилётган шовшувлар — советларга қарши қаратилган кенг қўламли кампаниянинг бир қисмидир. Буржуа пропагандистлари СССР ва бошқа социалистик мамлакатларга қилаётган беҳуда ҳужумлари билан капиталистик жамиятдаги меҳнаткашларнинг реал ҳуқуқсизлигини ва қонунларнинг бузилишини ҳаспўшламокчи бўладilar.

Г. БОБОЖОНОВА.

СОВЕТ ПАХТАЧИЛИГИ ҚАРОР ТОПИШИ ВА РИВОЖЛАНИШИ ТЎҒРИСИДАГИ ҲУЖЖАТЛАР

МАЪЛУМКИ, мамлакатнинг техникавий-иқтисодий қолоқлигини тугатиш учун қураш социализм қуриш ленинча планининг таркибий қисми бўлган эди. Бу мақсадга, жумладан, барқарор пахтачилик ҳўжалигини вужудга келтирмай, СССРнинг пахта мустақиллигига етишмай туриб эришишни тасаввур қилиб бўлмас эди.

Совет ҳокимиятининг дастлабки йилларида пахтачиликни социалистик асосда юритиш бошлаб берилган эдики, бунда мазкур соҳада банд бўлган деҳқонларни иқтисодий, социал ва миллий жиҳатдан эзишга мутлақо йўл қўйилмасди. Бунинг устига у деҳқонларни социалистик қурилиш жараёнига жалб этишнинг таъсирчан воситасига айланган эди.

Шўларнинг ҳаммаси тақриз қилинаётган тўпламда* ўз аксини топган. Тўпламга 141 та ҳужжат киритилган бўлиб, уларнинг аксарияти илк бор эълон қилинмоқда. Булар ўлкада Совет ҳокимияти дастлабки йилларидаги конкрет социал-иқтисодий шароитларни, Туркистон республикаси партия ташкилоти пахтачиликни тиклаш ва ривожлантириш борасида олиб борган ишлардаги ўзига хос қийинчиликларни кўрсатиб берувчи қимматли манбалардир.

1917—1920-йиллар ҳужжатлари алоҳида қизиқиш уйғотади. Гражданлар урушининг бениҳоя оғир шароитларида В. И. Ленин, Коммунистик партия ва Совет ҳукумати Туркистон пахтачилик ҳўжалигини социализм изига тушириш йўлларини қидира бошлаган эдилар. Ер тўғрисидаги ленинча декрет, шунингдек РСФСР ВСНХ Президиумининг 1918 йил 12 январдаги «Пахтачилик ишларини монополизация қилиш тўғрисида»ги қарори бунга асос солган эди. Партия ва совет органлари ушбу ҳужжатларга мувофиқ пахтачиликни ташкил этишнинг буржуа системасини тугатиш ва пахтачиликни принципнол янги, социалис-

тик негизда қарор топтириш ишларини бошлаб юбордилар. РСФСР ВСНХ Президиумининг қарорига мувофиқ ушбу тармонни ривожлантиришга доир барча масалаларни ҳал этиш Россия Федерацияси ҳукуматининг алоҳида имтиёзи деб эълон қилинди, пахта запаслари национализация этилди. Афсуски, шу қадар муҳим роль ўйнаган ушбу ҳужжат китобга киритилмай қолган. Туркистон республикаси Халқ Комиссарлари Советининг 1918 йил 26 февралдаги «Ўлкада пахтани конфискация қилиш тўғрисида»ги декрети ҳам худди шу масалаларни ҳал этишга қаратилган эди (11-бетга қаралсин). Тўпламда декрет тексти эълон қилинганлигининг муҳимлигини алоҳида таъкидлаш лозим, чунки унинг барча аввалги нашрлари аллақачон нодир бўлиб қолган.

Тўпламда Туркистон Компартияси ва ҳукуматининг, шунингдек пахта тозалаш, ёғ ва совун ишлаб чиқариш саноати ходимлари қасаба союзининг принципнол янги, социалистик типдаги пахтачиликни вужудга келтириш борасидаги фаолияти муфассал акс эттирилган. Тузувчилар китобга Совет ҳукумати В. И. Ленин иштирокида 1918 йил 24 мартда қабул қилган «Пахта программаси» ҳамда РСФСР ВСНХ Президиуми Туркистонга махсус пахта экспедициясини юбориш тўғрисида 1918 йил 1 апрелда қабул қилган қарор текстини киритмаганликлари афсусланарлидир.

Туркистон пахтачилик комитети раҳбарларидан бири И. Севастьянов фаолиятига онд материалларнинг тўпламга киритилганлиги (81—85-, 103—106-бетларга қаралсин) Туркистон пахта ҳўжалигининг социализация қилинишини илмий тушуниш нуқтаи назаридан қизиқарли ва ғоят муҳимдир. Унинг Туркистондаги ишларига онд ҳужжатларни қидириш ва тадқиқ этиш зарурлигининг боиси шундаки, агроном И. Севастьянов бу ерга Совет ҳукуматининг «Пахта программаси»ни рўёбга чиқариш вазифасини зиммасига олган ўша Центротекстиль экспедицияси составида келган эди.

Аграр масалага доир ленинча таълимотга мувофиқ пахтачиликни социализация

*Деятельность Коммунистической партии и Советского правительства по восстановлению и развитию хлопководства в Туркестане (1917—1924 гг.). Документы и материалы. Ташкент. «Ўзбекистан», 1986, 296 с.

килиш жараёни унда банд бўлган дехконларни интенсив кооперациялашни тақозо этарди. Бу жараён Туркистонда 1918 йилда бошланган бўлиб, 1919 йилдаёқ 73 минг киши 42 та пахта кооперативига аъзо эди. Бунинг сабаблари кўп эди. Лекин, тўпламга киритилган «Пахтакор дехконларнинг меҳнат кооперативларини ташкил этиш тўғрисидаги Низом» (26—28-бетларга қаралсин) ҳам бунга ёрдам берганлиги шубҳасиздир. У В. И. Лениннинг «...агар кооператив ери социализация қилинган, фабрика ва заводлари национализация қилинган жамиятнинг ҳаммасини ўз ичига олса, у социализмдир» (Тўла асарлар тўплами, 36-том, 182-бет) деган фикри тўғрилигини тасдиқлайди.

Тўпламга Туркистон Компартияси съездлари, Марказий Комитети, область, шаҳар ва уезд комитетлари пленумларининг резолюциялари ва қарорлари, Туркистон республикаси Халқ Комиссарлари Совети, МИК ва маҳаллий ҳокимият органларининг декретлари, ҳуқуқий ҳамда бошқа ҳужжатлари, турли халқ комиссарликлари бўлимлари, идораларнинг қарорлари, протоколлари, докладномалари киритилган. Кенг ахборот берувчи материал, жумладан, партия ва совет органларининг дехконлар орасида кунт-сабот билан олиб борган тушунтириш ва ташкилотчилик ишларини, дехконларнинг синфий ташкилотлар тузишга интилишини кузатиш имконини беради, ушбу интилиш туфайли камбағаллар комитетлари, «Қўшчи» иттифоқи ташкил топган эди. Эълон қилинган материаллар пахтачилик ва ирригацияни ривожлантиришга капитал маблағ сарфлаш муттасил ошиб борганлигидан далолат беради. В. И. Ленин, РКП(б) Марказий Комитети ва Совет ҳукуматининг Туркистонга кўрсатган кўп қиррали ёрдамларидан далолат берувчи ҳужжатлар кизикарлидир.

Тўпламга С. Асфендиёров, Н. А. Паскунский ва И. Е. Любимов сингари Туркистондаги совет пахтачилигининг таниқли раҳбарлари ва ташкилотчиларининг айрим мақоалари ва докладлари киритилганлиги тузувчиларнинг хизматидаир. РСФСР ВСНХ Бош пахта комитети раиси, Туркистон АССР Халқ Комиссарлари Совети Раиси Исидор Евстигнеевич Любимов совет пахтачилигини тиклаш ва ривожлантиришга, Ўзбекистоннинг социалистик экономикасини вужудга келтиришга катта ҳисса қўшди. Чунончи, Тошкентда тўқимачилик комбинати қурилиши ҳамда тўқимачилик институти ташкил этилганлиги ва кўплаб шу каби воқеалар унинг номи билан боғлиқдир.

Лекин тўпламга В. И. Лениннинг яқин сафдоши, Пахтачилик Бош комитетининг биринчи раиси Виктор Павлович Ногиннинг фаолияти билан боғлиқ материаллар

киритилмаганлиги ажабланарлиқдир. Ваҳоланки, Совет давлати пахта сиёсатини шакллантиришнинг асосий масалалари унинг бевосита иштирокида ҳал қилинган эди.

Шуни афсусланиб таъкидлашга тўғри келмоқдаки, Ўзбекистонда социалистик экономикани вужудга келтириш учун кўп иш қилган содиқ ленинчилар, оташин интернационалистлар В. П. Ногин, И. Е. Любимов ва бошқаларнинг хотирасини абадийлаштириш учун республикамизда ҳали ҳеч қандай тadbирлар қўрилмаган. Уларнинг номлари республикамизда нашр этилган умумий ва тармоқ энциклопедияларига киритилмаган. Хатто «Пахтачилик энциклопедияси»даги Главлхопком ҳақидаги мақолада ҳам уларнинг номлари тилга олинмайди. Ушбу камчилик бартараф этилишига ишонгимиз келади.

Бухоро ва Хоразм халқ совет республикаларида ҳам пахтачиликни юксалтириш тўғрисида ғамхўрлик кўрсатилганини таъкидлаш лозим. Тўпламдаги ҳужжатлар бу ишда Совет давлати кўрсатган ёрдам бениҳоя катта роль ўйнаганлигига яна бир бор ишонч ҳосил қилиш имконини беради (92-, 93—94-, 163-, 235-, 240-, 245—247-, 253-, 262-, 263- бетларга қаралсин).

Ўлка экономикасидаги, шу жумладан, пахтачиликдаги интеграцион тенденциялар эътиборни тортади. 1923 йилда Ўрта Осиё Иктисодий Кенгаши тузилди, Ўрта Осиё регионидagi барча республикаларнинг ҳукуматлари унинг фармойишларини бажаришлари шарт эди. 1924 йилда Ўрта Осиё коммерция банки ташкил этилди. СССР Молия халқ комиссарлиги, БХСР ва ХХСР Нозирлар Советлари, Туркистон республикаси Халқ Комиссарлари Совети ва Пахтачилик Бош комитети унинг таъсис этувчилари эдилар. Интеграцион тенденциялар пахта сиёсатининг бошқа йўналишларида ҳам яққол кўзи ташланар эди.

Тўпламга қирган бир қатор ҳужжатлар ўлкадаги синфий кураш шиддатларини акс эттириши ҳам китобнинг ижобий хусусиятидир. Бу гап совет пахтачилигини ташкил этишда буржуа мутахассисларидан фойдаланиш масаласига ҳам тааллуқлидир. Шунинг учун, жумладан, «Мавжуд пахта ва 1919—1920 йиллар ҳосилини харид қилиш тўғрисида Турккомиссия билан контрагент Н. Ш. Потеляхов ўртасида тузилган шартнома» алоҳида кизикish уйғотади (42—44-бетларга қаралсин). Чунки у ўзига хос тарихга эгадирки, унинг қисқача мазмуни қуйидагича: 1918 йил баҳорида Москвада Н. Ш. Потеляхов пахта олиб сотганликда айбланиб, ВЧК органлари томонидан қамолка олинади. Собик «пахта қироли» жиноят содир

килганлиги тўла исботланади. Лекин ўша оғир йилларда пахта шу кадар такчил эдики, ВЧК раиси Ф. Э. Дзержинский: «Агар кариндошлари унинг бадалига бир неча миллион пуд пахта берсалар, биз уни уларга бериб юборишни таклиф қилдик.» — деб резолюция қўяди (Из истории Всесоюзной Чрезвычайной Комиссии. 1917—1921 гг. Сборник документов. М., Политиздат, 1958, с. 221).

Пахта ишларини бошқариш ва ташкил этишнинг сифат жиҳатидан янги структурасини шакллантиришга алоқадор ҳужжатлар ҳақида гапирмай бўлмайди. Чунончи, 1922 йил 23 августдаги «Пахтачилик Бош комитети ҳақида Низом» шулар жумласига киради, у РСФСР ВСНХ ушбу органининг фаолиятини ҳўжалик ҳисоби принциплари асосида регламентлар эди (154—160-бетларга қаралсин). Ўша йилларда тармокни ташкил этиш, бошқариш ва пахта тайёрлашнинг бутун системаси мустақил бўғин килиб ажратилган, яъни тўқимачилик саноатининг идора назоратидан холи этилган эди. Бу эса партия пахтачилик сиёсатининг иктисодий ва социал жиҳатларини мувофиқлаштириб олиш имконини беради, чунки айни Главхлопком ташкил этилгач, мамлакатнинг пахта ҳўжалигини ривожлантириш проблемаларига тор идоровий ёндашувга барҳам берилди. Шунинг учун тўпламга 1921 йил 22 сентябрда В. И. Ленин имзолаган «Давлатнинг пахтачиликни, пахта тозалаш саноати ва пахта тайёрлашни ташкил этиши тўғрисида Низом» киритилмаганлиги афсусланарлидир, юқорида тилга олинган орган РСФСР ВСНХ системасида шу асосда тузилган эди.

Яқин ўтмишда Ўзбекистон пахтачилигида рўй берган салбий ҳодисалар 1921—1924 йиллардаги ҳужжатларнинг актуаллигини тасдиқлаб турибди. КПСС XXVII съезди, Ўзбекистон Компартияси XXI съезди ва унинг Марказий Комитети XVI пленуми

(1984 йил) очиб ташлаган республика пахтачилик комплексидаги жинояткорона сунистеъмолларнинг боиси муайян даражада яна шундаки, пахта ишини ташкил этиш ва бошқариш проблемаларига комплекс ёндашишдан иборат муҳим ленинча принцип бузилган эди. Бу, жумладан, пахта етиштириш билан бир идора (республикадаги собик Қишлоқ ҳўжалик министрлиги), ҳам ашёни қайта ишлаш билан батамом бошқа идора (1984 йилда тугатилган Пахта тозалаш саноати министрлиги) шугулланганлигида намоён бўлган эди.

Тўпламни тузувчиларнинг яна айрим нуксонларини таъкидлаш лозим. Чунончи, унга республика партия ташкилотларининг пахтачилик соҳасидаги фаолиятининг социал мақсадларини ақс эттирувчи материаллар киритилса яхши бўлар эди. Номлар кўрсаткичи берилмаганлиги ҳам ачинарлидир, у совет пахтачилигини вужудга келтиришда фаол қатнашган партия ва совет ходимлари, шунингдек ишчи ва деҳқонлар тўғрисида тасаввуримизни кенгайтиришга имкон беради.

Бундай нашрларни тайёрлашда конкрет проблема бўйича мутахассисларнинг кенгрок доирасини жалб этиш лозим эди. Бу билан республика тарих фанининг потенциалдан тўларок фойдаланилади ва ҳужжатларни танлаш яхшиланади.

Такриз қилинаётган нашр партия ва ҳукуматимизнинг пахтачилик соҳасидаги сиёсатининг асосий негизларини кенг кўрсатади. У КПСС XXVII съезди ва Ўзбекистон Компартияси XXI съезди республика ва умуман мамлакат пахта комплексини ривожлантириш соҳасида қўйган вазифаларни ҳал этиш йўлларини излашга қўмаклаша олиши шубҳасиздир.

А. РАЗЗОҚОВ,

тарих фанлари доктори.

З. МУҲАМЕДОВА,

М. ҲАСАНОВ,

тарих фанлари кандидатлари.

ЎЗБЕКИСТОН ССР КОНСТИТУЦИЯСИ РИВОЖЛАНИШИНИНГ АСОСИЙ БОСҚИЧЛАРИ

Конституция АЛОҲИДА сиёсий ва ҳукукий аҳамиятга эга ҳужжатдир. Мехнаткашларнинг ўзлари конституция ижодкорлари бўлган социалистик мамлакатда у жамиятнинг социал-иктисодий ва маънавий таракқиётига мувофиқ равишда доимо ривожлана боради. Конституция моҳиятини, унинг ҳар бир тарихий босқич-

га тегишли ўзига хос хусусиятларини ҳар томонлама тадқиқ қилиш ҳуқуқ фанининг муҳим вазифасидир. Бир гурппа ҳуқуқшунос олимлар ёзган китоб* ана шу мавзуга бағишланган.

* Конституционное развитие Узбекской ССР. Ташкент, «Фан», 1986, 178 с.

Расм бўлган тартибга кўра, ижтимоий фанлар соҳасидаги тадқиқот ана шу иш таянадиган илмий-назарий, методологик база характеристикасидан бошланади. Лекин авторлар тадқиқ қилинаётган масалаларни тўғридан-тўғри анализ қилишга киришишга қарор қилишган. Холбуки, китобга конституция тўғрисидаги марксча-ленинча таълимотга бағишланган махсус параграф ёки бўлимнинг қўшилиши, шубҳасиз, унинг илмий қимматини оширган бўлур эди. Шунга қарамадан китобда Ўзбекистон ССР Конституцияси ривожланиши босқичлари мазкур проблемага доир асосий назарий қоидалардан келиб чиққан ҳолда илмий асосда ва аниқ белгилаб берилди.

Ўлкада синфий кучлар нисбатининг тубдан ўзгарганлиги, бу ерда Улуғ Октябрь ғалабасидан сўнг Туркистон АССРнинг ташкил қилиниши, Хоразм ва Бухородаги халқ революцияларининг муваффақиятлари ва у ерларда Халқ Совет Республикаларининг ташкил топиши Ўрта Осиё халқлари тарихида биринчи марта конституцияларнинг пайдо бўлишини олдиндан белгилаб берди, бу ҳужжатлар меҳнатқашлар оmmasининг буюк ғалабаларини қонуний асосда мустахкамлади, янги давлатлар ҳаётининг муҳим томонларини тартибга солиди. Авторлар бу даврни Ўзбекистон ССР Конституцияси ривожланишининг биринчи босқичи (1917—1924 йиллар) деб тўғри ҳисоблашган.

Агар ТАССР Конституцияси социалистик типдаги конституция бўлган бўлса, деб таъкидланади китобда, унда ХХСР ва БХСР Конституциялари бу республикаларнинг жамият ва давлат тузуми ҳамда сиёсий ташкилотларининг халқ-совет характерини ақс эттирар ва ёркин ифодаланган антифеодал ва антиимпериалистик йўналишга эга эди.

Шуни алоҳида таъкидлаш керакки, бу Конституцияларда Хоразм ва Бухоронинг меҳнатқаш халқининг мамлакатимиздаги барча халқлар тақдирида улкан роль ўйнаган Улуғ Октябрь социалистик революциясига муносабати очик-ойдин ифодаланган эди. Масалан, ХХСР Конституциясида шундай дейилган эди: «Рус пролетариати подшо ва капиталистик зулмдан халос бўлиш билан чор Россияси томонидан эзилган бошқа халқларни ҳам озод қилди ва бошқа миллатлар меҳнатқашларига ўз тақдирини ҳеч қандай ташқи таъйиқсиз ўзларининг маданий ва маънавий шарт-шароитларига мувофиқ ҳал этиш эркини берди». Улуғ Октябрнинг оламшумул тарихий аҳамияти, рус пролетариатининг интернационалистик, гуманистик миссияси БХСР Конституциясида ҳам қайд қилинган эди.

Лекин авторлар шунингдек ХХСР ва БХСРнинг тарихий ривожланиш даражаси-

ни, халқ революциялари ғалабасидан сўнг улардаги социал-иктисодий, синфий муносабатларнинг ўзига хослигини ақс эттирган улар Конституцияларининг специфик хусусиятлари хусусида ҳам батафсилроқ тўхталиб ўтишлари керак эди. Ижтимоий мулкчилик ўрнатилиши билан бир қаторда ерга, сувга, ишлаб чиқариш қуроллари ва воситаларига хусусий эгалликнинг сақланиб қолганлиги, шунингдек эксплуататор синфларга ва рухонийларга сиёсий (сайлов) ҳуқуқларнинг берилганлиги ана шундай хусусиятлар эканлигини эслатиб ўтмоқчимиз. Бу хусусиятлар Хоразм ва Бухородаги революцияларнинг биринчи навбатда феода-патриархал муносабатларни йўқ қилишга қаратилганлиги билан боғлиқ эди. Китоб авторлари қайд қилганидек, янги тузум мустахкамлана ва меҳнатқашларнинг сиёсий активлиги ўсган сайин бу республикалар Конституциялари яққол ифодаланган синфий характер касб этаборди. аҳолининг меҳнат қилмайдиган қисмининг асосий ҳуқуқлари тобора кўпроқ чеклаб қўйилди (31, 72-бетларга қаралсин).

Китобда бўлимлар ва боблар бир шаклга эга эмас. Масалан, БХСР Конституциясига бағишланган бобда граждандарнинг ҳуқуқлари ва эркинликлари тўғрисида бўлим бор, лекин ТАССР ва ХХСР Конституциялари ҳақида ҳикоя қиладиган бобларда бундай бўлимлар йўқ.

Биринчи босқичдаги Конституцияларнинг республикаларнинг хўжалик, ижтимоий, давлат ва маданий ҳаётининг ҳамма соҳаларида барча миллат ва элатлар вакилларига бир хил ҳуқуқлар берилишини гарантиялайдиган изчил интернационализм уларнинг асосий белгиларидан бири эди. Масалан, илм олиш ҳуқуқини олайлик. «Граждандарнинг бемалол илм олиш ҳуқуқига эгаллиги, — дейилган эди Бухоро республикаси Конституциясида, — ҳар бир халқ маданий тараққиётининг биринчи зарурий шартидир, шу сабабли БХСР ҳукумати, ҳеч мустасно-сиз, барча ҳоҳловчиларга республиканинг ҳамма мактабларида кенг ва эркин илм олиш ҳуқуқини беради».

Туркистон АССР, БХСР ва ХХСРнинг Асосий Қонунилари уларнинг эркин социал-иктисодий ва маданий ривожланишини гарантиялаш билан совет давлат ва ижтимоий тузуми кўп миллатли мамлакатимизнинг барча халқлари учун яқин ва тушунарли эканлигини ишонарли тарзда исботлади. Бу гарантияларда ёш республикалар биринчи конституцияларининг социал қиммати, чинакам демократизм, гуманизм ва интернационализми, берилётган ҳуқуқлар ва эркинликларнинг реаллиги намоён бўлган.

Тақриз қилинаётган монографияда ТАССР Конституцияси шаклан ва мазмунан кўп җиҳатдан 1918 йилги РСФСРнинг Асосий Қонунига тўғри келиши ҳақида

наридан-бери айтиб ўтилади (24-бетга қаралсин). Фикримизча, шу ўринда дунёда биринчи социалистик Конституциянинг айна нимаси билан ТАССР Конституцияси, шунингдек ХХСР, БХСР Конституциялари учун намуна бўлганлиги ҳақидаги масалани янада батафсилроқ ёритиб бериш керак эди.

Китобда тўғри таъкидланганидек, республикамиздаги конституция ривожланишининг иккинчи босқичи 1925—1936 йилларни қамраб олади. Ўзбекистон ССРнинг 1927 йилги Конституцияси Ўзбекистон ССР ташкил топганидан то СССРда социализм ғалаба қилгунига қадар республиканинг Асосий Қонуни бўлган эди. Бу Конституция ўзбек халқининг совет миллий давлат тузуми ташкил топганлигини, Ўзбекистон ССРнинг суверен ҳуқуқларини ва унинг ягона иттифок давлатидаги ҳуқуқий статусини қонуний асосда мустаҳкамлаб берган эди. Унда республикаимизнинг тарихий, географик, маданий, миллий-маиший ва бошқа хусусиятлари ўз аксини топди.

Фикримизча, 1927 йилги Конституцияга бағишланган бобни «Ўзбекистон ССРнинг СССР составидаги суверен давлат сифатида ташкил топиши» бўлимидан бошлаш, ана шундан сўнг бу Конституцияни ишлаб чиқиш ва қабул қилиш жараёнини, унинг белгилари ва хусусиятларини ёритиш керак эди.

Совет халқи ўттизинчи йиллар ўрталарига келиб Коммунистик партия раҳбарлиги остида социалистик жамият қуришнинг ленинча планини ҳаётга татбиқ қилди. Шу сабабли ана шу тарихий ғалабани ақс эттирувчи янги Конституция зарур эди. Китоб авторлари тўғри қайд қилишганидек, республикамизда конституция ривожланишининг учинчи босқичи социализм ғалабаси ва СССРнинг 1936 йилги Асосий Қонуни қабул қилиниши билан боғлиқ эди, мазкур Асосий Қонун 1937 йилги Ўзбекистон ССР Конституциясини ишлаб чиқишда дастуриламал бўлиб хизмат қилди. Социализмнинг меҳнатқашларнинг ишчилар синфи раҳбарлигидаги сиёсий ҳокимияти, социалистик ҳўжалик системасининг танҳо ҳукмронлиги, эксплуатация ва эксплуататор синфларнинг, ишсизликнинг йўқ қилинганлиги, кенг демократик гарантйаланган ҳуқуқлар ҳамда эркинликлар ва ҳоказо принциплари ҳамда негизлари мазкур Конституциянинг асосини ташкил этди. Ҳақиқий социалистик демократиянинг ҳал қилувчи шарти бўлган социализмнинг ана шу принциплари ва негизлари, бизнинг назаримизда, китобда етарлича тўла кўрсатилган. Лекин авторлар 1937 йилги Ўзбекистон ССР Конституцияси демократизмини таърифлаганда сайлов системасидаги бундан олдинги Конституциядагига нисбатан ян-

ги жиҳатларни кенгрок ва чуқуррок ёритиб беришлари керак эди. Бундай жиҳатлар, жумладан, ҳеч қандай чекловларсиз умумий сайлов ҳуқуқига ўтишда, ишчилар синфининг сайлов ҳуқуқида деҳқонларга нисбатан имтиёзларга эгаллигининг тугатилишида, кўп босқичли сайловлардан тўғридан-тўғри сайловларга ўтишда намоён бўлган эди.

1937 йилги Ўзбекистон ССР Конституцияси республика давлат ҳокимияти ва бошқарув органлари тузилишини демократиялаштирди, уларнинг ҳуқуқий статусини совет халқи олдида турган янги вазифаларга мувофиқ равишда аниқ таърифлаб берди. Унда мустаҳкамланган барча босқичлардаги давлат ҳокимияти ва бошқарув органлари системаси, уларни шакллантириш ва фаолияти принциплари совет демократияси ривожланишининг юксак даражасини, унинг чуқурлашганлиги ва кенгайганлигини ақс эттирди, ошқораликка ва граждандарни Советлар ишига кенг жалб қилишга қўмаклашди.

Ана шу босқичда граждандарнинг асосий ҳуқуқлари, эркинликлари, бурчлари анча кенгайди. Масалан, граждандарнинг меҳнат қилиш, дам олиш, қариган чоғда ва меҳнат қобилиятини йўқотганларида моддий таъминланиш, шахснинг дахлсизлиги ва ҳоказо ҳуқуқлари мустаҳкамланди. Ижтимоий бурчага виждонан муносабатда бўлиш, социалистик турмуш қондаларини ҳурматлаш, социалистик мулкни асраш ва мустаҳкамлаш бурчлари янги бурчлар эди.

1937 йилги Ўзбекистон ССР Конституцияси совет жамияти ҳаётида ғоят муҳим воқеаларга тўла бўлган 40 йил давомида амал қилди. У вақт синовидан ўтди, социалистик ижтимоий муносабатларни тартибга солишда катта роль ўйнади. У қабул қилинганидан сўнг ўтган йиллар ичида мамлакатда, шу жумладан Ўзбекистонда ҳаётнинг ҳамма соҳаларида чуқур ўзгаришлар рўй берди. Совет Иттифоқи ривожланган социализм босқичига қадам қўйди. 1977 йилги СССР Конституцияси ва 1978 йилги Ўзбекистон ССР Конституцияси ана шу босқичга тўғри келади.

Ўзбекистон ССРда конституция ривожланишининг янги босқичи Совет давлатининг мамлакатимизда яшайдиган барча синфлар ва социал группалар, миллатлар ва элатлар манфаатларини ифодалайдиган умумхалқ давлатига айлангани билан характерланади. Тадқиқотчилар Ўзбекистон ССРнинг ҳозир амал қилаётган Конституциясига бағишланган бобда ижтимоий тузум ва сиёсатнинг конституцион асослари, давлат ва шахс муносабатлари, республиканинг миллий-давлат ва маъмурий-территориал тузилиши, давлат аппаратининг конституцион статуси каби масалаларни очиб

беришган. Лекин китоб авторлари Конституция ривожланишининг муҳим кўрсаткичи бўлган гражданларнинг ҳуқуқлари, эркинликлари ва бурчларининг кенгайиши масаласига лозимича эътибор беришмаган. Холбуки, бу ўринда микдорий ва сифатга оид ўзгаришлар ғоят салмоқлидир. Шунини айтиш қийин, тегишли моддалар сони 37 га етди (республиканинг 1937 йилги Конституциясида улар сони 16 та эди). Масалан, 1978 йилги Ўзбекистон ССР Конституциясида бошқа иттифокдош республикалар конституцияларида бўлгани каби гражданларнинг саломатлигини муҳофаза қилиш, уй-жойли бўлиш, маданият ютуқларидан фойдаланиш, давлат ва жамоат ишларини бошқаришда қатнашиш ва бошқа ҳуқуқлари биринчи марта мустахкамлаб қўйилди.

Ўзбекистон ССР конституцияси ривожланиши улкан халқаро аҳамиятга эгадир. Унинг совет жамияти тараққиётининг турли босқичларида амал қилган конституциялари собик қолоқ миллий чекка ўлкаларда ҳам социалистик жамият тузумига реал эришиш мумкинлиги, бундай жамиятда энг изчил ва тўла демократия бутун халқ мўлки бўлиб қолиши, социализмнинг олий мақсади эса барча меҳнаткашларнинг фаровонлигини, ҳар бир шахснинг эркин ҳар тарафлама қамол топишини таъмин-

лашдан иборат эканлигининг ишончли далили бўлиб хизмат қилади. Шу сабабли, фикримизча, китобга Ўзбекистон ССРда конституция ривожланишининг халқаро аҳамияти тўғрисидаги бўлимнинг қўшилиши, шубҳасиз, тақриз қилинаётган асар мазмунининг бойишига хизмат қилган, марксизм-ленинизм ғоялари ва совет турмуш тарзини тарғиб қилишга қўмаклашган, буржуа идеологларининг советларга қарши уйдирмаларига қарши зарба бўлган бўлур эди.

Китоб авторлари республика конституцияларини тарихий-ҳуқуқий анализ қилиш ни мақсад қилиб қўйишган. Шунини қайд қилиш керакки, теманинг тарихий жиҳати бирмунча батафсил ишлаб чиқилгани ҳолда унинг алоҳида ҳуқуқий масалалари етарли очиб берилмаган, конституцияларнинг кўпгина ўзига хос хусусиятлари шунчаки санаб ўтилган, уларнинг қатор қондаларини қиёсий таҳлил қилиш, малакали изохлаб бериш етишмайди.

Бу камчиликлардан қатъи назар, тақриз қилинаётган китоб мутахассислар, давлат-шуносликнинг ҳуқуқий проблемалари билан қизиқувчи барча кишилар учун шакл-шубҳасиз қизиқиш уйғотади.

С. СУЛТОНОВ,
юридик фанлар кандидати.

РЕДАКЦИОН КОЛЛЕГИЯ:

Р. А. Нуруллин (бош редактор), **М. Ғ. Ваҳобов**, **Е. И. Завалишин**, **З. Ёкубов** (бош редактор ўринбосари), **М. Б. Ицковский** (масъул секретарь), **Б. В. Лунин**, **Х. Р. Муҳаммадхонов**, **Ҳ. Рўзиматов**, **Ҳ. Т. Турсунов**, **А. Ҳ. Улмасов**, **С. Қ. Қурбонов**, **Қ. А. Ҳасанжонов**, **Г. А. Ҳидоят**.

Редакция адреси: 700000. Тошкент — П. Ленин кўчаси, 41.

Телефонлар: бош редактор — 32-58-01; 32-78-87; бош редактор ўринбосари — 32-58-02; 32-78-93; масъул секретарь — 32-58-03, 33-60-42; масъул секретарь ўринбосари — 32-58-63; 33-60-42; бўлимлар: марксча-ленинча назарияни пропаганда қилиш — 32-58-65; партия ва совет қурилиши — 32-58-68; экономика — 32-58-71; фан ва маданият — 32-58-66; халқаро ҳаёт — 32-58-69; танқид ва библиография — 32-58-70.

Корректорлар: **М. Комилов**, **Ҳ. Каримов**.

Техредактор **Э. А. Кушнарь**.

Теришга берилди 13.01.1987 й. Босишга рухсат этилди 3.02.1987 й. Формати 70×108¹/₁₆. Фотонабор. Офсет босма усули. Шартли босма листи 8,4. Нашриёт ҳисоб листи 9,1. Тиражи 29204. Нашр В-50. Заказ № 12.

Ўзбекистон Компартияси Марказий Комитети нашриётининг
Меҳнат Қизил Байроқ орденли босмаҳонаси.
Тошкент шаҳри, Ленин кўчаси, 41.

Баҳоси 25 тийин

ISSN 0134—2193

Индекс 75399

FBIS/UD/310

На узбекском языке
ежемесячный теоретический и политический
журнал ЦК КП Узбекистана —
«ЎЗБЕКИСТОН КОММУНИСТИ»
«КОММУНИСТ УЗБЕКИСТАНА»

Ордена Трудового Красного Знамени
типография Издательства ЦК Компартии Узбекистана

Digitized by Google

БУТУН ДУНЕ ПРОЛЕТАРЛАРИ, БИРЛАШИНГИЗ!



ЎЗБЕКИСТОН КОММУНИСТИ

FBIS/UD/312

3
МАРТ
1987



ЎЗБЕКИСТОН КОММУНИСТИ

№ 3

МАРТ

1987 йил

1920 йилдан
чиқа бошлаган

ЎЗБЕКИСТОН КОММУНИСТИК ПАРТИЯСИ
МАРКАЗИЙ КОМИТЕТИНИНГ НАЗАРИЙ
ВА СИСЕИЯ ЖУРНАЛИ

Ўзбек ва рус
тилларида
чиқад

Қайта қуриш — текис йўл бўйлаб сайр қилиш эмас. Бу — кўпинча одам оёғи етмаган сўқмоқлар бўйлаб тоққа кўтарилишдир. Жамиятимизда жуда кўп муаммолар йиғилиб қолганини Марказий Комитет Пленуми яна бир бор кўрсатди. Қайта қуришнинг буюк ишини халқимиз талаб қилаётганидек, биз яшаб турган замон талаб қилаётганидек охирига етказиш учун жуда кўп ижодий куч сарфлаш ва узоқ вақт фидокорона курашиш керак бўлади.

КПСС МК Бош секретари М. С. Горбачевнинг
КПСС МК 1987 йил январь Пленумида
сўзлаган якунловчи нутқидан.

МУНДАРИЖА

Совет Иттифоқи Коммунистик партияси Марказий Комитетининг Пленуми	3
Қайта қуриш ва партиянинг кадрлар сиёсати тўғрисида. КПСС Марказий Комитети Бош секретари М. С. Горбачевнинг КПСС Марказий Комитети Пленумида 1987 йил 27 январда қилган доклади	4
КПСС Марказий Комитети Бош секретари М. С. Горбачевнинг КПСС Марказий Комитети Пленумида 1987 йил 28 январдаги якунловчи нутқи	45
Совет Иттифоқи Коммунистик партияси Марказий Комитети Пленумининг қарори. Қайта қуриш ва партиянинг кадрлар сиёсати тўғрисида	49
Таълим ва тарбия жараёнини янгича қурайлик. Жамиятшуносларнинг республика кенгаши	61
Ўзбекистон Компартияси Марказий Комитетининг биринчи секретари И. Б. Усмонхўжаев нутқи	61
Ўзбекистон Компартияси Марказий Комитетининг иккинчи секретари В. П. Анишчев доклади	64

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иктисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар: КПССнинг актив, яхлит социал сиёсати — мамлакат ривожини жадаллаштиришнинг қудратли воситасидир . . .	82
---	----

ЖУРНАЛХОНЛАРНИНГ САВОЛЛАРИГА ЖАВОБ

Б. Эргашев — Янги ҳаёт учун муваффақиятли кураш замини	93
--	----

ТАНҚИД ВА БИБЛИОГРАФИЯ

Р. Аминова — Хотин-қизларнинг социал активлигини ўстириш тўғрисида партиявий ғамхўрлик	95
--	----

СОВЕТ ИТТИФОҚИ КОММУНИСТИК ПАРТИЯСИ МАРКАЗИЙ КОМИТЕТИНИНГ ПЛЕНУМИ

1987 йил 27—28 январь кунлари КПСС Марказий Комитетининг навбатдаги Пленуми бўлиб ўтди. Пленум муҳокамасига «Қайта қуриш ва партиянинг кадрлар сиёсати тўғрисида»ги масала қўйилди. КПСС Марказий Комитетининг Бош секретари М. С. Горбачев шу масала юзасидан доклад қилди.

Пленум қатнашчиларига ўртоқ М. С. Горбачев докладининг тезислари билан, шунингдек давлат корхонаси (бирлашмаси) тўғрисида СССР Қоиуни лойиҳаси ҳамда қайта қуриш ва кадрлар сиёсати масалалари хусусида меҳнаткашлардан келган хатларнинг обзори билан барвақт танишиш имконияти берилди.

Доклад юзасидан музокараларда: КПСС Краснодар ўлка комитетининг биринчи секретари И. Қ. Полозков, Белоруссия Компартияси Марказий Комитетининг биринчи секретари Н. Н. Слюньков, СССР Фанлар академиясининг президенти Г. И. Марчук, РСФСР Министрлар Советининг Раиси В. И. Воротников, С. М. Киров номидаги Иваново тўқув фабрикасининг директори В. Н. Голубева, СССР Министрлар Советининг Раиси Н. И. Рижков, Украина Компартияси Марказий Комитетининг биринчи секретари В. В. Щербичкий, КПСС Москва шаҳар комитетининг биринчи секретари Б. Н. Ельцин, СССР Фанлар академияси АҚШ ва Канада институтининг директори Г. А. Арбатов, КПСС Ленинград область комитетининг биринчи секретари Ю. Ф. Соловьев, КПСС Свердловск область комитетининг биринчи секретари Ю. В. Петров, Ставрополь ўлкасининг Степной районидаги «Путь к коммунизму» колхозининг раиси Н. Д. Терешченко, СССР Олий Совети Президиумининг Раиси А. А. Громико, Кемерово область, Прокопьевск кўмир қазиб олиш ишлаб чиқариш бирлашмаси «Зиминка» шахтаси комплекс бригадасининг бошлиғи В. С. Кости, Қозғистон Компартияси Марказий Комитетининг биринчи секретари Г. В. Колбин, КПСС Омск область комитетининг биринчи секретари С. И. Манякин, СССР олий ва ўрта махсус таълим министри Г. А. Ягодин, КПСС Олтой ўлка комитетининг биринчи секретари Ф. В. Попов, КПСС Марказий Комитети ҳузуридаги Партия контроли комитетининг раиси М. С. Соломенцев, Владимир Ильич номи Москва электромеханика заводининг тоқари В. П. Тихомиров, КПСС Белгород область комитетининг биринчи секретари А. Ф. Пономарев, СССР энергетика машинасозлиги министри В. М. Величко, Грузия Компартияси Марказий Комитетининг биринчи секретари Д. И. Патиашвили, РСФСР Театр арбоблари союзи правленисининг раиси М. А. Ульянов, Украина ССР Херсон область Белозерка районидаги Киров номи колхоз раиси Д. К. Моторний, СССР мудофаа министри С. Л. Соколов, СССРнинг Германия Федератив Республикасидаги фавқуллод ва мухтор элчиси Ю. А. Квицинский, Украина Компартияси Полтава область комитетининг биринчи секретари Ф. Т. Моргун, Литва Компартияси Марказий Комитетининг биринчи секретари П. П. Гришкявичус, КПСС Москва область комитетининг биринчи секретари В. К. Месяц, Ўзбекистон Компартияси Марказий Комитетининг биринчи секретари И. Б. Усмонхўжаев, КПСС Марказий Комитетининг секретари В. И. Долгих, Қирғизистон Компартияси Марказий Комитетининг биринчи секретари А. М. Масалиев, КПСС Иркутск область комитетининг биринчи секретари В. И. Ситников ўртоқлар сўзга чиқдилар.

КПСС Марказий Комитетининг Бош секретари ўрток М. С. Горбачев яқунловчи нутқ сўзлади.

Пленум муҳокама этилган масала юзасидан муфасссал қарор қабул қилди, бу қарор матбуотда эълон қилинади.

Пленум давлат корхонаси (бирлашмаси) тўғрисида СССР Қонуни лойиҳасини асос сифатида маъқуллашни мақсадга мувофиқ деб топди, келгусида бу лойиҳа умумхалқ муҳокамасига қўйилишини назарда тутди.

КПСС Марказий Комитетининг Пленумида ташкилий масалалар кўриб чиқилди.

Пленум КПСС Марказий Комитети Сиёсий бюроси аъзолигига кандидат ўрток Н. Н. Слюньковни КПСС Марказий Комитетининг секретари қилиб сайлади.

Пленум КПСС Марказий Комитетининг секретари ўрток А. Н. Яковлевни КПСС Марказий Комитети Сиёсий бюроси аъзолигига кандидат қилиб сайлади.

Пленум ўрток А. И. Лукьяновни КПСС Марказий Комитетининг секретари қилиб сайлади.

Ўрток Д. А. Кунаев пенсияга чиққанлиги муносабати билан уни КПСС Марказий Комитети Сиёсий бюросининг аъзоси вазифасидан озод этиш тўғрисида қарор қабул қилинди.

Пленум ўрток М. В. Зимяннин саломатлиги ёмонлашганлиги сабабли пенсияга чиққанлиги муносабати билан уни КПСС Марказий Комитетининг секретари вазифасидан озод қилди.

Шу билан КПСС Марказий Комитетининг Пленуми ўз ишини тугаллади.

ҚАЙТА ҚУРИШ ВА ПАРТИЯНИНГ КАДРЛАР СИЁСАТИ ТЎҒРИСИДА

*КПСС Марказий Комитети Бош секретари
М. С. ГОРБАЧЕВНИНГ*

*КПСС Марказий Комитети Пленумида
1987 йил 27 январда қилган доклади*

Ўртоқлар!

Партия XXVII съезди бизнинг зиммамизга, Марказий Комитет аъзолари зиммасига мамлакат социал-иқтисодий тараққиётини жадаллаштиришга қаратилган стратегик йўл амалга оширилишини таъминлашдек улуғвор масъулиятни юклади. Сиёсий бюро совет жамияти турмушининг ҳозирги босқичидаги вазиятни ва Марказий Комитетнинг ролини айтиш шундай тушунмоқда.

Шунга асосланиб, Пленум муҳокамасига Марказий Комитетнинг 1985 йил апрель Пленуми ва КПСС XXVII съезди ишлаб чиққан сиёсий стратегияни муваффақиятли равишда рўёбга чиқариш учун биринчи даражали аҳамиятга эга бўлган масала — қайта қуриш ва партиянинг кадрлар сиёсати тўғрисидаги масала қўйилди. Биз бу масалани ўтмиш сабоқларини, ҳозирги пайтнинг характерини ва келажак вазифаларини эътиборга олиб кеңг социал-сиёсий планда кўриб чиқишимиз керак.

Апрель Пленуми, партиянинг XXVII съезди жамиятда вужудга келган аҳволни объектив танқидий анализ қилиш йўлини очди, мамлакат тақдири учун тарихий қарорлар қабул қилди. Биз қайта қуришни қатъият билан бошладик ва бу йўлда дастлабки қадамларни қўйдик.

Умумий сиёсий якун чиқариладиган бўлса, совет жамиятининг турмушида катта ўзгаришлар рўй бермокда, ижобий тенденциялар кучайиб бормокда, деб дадил айтиш мумкин.

Пленум арафасида мен, Сиёсий бюронинг бошқа аъзолари, Марказий Комитет секретарлари Марказий Комитетнинг аъзолари билан, жамоат арбоблари, ишчилар, колхозчилар, зиёлилар, ветеранлар ва ёшлар билан кўп учрашув ва суҳбатлар ўтказдик. Уларнинг умумий кайфияти ва фикрларининг моҳияти битта, у ҳам бўлса — жамиятимизни янгилаш йўлини катъият билан ўтказиш, ҳамма жабҳалардаги куч-ғайратларни оширишдан иборат.

XXVII съездининг сиёсий йўлини, шу йўлни амалга ошириш соҳасидаги амалий фаолиятни қайта қуришнинг ўзини меҳнаткашлар, бутун совет халқи кенг миқёсда қўллаб-қувватлашлари Марказий Комитет учун муҳимдир. Бу эса, мамлакатни идора қилувчи партия учун энг асосий нарсадир, ўртоқлар.

Шу билан бирга, биз яхшилик йўлидаги ўзгаришлар секинлик билан рўй бераётганини, қайта қуриш иши биз илгари тасаввур қилганимиздан кўра қийинроқ, жамиятда йиғилиб қолган проблемаларнинг сабаблари чуқурроқ бўлиб чиққанини кўриб турибмиз. Биз қайта қуриш соҳасидаги иш билан чуқурроқ шуғулланганимиз сайин унинг кенг миқёслилиги ва аҳамияти тобора равшанлашиб бормокда, ўтмишда ҳал этилмай мерос бўлиб қолган тобора янги-янги проблемалар аниқланмокда.

Жамиятнинг аҳволи ҳақида Сиёсий бюронинг асосий фикрлари ва шундан чиқарилган хулосалар партия XXVII съездида, Марказий Комитетнинг Пленумларига маълум қилинган эди. Бу фикр ва хулосалар тўла-тўқис тасдиқланмокда. Аммо биз бугун кўпроқ нарсани биламиз ва шу сабабли вужудга келган аҳволнинг манбаларини яна бир бор батафсил кўриб чиқиш, 70—80-йиллар маррасида мамлакатда рўй берган аҳволнинг сабабларини таҳлил этиш зарурати бор.

Хатоларнинг такрорланишига йўл қўймаслик, съезд қарорларини рўёбга чиқариш учун бундай таҳлил зарур, чунки халқимизнинг келажаги, социализмнинг тақдири съезд қарорларининг амалга оширилишига боғлиқ. Бунинг устига, жамиятда ва қолаверса, партиянинг ўзида ҳам мамлакатда вужудга келган аҳволнинг мураккаблигини ҳали охиригача тушуниб етилгани йўқ. Афтидан, қайта қуриш чоғида Сиёсий бюро билан ҳукумат кўраётган чоратадбирлар хусусида бир қанча ўртоқларда саволлар пайдо бўлаётганини ҳам шу билан изоҳлаш мумкин. Кўпинча: биз ҳаддан ташқари кескин иш тутаетганимиз йўқми? — деб сўрамокдалар.

Бизда ҳаётий муҳим масалаларнинг ҳаммасида, шу жумладан, бу масалада ҳам тўла равшанлик бўлиши керак. Ишларнинг аҳволини чуқур билишгина мураккаб вазифаларни ҳал этишнинг тўғри йўлларини топиш имконини беради.

Умуман, ўртоқлар, партия билан совет жамияти КПСС Марказий Комитетининг апрель Пленумигача бўлган аввалги сўнгги йилларда дуч келган проблемаларни яна бир бор таҳлил этиш жуда зарур бўлиб қолди. Ўтган бир ярим йилнинг тажрибаси бизнинг шу таҳлилни чуқурлаштириш, салбий жараёнларнинг сабабларини тушуниб олиш ва ҳаракатимизни жадаллаштирадиган, хатолар такрорланмаслиги кафолатини берадиган, олға ва фақат олға бориб, социализмга узвий равишда хос бўлган ўзини-ўзи доимий мукаммаллаштириш қобилятини амалда исботлайдиган чора-тадбирларни ишлаб чиқишга азму қароримизни кучайтирди.

Сиёсий бюронинг фикрича, биз ушбу Пленумни айти шундай ёндашиш асосида ўтказишимиз керак.

1. ҚАЙТА ҚУРИШ — ОБЪЕКТИВ ЗАРУРАТ

Ўртоқлар! Бизнинг Пленумимиз Улуғ Октябрь юбилейи йилида ўтмокда. Салкам етмиш йил мукаддам Ленин партияси мамлакат узра социалистик революциянинг, социализм учун, озодлик ва тенглик учун, социал адолат ва ижтимоий тараққиёт учун курашнинг, зулмга ва эксплуатацияга, қашшоқликка ва миллий ҳуқуқсизликка қарши курашнинг музаффар байроғини кўтарди.

Жаҳон тарихида биринчи марта меҳнат аҳли, унинг манфаатлари ва эҳтиёжлари давлат сиёсатининг марказига қўйилди. Совет Иттифоқи социалистик қурилиш йўлларида сиёсий, иқтисодий, социал ва маънавий тараққиётда чинакам тарихий муваффақиятларга эришди. Партия раҳбарлигида совет халқи социализм қурди, Улуғ Ватан урушида фашизм ўстидан ғалаба қозонди, халқ хўжалигини қайта тиклади ва мустақамлади, ўз Ватанини қудратли давлатга айлантирди.

Бизнинг муваффақиятларимиз жуда катта ва шак-шубҳасиздир, бинобарин, совет кишилари ўз муваффақиятлари билан ҳақли равишда фахрланадилар. Бу муваффақиятлар — ҳозирги планларимиз, келгусига мўлжалланган режаларимиз рўёбга чиқишининг пухта негиздир. Аммо партия ҳаётнинг бутун тўлалигини ва мураккаблигини кўра билишга мажбур. Ҳар қандай, ҳатто энг улуғвор ютуқлар жамият тараққиётидаги зиддиятларни ҳам, хато ва нуқсонларимизни ҳам панада қолдирмаслиги керак.

Мамлакат муайян босқичда ҳаракат суръатларини сусайтира бошлаганини, кийинчиликлар ва ҳал этилмаган проблемалар йиғила бошлаганини, социализмга ёт бўлган турғунлик ва бошқа ҳолатлар пайдо бўлганлигини айтган эдик ва бугун яна бир бор такрор айтишимиз керак. Мана шуларнинг ҳаммаси экономикага, социал ва маънавий соҳаларга жиддий таъсир қилди.

Мамлакатнинг тараққиёти тўхтаб қолгани йўқ, албатта, ўртоқлар. Ун миллионлаб совет кишилари ҳалол меҳнат қилдилар, кўпгина партия ташкилотлари ва кадрларимиз халқ манфаатларини кўзлаб актив иш олиб бордилар. Мана шуларнинг ҳаммаси салбий жараёнларнинг кучайишига йўл қўймади, аммо бу жараёнларнинг олдини ҳам ололмади.

Объектив жиҳатдан олганда экономикада, қолаверса, бошқа соҳаларда ҳам ўзгаришларга эҳтиёж етилди, бироқ партия билан давлатнинг сиёсий ва амалий фаолиятида бу эҳтиёж рўёбга чиқарилмади.

Ҳўш, бу мураккаб ва зиддиятли вазиятнинг сабаби нима?

Энг катта сабаб — Сиёсий бюро бу ҳақда Пленумда тўла ошкоралик билан айтишни зарур деб ҳисоблайди — шундан иборат эдики, КПСС Марказий Комитети, мамлакат раҳбарлари аввало субъектив сабабларга кўра, ўзгаришлар зарурлигини, жамиятдаги кризисли ҳолатлар кучайиб бориши хавфини ўз вақтида ва тўла ҳажмида баҳолай олмадилар, бу ҳолатларни бартараф этишга, социалистик тузум замиридаги имкониятлардан янада тўлиқ фойдаланишга қаратилган аниқ йўлни ишлаб чиқа олмадилар.

Сиёсатни ишлаб чиқишда ва амалий фаолиятда консерватив кайфиятлар, сусткашлик, одатдаги схемаларга мос келмайдиган ҳамма нарсалардан юз ўгиришга интилиш, етилган социал-иқтисодий масалаларни ҳал этишни истамаслик майллари устунлик қилди.

Мана шуларнинг ҳаммаси учун партия билан давлатнинг раҳбар органлари жавоб берадилар, ўртоқлар.

Ҳаётинг проблемалар ва зиддиятларни, ижтимоий тенденциялар ва истикболларни англаб олиш даражаси кўп жиҳатдан назарий фикрнинг ҳолатига ва ривожланишига, назарий жаҳадаги мавжуд муҳитга кўп жиҳатдан боғлиқ эди.

Лениннинг назариянинг қиммати «ҳаётдаги ҳамма зиддиятлар қандай бўлса, уларни назарияда ҳам шундайлигича аниқ тасвирлаб беришдадир» деган кўрсатмаси кўпинча мутлақо писанд қилинмади. Социализм тўғрисидаги назарий тасаввурлар кўп жиҳатдан 30—40 -йиллар даражасида қолди, ҳолбуки ўша йилларда жамият мутлақо бошқача вазифаларни ҳал этган эди. Ривожланиб бораётган социализм, унинг ҳаракатлантирувчи кучлари ва зиддиятлари диалектикаси, жамиятнинг реал ҳолати чуқур илмий тадқиқ қилинмади.

Бу аҳволнинг сабаблари йироқдан бошланган, шундай конкрет тарихий вазият илдизларидан келиб чиққанки, ўша вазиятда маълум ҳолатлар тақозоси билан жонли мунозара ва назарий фикр назариядан ва жамиятшуносликдан чиқариб юборилган, авторитар фикр ва мулоҳазалар эса шак келтириб бўлмайдиган ва факат шарҳланиши мумкин бўлган фикр ва мулоҳазаларга айланиб қолган эди.

Жамиятни ташкил этишнинг практикада вужудга келган формалари

кандайдир абсолютлашиб қолган эди. Бунинг устига, ана шундай тасаввурлар аслида социализмнинг моҳияти таърифлари билан айнан бир нарса деб, ўзгармайдиган ҳолатлар деб талқин этилган ҳамда ҳолисона илмий таҳлил қилишга ўрин қолдирмайдиган ақидалар тарзида тасвирланган эди. Социалистик ишлаб чиқариш муносабатларининг қотиб қолган қиёфаси вужудга келган, уларнинг ишлаб чиқарувчи кучлар билан диалектик ўзаро боғланишига етарли баҳо берилмаган эди. Жамиятнинг социал структураси ундаги турли қатламлар ва группалар хилма-хил манфаатларининг зиддиятлари ва динамизмидан ҳоли бўлган схематик тарзда тасвирланар эди.

Лениннинг социализм тўғрисидаги қоидалари жўн тарзда талқин этилар, кўпинча бу қоидаларнинг назарий чуқурлиги ва моҳияти саёзлаштириб юборилар эди. Бу ҳол ижтимоий мулк, синфий ва миллатлараро муносабатлар, меҳнат меъёри ва истеъмол меъёри, кооперация, хўжалик юритиш усуллари, халқ ҳокимияти ва ўзини-ўзи бошқариш, бюрократик бузилишларга қарши кураш, социалистик идеологиянинг революцион ўзгартирувчилик моҳияти, таълим ва тарбия принциплари, партия билан жамиятнинг соғлом ривожланиши қафолатлари сингари энг муҳим проблемаларга ҳам тааллуқлидир.

Коммунизм тўғрисидаги енгил-елпи тасаввурлар, турли-туман қароматлар ва мавҳум мулоҳазалар муайян даражада ёйилган эди. Бу эса ўз навбатида социализмнинг тарихий аҳамиятини пасайтирар, социалистик идеологиянинг таъсирини заифлаштирар эди.

Назарияга бундай муносабат ижтимоий фанларга, шу фанларнинг жамиятдаги ролига салбий таъсир қилмасдан қола олмас ва ҳақиқатан ҳам салбий таъсир қилган эди. Чунки, ўртоқлар, бизда кўпинча ҳеч кимнинг манфаатлари ва ҳаётий проблемаларга тааллуқли бўлмаган турли-туман схоластик назариябозлик ҳатто рағбатлантирилганлиги, амалий таҳлил этишга ва янги ғояларни илгари суришга уринишлар эса қўллаб-қувватланмаганлиги факт-ку, ахир.

Назарий жабҳадаги аҳвол амалий масалаларни ҳал этишга салбий таъсир қилди. Ўн йиллар давомида хўжалик юритиш ва бошқариш практикасида эскирган усуллар сақланиб қолаверди, баъзи самарали иқтисодий формалар эса, аксинча, асоссиз равишда рад қилинди. Айни вақтда ишлаб чиқаришда ва тақсимотда жамиятнинг реал етуқлигига мос келмайдиган, бир қанча ҳолларда унинг табиатига зид бўлиб тушган муносабатлар қарор топтирилди. Ишлаб чиқариш ва меҳнатни рағбатлантириш аслида миқдорий, экстенсив ривожланишга йўналтирилди.

Социалистик мулк ҳақида алоҳида гапирмок керак. Бу мулкни ким ва қандай қилиб тасарруф этаётгани устидан контроллик жиддий равишда заифлашиб қолди. Кўпинча маҳкамачилик ва маҳаллийчилик бу мулкни кемирди, у реал хўжайиндан маҳрум бўлган, бепул ва «эгасиз» бўлиб қолди, кўп ҳолларда ундан меҳнатсиз даромадлар ундириб олиш учун фойдаланила бошлади.

Кооператив мулкка нотўғри муносабатда бўлинди, бу мулк қандайдир «иккинчи нав» ва истикболсиз бир нарса, деб тасвирланди. Мана шуларнинг ҳаммаси аграр ва социал сиёсатда жиддий оқибатларга олиб келди, колхозлар билан муносабатларда маъмуриятчиликни юзага келтирди, хунармандчилик кооперациясининг тугатилишига олиб борди. Шахсий ёрдамчи хўжалик ва яққа тартибдаги меҳнат фаолиятига қарашларда ҳам жиддий янглишишлар рўй берди, бу ҳам анчагина иқтисодий ва социал зиён етказди.

Планлаштиришда жиддий номутаносибликлар йиғилиб қолди. Иқтисодий сиёсатнинг асосий қуроли бўлмиш планнинг обрўсига субъектив ёндашувлар, нобаланслилик ва ностабиллик, иқир-чикирларгача бўлган ҳамма нарсани қамраб олишга интилиш, пландан ташқари ва кўпинча реал имкониятларни эътиборга олмай қабул қилинадиган тармок ва регионал характердаги қарорларнинг кўплиги путур етказди. Кўпинча планлар илмий жиҳатдан асослаб берилмади, улар халқ хўжалигидаги самарали пропорцияларга, социал соҳани ривожлантиришга дуруст эътибор беришга, кўпгина стратегик вазифаларни ҳал этишга йўналтирилмади.

Оқибатда шундай бўлиб чиқдики, ҳўжалик юритишнинг социалистик системаси жуда катта афзалликларидан, ва аввало унинг планлилигидан самарали фойдаланилмади. Мана шундай шароитда масъулиятсизлик авж олди, хилма-хил бюрократик қондалар ва инструкциялар тўкиб чиқарилди, жонли иш ўрнига маъмуриятчилик, юзаки ишчанлик, қоғозбозлик билан шуғулланилди.

Товар-пул муносабатларининг роли ва қиймат қонунининг амал қилиши хусусидаги нотўғри фикрлар, баъзан эса ҳатто уларни қандайдир ёт нарса деб, социализмга бевосита қарама-қарши қилиб қўйиш ҳоллари экономикада волюнтаристик ёндашувларга, ҳўжалик ҳисобига етарли баҳо бермасликка, меҳнатга ҳақ тўлашда «тенгчилик»ка олиб келди, нарх белгилашда субъективчилик негизларини, пул муомаласини бузиш ҳолларини, талаб билан таклифни тартибга солиш масалаларига эътиборсизликни келтириб чиқарди.

Қорхона ва бирлашмаларнинг ҳўжалик ҳисоби ҳуқуқларини чеклашлар, айниқса оғир оқибатларга олиб келди. Бу ҳол моддий рағбатлантириш асосларига путур етказди, юксак пировард натижаларга эришишга тўсқинлик қилди, одамларнинг меҳнат ва социал активлигини пасайтиришга, интизом ва тартибнинг бўшашиб кетишига олиб борди.

Аслини олганда, ҳокимиятнинг иқтисодий воситаларини заифлаштирадиган бутун бир система пайдо бўлди, социал-иқтисодий тараққиётга ҳалакат берувчи, социализм афзалликларини намоён этиб, улардан фойдаланиш имконини берадиган илғор ўзгартишларга тўсқинлик қилувчи ўзига хос механизм вужудга келди. Бундай тўсқинлик қилиш илдиэлари социалистик демократия тартиб-қондаларининг амал қилишидаги жиддий камчиликларга, эскирган, кўпинча эса реал аҳволга мос келмайдиган сиёсий ва назарий йўл-йўриқларга, бошқарувнинг консерватив механизмига бориб тақалади.

Мана шуларнинг ҳаммаси жамият турмушининг кўпгина соҳаларини ривожлантиришга салбий таъсир қилди, ўртоклар. Моддий ишлаб чиқаришни олиб кўрайлик. Миллий даромаднинг ўсиш суръатлари кейинги уч беш йиллик давомида икки ҳиссадан зиёд қамайди. Кўпчилик кўрсаткичлар юзасидан белгиланган планлар 70-йилларнинг бошидан бажарилмай келди. Умуман экономика янгиликларни қабул этишга унчалик мойил бўлмай бесўнақай тус олди, маҳсулотнинг анчагина қисми сифати замонавий талабларга мувофиқ келмайдиган бўлиб қолди, ишлаб чиқаришдаги номутаносиблик кучайди.

Машинасозликни ривожлантиришга эътибор сусайди. Илмий тадқиқот ва тажриба-конструкторлик ишлари халқ ҳўжалигининг эҳтиёжларидан орқада қолди, уни техникавий реконструкциялаш вазифаларига мос келмади, капиталистик бозордан асбоб-ускуналарни ва бошқа кўпгина молларни харид қилиш ҳаддан ташқари кўпайди ва ҳамиша ҳам ўринли бўлавермади.

Салбий жараёнлар социал соҳага жиддий таъсир ўтказди. Партия XXVII съездида бу соҳанинг аҳволига баҳо бериб ўтилди. Кейинги беш йилликларда экономиканинг социал йўналиши жуда заифлашиб кетди, социал масалаларга деярли эътибор бермай қўйилди. Бу ҳол нималарга олиб келганини ҳозир кўриб турибмиз. Биз аҳолини иш билан таъминлаш масалаларини муваффақиятли ҳал этиб, принципиал характердаги социал гарантияларни таъминлаб қўйган бўлсак-да, айни вақтда уй-жой шароитларини яхшилашда, озик-овқат билан таъминлашда, транспортни, медицина хизмати, маорифни ташкил этишда, бошқа бир қанча зарур проблемаларни ҳал этишда социализмнинг имкониятларини тўла-тўқис рўёбга чиқара олмадик.

Социализмнинг энг муҳим принципи — меҳнатга яраша тақсимлаш принципи бузила бошлади. Меҳнатсиз даромадларга қарши қатъият билан курашилмади. Серунум меҳнатни моддий ва маънавий рағбатлантириш сиёсати изчил бўлмади. Катта миқдорда асоссиз муқофотлар, турли-туман кўшимча рағбатлантириш пуллари тўланди, бойлик орттириш мақсадида кўшиб ёзишларга йўл қўйилди. Тайёрга айёрлик кайфиятлари кучайди, «тенгчилик» психологияси онга сингий бошлади. Бу эса яхшироқ ишлай оладиган ва шундай ишлашни хоҳлайдиган меҳнатчиларга зиён етказди ва айни вақтда енгил-елпи ишлаш ишқибозларига йўл очиб берди.

Мехнат меъёри билан истеъмом меъёри ўртасидаги узвий боғланиш бузилганлиги меҳнатга муносабатга путур етказиб, меҳнат унумдорлигининг ўсишига тўсқинлик қилибгина қолмай, шу билан бирга социал адолат принципини бузишга ҳам олиб боради, бу эса катта сиёсий аҳамиятга молик масаладир.

Кейинги йилларда пайдо бўлган социал айниш жиҳатлари жамиятнинг маънавий кайфиятига салбий таъсир қилди, халқимизга ҳамиша хос бўлган ва биз фахрланиб келаётган юксак маънавий бойликларга, ғоявий эътиқодга, меҳнат шижоатига, совет ватанпарварлигига зимдан путур етказа бошлади.

Жамоат ишларига қизиқишнинг сусайиб кетиши, маънавий қашшоқлик ва ноумидлик кўринишлари, меҳнатнинг маънавий омиллари ролининг пасайиши — бунинг муқаррар оқибатидир. Одамлар, жумладан ёшлар ўртасида моддий фаровонлик, ҳар қандай йўллар билан бойлик орттириш ҳаётий мақсади бўлиб қолган кишилар гуруҳи кўпайди. Уларнинг ҳаёсизларча позицияси тобора хужумкор тус олиб, атрофдаги одамларнинг онгини заҳарлади, истеъмомчилик тўлкинини келтириб чиқарди. Ичкиликбозликнинг кўпайиши, гиёҳвандликнинг ёйилиши, жиноятчиликнинг ошиб кетиши социал хулқ-атвор таназзулининг кўрсаткичидир.

Конунларга нисбатан менсимай муносабатда бўлиш, кўзбўямачилик ва порахўрлик, лаганбардорлик ва сафсатабозликни рағбатлантириш фактлари жамиятдаги маънавий муҳитга жуда ёмон таъсир ўтказди. Одамлар ҳақида, уларнинг турмуш ва меҳнат шароитлари, социал кайфияти тўғрисида чинакам ғамхўрлик қилиш ўрнига кўпинча сиёсий тилёғламалик қилинди — орден ва медаллар, мукофотлар, унвонлар оммавий равишда тарқатила берди. Ҳамма нарсга кечириладиган вазият вужудга келди, талабчанлик, интизом, жавобгарлик пасайиб кетди.

Кўпгина ҳолларда ғоявий-сиёсий тарбиядаги жиддий камчиликлар марказда ҳам, жойларда ҳам дабдабали тадбирлар ва кампанияларни ўтказиш, кўпдан-кўп юбилейларни байрам қилиш билан хаспўшлаб келинди. Кундалик реал воқеликлар олами билан сохта фаровонлик олами ўртасидаги тафовут тобора ортиб борди.

Турғунлик идеологияси ва психологияси маданият, адабиёт ва санъат соҳасининг ҳолатига ҳам таъсир қилди. Бадий ижодга баҳо беришда мезонларнинг кадри тушиб кетди. Бу ҳол шунга олиб келдики, жиддий социал-маънавий муаммолар кўтарилган, реал турмуш ҳодисалари акс эттирилган асарлар билан бир қаторда ақлга ҳам, ҳис-туйғуга ҳам таъсир қилмайдиган талайгина ўртамеъна, мужмал асарлар ҳам пайдо бўлиб турди. Пасткашликни, колоқ дидни, маънавий қашшоқликни тикиштирувчи буржуа оммавий маданияти бир қолипдаги маҳсулининг совет жамиятига суқилиб кириши кучайди.

Бунда ижодий жараённинг ғоявий-бадий йўналиши учун, халқнинг маънавий соғлом бўлиши учун идеология идораларимизнинг, бадий журналлар редакторларининг ва ижодий союзлар раҳбарларининг, адабий танқиднинг, адибларнинг, санъат арбобларининг жавобгарлиги тўғрисида айтиб ўтмасдан бўлмайди.

Ижодий союзларнинг фаолиятида принципааллик, талабчанлик, танлантларни камол топтириш ва қўллаб-қувватлаш тўғрисида чинакам ғамхўрлик етишмади. Кўпинча маданият соҳасининг аҳволи ва ҳолатига тааллуқли энг муҳим масалаларга союзларнинг раҳбарлари етарлича эътибор бермай келишди. Айни вақтда эса тўрачилик ва расмийчилик авж олди, танқидга ниҳоятда тоқат қилмаслик ҳоллари пайдо бўлди. Бир қанча ҳолларда ҳаддан ташқари нафсоният реалистик баҳолар ва ўзига-ўзи баҳо беришдан устун кела бошлади.

Аҳвол яна шу билан ҳам чигаллашдики, бадий ижодиётга партиявий ёндашув кўпинча идоравий ёндашув билан, соф ижодий жараёнларга асоссиз аралашуш билан, дидга ёқиш ва ёқмаслик билан, ғоявий таъсир ва раҳбарлик методлари эса маъмурий қарорлар билан алмаштирилди.

Ўртоқлар! Партиянинг, унинг кадрлар корпусининг ҳолати ҳам 70—80-йилларда вужудга келган социал-иктисодий ва сиёсий вазиятга таъсир ўтказди.

Партиянинг раҳбар органлари жамиятда, коммунистлардан бир қисмининг ҳулқ-атворида кучайиб бораётган салбий тенденциялар ҳавф-хатарига ўз вақтида ва танқидий баҳо бера олмади, ҳаёт катъий такозо этган қарорларни қабул қилмади.

Кўпгина бошланғич партия ташкилотлари жуда катта имкониятларга эга бўлгани, амалда барча меҳнат коллективларида ишлаб тургани ҳолда принципиал позицияларда тура олмадилар. Уларнинг ҳаммаси ҳам салбий ҳодисаларга, қуюшқондан чиқиб кетишга, бир-бирининг сирини яширишга, интизомнинг бўшашиб кетишига, ичкиликбозликнинг кенг тарқалишига қарши катъий кураш олиб борди деб бўлмайди. Маҳкамачилик ва маҳаллийчиликка, миллатчилик кўринишларига ҳамиша тегишлича зарба берилгани йўқ.

Бизнинг партия ташкилотларимизга баъзида жанговарлик, партия аъзоларига нисбатан талабчанлик, коммунистларнинг ғоявий-сиёсий фазилатларини камол топтиришга эътибор етишмади. Ваҳолонки, аини юксак ғоявийлик ва онглик, шахсий манфаатларни жамият манфаатларига бўйсундиришга тайёргарлик, халққа астойдил хизмат қилиш — булар ҳамиша большевикларга хос бўлган ғоят қимматли фазилатлардир.

Бир қанча ҳолларда партия органлари партия турмуши ленинча принциплари ва нормаларига катъий риоя этилишига тегишлича эътибор бермаганликлари ҳам партиядаги аҳволга таъсир қилди. Бу нарса ишда коллегияликнинг бузилишида кўпроқ намоён бўлди. Мен партия йиғилишлари ва сайлаб қўйиладиган органларнинг роли сусайиб кетганлигини назарда тутаяпман. Бу ҳол коммунистларни ҳаётий муҳим масалаларни муҳокама қилишда актив қатнашиш ва пировард натижада меҳнат коллективларидаги ва умуман жамиятдаги вазиятга реал таъсир ўтказиш имкониятидан маҳрум қилиб қўйган эди.

Коммунистларнинг тенглиги принципи кўпинча бузилиб турди. Раҳбарлик лавозимларини эгаллаб турган кўпгина партия аъзолари контрол ва танқиддан ташқарида қолди, бу эса ишда ўпирилишларга, партиявий этикани жиддий равишда бузишларга олиб келди.

Ишонч билдирилган ва ваколат бериб қўйилган, давлат ва гражданларнинг манфаатларини кўриклаши лозим бўлган айрим раҳбар ходимларнинг хатти-ҳаракатидан меҳнаткашлар ҳаққоний ғазабланаётганликлари тўғрисида ҳам айтиб ўтмасдан бўлмайди. Улар ҳокимиятни суиистеъмол қилдилар, танқидни бўғдилар, бойлик орттирдилар, уларнинг баъзилари эса ҳатто жиноий ҳаракатларнинг ҳам қатнашчилари, қолаверса ташкилотчилари ҳам бўлдилар.

Ўзбекистон, Молдавия, Туркменистонда, Қозғистоннинг бир қанча областларида, Краснодар ўлкасида, Ростов областида, шунингдек Москвада ва бошқа баъзи шаҳарлар, областлар, ўлкалар ва республикаларда, Ташки савдо министрлиги ва Ички ишлар министрлиги системаларида кадрларнинг айнаиши, социалистик қонунчиликни бузиш каби ҳоллар билан боғлиқ салбий жараёнлар ниҳоятда хунук формаларда намоён бўлди.

Партия ташкилотлари, умуман партия бундай ҳолларга қарши кураш олиб бориб, айнаган қимсаларнинг талайгина қисмини КПСС сафларидан чиқарди, албатта. Улар орасида ўғрилиқ, порахўрлик, қўшиб ёзишлар билан шуғулланган, давлат ва партия интизомини бузган, ичкиликбозлик қилган қимсалар ҳам бор.

Партияга кирганларнинг ғоят кўпчилиги ишчилар синфи, дехқонлар, зиёлиларнинг энг яхши наояндаларидир. Улар ўзларининг партиявий бурчини астойдил ва беғараз бажариб келмоқдалар. Шундай бўлса-да, бу йилларда партия билетидан наф кўриб қолишга интилувчи нопок, юлғич, ўз манфаатини ўйловчи кишилар йўлига пухта ғов қўйишга муваффақ бўлинмаганлигини эътироф этиш керак. Биз қондадан бурмунча чекиндик: энг муҳими янги аъзолар сони эмас, балки партия сафларининг сифатидир. Бу эса партия ташкилотларининг жанговарлик қобилиятида ўз аксини топди.

Ўртоқлар, айтилган гапларнинг ҳаммаси жамиятнинг турли соҳаларидаги аҳвол қанчалик жиддий бўлиб қолганлигидан, чуқур ўзгаришлар қанчалик зарурлигидан далолат беради. Шунга яна бир бор таъкидлаб ўтиш муҳимки, партия вазиятга ҳушёрлик билан баҳо бериш, сиёсатда, экономикада, социал ва

маънавий соҳаларда туб ўзгаришларни амалга ошириш, мамлакатни ўзгартишлар йўлига буриб юбориш зарурлигини эътироф этиш учун ўзида куч топиб, мардлик қилди.

Худди шундай вазиятда, ўртоқлар, мамлакатни социал-иктисодий ривожлантиришни жадаллаштириш тўғрисидаги, қайта куриш ҳақидаги масала ўртага қўйилди. Аслини олганда, гап революцион характердаги бурилиш ва чоралар тўғрисида бормоқда. Биз қайта куриш ва жамиятни чуқур демократлаштиришнинг қайта куриш билан боғлиқ жараёнлари тўғрисида гапирганимизда, ҳақиқатан ҳам, жамиятда революцион ва ҳар томонлама ўзгаришларни назарда тутамиз.

Шундай туб бурилиш қилиш зарур, чунки бизнинг бундан бошқа йўлимиз ҳам йўқ. Бизнинг чекинишимиз мумкин эмас ва ҳеч қаёққа чекиниб бўлмайди. Марказий Қомитет апрель Пленумининг, XXVII съездининг йўлини биз изчиллик билан оғишмай амалга оширишимиз, олға боришимиз ва жамиятни сифат жиҳатдан янги ривожланиш даражасига кўтаришимиз шарт.

Ижтимоий ўзгаришларни бошлай туриб, В. И. Ленин таълим берганидек, «бу ўтишнинг, аслида нимадан иборат эканлиги тўғрисида, бу ўтиш нималардан нимага олиб бориши тўғрисида» тасаввур ҳосил қилиш зарур. Ўтмишни танқид қилиш ривожланишнинг муҳим жиҳати бўлиб, бугунги ва эртанги кун учун сабоқ ва хулосалар чиқариб олиш имконини беради, олға томон ҳаракат воситалари ва йўлларини тўғри танлаш борасидаги амалий ишда ёрдам беради. Биз илмий асосланган жадаллаштириш стратегиясини ишлаб чиқиб, келажак тўғрисидаги тасаввурларни шакллантиришдаги шошқалоқлик ёки стихиялилик инерция ва догматик бузилишлардек хатарли эканлигини равшан тушунамиз.

Бугун биз қайта куришни қандай англаётганлигимизни яна бир бор айтиб ўтиш зарурати мавжуд.

Қайта куриш — турғунлик жараёнларини қатъиян бартараф этиш, таракқиётга тўсқинлик қилувчи механизмни бузиб ташлаш, совет жамиятини социал-иктисодий ривожлантиришни жадаллаштиришнинг ишончли ва самарали механизмини яратиш демакдир. Фан-техника революцияси ютуқларини планли экономика билан боғлаш ва социализмнинг бутун потенциалини ҳаракатга келтириш — стратегиямизнинг асосий мазмунидир.

Қайта куриш — жамият ҳаётининг барча соҳаларида омманинг жонли ижодкорлигига таяниш, демократияни, социалистик ўз-ўзини бошқаришни ҳар томонлама ривожлантириш, ташаббусни, фаолиятни рағбатлантириш, интизом ва тартибни мустаҳкамлаш, ошқораликни, танқид ва ўз-ўзини танқидни кенгайтириш демакдир; бу — кадрятлар ва шахс кадр-қимматига нисбатан юксакка кўтарилган ҳурмат демакдир.

Қайта куриш — совет экономикасини ривожлантиришда интенсив омиллар ролини муттасил ошириб бориш; халқ хўжалигини бошқаришда демократик централизм ленинча принципларини қайта тиклаш ва ривожлантириш, ҳамма жойда бошқарувнинг иқтисодий методларини жорий этиш, буйруқбозликдан ва маъмуриятчиликдан воз кечиш, экономика барча бўғинларининг тўла хўжалик ҳисоби принципларига ҳамда меҳнат ва ишлаб чиқаришни ташкил этишнинг янги формаларига ўтишни таъминлаш, новаторлик ва социалистик омилкорликни бутун чоралар билан рағбатлантириш демакдир.

Қайта куриш — илм-фан томон қатъий бурилиш, юксак пировард натижаларга эришиш мақсадида практиканинг у билан амалий ҳамкорлиги, ҳар қандай ташаббусни салмоқли илмий асосга қўя билиш, олимларнинг жамиятни янгилашга қаратилган партия йўлини актив қўллаб-қувватлашга тайёрлиги ва астойдил истаги демакдир; айни вақтда бу — илм-фанни ривожлантириш, унинг кадрларини ўстириш, ўзгаришлар жараёнида уларнинг актив иштирок этишлари тўғрисида ғамхўрлик қилиш демакдир.

Қайта куриш — социал соҳани устун даражада ривожлантириш, совет кишиларининг яхши меҳнат, турмуш, дам олиш шароитларига, таълим ва медицина хизматига бўлган талаб-эҳтиёжларини тобора тўлиқроқ қондириш демакдир; бу — ҳар бир инсоннинг ва умуман жамиятнинг маънавий бойлиги, маданияти тўғрисида доимо ғамхўрлик қилиш демакдир; бу — жамият

хаётининг кенг микёсли туб проблемаларини ҳал этишни одамларни кизиктираётган кундалик масалаларни ҳал этиш билан қўшиб олиб бора билиш демакдир.

Қайта куриш — бу социалистик ахлоқни бузиш ҳолларидан жамиятни зўр ғайрат билан ҳалос этиш, социал адолат принципларини изчиллик билан амалга ошириш демакдир; бу — сўз билан ишнинг, ҳуқуқ ва бурчларнинг бирлиги демакдир; бу — ҳалол, юқори сифатли меҳнатни улуғлаш, унга ҳақ тўлашда бараварлаштириш тенденцияларини, истеъмолчиликни бартараф этиш демакдир.

Қайта куришнинг пировард мақсади равшан деб ўйлайман. У ҳам бўлса, мамлакат ҳаётининг барча томонларини тубдан янгилаш, социализмга ижтимоий ташкилотнинг энг замонавий формаларини бағишлаб, тузумимизнинг барча ҳал қилувчи соҳалари, иқтисодий, социал, сиёсий ва маънавий соҳаларда унинг инсонпарварлик характерини жуда тўлиқ намоён этишдан иборатдир.

Ўртоқлар, биз сизлар билан шундай ишни бошладик. Қайта куриш кенг жабҳада авж олдирилмоқда. Бу иш янги сифат касб этмоқда — у кенгайибгина қолмай, шу билан бирга турмушнинг энг чуқур қатламларига ҳам кириб бормоқда.

Қайта куриш жамиятнинг барча соғлом кучларини оёққа турғизди, ишларимизга комил ишонч бағишлади. Ишларнинг аҳволига ўз-ўзини танқид руҳида объектив баҳо бериш, ишда расмийчилик ва тақлидчиликдан воз кечиш, муаммоларни ҳал этишнинг тобора янги-янги йўлларини кидириб топиш каби фазилатлар хос бўлган партия комитетлари ва жамоат ташкилотлари, меҳнат коллективлари тобора кўпаймоқда. Биз ишчи ва деҳқонларнинг, санъаткор-зиёлилар, фан-техника зиёлиларининг, совет жамияти барча табақаларининг актив ва қатъий мададини сезиб турибмиз.

Мамлакатда янгича маънавий-ахлоқий муҳит таркиб топмоқда. Қадриятлар қайта баҳоланиб, улар ижодий жиҳатдан қайта идрок этилмоқда, экономика, социал ва маънавий соҳалардаги ўзгаришларнинг йўллари тўғрисида мунозара авж олиб кетди, ташкилотчилик ва идеология ишининг янги методларини излаш тобора кенгаймоқда. Ходисалар ва воқеаларга баҳо беришда ошқоралик, ҳаққонийлик, камчиликларга нисбатан муросасизлик, ишни яхшилаш истаги турмушнинг актив амал қилаётган принциплари сифатида тобора кўпроқ қарор топмоқда.

Ишлаб чиқаришда талабчанлик ва интизом, уюшқоқлик кучаймоқда, тартиб ошди. Маънавий турмушни қайта куришдаги дастлабки қадамлар биз учун айниқса муҳимдир, чунки ижтимоий онгда бурилиш қилмай, психология ва тафаккурда, одамларнинг кайфиятида ўзгаришлар қилмай туриб, муваффақиятга эришиб бўлмайди, ўртоқлар.

Биз моддий-техника базасини тубдан ўзгартиришга, фан-техника тараққиёти асосида халқ хўжалигини чуқур реконструкция қилишга, структура ва инвестиция сиёсатини ўзгартиришга киришдик. Фан-техника тараққиётининг энг асосий йўналишлари бўйича кенг микёсли тармоқ программалари қабул қилинди. Ўн иккинчи беш йиллик плани ана шу программаларни ҳисобга олиб тузилган ва амалга оширилмоқда.

Бошқарувни такомиллаштиришга онд катта-катта тадбирлар бажарилмоқда. Шу йилнинг бошидан барча саноат корхоналари ва бирлашмалари хўжалик юртишнинг эксперимент йўли билан синаб қўрилган методларига ўтказилди. Бир қанча тармоқлар, корхоналар ва бирлашмалар тўла хўжалик ҳисоби ҳамда ўзини-ўзи маблағ билан таъминлаш асосида ишлай бошлади.

Аҳоли эҳтиёжини қондириш билан бевосита боғлиқ экономика тармоқлари, чунончи агросаноат комплекси, енгил саноат, савдо ва хизмат кўрсатиш соҳаси кенг мустақилликни таъминлайдиган ва жавобгарликни оширадиган принциплар асосида ишлай бошлади. Капитал курилишни бошқаришда туб ўзгаришлар амалга оширилмоқда. Буюмлар юқори сифатли бўлиши учун курашни кучайтириш мақсадида 1500 та етакчи корхонада маҳсулотнинг давлат қабули жорий этилди.

Ташки иқтисодий фаолият системаси қайта қурилмоқда. Ташки иқтисодий алоқалар соҳасида корхоналар ва тармоқларнинг ҳуқуқлари кенгайтирилди. Ҳамкорликнинг янги формалари — корхоналарнинг чет эллик шериклари билан

бевосита алоқалари, қўшма бирлашмалар, ихтисослашиш ва ишлаб чиқариш кооперацияси тобора ривожланмоқда.

Халқ хўжалигини бошқариш комплекс системасига ўтиш мақсадида СССР Министрлар Советининг ўзаро боғлиқ тармоқлар группаларини бошқариш юзасидан доимий ишловчи органлари ташкил этилди. Давлат корхонаси (бирлашмаси) тўғрисидаги қонун лойиҳаси ишлаб чиқилди, янги хўжалик механизми шароитида марказий экономика органларининг, министрликлар ва идораларнинг ишларини такомиллаштиришга доир ҳужжатлар, бирлашмалар ва корхоналар негизида хўжалик ҳисобидаги йирик ишлаб чиқариш структураларининг янги формаларини ташкил этишга, шунингдек бошқа бир қанча муҳим масалаларга оид тақлифлар тайёрланмоқда.

Социал соҳадаги ишларни яхшилаш юзасидан катта тадбирлар амалга оширилмоқда. Ишлаб чиқариш тармоқларида меҳнат ҳақини ошириш янги принциплари ишлаб чиқилди ва турмушга татбиқ этилмоқда. Биз барабарлаштиришдан воз кечиш, меҳнатнинг миқдори ва сифатига мувофиқ равишда социалистик тақсимот принципіга изчил риоя этиш йўлига қатъий амал қилмоқдамиз. Айни вақтда яқка тартибдаги меҳнат фаолиятидаги асоссиз чеклашлар олиб ташланди. Бундай фаолиятни ривожлантириш учун ҳозир қулай шарт-шароит яратилмоқда. Аҳоли эҳтиёжларини тўлароқ қондириш манфаатларини қўзлаб, ишлаб чиқариш ва маиший хизматнинг турли соҳаларида кооперативлар ташкил этиш рағбатлантирилмоқда.

Уй-жой қурилишидаги аҳволни анализ қилиш асосида ва икки мингинчи йилга бориб ҳар бир оилани алоҳида квартира билан таъминлашдан иборат программaviй вазифани ҳисобга олиб, уй-жойларни барпо этиш суръатларини кучайтириш ва унинг сифатини яхшилаш учун қўшимча резервлар кидириб топилди. Ишлаб чиқариш капитал маблағларининг қўшимча 10 проценти ана шу мақсадларга сарфланади, бу эса 1987 йилдаёқ уй-жой қурилиши ҳажмларини беш йиллик планида белгиланганига нисбатан 9,1 миллион квадрат метр ёки қарийб 8 процент ошириш имконини беради.

Уй-жой кооперативи ва яқка тартибда уй қуриш тобора кенгаймоқда. Бунинг учун имтиёзли кредитлар берилмоқда ва зарур ресурслар ажратилмоқда, корхоналарнинг маблағлари ҳисобидан уй-жойлар барпо этиш, хўжалик усулини ривожлантириш, қурилишнинг ишлаб чиқариш базасини кўпайтириш чора-тадбирлари ҳамда бошқа тадбирлар амалга оширилмоқда.

Медицина муассасаларини барпо этиш ва реконструкциялаш программаси белгиланди, мамлакатимизда дори-дармонлар ва медицина ускуналарини ишлаб чиқарувчи қувватлар оширилмоқда, медицина хизмати ва медицина фанини ташкил этишнинг янги формаларини жорий қилиш ҳамда ривожлантириш борасидаги ишлар жадаллаштирилмоқда. Аҳолининг меҳнат ва турмуш шароитларини соғломлаштириш, профилактика ишларини кенгайтириш, ички-ликбозлик ва алкоголизмни батамом тугатиш, касалликларни камайтириш чоралари ана шулар билан узвий боғлиқ ҳолда амалга оширилмоқда. Медицина ходимларининг иш ҳақи кўпайтирилмоқда.

Шундай қилиб, ўртоқлар, белгиланган ва бошланган ишларнинг ҳатто қисқача шарҳи ҳам мамлакатда авж олиб кетган қайта қуриш ишларининг миқёслари нақадар кенглигини кўрсатади. Ишларнинг ҳажми ғоят катта, аммо бундан бошқача бўлиши ҳам мумкин эмас. Партия қайта қуришнинг биронта ҳам соҳасига эътиборни сусайтиришга ҳаққи йўқ. Белгиланган режаларнинг ҳаммаси, албатта, рўёбга чиқарилиши, аниқ ва ўз вақтида бажарилиши лозим.

Ўз-ўзидан равшанки, биз ишлаб чиқаётган ва амалга ошираётган бир қанча чора-тадбирлар дарҳол реал самара бермайди. Аммо ҳозирдаёқ жамиятдаги муҳитнинг ўзи, янгича кайфият ишга муносабатни ўзгартириб, реал, амалий натижалар бермоқда.

Беш йиллик биринчи йили планининг бажарилиш яқунлари ҳам шундан далолат беради. Ҳосил қилинган миллий даромад пландаги 3,9 процент ўрнига ва ўн биринчи беш йилликдаги ўртача йиллик ўсиш 3,6 процент бўлгани ҳолда 4,1 процент кўпайди. Саноат ишлаб чиқаришининг ўсиши 4,9 процентни ташкил этди, бу эса ўн биринчи беш йилликдаги ўртача йиллик ўсишга нисбатан учдан бир баравар ортик бўлиб, кейинги тўққиз йил мобайнида энг юқори ўсишдир.

Ўзларингизга маълумки, ўн иккинчи беш йиллик биз учун мамлакатимиз машинасозлигини модернизациялашда, ишлаб чиқариш аппаратини янгилашда ва фан-техника тараққиётини жадаллаштиришда ҳал қилувчи аҳамиятга эга. Машинасозлик комплексини илдам ривожлантириш вазифаси катта қийинчиликлар билан ҳал этилаётган бўлсада, иш юришиб кетди. Саноат роботлари ишлаб чиқариш бир йил ичида 14 процент, ўзгарувчан автомат ишлаб чиқариш системалари 2,6 баравар, ишлаб чиқариш модуллари 2,2 баравар, ишлов берувчи маркаларни ишлаб чиқариш — 1,4 баравар кўпайди. Ишлаб турган машинасозлик корхоналарини техника билан қайта жаҳозлаш ва реконструкция қилишга ажратилган капитал маблағ 30 процент оширилди. Сийёсий бюро машинасозликка доир программанинг бажарилишини муттасил назорат қилиб туради. Машинасозлар ўз олдиларига қўйилган вазифаларни уддалайдилар деб умид қиламиз.

Саноатнинг бошқа бир қанча тармоқларида ҳам ишлар бир оз ўнганмоқда. Қора металлургия, кўмир ва газ саноати йилни дуруст кўрсаткичлар билан тугаллади, нефть қазиб чиқаришдаги қоқоқлик бартараф этилмоқда.

Саноатда меҳнат унумдорлиги план топшириғидаги 4,1 процент ўрнига умуман 4,6 процент ошди. Маҳсулот йиллик ўсишининг 96 процентига шу ҳисобдан эришилди. Кўп йиллардан буён биринчи марта маҳсулотнинг таннархи сезиларли равишда арзонлашди. Моддий маблағлар обороти жадаллашди, ўрнатилмаган асбоб-ускуналарнинг, шу жумладан чет эллардан келтирилган ускуналарнинг запаслари камайди.

Аграр секторни ривожлантиришда ишларнинг яхшиланиши яққол кўриниб турибди. Ўтган беш йилликнинг ўртача йиллик кўрсаткичларига нисбатан 1986 йилда дон етиштириш салкам 30 миллион тонна ёки 17 процент; картошка — қарийб 9 миллион тонна ёки 11 процент; қанд лавлаги — салкам 3 миллион тонна ёки 4 процент; гўшт — 1,5 миллион тонна ёки 9 процент; сут — 6,5 миллион тонна ёки 7 процент; тухум етиштириш қарийб 6 миллиард дона ёки 8 процент кўпайди.

Кўриб турибсизларки, ўртоқлар, кўпгина энг муҳим кўрсаткичлар юзасидан биз маҳсулот етиштиришнинг узоқ йиллар мобайнида эришолмаган ўсиши бошланди. Лекин шуни айтиш керакки, сабзавот, мева, кунгабоқар, пахта каби экинлар бўйича ўсиш деярли бўлмади ёки уларни етиштириш олдинги даражада қолди.

Қолхоз ва совхозлар фаолиятининг асосий молиявий-иқтисодий кўрсаткичлари яхшиланганлигини ҳам қайд этиб ўтиш муҳим. Жамоат хўжалигида меҳнат унумдорлиги бир йил ичида 6,9 процент ошди, рентабеллик 19 процентни ташкил этди, фойда икки миллиард сўм кўпайди.

Экономикани ривожлантиришдаги ижобий силжишларни қайд этиб ўтиш билан бирга, шуни ҳам айтиш керакки, кўп нобудгарчиликлар ва унумсиз сарф-харажатлар, товар оборотини кенгайтириш топшириқларининг бажарилмаслиги натижасида истеъмол ва жамғарма учун фойдаланилган миллий даромаднинг ўстириш йиллик плани бажарилмай қолди.

Аҳоли жон бошига реал даромадлар, кишлоқ хўжалик ялпи маҳсулоти, саноатда истеъмол буюмлари ишлаб чиқариш капитал маблағлар ҳажми ва асосий фондларни ишга тушириш, халқ хўжалигида фойда олиш каби энг муҳим кўрсаткичлар ўтган йилга нисбатан анча ошган бўлишига қарамай, уларни ўстириш план топшириқларидан паст бўлди. Инвестиция жараёнида жиддий ўзгаришлар рўй бермади, давлат плани рўйхатига киритилган объектларнинг атиги учдан икки қисми ишга туширилди.

Социал соҳадаги ўзгаришлар зўр қийинчиликлар билан бўлсада, лекин барибир бошланди: Интизомни мустаҳкамлаш, ичкиликбозликка қарши кураш юзасидан кўрилган чоралардан кейин 60-йиллардан буён биринчи марта бахтсиз ҳодисалар сони, иш вақтининг зое кетиши камайди. Умумий жиноятчилик қарийб тўртдан бир баравар, оғир жиноятлар эса учдан бир баравар камайди. Қонунчилик ва тартибни бузиш ҳолларига қарши кураш ҳамма жойда кучайтирилди.

Уй-жой қурилиши ҳажми ошди, бу эса 1985 йилга нисбатан уй-жойларни фойдаланишга топширишни 5,2 миллион квадрат метр кўпайтириш имконини

берди. Болалар боғча ва яслилари, мактаблар, поликлиника ва касалхоналар, маданият ва майший хизмат муассасалари кўпроқ барпо этилди.

Қисқа қилиб айтганда, ижобий силжишлар мавжуд. Аммо бу муҳим соҳада тўпланиб қолган муаммоларнинг юки ҳаддан ташқари катта, биз ана шу муаммоларни ҳал этишга ҳали ғоят журъатсизлик билан киришмоқдамиз.

Уй-жой қурилишини кенгайтириш, маданий-майший объектлар барпо этиш учун резервлар каттагина қийинчиликлар билан излаб топилганлигини биласизлар. Бироқ, афсуски, берилган имкониятдан ҳамма ҳам чинакамига фойдаланди деб бўлмайди. Ана шу объектлардан кўпини барпо этиш планлари бажарилмади. Бунинг сабаби қурувчиларнинг уюшқоқ эмасликларидегагина эмас, балки корхоналар, министрликлар, маҳаллий Советлар, партия комитетлари етарли эътибор бераётганликларида ҳамдир.

Бизда озиқ-овқат маҳсулотлари ва саноат моллари савдосида, шаҳар транспорти ва коммунал хўжалик, соғлиқни сақлаш ва маданият муассасаларининг ишида қийинчиликлар сақланиб қолмоқда. Умуман, биз социал соҳани ривожлантиришда туб ўзгаришларга эриша олмадик ва талай даражада эскича ёндашувлар асири бўлиб қолмоқдамиз.

Партия, бутун халқ XXVII съезд қарорларини рўёбга чиқариш соҳасида олиб бораётган ишларни таърифлашни тугаллай туриб шу нарсани айтиб ўтишни истардим. Биз, Марказий Комитет аъзоларининг реализм позициясида, бажарилган ишга ҳолис баҳо бериш позициясида туришимиз, олинган натижаларга ўтмиш позицияларида турибгина эмас, балки аввало ўзимиз эълон қилган планлардан, халққа берган ваъдалардан келиб чиқиб, назар ташлашимиз жуда муҳим. Бу — бирдан-бир тўғри партиявий ёндашувдир.

Биз ҳали қайта қуришнинг илк босқичида турганлигимизни равшан англаб олишимиз лозим. Асосий ва энг мураккаб иш олдинда турибди. Қатъият билан, қадам-бақадам, ҳеч иккиланмай олға бориш, бажарилган ишга сергаклик билан баҳо бериш, хатоларни тузатишдан чўчимаслик, вужудга келаётган вазифаларни ҳал этишнинг янги усул ва методларини излаб топиш, белгиланган мақсад сари албатта ҳаракат қилиб боришга эришиш керак.

Биз ўтмиш сабоғини пухта ўқиб олишимиз лозим — қарорлар билан уларни рўёбга чиқариш борасидаги амалий иш ўртасида узилишга йўл қўйиш мумкин эмас. Қибрланиш ва хотиржамликка йўл қўйиш мумкин эмас. Ҳозир ҳам шунга дуч келинаётганлиги учун бу ҳақда яна бир бор айтиб ўтмоқдаман. Актив, дадил, ижодий, билимдонлик билан ҳаракат қилиш, ҳаракат қилиш ва яна ҳаракат қилиш керак.

Ҳозирча кўпгина хўжалик, давлат, совет органларида, қолаверса, партия органларида ҳам, меҳнат коллективларининг ўзида ҳали ҳамма ҳам ҳаёт талаблари билан баб-баравар қадам ташлаб борапти, деб бўлмаслиги масаланинг шундай қўйилишини тақозо этмоқда. Ўтмиш юкидан секинлик билан халос бўлаётган, пайт пойлаётган ва ҳатто ишга очикдан-очик тўсқинлик қилаётган, халқнинг сиёсий, ижтимоий активлиги ва меҳнат ғайратини кенг қўламда авж олдиришга ҳалақит бераётган кишилар оз эмас.

Янгича ишлаш — эски одатлар ва методлардан қатъиян воз кечишни билдиришини ҳамма англаб етгани йўқ. Бу эса пировард натижада ҳар бир кишининг гражданлик позициясига, топширилган ишга, ўз бурчига виждонан муносабатда бўлишига боғлиқдир. Биз ҳаммамиз бунинг учун партия олдида, мамлакат олдида, ўз виждонимиз олдида жавоб берамиз.

Меҳнаткашлар билан, партия ва хўжалик кадрлари билан учрашув ҳамда суҳбатлар қайта қуриш астойдил қўллаб-қувватланаётганлигини кўрсатмоқда. Халқ қайта қуришни тўла-тўқис қувватламоқда, лекин бир нарса эътиборни жалб қилади. Кўпчилик янги ишларни қўллаб-қувватлаб, юкоридагилар ва бошқалар — партия, давлат, хўжалик органлари, бошқа тармоқлар, турдош корхоналар, цехдаги, ферма ёки қурилиш майдонидаги қўшнилари, хуллас, фақат уларнинг ўзларидан ташқари ҳамма ўз ишини қайта қуриши шарт, деб ҳисоблашади.

Йўқ, ўртоқлар, ҳар биримиз барча даражаларда қайта қуришни ҳаққоний талаб қила туриб, қайта қуришни ўзимиздан бошлашимиз керак. Барча — ишчилар, колхозчилар, зиёлилар, умуман меҳнат коллективидан бошлаб, то

КПСС Марказий Комитети ва ҳукуматгача ҳамма янгичасига — зўр ғайрат билан ижодий, яна бир марта айтаманки, виждонан ишлаши керак.

Биз, коммунистлар қайта қуришдан иборат ғоят катта ишда аввало жамиятимизнинг етакчи сиёсий кучи бўлмиш ишчилар синфининг юксак онглилиги ва уюшқоклигига, ижтимоий ташаббускорлиги ва катта меҳнат зафарларига таянамиз.

Ишчилар синфи, барча совет кишилари партиянинг қайта қуриш йўлига юксак баҳо бериш билан бирга у амалда қандай рўёбга чиқарилаётганлигидан ташвишланаётганликларини билдирмоқдалар. Улар партияни эришилган маррада тўхтаб қолмасликка, қатъий ҳаракат қилишга, олға боришга, белгиланган йўлни оғишмай амалга оширишга даъват этмоқдалар. Биз бундан сиёсий ҳулосалар чиқариб олишимиз керак, ўртоқлар.

Жамиятда ана шундай ташвишланиш мавжуд экан, бизнинг куч-ғайратларимиз ҳали етарли эмасга ўхшайди. Демак, биз ҳамма жойда ва ҳар ишда ҳам етарлича самарадорлик ва ҳужумкорлик билан ҳаракат қиляпмиз, деб бўлмайди. Демак, ҳали ҳамма жойда ҳам кўрилаётган чоралар ва амалга оширилаётган ишлар тўпланиб қолган муаммоларнинг миқёси ва ўткирлигига мос келяпти деб бўлмайди, ҳамма иш ҳам давр талаб этаётганидек бораётгани йўқ. Демак, ўртоқлар, Марказий Комитет фикр-мулоҳаза юритиш ва зарур ҳулосалар чиқариб олиш учун салмоқли асосга эга.

Тафаккур ва ҳаракатнинг бир қолипда таркиб топган кўринишларини бартараф этиш вақтни ҳамда вазминлик билан ёндашувни талаб этадиган мураккаб, мушкул жараён эканлигини тушунамиз, албатта.

Бу жараён мустақил равишда, сиёсий, социал-иқтисодий ва маънавий турмушдаги ўзгаришлардан ажралган ҳолда ўта олмаслиги мутлақо равшан.

Ҳозир бутун бир тадбирлар системаси талаб этилаётганлигини биз равшан тасаввур қилишимиз лозим. Ҳозирги замон реалликларига ва келажакни чуқур асосланган илмий башорат қилишга таянувчи назарий қондаларни ишлаб чиқиш ҳам, ижтимоий онгни ўзгартириш ҳам, демократик тартиботларни изчил ривожлантириш ҳам, омманинг сиёсий маданиятини тарбиялаш ҳам, хўжалик юритиш механизмининг, ташкилий структураларни қайта қуриш ҳам, ва албатта, актив социал сиёсатни ўтказиш ҳам ана шу чоралардандир.

Шундай қилгандагина тараққиётга ҳалакит берувчи механизм бартараф этилиши мумкин, жадаллаштириш кучлари эса ўзи учун зарур кенг имкониятларга эга бўлади.

Марказий Комитетнинг бугунги Пленуми ҳар бир коммунистдан, ҳар бир граждандан юксак онглилик ва уюшқокликни, сабот-матонатни, ниҳоят зўр фидокорликни талаб этадиган оғир кураш олиб боришимизга тўғри келишини партия билан халққа айтиши лозим, деб ўйлайман.

Ўртоқлар! Жамиятимизнинг Марказий Комитет апрель Пленуми арафасидаги ҳолатини анализ қилиш, қайта қуриш тажрибаси энг асосий саволни жуда ўткир қилиб ўртага қўймоқда. Бошланган ўзгартишлар жараёни охиригача етказилишига, олдинги хатолар такрорланмаслигига ва биз жамиятимизнинг тўлақонли ривожланишини таъминлай олишимизга бизда гарантиялар борми?

Сиёсий бюро бу саволларга: ҳа, бизда бундай гарантиялар бор деб жавоб қайтаради.

Бу — бошдан кечирилган ишларнинг тажрибаси билан, социалистик Ватаннинг ҳозирги куни ва келажак учун масъулиятни англаши билан бирлашган партия ва халқнинг ягона иродаси, умумий ҳаракатларидир.

Бу — социалистик тузум демократизмининг ҳар томонлама ривожлантириш, мамлакат ҳаётининг барча масалаларини ҳал этишда халқнинг реал ва тобора актив иштирок этиши, ошқоралик, жамоат контроли, танқид ва ўз-ўзини танқид ленинча принципларининг батамом тикланиши, сўз билан ишнинг бирлигидан иборат сиёсатдаги самимийлик шулар жумласидандир.

Ниҳоят, бу — партиянинг ўзини соғлом ривожлантириш, унинг ўз фаолиятини танқидий анализ қилиш қобилияти, ўз ишининг форма ва методларини янгилаш, революцион назария асосида жамиятни ривожлантириш истиқболларини белгилаш ҳамда турмуш тақозо этаётган янги вазифаларни ҳал этиш учун курашиш маҳоратидир.

Айнан социалистик демократизмни чуқурлаштириш, совет кишиларининг бунёдкорлик ижодиёти, коммунистларнинг амалий ишлардаги авангардлик роли XXVII съезд белгиллаган революцион ўзгаришларнинг муваффақиятини ҳам, муқаррарлигини ҳам таъминлаб беради.

II. СОЦИАЛИСТИК ДЕМОКРАТИЗМНИ ЧУҚУРЛАШТИРАЙЛИК, ХАЛҚНИНГ ЎЗ - ЎЗИНИ БОШҚАРУВИНИ РИВОЖЛАНТИРАЙЛИК

Ўртоқлар! Социализм билан демократиянинг жонли, ички алоқаси тўғрисидаги Ленин фикрининг ниҳоятда теранлигини биз ҳозир ҳар қачонгидан кўра яхшироқ англаб турибмиз. Мамлакатимизнинг бутун тарихий тажрибаси социалистик тузум граждaнларнинг сиёсий ва социал-иқтисодий ҳуқуқларини, уларнинг шахсий эркинлигини амалда таъминлаганлигини, совет демократиясининг афзалликларини намоён этиб, ҳар бир кишида эртанги кунга комил ишончни пайдо қилганлигини яққол кўрсатди.

Аммо қайта куриш шароитида, инсон омилини активлаштириш вазифаси жуда ўткир бўлиб қолган бир пайтда биз совет тузумининг максимум демократизми тўғрисида Ленин ўртага қўйган масалага яна бир бор қайтишимиз керак. Социалистик тузумда инсон ўзини хўжайин ва бунёдкор деб ҳис этади.

«Биз, турмушга эргашиб боришимиз керак, биз халқ оммасининг ижодиётига тўла эркинлик беришимиз керак», — деган эди В. И. Ленин.

Дарҳақиқат, меҳнат аҳли ҳокимиятига асосланган демократия — унинг кенг сиёсий ва граждaнлик ҳуқуқларини рўёбга чиқариш, ўзгаришлардан, уларни бажаришда амалий равишда катнашишдан манфаатдорлик формасидир.

Жамоатчилик онгида оддий ва равшан фикр, яъни ўзини уйда хўжайин деб ҳис қилувчи кишигина унда тартиб ўрнатиши мумкин, деган фикр тобора кўпроқ қарор топмоқда. Бу ҳақиқат турмуш нуқтаи назаридангина эмас, шу билан бирга ижтимоий-сиёсий жиҳатдан ҳам ҳаққонийдир. Бу фикр амалда муттасил рўёбга чиқариб борилиши зарур. Таъкидлаб айтаманки, амалда рўёбга чиқарилиши зарур. Шундай қилинмаса, инсон омили таъсир кучини йўқотади.

Биз социализмга ҳос демократик формаларни изчиллик билан ривожлантириш, ўз-ўзини бошқаришни кенгайтириш йўли билангина ишлаб чиқаришда, фан ва техникада, адабиёт, маданият ва санъатда, ижтимоий турмушнинг барча соҳаларида олға ҳаракат қилишимиз мумкин. Фақат шундай йўлгина онгли интизомни таъминлай олади. Қайта куришнинг ўзини ҳам фақат демократия орқали ва демократия туфайлигина амалга ошириш мумкин. Социализмнинг энг қудратли бунёдкорлик кучи эркин мамлакатдаги эркин меҳнат ва эркин тафаккурга фақат шундай йўл билан кенг имконият очиб бериш мумкин.

Шу боисдан ҳам совет жамиятини янада демократлаштириш партиянинг кечиктириб бўлмайдиган вазифасига айланмоқда. Аслини олганда апрель Пленуми, КПСС XXVII съездининг халқнинг социалистик ўз-ўзини бошқарувини чуқурлаштиришга қаратилган йўлининг моҳияти ҳам шундан иборатдир. Гап сиёсий системанин кандайдир ўзгариш ҳақида бораётгани йўқ, албатта. Биз унинг барча имкониятларидан энг кўп самара билан фойдаланишимиз, партиянинг, советларнинг, давлат органларининг, жамоат ташкилотларининг, меҳнат коллективларининг ишини чуқур демократик мазмун билан бойитишимиз, жамият организмнинг барча тўқималарига янги ҳаёт бағишлашимиз лозим.

Мамлакатда ҳозирнинг ўзидаёқ ана шу жараён бормоқда. Партия ташкилотларининг ҳаёти янада сермазмун бўлиб бормоқда. Танқид ва ўз-ўзини танқид кенгаймоқда. Оммавий ахборот воситалари активроқ ишлай бошлади. Совет кишилари ошкораийликнинг самарали таъсирини яхши сезиб турибдилар, ошкораийлик жамият ҳаётининг нормасига айланмоқда.

Ижодий союзларнинг съездлари принципиаллик ва танқидий вазиятда ўтди. Янги жамоат ташкилотлари тузилмоқда. Бутуниттифоқ уруш ва меҳнат

ветеранлари ташкилоти тузилди. Совет маданият фонди ташкил этилди. Хотин-қизлар кенгашларини тузиш борасида иш олиб борилмоқда. Буларнинг ҳаммасида меҳнаткашларнинг жамоат ишларида, мамлакатни бошқаришда иштироки ўсиб бораётганлигини кўрамиз.

Сиёсий бюро совет жамияти демократизмини янада чуқурлаштириш учун қандай йўллар бор деб билади?

Демократик муассасаларимиз ҳар бир меҳнат коллективидаги планлаштиришга, меҳнатни ташкил этиш, моддий ва бошқа неъматларни тақсимлашга, энг обрўли ва билимдон кишиларни танлаш ва уларни раҳбарлик лавозимларига кўтаришга тааллуқли ишларнинг аҳволига актив ва реал таъсир кўрсата билса, халқнинг ташаббуси ва ижодкорлигини чинакамига юксалтира оламиз. Ҳар бир совет кишиси мана шу ўзгаришларни ўз тажрибасида тезроқ ҳис этса, унинг гражданлик позицияси, унинг ҳамма ижтимоий, давлат ишларида қатнашуви шунчалик активроқ бўлиб қолади, деб ишонч билан айтиш мумкин.

Ишлаб чиқаришда демократияни ривожлантириш, ҳақиқий ўз-ўзини бошқариш асосларини меҳнат коллективлари ишига изчиллик билан жорий этиш ғоят муҳим аҳамиятга эгадир. Экономика жамият ҳаётининг ҳал этувчи соҳасидир. Бу соҳада ҳар куни ўн миллионлаб кишилар банд. Шунинг учун ҳам ишлаб чиқаришда демократияни ривожлантириш — умуман социалистик демократияни чуқурлаштириш ва кенгайтиришнинг энг муҳим йўналишидир. Бу меҳнаткашларнинг ижтимоий ҳаёт ҳамма соҳаларида кенг ва актив қатнашувини таъминлашга ёрдам берадиган, кўпгина хатоликлар ва янглишишларга йўл қўймаслик имконини берадиган воситадир.

Ҳар бир меҳнаткаш ўзини корхонанинг ҳақиқий хўжайини деб ҳис этишига имкон берадиган шароитлар яратиш, ишлаб чиқаришни уюштириш формаларини жорий этиш жуда муҳим амалий вазифадир. Бу юксак ва масъулиятли қолидадир. У ишларни реал бошқаришга кенг ҳуқуқлар берибгина қолмай, меҳнат коллективида рўй бераётган ҳамма ишлар учун юксак масъулият туйғуси бўлишини ҳам кўзда тутадим.

Социалистик қурилиш давомида ишлаб чиқаришни бошқаришда меҳнаткашлар иштирокининг хилма-хил формалари қарор топди. Партия, касаба союз, комсомол ташкилотлари, бошқа жамоат ташкилотларисиз меҳнат коллективларининг ҳаётини тасаввур қилиб бўлмайди. Кейинги вақтларда ишчилар йиғилишлари, коллектив шартномаларнинг роли ортмоқда, демократиянинг бригада ва цех кенгашлари каби янги формалари вужудга келди, ана шу йўлда бундан буён қилинадиган ишлар учун ҳам шароит етилди.

Давлат корхонаси тўғрисидаги қонун каби фундаментал ҳуқуқий актни ишлаб чиқиш заруратини ҳаётнинг ўзи кун тартибига қўйди. Қонун лойиҳаси сизларга тарқатилган. Бу қонун экономиканинг асосий бўғинида хўжалик юритиш шартлари ва методларини тубдан ўзгартирмоғи, корхоналар фаолиятида планли асос билан тўла хўжалик ҳисобини, мустақиллик ва масъулиятни қўшиб олиб боришни мустаҳкамлаши, омманинг ижоди билан вужудга келган ўз-ўзини бошқариш янги формаларини қонунлаштириши керак.

Қонунда партия съездининг энг муҳим йўл-йўриқларидан бирини, яъни бевосита демократиядан самарали фойдаланиш йўлини амалга ошириш кўзда тутилади. Лойиҳада меҳнат коллективлари умумий йиғилишлари ва кенгашларига ишлаб чиқариш, социал ва кадрлар ишлари билан боғлиқ масалаларни ҳал этиш борасида ваколатлар бериш мўлжалланаётганлиги В. И. Лениннинг сўзлари билан айтганда «халқнинг ҳақиқатан ўзини-ўзи идора қилишига» ўтишида қатта бир сиёсий тадбир бўлиб қолади.

Давлат корхонаси тўғрисидаги қонунни ҳозир экономика соҳасида амалга оширилаётган тадбирлар комплекси билан биргаликда турмушда изчил жорий этиш халқ хўжалигида умуман янги бир вазиятни вужудга келтиради, экономиканинг ривожланишини жадаллаштиради, ижтимоий ҳаётнинг кўп томонларини сифат жиҳатидан такомиллаштиришга олиб келади, деб ўйлаймиз. Сиёсий бюро бу қонун жуда қатта аҳамиятга эга эканлигини назарда тутиб, унинг лойиҳасини умумхалқ муҳокамасига қўйишни таклиф этади. Марказий Комитет аъзолари бу таклифни қувватлайдилар, деб ўйлайман.

Колхозларимиз, умуман социалистик кооперация экономика ва социал соҳани бошқаришни демократлаштириш учун катта ва ҳали тўла фойдаланилмаган имкониятларга эга. Агросаноатда бошқариш системасини қайта қуриш, шунингдек халқ хўжалигининг бошқа тармоқларида кооперацияни янада ривожлантириш тўғрисидаги қарор шу имкониятлардан фойдаланиш учун яхши замин яратиб беради. Шу муносабат билан, бизнинг фикримизча, колхозчиларнинг навбатдаги съездини ўтказиб, унда колхоз ҳаётининг етилган проблемаларини муҳокама қилиш ва колхознинг Намунавий уставига зарур ўзгаришлар киритиш мақсадга мувофиқ бўлур эди.

Сиёсий бюро кўпгина республикалар, ўлкалар ва областларда фаолиятнинг бошқа хил кооператив формаларини кенгайтириш борасида қўйилаётган амалий тадбирларни актив қўллаб-қувватлайди. Бу эса аҳолининг кўпгина товар ва хизматларга ўсиб бораётган эҳтиёжларини тўлароқ қондиришга имкон беради, шунингдек экономика соҳасида демократизмни ривожлантириш учун, одамнинг имкониятларини яхшироқ рўёбга чиқариш учун қўшимча шароит яратиб беради.

Ўртоқлар, кооператив ҳаракатга нисбатан ўтмишда бўлиб келган ва бугунги кунда ҳам сезилаётган иккиланишларга қатъиян барҳам бериш керак. Кооперациянинг ҳали имкониятлари тугагани йўқ, бунинг устига унинг истиқболи ҳали катта.

Нима учун мен шу масалага қайтиб, уни кескин қилиб қўйяпман? Шунинг учунки, КПСС XXVII съезидан кейин ҳам Марказий Комитет ва ҳукумат моддий-техника таъминоти, маиший хизмат ва умумий овқатланиш, коммунал-хўжалик соҳасида, маҳаллий саноат ва қурилишда кооперацияни ривожлантириш тўғрисида қабул қилган қарорга қарамай иш кўнгилдагидек юришиб кетгани йўқ. Унинг йўлига ҳар хил ғовлар солинмоқда, бошқарувнинг маъмурий бюрократик методларига берилиш, хўжалик юритишнинг меҳнаткашлар ташаббусларини рағбатлантирадиган, уларнинг социал активлигини оширадиган, ҳаётий зарур бўлсада, аммо анъанавий тасаввурларга сиғмайдиган формаларини қабул қилмаслик ҳоллари ҳали ҳам кучли.

Баъзи ўртоқларга демократизм — оддий шиоргина эмас, балки қайта қуришнинг моҳияти эканлигини тушуниш қийин бўляпти чоғи. Ҳаёт оқимидан четда қолмаслик учун қарашлар ва одатларни ўзгартириш керак. Шубҳа билан қаровчи ва сусткашлиқ қилувчи кишиларнинг ҳаммасига қатъий маслаҳатимиз шу.

Корхоналар, ишлаб чиқаришлар, цехлар, бўлимлар, участкалар, ферма ва звеноларнинг раҳбарлари, бригадирлар ва мастерларни сайлаш тўғрисидаги масалани алоҳида қўйиш лозим. Қайта қуришнинг ҳозирги босқичи хўжалик юритишнинг янги методларига ўтиш, хўжалик ҳисоби, ўзини-ўзи пул билан таъминлаш ва ўз харажатларини ўзи қоплаш бунинг амалий вазифа қилиб қўяди. Бу муҳим, зарур тадбир бўлиб, меҳнаткашлар уни шубҳасиз маъқуллаб кутиб оладилар.

Биз корхоналарни тўла хўжалик ҳисобига ўтказиш, ўзини-ўзи пул билан таъминлаш ва ўз харажатларини ўзи қоплаш йўлидан дадил боряпмиз, давлат қабулини жорий этдик. Бу корхонанинг даромадлари, меҳнат коллективи аъзоларини рағбатлантириш ҳамма шакллари, социал эҳтиёжларини қондириш қўламлиги ишнинг пировард натижаларига, ишлаб чиқарилган маҳсулот ва қилинган хизмат миқдори ҳамда сифатига тамомила боғлиқ бўлишини билдиради.

Бундай шароитда корхона, цех, участка, бригадага ким бош бўлиши ишчилар ва колхозчиларни қизиқтирмай қолмайди. Коллектив фаровонлиги раҳбарларнинг қобилиятига боғлиқ қилиб қўйилар экан, меҳнаткашлар шу раҳбарлар сайланишига таъсир этиш, уларнинг фаолиятини назорат қилиб туриш реал имкониятига ҳам эга бўлишлари керак.

Мамлакатда раҳбарларни очик ошкоравий танлаш борасида муайян тажриба ортирилган. Масалан, Краснодар ўлкасида 1983 йилдан бошлаб коллективлар ва бошланғич партия ташкилотларининг фикрини ҳисобга олиб, саккиз ярим мингдан кўпроқ раҳбар ходим юқори лавозимларга кўтарилди. Айни пайтда меҳнаткашлар 200 дан ортиқ номзодни қувватладилар ва бу

номзодлар ўтмади. Бошқа бир канча жойларда ҳам шундай тажриба бор. Бу йўлни одамлар маъқулламоқдалар, бу йўл ишда ижобий натижа бермоқда.

Умуман олганда, ўртоклар, бу муҳим ишга қайси нуктадан назардан қарамайлик, ўзгаришлар, корхоналар раҳбар кадрларини ҳамма ерда сайлаш асосида тайинлаш жараёнини демократлаштириш зарурати етилди, деган битта хулоса келиб чиқади. Ўзингиз тушунасиз, бу нарса сифат жиҳатидан янги бир вазиятни, ишлаб чиқаришни идора этишда меҳнаткашлар иштироки принципиал бошқача тусда бўлишини, ўз фаолиятининг натижалари учун коллективнинг роли ва масъулияти жиддий оширилишини билдиради.

Бу масалани амалда ҳал этаётганда шуларнинг ҳаммасини назарда тутиш зарур. Лекин бир фикрни ҳозирок айтиб ўтмоқчиман. Бу ерда гап яққабашчилик тўғрисида бораётир. Раҳбар сайланиши унинг обрў-этиборига путур етказмайдигина эмас, балки уни оширади, раҳбар ўзини сайлаган кишиларнинг мададини сезиб туради, иш учун масъулиятни, коллективда ўзаро талабчанлик ва қаттиққўлликни оширади.

Партия, жамоат ташкилотлари, хўжаликни бошқариш органларининг роли янгича идрок этилмоғи керак. Ҳамма кадрларимиз ишлаб чиқаришда демократияни кенгайтириш яққабашчилик билан коллегиялик узвий қўшилишини, демократик централизм чуқурлаштирилишини, ўз-ўзини бошқариш ривожланишини тўғри тушуниб етишларини тарбиялаш борасида ҳали анча-мунча ишлар қилиниши лозим.

Сиёсий бюро совет сайлов системасини такомиллаштиришни ҳаётимизни демократлаштиришнинг принципиал йўналиши деб ҳисоблайди. XXVII съездининг топшириғига биноан бу борада тегишли таклифлар ишлаб чиқилмоқда.

Хўш, бунда нималарни айтиш керак? Сайлов системасининг мавжуд механизми ҳокимиятнинг сайлаб қўйиладиган органларида аҳолининг ҳамма табақаларидан вакил бўлишини таъминлайди. Ҳозирги Советларнинг ҳамма даражаларида ишчилар синфи, колхозчи деҳқонлар, зиёлилар, хотин-қизлар ва эркаклар, ветеранлар ва ёшларнинг, мамлакатдаги барча миллат ва элатларнинг вакиллари бор. Сайлаб қўйиладиган органлар совет жамиятининг социал-профессионал ва миллий структурасини, бутун аҳоли манфаатлари хилма-хиллигини акс эттиради. Шунинг ўзи ҳам социалистик демократиянинг жуда катта ютуғидир.

Лекин барча сиёсий-иқтисодий, социал тартиботлар сингари сайлов системаси ҳам қотиб қолмаслиги, қайта қуришдан, жамиятда ривожланиб бораётган янги жараёнлардан четда турмаслиги керак.

Хўш, меҳнаткашлардан ана шу масалалар хусусида КПСС Марказий Комитети, СССР Олий Совети Президиумига, бошқа марказий органлар ва оммавий ахборот воситаларига келаётган таклиф ва истакларнинг моҳияти нимада?

Сиёсий жиҳатдан олганда гап сайлов системаси демократизмининг чуқурлаштириш тўғрисида, сайловолди ва сайлов кампанияларининг ҳамма босқичларида сайловчиларнинг янада самарали ва реал қатнашувлари ҳақида бораётир.

Конкрет қилиб олганда кўпчилик таклифлар меҳнат коллективларидаги ва истикомат жойидаги сайловчиларнинг йиғилишларида, шунингдек, сайловолди кенгашларида, қонда тарикасида, бир неча номзод муҳокама қилинсин, сайлов эса йирикрок сайлов округларида ўтказилиб, уларнинг ҳар биридан бир неча депутат сайлансин, деган фикрдан иборат бўлмоқда. Ўртокларнинг фикрича, бу тартиб ҳар бир гражданига бирмунча кўпроқ номзодларга ўз муносабатини билдириш, партия ва совет органларига эса аҳолининг қайфияти ва хоҳиш-иродасини яхшироқ билиб олиш имконини беради.

Биз шу истакларга қулоқ солиб, сайловнинг ўзини ташкил этишга, халқ депутатлигига номзодлар кўрсатиш ва уларни муҳокама қилиш практикасига янгича назар билан қарашимиз керак. Овоз бериш тартиб-қондасини расми-ятчиликдан халос қилиш, сайлов кампанияси шу йилнинг ўзидаёқ кенгрок демократизм вазиятида, одамларнинг бу жараёнда манфаатдорлик билан иштирок этиши вазиятида ўтиши ҳақида ғамхўрлик қилиш керак.

Сайлов системасига тузатишлар киритиш тўғрисидаги Қонун актига

келганда шуни айтиш керакки, унинг лойиҳасини даставвал умумхалк муҳокамаси учун эълон қилиш фойдали бўлур эди.

Бу таклифларнинг амалга оширилиши халқ ҳокимияти органларини тузиш ва уларнинг ишлаши жараёнини янада демократлаштириш йўлида қўйилган дастлабки муҳим кадам бўлур эди. Аммо, чамаси, чуқурроқ ўзгаришларни, шундан кейин қўйиладиган кадамларни ҳам ўйлаб кўриш лозим. Орттирилган тажрибани ва янги вазифаларни эътиборга олиб, Лениннинг совет давлат қурилиши масалаларига оид таълимотини яна бир бор синчиклаб ўрганиб чиқиш, ундан ҳозир жамият олдида турган вазифаларни ҳал этишда фойдаланиш зарур.

Совет жамиятини янада демократлаштиришнинг умумий йўлидан бориб, партия ички демократиясини кенгайтириш масалаларини ҳам кўриб чиқиш кераклиги мутлақо табиийдир.

XXVII съездда КПСС Уставига ўзгартиш ва қўшимчалар киритиш чоғида партия турмушининг демократик принципларини мустаҳкамлашга қаратилган бир қанча муҳим қондалар амалга оширилганлиги маълум. Бу ишни давом эттириш керак. Раҳбар партия органларини тузиш механизмини такомиллаштириш хусусида маслаҳатлашиб кўриш мақсадга мувофиқ бўлиб туюлмоқда.

Бу хусусда Марказий Комитетга кўпгина турли таклифлар тушди. Мана шу таклифларни умумлаштириш асосида чиқарилган хулосаларни айтиб ўтишга ижозат бергайсизлар.

Аввало, бошланғич партия ташкилотида сайлаб қўйиладиган органларни тузиш тўғрисида. Бу хусусдаги кўпчилик таклифларнинг моҳияти — партия бюрolari ва партия комитетларининг секретарларини сайлаш пайтида истисносиз барча коммунистларнинг ўз хоҳишларини билдиришлари учун тўла имконият яратиб беришдан, уларнинг ўзларини сайлаб қўйган кишилар олдидаги масъулиятини оширишдан иборат.

Район, округ, шаҳар, область, ўлка партия комитетларининг, иттифокдош республикалар Компартиялари Марказий Комитетларининг секретарларини сайлаш тартибини ўзгартириш тўғрисида ҳам ўйлаб кўриш зарур. Ўртоқларнинг таклиф қилишича, бу соҳада секретарларни, шу жумладан, биринчи секретарларни ҳам тегишли партия комитетларининг пленумларида яширин овоз бериш йўли билан сайлашга ўтиш мумкин. Бунда партия комитетининг аъзолари номзодларнинг исталган сонини овозга қўйиш учун рўйхатга киритиш ҳуқуқига эга бўлур эдилар. Бу тadbир секретарларнинг ўзларини сайлаб қўйган партия комитетлари олдидаги масъулиятини анча ошириши ва ишда уларга кўпроқ дадиллик бахш этиши лозим, уларнинг обрў-эътибори меъёрини аниқроқ белгилаш имконини беради.

Ўз-ўзидан равшанки, партияда Уставнинг ўзгармас принципи амал қилавериши керак, шу принципга мувофиқ юқори органларнинг қарорлари, шу жумладан, кадрлар масалаларига оид қарорлари ҳам барча куйи партия комитетлари учун мажбурийдир.

Сиёсий бюронинг фикрича, партиянинг марказий раҳбар органларини тузишни ҳам янада демократлаштириш лозим. Бунини мутлақо мантикий деб ўйлайман. Бошқа жамоат ташкилотларида ҳам раҳбар органлар сайловини демократлаштириш, чамаси, мантикий бўлур эди.

Ўртоқлар, мана шу тadbирларнинг ҳаммаси партиямиз турмушидаги демократик централизм асосларини мустаҳкамлайди, партия сафларининг бирлиги ва жипслигини кучайтиришга, ҳар бир коммунистнинг, барча партия ташкилотларининг, умуман партиянинг интизоми ва масъулиятини, активлигини оширишга қўмаклашади, деган фикрга қўшиласизлар, деб ўйлайман.

Эҳтимол, биз партиянинг сайлаб қўйиладиган органларини тузиш тартиб-қондасини мураккаблаштириб юбормаймизми, буларнинг ҳаммаси етарли равишда ўринлими ва ишга қай даражада ёрдам беради, деган саволлар туғилиши мумкин.

Биз Марказий Комитетнинг апрель Пленумидан бошлаб, жамиятда йиғилиб қолган проблемалар кўп жиҳатдан партиянинг ўз фаолиятидаги, унинг кадрлар сиёсатидаги камчиликлар билан боғланганлигини доимо таъкидлаб келаямиз. Сиёсий бюро сайлаб қўйиладиган органларни тузиш жараёнини

янада демократлаштириш — партия фаолиятини оширишнинг, янги кучлар оқиб келишининг, партия ташкилотлари актив ишлашининг муҳим шарт-шароитларидан бири, ўтмиш хатолари такрорланмаслигига кафолат, деб ҳисоблайди.

Партиядаги сайлов — юзаки бир иш эмас, шу сабабли биз сайловга тайёргарлик кўришга пухта ўйлаб, юксак масъулият руҳида, партия ва жамият манфаатларига асосланиб ёндашишимиз керак.

Жамиятни демократлаштириш партия, совет ва ҳўжалик органлари, уларнинг кадрлари қандай ишлаётганлиги устидан контрол қилиш тўғрисидаги масалани ҳам янгича тарзда ўртага қўяди. «Юқоридан» контролга келганда, бу соҳада кейинги вақтларда сезиларли ўзгаришлар рўй берганини биласизлар. Танқид ва контрол учун қандайдир «тақиқланган зоналар» ўтмишда қолиб кетмокда. Марказий Комитет Сиёсий бюроси ва Секретариатининг мажлисларида иттифокдош республикалар Компартиялари Марказий Комитетларининг, ўлка ва область партия комитетларининг ҳисоботлари мунтазам равишда тингланмокда, партия ва жамият турмушининг бошқа принципиал масалалари атрофлича кўриб чиқилмокда. СССР Министрлар Совети ва унинг Президиуми министрликлар ва идораларга, иттифокдош республикаларнинг Министрлар Советларига нисбатан анча талабчан бўлиб қолдилар.

Бирок, очигини айтганда, Марказий Комитет Сиёсий бюроси, Секретариати ва ҳукумат бу соҳада ҳали кўп иш қилишлари керак. Биз айтиб бер масаланинг ўзига бир неча мартадан қайта мурожаат этишимизга, уни ҳал қилиш учун қўшимча чора-тадбирлар кўришимизга ҳали ҳам тўғри келиб турибди. Сиёсий бюронинг сўнгги мажлисида Марказий Комитет билан СССР Министрлар Советининг машинасозликни ривожлантиришни жадаллаштиришга оид қарорлари қандай бажарилаётганлиги муҳокамаси, жумладан, шуни яққол кўрсатди. Биз зарур қарорларни қабул қилаяпмиз, аммо, аввалгидек, уларни белгиланган муддатларда тўла-тўқис амалга оширмаяпмиз. Бунинг сабабларидан бири шуки, ҳали кўп кишилар эски одатлар сарқитидан, ўз вазифаларига масъулиятсизларча қараш иллатидан қутулмаганлар. Интизом бўш. Ҳамма раҳбарлар ҳам сўз билан ишнинг бирлиги принципига амал қилаётганлари йўқ, баъзилари эса ишлашдан кўра кўпроқ гапирмокдалар. Биз бундан жуда жиддий ҳулосалар чиқариб олишимиз керак.

Аммо, «юқоридан» контрол нақадар муҳим бўлмасин, жамиятни демократлаштириш шароитларида «қуйидан» контролнинг савияси ва самарадорлигини ошириш принципиал аҳамиятга эга, шундагина ҳар бир раҳбар, ҳар бир мансбдор шахс ўз масъулиятини ва сайловчилар, меҳнат коллективлари, жамоат ташкилотларига, умуман партия ва халққа бўйсинишини доимо сезиб турадиган бўлади. Меҳнат аҳлидан чиқаётган реал контролликнинг ҳамма воситалари ва усулларини вужудга келтириб мустаҳкамлаш — бу соҳадаги бош масалалар.

Ҳўш, қандай воситалар ва усулларни назарда тутаяпман?

Аввало, ҳисобот бериб туришни назарда тутаман. Сайлаб қўйиладиган ва тайинланадиган барча мансбдор шахсларнинг меҳнат коллективлари ва аҳоли олдида мунтазам ҳисобот бериб туриши қондасига оғишмай риоя этиш вақти келди. Ҳар бир мана шундай ҳисобот вақтида жонли ва принципиал муҳокама, танқид ва ўз-ўзини танқид бўлиши, амалий тақлифлар киритилиши ва у ҳисобот берган кишининг фаолиятини баҳолаш билан тугаши зарур.

Ана шундагина Лениннинг сайлаб қўйилган органларнинг, раҳбарларнинг иши ҳамма учун ошқора бўлсин, омманинг кўз ўнгида қилинсин, деган талаби бажарилган бўлади. Биз мана шундай контролга эришсак, шикоятлар ва юқори ташкилотларга мурожаатномаларнинг кўпгина сабаблари йўқ бўлиб кетиши, уларда кўтарилган масалаларнинг аксарият ўз жойида ҳал этилиши шубҳасиз. Кенг демократизм шароитида одамларнинг ўзлари ўз коллективида шахар ёки кишлоқда тартиб ўрнатиб оладилар.

Халқ депутатлари Советлари, касаба союз ва бошқа жамоат ташкилотлари контрол учун жуда катта имкониятларга эгадирлар. Олий ва маҳаллий Советларда сессиялар, доимий комиссиялар ва депутатлар ишининг демократик принципларини мустаҳкамлаш, мансбдор шахсларнинг Советлар олдидаги

мунтазам хисоботи, депутатлар сўрови практикаси таъсирчанлигини ошириш керак. Мана шундай ёндашув халқ ҳокимияти органларининг омма орасидаги обрў-эътиборини янада кўпроқ мустаҳкамлайди.

Контролни такомиллаштириш билан бирга, ҳозир корхоналар, муассасалар ва ташкилотларга қуюндек ёпирилаётган, одамларни ишдан чалғитаётган, ишда асабийликни вужудга келтираётган турли-туман текшириш ва назоратларни зудлик билан тартибга солиш керак. Бундай текшириш ва назоратларнинг фойдаси одатда, жуда кам. Бу — янги масалалар эмас, бу ҳақда неча марталаб гапирилди ва ёзилди. Аммо иш ҳозирча ўзгаргани йўқ. Чамаси, Марказий Комитет Секретариати билан СССР Министрлар Советининг Президиуми бу соҳада тегишли тартиб ўрнатишлари, текширишларнинг миқдори кетидан қувмай, балки сифатига кўпроқ эътибор беришлари лозим.

Ижтимоий муҳитни соғломлаштириб, ошкораликни янада ривожлантириш зарур. Бу қурилишимизнинг барча соҳаларидаги ишни яхшилашнинг қудратли воситасидир, умумхалқ контролининг таъсирчан шаклидир. Марказий Комитет апрель Пленумидан кейин орттирилган тажриба буни яққол тасдиқлаб турибди.

Ошкораликни гарантиялайдиган ҳуқуқий ҳужжатларни ишлаб чиқишга қиришиш вақти келганлиги равшан. Бу ҳужжатлар давлат ва жамоат ташкилотларининг фаолиятида максимал ошкораликни таъминлаши, меҳнат-кашларга ижтимоий турмушнинг ҳар қандай масаласи юзасидан ўз фикрини айтиш учун реал имконият, бериши керак.

Танкид ва ўз-ўзини танкид социалистик демократиянинг синалган қуролидир. Бунга ошкора эътирозлар йўқ, деса бўлади. Аммо биз ҳаётда жамиятдаги танкидий кайфиятни қўллаб-қувватлаш зарурлигини ҳамма ҳам тушуниб олмаганлигидан далолат берувчи фактларга дуч келиб турибмиз. Баъзан иш шунгача бориб етмоқдаки, айрим ходимлар ҳатто жиндак танкидий фикрни ҳам ўз обрў-эътиборига суикасд деб билмоқдалар ва уни имкони бўлган ҳамма воситалар билан ҳимоя қилмоқдалар. Бундан устомонлари ҳам чикиб қолди. Улар танкидни ҳакли деб тан оладилар, ҳатто бунинг учун миннатдорчилик билдирадилар, аммо илгари ҳамма иш ёпиклигича қолаверганидек, бу сафар ҳам сувдан қуруқ чиқишни мўлжаллаб, камчиликларни тугатишга қиришмайдилар.

Танкидга бундай муносабат принципларимизга ва ахлокимизга мутлақо зиддир. Биз социал-сиёсий турмушга, маънавий соҳага янгича ёндашувларни қарор топтираётган ҳозирги босқичда эса танкид ва ўз-ўзини танкиднинг аҳамияти бекиёс ортиб бормоқда. Танкидга муносабат — инсоннинг қайта қуришга, жамиятимизда рўй бераётган ҳамма янгиликларга муносабатининг муҳим мезонидир.

Шу ўринда ҳали ҳам танкидга чидамаслик ва шу билан бирга танкид учун таъкиб қилиш, танкидий чиқишларни тўғридан-тўғри бўғиш фактларига ҳам дуч келиб турганлигимиз тўғрисида таассуф билан гапирмасдан бўлмайди. Баъзан, бу ҳол шундай миқёс ва кўлам касб этмоқдаки, шундай шаклларда содир бўлмоқдаки, Марказий Комитет ҳақиқат ва адолатни тиклаш, иш манфаатлари учун жон қуйдираётган ҳалол кишиларни қўллаб-қувватлаш учун аралашишига тўғри келмоқда. Бу масала хусусида илгари ҳам гапирган эдим. Аммо аҳвол секинлик билан тузатилмоқда. Марказий матбуотнинг фақат январь ойидаги хабарларига эътибор қилсангиз, танкид учун қувғин қилиш асло кам учрайдиган ҳодиса эмаслигини кўрасиз.

Шу муносабат билан оммавий ахборот воситаларининг жамиятимизда танкид ва ўз-ўзини танкидни ривожлантириш соҳасидаги куч-ғайратларини қўллаб-қувватлаш лозим. Совет кишилари қайта қуриш учун уларнинг позициясини муносиб баҳоладилар. Марказий газета ва журналларнинг ўқувчилари ёнига яна 14 миллиондан кўпроқ киши қўшилди, Марказий телевидениенинг долзарб мавзулардаги кўрсатувларини кўп миллионлаб кишилар томоша қилмоқдалар. Мамлакат социал-иктисодий тараққиётини жадаллаштиришга тааллуқли, жамият турмушининг жуда турли жихатларига дахлдор актуал проблемаларнинг ўртага қўйилишидаги дадиллик ва теранлик одамларни ўзига жалб этмоқда. Партия оммавий ахборот воситаларининг

чиқишлари бундан буён ҳам чуқурлиги ва холислиги, юксак гражданлик масъулияти билан ажралиб туради, деб умид қилади.

Республика ва маҳаллий нашрларда рўй бераётган ижобий ўзгаришлар ҳақида ҳам гапириш мумкин. Аммо ҳали уларнинг ҳаммаси ҳам қайта қуришга чинакамига киришгани йўқ, улар масалаларни принципиал ва дадил даражада ўртага қўймаптилар, камчиликларга танкидий муносабатда бўлмаптилар. Кўпгина партия комитетлари қайта қуришнинг қудратли воситаси бўлган ахборот воситаларидан ҳамиша ҳам чинакамига фойдаланмаптилар, айрим жойларда эса уларнинг фаолиятини қисиб қўймоқдалар.

Партия камчилик ва нуксонлар бундан буён ҳам принципиал ва амалий танқид қилинишига умид боғлаб, шу билан бирга оммавий ахборот воситаларидан меҳнат коллективларининг, партия, совет ва ҳўжалик органларининг, жамоат ташкилотларининг, раҳбар кадрларнинг қайта қуриш шароитидаги иш тажрибасини янада кенг кўрсатиб беришларини кутади.

Қайта қуриш ўртага қўйган, ва ўйлайманки, яна ўртага қўядиган кўпгина ғоят муҳим масалаларга албатта жавоб топишимиз керак. Биз ҳаммамиз тезроқ қайта қуришга замон руҳида амалий тарзда ёрдам беришимиз керак. В. И. Ленин айтганидек, матбуотнинг мана шу ташкилотчилик вазифасини кун сайин кучайтириш, амалда омманинг коллектив агитатори, пропагандисти ва ташкилотчиси бўлишни ўрганиш лозим.

Яна бир масалада равшанлик бўлиши керак. Совет жамиятида танқид учун ёпиқ зоналар бўлмаслиги керак, деб айтаяпмиз. Бу гап оммавий ахборот воситаларига ҳам тўла-тўқис тааллуқлидир.

Ўртоқлар! Ҳақиқий демократия қонундан ташқарида ва қонундан устун тарзда яшай олмайди. Партия XXVII съезди қонунчилигимизни ривожлантириш ва ҳуқук-тартиботни мустаҳкамлашнинг асосий йўналишларини белгилаб берди. Ҳозирги беш йилликда экономикани, социал соҳани ва маданиятни, халқнинг социалистик ўз-ўзини бошқаришини ривожлантириш билан, граждандарнинг ҳуқук ва эркинликлари кафолатларини кенгайтириш билан боғлиқ бўлган янги қонунларни тайёрлаш ва қабул этиш соҳасида катта иш қилиниши лозим.

Сиёсий бюро яқин вақт ичида янги жинойт қонунларини ишлаб чиқиш тўғрисидаги таклифни қўллаб-қувватлади. Бу қонунлар совет жамияти тараққиётининг ҳозирги шароитига тўлароқ мос бўлиб тушиши, граждандарнинг манфаатлари ва ҳуқукларини самаралироқ ҳимоя қилиши, интизом, ҳуқук ва тартибни мустаҳкамлашга ёрдам бериши лозим, деган масала қўйилди. Биз совет судининг роли ва обрў-эътиборини ошириш, судьяларнинг мустақиллиги принципага қатъий риоя этиш, прокурор назоратини қатъиян кучайтириш, тергов органларининг ишини такомиллаштириш чора-тадбирларини ҳам пухта ўйлаб чиқишимиз ва шу чора-тадбирларни кўришимиз керак.

Гражданининг ҳуқукларини камситувчи мансабдор шахсларнинг ғайриқонуний ҳаракатлари хусусида судга шикоят қилиш тартиби тўғрисидаги қонун лойиҳаси тайёрлаб қўйилди ва тез орада муҳокамага тақдим этилади. Давлат арбитражининг ишини яхшилаш, ҳуқук пропагандасини кенгайтириш юзасидан қўшимча чора-тадбирлар белгиланди.

Биз совет жамиятини демократлаштириш ҳақида гапирганимизда, биз учун бу принципиал масала, социалистик демократизмнинг асосий, белгиловчи жиҳатини яна бир бор таъкидлаб ўтиш ўринлидир. Бунда мен демократия билан интизом, мустақиллик билан масъулият, мансабдор шахсларнинг, ҳар бир гражданининг ҳуқуклари билан вазифалари узвий бирликда олиб борилишини назарда тутаман.

Қуюшқондан чиқиш, масъулиятсизлик, тартибсизлик социалистик демократияга мутлақо зиддир. Ҳақиқий демократия ҳар бир кишига хизмат қилади, унинг сиёсий ва социал ҳуқукларини ҳимоя этади, айни вақтда у ҳар бир коллектив ва умуман жамиятга хизмат қилиб, уларнинг манфаатларини каттик ҳимоя этади.

Совет жамияти турмуши ҳамма соҳаларини демократлаштириш муҳимлигининг сабаби аввало шундан иборатки, биз меҳнатқашларнинг ташаббусини янада ривожлантиришни, социалистик тузумнинг бутун потенциалини намоён

етишни шу жараён билан боғлаймиз. Олға ҳаракат қилиш учун, жамиятда конунчилик мустаҳкамланиб, адолат тантана қилиши учун, инсон эркин яшаб, самарали меҳнат қиладиган ахлоқий муҳит қарор топиши учун турмушнинг ҳамма соҳаларини демократлаштириш зарур.

Ўртоқлар! Ҳақиқий демократиянинг таъсирчанлиги унинг кенг омма манфаатларига қанчалик мос келишига, унга таянишига, жамиятнинг барча қатламлари ва группалари уни қўллаб-қувватлашига боғлиқ. Шу жиҳатдан олганда, қайта қуриш вазифалари демократиянинг социал базасини янада кенгайтиришда резервларимиз ва имкониятларимизни яна бир бор таҳлил этишни талаб қилади. Масалани шу тарзда қўйишнинг ҳаётийлиги равшан кўриниб турибди.

Бутун тажрибамиз сабоғига кўра, партия бурилиш даврида энг қийин, энг дадил вазифаларни ҳал этаётганида доимо комсомолга, ёшларга, уларнинг ғайрат-шижоати ва социализм ишига содиқлигига, турғунликка мурасасизлигига, илғор усулларга ихлосмандлигига мурожаат этиб келган. Бугун ҳам биз демократик ўзгартишлар зарурлиги ҳақида, халқнинг қайта қуриш вазифаларини ҳал этишдаги реал иштирокини кенгайтириш ҳақида гапирганимизда ёш авлоднинг позицияси тўғрисидаги масала зўр сиёсий аҳамият касб этади.

Пленумда шуни яна бир бор такрорламоқчиман: биз ёшларимиз билан фахрлана оламиз, уларнинг меҳнатига муносиб баҳо берамиз — бу аслида ҳам, сиёсий жиҳатдан ҳам тўғридир.

Аммо замон ҳар бир кишидан янада кўпроқ ғайрат-шижоатни талаб қилмоқда. Қайта қуришдан манфаатдор бўлган ёшлар эса янада активроқ ҳаракат қилишлари керак, албатта. Улар янгиланган жамиятда яшайдиган ва ишлайдиган кишилардир. Партия ташкилотлари, уларнинг комитетлари, комсомол ёш авлод олдида истикболни очиб қўйишлари, ёшлар амалда ўзгартишларнинг серғайрат қатнашчиси бўлиб қолишларига интилишлари лозим. ВЛКСМнинг навбатдаги съездини тайёрлашга ҳам шу позициялардан туриб ёндашмоқ керак.

Комсомол билан ишлашда биз уларни меҳнатда, ғоявий-сиёсий ва ахлоқий жиҳатдан чиниктиришга эътиборни кучайтиришимиз, ёшлар билан ишлашда кераксиз усуллардан, аввало, насихатгўйлик ва маъмуриятчиликдан тезроқ ва қатъият билан воз кечишимиз лозим. Ҳа, буларнинг ҳаммаси бор ва булар ҳақида гапиришимиз керак. Бу нарсa нима билан изоҳланмасин — йигит-қизларнинг ижтимоий муддаолари ҳамда хатти-ҳаракатлари оқилона ва етуқ эканлигига ишонмаслик, оддий эҳтиёткорлик ёки ўз фарзандларининг ҳаётий машаққатларини енгиллаштириш истаги билан изоҳланмасин, — бундай позицияга асло қўшилиб бўлмайди.

Йигит-қизлар шахсини камол топтиришдан, гражданлик позициясини шакллантиришдан, барча жамоат ишларида уларни реал қатнаштиришдан бошқа реал йўл йўқ, ўртоқлар. Конкрет тажрибанинг йўқлиги ўрнини ҳеч нарсa билан тўлдириб бўлмайди. Шу бонсдан ҳам вужудга келган аҳволни ўзгартириш керак. Бунда нимани назарда тутаяпман?

Аввало, ёшларга кўпроқ ишониш, айтилиш вақтда уларга моҳирона ёрдам бериш ва хатоларни бемалол ўртоқларча танқид қилиш, меҳнатни, ўқишни, турмушни, бўш вақтни ташкил этишда кўпроқ мустақиллик бериш, ўз ишлари ва ҳаракатлари учун кўпроқ масъулият талаб қилишни назарда тутаяпман. Бу эса барча поғоналарда жамиятга раҳбарлик қилишда қатнашиш ҳуқуқини ҳам назарда тутати.

Партиясиз ўртоқларни раҳбарлик ишига кўтариб қўйиш — ижтимоий турмушни демократлаштиришнинг муҳим йўналишидир. Бу принципиал масала. Илғор ишчи, деҳқон, инженер, илмий ходим, врач, ўқитувчи, маиший хизмат ходимининг сиёсий ва амалий жиҳатдан ўсиши, халқ орасидан етишиб чиққан истеъдодли кишиларни доимо аниқлаш ва юқори вазифага кўтариш — социалистик жамият соғломлиги ва тараққиётининг мустаҳкам гарантияларидан биридир.

Баъзан шундай нуқтаи назарга дуч келинмоқда: ҳозир КПССда 19 миллиондан кўпроқ аъзо бўлганлиги сабабли, партиясизларни кўтариш тўғрисидаги масала гўё эскириб қолган эмиш. Бу — нотўғри фикр, деб

ўйлайман. Шу фикрга асосланиб иш тутиш — партиянинг омма билан муносабатларини издан чиқариш ва очиғини айтганда, гражданларнинг конституцион ҳуқуқларини камситиш, шу тариқа эса кадрлар соҳасидаги имкониятларни ҳам чеклаш бўлур эди. Бизда партиясиз ўртокларнинг раҳбарлик лавозимларида самарали ишлаётганликларини кўрсатувчи бир талай ажойиб мисоллар ҳозир ҳам бор. Улар завод ва фабрикаларга, колхоз ва совхозларга, қурилиш ташкилотларига, илмий ва педагогик коллективларга, инженерлик муассасаларига бошчилик қилмоқдалар, жамоат ишларини актив олиб бормоқдалар.

Коммунистлар, партиясизлар орасида ҳам кўтариш учун одамларни ошкора танлаб олиш демократлаштириш вазифаларига, кенг меҳнаткашлар оммасини бошқарувга жалб этишга мос бўлиб тушади.

Хотин-қизларни раҳбарлик ишига янада кенгрок микёсда кўтариш масаласи ҳам айни шу тарзда қўйилмоқда. Ҳозир партия, давлат лавозимларида, илм-фан, соғлиқни сақлаш, маориф, маданият, енгил саноат, савдо, маиший хизмат соҳаларида кўпгина хотин-қизлар ишлаб турибдилар ва муваффақиятли ишламоқдалар. Ҳозир мамлакат иттифок ва республика микёсида экономикани, маданиятни бошқаришга хотин-қизлар янада активрок жалб этилишига мухтождир. Бунинг учун бизда имкониятлар бор. Хотин-қизларга ишонч билдириб, мадад берилса, шунинг ўзи кифоя.

Ўртоклар! Биз кўп миллатли мамлакатимизда яшаб турганимизни эътиборга олмасдан туриб, ўтмишда ҳам, ҳозир ҳам ҳал эта оладиган биронта принципаал масала йўқ. Миллий муносабатларни ривожлантиришда социалистик негизларнинг муҳимлигини исботлашнинг ҳожати бўлмаса керак. Айни социализм миллий зулмни ва тенг ҳуқуқсизликни, одамларнинг ҳуқуқларини миллий вайрон билан бирон-бир тарзда камситишни тугатди, барча миллат ва элатларнинг иқтисодий, маънавий тараққиётини таъминлади. Хуллас, партиямиз миллий сиёсатининг муваффақиятлари шак-шубҳасиз ва биз бу муваффақиятлар билан ҳақли равишда фахрланамиз.

Аммо биз миллий муносабатлар ривожланишининг реал манзараси ва истикболини кўра олишимиз керак. Демократия ва ўз-ўзини бошқариш кенгайтирилаётган, барча миллат ва элатларнинг миллий ўзлигини англаши тез ўсиб бораётган, интернационаллашув жараёнлари чуқурлашаётган ҳозирги пайтда вужудга келаётган масалаларни имкони бўлган бирдан-бир негизда — ҳар бир миллат ва элатнинг раванқ топиши манфаатларини кўзлаб, уларнинг ўзаро яқинлашуви манфаатларини, бутун жамиятнинг манфаатларини кўзлаб, ўз вақтида ва одилона ҳал қилиш алоҳида аҳамият касб этади.

Шу муносабат билан биз қарши курашаётган салбий ҳодисалар ва издан чиқишлар миллий муносабат соҳасида ҳам намоён бўлганини айтмасдан ўтиб бўлмайди. Йўқ деганда ҳам, маҳаллийчилик кўринишлари, миллий маҳдудлик тенденциялари, миллий кибрланиш кайфиятлари ва ҳатто ҳали яқиндагина Олмаотада бўлиб ўтгани каби можаролар содир бўлиб турибди.

Олмаотадаги воқеалар ва ундан олдин бўлган воқеаларни синчиклаб таҳлил этиш, уларга принципаал баҳо бериш керак. Уларнинг ҳаммасини ҳали синчиклаб ўрганиш лозим. Аммо шу нарса ҳозирнинг ўзидаёқ равшан: бўлиб ўтган воқеалар Қозоғистон коммунистларинигина эмас, барча партия ташкилотларини, уларнинг комитетларини ҳам миллий муносабатларни янада ривожлантириш, интернационал тарбияни кучайтириш проблемаларига кўпроқ эътибор беришга мажбур қилиш лозим. Ёш авлодни миллатчиликнинг бузғунчилик таъсиридан эҳтиёт қилиш айниқса муҳимдир.

В. И. Ленин: «амалда интернационалист бўла билиш керак», — деб таълим берган эди, шу таълимотни узлуксиз ўрганиш — бизнинг бурчимиздир.

Изчил, саботли интернационализмнигина миллатчилик иллатларига муваффақиятли равишда қарши қўйиш мумкинлигини бутун тажрибамиз кўрсатиб турибди. Биз нимага эришган бўлсак, ҳаммасига умумий меҳнат орқали эришганмиз. Агар бир регионда нефть қазиб олинаётган бўлса, иккинчиси унга нон юборяпти. Пахта етиштираётганлар машиналар олмоқда. Ғалланинг ҳар тоннасида, олтиннинг ҳар мисқолида, пахта, қўмир, нефтнинг ҳар тоннасида, энг оддий машинадан тортиб то ноёб машинагача, ҳар биттасида

бутун совет халки, бутун мамлакат, бутун кўп миллатли Иттифоқимиз меҳнатининг улуши бор.

Турмушимиз ва биргаликдаги меҳнатимизнинг бутун муҳити, оила ва мактаб, армия, маданият, адабиёт ва санъат барча миллатларга мансуб совет кишиларини ва аввало ёшларни энг олижаноб туйғулар — интернационализм ва совет ватанпарварлиги туйғулари руҳида тарбиялаб вояга етказиши керак.

Ленин талаблари руҳида, XXVII съезд йўл-йўриқлари руҳида, партия, давлат, хўжалик органларида, шу жумладан, Иттифок даражасида мамлакатнинг барча миллат ва элатларидан вакиллар бўлиши, раҳбар кадрларнинг состави унинг миллий структурасини ғоят тўла-тўқис акс эттириши йўлини қатъият билан ўтказиш зарур.

Бунда гап ўринлар ва лавозимларни миллий белгига қараб механик тарзда тақсимлаш ҳақида бораётгани йўқ, албатта. Бу интернационализм ғоясининг ўзини сийқалаштириш бўлур эди. Сиёсий, ишчанлик, ахлоқий фазилатлар ҳамма ҳолатларда ходимнинг қиёфасини белгилайдиган фазилатлардир. У ёки бу проблемадаги миллий жиҳатларнинг алоҳида нозиклигини, одамларнинг турмуш тарзи, психологияси ва феъл-атворидаги миллий анъаналарни ҳам назардан қочириш ярамайди. Мана шуларнинг ҳаммасини жуда синчиклаб эътиборга олиш лозим.

Ўртоқлар, баъзи раҳбарлар миллатлараро муносабатлар билан боғлиқ масалаларни ҳал этишга баъзан унчалик масъулият билан ёндашмаётганликларини айтиб ўтишим керак.

Турли республикаларнинг кўшни районлари ёки областлари ўртасидаги муносабатларда ўқтин-ўқтин англашилмовчиликлар чиқиб турибди. Баъзан бу англашилмовчиликлар низога айланиб, ҳатто жанжаллашишгача бориб етмоқда, партия ва совет органларининг раҳбарлари эса эхтиросларни жиловлаш ёки пасайтириб қўйиш ўрнига принципаал қарорларга келишдан ўзларини четга олмоқдалар. Сиёсий ходимлар бундай вазиятларда омилкорлик билан иш тутишлари, носоғлом ҳис-ҳаяжоннинг шаштини пасайтиришлари лозим.

Назарий тафаккуримиз миллий муносабатлар практикаси олдида катта қарздор бўлиб қолмоқда. Миллий сиёсат масалалари мамлакат тараққиётининг ҳозирги босқичига мувофиқ тарзда мутлақо етарли ишлаб чиқилмаётганини назарда тутаялман. Баъзи жамиятшуносларимиз миллий муносабатлар соҳасидаги реал ҳодисаларни объектив тадқиқ этиш, жуда мураккаб ва моҳият эътибори билан зиддиятли бўлган ҳақиқий социал-иқтисодий ва маънавий жараёнларни таҳлил этиш ўрнига узок вақтдан буён баъзан жиддий илмий тадқиқотдан кўра қадаҳ кўтариб баланд кайфиятда айтиладиган гапларни эслатувчи дабдабали рисоалар яратишни афзал кўрганликлари факт эмасми, ахир, ўртоқлар.

Миллий муносабатлар соҳасида йўл қўйилган хатолар, уларнинг кўринишлари панада қолиб кетганлигини ва улар ҳақида гапириш одат бўлмаганини тан олмоқ керак. Бу эса салбий оқибатларга олиб келди, булар билан ҳозир шуғулланишга тўғри келмоқда.

Биз XXVII съездда партияимизнинг В. И. Ленин бошлаб берган анъанаси: миллий муносабатларнинг ривожланишига тааллуқли бўлган, ҳар бир миллат ва элатнинг манфаатларига, одамларнинг миллий туйғуларига даҳл қиладиган ҳамма ишда алоҳида сезгирлик ва эҳтиёткорлик кўрсатиш, бу соҳада вужудга келган масалаларни ўз вақтида ҳал этиш анъанаси мустаҳкамлигини таъкидлаб ўтдик.

Миллий маҳдудлик ва гердайнш, миллатчилик ва шовинизм, маҳаллийчилик, сионизм ва антисемитизм қандай шаклларда намоён бўлмасин, уларнинг ҳар қандай кўринишларига қарши принципаал кураш большевизм анъаналарига хосдир. Миллатчилик ва пролетар интернационалиزم бир-бирига зид икки сиёсат, бир-бирига зид икки дунёқараш эканини биз доимо ёдда тутишимиз керак.

Биз шу позицияларга асосланиб, қатъий ва принципаал бўламиз. Одамларнинг миллий ҳис-туйғуларини ҳурмат қилиш керак, уларни менсимаслик ярамайди, аммо бу ҳис-туйғулар билан ўйнашиш ҳам ярамайди.

Миллатчилик ёки шовинистик хурофотларни рўқач қилиб, улардан фойдаланиб қолувчи кимсалар бу хусусда ҳеч қандай хом ҳаёлга берилмай қўя қолсинлар ва бўшашувчилик бўлишини кутмай қўяқолсинлар.

Принциплар шунинг учун ҳам принциплардирки, уларга хилоф иш тутиб бўлмайди, ўртоқлар. Бундай позицияни, принципиал, ленинча позицияни бутун партия, бутун кўп миллатли совет халқи қўллаб-қувватлаши шубҳасиз.

III. ҚАЙТА ҚУРИШ ШАРОИТИДАГИ КАДРЛАР СИЁСАТИ

Ўртоқлар! Қайта қуришнинг муваффақияти ўзгартишлар зарурлигини кадрларимиз нақадар тез ва чуқур идрок қилиб олишларига, партиянинг йўлини нақадар ижодий ва собитқадамлик билан турмушга татбиқ этишга ҳал қилувчи даражада боғлиқ эканини ҳаммамиз яхши тушуниб турибмиз, деб ўйлайман. Қайта қуриш вазифаларига, социал-иктисодий тараққиётни жадаллаштириш зарурлигига мос бўлиб тушадиган кадрлар сиёсати керак. Биз шу сиёсатнинг илк талабларини таърифлаганда ўтмиш сабоқларини ҳам, ҳозир ҳаёт ўртага қўйган кенг миқёсли янги вазифаларни ҳам эътиборга олишимиз лозим.

Мамлакатдаги социалистик қурилиш йилларида қудратли юксак малакали кадрлар потенциали вужудга келтирилди, ишчи ва деҳқонлар, бутун халқнинг бекиёс ўсган маълумот ва маданият савияси эса бу потенциални доимо тўлдириш ва янгилаш учун қулай шарт-шароитларни яратиб бермоқда. Биз қилган ҳамма ишлар, биз эришган барча ютуқлар — совет кишилари ижодининг маҳсулидир, кадрларимиз фидокорона ишининг натижасидир.

Шу билан бирга ҳозирги Пленумда кейинги йилларда кадрлар билан ишлашда йўл қўйилган хатолар, кадрлар сиёсатидаги қинғайишлар ҳақида ҳам гапириб ўтиш зарур. Бу хато ва қинғайишлар партия, давлат ва хўжалик аппаратининг бир қанча бўғинлари фаолиятида катта-катта камчиликларга, жамиятдаги салбий ҳодисаларга олиб келди. Партия органлари принципиал, самарали кадрлар сиёсатини ҳамиша ва изчиллик билан ўтказиб келганларида, партия раҳбарлиги ва хўжалик бошқарувининг барча бўғинлари юксак ишчанлик қобилиятини таъминлаганларида кўпгина янглишишларга йўл қўйилмаган бўлур эди.

Ўз-ўзидан равшанки, ҳозир фақат йўл қўйилган хатоларни тан олиш билангина чекланиш ярамайди. Келгусида бундай янглишишларга йўл қўймаслик учун биз ўтмишдан сабоқ олишга мажбурмиз.

Хўш, бу сабоқлар нималардан иборат?

Уларнинг биринчиси партия Марказий Комитетининг ўзида, унинг Сиёсий бюросида — аввало, раҳбарликдаги давомийликни, янги кучлар оқиб келишини таъминлаш нуқтаи назаридан кадрларга онд етилган масалаларни ўз вақтида ҳал этиш зарурлигидан иборат. Шу табиий жараёнга хилоф иш тутиш босқичлардан бирида Сиёсий бюро ва Секретариатнинг, қолаверса, умуман КПСС Марказий Комитети, унинг аппаратининг, шунингдек, ҳукуматнинг иш қобилияти бўшашишига олиб келди.

Дарҳақиқат, ўртоқлар, апрель Пленумидан кейин қисқа муддат ичида КПСС Марказий Комитети Секретариати ва бўлим мудирларининг кўпчилик қисми янгиланди, СССР Министрлар Совети Президиумининг бутун состави алмаштирилди. Бундай алмаштириш зарур эди, чунки узоқ вақт мобайнида Марказий Комитет ва ҳукумат составининг янгиланиши, уларнинг ҳаёт талаб қилганидек янги кадрлар билан тўлдирилиши таъминланмаган эди. Мана шуларнинг ҳаммаси пировард натижада партиянинг сиёсатини ишлаб чиқишга ҳам, унинг жамиятга раҳбарлик қилиш соҳасидаги амалий фаолиятига ҳам таъсир ўтказди.

Энди бунинг такрорланиши мумкин эмас ва лозим ҳам эмас. Янгиланиш жараёни узлуксиз бўлиши, давомийлик бузилмаслиги учун КПСС Марказий Комитети, Марказий Комитетнинг Сиёсий бюроси ва Секретариати, ҳукумат, партия ва давлат раҳбарлигининг олий эшелонлари фаолиятнинг турли

соҳаларидан янги кучларнинг оқиб келиши учун очиб қўйилиши керак. Масалани бундай тарзда қўйиш кадрлар сиёсатидаги ленинча тушунчага, партия ва халқ манфаатларига тўла-тўқис мос бўлиб тушади.

Партия Марказий Комитети жуда катта ишни бажариб келди ва бажармоқда, албатта. Аммо бу ишнинг савияси ҳеч қачон, ҳар қандай вазиятларда ҳам пасаймаслиги керак. Аксинча, у донио ўсиб бориши ва ҳаёт, жамиятнинг тараққиёти, халқаро вазият ўртага қўяётган талабларга муносиб бўлиши лозим. Марказий Комитетнинг фаолиятида ҳеч қандай бўшашувчиликка йўл қўйиб бўлмайди.

ҚПСС Марказий Комитети ишда ленинча ғоялар, принциплар ва усулларни мужассамлаштириш намунаси бўлиши керак. Пленумларимизда ҳақиқатан ҳам партия турмушининг, мамлакат ички ва халқаро аҳволининг энг муҳим масалалари муҳокама қилиниши лозим. Юксак масъулият, туйғуси билан, ғоявий жипслик ва нуқтаи назарларни кенг миқёсда таққослаш вазиятида эркин, рўй-рост муҳокама қилиниши зарур.

Шу муносабат билан Марказий Комитет аъзоларининг роли, уларнинг ҳуқуқлари ва масъулияти ҳақида алоҳида гапириб ўтмоқчиман. Пленумларда Марказий Комитет ҳар бир аъзосининг масалаларни қўйиш ва уларни коллектив ҳолда ижодий муҳокама қилишда қатнашиш ҳуқуқи таъминланиши зарур. Партияда — айниқса Марказий Комитетнинг Пленумларида — танқиддан ташқарида турадиган кишилар ҳам, танқид қилиш ҳуқуқига эга бўлмаган кишилар ҳам бўлиши мумкин эмас.

Бу ўринда биз кўпгина ишларни тузатишимиз керак бўлади. Келинглари, очиғини айтايлик: партия билан халқни тўлқинлантириб турган бир талай энг зарур проблемалар бир қанча йиллар мобайнида Пленумларнинг кун тартибига киритилмай келинди. Марказий Комитетнинг Пленумлари бир неча бор қисқагина тарзда, юзаки ўтказилгани ўртоқларнинг эсида. Марказий Комитетнинг кўпгина аъзолари унинг составида бўлган бутун муддат мобайнида музокараларда қатнашиш ва ҳатто таклифлар киритиш имкониятига эга бўлганлари йўқ. Маҳаллий партия комитетлари ва ташкилотларининг иш услубига ҳам Марказий Комитет Пленумларидаги бундай муҳит ўз таъсирини ўтказди.

Ўтмиш тажрибасининг иккинчи сабоғи шундан иборатки, ўртоқлар, биз кадрларнинг сиёсий ва назарий тайёргарлиги, уларни ғоявий-ахлоқий жиҳатдан чиниктириш ишига етарли баҳо берилмаслигига йўл қўймаслигимиз керак. Акс ҳолда, бу нарса сиёсий раҳбарлик органлари бўлмиш партия комитетларининг фаолиятида жуда жиддий қусурларга айланиб кетади.

Кейинги йилларда кадрларни танлаш, жой-жойига қўйиш ва тарбиялашда бу мезонлар баъзан эътиборга олинмади. Ходимнинг ишлаб чиқаришнинг у ёки бу тармоғи, фан ва техника, технология хусусиятларини билиши, унинг иродалилиги негизлари кўпинча биринчи ўринга қўйилди. Буларнинг ҳаммаси аҳамиятли эканлиги шубҳасиз, аммо шу билан бирга раҳбарларнинг ғоявий-назарий билим доираси ва сиёсий етуқлиги маънавий мустаҳкамлиги, одамларни ишонтириш ва ўзига эргаштира билиш қобилияти сингари фазилатларини эътибордан четда қолдиришга йўл қўйиб бўлмайди.

Технократик, «маъмурий қисув» иш услуби партиявий ишга, аввало одамлар билан ишлашга, яъни партия фаолиятидаги асосий ишга анчагина зиён етказганини рўй-рост ва очиқ-ойдин тан олмоқ керак. Кўпгина партия ходимлари хўжалик ташвишларига берилиб кетиб, бир қанча ҳолларда ўз зиммаларига ўзларига хос бўлмаган вазифаларни олиб, сиёсий масалаларга, экономика, социал ва маънавий турмуш соҳасида ижтимоий аҳамиятга молик ходисаларга эътиборни сусайтириб юбордилар.

Бундай услуб замирида объектив сабаблар бор, албатта. Бу сабаблар халқ хўжалигини бошқаришнинг бир қанча масалалари ҳал этилмаганлиги билан, самарали хўжалик механизмининг йўқлиги билан боғлиқдир. Мана шундай вазиятда кўпгина партия комитетлари ўз масъулиятларини, халқ олдидаги ўз бурчларини сезиб, бир талай хўжалик проблемаларини ҳал этишни зиммага олишга мажбур бўлдилар. Бу ҳолат кўп йиллар мобайнида рўй бериб келди, иш услуби ва методларига чуқур сингиб кетди ҳамда партиявий раҳбарлик

принципларида, кадрларимиз составининг ўзида маълум даражада издан чиқишга олиб келди.

Мамлакатда бошқарув ва ҳўжалик механизмини қайта қуриш соҳасидаги кенг миқёсли тадбирларнинг амалга оширилиши партия комитетлари ва ташкилотларининг ишини такомиллаштириш, жамият турмушининг барча соҳаларида партиявий таъсирни кучайтириш, кўриб чиқиладиган барча проблемаларга сиёсий назар билан ёндашиш услубини амалга ошириш учун кенг имкониятлар очади.

Партия комитетларини экономикадаги аҳвол учун ғамхўрлик қилиш ва масъулиятдан ҳеч ким халос эта олмаслигини таъкидлаб ўтмоқчиман. Бунда гап, юқорида айтиб ўтганимдек, партиявий раҳбарлик методларини ҳўжалик органлари ўрнини босишга ва икир-чикир ишларда уларга васийлик қилишга йўл қўймайдиган тарзда такомиллаштириш тўғрисида бормокда.

Биз чиқаришимиз лозим бўлган учинчи сабоқ шундан иборатки, кейинги йиллардаги кадрлар сиёсатида бир-бирига зид икки тенденция мантикка тўғри келмайдиган ҳолда муроса қилиб келди. Ўртоқлар, бунда мен нимани кўзда тутяпман?

Бир томондан, кадрлар корпусида турғунлик ҳолати анча кучли намоён бўлди. Бир қанча партия комитетлари секретарларининг составида, маҳаллий, республика ва иттифок даражасидаги совет ва ҳўжалик органлари ходимлари орасида баъзида ўн йиллаб зарур кадр ўзгаришлари рўй бермади, янги кишилар қўшилмади.

Шу ҳақда гапирар эканман, юзлаб ва минглаб ажойиб ходимларни. айниқса ҳамма куч ва билимларини партия билан халққа фидокорона хизмат қилишга сарфлаган ва сарфлаётган район ҳамда шаҳар бўғинидаги ходимларни заррача бўлсада камситмоқчи эмасман. Улар кўп йиллар мобайнида ҳалол ишлаб, дарҳақиқат муносиб обрў қозониб, раҳбарлик лавозимларини эгаллаш ҳуқуқларини тасдиқламоқдалар. КПСС, халқ уларнинг осон бўлмаган меҳнатларини, катта хизматларини юксак даражада қадрлаб, уларга муносиб баҳо бермоқда.

Принцип жиҳатидан олганда, кадрларнинг барқарорлиги зарур. Бу маълум, айти вақтда яхши ўзлаштирилган қондани исботлаб ўтиришга ҳожат йўқ деб ўйлайман. Лекин уни ҳаддан ошириб юбориб, бемаъниликкача етказмаслик керак. Бу нималарга олиб келганини, аслида кадрлар турғунлигига айланиб кетган сунъий муқимлик ҳозир ҳам қимматга тушаётганлигини жуда яхши биламиз.

Иккинчи томондан, кадрлар ишида, айниқса халқ ҳўжалиги бошланғич бўғини даражасида яна бир ташвишли тенденция ҳам бор эди. Бу ерда гап саноат корхоналари, қурилишлар, колхозлар, совхозлар ва бошқа ташкилотлар раҳбар кадрларининг тез-тез алмаштирилганлиги, ҳақиқий тартибсизлик тўғрисида боряпти.

Юқори малакали ишлаб чиқариш ташкилотчиларининг роли нақадар катта эканлигини биласизлар. Коллективларнинг раҳбарлари — коммунистлар ва партиясизлар — социал-иқтисодий сиёсатни ўтказишда партиянинг асосий таянчи бўлиб, уларнинг зиммасига катта ҳажмдаги хилма-хил вазифалар юкланган. Шундай экан, битта савол бераман: кўпгина район ва областларда саноқли йиллар ичида меҳнат коллективлари раҳбарларининг состави қандай қилиб батамом ўзгариб кетди?

Кадрлар билан жонли иш олиб бориш, уларнинг сиёсий ва профессионал ўсишлари, уларга амалий ёрдам бериш тўғрисидаги ҳақиқий ғамхўрлик иккинчи ўринга ўтиб, ўрнига буйруқбозлик қилинган, уларнинг фаолияти ва имкониятлари тўғрисида шошмашошарлик билан, пухта ўйламай мулоҳаза юритилгандагина шундай бўлиши мумкин. Ўз шаъниларига айтилган бу жуда жиддий таънадан партия комитетлари тўғри хулоса чиқариб оладилар деб ўйлайман.

Таассуфки, шундай партия комитетлари, шундай секретарлар ҳам борки, улар ўз ишларидаги хатоликлар, баъзан эса ўпирилишларни ҳам кадрларга нисбатан ҳўжакўрсинга талабчанлик қилиш, сохта принципиаллик билан

хаспўшлаб, на ишнинг моҳияти тўғрисида, на кишиларнинг тақдири ҳақида ўйлайдилар.

Шу муносабат билан йўл қўйиб бўлмайдиган яна битта ҳодиса ҳақида гапириб ўтмоқчиман. Бу ерда мен баъзи раҳбарларнинг ўзларига бўйсунувчи кишиларнинг мустақил ҳаракатлари ва фикр юритишларини ёқтирмасликларини назарда тутяпман. Қўпинча шундай бўлиб ҳам турадики, у ёки бу ходим партия комитетининг секретари, министрлик ёки идора, корхона, муассаса ёки ташкилот раҳбарининг фикрига тўғри келмайдиган мустақил фикр айта бошлаши билан ундан ҳар қандай баҳоналар билан, ҳаттоки, баъзида ташқаридан тузук кўринган баҳоналар билан тезроқ қутулишга ҳаракат қилиб қолишади. Шундай қилса иш яхши бўлармиш. Хўш, кимга яхши бўлади? Ишгами? Сира ҳам ундай эмас? Иш учун бу ҳамиша ёмон бўлади.

Бизларнинг ҳаммамиз бу борада ҳам В. И. Лениндан ўрганишимиз керак. У одамларни ҳаммадан кўра яхшироқ жипслаштира олар, ишларни ҳамжihatлик билан йўлга солиб юборар, ташаббускор кишиларни қўллаб-қувватлар, партия сафидаги ўртоқларнинг фикрига диққат билан қулоқ сола билар, зарурат туғилса, сабр-тоқат билан уларни фикридан қайтара оларди. Принципиаллик, талабчанлик ва эътиборли бўлишни ундан ўрганишимиз керак.

Кадрлар соҳасидаги ишимизнинг тўртинчи сабоғи топширилган иш учун масъулият туйғусини кучайтиришдан, интизомни мустаҳкамлашдан, ўзаро талабчанлик вазиятини вужудга келтиришдан иборатдир. Район, шаҳар, область, республика ва ҳатто Иттифок микёсидаги кўпгина раҳбарлик лавозимларини ўз вазифаларини уddaлай олмаган бебурд ва интизомсиз кишилар ўн йиллаб эгаллаб келганликлари қандай рўй берди экан, ўртоқлар?

Бунинг оқибатлари яхши маълум. Кўп йиллар мобайнида бир қанча соҳаларга, шу жумладан қора металлургия, кўмир саноати, темир йўл транспорти, станоксозлик, қишлоқ хўжалик машинасозлиги, гўшт-сут саноати ва бошқа баъзи соҳаларга ўз олдиларига қўйилган вазифалар бажарилишини таъминлай олмаган раҳбарлар бошчилик қилиб келдилар. Гўё бунинг ҳамма биларди, тармоқлардаги ишларнинг аҳволи СССР Олий Советининг сессияларида, Марказий Комитет Пленумлари ва ҳатто партия съездларида кўпинча танқид ҳам қилинарди, лекин ҳамма иш аввалгича қолаверарди.

Кўп йиллардан бери ишлаб чиқариш планлари бажарилмай келаётган, социал масалалар ўз ҳолига ташлаб қўйилган область ва республикалар, шаҳар ва районлар йўқ дейсизми? Ҳолбуки, аини маҳалда уларнинг раҳбарлари ишдаги муваффақиятсизликлар учун ҳеч қандай жавобгар бўлмасдилар, ҳаммасини кечириб юборишаварди.

Корхоналар, хўжалик ташкилотлари, соғлиқни сақлаш, маориф, фан ва маданият муассасаларининг, ахборот органларининг баъзи раҳбарлари тўғрисида ҳам аини шу гапни айтиш мумкин: улар ишларни аллақачон бўшаштириб юбориб, ўз вазифаларини уddaлай олмаётган бўлсаларда, ишни бежаб кўрсатишни, муомалани билишарди. Яқин-яқинларда ҳам раҳбарлик курсисини сақлаб қолиш учун шунинг ўзи кифоя эди.

У ёки бу раҳбар ўрнига тушмаган, аравасини торта олмайдиган ҳоллар ҳам бўлади. Ҳамма иллат шундаки, у лавозимга ўтириб олган-у, лекин ишни уddaлай олмади. Бундай ҳолларда нима қилиш керак? Ўйлайманки, бундай хатоларни тан олиб, уни тузатиш ва аҳволни зўрайтирмасдан бу одамга қурбон етадиган иш бериш керак.

Биз партия, жамият, халқ манфаатлари ҳисобига «саховатпеша» бўл-лолмаймиз ва бўлишимиз ҳам мумкин эмас. Бизнинг ўзгармас қонунимиз партия, халқ манфаатларини ҳамма нарсдан юқори қўйишдан иборатдир. Кадрлар тўғрисида ҳақиқий ғамхўрлик кўнгилчанлик ва раҳмдилликка, саховатлилик ва хушомадгўйликка зиддир. Шу сабоқни ҳам дилимизга маҳкам жо қилиб олмоғимиз керак.

Ниҳоят яна битта сабоқ тўғрисида гапирмоқчиман. Пленумимизда нима учун кадрлар ишида йғиғилиб қолган мана шу проблемаларнинг ҳаммаси узок вақт эътиборсиз ва ҳал этилмай қолиб келди, деган саволни қўйиш ўринли бўлади. Нега шундай бўлди? Қўриб турибсизки, бу ғоят жиддий савол.

Сиёсий бюронинг фикрича, бунинг бош сабаби кадрлар ишида демократик

асосларнинг бўшлигидир. Принципиал жиҳатдан олганда, партия ички демократияси партия стратегик йўлини, қайта қуриш вазифаларини амалга оширишнинг асосий кафолати эканлиги тўғрисида гапириб ўтдим. Демократлаштиришнинг КПССда сайлаб қўйиладиган органларни тузиш каби туб масаласи хусусидаги таклифлар ҳам айтилди.

Хозир эса сайлаб қўйиладиган барча органларнинг ролини ошириш тўғрисидаги масалани алоҳида ажратиб кўрсатишни хоҳлардим. Очик эътироф этиш керакки, партияда, шунингдек давлатда, касаба союз ташкилотлари ва бошқа жамоат ташкилотларида бу органлар соғлом ишлаб турганида кадрлар ишидаги кўпгина жиддий камчиликларга йўл қўймаслик мумкин бўлур эди.

Хаётга сергак назар ташлайлик: сайлаб қўйиладиган органларга нисбатан ижроия органларининг роли ҳаддан ташқари ошиб кетди. Бир қарашда гўё ҳамма иш нормал кетаётгандек бўлиб туюлади. Пленумлар ҳам, сессиялар ҳам, сайлаб қўйиладиган бошқа органларнинг мажлислари ҳам мунтазам ўтказиб турилади. Лекин уларнинг иши кўпинча расмийчиликка айлантириб юборилган бўлиб, муҳокамага иккинчи даражали масалалар ёки олдиндан ҳал этилган масалалар қўйилади. Натижада ижроия органлари ва уларнинг раҳбар кадрлари фаолияти устидан зарур назорат йўқ. Баъзи ўртоқлар сайлаб қўйиладиган органларга ортиқча юк ва ҳалакитлардан иборат аллақандай даҳмаза деб қарашгача бориб етидиларки, буни сир тутмаса ҳам бўлади. Мана иш каергача бориб етди!

Бунинг оқибатида ижроия комитетларини тузишда, кадрларни танлашда, уларнинг фаолиятини назорат этиб туришда Советлар депутатларининг, партия органлари ва бошқа коллегиял органлар аъзоларининг роли пасайиб кетди. Штат аппарати билан сайлаб қўйиладиган органлар аъзолари ўзаро муносабатларининг характери, услуби шундан далолат бермайдими? Аппарат ходимларининг партия комитетлари аъзоларига, бошқа жамоат ташкилотлари аъзоларига, Советларнинг депутатларига буйруқ беришга уринишлари ҳамма ерда учраб туради. Амалда эса шундай бўлиб чиқмоқдаки, сайлаб қўйиладиган органларни тузиш ва улар ишининг демократик механизмлари эълон этилгану, лекин ҳамisha ҳам ишлайвермайди, бинобарин, етарлича самарали бўлиб чиқмаяпти.

Шунинг учун ҳам қайта қуриш шароитларида социалистик демократияни ривожлантириш тўғрисида айтилган гапларга яна бир қарра қайтиб, ушбу масалалар юзасидан баён этилган таклифларнинг актуаллигини ва жуда муҳим аҳамиятга эга эканлигини яна бир бор таъкидлаб ўтмоқчиман. Биз коллегиял, сайлаб қўйиладиган органларнинг ҳал қилувчи ролини таъминлай оладиган чора-тадбирларни ишлаб чиқиб, уларни амалга оширишимиз керак. Ҳеч қайси ижроия органи, айниқса унинг аппарати сайлаб қўйиладиган орган ўрнини босиши, ундан устун келиши мумкин эмас ва бундай ҳукуки йўқ.

Сайлаб қўйиладиган органлар ижроия аппарати, унинг тузилиши ва фаолияти устидан самарали контрол олиб бориши учун зарур сиёсий ва ҳукукий шарт-шароитлар яратилиши лозим. Бу кўпгина хатоликларнинг, шу жумладан, кадрлар ишидаги хатоликларнинг олдини олишнинг пухта гарови бўлади.

Пленум қатнашчилари масала шундай қўйилишининг бутун принципиаллигини ва уни кечиктирмай ҳал этиш зарурлигини яхши англайдилар, деб ўйлайман.

Партияда, шунингдек давлат ва жамоат ташкилотлари доирасида назорат органлари ролининг бўшашиб кетганлиги кадрлар сиёсатидаги жиддий нуксонларнинг сабабчиларидан биридир. Халқ ҳўжалигининг бир қанча регионлари ва тармоқларида, область, ўлка ва республика партия комитетларида суиистеъмол қилиш ва бузилишлар тўғрисида келган кўпдан-кўп сигналларга улар эътибор бермаганлар. Контрол органларининг иши кўпинча юзаки текширишлар ва расмийт учун ўтказилган молиявий ревизиялар ҳар хил шикоятлар ва маиший ихтилофларни кўриб чиқиш билан чекланиб қолган. Бу масалалар ҳам эътибор беришни талаб қилади, албатта. Лекин ишларни айниқса ҳозирги пайтда фақат шулардан иборат қилиб қўйишга йўл қўйиб бўлмайди.

КПССнинг XXVII съезди контрол органларининг фаолиятини янги

йўналишга солиб юборди. Район органларидан тортиб марказий органларгача уларнинг ҳаммаси ўзининг юксак бурчини оклаши, принципиаллик ва адолат намуналарини кўрсатиши муҳимдир.

Умуман, ўртоклар, ўтмишда йўл қўйилган хатоларни такрорлай олмаймиз, такрорламаслигимиз керак. Ҳа, хатоларни такрорлашимизга ҳеч ким йўл қўймайди деб ўйлайман.

Сиёсий бюронинг фикрига кўра Пленумга маълум қилиш зарур бўлган кадрлар сиёсатининг асосий сабоқлари ана шулардан иборат.

Булардан келиб чиқадиган асосий хулоса шуки, биз кадрлар сиёсатини жиддий равишда янгиллашимиз, уни оғишлар ва нуқсонлардан холи этишимиз, социал-иқтисодий тараққиётни жадаллаштириш учун курашнинг муҳим йўналишлари билан чамбарчас боғланган чинакам замонавий, янада актив ва собитқадам сиёсатга айлантиришимиз керак.

Такрор айтаманки, гап кадрларга доир ишни ташкил этишни шунчаки такомиллаштириш тўғрисидагина эмас, балки қайта қуриш вазифаларига мос бўлиб тушадиган кадрлар сиёсатини ишлаб чиқиш тўғрисида бормокда. Мана шундай кенг кўламда ёндашилган тақдирдагина кадрлар билан ишлаш чуқур, ўз моҳиятига кўра, революцион ўзгаришларни амалга оширишга хизмат қилади.

В. И. Ленин кадрлар билан ишлашга аввало сиёсий жиҳатдан ёндашишни, бу ишни мазкур босқичда ҳал этилаётган проблемаларнинг моҳияти билан чамбарчас боғлиқ ҳолда кўриб чиқишни, кадрларни «янги ўлчов билан, янги вазифаларга мувофиқ ҳолда» танлашга ўргатган эди. Хўш, бу гап ижтимоий ривожланишнинг ҳозирги босқичига татбиқини қандай маънони билдиради?

Ҳозир кадрларнинг қайта қуришга, мамлакатни социал-иқтисодий ривожлантиришни жадаллаштириш вазифаларига муносабати, сўзда эмас, балки амалдаги муносабати кадрлар сиёсатининг ҳал қилувчи мезони, унинг ўзига хос синов воситаси бўлиб қолмокда. Биз кадрларнинг камол топиши ва фаолияти узок вақт мобайнида асло яхши шароитларда давом этмаганлигини эътиборга олишимиз керак, албатта. Шунинг учун ҳам ўзгаришлар осонликча бормаяпти. Биз кадрлар корпусини қайта қуриш соҳасида синчиклаб ва қатъият билан иш олиб боришимиз керак бўлади.

Биз дадил олға бора оладиган ва шуни истаётган, муваффақиятга эриша билладиган, ташаббускор, ўйлаб иш қиладиган, серғайрат кишиларни қўллаб-қувватлаш йўлига қатъий амал қила бошладик. Бизда бундай кишилар кўп. Апрель Пленуми ва XXVII съезд қарорлари уларга қанот бағишлади, ижодий фаолият учун кенг имконият очди. Ивановдан Владимир Павлович Кабаидзе, Ленинграддаги «Электросила» бирлашмасидан Борис Иванович Фомин, Таганрогдаги «Красный котельщик» заводидан Анатолий Алексеевич Паршин, Новолипецк металлургия комбинатидан Иван Васильевич Франценюк, Новочеркасск тикувчилик фабрикаси директори Раиса Георгиевна Рошчинская, Донецкдаги «Социалистический Донбасс» шахта бошқармасининг директори Юрий Иванович Баранов, «Мособлсельстрой»га қарашли 18-трест бошқарувчиси Николай Ильич Травкин, Белоруссиядаги «Мир» совхоз-комбинатининг директори Александр Николаевич Дудук, кубанлик машҳур бригадир Михаил Иванович Клепиков, колхоз раислари — Белгород областидан Василий Яковлевич Горин, Ставрополь ўлкасидан Николай Дмитриевич Терешченко, Горький областидан Михаил Григорьевич Вагин, Новосибирск областидан Юрий Федорович Бугаков сингари ва кўпгина бошқа хўжалик раҳбарларининг истеъдоди янгича, ёрқин ва зўр намоён бўлаётганига бир назар ташланг.

Биз шундай ходимларни ҳар жиҳатдан қўллаб-қувватлашга, уларнинг мустақиллиги, ташаббускорлигини кадрлашга ўрганишимиз лозим. Ҳар бир партия ташкилотида, ҳар бир меҳнат коллективида шундай муҳитни вужудга келтириш муҳимки, у барчани самарали қарорларни излаб топишга, ниҳоятда очик, рўй-рост фикрлашувга ундайдиган бўлсин. Кадрларга қаттиқ танбех бериш, уларни тарқатиб юбориш, қойиш каби машъум методлардан қатъиян халос бўлиш керак, албатта. Ваҳолонки, ҳозир ҳам кўпинча ана шундай методларни ишга солишмоқда. Биз кадрларни тез-тез алмаштириб туриш

тарафдори эмас, балки қайта қуриш тарафдоримиз. Одамларни ҳурмат қилиш ва уларга кўпроқ ишониш керак, ўртоқлар.

Ҳозир ҳар кимнинг ўз қобилиятини намоён этиш имконияти бор. Зотан ишлашни истаётганларга биз маслаҳат билан ҳам, ўртоқларча талабчанлик билан ҳам ёрдам беришимиз лозим. Эскиликка ёпишиб олаётган, рўй бераётган ўзгаришларга лоқайд бўлиб қолаётган ва ҳатто бундай ўзгаришларга қаршилиқ қилаётган кимсалар билан эса, табиийки, бизнинг йўлимиз бир эмас.

Шундай қилиб, қайта қуришга муносабат, уни амалга ошириш борасидаги реал ишлар — кадрларга баҳо беришда ҳал қилувчи ёндашувдир. Биз бошқа принципиал фазилатларни ҳам ҳисобга олишимиз шарт, албатта. Аввало мен камчиликларга, эскиликка, лоқайдлик ва пассивликка нисбатан муросасизликни, барча илғор ва прогрессив нарсаларга ихлосмандликни назарда тутаяпман.

Қайта қуриш ходимлардан билимдонликни ва юсак даражада профессионализмни талаб этади. Эндиликда ишлаб чиқариш, фан ва техника, бошқариш. Экономика, меҳнатни ташкил этиш ва рағбатлантириш, психология масалаларида замонавий ва ҳар томонлама тайёргарликсиз, чуқур билимларсиз иш кўришининг иложи йўқ. Умуман биз мамлакатнинг маънавий потенциални мумкин қадар кўпроқ ишга солишимиз, унинг ижодий самарадорлигини анча оширишимиз лозим.

Уюшқоқлик ва интизом тобора кўпроқ аҳамиятга эга бўлиб бормокда. Ҳамиша ва ҳамма жойда, аммо ҳозирги ишлаб чиқариш шароитида, энг янги технологиялар кенг қўлланилаётган шароитда уюшқоқлик ва интизом айниқса зарурдир. Кейинги йилларда биз оддий тартибни ўрнатиш, бўшашувчанликни бартараф этиш йўли билан иқтисодий ўсиш суръатларини сезиларли равишда кучайтира олдик.

Аммо бу вазифа ҳамон долзарб бўлиб қолмокда. Интизом бўшашиб кетганлиги ва масъулиятнинг пасайганлиги жуда чуқур илдиз отган бўлиб, ҳали ҳамон унинг оғир оқибатлари сезилиб турибди. Чернобиль атом электр станциясидаги авария, «Адмирал Нахимов» пароходининг ҳалокати, бир қанча авиация ва темир йўл фалокатлари каби фожиали воқеаларга айнан жинояткорона масъулиятсизлик ва бўшанглик асосий сабаб бўлди. Ана шу фожиали воқеалар одамларнинг ҳалок бўлишига олиб келди.

Ҳамма жойда шундай вазиятни вужудга келтириш керакки, у бундай воқеалар такрорланишининг ҳар қандай имкониятини йўқ қилиши лозим. Уюшқоқлик, аниқлик, ижрочилик ҳар бир киши учун қонун бўлиб қолиши керак.

Нихоят, кадрларимизнинг юсак ахлоқийлиги, ҳалоллик, виждоний поклик, камтарлик каби инсоний фазилатлар — энг муҳим талаблардир. Эндиликда биз жамиятнинг маънавий ҳолатини мустаҳкамламай туриб, қайта қуриш вазифасини ҳал эта олмаслигимизни ўтмиш тажрибасидангина эмас, шу билан бирга ҳозирги тажрибадан ҳам биламиз. Биз ҳозир айти маънавий-ахлоқий соҳада салбий ҳодисаларга шу қадар кескин дуч келганлигимиз тасодифий эмас. Мен ичкиликбозликни, ўғриликни, порахўрликни, хизмат мавқеини суиистеъмол қилишни, таниш-билишчиликни тугатиш учун курашни назарда тутаяпман.

Партия аъзоларининг ва аввало, раҳбарларнинг маънавий қиёфаси билан боғлиқ нарсаларнинг ҳаммаси жамиятда айниқса кескин қабул қилинади. Коммунист раҳбарнинг пок ва ҳалол қиёфасини, айтилган бир қанча кимсаларнинг жиноятлари муайян доғ туширган қиёфани қайта тиклаш — бизнинг энг биринчи вазифамиздир.

Умуман ўртоқлар, биз давр ўртага қўйган талабларни ҳисобга олиб, халқ хўжалигининг барча тармоқларида, ижтимоий турмушнинг барча соҳаларида, барча раҳбарлик даражаларида, марказда ҳам, жойларда ҳам кадрлар билан ишлашни қатъиян қайта қуришимиз лозим бўлади.

Сиёсий бюро ҳозирги кадр сиёсатининг моҳияти ва бош вазифасини аввало партиянинг ўзига нисбатан, ўз кадрларига нисбатан талабчанлигини ошириш, деб тушунади. Жамиятда қайта қуришни чуқурлаштириш барча даражаларда — Марказий Комитетдан бошлаб, бошланғич ташкилотларгача партиянинг, унинг кадрларининг ишини қайта қуриш демакдир. Бу — барча

бўғинларда партия турмуши ленинча принциплари ҳамда нормаларини ижодий идрок этиб, изчиллик билан амалга ошириш демакдир.

Хўш, партиядаги қайта қуриш қандай бормокда, партия комитетлари, партия раҳбарлари ва активлари қандай намуна кўрсатмокдалар?

Бугун биз шунга айти оламизки, кўпгина партия комитетлари ва уларнинг раҳбарлари юксак масъулиятни ҳис этиб, астойдил иштиёқ билан ишга киришдилар. Ҳали уларнинг кўп ишлари яхши чиқмаяпти, аммо кун сайин тажриба орттириб, дадилроқ ҳаракат қилмокдалар. Бу ўзгаришлар ҳаракатимизни жадаллаштириш учун ишончли шароитларни вужудга келтирмокда.

Барча партия кадрлари қайта қуриш синовидан ўтмокдалар. Аммо унга турлича бардош бермокдалар. Катъиян олға интилганлар билан бир жойда депсиниб турган кишилар ўртасида яққол узилиш ҳосил бўлиб қолди. Баъзи партия раҳбарларига қайта қуриш мактаби осон бўлмаяпти. Улар партия комитетларига ҳос бўлмаган диспетчерлик вазифаларидан, барча масалаларни ҳамма учун ҳал этишга, ҳамма нарсани ўз қўлида ушлаб туришга интилишдан сира ҳам воз кеча олишмаяпти. Бу эса илгари бўлганидек, топширилган иш учун кадрларнинг масъулиятини ўстиришга, уларнинг ташаббускорлиги ва мустақиллигини ривожлантиришга ҳалакит бермокда.

Партия ходимлари новаторларча изланишни авж олдириш ўрнига кўпинча одамларнинг ташаббуси ва активлигига оғриниб эътибор берадилар, уларни оз бўлмаса табиий офат деб биладилар. Ваҳолонки, қайта қуриш шароитида омма ижодиётига бошчилик қилиш, камчиликларни тезроқ тугатишда, ишнинг чинакамига йўлга қўйишда одамларга ёрдам бериш партия комитетларининг энг биринчи бурчидир.

Шу билан бирга ўртоқларни шошмашошарлик билан воқеаларни сунъий равишда жадаллаштиришдан огоҳлантириш керак. Қайта қуриш, ҳаракатимизни жадаллаштириш жамиятни ривожлантиришнинг объектив қонунларига асосланган. Аммо ҳар қандай ижтимоий ҳаракатда бўлгани каби бунда ҳам субъектив, шахсга ҳос жиҳатнинг роли анча каттадир. Унинг таъсири ҳам ижобий, ҳам салбий бўлиши мумкин. Шу боисдан инсонлар тақдирига жуда сезиларли даҳл қиладиган янгиланиш жараёни қуруқ маъмуриятчилик ва ишга кўр-кўрона ёндашув каби иллатлардан пухта ҳимоя қилиниши ниҳоятда муҳимдир. Ҳеч қаерда, социал ва ишлаб чиқариш системамиизнинг биронта ҳам бўғинида қайта қуриш тушунчасининг аҳамияти пасайтирилишига йўл қўйиш мумкин эмас. Қайта қуриш байроғи остида мослашувчанлик, шахсий муддаолар, ғаразли мақсад намоён бўлганини, қайта қуриш борасидаги конкрет ишлар ўрнига баландпарвоз гаплар айтилиб, сафсатабозлик қилинаётганлигини кўра билиш ва унга дарҳол эътибор бериш керак.

Шуни такрорламокчиманки, демократияни ривожлантирмай, меҳнаткашларнинг кенг иштирокисиз биз қайта қуриш вазифаларини уддалай олмаймиз. Партия комитетлари, барча кадрлар чуқурлашиб бораётган демократия шароитида, халқнинг сиёсий активлиги ва меҳнат ғайрати кучайиб бораётган шароитда ишлашни ўрганиб олишлари лозим.

Район ва шаҳар партия комитетлари зўр ғайрат билан янгича ҳаракат қиляётган жойларда қайта қуриш тезроқ амалга ошириляётганлигига неча марталаб ишонч ҳосил қилишга тўғри келди. Бу тушунарли, албатта. Ана шу партия комитетлари бошланғич партия ташкилотларига, меҳнат коллективларига, бинобарин эса мамлакатни социал-иктисодий ривожлантиришни жадаллаштириш учун қурашнинг олдинги маррасига ҳаммадан кўра яқинроқ турадилар. Мазкур комитетларнинг кўплари тўғри позицияларни эгаллаб, партиянинг қайта қуришга қаратилган йўлини катъиян ва изчиллик билан амалга ошира бошладилар.

Шу билан бирга жойлардаги ишларнинг ахволини, матбуот мақолаларини, меҳнаткашларнинг партия Марказий Комитетига юборган хатларини ўрганиш — ходимлари ўтмиш билан яшаб, эскича ҳаракат қилишни давом эттираётган, қайта қуришнинг чеккасида қолиб кетаётган шаҳар ва район партия комитетлари оз эмаслигидан далолат бермокда.

Гап ҳатто биргина шаҳар ёки район комитети тўғрисида борган тақдирда ҳам уни эътиборсиз қолдириш мумкин бўлмас эди. Ҳозир эса кенг тарқалган

холоат тўғрисида гапиришга тўғри келмокда. Бу эса, ўртоклар, бизни ташвиш-лантириши лозим. Кўпгина ҳолларда шаҳар ва район партия комитетларидаги бундай вазият комитет секретарларининг иш услуби ва методлари, уларнинг позицияси билан изоҳланмокда.

Партиянинг мана шу ғоят муҳим бўғинига кўпроқ эътибор бериб, қайта қуришда тезроқ актив позицияни эгаллашда район ва шаҳар комитетларига ёрдам кўрсатсак, тўғри бўлади, деб ўйлайман. Ушанда бошланғич партия ташкилотлари ҳам янада яхшироқ ишлаб, ўртага қўйилган вазифаларни ҳал этишга меҳнат коллективларини етаклайдилар. Коммунистларнинг активлиги муттасил кучайиб бораётганлигини, партия ташкилотларининг фаолиятида бўшанглик ва расмиятчилик аста-секин четда қолиб, барҳам топаётганлигини кўриб турибмиз. Аммо бунда ҳам ҳали ишлар ошиб-тошиб ётибди, деса бўлади. Бошланғич партия ташкилотларига амалий ёрдам ва мадад бериш керак.

Ўртоклар! Социал-иқтисодий ривожланишни жадаллаштиришга қаратилган стратегик йўлни амалга оширишда ҳўжалик кадрлари зиммасига жуда катта масъулият тушади. Мамлакатда ҳўжалик юриртишнинг маъмурий методларидан иқтисодий методларига, ишларни масъулиятли ва ижодий юртитишга ўтиш авж олдирилмокда.

Ҳозир корхоналар ва бирлашмаларнинг меҳнат коллективлари ишлаб чиқаришни қайта жиҳозлаш, социал масалаларни ҳал этиш учун катта молиявий ва моддий-техникавий ресурсларни ўз ихтиёрларига олмакдалар. Раҳбарларга ҳўжалик соҳасида тактикавий ишлар учунгина эмас, шу билан бирга беш йиллик доирасидаги ва ундан ташқаридаги истиқболли мақсадларни рўёбга чиқариш учун ҳам кенг ҳуқуқлар берилмокда. Ҳуллас, янги иқтисодий, социал ва сиёсий вазият вужудга келтирилмокда, бундай вазиятда серғайрат ва билимдон ҳўжалик ходими ўз қобилиятини яхши намоён этиши мумкин.

Ҳўжалик кадрларининг кўпчилиги партия ва ҳукумат бошқаришни ислоҳ қилиш соҳасида кўраётган катта тадбирларни табрикламокдалар, уларни амалда рўёбга чиқаришга тобора активроқ қўшилмокдалар. Биз кўпгина фойдали ташаббусларни амалга ошириш ишлари яхши бошланганлигини ҳозирдаёқ кўриб турибмиз. Ленинградликлар ва харьковликларнинг саноат корхоналарини кўп сменали ишга ўтказиш юзасидан тажрибаси тобора кенг оммалашиб, дастлабки самараларни бермокда.

Ленинграднинг ўзида ва областида амалдаги барча етакчи корхоналар икки-уч сменали иш режимига ўтказилган. Бу эса иккинчи сменада иш билан банд бўлган кишилар сонини қарийб 50 минг нафар кўпайтириш имконини берди. Эндиликда асосий фондлардан яхшироқ фойдаланилмокда ва улар тезроқ янгиланмокда. Ишлаб турган 350 минг квадрат метр майдонни холи қилиш ва янги қурилишга бўлган эҳтиёжни 120 минг квадрат метр камайитириш имконияти пайдо бўлди. Дастлабки ҳисоб-китобларга кўра, буларнинг ҳаммаси юз миллион сўмликдан кўпроқ капитал маблағни тежайди. Бунинг катта қисмини уй-жойлар ва бошқа социал объектлар барпо этишга сарфлаш мумкин бўлади.

ВАЗдан ва Фрунзе номли Суми машинасозлик бирлашмасидан ўртак олиб шу йил бошидан тўла ҳўжалик ҳисобига ва ўзини-ўзи маблағ билан таъминлашга ўтган бирлашмалар ҳамда корхоналарнинг раҳбарлари ва мутахассислари кўп ижодкорлик кўрсатмокдалар.

Белоруссия темир йўлида ва мамлакатнинг бир қанча темир йўлларида ҳўжалик юртишнинг янги методларини ўзлаштириш борасида қизиқарли тажриба тўпланган, бу нарса тармоқ ишининг кўрсаткичлари яхшиланишини таъминлади, меҳнат унумдорлигини оширди. Украинадаги бир қатор областларнинг меҳнат коллективлари ресурсларни тежаш учун ҳаракатни кенг авж олдириб, ишнинг қўзини билишларини ва омилкор эканликларини намоён этдилар. План топшириқларини муддатидан илгари бажариш резервларини кидириб топаётган шахтёрлар ва металлурглар ишчи бригадаларининг ташаббусини қўллаб-қувватласа арзийди. Уй-жой проблемаси ҳамда бошқа социал проблемаларни ҳал этишда Свердловск, Липецк ва бошқа баъзи шаҳарларнинг меҳнат коллективлари яхши намуна кўрсатмокдалар.

Қишлоқда саноат технологияларини жорий этиш асосида донли экинлар ва

бошқа бир қанча экинларни парвариш қилиш кўламлари кенгаймоқда. Колхоз ва совхозларда ташкил этилаётган хўжалик ҳисобидаги пудрат коллективлар кишлоқ хўжалик маҳсулотлари етиштиришни тезлик билан кўпайтирмоқдалар, экономика самарадорлигини оширмоқдалар.

Шундай бўлса-да, рўй-рост айтиш керакки, кадрларнинг хўжалик юритиш замонавий методларини ва ишга янгича ёндашувларини ўзлаштириб олиш жараёни қийинчилик билан, зиддиятли бормоқда, бу жараён эскилик сарқитларига дуч келиб, оғир кўчмоқда. Давлат қабулининг жорий этилганлиги бунинг яққол мисолidir. Кўпгина коллективлар бу чоранинг ниҳоятда муҳимлигини тушуниб, янги шароитда ишлашга ахши ҳозирлик кўрдилар. Уларнинг иши қийинчиликлар билан бўлса-да, давом этмоқда, меҳнат интизоми мустаҳкамланмоқда, маҳсулот сифати ошмоқда.

Юсак талаблар олдида гангиб қолган ходимлар ҳам топилди. Сифатни ошириш учун енг шимариб киришиш ўрнига улар эҳтимол тутилган чигалликлар, можароли вазиятлар билан, ва ҳатто заводларнинг тўхтаб қолиши билан ўзларини ва бошқаларни чўчита бошладилар.

Ўртоқлар, мен аҳволни асло соддалаштирмоқчи эмасман. Лекин шу нарса равшанки, биз коммунистлар барча совет кишилари кўпгина корхоналарда мутлақо эскириб қолган маҳсулот йиллар мобайнида ишлаб чиқарилаётганига, истеъмолчиларнинг жиддий таъналарига сабаб бўлаётганига, мамлакат фан-техника тараққиётини тўхтатиб қўяётганлигига энди тоқат қила олмаймиз. Биз катта ишга қўл урдик ва уни охирига етказишимиз лозим.

Хўжалик юритишнинг иқтисодий методларига ўтиш бирлашмалар ва корхоналарнинг ҳуқуқларини кенгайтириш министрликлар ва идоралар учун янгича вазиятни вужудга келтиради. Биз Марказий Комитетнинг 1986 йил июнь Пленумида уларнинг иш услуби ва методларини қайта қуриш тўғрисидаги масалаларни муҳокама қилган эдик. Хўш, ўша пайдан буён нималар қилинди?

Секинлик билан, оғир кўчаётган бўлса-да, министрликлар ва идоралар ишида ўзгаришлар содир бўлмоқда. Тармоқларнинг штаблари корхоналарни хўжалик юритиш янги шароитларига ўтказиш тўғрисидаги таклифларни ишлаб чиқишда бевосита қатнашмоқдалар. Улар фан-техника сиёсати, корхоналарни реконструкциялаш, замонавий талабларга мос келадиган маҳсулот ишлаб чиқаришга ўтиш масалаларига кўпроқ эътибор бермоқдалар.

Биз баъзи тармоқларни ва уларнинг бўлимларини қобилиятли кишилар билан мустаҳкамладик. Одатда ишни янгича йўлга қўйишни, замонавий меҳнат методлари жорий этилишини таъминлашни истовчи серғайрат мутахассислар раҳбарлик лавозимларига ўтишди. Бу йўлни давом эттириш, министрликлар ва идоралар аппаратини ташаббускор ҳамда юқори малакали кадрлар билан тўлдириб, унинг фаолиятини актив такомиллаштириб бориш керак.

Шу билан бирга биз партия ва ҳукумат қарорларини амалга ошириш борасида министрликлар ҳамда идораларнинг ишида сансалорлик ва масъулиятсизликка йўл қўйилаётганига ҳамон дуч келиб турибмиз. Аппарат эски қондалар ва инструкциялар асирида бўлиб, ўз қондаларидан воз кечишни истамай ҳамон эскичасига ҳаракат қилмоқда.

Ўртоқлар, биз министрликлар ва идоралар аппарати раҳбарлари ҳамда ходимлари эътиборини ўзларининг фаолиятини тубдан қайта қуриш зарурлигига биринчи марта қаратаётганимиз йўқ. Шу тариқа ҳамманинг ишга киришиб кетишига, ишга янгича ёндашувларни ўзлаштириб олишига имконият берилмоқда. Бироқ министрлик ёки унинг ходимлари ҳаракат қилмай туришларига, бунинг устига қайта қуришга ҳалақит қилишларига йўл қўйиб бўлмайди. Пленум минбаридан туриб, шундай огоҳлантириш зарур. Чунки гап давлат ва халқ манфаатлари тўғрисида, катта сиёсат масалалари ҳақида бормоқда. Бунда Лениннинг: «Аппарат сиёсат учун..., сиёсат аппарат учун эмас» деган кўрсатмасини яна бир бор эслаб ўтиш ўринlidir.

Ташки иқтисодий фаолиятни қайта қуриш, кўпгина министрликлар, бирлашмаларга бевосита ташки бозорга чиқиш ҳуқуқи ва барча корхоналарга эса социалистик мамлакатлардаги шериклари билан бевосита кооперация алоқалари боғлаш ҳуқуқи берилиши кадрларни янги шароитларга қўяди. Бу

тармоқ министрликлари аллақачондан буён эришиш учун ҳаракат қилиб келган нарсадир.

Лекин фан ва техника ютуқларидан актив фойдаланилган, кадрлар тегишли тарзда тайёрланган, янги бозорлар ва хоказолар ўзлаштирилган тақдирдагина ташқи иқтисодий фаолият соҳасида муваффақиятга эришиш мумкинлигини яхши англаб олиш керак. Жаҳон даражасидаги сифатли маҳсулот ишлаб чиқаришга эришиш — очилган имкониятларни амалга оширишнинг асосий шартидир.

Қарорлар қабул қилингандан кейин турли ташкилий масалаларга, ҳуқуқ ва бурчларни, ташқи савдо ташкилотлари билан тармоқ бошқарув органлари ўртасидаги муносабатларни аниқлашга кўп вақт ва куч сарфланди. Лекин ташкилий давр ҳозирдаёқ ниҳоясига етди. Энди куч-ғайратни амалий ишларга қаратиш, чет эллардаги барча шериклар ва биринчи навбатда социалистик мамлакатлардаги шериклар билан ташқи иқтисодий алоқаларни йўлга қўйишга янада ғайрат билан киришиш керак.

Жадаллаштириш стратегиясининг муваффақияти аввало биз фан-техника тараққиёти вазифаларини қандай ҳал этаётганимизга, социализм афзалликлари фан-техника революцияси ютуқлари билан қанчалик моҳирона қўшиб олиб боришимизга боғлиқ эканлиги ҳақида илгари гапириб ўтишимга тўғри келган эди.

Бунда реал ютуқлар илмий билимнинг ҳолати, принципиал янги машина ва технологияларда мужассамлаша оладиган, фан ва техниканинг асосий йўналишларида олдинга чиқиб олиш имконини берадиган оригинал ғояларнинг олға сурилиши билан белгиланади. Қайта қуриш илм-фан олдида қўйган стратегик вазифа мана шундан иборат.

Уни амалга оширишда ҳамма нарса — студентларни олий ўқув юртиларига қабул қилиш, мутахассислар тайёрлаш сифатидан бошлаб Фанлар академиясини талантли олимлар билан тўлдиришгача, студентлар илмий жамиятларининг ишларида бошлаб академия ва тармоқ етакчи институтларининг тадқиқот программаларигача, илмий коллективлардаги ижодий муҳитдан бошлаб фанни ташкил этиш ва рағбатлантиришнинг энг самарали формаларигача муҳимдир.

Ҳозирги вақтда илм-фаннинг ишлаб чиқариш билан интеграцияси алоҳида аҳамият касб этди. Бу ишда тармоқлараро илмий-техника комплексларига муҳим роль ажратилмоқда. Ҳозиргача 20 тадан кўпроқ шундай комплекс ташкил этилган. Биз янги ғояларни ишлаб чиқишни жадаллаштириш ва айниқса, фан-техника ютуқларини жорий этиш соҳасида мазкур комплексларнинг фаолиятига катта умид боғламоқдамиз. Шу боисдан ҳам тармоқлараро илмий-техника комплексларининг ишига кўпроқ эътибор бериш керак. СССР Фанлар академиясининг президиуми, тегишли министрликлар ва идоралар уларни барча зарур нарсалар билан таъминлашлари, керакли ёрдам бериб туришлари самарали иш олиб боришда бутун чоралар билан қўмаклашишлари шарт.

Академия, олий мактаб ва тармоқ фанини аниқ мувофиқлаштириш, табиий, техникавий ва ижтимоий фанларнинг куч-ғайратини бирлаштириш ўтказилаётган тадқиқотларнинг комплекслиги, туб проблемалар қўйилишининг теранлиги ва конкрет ишланмалар самарадорлигини ошириш каби муҳим масалалар ҳамон ўткир, кўп жиҳатдан ҳал этилмайдиган қолмоқда.

Олимларимизга, барча илмий ҳодимларга Пленум номидан мурожаат қилиб айтмоқчиманки, қайта қуришнинг актив қатнашчиси бўлиш учун фаннинг ўзи кўп жиҳатдан қайта қурилиши лозим. Ҳаёт бизни шоширмоқда. Илмий ғояларда илдам бормаган киши кўп нарсада орқада қолиши мумкин. Инсоният тарихида ҳали мисли кўрилмаган, илм-фан ва техника соҳасида жуда чуқур ўзгаришлар даври бўлган бизнинг давримиз масалани ана шу таҳлитда қўймоқда.

Бу партия комитетлари, министрликлар ва идоралар, хўжалик органлари зиммасига илм-фан эҳтиёжларини тўла-тўқис инobatга олиш вазифасини юклайди, илм-фан амалий мададни ҳамisha ҳис қилиб туриши зарур. СССР Фанлар академияси президиуми ва унинг президенти академик Г. И. Марчук бу соҳада марокли ғоялар ва таклифларни ўртага қўяётганликларини биз

биламиз. Бу ғоя ва таклифларни Марказий Комитет ва ҳукумат қўллаб-қувватлайди, деб ишонтира оламан.

Маориф системаси ва сифати социал-иктисодий, фан-техника ва маънавий тараққиёт истикболларининг негизларини кўп жиҳатдан белгилаб беради. Биз умумтаълим ва ҳунар мактабини ислоҳ қилишга киришдик. Сизларга маълумки, бу ислохот осонлик билан кўчаётгани йўқ, шу боисдан ҳам мактабнинг моддий-техника базасини мустаҳкамлашдан тортиб таълим-тарбия жараёнининг мазмуни, форма ва методларига — барча йўналишлар бўйича ўзига ҳамиша диққат-эътиборни талаб этади. Олий ва ўрта махсус таълимни қайта қуриш олий таълим ходимлари маошини, шунингдек, аспирантлар ва студентлар стипендиясини ошириш тўғрисида қарорлар қабул қилинди. Буларнинг ҳаммаси фан ва ишлаб чиқаришни жадал ривожлантириш учун, партия съездининг қарорларини бажариш учун қулай шароитлар яратади. Биз уларни амалда рўёбга чиқаришимиз, юсак пировард натижаларга эришилишини тезроқ таъминлашимиз керак.

Мутахассислар малакасини ошириш ва уларни қайта тайёрлаш системаси янги асосда қурилади. Замонавий ишлаб чиқариш шароитида барча ходимларнинг конкрет билимлари, маҳорати ва кўникмалари муттасил тўлдирилиб ва тақомиллаштирилиб бориши керак. XXVII съезд таълимнинг узлуксиз давлат системасини яратишни энг муҳим вазифа тарзида ўртага қўйди, биз бу вазифани бажаришимиз керак. Худди ана шу тахлитдагина кадрларнинг билимдонлиги, айниқса техника ва технологиянинг янги ва энг янги соҳаларида замонавий талаблар даражасида бўлишига эришишимиз мумкин. Ана шу масала хусусидаги таклифларни тайёрлашни ниҳоясига етказишни жадаллаштириш нечоғлик муҳим эканлигини исботлашга ҳожат бўлмаса керак.

Ниҳоят план, молия ва бошқа иктисодий органлардаги кадрларимизнинг вазифалари хусусида ҳам бир-икки оғиз гапириб ўтмоқчиман. Эндиликда улар хўжалик ислохоти соҳасидаги вазифаларни ҳисобга олиб, ўз ишларини тубдан қайта қуришлари керак.

Мамлакатнинг иктисодий идоралари бошқариш ва хўжалик механизминини қайта қуришга оид анчагина таклифларни ўртага қўйдилар. Аммо, очиғини айтганда, бу идоралар кадрларининг ўзлари ишларни ниҳоятда суст қайта қурмоқдалар ва айтишим мумкинки, улар ишлаб чиқариш соҳасидаги иктисодий ўзгаришлардан орқада қолмоқдалар. Ҳолбуки, ишлаб чиқариш соҳасида содир бўлаётган барча янгиликлар умумиктисодий идоралар, уларнинг жойлардаги органлари ишида анча ўзгаришлар бўлишини талаб этади.

XXVII съездда таърифлаб берилган сиёсий йўл-йўриқлар уларнинг иши учун кўрсатма бўлиши лозим. Мамлакатда ўтказилаётган хўжалик ислохоти экономика қуйи бўғинлари мустақиллигини кенг қўламда ривожлантиришни ҳам, айни вақтда марказни тармоқлар, бирлашмалар ва корхоналарнинг майда-чуйда ишларига аралашишдан халос этиб, бошқарувда марказлаштирилган асосларни янада мустаҳкамлашни ҳам тақозо этади. Барча кадрлар ва аввало, иктисодий идораларнинг раҳбарлари ишга эскича ёндашувлардан воз кечиб, ҳозир айни шу йўсинда иш кўришлари лозим.

Иктисодий ва хўжалик кадрларининг фаолияти билан бевосита боғланган яна бир масала хусусида тўхтаб ўтмоқчиман. Ун иккинчи беш йиллик планида социал соҳани ривожлантиришга алоҳида эътибор берилган. Бу шу соҳадаги ишларнинг аҳволи тақозоси билан қилинган. Ишлаб чиқариш ва социал соҳаларни ривожлантириш даражаси ўртасидаги тафовутни тезроқ бартараф этишимиз лозим.

Партия съезди социал соҳага етарли эътибор берилмаганлиги фан-техника тараққиётидаги, ишлаб чиқаришнинг самараси ўсишидаги қолоқлик сабабларидан бири бўлиб, у мавжуд потенциалдан фойдаланишга ҳалакит берди, деб ҳулоса чиқарди, ана шу масалалар хусусидаги сиёсий йўл-йўриқларга жиддий тузатишлар киритди. Кўп йиллар мобайнида хўжалик ходимлари аслида социал масалаларнинг ҳал этилиши учун жавоб бермаганликлари сабабли бу уларнинг ишга ёндашувига ўзининг жиддий муҳрини босди. Содир бўлган аҳволни катъият билан тузатиш лозим. Партия комитетлари катъий йўл тутмаса,

хукумат йўли билан кадам-бакадам амалий тадбирлар кўрилмаса, бу ишни бажариш кийин бўлади.

Яқинда содир бўлган бир мисолни айтиб ўтай. Ўтган йил охирида Астраҳандаги газ комплексининг биринчи навбати ишга туширилди. Бу ерда бир ярим миллиард сўмдан кўпроқ капитал маблағ ўзлаштирилди, ишчи ва мутахассисларнинг 8 минг кишилик коллективи меҳнат қилмоқда. Аммо уларнинг фақат 3 мингги доимий уй-жойга эга. Бунинг устига уй-жой, поликлиникалар, ошхоналар ва бошқа социал-маданий соҳа объектлари қурилишидаги қолоқлик аввалбошданок планларнинг ўзида назарда тутилган эди. Социал ишларга планлаштирувчи органларнинг нотўғри, хато ёндашувининг аянчли яқуни ана шундай бўлди. Бу ишни тезроқ ўнглаб олиш керак.

Партиянинг актив социал сиёсатини ўтказиш учун қуйидан юқоригача барча раҳбар кадрлар жавобгардирлар. Инсон манфаатлари раҳбар кадрлар фаолиятининг марказида туриши лозимлигини ҳаётнинг ўзи талаб қилмоқда, социал масалаларни ҳал этиш маҳорати эса ана шу раҳбар кадрлар амалий ва сиёсий етуқлигининг бош мезонларидан бири бўлиб қолди.

Ўртоқлар! XXVII съезд қарорларини амалга оширишда совет, касаба союз, комсомол ва бошқа жамоат ташкилотлари, уларнинг кадрлари катта роль ўйнашлари лозим. Улар олдида ҳам ўз фаолиятларини қайта қуриш вазифаси кўндаланг бўлиб турибди. Бу қайта қуриш аслида бошланди.

Қайта қуришни қайси йўналишда давом эттириш керак? Бу — катта сиёсий аҳамиятга молик масаладир, чунки гап сиёсий системамизнинг жуда муҳим ташкилотлари хусусида бормоқда. Қайта қуришни амалга оширар эканмиз, ҳозирги вазиятни ҳам, умуман совет жамияти сиёсий системаси, социалистик демократия, ҳўжалик механизми тараққиёти йўналишларини ҳам назарда тутишимиз керак.

Шу фикрни яна бир қарра таъкидлаб ўтмоқчиман: демократлаштириш, бошқарув ва ҳўжалик юритишнинг янги механизми партия сиёсий раҳбарлигини давлат органлари, касаба союзлар, бошқа жамоат ташкилотларининг актив роли билан тўғри қўшиб олиб бориш учун имконият яратади.

Биз ҳозирги шароитларда Советлар фаолиятини такомиллаштириш юзасидан энг муҳим қарорлар қабул қилдик. Бу қарорлар Советларга ўз территорияларида чинакам ҳокимият органлари сифатида иш кўриш имконини беради. Советлар фаолиятида ўзгаришлар содир бўлмоқда, аммо бу ўзгаришлар ҳали бизни қаноатлантирмайди. Советлар тезроқ чинакамга, замона руҳига мос тарзда ишлай бошлашларидан биз ҳаммамиз манфаатдормиз.

Партия комитетлари Советлар ролини ошириш йўлини қатъият билан ўтказишлари, улар ишига асоссиз тарзда аралашувга, айниқса Советлар ўрнини босишга йўл қўймасликлари керак. Советларнинг, Совет аппаратининг раҳбарлари ҳам бутун қуч-ғайратларини ишга солиб меҳнат қилишлари, сусткашликдан, ҳаммавақт бировнинг кўзига қараб кўрсатма кутишдан ҳалос бўлишлари ҳам муҳимдир. Советлар ва уларнинг ижроия органлари фаолиятида демократик асосларни қучайтириш лозим.

Биз XXVII съездда меҳнаткашларнинг туб манфаатларига дахлдор бўлган кўп масалалар борлигини, бу масалаларни Советлар учун ҳеч қим ҳал этиб бермаслигини гапирган эдик. Гап социал сиёсат проблемалари, аҳолига хизмат кўрсатишни яхшилаш тўғрисида бормоқда. Аммо Советлар ўз ҳуқуқларини тўла-тўқис эгаллаб олганликлари йўқ, ҳўжалик ҳодимларига нисбатан тегишлича талабчанлик қилмаяптилар. Ўтган йили социал-маданий қурилиш соҳасидаги кўпгина кўрсаткичлар бўйича планлар барбод бўлганлигининг сабабларидан бири худди ана шундандир.

Еки коммунал ҳўжаликни олайлик. Бу ҳўжалик иши хусусида, айниқса совук тушган шароитда кўп шикоятлар келмоқда. Ахир, бу Советларнинг бевосита жон қуйдирадиган иши-ку. Советлар савдони, маиший хизматни, меҳнаткашлар дам олишини уюштиришни, халқ истеъмоли товарлари ишлаб чиқаришни яхшилаш юзасидан ўз ишини тубдан қайта қуришлари, озиқ-овқат ресурсларини тўлдириш учун резервлардан кенгрок фойдаланишлари керак.

Биз соғлиқни сақлаш, халқ маорифи соҳасида катта тадбирларни белгилamoқдамиз. Бу тадбирлар турли даражадаги Советларнинг фаолияти

билан бевосита боғлиқдир. Хуллас, вазифалар кўпайиб бормокда, Советлар яна ҳам самарали ва катъият билан ишлашлари лозим. Советлар ва уларнинг аппаратларида ишлаётган кадрлардан биз худди ана шуни талаб қилишга ҳақлимиз. Совет кишилари улардан худди ана шуни кутмоқдалар.

Қайта қуриш ўзининг барча қирралари билан қасаба союзларга ҳам дахлдордир. Корхоналар ва бирлашмалар ҳўжалик мустақиллиги кучайиши билан уларнинг ҳуқуқлари ҳам анча кенгаймоқда. Айни вақтда меҳнат коллективларининг ваколати ортиши, ўз-ўзини бошқаришнинг ривожини билан масъулият ҳам анча ортади. Социал сиёсат вазифаларини ҳал этишда, меҳнатқашлар манфаатларини ҳимоя қилишда қасаба союзларининг бурчларини ҳеч ким улар зиммасидан соқит қилмайди, албатта.

Қисқаси, қасаба союз органларининг кадрларига нисбатан талабчанлик кескин ортди. Қайта қуришда актив позицияни эгаллаб олишлари учун уларга ёрдам бериш, ҳамма даражалардаги бошқарув қарорларини қабул қилишда қасаба союзларининг яна ҳам кенг кўламда иштироки учун шароитлар яратиш зарур.

Қасаба союз ташкилотларида ҳисобот ва сайловлар ниҳоясига етаётган ва СССР қасаба союзларининг навбатдаги съезди ҳам яқинлашиб келаётган ҳозирги пайтда қайта қуришга тааллуқли актуал масалаларнинг бутун комплекси съезд делегатларининг диққат-эътибори марказида бўлиши мумкин. Меҳнат коллективлари қайта қуришнинг марказий бўғинидир. Қасаба союзлари ана шу меҳнат коллективларида ўз потенциалини кўрсатишлари, ўз имконият ва ҳуқуқларига янгича баҳо беришлари ва шу йўсинда социалистикодий жадаллаштириш умумхалқ ишига ўзлари қўшадиган ҳиссасини кўпайтиришлари керак.

Партия жамиятни соғломлаштириш учун қурашни кенг кўламда авж олдириб юборар-экан, аввалбошданок ва ҳозир ҳам бу катта юмушни бажариш учун мустаҳкам эътикод пойдевори бўлиши лозим, деб ҳисоблайди. Миллионлаб меҳнатқашлар онгини қайта қуриш руҳида шакллантириш — идеология фаолиятининг асосий йўналишларидан биридир.

Идеология ишини муайян тарзда ҳаётга, бугун жамиятда содир бўлаётган жараёнларга яқинлаштиришга муваффақ бўлди. Янгилаштириш ғоялари омма учун чинаямига мароқли бўлиб қолаётган экан, бунда партия ташкилотлари, пропагандист кадрларимизнинг катта хизмати бор. Аммо идеологик жабадаги ишни кўп йўналишлар бўйича, жумладан сиёсий ва иқтисодий ўқиш, лекция пропагандаси ва ташки сиёсий пропаганда, атеистик тарбия ва бошқа соҳаларда чинаямига авж олдириш керак.

Марказий Комитет партия ташкилотлари эътиборини идеология ишида бутун партия активи, барча коммунистлар катнашиши лозимлигига қаратмоқда. Аммо бу идеология участкаларини юқори малакали, яхши тайёргарлик кўрган, давр талабини тўла ҳис этадиган, қўйилган вазифаларнинг моҳиятини чуқур тушунадиган, партия сиёсатини самарали пропаганда қилишга, одамларни ишонтириш ва ташкил этишга қодир бўлган кадрлар билан мустаҳкамлаш вазифасини кун тартибидан олиб ташламайди.

Ҳозирги шароит партиянинг идеология корпуси экономикани, ҳуқуқ фанлари, философияни, социологияни, адабиёт ва санъатни яхши биладиган, XXVII съезд қабул қилган қарорларнинг, қайта қуриш йўлининг ҳаётий зарурлигига ишончи қомил бўлган кишилар билан тўлиб боришини талаб этмоқда.

Ўртоқлар! Мамлакатда социалистик қонунчилик ва ҳуқуқ-тартиботни мустаҳкамлаш заруратидан совет судлари, прокуратураси, милицияси ва бошқа ҳуқуқ муҳофазаси органлари кадрлари олдида турган янги масъулиятли вазифалар келиб чиқмоқда.

Марказий Комитет жамият учун нозик бўлган шу масалаларга жуда катта аҳамият бериб яқинда «Социалистик қонунчиликни ва ҳуқуқ-тартиботни янада мустаҳкамлаш, граждандарнинг ҳуқуқлари ва қонуний манфаатларини муҳофаза қилишни кучайтириш тўғрисида» махсус қарор қабул қилди. Бу қарорда ҳуқуқни ҳимоя қилиш органлари, уларнинг кадрлари олдида муҳим ва янада мураккаб вазифалар қўйилди. Партия комитетлари, совет органлари суд

ва прокуратура, юстиция ва милиция, арбитраж ва нотариат ходимларининг обрў-эътиборини ва принципиаллигини бутун чоралар билан оширишлари, жамоат тартибини муҳофаза қилишнинг кўнгилли катнашчиларини қўллаб-қувватлашлари, ҳуқуқ билимларини оммалаштиришга кўмаклашишлари лозим.

Партиянинг бундай позицияси конун посбонлигида турган кишилар зиммасига кўп мажбуриятлар юклайди. Ҳуқуқни ҳимоя қилиш органларининг ўзида ҳали кўпгина ноҳўя ишлар борлигини, баъзи жойларда «чумчуқларга тўпдан ўқ отилаётганини», жамиятимиз ва граждaнлар манфаатларига қарши оғир жиноятлар эса очилмай қолиб кетаётганини меҳнаткашларнинг хатлари, жойлардан келаётган сигналлар кўрсатиб турибди.

Биз ҳуқуқни ҳимоя қилиш органларининг кадрлари олдига қабул этилган қарор йўл-йўриқларини оғишмай бажариш, демократия ва ошқораликни кенгайтириш шароитларида бутун халқнинг ишончи ва мададига таяниб ишлашни кунт билан ўрганиш вазифасини қўймоқдамиз.

Дипломатик корпус кадрлари тўғрисида қисқача тўхталиб ўтмоқчиман. Ҳозирги вақтда Ташки ишлар министрлигининг иши қайта қурилмоқда, унинг марказий аппарати ва чет эллардаги муассасалари структураси қайта қурилмоқда. Раҳбарлар состави янгиланмоқда. Бу йўлни изчиллик билан ўтказиш, дипломатия муассасаларининг фаолияти самарадорлигини ошириш, шу тариқа бу фаолият КПСС билан Совет давлатининг актив халқаро фаолиятига тўла-тўқис мувофиқ қилишига ҳаракат қилиш лозим.

Ғоявий чиниккан, партия ва халққа садоқатли, профессионал жиҳатдан билимдон кадрлар хизмат қилаётган давлат хавфсизлиги органлари Ватан манфаатлари посбонлигида сергак турибдилар. Совет чекистлари бундан буён ҳам бизнинг мамлакатимизга қарши душманлик кирдикорларини ўз вақтида фoш этиб, уларнинг пайини қатъият билан киркаверадилар, деб ишонч билдирамиз.

Ниҳоят, ҳарбий кадрларнинг вазифалари тўғрисида. Партия мамлакатнинг муҳофаа қобилиятини янада ошириши борасидаги қуч-ғайратларни бир дақиқа ҳам бўшаштирмайди, мана шу ҳаётий муҳим вазифани ҳал этишда ҳарбий кадрларга алоҳида роль ажратади. Уларнинг халқ олдидagi жуда катта масъулияти ҳам шу билан белгиланади. Совет Қурулли Қучлари ҳам қайта қуришни бошдан кечирмоқда. Улар совет халқининг тинч меҳнатини ва мамлакатнинг хавфсизлигини пухта равишда таъминлаб турибдилар, ўз интернационал бурчини шараф билан бажармоқдалар.

Марказий Комитет давлатнинг муҳофаа қобилиятини мустаҳкамлаш вазифаларини ҳал этишда армия кадрларига, совет офицерлар корпусига қатъий умид қилади, ҳозирги мураккаб халқаро шароитларда Армия ва Флот коммунистлари, барча кадрлари ғоят зўр масъулият билан ҳаракат қиладилар, қўшинларнинг барча турлари ва хиллари маҳоратини, жанговар шайлигини оширадилар ва тақомиллаштирадилар, деб ишонади. Совет халқининг, партиямизнинг ўз Қурулли Қучларидан кўнгли тўқ. Улар Қурулли Қучларни мустаҳкамлаш учун ҳамма ишни қилмоқдалар ва ҳеч қандай агрессив қучлар бизни доғда қолдира олмаслигига умид қилишга ҳақлидирлар.

Ўртоқлар! Гапимнинг охирида янги 1987 йилда ҳал қилиниши лозим бўлган вазифаларга қисқача тўхталиб ўтмоқчиман. Бу йил биз учун алоҳида шонли йил — Октябрнинг 70 йиллиги нишонланadиган йилдир. Бўлғуси юбилейни совет кишилари жамиятнинг барча соҳаларини чуқур қайта қуриш вазиятида кутиб олмақдалар. Сиёсий бюро бу йил барча партия аъзоларига, СССРнинг ҳамма меҳнаткашларига Мурожаатнома қабул қилиш тўғри бўлур эди, деб ҳисоблайди.

Марказий Комитет коммунистларни, барча совет кишиларини қилинадиган ишлар учун, мамлакатнинг тақдири учун, социализмнинг келажакдаги қиёфаси учун масъулият туйғусини чуқур англаб ҳис этишга чакиради. Биз социалистик қурилишнинг ўн йилликлари мобайнида кўп нарсага эришдик. Аммо замон бизнинг олдимизга янги юксак талаблар қўймоқда. Ўзгарган шароитларда совет жамиятининг жўшқинлиги, таракқиёт босқичлари бўйлаб тез юкори кўтарилиш қобилияти яна синовдан ўтмоқда.

Бизнинг экономикамиз юсак самарадорлик, илғор технологияларга мойиллик, биринчи даражали маҳсулот бериш, жаҳон бозорларида рақобатчилар билан мусобақаланиш маҳорати имтихонидан ўтмоқда. Бизнинг ахлоқимиз, бутун совет турмуш тарзи, социалистик демократия, социал адолат ва инсонпарварлик кадриятларини узлуксиз ривожлантириш ва бойитиш қобилияти имтихонидан ўтмоқда. Бизнинг ташқи сиёсатимиз тинчликни ҳимоя қилишда қатъият ва изчиллик, империализм авж олдирётган жазаваги қуролланиш пойғаси, у кучайтираётган халқаро кескинлик шаронтида тадбиркорлик ва сабрматонат имтихонидан ўтмоқда.

Ҳозир ўтказилаётган иш ўзининг чуқур революцион моҳияти жиҳатидан, планларнинг большевикча дадиллиги жиҳатидан, инсонпарварларча социал йўналиши жиҳатидан ленинча партиямиз 1917 йилнинг Октябрь кунларида бошлаган буюк зафарларнинг бевосита давомидир.

Ҳозир бутун дунё совет халқига қараб, социализмга қилинган дағдагани бартараф эта оладими, бунга бардош бериб, муносиб жавоб қайтара оладими, деб турибди. Биз ўз ишларимиз билан, саботли меҳнатимиз билан муносиб жавоб қайтаришимиз керак. Биз бундай жавобни орқага сура олмаймиз.

Ўртоқлар, партиянинг жадаллаштиришга қаратилган стратегик йўлини амалга оширишда 1987 йил жуда муҳим роль ўйнашини яхши тушунасизлар. Бутун беш йилликнинг, энг муҳим ташаббусларимизнинг муваффақияти ва истикбол планларимизнинг бажарилиши ўзимизнинг қандай ишлашимизга боғлиқ бўлади. Шу бонсдан ҳам дастлабки кунлардан бошлаб бутун диққат-эътиборни конкрет ишларга, белгиланган қарорларни амалга оширишга қаратиш муҳимдир. Хуллас, съезд қарорларини амалга ошириш соҳасида партия комитетлари ва ташкилотлари, барча меҳнат коллективлари кун сайин сабот билан жуда муҳим ишни бажаришлари зарур.

Биз беш йилликнинг биринчи йилида экономиканинг барча тармоқларида, турмушнинг ҳамма соҳаларида эришилган натижаларни мустаҳкамлаш ва ривожлантириш билангина чекланиб қолмасдан, янада олға боришимиз, ўсишнинг узок муддатли омилларини кенгрок ишга солишимиз лозим. Мана шу соҳаларнинг ҳаммасида албатта салмоқли ижобий силжишларга эришиш, бу силжишларга муқаррар тус бериш керак.

Биз кадрларнинг олдига кундалик вазифаларни ҳал этиш, ўн иккинчи беш йиллик топшириқларини бекаму кўст бажариш вазифаларини қўйиш билан бирга, В. И. Ленин таълим берганидек, истикболни унутмаслигимиз, иқтисодий ва социал тараққиёт йўлларини равшанлаштириб, ойдинлаштиришимиз керак. Жуда яқин вақт ичидаёқ бошқарувнинг янги системаси асосида ўн учинчи беш йиллик планини тайёрлашга киришилади. Бу система социализмнинг имкониятлари ва афзалликларини тўлиқроқ рўёбга чиқариш имконини беради.

Ўхшашликни бошқаришнинг авж олиб кетган туб ислохоти социалистик ўхшашлик системаси ишининг туб масалаларига, сиёсий ва социал турмушнинг кўпгина жиҳатларига, иш услуби ва методларига дахлдор эканини эътиборга олиб, шу проблемаларнинг бутун доирасини Марказий Комитетнинг навбатдаги Пленумида қўриб чиқиш мақсадга мувофиқ бўлур эди.

Мана шундай ошиб бораётган вазифалар шаронтида биз кадрларимизга мурожаат этамиз. Улардан ишда уюшқоқлик ва аниқлик, меҳнат коллективларининг ижодий кучлари ва имкониятларини зўр бериб сафарбар этиш маҳорати талаб қилинади. Ҳамма ўқиб-ўрганиши керак. Вужудга келаётган проблемалар ҳамда қийинчиликларни тез ва ишчанлик билан пайқаб олиб, уларни бартараф этишни ўрганиш лозим. Янги ва мураккаб вазифалар ҳал этилаётган бир пайтда бундай проблема ва қийинчиликлар пайдо бўлиб туриши табиидир. Аслида ҳаммамиз социалистик қурилишнинг барча соҳаларида иш ва раҳбарликнинг янги методларини эгаллашда етуқликнинг сиёсий имтихонидан ўтишимиз лозим.

Хуллас, янги йил XXVII съезднинг бош йўлини амалга ошириш соҳасида янги, ғоят масъулиятли вазифаларни ҳам очиб берди. Барча кадрларимизнинг онгига чуқур этиб борган, уларнинг ақл-идроки ва фикри-зикрини эгаллаб олган съезд ғоялари тобора сабот билан ва кенг миқёсда ўзига йўл очиб, ривожланишимиз йўлини, мамлакатни иқтисодий, социал ва маънавий тараққиётнинг янги

сифат марраларига чиқаришни белгилаб беришига Сиёсий бюронинг ишончи комил.

Айтилган гапларни бир сўз билан яқунлаш мумкин — биз ҳаммамиз биргаликда ва ҳар биримиз иш суръатини оширишимиз керак. Янги вазиятда партиямизнинг, унинг барча ташкилотлари, ҳамма коммунистларнинг сафарбар этувчилик роли янги куч билан намоён бўлиши лозим. Ҳаёт нафасини доимо сезиб туриш, белгиланган режалар рўёбга чиқиши учун ҳамма ишни қилиш муҳимдир.

Шу муносабат билан мана шундай принципиал масала хусусида маслаҳатлашиб олмақчимиз. Эҳтимол, келгуси йилда, партиядаги ҳисобот-сайлов кампанияси арафасида Бутуниттифок партия конференциясини чақириб, унда КПСС XXVII съездининг қарорлари қандай амалга оширилаётганини кенг микёсда кўриб чиқиш, беш йилликнинг биринчи ярми яқунларини чиқариш мақсадга мувофиқ бўлар. Шу конференцияда партия, умуман жамият турмушини янада демократлаштириш масалаларини ҳам муҳокама қилиш тўғри бўлур эди.

Конференцияда бошланган гаплар ҳисобот-сайлов партия йиғилишлари ва конференцияларида давом эттирилиши мумкин бўлур эди, бу йиғилиш ва конференцияларда ҳар бир партия ташкилотининг қайта қуриш соҳасидаги иш натижалари талабчанлик билан таҳлил этилиши лозим бўлур эди.

КПСС Уставига мувофиқ, Бутуниттифок партия конференциясини ўтказишнинг ўзи партиямиз турмушини амалий демократлаштиришда, коммунистларнинг активлигини ривожлантиришда муҳим кадам бўлур эди.

Ўртоқлар!

Партия Марказий Комитетининг Пленуми қайта қуриш шароитида, мамлакат социал-иқтисодий тараққиётини жадаллаштириш шароитида кадрлар сиёсатини таърифлар экан, шу тарика кўп йиллар мобайнида қиладиган ишимизнинг асосий йўналишларини белгилаб беради. Биз бугунги Пленумда Владимир Ильич Ленинга, унинг фикрларига, ғояларига доимо мурожаат этаймиз. Бу — шунчаки зўр ҳурмат нишонаси эмас, Лениннинг обрў-эътиборини тан олишгина эмас. Бу — ленинизм руҳини ҳозирги шароитда қайта тиклаш ва имкони борича тўлиқроқ қайта тиклашга, турмушимизда кадрларга нисбатан ленинча талабларни қарор топтиришга саботли интилишдир. Ленин революцион қурашнинг муваффақияти, жамиятни ҳар қандай тубдан қайта қуришнинг муваффақияти кўп жиҳатдан партия бошлаб берадиган кайфият билан белгиланади, деб нақадар эҳтирос билан, нақадар муттасил таълим берганини эсга олинг.

Биз мамлакатимизни юксак даражада ривожланган давлат намунасига, энг илғор экономика, энг кенг демократия, энг инсонпарвар ва юксак ахлоқ жамиятига айлантиришни истаймиз, бу ердаги меҳнаткаш инсон ўзини тўла ҳуқуқли хўжайин деб ҳис эта оладиган бўлсин, моддий ва маънавий маданиятнинг ҳамма неъматларидан баҳраманд бўлсин, унинг фарзандлари келажаги ишончли бўлсин, у фаровон, мазмунли ҳаёт учун керак бўлган ҳамма нарсасига эга бўлсин. Ҳатто ноумид кишилар ҳам, дарҳақиқат, большевиклар ҳамма нарсани уддалай оладилар, ҳа, ҳақиқат уларнинг томонида, ҳа, социализм — инсоннинг бахт-саодатига, унинг социал ва иқтисодий манфаатларига, унинг маънавий камолотига хизмат қиладиган жамият, деб айтишга мажбур бўлсинлар.

(Доклад зўр эътибор бериб тингланди ва давомли қарсақлар билан кутиб олинди).

КПСС Марказий Комитети

Бош секретари М. С. Горбачевнинг

КПСС Марказий Комитети Пленумида

1987 йил 28 январдаги

ЯКУНЛОВЧИ НУТҚИ

Ўртоқлар! Бизнинг Пленумимиз ўз ишини, кун тартибидаги асосий масаланинг муҳокамасини тугалламокда. Пленум иши ўтган муҳит, бўлган мунозара қуйидагиларни қайд этиш имконини беради: бу ерда партия Марказий Комитети Пленумининг муҳокамасига ва ҳал этишига тақдим қилинган ҳамма масалалар хусусида фикрларнинг бирлиги ҳукм сурди. Бу бирлик юзаки бирлик эмас, балки апрель Пленуми ва КПСС XXVII съезди ишлаб чиққан стратегик йўлни муваффақиятли амалга ошириш учун Марказий Комитетнинг масъулиятини тушунишга таянувчи бирликдир.

Энди биз музокараларни тугаллаб, қарор қабул қилишимиз керак бўлган бир пайтда, ҳўш, бизнинг Пленумимиз коммунистларнинг, совет кишиларининг умидларини оқладими, деган савол берилиши табиий. Бу саволга қандай жавоб бермок керак? Энг қатъий мезонларга биноан, бугунги Пленум — КПССнинг турмушида ҳам, совет жамиятининг турмушида ҳам жуда катта сиёсий воқеадир.

Назаримда, Пленум партияни, мамлакатни, бутун жамиятни қайта қуриш йўлида анча олға силжитади, деб айтиш учун асосимиз бор. Бирок биз бу ерда келишиб олган ҳамма ишларни КПСС Марказий Комитетининг Сиёсий бюроси, иттифокдош республикалар Компартияларининг Марказий Комитетлари, ўлка, область, округ, шаҳар, район партия комитетлари, мамлакатнинг барча партия ташкилотлари изчиллик билан турмушга татбиқ этган тақдирдагина Пленумнинг аҳамияти тўла-тўқис намоён бўлиши мумкин.

Шу сабабли мен бундай демоқчиман: биз Пленумдан кейин мана шундай иш тутсак, Пленум умидларни оқлайди. Жадаллаштириш, қайта қуриш йўлидан тарихий тараққиётнинг ҳозирги босқичи вазифаларига мос тушадиган кадрлар сиёсатини такомиллаштириш йўлидан бундан буён ҳам дадил олға бориш учун ушбу Пленум тағ-заминли шарт-шароитларни яратиб беради.

Сўзга чиқиш учун ёзилган 77 ўртоқдан 34 киши иштирокида ўтган кенг миқёсдаги мунозара бизга партия билан давлат ишининг турли поғоналари ва турли йўналишларидан қайта қуришга яна бир бор назар ташлаш, унинг мақсадини идрок этиш, қайта қуриш жараёнининг ўзини яна бир бор баҳолаш, бамисоли биринчи қўллардан баҳо олишдек ноёб имкониятни берди.

Партия, жамиятнинг барча соғлом кучлари қайта қуриш тарафдорли эканини Пленум аввало сиёсий тарзда қайд этганлиги биз учун бениҳоя муҳимдир. Биз бу ҳақда гапиришга ҳақлимиз, деб ўйлайман. Модомики шундай экан, бундан бошқа йўлнинг ўзи бўлиши ҳам мумкин эмас. Қайта қуриш керакми ёки керак эмасми, деган мунозарани мана шунинг ўзи билан тугатмок керак. Бу ерда ўртоқ Д. К. Моторнийнинг қайта қуриш — шунчаки бир гоё эмас, қайта қуриш — реалликдир, деган фикрига тўла-тўқис қўшиламан.

Совет кишилари ўзларининг ҳаётий режаларини, мамлакатнинг тақдирини, унинг халқаро обрў-эътибори ва салмоғини қайта қуриш билан боғламокдалар. Модомики шундай экан, биз қайта қуришни ўтказишда бирон-бир иккиланишга йўл қўя оламизми? Йўк, ўртоқлар!

Ҳа, қайта қуриш — энди реалликка айланган. Ҳозир биз мамлакатнинг ички тараққиёти нуқтан назаридан ҳам, ташқи шароитлар, халқаро вазият нуқтан назаридан ҳам мамлакат социал-иқтисодий тараққиётини жадаллаштиришни таъминлашимиз лозимлигини равшанроқ ва чуқурроқ англаб олдик. Бирок жамиятни янгилamay туриб, унинг турмуши барча

соҳаларини қайта қуриб бўлмаганидек, жамиятни янгиламай туриб, жадаллаштиришга ҳам эришиб бўлмайди. Янги вазифаларни, айниқса ҳозир олдимизда турган тарихий микёсдаги вазифаларни эскича ёндашувлар асосида ҳал этиб бўлмайди.

Қайта қуриш — текис йўл бўйлаб сайр қилиш эмас. Бу — кўпинча одам оёғи етмаган сўқмоқлар бўйлаб тоққа кўтарилишдир. Жамиятимизда жуда кўп муаммолар йиғилиб қолганини Марказий Комитет Пленуми яна бир бор кўрсатди. Қайта қуришнинг буюк ишини халқимиз талаб қилаётганидек, биз яшаб турган замон талаб қилаётганидек охирига етказиш учун жуда кўп ижодий куч сарфлаш ва узок вақт фидокорона курашиш керак бўлади.

Биз йўлнинг бошланишидагина турибмиз. Буни Марказий Комитет Пленумида аниқ белгилаб олмак керак, чунки биз қаерда турганимизни англаш нималар қилишимиз кераклигини ва қандай иш тутишимиз лозимлигини тушунтириб ҳам беради. Агар кимдир ўзимни ўзим бутунлай қайта қуриб олдим, деб ўйласа, унга биз қайта қуриш билан эндигина шуғуллана бошлаганимизни эслатиб қўймоқ керак. Энг асосий ишлар олдинда турибди. Бу ҳам партия Марказий Комитети Пленумининг муҳим хулосасидир.

Биз қайта қуриш билан шуғулланиб, уни кенг қулоқ ёздирар эканмиз, баҳолашда гоҳ ундай, гоҳ бундай фикрларга ҳаддан ташқари берилиб кетмаслигимиз лозим. Бирдан-бир мустаҳкам негизда — реаллик негизиде каттик туриш керак. Ютуқларимизга ортикча баҳо бериш ҳалокатли оқибатларга олиб борган бўлур эди, аммо иккинчи томондан биз қайта қуришдаги андаккина силжишни ҳам, тажрибанинг ҳатто кичиккина заррасини сезмасдан қола олмаслигимизни ҳам ана шундай кучли равишда таъкидлаб ўтмоқчиман. Буни пайқамаслик ҳам ҳалокатли бўлур эди. Аввало, ақалли қуйидаги сабабларга кўра, бунга йўл қўйиб бўлмайди.

Биз сиёсий йўлимизни конкрет ёндашувлар билан бойитиб, ўз олдимизга қўйган мақсадларга эришиш йўлларини белгилаб, ишни эндигина авж олдирыпмиз. Биз қайта қуриш механизми ва воситаларини эндигина ишга соляпмиз, бу механизм ва воситалар ишлай бошлаши ва самара бериши учун дастлабки кадамларни қўяпмиз. Бирок биз 1986 йилнинг якунларини кўриб чиққанимиздаёқ олға силжиш рўй берганини кўрдик.

Бу силжишга қандай эришилди? Бу — халқимиз қайта қуриш, жадаллаштириш йўлини қўллаб-қувватлаганлигининг бевосита натижасидир.

Ҳўш, биз буни пайқамаслигимиз, ҳеч нарса рўй бергани йўқ ва ҳеч нарса рўй бераётгани йўқ, деб ҳисоблашимиз мумкинми? Революцион ибораларни ўртага ташлаган киши революционер эмас, балки истикболни тасаввур эта оладиган, халқни ва партияни узок давом этадиган саботли курашга отлантира оладиган, олға томон қўйилган ҳар бир кадамни сезиб, ундан янги, шахдамрок кадам қўйиш учун яна бир таянч нуктасини топишда фойдаланадиган киши революционердир. Биз Марказий Комитетнинг бугунги Пленумида халқимиз ўзини кийин курашга, аммо бутун жамият, ҳар бир оила, ҳар бир киши учун ажойиб самаралар берадиган ўзгартишларга, мана шундай мақсадларга даъват этаётганликларини тушунганлиги, ўзининг халқчил туйғулари ва қалби билан ҳис этганлиги учун унга жуда катта партиявий раҳмат айтишимиз керак. Совет кишилари бизга ишондилар, улар партияни қўллаб-қувватладилар. Шу боисдан ҳам 1986 йилда эришилган ижобий ўзгартишлар биз учун шу қадар муҳимдир. Улар муҳимлигининг боиси шуки, уларда халқимиз партия сиёсатини, унинг жадаллаштириш йўлини қудратли равишда қўллаб-қувватлаганлиги ўз ифодасини топди.

Пленумда янграган яна баъзи жиҳатларни таъкидлаб ўтмоқчиман. Сиёсий бюронинг докладида совет жамиятини жиддий, чуқур демократлаштириш мавзуи жуда муҳим мавзу сифатида биринчи ўринга чиқариб қўйилганлиги мутлақо тўғри бўлди, деб ҳисоблайман.

Бу — қайта қуришнинг ҳал қилувчи кучи — халқни қайта қуришга кириштириш имконини берадиган восита, ўртоқлар. Агар биз шундай қилмасак, жадаллаштириш вазифаларини ҳал этолмаймиз, қайта қуришни таъминлай олмаймиз, қайта қуриш мутлақо бўлмайди.

Иккинчи томондан, биз социалистик демократияни ривожлантириб, олға

силжитиб, унинг имкониятларини намоён этиб, шу тариқа ўтмиш хатолари такрорланмаслиги учун энг ишончли кафолатларни вужудга келтирамиз. Аммо, гап шунинг ўзидагина эмас.

Демократия бизга ҳаводек зарур. Агар биз буни тушуниб олмасак ва ҳатто тушунсак-у, лекин уни кенгайтириш, олға силжитишда, қайта қуриш жараёнига мамлакат меҳнаткашларини кенг жалб этишда реал, жиддий қадамлар қўймасак, бизнинг сиёсатимиз барбод бўлади, қайта қуриш қийин аҳволга тушиб қолади, ўртоқлар.

Бизнинг асл ниятимиз шундан иборат. Биз ҳар бир танаффусда Пленумнинг бориши тўғрисида фикрлашиб турдик. Сиёсий бюронинг ҳамма аъзолари каби мен ҳам жадаллаштириш мақсади учун курашнинг ҳозирги босқичида КПСС фаолиятининг мана шу энг муҳим йўналишини Марказий Комитет Пленуми тўла-тўқис қўллаб-қувватлаганидан жуда мамнунман.

Коммунистик партия ҳамма нарсадан халқ хабардор бўлишининг қатъий тарафдоридир. Ошкоралик, танқид ва ўз-ўзини танқид, омманинг назорати — совет жамияти соғлом ривожланишининг кафолатидир. Модомики, улар халққа керак экан, демак улар ҳаммага зарур. КПСС — мамлакатни идора қилувчи партия бўлганлиги учун мана шулар айниқса муҳимдир. Шу боисдан ҳам партия ошкораликдан, танқид ва ўз-ўзини танқиддан манфаатдордир, чунки бу — КПСС нормал иш кўришининг реал ва ишончли усуллари. Булар партияни сиёсатдаги хатолардан омон сақлай оладиган воситаларнинг ўзидир. Бундай хатолар қандай оқибатларга олиб келганлиги ҳаммамизга маълум.

Бугун Пленумда ҳаммамиз — бизга ошкоралик керак, бизга социалистик демократиянинг самарали усуллари бўлмиш танқид ва ўз-ўзини танқид керак, деган яқдил хулосага келяпмиз. Бизнинг давлатимизда — ишчи ва деҳқонлар давлатида халқ ҳамма нарсга қизиқади, чунки бу — унинг давлатидир. Халқ ҳамма нарсани билиши ва ҳамма нарса ҳақида онгли фикр юритиши керак. Бу сўзларни В. И. Ленин айтганини биласизлар.

Халқ бор ҳақиқатни билиши керак. Шу муносабат билан мен Лениннинг «Искра» редакциясига ёзган хатида баён этган позициясини эслатиб қўймоқчиман. «Дарҳақиқат, — деб ёзган эди В. И. Ленин, — сектантларча тўғра-ракбозлик анъаналарини дадил ташлаш ва — **оммага** таянувчи партияда: **кўпроқ ёруғлик** керак, партия **ҳамма** нарсадан хабардор бўлсин, деган қатъий шиорни илгари суриш пайти келди». Партия ва халқ ҳамма нарсадан хабардор бўлишлари учун, бизда яна пўпанак босадиган қоронғи бурчаклар бўлмаслиги, ҳозир биз қатъий кураш бошлаган иллатлар бўлмаслиги учун ҳар қачонгидан ҳам кўпроқ ёруғлик керак. Биз бу курашни ҳали тугаллаганимиз йўқ. Шу сабабли — ёруғлик кўпроқ бўлсин!

Башарти бирон-бир кимса кенг ошкораликдан, демократик жараёндан ўзининг жамиятга зид ва ғаразли мақсадларида, бадном қилиш мақсадларида фойдаланишга урингудек бўлса, наҳотки биз мана шундай қудратли партия билан, мана шундай социализм ғояларига, ўз Ватанига садоқатли ватанпарвар халқ билан унинг адабини бериб қўя олмасак?

Мен ўз сафарларимни таҳлил этган пайтимдаги шундай бир кузатувимни сизлар билан ўртоқлашмоқчиман. Илгарилари кўпинча айни сафсатабозлар биринчи ўринга чиқиб олиб, ўзларининг «довжорак» эканликларини намойиш қилар эдилар. Бу — асосан: бошликлар, айниқса Москвадаги бошликлар қаёққа қарашмоқда? — деган сафсата бўлар эди. Ҳозирги вазият бошқача. Мен ўнлаб учрашувларда мана шу хулосани чиқардим. Энди ҳеч қутилмаган йиғилишларда ва жойларда, айтиш мумкинки, ҳеч бир тайёргарлик кўрмаган кишилар ўртасида етук, жиддий одамлар рўй-рост гуруннга аралашмоқдалар. Улар масалаларни ишчанлик билан ўртага қўймоқдалар, ўзларига равшан бўлмаган нарсаларни сўраб билмоқдалар, у ёки бу масала қандай ҳал этилишини аниқлаб олмақдалар.

Айнан ошкоралик ва демократия вазияти ишчилар синфига, деҳқонларга, зиёлиларимизга, барча соғлом кучларга бошларини баланд кўтариш имконини берди. Сафсатабоз пайдо бўлса — уларнинг ўзлари унинг танобини тортиб қўймоқдалар. Менинг кўз ўнгимда ўнлаб марта мана шундай бўлди. Одамлар доимо барча масалаларнинг тагига етиб оладилар.

Ошкоралик, танқид, ўз-ўзини танқид бизга жуда зарур. Бу — социалистик турмуш тарзининг энг муҳим белгиларидир. Башарти бирон-бир кимса булар бизга ўтмиш камчиликларини танқид қилиш учунгина керак, деб ўйлаётган бўлса жуда янглишади. Энг муҳими шундан иборатки, ошкоралик, танқид ва ўз-ўзини танқид, демократия бизнинг олға ҳаракатимиз учун, жуда катта вазифаларни ҳал қилиш учун керак. Халқнинг актив иштирокисиз биз бу вазифаларни ҳал эта олмаймиз. Мана шунинг учун ҳам буларнинг барчаси бизга зарур.

Башарти бирон-бир кимсага бундай вазиятда ишлаш осон эмасдек туюлса, шунини эслатиб қўймоқчиманки, олти ойча муқаддам: кенгайиб боровчи демократия шароитида ишлашни ўргана бошланглар, деб маслаҳат берган эдим. Келинглари, ҳаммамиз шунга ўрганайлик!

Матбуот мамлакатдаги ошкораликни қўллаб-қувватлаши, халқимизни хабардор қилиб туриши керак. Аммо у бу ишни масъулият билан қилиши лозим — биз мана шундай истакни айтияпмиз. Олди-қочдиларга, «қовурма факт»ларни излашга берилиб кетмаслик керак. Бизга қайта қуришда актив қатнашувчи матбуот керак!

Бизнинг фаолиятимизда ишчанликни кучайтириш лозим. Анчагина ўртоқлар шу пайтгача кўп гапирилди, деб бу ерда тўғри мулоҳазалар, фикрларни билдирдилар.

Бу гап ҳаммага, шу жумладан матбуотга ҳам тааллуқлидир. Ҳозир биз ҳамма нарсани, ижобий, амалий тажрибаларни пайқаб олишимиз, улар билан қуролланишимиз, уларни бутун партиянинг, бутун халқнинг мулкига айлантиришимиз, қайта қуриш шароитидаги янгича ёндашувлар қуртакларидан фойдаланишимиз жуда муҳимдир. Бу соҳада ҳам зўр ошкоралик лозим, жамики илғор тажрибаларни тарғиб қилиш керак.

Биз Марказий Комитетнинг январь Пленумидан бошлаб янги босқичга қадам қўяяпмиз, — қандайдир яна бир босқични ўйлаб топишяпти, деб мени айблашларини хоҳламайман, — аммо ҳар қалай, ҳозир биз ҳаракатимизнинг, қайта қуриш соҳасидаги ишимизнинг янги босқичига қадам қўяяпмиз. Мен бу фикрни шундай тушунтираман. Вазият таҳлил этиб берилди, сиёсий йўл ишлаб чиқилди, бу йўлни амалга ошириш юзасидан асосий қарорлар қабул қилинди. Энди фақат ишлаш ва ишлаш керак.

Бизнинг сиёсатимиз ҳақида, қайта қуриш тўғрисида одамлар миллионларнинг меҳнат ва турмуш шароитларини амалий равишда яхшилашдаги яққол натижаларга қараб: ишлаб чиқаришнинг ташкил этилиши нақадар пухталашганлигига, меҳнатга ҳақ тўлаш адолатли бўлиб қолганлигига, уй-жой қурилиши жадаллашганлигига, савдо, маиший хизмат, шаҳар транспортининг, поликлиникалар, касалхоналарнинг иши нақадар яхшиланганига, партия ташкилотидаги, меҳнат, коллективидаги маънавий иқлим нақадар соф, оромбахш бўлиб қолганига қараб ҳукм чиқарадилар — вақт ўтган сари бу ҳукм каттиқроқ бўлаверади.

Хуллас биз, коммунистлар кундалик турмушнинг минг-минглаб фактлари асосида сиёсатимизнинг тўғрилигини, қайта қуришнинг ҳаётийлигини исботлашимиз лозим. Бу эса кадрларга нисбатан алоҳида юксак талаблар қўяди, уларни амалий натижаларга ундайди. Шу сабабли ҳозир куч-ғайратларни ошириш, суръатни кучайтириш, докладда айтиб ўтилганидек, ҳамма ишда ғайрат-шижоат кўрсатиш ғоят муҳимдир.

Биз юбилей йили — 1987 йилда ҳал этаётган вазифаларнинг аҳамиятини алоҳида таъкидлаб ўтмоқчиман. Вазифалар ўз микёслари жиҳатидан, биз чиқиб олишимиз лозим бўлган марралар жиҳатидан ғоят каттадир. Хўжалик юритишнинг янги усулларини ўзлаштириш, бутун экономикани, унинг кўпгина тармоқларини хўжалик юритишнинг янги принципларига ўтказиш нуқтаи назаридан бу вазифалар айниқса муҳимдир.

Қайта қуриш — буюк мактаб, ўртоқлар. Бу мактаб мураккаб вазифаларни ўртага қўймоқда. Биз шу мактабда яхши сабоқ олишимиз керак. Яна бир бор такрорлаб ўтмоқчиман: билимдонлик билан актив, дадил, ижодий ҳаракат қилиш, ҳаракат қилиш ва яна ҳаракат қилиш керак! Таъбир жоиз бўлса, бу — ҳозирги пайтнинг бош вазифасидир. Ҳамма — ҳар бир партия ташкилоти, ҳар

бир партия комитети, ҳар бир раҳбар, ҳар бир коммунист бу вазифани ўзига тегишли деб билиши лозим.

Мен КПСС Марказий Комитети номидан партиядоги барча ўртоқларга, ҳамма совет кишиларига мурожаат этиб, шундай демоқчиман: қайта қуриш иши, жамиятни революцион янгилаш иши, мамлакатнинг тақдири — халқнинг қўлида. Бас, шундай экан, бу тақдирнинг қандай бўлиши биз умумий меҳнатимиз билан, ақл-заковатимиз ва виждонимиз билан уни қандай бунёд этишимизга боғлиқ.

Қайта қуриш — ҳар бир софдил инсон учун, ҳар бир ватанпарвар учун қурашнинг олдинги маррасидир. Ҳаммага иш этади, келгусида катта йўлни босиб ўтишимиз керак.

Биз XXVII съезд қарорларини бажаришга азму қарор берганмиз. Биз совет жамиятининг сифат жиҳатдан янги ҳолатига эришишга ҳаракат қилаверамиз. Қайта қуриш йўли муқаррар эканига аминмиз.

Марказий Комитет аъзолари Бутуниттифок партия конференциясини ўтказиш тарафдори эканликларини билдирдилар. Бундай конференция партия учун жуда катта сиёсий воқеадир. Музокараларда қатнашмаган кишилар ҳам Сиёсий бюро Пленумга киритган шу таклифга қўшиладилар, деб ўйлайман.

Ўртоқлар, биз бурилиш боскичларида ўртага қўйилган мақсадларга эришишнинг янги йўллари ва воситаларини пайқаб олишда ёрдам берган, тактик вазифалар доирасидан анча четга чиқадиган проблемаларни ҳал этиб берган бир неча конференция ўтказилганини тарихдан биламиз. Сиёсий бюро конференция ўтказиш муддатлари ва тартиби тўғрисидаги таклифларни Марказий Комитетнинг яқин вақтда ўтказиладиган Пленумларидан бири учун тайёрлашнинг мақсадга мувофиқ, деб ҳисоблаймиз ва мен буни сизларнинг муҳокамангизга ҳавола қиламан. Партия конференцияси ҳисобот-сайлов кампаниясига яхши далда беради, партиянинг, барча партия ташкилотларининг қайта қуриш соҳасидаги ишига янги омил бахш этади, деб ўйлаймиз.

Партия Марказий Комитетининг Пленумида бўлиб ўтган мунозара якунида айтмоқчи бўлган мулоҳазаларим қисқача мана шулардан иборат.

Пленум ишида актив қатнашганингиз учун ҳаммангизга миннатдорчилик билдириб, унинг барча қатнашчиларига умумий ишларимизда катта муваффақиятлар тилашни истайман.

Совет Иттифоқи Коммунистик партияси Марказий Комитети Пленумининг қарори

ҚАЙТА ҚУРИШ ВА ПАРТИЯНИНГ КАДРЛАР СИЁСАТИ ТЎҒРИСИДА

Совет Иттифоқи Коммунистик партияси Марказий Комитетининг Пленуми КПСС Марказий Комитети Бош секретари ўртоқ М. С. Горбачевнинг «Қайта қуриш ва партиянинг кадрлар сиёсати тўғрисида»ги докладини тинглаб ва муҳокама қилиб, Марказий Комитетнинг 1985 йил апрель Пленумидан аввалги даврда Совет жамиятида вужудга келган вазиятни таҳлил этиш асосида КПСС Марказий Комитетининг Сиёсий бюроси чиқарган сиёсий ва амалий хулосаларни, қайта қуриш қандай бораётганлигига ҳамда партия XXVII съезди қарорлари бажарилишининг дастлабки якунларига берилган принципиал баҳони, шунингдек Марказий Комитет Сиёсий бюроси таърифлаб берган ҳамда барча партия, давлат ва жамоат ташкилотлари ҳал этиши лозим бўлган КПССнинг ҳозирги кадрлар сиёсати вазифаларини тўла-тўқис маъқуллайди.

I.

КПСС Марказий Комитети шуни қайд этадики, Марказий Комитетнинг 1985 йил апрель Пленумидан ва КПСС XXVII съезидан кейин ўтган вақт социал-иқтисодий тараққиётни жадаллаштириш, жамиятимиз турмушининг барча соҳаларини сифат жиҳатидан ўзгартириш хусусида партия ишлаб чиққан ва совет халқи қўллаб-қувватлаган стратегик йўлнинг тўғрилигини ва ҳаётий зарурлигини тасдиқлади.

Совет халқининг Улуғ Октябрь ғалабасидан кейинги қарийб 70 йил мобайнида социалистик қурилиш йўлида эришган ютуқлари жуда катта ва шак-шубҳасиздир. Аммо бу муваффақиятлар мамлакат 70—80-йиллар маррасида олға ҳаракат қилиш суръатларини пасайтира бошлаганлиги фактини панада қолдирмаслиги керак. Экономикада, социал ва маънавий соҳаларда кийинчиликлар ва ҳал этилмаган муаммолар йиғила бошлади, социализмга ёт бўлган турғунлик ва бошқа ҳолатлар пайдо бўлди. Партиянинг, унинг кадрларининг бутун катта ишига қарамай, КПСС Марказий Комитети, мамлакат раҳбарлари салбий тенденциялар кучайиб бориши хавфини ўз вақтида ва тўла ҳажмда баҳолай олмадилар, уларни бартараф этишнинг аниқ йўлини ишлаб чиқа олмадилар. Назарий тафаккурни ривожлантиришга, ривожланиб боровчи социализмнинг ҳаракатлантирувчи кучлари ва зиддиятлари диалектиказини тадқиқ қилишга эътибор сусайганлиги етук социал-иқтисодий масалаларни ҳал этишга салбий таъсир ўтказди. Социалистик демократия тартиб-қоидаларининг амал қилишида, планлаштириш практикасида, бошқарув услуги ва методларида жиддий камчиликлар йиғилиб қолди. Кўпгина партия ташкилотлари принципиал позицияларда тура олмадилар, партия турмушининг ленинча принциплари ва нормаларига қатъий риоя этилишига зарур эътибор бермадилар, салбий ҳодисаларга қарши, интизомнинг заифлашишига қарши, ички-ликбозлик ёйилишига, ўғирликларга, порахўрликка қарши кескин кураш олиб бормадилар. Маҳкамачилик ва маҳаллийчиликка, миллатчилик кўринишларига ҳамиша ҳам муносиб зарба берилмади.

Пленум мана шундай вазиятда партия қайта қуриш йўлини тутиш, бу йўлга бошчилик қилиш, турғунлик ҳолатларини қатъиян бартараф этишга, мамлакат социал-иқтисодий тараққиётни жадаллаштиришнинг пухта ва таъсирчан механизмини вужудга келтиришга қаратилган ўз характери жиҳатидан революцион ишни ташкил этиш учун ўзида куч топиб, мардлик қилганлиги бениҳоя муҳим аҳамиятга эга эканини уқтиради. Бизда қайта қуришдан бошқа йўл йўқ, бу йўлда чекиниш мумкин эмас ва ҳеч қаёққа чекиниб бўлмайди.

Қайта қуришнинг пировард мақсади — жамиятимиз турмушининг барча соҳаларини янгилашдан, социализмга ижтимоий ташкилотнинг энг замонавий формаларини бахш этишдан, социалистик тузумнинг ижодий имкониятларини ғоят тўла-тўқис намоён қилишдан иборат. Қайта қуриш турмушнинг чуқур қатламларига сингиб бориб, бутун жабҳа бўйлаб кенг қулоч ёзиб, мамлакатдаги вазиятга тобора кўпроқ таъсир ўтказмоқда, янги сифат белгиларини касб этмоқда.

Умумий сиёсий якун шундан иборатки, Совет жамияти турмушида сезиларли ўзгаришлар рўй бермоқда, ижобий тенденциялар кучайиб бормоқда, янги маънавий муҳит таркиб топмоқда. Актив таъсир қилувчи принциплар сифатида ошкоралик, ҳаққонийлик, камчиликларга нисбатан муросасизлик, ишни яхшилашга интилиш тобора кўпроқ қарор топмоқда. Беш йилликнинг биринчи йилида халқ хўжалиги асосий кўрсаткичлар жиҳатдан планда белгиланган марралардан ўзиб кетди, янада олға ҳаракат қилиш учун дуруст замин яратилди.

Бироқ кўрилаяётган чора-тадбирлар ва қилинаятган ишлар ҳамма жойда ҳам йиғилиб қолган муаммоларнинг миқёсларига ва ўткирлигига мос келаяётгани йўқ, лозим даражада самарадорлик ва ҳужумкорлик билан амалга оширилаяётгани йўқ. Бир қанча энг муҳим соҳаларда, аввало самарадорлик ва сифат, фан ва техникани ривожлантириш соҳасида, социал соҳада ўзгаришлар катта кийинчиликлар билан кечмоқда. Социал-иқтисодий тараққиёт секинлашувининг кўп йиллар мобайнида вужудга келган механизми секинлик билан

барҳам топтирилмоқда ва ўз позицияларини осонликча бермаяпти, консерватизм, сусткашлик, эскирган тафаккур ҳали ўз кучи ва таъсирини йўқотгани йўқ.

Пленум қайта қуриш соҳасидаги ишни янада активлаштиришни, унинг ҳамма соҳаларидаги куч-ғайратларни оширишни КПСС Марказий Комитети Сиёсий бюроси ва Секретариатининг, иттифокдош республикалар Компартиялари Марказий Комитетларининг, ўлка, область, округ, шаҳар, район партия комитетларининг, партия, давлат ва жамоат ташкилотларининг энг муҳим вазифаси, деб ҳисоблайди. Ҳозир, илк босқичда реализм, қилинган ишларни ҳолисона баҳолаш позицияларида туриш, эришилган натижаларга ўтмишга қийёслабгина назар ташламай, балки энг муҳими — партия ишлаб чиққан ва маъқуллаган планларга асосланиб иш тутиш, ҳар бир коммунистнинг, ҳар бир гражданнынг зўр ғайрат билан, узок муддат фидокорона ишлаш қайфиятини вужудга келтиришдир. Бу — бирдан-бир тўғри партиявий ёндашувдир. Истисносиз ҳамманинг самарали, виждонан ишлаши қайта қуриш муваффақиятининг гаровидир. Белгиланган йўлни сабот билан, қадам-бақадам, ҳеч иккиланмай рўёбга чиқариш, қабул этилган қарорлар билан уларнинг амалга оширилиши ўртасида тафовут бўлишига йўл қўймаслик, ўтказилаётган ўзгаришларнинг муқаррарлигини таъминлаш лозим.

Қайта қуришнинг муваффақияти кадрларимиз революцион ўзгаришлар зарурлигини нақадар тез ва чуқур тушуниб олишлари билан, улар нақадар қатъият, ғайрат ва билимдонлик билан ҳаракат қилишлари билан ҳал қилувчи даражада белгиланади. Партиянинг ленинча принципларга асосланган, қайта қуриш вазифаларига мос бўлиб тушадиган актив, собитқадам кадрлар сиёсати шу мақсадларга хизмат қилиши лозим. Бу сиёсат ҳозирги вазиятнинг хусусиятларини, бошдан кечирилаётган пайтнинг характери ва вазифаларини тўла-тўқис акс эттириши, партия ва давлатнинг, бутун жамиятимиз организми барча бўғинларининг юксак ишчанлик қобилиятини таъминлаши зарур. Кадрлар сиёсати КПССнинг программавий мақсадларини рўёбга чиқаришнинг ҳал қилувчи воситасидир, партиянинг жамиятга сиёсий раҳбарликни амалга оширишига, халқ манфаатларига, социализмни мустаҳкамлаш ва ривожлантириш вазифаларига мос бўлиб тушадиган стратегик йўлни ишлаб чиқиши ва турмушга муваффақиятли татбиқ этишига имкон берадиган ишончли қуролдир.

II.

1. Пленум шуни таъкидлайдики, янги ижтимоий тузум бўлмиш социализмнинг жуда катта имкониятларини тобора тўла-тўқис намоён этиш ва улардан фойдаланиш, социализмнинг иқтисодий негизларини такомиллаштириш, социалистик демократизмни ҳар томонлама авж олдириш, халқнинг ўзини ўзи бошқаришини чуқурлаштириш мамлакат социал-иқтисодий тараққиётини жадаллаштиришнинг шартидир. Шу асосдагина меҳнаткаш омманинг жонли ижодкорлиги, унинг жамият турмуши барча масалаларини ҳал этишдаги реал иштироки чинакамига кенг миқёс касб этиши, инсон омили ўзини тўла куч билан намоён қилиши мумкин.

Партия XXVII съездининг йўл-йўриқларига мувофиқ, бу йўлда қўйилган конкрет қадамларни маъқуллаб, Пленум социалистик демократияни кенгайтириш, совет сиёсий системасини ривожлантириш имкониятларидан энг қўп даражада фойдаланиш, партия, давлат органлари, жамоат ташкилотларининг ишини реал демократик мазмун билан тўлдириш, кадрларни танлашга ва уларнинг иши устидан контрол қилишга меҳнаткашларнинг таъсир ўтказишини анча кучайтириш учун шарт-шароитларни таъминлаш зарур, деб ҳисоблайди. Бошланғич партия ташкилотлари кадрлар сиёсатини ўтказишда актив қатнашиш юзасидан Уставда белгиланган вазифани тўла-тўқис бажаришларига эришиш лозим.

2. Пленум ишлаб чиқариш соҳасидаги демократияни ривожлантиришга, меҳнат коллективларининг турмушига ўз-ўзини бошқаришни изчиллик билан жорий этишга, ҳар бир меҳнаткаш ўзини ўз корхонасининг амалдаги хўжайини деб ҳис этишига имкон яратадиган шарт-шароитларни вужудга келтиришга

биринчи даражали аҳамият беради. Қорхона ва бирлашмалар меҳнат коллективлари кенгашларининг тузилиши, уларга, шунингдек коллективлар умумий йиғилишларига ишлаб чиқариш, социал ва кадрлар масалалари кенг доираси юзасидан ҳал қилувчи ваколатлар бериб қўйиш мана шунга хизмат қилиши керак.

Қорхоналар, ишлаб чиқаришлар, цехлар, бўлимлар, участкалар, фермалар ва звеноларнинг раҳбарлари, бригадирлар ва мастерларни сайлаб қўйиладиган қилиш зарур, деб ҳисоблансин. Раҳбарлар ва мутахассисларни танлаш ҳамда бўш лавозимни эгаллаш конкурс системасини қўлланиш практикаси кенгайтирилсин ва шартлари белгилаб қўйилсин.

Янги шароитда меҳнат коллективларидаги раҳбар ходимларнинг сайлаб қўйилиши яккабошчиликка путур етказмайдигина эмас, балки аксинча, уни мустақкамлашини, раҳбарларнинг обрў-эътиборини оширишини ва шу билан бирга иш учун уларнинг масъулиятини кучайтиришини, ҳар бир коллективда ўзаро талабчанлик муҳитини вужудга келтиришини тўғри тушуниш муҳим аҳамият касб этади. Яккабошчилик билан коллективларнинг энг муҳим масалалар юзасидан қарорлар қабул этишдаги иштирокини ўзвий равишда бирга қўшиб олиб бориш демократик централизм, коллективга таянувчи планли раҳбарлик принципини чуқурлаштиради ва ривожлантиради.

Пленум давлат қорхонаси (бирлашмаси) тўғрисидаги СССР Қонуни лойиҳасини асос сифатида маъқуллашни мақсадга мувофиқ деб ҳисоблаб, келгусида уни умумхалқ муҳокамасига қўйишни назарда тутди.

3. Меҳнаткашларнинг ташаббускорлиги ва мустақиллигини ривожлантиришнинг, экономикани ва социал соҳани бошқаришни демократлаштиришнинг қолхозлар ва умуман социалистик кооперация ихтиёридаги кенг имкониятлардан тўлиқроқ фойдаланиш лозим. Қолхозлар ва бошқа кооператив ташкилотлар уставларининг қоидаларига қатъий риоя этилишини таъминлаш, уларга кооперативлар аъзоларининг активлигини янада ривожлантиришга, уларнинг коллектив меҳнатдан ва коллектив ҳар бир аъзоси учун реал натижаларидан манфаатдорлигини оширишга ёрдам берадиган ўзгартишлар киритиш муҳимдир.

СССР Министрлар Советига, тегишли республика ва маҳаллий органлари-га умумий овқатланишни, майший хизматни ҳамда совет кишиларининг талаб-эҳтиёжларини қондириш билан бевосита боғлиқ бўлган ва уларнинг манфаатларига мос бўлиб тушадиган бошқа баъзи соҳаларни ташкил этишининг кооператив формаларини кенг ёйиш тadbирларини кўриш тавсия қилинсин.

4. Совет сайлов системасини такомиллаштириш ижтимоий турмушни, кадрлар сиёсатини демократлаштиришнинг энг муҳим йўналишларидан биридир. Советларнинг депутатлигига номзодлар кўрсатиш ва уларни муҳокама қилиш практикасини расмийлаштириш элементларидан ҳалос қилиш, сайловчиларга кўпроқ номзодларга ўз муносабатини билдириш имкониятини, сайлов жараёнининг ҳамма босқичларида самарали иштирок этиш имкониятини бериш муҳимдир.

5. Пленум ички партиявий демократияни кенгайтириш, бошланғич партия ташкилотларининг, конференциялар ва пленумларнинг ишини жонлантиришнинг самарали йўллари кидириш, сайлаб қўйиладиган партия органларини ҳамма поғоналарда шакллантириш механизмини такомиллаштириб, уни янада демократиялаштириш зарурлиги тўғрисидаги масалани КПСС Марказий Комитетининг Сиёсий бюроси принципаал тарзда қўйганлигини қўллаб-қувватлайди.

6. Пленум кадрларнинг фаолиятини «юқоридан» ва айниқса «қуйидан» контрол қилишни кучайтиришга, раҳбар органларнинг иши барча учун очик бўлиши, омманинг кўз ўнгига қилиниши тўғрисидаги ленинча талаб изчиллик билан рўёбга чиқарилишига муҳим аҳамият беради. Шу мақсадда сайланадиган ва тайинланадиган мансабдор шахсларнинг меҳнат коллективлари ва аҳоли олдида мунтазам ҳисобот бериб туришини таъминлаш, меҳнаткашларга раҳбарларнинг фаолиятига баҳо бериш, ҳатто ўз вазифаларини бажармаган ёки ўз обрўсини тўккан ходимларни бўшатиш тўғрисидаги масалани қўйиш ҳуқуқини бериш лозим. Раҳбар кадрларнинг иши устидан контрол қилишнинг

аник системасини вужудга келтириш, бунинг учун партия, касаба союз, комсомол конференцияларидан халқ депутатлари Советларининг сессияларидан, партия, касаба союз ва комсомол комитетларининг пленумларидан, СССР Олий Совети, иттифокдош ва автоном республикаларнинг Олий Советлари, халқ депутатлари маҳаллий Советлари доимий комиссияларининг фаолиятидан фойдаланиш, депутатлик сўровлари практикасини изчиллик билан кенгайтириш зарур.

КПСС Марказий Комитетининг Секретариати билан СССР Министрлар Советининг Президиуми корхона ва ташкилотлардаги текшириш ҳамда назоратлар мавжуд практикасини тартибга солиш юзасидан чора-тадбирлар кўришлари, бунда мазкур текширишлар кўпдан-кўп кишиларни ишдан чалғитадиган расмиятчилик бўлиб қолмай, балки ишга ёрдам берадиган бўлишини назарда тутиш мақсадга мувофиқ, деб топилсин.

Партия ташкилотлари давлат органлари ва жамоат ташкилотлари раҳбар кадрларини, мутахассисларини, аппарат ходимларини аттестациядан ўтказишни доимо диққат марказида тутишлари, буни кадрларнинг иши учун коллектив контролнинг, улар амалий малакасини ўстиришни рағбатлантиришнинг таъсирчан формаси, деб ҳисоблашлари лозим.

7. Пленум барча партия комитетлари ва партия ташкилотлари зиммасига ошкораликни кенгайтиришга, танкид ва ўз-ўзини танкидни, айниқса қуйидан бўладиган танкидни ривожлантиришга қаратилган қўшимча чора-тадбирларни кўриш, шу синалган қуролдан кадрларни камчиликларга нисбатан мурасизлик, эришилган натижалардан ҳолисона қаноатланмаслик, социалистик ахлоқ нормаларидан турли тарзда четга чиқиш ҳолларини тугатиш руҳида тарбиялаш мақсадларида тўла-тўқис фойдаланиш мажбуриятини юклайди. Танкидга муносабат — кадрлар сиёсий етуқлигининг, улар ўзгаришларга тайёргилигининг, қайта қуришни амалда рўёбга чиқариш қобилиятининг муҳим кўрсаткичи эканлигига доимо асосланиш лозим. Партияда танкиддан ташқарида турадиган кишилар ҳам, шунингдек танкид қилиш ҳуқуқига эга бўлмаган кишилар ҳам бўлиши мумкин эмас. Танкидни бўғишнинг ҳар қандай фактлари, шунингдек тухматчиларнинг ишга садоқатли, софдил ходимларни бадном қилиш, хусумат юзасидан ўч олиш, бунинг учун имзосиз хатлардан ва бошқа номуносиб усуллардан фойдаланиш йўлидаги уринишлари пайи қатъиян қирқилиши керак.

8. Пленум ҳақиқий демократия қонундан ташқарида ва қонундан устун тарзда яшаши мумкин эмаслигини эътиборга олиб, янги қонун актларини ишлаб чиқиш ва қабул этишга, совет судининг ролини оширишга, судьяларнинг мустақиллиги принципига қатъий риоя этишга, прокурор назоратини кескин кучайтиришга, тергов органларининг ишини, Совет давлат манфаатларини муҳофаза қилиш, граждандарнинг ҳуқуқлари ва эркинликларини таъминлашнинг барча йўллари ва воситаларини такомиллаштиришга катта аҳамият беради. Партия қуюшқондан чиқиш, масъулиятсизлик, бошбошдоқлик социалистик демократияга мутлақо зид эканлигига асосланиб иш тутати. Социалистик демократия инсонга, коллективга ва жамиятга, меҳнаткашларнинг ташаббусини ривожлантиришга, социалистик тузумнинг ижодкорлик имкониятларини намойён этишга, қонунчилик ва адолатни, жамиятимиздаги соғлом маънавий муҳитни мустаҳкамлашга реал хизмат қилиши керак. Раҳбар кадрларни, бутун аҳолини ҳуқуқий тарбиялашни кучайтириш лозим.

9. Пленум Совет демократиясининг социал базасини изчиллик билан кенгайтириш тўғрисида, ҳар бир граждандарнинг, ветеранлар ва ёшларнинг, аҳоли барча қатламлари вакилларининг қайта қуришни амалга оширишда, давлат ва жамоат турмушида янада активроқ қатнашиши ҳақида ғамхўрлик қилиш зарур, деб ҳисоблайди.

Барча соҳаларда кекса авлодларнинг синалган кадрлари билан ёнма-ён ёшлар, истикболли ходимлар меҳнат қилишларига, тажриба орттиришларига, чиниқиб, дадил кўтарилиб боришларига ҳаракат қилиш керак. Партия ташкилотлари бу табиий жараёни раҳбарлик, сиёсий йўлимиз давомийлигини таъминлашнинг, қолоқлик ва турғунликни бартараф этишнинг зарур шарти деб билиб, унга моҳирона бошчилик қилишлари лозим. Ёшларга ишониш, уларнинг

меҳнатини, ўқишини, турмушини, бўш вақтини ташкил этишдаги мустақиллигини ривожлантириш билан бирга уларга ёрдам бериш, хатоларни ўртоқларча танқид қилиш муҳимдир. Кўтариладиган кадрларнинг ишончли резервини тайёрлаш соҳасидаги ишни тубдан яхшилаш зарур.

Муносиб ишчилар ва колхозчилар партия, совет, касаба союз, комсомол органларига, раҳбарлик ишига кўпроқ тавсия қилиниши керак. Уларнинг олий ўқув юртларида ва техникумларда ўқиши ҳар томонлама рағбатлантирилсин, улар орасидан бўлажак раҳбарлар синчиклаб танлаб олиниб, тарбиялансин. Партиясиз ўртоқлар орасидан яхши ташкилотчиларни масъулиятли лавозимларга активроқ кўтариш лозим. Хотин-қизларни бошқарувнинг барча поғоналаридаги ва жамият ҳаёт фаолиятининг ҳамма соҳаларидаги раҳбарлик лавозимларига кўтаришни Пленум принципиал жиҳатдан муҳим, деб ҳисоблайди.

10. Марказий Комитет Пленуми кадрлар билан ишлашда ленинча миллий сиёсат талабларини қатъият ва изчиллик билан амалга ошириш, мамлакат ҳўжалик ва ижтимоий турмушининг чуқурлашиб бораётган интернационаллашув жараёнларини ҳар томонлама ҳисобга олиш зарурлигига эътиборни қаратади. Миллий муносабатларни ривожлантиришга тааллуқли ҳамма ишларда алоҳида сезгирлик ва эҳтиёткорлик, партиявий принципиаллик қилиш, мамлакатимиз халқларининг дўстлиги ва қардошлигини мустаҳкамлаш ҳақида ғамхўрлик қилиш, бу соҳадаги салбий ҳодисаларни қатъиян барҳам топтириш, миллатчилик ва шовинизмнинг, сионизм ва антисемитизмнинг, маҳаллийчиликнинг ҳар қандай кўринишларига, тайёрга айёрлик кайфиятларига, миллий маҳдудлик ва кеккайишга мурасасиз зарба бериш, изчил, саботли интернационализмни бу иллатларга қарши қўйиш лозим.

Партия, давлат, ҳўжалик органларида, жамоат ташкилотларида мамлакат барча миллат ва элатларининг муносиб вакиллари бўлиши таъминлансин, раҳбар кадрларнинг состави аҳолининг миллий структурасини янада тўлиқроқ акс эттиришига ҳаракат қилинсин. Кадрларнинг интернационал руҳда чиникишини кучайтириш, уларга партия ва давлат иши тажрибасини сингдириш мақсадида республикалар ва регионлар ўртасида, маҳаллий ва марказий органлар ўртасида бир-бирларига кадрлар юборишни активлаштириш зарур.

III.

1. Пленум КПСС Марказий Комитети Сиёсий бюроси ва Секретариати қабул қилган, ўтмишда партиявий принципларнинг бузилиши, кадрлар сиёсатини ўтказишдаги чалкашлиklar оқибатларини бартараф этишга қаратилган тадбирларни маъқуллайди. Раҳбарликка янги кучларнинг қелиши, янги вазифаларни бажаришга ноқобил бўлиб қолган, номуносиб одоб-ахлоқи билан шаънига доғ туширган раҳбарларнинг алмаштирилиши қайта қуришнинг зарур таркибий қисми ва энг муҳим омили бўлди.

КПСС XXVII съезди қарорлари асосида кадрлар сиёсатини жиддий тарзда янгилаш, бу сиёсатни социал-иқтисодий жадаллаштириш учун курашнинг бош йўналишлари билан чамбарчас боғланган чинакам замонавий сиёсатга айлантириш, партия, давлат, ҳўжалик ва жамоат ишининг ҳар бир бўғинига партия ва халқ ишига садоқатли, жамиятимизда сифат ўзгаришлари бўлиши лозимлигини чуқур англаётган, сусткашлик ва эскиликни бартараф этишга кодир бўлган, партия йўлини ижодий ўтказадиган чинакам новаторлар етакчилик қилишларига қатъият билан эришиш лозим.

Ўтмиш сабоқларини ҳар томонлама таҳлил этиш асосида КПСС Марказий Комитети қуйидагиларни принцип эътибори билан муҳим, деб ҳисоблайди: кадрлар сиёсатини ленинча тушунишга мувофиқ тарзда, КПСС Марказий Комитети ва ҳукуматдан бошлаб барча даражаларда етилган кадрлар масалалари ўз вақтида ҳал этилсин. Янгиланиш жараёни узилиб қолмаслиги, давомийлик бузилмаслиги учун раҳбар кадрлар составига янги кучлар ҳамиша қўшилиб туриши таъминлансин;

кадрларнинг марксча-ленинча назарий тайёргарлиги, ғоявий-маънавий чиникиши кучайтирилсин, уларда юксак сиёсий ва маънавий маданият

шакллантирилсин, партиянинг жадаллаштириш йўли моҳиятини чуқур тушуниб олиш ва ҳар бир участкада программавий мақсадларни қундалиқ ташкилий, ҳўжалик ва тарбиявий иш билан мустаҳкам боғлаш қўникмаси шакллантирилсин, партия комитетлари фаолиятига, кадрлар танлашга технократик ёндашув қўринишлари қатъият билан бартараф этилсин;

кадрларни танлаш ва ўзгартиришда уларга диққат-эътибор билан, мулоҳаза қилиб қўриб, принципиал муносабатда бўлиш таъминлансин, ҳамма ҳолларда фақат иш манфаатлари назарда тутилсин. Бу ўринда турғунлик ҳам, ходимларни асоссиз тарзда шоша-пиша алмаштириш, маъмуриятчилик, субъективизм, мустақил фикр юритиш ва ташаббусга бетоқатликка ҳам йўл қўйиб бўлмайди;

топирилган иш учун кадрларнинг масъулияти доимо ошириб борилсин ҳамма ерда ўзаро талабчанлик, мустаҳкам интизом ва уюшқоқлик вазияти яратилсин, бўшашувчанлик қўринишларининг пайи қатъият билан қирқилсин. Кадрлар тўғрисидаги чинакам ғамхўрликнинг қўнгилчанлик ва гуноҳини кечиб юборавериш билан, «мурувват» қилиш ва тилёғламалик билан сира алоқаси йўқ;

кадрлар сиёсатида демократик централизм принципига қаттиқ риоя қилинсин ва бу принцип ривожлантирилсин. Партия ва давлатдаги, касаба союзларидаги, комсомолдаги ва бошқа жамоат ташкилотларидаги сайлаб қўйиладиган органлар ўзларига берилган ҳуқуқлардан тўла-тўқис фойдаланиб, ижроия органлар, аппарат иши устидан амалий контролни рўёбга чиқаришлари учун зарур сиёсий ва ҳуқуқий негизлар яратилсин;

сайлаб қўйиладиган органларда чинакам коллективчилик, тенглик, масалаларни эркин ва принципиал муҳокама қилиш вазияти қарор топтирилсин. Раҳбарнинг лавозими нақадар юқори бўлмасин, бу уни сайлаб қўйиладиган органнинг бошқа аъзоларига нисбатан юқорироқ ўринга чиқариб қўймайди, балки фақат партия нормалари ва принципларига қатъийроқ риоя қилиши учун яна ҳам юқсакроқ масъулиятни таъкидлайди;

партия, давлат ва жамоат контроли органларининг интизомни мустаҳкамлашга, турли хил бузилишлар ва суиистеъмолларни тугатишга, аппарат ишидаги аниқ-пухталикни оширишга таъсирини кучайтириб, бу органлар фаолиятини тубдан яхшилаш юзасидан амалий тадбирлар рўёбга чиқарилсин.

2. Марказий Комитет Пленуми қайта қўришга, мамлакат социал-иқтисодий тараққиётини жадаллаштириш вазифаларига муносабат ва бу вазифаларни амалга ошириш соҳасидаги реал ишлар кадрларга, уларнинг сиёсий ва граждандлик позициясига баҳо беришнинг ҳал қилувчи мезони эканлигини таъкидлайди. Партия қайта қўриш йўлини маъқуллабгина қолмай, балки янгилашни жараёнига актив, ижодий қиришган, умумий ишга ўзининг бутун куч-қувватини бағишлаган, муваффақиятга эришишга қодир бўлган ходимларни қўтариб, қўллаб-қувватлайверади. Қимқи ўзига топирилган участкадаги ишларнинг аҳолини яхшилик сари ўзгартиришга қодир бўлмаса, қодир бўлаган ўзгаришларга лоқайд қолаверса, эскиликка ёпишиб олса, у раҳбарлик лавозимини эгаллаб туришга ҳақли эмас.

3. Қайта қўриш жараёни социалистик жамият маънавий асосларини, совет турмуш тарзини мустаҳкамлаш билан ҳамбарчас боғланган. Чуқур ғоявий эътиқод, мамлакат тақдири учун ниҳоятда юқсак сиёсий ва маънавий масъулият, ленинча большевик ахлоққа оғишмай амал қилиш — бу талаблар ҳозирги вазиятда ҳамма кадрларимиз олдида алоҳида ўткир қилиб қўйилмоқда. Улар ғоявий матонат, партия ва давлат интизомига сўзсиз риоя қилиш намунасини, субутлилик, ростгўйлик, виждонлилик, ҳалоллик, қамтарлик, социалистик ахлоқ нормаларидан ҳар қандай чекинишларга мурасасизлик намунасини қўрсатишлари керак.

Мунофиқлардан, амалпарастлардан, устумон қимсалардан, партия аъзоси номига, совет раҳбари шаънига тамағирлик, мол-дунёга ҳирс қўйиш, ичкиликбозлик, ахлоқий нопоклик билан доғ тушираётган қимсалардан қатъиян ҳалос бўлиб боравериш зарур. Манфаатпарастлик, уруғ-аймоқчилик, ошна-оғайнигарчиликка қарши, ходимларни юртдошлиги ва шахсий садокатига қўра

кўтаришга қарши кескин кураш олиб бориш лозим. Қаллобларга, юлғичларга, порахўрларга ён босишга уринаётган кимсалар партия Устави ва Совет Қонунларининг бутун кучи билан тергаб қўйилиши лозим. Кимки кўра-била туриб принципларимизни оёқ ости қилаётган бўлса, бу ҳақда ошқора гапирилиши ва бу киши жамоатчилик томонидан қораланиши керак. Раҳбарнинг покиза ва ҳалол қиёфаси ҳақида ғамхўрлик қилиш — ҳар бир партия ташкилотининг биринчи даражали бурчидир.

Пленум партия комитетлари, бошланғич партия ташкилотлари зиммасига ишни барбод қилган ва ўз шаънига доғ туширган раҳбарларнинг жавобгарлигини ҳас-пўшлашга ҳар қандай уринишларга, бу уринишлар қим томонидан содир этилаётганидан қатъи назар уларга кескин зарба бериш вазифасини юклайди. Раҳбар ходимларнинг қилмишлари ҳақидаги масалалар ими-жимиди муҳокама қилинаётганлиги, бирон-бир масъул шахснинг эгаллаб турган лавозимидан бўшатилишининг асл сабаблари ҳусусида индалмаётганлиги каби ҳозир ҳам мавжуд практикага ҳамма жойда чек қўйиш керак. Коммунист қилмишлари учун аввало ўз бошланғич партия ташкилоти олдида жавоб бериши ҳақидаги КПСС Устави қондасига оғишмай риоя қилиш лозим. Партия ва давлатда қонун ҳамма учун битта, интизом ҳам ҳамма учун битта.

4. Қайта қуришни чуқурлаштириш бу аввало, партия ишининг ўзини, унинг ҳамма даражадаги кадрлари — Марказий Комитетдан тортиб, бошланғич партия ташкилотларигача ишини қайта қуриш демакдир, ҳамма бўғинларда ленинча принциплар ва партия турмуши нормаларини изчил амалга ошириш демакдир. Марказий Комитет ҳозирги кадрлар сиёсатининг моҳияти ва бош вазифасини ана шунда деб билади.

Шунга асосланиш керакки, бугунги кунда партиянинг, унинг комитетларининг йўналтирувчи ва мувофиқлаштирувчи роли ҳамма соҳаларда ишлаётган кадрларга ёрдам беришда, давр вазифаларини англаб олишда ва топширилган иш учун қаттиқ талабчанликда намоён бўлиши лозим. Партия органларига хос бўлмаган бошқарув функцияларидан, масалаларни бошқалар учун ҳал этишга интилишдан, совет органлари, хўжалик ва жамоат ташкилотларининг ўрнини босишдан қатъиян воз кечиш керак. Партия билан унинг бошланғич бўғинлари, меҳнат коллективлари ўртасида бевосита алоқа боғлайдиган район ва шаҳар партия комитетларининг ишини қайта қуришга алоҳида эътибор берилсин.

Ҳар бир партия комитети сиёсий раҳбарлик органи сифатида янги ғояларнинг чинакам тўпловчиси ва оммалаштирувчиси, жами кучларнинг баҳамжихат ҳаракатининг ташкилотчиси бўлишига, бу кучларни тўғри жойлаштиришига, қабул қилинаётган қарорларнинг оқибатларини олдиндан кўра билиши ва ҳисобга олишига собитқадамлик билан эришилсин. Инсон ҳақида, унинг меҳнат шароитлари, турмуши ва дам олиши тўғрисида ғамхўрлик, кишилар онгини шакллантириш партия комитетларининг диққат марказида бўлиши керак. Партиявий раҳбарлик услубида диққат-эътиборни амалда омма ўртасидаги жонли ишга, қабул қилинаётган қарорларнинг ва белгиланадиган планларнинг амалга оширилишини ташкил этишга, халқ ташаббусини қўллаб-қувватлашга, новаторларнинг изланишларини рағбатлантиришга қаратиш зарур.

Бошланғич партия ташкилотлари қайта қуриш, жадаллаштириш учун курашнинг асосий бўғинидир, бунда партия сиёсати миллионлаб коммунистларнинг куч-ғайрати билан амалга оширилади, бу сиёсат кундалик ҳаёт билан, меҳнаткашларнинг ишлари ва ташвишлари билан боғланиб кетади. Бошланғич партия ташкилотларини ташкилий ва ғоявий-сиёсий жиҳатдан мустаҳкамлаш, уларнинг жанговарлиги ва активлигини ошириш — район, шаҳар, округ, область, ўлка партия комитетларининг, иттифокдош республикалар Компартиялари Марказий Комитетларининг энг муҳим вазифасидир.

Партия ходимларида ишга сиёсий, давлат нуктаи назаридан ёндашувни, демократия чуқурлашиб бораётган, одамларнинг ижтимоий ва меҳнат активлиги тобора ўсиб бораётган шароитларда ишлай билишни, уларни шоҳантариш ва ўзларига эргаштириб боришни, қолоқлик, бюрократизм, маҳаллийчилик, маҳкамачилик кўринишларига муросасизликни тарбиялаш зарур. Пленум Сиёсий бюро партиявий сиёсий таълим системасини комплекс

кайта қуриш, уни ҳаёт билан, замонавий вазифалар билан узвий равишда боғлаш юзасидан белгиланган тадбирларни маъқуллайди ва партия комитетлари зиммасига партия ташкилотлари ва пропаганда воситаларига амалий ёрдамни кучайтириш, омма орасида ишлаётган қуйи партия активларини ўқитишни уюштириш ва уларни хабардор қилиб туришни яхшилаш вазифасини юклайди.

5. Пленум партиянинг социал-иқтисодий тараққиётни жадаллаштиришга қаратилган стратегик йўлини амалга оширишда экономика соҳасида банд бўлган кадрлар зиммасига жуда катта масъулият тушаётганини ҳисобга олиб, одамлар билан ишлай оладиган ва ҳўжалик юритишнинг янги шароитларида фан-техника тараққиётининг илғор марраларига чиқиб олинишини, ишлаб чиқарилаётган маҳсулот сифатини тубдан яхшилашни, ишлаб чиқаришнинг юксак самарадорлигини таъминлашга қодир бўлган корхоналар ва бирлашмаларнинг ҳақиқатан ҳам билимдон ва омилкор раҳбарларини кўтариш ва тарбиялаш зарурлигига эътиборни қаратади. Раҳбарликнинг тўла ҳўжалик ҳисоби ва ўзини-ўзи маблағ билан таъминлашга, бирлашмалар ва корхоналар иши натижалари учун кенг қўламдаги мустақиллик ва юксак жавобгарликка, ташки иқтисодий фаолиятга янгича ёндашувга асосланган иқтисодий методларни тезроқ ўзлаштириб олишда уларга ёрдам бериш керак. Давлат қабулининг жорий этилиши катта аҳамиятга молик ишдир.

КПСС Марказий Комитети ишчилар синфи, колхозчи деҳқонлар, зиёилар, барча меҳнаткашларни қайта қуришга, жадаллаштириш, жамиятимизнинг барча бўғинларида юксак интизом, маънавий покликни мустаҳкамлаш учун курашга актив жалб этишга принципиал аҳамият беради. Бунда қайта қуриш шароитларида ҳар қандай иш участкасида барча меҳнатчилардан топширилган иш учун юксак масъулият, профессионал маҳорат ва меҳнат маданиятини муттасил ошириб бориш, замонавий илғор техника ва технологияни эгаллаш, ташаббус ва ижодкорлик талаб этилаётганлигига асосланиш зарур.

6. Пленум халқ ҳўжалигидаги интеллектуал, кадрлар потенциалининг сифати ва ижодий самарасини тубдан оширишни, мутахассисларни тайёрлаш ва улардан фойдаланишни яхшилашни, олий ва ўрта махсус мактаб ишини қайта қуришни, умумий таълим ва ҳунар-техника мактабини ислоҳ қилишни изчиллик билан ўтказишни, мамлакатда узлуксиз таълимнинг ягона системасини вужудга келтиришни энг муҳим вазифа, деб ҳисоблайди. Устун даражада ривожлантирилаётган халқ ҳўжалиги тармоқлариға, янгитдан бунёд этилаётган ишлаб чиқаришларға кадрлар етказиб беришни жадаллаштиришға, янги техника ишлаб чиқаришни ўзлаштирувчи ва уни ишлатувчи мутахассислар ва ишчилар тайёрлашға алоҳида эътибор берилсин.

7. Пленум техника ва технологияни жадал ривожлантириш фундаментал илмий ғоялар ва амалий ишланмалар ҳазинасини тобора кўпроқ тўлдиришни, илм-фанни халқ ҳўжалиги эҳтиёжларига кескин буриб юборишни талаб қилаётганлигига асосланиб, ишлаб чиқаришни ҳар томонлама интенсивлаштириш, экономика самарадорлигини ошириш билан боғлиқ вазифаларни рўёбга чиқаришда академия, тармоқ ва олий ўқув юрти фани кадрлари берадиган самарани ошириш, илм-фанни ишлаб чиқариш билан бирлаштиришни кучайтириш зарур, деб ҳисоблайди. Илмий-ишлаб чиқариш бирлашмалари ва тармоқлараро фан-техника комплекслари ишиға кўпроқ эътибор берилсин. Илмий кадрлар тайёрлашни такомиллаштириш, уларнинг составини қобилятли ёшлар билан тўлдириш, олимларнинг самарали ишлаши учун шарт-шароит яратиш, илм-фаннинг техника билан қуролланганлик даражасини ошириш, унинг экспериментал базасини мустаҳкамлаш юзасидан зарур чоралар қўрилсин.

8. Ҳозирги замон талабларини эътиборға олиб, план, молия органлари ва бошқа умумий иқтисодий органларнинг, барча министрликлар ва идораларнинг структурасини, иш услуби, форма ва методларини қайта қуриш жадаллаштирилсин, уларнинг функциялари ва вазифалари янада аниқроқ белгилаб қўйилсин, бирлашма ва корхоналарнинг иқир-чикир ишларига васийлик қилишдан, уларнинг оператив фаолиятиға аралашишдан воз кечишда ёрдам

берилсин, бутун диккат-эътибор халк хўжалиги тармоқларини ривожлантиришнинг, фан-техника тараққиётини жадаллаштириш, хўжалик механизмининг такомиллаштириш, кадрларни қайта тайёрлаш ва малакасини оширишнинг йирик, истикболли масалаларига қаратилсин.

9. Пленум раҳбар кадрларнинг фаолиятидаги социал йўналишни кучайтиришни, уларда социал проблемаларга жуда муҳим сиёсий иш, деб қараш муносабатини тарбиялашни принципиал жиҳатдан муҳим, деб ҳисоблайди. Социал масалаларни тўғри ҳал этиш, одамларнинг серунум меҳнати, ҳаёти ва турмуши учун қулай шароитларни яратиш, коллективларда ижодий изланиш муҳитини қарор топтириш — ҳар қандай раҳбар сиёсий ва амалий етуқлигининг зарур мезонидир.

Одамларнинг кундалик эҳтиёжларини кондиритиш, граждандларнинг энг муҳим манфаатларига тааллуқли масалаларни ҳал этиш билан бевосита боғлиқ бўлган барча соҳаларда ишлаб турган кадрларнинг фаолиятига зўр эътибор билан қаралсин. Бу соҳада ишни яхши ташкил этиш айниқса муҳимдир, кўполлик, бағритошлик, инсонга эътиборсизлик кўринишларига тоқат қилиб бўлмайди.

10. Партия қайта қуриш соҳасидаги ишда совет, касаба союз, комсомол кадрларига таянади. Пленум социал-иқтисодий тараққиётни жадаллаштириш учун халк депутатлари Советларининг ролини янада ошириш ва масъулиятини кучайтириш юзасидан КПСС Марказий Комитетининг Сиёсий бюроси, СССР Олий Совети Президиуми ва СССР Министрлар Совети кўрган чора-тадбирларни маъқуллаб, Советларнинг ва улар ижроия комитетларининг фаолиятидаги демократик негизлар кучайиб боришига, уларга бериб қўйилган ваколатлардан тўлиқроқ ва самаралироқ фойдаланилишига муҳим аҳамият беради. Советлардаги партия группаларининг иш савиясини ошириш, уларнинг Совет органлари фаолиятига таъсирини кучайтириш зарур.

Ҳозирги шароитларда конкрет ишлаб чиқариш ва социал масалаларни ҳал этишда, мусобақани ривожлантиришда, меҳнат ва ишлаб чиқариш интизомини мустаҳкамлашда, одамларни тарбиялашда касаба союз кадрлари янада актив позицияда туришлари керак. Касаба союзларида ишловчи коммунистлар касаба союз ишига обрў-эътиборли, ҳаётни яхши биладиган, конкрет ишни ташкил эта оладиган, меҳнаткаш инсоннинг, коллективнинг манфаатларини ҳимоя қила биладиган кишилар сайланишига ҳаракат қилишлари зарур.

Партия ташкилотлари комсомол ташкилотларига кун сайин ва конкрет раҳбарлик қилишлари, насихатгўйликка, маъмуриятчиликка йўл қўймасликларини, комсомолнинг ташаббускорлигини ҳар томонлама ривожлантиришлари, ёшлар билан тарбиявий ишни юксак даражада ташкил этишда, уларнинг талаб-эҳтиёжларига дарҳол жавоб беришда, меҳнатда, ўқишда, дам олишда фойдали янгилекларнинг ташаббускорлари бўлиб чиқишда ёрдамлашишлари зарур.

11. Пленум суд, прокуратура, юстиция ва милиция, давлат арбитражи, нотариат ходимларининг, жамоат тартибини муҳофаза қилишда ихтиёрий равишда қатнашаётган минглаб кишиларнинг обрў-эътиборини ошириш, уларнинг фаолияти самарадорлигини кучайтириш юзасидан Марказий Комитетнинг Сиёсий бюроси кўраётган чора-тадбирларни қўллаб-қувватлайди. Шу билан бирга, партиянинг қўллаб-қувватлаши ҳуқуқни ҳимоя қилиш органлари кадрларининг зиммасига социалистик жамият ва давлат манфаатларини, совет граждандларининг қонуний ҳуқуқларини ҳимоя қилиш билан боғлиқ ўз фаолиятини тубдан қайта қуриш учун янада қатъият билан қурашиш мажбуриятини юклайди. Ҳуқуқни ҳимоя қилиш органларининг кадрлари билан ишлашни жиддий равишда яхшилаш, уларни демократия ва ошқораликни кенгайтириш шароитида ишлаш маҳоратига ўргатиш, бунда ҳуқуқ-тартибот ишига хизмат қиладиган кишининг ўзи Қонун олдида, партия олдида, халк олдида бегубор, мусаффо бўлиши кераклигини эсда тутиш зарур.

12. Пленум ташки сиёсат идораларининг ишини қайта қуришга, уларни халқаро сиёсат соҳасида партия йўлини изчиллик билан ижодий ўтказиш оладиган ходимлар билан мустаҳкамлашга муҳим аҳамият беради.

13. Ҳозирги мураккаб халқаро вазият АҚШ урушқок империалист доираларининг ҳарбий-стратегик тенгликни бузиш, ядровий устунликка эришиш

йўлидаги интилиши иктисодий потенциални тезроқ кўпайтиришни, мамлакатимизнинг муҳофаа имкониятларини ҳар томонлама мустаҳкамлашни, мамлакатнинг муҳофаа қобилиятини муносиб даражада сақлашни, Қуrolли Кучларнинг юксак маҳорати ва жанговар шайлигини, доимий сергаклигини талаб қилади. КПСС Марказий Комитети халқнинг тинч меҳнатини, Ватан ҳавфсизлигини пухта равишда ҳимоя қилаётган, интернационал бурчини шараф билан бажараётган ҳарбий кадрларнинг, Совет Армияси ва Ҳарбий-Денгиз Флоти жангчиларининг фаолиятини юксак кадрлайди. Командирлар, сиёсий ходимлар, бутун офицерлар составининг, армия ва флот партия ташкилотларининг ҳарбий интизомни юксак даражада сақлаш, жангчиларни ғоявий ва маънавий жиҳатдан тарбиялаш, уларнинг жанговар ва сиёсий тайёрлигини ошириш учун бўлган масъулиятини бундан буён ҳам кучайтириш, ҳарбий хизматчилар, улар oilаларининг турмуш шароитлари ҳақида доимо ғамхўрлик қилиш зарур.

14. Партия ғояларини, сиёсатини оммага етказиши, оммага қайта қуришнинг тарихий зарурлигини тушунтириб бериши, ҳар бир кишининг жадаллаштириш учун, умумхалқ қурашидаги ўз ўрнини топиб олишида ёрдам бериши лозим бўлган идеология ходимлари зиммасига масъулиятли вазибалар юклатилади. Раҳбар кадрлар, партиянинг активлари, барча коммунистлар тарбиявий иш билан кун сайин шуғулланишлари керак. Идеология соҳаларини назарий ва профессионал жиҳатдан тайёргарлик кўрган замон нафасини нозик ҳис қилиб турган, ижодий ишлашга, мафкуравий, тарбиявий иш билан қайта қуришни амалий равишда ўтказишни мустаҳкам боғлашга ҳаракат қилиш қобилиятига эга бўлган кишиларга топшириш лозим.

Пленум шуни қайд этадики, матбуот, телевидение, радио жамиятимиз олдида турган вазибаларни амалга оширишга, ошқоралиқни, соғлом, танқидий муҳитни қарор топтиришга актив кўмаклашмоқда. Салбий ҳодисаларга нисбатан муросасизлик ва қайта қуриш туфайли юзага келган тажрибани тасвирлаб бериш, ҳалол, серунум меҳнатни улуғлаш — оммавий ахборот воситаларининг биринчи даражали ва ўзаро боғлиқ вазибаларидир. Партиянинг кадрларга нисбатан қўяётган: ғоявийлик, профессионализм, бурчини ҳис этиш, принципиаллик ҳамда жамоатчилик ҳукмига ҳавола этиладиган фактларнинг тўғрилиги ва аниқлиги учун юксак масъулият, танқидга партиявий муносабатда бўлиш хусусидаги умумий талаблари матбуот, телевидение, радио-эшиттириш ходимларига ҳам тааллуқлидир.

15. Ижтимоий ўзгартишларнинг янги босқичи санъаткор зиёлилар олдида, маданият соҳасининг барча ходимлари олдида масъулиятли вазибалар қўймоқда. Уларнинг бурчи — жамиятнинг маънавий турмушини бойитишдан, меҳнат аҳлининг ғоявий ва ахлоқий жиҳатдан ўсишига кўмаклашишдан, воқелигимизнинг бутун кўп қирралилигини ва улуғворлигини тасвирлайдиган талантли, ҳаққоний асарлар яратишдан халқимизга, аввало ёшларга инсонпарварликка ёт сохта кадриятларни тикиштиришга уринаётган империализмнинг ғоявий-маданий агрессиясига қатъият билан қарши туришдан иборат.

Иттифокдош республикалар Компартияларининг Марказий Комитетлари, ўлка, область партия комитетлари, тегишли давлат органлари, ижодий союзларнинг правлениелари ва партия ташкилотлари, маданият муассасалари бадий жараёнга талантни ҳурмат қилиб ва айни вақтда партиявий принципиаллик билан моҳирона ёрдам беришлари, маданий қурилишдаги демократизм ва ижтимоий ҳаваскорлик формаларини такомиллаштиришга кўмаклашишлари, ижодий коллективларда танқид ва ўз-ўзини танқидни ривожлантиришлари керак. Адабий танқидчиликнинг ролини оширишга, ижодкор ёшларни ғоявий чиниқтириш ва тарбиялашга, уларнинг қобилияти ва истеъодларини юзага чиқаришга алоҳида эътибор берилсин. Бадий ижодкорликка раҳбарлик қилишда соф ижодий жараёнларга билар-билмас аралаштиришга, ўз диди билан ёктириш ёки ёктирмасликка, ғоявий таъсир усуллари маъмуриятчилик қарорлари билан алмаштиришга йўл қўйиб бўлмади.

16. Пленум Марказий Комитетнинг Сиёсий бюросига Марказий Комитет аъзоларининг таклифларини эътиборга олиб, КПСС Марказий Комитети ва маҳаллий партия органлари аппаратида кадрлар ишини ташкил этишни

такомиллаштириш, ҳозирги замон кадрлар сиёсати проблемаларига оид назарий ва методологик ишланмаларни чуқурлаштириш юзасидан конкрет чора-тадбирларни амалга оширишни топширади. Министрликларда, идораларда, корхона, муассаса ва ташкилотларда кадрлар бўлимларининг иши тубдан яхшиланиши керак.

КПСС Марказий Комитети партия XXVII съезди йўл-йўриқлари ва ушбу қарор асосида кадрлар билан ишлашни яхшилаш юзасидан амалий чора-тадбирларни рўёбга чиқаришни партия комитетларига, совет органларига, министрликлар ва идораларга, ВЦСПС, ВЛКСМ Марказий Комитетига, бошқа жамоат ташкилотларининг раҳбар органларига тавсия этади.

* *
*

КПСС Марказий Комитетининг Пленуми Совет жамиятининг иқтисодий, социал ва маънавий соҳаларидаги ўзгаришлар тобора кучайиб, чуқурлашиб бораверишига қатъий ишонч билдиради. Коммунистлар, бутун совет халқи партиянинг ленинчи ички ва ташқи сиёсатини, бошланган қайта қуришни астойдил қўллаб-қувватлаётганликлари, ўн иккинчи беш йиллик планларини муваффақиятли бажариш учун, Улуғ Октябрнинг 70 йиллигини муносиб кутиб олиш учун кенг қулоқ ёзган ватанпарварлик ҳаракати бунинг гаровидир.

Беш йилликнинг биринчи йилида эришилган натижаларни мустаҳкамлаш билангина қифояланиб қолмасдан, шу билан бирга олға бориш, экономикани ўстиришнинг узок муддатли омиллари тўлиқроқ ишга солиш, барча жабҳаларда салмоқли ижобий силжишларга эришиш зарур. Меҳнаткашларнинг энг кенг қатламларини сафарбар этиб, уларнинг ташаббускорлиги ва ғайрат-шижоатини социализмнинг битмас-туганмас имкониятларидан фойдаланишга, янгиланиш ва жадаллаштириш йўлини амалга оширишга қаратиш — ҳозир Совет Иттифоқи Коммунистик партиясининг сиёсий вазифасидир.

ТАЪЛИМ ВА ТАРБИЯ ЖАРАЁНИНИ ЯНГИЧА ҚУРАЙЛИК

Жамиятшуносларнинг республика кенгаши

1986 йил 17 январда Тошкентда жамиятшуносларнинг республика кенгаши бўлиб ўтди. Унда ижтимоий фанлар кафедралари мудирлари Бутуниттифок кенгашининг тавсияларини бажариш соҳасидаги вазифалар муҳокама қилинди. Кенгашда область партия комитетларининг секретарлари ҳамда фан ва ўқув юртлари бўлимларининг мудирлари, олий ўқув юртларининг ректорлари, партия ва комсомол ташкилотларининг секретарлари, ижтимоий фанлар кафедраларининг мудирлари, жамиятшунослик соҳасидаги илмий-тадқиқот институтларининг раҳбарлари, етакчи жамиятшунос олимлар, идеология министрликлари ва идораларининг раҳбарлари, оммавий ахборот ва пропаганда органларининг вакиллари катнашдилар.

Кенгашни Ўзбекистон Компартияси Марказий Комитетининг биринчи секретари **И. Б. Усмонхўжаев** кириш сўзи билан очди. Ўзбекистон Компартияси МК иккинчи секретари **В. П. Анишчев** доклад килди.

Музокараларда Ўзбекистон ССР Олий ва ўрта махсус таълим министри М. С. Салоҳиддинов, Ўзбекистон Компартияси МК ҳузуридаги Партия тарихи институтининг директори Х. Т. Турсунов, республика маориф министри О. С. Аббосова, тарих фанлари доктори, профессор Б. В. Лунин, Ўзбекистон ССР Фанлар Академиясининг вице-президенти Э. Ю. Юсупов, Тошкент кишлоқ хўжалик институтининг кафедра мудир В. М. Бикрицкий, Андижон медицина институтининг профессори К. М. Наринский, Тошкент тўқимачилик ва енгил саноат институтининг ректори Б. Ғ. Қодиров ва бошқалар сўзга чиқдилар.

Кенгашда КПСС МКнинг масъул ходими В. И. Ланцов нутқ сўзлади. Кенгаш ишида Р. Х. Абдуллаева, В. А. Головин, П. В. Догонкин, А. С. Икромов, Ғ. Х. Қодиров, Р. Н. Нишонов, В. И. Огарок, Х. А. Алимова, Б. Ф. Сатин, В. А. Хайдунов, Ғ. З. Заҳриддинов, Қ. Х. Маҳамадалиев, В. В. Сударенков ўртоқлар иштирок этдилар.

Ўзбекистон Компартияси Марказий Комитетининг биринчи секретари И. Б. УСМОНХЎЖАЕВ НУТҚИ

Ўртоқлар!

Ўтган йилнинг октябрь ойида бўлиб ўтган ижтимоий фанлар кафедралари мудирларининг Бутуниттифок кенгаши ғоявий-назарий жабҳани активлаштиришга катта куч бахш этди. КПСС Марказий Комитетининг Бош секретари М. С. Горбачев ана шу кенгашдаги нутқида қайта қуриш ижтимоий онғни, марксча-ленинча тафаккурнинг ижодий куч-ғайратларини активлаштиришни жадаллаштириш концепциясининг назарий бойликларидан ҳар томонлама фойдаланишни, проблемаларни ҳал этишга янгича ёндашишни изланишни тақозо этаётганлигини алоҳида таъкидлади.

Кенгаш ҳужжатларида КПСС XXVII съездининг халқни ғоявий-сиёсий жиҳатдан тарбиялаш, марксизм-ленинизм соҳасида илмий тадқиқотлар самарадорлигини ошириш хусусидаги йўл-йўриқлари янада чуқур ривожлантирилди. Биз ана шу йўл-йўриқлар асосида **ижтимоий фанлардаги ишларнинг аҳволини таҳлил этиб, Ўзбекистон коммунистлари, меҳнаткашлари олдида турган вазифаларни ҳал этишда ижтимоий фанлар ролини ошириш чоратadbирларини белгилаб олишимиз керак.**

Бу кенг кўламли ва мураккаб вазифалардир. Республика партия ташкилоти куч-ғайратини халқнинг ижодий кучларини сафарбар этишга, экономика ва маданиятни ривожлантиришда янги марраларга чикиб олишга қаратмоқда. Сўнгги йилларда республикада салбий ҳодисаларга қарши кураш, партия, совет, хўжалик органларини турли қаллоблардан, юлғичлардан, порахўрлардан тозалаш борасида катта иш қилинди. Бу жараён давом этмоқда ва уни коммунистлар, барча меҳнаткашлар батамом қўллаб-қувватламоқдалар.

Кадрлар батамом янгиланмоқда. Партияга садоқатли юзлаб янги, ҳалол ва камтар кишилар партия, совет, давлат, хўжалик ишларига кўтарилди. КПСС Марказий Комитети кадр сиёсатини олиб боришда республикага катта ёрдам кўрсатаётгани ҳақида бир неча бор гапириб ўтдик.

Ўзбекистон Компартияси Марказий Комитети бюросининг таклифига биноан, доимий ишлаш учун Ўзбекистон ССРга РСФСР марказий областлари, Украина, Белоруссия ва бошқа республикалардан ишлаб чиқаришда пухта чиниккан, зарур сиёсий ва интернационал хислатларга эга бўлган ходимлар юбориш практикаси давом эттирилади. Бошқа томондан эса, кейинчалик республикада фойдаланиш мақсадини кўзлаган ҳолда ўзбекистонлик ўсиб келаётган ва истикболли ходимларни КПСС Марказий Комитети, СССР Олий Совети Президиуми ва Министрлар Совети, ВЦСПС, ВЛКСМ Марказий Комитети аппаратида, иттифок министрликлари ва идораларига кўтариш янада актив олиб борилади. Партия ходимларини мамлакат бошқа регионларининг партия комитетларида 1—2 йил мобайнида стажировкада бўлиши ҳам кўзда тутиляпти. Олий партия мактабларига тингловчилар қабул қилиш, уларнинг географияси кенгайди. Сўз саноат, қурилиш, кишлоқ хўжалиги корхоналари, ташкилотлари директорларини, бош мутахассисларини, цех бошлиқларини ва бошқа раҳбар ходимларни мамлакатнинг илғор корхоналарида стажировкадан ўтишлари ҳақида ҳам боряпти. Ўзбекистон ССР ва бошқа иттифокдош республикалар олий ўқув юртларини битирган ёш мутахассисларни айирбошлаш кўпаяди. Қардош республикалар ёрдамида туб ерли миллатдан индустриал ишчилар синфи кадрларини, айниқса фан-техника тараққиёти ютуқларини татбиқ этиш билан боғлиқ ихтисослар бўйича, тайёрлаш соҳасида йирик кўламли тадбирлар белгиланган. Саноат, қурилиш, кишлоқ хўжалиги ишчиларидан ҳар йили 10 мингга яқинини стажировкага юбориб туриш ҳам белгиланмоқда. Бу ерда улар юқори малака олибгина қолмай, шу билан бирга ҳақиқий интернационал жиҳатдан тобланадилар ҳам.

Ана шу масалаларга бағишланган мактубимизни КПСС Марказий Комитетининг Сиёсий бюроси маъқуллади, киритилган таклифларни амалга оширишга оид ишлар бошлаб юборилди, бунда республикага бутун партия, бутун мамлакат ҳақиқатда жуда катта ёрдам кўрсатяпти. Ўзбекистон коммунистлари, меҳнаткашлари бу ёрдамни совет халқлари дўстлиги ва қардошлигининг, жамиятимиз бузилмас бирлигининг янги кўриниши, амалдаги чинакам ленинча интернационализм деб баҳоламоқдалар.

Бунга жавобан республика ишчилари, колхозчилари, зиёлилари партия режаларини бажариш учун, умумиттифок меҳнат тақсимоотида Ўзбекистон ССР ҳиссасини кўпайтириш учун курашда кучга-куч, ғайратга-ғайрат қўшмоқдалар. Ўтган йили саноат ишлаб чиқариши ҳажми 5,8 процент кўпайди. 1985 йилдагига нисбатан кўпроқ микдорда сабзавот, картошка, узум етиштирилди, пилла сотиш кўпайди. Чорвачилик маҳсулотлари тайёрлаш планлари бажарилди. Умумиттифок фондига кишлоқ хўжалиги маҳсулотларини етказиб бериш кўпайди.

Шу билан бирга, қайта қуриш сусти, қийинчилик билан бормоқда. Экономика тараққиётида туб бурилиш бўлгани йўқ. Агар бизда ҳар бир кишига бир йилда салкам бир минг икки юз сўмлик миллий даромад тўғри келаётган

бўлса, умуман олганда СССР бўйича бу миқдор икки минг сўмликдан ошади. Пахта, дон етиштириш планлари, капитал курилиш топшириклари бажарилмай қолди. Уй-жой проблемаси ўткирлигича қолмоқда. Маиший турмуш соҳасида, айниқса қишлоқда ҳал этилмаган масалалар кўп. Идеология ишида камчиликлар ва нуқсонлар оз эмас, бу ҳақда биз Марказий Комитетнинг III пленумида батафсил гаплашиб олдик.

Буларнинг ҳаммаси турмушнинг идрок этишни такозо қиладиган реал зиддиятларидир. Республикамизда ўн мингга яқин жамиятшунос ишлаб турибди. Улар илмий-педагогик потенциалимизнинг анча қисмини ташкил этадилар. Республиканинг маънавий ривожланишини кўп жиҳатдан белгилаб берадиган энг муҳим идеология, сиёсий-тарбиявий фаолият соҳаси уларга ишониб топшириб қўйилган. Уларнинг орасида пухта ўйлаб иш тутадиган тадқиқотчилар, ёшларнинг тажрибали мураббийлари оз эмас.

Шу билан бирга, институтлар ва кафедраларнинг иши давримиз талабларига ҳали мос эмас. Хом илмий асарлар, оддий ҳақиқатни такрорлаш учрамоқда. Кадрлар кексайиб бормоқда. Фан докторлари етишмаяпти.

Умумиттифок проблемаларини ишлаб чиқишда бизнинг жамиятшуносларимиз кам қатнашмоқдалар. «Вопросы истории КПСС», «Вопросы философии», «Научный коммунизм», «Вопросы экономики», «Советское государство и право» журналлари саҳифаларида кам иштирок этмоқдалар.

Холбуки, республикаимизнинг илмий-педагог кадрлари назарий тафаккурни ривожлантиришга қодирдирлар. Бунинг учун нима қилмоқ керак?

Энг аввало, улар ижтимоий фанлар кафедралари мудирларининг Бутуниттифок кенгаши тавсиялари асосида ўз вазифаларини аниқ белгилаб олишлари лозим. Кенгашимизда ана шу темада доклад бўлади. Сизларнинг эътиборингизни қуйидагиларга қаратмоқчиман.

Биринчидан, ҳар бир институтда, ҳар бир кафедрада жўшқин меҳнат ва изланиш вазиятини вужудга келтириш, мунозаралар ва муҳокамалар методини қайта тиклаш, ўз меҳнати натижалари учун олимларимизнинг жавобгарлигини ошириш керак.

Иккинчидан, устун йўналишларни ишлаб чиқиб, барча кучларни ана шу йўналишларга жамлаш, жамиятшунослик тадқиқотларини партия, совет, хўжалик, идеология ташкилотларининг иши билан мустаҳкам боғлаб олиб бориш лозим. Аввало, республикаимизнинг мамлакатимиз яхлит халқ хўжалиги комплексига, умуммиллий маънавий маданиятга қўшадиган ҳиссасини кўпайтиришга қаратилган назарий ва амалий хулосалар зарур. Масалан, республика партия ташкилотининг коммунистлар авангардлик ролини ошириш, меҳнат ресурсларидан оқилона фойдаланиш борасидаги фаолияти, социал-синфий структура ҳамда миллий муносабатлардаги ўзгаришлар, салбий ҳодисаларни барторлаф этиш йўллари, айниқса қишлоқда турмуш маданиятини ошириш, социалистик турмуш тарзини мустаҳкамлаш каби масалаларни ишлаб чиқиш фоят муҳим аҳамиятга эгадир.

Атеистик тарбия масалалари алоҳида эътибор беришни талаб қилади. Диний саркитларга қарши курашда республикамизда жиддий камчиликлар мавжуд. Диний байрамлар ўтадиган кунларда ибодат қилувчилар миқдори камаймаяпти. Идеология кадрларига атеистик ишларни яхшилаш юзасидан илмий жиҳатдан асосланган тавсияномалар керак.

Буржуа идеологиясига қарши курашда ҳужумкорликни ошириш лозим. Ҳозирча бу кураш оператив олиб борилмаяпти. Фанлар академиясининг «Чет эл адабиёти Ўрта Осиё республикалари ва уларга чегарадош мамлакатлар тўғрисида» бюллетенида бундан 3—4 йил муқаддам чиққан китоблар ва мақолалар обзори берилмоқда. Одамларда ижтимоий ҳодисаларга аниқ синфий позициядан туриб баҳо бериш қобилиятини тарбиялаш, совет турмуш тарзини актив пропаганда қилиш лозим.

Жамиятшуносларнинг бешдан тўрт қисми олий ўқув юртларида меҳнат қилмоқда. Мутахассислар тайёрлаш ва тарбиялаш сифати уларга ҳал қилувчи даражада боғлиқдир. Биз В. И. Лениннинг **замонавий билимга эга бўлган одамлар бўлмаса, «коммунизм фақат истаклигича қолаверади»**, деган гапларини ҳамиша ёдда тутишимиз лозим.

Ҳозир республика олий ўқув юртларида 292 мингга яқин киши таълим олмоқда. Бирок кадрлар тайёрлаш ишида ҳамма нарса кўнгилдагидек эмас. Ўтган йили олий ўқув юртларидан салкам 15 минг киши ҳайдалди. Олий ва ўрта махсус таълим министрлиги ўқув юртларини битириб чиққанларнинг 42 проценти январь ойигача ўзлари тайинланган жойга ишга бормади. Бунда ижтимоий фанлар кафедралари ишидаги камчиликларнинг таъсири ҳам бор.

Ҳозир ёшлар билан иш олиб боришда ташаббускорлик, янгича ёндашувлар керак. Ҳар бир студентни мустақил фикр юритишга, ўз эътиқодини ҳимоя қилишга ўргатиш лозим. Бунинг учун эса ўқитувчининг ўзи кенг билимли, юксак маданиятли ва маънавий фазилатли одам бўлиши керак.

Партия ташкилотлари таълимнинг дунёқарашга онд мазмуни ва методологиясига алоҳида эътибор беришлари керак. Таълим беришда проблемалилик элементларини кучайтириш, ҳар бир машғулоти ҳаёт нафаси билан тўлдириш лозим.

Ижтимоий фанлар кафедралари студентларнинг ғоявий ва маънавий кифоаси учун жавобгардирлар, улар студентларни фан ютуқларини социалистик таракқиётни жадаллаштириш учун кураш билан бирлаштиришга ўргатишлари лозим.

Октябрь революциясининг яқинлашиб келаётган 70 йиллиги ғоявий-сиёсий ишлар учун кенг майдон очиб беради. Бу партия билан халқнинг шонли меҳнат ва жанговар анъаналарини янада ишонтирарли пропаганда қилиш учун, ленинча миллий сиёсатнинг самараларини чуқур очиб бериш учун, ёшларни совет ватанпарварлиги ва социалистик интернационализм руҳида тарбиялаш ишларини янада кучайтириш учун ажойиб имкониятдир.

Хуллас, вазифа республикада ғоявий-назарий ва педагогик фаолиятни сифат жиҳатидан янги даражага кўтаришдан иборат.

Ўзбекистон Компартияси Марказий Комитети шунга қатъий ишонадики, мазкур кенгашимиз жамиятшуносларимизга ишни кучайтиришга, чуқурроқ ва олисрокка назар ташлашга, мутахассислар тайёрлашни яхшилашга, илғор ғоялар кучини олға томон ҳаракат қилиш практикаси билан бирлаштиришга имкон беради.

Ўзбекистон Компартияси Марказий Комитетининг иккинчи секретари В. П. АНИШЧЕВ ДОКЛАДИ

Ушбу кенгаш алоҳида, бурилиш даврида ўтмоқда. Бутун мамлакатимизда қайта қуриш, янгиланиш ва бунёдкорлик учун ҳар томонлама кураш авж олиб кетди. Бу — партия, унинг XXVII съезди ишлаб чиққан, мустаҳкам назарий пойдеворга — марксизм-ленинизмга таянувчи жадаллаштириш революцион стратегиясини татбиқ этиш учун курашдир.

Жамиятнинг жадаллаштириш стратегияси белгилаб берган янги сифат ҳолатига эришиш учун ижтимоий муносабатларнинг ҳамма соҳасини, бошқаришнинг форма ва методларини тубдан қайта қуриш талаб этилади. Бунда аввало иқтисодий ўсиш суръатларини ошириш, фан-техника таракқиёти негизда ишлаб чиқаришни ҳар томонлама интенсивлаш, экономикани структуравий қайта қуриш, меҳнатни бошқариш, ташкил этиш ва рағбатлантиришнинг самарадор формаларини жорий қилиш кўзда тутилади. Актив социал сиёсат олиб бориш, социал адолат принципини изчиллик билан қарор топтириш, сиёсий ва идеологик тартиботларнинг форма ва иш методларини такомиллаштириш, социалистик демократияни чуқурлаштириш, фаолиятсизлик, турғунлик ва консерватизмни дадил бартараф этиш, социалистик тузумнинг барча имконият ва афзалликларидан фойдаланиш ҳам зарурдир.

Ғоявий-назарий фаолиятни кучайтирмай, ривожланаётган социализмнинг ижтимоий муносабатларини такомиллаштириш борасидаги амалий тадбирларни илмий жиҳатдан пухта таъминламай туриб, совет жамиятининг сифат жиҳатдан янги ҳолатига эришишга қаратилган йўлни амалга ошириб бўлмайди. Шу сабабдан назарияда жиддий илгарилаш, янги ҳодиса ва жараёнларни чуқур англаб етиш, фаннинг жамиятдаги ролини дадиллик билан ошириш, мамлакатнинг интеллектуал, илмий потенциалидан самарали фойдаланиш биринчи даражали аҳамият касб этапти. Фундаментал ва амалий илмий тадқиқотларнинг интенсив ривожланишига эришмай, илмий ғояларни халқ хўжалигида моддийлаштиришдаги имиллашни бартараф этмай туриб мамлакат олдида турган вазифаларни бажариш мумкин эмас.

Бунинг учун амалиёт талаб-эҳтиёжларидан сезилаётган чекинишга сўзда эмас, балки амалда барҳам бериш, барча жамиятшунослар эътиборини ҳаёт воқелигига, ҳал қилиш устида партия иш олиб бораётган долзарб масалаларга қаратиш керак.

«Назариянинг практика билан алоқасини мустаҳкамлаш шунчаки бир умумий даъват эмас, — деди КПСС Марказий Комитетининг Бош секретари ўрток М. С. Горбачев. — Бу — жамиятшуносликни қайта қуриш калити, олимлар, ўқитувчилар ишининг принциpidир... Назария практикадан илдамрок бориши, ҳодисаларни кенгрок қамраб, чуқуррок назар ташлаши керак». Партия жамиятнинг революцион тарзда ўзгартириш манбаини назария ва практиканинг бирлигида, деб билади. Афсуски, жамиятшуносларимизнинг ишида шундай бирлик етишмайди ва бу ҳол улар фаолиятининг бутун даражасига муқаррар таъсир қилмоқда.

Совет жамияти ўз бошидан кечираётган бурилиш даври янада юксак даражадаги ижтимоий онгни, демак, янада юксак даражадаги идеологик ишларни ҳам тақозо этапти. Унинг ҳозирги босқичдаги марказий вазифаси кадрларнинг психологияси ва фикрлашини КПСС XXVII съезди ишлаб чиққан янги ёндашишлар руҳида қайта қуришдан ва партия ҳужжатларида олға сурилган новаторлик тақлифларини чуқур ўзлаштириш негизида барча эскириб қолган нарсалардан ҳалос бўлишдан иборатдир.

КПСС XXVII съездининг янги назарий қондалари билан бойитилган марксизм-ленинизм таълимоти мамлакатда юз бераётган ўзгартишларга мувофиқ келувчи ижтимоий онгни шакллантиришнинг ғоявий ўзаги бўлиб хизмат қилади.

КПСС Марказий Комитетининг Сиёсий доклади, партиянинг янги таҳрирдаги Программаси ва КПСС XXVII съезди қабул қилган бошқа ҳужжатлар, партия Марказий Комитетининг «Коммунист» журнали ҳақидаги қарори жамиятимизнинг ғоявий потенциалини бойитади, бутун идеология ишини яхшилашга ёрдам беради. Ижтимоий фанлар партияга унинг сиёсатини ишлаб чиқишда, амалга оширишда, унинг кўрсатмаларини пропаганда қилишда ёрдам беришлари керак.

В. И. Ленин қайд этиб ўтганидек: «энди назария амалиётга айланадиган, амалиёт билан жонланадиган, амалиёт билан тузаладиган, амалиётда синаладиган тарихий пайт келганлиги» ҳақидаги қоида (Тўла асарлар тўплами, 35-том, 223-бет) ҳозир ҳар қачонгидан ҳам актуал эканлигини КПСС XXVII съезди таъкидлаб ўтди.

Ижтимоий фанлар партияга сиёсий йўлни ишлаб чиқишда ёрдам бераркан, шу билан жамиятимизнинг социал-иқтисодий, сиёсий ва маданий ривожланишига имконият яратадилар.

Партия XXVII съездининг стратегик қарорларига асосан жамиятшунослар олдида социалистик жамият ривожланиши диалектикасини бутун қийинчиликлари, мураккабликлари ва зиддиятлари билан биргаликда чуқур тадқиқ этиш, халқ хўжалигини интенсив ривожлантириш йўли ва воситаларини ишлаб чиқиш, ишлаб чиқариш самарадорлигини ошириш, социализмнинг асосий принципларини ва аввало коллективизм, интернационализм ва социал адолат принципларини янада мустаҳкамлаш ва ривожлантириш вазифаси турибди. Уни ҳал этиш учун жамиятшунослар ишини тубдан қайта қуриш талаб қилинади. Бунда гап бу ишнинг айрим қирралари устида эмас, балки ҳамма

кирралари — илмий тадқиқот, педагогик, ғоявий-тарбиявий жихатлар ҳақида боряпти. Ҳозирги шарт-шароитда ижтимоий фанларни ўқитиш сезиларли мураккаблашди, эскирган тасаввурлардан, ишнинг яроксиз услуб ва методларидан дадил воз кечиш керак.

Янги талабларга дадил юз ўгириш, ҳаёт ва амалиёт эҳтиёжларидан жиддий ажралиб қолганликни, консерватизм ва догматизмни бартараф этиш, барча янги ва илғор жихатларни татбиқ этиш — жамиятшуносларимиз ишини қайта қуришнинг бош шарти ана шулардан иборатдир.

Илмий-тадқиқот ишини янги вазифалар даражасига кўтарайлик

КПСС XXVII съезди илмий тадқиқотлар самарадорлиги ва сифатини оширишни, уларни янада ривожлантиришни, жадаллаштириш ва натижаларни халқ хўжалигига кенг татбиқ этишни, фан ва ишлаб чиқариш алоқаси кучайишини таъминловчи тадбирларнинг кенг программасини ишлаб чиқди.

Республикада жуда катта илмий потенциал яратилдики, у жамиятшуносликнинг энг актуал ва мураккаб вазифаларини ҳал қилишга, Ўзбекистонни социал-иқтисодий ва маданий ривожлантиришни жадаллаштиришга қўшади-ган ҳиссасини оширишга имкон беради. Ҳозирги вақтда республикада ижтимоий фанлар соҳасида 10 минг киши ишляпти, улар орасида 350 фан доктори ва 4,5 минг фан кандидати бор. Жамиятшунослар илмий кадрлар умумий сонининг учдан бир қисмини ташкил этади. Ижтимоий фанларга оид 200 кафедрада салкам 2 минг жамиятшунос ўқитувчи, шу жумладан, 90 фан доктори, профессор ва бир мингдан ортиқ фан кандидати, доцент ишламоқда.

Кейинги йилларда республика жамиятшунослари муайян ишларни амалга оширдилар. Тарихчилар Ўзбекистон Компартиясининг тарихига, республикада социализм қурилиши ва ривожланишига оид, Ўзбекистон меҳнаткашларининг Улуғ Ватан урушида иштирок этишлари тўғрисида бир қанча асарлар яратишди. Философлар социал ва миллий муносабатларни ривожлантириш, материалистик диалектика назарияси масалалари юзасидан тадқиқотлар ўтказишмоқда. Экономистлар Ўзбекистон ишлаб чиқарувчи кучларини ривожлантириш ва жойлаштириш масалаларини тадқиқ этмоқдалар. Тарихшунослик, ҳуқуқшунослик, тил ва адабиёт соҳалари ҳамда ижтимоий фанларнинг бошқа қўпгина йўналишларида муайян ишлар амалга оширилмоқда.

Жамиятшунослар томонидан кейинги йилларда уч томлик «Ўзбекистон ССР Улуғ Ватан уруши йилларида» монографияси ва «Ўзбекистоннинг Совет ҳокимияти йилларида социал-иқтисодий тараққиёти», «В. И. Ленин ва Ўрта Осиё», «Ленин мероси ва Улуғ Октябрь тарихи методологияси масалалари», «Тошкент воҳасида шаҳар маданиятининг туғилиши ва ривожланиш босқичлари» китоблари, ўзбек тилининг икки томли изоҳли луғати ва бошқа асарлар нашр этилди. Малакали илмий-педагогик кадрлар тайёрлашда баъзи бир муваффақиятларга эришилди.

Умуман олганда эса ижтимоий фанларни ривожлантиришнинг аҳволи ҳозирги замон талабларига ҳали жавоб бермаяпти. Республика олимлари партия XXVII съездининг жамиятшунослик практиканинг конкрет эҳтиёжларини кенг камраб олиши, олимларнинг ҳаётда юз бераётган ўзгаришларга сезгир муносабатда бўлишларига қаратилган кўрсатмалари бажарилишини ҳануз таъминламаганлар.

Жамиятшуносларимиз республика ва регионнинг социал-иқтисодий ривожланиши учун ҳали масъулият ҳис этмаяптилар, жадаллаштириш стратегияси, фан-техника революцияси назария ва практикаси, социал-синфий ва миллатлараро алоқалар динамикаси, демократия ва ўз-ўзини бошқаришни ривожлантириш, планлаштириш ва бошқариш механизмларини такомиллаштириш, янги кишини шакллантириш жараёни проблемаларига эътиборни жамламаяптилар.

Порахўрлик, социалистик мулкни ўғирлаш, чайковчилик, мешчанлик, уруғ-аймоқчилик, маҳаллийчилик, социал адолат нормаларини бузиш каби ва бошқа антисоциал ҳодисаларнинг илдишларини ўрганиш жамиятшунос олимлар эътиборидан четда қоляпти. Диннинг ғносеологик, социал-сиёсий илдишларини, янги кишини шакллантириш жараёнига унинг салбий таъсирини очиб берувчи, шунингдек, меҳнаткашларни атеистик тарбиялашнинг форма ва методларини такомиллаштириш масалаларига доир асарлар йўқ.

Бугунги кунда жамиятшунос олимларнинг Ўзбекистон ва Совет Шарқи бошқа республикалари халқларининг ўтмиши ва ҳозирги кунини қасддан бузиб кўрсатувчи буржуа «советшунос»ларининг ғайринилмий ва халққа қарши фаолиятини фош қилишга доир ишлари ҳам бизни қониқтира олмайди.

Энг муҳим проблемаларни чуқур ишлаб чиқиш ўрнига кўпинча ҳаммага маълум ҳақиқатни такрорловчи ва реал қимматга эга бўлмаган «илмий» маҳсулот берилмоқда. Масалан, «Фан» нашриёти ўтган йили 95 қўлёзмани ёпик тақриз учун юборган эди, уларнинг 62 таси, ёки учдан икки қисми салбий тақризга сазовор бўлди.

Республика олимларининг баъзи асарларида бир қатор тарихий воқеаларга баҳо беришда партиявий, синфий принциплардан чекинишга йўл қўйилди. Ўзбекистон Компартияси Марказий Комитетининг III пленумида бу ҳақда принципиал гаплашиб олинди.

Жамиятшунослар ишини қайта қуриш ниятда сушт олиб борилмоқда, у олимлардан бир қисмининг тафаккуридаги консерватизмга, уларнинг ҳеч нарсани ўзгартирмай, эскичасига яшаш ва ҳаракат қилиш, воқеалар кетида судралиб қолиш одатига дуч келмоқда. Тафаккурнинг қолоқлиги, схоластика, догматизм кўпгина олий ўқув юртларида ижтимоий фанларни ўқитишдаги характерли хусусият бўлиб қоляпти.

Иқтисодчи олимларга ва сиёсий иқтисод соҳасидаги мутахассисларга нисбатан жуда жиддий эътирозларимиз бор. Республикада ҳозир экономика масалалари билан шугулланувчи 4 та илмий-тадқиқот институти, Бутуниттифок илмий-тадқиқот институтларининг 3 та филиали, меҳнатни илмий ташкил этиш иккита маркази, экономика олий ўқув юрти мавжуд. Уларда 2,5 мингдан кўпроқ киши ишламоқда. Бу жиддий илмий потенциал бўлиб, ундан самарали ва оқилона фойдаланилганда у республикани социал-иқтисодий ривожлантиришни жадаллаштириш вазифаларини ҳал қилиш йўлида кўп нарса қилиши мумкин эди. Ҳолбуки, ана шу кўп сонли иқтисодчилар фаолиятининг самарадорлиги жуда пастлигича қолмоқда.

Улар энг муҳим халқ ҳўжалик проблемаларини ҳал қилишни, хусусан, тармоқлараро ва территориял-ишлаб чиқариш комплексларини шакллантириш ва ривожлантириш соҳасида, агросаноат комплекси тармоқларини балансли ривожлантиришга доир пландан олдинги ишланмаларни илмий асослашни таъминламаяптилар.

Пахта комплексини ривожлантириш проблемалари кўп йиллардан буён натижасиз муҳокама қилиб келинмоқда. Ўзбекистон ССР Фанлар академияси Экономика институтида иқтисод фанлари доктори А. Сафоев раҳбарлигидаги олимлар группаси қарийб йигирма йилдан буён пахта комплексининг иқтисодий ва ҳуқуқий масалалари соҳасида ишлаб келмоқда. Шунча вақт ичида тоғ-тоғ қоғозлар ёзиб ташланди, кўп конференциялар ўтказилди, монографиялар нашр этилди, аммо энг асосий нарса — амалий натижалардан дарак йўқ.

Республикада ўнлаб илмий муассасалар меҳнат проблемалари ва меҳнат ресурслари муаммолари билан шугулланиб келмоқда. Булар республика Фанлар академиясининг ишлаб чиқарувчи кучларни ўрганувчи кенгаши (С. К. Зиёдуллаев) ва Экономика институти (А. Ҳ. Ҳикматов), Ўзбекистон ССР Госплани ҳузуридаги Экономика институти (В. А. Осьминин) ва Меҳнатни илмий ташкил этиш ҳамда меҳнат ресурсларини бошқариш марказий институти-нинг Ўзбекистон филиали (А. А. Абдуғаниев), Ўрта Осиё кишлққ ҳўжалиги экономикаси илмий-тадқиқот институти (С. К. Усмонов), Халқ ҳўжалиги институти, шунингдек, институтлардаги кафедралар ва бир неча ўнта идоравий бўлинмалардир. Улар меҳнат проблемалари ва меҳнат ресурслари муаммолари билан кўп йиллардан бери шугулланиб келмоқдалар, ана шу масала —

республикадаги энг кескин масалалардан бири бўлсада, хануз уни ҳал этиш йўллари масаласида жавоб топа олмай келадилар.

Хаёт иқтисодий назарияни чуқур ривожлантиришни ва аввало унинг ишлаб чиқарувчи кучлар ва ишлаб чиқариш муносабатлари ривожланишининг диалектикаси, централизм ва мустақилликнинг қўшиливи, кооперация ва ҳўжалик ҳисоби ҳақидаги ленинча ғояларни ҳўжалик юритишнинг замонавий шароитига татбиқ этиш каби туб проблемаларини таҳлил қилишни қатъий талаб этипти.

Фан-техника таракқиёти, экономикани, меҳнатни бошқариш, ташкил этиш ва рағбатлантиришнинг самарали формаларини структура жиҳатидан қайта куриш асосида ишлаб чиқаришни ҳар томонлама интенсивлаш шароитида иқтисодий ривожланиш суръатлари, ўсишдаги янгича сифат проблемалари батафсил анализга муҳтож бўлиб қолди.

Социализм даврида бир бутун, кучли социал сиёсат, социал соҳага янгича ёндашишлар активлашуви ғояларини, моддий ва маънавий ҳаётни яхшилаш йўллари ва воситаларини, социал адолат принципининг моҳиятини ёритувчи фундаментал асарлар яратиш зарур. Иқтисодий назария ва сиёсатнинг ана шу ва бошқа ақтуал масалаларини илмий ишлаб чиқиш иқтисодий практика, ҳўжалик экспериментларини анализ қилиш ва умумлаштириш асосида олиб борилиши ҳамда фан-техника таракқиётини жадаллаштиришга, экономика самарадорлигини оширишга, иқтисодий ўсишнинг барча резервларидан фойдаланишга, меҳнаткашларнинг ҳўжалик юритишни такомиллаштиришдан, халқ бойлигини кўпайтиришдан манфаатдорлигини кучайтиришга қаратилиши лозим.

КПСС XXVII съезди социализмни такомиллаштириш вазифаларини муваффақиятли ҳал этиш ана шу жараённинг битмас-туганмас резерви сифатида инсон омили ролини ошириш билан боғлиқ эканлигини таъкидлади. Бунда ҳамма имкониятлардан — иқтисодий, маънавий, ижодий имкониятлардан, буржуа идеологияси, майда мулкдорлик психологияси ва бошқа салбий ҳодисаларга қарши изчил курашдан фойдаланиш лозим. Буларнинг ҳаммаси аввало фалсафий фанлар диққат марказида туриши керакки, уларнинг асосий амалий мақсади омманинг дунёқараш, ғоявий-сиёсий тарбиясидир.

Холбуки, фалсафий тадқиқотларнинг ҳозирги аҳволи катта ташвиш туғдирмоқда. Бизда социалистик жамиятдаги реал зиддиятларни ва уларни ҳал этиш механизмини, хусусан, бир томондан, коллективизм принциплари, социалистик турмуш тарзи негизлари билан, иккинчи томондан, хусусий мулкчилик муносабатлари қолдиқлари, майда буржуа психологияси ва диндорлик рецидивлари ўртасидаги зиддиятни очиб берувчи жиддий фалсафий асарлар йўқ.

Замонавий шароитда социал адолат принципини, социализмнинг социал қадриятларини қарор топтиришга бағишланган асарлар йўқдир. Миллий муносабатлар ривожланиши, уларнинг социал-синфий структурага, миллий ва интернационал жараёнларнинг бориши ва мундарижасига таъсири жуда юзаки савияда тадқиқ этиляпти.

Ҳозир Ўзбекистонда энг юқори даража ва унвонларга эга бўлган 650 дан зиёд философ ишламоқда. «Вопросы философии» Иттифоқ журнали республика философларига ўз асарлари билан алоҳида сон тайёрлаш имконини берганда, у барбод бўлди — олимларимиз мақолаларининг мутлақ кўпчилиги талабларга мос келмайди, деб рад қилинди. Қайта-қайта қайтариш ва устида ишлашлардан сўнг бир нечтагина мақола эълон қилинди, холос. Ахир, гап етакчи философияримиз ҳақида бораётган экан, республикада умуман фалсафий тадқиқотлар савияси ҳақида нима дейиш мумкин?

Кейинги беш йил ичида мамлакатнинг марказий нашриётларида фило-софларимизнинг амалда биронта ҳам индивидуал ёки коллектив монографияси босиб чиқарилмади, марказий журналлар ҳам уларнинг ишларини қабул қилмаяпти.

Айни Ўзбекистон философлари мамлакатда аҳоли состави бўйича энг кўп миллатли бўлган республикамиз мисолида миллий муносабатларни ри-

вожлантириш проблемаларини ўрганишда, ислом проблемаларини тадқиқ қилишда етакчи роль ўйнашлари керакдек эди. Амалда эса бундай бўлмапти. Илмий атенизм бўйича мамлакатда мавжуд олий малакали мутахассисларнинг ярмидан ортиғи республикамизда жамланган бўлса-да, уларнинг фаолияти кам самарали бўлиб, диний саркитларни бартараф этишга доир чуқур, илмий асосланган тавсиялар бермадилар.

Шуни дангал айтиш керакки, бизнинг философларимиз республика партия ташкилоти ҳал этаётган проблемалардан ҳали жуда чеккада турибдилар. Ишчилар синфининг миллий кадрларини шакллантириш масалалари, фан-техника тараққиётининг социал проблемалари, меҳнатга ҳақиқий социалистик муносабат юзага келиши, обивателлик ва мешчанлик кайфиятлари, истеъмолчилик психологияси илдиэларини, жиноятчилик, ичкиликбозлик ва алкоголизм сабабларини очиб ташлаш, диний саркитларни бартараф этишда, материалистик қарашларни, коммунистик эътикодни, янгича тафаккур услубини қарор топтиришда янги совет маросимларидан ва анъаналаридан фойдаланиш масалалари уларнинг диққат марказидан четда қолмокда.

КПССнинг XXVII съезди мамлакатдаги ишлар аҳволини чуқур ва ҳар томонлама анализ қилди, социалистик система ва социалистик ахлоқ кадриятлари моҳиятига зид бўлган салбий ҳодисаларнинг сабабларини очиб ташлади. Салбий ҳодисалар Ўзбекистонда айниқса ўткир формалар касб этган ва тарқалган эди. Ўзбекистон Компартияси Марказий Комитетининг XVI пленуми, республика Компартиясининг XXI съезди уларни ҳар томонлама анализ қилиб, тағ-томири билан тугатиш йўлларини белгилади. Философларимиз ҳам умумий декларациялардан қочиб, салбий ҳодисалар сабабларини чуқур очиб беришлари, партия органларига амалда ёрдам бера оладиган конкрет, асосли тавсиялар беришлари керак.

Қайта қуриш жараёнида гоёлар, психологик йўл-йўриқларнинг муросасиз қураши, эскилик ва янгилик ўртасида қураш боради. Прогрессив, энг яхши жиҳатларни изланишга аввало партия тарихига оид фан бўйича мутахассислар бошчилик қилишлари даркор. Партия қурилиши, идеология ишига доир барча масалаларни ҳал қилишда улар партия органларининг энг яқин ёрдамчилари бўлишлари керак.

Ўзбекистон Компартияси Марказий Комитети ҳузуридаги Партия тарихи институти, Олий партия мактаби, олий ўқув юртларининг КПСС тарихи кафедралари партия тарихига оид проблемалар билан шуғулланмокда. Уларда 659 нафар мутахассис ишламокда.

Лекин ҳозирча уларнинг тадқиқотлари ҳаёт эҳтиёжларидан, ҳўжалик ва маданий қурилишга партия раҳбарлиги практикасидан ажралиб қоляпти. Ўзбекистон Компартиясининг ҳозирги шароитдаги фаолиятини ёритувчи кўпгина асарлар партиявий ҳужжатларни умумий ва юзаки шарҳлаш, ўз билишича танланган, фақат ижобий статистика асосида санаб ўтишдан, ўткир масалаларни четлаб ўтишга интилган ҳолда узундан-узоқ қайта хикоя қилишдан иборат бўлиб қолган. Илмий таҳлил ўрнини баландпарвоз декларациялар, ишнинг ҳақиқий аҳволини яширувчи кўпдан-кўп цитаталар, сафсата-бозлик эгаллаб олган.

Ўзбекистон Компартияси Марказий Комитети ҳузуридаги Партия тарихи институти ва ТошДУнинг ихтисослаштирилган кенгашларидагина кейинги ўн йилнинг ўзида республика партия ташкилотининг қишлоқ ҳўжалигига раҳбарлиги мавзусида 20 дан ортиқ докторлик ва кандидатлик диссертациялари ҳимоя қилинди. Ана шу тадқиқотларда мазкур соҳадаги иш аҳволини яхшилашга доир конкрет таклифлар, тавсиялар мавжудми? Йўқ, улар муваффақият ва ютуқларга мадҳиялар ўқиш, мактовлар ёғдириш билан тўлган.

Партия тарихига оид фан ва бошқа ижтимоий фанлар амалий вазифаларни ва асосли социал-иқтисодий прогнозлашни ҳал қилишда республикадаги партия, совет ва ҳўжалик органларининг ишончли ёрдамчилари бўлишлари керак. Тўрт йил олдинок ижтимоий фанлар соҳасидаги тадқиқотларнинг амалий йўналишини қучайтириш вазифаси қўйилган эди. Ўшандан бери аҳвол яхшилангани йўқ. Ваҳоланки область, шаҳар, район партия комитетлари

Фанлар академияси, Ўзбекистон Компартияси Марказий Комитети ҳузуридаги Партия тарихи институти, Олий ва ўрта махсус таълим, Маориф министрликлари, ВАСХНИЛ Ўрта Осиё бўлими, министрлик ва идоралар, республикадаги бошқа идеологик муассасалар билан ҳамкорликда ижтимоий фанлар, аввало иктисодий фанлар соҳасидаги назарий ва методологик тадқиқотларнинг янада юқори савияда бўлиши билан бир каторда амалий йўналишни ҳам таъминлашлари лозим эди. Ана шу ташкилотларнинг барчаси ниҳоят иш аҳолини тубдан яхшилаш, ҳаёт эҳтиёжларидан ажралиб қолинганликни бартараф этишга доир катъий чора-тадбирлар кўришлари керак.

Бунинг учун социологик тадқиқотларни ҳам кенг ривожлантириш керак. Ҳозирча улар Фанлар академиясида ҳам, олий ўқув юртлари системасида ҳам ибтидоий даражада турибди, ҳеч ким томонидан координация қилинмаяпти ва йўналтирилмаяпти. Ана шундай тадқиқотлар билан махсус шуғулланадиган, конкрет тавсия ва таклифлари билан совет, партия, хўжалик ташкилотларига амалий ёрдам берадиган эътиборли илмий бўлинмалар ташкил этиш пайти келди.

Эълон қилинадиган асарларнинг ғоявий-назарий ва илмий савиясини оширишга онд катъий чоралар кўриш зарур. Унчалик муҳим бўлмаган, ҳаёт талабларидан узок, юзаки, баъзида хато ва зарарли асарлар ҳамон босилиб чиқмоқда. Тошкент политехника институтида ишловчи тарих фанлари доктори А. Ўроловнинг ўз ишига муносабати илмий принципсизликка мисол бўла олади. 5 йил ичида у битта монографияни турли номда уч марта нашр эттирган. Улар ҳаммага маълум қондалар йиғиндисидан иборат бўлиб, республика саноати ривожланиш тарихининг ҳақиқатан муҳим бўлган биронта масаласи ёритилмаган. Тошкент халқ хўжалиги институтининг доценти Ш. Қаримовнинг «Ривожланган социализм шароитида студентларни коммунистик руҳда тарбиялаш» деган асарида ҳаммага маълум гаплар чалкаштирилган, китобхонларда нотўғри тасаввур ҳосил қилинган.

А. П. Панабергеновнинг «Қорақалпоғистон партия ташкилоти Совет ҳокимиятини мустаҳкамлаш ва халқ хўжалигини тиклаш учун курашда» китобида А. Тожимуротовнинг «Совет ҳокимияти йилларида Қорақалпоғистондаги иктисодий ўзгаришлар» асарида бутун-бутун бетлар сўзма-сўз кўчириб олинган, асар илмий жиҳатдан ҳам, ғоявий-назарий нуктаи назардан ҳам ҳар қандай танқиддан тубан туришини айтиб ўтирмасак ҳам бўлади. Афсуски, бундай фактлар ягона эмас.

Кам актуал, виждонан бажарилмаган, назарий ва ғоявий жиҳатдан паст, ҳаётдан ажралиб қолган илмий маҳсулотларни нашр этиш йўлига мустаҳкам тўсик қўйиш пайти аллақачон етиб келган.

Жамиятшуносларимиз қайта куриш, ишлаб чиқариш ва меҳнатни ташкил этишни такомиллаштиришнинг амалий масалаларини ишлаб чиқишга ҳисса қўишлари, партия комитетлари сиёсий, ташкилотчилик ва идеологик фаолиятининг форма ва методларини таҳлил қилишлари керак. Жамиятшунослар фаолиятидаги кўп нуксонлар илмий-тадқиқот асарларининг координацияси ҳолати билан изоҳланади. Ана шу жуда масъул ва муҳим иш ўз ҳолига ташлаб қўйилган. Натижада ижтимоий фанлар бўйича олиб бориладиган ишланмаларнинг сифати ва самарадорлигини кескин пасайтирувчи майда мавзулик, параллелизм ва қайтариқларга ҳозиргача барҳам берилмаган. Бундай ҳол кўпгина илмий тадқиқот институтлари ва олий ўқув юртларида мавжуд бўлган тематикани планлаштириш практикаси таъсирида ҳам юз берадики, уларда ўзаро кам боғланган ўнлаб йўналишлар асосий йўналишлар сифатида танланган бўлади. Ҳар бир олий ўқув юрти унинг халқ хўжалик, социал аҳамиятидан келиб чиқувчи устун йўналишга эга бўлиши керак.

Жамиятшунослар тадқиқотлари марказига социалистик жамиятнинг янги тарихий босқичда ривожланиш диалектикасини комплекс ўрганиш қўйилиши керак. Бу қуйидагилардан иборат бўлиши керак: социал-иктисодий ривожланишни жадаллаштириш ва совет жамиятининг сифат жиҳатидан янги ҳолатга ўтиши; сиёсий системани такомиллаштириш; социалистик ўз-ўзини бошқариш ва демократия; социалистик жамиятдаги зиддиятлар характери ва уларни ҳал этиш механизми; ҳозирги шароитда социал адолат принципини қарор топтириш;

кўп миллатли совет давлатчилигини мустаҳкамлаш ва ривожлантириш; фан-техника тараққиётининг социал ва иқтисодий проблемалари; жамиятни муттасил такомиллаштиришда инсон омили ролини оширишнинг барча жиҳатлари.

Ҳаёт эҳтиёжларидан узилиб қолганликни бартараф этиш, практика билан алоқа ўрнатиш, жадаллаштиришнинг энг муҳим проблемаларини тадқиқ қилишга изчил юз тутиш — жамиятшуносларимиз ишини қайта қуриш йўли ана шундан иборат.

Ижтимоий фанларни ўқитишни қайта қуриш вазифалари

Социал-иқтисодий ривожланишни жадаллаштириш вазифалари идеологик ишни қўйишга янгича ёндашишларни, унинг ташкилотчилик фаолияти билан ҳамбарчас бирлигини таъминлашни, конкрет ишларга йўналганликни кучайтиришни, амалиёт билан алоқасини мустаҳкамлашни такозо этади.

Бу тўлиқ ҳолда олий мактаб фаолиятига ҳам тааллуқлидир. Олий ва ўрта махсус таълим системасини қайта қуриш унинг самарадорлигини оширишнинг энг муҳим омили ҳисобланади. Қайта қуриш бошқа устун вазифалар билан бир каторда ана шу системада қўрилган салбий ҳодисаларни, турғунлик, ҳаёт талабларидан орқада қолиш элементларини бартараф этишга йўналтирилган.

Таълимнинг бутун системасини қайта қуриш вазифаси биринчи навбатда ўқитишни қайта қуришга тааллуқлидир. Бунда илмий-материалистик дунёқарашни шакллантирувчи ғоявий-тарбиявий иш олиб борадиган ижтимоий фанлар кафедраларига алоҳида роль ажратилган. Уларга бўлажак мутахассиснинг ахлоқий, ғоявий-сиёсий киёфаси, ҳар томонлама камол топган шахснинг тарбияси учун катта масъулият юкланади. Шунинг учун айни жамиятшунослик кафедралари қайта қуриш ҳаракатини бошқаришлари, унинг авангардида бўлишлари керак.

Айни вақтда олий ўқув юртларида ижтимоий фанларни ўқитиш системасида жиддий камчиликлар ва нуқсонлар мавжуд.

КПСС Марказий Комитетининг Бош секретари М. С. Горбачев ижтимоий фанлар кафедралари мудирларининг Бутуниттифок кенгашидаги нутқида жамиятшунослар шаънига адолатли таъна билдирди: «... Ижтимоий фанларни ўқитишнинг... мавжуд формалари, методлари биз догматизм, схоластика деб атаётган нарсага кўп жиҳатдан имкон бермоқда... Мантиққа зид манзара вужудга келди: ҳозирги илмий билишдаги энг мароқли ва қизиқарли бўлган инсон ҳамда жамият, уларнинг ривожланиш қонунари, зиддиятлари, синфлар кураши, янги дунё қурилиши, инсониятнинг идеалга интилиши, маънавий изланишлар ва ҳафсаланинг пир бўлиши, ҳақиқатга эришиш ва меҳнат бунёдкорлигининг қаҳрамонлиги кўпинча лекцияларда, қолаверса дарсликларда ҳам қандайдир зерикарли, сийқа, юзаки бир нарсага айлантириб қўйилмоқда».

Буларнинг бари жамиятшунослик фани ўқитилишининг ҳаёт эҳтиёжларидан олисдалиги, абстракт назариябозликка шўнғигани, алоҳида фан доирасида ўралашиб қолганлиги, мутахассислар дунёқарашини тарбиялаш учун масъулият сусайганлиги, тарбия жараёнининг ўзида иш ва сўзнинг фарқ этиши натижасида рўй берди.

Ана шу ва бошқа камчиликлар республикаимиз олий ўқув юртларининг ижтимоий фанлар кафедраларига ҳам хосдир. Ҳозиргача бу ерда қайта қуришнинг интенсив жараёни йўлга қўйилмаган.

Ҳозирги пайтда марксизм-ленинизм назариясини ўқитиш практика билан, бўлажак мутахассиснинг замонавий фан-техника революцияси, чуқур социал ўзгартишлар шаронтидаги меҳнат фаолияти билан боғлиқ бўлиши жуда ҳам муҳимдир.

Лекин олий ўқув юртларида ижтимоий фанларни ўқитиш аввалгидек практикадан, студент ёшларнинг сиёсий, иқтисодий ва ахлоқий маданиятини

шакллантириш долзарб проблемаларидан ажралиб қолган, унда ҳали кироатхонлик ва догматизм, расмийчилик ва реал турмушни юзаки тушунишлар кучли. Барча ижтимоий фанларни ўқитишда назариянинг асосий масалаларини практика билан, унинг барча зиддият ва проблемалари билан, социализмни такомиллаштириш йўлида салбий ҳодисаларга қарши кураш вазифалари билан узвий алоқада ёритиб боришнинг заифлиги муштарак ҳол ҳисобланади.

Сиёсий иқтисод кафедралари ўз ишини қайта қуришни йўл қўйиб бўлмайдиган даражада чўзиб юбордилар. Кўпгина ҳолларда социал-иқтисодий жадаллаштиришнинг устун йўналишлари билан бошқаларга қараганда кўпроқ боғланган бу фан ҳаёт реалликларидан батамом ажралган ҳолда, ҳозирги замоннинг актуал проблемаларини анализ қилмасдан туриб ўқитилмоқда.

Ҳолбуки айни сиёсий иқтисод курси жуда катта ғоявий-сиёсий ва тарбиявий потенциалга эгадир. Социалистик меҳнат проблемаларини, социализмнинг: ҳар кимдан — қобилиятига яраша, ҳар кимга — меҳнатига яраша, деган бош принципни ўрганиш, умумхалқ, коллектив ва шахсий манфаатларни бирлаштириш ёшларда меҳнатга оғли муносабатни, мамлакат ҳўжайини, бурч ва масъулият, меҳнатсиз даромадларнинг ғайриахлоқийлигини тушуниш туйғусини шакллантиришда муҳим аҳамият касб этиши керак.

Сиёсий иқтисодни ўқитиш материалистик диалектикани зиддиятлар орқали иқтисодий категориялар ва қонунлар моҳиятини, фикр ва билиш ривожланишини очиқ бериш методи сифатида чуқур тушуниш асосига қурилиши керак. Бундай ёндашиш семинар машғулотларини ҳисобга олган ҳолда барча сиёсий иқтисод кафедралари ўқув-методик ишининг асосини ташкил этиши керак.

КПСС тарихи сингари фанни ўқитишда жиддий камчиликлар мавжуд. У ленинчи партиянинг жонли, жуда бой тарихи орқали юксак ғоявийлик, ватанпарварлик, интернационализм, гражданлилик туйғусини тарбияловчи энг қизиқарли ва муҳим предметлардан биридир. Бу предметни ўқитиш жамиятида, партия ичида юз берган ёки содир бўлаётган мураккаб жараёнларни тўғри ва чуқур англаб етишни, назарий вазифаларни амалий вазифалар билан узвий бирлаштиришни талаб этади.

Аммо кўпгина олий ўқув юртларимизда партия тарихини ўқитиш ана шу талаблардан анча орқада қолмоқда. Масалан, Самарқанд университети КПСС тарихи кафедраси бир қанча ўқитувчиларининг лекциялари кўпинча юзаки баёндан иборат бўлиб, фақат ўтмишга қаратилган. Аслида партия тарихчиларининг вазифаси бўлиб ўтган воқеаларни сидқидилдан баён этишдангина иборат бўлмай, улар муваффақият ва хатоликларни анализ қилишлари, конкрет амалий маслаҳатлар, тавсиялар беришлари, студентларда ижодий фикрни уйғотишлари ҳам лозим. КПСС тарихидан дарс берувчи бир қатор ўқитувчиларнинг ўз лекцияларида КПСС XXVII съезди материаллари ва бошқа партия ҳужжатларидан кам фойдаланишлари ва ҳатто умуман фойдаланмасликлари қабил аҳволга тоқат қилиб бўладими?

Марксизм-ленинизм классиклари асарларини ўрганишга, партиянинг ички ва ташқи сиёсатини ёритишга, студентларда ижтимоий ҳаётнинг мураккаб ҳодисаларини мустақил таҳлил қилиш кўникмаларини, билимларни амалиётда қўллаш маҳоратини ривожлантиришга етарлича аҳамият берилмапти.

Бир қатор олий ўқув юртларида, хусусан, Тошкент медицина ва политехника институтларида ўтказилган тадқиқотлар студентлар марксча-ленинча фалсафанинг энг оддий масалаларини билмасликларини, мамлакатнинг сиёсий ҳаётдан яхши хабардор эмасликларини, энг муҳим партия ҳужжатлари билан танишиб чиқмаганликларини кўрсатди. Улар бўлажак мутахассислар-ку, ахир. Улар қандай билимлар билан ишлаб чиқаришга борадилар? Оммага қандай билимлар беришлари мумкин? Ет идеологияга қарши курашда улар қандай ғояларни ҳимоя қила оладилар? Ёш авлоднинг қандай тарбиячилари бўладилар?

Атеизмни ўқитиш ишларининг аҳволи айниқса хавотирлик уйғотади. У кўпинча бош вазифадан — студентларда илмий-атеистик дунёқарашни шакллантириш, барча хил динларнинг, шу жумладан, ислом динининг реакцион моҳиятини фойда этиш вазифасидан йироқда бўляпти.

Хозирги пайтда дин миллатчилик билан тигиз боғланган. Улар кўпинча ҳамкорлик қиладилар, бир-бирларини тўлдирадилар ва қўллаб-қувватлайдилар. Диний хусусиятлар, маросимлар халқнинг миллий белгилари, унинг ажралмас белгилари, деган фикр кенг тарғиб қилиняпти. Диний анъаналар халқнинг ҳақиқий анъаналари деб талқин қилиняпти. Диний хурофотларга миллатчилик ёпинғичи кийдириляпти, миллатчилик саркитлари эса диний урф-одатлар, маросим ва анъаналар томонидан қўллаб-қувватланияпти ва муқаддаслаштириляпти.

Буларнинг ҳаммаси дин ва миллатчилик иттифоқини фош этиш вазифасини кескин қилиб қўймоқда. Бирок ҳозирча жамиятшунослар бу вазифани коникарсиз бажаряптилар. Атеизмни ўқитишда ҳали ҳам юзаки ёндашиш, курук назариябозлик устунлик қилмоқда. Ислом динининг социал илдизларини чуқур очиб бериш, унинг реакцион моҳияти ва зарарини, диний хурофотларнинг жумладан ёшлар орасида мавжудлиги сабабларини ишонарли ва далил-исботли қилиб очиб бериш ўрнига кўпгина ўқитувчилар ислом тарихини тавсифлаш билан машғул бўляптилар. Жозибадор фактлар кетидан қувиш, ислом дини таълимоти ақидаларини тавсифий баён қилиш ёшларнинг муайян қисмида диний хусусиятларга, анъаналарга ва расм-русумларга носоғлом қизиқишни уйғотади.

Масалан, Фарғона давлат педагогика институти этика, эстетика ва илмий атеизм кафедрасининг ўқитувчиси О. Умаржоновнинг ислом динини фош қилиш ўрнига ислом дини асосчиси сифатида Мухаммаднинг, унинг уруғ-аймоқларининг, ислом анъаналари пайдо бўлишининг тарихини муфассал ва жозибали қилиб тавсифлаб берган лекциялари студентларни нимага ўргатиши мумкин. Ҳатто, О. Умаржонов Ўзбекистон Компартияси Марказий Комитети III пленуми материаллари тўғрисида ҳеч қандай тасаввурга эга эмаслиги маълум бўлди.

Пленум эса республикада диннинг, айниқса ислом динининг зарарини кенг тушунтириш иши коникарсиз олиб борилаётганлигини таъкидлади. Натижада ёшлар, хотин-қизларнинг анча қисми, интеллигенциянинг баъзи бир намоёндалари мусулмон анъаналарига асир бўлиб қолган.

Бу ҳам олий ўқув юр்தларимизда атеизм фани ўқитилишининг паст савияда эканлиги билан бевосита боғлиқдир. Қўплаб студентларнинг эътиқодда собит эмаслиги, динга нисбатан муросасозлиги намоён бўляпти. Дин ақидаларига, унинг расм-русумларига қизиқаётган студентлар сони камаймаяпти. Ўқитувчи ва студентлар бир қисмининг бир вақтнинг ўзида ҳам совет, ҳам диний маросимларни адо этишда намоён бўлаётган ғоявий субутсизлиги айниқса хавотирлик уйғотади.

Жамиятшуносларимизнинг илмий атеизм ва уни ўқитиш масалаларини ёритишга қаратилган бутун фаолияти тубдан ўзгариши керак. Бу фаолиятни диннинг, айниқса ислом динининг реакцион моҳияти ва зарарини фош этишга, ёшларда миллатчилик ва буржуа-клерикал идеологиянинг турли хил кўринишларига қарши тура олиш маҳоратини шакллантиришга, ёшларда қарши пропаганда, атеистик иш кўникмаларини тарбиялашга йўналтириш керак. Фақат фалсафий фанларни эмас, балки барча табиий ва махсус фанларни ўқитиш динга қарши йўналиш касб этиши керак. Фақат шундагина студентнинг олий ўқув юртида бутун таълим олиш даври мобайнида узлуксиз атеистик таъсир билан қамраб олинishiга эришиш мумкин, фақат ана шундай атеистик ишгина зарур самара бериши мумкин.

Студентларни асл манбаларни чуқур ўрганишга йўналтириб, ижтимоий фанлар эришган энг янги ютуқлардан фойдаланган ҳолда марксча-ленинча назарияни унинг барча таркибий қисмлари билан боғлиқ ҳолда ўқитишни таъминлашга ижтимоий фанлар кафедралари ғоят муҳим аҳамият беришлари керак. Лекин бунга ҳамма жойда ҳам эришиляпти, деб бўлмайди. Битирувчиларимизнинг кўплари марксча-ленинча назария ҳақида яхлит тасаввурга эга эмаслиги ана шундан гувоҳлик берапти.

Давлат имтиҳонларининг якунлари дунёқарашни шакллантириш иши заиф эканлигини кўрсатяпти. Ўтган ўқув йилида студентларнинг деярли 30 проценти илмий коммунизмдан давлат имтиҳонларида «коникарли», 7 проценти

«кониқарсиз» баҳо олди. Айрим олий ўқув юртларида, масалан, Нукус давлат университетида, Тошкент театр ва рассомчилик институтида кониқарли ва кониқарсиз баҳолар сони 50 процентдан ошиб кетди.

Бошқача айтганда, беш йил мобайнида дунёқарашни шакллантириш билан шуғулланувчи ижтимоий фанлар бешта кафедрасининг бирортаси ҳам студентларга ўз фанлари бўйича энг оддий билимларни бера олмаганлар. Қандай қилиб студентларнинг ана шу улкан контингенти дунёқарашга доир зарурий таълимни ололмади, ижтимоий фанлар кафедраларининг диққат марказидан четда қолди ва олий ўқув юртлари бу қадар муҳим ишда шундай бракка йўл қўйдилар?

Буларнинг барчаси институтлар партия ташкилотлари ва кафедраларининг студентлар дунёқарашини шакллантириш савиясига буткул лоқайд қараганлиги, таълим жараёни сифатини контрол қилмаганлиги ва масъулиятсизлик билан қараганлиги натижасида юз берди.

Жамиятшуносларга алоҳида роль ажратилган. Улар — республика олий ўқув юртлари ходимларининг идеологик авангардидир, улар олий таълимни қайта қуришнинг мураккаб вазифаларини ҳал қилишга ижодий муносабатда бўлиш намунасини кўрсатишлари шарт. Бу таълим мундарижаси соҳасида ҳам, ўқитиш методларида ҳам намоён бўлиши керак. Расмийчилик ва схоластик назариябозликка барҳам бериш, марксча-ленинча назария фундаментал қондаларининг ҳар бир киши конкрет проблемалари, шаҳар, республика, мамлакат ижтимоий ҳаёти билан алоқадорлиги — мана шундай ёндашиш барча жамиятшунослар учун белгиловчи хусусият бўлиб қолиши керак.

Лекин ижтимоий фанларни ўқитиш практикасига ўқитишнинг мунозаралар, проблемали метод, амалий ўйинлар каби янги прогрессив форма ва методлари ҳозирча жуда имиллаб кириб келяпти, таълимнинг техника воситаларидан кам фойдаланиляпти.

Ўқитишнинг бутун жараёни партия XXVII съезди руҳида доимий ҳақиқат сабоғи бўлиши зарур. Студентлар КПСС тарихи, марксча-ленинча философия, сиёсий иқтисод ва илмий коммунизм дарсларида гражданлик мардлигини ўрганишлари, уларни ҳаяжонлантирувчи ҳамма саволларга ҳаққоний жавоб олишлари керак. Айни шу дарсларда ижтимоий фанлар ўқитувчилари партия ўз сиёсатининг олий принципи — сўз ва иш бирлиги, идеологиянинг ҳаёт билан тигиз алоқасини қарор топтириш йўлини қатъият билан амалга ошираётганини студентлар онгига етказишлари керак. Яқин ўтмишда ана шу принципдан чекинилганлиги экономикада турғунлик бўлиши, социал соҳа ривожланишида тўхтаб қолиш, ахлоқий муҳит ёмонлашиши, кадр сиёсатида жиддий нуксонлар бўлишига олиб келган ўткир салбий ходисаларга сабаб бўлди.

Еш авлоднинг марксча-ленинча тайёргарлиги савияси ижтимоий фанлар табиий-илмий ва махсус фанлар билан қай даражада тигиз алоқада эканлигига жиддий боғлиқдир. Студентлар билан суҳбатлашганда улар профессионал жиҳатдан қандай яшаётганлигини, махсус тайёрликнинг ушбу босқичида қандай вазифаларни ҳал қилаётганликларини билиш керак. Студент чуқур ижтимоий билимсиз мутахассис бўла олмаслигини англаб етсин.

Ижтимоий фанлар кафедраларининг бўлгуси мутахассисларни меҳнат қилиш жараёнига тайёрлигини шакллантиришга доир фаолиятида ижтимоий фанларни олий ўқув юртининг профилини ҳисобга олган ҳолда ўқитиш алоҳида аҳамиятга эгадир. В. И. Лениннинг кишилар билан ишлайдиган одам «комманинг ҳар бир катлами, касб эгаси ва шу қабила психологиясининг ўзига хос хусусиятларини» билиши керак (ТАТ, 41-том, 213-бет), деган сўзларини доим эсда тутмоқ лозим.

Институт кадрлар тайёрлайдиган корхоналар билан, шунингдек ихтисос берувчи кафедралар билан бевосита алоқа ўрнатиш ижтимоий фанлар кафедралари учун фавқулодда зарурдир. Бундай алоқа қанчалик тигиз, амалий ва қундалик бўлса, жамиятшунослар ўз фаолиятлари учун шу қадар кенгрок ва ранг-барангрок материалга эга бўладилар.

Бундай практикага, афсуски, ҳозирча эга эмасмиз, лекин бу ҳақда ўйлаб кўриш керак. Чунки, КПСС Марказий Комитетининг «Мамлакатда олий ва ўрта

махсус таълимни қайта қуришнинг асосий йўналишлари» лойиҳаси ҳам ижтимоий фанлар кафедралари ўқитувчиларининг бошқа кафедралар ўқитувчилари билан алоқасини кучайтиришни талаб қилмоқда.

Ана шу ишда ҳамма янги ва прогрессив жиҳатларнинг бошловчиси бўлиши керак бўлган Ижтимоий фанлар ўқитувчилари малакасини ошириш институти, Тошкент давлат университети тарих ва философия-иқтисод факультетлари ижтимоий фанларни ўқитишни қайта қуришда ўзларининг етакчилик ролларини ўйнамаяптилар.

Ҳозирги кунгача республикадаги энг яхши ўқитувчилар тажрибасини, ўқув-методик ишни такомиллаштиришга доир қимматли ташаббусларни умумлаштирувчи эътиборли қўлланмалар йўқ. Бизни олий ўқув юртлари кутубхоналаридаги ижтимоий фанларга доир ўқув адабиёти фондининг аҳволи, уларнинг ўзбек ва рус тилларидаги дарсликлар билан қониқарсиз таъминланганлиги ҳам ташвишлантиради.

Юзага келган аҳволга республика Олий ва ўрта махсус таълим министрлиги ижтимоий фанлар бошқармасининг, илмий-методик советларининг сусткашлиги ҳам сабаб бўлган, уларнинг фаолияти кўпинча расмийчиликдан ва кафедра мудирларининг қилинган иш ҳақидаги ҳисоботларини эшитишдан иборат бўлиб қолмоқда.

Ижтимоий фанларни ўқитишни қайта қуриш масалаларини ҳал этаётганда социология соҳасида, айниқса унинг амалий жиҳатлари соҳасида жамиятшуносларни янада пухтароқ тайёрлаш тўғрисида ҳам ўйлаб кўрмоқ керак. Жамиятшунослар конкрет социал вазифаларни, инсон омилини активлаштириш проблемаларини ҳал қилишда янада активроқ ва собитқадамроқ иштирок этишлари керак. Бунда эса социологик тайёрликсиз бир иш қилиб бўлмайди. Ана шу муносабат билан республикада «Амалий социология» ихтисоси бўйича мутахассислар тайёрлай бошлаш масаласини ҳам кўриб чиқиш зарур, чунки бутун бошқарув ва ҳўжалик юритиш системасини қайта қуриш барча ишлаб чиқариш коллективларида ва жамоат ташкилотларида социология хизматини ривожлантиришни тақозо этади.

Олий ва ўрта махсус таълим министрлиги, Маориф министрлиги, республика Госплани жамиятшунослар тайёрлашни планлаштириш масаласини жиддий муҳокама қилишлари, олий таълим системасини қайта қуришда бу кадрлар ўйнаши керак бўлган ролнинг бутун аҳамиятини ҳисобга олган ҳолда ушбу масалага давлат кўзи билан ёндашишлари учун пайт аллақачон етган.

Ғоявий-тарбиявий ишни такомиллаштирайлик

Ешларни коммунистик руҳда тарбиялаш олий мактаб, аввало ижтимоий фанлар кафедралари ишининг энг муҳим йўналишидир. Ҳозир жамиятимизда юз бераётган революцион ўзгаришлар қисқа муддатли кампания эмас, улар узоқ вақт ва жиддий равишда амалга оширилади. Бундан ҳозирги студентлар дипломли мутахассислар бўлганида қайта қуриш давом этади ва унинг кейинги ривожланиши уларнинг масъулият сезиши, билимдонлиги, сиёсий маданияти, кўламдор ва мураккаб вазифаларни амалга оширишдаги қобилият ва дадиллигига боғлиқ бўлади деган маъно келиб чиқади.

Бу ҳол бутун идеологик, сиёсий-тарбиявий ишни тубдан яхшилаш талабини олға суради. Бўлғуси студентларнинг ахлоқий, ғоявий-сиёсий савияси учун тўппа-тўғри, бевосита жавоб берадиган ижтимоий фанлар кафедралари олдида айниқса масъулиятли вазифалар турибди.

Ҳозир барча ижтимоий фанлар кафедралари тарбия ишига комплекс ёндашишни амалга оширишда унинг меҳнат, ахлоқий, ватанпарварлик-интернационал ва атеистик тарбия каби таркибий қисмларини узвий бирлаштиришлари жуда ҳам муҳим бўлиб қолмоқда. Ижтимоий фанлар кафедраларининг ана шу ишдаги куч-ҳаракатларини бирлаштириш, уларнинг фаолиятини координация қилиш муҳимдир.

Инсонга белгилловчи таъсир кўрсатувчи меҳнат тарбияси тарбиявий ишнинг

марказида туриши керак. КПССнинг янги тахрирдаги Программасида кўрсатилганидек, меҳнат тарбияси — шахсни умуман коммунистик руҳда тарбиялашнинг пойдеворидир.

Бўлғуси мутахассис учун зарур кўникмаларни шакллантириш, меҳнатга онгли муносабатни, мамлакат эгаси эканлиги туйғусини, айти ёшлар ўтган авлодлар бунёд этган, кўпайтирган ва химоя қилган ҳамма нарсаларнинг вориси бўлишини тушунишни тарбиялаш — айти шулар ижтимоий фанлар кафедраларининг дикқат марказида туриши керак.

Меҳнат тарбияси ахлоқий тарбия билан чамбарчас боғланиши лозим. КПССнинг янги тахрирдаги Программасида таъкидланганидек, ахлоқий тарбиянинг мақсади умумхалқ, коллектив ва шахсий қизиқишларни уйғун бирлаштирувчи коллективистик ахлоқ принципларини; ўртокларча ҳамкорлик ва ўзаро ёрдам, хайрихоҳлик, ҳалоллик, меҳнат коллективи ва бутун мамлакат ҳаётида манфаатдор иштирок этиш, социалистик турмуш тарзига зид бўлган ҳамма нарсага актив қарши чиқишни шакллантиришдан иборатдир.

Афсуски, айти шунда энг жиддий камчилик ва нуқсонлар мавжуд. Учдан бир қисми ишлаб чиқаришга ўртамиёна билимлар билан бораётган, кўплари ўқув юрти йўлланмаси берилган иш жойига бормаётган, меҳнатда ва ижтимоий-сиёсий соҳада активлик кўрсатмаётган, қийинчиликлар олдида чекинаётган бўлса, олий ўқув юр்தларимизнинг битирувчиларини ахлоқий-меҳнат, ғоявий тайёргарлигини қандай баҳолаш мумкин?

Кўпгина олий ўқув юр்தларимизда барча ижтимоий фанлар кафедраларини бирлаштирувчи ғоявий-тарбиявий ишнинг комплекс планлари йўқ, борлари ҳам расмий учун мавжуд. Ҳар бир олий ўқув юртида таълим-тарбия жараёни билан тигиз боғланган, ижтимоий фанларнинг ўқув материалида мавжуд барча тарбиявий имкониятлардан фойдаланувчи ана шундай планлар ишлаб чиқиш зарур.

Кўп миллатли республикамиз учун интернационал ва ватанпарварлик тарбиясини кучайтириш алоҳида аҳамият касб этади. Айти шу соҳада ҳамма ишларимиз кўнгилдагидек дея олмаймиз.

Ўзбекистон Компартияси Марказий Комитетининг III пленумида кейинги йигирма йил мобайнида ижтимоий фанларда, адабиёт ва санъатда, маънавий ҳаётнинг бошқа соҳаларида ўтмишни идеаллаштириш, баъзи тарихий воқеалар ва шахсларга баҳо беришда синфий позициялардан чекиниш бўлганлиги таъкидланди. Бу халқ оммасини миллий ғурур предметига нисбатан чалқаш изга солди ва бу билан интернационал тарбия ишига катта зарар етказди. Ўтмишдаги реакцион урф-одат ва анъаналарни баъзан ҳақиқий халқ урф-одат ва анъаналари деб талқин қилишга уринишлар ҳам меҳнаткашларнинг интернационал онгини оширишга тўсқинлик қилди.

Ҳозирча олий ўқув юр்தларимизда интернационал тарбияга доир ишни яхшилаш томон жиддий силжишлар юз бергани йўқ. Бу ерда юр்தдошлик кенг тус олган, кадрлар кўпинча айти шу белгига қараб танланади, студентлар ётқоналарга шунга қараб жойлаштирилади. Совет ўқув юрти учун ёт бўлган бу ҳол бир областдан келган талабаларни иккинчи областликларга қарама-қарши қўйишга, носоғлом муҳит юзага келишига олиб келади.

Олий ўқув юр்தларидаги бутун таълим ва тарбия жараёни студентларда пролетар, социалистик интернационализм, қардош мамлакатлар меҳнаткашлари билан синфий бирдамлик, СССРдаги барча миллат ва элатларни бирлаштирувчи дўстлик ва биродарлик туйғусини шакллантиришга, миллатлараро мулоқот маданиятини такомиллаштиришга, миллатчилик ва шовинизм кўри-нишларига мурасасизликни тарбиялашга, совет ватанпарварлиги туйғусини сингдиришга йўналтирилиши керак.

Интернационал ва меҳнат тарбиясида рус тилини миллатлараро алоқа, халқлар дўстлигини мустаҳкамлаш тили сифатида пропаганда қилиш алоҳида аҳамиятга эга. Ана шу муҳим ишдаги жиддий нуқсонлари учун Маориф ва Олий ва ўрта махсус таълим министрликлари Ўзбекистон Компартияси Марказий Комитети III пленумида ҳақли танкид қилинган эди.

Студентларда ахлоқий ҳулқ-атвор нормаларини, кенг маънодаги ташқи ва

ички маданиятни тарбиялаш ишида ҳам кўп камчиликлар mavжуд. Фактлар ўқув юртларимизда таълим олиш давомида улар талабаларининг ахлокий ва маданий киффаси жуда оз такомиллашишини кўрсатмоқда. Студентлар орасида мешчанлик кўринишлари, молпарастлик, чинакам маънавий кадриятларга нисбатан пассивлик, жаҳон, рус ва миллий адабиёт классикларига лоқайдлик, музика маданиятининг бошланғич асосларини билмаслик ҳолларига мунтазам дуч келямиз. М. С. Горбачев ижтимоий фанлар кафедралари мудирларининг Бутуниттифок кенгашида бундай деб таъкидлади: «...Инсон ва жамиятдаги маънавий, ахлокий негизлар қашшоқлашиб қолган тақдирда истеъмолчилик кайфиятлари, молпарастлик муқаррар кучаяди, ички дунё қашшоқлашиб боради».

Давримизнинг бурилиш характери, икки жаҳон системасининг бир-бири билан кураш олиб бориши буржуа идеологиясига қарши ҳужумкор курашни кучайтириш, студент ёшларнинг сиёсий ҳушёрлигини ошириш вазифасини биринчи ўринга қўймоқда.

Студентлар ўртасида ҳуқуқни бузиш, спиртли ичимликлар истеъмол қилиш ва бошқа антисоциал ҳодисалар бизни катта ташвишга соляпти. Буларнинг бари олий ўқув юртларида сиёсий-тарбиявий иш суёт эканлигини кўрсатади.

Тарбиявий иш сифатини ошириш учун ёшларнинг эҳтиёж ва проблемаларини мунтазам ва чуқур ўрганиш лозим. Ҳозирча бу иш жуда ёмон аҳволда. Ҳаёт ёшларнинг ҳулқ-атворидаги тенденцияларни дадилроқ аниқлаш, уларнинг ижобий интилишларини қувватлаш ва ривожлантириш ва, аксинча, салбий ҳодисаларни энг бошида — ҳали ривожланиб кетмасидан бартараф этиш лозимлигини тақозо этипти.

Бунда ҳам жамиятшуносларимиз ҳал қилувчи сўзни айтишлари керак. Ёшлар турли категориялари социал активлигининг бир хил эмаслиги сабабларини, улар пассивлиги сабабларини дабдабабозлик ва шовкин-суронсиз очиб ташлаш лозим. Жамиятшунослар ёш авлодни ўқитиш ва тарбиялашнинг форма ҳамда методларини такомиллаштиришга доир конкрет, аниқ тавсия ва таклифларни олға суришлари керак.

Студентларнинг ўз-ўзини бошқарувини ҳар томонлама ривожлантиришда студент-ёшлар маънавий камолоти, уларда актив ҳаётий позицияни тарбиялашнинг улкан резервлари mavжуд. Ҳозир бизнинг студентларимиз камида ўнлаб жамоат ташкилотлари назоратидадир. Уларнинг бутун фаолияти регламентга солинган. Амалда биронта йирик масалани ҳам ҳал қилишни уларга ишонмаймиз. Бу эса ёшларда тайёрга айёрлик кайфиятини келтириб чиқармоқда, ёрликнинг сакланиб қолишига қўмаклашмоқда. Бунинг оқибатида кўпгина тарбиявий тадбирлар студентларимизнинг туйғуларига таъсир этмайпти. Ётоқхоналарда турмуш бир хилда зерикарли ўтмоқда.

Биз студентларга, олий ўқув юртлари комсомолларига ўз-ўзини бошқариш кўникмаларини, демократик ҳуқуқлардан фойдаланишни, ташаббускорликдан кўрқмасликни, турмуш ва дам олишни ташкил этишдаги қолоқликни дадил бартараф этишни тўлиқ эгаллаб олишларида ёрдам беришимиз керак. Студентлар соғлом турмуш тарзи нормалари ва анъаналари қарор топиши, истеъмолчилик интилишларини, обивателларга хос ҳулқ-атворларни, алкоғолизм ва гиёвандлик иллатларини бартараф этиш учун бошланган юришга актив ҳамда онгли равишда қўшилишлари керак.

Ижтимоий фанлар кафедралари олиб борадиган тарбиявий иш фақат олий ўқув юрти билан чекланиб қолмаслиги керак. Улар ўз оталиқларидаги ташкилотларда, меҳнаткашлар кенг оммаси орасида тарбиявий иш олиб боришлари керак.

Партиявий раҳбарликнинг асосий бўғини

Студент ёшларнинг марксча-ленинча тайёргарлик даражасини ошириш, ижтимоий фанлар кафедралари ишини такомиллаштириш партиявий раҳбарлик сифатига ҳал қилувчи даражада боғлиқ бўлиб, жамиятшунос кадрлар билан

ишлаш унинг асосий вазифасидир. Бутун таълим ва тарбия жараёнида айни улар ҳал қилувчи роль ўйнайдилар. Айни уларга партия қайта қуришнинг ғоявий негизини тайёрлаш, бўлғуси мутахассисларда марксча-ленинча дунёқараши шакллантиришдек масъулиятли вазифани юклади.

Ўз вақтида В. И. Ленин бундай деб таъкидлаган эди: «Хар қандай мактабда ҳам энг муҳим нарсаси — лекцияларнинг ғоявий-сиёсий йўналишидир. Бу йўналишни нима белгилайди? Бутунлай ва фақат *лекторлар состави белгилайди*... Хар қандай «контрол», хар қандай «рахбарлик», хар қандай «программалар», «уставлар» ва ҳоказолар, буларнинг ҳаммаси — лекторлар состави олдида қуруқ гапдир» (ТАТ, 47-том, 229—230-бетлар). Ижтимоий фанларни ўқитишнинг сифати ва самарадорлигини оширишда ўқитувчи кадрлар ҳал қилувчи аҳамият касб этиши ана шу жиҳат билан белгиланади.

КПСС Марказий Комитетининг олий мактабни қайта қуришга доир лойиҳаси, ижтимоий фанлар кафедралари мудирларининг Бутуниттифок кенгаши профессор-ўқитувчилар составига қўйиладиган замонавий талабларни белгилаб берди. КПСС Марказий Комитети секретари ўртоқ Е. К. Лигачевнинг ана шу кенгашдаги докладыда шундай деб таъкидланди: «Совет олий мактабининг ўқитувчиси — юсак маданиятли, юсак профессионал тайёргарлик кўрган кишидир. У баркамол шахсдир. Маънавий жиҳатдан бой, субитақамда, ўз эътиқод кучи билан, ҳаётий намунаси билан ёшлар эътиборини ўзига тортадиган шахсдир... Бизнинг студентларимиз ҳам ҳамиша эслаб юрадиган мураббийлари кўпроқ бўлишини истар эдик».

Ижтимоий фанлар ўқитувчиларининг асосий кўпчилиги билимдон мутахассислар бўлиб, улар ўз бурчларини виждонан бажармоқдалар, фаол жамоат иши олиб бормоқдалар, ёшларга намуна бўлмоқдалар. Лекин улар орасида профессионал жиҳатдан заиф, илгари орттирилган билимлар билан яшовчи, марксизм-ленинизмнинг ғоявий бойлигини, эмоционал интеллектuellлигининг бутун жозибасини студентларга очиб бера олмайдиган кишилар ҳам топилади. Кўпгина ўқитувчилар илмий коммунизм классикларининг асарларини йиллар мобайнида очиб кўрмайди ва ўқиб кўрмайдилар, партиянинг энг муҳим ҳужжатларини билмайдилар. Кадрларни танлаш, жой-жойига қўйиш ва тарбиялаш масалалари жуда диққат билан эътибор беришни талаб этипти. Айни шу жабҳада айниқса кўп нуқсон ва камчиликлар мавжуд.

Жамиятшунос ўқитувчиларнинг ярми базавий, махсус университет маълумотига эга эмаслигидек республикада юзага келган аҳвол ғоят ташвишланарлидир. Базавий маълумотга эга бўлмаган кишилар проценти айниқса илмий коммунизм ва сиёсий иқтисод ўқитувчилари орасида юқоридир. Кўпгина илмий коммунизм кафедраларида, хусусан, Ўрта Осиё педиатрия институти, Республика рус тили ва адабиёти институти, Самарқанд кишлок хўжалик институти, пединститутларнинг аксарияти, Тошкент политехника институтининг ва Тошкент халқ хўжалиги институти филиалларида мутахассислар деярли йўқ, фан кандидатлари ва докторлари бармоқ билан санарли, борлари ҳам кўпинча кафедра ихтисосига тўғри келмайди.

Чуқур махсус тайёргарликка эга бўлмаган ўқитувчилар, табиийки, ижтимоий фанларни ҳозирги босқичда ўқитиш вазифаларини муваффақиятли бажара олмайдилар. Ҳаёт базавий тайёргарликка эга бўлган педагогларгина бугунги кун талабларига жавоб бера олишини яққол кўрсатмоқда. Ҳолбуки, Олий ва ўрта махсус таълим министрлиги, олий ўқув юртиларига эга бўлган бошқа министрлик ва идоралар ана шу проблемани ҳал этишда бир четда туриб қузатувчи позициясини эгаллаб турибдилар. ТошДУда эса ҳатто жамиятшунослар тайёрлаш йилдан-йилга камайиб кетмоқда.

Республикада жамиятшунос ўқитувчиларни тайёрлаш «чамалаб», истикболда уларга бўладиган эҳтиёжни аниқ билмасдан туриб планлаштирилмоқда.

Ижтимоий фанлар кафедралари ўқитувчиларининг ёш составида вужудга келган диспропорция ва бир ёкламаликни, бу составнинг очик-ойдин кексайганлигини ҳисобга олсак, бу масала алоҳида аҳамият касб этади. Бутун профессор-ўқитувчилар составининг учдан бири пенсия ёшида ёки пенсия ёшига яқинлашиб қолган.

Олий таълим системасини қайта қуриш муносабати билан жамиятшунос

кадрларга қўйиладиган талаблар айникса ошмоқда. КПСС Марказий Комитетининг Бош секретари М. С. Горбачев таъкидлаганидек, қайта қуришни ҳар ким ўзидан бошлаши керак. Бу тарбиячилар ва ўқитувчиларнинг ўзларига ҳам тааллуқлидир. Ҳозирги шароитда олий мактаб ўқитувчиси ҳар томонлама маълумот ва маданият эгаси сифатидагина намуна бўлиб қолмай, ёшларни ўз ортидан эргаштира оладиган, уларнинг ижодий имкониятларини очиб берадиган, касбга, мамлакатни социал-иқтисодий ривожлантиришни жадаллаштириш вазифаларини ҳал қилишга чуқур қизиқиш уйғота оладиган талантли тарбиячи ҳам бўлиши керак.

Қўпгина жамиятшунослар йиллар давомида ўз назарий ва профессионал савиясини оширмаяптилар, кечаги кун билан яшаяптилар. Масалан, Тошкент медицина институтида учта кафедра мудири лекциялари савиясининг пастлиги, таълимни ташкил этишдаги укувсизлиги учун муддатидан олдин уларнинг ўрнига бошқалар сайланди. Жамиятшунос ўқитувчиларнинг анча қисми илмий тадқиқотлар билан шуғулланмаяпти. Диссертация ёклагандан кейин фандан четлашиб қолган, олим сифатида ҳеч қандай самара бермаётган одамлар ҳам кам эмас.

Жамиятшунослар малакасини оширишда камчиликлар оз эмас. Шу муносабат билан Олий ва ўрта махсус таълим министрлиги истикболни кўзлаб ижтимоий фанлар ўқитувчиларининг малакасини ошириш комплекс программа-сини ишлаб чиқиши лозим. Илмий, педагог ўринбосарлар тайёрлаш иши ёмон аҳволда. Аспирантура жуда самарасиз ишляпти. Олий ўқув юртлари ва ижтимоий фанлар кафедраларининг раҳбарлари аспирантурага қабул қилиш учун энг қобилиятли кишиларни аниқлаш ҳақида етарлича ғамхўрлик қилмаяптилар. Республика Фанлар академиясининг илмий муассасаларида беш йил ичида 261 киши аспирантурани битириб чиқди, шундан атиги 23 киши (9 проценти) ўз вақтида диссертация ёклади. Ана шу даврда Олий ва ўрта махсус таълим министрлиги бўйича аспирантурани битириб чиққан 250 кишидан атиги 35 киши (14 проценти) муддатида диссертация ёклади.

Қариндошлилигига, шахсий садоқатига, таниш-билишлигига қараб аспирантурага қабул қилишдек нотўғри практика шу вақтга қадар тугатилган эмас. Ўзбекистон ССР Фанлар академиясининг ўтган беш йиллик мобайнидаги аспирантларининг 80 процентдан кўпроғи илмий, ижодкор зиёлиларнинг, хизматчиларнинг фарзандларидир. Аспирантурага қабул қилинганларнинг 15 процентигина олий ўқув юртларини аъло баҳо билан, қолганлари ўрта миёна баҳо билан битирган.

Фан докторларини тайёрлашдаги аҳвол ҳам бизни сира қониқтирмайди. Олий ўқув юртларидаги ижтимоий фанлар кафедралари мудирлари лавозимларининг ярмини, республика Фанлар академияси лаборатория мудирлари лавозимларининг ярмидан ортиғини ҳозиргача фан кандидатлари эгаллаб турибди. Шунга карамай, фан докторларини тайёрлаш плани йилдан-йилга бажарилмай келяпти. Докторлик диссертациялари устида ишлаётган шахслар учун ажратиладиган катта илмий ходимлик лавозимларидан самарали фойдаланилмаяпти.

Олий малакали кадрлар тайёрлаш масалалари партия комитетларининг, олий ўқув юртлари, министрлик ва идоралар, республика Фанлар академияси раҳбарларининг доимий ғамхўрлиги остида бўлиши керак.

Студентларни илмий тадқиқот фаолиятига жалб қилиш илмий, педагог ўринбосарлар тайёрлашнинг муҳим резерви ҳисобланади. Бу уларнинг ижтимоий фанларни ижодий эгаллашларида, бўлажак мутахассисларда илмий дунёқараш, мустақил фикрлаш кўникмаларини тарбиялашда синалган, самарабахш формадир.

Ҳозир республикада жамиятшунослар билан таъминланишда мушкул аҳвол юзага келди. Олий ўқув юртларимиз илмий коммунизм, социология, тарихшунослик, манбашунослик, атеизм соҳасида мутахассислар тайёрлама-япти. Шу билан бир вақтда республика олий ўқув юртлари социал-сиёсий ва гуманитар ихтисослар бўйича ҳар йили 8650 киши тайёрляпти. Лекин булар умумий мутахассислар бўлиб, халқ хўжалигининг у ёки бу йўналишлари ва эҳтиёжлари учун конкрет тайёрланмаган кишилардир.

Олий ва ўрта махсус таълим министрлиги жамиятшунос кадрларни оқилона тайёрлаш ва таксимлашни шу вақтгача ташкил эта олмади. Абитуриентларни областдан қабул қилиш мавжуд, лекин жамиятшуносларни областларга таксимлаш мавжуд эмас. Мамлакатнинг марказий олий ўқув юртларида республика учун махсус, аниқ мақсадни кўзлаб тайёрланган мутахассислар ўз касбига алоқаси бўлмаган, дуч келган лавозимларда ишламоқда.

Олий жамиятшунослик маълумотига эга бўлган мутахассисларнинг техника ёки табиёт соҳасидаги илмий-тадқиқот институтларида лаборант бўлиб ишлаши ёки турли министрликлар ва идораларда техник ходимлар бўлиб ишлаётганлиги фактлари оз эмас. Партия комитетлари, Олий ва ўрта махсус таълим министрлиги, Маориф министрлиги, олий ўқув юртларининг ректоратлари ва парткомлари мана шу барча масалаларни чуқур ўрганишлари керак.

Жамиятшунос ўқитувчилар орасида гоёвий-сиёсий иш қай аҳволда эканлигига, танқид ва ўз-ўзини танқидни ривожлантиришга алоҳида эътибор бериш зарур. Кўпгина олий ўқув юртларининг коллективларида бу иш яхши йўлга қўйилмаган. Натижада гуруҳбозлик, уруғ-аймоқчилик, таниш-билишчилик ҳоллари тез-тез учраб туради, фитнес-фасодлар юзага келади, юмалок хатлар болалади.

Масалан, Фанлар академияси системасида Пўлатовларнинг бутун оиласи аслида битта муассасада ишламоқда. Отаси — философия кафедрасининг мудир, ўғли эса худди шу кафедрада катта ўқитувчи бўлиб ишлайди, бу кафедра бўйсунадиган философия ва ҳуқуқ институтида унинг жияни ишлайди, мазкур институт аспирантурасида эса кизи ўқийди. Бундай фактлар, афсуски, ягона эмас, партия ташкилотлари эса зарур чоралар кўрмаяпти.

Партия комитетлари, олий ўқув юртларини бошқариш органлари ижтимоий фанлар ўқитувчиларини танлаш, жой-жойига қўйиш, улардан фойдаланиш ва тарбиялаш ишларини тубдан яхшилашлари, ижтимоий фанлар кафедралари фаолиятига раҳбарлик қилиш савиясини оширишлари лозим. Ҳозирча бу савия қайта қуриш талабларига тўла мос келмайди.

Кўпгина партия комитетлари олий ўқув юртлари, ижтимоий фанлар кафедралари, бошланғич партия ташкилотлари ишини йиллар давомида бирор марта ҳам муҳокама қилмайдилар. Ижтимоий фанлар кафедралари мудирларининг Бутуниттифок кенгашида область партия комитетлари студентларнинг марксча-ленинча тайёргарлиги, олий ўқув юртлари фаолияти масалаларини узок муддат давомида муҳокама қилмаган йирик ўқув марказлари қаторида Тошкент шаҳри ҳам тилга олинди. Сўнгги беш йил ичида студентларнинг марксча-ленинча тайёргарлиги, ижтимоий фанлар кафедралари фаолияти масалаларини Самарканд, Андижон, Фарғона шаҳар партия комитетлари бирор марта ҳам муҳокама қилмайдилар. Юкорида тилга олинган шаҳарларда анчагина микдорда йирик олий ўқув юртлари жойлашган-ку.

Олий ўқув юртларидаги ишлар аҳволига бундай эътиборсизлик, тўғрироғи лоқайдлик жиддий салбий оқибатларга олиб келади. Масалан, кейинги йилларда Тошкент халқ хўжалиги институтида, Тошкент политехника институтининг Навоийдаги филиалида мураккаб вазият, носоғлом социал-психологик микроклим юзага келди.

Партия комитетларининг эътиборсизлиги натижасида олий ўқув юртлари маҳаллий ҳаётга доир зарур социал-иқтисодий ахборотни олмаяптилар. Партия ходимлари улар билан жуда кам учрашиб турадиларки, бу олий ўқув юртларида ишлаётган жамиятшунослар родини етарлича баҳоламаслик ва тушунмасликдан гувоҳлик беради.

Партия комитетлари жамиятшунослар ўртасида партия қатламини кўпайтиришга эътиборни қаратишлари лозим. Ҳозир ижтимоий фанлар ўқитувчиларининг чорак қисми партия аъзоси эмас. КПСС тарихи курсини ўқиётган ўқитувчиларнинг 15 проценти, илмий коммунизмдан дарс берувчи ўқитувчиларнинг 27 проценти партиясиздир. Сиёсий иқтисоддан дарс берувчилар орасида партиясизлар проценти бундан ҳам юқоридир.

Олий ўқув юртларининг бошланғич партия ташкилотлари ишини кучайтириш олий мактабга партиявий раҳбарликни яхшилашда жуда катта аҳамиятга

эга. Бусиз қайта қуриш вазифаларини ҳал этиш, ижтимоий фанларни ўқитиш сифатини ошириш мумкин эмас. Бошланғич партия ташкилотлари олий мактаб қайта қурилишининг бутун боришини контрол қилишлари, ошкоралик, олий ўқув юртлари ҳаётида демократик асослар кенгайтирилишини таъминлашлари, комсомол ва қасаба союз ташкилотлари ролини оширишлари, олий ўқув юртлари барча илмий-педагог кадрларининг марксча-ленинча тайёргарлиги яхшиланишига эришишлари, ижтимоий фанлар кафедраларининг ролини оширишлари керак.

Жамиятшунослар кафедралари ижтимоий фанларни ўқитишнинг сифати ва самарадорлигини ошириш ишида ҳал қилувчи кучдир. Шу сабабли улар учун кадрлар тайёрлаш, улардан фойдаланиш, узлуксиз билим олишига доир барча масалалар олий ўқув юртлари ректоратлари, партия ташкилотлари, бошқариш органлари фаолиятида марказий ўринни эгаллаши керак.

Партия XXVII съездининг қарорлари, КПСС Марказий Комитети Сиёсий докладининг кўрсатмалари, партия Марказий Комитетининг «Коммунист» журнали тўғрисида»ги қарори барча жамиятшуносларга мамлакат ҳаётидаги ҳозирги бурилиш босқичида жамиятшуносликни қайта қуришнинг асосий проблемаларига реалистик, комплекс ёндашиш учун йўл-йўриқ беради. Бу ҳужжатлар жамиятшунослар учун фақат яқин давр учунгина эмас, балки истикболга ҳам мўлжалланган ҳақиқий дастуриламалдир.

Жамиятшуносликда ҳосил бўлган қуйқаларни бартараф этиш, мутахассисларда фақат теварак-атрофдаги дунёни билишга эмас, балки жамиятимиз янги сифат ҳолатига эришишига ҳам қаратилган янги тафаккур типини шакллантиришга доир ишни кучайтириш, илмий-назарий фикрни активлаштириб, уни амалиётнинг конкрет эҳтиёжлари билан боғлаш — жамиятшунослар олдида ана шундай муҳим вазифалар қўйилган. Ҳар бир кишининг бурчи бор кучи ва билимини жадаллаштириш ва қайта қуриш ишига, совет жамиятини янада такомиллаштиришга бағишлашдан иборат бўлмоғи керак.

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар

КПССНИНГ АКТИВ, ЯХЛИТ СОЦИАЛ СИЁСАТИ — МАМЛАКАТ РИВОЖИНИ ЖАДАЛЛАШТИРИШНИНГ ҚУДРАТЛИ ВОСИТАСИДИР

КПСС МКнинг партия XXVII съездида Сиёсий докладида бундай таъкидланган: «Жадаллаштириш йўли иқтисодий соҳада ўзгартишлардангина иборат эмас. У актив социал сиёсат юритишни, социалистик адолат принципини изчиллик билан қарор топтиришни кўзда тутди». КПСС социал соҳадаги аҳволни тубдан яхшилашни қайта куришнинг таркибий қисмларидан бири деб биладики, бу ҳақда М. С. Горбачевнинг КПСС МК 1987 йил январь Пленумидаги докладида яна бир бор қатъий уқтирилди. «Қайта куриш, — деб таъкидлади у, — социал соҳани устун даражада ривожлантириш, совет кишиларининг яхши меҳнат, турмуш, дам олиш шароитларига... бўлган талаб-эҳтиёжларини тобора тўлиқроқ қондириш демакдир». Кучли, яхлит социал сиёсат ғояси партиянинг илмий коммунизмга, марксизм-ленинизмнинг социал-сиёсий таълимотига қўшган йирик ижодий ҳиссасидир. Айни чоқда партия социал сиёсатни социал-иқтисодий ривожлантиришнинг, омма меҳнат ва ижтимоий-сиёсий активлигини юксалтиришнинг, янги инсонни шакллантиришнинг, жамият сиёсий барқарорлигининг муҳим омили сифатида социалистик турмуш тарзини барқарор этишнинг қудратли воситаси деб билади.

Темани ўрганишнинг қуйидаги плани тавсия этилади:

1. Ҳозирги босқичда КПСС социал сиёсатининг мазмуни ва асосий вазифалари.
2. Социал адолат принципини изчил барқарор этиб бориш.
3. КПСС XXVII съезди социал-синфий ва миллий муносабатларни такомиллаштириш тўғрисида.

ҲОЗИРГИ БОСҚИЧДА КПСС СОЦИАЛ СИЁСАТИНИНГ МАЗМУНИ ВА АСОСИЙ ВАЗИФАЛАРИ

Пропагандист ушбу масалани кўриб чиқишга киришар экан, тингловчиларнинг эътиборини шунга қаратадики, совет кишиларининг турмуш ва меҳнат шароитларини оғишмай яхшилаш, жамиятнинг ҳамма соҳаларида социал адолат принципини тобора тўлиқроқ амалга оширишни; синфлар ва социал гуруҳлар ҳамда табақаларни яқинлаштириш, ақлий меҳнат билан жисмоний меҳнат ўртасидаги, шаҳар билан қишлоқ ўртасидаги муҳим тафовутларни бартараф этишни; миллий муносабатларни такомиллаштириш, мамлакат миллатлари ва элатларининг қардошларча дўстлигини мустаҳкамлашни партия ҳозирги босқичда социал сиёсатнинг асосий вазифалари сифатида илгари суради. Совет кишиларининг ҳаётий талаб-эҳтиёжларини қондириш ҳаммавақт партиянинг энг муҳим программ талаби бўлиб келди ва шундай бўлиб қолаверади. Жами планларимиз ҳамда партия билан халқнинг уларни рўёбга чиқариш борасидаги амалий фаолияти инсон ҳақида, унинг ҳар тарафлама ва уйғун камол топиши учун тобора қулай шароитларни яратиш ҳақида ғамхўрлик руҳи билан сугорилгандир. «Ҳамма нарса инсон учун, ҳамма нарса инсон бахт-саодати учун» деган ўзгармас программ талаб экономикага партиявий, сиёсий ёндашишнинг бошланғич нуқтаси бўлиб хизмат қилди ва хизмат қилмоқда. Бунда партия ҳаммавақт В. И. Лениннинг социализмда ижтимоий ишлаб чиқариш «жамиятнинг барча аъзоларининг тўла фаровонлиги ва ҳар томонлама эркин ривожланишини таъмин этиш учун» ривожлантирилиши (Тўла асарлар тўплами, 6-том, 267-бет) тўғрисидаги кўрсатмаларига оғишмай амал қилмоқда.

Айнан социал соҳада иқтисодий фаолиятнинг натижалари рўёбга чиқади, меҳнаткашларнинг ҳаётий манфаатларига онд масалалар ҳал бўлади, социализмнинг

олий мақсадлари гавдаланади. Айнан шу соҳада социалистик тузумнинг инсонпарварлик табиати, унинг капиталистик тузумдан сифат жиҳатдан фарқ қилиши яққол намоён бўлади.

Инсон ҳақида, унинг учун ўз лаёкатларини ривожлантириш, моддий, маданий ва маънавий қобилиятларини қондиришга имконият яратиш шароитларини таъминлаш ҳақида ғамхўрлик қилиш — социалистик турмуш тарзининг муҳим белгисидир.

Аммо совет жамияти тарихининг турли босқичларида мамлакат меҳнаткашларининг моддий ва маънавий эҳтиёжларини қондиришда турлича имкониятларга эга бўлди. Ана шу объектив сабаблардан ташқари шуни ҳам кўрсатиб ўтиш керакки, партия XXVII съездида уқтирилганидек, яқин ўтмишда мамлакат социал-маданий соҳасининг моддий базасини ривожлантириш ва жадаллаштиришнинг етилган проблемаларига етарлича баҳо берилмагани, унинг учун етарли миқдорда ресурслар ажратилмаганлиги маълум бўлиб қолди.

Шундай бўлишига қарамай, КПСС ва Совет давлати халқ фаровонлигини изчил тарзда ва аниқ мақсадни кўзлаб қондириш йўлларида чиндан ҳам ғоят улкан муваффақиятларга эришди. Пропагандист ушбу шубҳасиз аҳволни куйидаги маълумотлар билан мустаҳкамлаши мумкин. Совет ҳокимияти йиллари мобайнида мамлакат аҳолисининг реал даромадлари шаҳарда 12 баравар, қишлоқда 19 баравар ошди. Фақат кейинги 30 йил ичида янги қурилган уйларга 240 миллион киши кўчиб ўтди. Гарантияланган иш ҳам, бепул медицина ёрдами олиш ҳам, қариганда моддий таъминот олиш ҳуқуқи ва ҳоказолар ҳам совет кишилари учун оддий ҳаёт нормаси бўлиб қолди.

Бирок халқ фаровонлигини ошириш соҳасида ҳали ҳам анча-мунча охиригача ҳал этилмаган проблемалар мавжуд. Чунончи, уй-жой масаласи айниқса бизнинг республикамизда кескинлигича қолмоқда. Ўзбекистон Компартияси XXI съездида қайд қилиб ўтилганидек, республика маҳаллий Советлари ижрокомларининг ўзида квартира олиш учун 250 минг оила навбатда турибди. Социал соҳага тааллуқли кўп масалаларни ҳал қилиш бўйича республика мамлакатда охириги ўринлардан бирини ишғол этади.

Пропагандист мамлакат ва республика социал соҳасидаги аҳволни, бу борадаги ютуқлар ва камчиликларни қисқача тавсифлагач КПСС XXVII съездининг ушбу масалага оид ҳужжатларини кўриб чиқишга ўтади.

Бунда шуни таъкидлаш лозимки, социал соҳани ривожлантиришга устун даражада аҳамият бериш КПСС МК Сиёсий докладынинг, янги таҳрирдаги партия Программасининг энг муҳим белгисидир.

Уларда таъкидланадиган, кучли социал сиёсат — жадаллаштиришнинг энг муҳим омилидир. У биринчи навбатдаги сиёсий талабни — марказий ва маҳаллий ҳокимият органларининг социал соҳа эҳтиёжлари томон қатъий бурилишини, кадрлар ишини социал жиҳатга қаратишни, уларнинг тафаккури ва психологиясини ана шу йўналишда чуқур қайта қуришни, социал вазифаларни ҳал этиш учун меҳнат коллективлари, жамоат ташкилотлари, барча меҳнаткашларнинг ижодий ташаббускорлиги резервлари ва имкониятларидан максимал даражада фойдаланишни ўз ичига олади. Кучли социал сиёсат марксча-ленинча дунёқарашнинг ва Ленин партияси сиёсатининг гуманистик принципларини ифодалайди ва янада ривожлантирадики, унинг марказида, юқорида қайд қилиб ўтилганидек, ҳамиша инсон ҳақида ғамхўрлик қилиш туради.

Хозирги шароитда КПСС ва Совет давлатининг социал сиёсатини тўла-тўқис ва ҳар тарафлама амалга ошириш учун объектив ва субъектив шароитлар етилди.

Бунда шуни кўрсатиб ўтиш лозимки, инсоннинг моддий фаровонлигини ва маънавий савиясини ошириш фақат унинг эҳтиёжларини қондириш билангина эмас, балки фан-техника тараққиёти, социал-иктисодий ривожланишни жадаллаштириш талаб қилаётган меҳнатга бўлган сифат жиҳатдан янгича қобилиятни шакллантириш билан ҳам чамбарчас боғлиқдир. «Ҳамма нарса инсон учун, ҳамма нарса инсон бахт-саодати учун» деган партия шиорининг мазмуни эндиликда «ҳамма нарса инсондан» деган янги талаб билан тўлдирилмоқда. Чунки социал сиёсат фақат халқ учун эмас, балки халқнинг ўзи томонидан ҳам амалга оширилади. Ана шу муносабат билан КПСС МКнинг партия XXVII съездида Сиёсий докладыда уқтирилдики, съезд белгиллаган планлар «қандай иш жойида меҳнат қилмасин, қандай лавозимни эгалламасин, ҳар бир совет кишиси қизғин ва самарали меҳнат қилган тақдирдагина рўёбга чиқади. Биз нима яратсак, шу бизники бўлади, биз шунга яраша яшаймиз ҳам». Энг биринчи ижтимоий бурч бўлган меҳнатга оғли, ижодий муносабатни шакллантирадиган социал сиёсатгина кучли сиёсат бўлиши мумкин. Пропагандист съездининг ҳамма ва ҳар бир киши партия белгилаб берган режалар тақдири учун юксак жавобгар бўлиши ҳақидаги қондасига тингловчиларнинг алоҳида эътиборини қаратиши лозим, токи уларнинг ҳар бири план топшириқларини бажариш ва ошириб бажариш учун, чиқарилаётган маҳсулот сифатини муттасил яхшилаш учун чуқур оғли муносабатда бўлсинлар.

Мамлакатни социал-иктисодий ривожлантириш перспектив планларида, деб таъкидлайди пропагандист, халқ фаровонлигини сифат жиҳатдан янги поғонага кўтариш

вазифаси қўйилмоқда. Совет кишиларининг турмушини яхшилашга сарфланадиган ресурслар ҳажмини 15 йил ичида икки барабар ошириш кўзда тутилган. Аҳоли жон бошига ҳисоблаганда реал даромадлар 1,6—1,8 барабар ортади.

Халқ фаровонлигини оширишга қаратилган тадбирлар системасида аҳолини sanoat товарлари ва хизматлар билан тўлароқ кондиритиш, бозорни хилма-хил маҳсулот билан тўлдиритиш, чиқарилаётган моллар сифатини ошириш ва ассортиментини кенгайтиритиш, хизмат кўрсатиш маданиятини яхшилаш, талаб билан таклиф ўртасидаги кескин номуносабликни йўқотиш масалаларига катта эътибор берилган. «Мободо, биз бозорни хилма-хил товарлар ва хизматлар билан таъминлай олмасак, — деб таъкидланади КПСС МКнинг партия XXVII съездида Сиёсий докладида, — таксимлаш муносабатларини такомиллаштиритиш борасидаги бутун куч-ғайрат кам самара беради, халқ фаровонлигини ошириш вазифаси эса бажарилмай қолаверади. Халқ истеъмоли моллари ишлаб чиқаришни ва хизматлар соҳасини ривожлантиритиш комплекс программаси ҳам ана шунга қаратилган».

Шу ўринда пропагандист тингловчиларга эслатиб ўтиши мумкинки, юқорида тилга олинган халқ истеъмоли моллари ишлаб чиқаришни ва хизматлар соҳасини ривожлантиритиш Комплекс программаси яқин 15 йилга мўлжалланган бўлиб, у КПСС МК ва СССР Министрлар Советининг 1985 йил сентябрдаги қарори билан тасдиқланган. У ривожланган жамиятимизнинг ҳозирги босқичдаги социал проблемаларини ҳал этиш ягона системасининг узвий қисмидир. Ун беш йил ичида бутун мамлакат бўйича ноозик-овқат моллари ишлаб чиқаришнинг умумий ҳажми 1,8 барабар, аҳолига маиший хизматлар кўрсатиш 2,27 барабар ортади.

Партия Марказий Комитети ва Совет ҳукумати халқ истеъмоли моллари ишлаб чиқаришни ва аҳолига маиший хизмат кўрсатиш соҳасини ривожлантиритиш Комплекс программасини муттасил назорат остида тутиб, такомиллаштирмоқдалар. КПСС МК ва СССР Министрлар Советининг 1986 йил 6 майда матбуотда эълон қилинган «Енгил sanoatда халқ истеъмоли моллари ишлаб чиқаришни планлаштиритишни яхшилаш, иқтисодий жиҳатдан рағбатлантиритиш ва уни бошқаришни такомиллаштиритиш тўғрисида»ги қарори бунинг далили бўлиб хизмат қилиши мумкин. КПСС МК ва СССР Министрлар Советининг 1986 йил 5 августда «Правда»да эълон қилинган «Давлат савдоси ва матлубот кооперациясида планлаштиритишни, иқтисодий рағбатлантиритишни ва бошқаришни такомиллаштиритиш тўғрисида»ги қарори ҳам ана шундан далолат беради.

Съезд ҳужжатларида мамлакат аҳолисини озиқ-овқат билан янада тўлароқ таъминлашга катта эътибор берилган. Партиянинг КПСС МК 1982 йил май Пленуми қарорларида, СССР Озиқ-овқат программасида таърифланган ҳозирги аграр сиёсати ана шунга қаратилган. Программани бажариш борасида дастлабки тўрт йил ичида олиб борилган ишлар аҳоли жон бошига ҳисоблаганда гўшт истеъмол қилишни 4 килограмм, сут ва сут маҳсулотларини 32 килограмм, тухум истеъмол қилишни 16 донга кўпайтиритиш имконини берди.

КПСС XXVII съезди МКнинг 1982 йил май Пленумидан ҳамда СССР Озиқ-овқат программаси қабул қилинганидан кейин кишлоқ хўжалиги ва у билан боғлиқ бўлган тармоқларнинг моддий-техника базасини ривожлантиритиш учун анча-мунча ишлар қилинганлигини қайд этиб, айни чоқда уқтирдик, «кишлоқ хўжалигининг қолоқлигига барҳам бериш суст кечмоқда. Ун иккинчи беш йилликдаёқ озиқ-овқат таъминотини сезиларли даражада яхшилаш учун аграр секторда қатъий бурилиш қилиш керак».

КПСС МК ва СССР Министрлар Советининг 1986 йил 6 августда матбуотда эълон қилинган «Ун иккинчи беш йилликда мамлакат дон хўжалигининг барқарорлигини кучайтиритиш ва дон-ем ресурсларини кўпайтиритиш тадбирлари тўғрисида»ги қарори озиқ-овқат проблемасининг мазкур вазифаларини таъминлашга қаратилгандир. КПСС МКнинг «Меҳнатни ташкил этишнинг оқилона формалари ва хўжалик ҳисобини жорий этиш асосида кишлоқ хўжалигида меҳнат унумдорлигини оширишнинг кечиктириб бўлмайдиган тадбирлари тўғрисида» 1986 йил декабрда қабул қилган қарори ҳамда ушбу қарорни рўёбга чиқариш юзасидан партия ташкилотлари, совет ва хўжалик органларининг вазифаларига бағишлаб 1987 йил 23 январда партия Марказий Комитетиде чақирилган кенгаш партиянинг мамлакат аҳолисини озиқ-овқат билан яхшироқ таъминлаш тўғрисидаги ғамхўрлигининг янги бир ёрқин кўриниши бўлди.

Уй-жой каби кескин проблемани ҳал этиш соҳасида ҳам туб вазифалар қўйилди. Пропагандист тингловчиларга шунини эслатадик, бизда граждaнларнинг уй-жойли бўлиш ҳуқуқи факат эълон қилинибгина қолмай, балки СССР Конституциясида мустаҳкамлаб қўйилган ҳам. Бу соҳада катта натижаларга эришилди. Шу кунгача шаҳар оилаларининг 80 процентдан кўпроғи алоҳида квартираларда яшайди. КПСС XXVII съезди 2000 йилгача ҳар бир оилани алоҳида квартира ёки шахсий уй билан таъминлаш вазифасини қўйди.

Пропагандист партия йўлининг меҳнаткашлар оммаси моддий аҳволини ва турмуш шароитларини тубдан яхшилашга қаратилган асосий йўналишларини уқтириб, XII беш

йилликда республикани социал ривожлантириш планлари устида қисқача тўхталиб ўтиши мумкин. Бу масалага оид материални Ўзбекистон Компартияси ХХІ съезди ҳужжатларидан («Ўзбекистон коммунисти» журнаlining 1986 йил 2-сони) ва журналда эълон қилинган «Ўн иккинчи беш йиллик — мамлакат социал-иқтисодий ривожда туб бурилиш беш йиллиги» методик маслаҳатларидан («Ўзбекистон коммунисти», 1986, № 10, 57—59-бетлар) топиш мумкин.

Теманинг биринчи масаласини қўриб чиқишни тугаллаш пайтида шуни айтиш керакки, ўн иккинчи беш йилликнинг биринчи йилиёқ мамлакат меҳнатқашлар оммасининг фаровонлигини оширишда анча шахдам кадамлар билан бошланди. М. С. Горбачев совет халқига Янги йил мурожаатномасида қайд этганидек, ўтган йили «...социал проблемаларни янада активроқ ҳал этиш сари бурилиш бошланди».

Республикамиз бўйича 1986 йил якунларига келганда, бу борада, Ўзбекистон Компартияси МК биринчи секретари И. Б. Усмонхўжаевнинг 1987 йил 24 январда республика қасаба союзлари ХІІІ съездидаги нутқида қайд қилинганидек, «экономиканинг социал самарадорлиги кучайди. Уй-жой, мактаблар, болалар ва даволаш муассасалари кўпроқ қурилди. Транспорт, алоқа, савдо, маиший хизмат, соғлиқни сақлаш, маориф, маданият ва санъат проблемаларига эътибор ошди».

Шу билан бирга республикада қайта қуриш жараёни, шу жумладан социал соҳада ҳам суст кечмоқда. План топшириқлари социал соҳанинг кўп йўналишлари бўйича бажарилмай қолди. Бу ҳақда Ўзбекистон Компартияси Марказий Комитетининг 1987 йил 14 январда бўлиб ўтган ва ўтган йил якунларини муҳокама қилган Бюросида жуда принципал тарзда айтиб ўтилди.

Пропагандист шу йилга мўлжалланган асосий социал вазифалар ҳақида гапириб, эътиборни КПСС МК 1987 йил январь Пленуми ҳужжатларига, шунингдек СССР Олий Совети олтинчи сессияси материалларига, жумладан, сессия 1986 йил 19 ноябрда тасдиқлаган 1987 йилги СССРни иқтисодий ва социал ривожлантириш давлат плани тўғрисидаги қонунга қаратиши керак.

СОЦИАЛ АДОЛАТ ПРИНЦИПНИ ИЗЧИЛ БАРҚАРОР ЭТИБ БОРИШ

Ушбу масалани баён этишни бошлаганда пропагандист КПСС ХХVII съезди экономиканинг социал йўналишига эътиборни алоҳида равишда қаратганлигини қайд қилади. КПСС МК 1987 йил январь Пленуми материалларида ҳам бу яна бир бор қаттиқ уқтирилди.

Партия социал адолат принципларини барқарор этиш учун курашга қаратилган йўлни қатъий тарзда амалга оширмоқда. Бу йўлни КПСС МК 1985 йил апрель Пленуми белгилаб берди. Пленум «моддий ва маънавий неъматларни тақсимлашда социал адолатни мустаҳкамлаш йўлини изчил амалга ошириш» зарурлигини таъкидлади. Мазкур йўл КПСС ХХVII съезди ҳужжатларида, партия МКнинг ва Совет ҳукуматининг кейинги қарорларида, КПСС МК Бош секретари М. С. Горбачевнинг, партия ва Совет давлати бошқа раҳбарларининг нутқларида чуқур асослаб берилди ва ривожлантирилди.

Партия социал адолат ҳақидаги ана шу талабни илгари сураётган экан, шу масала юзасидан марксча-ленинча таълимотнинг асосий қоидаларига, реал социализмнинг тажрибасига таянади. Пропагандист тингловчиларнинг эътиборини шунга қаратадики, социал адолат — меҳнат аҳлининг азалий орзусидир. Аммо бу орзу фақат социалистик жамиятдагина ушалиши мумкин.

В. И. Ленин коммунистик формациянинг қарор топишини анализ қилиб, эътиборни социал адолатнинг аста-секин амалга ошишига қаратган эди. В. И. Ленин Улуғ Октябрь ғалабаси арафасида ёзилган «Давлат ва революция» асарида К. Маркснинг коммунизмнинг биринчи фазасида адолат тўғрисидаги масала борасидаги қондасини қувватлаб таъкидлаган эдики, даставвал жамият «айрим шахсларнинг ишлаб чиқариш воситаларини қўлга киритиб олишларидан иборат бўлган «адолатсизликни»гина» йўқ қилади (ТАТ, 33-том, 108-бет).

Бизнинг мамлакатимизда Совет ҳокимияти ўрнатилгандан кейин кўп вақт ўтмай ишлаб чиқариш воситаларининг хусусий мулклиги тугатилиши билан социал адолатни барқарор этиш сари биринчи қадам қўйилдики, ўша пайтда ҳар бир киши, В. И. Ленин уқтирганидек, «*ўзига ишлаши учун* имконият»га эга бўлди (ТАТ, 35-том, 216-бет).

Социалистик тузум мустаҳкамлана борган, унинг иқтисодий қудрати ўсган, омманинг социал ва сиёсий активлиги оша борган сари социализмда ижтимоий муносабатлар принциплари бўлмиш социал адолатни турмушга тўла-тўқис ошириш учун объектив ва субъектив шарт-шароитлар вужудга кела болади. Унда жамиятимизнинг барча граждандар тенглигини барқарор этувчи маънавий-ҳуқуқий ва социал-сиёсий

нормалари жамлангандир. Социал адолат принципи социал сиёсатнинг ҳамма жиҳатларига сингиб кетган. У энг аввало чуқур социал туб ўзгаришларда, меҳнат аҳлининг моддий эҳтиёжлари ҳақида ҳам, маънавий камол топиши ҳақида ҳам тобора кўп гамхўрлик кўрсатишда намоён бўлади, кундалик ишларимиз руҳига сингиб кетади, ҳар бир киши ниятларининг софлиги ва ишларининг самимийлиги текшириладиган талаб ўлчовига айланади.

Социал адолат ижтимоий муносабат бўлиб, кишилар социал тенглигининг юксак даражаси билан, жумладан ҳуқуқлар ва бурчларнинг реал тенглиги, ҳамманинг қонун олдидаги тенглиги билан характерланади. Социал адолатни баъзан социалистик адолат деб аташадик, бу мазмун жиҳатдан мутлақо тўғридир. Чунки у социализмнинг «Ҳар кимдан — қобилиятига яраша, ҳар кимга — меҳнатига яраша» деган энг муҳим принципнинг моҳиятини ўз ичига олади. Аммо ушбу принцип тўла-тўқис амал қилиши учун меҳнатга пухта ўйлаб ҳақ тўлаш, ҳар бир кишининг қўшадиған ҳиссасини аниқ ҳисобга олиш лозим.

Партия кишилар ҳаётининг яхшиланиши уларнинг меҳнат ва ижтимоий ҳиссасининг ўсиши билан чамбарчас боғлиқ бўлиши учун курашмоқда. Социал адолат турмушда гавдаланиши учун, деб қайд қилади пропагандист, меҳнатни ташкил этишни, нормалашни ва унга ҳақ тўлашни такомиллаштириш, партия талаб қилаётганидек, ҳалол ва юксак малака билан бажарилган меҳнат муносиб тарзда ҳақ олишига эришиш, ҳамма-ҳамма ерда текисчилик олдиға икки қатор тўсик қўйиш лозим. М. С. Горбачев КПСС МКнинг партия XXVII съездиға Сиёсий докладыда ана шу муносабат билан қатъий қилиб бундай деди: «Бу ҳусусда мутлақо аниқ қилиб шундай дейиш лозим: яхши ходим билан ношуд ходим меҳнатига бир ҳилда ҳақ тўланса — принципларимизни кўпол равишда бузиш бўлади. Бинобарин, энг аввало бу — янги ижтимоий тузумға хос социал адолатнинг моҳиятини белгилловчи социализмнинг: «Ҳар кимдан — қобилиятига яраша, ҳар кимга — меҳнатига яраша» деган асосий принципини йўл қўйиб бўлмайдиған даражада бузиш бўлади». КПСС МК 1987 йил январь Пленумининг ҳужжатларида ҳам текисчиликни қатъиян тағ-томири билан йўқотиш зарурлиги уқтирилди.

Шу ўринда пропагандист эслатиб ўтиши керакки, социал адолат фақат моддий соҳагиниға эмас, бошқа соҳаларни ҳам ўз ичига олади.

Бу масала қўриб чиқилаётганда шунн уқтириш лозимки, «социал адолат» ва «тенглик» тушунчаларини айнан бир нарса деб кўрсатиш ярамайди. Улар ўртасидаги нисбат тарихий характерға эға. В. И. Ленин социализмда «адолатсизликни, яъни истеъмол буюмларини (эҳтиёжға қараб эмас, балки) «ишға қараб» тақсим қилишдан иборат бўлған адолатсизликни бирданиға» йўқ қилиб бўлмайди (ТАТ, 33-том, 108-бет) деб кўрсатған эди. Шу босидан ишлаб чиқарувчи қучлар ривожининг хозирги босқичида жамиятда неъматларни меҳнатнинг миқдори ва сифатиға қараб тақсимлашни кишилар адолатли иш деб тушунадилар. Мабодо ана шу принципдан четлашиладиған бўлса, бу ҳол ҳамма томонидан адолатсизлик деб топилади. Бу ўринда социал адолат билан кишиларнинг социал тенглиги бир-бириға мос келишиға коммунистик жамиятнинг юкори фазасида эришилиши ҳақидаги фикрни таъкидламоқ лозим.

Социал адолат тантана қилиши учун, деб таъкидлайди пропагандист, ҳар қандай антисоциал ҳолатларға — ичкиликбозлик, текинхўрлик, безорилик, ҳусусий мулкчилик психологияси, тамағирлик, халқ ҳисобидан бойиб олиш, меҳнатсиз даромадлар эвазига тўқ яшаиш ҳолатларига барҳам бермоқ лозим. Бу ўринда яқин ўтмишда социал адолат принципларини бузувчиларға қарши кураш сусайиб кетганлигини кўрсатиб ўтиш керак. Социалистик давлатнинг, бутун жамиятнинг меҳнат меъёри билан истеъмол меъёри устидан контрол қилиб туриши сусайиши айрим шахсларға бевислики топилған пул ҳисобига бадавлат яшаиш имконини беради, уларға меҳнатсиз даромадлар олиш учун қулай шароит яратади. Бундай салбий ҳолатлар айрим хўжалик ходимлари, умумий овқатланиш, савдо, медицина ва ўқув юртлари ходимлари фаолиятида кенг ёйилди. Бундай кишилар бизнинг ахлоқимизға, қўпинча эса қонунимизға зид иш тутадилар, жамиятға фақат моддий эмас, балки маънавий ҳам зарар келтирадилар, совет кишиларининг энг беқарор қисминн, айниқса ёшларни бузадилар.

Ана шу ярамас ҳоллар ҳақида КПСС XXVII съездида, унинг Марказий Комитетининг 1987 йил январь Пленумида очик-ошқора гапирилди. «Салбий жараёнлар социал соҳаға жиддий таъсир ўтказди, — деб қайд қилди М. С. Горбачев Пленумдаги докладыда. — Қонунларға нисбатан менсимай муносабатда бўлиш, кўзбўймачилик ва порахўрлик, лағанбардорлик ва сафсатабозликни рағбатлантириш фактлари жамиятдаги маънавий муҳитға жуда ёмон таъсир ўтказди. Одамлар ҳақида, уларнинг турмуш ва меҳнат шароитлари, социал қайфияти тўғрисида чинакам гамхўрлик қилиш ўрниға қўпинча сиёсий тилёғламалик қилинди — орден ва медаллар, мукофотлар, унвонлар оммавий равишда тарқатила берди. Ҳамма нарса кечириладиған вазият вужудға келди, талабчанлик, интизом, жавобгарлик пасайиб кетди».

Партия ва Совет давлати КПСС XXVII съезди қарорларини амалга ошира бориб ва совет халқининг кенг мададига таяниб, социалистик мулкни талон-торож қилувчиларга, порахўрларга, текинхўрларга, олибсотарларга, хусусий мулкчилик психологиясига берилган ҳамма кишиларга қарши ҳужумни бошлаб юборди.

1986 йил 28 майда матбуотда КПСС МКнинг «Меҳнатсиз даромадларга қарши курашни кучайтириш тадбирлари тўғрисида»ги қарори, СССР Министрлар Советининг худди шу номдаги қарори ва СССР Олий Совети Президиумининг «Меҳнатсиз даромадларга қарши курашни кучайтириш тўғрисида»ги Фармони эълон қилиндики, булар социалистик мулкни ўғирлаш, олибсотарлик, порахўрлик, қўшиб ёзишлар, тамагирлик, ғаразли мақсадларни қўзлаб хизмат мавкедан фойдаланиш ва ғайриқонуний бошқа хил ишлар билан шуғулланувчи кишиларга қарши қаратилгандир. Партия ва давлатнинг ана шу директив ҳужжатлари янада кучайтирилиб, 1986 йил 30 ноябрда матбуотда КПСС МКнинг «Социалистик қонунчилик ва ҳуқуқ-тартиботни янада мустахкамлаш, граждандарнинг ҳуқуқларини ва қонуний манфаатларини қўриқлашни кучайтириш тўғрисида»ги қарори эълон қилинди. Партия Марказий Комитетининг ҳужжатида қайд этилдики, КПСС XXVII съездининг йўл-йўриқларига мувофиқ мамлакатда қўшиб ёзишларни, қўзбўямачиликни йўқотишга, ичкиликбозлик ва алкоголизмни бартараф этишга, меҳнатсиз даромадлар олишга қарши курашни кучайтиришга қаратилган қонун, ташкилий ва тарбиявий характердаги тадбирлар изчиллик билан амалга оширилмоқда. Социалистик қонунчилик ва ҳуқуқ-тартиботни, граждандарнинг ҳуқуқлари ва қонуний манфаатларини қўриқлашни таъминлашга қаратилган иш эса ҳали етарлича самарали эмас ва замоннинг, коммунистик қурилиш ҳозирги босқичининг талабларига ҳали тўла-тўқис жавоб бераётми. Қарорда социалистик қонунчилиكنи ва ҳуқуқ-тартиботни мустахкамлаш, граждандарнинг ҳуқуқлари ва қонуний манфаатларини қўриқлашни кучайтириш тадбирлари аниқ белгилаб берилди.

Меҳнатсиз даромадларни қатъият билан тубдан йўқотиш чора-тадбирлари, деб қайд этади пропагандист, жамиятда мамнуният билан кутиб олинди. Текинхўрларча яшайдиган кишиларга қарши кураш ишида меҳнат коллективлари ҳақидаги қонундан кенгрок фойдаланмоқ лозим. Бебилски топилган даромад билан яшайдиган шахслар теварагида умумий қоралаш ва тоқат қилмаслик муҳити яратилиши керак, токи улар ўз ғайриқонуний қилмишлари учун муқаррар жазо олишларини билсинлар.

Партия, совет органлари, кенг жамоатчилик ғайриқонуний ишлар билан меҳнатсиз даромад олаётган кишиларга қарши кураш олиб бораётганлиги муносабати билан пропагандист шунини тушунтириши керакки, бу ишлар ўз иш ҳақида қўшимча равишда қонуний асосда даромадлар олиш ниятида индивидуал меҳнат фаолияти билан шуғулланаётган ҳалол совет меҳнатқашларига тааллуқли эмас. Шу муносабат билан КПСС МКнинг партия XXVII съездида Снесьий докладида тўғридан-тўғри уқтириладики, «меҳнатсиз топилган даромадларга чек қўйиб, ҳалол меҳнати билан қўшимча иш ҳақи оладиган кишиларни шубҳа остига қўйишга йўл қўйиб бўлмайди. Бундан ташқари, давлат аҳолининг талаб-эҳтиёжларини қондиришнинг ва унга хизмат кўрсатишнинг турли формаларини ривожлантиришга қўмаклашаверади. Индивидуал меҳнат фаолиятини тартибга солиш ҳақидаги таклифларни диққат билан кўриб чиқиш керак». КПСС МК 1987 йил январь Пленуми ҳам партия ва совет органларининг эътиборини ана шунга қаратди.

КПСС XXVII съездининг йўл-йўриқларига мувофиқ ССР Иттифоқи Олий Советининг олтинчи сессияси индивидуал меҳнат фаолияти тўғрисида СССР Қонунини қабул қилди. СССР Конституциясига ва ушбу Қонунга мувофиқ кустар-хунармандчилик ишлари соҳасида, аҳолига маиший хизмат кўрсатишда, шунингдек фаолиятнинг бошқа турларида индивидуал фаолиятга йўл қўйилади, «бундай фаолиятлар фақат граждандарнинг ва улар оилалари аъзоларининг шахсий меҳнатига асосланган бўлиши керак». Индивидуал меҳнат фаолияти, деб ҳулоса қилади пропагандист, бу иш билан шуғулланаётган граждандарга ҳам, бутун жамиятга ҳам фойдалидир. Индивидуал меҳнат фаолияти тўғрисидаги СССР Қонуни шу йилнинг 1 майидан қучга қиради.

Ичкиликбозлик ва алкоголизм катта иллат, социал адолатни тўла-тўқис амалга ошириш йўлидаги тўсиқ бўлиб, буларни йўқотиш илгаригидек энг зарур вазифалардан бири бўлиб қолмоқда.

Пропагандист теманинг ушбу масаласини кўриб чиқишни тугаллар экан, қайд этадики, партиянинг совет жамияти социал соҳасини тубдан ўзгартишга қаратилган йўлини амалга оширишда сезиларли силжишлар бўлишига қарамай, ҳали жуда кўп иш қилишга тўғри келади. М. С. Горбачев КПСС МКнинг 1987 йил январь Пленумидаги докладида кўрсатиб ўтганидек, «умуман, биз социал соҳани ривожлантиришда туб ўзгаришларга эриша олмадик ва талай даражада эскича ёндашувлар асири бўлиб қолмоқдамиз».

Пропагандист ўз қорхонаси, муассасаси, ташкилоти материалларига асосланиб коллективда социал адолат юксак принципларини турмушга изчил равишда ошириш

учун кураш кандай олиб борилаётганлигини, ичкиликбозлар, алкоголикларга, бошқалар ҳисобидан яшаш ишқибозларига ҳамда бизнинг ахлоқимиз ва совет қонунларимизни бузувчиларга қарши кандай чоралар кўрилаётганлигини кўрсатиб бериши керак. Контрол қилиш билан кучайтириладиган адолат, танкид ва ўз-ўзини танкид. — деб ҳулоса қилади пропагандист, — бу ҳозирги кунда бизнинг маънавий муҳитимизни соғломлаштириш учун, жамиятни янгилаш учун курашнинг асосий воситаларидан бирidir.

КПСС XXVII СЪЕЗДИ СОЦИАЛ-СИНФИЙ ВА МИЛЛИЙ МУНОСАБАТЛАРНИ ТАКОМИЛЛАШТИРИШ ТЎҒРИСИДА

Пропагандист теманинг ушбу масаласини кўриб чиқишга ўтар экан, социал-синфий ва миллий муносабатларни такомиллаштириш КПССнинг актив, яхлит социал сиёсатининг энг муҳим таркибий қисмларидан бирidir, деб қайд қилади. Партия синфий тафовутларни бартараф этиш, шаҳар билан қишлоқ, ақлий меҳнат билан жисмоний меҳнат ўртасидаги муҳим тафовутларни йўқотиш, миллий муносабатларни такомиллаштириш юзасидан олиб бораётган иш социал адолат принципини рўёбга чиқаришда катта аҳамиятга молик.

Пропагандист тема масаласининг социал-синфий муносабатларни такомиллаштиришга бағишланган биринчи қисмини кўриб чиқишга киришар экан, қайд этадики, ҳозирги шароитда синфий тафовутларнинг йўқолиши, синфлар ва социал группаларнинг яқинлашуви, жамиятнинг социал-синфий бир хиллигининг ташкил топиши жараёни кучаймокда, партиянинг улкан программ мақсади бўлмиш синфсиз жамиятнинг белгилари яққол кўрина бошлади.

Ишчилар синфи жамиятнинг етакчи кучи ва социал-синфий бир хилликка ҳамда социал тенгликка эришишнинг оммавий гарантidir. «Совет жамиятида ишчилар синфи, — деб қайд этилади КПСС МКнинг партия XXVII съездига Сиёсий докладида, — авангард ўринга эга. Ишчилар синфи социалистик ишлаб чиқариш системасидаги ўз мавқеи, сиёсий тажрибаси, юксак оқиллиги ва уюшқоклиги, меҳнат ва сиёсий активлиги туфайли жамиятимизни жиёслаштиради, социализмни такомиллаштиришда, коммунистик қурилишда етакчи роль ўйнайди».

СССРда 1970 йилдан 1985 йилгача ишчиларнинг ўртача йиллик сони 65 миллиондан 81 миллионга етди. Республикамизда саноат қурилиши кенг кўламда авж олиши муносабати билан бунда ишчилар синфининг ўсиш суръатлари умумиттифок кўрсаткичларидан анча юқорidir. 1970 йилдан 1985 йилгача бутун мамлакатда ишчилар синфининг сони тахминан 25 процент ўсган бўлса, Ўзбекистонда 80 процент ўсди ва ҳозир 3,2 миллион кишидан кўпроқдир.

Совет жамиятида ишчилар синфининг етакчилик ролини мустаҳкамлаш унинг ғоявий-сиёсий етуқлиги, маълумоти ва касб малакаси ўсиши билан шубҳасиз боғлиқ бўлиб, бу КПСС XXVII съездида яна бир бор қаттиқ таъкидланди.

1970 йилда мамлакатда ҳар 1000 ишчига 590 та олий ва ўрта (тўлиқ ва тўлиқсиз) маълумотли киши тўғри келган бўлса, 1984 йилда 825 та шундай киши тўғри келди. Маълумот даражасининг ўсиши билан бир қаторда ишчилар синфи асосий оммасининг малакаси ҳам оғишмай ошиб бормокдаки, бу фан-техника революцияси шароитида ғоят зарурдир.

Республика ишчилар синфининг ҳиссини оширишда ҳамда республика иқтисодий ва ижтимоий-сиёсий ҳаётида унинг етакчилик ролини кучайтиришда мамлакатнинг шубҳасиз ютуқларини қайд этиб, пропагандист хали бу соҳада анча-мунча ҳал этилмаган проблемалар сақланиб қолганлигини уқтиради. Ҳанузгача айрим тармоқларда қўл меҳнатининг салмоғи катта. Чунончи, Ўзбекистон саноатида унинг улуши 50,8 процентдир. Айрим республикаларда ишчилар синфи сафларининг умуман тез ўсиб бораётганлиги билан бирга унинг миллий кадрлари анча суст ўсмоқда. РСФСР ҳамда мамлакатнинг саноат жиҳатдан ривожланган бошқа республикалари Ўзбекистонга ва Ўрта Осиёнинг бошқа республикаларига ишчилар синфининг миллий кадрларини тайёрлашда катта ёрдам кўрсатмоқдалар.

Ҳозирги шароитда СССРда зиёлилар жадал ўсиб бормокда ва уларнинг ижтимоий ҳаёт ва ишлаб чиқаришдаги роли ошмоқда. Олий ва ўрта таълимнинг ўсиши, фан-техника революциясининг кенг авж олиши натижасида асосан ақлий меҳнат билан шуғулланувчи ходимларнинг умумий сони мамлакатда 1939 йилдаги 13 миллиондан 1985 йилда 43 миллионга, Ўзбекистонда эса — 54,6 мингдан 1 миллион 318 мингга етди.

Ишчилар синфи билан зиёлиларнинг муттасил ўсиши совет жамияти социал структурасининг ривожланган социализмнинг етук даражасига мослигининг муҳим кўрсаткичидир.

КПСС аграр ва социал сиёсатини изчил амалга ошириш натижасида ҳозирги босқичда аҳолининг меҳнат ва турмуш шароити жиҳатдан шаҳар билан қишлоқнинг бири-бирига муттасил яқинлашуви содир бўлмокда.

В. И. Ленин «кишлокнинг хўжалик жиҳатдан ва маданий жиҳатдан қолоқлигининг энг чуқур асосларидан бири бўлган» шаҳар билан кишлоқ ўртасидаги қарама-қаршилиқни йўқотишни «коммунистик қурилишнинг асосий вазифаларидан бири» (ТАТ, 38-том, 146—147-бетлар), деб ҳисоблар эди. СССРда шаҳар билан кишлоқ ўртасидаги қарама-қаршилиқ социализм қуриш жараёнида тугатилди, шу билан бирга ҳали шаҳар билан кишлоқ ўртасида жиддий тафовутлар сақланиб қолмоқдаки, лекин улар антагонистик характерга эга эмас.

Ҳозирги шароитда КПСС, республикаларнинг партия ташкилотлари шаҳар билан кишлоқ ўртасидаги социал-иқтисодий тафовутларни бартараф этиш юзасидан аниқ мақсадни кўзлаб иш олиб бормоқдалар. Кишлоқда давлат кишлоқ хўжалик қорхоналарининг, биринчи навбатда совхозларнинг салмоғи муттасил ошмоқда ва, табиийки, колхозлар салмоғи камаймоқда. Айниқса янги ерларни кенг қўламда ўзлаштириш муносабати билан ушбу жараён Ўзбекистонда ҳам жадал кечмоқда. Республикада 1970 йилдан 1985 йилгача колхозлар сони 1038 дан 856 тагача камайдн, айни чоқда совхозлар сони 361 дан 1097 гача, ёки 3 баравардан зиёд кўпайди. Бунинг натижасида кишлоқ аҳолиси составида ишчилар синфи аграр отрядининг жадал ўсиши жараёни бормоқда. Ўзбекистонда 1970 йилдан 1985 йилгача совхозлар ходимлари сони 392,2 мингдан 958,6 мингга кўпайди. Айни чоқда эса колхозчилар сони деярли ўн минг кишига қисқарди. КПСС агросаноат интеграциясини, хўжаликлараро ва колхоз-совхоз бирлашмаларини ривожлантиришни истикболда давлат ва колхоз-кооператив мулкнинг қўшилиб кетиши деб билади. Улар колхозларни ҳам, совхозларни ҳам ўз ичига олади, кишлоқ хўжалик маҳсулотини қайта ишлаш бўйича давлат қорхоналари билан ҳам қўшилишади. Агросаноат комплекси ташкил топди. Хўжаликлараро кооперация ва агросаноат интеграцияси негизида кишлоқ хўжалик ишлаб чиқаришининг концентрациялашуви ва ихтисослашуви кишлоқни фақат иқтисодий жиҳатдан эмас, балки социал жиҳатдан ҳам ривожлантиришнинг кенг йўлларида биридир.

Экономика аграр секторини техника билан кўпроқ қуроллантира бориш натижасида кишлоқ хўжалик меҳнатининг энергия билан қуролланиш даражаси орта боради. Чунончи, Ўзбекистонда у бир ходим ҳисобига 1970 йилдаги 7,8 от қучидан 1985 йилда 13,2 от қучига, ҳар 100 гектар экин майдони ҳисобидан эса 318 дан 702 от қучига етди.

Ҳозирги шароитда кишлоқ хўжалигида ишларни янада механизациялаш борасида олға томон одим ташланди. Масалан, Ўзбекистонда ҳозир ушбу тармоқда ишларнинг қарийб ярми механизациялашган. Афсуски, ҳали ҳам кишлоқда қўл меҳнатининг, малакасиз меҳнат қилувчи ходимларнинг салмоғи катта.

Шуни қайд қилиш керакки, ҳозирги босқичда аҳолининг синфлар ва социал гуруппалари маълумоти даражасидаги жиддий тафовутни жадал бартараф этиш жараёни кечмоқдаки, бунн Ўзбекистон мисолида яхши кўриш мумкин. Чунончи, 1959 йилда республикада ҳар 1000 кишига олий ва ўрта (тўлиқ ва тўлиқсиз) маълумотли 389 ишчи тўғри келган бўлса, 1979 йилда 817 та шундай ишчи, хизматчилар тегишли тартибда — 913 ва 984 та, колхозчилар — 352 ва 778 та, шаҳар аҳолиси 192 ва 873 та, кишлоқ аҳолиси — 27 ва 829 та тўғри келди; асосан жисмоний меҳнат билан банд бўлган ходимлардан 362 ва 804 та, аклий меҳнат ходимларидан — 896 ва 984 та тўғри келди.

Кишлоқ ва шаҳар аҳолисининг турмуш даражасини бир-бирига яқинлаштириш каби муҳим социал вазифани ҳал этишда олға томон катта одим ташланди. В. И. Ленин Совет ҳокимияти тонгидаёқ «аҳолининг қоят кўпчилиги бўлган деҳқонлар аҳолисининг турмушини қуриш масаласи — биз учун энг асосий масаладир» деб кўрсатган эди (ТАТ, 45-том, 283-бет).

Партиянинг мамлакат, шу жумладан Ўзбекистон ишчилари, хизматчилари ва колхозчиларининг даромадлари даражасини бараварлаштириш борасидаги сиёсати изчил амалга оширилмоқда. 1965 йилдан 1985 йилгача республикада колхозчилар меҳнатига тўланадиган ўртача ойлик ҳақ 70,4 сўмдан 134 сўмга етди, яъни 1,8 баравар ошди, ишчи ва хизматчиларнинг ўртача иш ҳақи 1970 йилдан 1985 йилгача 114,8 сўмдан 163 сўмга етди ёки 1,4 баравар кўпайди. Бунинг натижасида колхозчилар билан ишчилар меҳнатига тўланадиган ҳақ даражаси анча яқинлашди. 1960 йилда республикада колхозчилар меҳнатига тўланадиган ҳақ индустрия ишчилари иш ҳақи даражасининг 42,3 процентини ташкил этган бўлса, ҳозир — қарийб 80 процентини ташкил этади. Ҳозирги беш йилликда ҳам колхозчилар даромадларини анча жадалроқ ўстириш тенденцияси сақланмоқда.

Кишлоқ аҳолиси турмуш маданиятини ошириш, унинг турмуш шароитини шаҳарликларга максимал даражада яқинлаштириш партия илгари сурган ва изчил амалга ошираётган муҳим социал вазифадир. Ҳозир ўрта ҳисобда республиканинг ҳар бир кишлоқ аҳолисига 11,1 квадрат метр уй-жой, яъни шаҳар аҳолисига қанча тўғри келса, худди шунча тўғри келмоқда.

Республика кишлоқда уй-жой қурилиши борасида муайян ютуқларга эришганлиги-

га карамай, у аҳолининг ўсиш суръатларидан анча орқада қолмоқда ва унинг ўсиб кетган эҳтиёжларига жавоб бераётир. Ўзбекистон Компартияси ХХІ съезди ҳақли равишда уй-жой проблемасини энг кескин проблемалардан бири деб таърифлади. Ҳали ҳам анча-мунча аҳоли қулайлиги ва инженерлик иншоотлари билан таъминланиш даражаси паст бўлган пахса уйларда яшайди.

Аҳолига савдо ва маиший хизмат кўрсатишни яхшилаш КПССнинг қишлоқ ва шаҳар аҳолиси турмуш шароитини яхшилаш борасидаги фаолиятида муҳим йўналишдир. Ўзбекистонда қишлоқ жойларда чакана товар обороти ҳажми 1970 йилдаги 1873,2 миллион сўмдан 1985 йилда 4803,9 миллион сўмга етди, яъни 2,5 баравардан зиёд кўпайди, аҳолига маиший хизматларни реализация қилиш ҳажми 36,6 миллион сўмдан 201,1 миллион сўмга етди ёки 5,5 баравар кўпайди. Аммо республика қишлоқ аҳолисига савдо ва маиший хизмат кўрсатиш ҳали ҳажм жиҳатдан ҳам, структура жиҳатдан ҳам шаҳарниқидан анча орқада қолмоқда. Чунончи, аҳоли жон бошига ҳақ тўланадиган хизматлар бўйича республика, Ўзбекистон Компартияси ХХІ съездида қайд қилиб ўтилганидек, Иттифокда охиридан иккинчи ўринда турибди.

Ана шу ва бошқа кўп қийинчиликлар ва камчиликларга карамай, айтиш мумкинки, ҳозирги шароитда совет жамиятининг социал-синфий бир хиллигини барқарор этиш томон йirik одим ташланди. Янги таҳрирдаги КПСС Программасида бундай деб кўрсатилган: «Партиянинг аграр сиёсатини изчиллик билан амалга ошириш жараёнида қишлоқ хўжалик меҳнати индустриал меҳнат турларидан бирига айланиб, шаҳар билан қишлоқ ўртасидаги муҳим социал, маданий-маиший тафовутлар йўқолиб боради; деҳқонларнинг турмуш тарзи ва меҳнат характери ишчилар синфининг турмуш тарзи ва меҳнат характериға тобора кўпроқ ўхшаб боради».

Пропагандист кейинги йилларда партия раҳбарлигида қишлоқдаги турмуш ва меҳнат шароитини шаҳарникига яқинлаштириш борасида эришилган катта муваффақиятларни қайд этиб, тингловчилар эътиборини шунга қаратадики, бу соҳада ҳали кўп ишлар қилиш лозим бўлади. Бу ҳақда КПСС XXVII съездида принципиал тарзда сўз борди. Съезд қарорларида қишлоқни плани асосда янада социал ривожлантиришнинг йўллари ва воситалари белгилаб берилди.

Ҳозирги шароитда жамиятнинг социал-синфий бир хиллигини барқарор этишда, социализмни такомиллаштириш вазифаларини амалда ҳал қилишда социалистик жамиятнинг, бутун хўжалик, сиёсий ва социал организмнинг асосий ячейкаси бўлмиш меҳнат коллективларининг роли бекиёс даражада ошиб боради. Бироқ ҳали кўпгина меҳнат коллективлари ўзларига бериб қўйилган ҳуқуқ ва имкониятлардан тўла-тўқис фойдаланаётганлари йўқ. Партия ташкилотлари уларнинг салбий ҳодисаларга қарши курашини активлаштириш, содир бўлаётган қайта куришда, социал-иктисодий жадаллаштириш вазифаларини ҳал этишда меҳнат коллективларининг ролини ошириш борасида аниқ мақсадни қўзлаб иш олиб бормоқдалар. Бу ишда таянч бўлувчи йўл-йўриқлар КПСС XXVII съездининг ва Марказий Комитет 1987 йил январь Пленумининг ҳужжатларида берилган.

Социализмни, совет жамияти ҳаётининг барча соҳаларини, шу жумладан совет жамиятининг социал-синфий бир хиллигини шакллантириш соҳасида плани тарзда ва ҳар тарафлама такомиллаштиришнинг улуғвор истикболлари КПСС XXVII съездининг ҳужжатларида белгилаб берилган.

Съезд қабул қилган янги таҳрирдаги партия Программасида кўрсатиладики, социал-иктисодий тараққиётни жадаллаштириш негизида совет жамияти янги марраларга чиқиб олиши лозим бўлади. Бунинг маъноси **социал соҳада** — «...жамиятнинг асосан синфсиз структурасини яратиш, шаҳар билан қишлоқ ўртасидаги муҳим социал-иктисодий ва маданий-маиший тафовутларни тугатиш; ишлаб чиқариш фаолиятида жисмоний меҳнат билан ақлий меҳнатнинг тобора кўпроқ узвий тарзда қўшилиб кетишини таъминлаш; социал ва интернационал бирлик бўлган совет халқини янада жипслаштириш»дир. Съезд ҳужжатларида ана шу мақсадларга эришиш йўллари ва воситалари белгиланган.

КПСС XXVII съезди йўл-йўриқларини амалга ошириш ишчилар синфи, қолхозчи деҳқонлар ва зиёлиларни янада яқинлаштиришга, мамлакатнинг социал-сиёсий жиҳатдан бир хил жамиятни шакллантириш йўлидан тагин ҳам олға томон боришига қўмаклашади.

Пропагандист тема масаласининг иккинчи қисмини кўриб чиқишга ўтар экан, қайд қиладики, КПСС XXVII съезди янги жамиятни яратиш борасида СССРнинг, бошқа социалистик мамлакатларнинг тажрибасини яқунлаб, янги таҳрирдаги партия Программасида, социализм — бу «миллий нотенглик бартафқ этилган, барча миллат ва элатларнинг юридик ва фактик тенглиги, дўстлиги ва қардошлиги барқарор қилинган» жамиятдир, деб ёзиб қўйилган.

Совет республикаларининг иқтисодий, социал ва маданий тараққиёти даражасини тенглаштириш вазифаси асосан ҳал этилган социалистик ва коммунистик қурилишнинг

ҳозирги боскичида миллий муносабатлар янада ривож топмокда ва такомиллашмокда. Миллий масалада диалектик жиҳатдан ўзаро боғлиқ икки тенденция кенг кўламда амал қилмокда. Бир томондан, ҳар бир социалистик миллат гуркираб ва ҳар тарафлама ривожланмокда, иккинчи томондан, ижтимоий ҳаётнинг социалистик интеграцияси натижасида интернационализм байроғи остида миллатларнинг тобора кўпроқ яқинлашуви жараёни кечмокда. Миллатларнинг тобора кўпроқ яқинлашуви жараёни етакчи тенденциядир.

Мамлакат республикаларининг иктисодий алоқалари ҳар қачонгидан ҳам кучаймокдаки, улар тенглик ва қардошларча ҳамкорлик юсак принципларига асослангандир. Узоқ вақт давомида экономикаси ягона халқ хўжалик комплекси бўлиб ташкил топган СССРда социалистик меҳнат тақсимотининг ривожланган системаси вужудга келди.

Юкорида айтиб ўтилган қондаларни Ўзбекистон ССР мисолида яққол кўрсатиш мумкин. Умумиттифок меҳнат тақсимои бўйича республикамиз мамлакатнинг асосий пахта базаси, пахта териш, қўрак тозалаш машиналари, тракторга тиркаладиган пахта сеялқалари, пахта тозалаш асбоб-ускуналари ва уларнинг запас қисмлари, хом ип тайёрлаш машиналари, дуккакли экинлар, пилла, қорақўл тери етиштирадиган асосий республикадир. У газ, йиғириш машиналари, кўприкли электр кранлари, ипак газламалар, ўсимлик мойи, шоли, сабзавот ва бошқаларни етиштириш бўйича олдинги ўринлардан бирини ишғол қилади. Шу билан бир вақтда республикада ишлаб чиқарилган ҳар бир маҳсулот бутун мамлакат халқлари меҳнатини ўзида гавдалантиради. Бутун Иттифок микёсида ишлаб чиқаришни кооперативлаштириш кучайиб бораётганлиги натижасида ҳар бир корхона мамлакатнинг бошқа районларида ишлаётган ўнлаб ва юзлаб корхоналар билан боғлангандир. Қардош республикалардан Ўзбекистонга озик-овқат маҳсулотлари, қора ва рангли металллар прокати, электр асбоб-ускуналари ва металл қирқувчи станоклар, автомобилъ ва транспортлар, қурилиш ва йўл машиналари, ёғоч-тахта ва саноат моллари келиб туради.

Социализмни такомиллаштириш шароитида тенглик, қардошларча ҳамкорлик ва ихтиёрийлик негизида мамлакат миллатлари ва элатларининг яқинлашуви фақат иктисодий соҳадагина эмас, балки маънавий ҳаётда ҳам содир бўлмокда. Миллий маданиятларнинг бир-бирини бойитиши жараёни универсал характер касб этмокда. Ҳар бир миллий маданиятнинг ютуқлари КПССнинг илмий жиҳатдан асосланган сиёсати ва унинг изчил амалга ошириб борилиши туфайли мамлакатимиз барча халқлари маънавий ҳаётининг бойлигига айланмокда. Социализмни такомиллаштириш шароитида интенсив тарзда кечаётган миллат ва элатларнинг маънавий маданият соҳасидаги яқинлашуви ягона совет халқининг маданиятини шакллантиришга олиб келади.

КПССнинг улкан ғалабаси шундан иборатки, оммани изчил равишда интернационал тарбиялаш, буюк давлатчилик шовинизми ва буржуа миллатчилиги, феодал-клерикал идеология саркитларига қарши муваффақиятли кураш натижасида интернационализм коммунистлар идеалидан мамлакатимиз барча миллат ва элатларига мансуб миллионлаб совет кишиларининг чуқур эътиқодида ва ҳуқ-атвор нормасига айланди. Совет халқининг интернационализи — социалистик турмуш тарзининг улкан ғалабасидир.

Ҳозирги шароитда СССР миллатлари ва элатларининг ривожланиши ва яқинлашувидаги тарихий зафарлар миллий муносабатлар соҳасидаги барча масалалар ҳал қилиб бўлинди, деб айтиш учун ҳали асло асос бўла олмайди. Ҳозирги боскичда миллий муносабатларни ривожлантириш ва такомиллаштириш соҳасидаги вазифалар КПСС МҚнинг партия XXVII съездида Сиёсий докладида, янги таҳрирдаги КПСС программасида, съезднинг бошқа материалларида, М. С. Горбачевнинг МҚ 1987 йил январь Пленумидаги докладида белгилаб берилди ва илмий жиҳатдан асосланди.

Маълумки, социализмни такомиллаштириш борасидаги партиянинг асосий вазифалари иктисодий соҳага тааллуқлидир. Бу соҳадаги муҳим проблемаларни муваффақиятли ҳал этиш кўп жиҳатдан республикаларнинг умумиттифок экономикасига қўшадиган ҳиссасини кўпайтиришга боғлиқ бўлиб, бу бутун мамлакатнинг ҳам, ҳар бир айрим республиканинг ҳам манфаатларига хизмат қилади. Социалистик интернационализмнинг моҳияти, мамлакат халқлари бузилмас дўстлигини янада мустаҳкамлашнинг негизи ана шундан иборат.

Ўрта Осиёдаги, Кавказнинг бир қанча районларидаги ортиқча иш кучини мамлакат янги территорияларини ўзлаштиришга фаол тарзда жалб этиш муҳим социал-иктисодий вазифа бўлиб, бу вазифа совет республикаларининг мамлакат ягона халқ хўжалик комплексига қўшадиган ҳиссасини кўпайтириш билан боғлиқдир. Демографик жараёнлар кўпроқ интенсив тарзда ривожланаётган ҳамда айниқса қишлоқда ортиқча меҳнат ресурслари мавжуд бўлган республикаларда туб ерли миллатларга мансуб малакали ишчиларни кенг кўламда тайёрлаш ҳозирги боскичда КПСС миллий сиёсатининг кечиктириб бўлмайдиган вазифаларидан бири сифатида илгари сурилмокда.

Интеграция жараёнлари жадал ривожланиши натижасида республикалар аҳолисининг состави тобора кўп миллатли бўлиб бормокда. Шу муносабат билан партия

республикаларда яшаётган барча миллатларнинг партия ва давлат органларида тегишли микдорда вакиллари бўлишини сўзсиз таъминлаш, уларнинг тил, маданият ва турмуш соҳасидаги ўзига ҳос талаб-эҳтиёжларини ҳисобга олиш зарурлигини уқтирмоқда.

Партия ўз миллий сиёсати соҳасида белгилаган ва амалга ошираётган кўп вазибалар орасида меҳнаткашларни пролетар, социалистик интернационализм ва совет ватанпарварлиги руҳида тарбиялаш масалалари алоҳида муҳим ўринни эгаллайди.

Партия оммани интернационал тарбиялашни миллатлараро муносабатларни такомиллаштиришнинг марказий вазибаларидан бири, уларни муваффақиятли ҳал этишнинг асосий шарти деб билади.

«Биз XXVII съездда, — деди М. С. Горбачев КПСС МК 1987 йил январь Пленумидagi докладида, — партиямизнинг В. И. Ленин бошлаб берган анъанаси: миллий муносабатларнинг ривожланишига тааллуқли бўлган, ҳар бир миллат ва элатнинг манфаатларига, одамларнинг миллий туйғуларига даҳл қиладиган ҳамма ишда алоҳида сезгирлик ва эҳтиёткорлик кўрсатиш, бу соҳада вужудга келган масалаларни ўз вақтида ҳал этиш анъанаси мустаҳкамлигини таъкидлаб ўтдик.

Миллий маҳдудлик ва гердаиш, миллатчилик ва шовинизм, маҳаллийчилик, сионизм ва антисемитизм қандай шаклларда намоён бўлмасин, уларнинг ҳар қандай кўринишларига қарши принципиал кураш большевизм анъаналарига ҳосдир. Миллатчилик ва пролетар интернационализи бир-бирига зид икки сиёсат, бир-бирига зид икки дунёқараш эканини биз доимо ёдда тутишимиз керак».

Пропагандист темани кўриб чиқиш нихоясида қайд этадики, партиянинг социал-сиёсати шахснинг камол топиши учун социал майдонни кенгайтиришга, жамият олға томон ўз ҳаракатини жадаллаштириши учун янада катта куч олиб туришига қаратилгандир. Совет жамияти синфлари ва социал табақаларининг, мамлакат барча миллатлари ва элатларининг яқинлашуви уларнинг кучлари шунчаки жамлашувига эмас, балки интеграциялашувига хизмат қиладиган социал механизмдир.

Тема ўрганилиб чиқилгандан кейин «КПСС XXVII съезди социал сиёсатнинг экономика самарадорлигини оширишга, ижтимоий ҳаётнинг барча жиҳатларига таъсирини кучайтириш тўғрисида» деган мавзуда семинар машғулотли ўтказиш тавсия этилади.

ТЕМАГА ОИД АДАБИЁТ

К. Маркс. Гота программасини танқид. — К. Маркс ва Ф. Энгельс. Асарлар, 19-том, 9 — 32-бетлар.

В. И. Ленин. Давлат ва революция. — ТАТ, 33-том, 97 — 119-бетлар.

В. И. Ленин. Буюк почин. — ТАТ, 39-том, 5—33-бетлар.

В. И. Ленин. Ўз тақдирини ўзи белгилаш тўғрисидаги мунозаранинг яқунлари. — ТАТ, 30-том, 21—24-бетлар.

Совет Иттифоқи Коммунистик партияси XXVII съездининг материаллари. — Т., «Ўзбекистон», 1986, 50—61, 120—122, 159, 170—178, 290—298, 349—355-бетлар.

КПСС Марказий Комитети Пленумининг материаллари, 1986 йил 16 июнь. — Т., «Ўзбекистон», 1986.

М. С. Горбачев. Қайта қуриш ва партиянинг кадрлар сиёсати тўғрисида. КПСС МК Пленумида 1987 йил 27 январда қилинган доклад. — Совет Ўзбекистони, 1987, 28 январь.

Ўзбекистон Компартияси Марказий Комитетининг Ўзбекистон Коммунистик партияси XXI съездида ҳисоботи. Ўзбекистон Компартияси Марказий Комитети биринчи секретари И. Б. Усмонхўжаев доклади. — Ўзбекистон коммунисти, 1986, № 2, 27—31-бетлар.

Ўзбекистон Компартияси Марказий Комитети пленумининг материаллари, 1986 йил 4 октябрь. — Ўзбекистон коммунисти, 1986, № 11.

Активная, целостная социальная политика КПСС — мощное средство ускорения развития страны. Методические советы. — Политическое самообразование, 1987, № 1.

В. А. Боленцев, А. Пьянов. Борьба с нетрудовыми доходами — дело всех и каждого. — Политическое самообразование, 1986, № 8.

Ю. Броблей. Совершенствование национальных отношений в СССР. — Коммунист, 1986, № 8.

Г. А. Емельянец. Последовательное утверждение социальной справедливости и борьба с потребительством. — Научный коммунизм, 1986, № 4.

ЖУРНАЛХОНЛАРНИНГ САВОЛЛАРИГА ЖАВОБ

Тошкентлик журналхон А. Мавлонхўжаев социалистик йўлни танлаган мамлакатларда марксизм-ленинизмнинг тарқалиши тўғрисида гапириб беришимизни илтимос қилган.

ИНГИ ҲАЁТ УЧУН МУВАФФАҚИЯТЛИ КУРАШ ЗАМИНИ

СОЦИАЛИСТИК ЙЎЛНИ танлаган мамлакатларда марксизм-ленинизмнинг тарқалиши ўша мамлакатлар социал-сиёсий ҳаётининг муҳим хусусиятидир. Оммани марксча-ленинча ғоялар билан таништириш (авр талаби бўлиб, социалистик йўлни танлаш муваффақиятини таъминловчи заминдир. Бинобарин, бу йўлдан бораётган давлатлар конституцияларининг илмий социализмни ўзларининг расмий сиёсий идеологияси деб эълон қилишлари қонуний бир ҳолдир. Чунончи, Бенин конституциясида шундай дейилган: «Бенин Халқ Республикасининг йўли — социализмдир. Марксизм-ленинизм унинг фалсафий асоси бўлиб, у Бенин воқелигида таъсирчан, ижодий қўлланиши керак».

Социалистик йўлни танлаган мамлакатларнинг идора қилувчи революцион-демократик партиялари марксизм-ленинизмни гарфиб қилишда етакчи роль ўйнамоқдалар. Илмий социализм улар фаолиятининг назарий асоси деб эълон қилинган, уни ўрганиш эса бу партияларнинг Устав талабидир. Масалан, Яман социалистик партиясининг Уставида, партия аъзоси «илмий социализм назариясини ўрганиб ва пухта ўзлаштира бориб, ўз ғоявий-сиёсий савиясини ошириш устида кунт билан ишлаши» шарт дейилган.

Эфиопия Ишчи партиясининг Бош секретари, мамлакат Вақтли харбий-маъмурий кенгашининг раиси М. Х. Мариам шундай деб таъкидлади: «Газеталар, журналлар орқали, шунингдек идеологик таълим олишлари учун кадрларни мамлакатнинг ўзидаги ва хориждаги сиёсий мактабларга юбориш, партиянинг янги аъзоларини тайёрлаш учун бошланғич партия ташкилотлари, мунозара анжуманлари ва тўғарақлар, шунингдек давлат оммавий ахборот воситалари имкониятларидан кенг фойдаланиш йўли билан марксизм-ленинизм идеологиясини жамиятда тарқатишга қаратилган қуч-ғайрат жамият маънавий ҳаётида жиддий ўзгаришларга олиб келди». Марксча-ленинча ғояларни пропаганда қилишдаги ютуқлар Эфиопия Ишчи партияси МКнинг 1986 йил апрель ойида бўлиб ўтган пленумида ҳам қайд этилди.

Олий ўқув юртларида илмий социализмнинг мажбурий ўқув фани сифатида ўрга-

нилиши ҳам диққатга сазовор фактдир. Студентлар ўқитувчилар раҳбарлигида совет мутахассисларининг ёрдамида тузиб чиқилган программалар асосида инсониятнинг коммунизмга ўтиши қонуниятларини, социалистик жамиятнинг асосий белгиларини ўрганадилар, ўзлаштирадилар. Ишчилар синфи идеологиясини эгаллаш олий ўқув юртларининг дарсхоналари билан чегараланиб қолмай, балки фабрика ва заводларга, деҳқон далаларига ва қурилиш майдонларига, мактабларга кириб боради, бу студентларга жойларда юз бераётган революцион янгилиниш нафасини ҳис этишга, пропагандистлик ишининг «алифбоси»ни ўрганишга ёрдам беради. Бундай ёндашиш, масалан, Аден (Яман Халқ Демократик Республикаси) ва Аддис-Абеба (Эфиопия) университетлари учун характерлидир.

Социалистик йўлни танлаган мамлакатларда марксизм-ленинизмни тарқатишда партия ва сиёсий мактаблар муҳим ўрин тутади. Уларда тингловчилар идеология ишининг методикасини, уни планлаштириш, ташкил этиш ва ўтказишни ўрганадилар. Бу ерда махсус фанлар билан бир қаторда марксизм-ленинизм асослари, умумий тарих, мамлакатдаги революцион ҳаракат тарихи, партия ва давлат қурилиши ҳам ўқитилади. Фақат кейинги бир неча ўн йиллар ичида Аденда илмий социализм олий мактаби, Аддис-Абебада февраль революцияси номидаги Сиёсий мактаб, Мапутуда (Мозамбик) Марказий партия мактаби, Луандада (Ангола) ва Браззавилда (Конго) партия мактаблари очилди. Уларни ўша мамлакатларнинг ҳар бирдан неча минг киши битириб чиқди. Улар партия ва маъмурий аппаратда, меҳнаткашларнинг жамоат ташкилотларида, пропагандист ва агитаторлар бўлиб ишламоқдалар.

Социалистик йўлни танлаган мамлакатлар вакиллари шунингдек социализм мамлакатларининг партия ўқув юртларида ҳам таълим олмақдалар. СССРда улар учун 1956 йилдаёқ олий ўқув юртлари қошида махсус факультетлар очилганди. Бу факультетлар уч йилга мўлжалланган ўқув планига эга бўлиб, тингловчилар состави ва уларни юборган партияларнинг истакларини ҳисобга олиб, мазкур программага

айрим ўзгаришлар киритилади. Совет партия мактабларининг фаолияти нихоятда юксак бўлиб, илҳом қилувчи революцион-демократик партияларнинг марказий органлари унга миннатдорчилик билан юкори баҳо бермоқдалар.

Социалистик йўлни танлаган мамлакатларда марксча-ленинча ғояларни тарғиб қилишда оммавий ахборот воситаларининг роли бебаҳодир. Масалан, «Савол ва жавоблар» деб аталган радиоэшиттириш ва телекўрсатувлар оммабоп бўлиб, радиотингловчилар ҳамда телетомошабинларнинг илтимосига кўра уларда илмий коммунизмнинг у ёки бу қондаси тушунтириб борилади, социализм мамлакатлари тўғрисида, ўз давлатларида юз бераётган прогрессив ўзгаришлар, халқаро аҳвол тўғрисида ҳикоя қилинади.

Радио, телевидение ва матбуот умумий тинчлик учун, империализмнинг агрессив кирдикорларига қарши курашга актив қиришмоқда. Чунончи, Жазиорда ҳафтада чиқади «Революсьон Африкен» газетаси КПСС МК Бош секретари М. С. Горбачевнинг ўша газета редактори саволларига берган жавобларини эълон қилди, уларда энг муҳим халқаро проблемаларга янгича ёндашиш ўз ифодасини топди, Совет-Жазиор муносабатларига баҳо берилди, Африка-Осиё китъасидаги миллий-озодлик ҳаракатининг истикболларига оид масалалар қараб чиқилди. Редакторнинг тасдиқлашича, газетанинг М. С. Горбачев жавоблари босилган сони мазкур газета чиқа бошлаганидан бери ўтган ўн йилдан ортиқ тарихи давомида энг машҳур сони бўлди.

Социалистик йўлни танлаган мамлакатларда Маркс, Энгельс, Ленин асарлари, КПСС ва бошқа коммунистик ҳамда ишчи партияларнинг ҳужжатлари маҳаллий тилларда нашр этилиб турилмоқда. Масалан, Эфиопия Ишчи партиясининг таъсис съездига К. Маркс «Капитал»нинг I томи амхар тилида чоп этилди. В. И. Лениннинг араб тилидаги асарларини Жанубий Ямандаги ҳар бир кутубхонадан олиш мумкин. «Принти Малагаси ваувау» нашриёти 1986 йилнинг майида КПСС МҚнинг партия XXVII съездига Сиёсий докладнинг тўла текстини малагай тилида босиб чиқарди. Уни барча раҳбар ходимлар ва Мадагаскар мустақиллиги конгресси партияси активистларининг ўрганиши зарурлиги эътироф этилди.

Социалистик мамлакатлар адабиёти ҳам марксча-ленинча ғояларни пропаганда қилиш вазифасини ўтапти. Масалан, меҳнаткашлари яқинда контрреволюцияга қарши курашда халқ демократик тузумини сақлаб қолган Буркина Фасо пойтахтининг нақ марказида «Африка китоб магазини» жойлашган. Рус ва француз тилларидаги китоб маҳсулотлари — марксизм-ленинизм классикларининг асарлари, марксистик

философия ва илмий социализм назариясига оид китоблар, олий мактаблар учун дарсликлар, совет ҳарбий раҳбарларининг мемуарлари, совет ёзувчиларининг асарлари, санъатга оид китоблар, СССРдан келтирилган газета ва журналлар қўйилган стенд ҳамда пештахталар ўша магазиннинг ярмини эгаллайди.

Социалистик йўлни танлаган мамлакатларда марксча-ленинча ғояларни тарқатиш — бу ўша ғояларни фақат ўрганиш қабул қилишдангина иборат деб ўйлаш хато бўлур эди. Ахир, бу мамлакатларга капиталистик давлатлар куршовида яшашга жамиятнинг ҳали ривожланмаган структураси шароитида белгиланган йўлдан боришга тўғри келади, холбуки у ерларда майда буржуача дунёқараш ҳали кучли бўлиб, ижтимоий онгда мустамлака ўтмиш даҳшатлари сақланиб қолгандир. Бу революцион демократиядан социалистик концепцияларни дадил ҳимоя қилишни, умумий марксча-ленинча йўналишни сақлаб қолган ҳолда маҳаллий шароитларга мувофиқ равишда назарий проблемаларни ишлаб чиқишни талаб этади. Ангола халқининг буюк фарзанди А. Нето социализм тўғрисидаги турлонилмий тасаввурларга қарши чиқиб шундай деган эди: «Фақат битта, илмий социализм бор, у ер куррасининг анча қисмида реал нарсга бўлиб қолди». Конго меҳнат партиясининг асосчи М. Нгуаби ишчилар сиёфининг революцион идеологиясини фаолий ва ижодий ўзлаштиришга қақариб, шундай деб таъкидлаган эди: «Марксизм ҳар қандай фан сингари янги ютуқлар билан бойин боради... у догма эмас, очик китобдир».

Эфиопия Ишчи партияси, Мадагаскар мустақиллиги конгресси партияси, Жазиор социалистик авангард партияси ва бошқа партияларнинг ҳужжатлари, социалистик йўлни танлаган мамлакатлар революцион демократия ва коммунистлари раҳбарларининг назарий асарлари, Африка-Осиё марксистларининг тадқиқотлари капитализмни четлаб социализмга ўтиш асосларини, ривожланаётган мамлакатларда пролетар партияларнинг ва идеологик процессларнинг вужудга келиш қонуниятларини тушунишни жиддий равишда кенгайтиради.

КПСС XXVII съезди қарорлари социалистик йўлни танлаган мамлакатларда марксизм-ленинизмни янада кенг тарқатишга катта таъсир кўрсатди. Капитализмни ижтимоий истикбол сифатида рад қилган мамлакатлар делегатлари съезд минбарида туриб гапириб, совет коммунистлари олжанжуманининг ғоялари ўзлари учун илҳом манбаи бўлганини, танлаган йўлларини тўғрилигига, марксизм-ленинизм ғояларининг муқаррар тантанасига бўлган ишончларини янада мустаҳкамлаганини изҳор этдилар.

Б. ЭРГАШЕВ

ХОТИН-ҚИЗЛАРНИНГ СОЦИАЛ АКТИВЛИГИНИ ЎСТИРИШ ТЎҒРИСИДА ПАРТИЯВИЙ ҒАМХЎРЛИК

ЎЗБЕКИСТОН тарихчиларининг бир қатор сарларида Коммунистик партия билан Совет давлатининг хотин-қизларни озодликка чиқариш ва уларни мамлакатнинг иқтисодий, сиёсий, маданий ҳаётига жалб қилиш соҳасидаги тажрибаси кенг кўриб иккиланган. Яна бир қимматли нашр* улар қаторига қўшилганлигини таъкидлаш қўярлидир. Тўпламга архив ва вақтли матбуотдан олинган энг салмоқли ҳужжатлар ва материаллар киритилган, улар социализмни такомиллаштириш босқичида хотин-қизлар социал активлиги ўсишини кўрсатади.

Китоб илгари нашр этилган «Ўзбекистон Компартиясининг социализм қурилиши даврида (1917—1937 йиллар) хотин-қизлар масаласини ҳал этиш учун кураши» ҳамда «Ўзбекистон Коммунистик партияси ва Ўзбекистон хотин-қизлари орасидаги иш (1938—1958 йиллар)» номли икки тўпламнинг давомидир. Мазкур тўпламларда Ўзбекистон партия ташкилотининг хотин-қизларни озод қилиш, уларнинг амалдаги тенгсизлигини тугатиш ҳамда иқтисодий, сиёсий, социал тенг ҳуқуқлилигини таъминлаш учун, уларни социалистик жамият қурилишига фаол жалб қилиш учун кураши акс эттирилган эди. Шу тариқа Ўзбекистонда хотин-қизлар масаласини ҳал қилишга доир муҳим маълумотларни ўз ичига олган уч томлик асар яратилди.

Тақриз этилаётган тўпламдаги ҳужжат ва материаллар социализмни такомиллаштириш даврининг ўзига хос хусусиятларини акс эттирадики, бу давр синфий тафовутларнинг тобора тугатила бориши, синфлар ва социал гуруҳлар манфаатларининг бири бири билан яқинлашуви, миллат ва элатларнинг янада ривожланиши, улар бир хиллигининг кучайиб бориши, ана шу асосда янги тарихий бирлик — совет халқининг шаклланиши билан характерланади. Булар Ўзбекистон хотин-қизларининг саноат ишлаб чиқаришини, транспорт ва алоқани, кишлоқ хўжалигини ривожлантиришга, халқ маорифи, фан ва маданиятни юксалтиришга қўшган улкан ҳиссасини кўрсатиб беради.

Ўзбекистон хотин-қизларининг II, III ва IV съездлари республика сиёсий ҳаётида шу даврдаги сезиларли воқеа бўлди, бу съездлар жамият ҳаётининг барча соҳаларида меҳнаткаш хотин-қизлар ютуқларини тарғиб қилишни кучайтиришга, уларнинг социал-сиёсий активлигини ўстиришга, улар орасидаги ишни анча жонлантиришга ёрдам берди. Тўпламнинг қиммати шундаки, у бу ишнинг ўша давр учун характерли бўлган: хотин-қизлар билан истиқомат жойларида ҳамда уларнинг ёши, қизиқишлари ва бошқаларни ҳисобга олиб, ўтказиладиган янги формаларини кўрсатиб беради.

Хотин-қизларнинг меҳнат соҳасидаги ташаббуслари тўғрисида ҳикоя қилувчи ҳужжатлар шубҳасиз қизиқиш туғдиради. Турсуной Охунова ташаббуси билан бошланган кишлоқ хўжалик техникасини эгаллаш учун, Татьяна Кардаш ташаббускорлигида бошланган смена топириғини муддатидан аввал бажариш учун хотин-қизлар ҳаракатининг қулоқ ёйгани, пахтани қўлда муваффақиятли териш учун қўп мингчилар ҳаракати, қизларнинг чорвачиликда ишлашга даъватининг ялли қўлаб-қувватлангани ва бошқалар айни шу йилларга тўғри келади.

Область архивларидаги партия ҳужжатлари китобхонларнинг эътиборини тортади, улар партиянинг хотин-қизлар социал-сиёсий активлигини оширишга қаратилган қарорлари жойларда қандай амалга оширилганлигини ойдинлаштиради.

Тузувчилар тўпламга Ўзбекистон хотин-қизларининг адабиёт ва санъат соҳасидаги ютуқларини ёритувчи материалларни киритганлар. Бу материаллар китобхонга, масалан, драма артисти С. Эшонтўраева, хонанда С. Қобулова, раққоса М. Турғунбоева ҳамда миллий санъатнинг бошқа ажойиб вакиллари истеъдоди тўғрисида тасаввур беради.

Бир қатор ҳужжатлар хотин-қизлар советлари фаолиятини акс эттиради, бу советлар шу даврда иккинчи умрини кечира бошлади, хотин-қизларнинг меҳнат, турмуш ва дам олиш шароитларини яхшилашда уларнинг роли анча ошди. Партия ташкилотининг ишончли ёрдамчиси бўлган Фаргона шаҳар хотин-қизлар советининг иш тажрибаси бу жиҳатдан диққатга сазовордир. Китобхон хотин-қизлар бошчилиқ қилган коммунистик меҳнат бригадалари тўғри-

* Деятельность Компартии Узбекистана по усилению социальной активности женщин. Сборник документов и материалов (1959—1975 гг.). Ташкент, «Ўзбекистан», 1986. 311 с.

сида, юзлаб меҳнаткаш аёллар мураккаб касбларни эгаллаганликлари, уларнинг жамоат фаолиятига кизиқиши ошганлиги тўғрисида хабардор бўлади.

Тўпламнинг тузувчилари ҳужжатларни археографик ишлашни бенуксон бажаришган.

Айтиб ўтилган фазилатлар билан бир каторда китобда баъзи камчиликлар ҳам бор. Аввало ҳужжатлар ва материаллар бир-бири билан боғланмаган ҳолда шунчаки хронологик изчилликда жойлаштирилган. Холбуки, уларни муайян проблемалар бўйича жамлаш яхши бўлур эди. Шунда улар хотин-қизлар орасидаги ишнинг барча йўналишлари бўйича партиянинг фаолияти тўғрисида яхлитроқ тасаввур берган бўлур эди.

Ҳужжатларни бериш тартиби ҳам бир маромда эмас. Масалан, партия ва Совет давлатининг она ва бола тўғрисидаги ғам-хўрлигини кўрсатувчи ҳужжатлар нисбатан кам ўрин олган. Холбуки, Ўзбекистон сингари бола тугилиши даражаси юкори бўлган республика учун бу муҳим эди. Тўпламнинг мундарижасида ҳам бир ёклама ёндашув кўзга ташланади. Масалан, тузувчилар республика хотин-қизлари социал активлигини оширишга бағишланган анча-мунча расмий ҳужжатларни киритган ҳолда кўп масалалар юзасидан уларнинг конкрет бажариллигини изчил кузатмаганлар, яъни бу соҳада бошланган ишларнинг мантикий давомини ва нихояга етганини кўрсата олмаганлар.

Китобда социалистик анъаналар ва маросимларнинг жорий этилиши сингари актуал масала бўш акс этган, холбуки, кўп

хотин-қизлар бу ишнинг актив катнашчилари бўлган эди. Тўпламнинг тузувчилар маҳаллий тиллардаги нашрларга эътибор бермаганликлари таассуфли ҳолдир. Уларнинг махсус хотин-қизлар журнали «Садат»га эътиборсизлик билан қараганлари тушунарли эмас. Холбуки, айни шундай нашрларда партия ва совет органлар хотин-қизлар орасида олиб борган ишнинг ўзига хос хусусиятлари кўпроқ акс этгандир.

Китобга шу проблемага бевосита алоқа бўлмаган ҳужжатлар ҳам кириб қолган (28—29, 49—53 ва бошқа бетларга қараган). Айрим ҳужжатларнинг номи уларнинг мазмунини етарлича аниқ акс эттирмайди. Қолаверса, уларнинг баъзиларини тўла ҳолда бермай, улардан парчаларгина келтириш лозим эди.

Тўпламга киритилган вақтли матбуот материаллари фақат ижобий фактларнинг на қайд қилади. Уларда камчиликлар кўрсатилмайди, ваҳолонки осон бўлмаган бу ишда ҳам камчиликлар анчагина бўлганлиги маълум. Камчиликларни кўрсатиш ва таҳлил этиш ўша вақтдаги, шу жумлада хотин-қизлар орасидаги иш соҳасида ҳақиқат кўпгина салбий ҳодисалар ва тенденциялар очиб ташланган ҳозирги пайтда актуал бўлиб қолди.

Умуман катта жиддий иш қилган тузувчилар хизматини эътироф этиш керак, уларнинг меҳнати юксак баҳога лойиқдир.

Р. АМИНОВА

Ўзбекистон ССР

Фанлар академиясининг мухбир аъзоси

РЕДАКЦИОН КОЛЛЕГИЯ:

Р. А. Нуруллин (бош редактор), **М. Ғ. Ваҳобов**, **Е. И. Завалишин**,
З. Ёқубов (бош редактор ўринбосари), **М. Б. Ицковский** (масъул секретарь),
Б. В. Лунин, **Х. Р. Муҳаммадхонов**, **Х. Рўзиматов**, **Х. Т. Турсунов**,
А. Ҳ. Ўлмасов, **С. Қ. Қурбонов**, **Қ. А. Ҳасанжонов**, **Г. А. Ҳидоят**.

Редакция адреси: 700000. Тошкент — П. Ленин кўчаси, 41.

Телефонлар: бош редактор — 32-58-01, 32-78-87; бош редактор ўринбосари — 32-58-02, 32-78-93, масъул секретарь — 32-58-03, 33-60-42; масъул секретарь ўринбосари — 32-58-63, 33-60-42; бўлимлар: марксча-ленинча назарияни пропаганда қилиш — 32-58-65; партия ва совет қурилиши — 32-58-68; экономика — 32-58-71; фан ва маданият — 32-58-66; халқаро ҳаёт — 32-58-69; танкид ва библиография — 32-58-70.

Корректорлар: **М. Комилов**, **Х. Каримов**.

Техредактор **Э. А. Кушнар**.

Теришга берилди 9.02.1987 й. Босишга рухсат этилди 9.03.1987 й. Формати 70×108¹/₁₆.
Фотонабор. Офсет босма усули. Шартли босма листи 8,4. Нашриёт ҳисоб листи 8,9.
Тиражи 29201. Нашр В-51. Заказ № 318.

Ўзбекистон Компартияси Марказий Комитети нашриётининг
Меҳнат Қизил Байроқ ордени босмаҳонаси.
Тошкент шаҳри, Ленин кўчаси, 41.

Баҳоси 25 тийин

ISSN 0134 — 2193
Индекс 75399

**На узбекском языке
ежемесячный теоретический и политический
журнал ЦК Компартии Узбекистана**

**«УЗБЕКИСТОН КОММУНИСТИ»
«КОММУНИСТ УЗБЕКИСТАНА»**

**Ордена Трудового Красного Знамени
типография Издательства ЦК Компартии Узбекистана**

Виз



ЎНУН ДУНЕ ПРОЛЕТАРЛАРИ, БИРЛАШИНГИЗ!



ЎЗБЕКИСТОН КОММУНИСТИ

4

АПРЕЛЬ

1987

Бутун дунё пролетарлари, бирлашингиз!



ЎЗБЕКИСТОН КОММУНИСТИ

ЎЗБЕКИСТОН КОММУНИСТИК ПАРТИЯСИ
МАРКАЗИЙ КОМИТЕТИНИНГ НАЗАРИЙ
ВА СИЕСИЯ ЖУРНАЛИ

№ 4
АПРЕЛЬ
1987 йил

1920 йилдан
чиқа бошлаган

Ўзбек ва рус
тилларида
чиқади

...Қайта қуриш иши, жамиятни революцион янгилаш иши, мамлакат тақдир — халқнинг қўлида. Бас, шундай экан, бу тақдирнинг қандай бўлиши биз умумий меҳнатимиз билан, ақл-заковатимиз ва виждонимиз билан уни қандай бунёд этишимизга боғлиқ.

КПСС МК Бош секретари М. С. Горбачевнинг
КПСС МК 1987 йил январь Пленумида
сўзлаган якунловчи нутқидан.

МУНДАРИЖА

Совет Иттифоқи Коммунистик партияси Марказий Комитетининг совет халқиға Мурожаатномаси	3
КПСС Марказий Комитетида. Улуғ Октябрь Социалистик революциясининг 70 йиллиғига тайёргарлик тўғрисида	9
Қайта қуриш — халқнинг энг асосий иши. КПСС МК Бош секретари М. С. Горбачевнинг СССР Қасаба союзлари XVIII съездида 1987 йил 25 февралда сўзлаган нутқи	14
Ўзбекистон Коммунистик партияси Марказий Комитетининг пленуми	29
Ўзбекистон Компартияси Марказий Комитети Бюросининг КПСС XXVII съезди қарорларини бажариш соҳасидаги иши тўғрисида ҳисоботи. Ўзбекистон Компартияси МК биринчи секретари И. Б. Усмонхўжаевнинг Ўзбекистон Компартияси Марказий Комитетининг 1987 йил 14 февралдаги IV пленумида қилган доклади	30
Ўзбекистон Компартияси МК IV пленумининг қарори. Ўзбекистон Компартияси Марказий Комитети Бюросининг КПСС XXVII съезди қарорларини бажариш соҳасидаги иши тўғрисида ҳисоботи	44

ПАРТИЯ ВА СОВЕТ ҚУРИЛИШИ

Демократизм — қайта қуриш моҳияти. КПСС МКнинг 1987 йил январь Пленуми қарорлари муносабати билан мулоҳазалар	48
---	----

Муҳим звено

А. Абдурахмонов — Одамларга, жонли ишга эътибор берайлик	53
--	----

ФИКРЛАР ЧОРРАҲАСИДА

«Ўзбекистон агросаноат комплексини бошқаришнинг такомиллаштирилиши»	61
---	----

ЎЗБЕКИСТОН ХОТИН-ҚИЗЛАРИНИНГ БЕШИНЧИ СЪЕЗДИГА

С. Султонова — Хотин-қизлар меҳнати ва турмуши масалаларига кўпроқ эътибор берайлик	66
С. Эшонтўраева — Хурриятнинг йўли	71

ХУЖУМ ҲАРАКАТИ БОШЛАНГАННИНГ 60 ЙИЛЛИГИГА

Н. Сараджева — Давр бизнинг тақдиримизда	74
--	----

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар: Сиёсий системани ривожлантириш, халқнинг социалистик ўз-ўзини бошқарувини чуқурлаштириш	82
---	----

ТАНКИД ВА БИБЛИОГРАФИЯ

С. Солнев, Т. Сандқулов — Туркистон ўлкасидаги биринчи халқ революцияси	92
---	----

Журналда босилган материалларимиз изидан	95
--	----

Совет Иттифоқи Коммунистик партияси Марказий Комитетининг СОВЕТ ХАЛҚИГА МУРОЖААТНОМАСИ

Азиз ўртоқлар!

Улуғ Октябрь социалистик революциясининг етмиш йиллиги яқинлашиб келмоқда. Бу совет халқининг катта байрамидир.

Революциямиз — инсоният ҳаётида янги босқич бошланганлигидан дарак берган XX асрнинг энг муҳим воқеасидир. Давр унинг мислсиз аҳамиятини чуқур очиб бериб, социалистик ижтимоий тараққиёт яратиб берадиган жуда катта имкониятларни намоён этди.

Биз англаган, биз ҳис этган Октябрь — бу совет кишиларининг энг олий миллий ифтихоридир. Революция омма тарихий ижодкорлигининг мислсиз равнаки, капиталистлар ва помешчиклар эксплуатацияси сиртмоғини улоқтириб ташлаган музаффар халқнинг энг буюк ғалабаси бўлди.

Россия ишчилар синфини, меҳнаткашларини революцион жасоратга отлантирган большевиклар партиясига Владимир Ильич Ленин бошчилик қилди. Унинг назарий тафаккури, унинг ахлоқий намунаси, унинг улкан фаолияти самаралари асрлар оша яшайверади.

Улуғ Октябрь бугунги кунда бизнинг ишларимизда давом этмоқда. Мамлакатда ўз моҳияти жиҳатидан революцион тарздаги қайта қуриш, бунёдкорлик ишлари авж олдирилмоқда. Бу ишлардан мақсад — социалистик жамият тараққиётини жадаллаштиришдир. Партиянинг халқ иродасини ифодаловчи сиёсий йўли — Марказий Комитет апрель Пленумининг, КПСС XXVII съездининг йўли мана шунга қаратилган.

Марказий Комитетнинг январь ойида бўлиб ўтган Пленумида улкан, принципиал жиҳатдан муҳим қарорлар қабул қилинди. Бу қарорлар партия ва халқни қайта қуриш назарияси билан қуроллантириб, уларни социализмга ижтимоий ташкилотнинг энг замонавий формаларини бахш этиши зарур бўлган янада чуқур ислохотларни, дадил чора-тадбирларни амалга оширишга сафарбар этмоқда.

Мамлакатимиз — социализм амалда рўёбга чиқарилган биринчи мамлакатдир. Октябрь ғалабаси одамлар социал турмушининг тарихан мислсиз негизларини: сиёсатда меҳнаткашлар ҳокимиятини, экономикада ишлаб чиқариш воситалари ижтимоий мулк эканини, инсоний муносабатларда коллективизм ва ўртоқларча ўзаро ёрдамни барқарор этди. Социалистик тузум асосларининг негизи, унинг ҳаётий кучининг битмас-туганмас манбаи — мана шу революцион ўзгаришлардадир.

Улуғ Октябрь, социализм Ватанимизни шу вақтгача жаҳондаги кўпгина мамлакатлар халқлари ҳаётини заҳарлаб келаётган кулфатлар ва офатлардан ҳалос этди. Бизда одамни одам эксплуатация қилишига бутунлай барҳам берилган. Бизда ишсизлик йўқ, миллий зулм, кашшоқлик ва саводсизлик барҳам топган. Меҳнат аҳли социал жиҳатдан ҳимоя этилган шароитда, эртанги кунга комил ишонч билан яшамокда.

Октябрь революцияси шу мақсадни кўзлаб амалга оширилди. Социализм шу мақсадни кўзлаб яшамокда.

Мамлакатимиз социалистик қурилиш давомида кудратли иқтисодий ва илмий-техникавий потенциалга эга забардаст индустриал давлатга айланди. Омманинг маълумотлилиги жиҳатидан дунёда энг юқори даражалардан бирига эришилди. Меҳнаткашлар хонадони фаровон бўлди. Бепул медицина хизмати, оналик ва болалик тўғрисида, уруш ва меҳнат ветеранлари, кексайиб қолган граждандлар ҳақида давлатнинг ғамхўрлик қилиши оддий турмуш нормалари бўлиб қолди. Ҳар куни минглаб оилалар янги уйларга кўчмоқда.

Мамлакатда маданият соҳасида жуда катта ўзгаришлар содир бўлди. Социализм ғайриинсонийликка ва зўравонликка, буржуа жамиятининг маънавий қашшоқлашувига қарши инсонпарварлик йўлини таклиф этишга қодир бўлган, цивилизациянинг асл бойликларини сақлаб қолиб, кўпайтираётган ҳамда ўзининг мана шу қобилият кучи ва йўналиши билан коммерцияга ва бойлик орттиришга асосланган маданиятни рад этаётган тузум сифатида дунё аҳли кўз ўнгига намоён бўлмоқда.

Бугунги кунда биз совет экономикасини самарадорлиги ва илмий-техника тараққиёти жиҳатидан жаҳонда энг юқори даражага олиб чиқиш йўлидаги ишларни бошлаб юбордик. Бу билан халқ фаровонлигини янада ошириш ва жамият барча аъзоларини ҳар томонлама камол топтириш, одамларнинг моддий ва маънавий эҳтиёжларини қондириш асослари анча кенгайтирилади.

Октябрь, социализм бунга йўл очиб берди.

Социалистик революциянинг ғалабаси меҳнаткаш инсоннинг реал ҳуқуқлари ва эркинликларини мустақкамлаб, давлат ҳаётининг халқнинг ўзи танлаган демократик формаси — Советлар ҳокимиятини қарор топтирди. Совет сиёсий системасида демократия ва халқ ташаббусини энг кўп даражада ривожлантириш учун барча шарт-шароитлар мавжуд.

Бу системани Октябрь яратди, уни социализм бунёд этди.

Революция мамлакатимизда миллий масалани ҳал этишга асос солди. Совет ҳокимияти йиллари давомида халқларнинг тенглиги, уларнинг қардошларча ҳамкорлиги амалда қарор топди. Барча республикаларнинг экономикаси ва маданияти юксалди. Муштарак ютуқлари билан мағрур ва социализм ғалабаларини ҳар қандай ҳамлалардан ҳимоя қилишга шай турган ягона совет халқи таркиб топди.

Миллий муносабатларнинг такомиллаштирилиши ҳар қандай жонли иш сингари янги-янги муаммоларни ўртага қўяди. Бундай муаммолар миллий манфаатларга тааллуқли барча жиҳатларга сезгир, ҳар қандай миллатчилик ва шовинистик кўринишларга муросасиз бўлган ленинча миллий сиёсат принциплари асосида ҳал этилмоқда ва бундан буён ҳам шундай ҳал этилаверади.

Мамлакат тараққиёти ҳар бир миллат ва элат фаровонлигини, уларни янада яқинлаштириш манфаатларини кўзлаб, бутун бузилмас Иттифоқимиз манфаатларини кўзлаб амалга оширилмоқда ва амалга оширилаверади. СССР халқлари мустақкам дўстлик, социалистик интернационализм ва совет ватанпарварлиги билан бирлашгандирлар.

Буни бизга Октябрь берди, буни бизга социализм берди.

Биз революциямиз таъсирида чуқур ўзгарган дунёда яшамоқдамиз. Ҳозирнинг ўзидаёқ инсониятнинг учдан бир қисмидан кўпроғи ўзидан капиталистик эксплуатация занжирини улоктириб ташлади. Социализм жаҳон системаси сифатида яшамоқда, ривожланмоқда, ва мустақкамланмоқда. Эндиликда мустахлака империялари йўқ — ўнлаб ёш суверен давлатлар мавжуд.

Манфаатларини марксчи-ленинчи коммунистик ва ишчи партиялар ифодалаётган халқаро пролетариат кучлари кўпайди. Оммавий демократик, антиимпериалистик ва урушга қарши ҳаракатлар авж олдириб юборилмоқда. Капитализмнинг умумий кризиси чуқурлашмоқда.

Жаҳоннинг ҳозирги социал-сиёсий қиёфаси — Октябрь бошлаб берган тарихий жараённинг қонуний натижасидир.

Бизнинг социалистик қурилишдаги дастлабки қадамларимизни Владимир Ильич Ленин йўналтириб турди. Ленин бугунги кунда ҳам биз билан биргадир: қайта қуриш партия ва мамлакат турмушида ленинча революцион руҳни тобора чуқурроқ қарор топтирмоқда.

Ўзини социализм улуғ ишига бағишлаган барча кишилар ҳам бугунги кунда биз билан биргадирлар. Большевикларнинг қаҳрамонона анъаналарини бошлаб берган ҳамда коммунистик идеалларга астойдил содиқликни барча азоб-уқубатлар ва синовлардан олиб ўтган ленинчи-революционерларни, Ильич сафдошларини совет кишилари абадий миннатдорчилик билан ёдда сақлайдилар.

Россиядаги уч революция катнашчилари бўлган, 1917 йилнинг Октябрида помешчиклар ва капиталистлар ҳокимиятини тор-мор келтирган кишиларнинг номи ва сиймоси ўчмайди.

Гражданлар уруши қаҳрамонларининг, Советлар Республикасини империалист интервентлардан ва окгвардиячилардан қаттиқ туриб ҳимоя қилган барча кишиларнинг хотираси мукаддасдир. Халқимиз «Совет Россиясидан қўлингни торт!» деган даъват билан қўлга қурол олиб, Октябрь ғалабаларини ҳимоя қилишга отланган чет эллик интернационалист-курашчиларни унутмайди.

Биз дастлабки беш йилликлар ташаббускорларининг, қудратли индустрия бунёдкорлари, коллектив қишлоқ хўжалиги қурувчилари, социалистик маданият ижодкорларининг зафарларига ҳамиша қойил қоламиз.

Улуғ Ватан урушида совет кишилари, солдатлар ва меҳнаткашлар кўрсатган жасорат абадийдир. Биз социалистик Ватан шон-шарафи ва озодлиги йўлида ҳалок бўлган, жаҳонни фашизм вабосидан қутқариш учун ўз жонини қурбон қилган кишилар хотираси олдида таъзим қиламиз. Биз мана шу озодлик жангида иттифокчиларимиз ва сафдошларимиз бўлган бошқа мамлакатлар жангчилари, ватанпарварлари, антифашистларини ҳурмат ва миннатдорчилик билан эсда сақлаймиз.

Ватан энг оғир урушдан кейин шаҳарлар ва қишлоқларни вайроналардан тозалаган, мамлакатни тиклаб, уни янада қудратли қилган совет кишиларининг меҳнат жасорати, руҳан тетиклиги билан ҳамиша фахрланади.

Ўртоқлар!

Тарих йўлларида кашшофларни қутаётган барча қийинчиликлар ва синовлар бизнинг зиммамизга тушди. Бу қийинчиликлар ва синовлар бизни йўлдан тўхтата олмади. Биз ана шу қийинчиликлар ва синовларни бартараф этишга ўргандик ва бартараф этдик.

Социализм қурилиши хўжалик парокандалиги ва уруш вайронгарчилиги вазиятида бошланди. Қарийб ўттиз йил мобайнида жаҳон капитализмга СССРнинг бир ўзи қарши турди, империалистик тазйик ва дўк-пўписаларга муттасил дучор қилинди. Мамлакат гитлерчилар агрессиясига қарши урушда 20 миллион ўғил-қизидан жудо бўлди, миллий бойлигининг учдан бир қисмидан маҳрум бўлди. Қўп йиллар ниҳоятда зўр бериб ишлашга, энг зарур нарсалардан ҳам воз кечиб яшашга тўғри келди. Лекин биз бардош бердик, иродамиз буқилмади.

Лекин бошқа ишлар ҳам содир бўлди. Янги жамият қуриш ленинча принциплари ва методларидан чекиниш, социалистик қонунчиликни, партия ва жамият ҳаётидаги демократик нормаларни бузиш, волюнтаристик ҳатоликлар, тафаккурдаги ақидапарастлик, амалий ҳаракатлардаги сусткашлик қимматга тушди.

70-йилларнинг охири ва 80-йилларнинг бошларида жамиятимизда турғунлик тенденциялари вужудга келди, қийинчиликлар, ҳал этилмаган проблемалар, социализмга ёт ҳодисалар кўпая бошлади. Буни партия, бутун совет халқи сезиб турди, бошидан кечирди. Марказий Комитет ишларимизни, бутун ҳаётимизни яхшилик сари буриш зарурлигини революцион катъият билан таъкидлади.

Меҳнаткашлар апрель Пленуми кўрсатиб берган йўлни астойдил маъқуллаб, қўллаб-қувватладилар. Партияда қайта вужудга келаётган қаттиқ ўз-ўзини танқид, сиёсатдаги самимият, вужудга келган вазиятни яхшилаш учун зарур чора-тадбирларни ишлаб чиқа билиш, уларни амалга оширишга дарҳол киришиш маҳоратини халқ кенг кўламда қўллаб-қувватлади.

КПСС XXVII съезди ҳозирги вазиятни чуқур, ленинчасига англаб, ўз қарорларида улуғвор мақсадларни реал имкониятлар билан узвий боғлади.

Съезд муқаррар сиёсий ва маънавий кимматга эга ҳақиқат сабоғи бўлди. Олға боришга ҳалакит берувчи ҳамма нарсасиз, ошкора баҳо бериш — принципиал ленинча позиция, партия куч-қудратининг кўрсаткичидир.

Ўз вақтида Ленин бундай деган эди: «...амалда янги вазифалар кўндаланг бўлди, бу вазифаларни ҳал қилиш учун, худди ер остидан чиқиб келгандек, янги кучлар пайдо бўлди, бу кучларнинг борлиги тўғрисида бурилиш арафасида ҳали ҳеч ким ўйламаган эди». Бугун ҳам шундай: партия билан халқда ҳали ўзини кўрсатолмаган янги кучлар ўсиб, революцион қайта қуриш ишига қўшилиб кетмоқда.

Мамлакат ҳаракатга келди, янгича нафас ола бошлади. Жамиятдаги ахлокий вазият покланиб, маънавий ҳаёт қизиқарли, хилма-хил бўлиб бормоқда. Ошкоралик ва ҳаққоният, танқид ва талабчанлик кундалик ҳаётнинг ажралмас хусусиятлари бўлиб, қарор топмоқда.

Халқ ҳўжалигини чуқур реконструкциялаш стратегияси ва тактикаси изчил амалга оширилмоқда. Экономиканинг энг муҳим тармоқларини бошқариш қайта ташкил этилмоқда. Янги ҳўжалик механизмнинг омиллари ишга солинмоқда. Ишни самарадорлик ва рентабелликни оширадиган тарзда дадил йўлга қўётган меҳнат коллективлари сони кўпайиб бормоқда. Ишлаб чиқариш техникавий жиҳатдан қайта жиҳозланмоқда. Маҳсулот сифатини тубдан яхшилаш чоралари амалга оширилмоқда. Беш йилликнинг биринчи йилида халқ ҳўжалиги асосий кўрсаткичлар юзасидан пландаги марралардан ўзиб кетди.

Лекин эришилган ютуқлар билан мағрурланиб кетмаслик керак. Дастлабки кадамларгина қўйилди, асосий ишлар олдинда турибди.

Ишлар юришиб кетиб, ўзгартиришлар жараёни тўхтаб қолмаслигига, аввал йўл қўйилган хатоликлар такрорланмаслигига қанолат борми?

Ҳа, бор. Қайта қуришдан бутун халқ манфаатдор, совет жамиятининг етакчи кучи бўлмиш ишчилар синфи бундан чуқур манфаатдордир. Янги-янги вазифаларни ҳал этиш учун революцион матонат билан курашмоққа қодирлигини амалда исботлаган, ўз ишининг форма ҳамда методларини янгилашга тайёр ва унинг урдасидан чиқадиган партия қайта қуришга раҳбарлик қилмоқда.

Ортирилган иш тажрибалари билан, мамлакатнинг ҳозирги қуни ва келажаги учун масъулият ҳиссини англаш билан жиқлашган партия ва халқнинг муштарак муддаоси, умумий куч-қайрати — XXVII съезд йўли оғишмай амалга оширилишининг гаровидир. Социалистик тузум демократизмининг ҳар томонлама ривожлантириш — жамиятни сифат жиҳатидан янги ҳолатга келтиришдек стратегик вазифа ҳал этилишининг гаровидир.

Демократия нечоғлиқ кўп бўлса — социализм ҳам шунчалик кучли бўлади.

Меҳнаткашлар тўла ошкоралик вазиятида, мансабдор кишилар назоратда бўлиши, ҳисобот бериб туриши ва сайлаб қўйилиши шароитида давлат ҳамда жамоат органларининг тузилишига ҳам, фаолиятига ҳам, меҳнат коллективларининг иши ва турмушига ҳам амалий ҳал этувчи таъсир кўрсата билиш имкониятига эга бўлишлари учун ҳамма ишлар қилиниши керак ва шундай қилинади. Маъмуриятчилик ва буйруқбозликдан, кераксиз чеклашлар ва тақиқлашлардан воз кечмай, одамларнинг ақл-идроки ва тажрибасига, уларнинг ишга омилкорлик билан, давлат нуктаи назаридан ёндашишига тўраларча ишончсизликка барҳам бермай туриб, олға томон муваффақиятли ҳаракат қилиб бўлмайди.

Социалистик демократия — халқнинг ҳар томонлама ўсиб боровчи ўзини-ўзи бошқариши, ақл-заковат ва истеъодларнинг эркин мусобақасидир. Ҳақиқий демократия моҳияти жиҳатидан бунёдкордир. У — масъулиятсизлик, сафсатабозлик, қуюшқондан чиқиб кетишнинг мурасасиз душманидир.

Партия биронта ҳам ташкилот, биронта ҳам ходим назоратдан, танқиддан четда бўлмаслиги керак, деган принципини изчиллик билан амалга ошириб келмоқда. Замонавий фикрловчи, ҳатти-ҳаракатлари учун халқ олдида жавоб беришга тайёр кишилар раҳбарлик лавозимларига тобора кўпроқ кўтарилмоқда.

Биз демократияни кенгайтириш, социалистик қонунчиликни мустаҳкамлаш, халқ депутатлари Советлари, касаба союзлар, комсомол, бошқа жамоат

ташкilotлари активлигини кучайтириш, шахснинг кадр-қиммати ошириш, граждaнлар, меҳнат коллективларининг ҳуқуқларини бутун чоралар билан эъозлаш орқали социализмнинг энг қудратли бунёдкорлик кучи — эркин мамлакатдаги эркин инсоннинг эркин меҳнатига кенг йўл очиб берaмиз.

Ўртоқлар!

Марказий Комитет барча совет кишиларига мурожаат этиб, мамлакатнинг келгусидаги қиёфаси учун, социализм тақдири учун масъулиятни англаш ва ҳис этишга даъват қилади. Октябрдан кейин социалистик қурилиш ўн йилликлари давомида эришилган муваффақиятларимизнинг манзараси улуғвордир. Аммо давр бизнинг олдимизга янги талаблар қўймоқда. Марказий Комитетнинг январь Пленумида таъкидланганидек, ҳозирги ўзгарган шароитда жамияти-мизнинг жўшқин ривожланиши, тараққиёт поғоналаридан тез кўтарила билиш қобилияти яна бир қарра синовдан ўтмоқда.

Экономикамиз самарадорлик, илғор технологияларни ўзлаштира олиш, аъло даражадаги маҳсулот ишлаб чиқариш, жаҳон бозоридаги ҳар қандай рақобатга бардош бера билиш жиҳатидан синовдан ўтмоқда. Ахлоқимиз, бутун турмуш тарзимиз социалистик демократия кадриятларини, социал адолат ва инсонпарварликни муттасил ривожлантириш ҳамда бойитиб бориш қобилияти жиҳатидан синовдан ўтмоқда. Ташқи сиёсатимиз эса тинчликни ҳимоя қилишда қатъият ва изчиллик жиҳатдан, империализм авж олдираётган зўр бериб қуролланиш пойғаси, у қучайтираётган халқаро кескинлик шароитларида тадбиркорлик ва сабр-тоқатлилик жиҳатидан синовдан ўтмоқда.

Бутун дунё социализмга қилинаётган дағдағага нечоғлик бардош бериб, муносиб жавоб қайтараркин, деб совет халқига, Октябрь Ватанига кўз тикиб турибди.

Марказий Комитет меҳнаткашларининг шарафли меҳнатига, профессионал ифтихорига, совет кишиларининг ватанпарварлигига мурожаат қилади. Бугун биз жадаллаштириш программасидаги асосий вазифа — ўн иккинчи беш йиллик топшириқларини амалга ошириш соҳасида ишляпмиз. Қисқа муддат ичида экономикада сифат жиҳатидан силжиш бўлишини таъминлаш, келгусига мустаҳкам замин яратиш зарур. Октябрнинг 70 йиллигини муносиб қутиб олиш учун бошланган мусобақа марказида ана шу вазифа турибди. Бу вазифани муваффақиятли ҳал этиш ижтимоий ишлаб чиқаришдаги ҳар бир қатнашчининг ишга бўлган шахсий муносабатига, коллективларда виждонли меҳнат овози нақадар талабчанлик билан янграшига боғлиқ.

Бунда қасаба союзларнинг роли катта ва масъулиятлидир. Қайта қуриш қасаба союзларни замонавий ишлаб чиқариш маданияти учун, юксак профессионализм учун курашда меҳнаткашларнинг толмас ташкилотчиси бўлишга даъват этади.

Диёримиз азалдан ўзининг моҳир усталари, ишни бутун дунёга донг таратадиган қилиб бажара билиш маҳорати туфайли ибрат бўла олган усталари билан машҳурдир, Совет мамлақати тарихида ишчилар, олимлар, инженерлар, конструкторлар жаҳонда эришилган ютуқлардан илгарилаб кетган натижаларга муваффақ бўлган мисоллар оз эмас. Бугунги кунда эса бу ишларни биз бемалол уддалай оламиз.

Марказий Комитет совет кишиларининг ақл-идроки ва тажрибасига мурожаат қилади. Ҳаётдаги ҳамма ҳодисалар учун тайёр кўрсатмалар бўлмайди. Қайта қуриш умумхалқ ижодий лабораторияси бўлиб қолсин. Янгиланиш практикасига диққат билан муносабатда бўлиб, уни танқидий англаб олайлик, илғор тажрибанинг ҳар бир заррасини кадрлаб, уни қўллаб-қувватлайлик ва ривожлантирайлик. Жонли, эркин фикрлаш — жадаллаштиришнинг зарур шартидир.

Партия халқдан доимо ўрганиб боради. У халқнинг коллектив ақл-идрокини ўзига сингдириб боради, ўз сиёсатини омманинг тажрибалари билан текшириб кўради ва халқ англаётган ишларни тўғри ифодалашни ўз вазифаси деб ҳисоблайди.

Марказий Комитет совет халқининг мардлигига мурожаат этади. Қотиб қолган форма, метод, одатларни бузиш осон гап эмас. Қайта қуриш учун

курашмоқ, қайта қуришни ҳимоя этмоқ керак. Бу борада қатъийлик, қаттиққўллик, принципиаллик керак. Характер ҳам, фидойилик ҳам талаб этилади.

Совет халкининг мардлиги, сабр-тоқати ва матонати неча бор тарих тарозиси палласига тушиб ғалаба келтирган. Партия ҳозир ҳам шундай бўлади, деб ишонади.

Марказий Комитет совет кишиларининг гражданлик ҳис-туйғуларига мурожаат этади. Мамлакатимиз ўзининг ҳар бир граждани маънавий йўлини танлаб олаётган талабчан ва қизиқарли бир даврни бошидан кечирмоқда. Биз бошлаган ишларни қалб кўрини ишга солмай, лоқайдлик билан бажариб бўлмайди. Бу ишларнинг бутун моҳияти мосланувчи, четдан туриб кузатувчи, маънавийятдан маҳрум истеъмолчиларнинг мешчанлик ахлокини рад этади. Қайта қуришга иш учун жон куйдирадиган, талабчан, ҳўжасизлик ва сансалорликка мурасасиз кишилар керак. Унга коммунистик идеалларга астойдил содиқ, буюк социал, маънавий ва маданий бойликларимизни ҳимоя эта биладиган ва кўпайтира оладиган сиёсий жангчилар керак.

Партия билан халқ ғайрат-шижоатли, ўзгаришларга ўч, камчиликларга нисбатан сезгир ёшлардан катта умид қилмоқда. Ёшлар мустақил ишда ўзларини тўлароқ намоён эта билишларига имконият бермоқ даркор. Давр қоғозбозликдан, ортиқча чора-тадбирлардан холи бўлган жанговар, жиддий ишларни изловчи, ёшларнинг ҳақиқий йўлбошчиси — комсомол учун кенг фаолият майдонини очиб бермоқда.

Марказий Комитет КПСС аъзоларига мурожаат этади. Коммунист ўртоқлар, ана шу бурилиш даврида мамлакатни бошқараётган партия сифатида КПСС зиммасига тушувчи улкан сиёсий масъулиятни англаб, уни ўз зиммангизга олаётганингизни ҳаётингизнинг ҳар бир кунин билан тасдиқланг. Халқ партияга сизларнинг ҳаракатларингиз, ҳулқингизга қараб баҳо беришини унутманг. Фидокорлик билан ишлаш, дадиллик, новаторлик аввало сизлардан талаб этилади. Ҳамиша ва ҳамма ерда айни партиявий виждон билан иш тутиш коммунистнинг бурчидир. Ижтимоий янгиланиш жараёнининг қандай бориши шахсий ташаббусингизга кўп жиҳатдан боғлиқ.

Марказий Комитет барча совет кишиларига мурожаат этиб, мамлакатни социал-иқтисодий ривожлантиришни жадаллаштириш йўлидаги кундалик меҳнатимиз, ҳар бир қадамимиз жаҳон сиёсатида тобора салмоқли бўлиб бораётганлигини тўла-тўқис англашга даъват қилади.

Октябрнинг етмиш йиллиги инсониятнинг ўзи ҳаёт-мамот муаммоси олдида турган бир вазиятда яқинлашиб келмоқда. Қарама-қарши, лекин бир-бирига боғлиқ яхлит дунёнинг келажаги бугунги кунда ҳал қилинмоқда. Планета ядро уруши хавфидан халос бўлиши мумкин ва лозим. Ҳамма халқлар хавфсизлик, мустақиллик ва тараққиёт шароитида яшай олишлари мумкин ва бундай шароитлар таъминлаб берилиши керак. Бу ишларнинг ҳаммаси фақат бизга — СССРга, социализмга боғлиқ эмас. Лекин биз ўзимизга боғлиқ бўлган ишларнинг ҳаммасини бажарамиз, бажарганда ҳам тўла-тўқис бажарамиз.

Партиямиз ва давлатимиз жаҳон сиёсатида изчил тинчликсевар йўл тутиб келмоқда. Халқаро проблемаларга янги сиёсий тафаккурга амал қилиб, пухталиқ билан, реалистик ёндашмоқдамиз. Биз учинчи минг йиллик бўсағасида давлатлар ядровий анжомларини улоқтириб юборишларига, космосга қурол чиқарилишига йўл қўймасликка, Ер юзида бу қуролларни камайитириш ва пировардида йўқ қилиб ташлашга эришиш йўлида оғишмай иш олиб бора-верамиз.

Лекин ҳозирча халқаро реакция қуролланиш пойғасини авж олдираётган экан, ҳозирча у социализмга қарши социал реванш ва «салб юришлари» сиёсатидан воз кечмаган экан, КПСС ва Совет давлати мамлакатимизнинг, социалистик ҳамдўстлиқнинг мудофаа қудратини тегишли даражада сақлаш учун зарур ҳамма ишларни қилаверади. Совет кишилари шунга амин бўлсинларки, биз ҳеч қачон, ҳеч бир вазиятда империализмнинг ҳарбий жиҳатдан устун бўлишига йўл қўймаймиз.

Мамлакатимизнинг бутун сиёсий обрў-эътиборини, халқаро қўламдаги

бутун таъсирини тинчлик учун курашга қаратяпмиз. Ўз уйимиздаги ишлар нақадар яхши юришиб кетса, қардош социалистик мамлакатлар билан ҳамкорлигимиз нақадар чуқур бўлса, тинчлик учун курашимиз шу қадар таъсирли бўлади. Социализм билан тинчлик ажралмасдир. Социализм нечоғлик қудратли бўлса, тинчлик ҳам шунчалик мустаҳкам бўлади.

Азиз ўртоқлар!

Бизнинг бутун жамиятимиз баррикаданинг бир томонида турибди. Партия билан халқнинг мақсадлари бир мақсаддир. Ишчилар синфи, қолхозчи деҳқонлар, зиёлиларнинг туб манфаатлари — муштаракдир. Кекса авлод, социалистик қурилиш ветеранлари ва улар ёш ўринбосарларининг иши — битта ишдир. Ҳар бир миллат ва элат, ҳар бир республика, бутун Совет Иттифоқининг тақдир — ягонадир.

Октябрнинг идеаллари совет халқининг фаровонлиги, Ватанимизнинг гуллаб-яшнаши, социализм ва тинчлик йўлида меҳнат қилишга даъват этади. Ақл-заковатимизни, хоҳиш-иродамизни, қуч-ғайратларимизни яхлит қилиб бирлаштирайлик. Ана шу енгилмас қучни олдимизда турган янги-янги вазифаларни ҳал этишга қаратайлик. Режалаштирилган ҳамма ишларни бажарайлик. Октябрнинг революцион ишини муносиб давом эттирайлик!

**СОВЕТ ИТТИФОҚИ
КОМУНИСТИК ПАРТИЯСИ
МАРКАЗИЙ КОМИТЕТИ**

КПСС МАРКАЗИЙ КОМИТЕТИДА

**КПСС Марказий Комитети «Улуғ Октябрь
социалистик революциясининг 70 йиллигига
тайёргарлик тўғрисида» қарор қабул қилди.**

1987 йил 7 ноябрда Улуғ Октябрь социалистик революциясига 70 йил тўлади.

70 йил муқаддам, дейилади қарорда, Ватанимиз тарихини ва жаҳон тарихини ўзгартириб юборган воқеа юз берди. В. И. Ленин бошчилигидаги большевиклар партияси раҳбарлик қилган Россия ишчилар синфи, меҳнатқашлари буюк революцияни амалга оширдилар. Инсониятнинг социализм томон бурилишини ифодалаган бу революция Ер юзиде биринчи ишчи ва деҳқонлар давлати вужудга келганлигини маълум қилди, принцип жиҳатидан янги адолатли ижтимоий тузумни бошлаб берди.

Октябрнинг 70 йиллиги — совет халқининг катта байрамидир, социалистик мамлакатлар халқларининг, планетадаги барча тараққийпарвар кишиларнинг байрамидир. Бу — қучларимизнинг, социализм ғалабаларининг жанговар кўригидир. Айни пайтда бу шундай марраки, ана шу юксак маррада туриб босиб ўтилган йўлнинг яқунлари ва сабоқларини, жаҳонда юз бераётган ўзгаришларни, совет жамияти тараққиётининг ҳозирги ғоят муҳим босқичида унинг олдида турган янги вазифаларни идрок этиш керак бўлади.

КПСС Марказий Комитетининг 1987 йил январь Пленуми таъкидлаганидек, совет кишилари бўлажак юбилейни жамиятимиз ҳаётининг ҳамма соҳаларини чуқур қайта қуриш вазиятида кутиб олмақдалар. Улуғ Октябрь 70 йиллигини нишонлашнинг энг яхши усули — бутун ўзгартирувчилик

ишларимизни кучайтириб, мамлакат социал-иқтисодий тараққиётини жадаллаштириш учун, КПСС XXVII съезди қарорларини амалга ошириш учун курашда сезиларли янги муваффақиятларга эришишдан иборат. Бу билан 1917 йил октябрида бошланган ишга яна бир қудратли омил бахш этилади.

КПСС Марказий Комитети Улуғ Октябрь социалистик революциясининг 70 йиллигини кенг нишонлашга қарор қилди, юбилейга тайёргарлик кўришдан коммунистлар ва партиясизлар, СССР барча меҳнаткашларининг меҳнат, сиёсий ва маънавий активлигини янада юксалтиришнинг муҳим омили сифатида фойдаланиш зарурлигини таъкидлади.

Иттифокдош республикалар Компартияларининг Марказий Комитетларига, ўлка, область, округ, шаҳар ва район партия комитетларига, бошланғич партия ташкилотларига, совет органларига, министрликлар ва идораларга, касаба союз, комсомол ва бошқа жамоат ташкилотларига, ижодий союзларга, Совет Армияси ва Ҳарбий-Денгиз Флотининг сиёсий органларига бўлажак шонли сана муносабати билан конкрет тадбирларни ишлаб чиқиш ва амалга ошириш топширилди.

Совет Иттифоқи Коммунистик партияси Марказий Комитетининг Улуғ Октябрь социалистик революциясининг 70 йиллиги муносабати билан совет халқига Мурожаатномаси маъқулланди. КПСС Марказий Комитетининг Мурожаатномасини партия, комсомол, касаба союз йиғилишларида, меҳнат коллективларида, ўқув юртлари ва ҳарбий қисмларда муҳокама қилиш мақсадга мувофиқ деб топилди.

Юбилейга тайёргарлик давомида меҳнаткашларнинг, барча совет кишиларининг куч-ғайратларини КПСС XXVII съезди қарорларини, ўн иккинчи беш йиллик топшириқларини ва энг аввало иқтисодий ҳамда социал ривожлантиришнинг 1987 йил Давлат планини амалда рўёбга чиқаришга қаратиш тавсия этилди.

Қарорда Улуғ Октябрь юбилейини муносиб кутиб олиш учун оммавий социалистик мусобақани авж олдириб юборишнинг муҳимлиги уқтирилади. Бутуниттифок социалистик мусобақасининг 1987 йил якунларини чиқариш чоғида Октябрь 70 йиллиги шарафига олинган социалистик мажбуриятлар қандай бажарилганлиги назарда тутилиши лозим. Бунда партия ташкилотлари, совет органлари «рапортбозликка», ишларнинг ҳақиқий аҳволини безаб кўрсатишга қарши қатъият билан курашишлари керак.

Ҳар бир меҳнат коллективида Октябрьнинг 70 йиллиги шарафига ўтказилган мусобақа якунларини муҳокама қилиб, фан-техника тараққиётини жадаллаштириш ҳамда маҳсулот сифатини тубдан яхшилаш, ресурсларни тежаш, шартнома юзасидан маҳсулот етказиб беришни сўзсиз бажариш учун курашда меҳнат беллашувининг ролини кучайтириш юзасидан қўшимча чора-тадбирларни белгилаш зарур.

Октябрь юбилейига беш йилликнинг икки йили план топшириқларини бажарадиган, юсак техникавий-иқтисодий кўрсаткичларга эришадиган, ишлаб чиқарилаётган маҳсулотнинг сифати олий даражада бўлишини таъминлайдиган меҳнат коллективлари ва ишлаб чиқариш илғорларини рағбатлантириш учун КПСС Марказий Комитети, СССР Министрлар Совети, ВЦСПС ҳамда ВЛКСМ Марказий Комитетининг юбилейга бағишланган Фахрий ёрлиғи таъсис этилди.

ВЦСПСнинг Улуғ Октябрь социалистик революцияси 70 йиллигини байрам қилишга юбилей йилида энг яхши натижага эришган социалистик мусобақа илғорлари, ўн иккинчи беш йиллик зарбдорларидан 1000 кишини, шунингдек қардош социалистик мамлакатлар меҳнаткашлари группаларини — ўз мамлакатларида ва СССРдаги интеграция объектларида интернационал социалистик мусобақада ғолиб чиққан кишиларни Москвага таклиф қилиш тўғрисидаги таклиф қабул қилинди.

СССР Фан ва техника давлат комитетига министрликлар ва идоралар, иттифокдош республикаларнинг Министрлар Советлари билан биргаликда СССР Халқ хўжалиги ютуқлари виставкасида 1987 йил июлида «Улуғ Октябрь

байроғи остида 70 йил» виставкасини очиш, шунингдек «Мамлакат социалистик тармоқларининг ривожланишини жадаллаштириш» доимий ишлайдиган экспозициясини тайёрлаш топширилди. СССР Халқ хўжалиги ютуқлари виставкасида юбилейга бағишлаб иттифокдош республикаларнинг кунлари ўтказилсин.

Меҳнаткашлар орасида олиб бориладиган сиёсий ишларда Октябрь революциясининг ғалабалари билан совет жамияти турмушининг ҳамма томонларини ўз моҳияти жиҳатидан революцион тарзда ҳозирги ўзгаришлар ўртасидаги узвий алоқани ишонарли тарзда кўрсатиб бериш кераклиги таъкидланди. Ҳозир ҳам гап Ватанимизнинг келажаги, меҳнаткашларнинг туб манфаатлари социализмнинг тарихий тақдири тўғрисида бораётганлиги яққол кўрсатиб берилиши лозим. Ўша вақтда бўлганидек, бугун ҳам коммунистик байроққа чексиз садоқат, ўртага қўйилган мақсадларга эришиш йўлида букилмас ирода ва қатъият талаб қилинади. Ўша вақтда бўлгани каби ҳозир ҳам Ленин партияси раҳбарлик қилаётган меҳнаткаш халқ, унинг революцион куч-ғайрати, омманинг жонли ижодкорлиги ўзгаришларнинг асосий ҳаракатга келтирувчи кучидир.

Партия ташкилотларига, совет органларига, халқ депутатлари маҳаллий Советларига бўлажак сайловдан, район (шаҳар) халқ судлари, халқ судьялари ва халқ маслаҳатчиларини сайлашдан, бошқа оммавий кампаниялардан меҳнаткашлар тўла ҳокимиятини рўёбга чиқариш ишида Улуғ Октябрь ғалабаларини, совет давлати тузумининг демократик характерини ҳамда халқнинг социалистик ўз-ўзини бошқариши принципларини тушунтириш учун кенг фойдаланиш таклиф қилинди. Ана шу принципларнинг амалга оширилишига ҳар томонлама қўмаклашиш керак.

Социализмнинг ғалабалари ва унинг капитализмдан туб афзалликлари далиллар билан кўрсатиб берилсин, совет кишиларининг коммунистик идеаллар тантанасига ишончи мустаҳкамлансин. Пропаганда ишлари ҳақиқат ва реализм позицияларидан туриб олиб борилсин, Ленин сўзлари билан айтганда, барча совет кишилари «нималарни ниҳоясига етказганлигимизни ва нималарни етказмаганлигимизни аниқроқ, яққолроқ, хушёрроқ тасаввур» қила олишларига эришилсин. Камчиликлар дадилроқ очиб ташлансин, уларни бартараф қилиш учун курашга меҳнаткашлар сафарбар этилсин, социализмни такомиллаштириш юзасидан зўр ғайрат билан ишлашга, КПССнинг программaviй мақсадларига эришишга руҳлантирилсин.

Партия ташкилотлари коммунистларнинг авангардлик ролини ошириш тўғрисида ҳормай-толмай жон куйдиришлари, уларнинг ҳар бири меҳнатда, ижтимоий-сиёсий фаолиятда ва турмушда намуна кўрсатишларига, халқ оммасини эски дунёга ҳужум қилишга, революция ғалабаларини химоя қилиш ва янги жамият қуришга бошлаб борган ленинчи большевиклар барҳаёт гвардияси шонли ишларининг муносиб ворислари ва давомчилари бўлишларига эришишлари зарурлиги таъкидланади.

Янги вазифаларни ҳал этиш учун КПССнинг бой тажрибасидан, социалистик қурилиш тажрибасидан актив фойдаланиш керак. Мамлакатимизда амалга оширилаётган ўзгаришлар миқёслари қанчалик кенг ва мураккаб бўлса, бугунги ва эртанги кунларимиз учун ўтмишдан сабоқ чиқаришни ўрганиб олиш шу қадар муҳимдир, партия билан халқ бирлигини мустаҳкамлаш, совет кишиларида социалистик ғалабаларнинг манбаларини, Октябрь ғояларининг ҳаётбахш кучини равшан тушуниб етишларини тарбиялаш борасидаги ишлар шу қадар актуалдир.

КПСС Марказий Комитетининг Фан ва ўқув юртлари, Пропаганда, Партиявий-ташкилий ишлар бўлимларига КПСС Марказий Комитети ҳузуридаги Марксизм-ленинизм институти ҳамда Ижтимоий фанлар академияси иштирокида КПССнинг тарихий тажрибасини тадқиқ этиш, ўрганиш ва пропаганда қилишни тубдан яхшилаш тадбирларини ишлаб чиқиш топширилди.

КПСС Марказий Комитети ҳузуридаги Марксизм-ленинизм институтига, СССР Фанлар академияси ва КПСС Марказий Комитети ҳузуридаги Ижтимоий

фанлар академияси билан биргаликда 1987 йилда «Улуғ Октябрь ва ҳозирги замон» мавзусида Халқаро илмий конференция ўтказиш таклиф этилди.

Меҳнаткашларни, айниқса ёшларни Коммунистик партия ва совет халқининг революцион, жанговар ва меҳнат анъаналари руҳида, СССР халқларининг бузилмас дўстлиги руҳида, социалистик Ватанни ҳимоя қилишга доимо тайёр туриш руҳида тарбиялаш — партия, касаба союз, комсомол ташкилотларининг ва бошқа жамоат ташкилотларининг, халқ депутатлари Советларининг, меҳнат коллективлари ва ўқув коллективларининг муҳим вазифасидир.

КПСС Марказий Комитети янги авлодни Улуғ Октябрь ишига садокат, советлар Ватанининг моддий ва маънавий бойликларини қўпайтиришга, унинг иқтисодий ва мудофаа қудратини мустаҳкамлашга интилиш руҳида тарбиялаш юзасидан бундан буён ҳам куч-ғайратни оширишни зарур деб ҳисоблайди. Ленин комсомолининг ташаббуси билан авж олдирилган совет ёшларининг «Революцион кадам ташлангиз!» шиори остидаги ватанпарварлик ҳаракати қўллаб-қувватланди. ВЛКСМ Марказий Комитетининг 1987 йил октябрида Ленинград шаҳрида комсомол ва ёшларнинг Октябрь 70 йиллигига бағишланган Бутуниттифок слётини ўтказиш тўғрисидаги таклифи қабул қилинди.

Партия комитетлари ва халқ депутатлари Советларига жамоат ташкилотлари билан биргаликда кекса большевикларни, уруш ва меҳнат ветеранларини шарафлашни ташкил этиш, уларнинг уй-жой-маиший шароитларини, уларга медицина ва савдо хизмати кўрсатишни яхшилаш чораларини кўриш тавсия қилинди.

Марказий ва маҳаллий газета, журналлар, телевидение ва радио, — дейилади КПСС Марказий Комитетининг қарориди, — Улуғ Октябрь социалистик революциясининг жаҳоншумул-тарихий аҳамиятини, партия раҳбарлигида мамлакатимизда амалга оширилаётган ўзгартишларнинг новаторлик, кашшофлик характерини, КПССнинг совет кишилари бахт-саодати ва тинч ҳаёти тўғрисидаги доимий ғамхўрлигини чуқур очиб беришни таъминлашлари керак.

СССР Нашриёт, полиграфия ва китоб савдоси ишлари давлат комитетига Совет давлатининг тарихи ва унинг ҳозирги кунига, мамлакатимиз халқлари дўстлигига, совет фани ва маданиятининг буюк ғалабаларига, революция, уруш ва меҳнат қаҳрамонларига бағишланган китоблар, брошюралар, буклетлар, плакатларни СССР халқлари тилларида, шунингдек хорижий тилларда нашр этиш топширилди.

СССР Марказий статистика бошқармасига — «СССР халқ ҳўжалиги 70 йил ичида» тўпламини, СССР Молия министрлиги билан СССР Давлат банкига — 1, 3 ва 5 сўмлик юбилей хотира тангаларини, СССР Алоқа министрлигига — Октябрь юбилейига бағишланган почта маркалари туркумини, конвертлар, критикаларни чиқариш таклиф этилди.

Октябрь революциясининг 70 йиллигига тайёргарлик давомида совет адабиёти ва санъатининг, маданий-оммавий ишларнинг тарбиявий имкониятларидан тўла фойдаланиш зарурлиги таъкидланди. СССР Маданият министрлиги, СССР Телевидение ва радиоэшиттириш давлат комитети, СССР Нашриёт, полиграфия ва китоб савдоси ишлари давлат комитети, СССР Кинематография давлат комитети, СССР Давлат физкультура ва спорт комитети мамлакат ижодий союзлари совет адабиётининг энг яхши асарларини нашр этишни, янги спектакллар, фильмлар ва концерт программаларини тайёрлашни, Улуғ Октябрга, совет халқининг қаҳрамонлигига бағишланган кино ва телефильмларни, кўргазмаларни ретроспектив кўрсатишни, спорт байрамлари ташкил этишни кўзда тутсинлар.

Миллий маданиятлар алоқаларини ва ўзаро таъсирини янада мустаҳкамлаш ишларини кучайтириш муҳим, деб топилди. Ижодий ташкилотларнинг республикалар, ўлкалар ва областларда СССР Халқлари адабиёти ва санъати кунларини ўтказиш ҳақидаги ташаббуси маъқулланди. 1987 йил октябрида Москвада «Улуғ Октябрнинг 70 йиллиги» Бутуниттифок бадий кўргазмаси

ўтказилади. Бу тадбирларни мувофиқлаштириб бориш СССР Маданият министрлигига топширилди.

Улуғ Октябрнинг 70 йиллигига бағишлаб ўтказилаётган иккинчи Бутун-иттифок халқ ижодиёти фестивали доирасида 1987 йилнинг май — ноябрь ойларида хаваскор рассомлар ва манзарали-амалий санъат усталари асарлари кўргазмаларини, хор, театр, хореографик ижодиёт кунларини, фестиваль кўриклари ва конкурсларда ғолиб чиққан хаваскорлик коллективлари иштирокида фольклор ҳамда духовой музика байрамларини ўтказиш кўзда тутилади.

Партия ташкилотларига, оммавий ахборот воситаларига КПСС ва Совет давлатининг ядро уруши хавфини тугатишга ҳамда ҳозирги замон реалликларини чуқур англаб етишга, янгича сиёсий тафаккурни актив қарор топтиришга асосланган ялпи тинчликни таъминлашга қаратилган кўп қиррали ва амалий ташки сиёсий фаолиятини изчиллик билан ёритиш топширилди. Халқаро ишлардаги бизнинг позициямиз — барча халқларнинг конуний манфаатларини ҳисобга олувчи, очик-равшан, ҳалол, адолатли позициямиз ишонарли тарзда очиқ берилсин. Ер юзидаги халқларга янги тузум, капитализмнинг ўрнини босадиган социализм тўғрисидаги ҳақиқат етказилсин.

Социалистик ҳамдўстлик мамлакатларининг ютуқларини, уларнинг ҳамкорлиги актуал масалаларини, коммунистик ва ишчи партиялар фаолиятини, халқлар ва мамлакатларнинг империализмга қарши курашини кенг ёритиш керак. Ҳозирги пайтда тинчлик ва социал тараққиёт тақдири жаҳон социализм системаси иқтисодий ҳамда сиёсий тараққиёти жўшқинлиги билан ҳар қачонгидан ҳам мустаҳкамроқ боғлиқлиги кўрсатиб берилсин.

ВЦСПС, ВЛКСМ Марказий Комитети, Чет мамлакатлар билан дўстлик ва маданий алоқалар совет жамиятига, тегишли министрликлар ва идораларга, маҳаллий партия органларига интеграция қурилишларида ҳамда бошқа ҳамкорлик объектларида Улуғ Октябрнинг 70 йиллиги шарафига меҳнат, тинчлик ва дўстлик эстафеталари ўтказишни ташкил этиш тавсия қилинди. Совет меҳнат коллективлари билан социалистик мамлакатлар меҳнаткашлари коллективлари ўртасидаги социалистик мусобақа ривожлантирилсин, Октябрь юбилейига бағишлаб интернационал меҳнат вахталари ва сменалари, профессионал маҳорат конкурслари, дўстлик фестиваллари ва кечалари, кўргазмалар, биргаликдаги ижтимоий-сиёсий ҳамда маданий-оммавий тадбирлар уюштирилсин.

Чет элларда Октябрь ғояларини, КПСС ва Совет давлатининг ҳозирги пайтдаги сиёсатини тушунтиришга қаратилган бир қанча тадбирлар кўзда тутилди.

1987 йил ноябрида Москвада Улуғ Октябрь социалистик революциясининг 70 йиллигига бағишлаб КПСС Марказий Комитети, ССР Иттифоқи Олий Совети ва РСФСР Олий Советининг қўшма тантанали мажлисини ўтказиш мақсадга мувофиқ, деб топилди.

Москва ва Ленинград шаҳарларида, иттифокдош ва автоном республикаларнинг пойтахтларида, ўлка ва область марказларида, шаҳарлар ва районларда меҳнаткашларнинг вакиллари, жамоат ташкилотлари, армия ва флот жангчилари иштирокида тегишли партия комитетлари ҳамда халқ депутатлари Советларининг Улуғ Октябрь социалистик революциясининг 70 йиллигига бағишланган тантанали мажлисларини ўтказиш тавсия этилди.

Қорхоналар, колхозлар ва совхозлар, муассасалар ва ўқув юртларида, ҳарбий қисмларда Улуғ Октябрнинг 70 йиллиги шарафига тантанали йиғилишлар бўлиб ўтади.

ҚАЙТА ҚУРИШ— ХАЛҚНИНГ ЭНГ АСОСИЙ ИШИ

*КПСС МК Бош секретари М. С. ГОРБАЧЕВНИНГ
СССР Қасаба союзлари XVIII съездида
1987 йил 25 февралда сўзлаган нутқи*

Съезд делегати бўлган кадрли ўртоқлар!

КПСС Марказий Комитети номидан съездингизни ва сизлар орқали Советлар мамлакатининг барча меҳнаткашларини қутлайман. **(Қарсақлар).**

Бундан роса бир йил аввал, 25 февраль кuni шу ерда, Кремлдаги Съездлар саройида КПСС XXVII съезди ўз ишини бошлаган эди. Бу съезд Ватанимиз тақдири учун, социализмнинг келажаги учун бурилиш съезди бўлди. Съезд янги жамият қурилиши соҳасида тўпланган практикани ҳеч чўчимай кенг таҳлил этиб берди, мамлакатни социал-иктисодий жиҳатдан жадаллаштиришнинг, тинчлик ва инсонпарварлик идеаллари учун курашнинг сафарбар этувчи йўлини ишлаб чиқди.

Бир ой муқаддам партия Марказий Комитетининг январь Пленуми бўлиб ўтди, Пленум вужудга келган вазиятни англаб етишимизни анча чуқурлаштирди, партия ва халқнинг сиёсий фаолияти бутун жабҳаси бўйлаб қайта қуриш вазифаларини конкретлаштириб берди, ижтимоий ҳаётни демократлаштиришнинг кенгайтирилган концепциясини белгилади, революцион ўзгаришларга тўсқинлик қилаётган барча нарсалардан халос бўлиш жараёнини қудратли тарзда жадаллаштирди.

Бир ҳафтадан сал кўпроқ вақт олдин Кремлда «Ядросиз дунё учун, инсониятнинг омон қолиши учун» анжумани катнашчилари билан учрашув бўлди.

Мана шу обрўли ва ваколатли анжуман олдида Совет давлати ташки сиёсий стратегиясининг сиёсий ва маънавий негизлари, унинг инсоният олдида турган жаҳоншумул проблемаларга ва аввало бу проблемаларнинг энг асосийси — Ер юзида ҳаётни қандай қилиб сақлаб қолиш проблемасига ёндашуви баён этиб берилганини сизлар биласизлар.

Ана шу воқеаларда давримизнинг — улкан ташаббуслар, кадриятларни қайта баҳолаш ҳамда орзу-умидларнинг мустаҳкамланиши, ижтимоий юксалиш ва янгиликнинг эскиликка қарши мurosасиз кураши даврининг жўшқин мароми акс этмоқда. Бу қийин, лекин ғоят қизиқарли, жамиятнинг ўз кучига ишончи ортаётган давр, кишиларнинг граждан етуқлиги ва ватанпарварларга хос тиниб-тинчимаслиги давридир.

Съездингиз амалий ишида ҳам, унда қабул қилинажак қарорларда ҳам давримиз руҳи акс этишига ишончимиз комил. **(Қарсақлар).**

Бир йил умуман олганда катта муддат эмас. Лекин ўтган йил ижтимоий жўшқинлиги билан жуда кўп нарсани ўз ичига олди. Шу билан бир вақтда биз бугун дастлабки қадамларгина қўйилганлигини тушуниб турибмиз.

Энг муҳими, бинобарин, энг қийини ҳали олдимизда турибди. Шу вақтга қадар биз асосан қайта қуришга тайёргарлик кўрдик: унинг стратегиясини ишлаб чиқдик, асосий йўللари белгиладик, халакит бераётган, тузатиш лозим бўлган ишларни аниқладик. Қайта қуришни бошлаб юбориш учун дастлабки позицияларни белгилаб олдик.

Эндиликда қайта қуришни амалда авж олдириб юбориш лозим. Бошланган 1987 йил кўп жихатдан ҳал қилувчи йил бўлади. Чунки қайта қуришнинг тақдири аслида бугунги кунда ҳал этилмокда, жадаллаштириш пойдевори кўйилмокда.

Марказий Комитетнинг январь Пленумида таъкидлаб ўтилганидек, қайта қуриш эндиликда ғоя эмас, балки реалликдир. У омманинг онгига сингиб бормокда, бинобарин, социализм жамиятимизни янгилаш йўлида амал қилмокда, ишламокда.

Биз бўм-бўш жойда ижод қилаётганимиз йўқ, қурук жойда ҳеч нарса қилиб ҳам бўлмайди. Бизнинг фахрланадиган, таяна оладиган ишларимиз, ҳамма нарсадан юсак қўядиган буюк кадриятларимиз бор.

Биз буюк революцияни амалга оширдик, бу революция мамлакатимизда ва дунёда воқеаларнинг боришини тубдан ўзгартириб юборди, инсоният тақдирида абадий из қолдирди.

Бизнинг социализмни амалда рўёбга чиқаришда улкан, хилма-хил ва ҳали охиригача идрок этилмаган тажрибамиз бор. Бу тажрибага муттасил мурожаат этиш, ҳаёт вужудга келтирадиган проблемаларни ленинчасига ўрганиб, ҳал қилиш керак.

Биз буюк мамлакатимиз барча халқларининг куч-ғайрати ва истеъдоди билан вужудга келтирилган ва кўпайтирилаётган улкан иқтисодий, илмий-техникавий, интеллектуал имкониятларга эгамиз.

Ҳа, ўртоқлар, биз катта йўлни, қийин ва қаҳрамонона йўлни босиб ўтдик. Аммо биз халқимизнинг революцион руҳини, социализмга, унинг олий адолатига ишончини ҳамма синовлардан олиб ўтдик.

Биз ҳаммасини уддаладик, ҳамма қийинчиликларни бартараф этдик, ҳаммасига бардош бердик. Биз омон ва жинчирикдан космосгача мислсиз юксалишни амалга оширдик, ҳеч нарса билан қиёслаб бўлмайдиган завқ-шавқни — буюк ғалабалар нашидасини тотдик.

Меҳнат билан совет кишилари барча авлодларини жипслаштириб турган умумий манфаатлар тўғрисидаги граждон ғамхўрлигининг бузилмас алоқаси, ватанпарварлигимиз, меҳнат ила ифтихоримиз, ишчиларнинг ғайрат-шижоати ва ташаббускорлиги, Улуғ Октябрь ишига дахлдорлигимиздан иборат муқаддас туйғу — тузумимизнинг буюк ғалабалари бўлиб, уни ана шу ғалабаларсиз тасаввур этиб бўлмайди.

Айни меҳнат аҳли, аввало революцион анъаналарга содик бўлган ишчилар синфи бугунги ўзгартишларнинг асосий ҳаракатга келтирувчи кучидир. Меҳнатсеварлик халқимизнинг ҳамиша олий маънавий фазилати бўлиб келган, маҳорат эса инсоннинг доимий асосий хислати ҳисобланган.

Бугунги кунда бизда Кемерово областидаги «Южгузбассуголь» бирлашмаси «Распадская» шахтасининг бригадири Владимир Матвеевич Гвоздев, «Трехгорная мануфактура» Москва ип газлама комбинати тўқувчиси Нина Николаевна Шчербакова, «Таллинстрой» трестининг бригадири Вяйно Александрович Саар, Бошқирдистон АССРдаги Карл Маркс номли колхоз сут соғувчиси Разифа Салиховна Ханова, Кузнецк металлургия комбинати прокат станининг оператори Валерий Макарович Колесников, Петропавловск-Камчатск савдо порти комплекс бригадасининг бригадири Евгений Петрович Размятов, Одесса областидаги «Прогресс» гўшт етиштирувчи корхонаси сут-товар фермасининг мудури Лидия Трофимовна Бабина каби одамларимиз борки, улар ўз ишларининг ҳақиқий усталаридирлар, уларга тенглашса арзийди, улардан ишлашни ўрганиш керак.

Буларни ва бошқа минглаб кишилари бизнинг давримиз — революцион жадаллаштириш даври рўёбга чиқарди. Бундай одамларни халқимиз қайта қуриш стахановчилари деб атади. Менимча тўғри атади. Бундай кишилар бизда ҳамма жойда, кўпгина меҳнат коллективларида мавжуд.

Фақат жамиятни янгилаш учун, қайта қуриш учун қурашаётганлар, оғизда ва ваъда бериш билан эмас, балки новаторларча, виждонан меҳнат қилиш билан қурашаётган одамлар кун сайин кўпайиб бориши лозим.

Биз ҳаммамиз яхшиланиш сари ўзгариш тезроқ юз беришини хоҳлаймиз,

албатта. Партия олға сурган юксак мақсадлар, экономикада, социал ва сиёсий соҳада авж олиб бораётган ўзгаришлар шунга олиб келдики, уни «умидлар революцияси» деб аташ мумкин. Кўплар социал ва моддий самара тезроқ бўлишини истамокдалар. Мен буни яқинда Латвия ва Эстония меҳнаткашлари билан учрашувларим таассуротларига асосланиб гапиряпман.

Ошкора гаплашиб олайлик, ўртоқлар. Фақат бир йўл — самарали, юксак унумли меҳнат билангина жадаллаштиришга, бутун турмушимиз сифатини оширишга эришиш мумкин. Тақсимлаш ва қайта тақсимлашнинг ҳеч қандай механизми ўз ҳолича ҳеч нарсани яратмайди.

Ҳа, биз халқ хўжалигини бошқариш системасида, социал, сиёсий, идеология соҳаларида кўп нарсани такомиллаштиришимиз лозим. Бундай ишлар амалга ошириладиганини биласизлар. Бундан кейин ҳам улар амалга оширилаверади. Аммо умуман меҳнат этикасига қаттиқ зўр бериш керак.

Марказий Комитетнинг январь Пленумида мамлакатдаги ишларнинг аҳволи учун партиянинг, унинг раҳбар органларининг жавобгарлиги тўғрисида тўғридан-тўғри айтилди. Аммо бу ҳолат муҳим бўлса-да, ишнинг атиги бир томонидир. Ишнинг иккинчи томони ҳам бор.

Ҳеч кимга сир эмаски, «қўл учида» ишлаш, ишламай топилган иш ҳақи, ҳуда-беҳуда мукофотлар, ўзаро талабчанликнинг йўқлиги, контролсизлик ва масъулиятсизлик вазияти кўп одамларга қўл келар эди, баъзи бировларга ҳозир ҳам қўл келяпти.

Шу нарса равшан бўлиши керак: бизнинг ҳақли моддий ва социал жиҳатдан кутаётган нарсаларимиз рўёбга чиқиши учун вақт ва куч-ғайрат, амалий ҳаракат керак.

Қайта куриш — ҳар бир кишининг — ишчи, колхозчи, хизматчи, инженер, олим, ўқитувчи, министр, партия ходимининг ўз жойида келтирадиган самарасини оширишдир. Ҳамма жойда ва ҳамиша ҳам айнан шундай бўляпти, деб айта олмаймиз.

Марказий Комитетнинг январь Пленумида биз ўтган йили эришилган ижобий ўзгаришларга баҳо бериб, совет халқи партиянинг сиёсатини, унинг қайта куриш йўлини астойдил қўллаб-қувватлаётганлиги ана шу ўзгаришларда акс этганлиги тўғрисида гапирдик. Лекин йилнинг бошланиши ижобий силжишлар ҳали иқтисодий ривожланишнинг барқарор тенденцияси бўлиб қолмаганлигини кўрсатди. Металлургия, химия, электрон саноатида қийинчиликлар ўтган йилнинг иккинчи ярмиданоқ кўпая бошлади. Лекин, на министрликларда, на Госпланда, на СССР Госснабида бунга тегишли эътибор беришди, ана шу тармоқлардаги кўпгина корхоналарнинг ходимлари ҳам вужудга келган аҳволни ўнглаб олиш учун ўз вақтида ҳаракат қилмадилар.

Январь ойининг якунлари шуни кўрсатдики, ҳам марказда, ҳам жойларда кўплар хўжалик юриштишнинг янги методларига оммавий равишда ўтиш чоғида корхоналар ва бирлашмалар фаолиятига нисбатан талабчанлик ошган шароитларда ишлашга бўш тайёргарлик кўрганлар.

Ҳозир аҳвол ўнганмоқда, лекин жуда секин ўнганмоқда. Партия Марказий Комитети ишчилар синфи, барча меҳнаткашлар ҳозирги пайтнинг масъулиятини, белгиланган планларнинг бажарилишини жадаллаштириш иши учун, экономикани ривожлантиришга тобора кўпроқ ҳисса қўшиш учун масъулият муҳимлигини тушуниб етишларига умид қилади.

Ҳозир биз жамиятимиздаги вазиятни тубдан ўзгартириб юборишни истаймиз, чунки олдин қандай яшаганлигимиз, қандай ишлаганлигимиз энди бизни қаноатлантира олмайди. Лекин ўзи бўларчилик ва бўшашувчанлик кучларини узил-кесил тугатмасдан ҳеч иш чиқара олмаймиз, бу кучлар мамлакатимизни турғунлик ва ғафлат ҳолатига яна тортиб кетиши мумкинлиги билан хавфлидирки, бундай ҳолат жамиятнинг котиб қолиши, социал бузилишлар билан таҳдид қилади. Шу ўринда мен январь Пленуми ўй-режаларига яна бир тўхталиб ўтмоқчиман.

Биз 1985 йил апрель Пленумини ўтказдик. Бу — тасодикий ҳодиса эмас, албатта. Пленум мамлакатда идрок этилган, тўпланган нарсаларни ифодалай

олди. У жамиятдаги ишларнинг аҳволини танкидий таҳлил қилиб берди, жадаллаштириш концепциясини ишлаб чиқишни мақбул деб топди.

Биз апрель Пленуми ғояларини партия ва халқимиз қандай кутиб олганини кўрганимиздан кейин тўғри йўлдан бораётганимизга ишонч ҳосил қилдик.

Апрель Пленумидан кейин, июнь ойида фан-техника тараққиёти масалалари юзасидан катта кенгаш ўтказдик, ана шу кенгаш асосида машинасозлик ҳамда халқ хўжалигининг бошқа бир қанча тармоқларини ривожлантиришнинг муҳим программаларини ишлаб чиқдик, хўжалик механизмини, шу жумладан экономиканинг ўзаро боғлиқ бўлган тармоқлари группаларини бошқаришни такомиллаштириш тадбирларини белгиладик.

Буларнинг ҳаммаси апрель Пленуми негизда XXVII съезд концепциясини тузиш учун асос бўлди. Бу концепция сизларга маълум, ўртоклар.

Съезддан сўнг мамлакатни социал-иктисодий ривожлантиришни жадаллаштиришнинг стратегик йўлини амалда рўёбга чиқариш вазифаси ўртага қўйилди. Илгари ҳам экономикани юксалтириш юзасидан кўпгина яхши қарорлар қабул қилинганлигини биласизлар, лекин бу қарорлар бажарилмай қолиб кетарди.

Агар биз ижтимоий ҳаётни қайта қура бошламасак, партиядаги, жамиятимиздаги бутун муҳитни соғломлаштирмасак, жадаллаштириш мумкин бўлмаслигини КПСС Марказий Комитети аниқлади. Ана шундай бир пайтда Марказий Комитетнинг қайта қуриш назариясини ишлаб чиқиб, янги босқичда кадрлар сиёсати вазифаларини белгилаб берадиган Пленумига тайёргарлик тўғрисидаги масала кўтарилди. Январь Пленумининг асосий моҳияти ана шундай эди.

Унга тайёргарлик қийин иш бўлиб чиқди. Шунга айтиш қийин, биз Пленум ўтказиш вақтини уч марта қолдирдик, чунки асосий масалалар равшан бўлмагач, Пленумни бошлай олмас эдик. Апрельдан олдинги вазиятнинг таҳлилини чуқурлаштириш, ундан сабоқ чиқариб олиш ва энг муҳими — қайта қуриш жўшқин давом этиши ва тўхтаб қолмаслиги учун нима қилиш кераклигини тақлиф этиш лозим эди. Агар биз бу Пленумда камчиликлар ва қийинчиликларни қайд этиш билангина чекланиб қолиб, қайта қуришнинг конкрет йўналишларини тақлиф этмаганимизда, бундай Пленумнинг нафи кам бўларди. Биз ҳаммани ҳаяжонга солаётган асосий саволга — қандай қилиб қайта қуришни муқаррар жараёнга айлантириш керак, хатолар такрорланмаслиги учун нима қилиш керак — деган саволга жавоб беришга мажбур эдик. Марказий Комитетнинг Сиёсий бюроси: агар қайта қуришга экономика соҳасида ҳам, социал соҳада ҳам, сиёсат соҳасида ҳам, маънавий соҳада ҳам, бошқариш соҳасида ҳам асосий ҳал қилувчи куч — халқ қаттиқ киришмаса, у бир жойда тўхтаб қолади, деган яқдил ҳулосага келди. Қайта қуриш муқаррар бўлиб қолиши учун, ўтмишдаги нарсалар такрорланмаслиги учун ҳамма нарсани яна халқ контроли остига олиш лозим. Бу вазифаларни ҳал этишнинг ягона йўли бор, у ҳам бўлса совет жамиятини кенг демократиялашдир.

Январь Пленумига қадар: бу жараён тўхтаб қолмасмикан деган савол ҳаммани ташвишга соларди.

Январь Пленуми қайта қуриш муқаррар тус олганига жамиятдаги ишончни мустаҳкамлади. Чунки қайта қуриш муқаррарлигига ишонч аҳоли кўпгина қатламларининг позицияларини ҳозир жуда активлаштириб юборди. Кутиб турувчилар ва кузатиб турувчилар оз эмасди. Эндиликда улар фаол ҳаракат қилувчилар қаторига ўтмоқдалар. Лекин бу жараён осон ўтаётгани йўқ, қийинчилик билан кўчмоқда.

Хўш, гап нимада? Шу вақтга қадар биз социал-иктисодий ривожланиш концепциясини ишлаб чиқиш даражасида эдик — апрель Пленуми, XXVII съезд, июнь Пленуми ана шу даражада эди. Лекин эндиликда қайта қуриш жараёни амалиётга чуқур йўл олди ва у баъзи ҳолларда давлат қабули орқали, бошқа ҳолларда ўз харажатларини ўзи қоплаш, ўзини-ўзи маблағ билан таъминлаш орқали, учинчи ҳолда — сайлаб қўйиш орқали, тўртинчи ҳолда — контрол, ошқоралик, танкид ва ҳоказолар орқали бормоқда.

Бу ўринда қутилмаган ҳеч нарса йўқ. Қайта қуриш жараёни жамият

турмушининг ҳамма соҳаларини қамраб олмакда, барча социал группаларнинг манфаатларига дахл қилмокда. Чинакам революцион ўзгартишларга ҳсс хусусият сифатида қайта қуриш баъзи кишиларни руҳлантириб, уларга янги куч бахш этмокда, айрим кишиларни саросимага солиб қўймокда, яна бир хил кишиларга эса рўй бераётган ўзгартишлар мутлақо ёкмаяпти. Қўл учида ишлашга, ҳамма ишни таваккалига қилаверишга одатланиб қолган, беғам, сусткаш, ташаббуссиз кишиларга бу ўзгартишлар айниқса ёкмаяпти. Бу ўзгартишлар шу дамгача корхонада, районда, шаҳарда, лабораторияда коллективнинг, меҳнаткашларнинг фикри билан ҳисоблашмай, ўз маҳрига тушган жойдек иш кўриб келган кишиларга ҳам ёкмаяпти. Қуюшқондан чиқавериш вазиятидан давлат мулкани талон-торож қилиш, бойлик орттириш, қонунларимизни ва ахлоқ нормаларимизни сурбетларча менсимай иш кўриш учун фойдаланиб келган кишиларга ёкмаётганлиги ҳақида гапирмаса ҳам бўлади. Қайта қуришга қаршиликнинг, амалий ҳаракатлардаги имиллашнинг, кийин дамлар ўтишини пойлашга интилишнинг манбалари мана шулардан иборат.

Яна бир қарра айтаман: бу ўринда принцип жиҳатдан қутилмаган ҳеч нарса йўқ. Аксинча, башарти қайта қуриш ҳаммага — софдилларга ҳам, нопокларга ҳам, меҳнатчиларга ҳам, дангасаларга ҳам, актив, принципиал кишиларга ҳам, ҳаддидан ошган ходимларга ҳам маъқул келаверадиган бўлса, ажабтовур бўлур эди. Бу — бизнинг сиёсатимизда бирон-бир нарса пухта ўйланилмаганини, бирон-бир нарса амал қилмаётганини, бирон-бир нуқсон борлигини билдирган бўлур эди. Аммо бу ўринда сиёсий бир нозиклик борки, уни эътиборга олмасдан бўлмайди. Мен қайта қуришнинг ғаразли душманларини эслатиб ўтдим. Бироқ ҳозирги пайтнинг муайян драматизми шундан ҳам иборатдирки, қайта қуришга қарши бўлган кишилар орасида беғараз, софдил бўлсалар ҳам, аммо ҳозирча эски тасаввурлар асири бўлиб қолаётган, жамият олдида вужудга келган проблемаларнинг ўткирлиги ва қалтислигини англаб олмаган кишилар ҳам бор. Биз уларга ишонтириш йўли билан таъсир ўтказишимиз, ишимизнинг ҳаққонийлиги, қайта қуришнинг муваффақияти орқали уларнинг ишончини қозониш билан таъсир ўтказишимиз керак. Бундай кишиларга ўзларининг ҳақиқий манфаатларини тушуниб олишда, умумий сафдаги ўз ўрнини топишда ёрдам бериш бизнинг бурчимиздир.

Умуман, эндиликда қайта қуриш ҳаммага: Марказий Комитет Сиёсий бюросининг аъзоларига, Марказий Комитет секретарларига, ҳукумат аъзоларига ҳам, ишчиларга ҳам, колхозчиларга ҳам, зиёлиларга ҳам тааллуқли бўлиб турибди. Бутун жамиятга тааллуқли бўлиб турибди. Ҳамманинг ва ҳар бир кишининг манфаатларига дахлдор бўлиб турибди. Мана шу ўринда мен Лениннинг синфнинг шу дамдаги манфаатларини унинг туб манфаатларидан фарқ қила билиш зарурлиги тўғрисидаги кўрсатмасини эслатиб ўтмоқчиман.

Ҳа, ҳозир қайта қуриш бизнинг шу дамдаги манфаатларимизга дахл қилмокда. Аммо у меҳнаткашларнинг узок муддатли туб манфаатларига мос бўлиб тушади, биз мана шунга англаб олишимиз зарур. Буни англаб олиш принципиал аҳамиятга эгадир.

Бу — жуда муҳим қондадир.

Қайта қуриш социализмнинг имкониятларини намоён қилиши, жамиятни янги марраларга олиб чиқиши, барча соҳаларда: иқтисодий, социал, маънавий соҳаларда турмушнинг янги сифатига эришишни таъминлаши, социализмни мустаҳкамлаши лозим. Боя айтганимдек, қайта қуриш меҳнаткашларнинг туб манфаатларига мос келади. Башарти бу нарса ҳозир сиз билан бизга бирон-бир тарзда дахл қилаётган бўлса, бу нарсани осойишталик билан обдон таҳлил этиш, вазиятни ҳолисона баҳолаш керак, бу соҳада вужудга келаётган муаммоларнинг ўткирлигини қамайтириш учун у ёки бу амалий чораларни кўриш лозим.

Жамият олдида турган вазифаларни ҳал қилиш учун бизнинг зарур сиёсий тажрибамиз ва назарий потенциалимиз бор. Бир нарса равшан: қайта қуриш йўлидан албатта олға бориш керак. Агар қайта қуриш барбод бўлса, бунинг

окибатлари умуман жамият учун ҳам, ҳар бир совет кишиси учун ҳам жуда таҳликали бўлади.

Биз танлаб олган йўл — тўғри йўл. Биз социализмдан четлашаётганимиз йўк, балки қайта куриш орқали социалистик тузумнинг потенциалини кучайтиряпмиз. Демократиядан четлашаётганимиз йўк, балки меҳнаткашларнинг манфаатлари йўлида демократияни кучайтиряпмиз.

Хўш, мана шуларнинг ҳаммасидан воз кечайликми? Қайта куриш дахл қилаётган, ўйлашга ва ҳаракат қилишга, янгичасига ишлашга мажбур этаётган кишиларга ёкиш учун қайта куришдан воз кечайликми? Агар шундай қиладиган бўлсак, бу — сиёсат бўлмай, балки кимларнингдир манфаатларига ва даъволарига хизмат қилиш бўлур эди. Аммо КПСС Марказий Комитети билан ҳукумат бундай қилмайдилар. Бу ерда сизларнинг съездингизни ва сизлар орқали мамлакат меҳнаткашларини шунга ишонтирмақчиман. **(Қарсаклар)**. Касаба союzlари съездининг делегатлари ва барча совет кишилари ҳам шу фикрга қўшилишларига аминман. Биз айти мана шунга умид қиляпмиз. **(Қарсаклар)**.

Яна бир бор айтаман. Биз социалистик демократизмни изчиллик ва сабот билан чуқурлаштиришимиз керак. Совет халқининг жуда катта социал ва сиёсий тажрибаси бор. Мамлакатда улкан интеллектуал потенциал вужудга келтирилган. Ҳозир ишлаб турган ва ўз зиммасига масъулиятни олаётган авлодлар — социализм шаронтида туғилиб ўсган авлодлардир.

Социализм — меҳнаткашлар тузуми. Социалистик давлатда рўй бераётган ҳамма воқеалар — халқнинг ишидир. Шу сабабли биз ошкоралик тарафдоримиз. Ошкоралик кампания эмас, балки норма бўлиши керак. Биз танқид, ўз-ўзини танқид тарафдоримиз — бу ҳам турмушимизнинг нормаси бўлиши керак. Ошкоралик, танқид ва ўз-ўзини танқид каби демократиянинг кучли формалари бизга ижтимоий турмушнинг ҳамма соҳаларида туб ўзгартишларни амалга ошириш учун керак.

Бу — ўтмиш хатоларини такрорламаслик кафолатидир, бинобарин, қайта куриш муқаррарлигининг кафолати ҳамдир.

Демократлаштиришни кенгайтириш баъзи кишиларда: биз жамиятни издан чиқариб юбормаймизми, бошқарувни заифлаштирмаймизми, интизомга, тартибга, масъулиятга нисбатан талабларни камайтириб юбормаймизми? — деган саволни туғдирмоқда. Бу — бениҳоя муҳим масала, бу масалада ҳаммамизда тўла равшанлик бўлиши керак.

Очигини айтсам, кимдаки бундан буёнги демократлаштириш мақсадга мувофиқлигига шубҳа туғилаётган бўлса, битта катта камчиликка, катта сиёсий аҳамият ва моҳиятга эга бўлган камчиликка йўлиққан, — у халқимизга ишонмайди. Гуё халқимиз демократиядан жамиятни издан чиқариш ва интизомни бузиш, тузумнинг мустаҳкамлигига путур етказиш учун фойдаланар эмиш. Биз бу фикрга қўшила олмаймиз, деб ўйлайман. **(Давомли қарсаклар)**.

Демократия — тартибнинг акси эмас. Аксинча, демократия — ўйламай-нетмай итоат қилишга, кўр-кўрона ижрочиликка эмас, балки барча ишларда жамият аъзоларининг тўла ҳуқуқ билан, ташаббус билан иштирок этишига асосланган янада юқорироқ даражадаги тартибдир.

Демократия — интизомнинг акси эмас. Аксинча, демократия меҳнат аҳлининг онгли интизومي ва уюшқоклигидир, мамлакатнинг реал ҳўжайини эканини ҳис қилиш, коллективизм, барча гражданларнинг манфаатлари ва куч-ғайратлари бирдамлиги мана шу интизом ва уюшқокликнинг асосидир.

Демократия — масъулиятнинг акси эмас, назоратсизлик ва қуюшқондан чиқиш эмас. Аксинча, демократия — совет кишиларининг гражданлик етуқлигига ва уларнинг ижтимоий бурчни англашига ишонишга асосланган жамиятнинг ўз-ўзини назорат қилишидир, демократия — ҳуқуқлар ва вазифаларнинг бирлигидир.

Демократияни чуқурлаштириш — осон иш эмас, албатта. Бу ўринда ҳамма нарсa дарҳол силлиқкина юришиб кетмаса, агар жарликлар учрамаган тақдирда ҳам, ўйдим-чуқурлар учрайдиган бўлса, бундан чўчимаслик керак. Аммо бизнинг жамиятимиз — етук, партиямиз — кучли. Социалистик тузум

халк мададкорлигининг жуда мустахкам пойдеворига таянади, айти турмуш-мизнинг демократизмидан куч олади. Бизда демократия нақадар кўп бўлса, биз қайта қуриш, социалистик янгиликни йўлидан шу қадар тезроқ олға борамиз, социалистик хонадонимизда тартиб ва интизом шу қадар кўпроқ бўлади. **(Қарсақлар).**

Хуллас, ҳозир масала шу тарзда турибди: ё демократлаштириш бўлади ёки социал сусткашлик ва консерватизм бўлади. Учинчи йўл йўқ, ўртоқлар.

Мен яқинда бизга демократия бирон-бир кимсага яхши кўриниш учун, демократия ўйинини ўйнаш учун керак эмаслигини айтган эдим. Демократия бизга турмушимиздаги кўп нарсаларни ўзгартириш учун, одамларнинг ижодкорлигига, янги ғояларга, ташаббусларга имкон бериш учун керак.

Ўртоқлар! Қайта қуриш янги истикболлар очади, совет қасаба союзлари олдига янги вазифалар қўяди.

Хўш, шу муносабат билан қасаба союзларининг биринчи навбатдаги вазифалари нималардан иборат. Тушунишимча, мунозарангизда, С. А. Шалаевнинг докладада ҳам айтиш шу масала марказий масала бўлиб турибди.

Менинг ҳам бир неча мулоҳазалар айтишимга ижозат бергайсизлар.

Бу вазифалар, уларни ҳал этиш йўллари бир-бири билан ўзаро боғлиқ бўлган икки йўлдан ўтади. Бу йўлларнинг бири — умуман жамиятда қасаба союзларининг ўрни, уларнинг конституцион ҳуқуқлари ва вазифалари, партия билан, давлат ва унинг органлари — министрликлар ва идоралар билан, бошқа жамоат ташкилотлари билан ўзаро муносабатларидир. Иккинчи йўл — қасаба союзларининг бевосита меҳнат коллективларидаги фаолияти, уларнинг омма билан, конкрет, жонли кишилар билан кундалик ва хилма-хил алоқаларидир.

Мамлакат яшаб турган ва ишлаётган янги шароитлар, биз ҳал қилаётган вазифалар қасаба союзларининг ижтимоий турмушдаги ролини ҳам янгича идрок этишга мажбур қилмоқда.

Қасаба союзларининг қайта қуриш шароитидаги янги ролини мен аввало шундан иборат деб биламанки, улар экономикада кейинги йилларда анчагина кенг тарқалган технократик журъатсизликларга ўзига хос қушанда бўлишлари, қабул этилаётган ҳўжалик қарорларининг социал йўналишини кучайтиришга ҳаракат қилишлари лозим. Бунинг маъноси шуки, қасаба союзлари планларнинг социал бўлимларини ишлаб чиқишда актив қатнашишлари, зарур ҳолатларда эса ўзларининг муқобил таклифларини ўртага қўйишлари керак.

Боз устига — қасаба союзлари умумдавлат миқёсида ишлаб чиқариш вазифаларини ҳал этишда ва социал соҳани ривожлантиришда узилиш бўлишига йўл қўймаслиқнинг актив жонқуярлари бўлиб майдонга чиқишлари зарур. Ўтмишда бундай узилиш содир бўлганлиги маълум, шу пайтгача биз бунинг азобини тортяпмиз, шу боисдан ҳозир аҳволни тузатиб олиш учун жуда кўп куч-ғайрат сарфлаш керак.

Бу ишга актив киришиш керак, ўртоқлар. Башарти, қонун йўли билан ҳал этишга муҳтож проблемалар бўлса, — бу соҳада ҳам қасаба союзлари учун йўл очик.

Қасаба союзларининг бу хусусдаги таклифларини партия билан давлат раҳбарлиги доимо жуда самимий эътибор билан кутиб олади, бажонидил қўллаб-қувватлайди. Умуман очигини айтман: биз қасаба союзларининг янада активроқ ишлашдан манфаатдормиз. Менинг танқидим баъзи қасаба союз ходимларига тегиб кетгандир, мен Кубанда бўлган пайтимда: айрим қасаба союз ходимлари ҳўжалик раҳбарларининг ноғорасига ўйнамоқдалар, деган гапим эсингизда бўлса керак. Бу танқидий мулоҳазанинг маъносини тушуниб олдингиз деб ўйлайман: ўзингизнинг қатъий позициянгизга эга бўлишингиз ва меҳнаткашларнинг манфаатларини ҳимоя қилиш йўлини қатъият билан ўтказишингиз лозим. **(Қарсақлар).**

Қардош социалистик мамлакатлардаги қасаба союзларининг, халқаро қасаба союз ташкилотларининг иш тажрибасини ўрганиш ҳам кўпгина фойдали ва қимматли фикрлар бериши эҳтимолдан холи эмас.

Бу иш қандай мақсадларга бўйсундирилиши, унинг пировард самараси, одамларга ва жамиятга келтирадиган фойдаси — бу соҳадаги асосий мезондир.

Инсон ҳаётининг жамики қувончлари ва ташвишлари — касаба союзларининг иш майдонидир. Демак, ҳаётини масалалар — одамларнинг меҳнати, сиҳат-саломатлиги, турмуши, дам олиши масалаларини ҳал этишда касаба союзлари хужумкорлик, ишчанлик билан актив ҳаракат қилишлари керак.

Масалан, бизнинг ниҳоятда ўткир проблемаларимиздан бири — уй-жой проблемасини олиб кўринг. Маълумки, партия яқин уч беш йиллик мобайнида амалда ҳар бир оилани алоҳида квартира ёки яқка тартибда қурилган уй билан таъминлашдан иборат ғоят муҳим социал вазифани ўртага қўйган. Биз барча йўллар — давлат йўли билан ҳам, меҳнат коллективларининг йўли билан ҳам куч-ғайратларни ошириб бормоқдамиз. 1986 йилда ундан олдинги йилга нисбатан 5,2 миллион квадрат метрдан кўп уй-жой қурилди. Бу ўсиш ҳам чегара эмас.

Ешларнинг уй-жой комплекслари тузилмоқда, ҳўжалик усулида уй-жойлар барпо этиш кенгайтирилмоқда. Давлат ўз пуллари ҳисобига уй қурмоқчи бўлган меҳнаткашларга имтиёзлар бериш йўлини тутмоқда.

Ўзларингиз биласизки, мен ўтган ёз фасли Узоқ Шарқда бўлиб, у ерда уй-жой муаммоси қанчалик ўткир эканини ўз кўзим билан кўришга тўғри келган эди. Мамлакатнинг бошқа регионларида ҳам уй-жой муаммосининг ўткирлиги бундан кам эмас. Болтиқбўйига қилган сафарим буни ҳам яна бир бор кўрсатди.

Бунда энг муҳими ҳатто маблағларда ҳам эмас, балки қурилиш ташкилотларининг қувватларида, уй-жой қурилишини зарур моддий ресурслар билан таъминлашдадир. Бу борада маҳаллий органлар кўп иш қилишлари керак. Бир қанча республикаларда, областлар, шаҳарлар ва районларда ҳозирдаёқ шундай қилинмоқда ҳам.

Уй-жой проблемасини ҳал этиш — умумхалқ вазифаси, зотан унга ҳамма бир ёкадан бош чиқариб киришиши керак.

Барча меҳнат коллективлари Горький ва Минск автомобилсозлари, Воскресенск кимёгарлари, Куйбишев металлурглари каби актив ҳаракат қилишлари лозим. Касаба союзлари ҳўжалик органлари билан биргаликда бу халқ-ташаббусини бутун мамлакат бўйлаб кенг ёйишлари керак. Бу жуда катта резервдир, ўртоқлар, одамлар ҳам бу вазифани тезроқ ҳал этиш учун мамлакатнинг бутун куч-ғайратини шу соҳада бирлаштириш зарурлигини тушунадилар.

Касаба союзлари конкрет инсонни диққат марказига қўйиб, энг қимматли бойлик — одамлар саломатлиги, самарали медицина хизмати тўғрисида, меҳнатни муҳофаза қилиш, хавфсизлик техникаси ҳақида сабот билан ғамхўрлик қилишлари керак.

Ичкиликбозликка қарши курашда ҳам куч-ғайратларни сусайтириб бўлмайди. Бу кураш кўпгина ижобий ўзгаришларга олиб келди. Аввало бу кишиларнинг саломатлигига, жамиятимиздаги тартибга тааллуқлидир. Лекин бу соҳада талайгина проблемалар сақланиб қолмоқда.

Ҳозирча бизда меҳнатга вақтинча қобилиятсизлик туфайли иш вақтининг зое кетаётганлиги йил сайин «виждонан» қайд этиб борилмоқда. Саноатнинг ўзидагина бундай нобудгарчилик прогунлар, бекор туриб қолишлар, маъмуриятнинг рухсати билан ишга чиқмаслик сабабли зое кетаётган иш вақтига қараганда 10 барабар ортиқдир.

Ҳозир мана шу масалалар юзасидан муҳим қарорлар тайёрланди. Касаба союзлари катта давлат аҳамиятига молик бу ишга ўз ҳиссаларини қўшиши керак. Ҳозир мамлакатимизда соғлиқни сақлашни янада яхшилаш юзасидан қарорларнинг бутун бир комплекси тайёрланди.

Яна бир нарс ҳақида. Биз социалистик мусобақадаги расмиятчилик тўғрисида жуда кўп гапирган бўлсак ҳам, ўзгаришлар деярли кўринмаяпти. Ваҳолонки, ҳозир бизга мусобақа аввало ишчиларнинг ижодкорлиги, ташаббускорлигини ҳамда ақл-заковат, талантнинг мусобақалашини, ташкилий ишлар санъатини авж олдириш, илғор тажрибани ўзлаштириш учун зарур.

Неча йиллардан буён гапириб келаётган ишни жиддий равишда амалга ошириш — социалистик мусобақа системасини сифат, ресурсларни тежаш, шартномалар бўйича маҳсулот етказиб беришни қатъий бажариш кўрсаткичла-

рига қаратиш пайти келди. Бу социалистик мусобақа асосланиши лозим бўлган негизлардир. Бу касаба союзларининг устун роли шак-шубҳасиз бўлган аини ўша соҳадир. Бунда алоҳида кўрсатмаларни кутиб турмангиз. Бу масалаларни ҳал этаверингиз, асосий талаб сизлардан.

Шундай экан, дарҳол айтиб қўяйки, касаба союзлари чинакам мусобақанинг йўқлигига, сохта кўрсаткичларга, мусобақа формаларининг ошиб-тошиб кетганлигига қўниқиб қолишган. Мусобақанинг бундай формаларида нормал одам энди нима қилишини билмай қолади — чунки бунда ҳамма нарса жуда чалкашиб кетган. Баъзан ҳатто касаба союзлари ёрдамида мусобақа соҳасига қандайдир «қоғоз двигатель» қўйилган бўлиб, у мусобақадошлар бор ёки йўқлигидан қатъи назар айланаверишга қодирдек туюла бошлайди. Қоғозлар эса оқиб келаверади.

Мусобақани заминга, цехларга, бригадаларга қайтариш, уни реал, энг муҳим вазифаларни ҳал этишга бўйсундириш, энг яхши тажрибани ўзлаштиришдан, ўз ишини такомиллаштиришдан ва ўзларини камол топтиришдан манфаатдор бўлган меҳнаткашларнинг ишига айлантириш керак.

Хуллас, ўртоқлар, юмушларингиз тўлиб-тошиб ётибди. Жамиятни изчиллик билан демократлаштириш шароитида касаба союзларининг роли муттасил ошиб, иқтисодий ва социал сиёсатни амалда рўёбга чиқариш учун уларнинг масъулияти кучайиб, маданий-тарбиявий вазифалари эса анча мураккаб ва ғоят хилма-хил бўлиб бораверади.

Ҳозирги шароитда касаба союзларининг роли қандай бўлиши керак, деган мавзунинг давом эттириб, қуйидагиларни айтиб ўтмоқчиман. Қайта қуриш тақдирини кабинетларда эмас, балки меҳнат коллективларининг амалий ишларида ҳал бўлади. Меҳнат коллективи — қайта қуришнинг марказий ячейкасидир, зотан ҳамма нарса пировард натижада ундаги кайфият қандайлигига, ишлар янгича қандай авж олдирилишига боғлиқдир.

Аслини олганда бу инсоннинг ўз коллективидаги, шу тарика эса умуман жамиятимиздаги реал мавқеи проблемасидир.

Унинг меҳнати қандай ташкил этилган, бу меҳнат қанчалик унумли ва унга қандай ҳақ тўланаяпти, меҳнат натижалари билан инсон эҳтиёжларини қондириш даражаси ўзаро қай даражада боғлиқ, ишдаги ўртоқлар, турдош корхона ходимлари, барча даражадаги раҳбарлар билан уларнинг қўл остидаги кишилар ўртасидаги муносабатлар қандай йўлга қўйилган?

Бунда оддий ва равшан боғлиқлик бор: меҳнат коллективларида иш қандай борса бутун жамиятдаги ишлар ҳам шундай боради. Юксак унумли меҳнатни ташкил эта олсак, маҳсулотнинг юқори сифатли бўлишини таъминлай олсак мамлакатнинг бутун экономикаси юксалади. Коллективларда тартиб ва уюшқоқлик бўлса бутун жамиятимизда ҳам шундай бўлади. Биз ҳаммамиз коллективда нормал инсоний муносабатларни ўрнатишни ўрганиб олсак, маънавий-психологик муҳитни соғломлаштираемиз — мамлакатимиздаги бутун ижтимоий муҳит ҳам худди шундай соғлом бўлади.

Партия Марказий Комитети давлат корхоналари (бирлашмалари) тўғрисидаги Қонунга катта аҳамият бермоқда. Бу Қонун лойиҳаси умумхалқ муҳокамасига ҳавола этилди. Қонун лойиҳасида аслини олганда хўжаликни бошқаришнинг янги идеологияси асос қилиб олинган. Биз бу мутлақ ҳақиқат, бу бутунлай тугалланган ҳужжат деб ҳисобламаймиз. Агар биз лойиҳага шундай ёндашадиган бўлсак, у ҳолда унинг умумхалқ муҳокамасига зарурат бўлмас эди. Биз бу ҳужжатда жамиятимизда уни кенг муҳокама қилиб, барча фикр ва мулохазаларни диққат-эътибор билан ўрганиб, давлат корхоналари тўғрисида яхши қонунни ишлаб чиқиш учун дуруст асос бор, деб ҳисоблаймиз. Бу Қонун экономиканинг асосий бўғинида хўжалик юритиш шарт-шароитлари ва методларини тубдан ўзгартириши, корхоналарнинг фаолиятида планли асос билан тўла хўжалик ҳисоби, мустақиллик ва жавобгарлик қўшиб олиб борилишини қонун йўли билан мустаҳкамлаши, ўз-ўзини бошқаришнинг янги формаларини қонунлаштириши керак.

Дастлабки йигирматача тармоқлараро илмий-техника комплекслари тузилганлиги, ишлаб чиқариш тармоқларида меҳнатга ҳақ тўлашни ошириш

янги принциплари жорий этилганлиги, 1500 та етакчи корхонада маҳсулотнинг давлат кабулига ўтилганлиги, бир қанча ишлаб чиқариш коллективларида икки-уч сменали иш ўзлаштирилганлиги, ишлаб чиқариш ва хизмат соҳаларида кооператив формалар кенг ривожлантирилаётганлиги, коллектив ва оилавий пудрат оммалаштирилаётганлиги каби принципиал характердаги тадбирларни ҳам айтиб ўтаман. Бу рўйхатни давом эттириш мумкин бўлур эди.

Кўриб турибсизларки, ўзгартишлар кенг кўламда ва муттасил давом этмокда. Шундай бўлса-да, чинакам янгичасига ишлаш ҳали эндигина авж олдирилмокда.

Меҳнат коллективининг ишлаб чиқаришдаги турмушини назарда тутадиган бўлсак, у ҳолда бу ердаги энг асосий ўзгаришлар хўжалик механизмини қайта қуриш бошланганлиги, хўжалик ҳисобига, ўз-ўзини маблағ билан таъминлашга, ўз харажатларини ўзи қоплашга, ўз-ўзини бошқаришга ўтилаётганлиги билан белгиланади, деса бўлади.

Аммо, ўртоқлар, ҳар бир меҳнат коллективиди бу тадбирлар юқоридан тикиштирилган бир нарсаси эмас, балки ўзининг яқин ва жонажон иши сифатида қабул қилинган тақдирдагина улар чинакамига иш беради.

Турмушга хос тарзда фикр юритадиган бўлсак, хўжалик ҳисоби кимга керак, у кимга наф келтиради? У ҳалол меҳнат қилаётганларга керак ва уларга наф келтиради. У мамлакатга, ҳар бир меҳнаткаш оиласига, ҳар бир меҳнат аҳлига керакдир.

Хўжалик ҳисоби ким учун хатарли? Бюрократ учун хатарли, чунки унинг кимлигини яққол кўрсатиб қўяди. Сафсатабозга хатарли, чунки унинг ҳеч нарсаси кодир эмаслигини дарҳол фош этади. Дангасаси, халтурачига хатарлидир, чунки у жамият ҳисобига эришиладиган ва барча ҳалол меҳнаткашларга қимматга тушаётган уларнинг текинхўрларча тараллабедод қилиб юриши асосларининг ўзига зарба уради.

Биз ҳаммамиз жамиятда, шу жумладан иқтисодий соҳада, ҳар бир совет гражданининг турмушида ҳам меҳнат коллективининг ролини идрок этишга янгича ёндашмоғимиз керак.

Меҳнат коллективидан бошқа ким ҳар бир кишининг ижтимоий қиёфасини чинакамига кўриши, социал адолат мезонини ялпи ва умумий тарзда эмас, балки конкрет равишда, яъни номма-ном белгилаб бериши мумкин?

Имкониятлар қаерда тугаганлигини, ҳали яширинган талайгина резервлар қаерда борлигини ҳаммадан кўра ким яхшироқ билади?

Имкони бўлган ҳамма ишларни қаерда ва ким ҳалол бажарган-у, қаерда «кўл учида» ишлаши норма бўлиб қолган?

Ниҳоят, инсон ўзининг чинакам соҳиб сифатидаги ҳуқуқ ва бурчларини ўз коллективиди, ўз иш жойида намоён қилмасдан қаерда намоён қилсин?

Кейинги вақтларнинг тажрибаси актив ҳаётий позициядан воз кечиш, умуман жамиятгагина эмас, шу билан бирга ҳар бир кишига ҳам қимматга тушаётганлигини мутлақо равшан кўрсатди, деб ўйлайман. Тўғриси айтсам, ҳар бир киши бунда ўзининг шахсий эҳтиёжини, шахсий масъулиятини ҳис этмас экан, ўзини хўжайин деб билмас экан, биз бундай вазиятни ўзгартира олмаймиз.

Ўртоқлар, қуйидаги ҳолни атайин таъкидлаб ўтмоқчиман. Ҳозирги «хўжалик ҳисоби» вазиятида меҳнат коллективлари, касаба союзлари социал программаларни амалга оширишда давлатнинг кучли шериги бўлиб қолмоқдалар.

ВЦСПС, касаба союзларининг республика Советлари ҳозир меҳнаткашларнинг манфаатларини кўзлаб конун чиқариш ташаббуси ҳуқуқидан кенгрок фойдаланишлари ва зарур бўлиб қолган тақдирда, меҳнат коллективларининг имтиёзларига хўжалик органларининг путур етказиш йўлидаги уринишларига яна ҳам зўр ғайрат билан қаршилиқ кўрсатишлари мумкин бўлур эди, деб ўйлайман. Касаба союзларининг розилигисиз ишлаб чиқариш планларининг ўзгартирилиши, иқтисодий рағбатлантириш фондларидан маблағларнинг олинаётганлиги, бошқа хил бузишларга йўл қўйиляётганлиги ярамайди. Касаба

союзлари бундай аҳволга тоқат қилмасликлари керак. Биз уларни қўллаб-қувватлайверамиз. **(Қарсақлар).**

Афтидан, ВЦСПСнинг касаба союзларига уларнинг рухсатисиз қабул қилинган ҳамда меҳнатга ҳақ тўлаш шартларига, меҳнат ва дам олиш режимига тааллуқли қарорларнинг амалга оширилишини тўхтатиб қўйиш, хилма-хил молларга нарх ва хизматларга тарифларни белгилаш сиёсатини ишлаб чиқишда актив қатнашиш ҳуқуқини бериш тўғрисидаги таклифи эътиборга сазовор бўлса керак. Касаба союзлари социал аҳамиятга эга объектлар ва атроф муҳитни муҳофаза қилиш объектлари барпо этилаётган корхоналарнинг ишга тушириладиган комплексларидан чиқариб ташланган тақдирда ҳам худди шундай қатъий ҳаракат қилиш имкониятига эга бўлишлари керак.

Аммо бунда шундай бир ходисага эътибор бермай бўлмайди: ҳозирча кўпгина касаба союзлари қайта қуришнинг, шу жумладан меҳнаткашлар манфаатларини, социал адолатни қаттиқ туриб ҳимоя қилиш каби ўзининг ғоят муҳим ишида ҳам иккинчи эшелонда қолиб қетаётгандек бўлмоқдалар.

Меҳнатга ҳақ тўлаш масаласини олиб кўринг. Биз бу соҳада жиддий қайта қуришни бошладик. Бунинг устига гап кампания тўғрисида, бир йўла ўтказиладиган тадбир ҳақида эмас, балки текисчиликни тугатишга қаратилган принципаал йўл тўғрисида бормоқда. Бу муҳим сиёсий масаладир, ўртоқлар. Меҳнат ва факат меҳнат инсон бойлигининг, унинг ижтимоий нуфузи ва моддий фаровонлигининг мезони бўлиши керак. Бунинг устига ҳўжалик ҳисоби, ўзини-ўзи маблағ билан таъминлаш ва ўз харажатларини ўзи қоплаш шароитида меҳнатга ҳақ тўлаш ва моддий рағбатлантириш манбалари корхона оладиган фойдага, ишлаб топилган маблағга боғлиқ бўлади, уларни тақсимлаш эса амалда меҳнат коллективи ихтиёрига ўтади.

Келинглр, шундай масала хусусида ўйлаб кўрайлик: меҳнатга ҳақ тўлаш сиёсатига актив таъсир ўтказиш учун касаба союзлари барча ишларни қиялпими? Кўпгина корхоналарда тенгчилик вазиятидан воз кечишга ҳамон шошилмаётганликларини мендан кўра яхшироқ биласизлар. Маъмурият шошилмаяпти, чунки бу иш анча ташвишли бўлиб, ишлаб чиқаришни ташкил этишни қайта қуришни, меҳнатни нормалаштиришда тартибни йўлга қўйишни талаб этади; касаба союз комитети эса кўпинча ҳеч кимни хафа қилмай яшашни истади.

Йўк, ўртоқлар, бундай «тортинчоқлик»ка барҳам бериш вақти келди. Қимларнидир — дангасалар, ичкиликбозлар, такасалтанглрларни ранжитишга тўғри келади, улар дарғазаб бўлишмасин, чунки ҳар ким хизматига яраша шарафланади. Аммо виждонан ишлаётган меҳнаткаш инсонни ҳам моддий, ҳам маънавий жиҳатдан улуғлаймиз. Уларнинг манфаатларини эса касаба союзлари қаттиқ туриб ҳимоя қилиши керак.

Шуни айтишим керакки, касаба союзлар икки ва уч сменали ишлашга ўтиш каби муҳим ишга ҳали чинакамига киришмади. Бу — ғоят зарур ва иқтисодий жиҳатдан муҳим ишдир — бизда саноатнинг ўзидагина 100 миллиард сўмлик асосий ишлаб чиқариш фондлари тўла-тўқис иш билан таъминланмаган, амалда бекор туриб қолмоқда.

Бирок иллат шундаки, корхоналарда кўп сменали ишни йўлга қўйишга на ишлаб чиқаришни ташкил этиш тўғрисида, на ишчиларни овқат билан таъминлаш ҳақида, на шаҳар транспортининг иши тўғрисида, на бошқа кўпгина ҳаётий муҳим муаммолар ҳақида бош котирмай, кўпинча тўраларча ёндашдилар.

Мен Латвия ва Эстонияда кўп учрашувлар ўтказдим. Кўтарилган масалалар орасида — икки сменали ва уч сменали ишга ўтиш проблемаси ҳамма жойда ўртага қўйилган асосий проблемалардан бири бўлди. Сахалиндан тортиб, ғарбий районларгача бўлган мамлакатнинг ҳамма жойидан келган меҳнаткашлар дам олаётган Юрмалада ҳам менинг олдимга шу масалаларни қўйдилар. Хўш, одамлар нима дейишмоқда? Шундай корхоналар борки, улар тармоқдан ёки маҳаллий маъмурлардан берилган топшириқни бажариш учун бир сменани икки сменага бўлмоқдалар. Ходимларнинг 50 проценти биринчи

сменада, 50 проценти иккинчи сменада ишламоқда. Демак биринчи сменада асбоб-ускуналарнинг 50 проценти ва иккинчи сменада 50 процентидан фойдаланилмоқда. Бу — соғлом ақл-идрокни, катта давлат ишини тахқирлаш-ку, ахир. Зеро, ленинградликларнинг Сиёсий бюро маъқуллаган ташаббуси илғор, прогрессив асбоб-ускунани икки-уч сменада ишлатишдан, шу тарика ундан имкони борича кўпроқ самара олишдан, меҳнат унумдорлигини оширишдан ва шу билан бирга планда белгиланган вазифаларни ҳал этишдан, эскирган асбоб-ускуналарни олиб ташлашдан ва модернизациялашни жадаллаштириш учун йўл очишдан иборат-ку, ахир.

Айни вақтда бу тадбир корхонани кенгайишдан, янги қурилишдан ҳалос этиш, пулларни бўшатиб олиш ва уларни уй-жой, социал-маданий объектлар қурилишига сарфлаш имконини беради. Бу ғояга асос қилиб олинган катта давлат режаси мана шундай. Бунда «хўжа кўрсин» қабилида иш тутишган. Энг муҳим ишни оёқ ости қилишган. (Қарсаклар).

Бу соҳада касаба союзлари айниқса диққат-эътиборли бўлишлари керак. Агар битта корхона икки-уч сменали ишга ўтса, бутун шахар транспорт соҳасидаги, савдо, ўқиш, мактабгача тарбия муассасалари, маиший хизмат ишини ташкил этиш соҳасида таркиб топган маромни ўзгартириши амримаҳол. Шу сабабли шахар ёки асосан бутун шахар янги режимга ўтиши керак. Бу фикр шу қадар равшанки, мунозарага ҳожат йўқ, деб ўйлайман, шунга қарамай, юқорида айтиб ўтганимдек, шахар хизматларини қайта қурмасдан корхоналарни кўпинча икки-уч сменали ишга ўтказмоқдалар. Бу — хато, юмшоқ қилиб айтганда, шошмашошарлик, унинг ҳеч кимга кераги йўқ ва катта давлат ишининг обрўсини тўқади.

Биз яқинда Марказий Комитет билан ҳукуматнинг қарориди шу гапни айтдик. Бир қанча йирик тадбирларни белгиладик, бу тадбирлар сизларга маълум. Ҳар ҳолда биз иккинчи ва айниқса учинчи сменада ишлаётган кишиларнинг меҳнатини рағбатлантириш йўлидан боряпмиз. Буни мен тўғри деб ҳисоблайман.

Назаримда, хўжалик мустақиллиги ошган шароитда меҳнат коллективлари касаба союз активларидан касаба союзлари ихтиёридаги ҳуқуқлардан фойдаланишда ҳам принципапроқ, ҳам катъиятпроқ бўлишларини талаб қиладилар. Сизларда шундай ҳуқуқлар бор. Совет касаба союзлари жуда катта моддий кучга ҳам, катта ҳуқуқларга ҳам эгадирлар. Маъмурият ўз битимлари ва шартномаларини бажариши устидан контрол қилиш ҳуқуқи ҳам, башарти хўжалик раҳбарларининг ҳаракатлари меҳнаткашларнинг қонуний манфаатларига зид бўлса, уларнинг ҳаракатларини танқид қилиш ҳуқуқи ҳам шу жумлага қиради.

Ўз-ўзидан равшанки, касаба союз ходимларига нисбатан талабчанликни ошириш билан бирга уларга нисбатан имкони борича кўпроқ эътиборли ва сезгир бўлиш, уларга мадад бериш ҳам лозим.

Касаба союз комитетлари, таъбир жоиз бўлса, маъмуриятнинг ҳақиқий, ҳамма ишда ҳам келишавермайдиган шериги бўлишлари, меҳнаткашларнинг манфаатларини изчиллик билан ҳимоя қилишлари лозим. Очигини айтганда, кўп жойларда касаба союз ташкилотлари анчагина корхоналардаги нобоп меҳнат шароитларига, ночор медицина хизматиға, ёмон маиший хоналарга тоқат қилиб келдилар, ўртоқлар. Бундай аҳволни ҳали ҳам тез-тез учратиш мумкин. Меҳнат аҳлининг қонуний ҳуқуқлари ва манфаатларини ҳимоя қилиш ўзининг катта имкониятларидан дадил фойдаланиш, зарур бўлганида, қарши чиқиб, тўғри қарорлар қабул қилинишиға интилиш демакдир.

Ички ишлар тўғрисидаги гапни тугаллаб, сизларга В. И. Лениннинг қуйидаги сўзларини эслатиб ўтмоқчиман: «Биз шунга эришувимиз лозимки, касаба союзларининг ҳамма аъзолари ёппасига ишлаб чиқаришдан манфаатдор бўлсинлар ва улар ишлаб чиқаришни кўпайтириш, меҳнат унумдорлигини ошириш билангина Совет Россияси енга олишини ҳамма вақт эсларида тутсинлар».

В. И. Ленин 1920 йилда масалани шу тарзда ўртага қўйган эди, бугунги

кунда, янги революцион ўзгаришлар шароитида биз ҳам масалани шу тахлитда ўртага қўяймиз. (Қарсақлар).

Шундай пайт келдики, яхшироқ, юксак самара билан ишлаш учун мислсиз имкониятлар очилмоқда. Биз эришган барча бой тажрибани ҳисобга олиб, барча катта-катта имкониятларимиздан фойдаланиб, яхши истиқболни зўр ғайрат билан бунёд этайлик. Келинглр, ўртоқлар, бу йўлда шундай ғайрат билан ишлайлик! (Қарсақлар).

Энди халқаро ишларга қисқача тўхталиб ўтаман, чунки кейинги вақтларда бу хусусда етарли равишда гапирилди, деб ўйлайман. Бу масалалар ички тараққиётимизнинг бориши билан бевосита боғлиқдир. Халқаро масалалар билан кўп шуғулланишга тўғри келмоқда, жаҳондаги вазият эса, биласизларки, кейинги йилларда жуда мураккаб бўлди ва шундай бўлиб турибди. Империализм реакция кучлари ҳар қандай йўллар билан бизнинг олға ҳаракатимизга тўсқинлик қилишга, бизни ҳарбий муҳолифлик изида қолишга мажбур этишга уринаётганликлари — дунёдаги энг асосий, энг муҳим жиҳатдир.

Партиямиз мамлакатни Октябрь очиб берган йўлдан муваффақиятли олға томон бошлаб боришни ўзининг асосий интернационал бурчи деб билади, деб таъкидланди XXVII съездда. Биз ўзимизнинг ҳар бир қадамимизни мана шундай катъий ўлчов билан ўлчамимиз, ўртага қўйилаётган вазифаларга баҳо беришга, мамлакат ичкарисида ҳам, халқаро майдонда ҳам сиёсатни танлашга мана шундай нуқтан назардан ёндашишимиз зарур.

«Қайта қуриш», «ошқоралик» сўзлари айниқса Марказий Комитетнинг январь Пленумидан кейин чет элларда ҳамма жойда «тараққиёт» ва «тинчлик» сўзларининг ўзига хос синонимлари тариқасида тушунилмоқда.

Шу нарса равшанки, баъзилар — иттифоқчиларимиз, дўстларимиз, демократик қарашлардаги кишилар жамиятимиз қиёфаси, кундалик турмушимиз услуб ва муҳитининг ўзи ўзгариб бораётганлигини умид, ишонч ва зўр қизиқиш билан кузатиб турибдилар.

Бошқалар — сиёсий ва ғоявий муҳолифлар — бу жараёнларни бирмунча ҳадиксираш, кўпинча эса дарғазаб бўлиб кузатиб турибдилар.

Бироқ бундай тафовутларга қарамай, чет элларда энг муҳим нарсани: партия ўз йўлига асос қилиб олган янгича фикрлаш — бу КПССнинг шу аср охирига бориб инсоният олдида турган вазифаларни ҳал этишга сифат жиҳатдан бошқача ёндашувни тақозо этаётган давр талабига жавоби эканлигини тўғри аниқлаганликлари диққатга сазовордир.

Бундай тағ-заминли вазифалар, моҳиятга кўра, иккита — дунёни ядро ҳалокатидан қутқариш ва инсоният эга бўлган жуда катта илмий, моддий ва маънавий имкониятларни инсонга хизмат қилдиришдан иборат. Аммо бу вазифалар ҳақиқатан ҳам улғувор вазифалар бўлиб, уларни ҳал этишни кечиктириб бўлмайди ва улар ўзаро мустаҳкам узвий боғлиқдир. Партия жадаллаштириш ва қайта қуришга оид ўз стратегиясини ишлаб чиқиб, мазкур вазифаларга инсонпарварлик, марксча-ленинча позицияларда туриб ёндашув намунасини кўрсатди.

Оммавий қирғин қуролини тугатишга, хавфсизликнинг кенг камровли системасини вужудга келтиришга қаратилган совет таклифлари алоҳида қизиқиш билан кутиб олинди. Бу таклифларнинг кўпи ҳозирнинг ўзидаёқ ўз таъсирини кўрсатмоқда, икки томонлама ва кўп томонлама мулоқот ва музокараларга мавзу бўлмоқда.

Аслини олганда, биз давлатлараро муносабатларни ҳам қайта қура бошлашга, бундай муносабатларни давримизнинг реал вазифалари ва талаблари билан мослаштиришга туртки беришга ҳаракат қилдик. Натижада халқаро ҳаёт бирмунча жўшқинлашиб, сиёсий, иқтисодий, илмий-техникавий ва маданий ҳамкорликни чуқурлаштириш форма ва воситаларини кидириб топиш тенденцияси мустаҳкамланди.

Тўғри, баъзида шундай фикрни эшитиш мумкин: буларнинг ҳаммаси тўғри, биз партиянинг ташқи сиёсатини қизғин қўллаб-қувватлаяпмиз, бироқ жаҳонда вазият илгаригидек нотинч бўлиб қолмоқда, қуролланиш пойғаси давом этмоқда, ядро хавфи реал бўлиб қолмоқда. Америка империализми қуролсизла-

нишни истамаётганлиги у ёқда турсин, аксинча ўзининг хужумкорлик потенциалини оширмоқда. Ишларнинг аҳволига берилган бундай баҳо умуман тўғри. Бироқ ҳар ҳолда унчалик тўлиқ эмас, деб ўйлайман.

Ҳа, халқаро майдонда вазият хатарли, ядро қуролини чеклаш юзасидан Совет — Америка музокаралари АҚШ раҳбарларининг айби билан бир жойда депсиниб турибди, планетанинг турли районларидаги кескин можаролар янада чигаллашиб кетиш хавфи туғилмоқда.

Лекин бошқа нарсани ҳам ҳисобга олмаслик мумкин эмас. Халқаро муносабатлар муҳитининг ўзида, жамоатчилик фикридаги кайфиятларда, оддий кишиларнинг ҳам, кўпгина давлат арбобларининг ҳам бугунги кундаги асосий масалага — уруш ва тинчлик тўғрисидаги масалага ўз позициясини танлашга муносабатиде кескин бурилиш содир бўлганлиги сезилди ва у мустаҳкамланиб бормоқда.

Москвада ўтказилган «Ядросиз дунё учун, инсониятнинг омон қолиши учун» анжумани бунинг яққол тасдиқлади. Анжуман жуда кўп мамлакатлардан келган нуфузли олимлар, ёзувчилар, рассомлар, музикачилар, савдо-саноат доиралари, жамоат ва черков арбобларининг энг мўтабар йиғини бўлди. Анжуман кўпчилиги социалистик дунёкарашдан йироқ, баъзан энг муҳим сиёсий ва социал масалалар юзасидан консерватив позицияларни эгаллаб турган кишиларнинг йиғини бўлди. Бу ҳам факт, факт бўлганда ҳам, жуда маънодор фактдир. Бироқ халқаро муносабатларда янгича фикрлашни қарор топтиришгина ядро урушига тўсқинлик қилишга, тинчликка эришишга ва уни муқаррар қилишга кодирдир, деган ягона ишонч билан бирлашган кишиларнинг йиғини бўлди.

Анжуман халқаро ҳаётда муҳим воқеа бўлди, айтиш мумкинки, планета жамоатчилик кайфиятининг барометри бўлди ва бу барометрнинг стрелкалари фақат тинчликни кўрсатмоқда.

Бу йўналишда қандай ҳаракат қилиш, у ёки бу проблемаларни қандай ҳал этиш тўғрисида ғоят ўткир мунозаралар ҳам бўлди, уларга ёндашувларда муҳим тафовутлар аниқланди. Нима ҳам дейиш мумкин, бу табиий мунозара, танқид, қарашларнинг таққосланиши — ҳақиқат сари энг ишончли йўл мана шундадир. Менинг билишимча, Москвадаги учрашув қатнашчиларидан ҳеч ким бу ҳақиқатни — яъни фалокатнинг олдини олиш, омон қолиш ва инсонга хос яшашни ўрганиш заруратини рад этмади.

Менингча, анжуман якунлари жаҳонда янги, жуда кенг қўламдаги, хилма-хил, бироқ қудратли ҳаракат — инсониятнинг омон қолиши учун кураш ҳаракати вужудга келаётганлигидан далолат бермоқда. Бу яхши, эзгу нишондир. У ақл-идрок ва эзгу ният кучлари уруш ва милитаризм кучлари устидан ғолиб чиқишига ишонч бағишлайди.

Ядро хавфига қарши курашда турли мамлакатларнинг касаба союз ташкилотлари ҳам тобора активлашмоқда. Касаба союз ҳаракати ҳозирги дунёда катта куч бўлиб, инсониятнинг омон қолиши учун кураш ҳаракатининг энг муҳим таркибий қисмларидан биридир. Меҳнаткашлар манфаатлари учун курашнинг тинчлик ва қуролсизланиш учун кураш билан узвий қўшилиб кетиши омма онгида инсоният боши узра пайдо бўлган хавф-хатар тобора, равшанроқ ва чуқурроқ англонаётганлигини билдиради. Шунинг учун ҳам касаба союзларнинг бу курашга қўшилиши ғоят муҳимдир.

Мен бу ерда, сизларнинг съездингизда турли мамлакатларнинг касаба союзлари халқаро бирлашмаларининг кўпгина вакиллари ва намояндаларини табриклаш имкониятига эга бўлганлигимдан хурсандман. **(Қарсақлар).**

Тинчликда яшаш, осойишта меҳнат қилиш ҳуқуқи — ҳар бир кишининг биринчи даражали ва ажралмас ҳуқуқи эканлигига аминман. Ишчи, меҳнаткаш ўзига ўхшаган кишилар билан ҳеч нарсани талашмайди. Қуролланиш пойгаси, уруш уларга ҳеч қандай фойда, даромад келтирмайди. Тинчлик, ҳамкорлик, биргаликдаги меҳнат — уларнинг фаровонлиги ва жамият тараққиётининг шартидир. **(Қарсақлар).**

Мамлакат тинчлиги ва хавфсизлиги — дипломатлар, сиёсатчиларнинггина иши эмас. Ватанимиз осойишталиги ва хавфсизлиги ҳар биримизнинг, барча

совет кишиларининг ишидир. Буни алоҳида таъкидлаб ўтишни истардим. Ўртоқлар, тинчликни энг аввало ўзимизнинг кундалик ишларимиз — заводда, далада, илмий институтдаги ишларимиз билан қўлга киритишимиз керак. Биз ҳаммамиз мамлакатдаги ўз вазифаларимизни қанчалик яхшироқ, муваффақиятлироқ уддалай олсак, халқро майдонда тинчлик манфаатларини кўзлаб Совет Иттифокининг овози шунчалик баралла ва салмоқли янграйди.

70—80-йиллар ўртасидаги даврда реакция кучлари бошлаган иктисодий, сиёсий, психологик, милитаристик ялпи ҳужумга бошқа сабаблар билан бир қаторда ички ишларимизнинг аҳволи ҳам сабаб бўлганлигини биз бугунги кунда яхши биламиз ва англаймиз, ўртоқлар. Мухолифларимиз бизнинг орқада қолаётганлигимизга таянишига жиддий путур етган ҳозирги пайтда империализм зарбани бошқа нарсага: бизнинг ўзгаришлар режаларимиз амалга оширилишига йўл қўймасликка, ҳалакит беришга, тўсқинлик қилишга, режаларимизни қуролланиш пойгаси билан барбод этишга қаратмоқда. Шу мақсадда халқро кескинликни зўр бериб сақлаб туришга, жаҳонда СССРни илгаригидек барча қулфат ва бахтсизликларнинг сабаби қилиб кўрсатишга имкон берадиган шарт-шароитни сақлаб қолишга уринмоқда.

Аммо буларнинг ҳаммаси империализмнинг ўзи сингари эски усуллардир. Реакциянинг бундай хатти-ҳаракатида қутилмаган ёки принципиал жиҳатдан янги нарса йўқ. Бизнинг жавобимиз ҳам аниқ-равшандир. Биз ўз хавфсизлигимизни, дўстларимиз ва иттифоқчиларимиз хавфсизлигини ишончи тарзда таъминлаш учун ҳеч қандай чегараларимизнинг мустаҳкамлигини синаб кўриш вазиваси пайдо бўлмаслиги учун барча зарур ишларни қилдик ва бундан буён ҳам шундай қилаверамиз. Аммо биз оқилона, мудофаа учун етарли бўлган талаблар ва эҳтиёжлардан ортиқча бирорта ҳам қадам қўймаймиз.

Империализм бизга қуролланиш пойгасида тикиштиришга, уринаётган ишларни биз мулоҳаза қилмай, беихтиёр такрорлайвермаймиз. Биз қурол-яроғларни чеклаш ва қисқартириш, бу жараён мустаҳкам контрол қилиб турилишини таъминлаш, ўзаро халқро хавфсизликни мустаҳкамлаш соҳасида ҳар қандай ҳалол тадбирлар учун барча эшикларни очиб қўйганмиз, ҳозир ҳам шундай қиялпмиз ва бундан буён ҳам шундай қилаверамиз. Социалистик янгилиниш сари йўлдаги ҳар бир қадамимиз — бу тинчлик ва тараққиёт кучларининг ғалабаси ҳамда агрессия ва милитаризм кучларининг мағлубияти ҳамдир.

Биз ички сиёсат соҳасида ўз олдимизга қўяётган проблемалар халқро микёсда ҳал этиш зарур бўлган проблемалар билан шу тариқа бир бутун ҳолда узвий боғланиб кетмоқда, ўртоқлар.

Жадаллаштириш, социалистик жамиятни қайта қуриш, ядро ҳалокатининг олдини олиш, дунёни ҳарбийлаштириш вазивасида ҳалос этиш ва халқро муносабатларни инсонийлаштириш вазифалари КПСС XXVII съездининг Марказий Комитет январь Пленуми тасдиқлаган ва конкретлаштириб берган стратегик йўлининг негизини ташкил этади. **(Қарсақлар).**

Партия қабул қилинган йўлдан четга чикмайди, деб сизларни ишонтиришга рухсат бергайсиз, ўртоқлар. **(Давомли қарсақлар).**

Партия сизларнинг мададингизга, ишчилар, деҳқонлар, зиёлиларнинг, бутун совет халқининг мададига таяниб, бундан 70 йил муқаддам Улуғ Октябрь социалистик революцияси бошлаб берган йўлдан қатъият билан дадил ва собитқадамлик билан олға бораверади. **(Қарсақлар).**

Съезд ишига муваффақият, делегатлар ва меҳмонларга эса янги шонли ишлар, сихат-саломатлик ва руҳий тетиклик тилайман. **(Давомли қарсақлар).**

ЎЗБЕКИСТОН КОММУНИСТИК ПАРТИЯСИ МАРКАЗИЙ КОМИТЕТИНИНГ ПЛЕНУМИ

1987 йил 14 февраль куни Ўзбекистон Коммунистик партияси Марказий Комитетининг IV пленуми бўлди. Ўзбекистон Компартияси Марказий Комитетининг биринчи секретари И. Б. Усмонхўжаев «Ўзбекистон Компартияси Марказий Комитети Бюросининг КПСС XXVII съезди қарорларини бажариш соҳасидаги иши тўғрисида ҳисоботи» мавзусида доклад қилди.

Доклад юзасидан музокараларда Қорақалпоғистон область партия комитетининг биринчи секретари К. Саликов, Тошкент область партия комитетининг биринчи секретари Т. А. Алимов, Ўзбекистон ССР Фанлар академияси ўсимлик моддалари химияси институтининг директори А. И. Глушенкова, «Қаршипрожмилстрой» трести 4-механизациялашган кўчма колоннасининг бригадирлари М. С. Ҳакимов, Ўзбекистон ССР Министрлар Совети Раисининг биринчи ўринбосари В. И. Огарок, Тошкент тўқимачилик комбинати партия комитетининг секретари У. Султонова, Тошкент Олий партия мактабининг ректори М. Искандаров, Самарқанд областидаги Каттақўрғон чорвачилик саноат комплексининг директори Р. Д. Агабабян, Андижон область Олтинқўл районидаги «Ленин йўли» колхозининг партия комитетининг секретари М. С. Бурхонава, Тошкент шаҳар Киров район партия комитетининг биринчи секретари Ш. Н. Маҳмудова, Фарғона область партия комитетининг биринчи секретари Ҳ. Умаров, Ўзбекистон Компартияси Марказий Комитетининг секретари Р. Ҳ. Абдуллаева ўртоқлар сўзга чиқдилар.

Муҳокама этилган масала юзасидан пленум тегишли қарор қабул қилди, бу қарор матбуотда эълон қилинади.

Ўзбекистон Компартияси Марказий Комитети пленуми ташкилий масалани кўриб чиқди. Ўзбекистон ССР Олий Совети Президиумининг Раиси Р. Н. Нишонов Ўзбекистон Компартияси Марказий Комитети Бюросининг аъзоси этиб сайланди. О. У. Салимов бошқа ишга ўтганлиги муносабати билан Марказий Комитет Бюросининг аъзоси вазифасидан озод қилинди.

Шу билан Ўзбекистон Компартияси Марказий Комитетининг пленуми ўз ишини тамомлади.

ЎЗБЕКИСТОН КОМПАРТИЯСИ МАРКАЗИЙ КОМИТЕТИ БЮРОСИНИНГ КПСС XXVII СЪЕЗДИ ҚАРОРЛАРИНИ БАЖАРИШ СОҲАСИДАГИ ИШН ТЎҒРИСИДА ҲИСОБОТ

**Ўзбекистон Компартияси МК
биринчи секретари И. Б. УСМОНХЎЖАЕВНИНГ
Ўзбекистон Компартияси Марказий Комитетининг
1987 йил 14 февралдаги IV пленумида
қилган доклади**

Ўртоқлар!

Ўтган йили партиямиз ва халқимиз ҳаётида кўпгина салмоқли воқеалар бўлиб ўтди. КПСС XXVII съезди шу воқеаларнинг энг каттаси бўлганлиги шубҳасиз. Бу съезд социал-иктисодий тараққиётни жадаллаштиришнинг партия Марказий Комитети 1985 йил апрель Пленумида таърифлаб берилган новаторларча концепциясини ривожлантирди, мамлакат тақдири учун тарихий қарорлар қабул қилди.

Янгилик учун курашдаги қатъият ва фидокорлик, камчиликларга нисбатан муросасизлик, ўз умрини яшаб бўлган ҳамма нарсалардан, эскича фикрлашдан воз кечиш замон ўртага қўйган вазифаларни ҳал этиш йўлидир, деб таъкидлади КПСС Марказий Комитетининг Бош секретари М. С. Горбачев.

Партия ва халқ яқдиллик билан маъқуллаган съезд ғоялари конкрет ишларда рўёбга чиқмоқда. Жамиятда узил-кесил қайта қуриш бошланди, катта-катта ўзгаришлар рўй бермоқда, ижобий тенденциялар кучайиб бормоқда.

КПСС Марказий Комитетининг январь Пленуми партиянинг стратегик йўлини муваффақиятли амалга ошириш учун тағ-заминли шарт-шароитлар яратди. У ўтмишда содир бўлган турғунлик ҳолатларининг сабабларини чуқур очиб ташлади, қайта қуришни жадаллаштириш, турмушимизнинг ҳамма соҳаларини демократлаштириш ва кадрлар сиёсатини такомиллаштириш йўллари белгилаб берди. Ҳозир партия органлари ўзларининг бутун фаолиятини шу Пленумнинг принципиал қарорларига асосланиб қуришлари керак. КПСС Марказий Комитети январь Пленумининг қарорларини амалга ошириш вазифаларига бағишлаб Ўзбекистон Компартияси Марказий Комитетининг махсус пленуми ўтказилади.

Марказий Комитет Бюроси КПСС XXVII съезидан ва Ўзбекистон Компартияси XXI съезидан кейин ўтган давр мобайнида қилинган ишлар ҳақида Марказий Комитет аъзолари ва аъзолигига кандидатларга, республика партия ташкилоти Ревизия комиссиясининг аъзоларига ахборот беришга қарор қилди. Биз қайси соҳаларда силжишлар бошланганини, қаерда иш эски, сийқа йўлдан бораётганини атрофлича, талабчанлик билан ва танқидий руҳда чамалаб кўришимиз керак. Бу хусусда пленумда ишчанлик руҳида, ошқора, амалий гаплар бўлишини истаймиз. Биз танқиддан қайтмаслигимиз керак ва ҳар бир нарсани ўз номи билан аташимиз лозим. Хотиржамликдан қутулишнинг ишончли йўли, ишни кучайтириш, уни замон амрига, партия кўрсатмаларига мувофиқ қайта қуриш калити мана шундан иборат.

КПСС Марказий Комитети республикадаги ишлар ҳақида тинимсиз ғамхўрлик қилмоқда, ҳамма соҳада жуда катта ёрдам ва мадад бермоқда, ишимизни муттасил диққат марказида тутмоқда. КПСС Марказий Комитети Ўзбекистонга доир бир қанча махсус қарорлар қабул қилганлиги ҳаммага

маълум. Чунончи, меҳнат ресурсларидан самарали фойдаланишга, Озиқ-овқат программасини амалга оширишга ва бошқа масалаларга бизнинг эътиборимизни қаратди.

КПСС Марказий Комитети Бош секретари ўртоқ М. С. Горбачевнинг биз, Бюро аъзолари билан қилган суҳбати бутун республика партия ташкилоти учун, ва аввало Ўзбекистон Компартияси Марказий Комитети учун катта ижтимоий-сиёсий воқеа бўлди. Михаил Сергеевич берган маслаҳат ва кўрсатмалар ҳаммамиз учун партия ташкилотларига, совет ва хўжалик органларига раҳбарлик қилиш соҳасидаги фаолиятнинг асоси бўлиб қолиши керак, бу кўрсатмалар биздан республика коммунистлари ва барча меҳнаткашларининг куч-ғайратларини ошириб, иқтисодий ва социал проблемаларни жадал ҳал этишга қаратишни талаб қилади.

Экономика республика партия ташкилоти фаолиятининг бош соҳаси ва қайта қуришнинг асосий объектидир. КПСС XXVII съездида таъкидлаб ўтилганидек, совет кишиларининг тинчлик шароитидаги моддий ва маънавий жиҳатдан бой, социал жиҳатдан сермазмун ҳаётини таъминлаш учун, жамиятнинг янги сифат ҳолатига эришиш учун шарт-шароитлар айтиш шудада вужудга келтирилади. Шу сабабли Марказий Комитет Бюроси республика социал-иқтисодий тараққиётини жадаллаштириш, ижтимоий ишлаб чиқаришни интенсификациялаш проблемаларига, топирилган иш учун кадрларнинг масъулиятини оширишга доимо эътибор беришга интиломда.

Марказий Комитет Бюроси Ўзбекистон Компартияси XXI съездининг халқ хўжалигига раҳбарликдаги жиддий камчиликларни тугатиш, мавжуд имкониятлардан максимал фойдаланиш тўғрисидаги қарорларини бажара бориб, экономикага таъсир ўтказишнинг самарали воситаларини изламоқда. Тармоқларни ривожлантиришнинг белгиланган суръатлари ва пропорциялари беш йиллик кўрсаткичларига нақадар мувофиқлиги ҳар томонлама чамалаб кўрилди, партия комитетларининг, министрликлар, идоралар, план ва хўжалик органларининг ишдаги камчилик ва нуқсонлари очиб ташланди.

Янги техника ва технологияни жорий қилиш ишини қучайтириш мақсадида Бюро фан-техника тараққиётига қўмаклашувчи республика кенгашини тузишга қарор қилди. Бизнинг назаримизда бу кенгаш партиянинг техникавий сиёсатини халқ хўжалигига жорий этувчи органга аста-секин айланиб боради. Шу кенгашнинг таъсири остида ва иштироки билан пахта териш машинасини ишлаб чиқиш маркази барпо этилди, илм-фан билан ишлаб чиқаришнинг алоқасини янада такомиллаштиришнинг конкрет чора-тадбирлари ишлаб чиқилди, илгари чиқитга чиқарилган фосфогипс, каолин гилмоёси, шлаклардан саноатда фойдаланила бошланди. Халқ хўжалиги ютуқлари виставкасида «Ўзбекистон ССРда ресурсларни тежаш резервлари ва имкониятлари» мавзусидаги доимий кўргазма ташкил қилинди. Бу кўргазмани тўрт мингдан кўпроқ партия, совет ва хўжалик раҳбари келиб кўрди. Кенгаш ишининг реал натижаси кўриниб турибди: республика экономикасидаги нобудгарчиликлар 90 миллион сўмлик миқдорда қисқарди.

Ҳозирги вақтда барча область ва шаҳарларда мана шундай кенгашлар тузилди. Самарқанд, Хоразм область, Тошкент шаҳар партия комитетлари ҳузуридаги қўмаклашиш кенгашлари фан-техника тараққиётини жадаллаштириш йўлини фаоллик билан ўтказмоқдалар.

Ҳозир орқада қолаётган коллективларга кўпроқ эътибор берилмоқда. Марказий Комитетда белгиланган планларни уддалай олмаган министрликлар, идоралар, шаҳарлар, районлар, саноат корхоналари, колхозлар ва совхозларнинг раҳбарлари билан суҳбатлар ўтказилди. Бир қанча меҳнат коллективларида бригадирлар, цехларнинг бошлиқлари, давлат корхоналарининг раҳбарлари сайлови ўтказилди.

Экономикага партиявий таъсир ўтказишнинг мана шу ва бошқа янги формалари ҳозирча мунтазам система сифатида таркиб топгани йўқ албатта, аммо бу формалар экономикадаги ишларнинг боришини янги томонга буриб юборишга ёрдам бермоқда. Ўтган йили маҳсулот реализация қилиш ҳажми ошириб бажарилди, қўшимча равишда 255 миллион сўмлик маҳсулот реализа-

ция килинди. Ишлаб чиқаришни ўстириш суръати пландаги 4,8 процент ўрнига 5,8 процентни ташкил қилди. Меҳнат унумдорлиги 3,5 процент ўсди, ҳолбуки ўн биринчи беш йилликда эса ўртача йиллик ўсиш икки процентга ҳам етмаган эди.

Агросаноат секторида кейинги йилларда биринчи марта чорвачилик маҳсулотларини харид қилиш топшириқлари ортиғи билан бажарилди. 1985 йилга нисбатан гўшт тайёрлаш қарийб 7 процент, сут ва тухум тайёрлаш 13 процент кўпайди.

Капитал қурилиш, транспорт, алоқа, савдо, маиший хизмат, соғлиқни сақлаш, халқ маорифи, маданият ва санъат муайян равишда ривож топди.

Бироқ, ўртоклар, Марказий Комитет Бюроси бугунги пленумимизда ишни ўн биринчи беш йиллик якунлари асосида таҳлил этиш — ютуқларга маҳлиё бўлиб қолиш бўлур эди, деб таъкидлашни истайди, чунки ўтган йилларнинг базиси паст эди. Биз Ўзбекистон Компартияси XXI съездида гапириб ўтган салбий ҳодисалар ҳали тўла-тўқис тугатилмаганини очиқ-ойдин айтмоқ керак. 1986 йилнинг якунлари биз учун унчалик бир хилда муваффақиятли бўлиб чиққани йўқ. Республикада барпо этилган ишлаб чиқариш потенциалидан коникарсиз фойдаланилаётганини, кўпгина партия комитетларида бунинг учун чинакам талабчанлик қилинмаётганини яна таъкидлашга тўғри келади.

Республика аҳолиси жон бошига 1,2 минг сўмлик атрофида миллий даромад ҳосил қилинмоқда, ҳолбуки мамлакатдаги ўртача кўрсаткич 2 минг сўмликдан ошади. Бу соҳадаги қолоқлик қисқараётгани йўқ. 1986 йилда халқ ҳўжалигидаги асосий фондлар 5,5 процент кўпайгани ҳолда, ялпи ижтимоий маҳсулот 3,1 процент ортди. Миллий даромадни ошириш юзасидан белгиланган топшириқлар бажарилмаганлиги бизни айниқса ташвишга солади. 900 миллион сўмлик ижтимоий маҳсулот ва 400 миллион сўмлик миллий даромад кам олинди. Нега бундай бўляпти? Бунинг сабаблари кўп, аммо энг муҳими шуки, Марказий Комитет Бюроси бир қанча ўтқир, муҳим, зарур проблемаларни аниқлагани ҳолда, ҳозирча шу проблемаларни ҳал этишда зарур изчиллик ва қатъиятни таъминлай олгани йўқ. Биз белгиланган кўпгина тадбирларни охирига етказишни ҳали ўрганиб олганимиз йўқ, шу сабабли кўпинча бир жойда депсиниб турилгани сезилмоқда, бир қанча ҳолларда туб ўзгартишлар ва яхшилик сари силжишлар таъминланмаяпти.

Буни фаолиятимизнинг кўпгина йўналишларидан олинган мисоллар билан кўрсатиш мумкин. Шулардан энг муҳимлари ҳақида батафсил ва ошқора гапириб ўтмоқчиман.

Масалан, ишлаб чиқариш потенциалидан фойдаланишни яхшилаш ва иш билан банд бўлмаган меҳнатга лаёқатли аҳолини ижтимоий ишлаб чиқаришга жалб қилиш соҳасидаги бир-бири билан чамбарчас боғлиқ вазифаларни олиб кўрайлик. КПСС Марказий Комитетининг шу масала юзасидан маълум қарори қабул этилганидан кейин республика активларининг йиғилиши ўтказилди, яхшигина тадбирлар белгиланди. Хўш, бу ишнинг дастлабки якунлари нималардан иборат?

1986 йилда республика аҳолиси 526 минг кишига кўпайиб, ҳозир 19 миллиондан ошди. Меҳнат ресурслари 250 минг кишига кўпайди, ижтимоий ишлаб чиқаришга ва ўқишга эса 150 мингга яқин киши жалб этилди. Бинобарин, бизнинг ресурсларимиз камайгани йўқ, балки 100 минг кишига кўпайди.

Ўртоклар, ўн иккинчи беш йиллик мобайнида биз 1 миллион 417 минг кишини ижтимоий меҳнат соҳасига жалб этиш режасини тузиб олганимиз эсингизда. Бундан кейин ҳам шундай ишлайдиган бўлсак, белгиланган топшириқни бажариш учун 5 йил эмас, балки 10 йил керак бўлади. Нега бундай бўляпти? Чунки кўпгина кадрларимиз белгиланган тадбирларни кенг миқёсда амалга оширмаяптилар, арзимас натижалар билан қаноатланиб қолмоқдалар, яъни эскичасига, имиллаб, секинлик билан ишламоқдалар.

Қандай ҳаракат қилаётганимизга бир назар ташланг! Бутун мамлакат ленинградликларнинг ташаббуси асосида кўп сменали иш режимига ўтмоқда. бизда ибрат олса бўладиган намуналар бор. Марказий Комитет Бюроси «Андижанирмаш», Чирчиқ трансформатор заводлари, Фарғона пиллакашлик фабрикасининг икки ва уч сменали иш режимига ўтиш асосида ишлаб чиқариш

самарадорлигини ошириш соҳасидаги ташаббусини маъқуллади. Қўконда яхши тажриба орттирилди. Бу ерда 1100 киши ишга жойлаштирилди, сменалар коэффиценти 1,94 га етказилди, шу йўл билан бултур маҳсулот ишлаб чиқариш қарийб 4 миллион сўмлик кўпайди.

Илғор корхоналар мисолида бир қанча кенгаш ва семинарлар ўтказилди, ғалаба рапортлари ҳам берилди. Аммо биз белгиланган ишнинг қандай бораётгани устидан таъсирчан назоратни йўлга қўйишга муваффақ бўла олмадик. Сменалар коэффиценти унчалик кўпаймади. Навоий ва Қашқадарё областларида эса ҳатто камайди. Умуман республикада 2—3 сменали иш режимида ўтказилиши лозим бўлган 1108 та корхонадан атиги 278 таси мана шундай режимда ишламоқда. Бор-йўғи 13 минг киши, ёки ҳар бир меҳнат коллективи ҳисобига 40 дан кўпроқ киши ишга жалб этилди. Бундай суръатлар бизни қаноатлантира оладими, ахир?

Қасаначилик меҳнатини кенгайтириш бошқа бир резервдир. Ўтган йили шу ҳисобга 1,2 минг киши ижтимоий ишлаб чиқаришга жалб этилди. Бизда 270 га яқин шаҳар ва район борлиги эътиборга олинса, улардан ҳар бирида 4—5 киши қасаначилик меҳнатида жалб этилган бўлиб чиқади. Айни вақтда Самарқанд областида узрсиз сабаблар билан 75 минг, Фарғона областида 50 минг, Сирдарё областида 31 минг, Жиззах областида 26 минг, Сурхондарё ва Хоразм областларининг ҳар бирида 20 минг киши ишламапти. Ишга мана шундай муносабат билан келишиб бўладими, ахир?

Ўз-ўзини танқид асосида шуни тан олиш керакки, бир қанча ҳолларда Марказий Комитет Бюроси аъзоларининг ўзлари, шу жумладан секретарлари ҳам топшириқларни суст суръатда бажармоқдалар. Меҳнат ресурсларидан фойдаланиш соҳасидаги иш Бюронинг қарорига мувофиқ Бюро аъзоси ўртоқ Ғ. Ҳ. Кодиров бошчилигидаги Министрлар Советининг махсус комиссияси зиммасига юклатилганини бир неча бор уқтириб ўтган эдик. Аммо комиссия ҳаддан ташқари суст, самарасиз ишлаётганини юқоридаги фактлар кўрсатиб турибди. Ўртоқ Ғ. Ҳ. Кодиров комиссиянинг ишини тубдан қайта қуриши, у зўр ғайрат билан ҳаракат қилишига, ўз олдига қўйилган вазифаларни оператив ҳал этадиган бўлишига эришиши керак.

Бу мураккаб проблемани ҳал этишда Марказий Комитетнинг Иқтисодий бўлими (ўртоқ Ш. Хожимуротов), Госплан, Меҳнат давлат комитети, шунингдек маҳаллий партия ва совет органлари кўпроқ ташаббускорлик ва қатъият кўрсатишлари керак.

Иқтисодий ва социал сиёсатнинг энг муҳим вазифаларидан бири — савдо ташкилотларини хилма-хил моллар билан таъминлаш ва хизмат турларини кўпайтириш вазифаси қандай ҳал этилаётганига ҳам қайта қуриш ўртага қўяётган талаблар нуктаи назаридан қарамоқ зарур. Сизларга маълумки, яқинда КПСС Марказий Комитетининг секретари ўртоқ А. П. Бирюкова республикада бўлди, партия-хўжалик активлари билан учрашув ўтказилди. Унинг ўтқир танқидий нутқи матбуотда эълон қилинди. Шу танқидга қўшилиш билан бирга сизларнинг диққат-эътиборингизни мазкур масалаларга яна бир бор қатъият билан қаратиш жуда зарур.

Ўтган йили республикада иш ҳақи фондининг 1 сўми ҳисобига 1,22 сўмлик халқ истеъмоли моллари ишлаб чиқарилганлиги сабабли Марказий Комитет аъзолари олдида ҳисоб бериш бугун жуда ноқулай бўлиб турибди. Бу — Иттифокдаги ўртача даражадан анча паст, биз Ўрта Осиё регионидagi республикалар орасида шу соҳада охириги ўринни олиб турибмиз. Ҳозир республикада яшовчи ҳар киши ҳисобига йилига 54 сўмликка яқин, яъни мамлакатдаги ўртача даражадан 4 баравар кам истеъмоли моллари ишлаб чиқарилмоқда. 200 тадан кўпроқ корхона умуман халқ учун моллар ишлаб чиқармаяпти. Мана шу камчиликларнинг ҳаммасини Марказий Комитет Бюроси тўла-тўқис ўз ҳисобига олиши керак. Афсуски, биз бунинг учун ҳеч кимдан росмана жавоб талаб қилмадик.

Шу сабабга кўра, халққа аталган молларнинг сифати масалалари ҳам ҳаддан ташқари қониқарсиз ҳал этилмоқда. 1986 йилда текширилган шарбатлар ва ичимликларнинг 46 проценти, гилам маҳсулотларининг 95 проценти,

шойи газламаларнинг 49 проценти, бошқа кўпгина молларнинг сорти пасайтирилди ва брак қилинди. 129 та корхонанинг маҳсулотини савдо тармоғига қабул қилиш тўхтатиб қўйилди.

Ўтган йили биз давлат қабулини жорий этишга тайёргарлик кўриш ҳақида кўп гапирдик, кўпдан-кўп кенгашлар ўтказилиб, қарорлар қабул қилинди. Аммо янги шароитда ишлашнинг дастлабки ойи натижаларининг кўрсатишича, давлат қабулига ўтказилган 33 та корхонадан 9 таси биронта кўрсаткич бўйича январь планини бажармади.

Бюро шу муҳим проблема ўз ҳолига ташлаб қўйилганига бундан буён мурасозлик билан қарай олмайди. Марказий Комитет секретари ўртоқ А. С. Икромов, Оғир саноат ва машинасозлик бўлими (ўртоқ С. А. Асриянц), Енгил саноат ва халқ истеъмоли моллари бўлими (ўртоқ В. В. Коровкин), умумий даъватлар ва курук кўрсатмалардан саноатга аниқ-равшан, чинакам илмий раҳбарлик қилишга ўтишлари, партия комитетларига, министрликлар, идоралар, корхоналар ва бирлашмаларнинг раҳбарларига талабчанликни кучайтиришлари керак.

Биз ялпи куч-ғайратлар ва жами воситаларни ишга солиб давлат интизомини мустаҳкамлашимиз лозим. Ўтган йили 130 тадан кўпроқ корхона маҳсулот реализация қилиш планларини, 260 тага яқин корхона меҳнат унумдорлиги планини худдалай олмади. Бу аҳвол ҳозиргача давом этиб келмокда. Ой сайин 320 тадан кўпроқ коллектив шартномавий мажбуриятларнинг бажарилишини барбод қилмокда. Давлат агросаноат комитети, Енгил саноат министрлиги, Маҳаллий саноат министрлиги, Бинокорлик материаллари саноати министрлигининг корхоналари буюртма берилган маҳсулотни муттасил етказиб бермаяптилар. Айни вақтда шу министрликларнинг корхоналаридаги омборларда буюртма берилмаган маҳсулотларнинг нормативдан ортиқ қолдиқлари тикилиб ётибди. Масалан, Енгил саноат министрлигидаги мана шундай қолдиқлар 28 миллион сўмликдан ошди.

Бундай ишга қандай баҳо берилиши яхши маълум: буни маҳкамачилик ва маҳаллийчилик, умумдавлат манфаатларини менсимаслик дебгина баҳоламок керак. Бунинг учун партиявий талабчанлик ва интизомнинг бутун қаттиққўллик мезони билан жавоб талаб қилиш керак.

Ўзбекистон Компартияси ХХІ съездининг қарорларига мувофиқ агросаноат комплексининг ишини тубдан қайта қуришга, аввало интенсив технологияларни, коллектив ва оила пудратини кенг жорий этишга катта эътибор берилди. Қўрилган чора-тадбирлар натижасида баъзи ижобий тенденциялар бошланди, янги технологиялар асосида қишлоқ хўжалик маҳсулотлари етиштирилаётган майдонлар аниқланди, базавий хўжаликлар белгиланди.

Адолат юзасидан айтиш керакки, аграр сектор — халқ хўжалигининг энг масъулиятли ва мураккаб соҳаларидан биридир. Бу соҳада партиявий раҳбарликдаги қатъият, ташаббускорлик, изчиллик айниқса муҳимдир. Бирок ҳозирча бундай қилинаётгани сезилмаяпти. 1986 йилда экинзорларнинг атиги бир процентида ғўза интенсив технологиялар асосида парвариш қилинди, сабзавот экинлари эса икки процентдан сал кўпроқ ерда интенсив технологиялар асосида етиштирилди.

Ўтган йили давлатга пахта топшириш плани бажарилмаганлиги — Марказий Комитет Бюросининг ишидаги асосий камчиликлардан биридир. Очигини айтиш керак, жойларда турли-туман тадбирларни ишлаб чиқишга кўп куч-ғайрат сарфланди, бироқ жонли ишни ташкил қилиш, одамлар билан қунт билан ишлаш учун кадрларга нисбатан тузуқроқ талабчанлик қилинмади. Партия комитетлари бундай аҳволга тоқат қилишлари керак эмас ва тоқат қилишга ҳақлари йўқ. Мана шу бениҳоя муҳим тармокни юксалтириш учун барча кадрларга талабчанликни қатъиян кучайтириш, пахта ҳосилдорлигини оширишга, тола чиқишини кўпайтиришга ва унинг сифатини яхшилашга эришиш — биринчи галдаги бурчимиздир.

Пахтачиликни комплекс механизациялаш, айниқса ҳосилни машинада териш ўткир проблема бўлиб турибди. Бултур 2 миллион тоннадан камроқ пахта машинада терилди. 37 мингта машинадан ҳақиқатда 23 мингтаси ишлатилди.

Шунинг натижасида 40 миллион сўмга яқин зарар кўрилди. Айни вақтда студентлар, ўқувчилар, ишчи ва хизматчилар ҳосил теримига жалб қилинди.

Ўзбекистон Компартияси Марказий Комитети бу йил пахта теримини механизациялашни ўзининг марказий вазифаларидан бири деб, партиянинг энг муҳим топшириғи деб билади. Биз 1986 йилги пахта ҳосилини студентларни, техникумларнинг, хунар-техника билим юртларининг ўқувчиларини тақлиф этмай, мактаб ўқувчиларини ўқишдан қолдирмай териб олиш соҳасида Тожикистон ССР партия, совет ва хўжалик органларининг КПСС Марказий Комитети маъқуллаган тажрибасини ҳамма жойда жорий қилишимиз керак.

Бирок ўтмиш камчиликлари бир қанча жойларда ҳозир ҳам такрорланмоқда. Шу йилнинг 1 февралигача пахта териш машиналарининг атиги 34 проценти тайёрлаб қўйилди. Қорақалпоғистонда, Қашқадарё, Сурхондарё, Сирдарё, Фарғона областларида бултургидан кўра камроқ пахта териш машинаси ремонтдан чиқарилди. Дефолиация масалаларида ҳам равшанлик йўқ. Чигит экиш кампаниясига тайёргарлик кўриш учун масъулият шахсан Давлат агросаноат комитетининг раиси ўрток И. Х. Жўрабековнинг зиммасига юклатилган. У тармоқда зўр ғайрат билан тартиб ўрнатиши, истикбол масалалари билан чуқурроқ ва аниқ-равшан шуғулланиши, одамларни турли-туман кенгашлар ва мажлисларга камроқ жалб қилиши керак.

Чорвачилик проблемалари ҳам ўткирлигича турибди. Фермаларнинг маҳсулдорлиги жуда секинлик билан кўпаймоқда. Ўтган йили гўшт ва сут етиштириш плани бажарилмади. Давлатга топширилган маҳсулотнинг анчагина қисми хусусий сектор улушига тўғри келади. Бу камчиликлар кўпгина область ва район партия комитетларининг тармоққа қоникарсиз раҳбарлиги, фермалардаги ишларнинг аҳволи учун раҳбарлик ва мутахассисларга талабчанликнинг бўшлиги натижасидир.

Қишлоқ хўжалигида пудрат ва хўжалик ҳисобининг турли усулларини жорий қилиш масалаларига кўпроқ эътибор берилиши лозим. Гарчи, Давлат агросаноат комитетининг маълумотларига кўра, 1986 йилда экинзорларнинг 70 процентга яқини ва фермаларнинг 30 проценти пудрат асосида ишловчи коллективларга бириктириб қўйилган бўлса ҳам, аммо бу усул расмийлаштириш ва хўжалик ҳисоби принципларини бузиш оқибатида дуруст натижа бермади. Аксинча, дастлабки ҳисоб-китобларга қараганда, 1985 йилга нисбатан қолхоз ва совхозлардаги фойда 200 миллион сўмдан зиёд камайди, зарар кўрувчи хўжаликлар кўпайди.

Ерларнинг мелиоратив ҳолатини яхшилаш вазифалари ҳаддан ташқари секинлик билан ҳал этилмоқда, шу ишларни ташкил этишнинг аниқ программаси йўқ. Михаил Сергеевич Горбачев республика раҳбарлари билан суҳбат вақтида шундай программа бўлиши зарурлигини бизга кўрсатиб ўтди.

Бу масалаларнинг ҳаммаси Қишлоқ хўжалиги ва озиқ-овқат саноати бўлимининг (ўрток В. И. Плетнев), Сув хўжалиги бўлимининг (ўрток В. И. Сускин), шахсан Марказий Комитет секретари ўрток В. А. Антоновнинг доимий назорати остида бўлиши керак. Виктор Александрович баъзан кундалик ишларга ҳаддан ташқари берилиб кетмоқда, бутун диққат-эътиборини ҳамиша ҳам асосий масалага қарата олмаяпти, ўтмишдаги салбий ҳодисалар келтириб чиқарган қийинчиликлар ва чигалликларни тез-тез рўқач қилмоқда. Дарҳақиқат, қийинчиликлар катта, ўз ҳолига ташлаб қўйилган проблемалар кўп. Ахир, биз турғунлик ва тўсикларни бартараф этиш учун, янги ечимларни топиш, уларни сабот билан дадил ҳаётга татбиқ этиш учун ишляпмиз-да.

Энди капитал қурилишга ўтаман, ўртоқлар. Бу соҳадаги проблемалар ҳам кўпайиб бораётганидан кўра сустрок ҳал этилмоқда. Асосий фондларни ишга тушириш, давлат капитал маблағларини ўзлаштириш юзасидан белгиланган топшириқлар бажарилмаяпти. Уй-жой ва социал-маданий-маиший объектларни қуриш планлари барбод бўлаётганлиги айниқса ташвишлантirmoқда. Қурилиш ва шаҳар хўжалиги бўлими (ўрток З. А. Ботиров), Марказий Комитет секретари ўрток В. Н. Лобко тармоққа раҳбарлик қилиш соҳасидаги ўз ишини янада ғайрат билан яхшилашлари керак.

Буюртмачилар, лойиҳачилар, пудратчиларнинг одат тусига кириб қолган

ўзаро даъволари ва бир-бирини айблашларига зудлик билан чек қўйиш, ҳамжихатлик, ўзаро ёрдам ва ўзаро мададкорликка тезроқ ўтиш керак. Тармоқда кучлар, салмоқли кучлар бор. Уларнинг ҳаммасини бир бутун қилиб бирлаштириш керак. Қурилиш билан боғлиқ бўлган барча органларнинг раҳбарларига кўпроқ талабчанлик қилиш, конкрет натижалар учун уларнинг масъулиятини ошириш лозим.

Транспортнинг ишида ҳали ҳам узилишларга йўл қўйилмоқда. Марказий Комитетнинг бўлими (ўртоқ А. С. Воеков), тегишли бошқармалар ва министриликларнинг раҳбарлари ўз ишларини тезроқ қайта қуришлари, юқоридан бериладиган кўрсатмасиз ва турткисиз ишлашлари керак.

Аҳолига савдо, маиший ва коммунал хизматнинг ташкил этилиши одамларнинг ўсиб бораётган талаб-эҳтиёжларини қондирмаяпти. Давлат ва кооператив савдоси орқали мева-сабзавот маҳсулотлари билан таъминлаш ёмонлашди. 1986 йилда аҳолига янги узилган қарам, бодринг, данакли мевалар, узум, полиз маҳсулотлари сотиш камайди. Давлат агросаноат комитети хўжаликларининг фирма магазинлари ва дўконлари орқали тайёрланган жами маҳсулот ҳажмининг рухсат этилган 30 проценти ўрнига атиги 0,8 проценти сотилди.

Бутун ўтган йил мобайнида республикада товар оборотини реализация қилиш давлат планини ва касса планини бажариш соҳасида қийин аҳвол давом этди. Давлат планида товар оборотининг умумий ҳажми юзасидан 1986 йил учун Ўзбекистонга белгилаб қўйилган топширик бажарилмади. Спиртли ичимликларни сотиш қисқарганлиги сабабли бажарилмай қолган топшириқнинг ўрни ярим миллиард сўмликка яқин миқдорда тўлдирилмади.

Биз Савдо министрлиги коллегиясининг, Ўзбекбирлашув раиси ўртоқ А. М. Маҳмудовнинг, Давлат агросаноат комитети раисининг ўринбосари ўртоқ С. Г. Хоревнинг шахсан эътиборини аҳоли таъминотини тубдан яхшилаш зарурлигига қаратамиз. Бунинг учун бизда имкониятлар бор, фақат ишлаб чиқариш, тайёрлов ва савдо ташкилотларининг куч-ғайратларини жиқслаштириш, озик-овқат маҳсулотларини тайёрлаш, асраш, қайта ишлашнинг ташкил этилишини тубдан яхшилаш керак.

Меҳнатқашлар маиший хизматга нисбатан айниқса кўп таъна қилмоқдалар, бу соҳа ёмон ишламоқда, ўз вазифаларини бажармаяпти. 1986 йилда аҳолига 11 миллион сўмликдан кўпроқ маиший хизмат кўрсатилмади. Областлардаги 148 та ишлаб чиқариш бирлашмасидан 53 таси планни уддалай олмади.

Марказий Комитетнинг Савдо ва маиший хизмат бўлими (ўртоқ В. Ю. Зорин) аҳолига хизмат кўрсатишнинг аҳволи учун, савдо, умумий овқатланиш ва айниқса маиший хизматда тартиб ўрнатиш учун хўжалик раҳбарларига нисбатан талабчанликни ошириши лозим.

2000 йилгача ҳар бир оилани алоҳида квартира ёки шахсий уй билан таъминлаш юзасидан КПСС XXVII съезди ўртага қўйган вазифани ҳал этишга ёндашувни қониқарли деб бўлмайди. Республикада бу соҳада кейинги йилларда жуда нохуш тенденция вужудга келган. Олға томон сезиларли силжиш бўлмаяпти. Кўпгина раҳбарлар бу проблемани ҳамон фақат давлат пул манбалари ҳисобига ҳал этишга умид қилмоқдалар. Масалан, кишлоқдаги аҳволни олиб кўрайлик. 10 йил мобайнида колхозлардаги уй-жой қурилиши икки хисса камайди. Якка тартибда, кооператив ва пудрат усулида уй-жой қуриш планлари узлуксиз бажарилмай келмоқда.

Хўш, аҳволни қандай қилиб тузатиб олиш керак, бу яроксиз практикани қандай қилиб ўзгартира оламиз? — деган савол туғилади. Афсуски, бу масала юзасидан республика ҳукуматининг аниқ-равшан программаси йўқ. Ажабланирли жойи шуки, бу нарса Министрлар Совети Раисининг мана шу энг муҳим иш соҳаси учун жавобгар бўлган ўринбосари ўртоқ К. Ҳ. Маҳмадалиевни асло ташвишга солмаяпти.

Биз ҳаммамиз аҳолига уй-жой-коммунал, медицина, савдо, маиший хизматга, физкультура ва спортни ривожлантиришга, одамларнинг бўш вақтини маданий ўтказишни ташкил этишга муносабатни тубдан ўзгартириши-

миз керак. Мана шу ўтқир иктисодий ва социал масалаларни ҳал этишда ўз территориясининг тўла ҳуқуқли хўжайинлари бўлмиш Советларнинг ролини ошириш жуда муҳимдир.

Ишлаб чиқаришда ва турмушда шароит яратилиши устидан кундалик контроллик ўрнатишда Марказий Комитет Бюроси аъзолигига кандидат ўрток Х. А. Алимова бошчилигидаги республика касаба союз ташкилотлари ўзининг салмоқли сўзини айтиши керак.

Ўртоклар! Барча режаларимизнинг амалга оширилиши инсон омилини ҳар томонлама кучайтиришга боғлиқ. Ўзбекистон Компартияси Марказий Комитетининг III пленумида биз идеология соҳасидаги аҳволни танқидий таҳлил этган эдик, жиддий нуқсон ва камчиликларни очиб ташлаган, уни қайта қуриш йўлларини белгиланган эдик. Хўш, белгиланган режалар қандай амалга оширилмоқда?

Кейинги вақтларда оммавий-сиёсий ишда бир оз жонланиш рўй бергани сезилмоқда. Бюро аъзолари, Марказий Комитет секретарлари, сайлаб қўйилган активлар меҳнаткашлар билан, ўқувчи-ёшлар билан тез-тез учраша бошладилар. Ягона сиёсий кунлар ва бошқа тадбирлар чоғида ошқоралик, одамларни кизиктираётган масалаларни бевосита муҳокама қилиш кўпайди. Ижтимоий фанларнинг вакиллари, ижодий союзлар, матбуот ходимлари билан ишлашга кўп эътибор берилмоқда. Бу ишда биз маъмуриятчиликнинг андаккина кўринишларига ҳам йўл қўймасликка интиляпмиз, улар билан ўз муносабатларимизни ошқора фикрлашув, мунозаралар асосига қурыпмиз. Бу эса ўз самараларини бермоқда.

Шу билан бирга биз идеология масалаларида сиёсий ҳушёрлик ва ҳужумкор активликни бир дақиқа ҳам бўшаштирмаслигимиз керак. Айниқса, интернационал ва атеистик тарбия билан боғлиқ проблемаларнинг актуаллиги пасаймаяпти. Маҳаллий аҳолининг анчагина қисми қолоқ ва зарарли анъаналар таъсирида турибди. Диний маросимларда қатнашиш даражаси ҳали ҳам юқори.

«Собиқ» ва «хафа бўлган» айрим шахслар одамларнинг миллий туйғуларига таъсир кўрсатиб республикада салбий ҳодисаларнинг оқибатларини тугатиш, маънавий-сиёсий вазиятни соғломлаштириш соҳасида ўтказилаётган ишни оз бўлмаса миллатга қарши кампания деб кўрсатишга уринаётганликларини ҳам эътиборга олмасдан бўлмайди.

Марказий Комитет Бюроси тасдиқлаган нуфузли комиссия республикадаги миллатлараро муносабатларнинг характерини, интернационал тарбиянинг самарадорлигини синчиклаб ўрганади ва муфассал муҳокама қилиб, принципиал қарорлар қабул этиш учун масала тайёрлайди.

Шу муносабат билан Марказий Комитет Бюроси интернационал ва атеистик тарбияга раҳбарлик қилишда область, шаҳар, район партия комитетлари биринчи секретарларининг, бошланғич партия ташкилотлари секретарларининг янада активроқ қатнашишлари муҳимлигини таъкидлаш зарур деб ҳисоблайди.

Шуни айтиш керакки, Марказий Комитетнинг идеология бўлимлари бу масалаларда актив ҳужумкорлик позициясида турганлари йўқ. Пропаганда ва агитация бўлими (ўрток С. Р. Ризаев) асосан нохуш диний вазиятни, сиёсий, меҳнат, ахлокий, ҳарбий-ватанпарварлик ва интернационал тарбиядаги жиддий нуқсонларни қайд этмоқда-ю, бироқ аҳволни тузатиш учун таъсирли чораларни кўрмаяпти. Чунончи, Марказий Комитет секретариати Сариосиё район партия ташкилотининг атеистик тарбия соҳасидаги қониқарсиз иши тўғрисида қабул қилинган қарор қандай бажарилаётганини бир йилдан кейин текшириб кўргач, айни аввалги камчиликларнинг ўзини кўрсатиб ўтишга мажбур бўлди. Бир қанча ҳолларда бўлим ходимлари аҳволга принципиал баҳо бермаяптилар, чалакам-чатти чоралар билан чекланмоқдалар. Масалан, республика «Билим» жамияти правлениесидаги ишларнинг аҳолини текшириш пайтида шундай бўлди. Бу ерда рўй берган хаддан ташқари нохуш вазиятнинг тагига етиш учун Партиявий-ташкилий ишлар бўлими билан Партия контроли комиссиясини ишга солишга тўғри келди.

Маданият бўлими (ўрток Д. Т. Мадикаримова) йўл қўйиб бўлмайдиган даражада журъатсизлик ва ташаббуссизлик кўрсатмоқда. Кўпгина ижодий ташкилотларни турли-туман ғийбатлар ва можаролар кемириб ётган бўлса ҳам, бўлим ходимлари бу масалаларда қатъий ва аниқ позицияда туришга асло журъат этмаяптилар.

Фан ва ўқув юртлари бўлими (ўрток Н. Т. Тухлиев) жуда ўткир ва нозик проблемалардан доимо ўзини четга олмоқда. ХХІ съездда ва Компартия Марказий Комитетининг кейинги пленумларида республика Фанлар академиясининг самарадорлигини ошириш, институтлардаги қариндош-уруғчилик ва юртдошлик алоқаларини, ошна-оғайнигарчиликни бартараф этиш, айниқса олий ўқув юртларининг филиалларида мутахассислар тайёрлаш сифатини тубдан яхшилаш вазифалари нақадар ўткир қилиб қўйилганлигини пленум катнашчилари эслайдилар. Бирок, ўтган йил мобайнида ҳаётий муҳим бўлган мана шу масалалардан биронтаси коллегиал органларнинг муҳокамасига қўйилмади. Бўлим ўз ишидаги асосий йўналишларни эътибордан четда қолдирмоқда, ҳолбуки, фан-техника тараққиётини жадаллаштириш, умуман республиканинг социал-иқтисодий ривожланишини жадаллаштириш шу йўналишларга бевосита боғлиқдир.

Республикаимзда мактаб ислохотини амалга ошириш ҳаддан ташқари қониқарсиз бораётганини, медицина хизматини ташкил этишда жиддий ва ҳатто кишини ғазаблантирадиган бузилишларга йўл қўйилаётганини анализ, жумладан Москва район партия комитетининг, Соғлиқни сақлаш министрлигининг иши муҳокамаси кўрсатиб берди. «Правда» газетаси шу йил 7 февраль кунини эълон қилинган «Кўпдан-кўп қарорлар панасида» сарлавҳали мақоласида бунинг учун бизни жуда тўғри танқид қилди. Меҳнаткашларнинг маданий дам олишини уюштириш ўз ҳолига ташлаб қўйилган, физкультура ва спортни ривожлантиришда силжиш йўқ.

Ўтмишнинг кризисли, турғунлик ҳолатлари бевосита, ошқора танқид қилинганлиги, республикадаги маънавий-сиёсий вазиятни соғломлаштириш йўлидаги кураш хусусида мафкуравий душманларимиз қутуриб, тухмат қилиётганликлари сир эмас. Контрпропаганда ишини кучайтириш, партия билан давлатнинг тинчликсевар ташқи сиёсатини, жамиятда амалга оширилаётган ўзгаришларнинг юксак ва инсонпарварлик мақсадларини далил-исботлар билан кўрсатиб бериш жуда зарурдир. Ахборот ва чет эл алоқалари бўлими (ўрток Э. Қ. Ҳайитбоев) бу хусусда кўпроқ ташаббускорлик кўрсатиб, ижодий ёндашиши керак.

Марказий Комитет секретари ўрток Р. Ҳ. Абдуллаева ўзи бошчилик қилаётган бўлимлар ва ташкилотларнинг иши билан чуқурроқ шуғулланиши керак. Ошқора гапирадиган бўлсак, Марказий Комитет Бюроси умуман идеология фронтидаги ишларга қилинаётган раҳбарлик ва бу ишларнинг ахволдан мутлақо қаноатланмаяпти. Бу соҳада сафсатабозлик, қоғоздаги турли-туман тадбирлар, «ёппасига» ёндашувлар кўп. Оммавий ахборот ва пропаганда воситалари ҳали ҳам воқеаларнинг орқасида ўралашиб юрибди, ишлаб чиқариш ва жамоат турмушида рўй бераётган жўшқин ўзгаришлардан орқада қолмоқда. Айниқса ижодий союзларнинг бошланғич партия ташкилотлари фаолияти Марказий Комитет идеология бўлимларининг эътиборидан четда қолмоқда. Идеология муассасаларининг кўпгина ходимлари, ижодкор зиёиларнинг намоёндалари ҳаддан ташқари жиззақилик, ўзига ортиқча бино қўйиш иллатларига берилганлиги, асаббузарлик, оёқдан чалиш, игво, имзосиз хат ёзиш ва тухмат ёғдириш билан шуғулланаётганликлари, нақадар ачинарли бўлса ҳам, аммо фактдир.

Бунга узил-кесил чек қўйиш керак.

Марказий Комитет Бюроси КПСС Марказий Комитетининг қарорларига мувофиқ социалистик қонунчилик ва ҳуқуқ-тартиботни мустаҳкамлаш йўлини қатъият билан ўтказмоқда. Аммо оператив вазият ҳамон кескин бўлиб турибди. Ўғрилиқлар кўпайди, ичкиликбозлик ва гиёҳвандлик оқибатида анчагина жиноятлар содир бўлмоқда, балоғатга етмаганлар томонидан қилинаётган жиноятлар миқдори ошди. Жиноятларнинг аниқланиш даражаси паст.

Маъмурий органлар бўлими (ўртоқ Д. А. Усатов) ҳукук-тартиботни ва қонунчиликни мустаҳкамлаш соҳасидаги ишни чуқурроқ таҳлил этиши, бу органларни синалган, малакали кадрлар билан мустаҳкамлаш тўғрисида кўпроқ ғамхўрлик қилиши керак.

Марказий Комитет Бюроси, секретариати меҳнаткашларнинг шикоятлари ва оғзаки илтимосларини кўриб чиқиш устидан контролликни кучайтирдилар. 1986 йилда Марказий Комитетга 28 мингтага яқин, яъни аввалги йилга нисбатан сал кўпроқ хат тушди. 10,5 мингдан кўпроқ киши қабулга келди. Марказий Комитет секретарлари бевосита 700 дан кўпроқ илтимосчини қабул қилди. Бир қанча ҳолларда тушган сигналлар юзасидан комиссиялар тузилди, чуқур текшириш туфайли айрим фактлар замирида очикдан-очик носоғлом ҳодисалар, у ёки бу соҳадаги нохуш вазият яшириниб ётганлиги аниқланди.

Ўтган йили меҳнаткашларнинг хат ва аризаларини кўриб чиқиш юзасидан Бюро ва секретариатга 10 та масала киритилди, «Союзхлопок» илмий-ишлаб чиқариш бирлашмаси, Тошкент ирригация ва кишлок хўжалигини механизациялаш инженерлари институти хусусидаги ва бошқа масалалар шу жумлага киради. Умуман текшириш якунлари юзасидан 273 раҳбар ходим партиявий жавобгарликка тортилди ва эгаллаб турган лавозимларидан бўшатилади. Раҳбар ходимлар устидан ёзилган шикоятлар қарийб мингта камайганлиги, имзосиз хатлар миқдори ҳам тахминан шунча озайганлиги кўп жиҳатдан кўрилган бу чораларнинг натижаси, деб ўйлаймиз.

Аммо кўп кишилар ўзларини қизиқтираётган масалаларга тузукрок эътибор берилмаётганлиги ва одилона ҳал этилмаётганлиги сабабли барибир юқори органларга мурожаат қилишга мажбур бўлмоқдалар. Демак, Марказий Комитет Бюроси, секретарлари Марказий Комитет аппаратида, республиканинг бошқа органларида ҳам, шунингдек жойларда ҳам хатлар ва оғзаки илтимосларнинг кўриб чиқилиши устидан контролликни кучайтиришлари ғоят муҳимдир. Шу билан бирга кўпгина аризалар, айниқса имзосиз аризаларда туҳмат гаплар ёзилишини, шахсий ўч олиш, кўпинча эса ўзининг ноҳўя ишлари ва жиноятларини яшириш мақсадини кўзлашини назарда тутмоқ керак. Шу сабабли бундай аризаларни кўриб чиқишда имкони борича ҳолислик ва эътибор билан ёндашмоқ керак.

Ўртоқлар! Партиявий-ташкилий ишни партия XXVII съездининг, КПСС Марказий Комитети январь Пленумининг юксак талаблари руҳида қайта қуриш тўғрисидаги масала ҳозир айниқса ўткир бўлиб турибди. Марказий Комитет Бюроси янги форма ва методларни эгаллашда, партиявий иш услубини такомиллаштиришда намуна кўрсатиши лозим.

Кейинги вақтларда коллегиял органларнинг ишини планлаштириш ва ташкил этишга ёндашувларнинг ўзи бирмунча ўзгарди. Планларда социал-иқтисодий тараққиётнинг бош проблемалари ажратиб кўрсатилмоқда, уларни ҳал этиш юзасидан конкрет вазифалар белгиланмоқда.

Пленумларда, Бюро ва секретариат мажлисларида муҳокама қилишга мўлжалланган масалаларга келганда эса, улар узвий равишда мана шу вазифалардан келиб чиқади ҳамда белгиланган режаларнинг бажарилишини таҳлил этиш ва контрол қилишга қаратилади. Шу билан бирга биз планларда ҳаддан ташқари кўп тадбирлар белгиланмаслигига, коллегиял муҳокама учун ҳақиқатан ҳам энг муҳим проблемаларни танлаб олишга, ҳар бир мажлисда кўпи билан бир-икки масалани белгилашга интиляпмиз. Натижада асосий масалалар юзасидан қабул қилинган қарорлар миқдори 38 процент қисқарди. Министрлар Совети билан биргаликда аввалгига нисбатан анча кам қарорлар қабул қилинди.

Биз ҳужжатларни тайёрлаш учун иш группаларига аппарат ходимларининг гина эмас, шу билан бирга Марказий Комитет аъзоларини, министрлик ва идораларнинг мутахассисларини, олимларни ҳам кенгрок жалб эта бошладик. Марказий Комитет секретарларининг жойларга бориши одат тусига киритилмоқда. Бу эса проблемаларнинг моҳиятини чуқурроқ англаб олиш, уларни ҳал қилишнинг энг самарали ва кескин йўллари аниқлаш имконини бермоқда. Қашқадарё область партия ташкилотида социал-иқтисодий ривожланишга

рахбарлик услуби ва методларини қайта қуриш соҳасидаги жиддий камчиликларга доир, КПСС Марказий Комитетининг Пермь область партия комитети ҳисоботи юзасидан қўйган талаблари асосида Бухоро область партия комитетининг ишига доир ва бошқа ҳужжатлар бунга мисол бўла олади.

Бюро ва секретариатнинг вазифалари анча аниқ белгилаб қўйилган. Область, шаҳар, район партия комитетларининг, бошланғич партия ташкилотларининг иш услуби ва методларига оид масалалар Бюрога киритилмоқда. Министрликлар, идоралар ва бошқа ҳўжалик органларининг фаолияти топширилган иш учун кадрларнинг масъулиятини кучайтириш нуктаи назаридан қўриб чиқилмоқда. Ўтган йили Бюрода саккиз область, олти шаҳар ва район партия комитетларининг, икки партия ташкилотининг, 4 та министрлик, идоранинг, ҳўжалик бўлинмаларининг иши муҳокама қилинди.

Секретариат КПСС Уставига тўла мувофиқ равишда асосан юқори партия органлари кўрсатмаларининг ва Компартия Марказий Комитети қарорларининг ижросини текшириш билан шуғулланмоқда. Шу жиҳатдан уч область, тўрт шаҳар ва район партия комитетларининг, иккита бошланғич партия ташкилотининг, иккита министрликнинг иши ҳамда савдо министри ўрток М. Ҳасанов ва СССР Қурилиш банки республика конторасининг бошқарувчиси ўрток Т. С. Азимовнинг шахсий ҳисоботлари муҳокама этилди.

Иш секретариатларини ўтказиш практикаси ўзини батамом оклади, бундай секретариатларда кадрларга оид барча масалалар коллектив равишда олдиндан келишиб олинади, жорий ишлар расмийликсиз ва қоғозбозлик қилинмай ҳал этилади, юқори органларнинг кўпгина кўрсатмалари юзасидан конкрет топшириқлар берилади.

Ўтган йил муҳим ижтимоий-сиёсий кампанияларга бой бўлди — бошланғич партия ташкилотларида, қасаба союзларида, комсомолда, халқ контроли ташкилотларида ҳисобот ва сайлов бўлиб ўтди. Марказий Комитет Бюросининг аъзолари, бўлимларнинг мудирлари ва бошқа масъул ходимлари ана шу тадбирларда фаол қатнашдилар.

Коллегиаллик, ошқора фикрлашиш, Бюро ва секретариатнинг ишида тобора кўпроқ қарор топаётган ишларни таҳлил этишга амалий, танқидий ёндашиш вазияти кучайиб бораётганлигини алоҳида таъкидлаб ўтмоқчиман. Ошқоралик кучайди, Бюро мажлисларида қўриб чиқилган масалалар тўғрисида ахборотлар муттасил бериб борилмоқда, энг муҳим қарорлар матбуотда босиб чиқарилмоқда.

Аммо ўз-ўзини танқид руҳида шуни эътироф этиш керакки, бир қанча ҳолларда ҳўжалик ва маданий қурилишнинг, социал соҳанинг, сиёсий система барча бўғинлари фаолиятини активлаштириш ва аввало бошланғич ташкилотларнинг роли, жанговарлигини оширишнинг кўпгина энг муҳим проблемаларини ҳал этишга муваффақ бўла олмадик. Бизда жадаллаштириш ва қайта қуриш иши ҳали ҳам секинлик билан, суст олиб борилмоқда, бизнинг кўп органларимиз ва кадрларимиз эскириб қолган методлар билан иш кўрмоқдалар.

Биз ишчанлик, конкретлилик тўғрисида, мажлисбозликка, қоғозбозликка ва бошқа расмийчилик кўринишларига барҳам бериш зарурлиги ҳақида кўп гапирамиз. Бироқ ана шундай расмийчилик кўринишларидан ҳали қатъиян халос бўлаётганимиз йўқ. Ҳали ҳам кўпдан-кўп ҳужжатлар ва ҳар хил қарорлар қабул қилинмоқда.

Ижронини таъкид этиш ва контрол қилишда жиддий камчиликларга йўл қўйилмоқда. Марказий Комитет бўлимлари ва аввало умумий бўлим (ўрток Қ. Т. Тоиров) партия директиваларини ва ўз қарорларини рўёбга чиқаришда ҳали тегишлича тартибни таъминлаётганлари йўқ. Ҳали ҳам кўпгина қарорлар ахборотларга қараб, жойларда ишларнинг аҳволи амалда текшириб қўрилмай «ёпиб» қўйилмоқда. Бир қанча партия ташкилотларида сўз билан иш ўртасида узилишга йўл қўйилмоқда. Қашқадарё, Қорақалпоғистон, Сирдарё, Хоразм область партия комитетларида юқори органларнинг қарорлари бошланғич ташкилотларга ва бевосита ижрочиларга ўз вақтида етказилмаётган, тадбирлар нима қилиш, қайси муддатларда бажариш кераклиги ва бунинг учун қим

жавобгар эканлиги конкрет равишда кўрсатилмай, юзаки ишлаб чиқиладиган фактлар аниқланди.

Бошланғич партия ташкилотларининг фаоллик ва жанговарлик даражаси Марказий Комитет Бюросида катта ташвиш уйғотмоқда. Биз улардан кўпчилигининг ишини шу пайтгача жонлантира олмадик, ҳамма жойда камчиликларга нисбатан тоқат қилмаслик, ношуд хўжалик раҳбарларига нисбатан юксак талабчанлик вазиятини вужудга келтира билмадик. Бу иш соҳаси Ўзбекистон Компартияси Марказий Комитетининг иккинчи секретари ўрток В. П. Анишчевга топширилган. Лекин тўғриси айтсак, у ҳозирча ҳам шахсан ўзининг, ҳам Марказий Комитет бўлимларининг фаолиятини бошланғич партия ташкилотлари билан алоқаларни кучайтиришга қарата олгани йўқ. Бу ўринда шу ишларнинг ҳаммасини бошқариб бориш жуда муҳимдир. 1987 йил КПСС Марказий Комитети январь Пленумининг қарорлари талаб этаётганидек бошланғич партия ташкилотларининг ролини оширишда бурилиш босқичи бўлиб қолиши керак.

Шуни эътироф этиш зарурки, Марказий Комитет, Олий Совет Президиуми, Министрлар Совети аппаратининг, республика бошқа ташкилотларининг ишида кабинетда туриб, қоғозбозлик билан ишлаш услуби ҳамон устунлик қилмоқда. Баъзи ходимларнинг командировкага бориши ҳамон гастролга ўхшаб кетмоқда. Кўпгина текширувчилар юзада кўриниб турган камчиликларни қайд этиб, ана шу камчиликларнинг сабабларини чуқур ўрганиш, уларни бартараф этишни ташкил қилиш иштиёқини намоён этмаяптилар.

Хар хил комиссиялар ва текширишларни ташкил этишни ҳам узил-кесил тартибга солишга муваффақ бўлинмади. Ўтган йили Давлат агросаноат комитетининг ўзидангина Бухоро областида салкам 200 киши, Қашқадарё областида 250 дан зиёд киши, жами 1200 киши-кундан зиёд вақт бўлдилар. Шу билан бирга ишлар яхшилангани йўқ, областлар пахта ва бошқа қишлоқ хўжалик маҳсулотлари топшириш планларини уддалай олмадилар.

Бир қанча министрликлар ва идораларда, айниқса уй-жой-коммунал хўжалиги (ўрток В. К. Михайлов), мелиорация ва сув хўжалиги (ўрток Қ. Сапаев), «Главсредазирсовхозстрой»да (ўрток Э. Турсунов) кўплаб кишилар қатнашадиган ва бир неча кунлаб давом этадиган кенгашлар ҳамон ўтказиб турилибди, айрим ҳолларда ҳисоботларни тузиш учун жойлардан юзлаб кишилар салкам бир ойлик муддатга чақиртирилиб турибди.

Бундай ҳоллар қачонгача давом этади? Республика хўжалик органлари ва контрол қилувчи органларида бюрократлар ва тўралар, масалаларни кўтариб чиқишда ва бирон бир уюшмадаги камчиликлар тўғрисида Марказий Комитет билан республика Министрлар Советига хатлар ёзишда устаси фаранглар кўпайиб кетди. Бундай шахслар қайта қуришга мослашиб «фаоллик» кўрсатаётгандек бўладилар, сигнал бериб турадилар. Ваҳоланки, тартиб-қонда бузилишининг олдини олиш, жойларда ишларни тузатишга ёрдам бериш уларнинг бевосита бурчидир. Биз яқин вақт ичида ана шу масалаларни Марказий Комитет Бюросида махсус кўриб чиқамиз.

Республика Халқ контроли комитети бу соҳани ҳозирча суст мувофиқлаштирмоқда, зотан биз Бюро аъзолигига кандидат ўрток В. А. Хайдуrowдан салбий ҳодисаларнинг оқибатларини батамом тугатишда халқ контролерларининг амалий иштирок этишларидан иборат топширилган бурчига зўр эътибор билан муносабатда бўлишни талаб қилишга ҳақлимиз.

Ўртоқлар! Кадрлар масаласи партиявий раҳбарликда доимо энг муҳим масалалардан бири деб келинган. Гарчи бу соҳадаги ишларнинг ахvoli кейинги вақтларда бир оз барқарорлашган бўлса-да, 1986 йилда раҳбар ходимлардан салкам 750 киши, шу жумладан 8 обком секретари, шаҳар, район партия комитетларининг 100 секретари, шаҳар ва район ижроия комитетларининг 40 раиси, министрликлар ва идораларнинг 18 раҳбари алмаштирилди.

Ходимларни ўрганиш ҳамда танлашдаги янглишиш ва хатолар кўплаб кадрларни алмаштиришга сабаб бўлди. Чунончи, Б. Нуруллаев 1985 йил декабридан 1986 йил августига қадаргина Навоий область ижроия комитети раисининг биринчи ўринбосари, агросаноат бирлашмасининг раиси бўлиб

ишлади, холос. И. Н. Бахромов Пешку район партия комитетининг биринчи секретари лавозимида ундан бир ой кўпроқ турди. Т. К. Раҳматуллаев Янгиобод шаҳар партия комитетининг иккинчи секретари бўлиб атиги уч ой ишлади. Уларнинг ҳаммаси салбий сабабларга кўра ишдан олинди.

Афсуски, бундай мисолларни давом эттириш мумкин бўлур эди. Бинобарин, буларнинг ҳаммаси учун айб биринчи навбатда Марказий Комитет Ташкилий-партиявий ишлар бўлимига, шахсан Марказий Комитет Бюросининг аъзоси ўртоқ П. В. Догонкиннинг зиммасига тушади. Унинг ўзи талабчанлик, объективлик, ходимларнинг сиёсий, ишчанлик ва ахлоқий-маънавий фазилатларини чуқур ўрганиш намунасини кўрсатиши ва бошқалардан ҳам шунини талаб қилиши лозим.

Бугун номзодларни очик партия йиғилишларида олдиндан муҳокама қилиш зарурлигини таъкидлаб ўтмоқчиман. Раҳбар ходимларнинг ўз бошланғич ташкилотлари ҳузурида, шунингдек партия комитетларининг пленумлари ва бюрolariда ҳисобот бериб туришлари, барча даражалардаги раҳбарларнинг сайлаб қўйилиши ва уларни танлашда конкурс системаси керак. Бу йўлда дастлабки қадамлар қўйилди ва демократик асосларни бутун чоралар билан ривожлантириб, мустаҳкамлаш зарур.

Хуллас, ўртоқлар, биз ўтмиш инерцияси ва қаршилигини тезроқ бартараф этиб, етилган проблемаларни ҳал қилишнинг янги йўлларини излаб топишимиз керак. Шу муносабат билан Марказий Комитетнинг биринчи секретари сифатида шахсан жавобгар эканлигимни таъкидлаб ўтишни зарур деб ҳисоблайман. Баъзида Марказий Комитет Бюросининг аъзоларига, секретарларига нисбатан тегишлича талабчанлик қилмаётганлигимни, масалаларнинг тубдан ҳал этилишига ҳамиша ҳам эришмаётганимни дилдан ҳис этиб турибман. Бугунги муҳокама шахсан менга ҳам кўп нарсани айтиб, партия йўл-йўриқларига мувофиқ дадилроқ ва активроқ ҳаракат қилишга ёрдам беради деб умид қиламан.

Марказий Комитет Бюроси ўтган йилги иш якунларини анализ қилиб, январь ойида йўл қўйилган баъзи пасайиш сабабларини ўрганиб, ўзи учун тегишли ҳулосаларни чиқариб олди. Биз энг мураккаб ва қолоқ участкаларни Бюро аъзоларининг алоҳида контроли остига олиш, ҳар биримизнинг куч-ғайратимизни конкрет йўналишларга қаратиш тўғрисида келишиб олдик. Менга ва В. А. Антоновга пахтачилик ҳамда Озик-овқат программасини бажариш масалалари билан, В. П. Анишчевга — савдо ва маиший хизмат, А. С. Икромовга — халқ истеъмоли моллари, В. Н. Лобкога қишлоқда социал-маданий ва маиший турмуш, уни қайта қуриш масалалари билан яна ҳам амалий равишда шуғулланиш топширилди. Р. Н. Нишонов бригада пудрати ва оилавий пудратни жорий этиш, меҳнат коллективларини ўзини-ўзи маблағ билан таъминлаш ва ўз харажатларини ўзи қоплашга ўтказиш, атроф-муҳитни муҳофаза қилиш каби долзарб проблемаларга зўр эътибор бериши лозим бўлади. Ғ. Х. Қодиров республика ҳукумати аппаратининг, Госпланнинг, тармоқлар штабларининг ишини қайта қуриш, улар иктисодий таъсир воситаларини эгаллаб олишлари билан бевосита шуғулланиши лозим. Министрлар Совети Раиси ўринбосарларининг иши ҳам жиддий ўзгартирилиши зарур. Бу ҳақда гапиришимнинг боиси бор. Халқ хўжалигини бошқариш аппаратининг фаолиятида ҳали ҳам маъмуриятчилик қилиб, тазйик ўтказиш методлари кўп, экономика ва маданий қурилишнинг катта соҳаларига мутасаддилик қилаётган раис ўринбосарлари эса ҳали ҳам етарли даражада ташаббус кўрсатмай, асосан айрим топшириқлар бўйича иш кўриб, ҳатто уларни ҳам ҳамиша охирига етказмаётганлари йўқ. Бунга шунини илова қилиш керакки, биз Бюронинг кейинги мажлисида ўтган йили энг кўп қолоқликка йўл қўйган шаҳарлар, районлар, корхоналар ва хўжаликларнинг раҳбарлари билан ўтказган суҳбатларнинг натижаларини умумлаштириб, ҳар биримиз ана шу участкалардаги аҳволни тузатиш соҳасидаги ишни шахсан назорат остига олишимиз тўғрисида аҳдлашиб олган эдик.

Кўриб турибсизларки, ўртоқлар, Марказий Комитет Бюроси ўз ишига ўз ўзини танқид руҳида ёндашмоқда. Биз беш йилликнинг биринчи йилида нималар қилинганлиги ҳақида сизларга маълум қилдик, нималарни қўлдан бой

берганлигимиз, чала қолган ишларимиз, нималарни ҳал этмай қолганлигимиз ҳақида рўй-рост айтдик. Биз Марказий Комитет аъзоларидан ҳеч нарсани яширмаймиз ва мазкур пленумдан жиддий, амалий, ошқора гаплашиб олинисини кутамиз. Докладда барча масалалар ва соҳаларни қамраб олишга муваффақ бўлинмади, албатта, бироқ у Марказий Комитетнинг барча аъзоларини биргаликдаги ишимизни қайта қуриш ва яхшилаш борасида фикр юритишга, танқидий анализ қилишга, конкрет таклифлар киритишга ундайди, деб умид қиламиз. Сўзга чиқадиган кишилар бошланган муҳокамани тўлдириб, уни республика миқёсида ҳам, жойларда ҳам тўпланган баъзи тажриба билан бойитадилар, камчиликларнинг сабабларини чуқурроқ очиб, уларни бартараф этиш йўлларини кўрсатиб берадилар, деб умид қиламиз.

Республикада ўткир, етилган проблемалар кўп. Зотан, Марказий Комитет барча аъзоларининг, жами партия, совет, хўжалик активларининг фаол иштирокисиз бу проблемаларни ҳал этиб бўлмайди. Бунда биз ҳаммамиз ўз ишимиздаги камчиликларни оклаш учун ўтмишдаги салбий ходисаларни камроқ рўқач қилишимиз, камроқ илтимослар қилиб, кўпроқ ички резервларга таянишимиз, коммунистларни, меҳнат коллективларини оёққа турғазисимиз, жойларнинг ўзидаги қучлар билан партия қарорларининг бажарилишини таъминлашимиз керак.

Марказий Комитет Бюроси, секретарлари, бўлимлари, область, шаҳар, район партия комитетлари КПСС Марказий Комитетининг январь Пленуми ҳужжатларидан чуқур ҳулосалар чиқариб олишлари шарт. Айтиб ўтилганидек, яқин вақт ичида навбатдаги пленум бўлади, унда республика партия ташкилотининг КПСС Марказий Комитети январь Пленуми қарорларидан келиб чиқадиган вазибаларини муҳокама этамиз. Биз шу пленумга тайёргарлик кўришда фаол қатнашишларини Марказий Комитетнинг барча аъзоларидан илтимос қиламиз.

Лекин ҳозирнинг ўзидаёқ хўжалик ва маданий қурилишнинг барча соҳаларидаги иш устидан катъий назорат ўрнатиш ҳамда шу соҳаларнинг аниқ-пухта, бир маромда ишлаши учун катъий талабчанлик қилиш ва республикани социал-иқтисодий ривожлантиришнинг белгиланган ўсишини ҳамда жадаллаштирилишини таъминлаш зарур.

Олдимизда давлат қабули, корхоналарни кўп сменали иш режимига ўтказиш, ўзини-ўзи маблағ билан таъминлашга ўтиш, кўкламга тайёргарлик кўриш каби ва бошқа кўпгина мураккаб масалалар турибди. Январь ойидаги иш натижалари бизни қаноатлантирмайди. Демак, астойдил енг шимариб зўр ғайрат билан ҳаракат қилиш, актив, дадил, ижодий, билимдонлик билан ҳаракат қилиш, одамларнинг меҳнат ғайрати ва ижтимоий фаоллигини, уларнинг ташаббускорлиги ва ижодий ғайрат-шижоатини кучайтириш зарур. Бизнинг асосий иш майдонимиз, асосий юмушларимиз айнан мана шунда бўлиши керак.

Бу йил ниҳоятда масъулиятли йил бўлади. Улуғ Октябрнинг 70 йиллиги шарафига ва умуман беш йилликка оширилган мажбуриятлар қабул қилинди. Республика биринчи марта шу қадар юксак ва кенг миқёсли марраларни белгилади. Марказий Комитет, унинг Бюроси аъзолари бўлган биз учун, барча кадрлар учун белгиланган режаларни бажариш жиддий сиёсий имтиҳон бўлади. Зотан шу имтиҳонни топиришда сира ҳам кўнгилчанлик қилинмайди ва кўнгилчанлик қилиниши мумкин эмас.

Республика коммунистлари, барча меҳнаткашлари КПСС XXVII съездининг қарорларини муваффақиятли бажариш учун ўзларининг бутун куч, билим ва ғайрат-шижоатларини сарфлайдилар, деб ишонч билдиришга ижозат этгайсиз.

ЎЗБЕКИСТОН КОМПАРТИЯСИ МК IV ПЛЕНУМИНИНГ ҚАРОРИ

ЎЗБЕКИСТОН КОМПАРТИЯСИ МАРКАЗИЙ КОМИТЕТИ БЮРОСИНИНГ КПСС XXVII СЪЕЗДИ ҚАРОРЛАРИНИ БАЖАРИШ СОҲАСИДАГИ ИШН ТЎҒРИСИДА ҲИСОБОТИ

1. Ўзбекистон Компартияси Марказий Комитети пленуми ушбу масала юзасидан Марказий Комитет Бюроси ҳисоботини эшитиб ва муҳокама қилиб, қайд этадики, КПСС XXVII съезидан кейинги биринчи йилда Бюронинг фаолияти съезд кўрсатмаларини бажариш соҳасида амалий тадбирларни ишлаб чиқиш ва амалга оширишга, партиявий раҳбарлик услуби ва методларини қайта қуришга, республика социал-иқтисодий тараққиётини жадаллаштиришга қаратилди. Бюро ишида коллегиялик, очиқчасига фикр алмашиш, ишларнинг аҳволини ишчанлик билан танқидий таҳлил қилиш вазияти қарор топмокда.

Планлилик, ташкилотчилик асослари кучайди, Марказий Комитет ишининг истиқболли ва жорий планларини ишлаб чиқишга ёндашиш ўзгарди. Пленумлар, Бюро ва секретариат муҳокамасига қўйилган масалалар экономикани ривожлантиришнинг, ташкилотчилик ва сиёсий ишни такомиллаштиришнинг бош, асосий вазифалари билан узвий боғлиқ бўлди. Иш тартибига катъийроқ роя қилинадиган бўлиб қолди, ҳужжатларнинг сифати, мазмуни ва сиёсий йўналиши яхшиланмокда. Уларни тайёрлашга сайлаб қўйиладиган партия активи, министрликлар ва идораларнинг мутахассислари, олимлар кенг жалб этилмокда.

Бюро ва секретариат ишида партиявий-ташкилий ва ғоявий-тарбиявий ишларни қайта қуриш масалалари муҳим ўрин эгаллади. Партия комитетлари, бошланғич партия ташкилотлари, ҳўжалик органлари фаолиятининг услуби, формалари ва методларини таҳлил қилиш ва баҳолашга талабчанлик ва танқидий ёндашиш даражаси ўсди. Кадрлар билан ишлашда ишга тавсия этиладиган кадрларнинг номзодларини олдиндан муҳокама этиш, уларга бериладиган характеристикаларни очиқ партия ййғилишларида тасдиқлаш, раҳбар коммунистларнинг ўз партия ташкилотлари олдида, шунингдек партия комитетларининг пленумлари ва бюрolariда ҳисоб бериши, бошқаришнинг ўрта бўғин раҳбарларини сайлаш каби демократик жиҳатлари ривожланмокда. Кадрлар ўқувига катта эътибор берилмокда.

Бюро меҳнаткашларнинг хатлари ва аризаларини, уларнинг оғзаки мурожаатларини ўз вақтида ва диққат билан кўриб чиқиш ишига принципиал аҳамият бериб келди. Хатларни текшириш натижалари бўйича қатор раҳбар ходимлар партиявий жавобгарликка тортилди ва эгаллаб турган лавозимларидан озод қилинди.

Қайта қуриш жараёнида жорий этилаётган ана шу ижобий жиҳатлар, янги шаклларнинг барчаси социал-иқтисодий вазифаларни ҳал этишга, партия, совет, ҳўжалик органлари фаолиятига ўз таъсирини кўрсатмокда.

2. Шу билан бирга пленум партия XXVII съезди, КПСС Марказий Комитети 1987 йил январь Пленуми талабларига мувофиқ партиявий раҳбарлик услуби ва методларини қайта қуриш етарли даражада актив амалга оширилмаётир деб ҳисоблайди. Марказий Комитет Бюроси ва секретариати ишидаги камчилик ва нуқсонлар бунга ўз таъсирини кўрсатди. Экономика ва социал соҳада, сиёсий

системанинг барча бўғинлари фаолиятини активлаштириш, энг аввало бошланғич партия ташкилотлари роли ва жанговарлигини оширишда съезддан кейин вужудга келган қулай имкониятлардан суи фойдаланилди. Масалаларга комплекс ёндашмаслик оқибатида, фан-техника тараққиётини жадаллаштириш, ер-сув ресурсларидан самарали фойдаланиш, меҳнатга яроқли аҳолини ишга жалб этишни кўпайтириш, социал-иқтисодий вазифаларни амалга оширишда инсон омилини активлаштиришнинг кўпгина проблемалари ҳал этилмаётир. Топширилган иш учун, давлат ва план интизомига қатъий риоя этишда кадрларнинг масъулиятлилиги ҳали ҳам етарли эмас. Улар ишидаги фаолиятсизлик, хотиржамликка берилиш ва бошқалар ҳисобига кун кўриш кайфияти суи бартараф этилмокда, эскириб қолган методлар, ўртача натижалар билан кифояланиш одатини тарк этиш кийин кўчмокда.

Марказий Комитет Бюроси ва секретариати беҳуда мажлисбозлик ва қоғозбозликдан, ишдаги бошқа расмиятичилик кўринишларидан тўла қутулишга муваффақ бўлгани йўқ. Қабул қилинаётган ҳужжатлар миқдори камаймади, жойлардан ҳали ҳам хилма-хил справка ва ахборотлар кўп талаб қилинмокда. Марказий Комитет аппарати, бошқа республика органлари ходимларининг командировкаларда бўлишлари устидан етарли назорат амалга оширилмаётир, баъзан командировкага борганлар ишларнинг аҳолини яхшилашга сезиларли таъсир кўрсатмадилар. Жойларда турли-туман комиссиялар ва текширишларни ташкил этиш охиригача тартибга солинмаган, республика министрликлари ва идораларидан борадиган текширувчилар сони юқорилигича қолаверди ва улар кўпгина кишиларни ишдан қолдирди. Айни вақтда иш услуби ва методларини қайта қуришда, камчиликлар ва турғунлик ҳолатларини бартараф этишда партия комитетлари ва ҳўжалик органларига конкрет амалий ёрдам кам кўрсатилди.

Партия директивалари ва Марказий Комитетнинг ўз қарорлари бажарилишини ташкил этиш ва уни назорат қилиш ҳамон қониқарсиз аҳволда. Ҳужжатларни ижро этишда муҳлатларнинг бузилиши қарийб учдан бирга кўпайди, қарорларнинг озгина қисмигина жойларда текширилиб, назоратдан чиқарилади.

Шунинг оқибатида бир қатор энг муҳим социал-иқтисодий проблемаларни ҳал этишда лозим даражада бурилишга, жиддий силжишларга эришилмади. «Ўзбекистон—2000» деб номланган илмий-техника тараққиёти комплекс программасини ишлаб чиқиш чўзилиб кетмокда, қатор министрликлар янги техника ва технологияни жорий этиш планларини барбод қилдилар. Махсулот сифатини ошириш масалалари ёмон ҳал этилди, давлат қабулининг жорий этилиши кўпгина «заиф» жойларни очиб ташлади. Корхоналарни икки-уч сменали иш режимига ўтказиш кампаниячиликка айланди, лозим даражада собитқадамлик кўрсатилмади.

Агросаноат комплекси ишини қайта қуриш бўйича кескин тадбирлар қўрилмаётир. Интенсив технологияларни, илғор тажрибани, бригада ва оилавий пудратни, ҳўжалик ҳисоби муносабатларини жорий этиш, суғоришнинг сувни тежайдиган методларини ўзлаштириш, йиғим-терим ишларини механизациялаш, сабзавот сақланадиган омборлар қурилиши ниҳоятда секинлик билан олиб борилмокда ва бу юмушлар зарур ташкилотчилик ва сиёсий ишлар билан мустаҳкамланмаётир.

Марказий Комитет Бюроси социал проблемаларни энг муҳим сиёсий иш сифатида ҳал этишга партия, совет, ҳўжалик раҳбарларининг муносабатини тубдан ўзгартиришга эриша олмади. Иш билан банд бўлмаган аҳолини ижтимоий ишлаб чиқаришга жалб этиш бўйича ўтказилган тадбир кам самарали бўлиб, масалани тубдан ҳал этишни таъминламаётир. Меҳнат ресурсларининг ўсиши ишга жойлаштирилганлар миқдоридан анча кўп эканлиги оқибатида бу масала ҳамон долзарб бўлиб турибди. Уй-жой ва социал-маданий-маиший объектлар қурилиши планлари бажарилмади. Мактабларни ислоҳ қилишни амалга ошириш қониқарсиз бормокда, медицина, савдо, аҳолига коммунал хизмати кўрсатиш, одамларнинг маданий дам олишини ташкил

этишдаги камчиликлар секин бартараф этилмоқда, физкультура ва спортни ривожлантиришда силжишлар йўқ.

Идеология ишида кишилар онги ва ахлоқига таъсир ўтказиш, ўтмиш саркитларини, диний хурофотларни бартараф этишнинг барча форма ва воситалари ишга солинмаган, гиёҳвандлик, ичкиликбозлик, меҳнатсиз даромадлар, жиноятчилик, ўғирликларга қарши курашда кескин чоралар кўриш ва хужумкорлик етишмаётир.

Марказий Комитет Бюроси, секретариати ва бўлимлари область, шаҳар ва районларнинг партия комитетлари билан биргаликда барча участкаларни сиёсий етук, ишни ўнглаб олишга қобилиятли раҳбарлар билан мустаҳкамлашга эришмадилар. Ишлашнинг янги методларини эгаллаб олишда, кенг демократизм ва ошкоралик вазиятида иш олиб боришда, ҳар бир бошланғич партия ташкилоти ва меҳнат коллективида принципааллик ва талабчанликни, камчиликларга нисбатан муросасизлик муҳитини, эришилган муваффақиятга танқидий баҳо беришни қарор топтиришда уларга кам ёрдам бердилар.

Ташкилотчилик ва сиёсий ишни такомиллаштиришда Марказий Комитет секретариати, бўлимлари сайлаб қўйиладиган активга, партия комитетлари, Советлар, касаба союзлари, комсомол, бошқа жамоат ташкилотларига кам таяндилар. Улар ўртасида хизмат вазифаларининг аниқ тақсимланишига эришилмади, уларнинг масъулияти ва мустақиллиги суст оширилди, параллелизм ва бир-бирини такрорлаш бартараф этилмаган.

3. Пленум Марказий Комитет Бюросига Ўзбекистон Компартияси Марказий Комитети аъзолари билдирган танқидий фикрлар ва таклифларни ҳисобга олиб, камчиликларни бартараф этиш бўйича конкрет тадбирларни амалга ошириш, экономикага, меҳнаткашларни коммунистик руҳда тарбиялашга раҳбарликни партия XXVII съезди ва КПСС Марказий Комитети 1987 йил январь Пленуми талаблари даражасида бўлишини таъминлаш учун ташкилотчилик, идеология ишларини қайта қуриш жараёнини тезлаштириш вазифасини юклайди.

Шу мақсадларда энг мураккаб ва қолоқ участкаларни Бюро аъзоларининг алоҳида назорати остига олиш, куч-ғайратни ишларнинг конкрет йўналишларига жамлаш зарур. Пахтачилик ва озик-овқат программасини амалга ошириш, савдо ва маиший хизматни ривожлантириш, халқ истеъмоли моллари ишлаб чиқаришни кўпайтириш ва сифатини яхшилаш, уй-жой ва социал-маданий-маиший объектлар қурилишини тезлаштириш, қишлоқларни қайта қуриш, бригада ва оилавий пудратни жорий қилиш, меҳнат коллективларини ўз-ўзини пул билан таъминлаш ва ўз-ўзини қоплашга ўтказиш, атроф-муҳитни муҳофаза қилишни яхшилаш, ҳукумат аппарати, Госплан, республика министрликлари ва идоралари ишини қайта қуриш, уларнинг таъсир ўтказишнинг иқтисодий омилларини эгаллаб олишлари каби масалалар билан яқиндан, пухта шуғулланиш керак. Марказий Комитетнинг съезд қарорларини бажариш бўйича перспектив плани бажарилиши учун талабчанликни ошириш зарур. Марказий Комитет секретариати ва бўлимлари ишида сифат ўзгаришларига эришиш, масъул ходимларда омилкорлик, ишга ижодий ёндашиш, фаолиятни ишни бевосита ташкил этишга, одамларнинг талаб ва эҳтиёжларига кескин буришга эришиш керак. Республика аҳолисининг барча қатламлари ўртасида олиб бориладиган ғоявий-тарбиявий ишда расмийлаштириш, кампаниячиликка барҳам бериш лозим.

4. Пленум Марказий Комитет Бюроси ва секретариатига, область, шаҳар ва район партия комитетларига партиянинг асосий потенциали, меҳнат коллективининг сиёсий ядроси сифатида бошланғич партия ташкилотларининг жанговарлигини ошириш, уларнинг таъсирини кучайтириш, обрўсини мустаҳкамлаш бўйича, ишлаб чиқариш ва ижтимоий ҳаётда ҳар бир коммунистнинг шахсий намуна кўрсатиши ва авангардлик ролини таъминлаш бўйича қўшимча тадбирлар системасини амалга оширишни топширади.

5. Барча йўналишлар бўйича ишларни активлаштириш, партиянинг социал-иқтисодий тараққиётни жадаллаштиришга қаратилган йўлини собитқадамлик

билан амалга ошириш, планлар ва ўн иккинчи беш йилликка, Улуғ Октябрнинг 70 йиллигини муносиб кутиб олиш юзасидан қабул қилинган социалистик мажбуриятларни сўзсиз бажаришга эришиш Марказий Комитет Бюроси, секретариати ва бўлимларининг, область, шаҳар ва район партия комитетларининг, бошланғич партия ташкилотларининг, совет, хўжалик, касаба союз ва комсомол органларининг энг муҳим вазифасидир.

Ана шу мақсадларда социалистик демократияни кенгайтириш, интернационал муносабатларни, меҳнаткашларнинг ташаббуслари ва ижодкорлигини ривожлантириш, уларнинг коллектив меҳнат ва унинг пировард натижаларидан манфаатдорлигини ошириш имкониятларидан фойдаланиш зарур. Партия, давлат, хўжалик, жамоат ишининг ҳар бир бўғинига партия ва халққа садоқатли, қайта қуриш ва жадаллаштириш, жамиятимизда сифат ўзгаришлари қилиш зарурлигини чуқур идрок этадиган, фаолиятсизлик ва қолоқ тушунчаларни синдириб ташлашга, партия йўлини ижодий амалга оширишга қодир бўлган кишилар бошчилик қилишларига сабот-матонат билан эришиш лозим.

6. Пленум Ўзбекистон Компартияси Марказий Комитети аъзоларига бошланғич партия ташкилотлари ва меҳнат коллективларида КПСС XXVII съезди қарорларини бажариш соҳасида Марказий Комитет иши тўғрисида ахборот берадиган докладлар билан чиқишни тавсия этади.

ДЕМОКРАТИЗМ— ҚАЙТА ҚУРИШ МОҲИЯТИ

КПСС МК январь (1987 йил) Пленумида агар бизнинг демократик муассасаларимиз ҳар бир меҳнат коллективидagi ишларининг аҳолига актив ва реал таъсир кўрсата билсагина халқнинг ташаббуси ва ижодкорлигини чинакамга юксалтира оламиз, деб таъкидланди. Шунинг учун улар ишга ҳақиқий ўз-ўзини бошқариш асосларини изчиллик билан жорий этиш, ишлаб чиқаришда демократияни ривожлантириш фолт муҳим аҳамиятга эгадир. Партия, жамоат ташкилотлари, хўжаликни бошқариш органларининг роли янгичасига кидрок қилиниши лозим.

Ҳаётимизни демократлаштиришнинг энг муҳим йўналишлари январь Пленуми материалларида ўз аксини топди, бугун олимлар ва амалиётчилар ана шу йўналишлар тўғрисида мулоҳаза юритмоқдалар, ўз таклифларини ўртага ташламоқдалар, мавжуд тажрибани ўртоқлашмоқдалар.

ОБЪЕКТИВ ЗАРУРАТ

ЖАМИЯТИМИЗ эндиликда сифат жиҳатдан янги, бениҳоя мураккаб ва кўламдор вазифаларни ҳал этмоқда. Уларни муваффақиятли амалга оширишда партиянинг кадрлар сиёсати асосий воситалардан бири бўлмоқда. КПСС сиёсий етук, билимдон, ишчан, юксак ахлоқли одамларни танлаб, раҳбар партия, совет, хўжалик ишга кўтарар экан, улар орқали белгиланган режаларни, ишлаб чиқилган йўлни рўёбга чиқармоқда.

Хозир, мамлакатимиз тараққиётининг бурилиш пайтида қайта қуриш мақсадларида, жадаллаштириш стратегиясига мувофиқ келадиган, изчиллиги, принципиаллиги, самарадорлиги билан ажралиб турадиган кадрлар сиёсати керак. КПСС Марказий Комитетининг 1987 йил январь Пленуми бу борада дадил кадам ташлади. Унинг асосий хулосаларидан бири шуки, ўтмишдан сабоқ чиқариб олинishi, йўл қўйилган хатолар такрорланмаслиги лозим. Бунинг учун бир қатор тадбирларни амалга ошириш мўлжалланмоқда. Партия комитетлари етилган кадрлар масалаларини ўз вақтида ҳал этишлари, раҳбарликда давомийлики, янги кучлар келиб қўшилишини таъминлашлари, раҳбарлар составининг сунъий баркарорлигига йўл қўймасликлари, кадрларни танлаш ва тарбиялашда изчил ва принципиал равишда уларнинг сиёсий ва назарий тайёргарлигини, фовий-ахлоқий чиниққанлигини ҳисобга олишлари, топширилган иш учун масъулиятни оширишлари, интизомни мустаҳкамлашлари, кадрларга оид ишларда демократик негизларни ривожлантиришлари лозим.

Ленинча принципларга асосланган хозирги кадрлар сиёсатининг хусусияти шундаки, унга комплекслилик, демократик йўналтирилганлик хосдир. Бунинг боиси, биринчидан, ходимларнинг сиёсий, ишчан-

лик, ахлоқий хислатларини ўрганиш, уларнинг топширилган иш учун, КПСС сиёсатини рўёбга чиқариш учун масъулиятини ошириш, иккинчидан, партиявий оммани, барча меҳнаткашларни активлаштириш зарурлигидадир. Коммунистларнинг бемалол хоҳиш билдиришларини кўзлаб, бошланғич партия ташкилотлари ва партия комитетларининг секретарларини, шу жумладан, биринчи секретарларини ҳам сайлаш практикасига ўзгартишлар киритиш мақсадга мувофиқлиги тўғрисида КПСС МК январь Пленуми қўйган масала катта аҳамиятга эгадир.

Партия ишлаб чиқаришни интенсивлаш вазифаларини ҳал этиш учун инсон омилни активлаштиришга ҳаракат қилаётган корхоналарни тўла хўжалик ҳисобига, ўз-ўзини маблағ билан таъминлашга ва ўз харажатларини ўзи қоплашига ўтказишни амалга ошираётган шароитда Марказий Комитет Пленуми, назаримизда, корхоналар, ишлаб чиқаришлар, цехлар, бўлимлар, участкалар, фермалар, бригадалар, звенолар раҳбарлари сайланадиган бўлишини жорий этиш тўғрисидаги масалани жуда ҳам ўз вақтида ўртага қўйди. Аслида бу В. И. Лениннинг «омма ўзинга раҳбарлар танлаб олиш ҳуқуқига эга бўлмоғи керак. Уларни ўзгартишга, улар фаолиятидаги ҳар бир кадамни билиб-текшириб туришга омма ҳақли бўлмоғи лозим», деган кўрсатмаси (Тўла асарлар тўплами, 36-том, 178-бет) тўла амалга ошувини англатади.

Лекин бу тадбирни амалга ошириш бир қарашдангина осон кўринади. Бунинг учун, бизнинг назаримизда, бу ишга умуман бутун коллектив ҳам, унда иш кўраётган жамоат ташкилотлари ҳам муайян тайёрланган бўлиши талаб қилинади. Хўжалик раҳбарларини сайлашда субъектив ёндашувга, ўткинчи кайфиятга, айрим кишиларнинг юқори лавозимга ўз одамиани «ўтказиб қў-

йиши»га йўл қўймаслик зарурати, номзодларга объектив баҳо берилишини таъминлаш кераклиги партия комитетларидан, бошланғич партия ва жамоат ташкилотларидан меҳнаткашлар орасида тегишлича тушунтириш ишлари олиб боришни талаб қилади.

КПСС Марказий Комитети январь Пленумининг қарорлари муносабати билан республикаимиз шароитида кадрлар билан ишлашнинг хусусиятлари тўғрисида баъзи мулоҳазаларни айтмоқчимиз. Маълумки, кейинги икки йил ичида бизда бу ишда каттагина ўзгаришлар юз берди. Раҳбар партия, совет, ҳўжалик ишига кўплаб янги, партия идеалларига содиқ, виждонли, назарий тайёргарлиги бўлган кишилар келди. Лекин ана шу катта оёнолж янгилаш оқибатида раҳбарликнинг давомийлиги принципи бирмунча бузилди. Раҳбарлик, В. И. Ленин сўзлари билан айтганда, доимо «ишдан тўла хабардор ва ишнинг муваффақиятли қилишини таъминлайдиган ходимларнинггина қўлида» қолмоғи лозим (ТАТ, 41-том, 328-бет). Ҳозир эса ахвол шундайки, кўплаб янги ходимларда ҳозирча раҳбарлик, бошқарувчилик фаолияти кўникмалари етишмаяпти, бунинг эса ишларга нуқси урмай қолмайди. КПСС МК январь Пленуми қайта қуриш ходимлардан билимдонлик ва юксак профессионализм талаб қилади, деб қайд этганлиги тасодифий эмас. Ҳозирги кунда замонавий ва ҳар томонлама тайёргарлик, чуқур билимлар бўлмаса иш юришмайди. Ишнинг моҳиятини тушуниб олишни, профессионал малакалиликни китобий билимлар асосидагина таъминлаб бўлмайди. Бунинг учун амалий фаолият, йиллар мобайнида орттириладиган тажриба ҳам талаб қилинади. Холбуки, жадаллаштириш вазифалари тараддудланганимизга ҳуқуқ бермайди, вақтни чеклайди. Партия юзага келган вазиятда бирдан бир тўғри йўлни кўрсатиб берди. Бу йўл — раҳбар ходимлар малакасини оширишнинг доимий системасини яратиш, уларни жиддий асосларсиз тез-тез ўзгартираверишга йўл қўймаслик, кадрларнинг ленинча иш услубини, раҳбарликнинг иқтисодий методларини ўзлаштиришларига қаратилган конкрет тадбирларни амалга оширишдир.

Бу борада шу жумладан Ўзбекистонда ҳам муайян қадамлар қўйилмоқда. Мунтазам равишда семинарлар, илмий-амалий конференциялар ташкил этилмоқда, Тошкент олий партия мактаби негизида партия комитетлари секретарлари, масъул ходимлари, совет, идеология муассасалари раҳбарларининг киска муддатли ўқишлари уюштирилмоқда, КПСС МКда ва бошқа республикаларнинг партия ташкилотларида стажировкалари ўтказилмоқда. Раҳбарларни амалий иш жараёнида ўқитиш,

партия, давлат, ҳўжалик фаолияти соҳасидаги қимматли тажрибани, унинг форма ва методларини умумлаштириш ва пропаганда қилиш ҳам муҳим роль ўйнайди.

КПСС МК январь Пленумининг қарорида партия органларига хос бўлмаган бошқарувчилик функцияларидан, бошқалар ўрнига масалаларни ҳал этишга, совет, ҳўжалик ва жамоат ташкилотлари ўрнида ишлашга интилишдан қатъиян воз кечиш керак деб таъкидланган. КПСС партия комитетлари сиёсий раҳбарликни амалга оширишларига, ўзларига хос фаолият услулари билан иш қўришларига эришиб бормоқда, жамиятни ривожлантиришнинг сиёсий йўлини ишлаб чиқиш, давлат ва жамоат органлари КПСС сиёсатини амалга оширишларини назорат қилиш ва текшириб бориш, кадрларни танлаш, жой-жойига қўйиш ва тарбиялаш, бошланғич партия ташкилотларининг жанговарлик қобилиятини, коммунистларнинг авангардлик ролини ошириш, меҳнаткашларни сўз, иш, шахсий намуна билан ишонтириш, тарбиялаш ушбу методларнинг энг муҳимларидир.

Айтилганларга биноан партиявий раҳбарларнинггина эмас, балки шунингдек совет, ҳўжалик раҳбарларининг ҳам сифат составини яхшилаш муҳимдир. Шу нуқтани назардан қараганда, баъзан вазифаларидан бўшатиш партия ходимлари ўз хусусиятларига қўра замонавий талабларга жавоб беролмасалар-да, раҳбар совет, ҳўжалик, қасаба союз лавозимларига юборилишини тўғри деб бўладими? Партия, совет, ҳўжалик, жамоат ташкилотлари функциялари аниқ белгиланган бўлишига қаратилган партия йўлини амалга ошириш уларнинг ҳаммаси етук, тайёргарлик қўрган ва истикболли ходимлар билан мустақамланишини талаб қилади.

КПСС МК январь Пленуми барча сайланадиган ва тайинланадиган лавозимли шахсларнинг меҳнат коллективлари ва аҳоли олдида мунтазам ҳисобот бериб туришлари принципига доимо риоя қилинишини талаб қилди. Ҳозирги кунда бундай ҳисоботлар расм бўлмоқда. Раҳбар коммунистлар партия йиғилишларида, пленумларда, партия комитетларининг бюро мажлисларида ана шундай ҳисобот бермоқдалар. Тўғри, бундай ҳисоботлар баъзида мазкур раҳбар ишни яхшилаш учун конкрет ниямлар қилганлиги ҳақида эмас, балки коллектив қандай ишларни бажарганлиги тўғрисида ҳеч қандай вазифа юкламайдиган ахборот шаклида бўлмоқда. Бу масалада равшанлик керак. Бу борада ишни ҳисоботлар тинглашнинг муайян методикасини ишлаб чиқишдан бошлаш маъқул қўринади.

Ш. ЗИЁМОВ,
тарих фанлари доктори.

КАДРЛАР ИШИДА САЙЛОВ АСОСЛАРИНИ ҚЎЛЛАБ-ҚУВВАТЛАЙЛИК

КПСС МК январь (1987 йил) Пленуми демократизм — бу шунчаки шиор эмас, балки қайта қуришнинг моҳияти, деб таъкидлади. Демак, амалий қадамлар, конкрет чора-тадбирлар зарур. Хўжалик юритишнинг янги методларига ўтиш, хўжалик ҳисоби, ўзини-ўзи пул билан таъминлаш ва ўз харажатларини ўзи коплаш, давлат кабулининг жорий этилиши меҳнаткашлар коллективига ким бош бўлиши тўғрисидаги масалани ҳам янгича тарзда қўймоқда. Эндликда жуда кўп нарсаси — корхона даромадлари ҳам, меҳнат коллективи аъзоларини рағбатлантиришнинг ҳамма шакллари, социал эҳтиёжларни кондиритиш қўламлари ҳам — ишнинг пировард натижаларига, ишлаб чиқарилган маҳсулот ва килинган хизмат миқдори ҳамда сифатига боғлиқ бўлади. Шу сабабли январь Пленуми корхоналар, ишлаб чиқаришлар, цехлар, бўлимлар, участкалар, ферма ва звеноларнинг раҳбарлари, бригадирлар ва мастерларни сайлаш тўғрисидаги масалани алоҳида қўйди. Модомики, коллектив фаровонлиги раҳбарлар қобилиятига боғлиқ экан, меҳнаткашлар шу раҳбарлар сайлалишига таъсир этиш, улар фаолиятини назорат қилиб туришнинг реал имкониятига ҳам эга бўлишлари керак.

Ҳаётимизнинг ўсиб бораётган динамикаси айрим раҳбарларнинг ўз ишини танқидий баҳолашга, иш услуби, форма ва методларини қайта идрок қилишга ноқобиллигини, баъзан эса хоҳмаслигини практика кўрсатиб турибди. Мана, типик мисоллардан бири. «Ташпромстрой» трести 63-қурилиш-монтаж бошқармасининг комплекс бригадаси Р. Х. Сарваров бошчилик қиларди. У дастлабки кунларданок ишнинг кўзини биладиган, меҳнатсевар ходим, яхши тарбиячи эканлигини кўрсатди. Самарали меҳнати ва ижтимоий ҳаётдаги актив иштироки учун Халқлар Дўстлиги ордени билан мукофотлашга тавсия қилинди. Бирок бригадада нуқсонларга қарши курашишнинг ишончли қуроли бўлган танкид ўтмаслашиб қолган эди. Натижада Р. Х. Сарваров коллектив аъзолари билан суҳбатлашганда кўполлик қиладиган, кеккайдиган, ўзини тенги йўқ ходим деб биладиган, ўзига берилган ҳуқуқларни сунистеъмол қиладиган бўлиб қолди. Ўртоқларининг танбехлари ёрдам бермай қўйди. Юқори малакали мутахассислар бригадани секин-аста кета бошлашди. Ана шунда «Бригадирни сайлаш» деган кун тартибда мажлис ўтказишга қарор қилишди.

11-«Высотстрой» трестига қарашли 75-қу-

рилиш бошқармасининг комплекс бригадаси аъзолари ҳам ўз бригадирни В. М. Сотниковдан воз кечдилар ҳамда ўзларини ана шу бошқармадаги И. Р. Миниезов бригадаси билан бирлаштириб қўйишни илтимос қилишди.

КПСС МК январь Пленуми кадрлар масалаларини ҳал этиш — ниҳоятда мураккаб ва масъулиятли, қўйилаётган номзодларга принципаал, объектив ва ҳар томонлама баҳо беришни, демократиянинг кенг ривожлантирилишини, ишчилар йиғилиши ролининг оширилишини тақозо қиладиган иш эканлигини жиддий кўрсатиб ўтди. Иш шу тарзда қўйилсагина Тошкентдаги Ўзбекистон ССР ва Ўзбекистон Компартиясининг 50 йиллиги номли тикувчилик ишлаб чиқариш бирлашмаси цехларидан бирининг бошлиғи йўл қўйган қуйидаги каби хатти-ҳаракатга ўрин бўлмайди: у бутун коллективнинг қаршилигига қарамасдан ўз билганича Б. Юсуповани бригадир қилиб тайинлади. Орадан икки ой ҳам ўтмасдан Б. Юсупованинг бундан кейин бригадага бошчилик қилиши ёки қилмаслиги масаласи қўйилди.

Сўнгги вақтда раҳбарларни сайлаш, улар номзодларини очик муҳокама қилиш райониимизда кенг жорий этилмоқда. Масалан, яқинда Ўзагромежхозпроект институти коллективи янги директор сайловини ўтказди. Коллективнинг барча аъзолари, коммунистлар бу тадбирга катта масъулият билан ёндошдилар. Юқсак лавозимга номзодларга баҳо беришда ҳолислик, шунингдек танқидий рух ҳукм сурдики, уларга осон бўлмади. Коллектив бош инженер М. М. Дўсмаатовни ўзига раҳбар қилиб сайлар экан, ўртоқлари янги директорга ўзларининг бу номзодни қайта қакириб олиш ҳуқуқига ҳам эгаликларини эслатиб қўйишди.

КПСС XXVII съездининг энг муҳим кўрсатмаларидан бири — бевосита демократиядан самарали фойдаланиш йўлининг амалга оширилиши — КПСС МК январь Пленумининг давлат корхонаси (бирлашмаси) тўғрисидаги СССР Қонунининг лойиҳасини умумхалқ муҳокамасига қўйиш ҳақидаги қарориди ўзининг конкрет ифодасини топди. 11-«Высотстрой» трести коллективи ана шу ҳужжат қондаларига амал қилиб, шу йилнинг 11 февралда бошқарувчи сайловини ўтказди. Йиғилишдан олдин ташкилий тайёргарлик ишлари олиб борилди. Трест партия ва касаба союз комитетларининг бўлинмалар раҳбарлари иштирок этган қўшма мажлисида вакиллик нормаси белгиланиб, номзодларни кўр-

сатиш ва муҳокама қилиш муддатлари аниқланди. Бригадаларда, участкаларда, бошқармаларда меҳнат коллективлари йиғилишлари бўлиб ўтди. Вакиллар сайланди, бошқарувчи лавозимига номзодлар таклиф қилинди. Вакиллар йиғилиши 9 номзоднинг ҳар бирини синчиклаб муҳокама қилгач, факат уч номзодни ёпиқ овоз бериш рўйхатида қолдирди. Ҳамма хоҳловчилар ўз мулоҳазаларини айтишди. Аксарият кўпчилик овоз билан трест бошқарувчиси вазифасини бажарувчи А. П. Кочеров сайланди.

Мен трест партком секретари А. А. Юсуповга «А. П. Кочеровнинг лавозими сайлов натижасига таъсир ўтказмадимикин» деган савол билан мурожаат қилдим. «Менимча, йўқ. Ахир, номзодларни ҳамма жуда яхши биларди-да», — деб жавоб берди Абдулла Аъзамович. Шуни айтиш керакки, Главташкентстрой томонидан бу лавозимга 12-трест бош инженери Т. А. Зокиров тавсия қилинган эди. Менимча, бу ўринда хатога йўл қўйилди. Эҳтимол Т. А. Зокиров ном-

зодини у ишлайдиган меҳнат коллективида муҳокама қилиб, натижасини йиғилишимизга маълум қилишса яхши бўлармиди. Назаримда, ҳар бир номзод яшайдиган жойдаги кишиларнинг у тўғрисидаги фикр-мулоҳазаларини билиш ҳам ортикчалик қилмайди. Бу билан хато қилиш эҳтимолни камайтирамиз.

Бундай практика эндигина ҳаётга кириб келмоқда, айтишлик, апробация қилинмоқда, бинобарин, янглишишлар ҳам бўлиши мумкин. Лекин энг муҳими шундаки, корхоналар раҳбар кадрларини шакллантириш жараёнининг демократлаштирилишини кишилар яхши кутиб олишяпти, иш натижаларига ижобий таъсир этмоқда. Сайлов асосларининг ҳамма жойда оммалашиб кетиши учун партия органлари бундай ўзгаришларни барча чоралар билан қўллаб-қувватлашлари лозим.

А. СЕРГЕЕВ,

Ўзбекистон Компартияси Қиров район комитетининг секретари (Тошкент шаҳри).

САЙЛОВ СИСТЕМАСИНИ, СОВЕТЛАРНИНГ НАЗОРАТ ҚИЛИШ ФУНКЦИЯЛАРИНИ ТАКОМИЛЛАШТИРИШ

КПСС МҚ январь (1987 йил) Пленумида совет сайлов системасини такомиллаштириш ҳаётимизни демократлаштиришнинг принципиал йўналиши, деб таъкидланди. Бу система давлат ҳокимиятининг юқори ва маҳаллий органларида жамиятнинг ҳамма табақаларидан вакил бўлишини таъминлаши унинг ҳақиқий халқчил моҳиятга эгаллигини кўрсатади.

Лекин, деб уқтириб ўтилди январь Пленумида, барча сиёсий, иқтисодий, социал тартиботлар сингари сайлов системаси ҳам котиб қолмаслиги, қайта қуришдан, жамиятда ривожланиб бораётган янги жараёнлардан четда турмаслиги керак. Шу сабабли Пленумда совет сайлов системасини янада ривожлантириш зарурлиги тўғрисида чиқарилган ҳулоса ғоят муҳим сиёсий ва амалий аҳамиятга эгадир. Бунинг учун, бизнинг назаримизда, қуйидаги чора-тадбирларни амалга ошириш мақсадга мувофиқдир:

1. Бир сайлов округи бўйича камида икки кишини депутатликка номзод қилиб кўрсатиш. Бундай таклиф совет сайлов қонунига зид эмас. Масалан, СССР Олий Советига сайловлар тўғрисидаги Қонуннинг 53-моддасида айтилишича, сайловчи бюллетенни тўлдириш чоғида ўзи овоз бераётган номзод фамилиясини қолдириб, **бошқаларнинг фамилияларини ўчиради**. Шу тарика, гарчи

совет сайлов қонуни бир сайлов округи бўйича бир неча кишини депутатликка номзод қилиб кўрсатишни назарда тутса-да, амалда бир номзод кўрсатиладиган бўлиб қолган.

Қатор социалистик мамлакатларда бир сайлов округи бўйича бир неча кишини депутатликка номзод қилиб кўрсатиш тажрибаси мавжуд. Масалан, ГДРда, Венгрия, Польша, Хитойда депутатликка номзодлар сони мазкур сайлов округидан вакиллар органидаги ўринлар сонига нисбатан албатта кўп бўлиши керак.

Бир сайлов округи бўйича бир неча номзодларни кўрсатиш гражданлар активлигини кучайтиришга кўмаклашган бўлур эди. Бу тадбир номзодларнинг ишчанлик, сиёсий ва маънавий хислатларига кизиқишни оширган, барча бўғинлардаги Советларга ҳақиқатан энг муносиб кишиларнинг сайланишига ёрдамлашган бўлур эди. Бу Советлар депутатларининг масъулиятини оширишда ҳам ғоят бекиёс роль ўйнаган бўлур эди. Сайловда кўпчилик овоз олган киши ўзига билдирилган ишонччи оқлаш учун астойдил ҳаракат қилган бўлур эди.

2. Сайлов кампаниясида партия органларининг раҳбар ва етакчи роль ўйнаши мутлақо шубҳасиздир. Улар ишчилар синфи, қолхозчи деҳқонлар, халқ зиёлилари вакилликнинг сонини тартибга солиб ту-

ришади. Шундай қилиниши зарурийдир. Бирок амалда ортиқча марказлаштириш, депутатликка номзодлар кўрсатишда тадбирбозлик ҳам йўқ эмас. Масалан, партия органлари сут соғувчи, шу билан бирга партиясиз бўлган, 20 ёшдаги, турмушга чиқмаган, туб ерли миллатга мансуб кизни номзод қилиб кўрсатиш керак, деб кўрсатдилар. Фикримизча, бундай ҳаддан ташқари регламентга солиш лозим эмас.

3. Бизда кейинги ўн йилликлар ичида иттифок, иттифок-республика ва республика министрликлари ҳамда идоралари раҳбарларининг ССР Иттифоки Олий Советига ва иттифокдош ҳамда автоном республикаларнинг Олий Советларига, маҳаллий Советлар территорияларида жойлашган корхоналар, ташкилотлар ва муассасалар раҳбарларининг ана шу Советларга депутатлар қилиб сайланиши одат бўлиб қолди. Бундай практика ўзини оқламапти. Қолаверса, ҳатто Совет сессияларига бормайдиган депутат-раҳбарлар ҳам бор. КПСС МКнинг партия XXVII съездида Сиёсий докладида тўғри таъкидланганидек, афтидан бундай депутат-раҳбарлар депутат деган унвонни лавозимга қўшимча деб билишади. Аслида эса бу номни Советдаги, аҳоли, сайловчилар ўртасидаги жиддий, катта иш билан оқлаш зарур.

КПСС МК январь Пленуми бошқарув органлари, сайлаб қўйиладиган ва тайинланадиган барча мансабдор шахсларнинг мунтазам ҳисобот бериб туришларига катта аҳамият берди. М. С. Горбачев Пленумда қилган докладида шундай деди: «Олий ва маҳаллий Советларда сессиялар, доимий комиссиялар ва депутатлар ишининг демократик принципларини мустаҳкамлаш, мансабдор шахсларнинг Советлар олдидаги мунтазам ҳисоботи, депутатлар сўрови практикаси таъсирчанлигини бўшириш керак. Мана шундай ёндашув халқ ҳокимияти органларининг омма орасидаги обрў-эътиборини янада кўпроқ мустаҳкамлайди».

Маҳаллий Советлар ижрокомлари, уларнинг бўлимлари ва бошқармалари ўз Советлари олдида мунтазам ҳисобот бериб борадилар. СССР Министрлар Совети ва иттифокдош республикалар Министрлар Советларига келганда эса, узок муддат мобайнида тегишли Олий Советлар олдида улар фаолияти тўғрисидаги комплекс ҳисоботлар тинглангани йўқ.

Совет ҳокимиятининг дастлабки йилларидаги давлат қурилиши тажрибаси ҳукуматнинг сайлаб қўйиладиган органлар олдидаги ҳисоботларининг муҳимлиги ва демократиклигидан далолат беради. Масалан,

РСФСР, бошқа совет республикалари ҳукуматлари, ССР Иттифоки ташкил топганидан кейин эса — СССР ҳукумати ҳам ўз иши тўғрисида Советларнинг съездларида мунтазам ҳисобот бериб борадилар. Халқ Комиссарлари Совети Раиси бўлган В. И. Ленин граждандар урушига, чет эл ҳарбий интервенциясига, халқ ҳўжалигининг вайронгарчилигига қарамасдан БМИК сессияларида Совет ҳукуматининг фаолияти тўғрисида системали ҳисобот бериб турар эди. БМИК ва ХКС ҳар йили Советларнинг Бутун Россия съездларида ҳисобот бериб борар эди. Бу ҳисоботлар ҳар тарафлама ва чуқур муҳокама қилинар, факат шундан кейингина улар юзасидан резолюциялар қабул қилинади.

Иттифокдош республикаларда, шу жумладан Ўзбекистон ССРда ҳам ўша йилларда ҳукумат Советларнинг съездларида ва МИК сессияларида мунтазам ҳисобот бериб борарди. Масалан, Советларнинг иккинчи Бутунўзбек съездида ҳукумат ҳисоботи тингланди, унда Файзулла Хўжаев ҳисобот берди ва уни муҳокама қилишда съезднинг 24 делегати қатнашди. Советларнинг МИК сессияларида ва Советларнинг ҳар бир Бутунўзбек съездида, шунингдек халқ комиссарларининг уларнинг иши тўғрисидаги ҳисоботлари тингланарди. Бу ҳисоботлар юзасидан кенгайтирилган қарорлар тасдиқланар, уларда камчиликлар, уларни бартараф қилиш йўллари қайд қилинар, конкрет вазифалар белгиланар эди. Аслини олганда ҳукуматнинг, халқ комиссарликларининг улар фаолиятининг тегишли даврига мўлжалланган ҳаракат программаси қабул қилинар эди.

Сўнгги йилларда бу ленинча анъана бузилган эди. КПСС XXVII съезди партия ва давлат ҳаётининг ленинча нормаларини қайта тиклаш ва ривожлантиришга доир чора-тадбирларни ишлаб чиқди. Янги таҳрирдаги партия Программасида шундай дейилади: «КПСС СССР Олий Совети, республикаларнинг Олий Советлари...ўзларига ҳисоб бериб турувчи органларнинг ишини текширишларига доимо ёрдам беради».

Совет ҳокимиятининг дастлабки йилларидаги давлат қурилишининг қимматли ижобий тажрибасига асосланиб шундай қондани белгилаш мақсадга мувофиқ бўлур эдики, унга кўра ҳукумат ўзининг ваколат муддати мобайнида ССР Иттифоки ва иттифокдош республиканинг тегишли юқори ваколат органи олдида камида икки марта ҳисобот берсин.

А. МИХАЙЛОВ.
юридик фанлар доктори.

Партия коммунистларнинг авангардлик ролини ошириш борасидаги ўзининг улкан фаолиятини аввало бошланғич партия ташкилотлари орқали амалга оширади. Ҳозир, қайта қуриш даврида бундай фаолиятнинг қанчалик муҳимлиги ҳақида гапирмаса ҳам бўлади. Жадаллаштиришнинг ҳал қилувчи кучи бўлган миллион-миллион меҳнаткашларнинг активлиги, халқ ижодкорлигининг миқёси ва теранлиги кўп жиҳатдан партия ташкилотларининг қандай иш тутаётганлигига боғлиқ, деб таъкидланди КПСС МК 1986 йил июнь Пленумида. Шу босдан ҳам асосий бўғин бўлган бошланғич партия ташкилотлари билан астойдил шуғулланиш керак бўлади. Бу соҳада проблемалар кўп. Шунинг учун редакция журналхонларга: сизнинг назарингизда, бошланғич партия ташкилотлари фаолиятида диққат-эътиборга ва жиддий фикрлашиб олишга сазовор бўлган ҳамма нарса тўғрисида бизга ёзиб юборинг, деган илтимос билан мурожаат қилади.

ОДАМЛАРГА, ЖОНЛИ ИШГА ЭЪТИБОР БЕРАЙЛИК

А. АБДУРАХМОНОВ,

Тошкент «Технолог» илмий-ишлаб чиқариш бирлашмаси
партия комитетининг секретари

ФИКРИМИЗЧА, партиянинг бу чақириғи бугунги кунда бошланғич партия ташкилотларининг аксарият кўпчилигидаги муҳитни белгилаб турибди. Минглаб кишилардан ташкил топган бизнинг меҳнат коллективимизда ҳам, гарчи жадал ва дадил бўлмаса-да, эскирган тасаввурларни кескин ўзгартириш юз бермокда. Масалан, яқин-яқинларда планларни ва социалистик мажбуриятларни муттасил бажариб боришимиз кўпларнинг назарида хотиржамлик, беғамлик ва мамнунлик кайфияти учун асос бўлиб хизмат қилар эди. Ҳозир бундай бўлиши мумкин эмас. Хар бир киши ишларнинг умумий кўнгилдагидек аҳволи манзараси орқасида ишлаб чиқаришнинг кўплаб очилмаган резервлари, унинг потенциалидан етарлича самарали фойдаланмаслик ҳоллари яшириниб ётганини идрок қилади.

1986 йил апрелда КПСС XXVII съезди талаблари асосида фан-техника тараққиётини жадаллаштириш юзасидан «Технолог» илмий-ишлаб чиқариш бирлашмаси партия комитетининг иши тўғрисидаги масалани кўриб чиққан Ўзбекистон Компартияси МК Бюроси ҳам ана шуни кўрсатиб ўтди. Бизнинг бирлашмамиз республика кишлок хўжалик машинасозлигининг асосий вазифаларини ҳал этишда етакчи роль ўйнаши мумкин ва лозим. Бирок ишланмаларнинг ҳаммаси ҳам ўзининг техникавий даражасига кўра жаҳондаги ва мамлакатдаги энг яхши намуналарга мос эмас, тармок заводларини комплекс тарзда, бир маромда ривожлантириш, ишлаб чиқарилаётган маҳсулот сифатини ошириш, ишланмадан жорий этишгача бўлган йўлни қискартириш, меҳнат ва ишлаб чиқариш интизомини мустаҳкамлаш масалалари бугун ҳам илгаригидек кун тартибда турибди. Бирлашма коллективини интенсив иш методларига қайта йўналтириш етарлича жадал бормаяпти.

Ана шу камчиликларни бартараф этиш учун партокком ўз фаолиятини мунтазам анализ қилиб бориши, эришилган муваффақиятларни танқидий баҳолаши, янада оперативроқ, изчиллик ва собитқадамлик билан ҳаракат қилиши зарур. КПСС МК 1986 йил июнь Пленумида партиямиз Марказий Комитетининг Бош секретари М. С. Горбачев биз инсонни партиявий иш марказига қўйиш орқалигина XXVII съезд илгари сурган вазифаларни ҳал эта

оламиз, деб таъкидлади. Биз ана шу сўзларни ўзимизнинг кундалик ишларимизга нисбатан қўллар эканмиз, қайта қуришнинг асосий мазмуни айна шу йўл-йўриқларда жо бўлганлигини кўриб турибмиз. Қайси масалани олманг, у албатта кишилар орқали ҳал этилади. Бинобарин, бу ўринда партия ташкилотининг ташкилотчилик, сафарбарлик роли, идеологик, сиёсий иши биринчи ўринга чиқади.

Қишлоқ хўжалик машинасозлиги корхоналарида фан-техника тарикқиётини жадаллаштириш ўз-ўзидан бўлавермайди. Улар учун янги техника ва технологияни яратиш лозим. Бизнинг вазифамиз ҳам ана шундан иборат. Лекин бу вазифа партия-хўжалик активи йиғилишларида, партком мажлисларида, партия ва ишчилар йиғилишларида тез-тез батафсил муҳокама қилиб бориладими? Афсуски, биз одатда бу тўғрида умумий тарздагина гапиримиз. Ҳолбуки, бирлашмадаги ҳар бир коллектив фан-техника таракқиётини жадаллаштиришнинг конкрет ташкилий-сиёсий чора-тадбирлар билан мустаҳкамланган аниқ программасига эга бўлиши керак. Бир қатор бўлинмаларимизда бундай программаларни яратиш иши кечиктириб юборилди, вақт эса кутиб турмайди. Коммунист раҳбарларнинг Устав талабларини, хизмат вазифаларини бажаришлари тўғрисидаги ҳисоботлари ана шундай нуксонларни бартараф этишга қўмаклашиши керак, лекин бунинг учун эскича ёндашувлардан бутунлай воз кечиш лозим. Ҳозирча маъмурият фаолиятини контрол қилиш комиссиялари ҳам ўз бурчларини адо қилишмаяпти, лекин бу комиссиялар фан-техника таракқиётига, «Технолог» илмий-ишлаб чиқариш бирлашмасини ўн иккинчи беш йилликда иктисодий ва социал ривожлантиришга, махсулот сифатини тубдан яхшилашга доир комплекс программалар ва тадбирларни амалга ошириш ишини қатъий равишда илгари сура оладиган куч бўла олади ва бўлиши лозим.

Шуни айтиш керакки, бирлашма мутахассислари заводлар, бош институтларнинг ходимлари билан биргаликда Глазмашхлопководствонинг барча корхоналарини техник жиҳатдан қайта қурулантириш планлари устида анча меҳнат қилишди. Партия ташкилотининг вазифаси коммунистлар, барча меҳнаткашларнинг куч-ғайратларини ана шу тадбирларни бажаришга қаратишдан иборат. Бу тадбирларнинг амалга оширилиши қандай наф беради? Бу Глазмашхлопководство корхоналаридаги асосий ишлаб чиқаришда механизация даражасини 70 процентгача етказишга имконият яратади, натижада 2700 ишчи холи қилинади, икки мингга яқин иш ўрни қисқартирилади, 30 минг тоннадан зиёд металл тежалади. Бунинг учун ўзимизнинг ишлаб чиқаришимизни ҳам техника жиҳатдан қайта қурулантириш зарур. Бу тадбир ишловчилар сонини оширмасдан прогрессив асбоб-ускуналар ишлаб чиқаришни 1,5 баравар, шу жумладан автомат ва ярим автомат линияларини ишлаб чиқаришни 3,3 баравар кўпайтириш учун, станок модулларини, эңчил ишлаб чиқариш системаларини, робототехника комплексларини, ротор ва ротор-конвейер линияларини ва бошқа замонавий технологик асбоб-ускуналарни тайёрлашга ўтиш учун имконият яратади. Ҳозирнинг ўзида қайта созланаётган системалар ва робототехника комплекслари умумий ишлаб чиқариш ҳажмининг 47 процентини ташкил этади, 1990 йилда эса бу кўрсаткич 65 процентгача ошади. Меҳнатчилар сони бир хил бўлиб турган шароитда бундай ўсиш фақат ишланма билан машғул кишиларнинг меҳнат унумдорлигини ошириш, эскирган станокларни янгилари билан алмаштириш ва улардан самарали фойдаланиш ҳисобига таъминланади.

Шу кунгача асбоб-ускуналарнинг 60 проценти янгиланди, жумладан қўшимча равишда 25 та рақамли программа асосида бошқариладиган станок олинди, улардан икки сменада фойдаланиш режими таъминланди. Умуман кейинги пайтда ишимизнинг интенсивлиги анча ошди. Ҳаёт жадал, қатъий қайта қуришни талаб қилмоқда. Шу йил Ильич номли тажриба-механика заводи икки сменади иш режимида ўтказилади.

Партия ташкилоти фан-техника таракқиётини белгилаб берадиган меҳнатни ташкил қилиш ва унга ҳақ тўлашнинг прогрессив формаларини кенг жорий этиш каби йўналишда ҳам фаол иш олиб борди. Шунинг ҳисобига ишланмалар

муддати қискартирилди, ҳар бир сўмлик бажарилган иш ҳажмига иш ҳаки сарфи ўртача 10 процентга камайтирилди. Бирлашма партия ташкилоти ва маъмуриятининг ана шу куч-ғайратлари Ўзбекистон Компартияси МК Бюросининг 1986 йил июндаги мажлисида маъқулланди.

Планнинг кўп темалилигига йўл қўймаслик фан-техника тараққиёти вазифаларини ҳал этишда катта аҳамиятга эгадир. 1986 йилда бу кўрсаткич 1985 йилдагига нисбатан қарийб икки баравар кам бўлди.

Ҳозир қишлоқ хўжалик машиналарининг чидамлилигини ошириш ишлари комплекси бажарилмоқда. Шу билан бир қаторда бизнинг олдимизда яна бошқа вазифалар ҳам борки, улар ҳам мулоҳазали ёндашувни ва доимий диққат-эътиборни талаб қилади. Масалан, Ўзбекистон Компартияси МК Бюроси партия комитетига партия ташкилоти фаолиятини мутахассисларнинг ижодий ташаббускорлигини ривожлантиришга яхшироқ йўналтириш зарурлигини кўрсатди. Мутахассислар ҳали ҳам ихтирочилик ва рационализаторлик фаолиятида, шахсий ва коллектив тарздаги ижодий планлар юзасидан мусобақада суст қатнашадилар. Жорий этилган ишланмалар самарадорлиги паст. Еш, истикболли мутахассисларни кўтариш йўлини ўтказишда журъатсизлик қилинмоқда.

Қарор топган ёндашувларни, ўрганиб қолинган одатлар инерциясини қандай қилиб бартараф этиш мумкин? Кундалик фаолиятда биз кўпларнинг ўз иш ўрнидаги қайта қуришнинг моҳиятини англамаётганликларига тез-тез дуч келиб турамыз. Бугунги кунда энг муҳими ҳар бир киши ўзининг ишга муносабатини қайта қуришидан, янгича тафаккурни ишлаб чиқишидан иборатдир. Бу осонликча бўлмайди. Бутун бир коллектив фаолиятини қайта қуриш тўғрисида гап борадиган бўлса, бу қанчалик мураккаб эканлигини тасаввур қилиш мумкин. Бунда, шубҳасиз, ишнинг муваффақияти кўп жиҳатдан алоҳида ходим билан коллектив манфаатлари чамбарчас қўшилиб кетишига, ижрочиларда фан-техника тараққиётини жадаллаштириш учун шахсий масъулият ҳосил қилишга қанчалик эришилганлигига боғлиқ. Фақат ана шу ҳолдагина улар умумий ишга тўла-тўқис жалб қилинган бўладилар. Шу сабабли биз ҳар бир киши бошимиздан кечираётган вақтимизнинг кескинлигини тушунишига, ўзини жамиятда юз бераётган улкан ўзгаришларга дахлдор деб ҳисоблашига эришишга интиляпмиз.

Партия ва комсомол ўқуви, иктисодий таълим системасидаги машғулотлар — инсоннинг қалби ва ақл-идрокига йўл топиш, уни марксизм-ленинизм классикларининг бебаҳо ғоявий хазинасидан баҳраманд қилиш, унда юксак маънавий ва ишчанлик хислатларини тарбиялаш йўлларида биридир. Ҳамма гап бу машғулотларни қандай ташкил этишга боғлиқ. Уларнинг самарадорлигини ошириш усуллари устида ҳар доим изланиш давом этади, ҳозир эса бундай изланиш айниқса муайян мақсадни кўзлаб ва қатъият билан олиб борилмоқда. Биз ўқишнинг барча формаларига жонли, амалий йўналиш бахш этиш, назарий материални чуқурроқ, тушунарлироқ тақдим этиш, тингловчиларни ошқора суҳбатга чорлаш, жадаллаштириш ғояларини, ўн иккинчи беш йилликда бирлашмамиз олдида турган вазифаларни улар онгига етказишга интиляпмиз.

Бу, албатта, пропагандистлардан муайян тайёргарликни талаб этади. Биз ҳар йили қандай қилиб уларга яхшироқ ёрдам бериш, уларни кўпроқ ахборот материали билан таъминлаш, уларнинг методик маҳоратини ошириш устида бош қотирамыз. Ҳозирги ўқув йили бошланишидан олдин беш кунлик семинар ўтказилди, унда Главмашхлопководство раҳбарлари, «Ўзбексельмаш» ишлаб чиқариш бирлашмаси бош директори П. А. Юсупов ва бирлашмамиз бош директори Р. З. Хусанов, уларнинг ўринбосарлари, шунингдек партком секретари ва унинг ўринбосарлари, шаҳардаги бир қатор олий ўқув юртлари ижтимоий фанлар кафедраларининг ўқитувчилари пропагандистлар олдида сўзга чиқдилар. Семинарнинг асосий мақсади КПСС XXVII съезди талаблари асосида ҳал қилиниши лозим бўлган мамлакатни социал-иктисодий ривожлантириш проблемаларини пропагандистларнинг аниқ-равшан тасаввур қила олишларига ёрдамлашиш, машғулотлар раҳбарлари съезд ғояларини ҳар бир тингловчига яхшироқ етказа олиши учун уларни энг янги методика билан қурулантиришдан иборат эди.

Бирлашма бош директорининг илмий ишлар бўйича ўринбосари Михаил Александрович Базанов иқтисодий таълим системасида ўзи ўтказадиган машғулотларга ҳар доим катта масъулият ҳисси билан тайёрланади. У ҳар бир тингловчининг қизиқишлари, майлларини яхши билади, назарий ва конкрет материални пухта эгаллаган, мураккаб иқтисодий тушунча ва категорияларни бирлашма меҳнат коллективининг кундалик ҳаёти ва фаолиятдан олинган мисоллар асосида очиб беради. Тушунарли қилиб баён этиш, катта қўламли вазифаларни ҳал этишда ҳар бир кишининг ўз ўрнидаги иши бутун аҳамиятини кўрсата билиш маҳорати, тармоқдаги илғор тажриба, энг янги ютуқлар билан таништиришга интилиш — М. А. Базановнинг ана шу хислатлари тингловчиларда у ўтказадиган машғулотларга нисбатан катта қизиқиш уйғотади. Бизнинг кўплаб пропагандистларимиз шундай иш олиб боришади.

Ўқининг ёш коммунистлар мактаби каби формасини алоҳида ажратиб кўрсатмоқчимиз. Шунини айтиш керакки, янги ўқув йилига тайёргарлик жараёнида бу форманинг мақсадга мувофиқлиги масаласи узок муҳокама қилинди. Хилма-хил фикрлар айтилди, кўплар бундай мактабни тугатишни таклиф қилишди. Партком барча қаршилар ва тарафдорлар фикрини тарозига солиб кўриб, ўқининг бу формасини қолдиришга, лекин унга факат КПСС аъзоллигига кандидатларни жалб этишга қарор қилди. Практика бу қарорнинг тўғрилигини тасдиқлаб турибди. Бирлашмаимизда асосан ёшлар партияга қабул қилинади, лекин улар ҳозирча етарли ҳаётий тажрибага, сиёсий жангчи хислатларига эга эмас, асосий партиявий ҳужжатларни чуқур тушунмайдилар. Биз уларга билимлар системасини берар эканмиз, уларда партия аъзосига хос тафаккурни, актив ҳаётий позицияни шакллантиришга ҳаракат қиламиз. Мактаб тингловчилари КПСС Программаси ва Уставини ўрганишяпти, марксча-ленинча назарияни эгаллашяпти, бирлашманинг ўн иккинчи беш йиллик планини бажариш борасидаги вазифаларини тўлароқ тушуниб олишга интиломокдалар. Жиддий бир янгилик жорий этилди: ёш коммунистлар мактаби эндиликда узлуксиз иш олиб боради, ёш коммунистлар бутун кандидатлик стажини давомида бу ерда шуғулланиладилар. Мактабга бизнинг тажрибали, коллектив орасида катта обрўга эга коммунистларимиз Петр Лазаревич Ждановский ва Юрий Васильевич Малов раҳбарлик қилмоқдалар. Ҳозир мактабда 32 тингловчи бор, машғулотлар ойда бир марта ўтказилади, бунда ўқининг актив формаларидан фойдаланилади.

Мен меҳнаткашларга сиёсий билим беришни кишилар билан олиб бориладиган барча катта машаққатли ишлар биносининг пойдеворига ўхшатгим келади. Бунда энг нозик қирраларни ҳам эътибордан четда қолдирмаслик керакки, улар баъзан ҳал қилувчи жиҳатлар бўлиб чиқади. Масалан, биз узок вақт давомида турли хил миш-мишларга барҳам беролмадик. Дарҳақиқат, ким томонидан ёйилгани ҳам номаълум бўлган уйдирмага қарши қандай курашиш мумкин? Бунда аниқ айбдорни топиб бўлмайди, лекин унга бепарволик ҳам ярамайди, чунки коллективда баъзан муҳит шу даражада кескинлашиб кетардики, натижада одамлар орасида носоғлом муносабатлар пайдо бўлиб, турлича гуруҳлар шаклланади. Пировард оқибатда бу ишимиз натижаларига ҳам таъсир этарди. Аслида оддийгина восита — ошкоралик асосида коллективдаги нохуш вазиятни бартараф этиш мумкин экан.

Лекин ошкораликни кенгайтириш партия ташкилотининг муҳим вазифаси бўлиб қолмоқда. Бирлашма меҳнаткашлари коллектив ичидаги ишлардан кўра давлат миқёсидаги ишлардан тезроқ ва кенгроқ қўламда хабардор бўлиб туришлари тўғрисида партком ва маъмурият шаънига адолатли таъналар билдирыпти. Албатта, биз телевидение, радио, матбуот сингари воситаларга эга эмасмиз. Қўп тиражли газетанинг йўқлиги ошкораликни ривожлантиришдаги имкониятларимизни анча камайтиради. Бироқ изланишлар давом этяпти. Бўлинмаларимиздан бири бўлган станоксозликнинг махсус конструкторлик технологияси бюросида радиогазета чиқара бошладик. Бу, таъбир жоиз бўлса, масаланинг локал тарзда ҳал этилишидир. Аслида бутун бирлашма миқёсидаги система зарур. Ҳозир ана шу масала устида иш олиб боряпмиз.

Умуман олганда бирлашма парткоми ва маъмурияти ўзининг амалий

фаолиятида системали иш юритишни мақсад қилиб қўйган. Барча бўлинмалар коммунистларининг асосий иши ҳўжалик юритиш ва бошқариш методларини қайта қуриш жараёнини изга солиб ва назорат қилиб туриш, давр талабларига жавоб берадиган янги ғояларни илгарй суриш, перспектив ва оператив вазифаларни комплекс тарзда ҳал этиш, план топшириқлари ва социалистик мажбуриятларнинг албатта бажарилиши учун курашга етакчилик қилишдан иборат. Акс ҳолда ишлаб чиқаришда сифат жиҳатидан кескин бурилиш ясаб бўлмайди. Шунинг учун биз ҳозир ишлаб чиқаришни бошқаришнинг комплекс системаси аниқ ишлашига эришиш учун сабот билан ҳаракат қилаямиз. Ижрочилик интизомининг ҳамма турлари назорат қилиниб, баллар билан баҳоланади. Баҳолар системаси тасдиқланган. Бу социалистик мусобақани яхшироқ ташкил этишга ва унинг якунларини чиқаришда субъективизмни бартараф этишга ёрдам бери.

Бундай система ҳаддан ташқари қаттиқ бўлиб кўриниши мумкин, лекин бу ерда шуни айтиб ўтиш керакки, социалистик мусобақа тўғрисидаги низом кимнингдир ўзбошимча хоҳиш-иродасидан иборат эмас. Бу ҳужжат энг демократик суратда қабул қилинади. Уни муҳокама қилишда меҳнат коллективининг ҳамма аъзолари иштирок этади ва ҳар ким ўз таклифини киритиши мумкин. Натижада мусобақа тўғрисидаги низом йилдан-йилга такомиллашиб, янги жиҳатларни ҳисобга олади, ҳозирги талабларга мувофиқлаша боради.

Системали ёндашувни биз энг муҳим йўналишлардан бири деб ҳисоблаймиз, ҳўжалик ва ижтимоий фаолиятнинг ҳамма соҳаларига партиявий раҳбарлик даражасининг ошиши ана шу йўналишлардан боради. Бундай ёндашув раҳбарларга, уларнинг ишга, кишилар талабларига муносабатига яхши таъсир қилди. Ҳозирги кунда ҳар бир цех, бўлим бошлиғи фақат ишлаб чиқариш кўрсаткичлари учунгина эмас, балки шу билан бирга қарамоғидагилар, айниқса ёшлар тарбияси, уларнинг қандай дам олишлари, ўз билимларини такомиллаштиришлари, қандай майший шароитда яшаётганлари учун ҳам масъул эканлигини чуқур ҳис қиладилар. Бизда бош металлург хизмати раҳбари Леонид Григорьевич Чен, қаттиқ қотишмалар хизмати раҳбари Петр Лазаревич Ждановский каби коммунистлар бу борада ҳар доим ибрат кўрсатиб келишади. Улар бой махсус билимларга эга бўлган яхши профессионаллар бўлиш билан бирга бамаъни маслаҳатлари билан ҳам кўпларга мадад бағишлайдилар.

Партия, қасаба союз ва комсомол ташкилотлари социал масалаларни ҳал этишга ҳамжиҳатлик билан киришганликлари туфайли бизда кадрлар кўнимсизлиги кескин камайди, ишлаб чиқариш ишлари юришиб кетди. Ҳозир бизнинг барча хизмат хоналаримиз яхши жиҳозланган, магазин, аптека, сартарошхона бор. Оқтошдаги «Радуга» пионер лагери бутун коллективнинг фахри. Ходимларимиз бу ерда ёпик сузиш ҳавзаси қуришди, болалар бу ажойиб шифохонада нафақат ёзда, балки қишда ҳам дам олишади. Комсомолларнинг ғайрат-шижоати билан станоксозлик махсус конструкторлик технологик бюроси территориясида стадион барпо қилинди. Сўнгги йилларда биз уй-жой проблема-сини тезроқ ҳал этиш мақсадида кичик оилалар — асосан ёш мутахассисларимиз учун махсус лойиҳаларга биноан уйлар қура бошладик. Уй-жой олувчилар навбати тартибга келтирилди, у максимал равишда адолатли тарзда тақсимланади. Бу масала ошқора, барча ижтимоий уюшмалар вакиллари иштирокида ҳал қилинади.

Маъмурият, партия, қасаба союз ва комсомол ташкилотлари ёшлар ётоқхонасидаги турмуш шароитларини яхшилаш тўғрисида алоҳида ғамхўрлик кўрсатмоқдалар. 1986 йил баҳорида бу ерда бўлиб ўтган йиғилишда бирлашма раҳбарлиги номига жуда кўплаб эътирозлар билдирилди. Эътирозларнинг ҳаммаси ҳисобга олинди. Етоқхонада ремонт бошланди, кишки мавсумга яхши тайёргарлик кўрилди, кишиларнинг дам олишини ташкил этиш яхшиланди, дискотека учун аппаратура сотиб олинди. Бу ерда яшовчиларга ҳам талаблар оширилди — тозалikka, тартибга, турмуш маданиятига риоя этиш, фақат боқим бўлиб қолмасдан, истикомат қилаётган уйингизда бузилган нарсаларни ўзларингиз созлашга ҳаракат қилинг, унга файз-тароватни ўзларингиз

бағишланг, деб талаб қилинди. Бўлимларнинг раҳбарлари, комсомол ва касаба союз етакчиларига ўз қарамоғидагиларни шу руҳда тарбиялаш топширилди. Улар ўзлари раҳбарлигида ишловчилар яшайдиган, хордиқ чиқарадиган жойларда тез-тез бўлиб туришлари керак.

Умуман бу тадбирларнинг ҳаммаси кўплаб етилган проблемаларни ҳал этишга ёрдам берди. Биз ўз активларимизни шунга йўналтирдикки, ходимларимизни қизиқтираётган ҳар бир масала имкони борида жойида ҳал қилинсин. Хўш, бу қандай самара берди? Ўтган ярим йил ичида бор-йўғи ўнча киши шахсий ишлари бўйича бирлашма бош директори қабулида бўлди. Ўз участкалари учун масъул кишилар одамлар томон бурилишлари биланок узун навбат қисқарди қолди. Лекин ҳали хотиржам бўлишга эрта.

Мураббийлик масаласини олиб кўрайлик. Қоғозга қараганда бу соҳадаги ишлар чакки эмасди, амалда эса ижобий натижадан даражаси йўқ эди. Бу масалани мураббийларга бош бўлган касаба союз комитети эмас, балки бирлашма ёш мутахассислар кенгаши кўтариб чиқди. Бундай муҳим ишга формал ёндашувдан ташвишланган ёш мутахассислар парткомга мурожаат этиб, бу соҳадаги аҳволни яхшилашни илтимос қилдилар. Ёшлар бирлашма олдидан турган барча вазифаларни ҳал этишда иштирок қилишга шайлигини билдиришди. Ахир, бу катта ижодий потенциал-ку, лекин нима учундир ундан ниҳоятда кам фойдаланиларди. Комсомолга партиявий раҳбарликда тартиб йўқлиги шунга олиб келдики, ишдан бўшаганларнинг мутлақ кўпчилигини ёшлар ташкил этарди, СССР ва Ўзбекистон ССР Халқ хўжалик ютуқлари кўргазмаларидаги ҳар йилги кўрик-конкурсларда намоёиш қилишга мўлжалланган ихтироларга берилган заявкаларда ва бошқа тадбирларда ёшлар вакилларининг номлари бўлмас эди, аслида эса улар айтиш шундай соҳаларда ўзларининг ижодий активлигини намоён этишлари мумкин эди.

Комсомол ва ёшлар билан ишлаш масаласи партия комитетида муҳокама қилинди. Бунинг учун катта тайёргарлик иши олиб борилди. Ёш мутахассислар билан кенгаш ўтказилди, комсомол комитети секретари Дмитрий Яшкин билан батафсил гапиришиб олинди, ҳамма комсомол ташкилотлари билан ўтказилган суҳбатлар ҳам кўп нарсани берди, улар ҳамма нарсани тўғрисида очиқчасига гапириб, зоҳирий фаровонлик орқасидаги нуксонларни очиб ташлашга ёрдам бердилар. Фактлар анализи қуйидаги манзарани кўрсатди. Ёшларнинг пасивлигига биринчи навбатда раҳбарларнинг ҳеч бири уларнинг қизиқишлари, эҳтиёжлари ва орзу-умидлари билан қизиқмаганлиги сабаб бўлган. Мустақил ишланмалар ёшларга ишониб топширилмаган, уларнинг ҳар бир қадами катъий назорат остида бўлган. Бу фактлар бизни вужудга келган аҳвол устида чуқур ўйлашга, конкрет чора-тадбирлар излашга мажбур қилди.

Ана шу масалани муҳокама қилиш жараёнида «Ёшлар» мақсадли комплекс программаси вужудга келди. У КПСС XXVII съезди қарорларини бажариш, ўн иккинчи беш йилликда фан-техника тараққиётига, бирлашмаимизни иқтисодий ва социал ривожлантириш соҳасидаги тадбирлар комплексини амалга оширишга ёшларнинг муҳим ҳисса қўишини таъминлаш керак. Масалан, ёшларни юксак техникавий даражадаги барча объектлар — автомат линиялари, модуллар ва ҳоказоларни ишлаб чиқиш ва тайёрлашга жалб этиш, уларнинг ихтирочилик ва рационализаторлик фаолиятини активлаштириш ва шу мақсадда бўлинмаларда ижодий бригадалар ташкил этиш кўзда тутилмоқда. Ёшларга турли кўргазмалар, конкурсларда ўз ютуқларини намоёиш қилиш, конференция ва симпозиумларда докладлар ва ахборотлар билан чиқиш, ўзларининг касбий малакасини, сиёсий маълумотини ошириш учун кенг имконият яратиб берилади. Ёш мутахассислар аспирантурага, илғор тажриба алмашиш юзасидан командировкаларга юборилади. Маъмурият ва парткомнинг актив ёрдамида ёш мутахассислар кенгаши фаолиятини анча жонлантириш мўлжалланмоқда. «Технолог» илмий-ишлаб чиқариш бирлашмасига ишга келган ёш мутахассисни малакали мураббийга албатта бириктириб қўйиш амалга оширилади. Бунда мураббийларнинг ҳисоботлари меҳнат коллективи йиғилишларида мунтазам тинглаб борилади. Ҳар йили «Ўз касбининг энг яхши устаси» унвонини олиш учун ишчилар конкурслари ўтказиб борилади.

Программада ёшлар ҳисобидан кадрлар резервини тайёрлаш ва тарбиялашга алоҳида эътибор берилган. Бу бирлашмада маъмурий-хўжалик фаолияти учун энг қобилиятли ёшларни танлаш, ўқитиш, раҳбар партия иши учун ёш коммунистлардан, раҳбар комсомол иши учун комсомоллардан резерв ҳосил қилиш ва уларни ҳар томонлама тайёрлашни назарда тутди. Ўқиш шу йил январдан бошланди. Бунда биз асосан тингловчиларнинг ғоявий-маънавий тарбиясига эътибор берамиз. Улар имтиҳонлар топширишади, практикадан ўтишади. Алоҳида намуна кўрсатганларга кейинги ўсишлари, малака оширишлари учун истиқбол очилади.

Умуман кадрларга кенг таълим бериш бугунги кунда бирлашмамиз ҳаётининг асосий белгиси бўлиб қолди. Бу тушунарли ҳол. Ҳеч бир муболағасиз айтиш мумкинки, ҳар бир ходимда юксак малака даражасини шакллантириш юзасидан ғоят пухта ва атрофлича ўйланган иш олиб бормасдан туриб, фан-техника тараққиёти тўғрисида гап ҳам юритиш мумкин эмас. Демак, бугунги кунда қайта қуришнинг ҳал қилувчи элементларидан бири — кадрларни қайта тайёрлашдир. 7—10 йил ва ундан кўпроқ иш стажига эга мутахассислар инженерлар корпусининг асосий қисмини ташкил қилади, уларга институтда саноат ишлаб чиқаришининг ҳозирги тараққиётини акс эттирадиган фанларни ўргатишмаган. Улар микропроцессор техникаси асосларини ва электроника имкониятларини билишмайди, ҳисоблаш машиналари билан ишлай олмайдилар. Масала шу тарзда кўндаланг бўлиб турибди: биз ёки кадрларни қайта ўқитамиз ва энг янги техника ютуқлари билан қуроллана оламиз ёки қўйилган проблемаларни еча билмаймиз.

Бу катта социал аҳамиятга эга вазифадир: кишиларни тайёрлашнинг шундай форма ва методларини топиш керакки, натижада 10, 20 ва 30 йиллик иш стажига эга мутахассислар ҳам зарур билимлар ола билсин. Бунда ўқиш кишилар учун навбатдаги ноҳуш тадбир эмас, балки ўзининг техникавий даражасини ошириб боришга ички эҳтиёж бўлиб қолишига эришиш керак.

Кадрларни тайёрлаш ва қайта тайёрлашнинг 1986—1990 йилларга мўлжалланган комплекс программаси амалга ошириляпти. У ҳар бир инженер-техник ходимни қамраб олади. Ишчилар малакасини узлуксиз ошириб боришни ҳам режалаштираяпмиз. Шу мақсадда бирлашмада техник билимлар университети ташкил этилди ва ишлаб турибди, у кадрларни узлуксиз ҳамда келажакни кўзлаб тайёрлаш вазифасини бажаради.

Сафида 500 коммунисти бўлган бирлашма партия ташкилоти ҳозир ана шундай вазифаларни ҳал қилмоқда. Бинобарин, бу коммунистлардан ҳар бири партия белгилаган планларни амалга оширишга жуда катта ғайрат-шижоат бағишлаши, ўзларининг бутун кучини сарфлаши кераклигини билдиради. Шу мақсадда партком партия ташкилоти структурасини такомиллаштириш, кадрларни шу кун талаблари асосида танлаш, тарбиялаш ҳамда иш услуби, методларини узлуксиз яхшилаб бориш тўғрисида ғамхўрлик кўрсатмоқда. Бизда ишлаб чиқаришнинг ҳар бир участкасида коммунистлар бор. Партия ячейкаларининг етарли даражадаги кенг шохобчаси ташкил қилинган: 20 та цех партия ташкилоти ва 42 партия группаси бор. Уларнинг ҳар бирига ўз ишдош ўртокларининг чуқур ҳурмати ва ишончига сазовор коммунистлар бошчилик қилади.

Станоксозлик махсус конструкторлик технологик бюросининг асбобсозлик участкасида Николай Петрович Епифанов кўп йиллардан бери партия группасига етакчилик қилади. У нафақат ибратли меҳнати туфайли, шу билан бирга юксак самимият, маънавий фазилатлар соҳиби бўлгани учун ҳам ана шундай ишончга сазовордир. Абдурахим Аъзамович Рўзматов бир неча марта партгруппорг қилиб сайланди, сўнгра уни цех партия ташкилоти секретарлигига сайлашди. Ҳозир у партком аъзоси. Абдурахим Аъзамович бирлашмада 15 йил ишлаб, слесарликдан бўлим мудирини ўринбосарлигигача кўтарилди. Шу йиллар мобайнида у узлуксиз камол топиб, ўқиб-ўрганиб борди, алоқа институтининг кечки бўлимини тугатди, энг муҳими — ғоявий ва маънавий жиҳатдан чиникди.

Коммунист Епифанов ва Рўзматов партия ишини қайта қуришга биринчилардан бўлиб актив киришган партия етакчиларидир. Илгари бизда

партия йиғилишлари техник планёркаларга ўхшаб кетарди. Одамлар тўғрисида гапирилмас, ҳамма гап нукул ишлаб чиқариш масалалари атрофида бўлар эди. Ҳозир иш бошқача тарзда қўйиляпти — инсон, унга ғамхўрлик, унинг умумий ишга реал ҳиссаси йиғилишнинг диққат марказида туради.

Танқид ҳам бошқача тус олди. Энг муҳими — унинг йўналиши ўзгарди. Агар илгари танқид асосан юкоридан қуйига қаратилган бўлса, ҳозир у қуйидан юкорига ва параллел йўналишда бўлади. Шубҳасиз, бошлиқ эмас, балки ишдош ўртоқ танқид қилганида унинг киши виждонига таъсири ҳам кучли бўлади. Бундан ташқари, танқид хайрихоҳлик ва ишчанлик мазмунини касб этди.

Умуман бизнинг партиявий фаолиятимиз ҳамма жиҳатдан янада конкретроқ ва аниқроқ бўлиб қолди. Партиявий хўжалик тартибга келтирилди. Партия активларини сўраб чиқиш шуни кўрсатдики, ҳамма ҳам ўз функцияларини, уларни амалга ошириш методларини аниқ билмас экан. Шунинг учун ўтган ҳисобот-сайлов кампаниясидан сўнг партком қуйи бўғинда, партия группаси ташкилотчилари, цех партия ташкилотларининг секретарлари ва бюро аъзоларини тасдиқланган программа асосида ўқита бошлади. Машғулотлар октябрдан бери ҳар ойда бир марта, ойнинг биринчи сешанба куни ўтказилмоқда. Бу активларимизга кўпроқ маъқул бўлмоқда.

Партия йиғилишларида, партком мажлисларида коммунистларнинг Устав талабларини бажаришлари тўғрисидаги ҳисоботларининг эшитиб борилиш уларнинг авангардлик ролини оширишга катта таъсир кўрсатмоқда. Шуни айтиш керакки, биз бу соҳада яқин кунларгача мазкур ишда йўл қўйиб келинган расмийчиликдан ҳозирча тамомила халос бўла олганимиз йўқ. Лекин барибир силжишлар сезилиб турибди. Яқинда партком мажлисида пластмассалар хизмати раҳбари коммунист Л. М. Абрамовнинг коллективдаги ташкилотчилик ва тарбиявий иши тўғрисидаги ҳисоботи тингланди. Биз мажлисдан олдин бу участкадаги аҳволни диққат билан анализ қилиб, оддий коммунистлар, партиясизлар фикрини эшитдик. Шу нарса равшан бўлдики, уларнинг сўзига унчалик қулоқ солишмас, кишилар эҳтиёжи эътибордан четда қолиб кетган экан. Натижада интизом бўшашиб, ходимларнинг бутун кучларини меҳнатга бағишлашларига майли қолмаган, улар ўртасидаги муносабатлар тез-тез кескинлашиб турар экан. Бунда, албатта айбнинг каттагина қисми раҳбар зиммасига тушар эди. Шу сабабли, юз-хотирга бормасдан, кескин ва очикчасига гапиришиб олинди. Ўртоқларнинг манфаатдорлик муносабати Л. М. Абрамовни ўзи бошқарадиган коллективдаги ҳамма ишлар учун масъуллигини чуқур ҳис қилишга мажбур этди.

Яна шуни қайд қилишни истардикки, сиёсий, идеологик ишда турмушдаги ҳамма ҳолларда ҳам қўл келаверадиган универсал рецептлар йўқ. Ўз вақтида В. И. Ленин ана шуни таъкидлаган эди. Лекин ўз коллективи проблемаларига, конкрет тажрибага мувофиқ келадиган изланиш йўлини танлаган, баъзан таваккал қилиб, янглишган киши фақат қарор топган ва кўпинча эскирган андазаларга қараб ишлаган кишига нисбатан мақсадга тезроқ етади. Фақат одамлар билан доимий мулоқотда бўлиш, уларнинг кайфияти, ташвишлари, интилишларини чуқур билиш, жонли воқеликкина олға томон ҳаракатни таъминлайдиган иш формалари ва воситаларини кўрсатиб бера олади.

«ЎЗБЕКИСТОН АГРОСАНОАТ КОМПЛЕКСИНИ БОШҚАРИШНИНГ ТАКОМИЛЛАШТИРИЛИШИ»

«Ўзбекистон коммунисти» журнаlining 1986 йил 11-сонida иқтисод фанлари кандидати Д. Зокирхўжаевнинг мақоласи босилиб, унда республика агросаноат комплексини бошқаришни яхшилашга доир бир қатор таклифлар қилинган эди. Редакция журналхонларга мурожаат этиб, уларни муҳокама қилишда қатнашишларини илтимос қилган эди. Қуйида ана шу масала юзасидан билдирилган фикрларни эълон қиламиз.

Ўзбекистон ССР Агросаноат давлат комитети раисининг биринчи ўринбосари В. И. АНТОНОВ:

Маълумки, КПСС МҚ билан СССР Министрлар Совети КПСС МҚнинг 1985 йил апрель Пленумининг агросаноат комплексини бошқаришни янада такомиллаштириш, планлаштириш, маблағ билан таъминлаш ва бошқаришни бир бутун ҳолда таъминлаш зарурлиги тўғрисидаги кўрсатмаларига амал қилиб, 1985 йил ноябрда қабул қилинган қарорда СССР Агросаноат давлат комитетининг структурасини ҳамда мамлакатнинг АСК системасига кирган СССР Нон маҳсулотлари министрлиги, СССР Мелиорация ва сув хўжалиги министрлиги, СССР Министрлар Совети Ўрмон хўжалиги давлат комитети ва СССР Матлубот жамиятлари марказий союзининг функционал вазифаларини белгилаб бердилар. Мазкур қарорда ўз ишини СССР Агросаноат давлат комитети билан яқиндан мувофиқлаштириб олиб борадиган иттифок министрликлари ҳам белгилаб қўйилди.

Ўзбекистон ССР Агросаноат давлат комитети, айрим ўртоклар давлат бошқарув органларини қайта қуриш ҳамда хўжалик механизмини такомиллаштириш масалаларига ҳануз бир хил маънода қараб, партия ва ҳукумат ҳозирдаёқ қайта қуриш учун замин яратганликларини, бунда бутун мамлакат миқёсида давлат бошқарувининг тегишли органларини ўзгартирганларини сира эътиборга олмаётирлар, деб ҳисоблайди.

Шу муносабат билан Ўзбекистон ССР Агросаноат давлат комитети автор қаламга олган концепцияни журнал саҳифаларида муҳокама қилишни мақсадга мувофиқ деб билмайди ва республика АСК хўжалик механизмини қайта қуриш йўлига дахлдор барча масалаларни кўриб чиқишда қатнашишга тайёрлигини билдиради.

Ўзбекистон ССРда хизмат кўрсатган қишлоқ хўжалик ходими С. Р. МУШЕЕВ:

Д. Зокирхўжаевнинг «Ўзбекистон коммунисти» журнаlining 1986 йил 11-сонida босилиб чиққан «Ўзбекистон агросаноат комплексини бошқаришнинг такомиллаштирилиши» мақоласини мамнуният билан ўқиб чиқдим. Унда кўтарилган масалалар, менинг назаримда, халқ хўжалигининг ана шу муҳим тармоғини бошқаришдаги параллелизмни ҳамда бир-бирининг ишини такрорлашни йўқотиш, агросаноат комплексига ажратиладиган моддий ва молия ресурсларини жамлаш, улардан самаралироқ фойдаланиш ва энг муҳими — агросаноат интеграциясини чуқурлаштириш учун ғоятда актуалдир.

Д. Зокирхўжаевнинг асосий таклифларига қўшилган ҳолда, шуни қўшимча қилмоқчиманки, бир қатор бошқа масалаларни ҳам ҳал қилиш керак бўлади. Чунончи, совхозларнинг кўпчилик қисми Ўзбекистон ССР Агросаноат давлат комитети системаси таркибига кириб, бевосита РАПО (РАСБ) га бўйсунди. Шу билан бир қаторда йигирмадан зиёд совхоз, шунингдек бир қатор саноат корхоналари (Самарқанддаги мева-консерва заводи, пахта тозалаш заводлари ва баъзи бошқа корхоналар) СССР Агросаноат давлат комитетига бўйсунди.

Республикада янги ерларни ўзлаштириш ҳамда совхозларни комплекс қуриш соҳасидаги катта ҳажмдаги ишларни СССР Мелиорация ва сув хўжалиги министрлигининг Главсредазирсовхозстрой бажарадики, у айни вақтда буюртмачи ва пудратчи ҳамдир. Қурилиш тугалланиши билан совхозлар Ўзбекистон ССР Агросаноат давлат комитети системасига ўтказилади, бунга қадар улардаги кишлоқ хўжалик ишлаб чиқаришига Главсредазирсовхозстрой ташкилотлари раҳбарлик қилади. Натижада ҳозирги вақтда 100 дан ортиқ хўжалик бевосита РАПОга бўйсунмади.

Шундай қилиб, республиканинг кўпгина районларида СССР Агросаноат давлат комитети, СССР Мелиорация ва сув хўжалиги министрлиги ва Ўзбекистон ССР Агросаноат давлат комитетининг совхозлари бўлиб, бу ҳол Агросаноат давлат комитети маҳаллий органларининг кишлоқ хўжалигига раҳбарлик қилишдаги фаолиятини анча қийинлаштирмоқда. Бошқача қилиб айтганда, совхозларнинг идоровий тарқоқлиги амалда тўла бартараф этилгани йўқ.

Шу муносабат билан СССР Агросаноат давлат комитетининг республикада жойлашган совхозлари ва саноат корхоналарини Ўзбекистон ССР Агросаноат давлат комитети ихтиёрига бериш максадга мувофиқдир. Главсредазирсовхозстрой ихтиёридаги хўжаликларни улар қурилиши ниҳоясига етиши билан Ўзбекистон ССР Агросаноат давлат комитетига бериш, кейинчалик эса янги ерларни ўзлаштириш ҳамда совхозлар тузиш юзасидан буюртмачи функциясини ҳам унга топшириш (тегишли микдорлардаги капитал маблағлари билан), пудрат ташкилоти функциясини Главсредазирсовхозстройда қолдириш лозим. Масаланинг бундай ҳал қилиниши, шак-шубҳасиз, янги совхозлар қурилишининг суръатларига, муҳими эса, қурилишнинг сифати ва комплекслигига ижобий таъсир қилади, барча кишлоқ хўжалик корхоналарига раҳбарликни ягона бошқарув органи — РАПОда жамлаш имконини беради.

Агросаноат комплекси учун унинг ривожланишини илмий жиҳатдан таъминлаш жуда муҳимдир. КПСС МК ва СССР Министрлар Советининг «Агросаноат комплексини бошқаришни янада такомиллаштириш тўғрисида»ги қарори билан ана шу функциялар В. И. Ленин номидаги Бутуниттифок кишлоқ хўжалик фанлари академиясига юклатилган. Бизнинг республикамизда-чи? Мазкур академиянинг Ўрта Осиё бўлими Ўзбекистон ССР Агросаноат давлат комитети системасига қирмайди. Қолаверса, АСК учун хизмат қиладиган кўпгина илмий-тадқиқот муассасалари СССР Агросаноат давлат комитетига бевосита бўйсунди. Ана шундай тарқоқлик натижасида институтларнинг ишида параллелизм сақланиб қолмоқда, фундаментал тадқиқотлар кам. Масалан, кишлоқ хўжалигини механизациялаш ва электрлаштириш, ғаллачилик, сабзавотчилик, боғдорчилик ва узумчилик, чорвачилик соҳасидаги, шунингдек кишлоқ хўжалик ишлаб чиқариши экономикаси соҳасидаги илмий изланишлар ВАСХНИЛнинг Ўрта Осиё бўлими институтлари томонидан, ғўза селекцияси ва уруғчилиги, уни парвариш қилиш агротехникаси ва республика учун жуда муҳим бўлган бир қатор бошқа проблемалар — иттифокка қарашли институтлар томонидан олиб борилаётганига қўшилиб бўлмайди. Республиканинг агросаноат комплексига хизмат қиладиган барча илмий-тадқиқот муассасаларини Ўзбекистон ССР Агросаноат давлат комитети ихтиёрига бериш лозим деб ҳисоблайман, бундан фан ҳам, практика ҳам ютади.

Д. Зокирхўжаев мақоласи хусусига келганда, унинг Узмясомолторг базаларини Агросаноат давлат комитетига бериш тўғрисидаги таклифига қўшилмайман, негаки ғўшт-сут маҳсулотларининг чакана ва улгуржи савдоси Савдо министрлиги зиммасидадир.

ХЎЖАЛИК МЕХАНИЗМИНИ ТАКОМИЛЛАШТИРИШ — АГРОСАНОАТ КОМПЛЕКСИНИ РИВОЖЛАНТИРИШНИНГ АСОСИ

Партиянинг КПСС XXVII съезди илмий асослаб берган новаторлик йўли мамлакатни социал-иктисодий ривожлантиришни жадаллаштириш негизида жамиятимиз ҳаётининг ҳамма томонларини сифат жиҳатдан тубдан такомиллаштиришга қаратилгандир. Янги таҳрирдаги КПСС Программасида агросаноат комплекси (АСК) ни янада мустаҳкамлаш ва унинг самарадорлигини ошириш, унинг маҳсулотига бўлган талабни тўла қондириш бу йўлни амалга оширишнинг муқаррар шартларидан бири, деб кўрсатилган. КПСС XXVII съезди уқтириб ўтганидек, ўн иккинчи беш йилликнинг ўзидаёқ аҳолининг озиқ-овқат билан таъминланишини жиддий равишда яхшиламоқ учун агросаноат комплексини ривожлантиришда кескин силжиш яшаш керак.

Ҳозирги кенгайтирилган такрор ишлаб чиқариш структурасини шакллантириш проблемаларини ишлаб чиқиш, шунингдек энг муҳим соҳаларни белгилаш интенсив асосда кенгайтирилган социалистик такрор ишлаб чиқариш концепциясида марказий ўринлардан бирини эгаллаши керакка ўхшайди.

АСК тармоқларида изчил интенсивлашни унинг йўлида пайдо бўладиган нуқсонларни бартараф этмасдан амалга ошириб бўлмайди. Бу ерда гап аввало илгариги ривожланиш босқичларида таркиб топган инерция кучи, хўжалик фаолияти услуги ҳамда иктисодий тафаккурдаги анъаналар ва одатлар тўғрисида бормоқда. Бугунги кунда жамиятимизнинг иктисодий ва социал тараққиётини эскича методлар билан таъминлаб бўлмаслигини англаб олиш вақти етди. Бунини тушунмаслик, янги шароитларда эскича ишлаш, нуқул ўтмишдаги тажрибага умид қилиш шунга олиб келмоқдаки, ҳатто республиканинг илғор хўжаликлари ҳам ишлаб чиқариш резервларидан, ўзларининг молиявий аҳволларини яхшилаш имкониятларидан ҳали етарлича фойдаланмаётирлар, кўпгина колхоз ва совхозларда ишлаб чиқариш чикимлари кўп, хўжалик ҳисоби хўжа кўрсинга жорий этилган, тежаш режимини амалга ошириш юзасидан лозимича иш олиб борилмаяпти.

Хўжалик механизмини такомиллаштириш унинг барча асосий элементларини: планлаштириш, бошқаришнинг ташкилий структурасини, иктисодий воситалар ва стимуллар системасини ўз ичига олиши керак.

Планлаштиришнинг халқ хўжалик савияси ҳал қилувчи позиция ва мутаносибликни ўз ичига олувчи ривожланишнинг ресурсларни тежовчи стратегияси рўёбга чиқишини таъминлаши керак. Ана шу даражада ҳар қайси регион учун ўзининг озиқ-овқатга бўлган эҳтиёжлари ҳамда мамлакат бўйича ишлаб чиқариш жойлаштирилишининг рационал схемасидан келиб чиқиб, иттифок фондига қўшадиган ҳиссасини таъминлашдаги масъулиятнинг конкрет меъёрини илмий асосланган тарзда белгилаб чиқиш муҳимдир.

Ҳамма даражаларда агросаноат комплексини яхлит ҳолда бошқариш таъминланиши керак, бу барча бўғинларнинг келишиб ишлаш имконини беради, максимал пировард самарага эришиш мақсадларида ресурслардан тармоқларро ва территориял жиҳатдан мохирона фойдаланиш учун ташкилий ва иктисодий шароит яратади. Д. Зокирхўжаевнинг, ички ишлаб чиқариш алоқаларини кучайтириш ҳамда идоралараро тўсиқларни бартараф этиш, бошқариш функцияларини бажаришдаги тақворланишларни тугатиш, маъмурий харажатларни камайтириш, таъминотни яхшилаш ва пировард натижада АСК ишлаб чиқариши самарадорлигини ошириш учун ҳозиргача мустақил иш кўраётган республиканинг бир қатор давлат комитетлари ва министрликларини тугатиб, уларни республика Агросаноат давлат комитети составига қўшиш лозим, деган фикрига қўшиламан.

Кишлоқ хўжалик ишлаб чиқаришига техника билан бевосита хизмат қиладиган — Транспорт ва кишлоқ хўжалик машинасозлиги, чорвачилик ва озуқа ишлаб чиқариш учун машинасозлик министрлигини мамлакатнинг

Агросаноат давлат комитетига қўшиб, унинг доирасини кенгайтириш мақсадга мувофиқ, деб ўйлайман. Бу нарсa қишлоқ хўжалигига техника етказиб берадиган корхоналар ишининг кўпроқ бирор мақсадга қаратилган бўлишига, улар фаолиятининг пировард натижалар учун жавобгарлигини кучайтиришга ёрдам берган, фан-техника ютуқларини жорий этишни тезлаштирган, ишлаб чиқаришни техникавий жиҳатдан таъминлаш юзасидан тармоқларнинг ўзаро масъулиятини кучайтирган бўлур эди.

Хукуклар ва ресурсларнинг территориал бошқарма органларида марказлаштирилиши бевосита ишлаб чиқариш ва хизмат кўрсатувчи бўғинларнинг хўжалик мустақиллигига путур етказмаслиги керак. Хўжалик бирликларига планли таъсир қилиш иқтисодий методларининг ролини ошириш кўзда тутиладики, бу ҳол баҳо ва тўловларнинг ўзаро нисбатини тартибга солиш орқали умумий мақсадларга эришишни, кредит ва молия имтиёзлари олиш шартларини белгилаш, шунингдек территориал бўғинлар ҳамда хўжаликларнинг марказлаштирилган озиқ-овқат фондларини яратишга қўшадиган (уларнинг ресурс потенциалларига бериладиган баҳога мувофиқ) ҳиссасининг иқтисодий нормативларини белгилашни таъминлайди.

Бу хўжалик ҳисоби принциплари изчил амалга оширилишини ва уларнинг майда ишлаб чиқариш бўғинларигача етказилишини тақозо этади. Ишлаб чиқариш ресурслари ва меҳнат ҳақи ҳақиқатан ишлаб топилиши, уларнинг натижалари эса хўжалик фаолиятининг пировард самарадорлиги билан белгиланиши керак. Бунда фақат ижтимоий норматив харажатларнигина ҳисобга олиш зарур. Қишлоқ хўжалик корхоналари ва территориал бўғинлар хўжалик фаолияти якунларини баҳолашда ресурс потенциалли бирлиги ҳисобиға олинадиган маҳсулот асосий кўрсаткич бўлиши керак. Хўжалик соҳасидаги шериклар ўртасида шартнома муносабатларини кенгайтириш муҳим, бу муносабатлар етказилган зарар учун тўла моддий жавобгарликни кўзда тутати ҳамда колхоз ва совхозларга нисбатан муайян хўжалик бўғинларининг монополияли мавқеини истисно қилади.

Менинг фикримча, қимматли ер-сувларнинг шаҳар, саноат, энергетика, транспорт ва бошқа қурилишлар натижасида қишлоқ хўжалик оборотидан ҳаддан ташқари кўп чиқиб қолишига тўсиқ бўладиган иқтисодий механизмни яратиш ҳам зарур.

Агар фаннинг ҳозирги ютуқлари асосида техника сиёсатиға ва қишлоқ хўжалик ишлаб чиқариши бутун технологиясини қайта қуришга комплекс ёндашиш таъминланса АСҚдаги ишлаб чиқаришнинг сифат жиҳатдан янги даражасиға эришиш интенсивлашни самарали амалга оширишнинг таъсирчан воситасиға айланади. Енилғи, электр энергияси ва бошқа ресурсларнинг исроф қилиниши ва нобуд бўлишининг олдини олишнинг маъмурий, иқтисодий ва юридик системасини ишлаб чиқиш жуда муҳимдир.

Фан-техника тараққиётини жадаллаштириш негизида АСҚни интенсивлашнинг самарадорлиги қишлоқ хўжалиги ва у билан боғлиқ тармоқларнинг техникаси ва бутун ишлаб чиқариш-техника потенциалидан яхши фойдаланишга жуда ҳам боғлиқдир. Аграр соҳада машина-трактор паркиннинг рационал структурасини яратиш, унга техникавий хизмат кўрсатишни анча яхшилаш, қишлоқ хўжалик истеъмолчилари, хусусан индустриал чорвачилик комплекслари, сут фермаларини электр билан пухта таъминлаш лозим. Фақат қишлоқ хўжалигини замонавий унумдор техника билан қайта жиҳозлаш, илғор технологияға ўтиш, моддий-техника ва табиий ресурслардан яхшироқ фойдаланиш масалаларини ўзаро боғлиқ ҳолда ҳал этиш асосида АСҚнинг бутун системасида интенсивлаш самарадорлигининг анча оширилишиға эришиш мумкин.

Шуни ҳам унутмаслик керакки, агар инсон омили зарур даражада активлаштирилмаса энг замонавий техника билан технология ҳам қутилган натижани бермайди. Иқтисодий стимуллар ва қизиқишлар ана шундай активлаштиришнинг ҳал қилувчи воситасидир.

Хўжалик механизми таъсирининг ер-сув ресурсларига тўғри муносабатини кучайтириш масалалари ҳозир алоҳида актуаллик касб этмокда. Улардан

фойдаланганлик учун ҳақ тўлашни тартибга солиш, уларни иқтисодий жихатдан ҳимоя қилиш тадбирлари, жумладан ер солиғи шаклида тўпланган рента тўловларини жорий этиш, суғоришга сарфланган сув ҳақлари, ердан қишлоқ хўжалигидан ташқари мақсадларда фойдаланувчиларга уларнинг даромадлари ҳисобига белгиланган юқори ставкалар (бу ЎИЕКга аъзо бўлган мамлакатларда қўлланилмоқда) АСКда табиатдан фойдаланишни оқилона йўлга қўйишга, шубҳасиз, таъсир кўрсатади. Ерларни, бошқа табиий ресурсларни иқтисодий баҳолаш, табиатдан фойдаланишнинг бадаллик принципини қўлланиш — қишлоқ хўжалик ишлаб чиқаришнинг янада юксалтириш учун жуда муҳим аҳамиятга молик вазифалардир.

Шунингдек колхозлар, совхозлар, бошқа коллективлар фаолиятининг баҳолаш кўрсаткичларида тегишлича янгича йўл тутиш зарур. Баҳолаш ва миқдорий кўрсаткичлар учун, кўпинча маҳсулот харид қилиш планларини «нима қилиб бўлса ҳам» бажарганлик учун шу коллективларни рағбатлантиришнинг таркиб топган системаси жиддий қийинчиликлар туғдиради. Бундай баҳолаш хўжалик ҳисоби табиатиға, ўзаро муносабатларнинг шартнома формасига, раҳбарликнинг иқтисодий методларига зиддир. Корхона ходимлари ва раҳбарлари меҳнатига иш унумдорлиги, самарадорлиги, рентабеллигининг мезони ва кўрсаткичлари асосида баҳо берилса, уларнинг ишга муносабати принципаал тарзда ўзгаради, ишлаб чиқариш самарадорлигини таъминловчи барча жихатлар: маҳсулот миқдори, сифати ва таннарх шунда жамланади.

Ҳозир агросаноат бирлашмалари фаолиятини янада яхшилаш учун иқтисодий омиллардан кенгроқ фойдаланиш зарурлиги тўғрисида кўп гапирилмоқда. Бирок ҳамма ерда ҳам улар фаол ишга солинаётганича йўқ. АСБ кенгашларининг ҳаммаси хизмат кўрсатувчи ташкилотлар иш планларини, техника қарови, автотранспорт воситаларини ишлатиш, чорвачилик фермаларига техникавий хизмат, хўжаликларга агрохимия хизмати кўрсатиш бўйича йиллик топшириқларни кўриб чиқмоқдалар ва тасдиқламоқдалар деб бўлмайди. РАСБ хизмат расценкалари ва тарифларини қайта кўриш ҳукукидан суст фойдаланмоқда.

Шерик ташкилотлар куч-ғайратини бирлаштириш, улар диққат-эътиборини АСК хўжалик механизмининг такомиллаштиришга қаратиш — жуда муҳим вазифадир.

У. РАШИДОВ.

Самарқанд кооператив институтининг
иқтисод кафедрасининг мудири,
иқтисод фанлари кандидати.

Редакциядан: юқоридаги мулоҳазалардан кўриниб турибдики, Д. Зокирхўжаев мақоласи юзасидан билдирилган фикрлар бир хил эмас. Ўзбекистон ССР Агросаноат давлат комитети раисининг биринчи ўринбосари В. И. Антонов «автор қаламга олган концепцияни» журналда ҳатто муҳокама қилишни мақсадга мувофиқ деб билмайди, бунда у Ўзбекистон агросаноат комплексини бошқаришни такомиллаштириш масаласини кўзда тутаяётган бўлса керак. Бироқ бундай ёндашув КПСС Марказий Комитетида экономиканинг аграр секторида меҳнат унумдорлигини оширишга бағишлаб яқинда бўлиб ўтган кенгаш хулосаларига мос эмас: унда агросаноат комплексининг зарур марраларга эришиш йўллари орасида бошқариш системасининг такомиллаштирилиши ҳам тилга олинган.

Агросаноат комплексидаги ишларни янада ғайрат билан ва муваффақиятли олиб бормоқ учун интенсивлаш йўлиға, янги технологияға ўтиш, инсон омилини активлаштириш, хўжалик юритиш механизмининг такомиллаштириш, қишлоқдаги социал шароитларни тубдан ўзгартириш зарур. Бу проблемаларнинг актуаллигини ҳисобга олиб, олимлар ва АСК мутахассисларини уларни ҳал этиш билан боғлиқ саволларға жавоблар излашда қатнашишға таклиф қиламиз.

КПСС МК Бош секретари М. С. Горбачевнинг кенгашда сўзлаган нутқида қуйидаги саволлар ўртаға қўйилди. «Асосий диққат-эътиборни нималарға қаратиш керак? Нималарни қурол қилиб олиш керак, нималардан қатъиян воз кечиш лозим ва нималарни бартараф қилиш зарур?».

ЎЗБЕКИСТОН ХОТИН-ҚИЗЛАРИНИНГ БЕШИНЧИ СЪЕЗДИГА

ХОТИН - ҚИЗЛАР МЕҲНАТИ ВА ТУРМУШИ МАСАЛАЛАРИГА КЎПРОҚ ЭЪТИБОР БЕРАЙЛИК

С. СУЛТОНОВА,

Ўзбекистон ССР Министрлар Совети
Раисининг ўринбосари.

С ОВЕТЛАР МАМЛАКАТИ шонли сана — XX асрнинг улкан воқеаси бўлган. инсониятнинг социализм сари жаҳоншумул-тарихий бурилишига асос солган Улуғ Октябрь социалистик революцияси ғалабасининг 70 йиллиги сари яқинлашиб бормокда.

Хотин-қизлар масаласининг ҳал этилиши социализмнинг энг буюк ғалабаларидан бири бўлиб, бу КПСС XXVII съезди ҳужжатларида янги куч билан таъкидланди. Съезд қабул қилган янги таҳрирдаги партия Программасида, социализм — «бу эркаклар билан хотин-қизлар тенг ҳуқуқларга ва шу ҳуқуқларнинг амалга оширилиши гарантиясига эга бўлган жамиятдир» деб кўрсатилган.

Марксизм-ленинизм классиклари ўз асарларида хотин-қизлар ва умумий озодлик ҳаракатининг бирлиги, ўзаро алоқаси ҳамда бир-бирига боғлиқлиги ғоясини ҳамisha ўтказиб келганлар, хотин-қизлар иштирокисиз буюк ижтимоий бурилишларни амалга ошириб бўлмаслигини, пролетариат хотин-қизларнинг тўла эркинлигига эришмай туриб тўла озодликка эриша олмаслигини бир неча бор таъкидлаганлар. Буюк Октябрь социалистик революцияси марксизм-ленинизмнинг бу ғоялари тўғрилигини амалда тасдиқлаб, хотин-қизларнинг социал ва маънавий жиҳатдан ҳар томонлама озод бўлиши учун катта йўл очиб берди ҳамда зарур шарт-шароитлар яратди. Улуғ Октябрь хотин-қизларнинг жамият ва оиладаги аҳволини тубдан ўзгартириб юборди.

Советлар Мамлакатининг Улуғ Октябрь томонидан озод қилинган хотин-қизлари социализм қурилиши ва унинг ғалабаларини Улуғ Ватан уруши йилларида ҳимоя қилиш, халқ хўжалигини тиклаш, социалистик жамиятни янада мустаҳкамлаш ва ривожлантириш ишига салмоқли ҳисса қўшиб, ҳозирги кунда уни мамлакатни социал-иқтисодий ривожлантиришни жадаллаштириш асосида планли равишда ва ҳар томонлама такомиллаштиришда ҳам фаол иштирок этмокдалар.

«Хотин-қизларнинг социал ва маънавий жиҳатдан озод қилинганлиги, — деб таъкидланди КПСС МКнинг Халқаро хотин-қизлар байрами муносабати билан совет хотин-қизларига Мурожаатида, — Октябрнинг энг муҳим ғалабасидир. Моддий ва маънавий бойликларни кўпайтиришга, Ватан қудратини мустаҳкамлашга совет меҳнатчи хотин-қизлари катта ҳисса қўшмокдалар. Улар давлатни бошқаришда муҳим роль ўйнамокдалар».

* * *

Хотин-қизларни эркинликка чиқаришда Советлар Мамлакати эришган тарихий ғалабаларни айниқса Ўзбекистон ССР мисолида ёрқин кўриш мумкин.

Шуниси диққатга сазоворки, бу йил биз икки шонли сана — Улуғ Октябрнинг 70 йиллиги ва «Хужум» ҳаракатининг 60 йиллигини нишонлаймиз. бу ҳаракат Ўрта Осиё хотин-қизларининг иқтисодий ва социал зулмдан чинакам

озод бўлишига, меҳнатда, илм олишда, сиёсий ва ишлаб чиқариш фаолиятида эркаклар билан аслида тенг ҳуқуққа эга бўлишларига асос солди.

Ўрта Осиё региони хотин-кизлари бой-феодалларча муносабат ва диний бидъатлар таъсирида неча-неча асрлар давомида жамиятнинг энг кўп эзилган ва ҳуқуқсиз аъзолари бўлиб келган, уларнинг иш ва ташвишлари фақат уй, рўзғор билан чегараланиб қоларди. Хотин-кизларнинг ижтимоий-сиёсий ҳаётда иштирок этишларига имкон бермаган асосий сабаблардан бири — уларнинг узлатда яшашлари эди.

Фақат Улуғ Октябрь социалистик революциясигина Туркистон хотин-кизларининг аҳволини тубдан ўзгартира олди. Бир замонлар уй чўриси бўлган хотин-кизлар «конун юзасидангина эмас, турмушда ҳам эркаклар... билан тенг бўлишга» эришиб (В. И. Л е н и н. Тўла асарлар тўплами, 40-том, 182-бет), ўз мамлакати ва ўз тақдирининг тўла ҳуқуқли эгаси бўлди.

Ўзбекистон хотин-кизлари бугунги кунда саноат ва кишлок ҳўжалигида меҳнат қилмоқдалар, улар — фан ва маданият арбоблари, ўқитувчи ва врачлардир, партия, совет ва жамоат ташкилотларида ишламоқдалар. Агар «Хужум» ҳаракати бошлангунга қадар, 1926 йилда ўзбек хотин-кизларининг атиги 1 проценти ўқишни билган бўлса, ҳозирги вақтда туб миллат хотин-кизлари республикадаги мутахассисларнинг ярмини, шу жумладан илмий ходимларнинг учдан бир қисмидан кўпроғини ташкил этади. Халқ маорифи ходимларининг 58,5 процентидан ортиғи, маданият ходимларининг 61 проценти, соғлиқни сақлаш ва социал таъминот соҳаларидаги ходимларнинг 70 проценти уларнинг улушига тўғри келади. Меҳнатдаги юсак ютуқлари учун Ўзбекистон шонли кизларининг 90 мингдан ортиғи орден ва медаллар билан мукофотланган, салкам 135 таси Социалистик Меҳнат Қаҳрамони деган юсак унвонга сазовор бўлишган. Ўзбекистон хотин-кизлари мамлакатимиз ва республикамиз ижтимоий-сиёсий ҳаётида фаол иштирок этмоқдалар. Ўзбекистон Компартияси сафларида — 178 минг хотин-киз бор. 28 хотин-киз СССР Олий Совети депутати, 183 таси Ўзбекистон ССР Олий Совети, 1470 хотин-киз область ва 7599 хотин-киз район Советларининг депутатларидир.

Кейинги 25 йил ичида республика халқ ҳўжалигида банд бўлганлар орасида хотин-кизлар салмоғи ортди. Чунончи, агар 1960 йилда улар 39 процентни ташкил этган бўлса, 1985 йилда 43 процентга етди. Лекин ўсишнинг энг юсак суръатлари 60-йилларга тўғри келди, бу даврда фақат ёшлар ҳисобига эмас, шунингдек уй бекаларини ҳам жалб этиш ҳисобига хотин-кизларнинг ижтимоий ишлаб чиқаришга оммавий суратда келиб қўшилиши юз берди. Лекин бу ўринда шуни ҳам унутмаслик керакки, Ўзбекистон ССРда хотин-кизларнинг иш билан банд бўлишлиғи юсак туғилиш шароитида ўсиб борди. Шу давр ичида кўп болали оналар 1,6 марта ўсиб, ҳозир 619 мингга етди.

Она ва бола ҳақида ғамхўрлик қилиш Коммунистик партия ва Совет давлатининг ҳамиша диққат марказида бўлиб келган. КПСС XXVII съезди қарорларига мувофиқ аёллар учун тўла бўлмаган иш куни ёки қисқартирилган иш ҳафтаси, уйда ишлаш, туғишдан олдин бериладиган отпускаи муддатини ва бола бир ярим ёшга етгунча унга бериладиган отпускаи қисман тўланадиган ҳақни босқичма-босқич ошириб бориш, қўшимча равишда 6 ойгача отпускаи олиш ҳуқуқини бериш, касал болага қарагани учун бериладиган касаллик варақаси муддатини чўзиш, кам таъминланган оилаларга 12 ёшгача бўлган болалар учун нафақа тўлаш, мактабгача тарбия муассасалари шохобчасини илдам суръатлар билан ривожлантириш кўзда тутилмоқда.

Ўзбекистонда кейинги йилларда доимий ишлайдиган мактабгача тарбия муассасалари сони қарийб 3 марта, уларнинг болаларни қамраб олиши эса 6 мартадан зиёд ортди. Лекин бундай муассасалар билан таъминланиш республикада умумиттифокдагига нисбатан 2 барабар паст. Чунончи, 1 ёшдан 6 ёшгача бўлган болаларнинг атиги 30 процентигина боғча ва яслиларга қатнайди, кишлок жойларда шаҳардагига нисбатан уларга кам қатнашади.

Мактабгача тарбия муассасаларининг санитария-гигиена шароитини тубдан яхшилаш, уларда овқатлантиришни ташкил этишга нисбатан қатъий талаб қўйиш, болалар ҳисобига бойиётган талончиларга қарши шафқатсиз

курашиш вақти келди. Бундай пайтларда ота-оналар комитетларига, хотин-қизлар советларига бирлашган оналар ўзларининг қатъий сўзларини айтишлари керак. Ахир, сир эмаски, мактабгача тарбия муассасаларининг етишмаслиги, жуда кўп сонли болаларнинг уйда қолиши аёл кишини рўзғор ишлари билан ўралашиб қолишга мажбур қилади, зеро, у бу ишларга жуда кўп вақтини сарф қилади, бу эса унинг меҳнат фаолиятида иштирок этишига халакит беради.

Ишлаётган хотин-қизларнинг сони жиҳатидан енгил саноат, шунингдек шиша, чинни-фаянс ва целлюлоза-қоғоз тармоқлари биринчи ўринда туради. Қора ва рангли металлургия, машинасозлик ва металлга ишлов бериш, озик-овқат, ёғочсозлик, химия ва нефть химияси саноатида хотин-қизлар нисбатан кам. Улар бандлигининг энг паст даражаси нефть казиб чиқарувчи, кўмир саноатида, электр энергетикада, қурилиш материаллари саноатида бўлиб, бу хотин-қизлар соғлигини муҳофаза қилиш шарт-шароити билан боғлиқдир.

Ўзбекистонда қишлоқ аҳолиси салмоғи нисбатан юқори. Мамлакатимизнинг бошқа регионларидан фарқли ўларок бу ерда одамларнинг, шу жумладан хотин-қизларнинг иш билан бандлик даражаси ошиб бормоқда. Бу, биринчидан, аҳолининг табиий равишда кўпайиши, иккинчидан, Сирдарё, Жиззах, Сурхондарё ва Қашқадарё областларининг чўл зоналаридаги жуда катта янги ер массивларини ўзлаштириш билан изоҳланади, бу жойларга катта миқдорда иш қучлари жалб қилинмоқда.

Айни вақтда хотин-қизлар меҳнатидан қишлоқ хўжалигида фойдаланишни қуйидаги омиллар секинлаштирмоқда: туб миллат аҳолиси азалдан кўп болали оилани афзал қўради, меҳнат, турмуш шароити, хизмат кўрсатиш соҳалари, мактабгача тарбия муассасаларининг ривожланиш даражаси эса уларнинг эҳтиёж ва талабларига доим ҳам мувофиқ келавермайди; хотин-қизлардан одатда мавсумий ишларда фойдаланишадик, бу қўл меҳнатини талаб қилади; қишлоқ хотин-қизлари профессионал билим жиҳатдан анча орқада, улар орасида тракторчилар, комбайнчилар, пахта териш машиналарининг ҳайдовчилари жуда оз.

Хизмат кўрсатиш, савдо ва умумий овқатланиш, моддий-техника таъминоти, сотиш ва тайёрлаш соҳалари ходимлари орасида хотин-қизлар сони муттасил ортиб бормоқда. Масалан, савдо ва умумий овқатланишда малакали меҳнат касбларида — сотувчи, контролёр-кассир, ошпазлик касбларида улар кўпчиликни ташкил қилади ва ҳоказо. 1985 йилда хотин-қизлар бу ерда иш билан банд бўлган умумий ходимлар сонининг 55,9 процентини ташкил қилди. Бу кўрсаткич 1984 йилга нисбатан 1,1 процентга пасайиб кетди, бундан ташқари, у иттифокдаги ўртача кўрсаткичга нисбатан 27,1 процент кам. Чунки савдо ва умумий овқатланиш аслида хотин-қизлар меҳнат қиладиган соҳа бўлиб, бу тармоқларнинг меҳнат ресурсларини хотин-қизлар билан тўлдириб бориш керакки, бу иш кучининг етишмаслигини қисқартиришга, эркакларни моддий ишлаб чиқариш учун бўшатишга имкон беради.

Ҳозирги вақтда халқ хўжалигининг хотин-қизлар кўпроқ ишлайдиган айрим соҳаларида жисмоний оғир меҳнатни камайтиришга катта эътибор берилляпти. Лекин шуни ҳисобга олиш керакки, юз бераётган техник ва технологик ўзгаришлар шовкин, тебраниш, баланд ва паст температуралар, зарарли химик ва бошқа моддаларнинг хотин-қизлар организмнинг физиологик хусусиятларига кўрсатадиган кўнгилсиз таъсирини истисно қилмайди. Конвейерлар, поток линиялар, кўп сонли параметрларга эга бўлган мураккаб процессларни пудъллар ёрдамида бошқаришларнинг кенг қўлланилиши муносабати билан хотин-қизлар меҳнатининг асабий-психологик танглиги ортмоқда. Мамлакатда қўл, кам малакали меҳнатни йўқотиш, меҳнатни факат серунум қилишга эмас, шунингдек мазмунли, мароқли, ижодий қилишга имкон берадиган моддий-техника базасини ривожлантириш учун кўп куч-ғайрат сарфланмоқда. Бу проблемаларни ҳал этишда хотин-қизлар соғлигига яхши таъсир кўрсатадиган ва уларнинг эҳтиёж ва қизиқишларига жавоб берадиган иш шароити ва режимини яратишга алоҳида эътибор берилмоқда.

Яна бир муҳим проблема — бу хизмат кўрсатиш соҳасини такомиллаштиришдир. Социологларнинг ҳисоб-китобига кўра, хотин-қизларнинг жами иш

куни суткада 16 соатга етади, дам олиш кунлари ва отпускарлари ҳам қўшиб ҳисоблаганда йилига ўрта ҳисобда 11,5 соат бўлади. Бу эркакларнинг жами иш кунига нисбатан 1,5—2 барабар кўпдир. Бинобарин, хизмат кўрсатиш соҳаларида ишнинг аниқ ва сифатли бўлиши жуда зарур бўлиб қолди. Ҳолбуки бу соҳа аҳолининг тобора ўсиб бораётган талаб ва эҳтиёжларини хали ҳам қондирилмаяпти. Бу айниқса маиший хизмат соҳасига тааллуқлидир, бу соҳа бугунги кунда ўз вазифаларини удалай олмаяпти. Чунончи, 1986 йилда аҳолига 11 миллион сўмликдан ортиқ маиший хизмат кўрсатилмади. Областлардаги хизмат кўрсатиш ишлаб чиқариш бирлашмаларининг 35 процентдан ортиғи давлат планларини бажармади. Республикада чакана товар обороти планини бажариш ҳам оғир аҳволда. Савдо корхоналари олдида ўз ишини тубдан яхшилаш вазифаси турибди.

Социал инфраструктуранинг етарли даражада ривожланмаганлиги хотин-кизларнинг ижтимоий ишлаб чиқаришда банд бўлиш даражасига жиддий таъсир кўрсатади.

Республикада ёш кизларнинг, айниқса меҳнат қила олиш ёшига етган кизларнинг уйда ва шахсий ёрдамчи хўжаликда ўралашиб қолиб кетмаслиги учун тегишли шарт-шароитларни яратиб бериш керак. Бу проблема улар учун ижтимоий ишлаб чиқаришда иш ўринларини ташкил этиш ва хотин-кизлардан малакали кадрлар тайёрлаш процессини тезлаштириш билан бевосита боғлиқдир. Мазкур проблема яна шунинг учун ҳам кескинлашяптики, кенгайтирилган такрор ишлаб чиқаришнинг интенсив типига ўтиш хотин-киз меҳнат ресурсларининг сифатига тобора оширилган талаблар қўяди.

Ҳозирги кунда Ўзбекистонда 42 олий ва 249 ўрта махсус ўқув юртлари ишлаб турибди. Уларда 567 мингдан ортиқ киши таълим олмакда, олий ўқув юртлари студентларининг 45 проценти, техникумлар талабаларининг 51 проценти кизлардир. 25 йил ичида республика халқ хўжалигида банд бўлган хотин-киз мутахассислар сони 579,6 минг кишига кўпайди.

Шу билан бирга хотин-кизлардан кишлоқ хўжалиги (кишлоқ хўжалик олий ўқув юртлари студентлари орасида улар атиги 14 процентни ташкил қилади), саноат, транспорт ва алоқа учун кадрлар етарлича тайёрланмаяпти. Ёш хотин-кизлар асосан ноишлаб чиқариш соҳасига: соғлиқни сақлаш, маориф, санъат ва ҳоказоларга юборилади. Буларнинг ҳаммаси ёш хотин-кизларнинг профессионал ориентациясининг муҳимлиги ва халқ хўжалик аҳамиятини оширади. Бу ерда хотин-кизлар меҳнатига бўлган талабларни ҳисобга олган ҳолда республика ишлаб чиқарувчи кучларини жадал ривожлантириш бўйича комплекс социал-иқтисодий тадбирларни ишлаб чиқиш, ишлаб чиқаришнинг моддий соҳасини ва ўқув юртларини, айниқса ҳунар-техника билим юртлари ҳамда ўқув комбинатларини кичик ва ўртача шаҳарларда, шаҳар типигаги посёлкаларда, колхоз ва совхозлардаги ёш хотин-кизлар кўп тўпланган жойларга яқинлаштириш бош йўналиш ҳисобланади.

Шу билан бир вақтда ишлаб чиқаришнинг уйда ишлашни ёки тўла бўлмаган иш кунини кенг қўлланиш имкони бўлган тармоқларини жадал ривожлантириш керак. Бу ўзлари учун қулай шарт-шароитлар асосида ишлаб чиқаришда иштирок этишни хоҳлаган жуда кўп хотин-кизларга ижтимоий меҳнат билан шугўлланиш имконини беради, хотин-кизларнинг ижтимоий фаолиятда активлашишига қўмаклашади. Бу масалани ўрганиш кўп болали аёллардан касаначи сифатида кенг фойдаланиш социал-иқтисодий жиҳатдан катта самара беришини кўрсатди.

Шу билан бирга мазкур проблемани иқтисодчи ва социологлар янада тадқиқ этишлари керак. Жумладан, шу нарса аниқландики, уйда ишлайдиган аёлларнинг ижтимоий ишлаб чиқаришда иштирок этишга интилиши оила фаровонлигини ошириш, иқтисодий жиҳатдан бирмунча мустақил бўлиш, ниҳоят, болаларига ижтимоий-фойдали меҳнат кўникмаларини сингдириш ва уларда меҳнатни кадрлаш туйғусини тарбиялаш истагидан келиб чиққандир. Дарҳақиқат уйда ишлайдиган оналарнинг болалари мактабда ҳам яхши ўқишади, кам касал бўлишади, жамоат тартибини ҳам бошқаларга нисбатан кам бузишади.

Касаначилар меҳнатини республикамизнинг аҳолиси зич областларида ташкил этиш масаласи айниқса кескин бўлиб турибди. Бу масалани ҳал этиш иш билан банд бўлмаган аҳолининг анчагина контингентини ижтимоий-фойдали меҳнатга жалб қилишга имкон берибгина қолмай, шунингдек бевосита ишлаб чиқаришда янги иш жойларини яратишга сарфланадиган капитал маблағларни тежашга ҳам имкон беради. Бундан ташқари, болаларни мактабгача тарбия муассасаларига жойлаштиришга кетадиган билвосита сарфлар ҳам камаяди.

КПСС МК ва Совет ҳукуматининг турли кооперативларни барпо этиш юзасидан қабул қилган тадбирлари аёлларни ижтимоий ишлаб чиқаришга янада актив жалб этиш учун кенг имкониятлар очади. Аёллар умумий овқатланиш, майший хизмат кўрсатиш ва бошқа тармоқлар кооперативлари ишида баҳоли қудрат иштирок этишлари мумкин. Бу мазкур проблемани ҳал этишгагина эмас, шунингдек хизмат кўрсатиш тармоқларини такомиллаштиришга ҳам ижобий таъсир кўрсатади.

Яна бир проблема — ишлаётган хотин-қизларнинг ишдан ташқари вақтидан рационал фойдаланиш ва уларнинг бўш вақтини кўпайтириш проблемасига ҳам тўхтаб ўтишни истардик. Олимларнинг маълумотларига кўра, 60-йилларнинг бошларидан 80-йилларнинг ўрталарига қадар бўш вақтнинг умумий ҳажми унча кўп ошгани йўқ: ўртача жон бошига ҳисобланганда ҳафтада ўрта ҳисобда 43 минутга ортди. Лекин унинг структураси ўзгарди.

Ўзбекистон шароитида аёлларнинг бўш вақтидан самаралироқ фойдаланиш оиладаги болаларнинг сони каби омил билан ҳам боғлиқдир. Тадқиқотлар шуни кўрсатдики, тўрт ва ундан кўпроқ болаларни тарбиялаётган аёллар уй-рўзғор ишларига болалари йўқ аёлларга қараганда ҳафтасига 23 соат кўп вақт сарфлайди, ўқиш ва маданий савиясини ошириш учун эса боласиз аёлларга нисбатан деярли тўрт баравар кам вақт сарфлайди.

Эркак ва хотин-қизлар вақти бюджетининг умумий структурасида жиддий тафовутлар кўзга ташланади. Шуни айтиш кифояки, эркак иш кунлари ўзига қараш учун, овқатланиш ва уйкуга аёлларга қараганда 10—15 процент кўп вақт сарфлайди. Бундай жиддий тафовут шунга олиб келадики, ўқиш ва малакасини ошириш, ижтимоий фаолият, маданий дам олиш ва ҳоказолар учун аёл киши эркакка нисбатан анча кам вақтга эга бўлади. Бинобарин, хотин-қизларнинг бўш вақтини оширишга уларнинг меҳнат шароитини яхшилашнинг жиддий омили, улар турмуш тарзини ривожлантириш ва такомиллаштиришнинг жуда муҳим шарти деб қараш керак.

Шунга қарамай, хотин-қизларнинг ишдан ташқари вақтидан рационал фойдаланиш ва уларнинг бўш вақтини кўпайтириш масалалари олимларнинг ишларида ҳали ҳам лозимича аксини топгани йўқ.

Ижтимоий ишлаб чиқаришда банд бўлмаган туб миллат хотин-қизлари ўртасида атеистик тарбияни активлаштириш бугунги куннинг актуал проблемаларидан биридир. Уларнинг анчагина қисми ҳали ҳам эски ва зарарли анъаналар таъсирида бўлиб, улар хотин-қизларни ижтимоий-фойдали меҳнатга жалб қилишни секинлаштирмоқда. Улар бўш вақтининг кўп қисми турли маросимларни ўтказишга кетади. Шунинг учун ҳам диний саркитларни бартараф этишга ёрдам берадиган сиёсий-тарбиявий ишларни, айниқса қишлоқдаги ишламайдиган уй бекалари орасида кенгрок олиб бориш керак. Бу ишда хотин-қизлар советлари фаол иштирок этишлари керак. Шуни унутмаслик керакки, атеистик тарбияни қучайтириш хотин-қизлар дунёқарашига жуда катта таъсир кўрсатибгина қолмай, ўсиб келаётган ёш авлоднинг тарбияси, унинг социал активлигига ҳам ижобий таъсир қилади.

Юкорида кўрсатиб ўтилган социал-иктисодий ва маънавий проблемаларнинг рўёбга чиқарилиши партия Марказий Комитетининг КПСС XXVII съездида Сиёсий докладида қўйилган вазифани — «**аёлларнинг оналикни меҳнатда ва ижтимоий фаолиятда актив қатнашиш билан муваффақиятли тарзда қўшиб олиб боришларига имкон берадиган меҳнат ва турмуш шароитларини яратиш**» вазифасини муваффақиятли ҳал қилишга ёрдам беради.

ХУРРИЯТНИНГ ЙЎЛИ

Со ра Э Ш О Н Т Ў Р А Е В А,
СССР халк артисти

УЛУҒ ОКТЯБРЬ социалистик революцияси Ўрта Осиё халклари тақдирида ниҳоятда катта ўзгариш ясади, уларни колоқ турмуш асоратидан қутқарди. Айниқса, бир неча асрлар мобайнида эзилиб келган хотин-қизларнинг ҳаётига янги турмуш нафасини олиб кирди, ёшлар тақдирига тубдан янгилик киритди. Уларни тўрт девор қуллигидан, феодализм ва шариатнинг аёл ҳурлигини топтовчи қонунлари исканжасидан озод қилди. Шунинг учун ҳам ўзбек аёллари инқилобнинг дастлабки қунлариданок ўз фарзандларига «Хуррият» деб исм қўядилар.

Халқимизнинг хурриятни қўлга киритиши ҳамда хурриятларнинг ижтимоий ҳаётда ўз ўрнини топишлари осон бўлмади. Шунинг учун ҳам партия ва ҳукуматимиз бу масалага жиддий ва кенг қаради. Ёш ўзбек совет театри эса бу масалани чуқур ва оммабоп тарзда тарғиб этишга ўзини сафарбар қилиб, ёш республиканинг «Хужум» номли ҳаракатида фаол қатнашди.

Революциягача ярим профессионал даражада ишлаб келган ўзбек театри ўз актрисаларига ҳамда аёл томошабинларга ҳам эга эмасди. Шу сабабли театр инқилоб ғояларини тарғиб қилиш билан бирга аёллар орасидан ўз кадрларини танлаб олиш, тарбиялаш, томошабин орттириш ишига катта аҳамият берди. Театрларда болалик аёлларни яхши кутиб олиш учун шароит яратилди. Кўпгина мактабларда, интернат ҳамда билим юртларида мингларча қизларни санъатга йўллаган драма ва музика тўғарақлари ташкил топди. Халима Носирова, Тамарахоним, Мукаррама Турғунбоева, Назира Алиева, Турсуной Сайдазимова, Нурхон, Шоҳида Маъзумова, Тошхон Султонова, Замира Ҳидоятлова сингари санъаткорларнинг ана шундай тўғарақлардан чиқишгани барчага маълум.

Ўзбек театр санъатини ривожлантириш ва унга аёл актрисаларни етказиб бериш учун республикамиздан ташқаридаги театр студиялари ва билим юртларига ёш кадрлар, жумладан қизлар жўнатилди. Москва ва Бокуга ўқишга юборилган қизлар ана шу тадбирнинг самараси эди. 1925 йили Москва студиячилари таътил муносабати билан Самарканд ва Тошкентга гастролга келиб бир-икки йиллик таҳсил натижаси — Мольернинг «Хасис» комедиясини намойиш этдилар. Мазкур спектакль ўзбек қизларида яшириниб ётган истеъдод кирраларини ёрқин кўрсатди.

1927 йили Москвадаги драма студия талабалари «Хасис», «Ревизор», «Маликаи Турандот», «Еркиной», «Яна уйланаман», Боку театри билим юртини тугатганлар «Ойдин», «Аршин мол олон», «Чарлейнинг холаси» спектакллари томошабинларга тақдим этди. Бу ҳар икки труппанинг 1927 йилдан эътиборан дадил амалга оширила бошлаган «Хужум» ҳаракатига жавоби эди.

Театримизда 1926 йили қўйилган Фулом Зафарийнинг «Халима» музыкали драмаси асрлар давомида эзилиб келган оддий халқ кўнглидаги оташ дардларнинг жонли тасвири бўлди. Зеро фарзандини инсон ўрнида кўрмай, унинг эзгу орзу-ҳаваслари, ишқ-муҳаббати билан ҳисоблашмаган, ўғил-қизларини бир буюм ўрнида кўрувчи ота-оналар тимсоли Халимани ота-онаси Муслим ва

Хожарда акс эттирилган бўлса, арзимас қарзлар ҳисобига камбағалларни ўзига қул қилиб олувчи бойлар образи — Ортиқбой характерида ўз ифодасини топганди.

Ҳалима ва Неъмат фожиаси кўпгина йигит-қизларнинг фожиаси эди. Шунинг учун ҳам томошабинлар бу асарни чин кўнгилдан қабул қилдилар. Кўпгина хотин-қизлар шу спектаклдан кейин паранжи ташлашгани маълум факт.

Ўзбек театри хотин-қизларнинг ўтмишини тарих асосида ёритиш ва ёшларни юксак орзу-идеаллар руҳида тарбиялаш ишини «Ҳалима»дан кейин ҳам изчил давом эттирди. Ҳамза вафотидан кейин сахна юзини кўрган «Бой ила хизматчи», «Ҳолисхон», «Майсаранинг иши» асарлари феодализм давридаги факат ўзбек аёллари эмас, балки бутун шарқ хотин-қизлари ҳаётининг кўзгуси бўлди. Факат кўзгу эмас, шу тузумнинг барча ёвузликлари фош этилди. Янги тузум, янги ҳаёт афзалликлари, қадрияти томошабинлар қалбига, онгига сингиб кетди.

Театр санъати ёш совет республикасининг дастлабки йилларидаги хотин-қизларнинг ижтимоий ҳаётга аралашishi ва очилиш мавзусини К. Яшин ва М. Муҳамедовнинг «Гулсара» асари мисолида сахнага олиб чиқди.

Театр бу илк муваффақият билан чекланмади. Сахнага эски турмуш бидъатларини фош этувчи ва уларга қарши фаол курашувчи хотин-қизлар образи кириб келди. Мен бевосита ўзим иштирок этган В. Ян ва Чўлпоннинг «Хужум» комедиясини назарда тутмоқдаман. Комсомол қиз Турсуной — Хужума фақатгина хотин-қизлар озодлиги учун эмас, балки бутун эски турмуш саркитлари, иллатларига қарши курашувчи актив комсомол қиздир. Агар «Ҳалима», «Ҳолисхон», «Майсаранинг иши» адолатсиз ижтимоий тузумга қарши норозилик бўлса, «Хужум» эса хурфот-бидъат ва унинг ташвиқотчилари илдинини қуритишга қаратилган кескин ва хужумкор асар эди.

Ҳа, инқилобдан кейин ўзбек аёллари ижтимоий ҳаётда фаол аралаша бошладилар. Аммо бу революция душманларига маъқул келмади. Шу сабабли Фотима Сиддиқова сингари фаолаларни, Вайнайча, Турсуной, Нурхон сингари санъаткорларни ваҳшиёна ўлдирдилар. Лекин бундай қотиллик ҳам хотин-қизларни сира чўчита олмади.

Аёллар фақат сахнада эмас, ижтимоий ҳаётда, илм-фан соҳасида ҳам ўзларини кўрсата бошладилар. 30-йилларга келиб, коллективлаштириш ишида ҳам бригадир, раиса, оддий колхозчи сифатида бўй кўрсатдилар. Драматург Комил. Яшиннинг «Икки коммунист» ва «Номус ва муҳаббат» асаридаги Дилбар, Онахон сингари аёлларимиз ўзлигини таниган, оилага ҳам, социалистик Ватанга ҳам садоқатли аёллар рамзига айланди.

Театр санъати аёллар хурлигини, эркинлигини, бахтини тарғиб қилиш билан бир қаторда, уларнинг ижтимоий ҳаётдаги ўрни ва ролини ҳам кўрсатишга интилди. Любовь Яровая, Султонбегим, Ҳафиза, Хуррият, Санобар, Айний ва бошқа кўпгина образлар яратилдики, булар аёлларнинг турли даврдаги, турли шароитдаги ижтимоий мавқеини очиб берди.

Ҳамза номидаги академик драма театри аёлларнинг уруш ва тинчликка, капитализм ва мустамлакачиликка муносабатини «Ҳазоир менинг Ватаним», «Туркия ҳақида ҳикоя», «Ўғирланган умр», «Ғариблар» сингари асарлар орқали талкин қилди ва уларнинг умуминсоний орзуларини тараннум этди.

Аёлларнинг оиладаги, ижтимоий ҳаётдаги ўрнини турли жанрларда таҳлил қила борди. Урушдан кейинги тинч қурилиш йилларида, айниқса 50—60-йилларда на оилага, на жамиятга фойдаси тегмайдиган аёллар характери томи маънода акс эттирди. Мен Б. Раҳмоновнинг «Юрак сирлари»даги Сурмахон, А. Қаҳҳорнинг «Тобутдан товуш» ва «Оғрик тишлар»даги Нетайхон, Хуморхонни назарда тутяпман.

Ҳамза номидаги театр хотин-қизлар фаолиятини изчил ёритиб келмоқда. Аммо бу анъанани республика ёшлар ва болалар театрлари, драматургия унчалик қўллаб-қувватламапти. Ушбу театрлар томошабинларни катта театрларга тарбиялаб, тайёрлаб берувчи коллективлардир.

Халқимизда «куш уясида кўрганини килади» деган ҳикмат бор. Шу муносабат билан ўқувчилик йилларимдан бир лаҳзани эсламоқчиман. Студияда ўқиб юрган чоғларим... бўйнимда қизил галстук кўчада писта чақиб кетмоқда эдим. Тўсатдан пайдо бўлиб қолган навбатчи пионерлар мени тўхтатишди. Галстугимни ечиб олиб пионер низомини сўрашди. Уларнинг барча саволларига жавоб бериб, интизомни бузмасликка ваъда қилиб, ялиниб-ёлворганимдан кейингина галстугимни қайтариб беришди. Ўша-ўша ўзимга талабчанликни сира бўшаштирган эмасман. Афсуски, ҳозирги ўқувчиларда ана ўшандай тартиб-интизомни жуда кам кўраман. Театрлар, драматурглар болаларни, айниқса қизларни ёшликдан ижтимоий актив ва ташаббускор, Ватан ва оилага бурчли кишилар қилиб тарбиялашга унчалик эътибор беришмаяпти. Бу ахволда Майна Ҳасанова, Тожиҳон Шодиева, Жаҳон Обидова, Турсуной Охунова, Собира Холдорова, Лутфихон Саримсокова, Тамарахоним, Зулфия каби ижтимоий ҳаётда ўз ўрнига эга бўлган замонамиз қаҳрамонларини етказа оламизми?!

Аёлнинг оилада ва жамиятдаги ўрни катта ҳамда ниҳоятда масъулиятли. Агар аёлнинг ўзи жамоат ишларида фаол бўлса-ю, фарзандлари ноқобил чикса, одамлар уни кечиршимайди. Аёл ҳар икки жиҳатни ҳам тенг олиб бориши керак. Борди-ю, у оилавий ишлар билан банд бўлиб ижтимоий ҳаётга тўла аралаша олмай, чин инсонни вояга етказса, унинг номи абадий қолади. Эшитишимча, Японияда аёлларни бола тарбиялашга, оилага қарашга махсус ўқитилар экан. Шу масалани тўла-тўқис амалга оширишнинг ўзи бир жасорат. Чунки чин инсонни тарбиялаб етказиш давримизнинг энг долзарб муаммоси бўлиб қолди. Партиямизнинг инсон омили ҳақидаги масалани бу қадар жиддий қўйишининг боиси ҳам шунда.

Қасбим, ижтимоий вазифам туфайли кўпгина учрашувларда, йиғинларда бўламан, турли жойларга сафарга чиқаман. Ешларимизнинг фаоллигини, ҳаётимизнинг барча жабҳаларига актив аралашаётганини кўриб фахрланаман. Саноатда, кишлок хўжалигида, фан, адабиёт ва санъатда номдор аёллар, қизларнинг сафи кенгайётганини кўриб қувонаман. Бу 70 йил аввал фақатгина хомхаёл эди. Энди эса рўё.

Лекин барибир ҳали ҳам хотин-қизларда ижтимоий фаоллик етишмайди. Улар ҳар доим ҳам ўз ҳақ-ҳуқуқларини талаб қилиб, дилдаги ниятларини очик айтмайдилар ва дадил амалга ошира олмаётдилар. Масалан, бир фактни олайлик: республикамизда кейинги йилларда гепатит касаллиги кўпайиб кетди. Бундан кўпроқ хотин-қизлар азоб тортди. Чунки бола онанинг жони-да. «Ўзбекистон адабиёти ва санъати» газетасида биргина онанинг изтироб тўла мақоласи босилди, холос. Негадир, касби шифокор бўлган хотин-қизлар беморларни дори-дармон билан даволаш билан бир қаторда касалликнинг илдизини очмадилар, улар ҳақида лом-мим дейишмайди. Бу нима? Профессионал лоқайдликми ё тошбағирликми? «Бутифос» деган захарли дефолиант ҳақида ҳам чурк этишмади. Езда қовун-тарвузга селитра солингани туфайли жуда кўп кишилар касал бўлади. Аммо негадир уларни даволовчи шифокор хотин-қизларимиз бу ҳақда ҳам сукут сақлашади. Ахир, кишлок хўжалигида ишлатилаётган кимёвий ўғитлар, моддаларнинг фойда зарари уларга аёнқу. Ё бўлмаса, кишлок хўжалиги соҳасида иш олиб бораётган олималар бундан беҳабарми? Қачонгача жим турасиз, опа-сингиллар!

Ижтимоий фаоллик ҳозирги даврда ҳар қачонгидан зарур. Фарзандларни ижтимоий фойдали, гражданин қилиб тарбиялаш ҳам ўша фаолликнинг асосий қисмидир. Афсуски, кейинги йилларда бизнинг саҳнамизда хурриятлар кўзга кам ташланаяпти.

Умуман, ҳар даврнинг ўз саҳна қаҳрамонлари бўлиши керак. Театр ва драматурглар бу масалани ҳеч қачон унутмасликлари лозим. Негаки, бизнинг келажагимиз учун курашган Хуррият ва Хурриятхонларнинг машаққатли йўли бизни доимо ижтимоий-маънавий фаол бўлишга даъват этади. Ҳаётимизнинг гўзаллиги, тузумимизнинг қудрати ҳам ана шунда.

«ҲУЖУМ» ҲАРАКАТИ БОШЛАНГАНИНИНГ 60 ЙИЛЛИГИГА

ДАВР БИЗНИНГ ТАҚДИРИМИЗДА

Н. САРАДЖЕВА

Йиллар худди тезучар қушлар мисол шитоб билан ўтиб бормоқда. Лекин қушлар ҳар йили баҳорда қайтиб келишади, вақт эса қайтмайди. Бошдан кечирилган кунлар бетакрор ўтмишга айланади. Бироқ шундай кунлар бўладики, уларнинг ёди хотирада доимо муҳрланиб қолади. Ушбу ҳикоя бир неча хотин-қизлар ҳаётидаги ана шундай унутилмас кунлар ҳақида, авлодларнинг давомийлиги ва тақдиримизга ўз муҳрини босувчи давр тўғрисидадир.

* * *

Дини ислом учун муқаддас шаҳар Бухоронинг ҳамма минораларидан муаззинлар кунига беш дафъа «Оллоҳу акбар! Оллоҳу акбар!» дея ибодатга чорлашарди. Уларнинг бу даъватлари ҳавода таралар экан, айти бир пайтда зиндонлардаги тутқунлар тириклайин чиритилар, Регистонда «шаккокларнинг» бошларини олишар, шариат қонунларига шак келтиришга журъат этганларни ўлим минорасидан иргитишарди. Камбағаллар кун кечирадиган хилват ва боши берк жинкўчалар, оддий халқдан чиққан меъморлар бунёд этган, лекин жаҳолатпарастлик ва фанатизм истеҳкомига айланган гўзал қасрлар, амир даври даврон сурган муаззам Арк ва зарҳалланган ҳарамлар — уларда қанчадан-қанча даҳшатли сирлару инсон фожиалари пинҳон эди.

Гўёки зарнинг зўри, исломнинг яшил туғи, тангри қаршисидаги ваҳима туйғуси қўллаб-қувватлаб турган мустабид ҳокимиятга путур етказадиган куч йўқдек ва бўлиши ҳам мумкин эмасдек туюларди. Гўёки халқ ғазабини алангалата оладиган қудрат йўқдек ва бўлиши ҳам мумкин эмасдек туюларди.

Лекин ниҳоят олис Россияда «Аврора»нинг гүмбурлаган наъраси эшитилди. Ғолиб инқилобнинг соф шабадаси муқаддас Бухоро заминига ҳам етиб келди. Инқилоб бўронининг зўр шиддати асрлар давомида амирлик тахти, жаҳолатпарастлик ва қулликни асраб келган қалъа деворларини зир титратди.

...1917 йил. Когонда депутатлар Совети ташкил топди. Босмаҳонанинг катта матбаачиси ва келгусида Туркистон республикасининг бўлғуси халқ комиссари, кейинчалик Марвда оқғардиячилар томонидан ёвузларча ўлдирилган Павел Полторацкий Совет раиси қилиб сайланди. Унинг таклифига биноан Елена Самойленко шу ерда ташкил этилган хотин-қизлар Советининг секретари қилиб тасдиқланди. Уша кун Когондаги босмаҳонанинг ўн олти ёшли ишчиси ҳаётида туб бурилиш ясаган кун бўлди — у шу кундан бошлаб умрбод ҳаққоният иши учун курашчилар сафидан ўрин олди.

Уша кезларда у ҳали кўп нарсани тушунмас, турмуш тажрибаси ва саводи камлик қилар, лекин илгари барқарор туюлган пойдеворнинг зил кетаётганини, кунни кеча тилга олса боши кетадиган шиорларнинг очикдан-очик эълон қилинаётганини, революцион ашулалар мулаларнинг пинғиллаган овозларини босиб кетаётганини кўриш ва эшитиш ғоят завқли эди. Бош кўтарган халқ учун на таҳдид-пўписалару қарғишлар, на вақтинчалик муваффақиятсизликлару мағлубиятлар кўрқинчли эди.

Елена ҳаммасига улгурарди: хизматкорларини йиғилишларга юборишни истамаган бекалар билан олишар, саводсизликни тугатиш тўғрагида қўлидан келганича машғулотлар ўтказар, шариат қонунларига ҳали ҳам илгаригидек қатъий амал қиладиган ўзбек хотин-қизлари ўртасида эҳтиёткорлик билан ўзи учун хатарли бўлган тарғибот ишини олиб борар эди. Сўнгра у қизил гвардиячилар отряди жангчиси бўлди.

Бир йилдан сўнг, 1918 йилда Елена Самойленко большевиклар партиясига аъзо бўлди. Бундай қараганда унинг ҳаётида ҳеч нарса ўзгаргани йўқ — у ҳали ҳам аввалгидек агитатор ва жангчи эди, лекин энди ана шу номлари ёнига яна бир унвон — большевичка деган ном қўшилди. Бу унвон унга ҳеч қандай имтиёзлар бермас, фақат энг оғир жойда бўлиш, Советлар ҳокимияти учун сўнгги ўқи қолгунча жанг қилиш, агар зарур бўлса, ҳаётини ҳам қурбон қилиш ҳуқуқини берар эди. У виждонан жанг қилди, жанг қилганда ҳам икки фронтда жанг қилди, ўзбек хотин-қизларининг узлатдаги жабрли турмушига қарши авж олдириб юборилган жанг ҳам босмачиларга қарши олиб борилаётган қуролли кураш сингари ғоят муҳим ва хатарли эди.

Елена Туркистон fronti штабида ишларди, бироқ Хоразмда халқ революцияси бошланганида у ўзини Амударё қўшинлар группасига қўшишларини илтимос қилди. Хива хонлиги харобалари ўрнида вужудга келган Хоразм Халқ Совет республикасида ёш коммунистнинг ташкилотчилик қобилиятлари алоҳида намоён бўлди. У ҳамма жойда керакли эди ва ҳаммасига улгурарди ҳам: штабга юбориладиган маълумотномани ўз вақтида кўчириб берар, қизил аскарларга газета ўқир, медсестра Маруся Пижовага ярадорларга қарашишга ёрдамлашар, хотин-қизлар мажлисларида сўзга чиқарди. Елена қай ишга қўл урмасин — уни астойдил, чин юракдан бажаришга ҳаракат қиларди. У атрофида Совет ҳокимиятининг мухтор вакилларида шафқатсиз ўч олиш ниятида юрган душманлар кўплигига қарамай жон-жаҳди билан меҳнат қиларди. Елена кабиларни амалда ҳар бир муюлишда хавф-хатар кутар, ҳар бир қумтепа орқасида ажал яшириниб ётарди, чунки зимдан иш қиладиган, маккор ва айёр босмачилар очикдан-очик жанг қилишдан ўзларини олиб қочарди. Барибир, Елена партиявий топшириқни бажариб, Хивада хотин-қизлар советини ташкил этади, совет активисткаларига отаси ёки эрининг амридан кўрқадиган мазлум хотин-қизлар олдида боришга йўл топиш учун ёрдам беради.

Аста-секин жасур рус қизининг доврўғи етти қават деворлар оша ҳам эшитила бошлади. Хотин-қизлар унинг тимсолида ўзларининг халоскорини кўрдилар, унинг ёрдамида хотин-қизларнинг эркаклар билан тенг ҳуқуқлилигини эълон қилган Совет ҳокимиятининг қудратини ҳис этдилар. Еленага ишона бошлашди ва унга кўпинча махфий кечадиган учрашувлар чоғида эркинлик сари талпинган асиралардан ўч олмоқчи эканликлари ҳақида хабарлар келтиришарди. Босмачиларнинг Нурловойдан энг гўзал қизларни ўғирлаб кетишганини ҳам Еленага айтишган эди. Ушанда у қизил аскарлар отряди билан босмачилар орқасидан от қўйган эди. Улар асираларни озод қилишиб, ўзларининг уйларига қайтаришди. Елена босмачилар ўтакасини ёрган қизларни нафақат тинчлантирди, шу билан бирга ўзининг оташин эътиқоди билан уларни янги давр бошланганига ва турмушни янгича қуриш кераклигига ишонтира билди.

Ёзишларига ҳарамхоналарнинг бандилиги битилган ана шу қизларнинг кўпчилиги маълум вақт ўтганидан сўнг «Хужум»нинг актив иштирокчиларига айланди. Бунда Елена Георгиевна Самойленконинг — ўзбек хотин-қизларининг азоб-уқубатлари ва изтиробларини ўз дарди деб билган коммунистнинг катта хизмати бор. Кейинчалик ҳам, партия уни қаерга — меҳнат халқ комиссарлигига, Турк МИКга, ипакчилик трести системасига, коллективлаштиришни ўтказишга ёки хотин-қизларни озод қилиш учун курашга юбормасин, ҳамма жойда у ўзининг партиявий бурчига содиқ қолди.

Елена Георгиевна ўзининг хатарли даврда кечган ёшлик йиллари ҳақида ҳикоя қилганда ёши етмишдан ошиб қолган, лекин унинг кўзлари ҳали ҳам ёшларникидек чақнаб турар, ўша йиллар воқеалари ва ҳозир ҳам барҳаёт ҳамда ҳаётдан кўз юмган ўртоқлари ҳақидаги хотиралар унинг ёдидан сира ҳам

ўчмаган эди. Уларнинг кўпчилиги хотин-қизлар ўртасидаги ишларни ташкил қилиш учун Туркистонга келиш билан партиянинг муҳим вазифасини, В. И. Лениннинг шахсий топшириғини бажарган эдилар. Биз ҳам улар номини эсга оламиз.

Серафима Тимофеевна Любимова оташин нотик, зийрак, назокатли ўртоқ, оқила партия ходимаси эди. У узоқ вақт мобайнида Туркистон Компартияси МК, сўнгра эса ВКП(б) МК Урта Осиё бюроси хотин-қизлар бўлими мудир лавозимида ишлади. Партия ташкилотларининг мактаблар ва клублар очиш, хотин-қизларни ишлаб чиқаришга жалб этиш ва улар ҳуқуқини ҳимоя қилиш соҳасидаги кўп қиррали фаолиятига Серафима Тимофеевна нафақат кўплаб тиним билмас меҳнатини, ташкилотчилик талантини, шу билан бирга ўз қалбининг бир қисмини ҳам бахш этган эди.

Дастлабки хотин-қизлар ўртасидаги ишлар ташкилотчилари орасида ВКП(б) МК Урта Осиё бюроси хотин-қизлар бўлими мудир ўринбосари Анна Алексеевна Аксентович, Ревком аъзоси, меҳнат халқ комиссари ўринбосари Павла Александровна Валькова, Ольга Михайловна Попова, Прасковья Ильинична Желудева ва бошқа кўплаб ўз ҳаётларини Туркистон ўлкаси хотин-қизларини озод этиш ва маърифатли қилиш учун курашга бағишлаган большевик хотин-қизлар бор эди. Бу жасур аёллар қийинчиликларга қарамасдан эркинлик ва бахт-саодат уларнинг ўзбек дугоналарининг тақдирига айланиши, улар ҳам Советлар Мамлакатининг барча вакиллари сингари шахсий қобилиятларини ривожлантира олишлари, дунёни ўзларининг санъати билан қувонтиришлари, ишлаб чиқаришга ижодий ҳисса қўшишлари, осойишталик билан болаларини тарбиялашлари учун курашдилар. Ўзбек хотин-қизлари билан рус аёллари — уларнинг меҳрибон дугоналари, ғамхўр мураббиялари, жонажон опалари қўлни қўлга бериб бирга бордилар.

...Опалари. Ҳа, ўшанда уларни опа деб аташарди, шу бир сўзда меҳр-муҳаббат, ҳурмат-эҳтиром, беғаразлик ва қаҳрамонлик учун чуқур ҳурмат жо бўлган эди. Уша йилларда хотин-қиз активисткалар кимлар бўлиб ишлашмаган! Медицина ҳамшираси бўлишганми? Албатта, чунки улар бирор қишлоққа келганларида дастлабки медицина ёрдамини кўрсатишларига, гигиена ва санитария асосларини ўргатишларига ҳам тўғри келарди. Муаллималик қилишганми? Албатта, чунки саводсизликни тугатиш асосий вазифалардан бири эди, бу аёллар саводсизликни тугатиш тўғракларини ҳам бошқаришарди. Адвокат ва судьялик ҳам қилишганми? Ҳа, чунки улар хотин-қизларнинг иззат-нафсини ва қадрини ҳимоя қиладиган совет қонунларини муҳофаза қилишарди. Шак-шубҳасиз, жангчилар ҳам бўлишган — чунки душман ўқи уларни ҳар қадамда пойлаб турарди.

Йиллар ўтади. Хотин-қизлар озодлиги учун кураш тарихга айланади, лекин «Хужум»нинг олдинги марраларида бўлганларнинг қаҳрамонлиги халқ ёдида абадий сақланиб қолади. Ун йиллардан сўнг Ўзбекистон хотин-қизлари съезди минбаридан туриб айтилган қуйидаги сўзлар ҳам ана шу қаҳрамон аёллар тўғрисида эди:

— Биз ўзбек хотин-қизларининг ижод ва бунёдкорликнинг бахтиёр ва ёрқин йўлига чиқиб олишларига ёрдам бериш учун кўплаб куч-қувватларини бахш этган рус опаларимиздан беҳад миннатдормиз.

* * *

...1921 йил ёзида Катта Кремль Саройининг Свердлов залида Халқаро хотин-қизлар конференцияси ўтарди. 28 мамлакатдан келган делегат аёллар хотин-қизлар ҳаракатининг энг муҳим масалаларини муҳокама қилишарди. Мажлисда раислик қилаётган Клара Цеткин конференцияга Шарқ вакиллари делегацияси келганлигини эълон қилганида зал жонланиб кетди. Залдагилар кўпчилиги юзига чачвон тутган хотин-қизлардан иборат группани ўрнидан туриб қўлов билан қарши олди. Кечагина узлат бандилари бўлган, бугун эса бу ерда, Москвада пайдо бўлишларининг ўзи билан эски дунёга қарши бош кўтарган бу аёлларни кашшофлар, янги дунёга илк қадам қўйган кишилар сингари кутиб

олишди. Уларни Н. К. Крупская, А. М. Коллонтай, Клара Цеткин муборакбод қилишди.

Нозик қадли бир жувон группадан ажралиб чиқди. У чачвонни иргитиб юборди, ҳамманинг кўзи икки ўрим қора сочи тўпигигача тушиб турган, бошига дўппи кийган жувонга тушди. У журъатсизгина минбарга кўтарилди, залга чўчиброқ назар ташлади ва кўзларидан дув-дув ёш қуйила бошлади. Лекин Клара Цеткиннинг тасаллисидан, Надежда Константиновнанинг меҳрли табассумидан ўзини тутиб олган қиз бир-икки оғиз миннатдорчилик билдирди.

Бу қиз Туркистон ўлкасининг биринчи коммунист аёлларидан ва хотин-қизлар ўртасидаги ишлар ташкилотчиларидан бири Шамсиқамар Ғойибжонова эди. Ажойиб тақдир эгаси, узоқ ва гўзал ҳаёт кечирган бу аёл то умрининг охиригача ўзи ихлос қўйган ғояга садоқат билан хизмат қилди, у ана шу ғояни деб асрий анъанага қарши бош кўтарган эди. Унга ҳам унинг барча тенгқурларига бўлгани сингари шариат қонунлари томонидан олдиндан белгиланган тақдир тайёрлаб қўйилган эди. Уни сотиб олиш, сотиш ва, ҳатто, ҳеч қандай жазоланмасдан ўлдириш ҳам мумкин эди. Ун яшарлигидак ўзининг бошига паранжи солдилар, у то умрининг охиригача ана шу паранжини ёпиниб юриши керак эди.

Ҳар доим шундай бўлиб келган. Оғир ва қайғули йиллар бир-бирига уланиб, асрларни ташкил этар, лекин ўзбек хотин-қизларининг тақдирида ҳеч нарса ўзгармас эди — у уч томонлама зулм — социал, миллий ва диний-маиший зулм остида азоб чекарди. Владимир Ильич Ленин Шарқ хотин-қизларини «жабр кўрганлар ичида энг жабрдийдалар ва қуллик зулмидан энг кўп асорат чекканлар» деб атаган эди. Шу сабабли ҳам залда бизнинг юртдошларимизни қўтлаётган кишилар қалбида кўтаринки руҳ тўлиб-тошгани ва Шамсиқамарнинг ҳаяжонланаётгани тушунарли ҳол эди.

Сўнгра яна бир кун келдики, у Шамсиқамар ҳаётини мунаввар этди. Туркистонлик хотин-қизлар Москвадаликлари пайтида Коминтерннинг III Конгресси иш бошлади. Унинг очилиши шарафига Қизил майдонда парад бўлди. Урта Осиёдан келган хотин-қизлар делегациясини минбарга таклиф қилишди. Митингга сўзга чиққанлар орасида Шамсиқамар Ғойибжонова ҳам бор эди. «У Совет Туркистонининг барча хотин-қизлари номидан партия ва ҳукумат раҳбарларини, Интернационал III Конгресси делегатларини тортибгина ва ҳаяжонланиб табриклаган эди, — деб ҳикоя қилади ўз эсдаликларидан Туркистон Компартияси МК хотин-қизлар бўлими мудирининг ўринбосари Р. Г. Шершевская. — Қуллик асоратидан халос бўлган ўзбек қизининг сўзи гулдурас қарсақлар билан қарши олинди».

Барибир, Шамсиқамар улар делегацияси Владимир Ильич билан учрашган кунни ҳаётидаги энг бахтли кун деб ҳисоблар эди. Ленин шу пайтда Конгресс тайёргарлиги билан машғул, унинг устига тоби йўқроқ эди, шунинг учун расмий қабул тўғрисида гап ҳам бўлиши мумкин эмас эди. Яхшики, хотин-қизлар Советлар Уйи биносида яшаб туришар, Ленин шу ерда Бутун Россия озиқ-овқат кенгаши очилишида нутқ сўзлаши керак эди. Хотин-қизлар Надежда Константиновнага мурожаат қилишди ва унинг ижозати билан Владимир Ильични Советлар Уйига кираверишда кутиб олиш тўғрисида келишиб олишди.

16 июнь куни эрталаб барвақт, ҳали кенгаш бошланишидан анча олдин, хотин-қизлар бинога томон борадиган йўлкага чиқиб туришарди. Улар дафъатан Ленинни кўриб қолдилар. У чаққон, енгил қадамлар билан, ўйга толганча келар эди. Р. Г. Шершевская В. И. Ленинга пешвоз чиқди.

— Маъзур тутасиз, Владимир Ильич, — деди у, — Совет Туркистонининг хотин-қизлар делегацияси уларга бир неча дақиқа вақт ажратишингизни илтимос қилади.

Ленин жилмайди, меҳрибонлик билан сўрашди. Хотин-қизлар уни қўраб олишди. Шамсиқамар ўпкаси тўлиб бораётганини ҳис этди ва йиғлаб юборишдан ўзини базўр тутиб қолди. «Менга нима бўлди ўзи, а? Уят эмасми», — деб ўйлади у ўзича ва беихтиёр бошидаги рўмол билан юзини бекитди.

Туркистон Компартияси МК инструктори Ю. Кислова бу учрашувни шундай тасвирлаган эди:

«Ленин кепкасини бошидан олиб, чўнтагига тикди ва шунда биз унинг

силлиқ қилиб қирилган чаккаларининг нақадар оқариб кетганлигини, кўз остлари салқиганини кўриб жуда ачиниб кетдик... Бу Ленин ўз зиммасига олган мислсиз оғир меҳнат босган шафқатсиз муҳр излари эди.

Бироқ Ленин дастлабки «Ўртоқ хотин-қизлар» деган сўзларни айтиши ҳамона унинг юзи бутунлай ўзгача тус олди — бу энди ҳаммага маълум, бирон кишига бирон марта зорланмаган Лениннинг ўзгинаси эди. Бу гўёки ҳаммадан ҳам қудратлироқ Ленин эди, чунки у ҳаммага мадад берар, ишонтирар, тўғри йўлга бошлар эди.

— Халқ Комиссарлари Совети ва Марказком номидан сизларни чин юракдан қутлайман, — деди Владимир Ильич.

У сукут сақлаб жим қотган ва ҳаяжонга тушган хотин-қизларга мурожаат қилиб, қисқа ва оддийгина қилиб Советлар Мамлакатининг аҳволи ва вазифалари тўғрисида гапирди, уларни янги турмушни бунёд этишда фаол қатнашишга чақирди. Ленин энг оғир кунлар орқада қолди, лекин қашшоқлик, вайронгарчилик ва очарчилик азобларидан қутулиш учун ҳали яна кўп ишлар қилишимиз керак, деди. «Хотин-қизлар қўли билан етиштирилган ҳар бир пуд пахта, ҳар бир боғлам буғдой, улар тўқиган ҳар бир метр газлама — республика учун мададдир. Бу айни бир пайтда хотин-қизларни озодликка чиқаришнинг бирдан-бир йўлидир. Туркистоннинг барча хотин-қизларига биз уларнинг ёрдамини кутаётганимизни айтиб қўйинг».

Владимир Ильич хайрлаша бошлаши билан делегатлардан бири унинг ёнига борди, нимадир демоқчи бўлди, лекин русча яхши гапира олмагани учун жимиб қолди, сўнгра у Владимир Ильични қучоқлаб, унинг юзларидан ўпиб олди.

Зеро, ана шу кун тўғрисидаги хотира Шамсиқамар Ғойибжонованинг бутун умрига татигулик воқеа эмасмиди?

Кўп йиллар ўтгач, Н. К. Крупская ана шу воқеани эслаб, шундай ҳикоя қилган эди: «1921 йили Москвада Халқаро хотин-қизлар конференцияси бўлиб ўтди. Унга шунингдек мусулмон хотин-қизлар ҳам келишган эди... Улар кўчада ўртоқ Ленин билан учрашишган, уни ўраб олишиб, кўз ёшлари ичра унга нималарнидир гапиришган, қучоқлаб олишган эди. Ўртоқ Ленин тўлқинланиб кетган эди. Сўнгра хотин-қизлар Ленин билан бирга Кремлга томон кетишди. У йўлда кетаётиб шундай деган эди: «Бу жабр кўрганлар ичида энг жабрдийдаларнинг онгли ҳаёт сари интилишидир. Энди меҳнаткашларнинг ғалабаси муқаррар». Ўртоқ Ленин Шарқнинг асрлардан бери эзилиб келаётган ишчи, деҳқон хотин-қизларининг уйғонишини ғалабанинг гарови деб билган эди». Доҳий башорати рўёбга чиқди.

Биз бирор соҳанинг, масалан, экономиканинг шиддатли ўсишини кўрсатмоқчи бўлсак, рақамларга мурожаат қиламиз. Бунда санок боши маълум бўлади. Бироқ Улуғ Октябрь социалистик революцияси ғалабасидан кейин ўтган қисқа тарихий муддат ичида асрий қулликдан инсоний маданият чўққиларига томон қадам ташлаган Совет Ўрта Осиёси республикалари хотин-қизларининг маънавий камолотини қандай рақамлар билан қиёслаш мумкин?

Мамлакатимиз Олий Советига депутат қилиб сайланган пахтакор Тўхтаҳон Қирғизбоева, Социалистик Меҳнат Қаҳрамони унвонига мушарраф бўлган сут соғувчи Мунаввар Исоқова, СССР халқ ўқитувчиси Марям Ёқубова, СССР халқ артисти Бернора Қориеванинг, шунингдек яна бошқа юз минглаб ажойиб меҳнаткаш аёлларнинг муваффақиятлари — буларнинг ҳаммаси бизнинг воқелигимиздир, бу биз учун энг муносиб, ҳаётда рўёбга чиққан социал адолатнинг далилидир.

Рақамлар ва фактлар. Улардан энг улканлари ва салмоқчилари ҳам бизни лол қила олмайди — муваффақиятлар, зафарлар, ғалабалар совет турмуш тарзининг узвий қисмларидир. Келинг, яхшиси, бошқа рақамларни эслайлик, бошқа бир фактлар устида ўйлаб кўрайлик.

Олтмиш йил илгари — 1927 йилда ВКП(б) МК Ўрта Осиё бюроси, Ўзбекистон, Туркменистон Компартиялари МКлари, Қирғиз область партия комитети «Ўрта Осиё компартияларининг барча аъзолари ва аъзоликка кандидатларига ҳамда ташкилотларига» Мурожаат қабул қилдилар. Унда ўша

даврдаги маданий юксалиш ва феодал муносабатлари қолдиқларини тугатиш учун қулай вазият характерланади. Бунда озодликка чиқарилган хотин-қизларни иқтисодий ва маданий қурилишда қатнаштирмасдан туриб тараққиётдан орқада қолган халқлар маданиятини жадал ривожлантириш мумкин эмаслиги кўрсатиб ўтилган эди. Ушбу ғоят муҳим ишни ташкил этишда ҳал қилувчи роль коммунистлар ва комсомолларга берилган эди.

Партия чақириғи республикада оташин қўллаб-қувватланди: хотин-қизларнинг иззат-нафси ва кадрини хўрлаб келган эски қонунлар ҳамда урф-одатларга қарши фаол ҳужум бошланди. Бу ҳаракат «Ҳужум» номи билан тарихдан жой олди.

Бу кураш ниҳоятда машаққатли ва шиддатли кураш бўлган эди! Телеграф ҳар кuni «Ҳужум» иштирокчиларидан шафқатсиз ўч олингани, ваҳшиёна ўлдирилгани тўғрисида бир-биридан машъум хабарлар келтирарди. Мана, ўша йилларнинг қон билан битилган хроникаси. Бувайда районининг Полсон қишлоғида Абдураим Ҳожиматов муллаларнинг гижгижлаши билан ўзининг хотинини осиб ўлдирди. Андижон уездининг Назармахрам қишлоғида Шаҳрихон район партия комитети вакили Хадича Ғойибова ва унинг эри Қодир Тошпўлатов ваҳшиёна ўлдирилди. Тошкентда уч аёлни парусинадан тикилган қопга солиб Кўкалдош мадрасаси минорасидан ташлашади. Марғилонда дастлабки ўзбек актрисаларидан бири Нурхон Йўлдошхўжаева чавоқлаб ташланади. Каттакўрғонда комсомол қиз Адолат Хайриева ўлдирилади... Фаол хотин-қизларни тириклайин ерга кўмишар, оғир қийноқларга солишар, лекин ҳеч нарса эски турмушга қарши бошланган ҳужумни тўхтата олмас, хотин-қизларнинг озодликка бўлган интилишларига путур етказа олмас эди.

Архив ҳужжатлари бизга хотин-қизлар кўрсатган кўпдан-кўп қаҳрамонлик, фидокорлик, сабот-матонатлилик фактларини етказган. Ҳаракат бошланганидан кейин ўтган дастлабки ярим йил ичидаёқ 100 мингга яқин хотин-қиз қулликнинг таҳқирлик рамзи бўлган паранжини ташлаган.

Ҳозирги кунда барҳаёт Чиннихон Иброҳимова ҳам ўшанда шу хотин-қизлар орасида эди. Чиннихон опанинг номи ҳам унинг онаси Тўраҳон аяники сингари хотин-қизлар озодлик ҳаракати тарихига абадий битилган. Тўраҳон ая ўлкамиздаги революцион туб ўзгартиришларнинг фаол иштирокчиси, Советларнинг III Бутун Россия съезди қатнашчиси, хотин-қизлар ўртасидаги ишлар ташкилотчиси бўлган эди. Довюррак, ғоявий собитқадам бу инсон ўз қизини ҳам худди шу руҳда тарбиялади. Чиннихон ўзбек қизлари орасида биринчилардан бўлиб Москвага ўқишга борган, пойтахт Краснопресненск райони комсомол конференциясига делегат бўлган, Қўқон комсомол ташкилотига оташин Абдулла Набиев раҳбарлик қилган пайтларда у ана шу ташкилот ишларида актив қатнашган эди.

«Ҳужум» йилларида Жаҳон Обидова — республикамизнинг биринчи президенти Йўлдош Охунбобоевнинг бўлғуси муовини ҳам янги ҳаётнинг актив қурувчилари қаторидан жой олган эди. Ҳамзанинг шогирдлари ва сафдошлари Мунаввар Саримсоқова, Собира Холдорова ва Марям Исмоваларни халқ орасида илк қалдирғочлар деб аташарди. Ўзбек хотин-қизлари ичида биринчилардан бўлиб ўзларини партия ишида кўрсатган Муаззам Маъзумова, Тожиҳон Рустамбековани одамлар энг жасур ва мард кишилар деб билишарди. Улар жасорат кўрсатишди. Баъзан биз «жасорат» сўзини шунчаки ҳам айтаверамиз. Бироқ Ҳалима Қозоқова ва Зухра Юсуповалар ўзларининг ҳаётларини бахш этган ишни фақат шу сўз билан таърифлаш мумкин. Оддий сўзлар билан «улар хотин-қизлар клубларининг мудиралари бўлишган эди» дейиш улар тўғрисида ҳеч нарса айтмаганлик бўлади, чунки ўша йилларда аёл кишининг клубга бориши эски дунёдан юз ўгиришни, янги турмуш сари кескин ва дэдил одим отганликини билдирар эди.

Мана, «Ҳужум» тарихида ёрқин из қолдирган яна бир тақдир.

Бир қиз тоғ сўқмоқлари бўйлаб бекинганича, бирон кимсага учраб қолишдан чўчиб кетиб бормоқда. У Самарқандга бориб олиш учун ошиқар, у ердан Бухорога кетиши керак эди. Бухорода Ўзбекистон Компартиясининг I

съезди бўлиши керак, қиз ана шу съездга делегат қилиб сайланган. Бироқ босмачилар қизни таъқиб қилиб келишди ва уни тоғда қўлга туширишди.

— Биз сени жуда яхши биламиз, — деди қизга қўрбоши. — Сен паранжингни ташлаб, оллоҳ олдида гуноҳга ботдинг. Сен қизларни мактабга чорлаб, ота-боболаримиз удумига шак келтирдинг. Сен кофирлар билан тил топишиб, исломнинг муқаддас туғига хиёнат қилдинг. Энди сен ўлишинг лозим. Лекин сен тавба қилиб, бизга хизмат қилишга рози бўлсанг, жонингни сақлаб қолишимиз мумкин.

Қиз унга шундай жавоб берди:

— Кўзи бир бор очилган одам қайтиб кўрликни хоҳламас. Ундан ўлим афзал.

И. Сулаймонованинг фожиали ҳалок бўлганлиги ҳақидаги хабар съездга етиб келди ва делегатлар қалбини аламли ларзага солди. Съезд ўртоқ Сулаймонова хотин-қизлар учун маданий муассасалар ташкил этиш устида астойдил иш олиб борган жойда қизлар учун унинг номида мактаб очиш билан И. Сулаймонова хотирасини абадийлаштириш тўғрисида махсус қарор қабул қилди.

* *

Ханифа опа Маҳкамова билан Муқаддам Нурматова ҳам — она-бола, улар яшаб, меҳнат қиладиган Калинин районидаги Куйбишев номли колхозда ҳамқишлоқлари уларнинг номларини бирдай ҳурмат билан тилга олишади. Бу аёллар турли авлодларга мансуб бўлиб, уларнинг ҳаёт йўлларини олтимиш йиллик муҳлат бир-биридан ажратиб турса-да, революцион туб ўзгартиришлар билан боғлиқ давр руҳи ва қайта қуриш соҳасида тутган ҳаётий позицияси уларни бир-бирига яқинлаштириб турган умумийлик ҳам мавжуд. Бунда яна бир характерли жиҳат бор. Чинниҳон опа ўз онасини ўзининг биринчи ғоявий мураббияси деб билганидек, Муқаддам ҳам эришилган марра билан қаноатланмаслик ва партиявий бурчни юксак даражада тушуниш каби фазилатларни ўз онасида ўзлаштириб олганига ишончи комил.

Ханифа опа ҳам ўз фарзандларини севади. У ҳам бошқа ҳар қандай она каби болаларининг соғ-саломат, бахтиёр бўлишини истайди. Бироқ унинг оналик муҳаббати талабчан ва фарзандлар бахти ҳақидаги тушунчаси ҳам ўзига хос — у ўз болаларига инсоннинг ҳақиқий бахти инсонларга хизмат қилишда, умум манфаати учун меҳнат қилишда, деб насиҳат қилар экан, бу сўзларни сидқидилдан айтади. Бу сўзлар қуруқ насиҳат эмас, опанинг ўзи мана шу оддий, ҳеч қаерда ёзиб қўйилмаган қонунга мувофиқ ҳаёт кечирди. Коммунист, илғор бригада раҳбари, атрофда не кечаётганига ҳеч қачон лоқайд бўлмаган бу инсон ўз фарзандлари учун меҳнатсеварлик ва маънавий поклик намунаси эди. Муқаддам ҳозир ҳам, ўзининг айтишича, онасининг байрами бутун хонадонни мунаввар этган ўша кунни ҳаяжон билан эслайди. СССР Олий Совети Президиумининг Фармонида биноан онаси Меҳнат Қизил Байроқ ордени билан тақдирланди. Ханифа опа шавкатли меҳнати учун олган ордени «Оналик шўҳрати» ордени билан ёнма-ён тақиб юрар экан, бундан ғоят фахрланади. Ҳақиқатан ҳам, бу аёл зотининг ҳаётдаги энг буюк бурчи — она бўлиш, Ватанимизнинг келажаги бўлган фарзандларни тарбиялаб ўстирганлик учун бериладиган энг фахрий мукофотдир.

Нурматоваларнинг кичиги — Муқаддамни ўртоқлари ажойиб фазилатлари учун астойдил қадрлашади ва ҳурмат қилишади. У — сут соғувчи, унинг меҳнатлари Меҳнат Қизил Байроқ ва Ҳурмат Белгиси ордени билан тақдирланган. Унинг шарафига бир неча бор социалистик мусобақа ғолибига аталган байроқ ҳилпираб турган. Нурматова — фаол ҳаётий позицияга эга инсон: колхоз парткоми аъзоси, ферма партия ташкилоти секретари. Сўнгги ҳисобот-сайлов партия конференциясида уни Тошкент область партия комитети аъзоси қилиб сайладилар. Қолаверса, Муқаддам — ажойиб ўртоқ, меҳрибон, ҳалол инсон. У миннатдор фарзанд, меҳрибон рафиқа ва тўрт боланинг онаси. У ҳозир ўттиз ёшда, ўн йилдан бери КПСС аъзоси.

Ёш коммунистнинг қайта қуришда тутган ҳаётий позицияси ҳақидаги

ҳикояни яна давом эттириш мумкин эди. Лекин биз аёл тақдирида ўчмас из қолдирган унутилмас бир кун тўғрисида ҳикоя қилмоқчимиз. М. Нурматова учун мамлакат коммунистларининг олий анжумани, тарихга партиянинг мамлакат социал-иқтисодий тараққиётини жадаллаштиришга қаратилган стратегик йўлини тасдиқлаган революцион ўзгаришлар съезди сифатида кирадиган КПСС XXVII съезди очилган кун ана шундай унутилмас кундир. Бутун мамлакат ана шу кунни кутган, унга тайёрланган, дунёдаги барча илғор кишилар у тўғрида ўйлаган эди. Энг яхшиларга унда иштирок этиш ишончи билдирилди. Беш минг делегат орасида Муқаддам Нурматова — Ўзбекистон хотин-қизларининг партия тарбиялаб вояга етказган янги авлоди вакили ҳам бор эди. У ўз ҳаётидаги энг бахтли бу даврни умрбод эслаб юради.

Муқаддам съезд делегатларининг сўзларини, нутқларини тинглар экан, у мана шу юксак минбардан айтилаётган ҳар бир сўз бевосита ўзига ҳам қаратилганлиги тўғрисида ўйлаган эди. Ахир, яқин ўтмишдагина уларнинг колхозда ҳам иш шу даражага бориб етган эдики, баъзи бировлар, шу жумладан коммунистлар учун ҳам ижтимоий ташвишлар иккинчи даражали ишга айланиб қолган эди. Биринчи ўринга шахсий, кўпинча ғаразли манфаатлар, ўз томорқаси, ўз чўнтагининг ташвиши чиқиб қолган эди. Шундайлигини билармиди? Биларди. Истеъмомчилик муносабати, ҳар қандай йўллар билан бойишга интилиш кишилар қалбидаги барча нурли ва эзгу туйғуларни топтаб, илдиз ота бошлаганлиги хусусида ўйлаб кўрганмиди? Ҳа! Уйлаганда қандай! Бироқ ҳалол меҳнаткашлар томонидан кўндаланг қилиб қўйилаётган саволларга жавоб излар экан, силлиқроқ иборалар топишга уринган, баъзан эса виждонсизликни, ноинсофликни, партия ҳаёти нормаларидан чекинишларни кўра била туриб, ўзини гўё кўрмаганликка ҳам солган эди-ку. У съезд курсида ўтирар экан, мана шу сингари азобли ўйлардан изтироб ҳам чеккан эди. Шу билан бирга бошқалар каби унинг қалбида ҳам КПСС МК апрель Пленумидан сўнг камчиликларга, социал адолатсизликка, ижтимоий иллатларга тоқатсизлик ҳисси авж олиб кетганлигини ўйлаб, умидбахш ва фахр туйғуларидан кўнгли ёришди.

Нурматова Москвадан қайтиб келиши билан колхозда йиғилиш бўлди. У одатдагидан бошқача эди. Сўзга чиқувчиларни олдиндан тайёрламасдан, кимнинг нима тўғрисида сўзлашини белгилаб бермасдан, бу йиғилиш долзарб масалалар тўғрисидаги ошкора ва ғайриоддий фикр олишувга айланиб кетди. Суҳбатнинг бу йўналишини докладчи бошлаб берди.

Ўтмишда йўл қўйилган хатоларни тағин айбига яраша жазоланган кишилар зиммасига юклаб ўтириш, уларнинг гуноҳлари тўғрисида ҳадеб гапиравериш, — деди Нурматова, — бу ишнинг энг осон йўлидир. Партиямиз Марказий Комитети бизга ошкоралик, ҳаққонийлик ва дадиллик намунасини кўрсатди. Тўғри, қайта қуришнинг зарурлиги ҳақида ҳаммамиз ҳам оғиз тўлдириб гапиришга устамиз. Яхшиси, келинг, бир ўйлаб кўрайлик: биз ҳар биримиз қайта қуришни шахсан ўзимиздан бошлашимиз керак эмасми?

Ўзбекистоннинг партия тарбиялаб вояга етказган ҳамда катта авлодлар ишини муносиб давом эттираётган кўплаб хотин-қизларидан бири коммунист Нурматова ўзининг жамиятимизда рўй бераётган революцион туб ўзгартиришлардаги ролини худди шундай тушунади.

* * *

Биз шундай ажойиб замонда яшамоқдамизки, унда тарихий ишлар, революцион туб ўзгартиришлар бир пайтларда бўлганидек асрлар давомида эмас, балки бир авлод умри давомида амалга ошади. Давр тўғрисидаги тушунчанинг ўзи бизда бутунлай бошқача маъно касб этмоқда. Қисқа муддатлар ичида шаҳарлар бунёд қилинмоқда, магистраллар солинмоқда, саҳроларга ҳаёт бахш этилмоқда. Бор-йўғи етмиш йил ичида янги инсон — бунёдкор, қайта қурувчи, ижодкор ва катта авлодлар жасоратининг давомчиси камол топди.

МАРКСЧА-ЛЕНИНЧА ТАЪЛИМ СИСТЕМАСИ УЧУН

*«Мамлакатни социал-иқтисодий ривожлантиришни жадаллаштириш —
КПССнинг стратегик йўли» курси бўйича методик маслаҳатлар*

СИЁСИЙ СИСТЕМАНИ РИВОЖЛАНТИРИШ, ХАЛҚНИНГ СОЦИАЛИСТИК ЎЗ-ЎЗИНИ БОШҚАРУВИНИ ЧУҚУРЛАШТИРИШ

КПСС XXVII съездида таъкидландики, партия мамлакатни социал-иқтисодий ривожлантиришни жадаллаштириш стратегиясини илгари суриб, бу билан тарихий аҳамиятга молик қарор қабул қилди. Жадаллаштиришга қаратилган йўл иқтисодий соҳада туб ўзгаришлар қилишдангина иборат бўлиб қолмайди, у фаол социал сиёсат юритиш билан чекланмайди. Жадаллаштириш стратегияси бутун жамиятимизни такомиллаштиришни, шу жумладан сиёсий ва идеологик тартиботлар ишининг форма ва методларини янгилашни, социалистик демократияни чуқурлаштиришни, инерцияни, турғунлик ва консерватизмни — ҳуллас, бизнинг коммунистик идеал сари ҳаракатимизга ҳалал берувчи ҳамма нарсани сабот билан бартараф этишни кўзда тутди. Фақат шу йўл билангина совет жамиятининг сифат жиҳатдан янги ҳолатига эришиш мумкин.

Ҳаётимизни янада демократлаштириш, халқнинг социалистик ўз-ўзини бошқарувини чуқурлаштириш омма ижодий имкониятларини янада кўпроқ очиш, социалистик тузум афзалликларидан максимал фойдаланиш имконини беради.

Темани ўрганишнинг қуйидаги плани тавсия этилади:

1. КПСС XXVII съезди совет жамиятининг сиёсий системасини ривожлантиришнинг стратегик йўли ҳақида.

2. Сиёсий системани ривожлантиришнинг асосий йўналишлари.

3. Халқнинг социалистик ўз-ўзини бошқарувини чуқурлаштириш партиянинг сиёсий соҳадаги фаолиятининг бош йўналиши.

КПСС XXVII СЪЕЗДИ СОВЕТ ЖАМИЯТИ СИЁСИЙ СИСТЕМАСINI РИВОЖЛАНТИРИШНИНГ СТРАТЕГИК ЙЎЛИ ҲАҚИДА

Пропагандист мавзунинг ушбу бўлимини кўриб чиқишга киришар экан, аввало тингловчилар эътиборини В. И. Ленин янги тузумнинг асосий ҳаракатлантирувчи кучи деб билган нарсасига қаратади. Бу — демократизм, омманинг жонли ижодидир. Улўғ дохийимизнинг саводсиз киши сиёсатдан ташқарида туради деган сўзлари ҳаммага маълум. Шу боисдан партия Совет давлати яшаб келаётган бутун давр мобайнида меҳнаткашларнинг сиёсий активлигини ва маданиятини юксалтириш ҳақида толмай ғамхўрлик қилди, халқнинг маълумот даражасини бутун чоралар билан ошириб борди. Пропагандист ана шуларни тасдиқловчи статистика маълумотларини, кўплаб фактларни келтириши мумкин. Ўрта Осиё республикаларидаги, шу жумладан Ўзбекистондаги ўсиш айниқса катта таассурот қолдиради. Маданий революция бу ерда меҳнаткашлар кенг табакаларини ҳозирги замон фани ва техникасининг чўққиларига олиб чиқди, туб ерли аҳолини адабиёт ва санъат соҳасидаги жохон ютуқлари хазинасидан баҳраманд этди.

Ўтган салкам етмиш йил мобайнида совет кишиларининг социал-сиёсий тажрибаси ҳам бетўхтов бойиб борди. Ана шуларнинг ҳаммаси уларнинг маънавий қиёфасини жуда ҳам ўзгартириб юборди, жамият ва давлат ишларини бошқаришда фаол иштирок этишга интилиш тугдирди.

Партия жадаллаштириш вазифасини қўйиш билан социализмнинг қудратли потенциалини тўла-тўқис ишга солишга, сиёсий системаимизнинг бутун имкониятларини очишга, социалистик демократиянинг ҳамма томонлари ва кўринишларини ривожлантиришга қарор қилди. Бунда шуни қайд этиш муҳимки, сиёсий системанинг турли

бўғинлари мамлакат аҳолиси барча табакаларининг, барча миллатлари ва элатларининг ўзига хос манфаатларини ифодалаши билан бирга жамиятимизни ривожлантиришнинг асосий мақсадларига эришиш йўлида мустаҳкам бирликда майдонга чиқади.

КПСС XXVII съездининг тарихий аҳамияти яна шундан иборатки, деб уктиради пропагандист, у совет жамияти сиёсий системасини такомиллаштиришнинг асосий йўналишларини ишлаб чиқди. Буларнинг моҳияти КПСС Марказий Комитетининг партия съездида Сиёсий докладининг III бўлимида ҳамда янги таҳрирдаги КПСС Программаси иккинчи қисмининг IV бўлимида баён этилган. Пропагандист янги таҳрирдаги партия Программасининг қуйидаги таърифини тингловчиларга ўқиб беради: **«КПСС ҳозирги босқичда жамият сиёсий системасини ривожлантиришнинг стратегик йўли меҳнаткашларнинг, уларнинг коллективлари ва ташкилотларининг давлат ва жамоат ҳаёти масалаларини ҳал қилишда фаол ва амалий иштирок этиши асосида совет демократиясини такомиллаштиришдан, халқнинг социалистик ўз-ўзини бошқаришини тобора тўлароқ амалга ошириб боришдан иборат, деб ҳисоблайди».**

Тингловчиларга нимани тушунтириб бериш муҳим? Уларнинг корхона, ташкилот, муассасалари мисолида турли ижтимоий уюшмалар энг муҳим ишлаб чиқариш ва социал вазибаларни ҳал этишда қандай дўстона, аҳиллик билан, бир-бирини қувватлаб ва тўлдириб иш олиб бораётганликларини кўрсатиб бериш мумкин. Лекин фақат уларнинг ҳар бири бунда айнан ўзига хос бўлган специфик иш воситалари ва формаларини қўллаиди, ўз функцияларини бажаради.

Партия социалистик демократияни, унинг барча жиҳатларини янада ривожлантириш учун кейинги йилларда жуда кўп иш қилди. Бу — Советлар, қасаба союзлари, комсомол, меҳнат коллективлари, халқ контролини фаоллаштириш, ошкораликни кучайтириш борасидаги тадбирлардир. Бу соҳадаги ишлар КПСС XXVII съезидан кейин айниқса кенг кўламда авж олди. Чунончи, унинг йўл-йўриқлари партия Марказий Комитетининг «Халқ депутатлари Советларига партия раҳбарлигини янада такомиллаштириш тўғрисида»ги қарорида ҳамда КПСС МК, СССР Олий Совети Президиуми ва СССР Министрлар Советининг 1986 йил июлида қабул қилинган «КПСС XXVII съезди қарорлари муносабати билан социал-иктисодий тараққиётни жадаллаштиришда халқ депутатлари Советларининг ролини янада ошириш ва масъулиятини кучайтириш тадбирлари тўғрисида»ги қарорида конкретлаштириб берилди. СССР Халқ контроли комитетининг фаолияти тўғрисидаги масала 1986 йил ноябрида ўн биринчи чакирик мамлакат Олий Советининг VI сессиясида кўриб чиқилди. Ўтган йил декабрида КПСС МК «Социалистик қонунчилик ва ҳуқуқ-тартиботни янада мустаҳкамлаш, граждандарнинг ҳуқуқларини ва қонуний манфаатларини қўриклашни кучайтириш тўғрисида» қарор қабул қилдики, бу қарор ҳам пировард натижада демократияни мустаҳкамлашга қаратилгандир, чунки демократия фақат мустаҳкам қонунларга асосланади, уни суиистеъмолларга қарши, бизнинг ҳуқуқ ва ахлоқ нормаларимиздан ҳар қандай чекинмишларга қарши курашсиз тасаввур этиб бўлмайди.

Давлат корхонаси (бирлашмаси) тўғрисидаги СССР Қонуни — социалистик демократияни ривожлантириш йўлида қўйилган яна бир қатта қадам бўлиб, бу қонун лойиҳаси бутун халқ муҳокамасидан ўтказиш учун шу йил февраль ойда матбуотда эълон қилинди. Мазкур ҳужжат мустаҳкам ҳуқуқий актидир, «Меҳнат коллективлари ҳамда корхоналар, муассасалар, ташкилотларни бошқаришда уларнинг ролини ошириш тўғрисида»ги СССР Қонуни замирида ётган принципларнинг мантикий давоми ва конкретлаштирилишидир.

КПСС МК 1987 йил январь Пленуми жамиятимиз демократизмни чуқурлаштиришга қанақам революцион ҳисса қўшди. Унинг ғоялари, фикрлари, янги таклифларининг бойлигини пропагандист партиямиз Марказий Комитети Бош секретари М. С. Горбачевнинг Пленумда қилган «Қайта қуриш ва партиянинг кадрлар сиёсати тўғрисида»ги докладининг II бўлимига мурожаат этиб, очиб беради. Тингловчилар меҳнат аҳли кенг сиёсий ва граждандлик ҳуқуқларининг рўёбга чиқиши, унинг туб ўзгартишлардан, уларни амалга оширишда иш билан қатнашишдан манфаатдорлигининг формаси сифатида «демократия» тушунчасининг моҳиятини аниқ билиб олишлари лозим. Зеро ўзини ҳўжайин деб ҳис этувчи кишигина, деб таъкидланди Пленумда, уйда тартиб ўрнатиши мумкин. Бу йўл амалда бетўхтов ўтказила бориши зарур, акс ҳолда инсон омилининг таъсири қолмайди.

Пропагандист демократизмни чуқурлаштиришнинг конкрет кўринишлари устида тўхталиб ўтади. Чунончи, ҳамма ерда танкид ва ўз-ўзини танкид қилган бормокда, айрим жойларда нафақат бригадалар, цехлар, участкаларнинг, балки корхоналарнинг ҳам раҳбарларини сайлашга киришилди, эндиликда барча жамоат ташкилотлари қарорлар ишлаб чиқишда кишилар билан тез-тез маслаҳатлашадиган бўлиб қолдилар. Аммо бу жараён янада ривожланиб бориши лозим. КПСС МК январь Пленумида қай.

этилганидек, ишлаб чиқаришда демократияни такомиллаштириш, меҳнат коллективлари ишига изчиллик билан чинакам ўз-ўзини бошқарув асосларини жорий этиш биринчи даражали аҳамиятга молик.

КПСС МК январь Пленуми социалистик кооперация фаолиятини янада демократлаштириш зарурлигини ҳам уқтирди. Шу муносабат билан колхоз ҳаётининг етилган муаммоларини муҳокама қилиш ва колхознинг намунали Уставига зарур ўзгаришлар киритиш учун колхозчиларнинг навбатдаги съездини ўтказиш тўғрисидаги таклиф илгари сурилди. Партия кооператив ҳаракатини мустаҳкамлашга қаратилган ҳар қандай тадбирларни қувватламокда. Зеро у биринчи галда аҳолининг товарлар ва хизматларга бўлган эҳтиёжларини янада тўлароқ қондириш учун, шунингдек экономика соҳасида демократизмни ривожлантириш, инсоннинг манфаатлари ва имкониятларини яхшироқ тарзда юзага чиқариш учун катта истикболларга эга.

Жамиятни демократлаштириш, деб таъкидланди январь Пленумида, партия, совет ва ҳўжалик органлари, уларнинг кадрлари қандай ишлаётганлигини контрол қилиш ҳақидаги масалани ҳам бошқача қилиб қўймоқда. Ҳозирги шароитда «юкоридан» контролнинг қанчалик муҳим эканлигига қарамай, «қуйидан» бўладиган контролнинг савияси ва самарадорлигини ошириш принципиал аҳамиятга эгадир, токи ҳар бир раҳбар, ҳар бир лавозимли шахс сайловчилар, меҳнат коллективлари, жамоат ташкилотларига, партия ва бутун халққа боғлиқ эканлиги ва улар олдида жавобгар эканлигини доимо сезиб турсин, улар олдида мунтазам равишда ҳисоб бериб турсин.

Шу муносабат билан пропагандист тингловчилар эътиборини ошқораликни ривожлантиришга қаратади. Ижтимоий вазиятни соғломлаштириш учун бунинг аҳамияти ниҳоятда каттадир. В. И. Ленин ошқораликни жароҳатга даво бўлувчи малҳам деб бежиз атамаган. Халқ ҳўжалигимизнинг кўп соҳаларида ошқоралик, танқид ва ўз-ўзини танқид ёрдамида иш яхшиланди. Танқид ва контрол учун «тақиқланган зоналар» ўтмишда қолиб кетди. Бу ҳол бизнинг республикамиз учун нақадар муҳим эканлиги ҳақида КПСС XXVII съезди ва Ўзбекистон Компартияси XXI съездининг материаллар асосида мулоҳаза юритиш мумкин. Матбуотда эълон қилинаётган материаллар пропагандистга турли масалаларни очик-ошқора муҳокама қилиш натижаларини тингловчиларга кўрсатиб бериш учун кенг имконият яратади. Пропагандист машғулот ўтказилаётган корхона, муассаса практикасига ҳам мурожаат қилиши мумкин. Мабодо бу ишда нуксон бўлса, пропагандист у ҳақда индамасликка ҳақки йўқ. Ушбу муаммони партия комитети, бюро, партия йиғилиши, жамоат ташкилоти олдида қўйиш — унинг гражданлик бурчидир.

Январь Пленуми материалларида баён этилган бошқа қондалар устида тўхталиб ўтиш ҳам тавсия этилади. Пропагандист социалистик демократизмни чуқурлаштириш юзасидан партия кўрган тадбирларни очиб берар экан, бу билан айнан КПСС ана шу жараёнинг етакчи қучи сифатида майдонга чиқаётганлигини кўрсатади. Совет жамияти сиёсий системасининг ўзаги бўлмиш партия унинг барча бошқа бўғинларига раҳбарликни амалга оширади. Партия СССР Конституцияси доирасида иш юритиб, давлат ва жамоат ташкилотлари ишини йўлга солиб ва мувофиқлаштириб боради, уларнинг ҳар бири ўз зиммаларидаги вазифаларни тўла-тўқис бажаришлари ҳақида ғамхўрлик қилади. Бу Устав талаби бўлиб, КПСС Устави VII бўлимининг 60 параграфиди мустаҳкамлаб қўйилган: «Давлат ва жамоат ташкилотларида ишловчи партия ташкилотлари, коммунистлар мазкур ташкилотлар ўз конституцион ваколатларини, Уставада белгиланган ҳуқуқ ва вазифаларини тўла-тўқис амалга оширишларига, бошқаришга, сиёсий, ҳўжалик ва социал масалаларни ҳал этишга меҳнаткашларни кенг жалб этишларига эришадилар». Халқнинг социалистик ўз-ўзини бошқариш принципларини изчиллик билан ўтказиш тўғрисидаги қонда янги тахрирдаги КПСС Программасида ҳам бор.

Партия жамиятимиз демократизмни чуқурлаштириб ва кенгайтириб борар экан, бу жиҳатдан ўзи намуна кўрсатмоқда. У партия ички демократиясини янада ривожлантиришни, партия турмуши ленинча нормаларига катъий риоя қилишни, танқид ва ўз-ўзини танқидни ривожлантиришни, кенг ошқораликни ўзининг муваффақиятли иш юритишининг, коммунистларнинг юксак ижодий активлигининг гарови деб билади.

Пропагандист партия раҳбарлигининг асосий принципларини кўрсатиб беради. партия турмуши ленинча нормаларининг мазмунини тушунтиради, ҳозир партияди унинг сиёсати ва амалий фаолиятига онд масалаларни эркин ва ишчанлик билан муҳокама қилиш учун қулай шароит таъминланганлиги, коллегиял органлар сифатида партия йиғилишлари, пленумлар, конференциялар, съездлар, партия комитетлари ва бюроларининг роли ошиб бораётганлиги, коммунистларга қўйиладиган талаблар, биринчи навбатда раҳбарларга қўйиладиган талаблар ортганлиги, партия интизоми мустаҳкамланаётганлиги ҳақида гапирди. Бу қонуний, албатта. Жамиятда КПСС раҳбарлик ролининг ошиб бориши унинг сиёсий, ташкилотчилик ва идеологик фаолияти савиясини

бутун чоралар билан оширишни талаб этади. КПСС МК январь Пленумида партия ички демократиясини кенгайтириш ҳақидаги масала кўриб чиқилганлиги ҳам ана шунга хизмат қилади.

Маълумки, партия турмушининг демократик принципларини мустаҳкамлашга қаратилган бир қатор муҳим қоидалар партия XXVII съездида КПСС Уставига ўзгартишлар ва қўшимчалар киритиш пайтида рўёбга чиқарилган эди. Аммо бу иш давом эттирилмоқда. Чунончи, раҳбар партия органларини шакллантириш механизмини такомиллаштириш муҳим аҳамият касб этмоқда. Шу муносабат билан январь Пленуми чўкур хулосалар чиқарди. Бошланғич партия ташкилотларида партия бюролари ва партия комитетлари секретарларини сайлаш пайтида беистисно барча коммунистларнинг ўз хоҳиш-иродаларини билдиришлари учун кенг имконият яратиш, сайланиб қўйилган кишиларнинг масъулиятини ошириш вазифаси қўйилмоқда. Шунингдек район, округ, шаҳар, область, ўлка комитетларининг, иттифокдош республикалар компартиялари Марказий Комитетларининг секретарларини, шу жумладан биринчи секретарларини ҳам тегишли партия комитетларининг пленумларида яширин овоз бериш йўли билан сайлашга ўтиш ҳамда айни чоқда овозга қўйиладиган рўйхатга уларнинг аъзолари номзодларнинг ҳар қанча бўлса ҳам номини киритиш ҳуқуқига эга бўлишлари тавсия этилмоқда. Янада демократлаштириш, КПСС МК Сиёсий бюросининг фикрига кўра, партиянинг марказий раҳбар органларини тузишга ҳам дахл қилиши лозим. Пленум уқтирганидек, бундай тадбирлар — КПСС ҳаёти ва фаолиятини кучайтиришнинг, янги кучлар келиб туришининг, партия ташкилотлари актив ишлашининг муҳим шартидир, ўтмиш хатоларини такрорламаслик гарантиясидир.

Пропагандист уқтирадиги, партиямиз Марказий Комитетининг январь Пленуми ишларнинг аҳолига реалистик баҳо беришининг, етилган вазифаларни ҳал этишга ишни билиб, манфаатдорлик ва принципиаллик билан ёндашишнинг намунаси бўлиб хизмат қилиши мумкин. Ана шунинг учун ҳам унинг хулосалари ва таклифлари бутун совет халқи томонидан шунчалик яқдиллик билан қўллаб-қувватланди. Партиявий раҳбарлик ва ҳўжаликни бошқаришнинг ҳамма бўғинлари юксак даражада ишлашини таъминлашга қодир бўлган самарали ва изчил кадрлар сиёсати қайта қуришни амалга ошириш учун, белгиланган режаларни, шу жумладан социалистик демократияни чуқурлаштириш ишида ҳам бажариш учун ҳал қилувчи аҳамиятга эга. Январь Пленуми: йўл қўйилган хатоларни тан олишнинг ўзи кифоя эмас, келгусида бундай нуқсонларга йўл қўймаслик учун ўтмишдан сабоқ чиқариб олиш муҳимдир, деб таъкидлади.

Пропагандист таъкидлайдики, КПСС МК январь Пленуми кадрлар билан ишлашни такомиллаштириш ҳақидаги масалани шунчаки қўймасдан, балки қайта қуриш вазифаларига жавоб берадиган кадрлар сиёсатини ишлаб чиқиш ҳақидаги масалани қўйди. Ҳозирги кунда кадрларнинг мамлакатни социал-иқтисодий ривожлантиришни жадаллаштириш вазифаларига муносабати, сўздаги эмас амалдаги муносабати мазкур сиёсатнинг ҳал қилувчи мезонидир. Партия муваффақиятга эриша оладиган ташаббускор, ўйлаб иш қиладиган, серғайрат кишиларни қўллаб-қувватлаш йўлини тутди. Бундай кишилар ҳамма ерда — қатта шаҳарларда ҳам, майда посёлкаларда ҳам бор. Буни М. С. Горбачевнинг Латвия билан Эстонияга қилган сафари яққол кўрсатди. Бундай кишилар республикаимзда ҳам оз эмас. Пропагандист тингловчилар учун энг яқин бўлган мисолларга, улар меҳнат қилаётган корхона-ҳаётига мурожаат қилиши, ҳозир илғорлар, новаторлар қандай мадад олаётганлигини, улар ишлаб чиқариш ишига қандай таъсир қилаётганлигини анализ қилиб бериши мумкин. Фақат ижобий мисоллар ҳақидагина эмас, балки салбий мисоллар ҳақида ҳам гапирмоқ керак. Зеро бизда шундай партия комитетлари, шу жумладан район, шаҳар комитетлари борки, уларнинг ходимлари ҳали ҳам эскичасига иш юритмоқдалар, гўё улар қайта қуришдан чеккада турибдилар.

Ваҳоланки, янги вазиятда партиямизнинг, унинг барча ташкилотлари, ҳамма коммунистларнинг сафарбар этувчилик роли айниқса зўр куч билан намоён бўлиши лозим. Бунга Бутуниттифок партия конференциясини чақириш ёрдам бериши шубҳасиздир. Конференцияда КПСС XXVII съезди қарорлари қандай бажарилаётганлигини кўриб чиқиш, партиянинг, бутун жамиятнинг ҳаётини янада демократлаштириш масалаларини муҳокама қилиш кўзда тутилади.

СИЁСИЙ СИСТЕМАНИ РИВОЖЛАНТИРИШНИНГ АСОСИЙ ЙўНАЛИШЛАРИ

Пропагандист таъкидлайдики, партия Совет социалистик давлатини ривожлантириш ва мустаҳкамлашни, унинг демократик, умумхалқ характерини, ижодий бунёдкорлик ролини тобора тўла очиб беришни ўз сиёсатининг ҳал қилувчи масаласи деб

ҳисоблайди. КПСС халқ ваколатининг формаларини такомиллаштиришга, совет сайлов системасининг демократик принципларини ривожлантиришга, депутатликка номзодларнинг шахсий ва ишчанлик ҳислатларини эркин ва ҳар тарафлама муҳокама қилишни таъминлашга катта аҳамият бермокдаки, бу нарса КПСС МК январь Пленумида киритилган таклифларда ҳам ўз ифодасини топди. Сиёсий жиҳатдан олганда гап сайлов системасининг демократизмини чуқурлаштириш ҳақида, сайловчиларнинг сайловолди ва сайлов кампаниялари барча босқичларидаги янада самаралироқ ва реал иштироки ҳақида бормокда. Конкрет жиҳатдан олганда бу сайловчиларнинг меҳнат коллективларидаги ва тураржойлардаги йиғилишларида, шунингдек сайловолди кенгашларида одатда бир неча номзод муҳокама қилинади, сайловлар эса ҳар бирдан бир неча депутатлар сайланиши қутилаётган йирикроқ сайлов округларида ўтади, деган маънони билдиради. Овоз бериш иши формализмдан холи этилиши лозим. КПСС МК январь Пленумида таъкидландики, бу йилги сайлов кампанияси кенгрок демократизм вазиятида, кишиларнинг ана шу жараёнда манфаатдорлик билан иштирок этиши шароитида ўтиши зарур.

КПСС XXVII съездининг ҳар қандай даражадаги Советлар фаолиятида ишнинг демократик принциплари: масалаларни коллектив тарзда, эркин, ишчанлик билан муҳокама қилиш ва ҳал этиш; ошкоралик; танқид ва ўз-ўзини танқид; депутатларнинг мунтазам ҳисобот бериб туриши ва сайловчилар ишончини окламаганларни чақириб олишгача масъулияти; ижроня ва бошқа органлар иши устидан контрол; граждандарни бошқаришда қатнашишга кенг жалб этиш принциплари янада тўлароқ амалга оширилишига қаратилган йўл-йўриқлари ғоят муҳимдир, деб таъкидлайди пропагандист. Шу муносабат билан тингловчиларга эслатиб ўтиш лозимки, КПСС МК январь Пленуми эътиборни ижроня органларининг роли сайлаб қўйиладиган органларга зарар келтирадиган даражада бениҳоя ортиб кетганлигига қаратди ҳамда ҳеч қандай ижроня органи, айниқса унинг аппарати сайлаб қўйиладиган органнинг ўрнини боса олмайди, бундай ҳуқуққа эга эмас, ундан устун тура олмайди, деб уқтирди. Акс ҳолда ижроня комитетларини шакллантиришда, кадрларни танлашда, улар фаолияти устидан контрол қилиб туришда Советлар депутатларининг, партиявий ва бошқа коллегиял органлар аъзоларининг роли пасайиб кетади.

Пропагандист қайд этадики, жадаллаштириш шароитида халқ депутатлари Советларининг ролини ошириш ва социал-иқтисодий ҳамда бошқа вазифаларни ҳал этиш учун масъулиятини кучайтириш ҳақидаги масала янгичасига қўйилмокда. Чунончи, СССР Олий Совети, иттифокдош ва автоном республикаларнинг Олий Советлари қонунчиликни такомиллаштиришга давват этилгандирларки, бунга бутун ҳаётимизни демократлаштириш зарурати ҳамда давлат, хўжалик, жамоат органларига нисбатан талабчанликнинг ортиши сабаб бўлди. Олий Советларнинг муҳим вазифаси — қонуларимиз қандай амал қилаётганлигини, ҳар бир давлат органи ва раҳбар қандай реал наф келтираётганлигини контрол қилиб туришдир. Олий Советларнинг сессиялари қасаба союзлар, комсомол, бошқа жамоат ташкилотларининг таклифларини, бошқарув органларининг ҳисоботларини, халқ хўжалигининг айрим тармоқларидаги аҳволни, регионларни ривожлантириш проблемаларини фаолроқ муҳокама қилишлари лозим.

Оммани жадаллаштиришга сафарбар этишда маҳаллий Советлар катта роль ўйнайди. Партия XXVII съездида кўрсатиб ўтилганидек, маҳаллий органлар сайловчилардан мандат олар эканлар, ўзларига қарашли территориядаги ҳаётнинг ҳамма соҳалари учун масъулиятни ўз зиммаларига оладилар. Аммо улар ўз вазифаларини қандай бажармокдалар? КПСС МК январь Пленумида уқтирилдики, Советлар ҳозирча ўзларининг янги ҳуқуқларига тўла-тўқис эга бўлолмадилар, хўжалик ходимлари олдига тегишли талаблар қўймаётдилар. 1986 йилги планлар социал-маданий қурилишга онд кўпгина кўрсаткичлар бўйича бажарилмай қолганлигининг сабабларидан бири ҳам ана шунда. Коммунал хўжалик, савдо, маиший хизмат ишлари яхшилаш, меҳнатқашларнинг дам олишини ташкил этишни, оммавий истеъмол моллари ишлаб чиқаришни, соғлиқни сақлаш, халқ маорифи ишлари яхшилаш, озик-овқат ресурсларини тўлдириш учун резервлардан янада кенгрок фойдаланиш — Советларнинг жонажон ишидир. Аммо ҳозирча бу борада, гарчанд партия ҳозирги шароитда Советлар фаолиятини такомиллаштириш юзасидан асос солувчи қарорлар қабул қилган бўлса-да, туб ўзгаришлар бўлганича йўқ. Эндиликда партия комитетларининг Советлар ишига ўринсиз тарзда аралашиларига, айниқса уларнинг ўрнида ишлашларига йўл қўймасликлари муҳимдир. Маҳаллий ҳокимият органларининг мустақиллиги ва активлигини кучайтириш йўлини сабот билан ўтказиб бормок зарур. Советларнинг сессияларини кўпроқ самарали тарзда ўтказиш, доимий комиссияларнинг аналитик ва контроллик фаолиятини кучайтириш, депутатларнинг сўровлар киритиши практикасини яхшилаш лозим. Комиссияларнинг тавсиялари, депутатларнинг таклифлари ва мулоҳазалари ижроня органлари томонидан синчиклаб қўриб чиқилиши ва ҳисобга олинishi керак.

Янги тахрирдаги КПСС Программаси диккат-эътиборни давлат аппаратининг, бошқа барча бошқарув органларининг ишини такомиллаштиришга қаратади. У бундай деб эълон қилди: «Совет аппарати халққа хизмат қилади ва халққа ҳисоб бериб туради». У малакали ва оператив бўлиши, унинг фаолиятида бюрократизм ва формализм кўринишлари, маҳкамачилик ва маҳаллийчилик сабот билан йўқотилиши, у ортиқча штатлардан холи бўлишга, ишни билмайдиган ва ташаббуссиз ходимлардан қутулишга эришиши керак. Ҳар бир раҳбарнинг шахсий жавобгар бўлгани ҳолда ишда коллегияликни амалга ошириш, ходимларга уларнинг амалий ишларига қараб объектив баҳо бериш, қабул қилинган қарорларнинг амалда бажарилишини самарали контрол қилиб туриш зарур.

Сиёсий муассасалар ишининг мазмунини, форма ва методларини янгилашга партиянинг бошқаришни, давлат қарорларини ишлаб чиқиш ва қабул қилиш жараёнини демократлаштиришга қаратилган катъий йўли фаол кўмаклашадик, бу йўл қарорларнинг оптимал вариантларини танлашни, меҳнаткашларнинг турли фикрлари ва таклифларини ҳисобга олиш ва таққослашни таъминлайди. Пропагандист ана шу демократик асосларнинг баъзи бирлари устида тўхталиб ўтади. Чунончи, ҳозирдаёқ энг муҳим қонун лойиҳалари ва бошқа ҳужжатлар бутун халқ муҳокамасига қўйилмоқда. Бу практика нафакат бутун давлат миқёсида, масалан, район, шаҳар ва ҳоказолар доирасида ҳам кенгайиб боради. Аҳолининг давлат, жамият ҳаётига оид кўп масалалар юзасидан, қабул қилинган қарорлар ва уларни бажариш натижалари ҳақида ҳаёдорлиги ҳам ошиб бормоқда.

Сайловчиларнинг нақазларини, граждaнларнинг ариза ва таклифларини умумлаштириш ва амалга ошириш системаси бундан буён ҳам такомиллаштирилади, жамоатчилик фикри ўрганиб борилади. Меҳнат коллективларида, Советларнинг доимий комиссияларида, қасаба союзлари, комсомол ва бошқа жамоат ташкилотларида муҳокама қилингандан кейингина қарорлар қабул қилинадиган масалалар доираси кенгайди.

Қасаба союзлари жамиятимиз ҳаётини демократлаштиришда, қайта қуришда муҳим роль ўйнайди. Бу энг оммавий ташкилотдир. Ҳозир унинг сафларида 140 миллион киши бўлиб, ҳамма ишловчиларнинг 99,5 процентини бирлаштирган. Мамлакатда 713 минг бошланғич қасаба союз ташкилоти бор. Бунинг маъноси шуки, деярли ҳар бир меҳнаткаш уларнинг таъсири остидадир. Қайта қуришнинг бош бўғини бўлмиш меҳнат коллективлари қасаба союзларининг XVIII съезди иши марказида турганлиги тасодифий эмас. Худди шу коллективларда қасаба союзлари ўз потенциалларини кўрсатишлари, мусобақани ривожлантириш, интизомни мустаҳкамлаш, меҳнат унумдорлигини ошириш учун қуч-ғайратларини ишга солишлари граждaнларнинг қонуний ҳуқуқларини, моддий ва маънавий манфаатларини ҳимоя қилиш ҳақида уларнинг меҳнат, турмуш, дам олиш шароитларини яхшилаш ҳақида жон куйдиришлари лозим.

Ҳозир иш қандай борапти? Ҳозирча суст борапти. Ўзбекистон қасаба союзлари XIII съездининг материаллари ҳам шундан далолат беради. Уларнинг фаолиятида танг ҳоёлар кўп. Бу етарлича самарали бўлмаган, баъзан нореал, тўкиб чиқарилган мажбурият ва ташаббусларни айниқса пахтачилик ва чорвачиликда қўллаб-қувватлашга қаратилган социалистик мусобақа ҳамдир. Бу сифат проблемаларининг, ишга миришқорлик билан муносабатни тарбиялашнинг суст ҳал этилиши ҳамдир. Инсон омилли ролини оширишга тааллуқли нарсаларда ҳам ишга нўноклик билан ёндашиш сезилаяпти. Хуллас, олдимизда катта иш турибди.

Пропагандист ўз меҳнат коллективи мисолида қасаба союз ташкилоти қандай иш олиб бориши, ҳўжалик юритишнинг янги методлари шароитида унинг биринчи навбатдаги вазифаси нимадан иборат эканлигини кўрсатиб бериши, қасаба союз ташкилоти ишни қайта қура олдими, ишлаб чиқаришни бошқаришга ишчиларни қанчалик фаол жалб этмоқда, социал сиёсат, илғор тажрибани пропаганда қилиш ва жорий этиш, социал адолат принципига риоя қилиш устидан контролнинг ижтимоий формаларини ривожлантириш вазифаларини қандай ҳал қилмоқда — ана шуларни анализ қилиб бериши керак. Қасаба союз ташкилотларининг муҳим вазифаси — меҳнат коллективлари ваколатларининг рўёбга чиқишига ҳар тарафлама кўмаклашишдан иборат эканлигини унутмаслик лозим.

Пропагандист таъкидлайдики, демократиянинг социал базасини кенгайтириш Ленин комсомоли сингари қудратли қучнинг ролини оширишни ҳам назарда тутди. Ёшлар қайта қуриш йўлини айниқса фаол қўллаб-қувватламоқдалар. Бу тушунарли, албатта — зеро янгиланган жамиятда уларнинг ўзлари яшайдилар ва ишлайдилар. Партия янги вазифаларни ҳал қилар экан, муттасил равишда комсомолга, ёшларга, уларнинг ғайрат-ташаббусига ва социализм ишига содиқлигига, турғунликка мурасиизлигига, тараққиётга интилишига таянади. Шунинг учун ҳам ёш авлоднинг позицияси жуда катта сиёсий аҳамиятга молик. КПСС МК январь Пленуми масалани шу тарзда қўйди. У таъкидлади-

ки, партия ташкилотлари, уларнинг комитетлари, комсомол ёш авлод олдида истикболни очиб бериши, ишни ёшлар амалда ўзгаришларнинг жўшқин иштирокчилари бўлиб қоладиган қилиб ташкил этишлари лозим. ВЛКСМ XX съездига тайёргарлик ишлари худди шу йўналишда олиб борилди. Бизнинг жамиятимизда Ленин комсомолининг коммунистик қурилишдаги ролига янгича қараш қарор топиши зарур. Унинг ўрнини партиянинг программавий қондаси белгилаб берганки, партия ВЛКСМни ўзининг фаол ёрдамчиси ва ишончли резерви деб билади: «Комсомол йигит ва қизларнинг меҳнат ва ижтимоий активлигини кунт билан ривожлантириб бориши, уларда марксча-ленинча дунёқарашни, сиёсий ва маънавий маданиятни, социализм ва тинчлик тақдири учун тарихий масъулиятни англаш ҳиссини тарбиялаб бориши керак».

Республикамиз комсомолининг иши кўп. Унинг XXIII съездига Ўзбекистон Компартияси МК биринчи секретари И. Б. Усмонхўжаев ўз нуткида бу ҳақда гапириб ўтди. Ана шу ишлардан баъзи бирларинигина кўрсатмоқчимизки, бу — махсулот сифатини ошириш ишида қатнашиш, меҳнатга лаёқатли бўлган ҳамма ёшларни ижтимоий ишлаб чиқаришга жалб этиш, янги регионларни ўзлаштиришга кўпроқ ёрдам бериш, қишлоқ хўжалигини механизациялашда пешқадам бўлиш, ёш кадрларни тайёрлашни ва малакасини оширишни контрол остига олиш, тарбиявий фаолиятда, атеистик ишда, физкультура ва спортни ривожлантиришда комсомолчасига ташаббус кўрсатишдир.

Машғулот пайтида бошқа жамоат ташкилотларининг вазифаларини ҳам очиб бериш мақсадга мувофиқдир. Улар орасида кооперация — колхозлар, матлубот, уй-жой қурилиш кооперативлари ва кооператив ташкилот ва бирлашмалар социалистик ўз-ўзини бошқаришнинг муҳим формаси сифатида алоҳида ўрин тутди.

Агар умуман жамоат ташкилотлари ишига назар ташланадиган бўлса, деб давом этади пропагандист, улардан кўпларининг ташаббуси ҳамон етарлича эмаслиги, уларнинг халқчил, ижодий, ташаббускорлик табиати ҳали тўла-тўқис рўёбга чиқарилмаётганлиги яққол бўлиб қолади. Улар ҳали оммага яхши таянаётганликлари йўқ, энг аввало аппарат штаби кучлари билангина иш олиб бормоқдалар.

Пропагандист таъкидлайдики, давлат ва жамоат контроли совет демократиясини такомиллаштиришда, халқнинг социалистик ўз-ўзини бошқаришини тобора тўлароқ амалга оширишда муҳим роль ўйнайди. Партия меҳнатқашларнинг контрол органлари ишида иштирок этишини омма манфаатларини қўриқлашда, ишга давлат нуқтаназаридан ёндашишни, халқ бойлигига ўз мулкидек қарашни тарбиялашда уларнинг сиёсий етуклиги ва активлигини ривожлантиришнинг самарали формаси деб билади. КПСС МК январь Пленумида кўрсатилганидек, Советлар, қасаба союзлари ва бошқа жамоат ташкилотлари контрол қилиш учун жуда катта имкониятга эгадирлар. Уларни рўёбга чиқариш — сессиялар, доимий комиссиялар ва депутатлар ишининг демократик принципини мустаҳкамлаш, лавозимли шахсларнинг Советлар олдида мунтазам ҳисобот бериб туришларининг, депутатлар сўровлари практикасининг самарадорлигини ошириш демакдир. Пленумнинг ҳар хил текширишлар ва инспекцияларни сира кечиктирмасдан тартибга солиш ҳақидаги талаби контролни такомиллаштиришга қаратилган. Зеро бундай текшириш ва инспекциялар кўп кишиларни ишдан қалғитади, ишда асабийлик туғдиради, амалда эса улардан келадиган фойда, одатда жуда ҳам оздир.

Партия халқнинг ўз-ўзини бошқаришини ривожлантириб, социалистик демократизмни чуқурлаштириш билан бирга давлат ва жамоат ҳаётининг ҳуқуқий асосларини мустаҳкамлаш ҳақида тинмай ғамхўрлик қилмоқда. Бу — табиий, албатта, зеро чинакам демократия қонундан ташқарида бўлмайди ва қонун устидан ҳукмронлик қилолмайди. КПСС XXVII съезди қонунларимизни ривожлантиришнинг ва ҳуқуқ-тартиботни кучайтиришнинг асосий йўналишларини белгилаб берди.

КПСС МК январь Пленуми, деб таъкидлайди пропагандист, ана шу масалаларнинг ҳаммасига катта эътибор берди. Чунончи, Пленумда шу беш йилликда экономикани, социал соҳани ва маданиятни ривожлантиришга, халқнинг социалистик ўз-ўзини бошқаришга, граждандар ҳуқуқлари ва эркинликларининг гарантияларини кенгайтиришга тааллуқли бўлган янги-янги қонунларни тайёрлаш ва қабул қилиш лозим бўлади, деб уқтирилди. Яқин вақт ичида янги жинойт қонунларини ишлаб чиқиш ҳақидаги таклиф қувватландики, бу қонунлар совет жамияти ривожининг ҳозирги шароитларига тўлароқ мос бўлиши, граждандарнинг манфаатлари ва ҳуқуқларини самаралироқ ҳимоя қилиши, интизомни ва ҳуқуқ-тартиботни мустаҳкамлашга олиб келиши лозим. Совет судининг роли ва обрў-эътиборини ошириш, судларнинг мустақиллиги принципіга қатъий риоя этиш, прокурор назоратини қатъиян қучайтириш, тергов органлари ишини такомиллаштириш чора-тадбирлари қўрилади. Граждандарнинг ҳуқуқларини қамсқувчи мансабдор шахсларнинг ғайриқонуний ҳаракатлари устидан судга шикоят қилиш тартиби ҳақидаги қонун лойиҳасини муҳокама қилиш демократизмни янада ри-

вожлантириш учун муҳим аҳамиятга молик. Давлат арбитражи ишини яхшилаш, ҳукукий пропагандани кенгайтириш қўшимча тадбирлари мўлжалланган.

Пропагандист теманинг ушбу бўлимини кўриб чиқишни тугаллар экан, социалистик демократиянинг ҳамма нарсани қилиш мумкинлиги, масъулиятсизлик, анархия билан ҳеч қандай алоқаси йўқ, деб уқтиради. У тингловчиларга партиянинг куйидаги программавий қондасини эслатади: «Совет гражданининг ўз ҳуқуқлари ва эркинликларини амалга оширишини унинг конституцион бурчларни бажаришидан ажратиб бўлмайди. Бурчларсиз ҳуқуқлар бўлмаганидек, ҳуқуқларсиз бурчлар ҳам бўлмайди — социалистик жамиятнинг қатъий сиёсий принципи шундай». Чинакам демократия ҳар бир кишининг сиёсий ва социал ҳуқуқларини ҳимоя қилиб, унга хизмат қилади, деб қайд этилди КПСС МК январь Пленумида, айни бир вақтда у ҳар бир коллективга ва бутун жамиятга хизмат қилиб уларнинг манфаатларини ҳимоя қилади. Демократия билан интизомни, мустақиллик билан масъулиятни, лавозимли шахслар, ҳар бир гражданининг ҳуқуқлари билан бурчларини узвий тарзда қўшиб олиб бориш — социалистик демократизмнинг асосий, белгиловчи хусусиятидир.

ХАЛҚНИНГ СОЦИАЛИСТИК ЎЗ-ЎЗИНИ БОШҚАРУВИНИ ЧУҚУРЛАШТИРИШ — ПАРТИЯНИНГ СИЁСИЙ СОҲАДАГИ ФАОЛИЯТИНИНГ БОШ ЙЎНАЛИШИ

Пропагандист ушбу бўлимини кўриб чиқишга киришар экан, энг аввало социалистик ўз-ўзини бошқариш ҳақидаги ленинча тушунчани очиб беради. Социалистик ўз-ўзини бошқариш меҳнаткашлар манфаатларини қўзлаб фақат амалга оширилибгина қолмай, балки қонуний тарзда, тобора кўпроқ даражада ўз уюшмаларининг ҳукмронлигидан бошқа ҳеч қандай ҳукмронлики билмайдиган меҳнаткашларнинг ўзларининг бевоқифлиги айлана боради. Халқнинг ўзи ўз ишларини реал тарзда бошқарган, миллионлаб кишилар сиёсий ҳаётда иштирок этган тақдирдагина социалистик тузум муваффақият билан ривожланиб боради. КПСС XXVII съездида, ўз-ўзини бошқариш асослари давлат ва ижтимоий ҳаётнинг ҳамма тўқималарига тобора чуқурроқ синга бориб, демократик централизмнинг мазмунини бойитиб, унинг социалистик табиатини мустаҳкамлаб, давлатимиздан ташқарида эмас, балки унинг ичида ривожланиб боради, деб уқтирилди.

Пропагандист таъкидлайдики, КПСС — социалистик ўз-ўзини бошқаришни ривожлантиришнинг етакчи кучи ва асосий гарантисидир. Унинг ўзи ҳам ижтимоий-сиёсий ўз-ўзини бошқарувчи ташкилотнинг юқори формасидир. Партия ички демократиясини ривожлантира, сиёсий системанинг барча бўғинларида ишлаётган коммунистларнинг активлигини ошира борар экан, партия халқнинг социалистик ўз-ўзини бошқаришини чуқурлаштириш процессини тўғри йўналтириб туради. КПСС МК 1987 йил январь Пленуми ишлаб чиққан йўл бундай ёндашиш намунасидир. Пленум қайд қилдики, меҳнаткашларнинг жамоат ишларида, мамлакатни бошқаришда тобора кўп иштирок этаётганлиги ҳозир жуда хилма-хил тарзда намоён бўлмоқда. Партия ташкилотларининг ҳаёти янада жўшқинроқ бўлиб бормоқда. Танқид ва ўз-ўзини танқид кенг ёйилмоқда. Оммавий ахборот воситалари фаолроқ ишлай бошладилар. Ҳаётимиз нормасига айланаётган ошкоралик яхши таъсир кўрсатмоқда. Янги жамоат ташкилотлари барпо этилмоқдаки, улардан бири — уруш ва меҳнат ветеранларининг бутуниттифок ташкилотидир. Совет маданият фонди ташкил топди. Хотин-қизлар советлари тузилмоқда. Ижодий союзларнинг съездлари принципиаллик ва танқид вазиятида ўтди.

Айни чоқда Пленум таъкидлайдики, планлаштиришга, меҳнатни ташкил этишга, моддий ва бошқа неъматларни тақсимлашга ёки энг обрўли, билимдон кишиларни танлаш ҳамда раҳбарлик вазифаларига қўтаришга тааллуқли бўладими, барибир, агар бизнинг демократик тартиботларимиз ҳар бир меҳнат коллективидаги ишларнинг аҳволига фаол ва реал таъсир кўрсатсагина, биз халқнинг ташаббуси ва ижодкорлигини чинакамига қўтара олган бўламиз. Ҳар бир совет кишиси ўз тажрибасида ана шу ўзгаришларни қанчалик тез хис қилса, унинг гражданлик позицияси, ҳамма жамоат, давлат ишларидаги иштироки шунчалик фаолроқ бўлади.

Январь Пленумининг мазкур кўрсатмалари партиямиз программасининг қондаларига батамом мувофиқдир. Программамиз диққат-этиборни бевоқиф демократиянинг ҳамма формаларидан ғоят самарали фойдаланишга, халқ оmmasининг давлат қарорларини ва бошқа қарорларни ишлаб чиқиш, қабул қилиш ва бажаришда тўғридан-тўғри иштирок этишига қаратади. КПСС XXVII съездида меҳнат коллективлари ҳақидаги қонун замирида ётган демократик нормалар ва принципларни қўндалик иш практикасига айлантириш имконини берувчи механизмни яхшилаш тўғрисида конкрет тақлифлар киритилди. Меҳнат коллективининг қарори билан узил-кесил ҳал қилинадиган проблема-

лар доирасини кенгайтириб бориш, ишчи ва хизматчиларнинг умумий йиғилишлари родини, уларнинг қарорларини бажариш учун жавобгарликини ошириш тавсия этилди. Фақат бригадалардагина эмас, балки корхоналар даражасида ҳам умумий йиғилишлар ўртасидаги даврда меҳнат коллективи кенгаши ишлаб туриши, унинг составига маъмурият, партия, касаба союз, комсомол ташкилотлари, бригада кенгашлари вакиллари, ишчилар, мутахассислар кириши кераклиги ҳақида фикр айтилди. Ҳамма бригадаларни, шунингдек мастерлар, сменалар, участкалар, цехларнинг бошлиқларини, совхозлар бўлимлари бошқарувчиларини ҳам сайлаш таклиф этилди.

Ана шу таклифлар бевосита демократиядан самарали фойдаланишдек съезднинг муҳим йўл-йўриғини тўла амалга оширувчи Давлат корхонаси (бирлашмаси) тўғрисидаги қонунда ўз ифодасини топди. Меҳнат коллективларининг умумий йиғилишлари ва кенгашларига ишлаб чиқариш, социал ва кадрлар ишларига алоқадор масалаларни ҳал қилиш юзасидан ваколатлар бериш, бу, — В. И. Ленин ифодаси билан айтганда. Халқнинг чинакам ўз-ўзини бошқарувга ўтишида йирик сиёсий тадбирдир.

Пропагандист сайлаб қўйишдек асослар ҳаётимизга фаол тарзда кириб келаётганлигига мисоллар келтириши мумкин. Марказий матбуот ҳам, маҳаллий матбуот ҳам бу ҳақда хабарлар бермоқда.

Бизнинг республикамизда ҳам бригадирлар, мастерларни, цехлар, сменалар бошлиқларини сайлаб қўйиш таомилга кирмоқда.

Бундан ташқари, КПСС МК январь Пленумидан кейин сайлаб қўйиш асосларини дарҳол баъзи бир район партия комитетлари ҳам ўз амалий ишларида қўлладиларки, бу ҳақда М. С. Горбачев Латвия билан Эстонияга қилган сафари вақтида гапириб ўтди.

Тингловчиларнинг ўз меҳнат коллективларида ҳам сайлаб қўйиш асослари қандай жорий этилаётганлиги масаласини муҳокама қилишлари фойдалидир.

КПСС XXVII съезди, партия МК январь Пленуми талаблари асосида колхозларга ва бошқа кооператив ташкилотларга раҳбарликнинг демократик принципларига, уларнинг уставларига оғишмай риоя этилиши лозим. Ҳозирча кўп кишилар кооперация турмушига аралашшига уринмоқдалар. Партия ва совет органларининг вазифаси — кооператив ўз-ўзини бошқариш бетўхтов амал қилишини кузатиб бориш ҳар қандай тазйик ўтказишга, маъмуриятчилик қилишга уринишларга барҳам беришдан иборат.

Бу ўринда январь Пленуми қарорларини ва қайта қуриш вазифаларини рўёбга чиқаришда район ва шаҳар партия комитетларининг, район бўғини кадрларининг роли каби масалага тингловчиларнинг эътиборини қаратиш муҳимдир. М. С. Горбачев Эстония ССР активи билан учрашув пайтида мазкур даражадаги партия комитетларининг функциялари ҳақида гапириб, шуни яна бир бор қаттиқ таъкидладики, улар сиёсий раҳбарлик органлари сифатида иш олиб боришлари керак. Бизда бошқарув функцияларини бажариш учун бутун бир органлар системаси: совет, хўжалик, соғлиқни сақлаш, маориф ва шу каби органлар мавжуд. Жамоат ташкилотлари ҳам ўз фаолият соҳасига эга. Партия комитетларининг вазифаси эса — ана шу бутун хилма-хил системанинг доний раҳбарлик қилиши ва актив ишлашини таъминлаш, жамиятда содир бўлаётган ҳамма жараёнларга таъсир кўрсатишдан, энди демократлаштиришнинг янги моментларини ҳисобга олган ҳолда кадрларни танлаш ва жой-жойига қўйишни, тегишли ташкилотчилик, идеологик иш олиб бориш, кишиларни тарбиялашни амалга оширишдан иборатдир.

Бошланғич партия ташкилотлари ҳаётимизни демократлаштиришнинг қудратли воситаларидир. М. С. Горбачев шу муносабат билан Эстония ССР активи билан учрашувда мана бундай деган эди: «Бошланғич партия ташкилотларининг фаолияти, ташаббускорлигини ривожлантириши асосида ҳар бир коммунистни қайта қуриш жараёнига реал тарзда жалб этиш — аслини олганда бу барча меҳнат коллективларини, бутун партияни, бутун халқни қайта қуришга жалб этиш демакдир».

Мамлакатимизда бевосита демократиянинг бутун бир қатор самарали формалари қарор топди. Улар орасида — қонунлар лойиҳаларини ва бошқа энг муҳим ҳужжатларни умумхалқ муҳокамасига қўйиш формасини кўрамиз. СССР граждандарининг умумдават ва маҳаллий аҳамиятга эга бўлган қарорларни муҳокама қилиш ва қабул этишда иштирок қилиш ҳуқуқи мамлакатимиз Конституциясининг 48-моддасида мустаҳкамлаб қўйилган. КПСС XXVII съезди ана шу жуда муҳим масала юзасидан махсус қонун тайёрлашни тезлаштиришни кўзда тутди.

Жамиятимиз ҳаётида ўз-ўзини бошқариш асослари кенг ривож топган ҳозирги шароитда граждандарнинг йиғилишлари, сайловчиларнинг нақазлари, меҳнаткашларнинг хатлари, матбуот, радио, телевидение каби бевосита демократияни ривожлантиришнинг ишончли воситаларидан, жамоатчилик фикрини аниқлаш, омманинг талаб-эҳтиёжларига ва кайфиятига оператив тарзда сезгирлик билан жавоб беришнинг барча воситаларидан фойдаланиш зарурдир.

Пропагандист халкнинг социалистик ўз-ўзини бошқарувини чуқурлаштириш ҳақида гапирганда бизнинг кўп миллатли мамлакатда яшайётганлигимиз каби принципиал муҳим фактни четлаб ўтолмайди. Бу ўринда ҳам унга яна КПСС МК январь Пленуми матери-алларига мурожаат қилиш тавсия этилади. Ушбу масалада партия сиёсатининг моҳияти қуйидаги сўзлар билан ифодаланган: «Демократия ва ўз-ўзини бошқариш кенгайиб бораётган, ҳамма миллат ва элатларнинг миллий ўз-ўзини англаши тез ўсиб бораётган, интернационаллашув жараёни чуқурлашаётган ҳозирги кунда юзага келаётган масалаларни бирдан-бир мумкин бўлган асосда — ҳар бир миллат ва элатнинг гуллаб-яшнаши манфаатларини, уларнинг янада яқинлашуви манфаатларини, бутун жамиятнинг манфаатларини кўзлаб ўз вақтида ва одилона ҳал этиш алоҳида муҳим аҳамият касб этмокда».

Машгулот охирида пропагандист ошкораликни кенгайтириш ҳақидаги масалага яна қайтади. У В. И. Лениннинг Советлар демократизмини тавсифловчи қуйидаги сўзларини эслатади: «Бу — ҳамма учун очик, барча нарсани омманинг кўз ўнгиде қиладиган, омма учун қулай бўлган, бевосита омманинг ўзидан келиб чиқадиган ҳокимият, халқ оммасини ва унинг иродасини тўғридан-тўғри ва бевосита ифода қиладиган органдир» (Тўла асарлар тўплами, 12-том, 340-бет). Шунинг таъкидлаш лозимки, бу сиёсий масаладир, ошкораликсиз демократизм, омманинг сиёсий ижодкорлиги, унинг бошқарувда иштирок этиши мумкин эмас. КПСС XXVII съездида кўрсатиб ўтилганидек, бу кадрларни психологик жиҳатдан қайта тарбиялашнинг, ижтимоий муҳитни соғломлаштиришнинг бошланиш нуктасидир.

ТЕМАГА ОИД АДАБИЁТ

В. И. Ленин. Кадетлар ғалабаси ва ишчи партиясининг вазифалари. — Тўла асарлар тўплами. 12-том, 340-бет.

В. И. Ленин. Давлат ва революция. — Тўла асарлар тўплами, 33-том, 22, 30—31, 51, 54, 55, 116—119-бетлар.

В. И. Ленин. Қасаба союзлари тўғрисида, ҳозирги пайт тўғрисида ва ўрт. Троцкийнинг хатолари тўғрисида. — Тўла асарлар тўплами, 42-том, 238, 239, 255-бетлар.

Совет Иттифоқи Коммунистик партияси XXVII съездининг материаллари. — Т., «Ўзбекистон», 1986, 62—71, 178—184, 230—231-бетлар.

Ўзбекистон Компартияси XXI съездининг материаллари. — «Ўзбекистон коммунисти» — «Коммунист Ўзбекистана» журнали, № 2, 1986 йил.

ССР Иттифоқи Конституцияси (Асосий Қонуни). — Тошкент. «Ўзбекистон», 1977 йил.

Ўзбекистон ССР Конституцияси.

КПСС МК Пленумининг материаллари, 1987 йил 27—28 январь. — «Ўзбекистон коммунисти» — «Коммунист Ўзбекистана» журнали, № 3, 1987 йил.

М. С. Горбачевнинг Эстония ССР партия, совет ва хўжалик активи билан учрашувдаги нутқи. — «Совет Ўзбекистони», 1987 йил, 24 февраль.

М. С. Горбачев. Қайта қуриш — халкнинг энг асосий иши. СССР Қасаба союзлари XVIII съездида сўзлаган нутқи. — «Совет Ўзбекистони», 1987 йил, 26 февраль.

С. А. Шалаев. ВЦСПС иши тўғрисида ҳисобот ва КПСС XXVII съезди қарорлари асосида СССР қасаба союзларининг вазифалари. СССР Қасаба союзларининг XVIII съездида қилинган доклад. — «Совет Ўзбекистони», 1987 йил, 25 февраль.

И. Б. Усмонов. Ўзбекистон Компартияси Марказий Комитети бюросининг КПСС XXVII съезди қарорларини бажариш соҳасидаги иши тўғрисида ҳисоботи. Ўзбекистон Компартияси МК IV пленумда қилинган доклад. — «Совет Ўзбекистони», 1987 йил, 16 февраль.

И. Б. Усмонов. Ўзбекистон комсомоли XXIII съездида сўзланган нутқ. — «Еш ленинчи», 1987 йил, 24 январь.

Ўзбекистон қасаба союзлари республика советининг ҳисобот доклади. — «Совет Ўзбекистони», 1987 йил, 24 январь.

ТУРКИСТОН ЎЛКАСИДАГИ БИРИНЧИ ХАЛҚ РЕВОЛЮЦИЯСИ

Маълумки, 1905—1907 йиллардаги революция янги тарихий даврни — чуқур ижтимоий ўзгаришлар ва революцион жанглар даврини бошлаб берди. У мағлубиятга учраганига қарамасдан самодержавие-помешчиклар тузумининг негизига путур етказди, В. И. Ленин таърифича Улуғ Октябрнинг «бош репетицияси» бўлди. Империализм давридаги биринчи халқ революцияси халқаро аҳамиятга ҳам эга бўлди, чунки у В. И. Ленин таъкидлаганидек, «...бутун Осиёда ҳам ҳаракат юзага келтирди... Рус революцияси билвосита йўллар билан Ғарбдаги мамлакатларга ҳам ўз таъсирини кўрсатди» (Тўла асарлар тўплами, 30-том, 377—378-бетлар).

Россиянинг миллий чекка ўлкалари, жумладан, Ўрта Осиё ва Қозоғистонда революция қандай ўтди? Илгари эълон қилинган ва шу пайтгача ўқувчиларга маълум бўлмаган ҳужжатли тарихий материал асосида мазкур саволга жавоб беришга ҳаракат қилиш — бу ленинчи большевиклар партияси ва Россия пролетариатининг қаҳрамонона курашлар ва ғалабалар йўлини чуқурроқ тушуниб олишни, метрополия меҳнатқашларининг қолоқ чекка ўлкаларнинг мазлум халқлари билан иттифоқи социал ва миллий озод қилишнинг туб вазифаларини ҳал этишда қандай муҳим роль ўйнаганлигини тўлароқ идрок этишдир.

Шу муносабат билан такриз қилинаётган китоб* диққатга сазовордир. Бу китоб аслини олганда тарихчи олимларнинг меҳнатқашларнинг умумроссия чиқишларининг таркибий қисми бўлган Туркистондаги 1905—1907 йиллардаги революцион воқеаларга бағишланган биринчи коллектив ишидир. Бу воқеалар жараёни юксак илмий-методологик даражада тадқиқ этилган.

Тема баёнидан олдин историографик обзор берилган.

Шуни қайд қилиш керакки, Ўрта Осиё ва Қозоғистондаги 1905—1907 йиллардаги революция историографияси кенг қўлам-лидир. Революциядан олдинги Туркистон

тарихи бўйича йирик мутахассис, «Туркистондаги 1905—1907 йиллардаги революция» деган муҳим асар автори А. В. Пясковский тадқиқотлари ана шу соҳадаги сермазмун ишлардан ҳисобланади. Такриз қилинаётган китоб авторлари бу тадқиқотларга юксак баҳо беришади, лекин улар олимнинг юқорида номи келтирилган асарини асосан эътиборсиз қолдиришиб, унинг бошқа иккинчи даражали бир асарига мурожаат қилишади ва қатор ҳолларда фактик материалга нисбатан мавҳум характердаги ҳулосалар кўпроқ учрайди деб тадқиқотчиға таъна қилишади (27-бетга қаралсин). Ҳолбуки А. В. Пясковскийнинг кейинги ижодида олимлар танқид қилган ана шу муайян жиҳатлар анча тўла баён қилинган. Россиядаги биринчи халқ революцияси историографияси А. В. Пясковский асарлари эълон қилинганидан бери анча бойиганлиги ҳам эътиборга олинмаган.

Авторлар революциянинг бутун манзарасини тўла ёритиш учун Москва, Ленинград, Тошкент ва бошқа шаҳарлардаги бой архив фондларини ғоят чуқур ва системали ўрганиш зарурлигини таъкидлашади. Улар ҳужжатларнинг кўпчилиги ҳозиргача унутилган ва ҳеч кимга маълум эмас дейишларида ҳақдирлар (27-бетга қаралсин). Ҳа, айтмоқчи, авторлар архив ҳужжатларига мурожаат қилишга даъват этишадю ўзлари ҳам кўпгина қимматли ҳужжатларни эътибордан четда қолдиришган. Масалан, Бухоро амрининг Куш-Беги фонди, шунингдек ЦГВИА, АВПР, Ўзбекистон ССР Марказий давлат архивида, иттифокдош республикаларнинг Марказий давлат архивларида сақланаётган ҳужжатлар ана шулар жумласидандир. Уларнинг кўпчилиги Ўрта Осиё халқлари тилларида ёзилган. Бу ҳужжатлар биринчи халқ революцияси арафасидаги ва революция давридаги меҳнатқашлар оммасининг социал-иқтисодий аҳволи, социал-демократик тўғараклар ва гуруҳлар фаолияти тўғрисида, шаҳар ва қишлоқ аҳолиси камбағал табақаларининг маҳаллий эксплуататорлар ва чор маъмуриятига қарши чиқишлари ва ҳоказолар ҳақида бой материал бериши мумкин эди. Масалан, чор тузумини ва Бухоро ами-

* Революция 1905—1907 гг. в Средней Азии и Казахстане. Ташкент, «Фан» 1985, 205 с.

рини анча ташвишга солган адолат учун курашчилар орасида Номоз Пиримқулов раҳбарлигидаги «қарокчилик ҳаракати» деб аталган ҳаракат алоҳида ажралиб турар эди. Фикримизча, А. В. Пясковский «Номоз ҳаракати»ни ва бошқа шунга ўхшаш чиқишларни В. И. Ленин революцион партизанлар урушлари сифатида таърифлаган ҳаракатлар қаторига қўшиб тўғри қилган. Шунинг қайд қилиш керакки, 1905—1907 йиллардаги «Номоз ҳаракати» тўғрисида дастлабки муҳим ишни таниқли маърифатпарвар Абдуҳолик Қўқонбоев 1920 йилдаёқ ёзган эди. У бу воқеалар гувоҳи бўлган, чор жандармерияси Номозни сўроқ қилганида таржимон сифатида қатнашган эди. Номоз тўғрисида Ўзбекистон тарихчилари талайгина илмий мақола-лар ёзишган, ёзувчилар ва шоирлар йирик бадиий асарлар яратишган. Ўлкадаги 1905—1907 йиллардаги революцион воқеалар тўғрисида ҳикоя қилувчи ана шу ва бошқа асарлар, айниқса маҳаллий тилларда ёзилган ишлар тадқиқот авторларининг диққат эътиборидан четда қолган.

Китобнинг каттагина қисми Ўрта Осиё ва Қозоғистондаги 1905—1907 йиллардаги революциянинг шарт-шароитларига бағишланган. Унда чоризмнинг мустамлакачилик сиёсати, аграр проблемалар, саноатнинг вужудга келиш ва ривожланиш жараёни, ишчилар синфининг шаклланиши, ишчилар ҳаракатининг бошланиши, марксизмнинг тарқалиши ва бошқалар кўрсатилган. Бироқ бу масалалар асосан илгари эълон қилинган ишлар асосида ёритилган, архив манбаларидан кам фойдаланилган. Масалан, Россиядаги биринчи халқ революцияси шарт-шароитларининг таърифи архив материаллари устида кўп билан тадқиқий иш олиб боришни таъқозо этади, лекин ана шу масалага бағишланган бобда авторлар бундай материалларга атиги тўққиз марта мурожаат қилишган. Ваҳоланки, Ўрта Осиё ва Қозоғистондаги 1905—1907 йиллардаги революциянинг объектив шарт-шароитларини, субъектив омилларини ва воқеалар жараёнини асосли ёритиш учун архив материалларини, айниқса 1897 йилги Бутун Россия аҳоли рўйхатга олинишининг маълумотларини, К. К. Паленнинг сенаторлик ревизияси натижаларини анализ қилиш лозим эди. Шу даврга оид ана шу ва бошқа ҳужжатлардан маълум бўлишича, XIX аср охири — XX аср бошларида Туркистонда иқтисодий ўзгаришлар рўй бериб, товар-пул муносабатлари ривожлана бошлади, бу ўлканинг Россия билан иқтисодий алоқаларининг мустаҳкамланишига асос бўлди, натурал ва патриархал хўжаликнинг емирилишига олиб келди ва регионнинг бундан кейинги ривожланиши учун прогрессив аҳамият касб этди. Авторлар ҳужжатли манбаларга, кўп сонли архив мате-

риалларига ва статистик маълумотларга таяниб ернинг бой ва қулоқлар табақаларининг қўлларига тўпланиши, деҳқон хўжаликларининг табақаланишининг тезлашиши, савдо-судхўрлик капиталининг ўсиши, деҳқонларнинг ердан ажралиши ва уларнинг оммавий хонавайрон бўлиши жараёнини кўрсатишлари керак эди. Ана шу жараён натижасида халқ оммаларининг шундай ҳам оғир моддий аҳволи янада қийинлашди, социал ва миллий зулм қучайди, маҳаллий ҳокимларнинг меҳнаткашлар устидан зўравонлиги ошди. Бизнинг назаримизда, Туркистон ўлкасидаги 1905—1907 йиллардаги революциянинг асосий объектив ва субъектив шарт-шароитлари ана шулардан иборат, афсуски, улар тақриз қилинаётган китобда тўлалигича очиб берилмаган. Бошқа томондан, авторлар умуман ўша даврдаги Ўрта Осиё ва Қозоғистондаги турмуш тўғрисида ҳикоя қилишар экан, Бухоро амирлиги ва Хива хонлигидаги социал-иқтисодий аҳвол ва халқ чиқишларига деярли эътибор беришмайди. Уларнинг бу позициясини тушуниш қийин.

Тақриз қилинаётган китобнинг фазилати шундаки, унда тарихийлик принцинга катъий риоя қилинган. Революциянинг бошланиши, бориши, энг юқори даражага чиқиши ва чеклинишига катта ўрин берилган. Унинг манбалари, шунингдек маҳаллий миллатлар меҳнаткашлари билан рус пролетариатининг умумий душманларга — чоризм, капитализм, феодализм ва мустамлакачиликка қарши курашдаги жанговар иттифокнинг вужудга келиши кўрсатилган.

Авторлар тўғри таъкидлашганидек, бу революция социал мазмунига кўра буржуа-демократик, кураш воситаларига кўра — пролетар революцияси эди; деҳқонлар билан иттифокдаги ишчилар синфи унинг ҳаракатлантирувчи кучи эди. Китобда большевикларнинг оммани, айниқса туб миллатлар вакиллариини революцион ҳаракатда актив иштирок этишга жалб қилишнинг энг самарали форма ва методларини излашлари яхши кўрсатилган (108—109-бетларга қаралсин).

Бироқ тадқиқотда ўша йиллардаги воқеаларга совет тарихий ва тарихий-партиявий фанининг бугунги ютуқлари позициясидан туриб аналитик қараш етишмайди. Масалан, сўнгги йилларда нашр этилган «В. И. Ленин ва у раҳбарлик қилган РСДРП муассасаларининг партия ташкилотлари билан ёзишмалари 1905—1907 йиллар» деган кўп томлик ҳужжатлар тўпламида келтирилган фактлардан фойдаланилмаган. Тўғри, тўпламнинг тегишли томлари яқиндагина босилиб чиқди. Лекин бу томларга кирган материаллар КПСС МК ҳузуридаги Марксизм-ленинизм институти архи-

вида ва ЦГАОР да сақланиди, агар шу материаллардан фойдаланилганида китоб яна ҳам мазмунлироқ бўларди. В. И. Ленин ва МКнинг Россиядаги 35 та партия ташкилоти, шу жумладан РСДРПнинг Тошкент группаси билан бевосита алоқалари айтиш шу ҳужжатларда акс этган.

Россияда биринчи халқ революциясини тайёрлаш ва ривожлантиришда, маълумки, большевистик матбуот катта роль ўйнаган эди. Масалан, РСДРПнинг Туркистондаги Тошкент, Самарканд, Асхобод ва бошқа социал-демократик ташкилотлари ва группалари қийинчиликларга қарамасдан Боку, Тифлис орқали РСДРП МКнинг чет эл бюроси ва Женевада жойлашган, В. И. Ленин раҳбарлик қиладиган «Пролетарий» газетаси редакцияси билан алоқа ўрнатишга муваффақ бўлган эдилар. Айтиш шу газета туфайли Туркистонда партиянинг III съезди қарорлари тарқалди, бу қарорларни рўёбга чиқариш учун изчил кураш бошланди. Газета нашр қилина бошланганининг дастлабки ойларидаёқ редакция билан алоқа ўрнатилган эди. «Пролетарий»нинг дастлабки учта номерида босилган корреспондентиялар шундан далолат беради. Н. К. Крупскаянинг партиянинг 38 та ташкилоти билан ёзишмалари ҳам сақланиб қолган, улар орасида РСДРПнинг Тошкент ташкилоти ҳам бор. Расмий ҳужжатларнинг кўрсатишича, «Пролетарий» редакцияси 3 ой ичида Тошкентдан 4 та хат ва мақолалар олган, улар газетада эълон қилинган. Урта Осиё республикалари ва Қозғистондаги архивлар материаллари ҳам шуни кўрсатади, афсуски китобда бу материаллардан фойдаланилмаган. Адолат юзасидан шуни қайд қилиш керакки, авторлар китобда 1905 йил декабридан бошлаб большевикларнинг легал босма нашрига айланган, М. В. Морозов раҳбарлик қиладиган «Русский Туркестан» газетаси фаолиятини ҳар томонлама анализ қилишган. Бундан ташқари, ана шу даврда «Солдатский листок — Правда» нолегал большевистик газетаси ташкил этилган, унинг биринчи сони 1906 йил 9 январда чиққан эди. У РСДРП Тошкент группаси ҳарбий-революцион ташкилотининг дастлабки органи эди. Газета тиражи 20 минг нусхага етган эди, бу унинг солдат оммаларига катта таъсир кўрсатганлигидан далолат беради. Лекин тақриз қилинаётган китоб ўқувчига бу борада етарли маълумот бермайди.

Афсуски, Россияда, шу жумладан Туркистонда ҳам нопролетар партиянинг вужудга келиши проблемаси лозимича ёритилмаган. Китоб авторлари З. Ш. Ражабовнинг маҳаллий буржуазиянинг икки юзламалиги тўғрисидаги фикрига қўшилиб, 1905 йилга келиб маҳаллий буржуазия орасида «жадидчилик» деб ном олган ҳаракат ривожлана бошлади, деб ёзишади. Жа-

дидлар ўзининг сиёсий моҳиятига кўра кадетлар партиясига жуда яқин туришарди, улар ҳаракати жиддий социал таянчга эга эмас эди, бу ҳаракатга тор доирадаги кишилар — буржуа зиёлилари вакиллари, маҳаллий капиталистлар, рухонийлик рутбасига оид шахслар жалб қилинганди. Авторлар «1905—1907 йиллар революцияси даврида жадидчилик ҳаракати туб аҳолининг меҳнаткаш оммалари ўртасида хайрихоҳлик топмади ва қўллаб-қувватланмади» деб қайд қилишади (139-бетга қаралсин). Қарийб қирк йил аввал туғилган бу фикр тарих фанининг бугунги ютуклари нуктаи назаридан олганда, назаримизда, ҳаддан ташқари катъий бўлиб туюлади. Самодержавие ва реакцияга қарши авж олган кескин кураш шароитида барча халқлар меҳнаткашлари манфаатларининг муштараклиги яққол кўриниб турарди. Туркистон туб аҳолиси меҳнаткаш табақалари ўртасида ўсиб бораётган интернационал кайфиятлар зиёлиларнинг революцион-демократик элементларини тобора кўпроқ торта бошлади. Ана шу фикр исботини маҳаллий матбуот, жумладан «Тараққий» газетаси саҳифаларидан топиш мумкин, афсуски, тақриз қилинаётган китоб авторлари бу газета тўғрисида бир томонлама фикр билдиришган (139-бетга қаралсин).

«Тараққий» очикдан-очик революцион мазмундаги кўплаб фактларни эълон қилган эди, бу тўғрида «Самарканд» большевистик газетаси шундай қайд қилган эди: «Сотқин қозилар ва аҳолининг сўнгги қонини сўриб олаётган бойлар уларнинг ёвуз қилмишларини фош қилиб ташлаётган янги газетага қарши қаҳр-ғазабини сочдилар». Шунингдек, «Тараққий» газетасининг 1906 йил 17-сонида босилган бош мақолани ҳам далил қилиб келтириш мумкин, унда шундай дейилади: «...бойларга арзимаган, камбағаллар учун эса ҳаддан кўп солиқлар солдилар. Сен — рус, сен — қирғиз, сен — татар (нўғай) деб... миллатлар орасида адоват ва низо тарқата бошладилар». Мақоланинг давомида кишилар озодлик ва адолатни талаб қилишдаи деб таъкидланади, ҳамма миллатларнинг эзилган оммалари эса бирликка ва бирдамликка даъват қилинади (ЦГИАЛ, ф. 1405, 1905—1907 г. оп. 530, д. 224, л. 101; шунингдек, қаралсин: Торжество ленинских идей пролетарского интернационализма. На материалах Средней Азии и Казахстана. 1917—1922 гг. М., 1974, с. 120).

Монография авторлари ўлка социал-демократик ташкилотининг репрессиялар шароитида Давлат думасига, сайловлар юзасидан олиб борган кампаниясини ёритишар экан, А. В. Пясковскийнинг юқорида кўрсатилган асарига таяниб, «Самарканд областидан думага меньшевик Афрамович ўтди... Тошкентдан илғор зиёлилар вакили

В. П. Наливкин сайланди» деб ёзилади.

Шу муносабат билан баъзи бир тарихий фактларга аниқлик киритиб ўтмоқчимиз. 60-йиллардан сўнг нашр қилинган кўпгина манбалар, айниқса «Ўрта Осиё ва Қозоғистонда Совет ҳокимиятининг галабаси» (Тошкент, «Фан», 1967) китобидан маълумки, В. П. Наливкин кейинчалик Туркистон генерал-губернатори ҳузурида маориф бўйича давлат маслаҳатчиси, Фарғона областининг вице-губернатори, сўнгра Муваккат ҳукумат Туркистон комитети раиси бўлган, меньшевиклар томонига ўтган. Ўлкада Совет ҳокимияти ўрнатилишининг ашаддий душмани. У ўзини округ кўшинларининг вақтинчалик бош қўмондони деб эълон қилиб, 1917 йил сентябрида Тошкент меҳнаткашларининг революцион чиқишларига қарши курашда айниқса ўзини кўрсатган. Бизнингча, китобхонда гўё В. П. Наливкин ўлка тарихида фақат прогрессив роль ўйнаган экан деган фикр туғилмаслиги учун унинг биографиясига оид ана шу асосий фактларни ҳам қайд қилиб ўтиш керак эди. Масалан, думанинг бошқа бир депутати Е. И. Мироновга нисбатан шундай ёндашилган. Е. И. Миронов ўша пайтда меньшевиклар позициясида турган, кейинчалик эса большевиклар томонига ўтган ва Совет ҳокимияти учун курашда фаол қатнашган эди (188-бетга қаралсин).

Биз бу нарсани шунинг учун ҳам алоҳида таъкидлашга мажбурмизки, республика-мизда босилиб чиққан барча энциклопедик нашрларда В. П. Наливкин фақат ижобий томондан — асосан биринчи халқ революциясига қадар маориф соҳасида кўп иш қилган киши сифатида таърифланади. Унинг сўнгги революциялар пайтидаги кейинги реакцион сиёсий фаолияти тўғрисида бу нашрларда ҳеч нарса дейилмаган. Назаримизда, тарихий шахслар биография-сини ёритишга бундай бир томонлама ёнда-

шув умуман тарихий воқеаларни синфий баҳолашга ҳалакит беради.

Биринчи халқ революцияси даврида Самарқанд уездининг бош врачлари бўлган М. Афравмович эса ўлкада Совет ҳокимияти ўрнатилган пайтдан бошлаб то 1929 йилгача — пенсияга чиққунига қадар совет органлари аппаратида ишлади, Ўзбекистонда соғлиқни сақлаш системасини ривожлантиришга сезиларли ҳисса қўшди. СССР ЦГИАЛда биз М. Афравмовичнинг Морозов ва А. Паренков билан биргаликда «Самарқанд» большевистик газетасини нашр этишда бевосита иштирок этганлиги тўғрисида гувоҳлик берадиган ҳужжатларни учратдик. У ва таникли шарқшунос В. Л. Вяткин бош пайчилар ва газета редколлегияси аъзолари бўлишган (ЦГИАЛ, ф. 1396, 1908—1910 г. оп. 1 д. 62, лл. 116—118). Бинобарин, М. Афравмовични меньшевик деб ҳисоблаш асоссиз деб ўйлаймиз.

Хуллас, тақриз қилинаётган китоб авторлари кўп масалаларни ёритишда таникли олимлар обрў-эътиборидан қўчиб ҳодислик қилиша олмаган ва тарихий ҳақиқатни очишолмаган, Ўрта Осиё ва Қозоғистонда 1905—1907 йилларда бўлиб ўтган революцион воқеаларни янада тўлароқ очиб бериш учун янги ҳужжатларни излаб топиш йўлидан боришмасдан асосан ҳаммага маълум ҳужжатлар билан чекланишган. Лекин бундан қатъи назар, монографиянинг киммати шундаки, авторлар ана шу йилларнинг илмий социализмни астойдил пропаганда қилиш, маҳаллий пролетарлар ва деҳқонларда синфий онг шаклланишининг, меҳнаткашлар ўртасида интернационал қайфиятларнинг кенг оммалашининг бошланиши даври эканлигини ишонарли кўрсатишган.

С. СОЛИЕВ,
тарих фанлари доктори.
Т. САИДҚУЛОВ,
тарих фанлари доктори.

ЖУРНАЛДА БОСИЛГАН МАТЕРИАЛЛАРИМИЗ ИЗИДАН

«Ўзбекистон коммунисти» журналида (1986 йил, 5-сон) иқтисод фанлари кандидатлари Р. Скляднев ва В. Андрейченколарнинг «Тежамкорлик — экономикани интенсивлашнинг муҳим йўналиши» мақоласида Ўзбекистон ССР Енгил ва Маҳаллий саноат министрликлари номига танкидий мулоҳазалар билдирилган эди. Жумладан, хом ашё ва материал ресурсларини нормалашдаги ва улардан фойдаланишдаги камчиликлар тўғрисида гап борган эди.

Ўзбекистон ССР Енгил саноат министрлиги коллегияси аъзоси, техника бошқармаси бошлиғи А. Сокиевнинг редакцияга йўллаган жавоб хатида қайд қилинишича, министрлик шаънига билдирилган танкид ҳаққоний деб топилган. Хатда 1986 йилда хом ашё ва материаллардан фойдаланишни яхшилашга, ишлаб чиқариш резервларини излаб топишга, nobудгарчиликни камайтиришга ва технологик жараёнларни такомиллашти-

ришга қаратилган чора-тадбирлар амалга оширилганлиги хабар қилинади. Умуман 3034 норма ишлаб чиқилган ва қайта кўриб чиқилган. Министрлик корхоналарида ҳам ашё ресурсларидан самаралироқ фойдаланишга, технологик жиҳатдан муқаррар чиқиндиларни камайтиришга ва улардан фойдаланишни яхшилашга имкон берадиган 40 илмий-тадқиқот ишланмаси жорий этилган.

1986 йилдаги иш якунлари анализининг кўрсатишича, 1038 тонна пахта толаси, 72 тонна сунъий ипак, 7,7 тонна табиий ипак, 258,3 минг квадрат метр асосий газламалар, 125,6 тонна пилла, 4 миллион 100 минг квадрат дециметр хромли ва 2 миллион 350 минг квадрат дециметр каттик чарм моллар, 325 тонна чарм ҳам ашёни иқтисод қилишга муваффақ бўлинган. Трикотаж, ипакчилик ва кўн-пойабзал саноати корхоналарида иккиламчи моддий ресурслардан фойдаланиш бирмунча яхшиланди, кўшимча ширпотреб цехларини ташкил этиш ва ишлаб турган цехларни икки сменали иш режимиغا ўтказиш бўйича топшириқлар белгиланди.

Шу билан бирга ип газлама ишлаб чиқарадиган тармоқда ипни ортиқча сарфлаш давом этмоқда. Масалан, умуман Ўзтекстильпром бўйича 1986 йилда бундай ортиқча сарфлаш 277 тоннани ташкил этди. Бунга йўл қўйган ишлаб чиқариш биришмалари ва корхоналар раҳбарлари 1986 йил декабрида Министрлик коллегиясида жиддий танқид қилинди ва уларга нисбатан турли жазо чоралари кўрилди.

1987 йил январда министрликнинг моддий ресурсларни тежаш ва улардан оқилона фойдаланиш Республика комиссиясининг мажлисида трикотаж тармоғи корхоналарининг ҳам ашё сарфи нормаларига риоя қилиш ва лекалолараро чиқиндиларни камайтириш юзасидан олиб бораётган иши кўриб чиқилди.

Бирок, деб қайд қилинади жавоб хатида, моддий ресурсларни тежашга доир ишлар даражаси ҳозирча замонавий талабларга жавоб бермайди. Бундай тежамкорликни тубдан яхшилаш мақсадида ҳам ашё, материаллар, ёқилғи ва электр энергиясига бўлган эҳтиёжнинг 60—65 процентини улардан оқилона фойдаланиш ва тежаш ҳисобига таъминлаш юзасидан ўн иккинчи беш йилликка мўлжалланган программа тасдиқланган.

* * *

Ўзбекистон ССР Маҳаллий саноат министрининг биринчи ўринбосари Г. Колбасин редакцияга юборган жавоб хатида мақолада баён қилинган фактларнинг асосан тасдиқланганлигини маълум қилади.

1986 йилда 880 норма ишлаб чиқилган ёки қайта кўриб чиқилган. Тошкент област ижроия комитети маҳаллий саноат бошқармасининг бош инженери ва «Металлист» заводи директори моддий ва ҳам ашё ресурсларини тежашдаги камчиликлар учун маъмурий тартибда жазоланган.

РЕДАКЦИОН КОЛЛЕГИЯ:

Р. А. Нуруллин (бош редактор), **М. Ғ. Ваҳобов**, **Е. И. Завалишин**,
З. Ёқубов (бош редактор ўринбосари), **М. Б. Ицковский** (масъул секретарь),
Б. В. Лунин, **Х. Р. Муҳаммадхонов**, **Х. Рўзиматов**, **Х. Т. Турсунов**,
А. Ў. Ўлмасов, **С. Қ. Қурбонов**, **К. А. Ҳасанжонов**, **Г. А. Ҳидоят**.

Редакция адреси: 700000, Тошкент — П. Ленин кўчаси, 41.
Телефонлар: бош редактор — 32-58-01, 32-78-87; бош редактор ўринбосари — 32-58-02, 32-78-93;
масъул секретарь — 32-58-03, 33-60-42; масъул секретарь ўринбосари — 32-58-03; 33-60-42;
бўлимлар: марксча-ленинча назарияни пропаганда қилиш — 32-58-65; партия ва совет қури-
лиши — 32-58-08; экономика — 32-58-71; фан ва маданият — 32-58-66; халқаро ҳаёт — 32-58-09,
танқид ва библиография — 32-58-70.

Корректорлар: **М. Комилов**, **Х. Каримов**.

Техредактор **Э. А. Кушнар**.

Теринга берилди 10.03.1987 й. Босишга рухсат этилди 31.03.1987 й. Формати 70×108¹/₁₆.
Фотонабор. Офсет босма усули. Шартли босма листи 8,4. Нашриёт ҳисоб листи 9,8.
Тиражи 28721. Нашр В-52. Заказ № 580.

Ўзбекистон Компартияси Марказий Комитети нашриётининг
Меҳнат Қизил Байроқ ордени босмаҳонаси.
Тошкент шаҳри, Ленин кўчаси, 41.

Баҳоси 25 тийин

ISSN 0134 — 2193

Индекс 75399

**На узбекском языке
ежемесячный теоретический и политический
журнал ЦК Компартии Узбекистана**

**«УЗБЕКИСТОН КОММУНИСТИ»
«КОММУНИСТ УЗБЕКИСТАНА»**

**Ордена Трудового Красного Знамени
типография Издательства ЦК Компартии Узбекистана**

БУТУН ДУНЕ ПРОЛЕТАРЛАРИ, БИРЛАШИНГИЗ!



ЎЗБЕКИСТОН КОММУНИСТИ



1

FBIS/UD/310

5
МАЙ
1987

Бутун дунё пролетарлари, бирлашингиз!



ЎЗБЕКИСТОН КОММУНИСТИ

№ 5
МАЙ
1987 йил

1920 йилдан
чиқа бошлаган

ЎЗБЕКИСТОН КОММУНИСТИК ПАРТИЯСИ
МАРКАЗИЙ КОМИТЕТИНИНГ НАЗАРИЙ
ВА СИЕСИЙ ЖУРНАЛИ

Ўзбек ва рус
тилларида
чиқади

Қайта қуриш — буюк мактаб, ўртоқлар. Бу мактаб мураккаб вазифаларни ўртага қўймоқда. Биз шу мактабда яхши сабоқ олишимиз керак. Яна бир бор такрорлаб ўтмоқчиман: билимдонлик билан актив, дадил, ижодий ҳаракат қилиш, ҳаракат қилиш ва ҳаракат қилиш керак! Таъбир жоиз бўлса, бу — ҳозирги пайтнинг бош вазифасидир. Ҳамма — ҳар бир партия ташкилоти, ҳар бир партия комитети, ҳар бир раҳбар, ҳар бир коммунист бу вазифани ўзига тегишли деб билиши лозим.

КПСС Марказий Комитети Бош секретари
М. С. Горбачевнинг КПСС МК 1987 йил январь
Пленумида сўзлаган якунловчи нутқидан.

МУНДАРИЖА

Ўзбекистон Коммунистик партияси Марказий Комитетининг пленуми	1
КПСС Марказий Комитетининг 1987 йил январь Пленуми яқунлари ва республика партия ташкилотининг қайта қуришни жадаллаштириш ҳамда кадрлар билан ишлашни такомиллаштириш соҳасидаги вазифалари. Ўзбекистон Компартияси МК биринчи секретари И. Б. Усмонхўжаевнинг Ўзбекистон Компартияси МК V пленумида 1987 йил 28 мартда қилган доклади	2
Ўзбекистон Компартияси Марказий Комитети V пленумининг қарори. КПСС Марказий Комитетининг 1987 йил январь Пленуми яқунлари ва республика партия ташкилотининг қайта қуришни жадаллаштириш ҳамда кадрлар билан ишлашни такомиллаштириш соҳасидаги вазифалари	3
СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ	
И. Искандаров — КПССнинг стратегик йўли	3
ИНСОН — ЖАМИЯТНИНГ АСОСИЙ ИШЛАБ ЧИҚАРУВЧИ КУЧИ	
Р. Альжанов — Инсон омили ва меҳнат сифати	4
ПАРТИЯ ҚУРИЛИШИ	
<i>Шаҳар ва район партия комитетлари қайта қуриш йўлларида</i>	
Н. Савченко — Тарбиявий ишга комплекс ёндашув	4
ФИКРЛАР ЧОРРАҲАСИДА	
Ўзбекистон агросаноат комплекси фаолиятини такомиллаштириш проблемалари	5
Ш. Орифонов — План-экономика механизми ва фан-техника тараққиётини жадаллаштириш	6
МАРКСЧА-ЛЕНИНЧА ТАЪЛИМ СИСТЕМАСИ УЧУН	
«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар: Совет жамиятининг маънавий тараққиёти	6
ПУБЛИЦИСТИКА, ОЧЕРКЛАР, ЛАВҲАЛАР	
Ч. Абутолипов — Совет кишининг маънавий маданияти	7
ХАЛҚАРО ТЕМАЛАРДА	
Н. Ермошкин — Янги мустамлакачиларнинг империалистик сиёсати	8
ТАНҚИД ВА БИБЛИОГРАФИЯ	
Қ. Хоназаров — Социалистик қурилиш шароитида шахсни шакллантириш	9
А. Саидов — Давлат ва ҳуқуқ назариясига доир янги нашр	9
Ўзбекистон нашриётининг брошюралари	9
Журналда босилган материалларимиз издан	9

ЎЗБЕКИСТОН КОММУНИСТИК ПАРТИЯСИ МАРКАЗИЙ КОМИТЕТИНИНГ ПЛЕНУМИ

1987 йил 28 март куні Ўзбекистон Коммунистик партияси Марказий Комитетининг V пленуми бўлди. Ўзбекистон Компартияси Марказий Комитетининг биринчи секретари И. Б. Усмонхўжаев «КПСС Марказий Комитетининг 1987 йил январь Пленуми якунлари ва республика партия ташкилотининг қайта уришни жадаллаштириш ҳамда кадрлар билан ишлашни такомиллаштириш оҳасидаги вазифалари» тўғрисида доклад қилди.

Доклад юзасидан музокараларда Тошкент область партия комитетининг биринчи секретари Т. А. Алимов, Бухоро область Вобкент районидаги Калинин юмли колхоз раиси М. Наврўзова, Қорақалпоғистон область партия комитетининг биринчи секретари К. Саликов, Фарғонадаги «Азот» ишлаб чиқариш бирлашмасининг аппаратчиси А. А. Киселева, «Қишлоқ ҳақиқати» — «Сельская правда» газетасининг редактори А. Ғ. Мухторов, Олмалиқ шаҳар партия комитетининг биринчи секретари А. Абдувосиқов, «Тошкент» мебель ишлаб чиқариш бирлашмасининг станокчиси В. И. Таранторова, Қизил Байроқ йрденли Туркистон ҳарбий округи қўшинлари кўмондони Н. И. Попов, Сурхондарё область партия комитетининг биринчи секретари С. Мамарасулов, Ўзбекистон ССР Министрлар Советининг Раиси Ғ. Ҳ. Кодиров, Тошкент шаҳар Фрунзе район партия комитетининг биринчи секретари С. А. Хўжаева, «Ўзбекгидроэнергострой» трестининг бошқарувчиси А. К. Эргашев, Ўзбекистон ССР соғлиқни сақлаш министри С. М. Баҳромов, Ўзбекистон қасаба союзлари республика Советининг раиси Ҳ. Алимова, Сирдарё область партия комитетининг биринчи секретари А. Ф. Клепиков, Хоразм область Хонқа районидаги «Октябрь 40 йиллиги» колхози бригада бошлиғи Т. Раҳимов, Навоий область партия комитетининг биринчи секретари А. С. Ефимов, Ўзбекистон ССР Министрлар Совети Раисининг биринчи ўринбосари, Давлат агросаноат комитетининг раиси И. Ҳ. Жўрабеков, Наманган область партия комитетининг биринчи секретари Н. Р. Ражабов, Ўзбекистон ССР ички ишлар министри У. Раҳимов, Тошкентдаги машинасозлик конструкторлик бюросининг бошлиғи Ш. Воҳидов, Андижон область партия комитетининг биринчи секретари М. М. Орипжонов, Ўзбекистон ССР Фанлар академиясининг президенти П. Қ. Ҳабибуллаев ўртоқлар сўзга чиқдилар.

Муҳокама қилинган масала юзасидан пленум тегишли қарор қабул қилди.

Пленум ташкилий масалаларни кўриб чиқди. Ишдаги жиддий камчиликлар учун ўртоқ Р. Ҳ. Абдуллаева Марказий Комитет Бюроси аъзоси ва Марказий Комитет секретари вазифаларидан озод қилинди. Илгари КПСС Марказий Комитети аппаратида ишлаган ўртоқ М. Ҳ. Холмуҳамедов Ўзбекистон Компартияси Марказий Комитети Бюроси аъзоси ва Марказий Комитет секретари этиб сайланди.

Пленум ўртоқ Ш. З. Камолхўжаевни Ўзбекистон Компартияси Марказий Комитети Пропаганда ва агитация бўлимининг мудирини қилиб тасдиқлади.

Пленум ишида КПСС Марказий Комитетининг масъул ходимлари И. Е. Пономарев, Ғ. Ғ. Черемних ўртоқлар катнашдилар.

Ўзбекистон Компартияси Марказий Комитетининг пленуми ўз ишини тамомлади.

КПСС МАРКАЗИЙ КОМИТЕТИНИНГ 1987 ЙИЛ ЯНВАРЬ ПЛЕНУМИ ЯКУНЛАРИ ВА РЕСПУБЛИКА ПАРТИЯ ТАШКИЛОТИНИНГ ҚАЙТА ҚУРИШНИ ЖАДАЛЛАШТИРИШ ҲАМДА КАДРЛАР БИЛАН ИШЛАШНИ ТАКОМИЛЛАШТИРИШ СОҲАСИДАГИ ВАЗИФАЛАРИ

Ўзбекистон Компартияси МК биринчи секретари

И. Б. УСМОНХҲҲАЕВнинг

Ўзбекистон Компартияси МК V пленумида

1987 йил 28 мартда қилган доклади

Ўртоқлар!

КПСС Марказий Комитетининг январь Пленуми мамлакатимизнинг ижтимоий-сиёсий ҳаётида жуда катта аҳамиятга молик воқеа бўлиб қолди. Бугун бу Пленумнинг яқунларини кўриб чиқамиз. Пленумнинг аҳамияти аввало шундаки, у ўтмиш сабоқларини, ҳозирги даврнинг характерини ва келгусо вазибаларни ҳисобга олиб, кенг социал-сиёсий соҳада кадрлар билан ишлашга қайта қуриш ва такомиллаштириш проблемаларини очиб берди.

КПСС Марказий Комитетининг Пленуми қабул қилган катта, принципиал жихатдан муҳим қарорлар партия билан халқни қайта қуриш стратегияси ва тактикаси билан қуроллантиради, уларни тараққиётимизни ҳар томонлама жадаллаштириши лозим бўлган яна ҳам чуқур ўзгаришларни амалга оширишга дадил чора-тадбирлар кўришга сафарбар этади. КПСС Марказий Комитетининг Бош секретари М. С. Горбачевнинг докладида таъкидланганидек, «Қайта қуришнинг муваффақияти кадрларимиз ўзгаришлар зарурлигини қанчалик тез ва чуқур англаб етишларига, партия йўлини қанчалик ижодий ва собитқадам билан ўтказишларига кўп жихатдан боғлиқдир».

Партия Ленин васиятларига амал қилиб, турмушимизда пайдо бўлган салбий кризисли ҳодисаларнинг сабабларини дадил ва ошқора таҳлил қилиб, унда ҳақиқат сабоғини чиқариб олмоқда, вужудга келган турғунлик механизмининг баргараф этиш йўллари ва усулларини белгилаб бермоқда, социалистик тузум замиридаги имкониятлардан тўлароқ фойдаланиш учун шароит яратмоқда.

Пленумда ўзгарган шароитда бошқаришнинг олдинги марказлаштирилган формалари самарасиз бўлиб қолганлиги кўрсатилди, бу формалар демократик методларни, халқнинг ижодий қучларини бўғиб қўйган эди. Текисчилик тенденцияси унумли ва сифатли меҳнатдан моддий манфаатдорликнинг пасайиб кетишига олиб келди. Меҳнат ва истеъмол мезонини контрол қилиш бўшаштириб юборилганлиги оқибатида, хотиржамлик ва бошбошдоклик вазиятида ўғрилган порахўрлик, чайқовчилик, меҳнатсиз даромад олиш кенг қўламда илдиз отди. Бу эса майда буржуа турмуш тарзи ва майда буржуа психологияси кўринишларини келтириб чиқарди.

Бундай бузилиш республика партия ташкилотида ҳам пайдо бўлди. Сизлар КПСС XXVII съезди минбаридан Ўзбекистон Компартияси ва унинг Марказий Комитети шаънига айтилган ўтқир танқидни яхши эслайсизлар. Январь Пленумида Ўзбекистон кадрларнинг айниши, социалистик қонунчиликнинг бузилиши билан боғлиқ бўлган салбий жараёнлар энг хунук шаклларда намоён бўлган регионлар каторида яна тилга олиб ўтилди.

Бу каттиқ, лекин адолатли баҳодир. Республика экономикасида, социал соҳасида юз берган турғунлик ва ўпирилишлар, партия турмуши ленинчил нормалари ва принципларининг қўпол равишда бузилиши, ғоявий-сиёсий, меҳнат ва ахлоқий тарбиядаги оғишлар, социал адолатнинг бузилганлиги, ана шу заминда алдамчилик, қўшиб ёзиш, ўғрилик кенг авж олиб кетганлиги КПСС

Марказий Комитетининг ёрдами билан Ўзбекистон Компартияси Марказий Комитетининг XVI пленумида ва Ўзбекистон Компартияси XXI съездида очиб ташланган эди. Салбий ҳодисаларни ва уларни келтириб чиқарган сабабларни тағъомири билан тугатишга қаратилган қатъий йўл белгиланди.

Аниқланган камчиликларни ошкора танқид қилиш, аҳволни ўнглаб олиш орасидан кўрилган кескин чоралар коммунистлар, меҳнаткашларнинг кенг қатламлари томонидан маъқулланди. Салбий ҳодисаларнинг оқибатларини бартараф этиш учун, республикада вазиятни соғломлаштириш учун қаттиқ кураш авж олдириб юборилди. Бу эса дастлабки натижаларни бермоқда. Ишлаб чиқариш ва социал турмушда, партия ташкилотларининг ташкилотчилик ва сиёсий ишларида, омманинг онгида баъзи ижобий ўзгаришлар кўзга ташланиб қолди.

Шу билан бирга қилинган ишларни талабчанлик билан объектив таҳлил этиш шунини кўрсатмоқдаки, республикада яхшиланиш томон ўзгариш жуда секин бормоқда, қайта қуриш иши анча мураккаброк, тўпланиб қолган проблемаларнинг илдизлари олдин тасаввур қилингандан анча чуқурроқ бўлиб чиқди. Ишлаб чиқариш фаолияти ва социал турмушнинг айрим участкаларида кўзга ташланган билинар-билинамас силжишлар ҳали ишнинг янги сифатини билдирмайди. Хўжалик ва маданий қурилишнинг кўп соҳаларида бир жойда депсиниб туриш, баъзи соҳаларда эса ҳатто олдин қўлга киритилган позицияларни ҳам бой бериб қўйиш давом этмоқда. Ташкилий-партиявий, идеология ишларида туб бурилиш таъминланмади.

Биз қайта қуришга нақадар чуқур киришар эканмиз, унинг микёслари, мураккаблиги ва аҳамияти шунчалик равшан бўлиб бормоқда. Ўтмишдан қолган янги-янги ҳал этилмаган проблемалар аниқланмоқда. Бўшашувчанлик, ўзгаришларга яширинча, баъзан эса очикдан-очик қаршилик кўрсатиш ҳам ўз таъсирини ўтказмоқда.

Шу сабабли биз дуч келган проблемаларни таҳлил этишга яна бир бор қайтиш, сўнгги йилларда республика партия ташкилоти олиб борган ишларни танқидий жиҳатдан қараб чиқиш, ўтмиш хатолари такорланмаслигини гарантиялайдиган, олға томон ҳаракатимизни таъминлайдиган тадбирларни аниқроқ ва кенгроқ белгилаб олиш учун қатъий зарурат бор.

САЛБИЙ ҲОДИСАЛАРНИНГ САБАБЛАРИ ВА ХАРАКТЕРИ

Ўртоқлар! Республикада Совет ҳокимиятининг 70 йили давомида партиянинг ленинча миллий сиёсати, мамлакатимиздаги барча халқларнинг жуда катта ёрдами туфайли улкан революцион социал-иктисодий ўзгаришлар юз берди. Республикада замонавий индустрия барпо этилди, ривожланган аграр-саноат комплекси шаклланди.

Бирок давлат ёрдами билан амалга оширилаётган ишлаб чиқариш ва техника потенциалининг жўшқин ўсиши билан бир вақтда республикада етарлича зарур социал ўзгаришлар бўлмаганлигини, бу ишнинг муҳим сиёсий, ғоявий, структуравий йўналишлари унутиб қўйилганлигини назардан қочириб бўлмайди. Ўзбекистон раҳбарлари айниқса сўнгги йигирма йил давомида субъектив омиллар туфайли туб ички ўзгаришлар зарурлигини англаб етмадилар, социал соҳада, кадрлар сиёсатида хавфли оғишлар ва номутаносибликларга йўл қўйдилар.

Республикада моддий-техникавий база даражаси билан ижтимоий, социал етуклик даражаси ўртасида узилиш рўй берди, ишлаб чиқариш муносабатлари ишлаб чиқарувчи кучларнинг ривожланишидан тобора ортда қолаверди.

Ҳап, аввало, туб миллат кишиларидан индустриал ишчилар синфининг шаклланиш жараёни секин юз берганлиги ҳақида бормоқда. Халқ хўжалигининг фан-техника тараққиётини белгилаб берадиган кўпгина тармоқлари, бутун-бутун индустриал регионлар маҳаллий аҳолининг ғоят кам иштироки билан, асосан мамлакатимиз бошқа қисмларидан ишчиларни жалб этиш ҳисобига барпо этилди ва ривожлантирилди.

На республика партия раҳбарлари, на ижтимоий-иктисодий илм-фан бу проблемаларни таҳлил этди. Бунинг устига ишларнинг ҳақиқий аҳволи турли

асоссиз хулосалар, ўзбошимчалик билан юлиб олинган статистика йўли билан бузиб ва бўяб кўрсатилди. Ҳолбуки маданиятнинг ривожланиши, тараққиёт, омилиявий сиёсий онгининг ўсиши жамият авангарди — социализмнинг социал негизи, асосини ишлаб чиқарувчи кучлари, илғор идеологияни тарқатувчи — ишчилар синфининг аҳволига ҳал қилувчи даражада боғлиқ эканлиги яхши маълум.

Марксизм-ленинизмнинг мана шу асосий қондаси унутиб қўйилганлиги шунга олиб келдики, ишлаб чиқаришнинг моддий омиллари шахс, инсон омилидан анча ўзиб кетди. Жамиятшунослик фани ҳам бу проблемаларни сезмади.

Республикада аҳоли социал структурасининг ривожланишидаги бузилиш миграция жараёнларининг сустиги, ишлаб чиқариш-техника потенциали қувватидан тўла фойдаланмаслик ва унинг самаралари камайиб кетганлиги, ижтимоий ишлаб чиқаришга жалб этилмаган меҳнатга лаёқатли аҳолининг анча кўпайганлиги, мутахассисларнинг профессионал тайёргарлиги ва малакаси даражасининг пастлиги каби ҳодисалар экономистлар, философлар, социологларнинг эътиборидан четда қолиб кетди.

Фан турмушнинг реал проблемаларидан, партиявий раҳбарлик практикаси эса социалистик қурилиш илмий асосларидан ажралиб қолди, бу эса асосий равишда буйруқбозлик, ўзбошимчалик билан қарорлар қабул қилишга, оравчи истакларни ҳақиқат қилиб кўрсатишга уринишга олиб келди.

Социалистик ўзгаришларнинг характерини енгилтаклик билан, кўпинча истеъмолчилик нуқтаи назаридан тасаввур этиш сўзсиз равишда шунга олиб келдики, раҳбар партия, совет, хўжалик кадрларининг анчагина қисмида вужудга келтирилган ишлаб чиқариш потенциалидан самарали фойдаланиш учун маъсулият тобора камайиб, тайёрга айёрлик ва маҳаллийчилик кайфиятлар пайдо бўла бошлади.

Партия ва давлат интизоми бўшашиб кетди, кадрларга нисбатан талабчанлик ва контрол пасайди, қариндош-уруғчилик ва юртдошлик алоқалари, бир-бирини қўллаб-қувватлаш авж олди. Социалистик мулкни ўғирлаш, порахўрлик кен тарқалди. Юксак ишонч билдириб, катта ваколат бериб қўйилган партия, совет, давлат, хўжалик органларининг ходимлари бузилиш ва порахўрлик йўлига кириб кетдилар.

Бу ҳодисаларнинг характери ва қўламлари сизларга яхши маълум. Партия ва совет ходимлари ўғрилиқ ва порахўрлик қилганлари учун жиноий жавобгарликка тортилди. Улар орасида республика Министрлар Советининг собиқ раиси Компартия Марказий Комитетининг собиқ иккинчи секретари, Ўзбекистон ССР Олий Совети Президиуми Раисининг собиқ ўринбосари, область партия комитетларининг бешта собиқ биринчи секретари, область ижроия комитетининг собиқ раиси, бир канча собиқ министрлар бор. Бундай фактларнинг ҳар бири умуман партияга, Совет ҳокимиятига доғ туширади.

Кадрларни кўплаб алмаштириш, кўп сонли порахўр мансабдор шахсларнинг шу жумладан, энг юқори лавозимларни эгаллаб келган шахсларнинг қаттиқ жавобгарликка тортилганлиги — сабабларни эмас, фақат оқибатларни тўғатишдир.

Айнан шу сабабли бугун қатъий қайта қуриш ва кадрлар билан ишлаб жараёнларининг моҳиятига чуқур кириб бориш, ҳамма соҳаларни — ишлаб чиқариш, социал, идеология, ташкилий-партиявий соҳаларни қамраб олиш жуда муҳимдир.

ИШЛАБ ЧИҚАРИШНИ ИНТЕНСИВЛАШ— ҚАЙТА ҚУРИШНИНГ АСОСИЙ ВАЗИФАСИ

Ўртоқлар! Партия XXVII съезди қарорлари асосида социал-иқтисодий ривожланишни жадаллаштиришнинг аниқ мақсадга йўналтирилган программаси ишлаб чиқилган. Бизнинг вазифамиз бутун республика партия ташкилотининг барча меҳнаткашларни, белгиланган режаларни амалга оширишга, қайта қуриш учун актив курашга сафарбар этишдан иборат. Экономиканинг ривожланишидаги

юхуш тенденцияларни ўзгартириш, консерватив кайфиятларни, маҳкамачилик ва маҳаллийчилик ёндашувларини тугатиш, бутун халқ ҳўжалиги самарадорлигини кескин ошириш лозим бўлади.

КПСС Марказий Комитети январь Пленумининг қарорлари бунинг учун энг таъсирчан воситаларни: ҳўжалик ҳисобини, ҳўжаликни юрийтишнинг янги системасини, ўзини-ўзи маблағ билан таъминлашни, маъмуриятчилик, ўзбошимчилик ва субъективизм йўлини катъий тугатишни кўрсатиб бермоқда.

Экономикани қайта қуриш ҳозирги ва истиқболдаги проблемаларни ҳал этишда бирлик бўлишини талаб қилади. Энг яхши корхоналар ва ҳўжаликларнинг гажрибаси раҳбарлар ва бошланғич партия ташкилотлари юқоридан кўрсатма берилишини ва ёрдамни кутмай, етилган вазифаларни ўз кучлари билан дадил ҳал этаётган жойларда жиддий силжишларга эришилаётганлигини кўрсатмоқда.

Мисол учун, «Навоиазот» ишлаб чиқариш бирлашмасини олиб кўрайлик. Бу коллективда ўн минг киши ишлайди, бир мингга яқин коммунист бор. Илгари корхона кўпинча планни уддалай олмай келарди. Корхона раҳбарлари — директор ўртоқ М. Г. Плешков, партия комитетининг секретари ўртоқ С. М. Жданов меҳнатни аниқ ташкил этишни йўлга қўйишга, реконструкциялашга, социал-маиший қайта қуришга жиддий киришдилар. Меҳнаткашлар, мутахассислар, коммунистлар билан кенгашларда, баъзан қизғин баҳсларда қайта қуришнинг барча мураккаб масалалари юзасидан бу ерда энг тўғри қарорлар қабул қилинмоқда.

Ишчилар ва инженер-техник ходимларнинг ижодий тафаккурини активлаштириш ишлаб чиқаришнинг бир қанча танг жойларини тугатишга кўмаклашди. Ўтган йилнинг ўзидагина коллективда ишлаб чиқилган рационализаторлик таклифларининг жорий этилиши 2 миллион сўмдан ортиқ самара берди.

Социал-маиший соҳани ривожлантиришнинг собиткадам изчил йўли ўтказилмоқда. Стадион, дам олиш зонаси, профилакторий ишлаб турибди. Корхона территориясида овқатланиш комбинати, магазин, буюртмалар столи, почта, омонат касса очилган. Ёрдамчи ҳўжалик ишчи ошхоналарини, болалар боғчаларини, пионерлар лагерини, пансионатни сабзавот ва полиз маҳсулотлари билан таъминлаб турибди, кенг миқёсда уй-жой қурилиши, шу жумладан, ҳўжалик усули билан уй-жой қуриш давом эттирилмоқда. Беш йиллик охиригача уй-жой қуришга қарийб 15 миллион сўм сафрлаш кўзда тутилган.

Буларнинг ҳаммаси коллективдаги маънавий-сиёсий муҳитни кескин ўзгартириб юборди. Бирлашма иши барқарор жўшқин тус олиб тобора юксалиб бормоқда. Бу ерда ишлаб чиқариш ҳажмининг ўсиши асосий фондлар ўсишидан 2 баравар ўзиб кетди, фонд самараси ҳам шундай суръатлар билан ошмоқда. Бирлашма ўн биринчи беш йилликни муваффақиятли тугаллаб, 1986 йил программасини ҳамма кўрсаткичлар бўйича уддалади, бу йил ҳам барқарор ишламоқда.

Тошкент область партия ташкилоти ишлаб чиқарилаётган маҳсулот сифати учун қандай қаттиқ танқид қилинганлигини пленум қатнашчилари унутганлари йўқ. Область партия комитети ҳамма корхоналардаги ишларнинг аҳолини чуқур таҳлил қилди. «Сифат» область комплекс программаси ишлаб чиқилди ва тасдиқланди. Бу программа техник тадбирлар билан бир қаторда коммунистларни ишлаб чиқаришнинг ҳал қилувчи участкаларига юборишни, партия группалари тузишни, партия таъсирини кучайтиришни кўзда тутди. Бу ишлар самара бера бошлади. Тошкент области саноати олий сифат категориясидаги маҳсулот ишлаб чиқариш юзасидан январь-февраль ойлари планини анча ошириб бажарди. Бундай маҳсулотларни ишлаб чиқариш ўтган йилнинг шу даврига нисбатан бир ярим баравар кўпайди.

Бироқ партия комитетлари ҳамма жойда ҳам ҳўжалик раҳбарларининг эскича ёндашувлари инерциясини ўзгартира олмадилар, улар ҳамон кескин, сифат жиҳатидан интенсив силжишни эмас, балки кўпроқ даражада секинлик билан, шошилмай, экстенсив ривожланишни, кўзда тутмоқдалар.

Йил бошидан буён саноат маҳсулот етказиб бериш мажбуриятларини ҳисобга олган ҳолда маҳсулот реализация қилиш планини 96 процент бажарди. Республикадаги ҳар тўрт корхонадан бири шартнома мажбуриятларини барбод қилмоқда. Меҳнат унумдорлиги 2,4 процент камайди. Жинззах ва Наманган областларидаги

корхоналарнинг деярли ярми ўтган йилнинг шу даврига нисбатан меҳнат унумдорлигини пасайтириб юборди.

Бухоро областида парадоксал вазият вужудга келди. Бу ерда саноатнинг икки ойлик ишлари якуни юзасидан план топшириқларининг бажарилишига «эришилди». Амалда эса, меҳнат унумдорлиги пасайди, халқ истеъмоли моллари ишлаб чиқариш камайди. Жиззах областида меҳнат унумдорлиги бўйича план 102 процент бажарилди, ўсиш суръати эса 85,5 процентни ташкил этди. Сурхондарё, Фарғона, Хоразм областларида, Тошкент шаҳрида топшириқларни бажариш чоғида меҳнат унумдорлиги даражаси пасайиб кетди.

Нега шундай бўлмоқда? Госплан раҳбарлари юз берган аҳволни саноатда ишлаётган ходимларнинг сони пландагига нисбатан кўплиги, пахта тозалаш корхоналарида ҳам ашёни қайта ишлаш қийинчиликлари, бошқа объектив ва субъектив омиллар билан изоҳламоқдалар. Аммо афтидан, гап шундаки, Министрлар Советининг розилиги билан Госпланда планлар кварталлар бўйича қандай ажратилганлиги чуқур таҳлил қилинмаяпти, корхоналар йил бошида енгилроқ топшириқ олишлари билан муроса қилиб келмоқдалар. Республика Компартияси Марказий Комитетининг бўлимлари эса юз берган вазиятни чуқур ўрганмай, ўзини оқлаш учун келтирилган далилларга ишонмоқдалар.

Планлар бажарилгани билан олға ҳаракат бўлмаса, жадаллаштириш бўлмаса, бундай сохта муваффақият кимга керак?

Ишда бир маромнинг йўқлиги коллективлардаги маънавий муҳитга ҳам маҳсулот сифатига ҳам таъсир қилаётган эски касалдир. Кўпгина корхоналар ойнинг бошида хотиржам ишлаб, сўнгра эса иш вақтидан кейин қолиб ишлаш ҳисобига планга зўр бериш каби яроқсиз одатдан қутула олмаган.

Масалан, «Таштекстильмаш» заводиди февралнинг сўнгги беш кунлигида бир кеча-кундуздаги ўртача маҳсулот ишлаб чиқариш кунлик нормадан беш баравар. Тошкент экскаватор заводиди эса олти баравар ортиб кетган бўлса, сифат қандай бўлиши мумкин? Бракнинг, одамлар ғазабланаётганлигининг сабаблари шундан келиб чиқмоқда. Тошкент шаҳар партия комитети министрликлар билан биргаликда бундай нормал бўлмаган ҳолнинг сабабларини аниқлай олаяпти, хўжалик ходимлари эса бундан фойдаланиб, ўзларининг ишлаб чиқаришни пухта ташкил эта олмасликларини штурмчилик билан яширмоқдалар деб хулоса чиқаришга тўғри келади.

Фан-техника тараққиёти масалаларида эскича ёндашув инерцияси, айниқса яққол намоён бўлмоқда. Ўтган йили фан-техника тараққиётига ажратилган капитал маблағларнинг атиги 83 проценти ўзлаштирилди. Кўпгина корхоналарда техника билан қайта қуролланиш масалалари ҳамон пайсалга солинмоқда. «Ўзбекгидролизпром» бирлашмаси узок вақтдан бери ёмон ишлаб келяпти. Маҳсулот тури ва ҳажми кўрсаткичлари бўйича план бажарилмаяпти. Давлат кўп йиллардан буён қсилитни, шунингдек, ҳамиртуруш, бошқа кўп маҳсулотларни бирлашмадан тўла ололмаёпти.

Бирлашма заводларида тез-тез авария бўлмоқда. Машина-ускуналар режасиз тўхтатиб қўйилмоқда, технология интизоми бузилмоқда. Бундай нуқсонлар асосан шунинг учун юз бермоқдаки, ускуналарнинг 60 проценти жисмоний ва маънавий жиҳатдан эскириб қолган. Биргина Андижон гидролиз заводида ўтган йили шаҳар давлат техника назорат органлари авария ҳолатида бўлганлиги учун 16 та гидролиз аппаратидан 8 тасини тўхтатиб қўйганлар.

Бундай аҳволнинг асосий сабабларидан бири шундаки, бирлашманинг бош инженери ўртоқ Л. Г. Гранкина шу лавозимда 15 йилдан бери ишлаётган бўлса ҳам ишлаб чиқаришнинг техникавий қолоқлиги, унинг қаровсизлигига тоқат қилиб келмоқда. Шу йиллар ичида ишлаб чиқаришни янгилашнинг, ишлаб чиқариш техника даражасини оширишнинг аниқ-пухта ўйланган программаси бирор марта ҳам ишлаб чиқилмади. Бирлашманинг ўзида белгиланган ташкилий-техникавий тадбирлар мунтазам бажарилмай қолаверди. Министрликда ишлаб чиқаришни қайта қуроллантириш масалалари кўндаланг қилиб қўйилмади. Бош инженер бу масалаларни бирлашма бўлимлари олдига ҳам, партия ташкилотига ҳам, дирекция олдига ҳам кескин қилиб қўймапти. Бунинг натижасида ҳозирги беш йилликда техника билан қайта қуролланишга ажратилаётган маблағнинг улуши ажратилаётган капитал маблағ умумий ҳажмининг атиги 20 процентини

ашикл этади. Асосий фондларнинг бор-йўғи 5 процентини янгилаш кўзда тутилмоқда. Бирлашма директори ўртоқ А. Д. Плюснин малакали кадрлар тайёрлаш ишини бўшаштириб юборди. Ҳозир корхоналарда муқим ишлайдиган инженерлар йўқ. Инженер-техник ходимлар билан таъминланиш салкам 10 процентни ташкил этади. Уларнинг ҳам тўртдан бир қисми ишлаб чиқаришнинг профелига мос келмайди, қуйи бўғиндаги инженер-техник ходимларнинг учдан бир қисми етарли билим ва маҳоратга эга эмас.

Ишлаб чиқариш фондлари актив қисмининг ярми едирилиб ва маънавий эскириб қолган «Средазэлектроаппарат» бирлашмасида ҳар йили уларни 3 процент ҳажмдагина янгилаш кўзда тутилмоқда. 1986 йилда Минерал ўғитлар ишлаб чиқариш министрлиги корхоналари бўйича умуман асосий фондлар атиги 2,3 процент янгиланди, бу йил эса ундан ҳам камроқ, бор-йўғи 1,4 процентини янгилаш режалаштирилди. Ишга бундай ёндашишда ишлаб чиқаришни янгилаш учун ўн иккинчи беш йилликки эмас, асрнинг охиригача қолган ҳамма беш йилликлар ҳам етмайди.

Афсуски, Ўзбекистон Компартияси Марказий Комитети Оғир саноат ва машинасозлик бўлими юз берган вазият сабабларини ҳали ҳам тушуниб етмаганлигини қайд этиб ўтишга тўғри келади. Бўлимдагилар нима учун корхоналар ва бирлашмаларда ишлаб чиқаришни техник жиҳатдан янгилаш масалалари ҳал қилинмаётганлигини билмайдилар, фан-техника тараққиётини жадаллаштириш ўзларига боғлиқ бўлган раҳбар кадрлар ва бош мутахассислар билан бу соҳада аниқ иш олиб бормаяптилар, партия комитетлари эътиборини партиянинг техника соҳасидаги сиёсатини рўёбга чиқаришга қаратмаяптилар.

Ўйламай иш тутиш халқ истеъмоли молларини ишлаб чиқаришда кўпроқ намоён бўлмоқда. Сўнгги 15 йил ичида халқ истеъмоли моллари ишлаб чиқаришнинг миқдор ўсиши ишлаб чиқариш маданиятининг пасайиши, товарлар қилининг қамайиши, маҳсулотларнинг истеъмол хусусиятлари ва кўриниши ёмонлашуви билан бир вақтда юз берди.

Ҳозир мана шу муҳим иш участкасидаги аҳволни ўнглаб олиш учун чоралар кўрилмоқда. Республика Министрлар Совети шу йилнинг ўзидаёқ қўшимча равишда жами 250 миллион сўмлик халқ истеъмоли моллари ишлаб чиқариш режаларини тузди. Эндиликда республика Министрлар Советининг вазифаси бу режалар амалга оширилишини таъминлашдан иборат.

Корхоналарнинг сменали ишини кўпайтириш ишлаб чиқариш потенциалидан фойдаланишни яхшилашдаги катта резервдир. Бу иш билан жиддий шуғулланилаётган жойларда яхши натижаларга эришиляпти.

Қўқон шаҳар партия комитети бу масалаларни ҳал этишга ишчанлик билан киришди ва муваффақиятли ҳал этмоқда. Шаҳар партия комитети меҳнат коллективлари билан маслаҳатлашиб, меҳнаткашларнинг фикр ва мулоҳазаларини, таклифларини ўрганиб, шаҳардаги ҳамма корхоналарни айна бир пайтда кўп сменали иш режимига ўтказишнинг комплекс тадбирларини ишлаб чиқди ва амалга оширди.

Хизмат кўрсатиш соҳасининг фаолияти қайта қурилди. Ҳамма болалар боғчаларида кеча-кундуз ишлайдиган группалар ташкил қилинди. Кўп корхоналарда озиқ-овқат ва саноат молларига буюртма оладиган хизматлар ишлай бошлади. Ошхоналар ва соғлиқни сақлаш пунктларининг, шаҳар пассажир транспортининг иш режими кечки ва тунги сменалар иши графигига мувофиқлаштириб ўзгартирилди. Бунинг натижасида ҳозирги вақтда қўшимча равишда 1100 киши ишга жойлаштирилди, умуман шаҳар бўйича асбоб-ускуналарнинг смена иш коэффициенти 1,94 га етди. Станоклардан самарали фойдаланиш ҳисобига ўтган йилнинг ўзидагина планга қўшимча 103 минг жуфт пойабзал, 1,2 миллион сўмлик кийим-кечак ва 700 минг сўмлик пайпоқ ишлаб чиқарилди, саноат маҳсулоти ишлаб чиқариш 19 миллион сўмлик кўпайди.

Бироқ умуман, республикада кўп сменали ишга ўтиш жуда секин бормоқда. Кўпгина партия комитетлари, Советларнинг ижроия комитетлари, қасаба союз комитетлари бу масалани ҳўжалик ходимларига ташлаб қўйишди. Бу ишда Министрлар Советининг, Госпланнинг, Ўзсовпроф, Меҳнат давлат комитетининг тегишли роли сезилмаяпти.

Республика аграр-саноат комплексида ҳам ҳал этилмаган проблемалар кўп. Кишлоқ хўжалик ишлаб чиқариши ҳажми жуда секинлик билан, бунинг устига тармоқни интенсивлаш ҳисобига эмас, балки янгидан катта-катта массивларни ўзлаштириш ҳисобига ўсмоқда. Суғориладиган ерларнинг самараси камайиб кетяпти. Ҳар бир ишловчи ҳисобига етиштириладиган маҳсулот 1970 йилда даражада қолмоқда. Агротехника даражаси ҳам паст, чорвачилик ўз ҳолида ташлаб қўйилган.

Кишлоқ хўжалигимиз учун жавобгар бўлган кишилар мамлакат бизга нон гўшт, сут етказиб бераётганлиги ҳақида ўйламай, мамлакатга 1 миллион 700 мин тонна пахта толаси етказиб бериб, ўзларини оз бўлмаса қаҳрамон деб юришибди. Бу ҳол Ўзбекистон Компартияси Марказий Комитетини жиддий ташвиш солмоқда.

Келинглار, қандай ишлаётганлигимизни таҳлил қилиб кўрайлик. Ўтган йили республикада ҳар гектар ердан ўртача 24,3 центнер пахта олинди. Қорақалпоғистон АССРда ҳосилдорлик гектар бошига 20,8, Жиззах областида — 18,6, Навоий областида — 16,9, Қашқадарё областида — 14,3 центнерни ташкил қилди. Республикада ҳар гектар ердан 10 центнер ва ундан ҳам кам пахта териб олган хўжаликлар оз эмас. Ўзингиз ўйлаб кўринг: биз мавжуд имкониятлардан тўла самара билан фойдалана олаяпмизми, ўсиш учун резервларимиз борми? Ҳозир салмоқли резервларимиз бор — жавоб фақат шундай бўлиши мумкин. Лекин улардан фойдаланилмаяпти, чунки кўп кадрларимиз эскичасига яшаб, эскичасига ишлашяпти.

Республика Давлат агросаноат комитетида, партия, совет органларида сўнгги вақтларда интенсив технология тўғрисида гапириш одат тусига кириб қолди. Лекин гапдан кейин амалий иш бўлмаяпти. Илғор агротехниканинг туксизланган, тарилган чигитни экиш, чигитни пуштага экиш каби ва бошқа ўзлаштирилган элементлари ҳам тегишлича оммалаштирилмаяпти. Республика прогрессив усулларни кенгайтириш ўрнига бир канча соҳалар бўйича илгариги мавқени кўлдан бериб қўймоқда.

Ҳосилни йиғиб-териб олишни механизациялаш масалаларида кадрларнинг консерватизмига асло тоқат қилиб бўлмайди. Бухоро, Жиззах, Қашқадарё, Навоий областлари антимеханизаторлик кайфиятларининг ўзига хос марказлар бўлиб қолди.

Хаммангиз КПСС Марказий Комитетининг «Тожикистон ССР партия, совет ва хўжалик органларининг 1986 йил пахта ҳосилини студентларни, техникумлар, ҳунар-техника билим юртлари ўқувчиларини жалб қилмай ва мактаб ўқувчиларини ўқишдан қолдирмай йиғиштириб олиш иши тўғрисида» қабул қилган қарори билан танишгансиз. Ўзбекистон Компартияси Марказий Комитети Бюроси фикрини ҳар бир область партия комитетининг биринчи секретари ва область ижроия комитетининг раисига, биринчи навбатда И. Ж. Жабборов, И. С. Умаров, И. А. Қаримов, А. С. Ефимов ўртокларга етказиб қўймоқчиман: бу йилги ҳосил йиғим-терими якунлари юзасидан КПСС Марказий Комитети қарори қандай бажарилганлиги тўғрисида коммунист сифатида шахсан ўзлари ахборот берадилар.

Суғориладиган ерларнинг ҳосилдорлиги фақат пахтачиликда проблема бўлиб тургани йўқ. Ўтган йили ҳар уч хўжаликдан бири ҳар гектар ердан 50 центнердан камроқ картошка ва 100 центнердан камроқ сабзавот олди. 257 хўжалик ҳар гектар ердан 15 центнердан камроқ маккажўхори дони олди. Бунинг оқибатида республикада маккажўхори ҳосилдорлиги 31,5 центнерни, Қашқадарё областида 15,7, Навоий областида 14,1, Қорақалпоғистонда 13,6 центнерни ташкил этди. Бунинг устига, ана шу регионларда озуқабоп илдизмевали экинлар, беда пичани ҳосили ҳам республикадаги энг кам ҳосил ҳисобланади. Область партия комитетлари бундай «ютуклар» билан маҳлиё бўлиб юрган агросаноат раҳбарлари О. Суяров, В. Н. Петров, А. Х. Тожиев ўртокларнинг ишига қандай баҳо бераркин?

Асосан Андижон, Наманган, Сурхондарё ва Фарғона областларининг кўрсаткичлари ҳисобига олинган ўртача рақамлар ўрток И. Х. Жўрабековни ҳақ хотиржам қилиб қўймоқда.

Чорвачиликни ривожлантириш проблемасига алоҳида тўхталиб ўтмоқчиман. Бу проблема фақат хўжалик характеридагина эмас, социал-сиёсий характерга ҳам эгадир: ахир, давлат дотациясига қарамай, кўп йиллардан буён аҳоли жон бошига

ўшт, сут махсулотлари истеъмол қилиш кўпаймаяпти. Келгусида эса, республика ҳолисининг ўсиши ҳисобга олинадиган бўлса, аҳоли жон бошига гўшт, сут истеъмол қилиш кескин камайиб кетиши мумкин.

Чорвачиликка муносабатимизни бир мисол билан кўрсатиб бермоқчиман. Бир рим йил муқаддам биз ҳамма биринчи секретарларни Тошкент областининг коммунистик районидаги иккита фермага олиб бориб, мустақил равишда яшаш мумкин бўлган ишлаб турган қурилмани кўрсатдик. У сутни пастеризациялайди ва овутади. Лекин шу кунга қадар республикадаги бирорта областда ҳам шундай қурилмани жорий этишга уриниб ҳам кўришмади. Республика Давлат агросаноат комитети ҳам, Ўзбекистон Компартияси Марказий Комитетининг Қишлоқ ўжалиги ва озиқ-овқат саноати бўлими ҳам бунга лоқайдлик билан қараб елмоқда.

Биз область, район ва хўжалик раҳбарларининг гўшт ҳамда сут тайёрлаш планлари реал эмаслиги хусусидаги эътирозлари асоссизгина эмас, шу билан бирга сиёсий жиҳатдан нотўғри деб ҳисоблаймиз. Масала партиявий йўл билан ҳақат бир хил қилиб қўйилиши мумкин: ҳар гектар ернинг самараси ва ҳар бир ферманинг махсулдорлиги замонавий агротехника ва зоотехника нормаларига тақсилмас экан, планларни қайта кўриб чиқиш тўғрисида, қўшимча дотация тўғрисида ҳеч қандай гап бўлиши мумкин эмас. Ана шундай маррага эришилган ҳақдирда область раҳбарлари ўзларининг пассивлигини оқлаш учун пеш қилаётган кўпгина масалалар ўз-ўзидан тушиб қолишга ишончим комил.

Бунинг йўли — хўжалик юртишнинг замонавий методларини ўрганиш ва кадрлар тайёрлашни яхшилашдир. Ҳаммамиз ўз ишимизни қатъий қайта қуриб олишимиз, коллектив ва оила пудратини, хўжалик ҳисобини, харажатларни ҳисобга олишнинг чек системасини жорий этишга зўр ғайрат билан киришимиз керак. Ҳаётнинг ўзи буларнинг юксак самарадорлигини ишончли тарзда кўрсатиб турибди.

Жиззах область Пахтакор районидаги Қичанов номи совхоздан Анорбой Эшбоевнинг 10 кишидан иборат оилавий пудратчи звеноси харажатларни ҳисобга олишнинг чек формасини жорий этиб, бултур 14 минг сўмни тежаб қолди, 65 гектар майдоннинг ҳар гектаридан пландаги 32 центнер ўрнига 40 центнер пахта олди. Йил якунига кўра, тежаб қолingan маблағнинг 70 проценти ишчиларга муқофот пули сифатида берилди.

Коллектив пудрат тўғри ташкил этилса, у қўшимча сарф-харажатларсиз, ҳодимларнинг пировард меҳнат натижаларидан манфаатдорлиги ортиши ҳисоби-гагина меҳнат унумдорлигини 20—25 процент оширади.

Кўриб турибсизки, ишларимиз ошиб-тошиб ётибди. Кўпгина проблемалар кадрларга бориб тақалмоқда. Икки юз минг тракторчи-машинистнинг ярмигина биринчи ва иккинчи класс малакасига эга, чорвадорлар орасида эса бундай малакачилар ўндан бир қисmini ташкил этади. Бригада пудрати шароитида бригада бошлиқларининг роли бекиёс ортади, аммо бригадирларнинг 64 проценти махсус маълумотга эга эмас. Сўнгги уч йил ичида колхоз раислари ва совхоз директорларининг 90 процентдан кўпроғи алмаштирилди. Лекин янги раис билан директорларнинг ҳам кўпчилиги иқтисодий омиларни яхши билмайдилар. Шу сабабли кўп хўжаликларда ҳар гектар ерда пахта етиштиришга меҳнат сарфи нормадаги 650—700 киши-соат ўрнига 1000—1100 киши-соатни ташкил қилганлиги ва ундан ҳам ошиб кетганлиги тасодиф эмас. Махсулот таннархи қимматлаш-япти, зарар келтирадиган хўжаликлар сони кўпайяпти.

Янги вазифаларни муваффақиятли ҳал этиш учун янгича фикрлаш ва ҳаракат қилиш керак. Шу муносабат билан эътиборингизни КПСС Марказий Комитетининг секретари ўртоқ В. П. Никонов республикамизга келган вақтда бизнинг шаънимизга айтган аччиқ танқидга қаратмоқчиман. Етилган масалаларга ёндашувда биз йўл қўяётган консерватизм, янгилликни пайқаб ололмаслигимиз, бошқа регионларда тўпланган тажрибани менсимаслик, барча категориядаги қишлоқ хўжалик ҳодимларининг ўқишини ташкил этишдаги расмийчилик ҳақли равишда таъкидлаб ўтилди.

Давлат агросаноат комитети коллегияси, марказий аппарати иш услуги ва методлари ҳозирги талабларга жавоб бермаяпти. Жонли ташкилотчилик ишлари ўрнига шошмашошарлик билан тайёрланган жуда кўп бир қоллидаги қарорларни

чиқариш билан шуғулланилмоқда. Бу қарорлар ишларнинг ҳақиқий аҳволини аниқ эътиборга олиб, камчиликларни тугатиш юзасидан белгиланган тадбирлар эса ноаниқ ва конкрет эмас.

Агросаноат раҳбарлари бошқарув аппарати билан сусти иш олиб бормоқда. Тайёрланаётган ҳужжатлар савияси пастлиги, ижрочилик интизоми бўшлиғи ва қабул қилинаётган қарорлар самарасизлиги сабаби ана шундадир. Мана сизга бир мисол. Директив органларнинг кўрсатмалари билан республика Давлат агросаноатига 1990 йилга бориб консерва ишлаб чиқаришни 1,6 миллиард шартли банкани етказиш ҳамда ўн иккинчи беш йилликда 785 миллион шартли банка консерва тайёрлайдиган қувватларни ишга тушириш топширилган. Давлат агросаноат комитети шу масала юзасидан бир-бирига зид бўлган ва мутлақо ҳар ҳолда кўрсаткичлар келтирилган 6 та ҳужжатни чиқарди. Натижада область агросаноат комитетларига ва корхоналарига беш йиллик план 1,2 миллиард шартли банка консерва ишлаб чиқариш ҳамда 373 миллион шартли банка консерва ишлаб чиқарадиган қувватларни ишга тушириш ҳажмида етказилди. Шундай қилиб директив органлар қарори билан белгилаб берилган топшириқ аввал бошидан бажарилмай қолишга маҳкум этилди.

Буларнинг ҳаммаси қишлоқ хўжалик ишлаб чиқариши ва қайта ишлаб саноатига раҳбарлик қилувчи органлар зиммасига юкланган мураккаб ва масъулиятли вазифаларни ҳал этишга жиддий тўсқинлик қилмоқда. Бу тармоқда қишлоқ хўжалик ялпи маҳсулоти ўсиш суръати ва меҳнат унумдорлиги топшириқда кўзда тутилганидан анча орқада қолаётгани ҳам тасодиף эмас.

Область партия комитетларининг қишлоқ хўжалик бўйича секретарлари ва область агросаноат комитетлари раисларининг ролига алоҳида тўхталиб ўтиш керак. Агросаноат комплексида қайта қуриш, интенсив технологияларни, фан-техника тараққиётини, меҳнатни ташкил этиш ва унга ҳақ тўлашнинг мукаммал формаларини жорий этиш кўп жиҳатдан уларнинг бу масалаларга қандай ёндашишларига, билимдонликлари ва эътиқодларига боғлиқдир.

Биз ана шу категориядаги раҳбарларнинг агросаноат комплексидаги энг муҳим қондаларни, колхозлар, совхозлар ва улар билан боғлиқ бўлган ташкилотлар ўртасидаги ўзаро муносабатларни яхши билмасликлари, ерларнинг сифатига қараб баҳо беришга, чорвачилик ва экономика масалаларига тўшунмаслиги фактларига тез-тез дуч келямиз.

Раҳбарлик қилиш учун давр билан ҳамнафас бўлиш, ўз билимини ошириш устида ишлаш, намуна кўрсатиш, агросаноат ишлаб чиқаришининг барча нозир жиҳатларидан хабардор бўлиш керак. Ҳозир умумий раҳбарлик эмас, балки экономиканинг мана шу энг муҳим соҳасидаги жуда кўп жиддий зиддиятларни чуқур таҳлил этиш асосида конкрет, қатъий ҳаракат қилиш талаб этилади.

Сув хўжалиги қурилишида ҳал этилмаган проблемалар катта юк бўлиб тўпланиб қолди. Жуда кўплаб давлат маблағлари сарфланаётганига қарамай янги ўзлаштириладиган суғорма ерлар самараси таъминланмаяпти.

Бунинг асосий сабаби — мелиорация қилинган экинзорларнинг кўп қисми қониқарсиз аҳволга тушиб қолганлигидадир. Республикада суғориладиган 750 минг гектар ерни шўр босган, 1300 минг гектардан ортиқ ер капитал ишларни амалга оширишни талаб қилади. Шунга қарамай Ўзбекистон ССР Мелиорация ва сув хўжалиги министрлиги аввалгидек ажратилган капитал маблағларнинг бориш йўғи 20 процентини ерларни мелиорация жиҳатдан яхшилашга сарфламоқда. Аммо бу тадбирлар ҳам бир-биридан ажралган ҳолда бажарилмоқда ва тегишли натижа бермаяпти.

Ҳозир сув хўжалиги қурилишида нималарга алоҳида эътибор бериш зарурлиги қайта кўриб чиқилмоқда, инвестиция сиёсатини қайта қуриш юзасидан муҳим қарорлар ишлаб чиқилмоқда. Лекин республика ҳукумати ва Госплан Ўзбекистон ССР Мелиорация ва сув хўжалиги министрлигининг ҳамда «Главсвод-азирсовхозстрой»нинг раҳбарлари (Қ. Сапаев, Э. Турсунов ўртоклар) тегишли қарорлар қабул қилинишини кутиб ўтирмай, бутун ишни қайта қуришга тайёрлаш учун зарур чораларни кўришлари керак.

Капитал қурилишни бошқаришнинг волюнтаризм ва директива методлари шароитида шаклланган эскича фикрлаш бу соҳада қийин аҳвол юз берганлигининг асосий сабабларидан бири бўлди. Капитал қурилишни фақат пудрат ташкилотла-

нинг иши деб тушуниш бизни камчиликларнинг хақиқий сабабларини кўриш ва тарни бартараф этиш йўлларини топиш қобилиятидан махрум қилади.

Инвестиция жараёни унда қатнашувчи барча ташкилотларнинг, капитал қурилишда планлаштиришни, лойиҳа-смета ҳужжатларини ишлаб чиқишни, оддий-техника таъминотини, машина-ускуналарни етказиб беришни таъминлай-ишган, қурилиш-монтаж ишларини бевосита бажарадиган ташкилотлар ва бошқа ташкилотларнинг аҳиллик билан пухта ишлашини талаб қилади. Бу ишнинг ҳар андай босқичида адашишга йўл қўйиб бўлмайди. Бундай адашиш учун конкрет йбдорлар жавобгар бўлиши керак.

Ўтган йили республикада ишлаб чиқариш учун мўлжалланган юзга яқин ирик объект фойдаланишга топширилмай қолди. Бунинг устига анализ бў-ъектларнинг ҳаммаси планлаштириш ва машина-ускуналарни етказиб беришда-и нуксонлар, лойиҳа-смета ҳужжатлари ўз вақтида тайёрланмаганлиги сабабли шга туширилмай қолганини кўрсатди ва буни буюртмачиларнинг ўзлари ҳам тан-дидлар.

Министрликлар, идоралар, буюртмачи ташкилотлар ва корхоналарнинг ахбарлари, планлаштирувчи органлар бундан тегишли хулоса чиқариб олишлари а 1987 йил планини тузишда олдинги хатоларнинг такрорланишига йўл қўй-асликлари керак эди.

Бироқ улар ишга ҳамон эскича ёндашмоқдалар. Мана бир мисол. Тошкент собсозлик бирлашмаси (бош директори ўртоқ Хегай) қурилиш-монтаж ишлари иллик ҳажми бир миллион сўмликдан иборат ўзининг Жиззах шаҳридаги-иали қурилишини шу йилги планга киритилишига эришди ва шундан ейингина участкани бошқа корхона банд қилганлигини аниқлади. Ваҳоланки, ирлашма шу филиалнинг қурилишига 1980 йилдан буён тайёргарлик кўраётган-ди.

Қурилишдаги камчиликлар учун фақат буюртмачилар билан планлаштириш-рганларигина айбдор деб ҳисоблаш хато бўлур эди, албатта. Бундай аҳвол учун-удрат министрликлари, идоралар, трестлар ва бошқармалар жавобгардирлар.-лар планлаштириш босқичида масъулиятсизлик қилиб, ҳар қандай тақлифларга-ози бўлмоқдалар ва объектларни қуриш норматив муддатларидан, капитал-аблағ, лойиҳа-смета ҳужжатлари, қурилиш учун участкалар ва машина-скуналар билан таъминланган ёки таъминланмаганлигидан қатъи назар шу-бъектларни ўз планларига киритмоқдалар.

КПСС Марказий Комитети ва ҳукумат хўжалик механизмини ва бошқаришни-акомиллаштириш, қурилиш ишлари самарадорлигини ошириш юзасидан жуда-ухим қарорлар қабул қилганликларига қарамай, республикада қурилиш-омплексини қайта ташкил этиш йўл қўйиб бўлмайдиган даражада қўзиб-оборилмоқда. Идоравий тарқоқлик қурилиш бўлинмаларининг куч ва маблағла-ини энг муҳим объектларга жамлаш имконини бермаяпти, мавжуд ишлаб-иқариш базасидан самарали фойдаланишга ҳалакит қияпти. Масалан, Жиззах-аҳрида Қурилиш министрлигининг, Мелиорация ва сув хўжалиги министрлиги-нинг, «Главсредазирсовхозстрой»нинг уйсозлик комбинатлари параллел ишлаб-урибди, аммо улар иш билан асло тўлиқ таъминланган эмас. Бунинг устига-Тошкентдан областга панеллар ташиб келтирилади. Қорақалпоғистон АССРда-қали айтиб ўтилган министрликлардан ташқари, «Узагропромстрой», «Ўзбекгид-оэнергострой» ўзларининг ишлаб чиқариш базаларига эга. Уларнинг бирида-фойдаланилмаётган кўп қурилиш маҳсулоти тўпланиб қолган бўлса, бошқалари-а бундай маҳсулот етишмаяпти, олиш эса мумкин эмас, чунки идора бошқа.-қурилиш ишлари сифати ҳамон пастлигича қолмоқда, қўшиб ёзишларга йўл-қўйилмоқда.

Мана шуларнинг ҳаммаси қурилишда хўжалик механизми структурасини-қайта қуришимизни нихоятда зарур қилиб қўймоқда. Ўйлайманки, республика-Компартияси Марказий Комитети, Министрлар Совети, биз ҳаммамиз қурилиш-ташкилотлари структурасини такомиллаштириш соҳасидаги ишни мантиқий-нихоясига етказамиз.

Тажриба кўрсатганидек, коллектив пудратга ўтиш пудрат ташкилотлари-фаолиятини қайта қуришнинг бош йўналишидир. Аммо қурилиш комплексида бу-иш нихоятда суст олиб борилмоқда.

Кадрларни янгича ишлашга ўргатиш, уларни қайта тайёрлаш ва малакаси ошириш ишларини анча кенг микёсларда олиб бориш керак. Юқори унумли меҳнат қилиш ва нормал турмуш учун қурувчиларга тегишли шарт-шароитларни яратишга алоҳида эътибор берилиши лозим. Бу соҳадаги ишлар ошиб-тошиб ётибди.

Нихоят область, шаҳар ва район партия комитетлари капитал қурилиш, асосий эътиборни қаратишлари, тармоққа партиявий раҳбарлик практикасида волонтеризмни йўқотишлари, ишларнинг самарали юритилиши учун хўжалик раҳбарларининг масъулиятини оширишлари керак.

Ўртоқлар! Эпчиллик, янгиликларни қабул қилишга мойиллик бошқариш аппарати структураси албатта такомиллаштирилишини, ортиқча бўғинларни тугатилишини такозо этади. Бу соҳада ишлар амалга оширилаётгандек қилиб кўрсатилмоқда. Ҳисобот маълумотларига кўра, кейинги беш йил ичида штатлар қисқартирилиши муносабати билан аппарат ходимларидан 20 минг киши бўшатилади. Аммо пировардида шу вақт мобайнида бошқаришда банд бўлган шахслар сони кўпайган.

КПСС Марказий Комитети январь Пленумида қайд этиб ўтилганидек республикамизда маъмурий бошқарув органларининг ҳаддан ташқари кенгайиб кетиши содир бўлмоқда, ишлаб чиқариш ҳажмлари жуда кам бўлгани ҳолда РСФСРда қанча бўлса, худди шунча министрлик, идоралар, давлат комитетлари ва бошқа бошқарув органлари бор.

Дарҳақиқат, «Ўзгавстройдревпром»нинг мавжудлиги мақсадга мувофиқ бўлиши Бундаги ходимларнинг умумий сони уч минг кишидан сал кўпроқ бўлиб, ўрта катталикдаги корхонага мос келади. Амалда бир хил иш билан шуғулланаётган ишчилари ягона органни ташкил этган икки министрлик — Автомобиль транспорт министрлиги билан Автомобиль йўллари қуриш ва улардан фойдаланиш министрлигининг ҳолати борми? Эҳтимол, Маориф министрлиги билан Ҳунарсозлик техника таълими давлат комитети ўрнига ягона Халқ маорифи давлат комитетини ташкил этишда маъно бордир?

Ҳозир Министрлар Совети Ишлар мудирлигининг структураси ва штатларини тартибга солиш юзасидан муҳим ишни бошлади. Республиканинг барча министрликлари ва давлат комитетлари даражасида ҳам худди шундай ишни ўтказиш керак, деб ўйлаймиз.

Ўртоқлар! Республикада иқтисодий ва социал ўзгаришлар программасини амалга оширишда, фан-техника тараққиётини жадаллаштиришда олимларининг актив иштирок этишлари керак.

Кейинги ўн беш йил мобайнида Ўзбекистонда 25 та янги илмий муассасалар ташкил этилди, илмий ходимлар сони бир ярим барабар кўпайди. Бироқ кўпгина институтлар ва олий ўқув юртлири тадқиқотларининг самарадорлиги ҳамон пастлигича қолмоқда. Шунинг айтиб ўтиш қифояки, республика микёсида шу беш йилликка тасдиқланган 22 та социал-иқтисодий ва илмий-техникавий программаларнинг биронтасида ҳам Фанлар академияси бош ташкилот сифатида ишлаб кўрмапти.

Фанлар академияси президиумининг аъзолари ва шахсан президент ўртоқларимиз П. Қ. Ҳабибуллаев қайта қурилишни ёқлаб, жуда кўп сўзларни айтдилар. Бироқ улар янгиллик учун даъват этсалар-да ҳозирча республика илм-фанининг самарасизлигига қарши қурашда етарлича ғайрат кўрсатмаяптилар. Академиянинг институтларида меҳнатга ҳақ тўлашнинг янги шароитларига ўтиш ва илмий ходимларни аттестациядан ўтказиш ишлари юзаси амалга оширилди. Айниқса юқори малакали илмий кадрларимиз, илмий бўлинмаларнинг раҳбарлари тобора кексайиб бормоқда, ёш, навқирон кучларнинг келиб қўшилиши сезинлашган.

Олий ўқув юртлирининг олимлари энг муҳим вазифаларни ҳал этишда ҳозирча четда турибдилар. Тармоқ лабораториялари ва хўжалик шартномаси асосидаги ишлар кўпайган бўлишига қарамай, самарадорлик ошмаяпти. Ишланмалар сифати эса ҳамон паст даражада қолмоқда. Масалан, Тошкент автомобиль транспорти ва йўллар институтида етти лабораторияни сақлаш учун харажатлар беш йил ичида 1,8 миллион сўмга етди, уларнинг тадқиқотларида қўрилган иқтисодий самара эса атиги 100 минг сўмликни ташкил этди.

Бундай аҳволни қатъиян бартараф этиш керак. Фанлар академияси тегишли таълимчиларни киритиши, Министрлар Совети эса фанга ҳам, ишлаб чиқаришга ҳам ҳеч қандай наф бермаётган илмий-тадқиқот институтлари ва лабораториялари хусусида қарорлар қабул қилиши лозим.

ИНСОН—СОЦИАЛ СИЁСАТ МАРКАЗИДА

Ўртоқлар! Партия XXVII съездида ва КПСС Марказий Комитетининг январь Пленумида чуқур асослаб берилган социал адолат ва ғоят кенг демократизм ғояси инсоннинг меҳнат ғайратини жўш урдириб, ижтимоий манфаатдорлигини суъайтириши, инсонда соҳиблик онгини тарбиялаши лозим. Гап шу ҳақда бормокдаки, ҳар бир коллективда ҳалол, малакали ходим яшайдиган ва ишлаб чиқаришни бошқаришнинг фаол катнашчиси деб ҳис қиладиган шарт-шароитлар ҳамда ахлоқий-маънавий иқлим вужудга келтирилиши, меҳнат эса пунга имкон берадиган тарзда ташкил этилиши керак.

Холис ва сергаклик билан назар ташланганида республикадаги, айниқса, қишлоқлардаги юз минглаб кишиларнинг меҳнат ва турмуш маданияти паст, моддий ва маънавий етишмовчиликлар шароитида яшаб келмокдалар. Ҳозир меҳнат шароитини яхшилаш ишлаб чиқаришнинг интенсивлаш борасидаги жами ишлардан, фан-техника тараққиётидан ажралмас экан, социал-маиший соҳа масалаларини ҳал этиш тўла-тўқис маҳаллий ҳокимият органларига боғлиқ.

Ҳозир меҳнаткашларнинг фаровонлигини ошириш ва шахсни ҳар томонлама камол топтириш учун шарт-шароитлар яратиш инсонпарварлик максадигина бўлиб қолмай, шу билан бирга жамиятни жадал олға силжитиш воситаси, мамлакатни тараққий эттиришнинг объектив зарур шарти ҳамдир.

Барча социал проблемалар орасида уй-жой проблемаси энг асосий муаммо бўлиб қолмоқда, зотан шуни тўппа-тўғри айтиш керакки, кўпгина хўжалик раҳбарлари, қолаверса партия, совет ходимлари ҳам бу муаммони ҳал этишга эски, тайёрга айёрликдан иборат позицияларда туриб ёндашмокдалар, уларга уй-жойни қимдир қуриб бериши керак, деб ҳисобламмокдалар.

Бу ишда хўжалик раҳбарларининг онгида туб бурилиш яшаш зарур, хўжаликни юритишнинг янги формаларига ўтилиши билан ҳар бир коллектив ўз уй-жой проблемасини асосан ўзи ҳал этадиган бўлади.

Шу билан бирга Совет органларининг ходимлари умуман областда, шаҳар ва районда уй-жой проблемаси ҳал этилиши учун тўла жавобгар эканликларини англаб олишлари лозим. Аммо бунда ҳам сусткашлик намоён бўлмоқда. КПСС Марказий Комитетининг маълум қарорида ушбу масала юзасидан баён этилган конкрет топшириқларга қарамай, 2000 йилгача бўлган даврга мўлжалланган уй-жой программасини тузиш чўзиб юборилмоқда.

Республика меҳнаткашлари савдо, умумий овқатланиш, коммунал ва маиший хизмат соҳаларига нисбатан ҳамон ҳаққоний эътироз билдирмокдалар. Маиший хизмат соҳаси ходимлари йўл қўйиб бўлмайдиган даражада ташаббуссизлик қилмокдалар, хўжалик юритишнинг янги системасига ўтишга суст ҳозирлик кўрмокдалар, маҳсулот етказиб берувчилар билан алоқаларни мустаҳкамлашни пайсалга солмокдалар. Масалан, сабзавот ва мева савдоси ташкил этилишини олиб кўрайлик. Бизнинг Ўзбекистонда ҳатто ҳосил йиғим-терими даврида ҳам давлат ва кооператив савдоси магазинларидан диёримиз неъматларини сотиб олиш баъзан амримаҳол эканлигига йўл қўйиб бўладими? Етиштирилган маҳсулотнинг учдан бир қисмига қадарини фирма магазинлари ва дўконлари орқали аҳолига сотиш учун колхоз ва совхозларга берилган ҳуқуқдан хизмат соҳасининг ходимлари, халқ депутатлари Советларининг ижроия комитетлари фойдалана билмадилар. Ўтган йили тайёрланган умумий маҳсулот ҳажмининг бир процентдан камроғи сотилди. Давлат агросаноат комитети раисининг ўринбосари ўртоқ Хорев ва Ўзбекбирлашув раиси ўртоқ Маҳмудов партия ва ҳукумат қарорларини бажаришда йўл қўйиб бўлмайдиган даражада интизомсизлик қилмокдалар. Одамларни ҳурмат қилмаяптилар, ваҳоланки, улар ана шу одамлар учун ишлашлари керак.

Аҳолига медицина хизмати ҳаддан ташқари секинлик билан яхшиланмоқда. Касалхона ходимларининг бағритошлиги, тамагирлиги, соғлиқни сақлаш ходимлари кўпчилигининг профессионал ва маънавий савияси пастлиги медицинамиз шаънига доғ туширмоқда, аммо бу ҳол республика Соғлиқни сақлаш министрлиги коллегиясини, министр ўртоқ С. М. Бахромовни чинакамига ташвишлантирма-япти. Министрлик тармоқнинг моддий-техника базаси ривожлантирилишидан ҳақиқий манфаатдорлигини билдирмаяпти. Масалан, меҳнаткашлар коммунистик шанбаликларда ишлаб топган маблағлар ҳисобига соғлиқни сақлаш объектлари-ни барпо этишни олиб кўрайлик. Сурхондарё область ижроия комитети раисининг ўринбосари ўртоқ Б. Б. Волковнинг, Сирдарё область ижроия комитети раисининг ўринбосари ўртоқ А. В. Тимошенконинг, Наманган область ижроия комитети раисининг ўринбосари ўртоқ А. Хайдаровнинг айби билан ана шу объектлар лойиҳа-смета ҳужжатларисиз ва участкалар ажратилмасдан планга киритилган. Бу объектларни куриш барбод этилганлиги тушунарли, албатта.

Социал проблемаларни ҳал этишда майда-чуйда ишлар йўқ. Квартираларни ремонт қилиш, уй-жой ҳўжалигининг аҳволи, шаҳар ва пассажир транспортининг иши, уруш ва меҳнат ветеранларининг, хотин-қизларнинг, айниқса оналарнинг аҳволини яхшилаш тўғрисидаги ғамхўрликни кучайтириш масалалари бугунги кунда халқ депутатларининг актив иштирокисиз ҳал этилиши мумкин эмас. Область, шаҳар, район, посёлка ва кишлоқ Советларининг ижроия комитетлари одамларнинг кундалик талаб ва эҳтиёжларини кондиршга тааллуқли барча ишларда, ажратилаётган маблағлардан, маҳаллий имкониятлар ва резервлардан фойдаланишда, аҳолига хизмат кўрсатиш соҳасида барча ташкилотларнинг ишини мувофиқлаштириш ва уни контрол қилишда тўла ҳуқуқли ҳамда масъули-ятли ҳўжайинлар бўлиб қолишлари керак.

Айтилган гап партия комитетлари четда қолишлари керак, деган маънони асло билдирмайди. Партия комитетлари Совет ва ҳўжалик органларининг ишини бажармай, бу жуда муҳим соҳадаги партия контроллигини кучайтиришлари, илғорлар тажрибасини эътибор билан ўрганиб, оммалаштиришлари, ташаббусни рағбатлантиришлари лозим. Афсуски, бунда ҳали расмийчилик ва эскича ёндашувлар оз эмас. Социал-маданий ва маиший объектларда кўнгилли меҳнат қилиш билан боғлиқ бўлган Тольятти автозаводчиларининг ташаббуси ко-ғозбозликдан иборат қарорларга кўмилиб қолди. Реконструкциялаш ҳисобидан тежаб қолинган маблағларни социал соҳани ривожлантириш учун ажратиш тўғрисида ленинградликлар ва челябинскиликларнинг ташаббуси расмийчилик ботқоғида жиддий ботиб қолди. Горький автозаводининг уй-жойларни жадал куришдан иборат тажрибаси лоқайдлик сабабли жорий этилмаяпти. Социал соҳага раҳбарликка нисбатан бундай муносабатга тоқат қилиб бўлмайди.

Меҳнат коллективларида барқарорлик ва жипслик, соғлом маънавий-психологик иқлими вужудга келтириш борасидаги ишларни кучайтириш зарур. Ҳар бир иш жойидаги юксак меҳнат интизоми шу мақсадга эришишнинг энг муҳим шартларидан биридир. Прогуллар, ичкиликбозлик, ишга кеч қолиб келишлар, технология интизомини бузиш, ҳўжасизлик қайта куриш ва жадаллаштиришга зиддир.

Ўртоқлар! Социал сусткашлик, нигилизм, лоқайдликнинг яшовчан сарқитла-рини бартараф этиш Конституциядаги ҳуқуқларга ҳамда социалистик қонунчилик нормаларига қатъий риоя этилишига доимо ва зўр эътибор берилишини тақозо этади. Демократик тартиб-қоидаларга юзаки муносабат айниқса ўткир намоён бўлган республикамиз шароитида КПСС Марказий Комитети январь Пленумининг қонунчилик ва демократиянинг чамбарчас боғлиқлиги ҳамда бирлиги, ҳуқуқни муҳофаза қилиш ва контрол органлари кадрларининг жавобгарлигини ошириш тўғрисидаги йўл-йўриқлари алоҳида аҳамиятга эга.

Ўтган уч йил мобайнида милиция, прокуратура, суд, юстиция органларини тозалаш, уларни синалган, ҳалол ходимлар билан мустаҳкамлаш борасида талайгина ишлар қилинди. Меҳнат коллективларининг тавсияси билан ички ишлар органларининг ўзигагина 11 мингдан кўпроқ ходим юборилди. Ҳўжалик соҳасида-ги жиноятларга, ғиёҳвандликка, ичкиликбозликка, меҳнатсиз даромадларга қарши курашда қатъий чоралар кўрилмоқда. Кейинги йилларда биринчи марта оғир жиноят турларининг камайишига эришилди.

Шу билан бирга кенг тарқалган бошқа жиноятларнинг олдини олишда сезиларли силжиш йўқ. Кўпинча кадрларнинг профессионал маҳорати пастлиги, баъзида эса масъулиятсизлиги сабабли ҳам шундай бўлмокда. Балоғатга етмаганлар ўртасида ҳозирча жиноятчилик даражасини пасайтиришга муваффақ бўлинмаяпти. Милиция, прокуратура, суд ходимлари орасида ҳамон эскича яшаб, иш кўраётган кишилар ҳали оз эмас, органлар жиноий унсурлардан халос бўлмаган. Тошкент области жиноят қидирув ходимларидан яқинда фош этилган бир группасининг жиноий ишлари айнишнинг яққол мисоли бўлади. Ана шу ходимлар тинтув баҳонаси билан одамларнинг пуллари ва қимматбаҳо буюмларини тортиб олишган, бандитлар ва талончиларни жавобгарликдан олиб қолишган.

Гражданларнинг ҳуқуқлари ва қонуний манфаатларини қўпол равишда бузиш, сансалорлик фактлари, асоссиз ушлаб қолиш ва қамокқа олиш ҳоллари асло онда-сонда учраётган ҳоллар деб бўлмайди. Ҳуқуқни муҳофаза қилиш органларининг ишидаги брак уларнинг обрў-эътиборига, одамларда совет қонунларига қатъий риоя этилади, деган ишончга путур етказди. Қонуннинг мазмуни ва руҳидан ҳар қандай чекиниш учун жазо берилиши муқаррар бўлиши керак. Республика прокурори ўртоқ А. В. Бутурлин прокурорлик назоратини кучайтириш лозим.

Область, шаҳар, район партия комитетлари қонун талабларидан ҳар қандай чекинишларга, гражданларнинг ҳуқуқларини камситувчи ҳар қандай ҳаракатларга барҳам бериш ва бундай ҳолларнинг олдини олиш борасида партия ташкилотларининг, давлат муассасаларининг, ҳуқуқни муҳофаза қилиш органларининг, бутун жамоатчиликнинг куч-ғайратларини муттасил йўналтириб, мувофиқлаштириб боришлари, шу мақсадда ташкилий, иқтисодий, идеологик ва ҳуқуқий воситалардан актив фойдаланишлари керак. КПСС Марказий Комитетининг «Социалистик қонунчилик ва ҳуқуқ-тартиботни янада мустаҳкамлаш, гражданларнинг ҳуқуқлари ҳамда қонуний манфаатларини муҳофаза қилишни кучайтириш тўғрисида»ги маълум қарорида шундай вазифа ўртага қўйилган.

ИДЕОЛОГИЯ ИШИНING ТУРМУШ БИЛАН ЧАМБАРЧАС АЛОҚАСИ УЧУН

Ўртоқлар! Партия XXVII съезди ва Марказий Комитетнинг январь Пленуми ғоявий-тарбиявий ишларга оид масалаларни жадаллаштириш концепцияси ҳамда стратегияси билан узвий боғлаб, идеология билан турмушнинг бирлигини мустаҳкамлаш проблемасини ўткир қилиб қўйди.

Ярим йил мукаддам Марказий Комитетнинг идеология ишини яхшилаш масалаларига бағишланган пленуми бўлиб ўтган эди. Ана шу пленумда бизнинг хатоларимиз кескин танқид қилинган, идеология ишини қайта қуриш ва кучайтириш юзасидан туб чора-тадбирлар белгилаб берилган эди. Бирок республика партия ташкилоти фаолиятининг мана шу масъулиятли соҳасида тегишли бурилиш ҳозирча рўй бергани йўқ.

Пленум қарорлари партия комитетларининг талайгина қисми учун ва айниқса идеология министрликлари ҳамда идораларининг раҳбарлари учун ҳали ҳаракат қўлланмаси бўлиб қолган эмас. Идеология ишида қайта қуришни чалғитиш, янгича ёндашувларни панд-насихатлардан, фаолият моҳиятининг ўзида ҳеч нарсани ўзгартирмай, сон-саноксиз тадбирларни тузишдан иборат қилиб қўйиш хавфи бор.

Айрим партия комитетлари ҳамон аниқ сиёсий баҳолар беришдан бўйин товламокдалар, проблемаларнинг ўткирлигини жўрттага ҳаспўшламокдалар.

Ўзбекистон Компартияси Марказий Комитети идеология бўлимларининг фаолияти кескин танқид қилинди. Такрорлашнинг ҳожасти йўқ, деб ўйлайман. Аммо бугун шунга айтмасдан илож йўқки, уларнинг енгил-елпи, юзаки ёндашуви жойлардаги партия комитетлари ва ташкилотларининг идеология ишига салбий таъсир қилмокда, ўткир қирраларни текислаб кўрсатишдек ўзига хос занжир

реакциясини келтириб чиқармоқда. Бу гап айниқса атеистик тарбия каби биз учун қийин бўлган проблемага тааллуқлидир.

Мана бир характерли мисол. Каттақўрғон шаҳар партия комитетининг бюроси (биринчи секретари ўртоқ И. Д. Эшбеков) шаҳардаги диний вазиятнинг аҳволи ва партия ташкилотининг вазифаларини муҳофаза қила туриб, масаланинг моҳиятини четлаб ўтди, диний қайфиятлар кучайганлигини кўрсатувчи қўпдан-қўп фактларни анализ қилмади ва уларга баҳо бермади, динга қарши фаолиятда биронта ҳам жиддий камчиликни пайқамасди. Шу масала юзасидан қабул қилинган қарорда конкрет бандлар йўқ, бу қарор ҳеч қимнинг зиммасига бирон бир мажбурият юкламайди, унга қараб ишни ташкил этиш ёки унинг бажарилишини контрол қилиш мумкин эмас. Шаҳар партия комитетининг бундай муносабати шаҳар ижроия комитети (раиси ўртоқ Ш. Т. Қўчқоров) учун ҳам ўрнак бўлди. Шаҳар ижроия комитети диндорлар шаҳар территориясида қонунларни бузиб, жуда катта масжид биносини барпо этганликларини асло ноҳўя иш деб билмади. Буни сўқир киши ҳам пайқамаслиги мумкин эмас эди. Лекин буларнинг ҳаммасини Самарканд область партия комитетидагилар пайқашмади.

Диний расм-русмларга риоя этаётган коммунистларга нисбатан ҳамон кўнгилчанлик қилинмоқда. Партия аъзоси, Қогон шаҳар Советининг депутаты, касалхона бош врач Н. Ражабов Бухородаги «Мирараб» мадрасасида номоз қатнашчиларидан бири бўлди. Қогон район партия комитети, унинг биринчи секретари ўртоқ Э. Закириев Н. Ражабовнинг хатти-ҳаракатини ноҳўя иш деб ҳисоблашни тўрт ой мобайнида хоҳламай келдилар. Юқори партия органлари аралашгандан кейингина диндор коммунистга виговор эълон қилинди. Қарорда «партиявий хушёрликни бўшаштирганлиги учун» деб айтилган. Эндиликда Бухоро область партия комитети Қогон район партия комитети биринчи секретарининг хатти-ҳаракатларида ҳеч қандай ноҳўяликни кўришни сира ҳам истамаяпти.

Биз сиёсий жихатдан шундай кўр бўлиб қолаверадиган бўлсак, атеистик тарбия соҳасида ҳеч қандай силжишга эриша олмаймиз.

Идеология кадрларидан психологияни билиш, ақл-фаросат, одоб, ҳамдард бўлиш таланти, мулоқот олиб бориш маҳорати талаб этилади. Якка-якка тарбия иши алоҳида аҳамиятга эга бўлиб қолмоқда.

Тарбиячи кадрлар тайёрлашга кўпроқ қаратилиши лозим бўлган марксча-ленинча таълим системамиз айни мана шу фазилатларни ҳозирча ҳосил қилаётгани йўқ. Биз сиёсий маорифдаги расмийчилик ва унинг ташкилий ишлар билан қалаштириб ташланганлиги тўғрисида, кўпгина партия комитетлари унга старли баҳо бермаётганликлари ҳақида яна гапиришга мажбурмиз. Арнасой ва Шеробод район партия комитетларида партия-хўжалик активлари мактаби расмийчилик учун тузилган, Андижон, Калинин, Хива ва бошқа бир қанча район партия ташкилотларида партия ўқуви онда-сонда ўтказилмоқда. Қорақалпоғистон АССРда, Бухоро, Қашқадарё областларида марксизм-ленинизм университетларининг машғулоти қониқарсиз ташкил этилган. Республика партия комитетлари КПСС Марказий Комитетининг партия ўқувини қайта қуриш тўғрисида яқинда қабул қилган қарорини амалга оширишга жуда юксак масъулият билан муносабатда бўлишлари лозим. Ҳар бир партия ташкилотида Ленин меросига, партия ҳужжатларига доимо ижодий мурожаат қилиб туриш ҳар бир коммунистнинг эҳтиёжи бўлиб қолишига эришиш керак.

Идеология иши партия учун ҳамиша зарбдор фронт бўлиб келди. Мана шу ленинча анъана жамиятимиз турмушининг ҳозирги бурилиш даврида алоҳида аҳамият касб этмоқда. Қайта қуриш, революцион ўзгартишлар — январь Пленумининг материалларида таъкидлаб ўтилганидек, аввало одамларнинг онги, эътиқоди, ақл-идроки учун курашдир. Қайта қуришга барча коммунистларни, ҳамма меҳнаткашларни жалб этмас эканмиз, муваффақиятга эриша олмаймиз.

Бу эса Марказий Комитетнинг биринчи секретаридан, область, шаҳар, район партия комитетларининг секретарларидан бошлаб, то бошланғич партия ташкилотининг секретаригача жамики партия ходимлари, барча партия активлари тарбия, тушунтириш, ишонтириш билан кун сайин шуғулланишлари керак, деган маънони билдиради.

Биз бу масалаларда жиддий камчиликларга йўл қўймоқдамиз. Ҳатто бизнинг Марказий Комитетда ҳам унинг кўпгина аъзолари, тармоқ бўлимларининг

ходимлари идеология иши, одамларни тарбиялаш бизнинг маҳкамамизга тааллуқли эмас, деб ҳисоблайдилар. Улар ишлаб чиқаришнинг у ёки бу соҳасидаги ишларнинг аҳволини яхши билганлари ҳолда кўпроқ нукул хўжалик масалалари билан шуғулланадилар, ҳатто мусобақанинг ташкил этилиши, ҳалол меҳнатни моддий ва маънавий рағбатлантириш билан қизикмайдилар. Область, шаҳар, район партия комитетларининг кўпгина секретарлари, республика органларининг раҳбарлари программалаштириб қўйилган тадбирлар, яъни Ягона сиёсий кунларда қатнашишдан ташқари коммунистлар, меҳнаткашлар ҳузурида ижтимоий-сиёсий мавзуларда лекция ва суҳбатлар билан камдан-кам чиқадиладар, иш ва истикомат жойларида одамлар билан учрашиш, уларни қизиктираётган нарсаларни сўраб билиш, жуда кўп масалалар юзасидан фикрлашиб олиш, маслаҳатлашиш учун ҳар қандай имкониятдан фойдаланмаяптилар.

Биз пленумга тайёргарлик кўра туриб, республика, область, район газеталарининг кейинги йилги таҳламларини кўздан кечириб чикдик. Партия, совет, хўжалик раҳбарларимиз матбуотда жуда камдан-кам қатнашмоқдалар. Уларнинг мақолалари ҳамон ўз-ўзи ҳақида ҳисобот беришдан, бажарилган ишлар тўғрисидаги ўзига хос докладлардан иборат бўлмоқда. Айни вақтда эса қайта қуриш масалалари жамоатчилик муҳокамасига дадил чиқариб қўйилмаяпти.

Бизда интернационал тарбия ва миллатлараро муносабатлар масалаларига нисбатан ўткирлик бир оз сусайган. Кейинги вақтларда биз мамлакатимиз халқларининг ва аввало, улуғ рус халқининг ғоят катта қардошларча ёрдами аҳамиятини тобора камроқ эсга оладиган ва уни оммага, айниқса ёшларга камроқ тушунтирадиган бўлиб қолдик. Ана шу ёрдам туфайли Ўзбекистон Совет Социалистик Республикаси ташкил топди ва ривожланди. Баъзилар нисбатан яқин ўтмишдаги воқеаларни — зилзиладан вайрон бўлган Тошкентни қайта тиклашда, амалда эса янгидан бунёд этишда мамлакатнинг умумхалқ иштирокини унутиб қўя бошладиладар. Ҳозир ҳам Ўзбекистоннинг бошқа республикалар билан экономика, илм-фан, маданиятнинг барча соҳаларидаги интернационал алоқалари ғоят муҳим аҳамиятга эга эканлиги етарлича ёрқин ва ишонтирарли қилиб кўрсатиб берилмаяпти.

Ҳолбуки, мана шу масалаларнинг ҳаммаси ҳамиша ва жуда зўр эътибор берилишини талаб қилади. Дарҳақиқат, Ўзбекистон ҳамиша энг кўп миллатли республикалардан бири бўлиб келди, ҳозир ҳам шундай ва бундан буён ҳам худди шундай бўлиб қолади. Республикаимизда юздан кўпроқ миллат ва элатларнинг намоёндалари ягона онла бўлиб яшамоқдалар ва ишламоқдалар. Областлар, шаҳарлар ва районларнинг, меҳнат коллективларининг ғоят катта кўпчилигида ҳукм сураётган дўстлик ва интернационализм руҳи қайта қуриш учун, партиянинг қийин, мураккаб, аммо илҳомбахш режаларини рўёбга чиқариш учун курашда одамларнинг кучига-куч қўшмоқда.

Айни вақтда ҳамма нарсани бебаб кўрсатиш мумкин эмас. Бизнинг Ўзбекистонда ҳам миллий маҳдудлик, чекланганлик, кеккайиш, маҳаллийчилик, тайёрга айёрлик кўринишлари оз эмас. Бундай ҳоллар ҳар хил, кўпинча ниқобланган формаларда намоён бўлмоқда. Аммо биз доимо сиёсий ҳушёр бўлиб туришимиз, синфий сезгирликни йўқотмаслигимиз, совет халқларининг дўстлиги ва қардошлигига зиён етказиш йўлидаги сал бўлсада уринишларни қандай никоб остида бўлмасин фош этиб, уларга қатъий чек қўя билишимиз керак.

Шу муносабат билан республикада соғлом ахлоқий-сиёсий иқлимни, бутун маънавий муҳитни шакллантиришда ижодкор зиёлиларнинг роли ва масъулиятини алоҳида таъкидлаб ўтиш зарур. Ҳозир бизда маданият соҳасидаги турғунлик психологиясини бартараф этиш юзасидан қатъий чоралар кўрилмоқда. Ижодий союзларнинг кейинги вақтда бўлиб ўтган съездлари ва пленумлари ёзувчилар, рассомлар, композиторларни, театр ва кино арбобларини сезиларли равишда ҳаракатга келтирди. Партия органлари раҳбарларининг улар билан актив мулоқоти Ўзбекистон ижодкор ходимларининг тўғри йўналишдан боришларига қўмаклашади.

Жадал ривожланиб бораётган ижтимоий вазият тўғрисида талантли асарлар дарҳол пайдо бўлишини кутиш соддалик бўлур эди, албатта. Бошқа бир нарса ташвишга солмоқда: кўпгина маданият арбоблари пайт пойлаш позициясида турибдилар, аллақачон айтилган нарсаларни гапириб қолишга шошилмоқдалар.

Ўтмиш салбий ходисаларини танкид қилиш ҳозирча бунёдкорлик мавзусидан, турмушни янгилаш соҳасида бизнинг бугунги қадамларимизни амалий танкид қилишдан устун турибди.

Ижодий ташкилотлар фаолиятидаги мустақилликни кенгайтириш яратила-ётган асарларнинг ғоявий ва бадний сифати учун масъулиятни ошириш билан қўшиб олиб борилиши керак. Аммо ижодий союзларда бу масалаларга ҳали етарлича эътибор берилмаяпти.

Айрим маданият арбоблари демократияни тартибсизлик, хоҳлаган ишни қилавериш деб, ўз нафсониятини қондириш ёки ўч олиш имконияти деб тўшунмоқдалар. Шовқин-сурон кўтариш, калондимоғлик, деярли ошқора манфаатпарастлик каби кўпдан-кўп ҳолларга дуч келмоқдамиз. Бундай фактларнинг салбий аҳамиятига етарли баҳо бермаслик мумкин эмас. Ҳоҳ Горький номли академик театрда, ҳоҳ Рассомлар союзида ёки «Ўзбекфильм» киностудиясида группабозлик қандай либосга бурканмасин, у коллективларни ҳақиқатан ҳам мураккаб проблемаларни ҳал этишдан чалғитади, у ўзининг ахлокий-этикавий моҳияти жиҳатидан беахлоқлик бўлиб, моҳият эътибори билан чинакам ижодкорликка ҳилофдир.

Партия комитетлари маданият арбоблари бўлмиш коммунистларнинг ижодий союзлар, театрлар, концерт ташкилотларининг ғоявий-маънавий жиҳатдан соғлом бўлиши, маданият асарларининг ғоявий-бадний жиҳатдан етуқлиги учун масъулиятини оширишга қаратилган йўлни қатъият билан ўтказишлари керак.

Бундай талабчанлик ижодкор зиёлилар тўғрисида, талантларни намоён этиш учун барча зарур шароитларни яратиш ҳақида доимо ғамхўрлик қилиш билан узвий қўшиб олиб борилиши керак. Кейинги йилларда айнан қобилиятли кишиларнинг мустақил ишга ўтишлари оғир бўлиб қолганлиги сир эмас. Биз ёш ижодкор кадрлар тайёрлаш бутун системасини аслида ўз ҳолига ташлаб қўйдик.

Оммавий ахборот воситаларининг фаолияти тўғрисида алоҳида гапириб ўтиш керак. Марказий Комитет журналистларнинг ўткир, принципаал мақолаларини бундан буён ҳам қўллаб-қувватлайверади, ҳар бир амалий танкидий мақола юзасидан таъсирчан, узил-кесил чоралар кўрилишига эришиш учун қатъият билан ҳаракат қилаверади.

Газеталаримиз, журналларимиз, телевидение ва радиомизнинг мазмунидаги, йўналишидаги, характерининг ўзидаги ўзгаришлар яққол кўриниб турибди. Аммо булар, М. С. Горбачев оммавий ахборот ва пропаганда воситаларининг раҳбарлари билан учрашувда айтганидек, активлаштириш, замонавий ишлаш сари силжишдир, ҳолос. Ҳозирча матбуотда чинакам бурилиш рўй бергани йўқ. Ишимизнинг ғоят муҳим масалалари ва йўналишларини ёритишда ачинарли нуксонлар ва англашилмовчиликлар, жиддий анализ ўрнига «қовурма фактлар» деб аталмиш фактларни бериш ҳоллари мавжуд. Марказий Комитет органлари — «Совет Ўзбекистони» ва «Правда Востока» газеталарида, республика Телевидение ва радиоэшиттириш давлат комитетининг кўрсатув ва эшиттиришларида бундай ҳолларга айниқса йўл қўйиб бўлмайди.

Ҳозир қайта куриш дастлабки қадамларининг конкрет практикаси тўғрисида газетхонлар, телетомошабинлар, радиотингловчилар билан далиллар келтириб, исботлар билан суҳбатлашиш ниҳоятда муҳим бўлиб қолмоқда. Ленин сўзлари билан айтганда, биз янгилик элементларини чуқур анализ қилишимиз керак. У исбот қилинганми? Бу янгилик қанчалик коммунистик руҳда экан? Бунда мактанчоклик ва пуч гаплар йўқмикан?

Матбуот роли ва аҳамиятининг ошиши кўпгина омилларга ва биринчи навбатда партиявий раҳбарлик даражасига боғлиқ. Афсуски, кўпгина партия комитетларининг редакциялар билан алоқалари асосан хатолар хусусида вақти-вақти билан танбех бериб туришдан иборат бўлмоқда. Ваҳоланки, оммавий ахборот воситаларининг ишини профессионал анализ қилиш, энг муҳим проблемаларга доир мақолаларни амалий равишда қўллаб-қувватлаш зарур.

Турмушнинг турли соҳаларидаги туб силжишлар ўрта ва олий мактабда кадрларни тайёрлаш ҳамда тарбиялашга нисбатан янги, бекиёс даражада ошган талаблар қўймоқда. Партия ўрта ва олий мактабни қайта ташкил этишни жадаллаштиришнинг ҳал қилувчи омилларида бири, деб билмоқда. Республика партия ташкилоти учун бу проблемалар алоҳида аҳамиятга эга.

Ўтказилган текширишлар барча асосий дарслардан, шу жумладан, рус тилидан ўқувчиларнинг билим савияси ниҳоятда коникарсиз эканлигини кўрсатмоқда. Хунар-техника таълими давлат комитетининг структураси шундай тузилганки, билим юртларини битириб чикувчиларнинг кўпчилиги кишлоқ хўжалигида ишлаш учун тайёрланмоқда. Айниқса, энг янги техникадан фойдаланиш билан боғлиқ касблардаги ишчилар тайёрланмаяпти. Ишлаб чиқаришдаги турғунлик кўп жиҳатдан олий ўқув юртларини ва уларнинг кўпдан-кўп филиалларини битириб чиққан кишиларнинг малакаси пастлиги билан боғланган. Ана шу филиаллар зарур таълим базаси, ўқитувчи кадрлар билан таъминланмаган. Компартия Марказий Комитетининг Фан ва ўқув юртлари бўлими Олий ва ўрта махсус таълим министрлиги билан биргаликда ўрта ва олий мактабни ислоҳ қилишга доир батафсил тадбирларни ишлаб чиқиб, шу ишни алоҳида назорат остига олиши зарур.

Биз ҳаммамиз идеология, тарбия масалалари — барча партия комитетлари ҳамда ташкилотлари фаолиятидаги энг асосий вазифа эканлигини ҳисобга олишимиз керак. Партия активлари, бизларнинг ҳар биримиз, унинг зарбдор авангарди бўлишимиз керак.

ПАРТИЯ РАҲБАРЛИГНИНГ ЭНГ МУҲИМ БЎҒНИ

Ўртоқлар! Партия революцион ва бунёдкорлик вазифаларини ҳал этишга халқни, кенг меҳнаткашлар оммасини сафарбар эта бориб, ленинча анъанага амал қилиб, ҳамиша унинг ўзи фидокорона, астойдил ишлаш ва ўртага қўйилган мақсадларга эришиш учун кураш намунасини кўрсатиб келди. Социализмни такомиллаштириш, уни иқтисодий, социал ва маънавий жиҳатдан тараққий эттиришни жадаллаштириш барча жараёнларининг миқёслари ва мураккаблиги бекиёс даражада ошиб кетган бугунги кунда партия ички партия турмушини қайта қуриш ҳамда партиявий раҳбарликнинг форма ва методларини янгилаш соҳасидаги ишни айнан ўзидан бошлади.

КПСС Марказий Комитетининг январь Пленуми яна зўр куч билан шуни талаб қилди: партия комитетлари ва ташкилотлари қайта қуриш намунаси, унинг мотори ва ҳаракатга келтирувчи кучи бўлиб қолишлари керак. Улар ишлаб чиқариш, ижтимоий, ички партиявий турмушнинг барча соҳаларини кенг демократлаштиришда ўрнак кўрсатишлари, ошқоралиқни, танқид ва ўз-ўзини танқидни ривожлантиришлари, кадрларнинг фаолияти учун юқоридан ва қуйидан жуда катъий контролни таъминлашлари, амалга ошириладиган ўзгаришларда коммунистлар билан барча меҳнаткашларнинг фаол иштирок этишини таъминлашлари, қайта қуришни омма назорати остига олишлари лозим.

Бу талаб республика партия ташкилотининг барча бўғинларига тааллуқлидир. Ўзбекистон Компартияси Марказий Комитетининг Бюроси аввалги пленумда КПСС XXVII съезди қарорларини амалга ошириш соҳасида ўтказиладиган ишлар тўғрисида ҳисобот берган эди. Едингизда бўлса, Марказий Комитет Бюроси, секретариати, бўлимлари ва умуман аппарати фаолиятининг услуб ва методларидаги бир қанча ижобий ўзгаришлар қайд этиб ўтилган, ҳали бизга хос бўлган расмийчилик, мажлисбозлик, қоғозбозлик, баъзида куч ва эътиборни асосий энг муҳим масалаларга қарата билмаслик кескин танқид қилинган эди. Бизнинг шаънимизга айтилган барча танқидий мулоҳазалар ва таклифларни Бюро мажлисида эътибор билан муҳокама қилиб, зарур ҳулосаларни чиқариб олдик. Қайта қуришга доир амалий тадбирлар тўғрисида, барча партия комитетларининг фаолиятини партиянинг ҳозирги талабларига мувофиқ ҳолга келтириш зарурлиги ҳақида талабчанлик билан ўз-ўзини танқид руҳида гаплашиб олинди.

Анализ ҳозир асосий вазифани ҳал этиш: ҳамма жойда қайта қуришни жадаллаштириш ва авж олдиришга эришиш, унга ялпи ва муқаррар тус бериш биринчи навбатда боғлиқ бўлган энг муҳим бўғинларни аниқлаш имконини берди.

Бу аввало шаҳар ва район партия комитетларининг ишини тубдан яхшилашдан иборатдир. Бу партия комитетлари бошланғич партия ташкилотларига, меҳнат коллективларига, бинобарин, социал-иқтисодий тараққиётни жадал-

лаштириш учун курашнинг олдинги маррасига ҳаммадан кўра яқинроқ турадилар. Зотан, қайта куриш муваффақияти, унинг чуқурлашуви кўп жиҳатдан ана шу партия комитетларига, уларнинг зўр ғайрат билан ҳаракат қилишларига боғлиқдир. Практика шуни кўрсатмоқдаки, шаҳар ва район комитетлари технократик ёндашувлардан, ҳўжалик органлари ишини бажаришдан воз кечиб, социал-иктисодий ривожланишни жадаллаштиришга ўзларига хос ташкилий, сиёсий методлар билан таъсир кўрсатаётган жойларда яхшилик сари муҳим ўзгаришлар содир бўлмоқда.

Бирок ҳўжалик ва маданий қурилишдаги ишларнинг аҳволи, ҳозирги пленумга тайёргарлик давомида ўтказилган социологик тадқиқотлар, суҳбатлар, ҳисоботлар ва аттестациялар шундан яққол далолат бермоқдаки, айни шаҳар ва район бўғинларида иш услуби ҳамда методларида ўзгаришлар ҳаммадан кўра суист юз бермоқда, айни мана шу ерда қайта куриш ҳаммадан кўра кўпроқ оқсамоқда. зарур йўлга солиб юборилмаяпти. Кўпгина шаҳар, район партия комитетларида ҳодимларнинг диққат-эътибори бутунлай жорий ҳўжалик ишлари ва юмушлари билан банд бўлиб қолган, сиёсий масалалар, одамлар билан, бошланғич партия ташкилотлари билан олиб бориладиган ишлар иккинчи ўринга суриб қўйилмоқда. Партия раҳбарлари, жумладан, партия комитетларининг биринчи секретарлари партия ички ҳаёти, идеология ишлари проблемаларини ҳал этишга ҳамон чинакамига киришганлари йўқ.

Партия комитетларининг, ҳатто мазкур лавозимларга кейинги вақтда сайланган кўпгина секретарлари юқори органлар маъқуллаши тўғрисида кўпроқ қайғуриб, ўзларини сайлаган коммунистларнинг ишончини оқлаш тўғрисида кам ўйламоқдалар. Булар республика партия ташкилоти ишидаги эски касаллик бўлиб қолмоқда. Баъзи шаҳар, район комитетининг биринчи секретари ўзини ҳўжайин деб, қолган барча кишилар унинг учун фақат ижрочилар деб ҳис этаётган нономрал аҳвол мана шундан келиб чиқмаяптимикин?

Фарғона область Езёвон район партия комитетининг биринчи секретари ўртоқ Р. Сафаров қайта куришни аппаратни ўз фармойишларининг ижро этилишига оид ҳар хил маълумотларни тўплайдиган диспетчерлик маҳкамасига айлантириш зарурати деб тушунди. У ҳатто ваколатига кирмайдиган топшириқлар бажарилмаганлигини ҳам ўз обрўйига ҳамла деб билди. Хоразм область Боғот райкомининг инструкторлар состави (район комитетининг биринчи секретари ўртоқ Р. Қ. Қутлимуродов) анчагина вақтни кабинетларда, телефон ёнида ўтказиб, кўпдан-кўп кенгашларга материаллар тайёрлаш билан банд. Ҳодимлар бошланғич партия ташкилотларидаги ишларнинг аҳволини билмайдилар, улар ана шу ташкилотларда онда-сонда бўладилар.

Республика партия комитетлари иш практикасида ташкилий ва сиёсий ишлар ўрнини маъмуриятчилик-фармойиш бериш ишлари эгаллаши шунчалик томир ёйганки, секретарларнинг ўзлари ҳам қачон ва қандай қилиб экин экиш, суғориш, ҳосилни йиғиштириб олиш тўғрисида кўрсатма беришни ўзлари учун асосий иш деб ҳисобламоқдалар ва бошқаларни ҳўжалик масалаларининг ҳаммасини фақат партия органлари орқали ҳал этишга ўргатиб қўйганлар.

Иш кўпинча мантиққа зид ҳолларгача бориб етмоқда. 1986 йилнинг сентябрида республика Давлат агросаноат комитети раисининг ўринбосари ўртоқ Х. И. Исканов имзоси билан область партия комитетларининг секретарлари номига қуйидаги ҳужжат тарқатилган эди: «Озуқа цехларидан фойдаланиш ва уларни реконструкциялашга оид тавсияларни юборяпмиз... Мазкур тавсиялардан фойдаланиб, областдаги барча мавжуд озуқа цехларини ишга тушириш учун шошилинч тадбирларни амалга оширишни сўрайман. 4 коғоз иловаси ҳам бор». Сўнгра барча агрегатлар ва узелларнинг батафсил изоҳи берилган технологик схемалар келтирилади.

Давлат агросаноат комитетидаги «тартиб-қоидалар» тўғрисида гапириб ўтирмаймиз. Бу борада ҳам юқорида гап боргани сингари хатлар учраши мумкин. Аммо энг ҳайратланарлиси шуки, мана шу мутлақо расмиятчилик коғозини олган бирорта область, район партия комитети бундай ўтакетган расмиятчиликдан ғазабланмади, ҳўжалик органининг ўз ишларини партия комитетлари гарданига юклашга уринаётганлиги тўғрисидаги масалани Марказий Комитет олдига қўймади.

Ҳар бир партия комитети ўзининг сиёсий раҳбарлик органи сифатидаги ролини илжи борица яхшироқ ва тўлароқ бажариши учун энг аввало янги гоёларни юзага келтирувчи ҳақиқий маскан, бутун қайта қуришнинг чинакам ташкилотчиси бўлиши керак. Бунинг учун омма орасида олиб бориладиган амалий ишларга, қабул қилинадиган қарорларнинг амалда бажарилишини йўлга қўйишга, халқ ташаббусини қўллаб-қувватлашга, новаторлик изланишини рағбатлантиришга асосий эътиборни қаратиш зарур.

Марказий Комитет, область партия комитетлари энг муҳим партиявий бўғин бўлган район ва шаҳар комитетларига кўпроқ эътибор беришлари, уларнинг ўз иш услуб ва методларини такомиллаштиришларига кўмаклашишлари лозим. Шундай қилинганда, бошланғич партия ташкилотлари ҳам анча яхшироқ ишлайдиган бўладилар, меҳнат коллективларини ўз олдидарига қўйилган вазифаларни ҳал этиш йўлидан олиб борадилар, деб ишониш мумкин.

Бу эса жуда муҳимдир. Меҳнат коллективларига кўпроқ мустақиллик бериш, уларнинг ташаббусини ривожлантириш инсон омилини активлаштириш тўғрисида гап бораётган ҳозирги шароитда бошланғич партия ташкилотларининг жанговарлигини ошириш гоёт муҳим аҳамият касб этади. Бошланғич партия ташкилотлари партиянинг ташкилий негизи, меҳнат коллективларининг сиёсий ўзагидир.

Партия ўзининг бошланғич ташкилотлари орқали социал-иктисодий ривожланишни жадаллаштиришга, қайта қуришнинг бутун боришига, барча вазифаларни ҳал этишга доимий, ҳар томонлама таъсир кўрсата олади. Ҳозирги вақтда республикада жами салкам 22 мингта бошланғич партия ташкилоти бор. Агар уларнинг ҳар бири актив, собитқадам иш олиб борса, биз ишлаб чиқариш ва ижтимоий ҳаётнинг барча соҳаларида янада кўпроқ муваффақиятга эриша оламиз.

Республика бошланғич партия ташкилотларининг фаолиятида кейинги вақтларда сезиларли ўзгаришлар рўй бераётганлиги шубҳасиздир. Партия аъзоларининг бир-бирларига нисбатан ўртоқларча талабчанлиги ва масъулияти тобора кўпроқ намоён бўлмоқда, йиғилишларда коммунистлар, шу жумладан, раҳбарларнинг ҳисоботи тез-тез тингланмоқда. Қуйидаги маълумотлар бу нарса барча кадрларнинг иши ва хулқ-атвори устидан партия контролининг таъсирчан воситаси эканлигидан далолат беради. Ўтган йилнинг ўзидагина партия йиғилишларида раҳбарларнинг 22 мингта ҳисоботи тингланди. Ана шу ҳисоботлар давомида 158 киши партиядан ўчирилди ва икки мингдан кўпроқ киши партиявий жазо олди.

Ўзгаришлар бор, албатта. Бирок, шу билан бирга биз умумий ракамлар замирида кўпинча расмийчилик, хўжакўрсинчилик ишлари яширинганлигини кўра билишимиз зарур. Ана шу ҳисоботлар баъзан умумий ахборотга айланиб кетиб, мактов ва хушомадгўйлик тусини олиб, танқиддан сабоқ чиқарилмайди.

Бундай шароитда кўпгина бошланғич партия ташкилотлари принципиал позицияда тура олмайдилар, ношуд хўжалик раҳбарлари йўлидан борадилар. Айрим «жонкуяр» маъмуриятчиларнинг партия ташкилотларига буйруқ беришга уринишлари учраб турибди. Яқинда ўз буйруқларида партия бюроси фаолиятига баҳо беришгача бориб етган Тошкент музхона комбинатининг собик директори А. А. Илхомов алоҳида «ўрناق кўрсатди». Аммо Ҳамза район партия комитети ҳам, унинг биринчи секретари ўртоқ Ф. Н. Нажмитдинов ҳам буни ҳеч қандай фавқулодда аҳвол деб билмаганлиги кишини янада ташвишга солади. Партия интизоми ва этикаси билан ҳисоблашишни истамаган, ҳаддидан ошган амалдорнинг эс-хушини жойига келтириб қўйиш учун Марказий Комитетнинг аралашувига тўғри келди.

Қолоқ корхоналар, ташкилотлар, хўжаликлардаги ишларнинг аҳволини таҳлил этар эканмиз, бошланғич партия ташкилотлари бу борада ҳали қайта қуришга бошчилик қилмаётганлигини, принципиал позицияларда турмай, салбий ҳолатларга қарши кескин кураш олиб бормаётганлигини, ўзларига бериб қўйилган маъмурият фаолиятини контрол қилиш ҳукуқидан фойдаланмаётганлигини қайта-қайта айтиб ўтишга тўғри келмоқда.

Бошланғич ташкилотларга ким бошчилик қилаётганлигига кўп нарса боғлиқдир. Демократия ва меҳнат коллективларининг мустақиллиги ривожлантириладиган шароитда партия етакчисининг роли бекиёс даражада ўсади.

Ҳақиқатни айтишдан чўчимайдиган, коммунистлар нуқтаи назарини қаттиқ туриб ҳимоя қилиш учун зарур ҳолларда маъмурият билан муносабатни бузадиган, мустаҳкам позицияни эгаллашга қодир бўлган принципаал, ташаббускор, дадил кишилар партия ташкилотларига бошчилик қилишлари керак.

Район ва шаҳар комитетларининг позицияси, уларнинг бошланғич ташкилотлар билан алоқаси, барча ишларда уларга таяна билиш, уларнинг ташаббуси ва мустақиллигини ривожлантириш ва етилган вазифаларни ҳал этишга йўналтириш маҳорати катта аҳамиятга эгадир. Бунинг учун партия комитетлари ҳар бир бошланғич ташкилотнинг куч ва имкониятларини яхши билишлари керак.

Қўпгина партия комитетларига айни мана шу хусусият етишмайди. Бир қанча район ва шаҳар партия комитетларида партия ташкилотларининг секретарлари билан олиб бориладиган иш расмийчиликка асосланиб, асосан вақти-вақти билан семинарлар ўтказиш ва йўл-йўриқлар бериш билан чекланмоқда, уларга жойларда амалий, конкрет ёрдам мунтазам берилмаяпти.

Ўзбекистон Компартияси Марказий Комитетининг Бюроси айни шаҳар, район партия комитетларининг биринчи секретарлари ҳўжалик раҳбарлари ва бошланғич партия ташкилотлари секретарлари кадрларини танлаш, улар ўртасида амалий, принципаал муносабатларни қарор топтириш учун шахсан жавобгар бўлишларини яна бир бор таъкидлаш зарур, деб ҳисоблайди. Бу масалалардаги нуқсонлар ва хатолар қимматга тушмоқда, қайта қуришга тўсқинлик қилмоқда.

Партия комитетлари партия ва халқ манфаатлари ҳисобиغا саховатли бўлишга интилаётган пайтда бу қимматга тушмоқда, Сирдарё область Ильич район партия комитетининг биринчи секретари, Ўзбекистон Компартияси Марказий Комитети аъзолигига кандидат ўртоқ Р. Ҳатамов ишни барбод этган раҳбарларга ҳомийлик қилиб, уларни бир лавозимдан иккинчи лавозимга ўтказди. Область партия комитети уни эгаллаб турган вазифасидан озод этиш тўғрисида қарор қабул қилди ва биз бунинг мутлақо тўғри деб ҳисоблаймиз.

Ўртоқлар! Маълумки, Марказий Комитет январь Пленумининг ишида демократияни, социалистик ўз-ўзини бошқарувни янада ҳар томонлама ривожлантириш масалаларига катта, айтиш мумкинки, асосий ўрин берилди. Амалга оширилаётган қайта қуришнинг энг муҳим томони, ажралмас таркибий қисми ва айни вақтда бошланган ўзгаришлар жараёни нихоясига етказилишининг, илгари йўл қўйилган хатолар такрорланмаслигининг зарур омили, унинг муваффақиятга эришишининг ҳал қилувчи шарти, мустаҳкам гаровларидан бири мана шундан иборат.

Республика партия ташкилотида кадрлар билан олиб бориладиган ишда демократик асосларни жорий этиш соҳасида дастлабки қадамлар қўйилди. Партия йиғилишларида одамларни янги лавозимларга кўтаришга оид барча режаларни ошқора муҳокама қилиш одат тусини олди, партия ташкилотларида ва меҳнат коллективларида раҳбарларни сайлаш практикага кириб бормоқда.

Кейинги вақтда коллективларда бўлиб ўтган йиғилишларда 9 мингдан ортиқ турли даражадаги раҳбар, шу жумладан, саноат корхоналарининг 70 нафар директори, совхозларнинг 18 нафар директори ва колхозларнинг 49 нафар раиси, 8 минг нафар бригадир номзоди муҳокама қилинди ва сайланди.

Партия комитетлари танқидни, раҳбарларни сайлаб қўйиш практикасини ривожлантира бориб, бу жараёнга бошчилик қилишлари, коллективлардаги вазиятни яхши билишлари керак. Расмийчиликка, демократияни ортиқча рўқач қилишга йўл қўймаслик муҳимдир.

Биз кадрлар билан ишлашнинг демократик формаларини бундан буён ҳам ривожлантираверамиз, бироқ бунда баъзи жойларда қариндош-уруғчилик, юртдошлик алоқалари ҳали кучли эканлигини, албатта ҳисобга олиш лозим. Мана шундай қоқоқ қайфиятлар изидан бормаслик, сохта демократия никоби остида раҳбарлик лавозимларига «ўз» одамлари қўйилишига имкон бермаслик муҳимдир.

Раҳбарлик лавозимларига партиясизларни кўтаришга янгича ёндашиш керак. Яқин вақтгача партияга қабул қилиш кўп ҳолларда ходимни хизмат лавозимида кўтариш билан бевосита боғлиқ бўлганлиги, бу эса қариндош-уруғчилик, юртдошлик алоқалари ва ғаразли мақсадларда партия сафларига баъзи кишиларнинг сукулиб киришига сабаб бўлганлиги сир эмас. Айни шунинг учун ҳам Фарғона область Тошлок район партия комитетида (собиқ биринчи секретари

Ўртоқ А. Хўжаев), Тошкент шаҳридаги Куйбишев район партия комитетида (биринчи секретари ўртоқ Н. И. Емельянов) ошкора ошна-оғайнигарчиликка йўл қўйилди, Самарканд область Большевик район партия комитетида эса (райкомнинг биринчи секретари ўртоқ М. Абдураимов) КПСС сафига кирувчи шахсларнинг социал аҳволи тўғрисидаги маълумотлар сохталаштирилди.

Айрим кишилар партия билетини раҳбарлик лавозимига мандат деб билмоқдалар. Реал воқеани назар-писанд қилмаслик ўз вақтида кадрлар потенциалимизни жиддий даражада чеклашга олиб келди. Бизда коллективга муваффақиятли бошчилик қила оладиган партиясиз ажойиб кишилар, яхши мутахассислар анчагина. Коммунистлар орасидан, шунингдек, партиясизлар орасидан одамларни юқори лавозимларга кўтариш учун ошкора танлаб олиш кенг меҳнаткашлар оммасини бошқарув ишларига жалб этишга қўмаклашади.

Хотин-қиз кадрлар билан олиб бориладиган ишни янада яхшилаш талаб этилади. Ҳозирча биз бу мавзуда кўп гапиряпмиз, аммо ижобий ўзгаришлар рўй бермаяпти. Область, шаҳар, район партия комитетлари аппаратларида, шаҳар комитетларининг секретарлари, совхозларнинг директорлари орасида хотин-қизлар камайиб кетди. Наманган ва Бухоро областларида партия комитетларининг биринчи ва иккинчи секретарлари орасида хотин-қизлар йўқ.

Марказий Комитет номенклатурасида 23 миллат вакили бор.

Лекин кадрлар билан олиб бориладиган ишда маҳаллийчилик кўринишлари-га, миллий маҳдудлик тенденцияларига ҳали барҳам берилмаган. Бунини сир тутиш керак эмас. Шаҳар, район партия комитетларининг биринчи, иккинчи секретарлари орасида ҳатто қўшни қардош республикаларнинг вакиллари кўпми? Деярли санокли деса бўлади.

Шунинг учун ҳам кадрлар масалаларини ҳал этишда демократлаштириш ва бутун кадрлар сиёсатини чуқур интернационаллаштириш — ишнинг бош йўналишлари мана шундайдир.

Танкид ва ўз-ўзини танкид, унинг характери ва кадрларимиз танкидни қандай қабул қилиши тўғрисидаги масалани ўткир қилиб қўйиш керак. Ташқаридан қараганда танкид ва ошқоралик соҳасида камчиликларимиз йўқ. Айни вақтда танкид жанговар, масъулиятли ва амалий тус олди деб айтишга ҳали эрта.

Танкид учун одамларни таъкиб этиш фактларига барҳам берилмаган. Зарафшон шаҳрида хунук воқеа юз берди. Шаҳар партия комитети ишчиларнинг матбуотдаги танкидий мақолаларига жавобан чалакам-чатти чоралар кўриш билан чекланишга уринди, хўжалик раҳбарларининг меҳнаткашлар фикрини назар-писанд қилмаслик у ёқда турсин, айни вақтда уларни қувғин қилишга уринишларига ўз вақтида чек қўймади. Область партия комитети ва аввало, обкомнинг биринчи секретари ўртоқ А. С. Ефимов барча ишларни тезлик билан таҳлил эта олмади, воқеаларга ўз вақтида тўғри, сиёсий баҳо бера билмади. Марказий Комитетнинг аралашувига тўғри келди.

Шу муносабат билан Марказий Комитет Бюроси яна бир бор қуйидагиларни таъкидлайди: барча кадрларимиз, барча партия, совет, давлат ва хўжалик органлари демократия, ошқоралик, танкид кенгайтирилаётган шароитда ишлашни ўрганишлари, одамларнинг фикрини доимо ҳисобга олишлари керак.

Айни вақтда қайта қуришнинг айрим никобланган муҳолифлари партияда қарор топган каттик талабчанлик ва принципиаллик муҳитидан ўз манфаатлари йўлида фойдаланиш, баъзида эса ҳақиқатан ҳам камчиликларга тоқат қилишни истамаётган, уларга қарши актив қурашаётган кишилардан ўч олиш учун фойдаланишга уринаётганликларини таъкидлаб ўтиш зарур. Бундай ҳолларда партия эълон қилган шиорлар бузиб кўрсатилмоқда, партия ички турмуши нормалари ва ўртоқларча этика нормалари қўпол равишда бузилмоқда.

Ўтган йилнинг ёзида Ангрен шаҳар партия комитетида рўй берган воқеа ҳаммага маълум. Шаҳар комитетининг секретари асоссиз равишда қувғин қилинганлигига барҳам бериш ва мазкур партия органидаги носоғлом вазиятнинг ҳақиқий айбдорларини аниқлаш учун Марказий Комитет Бюросида масалани кўриб чиқиш талаб этилди. Республика «Билим» жамияти правлениеси партия ташкилотига ҳам шундай чалкашликка ва гақикланган усулларга йўл қўйилди. Бу ерда ҳам Марказий Комитет қарор қабул қилишга тўғри келди.

Назаримда бундай хийла-найранглар ва турли ғаламисликларга йўл қўйилмаслигини ҳамма тушуниши керак. Аммо қайта қуриш ва тартиб-интизом муҳолифлари ҳамон тинч туришмаяпти. Мана бир мисол. Андижон область судида КПСС Марказий Комитети Ўзбекистонга ишга юборган область суди раисининг ўринбосари ўрток В. Н. Подминогиндан ўч олишга уриниб қўрилди. У суд ишидаги жиддий камчиликларга қатъиян қарши чиққанлиги учун ошкора уйдирма баҳона билан ундан қутулишга қарор бердилар. Партия йиғилишида принципиал коммунистга у гўё ўзининг танкидий нутқлари билан коллективни қоралаётганлиги ҳамда ҳеч қандай янгилик талаб қилинмаслиги ва ортиқча ташаббускор ходимни «қўпчилик» иродасига бўйсундириш воситалари топилиши айтилди. Партия йиғилишида, бизнинг назаримизда, ҳолис иш қилинмади, ўрток В. Н. Подминогинга учет карточкасига ёзиш шарти билан қаттиқ виговор берилди. Андижон область партия комитети область судидаги қўриниб турган носоғлом вазиятни аниқлаб, мана шундай ўч олиш ташкилотчиларига муносиб баҳо беради, деб умид қиламиз.

Марказий Комитет Бюроси ҳеч кимнинг партияга содиқ кишиларга нисбатан салбий ҳолатларга қарши кураш қуролидан фойдаланишига йўл қўймайди, мана шундай ҳар бир уриниш жуда қаттиқ жазоланиши керак деб огоҳлантиришни зарур деб ҳисоблайди.

Ўртоклар! Биз мазкур пленумга тайёргарлик қўрар эканмиз, активлар, ветеранлар билан учрашиб, КПСС Марказий Комитети январь Пленумининг чинакам новаторона қарорларини бажаришни қандай қилиб яхшироқ ташкил этиш тўғрисида коммунистлар билан кенг қўламда маслаҳатлашиб олдик. Бизга бошланган йўлдан четга чиқмаслик, қайта қуриш муҳолифларининг ҳар қандай қаршилигини енгиб ўтиш, жамиятимизни янгилаш учун курашда кучларни аямаслик керак деган биргина нақаз берилган. Коммунистлар, меҳнаткашларнинг кенг қатламлари бизни, албатта қўллаб-қувватлайдилар.

Айни вақтда қайта қуриш учун кураш дадиллик, жасорат, ташаббускорлик, сиёсий сергаклик, куч-ғайрат, жўшқинлик ва фидокорликни талаб қилишини ҳаммамиз аниқ-равшан тушуниб етишимиз керак. Қайта қуришдан «чарчаган», курашни истамайдиган ёки унга тайёр бўлмаган кишилар четга чиқиши лозим.

Кенг демократия асосидаги қайта қуриш жараёнлари сиёсий системанинг ва энг аввало, халқ депутатлари Советларининг барча бўғинларини, касаба союзларни, комсомолни қамраб олиши зарур. Улар меҳнаткашларни ишлаб чиқариш ва жамоат ишларини бошқаришга жалб этишнинг асосий воситалари бўлиб қолиши керак.

Кейинги вақтларда совет органларининг ишида жиддий ўзгаришлар рўй бермоқда, уларни кадрлар билан мустаҳкамлаш учун кўп иш қилинди. Яқинда КПСС Марказий Комитети совет аппарати ходимларини аттестациядан ўтказиш тўғрисида қарор қабул қилди. Бу ишни амалга оширишга ғоят жиддий ёндашиш лозим, токи бу тадбир илғор, энг онгли ва ташаббускор ишчиларни, колхозчиларни, зиёлилар вакилларини совет ишига кенг жалб этишга олиб келсин.

Совет сайлов системасини такомиллаштириш турмушимизни демократлаштиришнинг принципиал йўналишидир. Шу йилнинг ўзидаёқ бир қанча районларда эксперимент тариқасида кўп мандатли система асосида маҳаллий Советларга сайловлар ўтказилади. Бундай шароитда партия комитетлари депутатликка номзодлар кўрсатиш чоғида кўпроқ ошқоралик ва демократизмни таъминлашлари, тадбирларни қалаштириб ташлашга, аммо иш ҳам ўз ҳолига ташлаб қўйилишига йўл қўймасликлари керак.

Республика партия комитетлари кўп йиллар давомида касаба союз органларини эътибордан четда қолдирдилар, улардан кадрлар тайёрлаш мактаби сифатида фойдаланмадилар, уларни кекса ва турмушдан орқада қолган номенклатура ходимларининг осойишта маскани, деб билдилар. Кейинги вақтда бундай практикани тугатиш учун кескин чоралар қўрилди. Бироқ ўтмишда йўл қўйилган хатолар ҳамон ўз таъсирини билдириб турибди.

Комсомол органлари расмийчиликка ва тўрачиликка барҳам бермоқдалар. Ошна-оғайнигарчилик, қариндош-уруғчилик алоқалари айниқса комсомол ходимлари кадрларига салбий таъсир кўрсатди. Партия комитетлари комсомол

ташкilotларини доимо қўллаб-қувватлашлари ва уларга ёрдам беришлари, ёшларни тарбиялашда уларнинг ролини кучайтиришга эришишлари зарур.

Бугунги кунда партия комитетлари ва ташкilotларидан ёшларга кўпроқ ишониш, уларга кўпроқ мустақил соҳаларни топшириш, уларнинг ишларига кўпроқ партиявий ғамхўрлик кўрсатиш талаб этилмоқда. Бизнинг ўз ўринбосарларимизга нисбатан ишончимиз ёшларни корхоналар, хўжаликлар, цехлар ва участкаларга раҳбарлик лавозимларига янада кенг қўламда ва дадил кўтаришда ўз ифодасини топиши керак.

Яқинда вужудга келган хотин-қизлар, ветеранлар янги жамоат ташкilotларини кенг демократик асосларда ташкил этиш зарур. Бу ташкilotлар жамият ишларини бошқаришда муносиб ўринни эгаллашлари лозим.

Шу тарика турмуш партия ташкilotларидан барча кадрларни ишга сиёсий, давлат нуқтаи назаридан ёндашиш, янги шароитда ишлай олиш, одамларни ишонтириш ва ўз йўлидан бошлаб бориш руҳида тарбиялашни қатъиян тақозо этмоқда.

Ўртоқлар! Биз ярим йилдан кейин Улуғ Октябрь социалистик революциясининг 70 йиллигини тантанали нишонлаймиз. КПСС Марказий Комитетининг совет халқига Мурожаатномасида бу мамлакатимиз меҳнаткашларининг, қардош социалистик давлатларнинг, бутун тараққийпарвар инсониятнинг катта байрами эканлиги таъкидланади. Айни вақтда бу шундай марраки, унинг чўққисидан туриб босиб ўтилган йўл яқунлари ва сабоқларини, жамият ривожланишининг ҳозирги фавқулудда муҳим босқичида унинг олдида турган янги вазифаларни англаб олишимиз керак.

КПСС Марказий Комитетининг қарорида Октябрь юбилейига тайёргарликдан, аввало, коммунистлар ва партиясизларнинг, барча меҳнаткашларнинг меҳнат, сиёсий ва маънавий активлигини янада оширишнинг муҳим омили сифатида фойдаланиш вазифаси қўйилди.

Бизнинг КПСС Марказий Комитети Мурожаатномасига жавобимиз камчиликларни бартараф этиш, куч-ғайратларни ўн иккинчи беш йиллик топшириқларини амалий жиҳатдан рўёбга чиқаришга қаратиш, ягона халқ хўжалик комплексига республика қўшадиган ҳиссани кўпайтириш соҳасидаги зарбдор ишларда намоён бўлиши керак. Бунинг учун ҳамма жойда ва ҳамма соҳаларда янада кўпроқ ишчанлик, талабчанлик, уюшқоқлик, тартиб-интизом бўлиши керак.

Ўзбекистон коммунистлари, барча меҳнаткашлари КПСС Марказий Комитети январь Пленуми ўртага қўйган вазифаларни ҳал этишга ўзларининг бутун куч, билим ва ғайратини сарфлайдилар, хўжалик ва маданий қурилишнинг барча йўналишларида фаол, дадил, ижодкорлик билан ва фидокорона меҳнат қиладилар, деб ишонч билдиришга рухсат этгайсизлар.

ЎЗБЕКИСТОН КОМПАРТИЯСИ МАРКАЗИЙ КОМИТЕТИ V ПЛЕНУМИНИНГ ҚАРОРИ

КПСС МАРКАЗИЙ КОМИТЕТИ 1987 ЙИЛ ЯНВАРЬ ПЛЕНУМИНИНГ ЯКУНЛАРИ ВА РЕСПУБЛИКА ПАРТИЯ ТАШКИЛОТИНИНГ ҚАЙТА ҚУРШНИ ЖАДАЛЛАШТИРИШ ҲАМДА КАДРЛАР БИЛАН ИШЛАШНИ ТАКОМИЛЛАШТИРИШ СОҲАСИДАГИ ВАЗИФАЛАРИ

Ўзбекистон коммунистлари ва меҳнаткашлари КПСС Марказий Комитети 1987 йил январь Пленумини мамлакатимиз ижтимоий-сиёсий ҳаётидаги муҳим воқеа сифатида қутиб олдилар, Пленум партия ташкилотларини қайта қуриш ҳамда кадрлар билан ишлашни такомиллаштириш программаси билан қуролландирди.

КПСС Марказий Комитети Пленуми талаблари позициясидан қараганда бизнинг проблемаларимиз ва уларни келтириб чиқарган сабаблар яққолроқ кўринмоқда. Бир неча йиллар давомида республика экономикасида, социал соҳасида турғунлик ва ўпирилишларга, партия турмуши ленинча нормалари ва принципларининг қўпол бузилишига, ғоявий-сиёсий, меҳнат ва маънавий тарбияда оғишларга, социал адолат принциплари бузилишига йўл қўйиб келинди. Ишлаб чиқариш ва техника потенциалининг ўсиши унинг самараси тегишли даражаси билан, зарур социал ўзгаришлар билан бир хилда бўлмади. Туб аҳоли ҳисобидан саноатда ишчилар синфининг шаклланиш жараёни секинлашди. Меҳнатга лаёқатли аҳолининг иш билан таъминланишини ошириш муаммолари эътибордан четда қолди.

Раҳбарлик методларида консерватизм, тайёрга айёрлик ва маҳаллийчилик ёндашувлари устун бўлди. Интизом, кадрларга нисбатан талабчанлик бўшашиб кетди, қариндош-уруғчилик ва юртдошлик, бир-бирини қўллаб-қувватлаш авж олди. Алдаш, қўшиб ёзиш, социалистик мулкни талон-торож қилиш ва порахўрлик муҳити вужудга келди. Ўзбекистон салбий жараёнлар энг хунук формада намоён бўлган регионлар каторига тушиб қолди.

КПСС Марказий Комитетининг ёрдами, Ўзбекистон Компартияси Марказий Комитети XVI пленумидан кейин қамчиликларни бартараф этиш юзасидан қўрилган чоралар республикада вазиятни соғломлаштиришга ёрдам берди. Иқтисодий ва социал ҳаётда, ташкилотчилик ва сиёсий ишларда баъзи ижобий ўзгаришлар кўзга ташланди. Бироқ қилинган ишларни КПСС Марказий Комитети январь Пленуми позицияларидан туриб талабчанлик билан объектив таҳлил этиш яхшиланиш сари ўзгариш жуда секин бораётганлигини, қайта қуриш иши янада қийин ва мураккаб эканлигини кўрсатмоқда. Кадрларнинг эскича фикрлаши, янгича ишлай олмаслиги, зиммасига катта масъулиятни олишни истамаслиги оқибатида хўжалик ва маданий қурилишнинг қўп соҳаларида жиддий натижаларга эриша олмадик.

Республика партия ташкилоти КПСС Марказий Комитети январь Пленуми қарорларини оғишмай ижро этиш учун қабул қилар экан, қайта қуриш, унинг барча йўналишлари бўйича ишларни активлаштириши, реализм позицияларида каттик туриши лозим. Кадрлар билан ишлаш такомиллаштирилиб, бу ишлар қайта қуриш ва жадаллаштириш вазифаларига мослаштирилиши керак.

I

Пленум вужудга келган потенциалдан тўла-тўқис фойдаланиш ва ижтимоий ишлаб чиқаришни интенсивлашни республика экономикасини қайта қуришнинг асосий мақсади, деб ҳисоблайди. Бу раҳбарлар ва мутахассислардан янгича ёндашувни, халқ ҳўжалигидаги барча кадрлар малакасини оширишни, меҳнат ресурсларини ижтимоий ишлаб чиқаришга тўла жалб этишни, фаннинг, бошқарув иқтисодий методларининг ролини кучайтиришни талаб қилади.

Ҳозирги вақтда ишлаб чиқаришни реконструкциялаш ва техника билан қайта қурулантириш масалаларида ҳўжалик юретишнинг экстенсив методларига аввалгидек зўр бериш сезиларли намоён бўлмоқда. Съезднинг машина-созликни жадал ривожлантириш тўғрисидаги талаби бажарилмаяпти. Қувватлардан, меҳнат ресурсларидан яхшироқ фойдаланиш учун корхоналарни икки ва уч сменали иш режимига ўтказиш каби катта резерв кам ишга солинмоқда. Бир қанча корхоналарда давлат кабули жорий этилишига етарли тайёргарлик кўрилмаганлиги ишда узилишларга ва маромнинг бузилишига олиб келди, ҳўжалик юретишнинг янгича шароитида самарали ишлашга кодир эмасликни кўрсатди. Маҳсулот сифатини яхшилашда кўзга кўринарли силжиш бўлмаяпти. Халқ истеъмоли товарлари ишлаб чиқаришга ялпи маҳсулот нуктаи назаридан ёндашиш бу товарлар хилининг камайишига, истеъмол хусусиятларининг пасайишига олиб келди, корхоналарни аҳоли учун зарур буюмларни ишлаб чиқаришга йўналтирмапти.

Агросаноат комплексига раҳбарликда тубдан қайта қуриш бўлмаяпти, қоғозбозлик, маъмуриятчилик, тазйик ўтказиш услуби устунлик қилмоқда. Директив органлар ходимларининг қишлоқ ҳўжалик ишлаб чиқаришини бошқаришга ишнинг кўзини билмай аралашилари мутахассислар ролининг камситилишига олиб келмоқда. Ҳўжалик юретишнинг иқтисодий методлари эътибордан четда қоляпти, коллектив ва оила пудрати, ҳўжалик ҳисоби, харажатларни ҳисобга олишнинг чек системаси журъатсизлик билан ва билиб-билмай жорий этилмоқда. Агротехника, ишларни механизациялаш даражаси пастлигича қолмоқда. Мелиорация масалаларида қайси ишларни устун қўйиш кераклиги қайта кўриб чиқилмаган. Буларнинг ҳаммаси қишлоқ ҳўжалик экинлари ҳосилдорлиги ва чорвачилик маҳсулдорлигини оширишга тўсқинлик қилмоқда. Республикада қишлоқ ҳўжалигида банд бўлган ҳар бир одам ҳисобига мамлакатдаги ўртача даражадан икки баравар кам маҳсулот етиштирилмоқда. Озиқ-овқат программаси топшириқлари бажарилмай қолмоқда.

Капитал қурилишни бошқаришдаги эскича ёндашувлар бу тармоқдаги оғир аҳволнинг асосий сабабларидан биридир. Инвестиция жараёни қатнашчиларининг интизоми қониқарсизлигича қолмоқда ва бу сарфланган капитал маблағлар самарадорлигининг пасайишига, уй-жой ва маданий-маиший объектлар ўз вақтида ишга туширилмаслигига олиб келмоқда.

Корхоналар ва ҳўжаликларни тўла ҳўжалик ҳисобига, ўзини-ўзи маблағ билан таъминлаш ва ўз харажатларини ўзи қоплашга ўтказишга тайёргарлик катта қийинчиликлар билан бормоқда. Ишлаб чиқариш нормал фаолиятининг асосий омили бўлган шартномага мувофиқ маҳсулот етказиб бериш барбод этилмоқда. Планлаштириш, молия органлари планлаштириш ва ҳўжалик юретишнинг янги методларига тегишлича таъсир ўтказмаяпти. Маъмурий-бошқарув аппаратининг ҳаддан ташқари катталиги қайта қуришга тўсқинлик қилмоқда. Республика Фанлар академияси, илмий-тадқиқот ва лойиҳалаш ташкилотлари ўз ишларини секинлик билан қайта қурулмоқдалар. Илмий-тадқиқотларнинг натижадорлиги кам самаралилигича қолмоқда. Тармоқлараро фан-техника марказлари барпо этиш пайсалга солинмоқда, уларнинг амалий самараси жуда кам.

Ўзбекистон Компартияси Марказий Комитетининг пленуми Марказий Комитет Бюросига, республика ҳукуматига, жойлардаги партия ва совет органларига экономикада юз берган аҳволнинг сабабларини батафсил таҳлил қилиб, ишлаб чиқарувчи кучларни ривожлантириш ва жойлаштириш масалаларига программавий мақсадларни кўзлаб ёндашувни ишлаб чиқишни ва шу асосда

аҳолининг ижтимоий ишлаб чиқаришда тўла банд бўлишига эришишни, вужудга келтирилган ишлаб чиқариш ва фан-техника потенциалидан фойдаланишни яхшилашни, мавжуд катта социал проблемаларни ҳал қилишни жадаллаштиришни топшириш зарур, деб ҳисоблайди. Ўн иккинчи беш йилликка планлаштирилган асосий техникавий-иқтисодий кўрсаткичларни ўстириш суръатларини кўпайтириш юзасидан амалий чоралар кўрилсин, шу йўл билан 1986 йилда бу кўрсаткичларни бажаришда йўл қўйилган қоқоқлик 1987—1988 йиллар давомида бартараф этилсин.

Пленум республика халқ хўжалигининг моддий-техника базасини, фан-техника тараққиётининг ҳозирги ютуқларини, структура ва инвестиция сиёсатининг ўзгарганлигини ҳисобга олиб, барча тармоқларни чуқур реконструкциялаш асосида тубдан ўзгартириш талаб қилинади, деб ҳисоблайди. Бу ишда қишлоқ хўжалик машинасозлигини, электротехника ва химия саноатини, шунингдек металлургия, кўмир, газ саноатини, нефть қазиб чиқаришни, қайта ишлаш тармоқларини модернизациялаш ҳал қилувчи аҳамиятга эгадир.

Бошқарувни ва умуман хўжалик механизмини такомиллаштириш юзасидан катта чора-тадбирларни амалга ошириш керак. Бу ишда экономикани хўжалик юритиш янги шароитлари ва методларига ўтказиш, министрликлар, идоралар структурасини такомиллаштириш, тармоқлараро йирик фан-техника марказлари барпо этиш, академия, олий ўқув юрти ва тармоқ фанини аниқ мувофиқлаштириш вазифаларини ҳал этишга муҳим ўрин ажратилади. Илмий-тадқиқот ташкилотларининг фаолияти илмий ечимлар жорий этиш натижаларига, уларнинг ишлари самарадорлигига бевосита боғлиқ қилиб қўйилсин. Умумиқтисодий идоралар, уларнинг жойлардаги органлари вазифаларини анча ўзгартириш талаб қилинади. Партиянинг марказни тармоқлар, бирлашмалар ва қорхоналарнинг майда-чуйда ишларига васийлик қилишдан озод этиш билан бир пайтда экономика қуйи бўғинларининг мустақиллигини кенг ривожлантириш йўлини амалда рўёбга чиқариш учун иқтисодий идоралар, уларнинг жойлардаги органлари ишини қайта қуришни жадаллаштириш ва уларнинг вазифаларини аниқ белгилаб бериш лозим. Халқ хўжалигини планлаштиришга ёндашиш тубдан яхшиланишига, планларни ишлаб чиқиш чоғида субъектив ёндашув тугатилишига, бу планларнинг илмий жиҳатдан асосланган, барқарор ва мутаносиб бўлишини таъминлашга эришилсин.

Саноатда вужудга келтирилган ишлаб чиқариш потенциалининг самарадорлиги оширилсин, илғор ускуналардан кечаю-кундуз фойдаланишга эришилсин. Халқ хўжалигининг барча тармоқларида икки ва кўп сменали иш режимиға ўтиш жадаллаштирилсин. Ишлаб чиқарилаётган маҳсулот сифатини яхшилаш юзасидан конкрет тадбирлар амалга оширилиб, ҳамма жойда давлат қабули системасини жорий этишга тайёргарлик ишлари олиб борилсин, барча бўғинлардаги кадрларни ўқитишга алоҳида эътибор берилсин.

Агросаноат комплексига Озик-овқат программаси топшириқларини бажаришни, интенсив технологияларни, хўжалик юритишнинг иқтисодий методларини жорий этиш, ер-сув ресурслари, техникадан самарали фойдаланиш асосида барча тармоқларни жадал ривожлантириш қайта қуришнинг бош вазифаси, деб ҳисоблансин. Бригада, оилавий пудрат, тўла хўжалик ҳисоби қатъият билан амалга оширилсин. Шу асосда қишлоқ хўжалик экинларининг ҳосилдорлигини ва жамоат қорвачилигининг маҳсулдорлигини кескин оширишга эришилсин. Аҳолини озик-овқат маҳсулотлари билан таъминлаш анча яхшилансин, яқин йиллар давомида республикани гўшт ва сут маҳсулотлари билан иложи борича кўпроқ ўз-ўзини таъминлаш сари борилсин. Қорхоналар ва ташкилотларнинг ёрдамчи хўжаликлари, шунингдек граждандарнинг шахсий хўжаликлари фаол ривожлантирилсин.

Марказий Комитет пленуми пахтачиликнинг агросаноат комплексига ҳамда республика экономикасидаги ўрни ва ролини, шунингдек мамлакат халқ хўжалиги учун унинг аҳамиятини ҳисобга олиб, Ўзбекистон ССР Министрлар Советига пахта етиштириш, йиғиштириб олиш ва қайта ишлашга оид ишларнинг аҳолини чуқур ва ҳар томонлама таҳлил этиш вазифасини юқлайди. Дехқончиликнинг умумий структурасида ғўзани оқилона экишни таъминлайдиган аниқ чора-тадбирлар белгилансин ва амалга оширилсин. Енгил саноатда гоят харидоргир тола чиқадиган серҳосил навларни кенг қўламда маданийлаштиришга оид ишлар изчил

ва катъият билан олиб борилсин. Ғоят қисқа муддат ичида пахтани машинада териб олиш саноат ишчилари, студентлар ва мактаб ўқувчиларини теримга жалб этишни истисно қиладиган даражага етказилсин, 1987 йилда ҳосилнинг 60 проценти машиналар билан йиғиштириб олинсин.

Ўзани дефолиация қилиш учун бутифосдан фойдаланиш тўхтатиб қўйилганлиги муносабати билан дефолиация муаммоси тубдан ҳал этишни талаб қилади. Шундан келиб чикиб, Ўзбекистон ССР Фанлар академиясига олимлар ва мутахассислар куч-ғайратини ўсимликларга таъсири юқори самарали бўлган ва айни вақтда атроф муҳитга зарарсиз дефолиантларни ишлаб чиқиш, синовдан ўтказиш ва ишлаб чиқаришга топширишга жамлаш вазифаси юклатилсин.

Партия ва ҳукуматнинг капитал қурилишни такомиллаштириш масалаларига оид қарорлари катъият билан рўёбга чиқарилсин. Қурилиш комплексини индустриал ва ташкилий жиҳатдан янги даражага кўтаришга, инвестиция циклини анча қискартиришга эришилсин. Ишлаб чиқариш базасини модернизациялаш изчил амалга оширилсин, мавжуд қувватлар тўла-тўқис ишга туширилсин, бинокорлик буюмларини ва конструкциялар, маҳаллий қурилиш материалларини ишлаб чиқаришда илғор технологиялардан фойдаланиш кенгайтирилсин. Беш йилликнинг охиригача саноат корхоналари ва қишлоқ хўжалик ташкилотларида ишларни хўжалик ҳисобида юритиш учун ремонт-қурилиш бўлинмалари ташкил этилсин. Тармоқнинг барча корхоналари коллектив пудрат усулига ўтказилсин. Қурувчиларнинг ишлаб чиқариш-маиший шароитини яхшилашга, кадрлар тайёрлашга ва малакасини мунтазам ошириб боришга алоҳида эътибор берилсин.

II

Пленум аҳолининг маънавий ва моддий эҳтиёжларини энг кўп даражада тўла-тўқис қондириш, инсон омили ролига, жамият турмушининг барча масалаларини ҳал этишда меҳнаткашларнинг актив иштирокига энг кўп даражада эътибор бериш социал-сиёсатда қайта қуришнинг энг муҳим йўналиши эканлигини таъкидлайди. Бундай ёндашув республикада аҳолини уй-жой, социал-маданий-маиший объектлар билан таъминлаш муаммоси ҳамон ўткир бўлиб қолаётганлиги учун ҳам зарурдир. Маиший хизмат, соғлиқни сақлаш соҳасида, транспорт ва алоқа корхоналарининг ишида анчагина камчиликлар мавжуд.

Пленум Марказий Комитет бюроси, республика Министрлар Совети, Ўзбекистон қасаба союзлари республика Совети, республика комсомоли Марказий Комитети, жойлардаги партия, совет, хўжалик органлари ва жамоат ташкилотлари социал соҳани ривожлантиришдаги доимий қолоқликни бартараф этиш юзасидан ғоят шошилиш чоралар кўришлари зарур, деб ҳисоблайди. Уй-жой муаммосини ҳал этиш учун планлар ҳар йили бажарилиши таъминлансин, кооператив ва яқка тартибда уй-жойлар қуриш энг кўп даражада ривожлантирилсин, ҳамма жойда қурилиш материаллари ишлаб чиқариш ва уларни аҳолига сотиш йўлга қўйилсин. Партия, совет органлари ва агросаноат комплексининг бошқарув органлари раҳбарлари совхозларнинг директорлари ва колхоз раислари зиммасига уй-жой муаммоси ҳал этилиши ва қишлоқни социал қайта қуриш учун жавобгарлик юклатилсин. Меҳнат коллективларида ҳар бир меҳнаткашни уй-жой билан таъминлашнинг тармоқ комплекс программаси ишлаб чиқилсин. Район, шаҳар ва областлар микёсида шундай программаларни ишлаб чиқиш чоғида соғлиқни сақлаш объектларини, мактаблар ва мактабгача тарбия муассасаларини, маданият ва спорт, савдо ва умумий овқатланиш объектларини мутаносиб ривожлантириш кўзда тутилсин. Ҳамма жойда аҳолига хизмат кўрсатувчи кооперативлар ташкил этиш учун шарт-шароит яратилсин. Маиший хизмат соҳасини техника билан қайта жиҳозлаш учун маблағлар қидириб топилсин. Мазкур тармоқлар ходимларининг малакасини мунтазам ошириб бориш системаси вужудга келтирилсин.

Социал адолат принципи изчил амалга оширилсин, меҳнатга ҳақ тўлашда тенгчилик тенденциялари бартараф этилсин, истеъмолчиликка қарши кураш олиб борилсин, уй-жойларни, моддий неъматларни тақсимлашда ҳар қандай номуносиб имтиёзлар бекор қилинсин.

III

Республика партия ташкилоти олиб бораётган идеологик ишларнинг республика аҳолисининг дунёқараши ва эътиқодини шакллантиришга таъсирини кучайтириш, аҳолининг меҳнат ва сиёсий фаоллигини ошириш мақсадида уни қайта қуриш зарур. Пропаганда ва ғоявий-тарбиявий ишларга ҳар бир киши онгига етиб борадиган тарзда илмий асосланган, ҳужумкорлик тусини бериш керак.

Мана шу талабларни назар-писанд қилмаслик одамлар психологиясига ва дунёқарашига, жамиятдаги маънавий иқлимга салбий таъсир кўрсатди, кўпгина идеалларимиз ва кадриятларимизга сезиларли зарар етказди.

Пленум Марказий Комитет бюроси ва бўлимлари, область, шаҳар ва район партия комитетлари, бошланғич партия ташкилотлари зиммасига ғоявий-тарбиявий ва оммавий-сиёсий ишларга системали ёндашувни таъминлаш, кўзбўямачиликка, расмийчиликка барҳам бериш ва бу ишларни қайта қуриш ҳамда жадаллаштириш вазифаларига бўйсундириш, ҳар бир коммунистда, меҳнаткашда юксак ғоявий эътиқод, сиёсий маънавий-ахлоқий фазилатларни шакллантириш, ҳар бир кишининг амалга оширилаётган чуқур ўзгаришларда ўз ўрнини топишига кўмаклашиш вазифасини юклайди. Меҳнаткашларни, айниқса ёшларни ватанпарварлик, интернационализм руҳида тарбиялаш масалалари билан янада асосли шуғулланилсин. Йигитларни Совет Армияси сафларида хизмат қилишга тайёрлаш даражаси оширилсин. Диний хурофотларни, ўтмишнинг бошқа сарқитларини бартараф этишга оид ишлар ҳужумкорлик билан олиб борилсин, ана шундай кўринишларнинг узоқ давом этиши сабаблари аниқлансин ва тугатилсин. Раҳбар ходимлар, барча коммунистлар тарбиявий ишларга кенг жалб этилсин, мафкуравий жабҳалар партиянинг йўлини самарали ўтказишга қодир бўлган юксак малакали, тайёргарликдан ўтган кадрлар билан мустаҳкамлансин.

Партия талабларига мувофиқ тарзда сиёсий ўқиш ва меҳнаткашларнинг иқтисодий таълимини қайта қуриш ишлари авж олдирилсин. Умумтаълим ва ҳунар мактабини ислоҳ қилишга, олий ва ўрта махсус таълимни қайта қуришга эътибор кучайтирилсин. Ўқувчиларнинг касбга йўналтирилиши яхшилансин, қонунга қатъий риоя этилган ҳолда ўсмирлар меҳнатидан фойдаланилсин. Маданият ва спорт муассасалари, ижодий союзларнинг фаолияти активлаштирилсин. Оммавий ахборот воситалари илғор тажрибани кенг пропаганда қилсинлар, ошкораликни қарор топтирсинлар, воқелик ҳолисона ёритилсин, айрим фактлар ва салбий ҳодисаларни қайд этиш билан кифояланмасдан, уларнинг пайдо бўлиш сабаблари очиб ташлансин.

Пленум ҳуқуқни муҳофаза қилиш органларига партия комитетлари ва бошланғич ташкилотлар, маҳаллий Советларнинг ижроия комитетлари, халқ контроли органлари ва жамоат ташкилотлари билан биргаликда социалистик мулкни асрашни таъминлаш, қонун ва ҳуқуқ-тартиблар бузилишини ўз вақтида аниқлаб, унинг олдини олиш, совет кишилариининг шаъни ва кадр-қимматига бўладиган тажовузларга қарши кескин курашиш юзасидан ўз фаолиятини активлаштиришни топширади. Саноат, қурилиш ва бошқа соҳаларда иш олиб боришнинг хавфсизлигини таъминлаш учун контрол кучайтирилсин ва ҳўжалик раҳбарларига нисбатан талаб оширилсин.

Ичкиликбозлик, ғиёҳвандликка қарши, текинхўрларча турмуш кечираётган, меҳнатсиз даромадлар ҳисобига яшаётган шахсларга қарши ҳужумкор кураш кучайтирилсин. Прокуратура, суд ва милиция ходимлари ўртасида тарбиявий иш кучайтирилсин, бу органлар тажрибали, ҳалол, ўз ишига садоқатли кадрлар билан мустаҳкамлансин, улар демократия ва ошкоралик кенгайган шароитда ишлашга ўргатилсин.

IV

КПСС Марказий Комитетининг январь Пленумида белгилаб берилганидек, қайта қуришнинг муваффақияти кадрлар революцион ўзгаришларни нечоғлик тез ва нечоғлик теран идрок этиб олишларига, улар нечоғлик қатъият, ғайрат-

шижоат ва билимдонлик билан ишлашларига ҳал қилувчи тарзда боғлиқдир. Кадрлар билан ишлашни такомиллаштириш қайта қуришнинг ўзаги бўлиши лозим, чунки кадрлар партия ғояларининг дарғалари бўлиб, уларни амалга оширишнинг ташкилотчиларидир. Аммо ходимларнинг анчагина қисми ҳали қайта қуришнинг моҳиятини зарур тарзда англаб етганича йўқ. Кўпгина участкалар ҳозирча сиёсий етук, малакали раҳбарлар билан мустаҳкамланмаган. Янгидан кўтарилган айрим ходимларга билим ва тажриба етишмаяпти, уларга кам ёрдам берилмоқда. Кадрлар кенг кўламда янгиланаётганида уларни кўтаришга анкета орқали ёндашувга, шошмасошарликка, бефарқликка йўл қўйилмоқда, бу эса кўпинча кадрларни алмаштиришга олиб келмоқда. Кадрлар резерви билан дуруст иш олиб борилаётгани йўқ. Хотин-қизлар, ёшлар, илгор ишчи ва колхозчиларни раҳбарлик ишларига кўтаришда нотўғри тушунчага барҳам берилмаган.

Партия, совет ва хўжалик органларининг ҳамда жамоат ташкилотларининг фаолиятида янги форма ва методлар, демократик негизлар, кадрлар резервини ошкора танлаш, коммунистларнинг, аввало раҳбарларнинг ҳисоботини, уларга берилаётган характеристикаларни тасдиқлашни жорий этиш сушт бормоқда. Сайлаб қўйиладиган органлар аъзоларининг анчагина қисми ишга жалб этилмаган. Шаҳар, район партия комитетлари қайта қуришда актив позицияни эгаллашгани йўқ, уларнинг кўпчилиги қуйи партия бўғинларидан, меҳнат коллективларидан ажралган ҳолда ишламоқда. Қабул қилинган қарорларнинг бажарилишини ташкил этиш ҳозирча партия ташкилотларининг асосий ишига айлангани йўқ.

Кадрларни танлаш, жой-жойига қўйиш ва тарбиялашнинг ленинча принципларига катъиян риоя қилиш Марказий Комитет бюроси, область, шаҳар ва район партия комитетлари, бошланғич партия ташкилотларининг асосий вазифаси, деб ҳисоблансин. Партиянинг ижтимоий ҳаётни демократлаштириш, ошқораликни кенгайтириш, танқид ва ўз-ўзини танқидни ривожлантириш тўғрисидаги йўл-йўриқлари изчиллик билан амалга оширилсин.

Барча участкалар сиёсий ва ахлоқий етук, қайта қуриш шароитида партия сиёсатини муваффақиятли амалга оширишга қодир бўлган ташаббускор, билимдон ходимлар билан мустаҳкамлансин, одамлар ҳақида ғамхўрлик қилинсин. Раҳбар кадрлар состави ҳамиша янги қучлар билан тўлдириб борилиши, уларнинг давомийлиги таъминлансин, асосланмаган алмаштиришларга йўл қўйилмасин. Партия ва давлат органларида барча миллат кишиларининг вакиллари бўлишига риоя қилинсин. Кадрлар бўлимларидаги фаолиятнинг аҳволи учун министрликлар ва идоралар, корхоналар ва ташкилотлар раҳбарларига бўлган талаб оширилсин. Кадрлар резервини таркиб топтириш ва уларни кўтаришда одамлар билан кўпроқ маслаҳатлашилсин. Бир неча номзодларнинг муҳокама қилиниши ва ёпиқ овоз берилиши йўли билан меҳнат коллективлари раҳбарларини, партия комитетлари секретарларини сайлаб қўйиш, партия, совет, касаба союз, комсомол ва хўжалик кадрларини аттестациядан ўтказиш практикаси қонда тариқасида жорий этилсин. Қариндош-уруғчиликка ва кадрларни шахсий садоқати ва юртдошлик аломатларига қараб танлашга йўл қўйилмасин. Раҳбарлик ишига ишчилар ва колхозчилар, партиясизлар, хотин-қизлар дадиллик билан кўтарилсин. Кадрларнинг мунтазам ўқуви ташкил этилсин.

Марказий Комитет бюроси, область, шаҳар, район партия комитетлари, бошланғич партия ташкилотлари, совет ва хўжалик органлари кадрлар фаолиятининг натижаларига баҳо беришда юксак принципиаллик кўрсатсинлар, кадрларнинг масъулиятини оширсинлар, партия ва давлат интизомини бузувчиларга қарши курашда, қўшиб ёзишга ва кўзбўямачиликка уринишларга, ишнинг ҳақиқий аҳволини бўяб кўрсатишларга қарши курашда бўшаёувчанликка сира йўл қўймасинлар. Раҳбар ходимлар томонидан партия ҳаётининг норма ва принциплари бузилиши фактларининг пайи катъият билан қирқилсин, партия ҳаётининг норма ва принципларини бузаётган шахсларга принципиал партиявий баҳо берилсин ва улар факат оддий ишга юборилсин.

Сиёсий раҳбарлик органлари сифатида шаҳар ва район партия комитетларининг ишини қайта қуришга алоҳида эътибор берилсин. Ҳар бир партия комитети янги ғояларнинг ижодкори ва дарғаси бўлишига, ўз фаолиятининг марказини омма

ўртасида жонли иш олиб боришга, қабул қилинган қарорларнинг амалда бажарилишини ташкил этишга ўтказишга эришилсин. Бошланғич партия ташкилотлари ишини активлаштиришнинг самарали йўллари топилсин, уларга фаолиятнинг янги форма ва методларини эгаллаб олишда ёрдам берилсин. уларнинг жанговарлиги оширилсин. Йиғилишларни, партия комитетларининг пленумларини ўтказишда расмийчилик ва чора-тадбирларни қалаштириб ташлашга барҳам берилсин.

Ишда ошкоралик, партия органлари фаолиятининг ҳамма жиҳатлари тўғрисида сайлаб қўйилган активларни, коммунистларни ва меҳнаткашларни доимо хабардор қилиб туриш системаси қарор топтирилсин. Қандай лавозимда ишлашларидан қатъи назар, коммунистларнинг қилмишларини ошкора муҳокама қилишга, партия аъзосининг пок ва ҳалол қиёфаси учун курашишга алоҳида эътибор берилсин. Танқиддан холи зоналар яратишга ёки раҳбарларни танқиддан четда қолдиришга йўл қўйилмасин, раҳбарлар юқоридан ва қуйидан бўладиган қатъий назорат остида бўлсинлар. Ҳисобот даврида ҳар бир коммунист, раҳбар Устав талабларини ва ўзининг хизмат бурчини қандай бажараётгани ҳақида ҳисоб бериши зарур, деб топилсин. Ҳамма ерда характеристикаларнинг аҳамияти ва объективлиги кучайтирилсин, бу характеристикалар коммунистларнинг ва меҳнат коллективларининг йиғилишларида, коллегиал органларнинг мажлисларида тасдиқлансин.

Совет, касаба союз ва бошқа жамоат ташкилотларига раҳбарлик яхшилансин, уларнинг қайта қуриш жараёнида актив иштироки таъминлансин, бу ташкилотлар тажрибали кадрлар билан мустаҳкамлансин, социал-иқтисодий ривожланиш ва меҳнаткашларни коммунистик руҳда тарбиялаш вазифаларини ҳал этишда уларнинг роли ва масъулияти оширилсин. Партия комитетларига хос бўлмаган ҳўжалик вазифаларидан, ўзгалар учун масалаларни ҳал этишга интилишдан қатъиян воз кечилсин. Сайлов системасидаги ўзгаришлар ва қўп мандатли округлардаги эксперимент инobatга олиниб, халқ депутатлари маҳаллий Советларига сайловларга яхши тайёргарлик қўриш ва уни ўтказиш таъминлансин. Комсомолга партия раҳбарлиги даражаси оширилсин, насиҳатгўйликка, маъмуриятчиликка йўл қўйилмасин, ёшларнинг куч-ғайрати конкрет ишларга йўналтирилсин. Хотин-қизлар кенгашлари ва ветеранлар кенгашлари ишини ташкил этишда амалий ёрдам берилсин.



Ўзбекистон Компартияси Марказий Комитетининг пленуми республика партия ташкилоти ўз фаолиятининг услуб ва методларини қайта қуриш, кадрлар билан ишлашни такомиллаштириш асосида социал-иқтисодий ривожлантиришни жадаллаштиришга собитқадамлик билан эришаверади, КПСС XXVII съезди қарорларини бажаради деб КПСС Марказий Комитетини ишонтиради.

СОЦИАЛ-ИҚТИСОДИЙ РИВОЖЛАНИШНИ ЖАДАЛЛАШТИРИШ ПРОБЛЕМАЛАРИ

КПССнинг СТРАТЕГИК ЙЎЛИ

И. ИСКАНДАРОВ,

Ўзбекистон ССР Фанлар
академиясининг академиги

МАМЛАКАТ СОЦИАЛ-ИҚТИСОДИЙ тараққиётини жадаллаштириш КПСС XXVII съезди илгари сурган стратегик вазифалар ичида энг асосий вазифадир. У ишлаб чиқарувчи кучларни сифат жиҳатдан тубдан ўзгартиришнинг, ишлаб чиқариш муносабатларини, биринчи навбатда кишилар турмушининг иқтисодий, моддий ва маънавий шарт-шароитларини такомиллаштиришнинг энг муҳим йўналишларини, бутун сиёсий, ижтимоий ва идеологик муассасалар системасини активлаштиришни белгилаб беради. Шунингдек меҳнатнинг мазмуни ва характерида, фан-техника революцияси ютуқлари асосида жамиятнинг моддий-техника базасини тубдан янгилаш юзасидан принципиал вазифаларни ҳал этишда чуқур ўзгаришлар ясаш назарда тутилмоқда. Жадаллаштириш стратегиясини муваффақиятли ҳал этиш асримиз охирига бориб аҳоли жон бошига реал даромадларни 60—80 процент кўпайтириш имконини беради, бунинг учун СССРнинг миллий даромади икки баравар оширилиши керак. Ана шу ўсишларнинг ҳаммасига меҳнат унумдорлигини 2,3—2,5 баравар ошириш эвазига эришилади.

Бундан келиб чиқадики, жадаллаштириш стратегияси нафақат чуқур мазмунга ва аниқ мақсадли йўналишга, шу билан бирга аниқ ифодаланган иқтисодий параметрларга ҳам эгадир. Бу параметрлар ишлаб чиқариш коллективларини қайта қуришга, ижтимоий ҳаётнинг ҳамма томонларини янгилашга максимал кўмаклашадиган бошқарувнинг барча эшелонларини, сиёсий ва давлат раҳбарлигининг барча бўғинларини қамраб олади. Мазкур кескин бурилиш босқичининг моҳияти амалда ишнинг янги форма ва методларини топиб ҳамда эришилган муваффақиятларга берилиб кетмасдан оператив қайта қуришдан иборат. КПСС МК Бош секретари ўрток М. С. Горбачев партия Марказий Комитетининг январь (1987 йил) Пленумида қилган докладида шундай таъкидлади: «Қайта қуришнинг пировард мақсади равшан деб ўйлайман. У ҳам бўлса, мамлакат ҳаётининг барча томонларини тубдан янгилаш, социализмга ижтимоий ташкилотнинг энг замонавий формаларини бағишлаб, тузумимизнинг барча ҳал қилувчи соҳалари, иқтисодий, социал, сиёсий ва маънавий соҳаларда унинг инсонпарварлик характерини жуда тўлиқ намоён этишдан иборатдир».

Съезддан кейин ўтган даврда мамлакатни социал-иқтисодий ривожлантириш соҳасида эришилган жиддий силжишлар бу йўналишда аниқ мақсадни кўзлаб иш қилинаётганининг далилидир: план топшириқларини бажариш яхшиланди, ижтимоий ишлаб чиқаришни ўстириш суръатлари ошди, халқ фаровонлиги интенсив оширилмоқда. Қарор топган талабчанлик, ижодий ташаббускорлик ва новаторлик муҳити партия ва халқнинг ҳамма ишларига улкан сафарбарлик таъсири ўтказмоқда. Қайта қуриш умумий ва амалий характер касб этмоқда. Ўтган йили миллий даромадни ва саноат ишлаб чиқаришини ўстиришда 80-йиллардаги энг юксак натижага эришилди. Хуллас, беш йилликнинг биринчи йили партия илгари сурган жадаллаштириш стратегиясининг ҳаётийлигини ишонарли исботлади.

Шу билан бирга катор тармоқларда, кўпгина меҳнат коллективларида янгиликка секинлик билан ўтилаяпти. Бу жойларда ҳозирча сифат жиҳатдан кескин бурилишга эришилгани йўқ. Илмий-техника ишларининг миқёси гарчи ошган бўлса-да, лекин шу кун вазифаларига мос эмас. Кўпгина корхоналарда меҳнат унумдорлигининг ўсиши иш ҳақининг ошишига нисбатан орқада қолмоқда, ресурсларни тежайдиган технологиялар сустр жорий қилинмоқда, сифатсиз маҳсулотлар чиқарилмоқда. Бу эса КПСС XXVII съезди қўйган стратегик мақсадлар йўлидаги зарур ҳақиқий бурилишга эришиш учун ҳозирча барча куч-ғайратларнинг жамланмаганлигини кўрсатади.

Қайта қуриш динамизми коммунистик бунёдкорликнинг барча бўғинларидаги иш услублари ва методларини тубдан ўзгартириш, меҳнат коллективларининг ташаббускорлиги ва мустақиллигини ҳар тарафлама ривожлантириш зарурияти билан ҳам боғлиқдир. Бугунги кунда реализм позицияларида туриш, қилинган ишларни объектив баҳолаш, эришилган марраларга нафақат ўтмиш билан таққослаб, балки энг муҳими, партия ишлаб чиққан ва маъқуллаган планларга асосланиб назар ташлаш, ҳар бир коммунист, ҳар бир гражданинг давомли кизғин, фидокорона ишга бел боғлаши ҳаёт муҳимдир. Бу, КПСС МК январь Пленуми таъкидлаганидек, ягона тўғри партиявий ёндашувдир.

Совет кишиларининг моддий ва маънавий бой, социал сермазмун ҳаётини таъминлаш ва жамиятнинг сифат жиҳатдан янги ҳолатига эришиш учун зарур потенциал экономикада яратилади. Партия талаб қилаётганидек, юксак даражада ташкил топган ва самарали, ҳар томонлама ривожланган ишлаб чиқарувчи кучларга ва ишлаб чиқариш муносабатларига, яхши созланган хўжалик механизмига эга экономикага ўтиш таъминланиши лозим. Халқ хўжалигини принципаал жиҳатдан янги илмий-техникавий ва ташкилий-иқтисодий даражага кўтариш, уни интенсив ривожланиш йўлларида ўтказиш; ижтимоий меҳнат унумдорлиги ва маҳсулот сифатининг жаҳондаги энг юксак даражасига эришиш; мамлакат ягона халқ хўжалик комплексининг оптимал структураси ва баланслашувини; меҳнат ва ишлаб чиқаришни умумлаштириш даражасини бирмунча оширишни; колхоз-кооператив мулки билан умумхалқ мулкни истиқболда қўшиб юборишни кўзлаб уларни бир-бирига яқинлаштиришни таъминлаш керак бўлади.

Бу тўғридан-тўғри В. И. Ленин кўрсатмаларидан келиб чиқади. «Экономика тўғрисида кўпроқ гапирилсин, — деб ёзган эди у. — Лекин экономика тўғрисидаги гаплар «умумий» муҳокамалардан, олимона обзорлардан, интеллигентларча тузилган планлардан ва шу каби сафсаталардан иборат бўлмаслиги лозим. афсуски, экономика тўғрисидаги гаплар жуда кўп вақт айна сафсатадан иборат бўлади. Йўқ, ундай қилинмаслиги керак, биз экономика тўғрисида гапирганимизда чинакам янги ҳаёт қуриш соҳасидаги фактларни тўплаш, *яхшилаб текшириш* ва ўрганиш маъносида гапиришимиз керак» (Тўла асарлар тўплами. 37-том, 103-бет).

Ҳозирги босқичда фан-техника тараққиётини юксалтириш, жадаллаштиришнинг сифат жиҳатини таъминлаш учун экономикани ривожлантиришга доир вазифалар ана шу позициялардан туриб белгиланади. Ана шу жиҳатдан халқ хўжалигининг янги техникавий реконструкциясини амалга ошириш керак бўлади. бунда энг юксак иқтисодий ва социал самара берадиган илғор техникани кенг жорий этиш йўли билан ишлаб чиқариш апаратини жадал янгилаш биринчи даражали аҳамият касб этади. Чунки асосий саноат фондлари ўртача йиллик қийматининг ҳар бир сўми келтирадиган самарани атиги бир тийинга кўпайтириш умуман СССР индустрияси бўйича 6 миллиард сўмликдан кўпроқ қўшимча маҳсулот олишга тенгдир.

Халқ хўжалигини қайта қуриш йирик иқтисодий янгиликларнинг бутун бир системасига ўхшайди. Бу янгиликлар қуйидагилардан иборат: инвестиция сиёсатининг жиддий ўзгартирилиши, бунда асосий эътибор янги қурилишга эмас, реконструкцияга қаратилади; миқдорий кўрсаткичлардан сифат кўрсаткичларига, оралик натижалардан пировард натижаларга, ресурсларни оширишдан — улардан фойдаланишни яхшилашга қайта ориентациялаш. Буларнинг ҳаммаси прогрессив тармоқларни, ишлаб чиқариш ва социал инфраструктурани жадал ривожлантириш билан бир каторда ишлаб чиқарувчи кучларни жадал юксалтиришга, экономикамиз киёфасини тубдан ўзгартиришга янги таъсир қилади.

КПСС XXVII съездида шунингдек социал-иктисодий тараққиётнинг янги вазифаларини эски методлар асосида ҳал этиш мумкин эмаслиги таъкидланди. Бинобарин, хўжалик механизми жиддий қайта қуришга муҳтож. У социал-иктисодий тараққиётни жадаллаштириш манфаатларига тўла жавоб бериши ҳамда жамиятнинг ишлаб чиқарувчи кучларини бемалол ва интенсив ривожлантиришга имконият яратиши учун унинг чиқимли характерини бартараф этиш ва уни сифат ҳамда самарадорликни оширишга қаратиш вазифаси қўйилди.

Бирок ўзини окламаган юкори чиқимли сиёсатга ҳамма жойда ҳам лозимича оперативлик билан барҳам берилмаяпти. Масалан, бизнинг республикамиз кишлоқ хўжалик машинасозлиги тармоқларининг қарор топган структурасида улар асосан кўп металл сарфланадиган ва ғоят қимматга тушадиган осма ускуналар тракторларни ишлаб чиқаришга ихтисослашган, бундай тракторлар кўпроқ истеъмолчи манфаатларига зид бўлиб, ишлаб чиқарувчи манфаатларига мосдир. Лекин кишлоқ хўжалигига ва унинг етакчи тармоғи — пахтачиликка оддий чопик тракторлари фойдалироқ ва зарурроқдир, уларнинг қиймати осма ускуналар тракторларникига қараганда икки барабар арзон. Амалдаги хўжалик механизми бу зиддиятни ҳал этишга имкон бермайди, чунки барча план воситалари осма ускуналар тракторлар ишлаб чиқаришга мослаштирилган. Натижада шундай бўладик, бундай тракторларни харид қилган хўжаликлар улардан осма ускунасиз фойдаланишади, бу билан колхозлар ва совхозлар экономикасига катта зарар етказилади.

Шу муносабат билан Ўзбекистоннинг машинасозлик тармоқларида ҳозирнинг ўзидаёқ жиддий структуравий қайта қуришларни амалга ошириш лозим, бунда бу тармоқларни агросаноат комплексининг ишлаб чиқариш воситаларига бўлган жорий ва перспектив эҳтиёжларини ҳисобга олиб маҳсулот ишлаб чиқаришга қайта ориентациялаш керак бўлади. Фақат шу ҳолдагина хўжалик механизми иктисодий тараққиётнинг ўзгарувчан шарт-шароитларига ва ҳал қилинаётган вазифалар характерига мувофиқ бўлади.

Хўжалик механизмининг ўзи жадаллаштириш ва қайта қуришга актив таъсир кўрсата олмайди, у партия ва давлатнинг планга ҳамда бошқарувга оид йўл-йўриқларига тўлалигича амал қилсагина ва барча ижрочи органлар ҳамда масъул шахслар бу йўл-йўриқлар билан албатта қуролланган бўлсагина шундай натижага эришиш мумкин. Шу муносабат билан В. И. Лениннинг «... ижрочилик функциялари учун каттиқ жавобгарлик бўлсин, ҳар бир топширилган вазифа ва берилган буйруқ ишчанлик билан, интизом билан ихтиёрий суратда бажарилсин, булар хўжалик ишларининг ҳақиқатан ҳам соатдек тўғри юриб турмоғи учун зарурдир» деган кўрсатмасини эслаш ўринлидир (ТАТ, 36-том, 176-бет). Бу халқ хўжалигини марказлаштирилган ҳолда планлаштиришни ҳар тарафлама мустаҳкамлашга ва планли асосда раҳбарлик қилишда таксимотга оид ва товар-пул муносабатларининг ҳамма формаларини ҳамда уларни тартибга солиб турадиган социализмнинг объектив иктисодий қонуनларини ҳар томонлама ҳисобга олишга ва улардан фойдаланишга бирдай тааллуқлидир.

Ўн беш йил мобайнида жамиятнинг ҳамма аъзолари учун ниҳоятда муҳим бўлган проблемаларни ҳал этиш — совет кишиларининг фаровонлигини жиддий юксалтириш кўзда тутилаётганлиги ҳам КПСС XXVII съезди сиёсий йўлининг ўзига хос хусусиятидир. Шу мақсадда ўн иккинчи беш йилликдаёқ асосий озик-овқат маҳсулотларини истеъмол қилиш даражасини ошириш, ўн беш йил мобайнида эса аҳоли учун тавсия қилинадиган илмий асосланган озик-овқат нормаларига эришиш мўлжалланмоқда. Бунда амалда ҳар бир совет оиласини алоҳида квартира ёки индивидуал уй билан таъминлаш, аҳолининг юкори сифатли молларга ва хизматларга бўлган ўсиб бораётган эҳтиёжини тўла қондириш каби муҳим социал-иктисодий вазифалар ҳал қилинади. Бу марраларга эришиш мумкинлиги реал даромадларнинг доимий ўсиб бориши билан мустаҳкамланади, ўн беш йил ичида бу даромадлар аҳоли жон бошига 1,6—1,8 марта ошади.

Меҳнат соҳасини туб ўзгартириш борасида жиддий вазифаларни бажариш лозим бўлади. Қўл меҳнати улушини икки барабар қисқартириш мўлжалланмоқда, бу билан 20 миллиондан зиёд киши кам малакали ишдан холи қилинади. Ҳозирнинг ўзидаёқ меҳнатни янада мазмунли, ижодий, қизиқарли, jisмоний ва маънавий қобилиятларни ўстирадиган қилиш учун кўп иш қилинмоқда, меҳнатни

илғор техника ва технология билан куроллантириш кўп жиҳатдан ана шунга кўмаклашади. Бу тарихий аҳамиятга эга вазифа — социал адолатни энг юқори иқтисодий самарадорлик билан бирлаштириш вазифасининг амалий ҳал қилинишидир.

Партия кўраётган чора-тадбирлар комплексида меҳнатга қараб ҳақ тўлашнинг тартибга солинишига муҳим роль ажратилмоқда, чунки у ишчилар ва хизматчилар оилалари бюджетининг 70 процентига яқинини ташкил этиб, даромадлар структурасида асосий ўринни эгаллайди. Шу беш йилликда бу йўналишда қатор тадбирларни амалга ошириш мўлжалланган. Бунда гап нафақат иш ҳақини ошириш ҳақида, шу билан бирга моддий рағбатлантириш практикасини кескин яхшилаш тўғрисида ҳам бормоқда. Масалан, моддий ишлаб чиқариш соҳаси ходимлари учун янги, ўртача 25—30 процентга кўпайтирилган тариф ставкалари ва лавозим ойликлари жорий қилинмоқда, бу ставка ва ойликлар фақат корхоналарнинг ўзлари ишлаб топган маблағлар ҳисобидан тўланади. Бу билан иш ҳақи меҳнатнинг миқдори ва сифатига қатъий боғлиқ қилиб қўйилади. Ноишлаб чиқариш соҳаси тармоқлари ролининг ошиши ва шунга мувофиқ бу соҳа ходимлари меҳнат ҳақининг оширилиши ўн иккинчи беш йилликнинг ўзига ҳо ҳусусиятларидан биридир.

Натижада ишчи ва хизматчиларнинг ўртача иш ҳақи 15 процент ошади ва ойига 218 сўмга етади, колхозчиларнинг меҳнат ҳақи эса ўртача 18 процент кўпаяди. Бунда колхозчиларнинг реал даромадлари шахсий томорқа хўжалигидан келадиган тушумлар билан қўшиб ҳисоблаганда амалда ишчи ва хизматчиларнинг даромадлари билан тенглашади, бу КПССнинг шаҳар билан қишлоқ орасидаги жиддий тафовутларга барҳам беришдек программaviй вазифасини ҳал этишнинг муҳим шартидир.

Кишиларнинг ижтимоий истеъмол фондларидан оладиган неъматлар ҳажмининг оша боришида ҳам социал адолат намоён бўлади. Улар беш йиллик мобайнида 25 процентга ошади, бу 1990 йилга бориб жон бошига 635 сўмни ташкил этади. Жамиятнинг меҳнатга лаёқатсиз аъзолари — болалар ва кексаларга давлат гамхўрлиги жиддий кучаяди.

Партиянинг жамиятимиз барча табақалари ва социал группаларининг фаровонлигини янада оширишга қаратилган принципаал йўлини амалга ошириш меҳнатсиз даромадларнинг ҳар қандай формаларига қарши муросасиз кураш билан қўшиб олиб борилмоқда. Бу турли хил ҳа бўл-ҳа бўлчиликларни бутунлай истисно қиладиган мураккаб жараёндир. Шубҳасиз, меҳнатсиз даромад олишга ҳеч қандай имкон қолмаслиги керак. Бироқ бу ўринда ҳам ўзининг хизматмавқайдан ғаразли мақсадлар йўлида фойдаланиб, давлат чўнтагига виждонсизларча, «етти марта ўлчаб» ва «яхшилаб ўйлаб» қўл суқадиган кимсалар билан ҳалол ва машаққатли меҳнати орқасидан қўшимча даромад топадиган кишиларни аниқ фарқлай билиш керак. Маҳаллий хусусиятлар ва шарт-шароитларни ҳисобга олиб меҳнатсиз даромадларнинг олдини олишга доир таъсирчан методларни ўз вақтида ишлаб чиқиш муҳим.

Социалистик тақсимот муносабатлари проблемаларини ишлаб чиқиш, хўжалик механизмини, жамият маҳсулотларини ишлаб чиқариш ва тақсимлашни ҳисобга олиш ҳамда назорат қилишни такомиллаштириш — меҳнатсиз даромадларга қарши курашнинг муҳим жиҳатидир. Мамлакатда, айниқса унинг айрим регионларида, шу жумладан Ўзбекистонда сўнгги йилларда бўлиб ўтган воқеалар шундан далолат берадики, ҳисоб-китобнинг бузилиши ва лозимича назоратнинг йўқлиги порахўрлик формасидаги меҳнатсиз даромадлар пайдо бўлишининг асосий сабаблари бўлган. Бу халқ хўжалигига катта зарар етказди.

Салбий ҳодисалар юзага келишининг сабабларини ўрганиш шуни кўрсатадики, бундай ҳодисаларнинг илдиэлари кўп жиҳатдан аҳолининг айрим қисми ўртасида хусусий мулкчилик психологиясининг тикланиши билан боғлиқдир. Шу муносабат билан В. И. Ленин ўз вақтида «...капитализмдан социализмга ўтиш даврида... ишчилар *синфининг* манфаатларини капитализм традицияларига (урф-одатларига) каттиқ ёпишиб олган ва Совет давлатига илгаригидек: «унга» озроқ ва ёмонроқ ишлаб бериб, «ундан» кўпроқ пул юлиб олиш керак, — деб қарашда давом этаётган бир ҳовуч, бир гуруҳ, бир тоифа ишчилардан кўриқлаш» лозим деб талаб қилган эди. У яна шундай деган эди: «Босқинчи, ифлос ва қонхўр капита-

измдан қолган бу мерос бизни ҳамма нарсадан кўра кўпроқ бўғмоқда, янчмоқда, илмоқда, эзмоқда, ҳалок қилмоқда» (ТАТ, 37-том, 104- ва 542-бетлар).

Партия жамиятнинг ҳар бир аъзосининг фаровонлиги ижтимоий бойлик тарафасига ва бу бойликни кўпайтиришга ана шу аъзо кўшадиган шахсий меҳнат қўлишининг кўпайишига тўғридан-тўғри боғлиқ бўлишига интилади. Бинобарин, ҳар қандай ҳолда ҳам жамият иқтисодий потенциалини кучайтиришга доир ва меҳнатсиз даромадларни бартараф қилишга оид чора-тадбирларнинг амалга оширилиши кишиларнинг турмуш шароитларини, улар фаровонлигини яхшилашга хизмат қилиши керак. В. И. Ленин таълим берганидек, «бизнинг ...фақат битта шioriимиз, битта мақсадимиз бор: кимки меҳнат қилса, у киши турмушининг ноз-неъматларидан фойдаланишга ҳақлидир. Меҳнаткаш халқнинг қонини сўрувчи текинхўрлар, ҳаромтомоқлар ана шу ноз-неъматлардан маҳрум қилиниши керак» (ТАТ, 37-том, 96—97-бетлар).

Ўз-ўзидан равшанки, В. И. Лениннинг бугунги кунда ҳам актуал бу вазиятларини бажариш учун давлат ҳокимияти органларининг барча бошқарув воситаларини ҳаракатга келтириш, салбий ҳодисаларни назарий ва амалий жиҳатдан бартараф этиш, мамлакат социал-иқтисодий тараққиётини жадаллаштиришнинг ишончли механизмини яратиш юзасидан революцион ҳаракетга эга ишларни ташкил этиш лозим.

Маълумки, Ўзбекистонда пахта тозалаш саноати салбий ҳодисалар энг кўп тарқалган нобоп тармок бўлиб чиқди, бу ерда давлат маблағларини ниҳоятда йирик миқдорда ўғирлашнинг усталик билан соналган (таъбир жоиз бўлса) системаси фош қилинди. Ҳолбуки, республика Фанлар академияси олимлари бундан чорак аср илгари пахта экадиган хўжаликларнинг ҳозирда амал қиладиган тайёрлаш ташкилотлари орқали пахта тозалаш саноати билан иқтисодий муносабатларининг амалдаги системасида шундай хавфли салбий тенденция пайдо бўлиши мумкинлиги тўғрисида илмий асосланган хулосалар чиқаришган эди. Афсуски, бу хулосалар яқин вақтгача эътиборга олинмай келди. Олимлар пахтани тайёрлаш, саклаш, қуриштириш ва тозалаш функцияларини тўғридан-тўғри пахта экадиган хўжаликларга бериш, ҳосилни қайта ишлашни эса илгаригидек пахта тозалаш саноати корхоналарида амалга оширишнинг социал-иқтисодий самарадорлигини ишонарли тарзда исботлаб беришган эди. Бу бир-бирига боғлиқ икки вазифани бирданига ҳал қилар эди: юқори сифатли маҳсулот етказиб бериш учун хўжаликларнинг масъулиятини оширар ва шу билан бирга илдиш отган салбий ҳодисаларнинг томирларини қўприб ташлар эди, булардан ташқари бошқа яна қатор иқтисодий афзалликларга эришилар эди. Ҳозирги кунда бу проблема «қотиб қолган жойидан» силжитилди: Ўзбекистон Компартиясининг XXI съезди уни зудлик билан рўёбга чиқариш кераклигини таъкидлади.

Лекин барибир пахта тозалаш саноатини қайта қуришга оид амалий ишлар суи бажарилмоқда, бу республиканинг бутун пахта комплексидаги қайта қуриш жараёнига тўсқинлик қилмапти. Амалдаги қоидаларнинг хўжалик механизмининг такомиллаштиришга оид янги тавсияларга тўғри келмаслиги бу ишга тўсқинлик қиладиган сабаблардан биридир. Ҳолбуки, КПСС МК июнь (1986 йил) Пленумида шундай таъкидланган эди: «Бизда неча ўн йиллар мобайнида тўпланган кўпдан-кўп инструкциялар, қоидалар ва методикалар съезднинг талаблари ҳамда съезддан кейин қабул қилинган қарорларга мувофиқ қайта ишлаб чиқирилиши, қайта қуришга зид бўлганларини эса қатъиян бекор қилиш зарур».

Шундай қилиб, қишлоқ хўжалигининг маҳсулотларининг кўп турлари, айниқса пахта юзасидан тайёрлаш системалари орқали саноат билан иқтисодий алоқаларининг амалдаги формалари қишлоқда ижтимоий ишлаб чиқариш афзалликлари-ни тўла ишга солиш йўлида тўсқинлик қилмоқда. Бу тармокнинг ишлаб чиқарувчи кучларида сўнгги йилларда катта туб ўзгартиришлар юз берди, тайёрлаш системаси эса ўзгармасдан қолаверди. Ишлаб чиқарувчилар билан истеъмолчилар ўртасида, тайёрлашни ташкил этиш ва бошқарув формалари билан қишлоқ хўжалик ишлаб чиқаришини интенсивлаштириш талаблари ўртасида зиддиятлар пайдо бўлди, бу қишлоқ меҳнаткашларининг пировард халқ хўжалик натижалари-дан манфаатдор эмаслигини, қатор салбий жараёнларни келтириб чиқарди.

КПСС XXVII съезди колхозлар ва совхозларнинг қайта ишлаш саноати, савдо ва умумий овқатланиш корхоналари билан бевосита алоқаларини активроқ

ривожлантиришни тавсия килди. Ана шунга амал қилиб, пахтани тайёрлаш ва сақлаш, қуриштириш ва тозалаш функцияларини бевосита колхозлар ва совхозларга бериш, уни қайта ишлашни эса пахта тозалаш саноатида қолдириш билан боғлиқ бутун масалалар комплексини оптимал ҳал этиш мақсадга мувофиқдир. Бу бошқарувнинг уч бўғинли системаси ўрнига икки бўғинли системани жорий этишга имкон беради, бу, бизнинг назаримизда, аграр секторнинг ва саноатнинг қишлоқ хўжалик маҳсулотларини, айниқса пахтани тайёрлаш ва қайта ишлашнинг пировард натижаларидан манфаатдорлигини ҳамда масъулиятини оширади. Ўзбекистон Компартияси МК XVI пленуми (1984 йил июнь) мазкур вазифани жадал ҳал этишни талаб қилди. Республика қишлоқ хўжалик ва пахта тозалаш саноати министрликларининг ягона системага бирлаштирилиши бунинг учун иқтисодий ва ташкилий шароит яратди. СССР давлат агросаноат комплексининг ташкил этилиши, шубҳасиз, жойларда бу жараёни янада тезлаштиради.

Мамлакатимизда ижтимоий ишлаб чиқариш, тақсимот ва айирбошлашнинг ҳамма бўғинларини қамраб оладиган ягона халқ хўжалик комплекси вужудга келди. Ўзбекистоннинг СССР миллий даромадини яратишдаги улуши 1965 йилдаги 2,8 процентдан 1985 йилда 4 процентга етди. Ўзбекистонга саноатни ривожлантириш учун ажратилган улкан пул маблағлари ва моддий ресурслар республиканинг мамлакатнинг йирик индустриал районларидан бирига айланишига ёрдам берди.

Катта маблағларни планли асосда сарфлаш натижасида республиканинг қишлоқ хўжалик ишлаб чиқаришини, бутун агросаноат комплексини юксалтиришда талайгина сифат ўзгаришлари юз берди. СССРда етиштирилаётган пахтанинг 62 проценти, қанопнинг 100 проценти, пилланинг 60 проценти, қорақўл терисининг 30 проценти, саноат учун муҳим хом ашё ҳисобланадиган бошқа маҳсулотларнинг анчагина қисми республикада тайёрланмоқда.

Ўзбекистон ССРнинг ижтимоий ишлаб чиқариш структурасида юз берган чуқур сифат ўзгаришлари, шунингдек унинг халқ хўжалигининг ихтисослаштирилиши республика экономикасининг бошқа қардош республикалар хўжаликлари билан узвий бирлашиб кетишига негиз яратди. Ҳозирги пайтда КПСС эътиборни ҳамма жойда фан-техника тараққиётини жадаллаштиришга, шу асосда ягона халқ хўжалик комплексини ривожлантиришга қаратмоқда, бу ўз навбатида республикаларнинг ўзаро иқтисодий алоқаларини такомиллаштиришни, умумиттифок меҳнат тақсимоти, ишлаб чиқариш кооперациясини чуқурлаштиришни, республикаларaro хўжалик ва фан-техника интеграциясининг янги форма ва методларини излаб топишни тақозо этади. СССРни иқтисодий ва социал ривожлантиришнинг 1986—1990 йилларга ҳамда 2000 йилгача бўлган даврга мўлжалланган Асосий йўналишларида шундай қайд қилинган: **«Барча иттифокдош республикаларнинг уйғун равишда иқтисодий ва социал ривожланиши таъминлансин.** Ишлаб чиқарувчи кучларни жойлаштириш такомиллаштирилсин. Республикалар ва иқтисодий районлар хўжаликларининг комплекс ривожланиши ва ихтисослашуви кучайтирилсин, уларнинг мамлакат ягона халқ хўжалик комплексини мустаҳкамлашга ва социал вазифаларни ҳал этишга қўшадиган ҳиссаси кўпайтирилсин».

Ўзбекистон ССР қишлоқ хўжалигида пахтачилик соҳасини устун даражада ривожлантиришнинг самарадорлигини баҳолашга ана шу нуқтаи назардан ёндашилаётган бўлса, унда бундай баҳолаш ижтимоий ишлаб чиқариш интенсивлигини ошириш вазифаларини меҳнат ресурсларини иш билан таъминлаш проблемаларини ҳал этиш билан оптимал тарзда қўшиб юборади. Чунончи, пахта етиштиришнинг ниҳоятда сермеҳнатлиги муносабати билан (бундай сермеҳнатлилик ғалла етиштиришдагига нисбатан 22 баравар ортиқдир) ер ресурсларидан ва шунга мувофиқ ер ўзлаштиришга кетадиган харажатлардан жуда катта иқтисод қилинади, чунки 1985 йилда республикада 1,98 миллион гектар майдондан олинган 5,4 миллион тонна пахтани етиштириш учун тахминан 120 миллион тонна ғалла етиштириш учун етарли миқдордаги ижтимоий-зарурий меҳнат сарфланган эди (бунчалик ғалла етиштириш учун ер фондларидан қарийб 80 миллион гектар ер ажратиш керак бўлур эди).

Ўн иккинчи беш йилликда Ўзбекистон ССРда миллий даромад 27 процент кўпаяди (ўтган беш йилликда 16 процент оширилган эди), шунга мувофиқ саноат маҳсулоти ишлаб чиқариш 28 процент ошади (ўтган беш йилликда

6 процент ошган эди), кишлоқ хўжалигининг ялпи маҳсулоти 16 процент ошади (ўтган беш йилликда 10,2 процент ошган эди), халқ хўжалигига сарфланадиган капитал маблағларнинг умумий ҳажми эса 12 процент кўпаяди. Комплекс тарзда социал-иқтисодий ривожлантириш асосида Қорақалпоғистон АССР, республика барча областларининг умумдават вазифаларини ҳал этишга кўшадиган улуши оширилади.

Яқин 15 йил ичида фан ва техника ютуқларидан кенг фойдаланиш, ишлаб чиқариш структурасида ва уни ташкил этишда прогрессив силжишларни амалга ошириш, меҳнат, технология ва давлат интизомини мустаҳкамлаш йўли билан ишлаб чиқаришни интенсивлаштиришда кескин бурилиш ясаш кўзда тутилган. Ишлаб чиқаришни интенсивлаштириш аввало меҳнат, моддий ва молиявий ресурслардан, барпо килинган ишлаб чиқариш ва илмий потенциалдан фойдаланиш самарадорлигини оширишни такозо қилади. Холбуки, бугунги кунда республикада миллий даромад ўсишининг атиги ярмига яқини меҳнат унумдорлигини ошириш эвазига таъминланади, айни бир пайтда бутун мамлакат бўйича бундай ўсишнинг 90 проценти, айрим тармоқлар (қурилиш, транспорт) бўйича эса — 100 процент ўсиш шу кўрсаткич ҳисобига бўлмоқда.

Фондлар самарадорлигини ошириш, материал сарфини камайтириш мақсадида ишлаб чиқариш апаратини, биринчи навбатда, кам самарали ускуналарни илғор, унумдорлари билан тезроқ алмашлаш ҳисобига янгилашни жадаллаштириш зарур. Шу беш йилликда умуман мамлакат бўйича ишлаб чиқариш апарати актив қисмининг учдан бир қисмидан кўпроғини янгилаш, эскирган асосий ишлаб чиқариш фондларини чиқариб ташлаш ҳажмини қарийб икки баравар ошириш мўлжалланмоқда. Бу инвестиция жараёнини тубдан қайта қурилиш, капитал маблағларнинг тармоқларга оид, такрор ишлаб чиқариш, технологик ва территориял структурасини такомиллаштиришни такозо этади.

Қуйидаги омиллар Ўзбекистон социал-иқтисодий тараққиётини яқин истикболда жадаллаштиришга жиддий таъсир кўрсатади:

— республика халқ хўжалигининг регионал ихтисослашишини олдиндан белгилаб берадиган хилма-хил табиий-иқлим шарт-шароитлари ва бой минерал-хом ашё ресурсларининг мавжудлиги;

— ишлаб чиқариш потенциали эришган ҳажмларнинг миқёслари, унинг сифат состави ва ундан фойдаланиш даражаси, бу потенциал улкан чўл массивлари ҳамда тоғ этакларидаги зоналар мавжуд бўлган ва кескин сув танқислиги ортаётган бир пайтда моддий ишлаб чиқаришнинг юксак даражаси билан характерланади;

— меҳнат ресурсларини такрор ишлаб чиқаришга ўзига хос хусусиятлар бахш этадиган демографик шарт-шароитлар.

Ҳозирги пайтда Ўзбекистонда аҳолининг ўсиш суръатлари умумиттифок даражасига нисбатан деярли уч марта юқоридир. Бу ҳол меҳнатга лаёқатли аҳолини тўла ва самарали банд қилиш билан боғлиқ кескин социал-иқтисодий проблемаларни ўртага қўяди. 2000 йилга бориб республика аҳолисининг умумий сони, шу жумладан меҳнатга лаёқатли ёшдаги кишилар сони 28 миллион кишидан ошади, шу муносабат билан бўш меҳнат ресурсларини иш билан таъминлаш проблемасининг кескинлашиши муқаррардир. Янги иш ўринлари, янги қурилишлар ташкил этиш, хизмат кўрсатиш соҳасини кенгайтириш зарурати вужудга келади.

КПСС МК, СССР Олий Совети Президиуми ва СССР Министрлар Советининг «КПСС XXVII съезди қарорлари асосида социал-иқтисодий тараққиётни жадаллаштиришда халқ депутатлари Советларининг ролини янада ошириш ва масъулиятини кучайтириш тадбирлари тўғрисида»ги қарорининг амалга оширилиши ана шу масалаларни ҳал қилишда биринчи даражали аҳамият касб этади. Қарорда Советлар қармоғидаги территорияда экономика ва социал-маданий соҳанинг комплекс ривожланишини таъминлашда, ижтимоий ишлаб чиқаришнинг ўсиш суръатларини жадаллаштириш ва самарадорлигини оширишда, шу асосда мамлакат ягона халқ хўжалик комплексини мустаҳкамлашга республикалар, ўлкалар, областлар, округлар, районлар, шаҳарлар ва кишлоқлар қўшадиган ҳиссани кўпайтиришда Советларнинг ролини кучайтиришга қаратилган қатор

чора-тадбирларни амалга ошириш кўзда тутилган. Шу муносабат билан Советлар қармоғидаги территорияларнинг социал-иқтисодий тараққиётнинг барча йўналишлари бўйича қўшаётган реал ҳиссасини комплекс баҳолаш мақсадида уларни тўла ҳўжалик ҳисобига, маблағ билан ўз-ўзини таъминлаш ва ўзини қоплашга ўтказиш зарурати келиб чиқмоқда. Бошқа иттифокдош республикалар билан биргаликда ер-сув ресурсларини ўзлаштириш ва ёқилғи-энергетика ресурсларидан фойдаланиш, Оролбўйи қуруқчиликнинг олдини олиш, бундан кейин ҳам қўриқ-ерларни ўзлаштиришга доир йирик комплекс халқ ҳўжалик программаларини амалга ошириш юзасидан ва бошқа шу сингари ўзаро бир-бирига боғлиқ проблемаларни ҳал қилиш мўлжалланмоқда.

Шу билан бирга, бундан кейинги социал-иқтисодий тараққиётда планлаштиришнинг роли кучайиб боришини ҳисобга олиб, шуни эсда тутиш муҳимки, бундай планлаштириш ҳар бир республика иқтисодий потенциали имкониятларини ҳисобга олиб мунтазам такомиллаша бориши лозим бўлади. Ҳозирча эса жумладан, СССР ва Ўзбекистон ССР миллий даромадининг тармоқларга оид структураларида жиддий тафовут кўзга ташланмоқда. Агар мамлакат учун умуман миллий даромаднинг саноатда устунлик қилиши (50 процентга яқин) характерли бўлса, бизнинг республикада бу кўрсаткич атиги 35 процентга етди. Айни пайтда Ўзбекистонда кишлоқ ҳўжалиги салмоғи иттифокдаги ўртача даражага нисбатан қарийб икки баравар ортқидир. Бу планлаштиришда миллий даромад ишлаб чиқаришда индустриал тармоқлар ҳиссасини изчиллик билан ошириб бориш стратегиясини белгилайди.

Фикримизча, иттифокдош республикаларда планлаштириш функцияларини кенгайтиришни тартибга соладиган ва уларнинг умумиттифок иқтисослашувини белгиладиган ҳуқуқий асосларни яратиш зарурати етилди. Масалан, пахтачилик ва у билан боғлиқ тармоқларнинг ривожланиш даражасини ва микёсларини ҳисобга олганда Ўзбекистон ССР бутун мамлакат микёсида ана шу тармоқнинг ривожланишини планлаштиришни таъминлаши мумкин. Бунинг учун муайян шарт-шароитлар яратилган. Масалан, республикамизда Главлесхозостроймуваффақиятли ишлаб турибди, у барча Ўрта Осиё республикаларида ирригация системалари қуради ва янги ерлар ўзлаштиради. Иттифокдош республикаларнинг республикалараро алоқаларни мустаҳкамлашдан манфаатдорлигини кучайтириш, умуман ижтимоий ишлаб чиқариш территориал ташкилоти самарадорлигини ошириш мақсадида ҳўжалик механизмини, шу жумладан инвестиция механизмини ҳам такомиллаштиришни давом эттириш мақсадга мувофиқдир.

Шу жиҳатдан Ўзбекистонда қулай иқтисодий ва табиий шарт-шароитлар, шунингдек бўш меҳнат ресурслари базасида йирик тўқимачилик саноати марказини яратиш юзасидан комплекс программанинг ишлаб чиқилиши тўғридир. Ҳозирги пайтда пахта толасининг 92 процентга яқини республикадан ташқарига олиб чиқилади, бу катта транспорт чиқимларини келтириб чиқаради. Бу хом ашёнинг талай қисми тайёр газлама ҳолида яна қайтариб келтирилади. Бундай у ёқдан бу ёққа ташишлар мамлакат экономикасига катта зарар етказади. Шу сабабли республиканинг ва мамлакат шарқий районларининг тўқимачилик маҳсулотлари асосий турларига бўлган эҳтиёжини қондириш учун Ўзбекистонда йирик тўқимачилик саноати марказининг яратилиши ҳар томонлама фойдалидир.

Бу соҳада ҳозирдаёқ конкрет чора-тадбирлар кўрилмоқда. Ун иккинчи беш йилликда Андижон ва Бухоро ил газлама комбинатларининг қурилишини ниҳоясига етказиш ва меҳнат ресурслари ортқича бўлган районларда тўқимачилик саноатининг қатор филиаллари ва цехларини қуриш планлаштирилмоқда.

КПСС XXVII съезди иқтисодчи олимлардан ҳар бир республиканинг иқтисодий потенциалини оширишга доир масъул вазифаларни ҳал қилишга ёрдам берадиган назарий ишланмаларни амалга оширишни ва конкрет амалий тавсиялар тақдим этишни талаб қилди. Ўзбекистон халқ ҳўжалиги ана шу вазифаларни муваффақиятли ҳал қилиш учун катта имкониятларга эга, бу имкониятларни ўз вақтида ҳисобга олиш ва ишга солиш республика экономикаси самарадорлигини юксалтиради.

ИНСОН — ЖАМИЯТНИНГ АСОСИЙ ИШЛАБ ЧИҚАРУВЧИ КУЧИ

ИНСОН ОМИЛИ ВА МЕҲНАТ СИФАТИ

Р. А Л Ъ Ж А Н О В,

иктисод фанлари кандидати

КПСС XXVII СЪЕЗДИ инсон омилини активлаштиришни жамиятимизни социал-иктисодий ривожлантиришни жадаллаштиришнинг ҳал қилувчи шартларидан бири деб атади. Айни одамларнинг меҳнат активлиги меҳнат унумдорлигини, ижтимоий ишлаб чиқариш самарадорлигини ўстириш ва шу асосда жамият ҳар бир аъзосининг моддий ва маънавий эҳтиёжларини тобора тўлароқ кондиришнинг гаровидир. Съезд меҳнат сифатини ошириш, уни моддий ва маънавий рағбатлантириш, меҳнат муносабатларини такомиллаштириш масалаларига алоҳида эътибор берганлиги тасодифий эмас. Бундай ёндашиш қонунийдир, у кишилар ҳаётининг табиий ва доимий шарти ҳамда кишилик жамияти тараққиётининг асоси бўлган меҳнат тўғрисидаги марксча-ленинча тушунчага асосланади.

Шу билан бирга социализмдаги меҳнат ўз хусусиятларига эга: меҳнат ҳали меҳнатга лаёқатли ҳар бир кишининг биринчи эҳтиёжи эмас, ақлий меҳнат билан жисмоний меҳнат ўртасидаги муҳим тафовутлар, меҳнатнинг малакали ва малакасиз меҳнатга бўлиниши сақланиб қолади, «жамиятга камроқ бериб, ундан кўпроқ ўмариш» принципи асосида меҳнатсиз даромадлар ҳисобига яшашга интилувчи кишилар ҳали мавжуд бўлади. Шунинг учун социализмда меҳнатга яраша тақсимлаш иктисодий қонуни амалда бўлишини, унга микдори ва сифатига қараб ҳақ тўланишини таъминловчи меҳнат меъёри билан истеъмол меъёри устидан қаттиқ давлат контроли бўлиши зарурдир. Бунда ҳар бир алоҳида ишлаб чиқарувчи жамиятга ўзи қанча берса, барча чегиришлардан ташқари, ундан худди шунча қайтариб олиши керак (К. М а р к с ва Ф. Э н г е л ь с. Асарлар, 19-том, 18-бетга қаралсин).

Мамлакатимиз социализмнинг мазкур асосий принципининг йўқни бор қилиб кўрсатиш, қилинмаган ишлар учун ҳақ тўлаш, ўринсиз мукофотлар бериш, ходимнинг кўшган меҳнат ҳиссаси билан боғлиқ бўлмаган «гарантияланган» маошлар тайинлаш тарзида бузилишларига йўл қўйилганлиги социалистик тузумнинг табиатига ёт бўлган бир қатор жиддий салбий ҳодисаларни келтириб чиқарди. Меҳнатсиз даромадлар олиш (порахўрлик, чайқовчилик, текинхўрлик ва шу кабилар) социалистик адолат принципини бузади, социалистик хўжаликнинг ривожланишига жиддий зарар етказди, меҳнат унумдорлигининг ўсишига, техника тараққиётига тўқсинлик қилади, коллективларда меҳнат интизоми бўшашиб кетишига ва маънавий муҳитнинг ёмонлашувига сабаб бўлади.

Меҳнатга баҳо беришда унинг фақат микдори эмас, балки сифат жиҳати, яъни ходимнинг моддий ва маънавий бойликларни яратишда актив ва онгли қатнашуви ҳам ҳисобга олиниши керак. Зотан, бошқа шароитлар тенг бўлгани ҳолда, меҳнат қанчалик мақсадга мувофиқ бўлса, ишлаб чиқариладиган маҳсулот шунчалик яхши бўлиши керак. Аммо, маълумки, бизда узоқ йиллар давомида шундай тартиб ҳукм суриб келдики, сифатсиз, талабга жавоб бермайдиган маҳсулот ишлаб

чиқарувчи корхоналарнинг ходимлари иш ҳақини ҳам, мукофотларни ҳам, бошқа неъматларни ҳам тўлиқ олавердилар, зарарлар эса давлат ҳисобидан қоплаб келинди.

Бундай аҳволга барҳам бериш мақсадида партия ва ҳукумат кейинги вақтда корхоналар ва бирлашмаларнинг иш ҳақи фонди миқдори улар маҳсулотини реализация қилишдан келадиган даромадлар билан бевосита боғланган ва улар ўз ишининг келтирадиган зарари учун тўла жавобгар бўлишига қаратилган бир қатор ҳужжатлар қабул қилди. Ушбу ҳужжатларнинг турмушга татбиқ этилиши шубҳасиз, меҳнат сифати, унинг натижадорлиги ошувига, меҳнаткашлар талабига жавоб бермайдиган моллар ишлаб чиқаришдан тийилишга ёрдам беради.

Меҳнатнинг сифати қандай белгиланади? Аввало ишлаб чиқариладиган маҳсулотнинг сифатига қараб белгиланади. Масалан, пўлат эритувчи меҳнатининг сифати пўлатнинг сифатига, пойабзалчи меҳнатининг сифати — пойабзалнинг сифатига қараб, агроном меҳнатининг сифати қишлоқ хўжалик экинларининг ҳосилдорлиги ўсишига ва олинадиган маҳсулотнинг сифатига қараб белгиланади ва ҳоказо (албатта, тегишли меҳнат шароити, хом ашё, техника, ускуналар мавжуд бўлиши шарт).

Меҳнат ҳамма жойда коллектив характерга, ишлаб чиқариш эса меҳнат таксимотида асосланган оммавий характерга эга. Бундай шароитда маҳсулотнинг сифати технологик жараёнда қатнашувчи барча кишиларнинг меҳнати натижасини акс эттиради. Демак, ҳар бир кишининг меҳнати сифати нечоғлик юқори бўлса, пировард натижа ҳам шунча яхши бўлади. Бинобарин, ҳамма касбдаги ишчилар малакасини ўстиришнинг, меҳнатга ижодий муносабатда бўлишнинг, ходимларнинг ўзаро контроли ва ўзаро масъулиятининг роли ошади. КПССнинг янги таҳрирдаги Программасида таъкидланадики, **«партия меҳнатнинг ижодий мазмунини ва коллектив характерини кучайтиришга, унинг маданиятини оширишга, жамият манфаатлари йўлида қилинадиган юқори малакали ва серунум меҳнатни рағбатлантиришга алоҳида эътибор беради»**.

Социализмда меҳнат иккиёқлама характерга эга: бир томондан, у яққа, иқтисодий жиҳатдан алоҳида меҳнатдир, иккинчи томондан, ишлаб чиқариш воситалари ижтимоий мулк эканлиги туфайли ҳар бир алоҳида шахснинг меҳнати, у қанчалик ўзига хос бўлмасин, бевосита ижтимоий меҳнатга ҳам айланади. Бундан ташқари, токи товар ишлаб чиқариш сакланиб қолар экан, бир хил меҳнатнинг ўзи иккиёқлама шаклда: конкрет ва абстракт меҳнат тарзида юзага чиқади. Улар ўртасидаги зиддият ишлаб чиқариладиган маҳсулотда — унинг қиймати, яъни конкрет товарнинг нархи билан унинг фойдалилик даражаси — сифати ўртасида намоён бўлади, шу туфайли у одамларнинг у ёки бу эҳтиёжини қондиради. Меҳнатга баҳо беришда ана шу хусусиятларнинг ҳаммаси ҳисобга олиниши керак.

Маълумки, нормалар ва нормалаш системасисиз планли социалистик хўжалик бўлиши мумкин эмас. Бизнинг жамиятимизда норма — ишлаб чиқаришни, меҳнатни ва бошқаришни ташкил этиш негизидир, шунинг учун ҳам унинг ҳамиша илмий асосланган бўлиши устидан кузатиб бориш керак. Бироқ, КПСС XXVII съездида қайд қилинганидек, айрим тармоқларда ишларнинг у ёки бу турлари учун белгиланган нормативлар эскириб қолган бўлиб, техника, технологиянинг, ишлаб чиқаришни ва меҳнатни ташкил этишнинг эришилган даражасига тўғри келмайди, меҳнат нормалари тиғизлиги билан тариф системасининг муайян бирлигини етарли даражада таъминламайди. Чунончи, меҳнатга вақтбай усулда ҳақ тўлаш қўлланиладиган жойларда, яъни, айтганларидек, «меҳнат учун эмас, балки вақт учун» ҳақ тўланадиган жойларда меҳнаткашларнинг моддий ва маънавий бойликларни яратишда актив, онгли, ижодий қатнашуви тўла ҳисобга олинмайди. Бу, жумладан, давлатни бошқариш, маданият, социал таъминот органлари, олий мактаб ходимлари меҳнатига ҳақ тўлаш учун характерлидир.

Масалан, қишлоқ Советларининг маданият бўлимлари ходимларига ҳақ тўлаш улар меҳнатининг сифати билан мувофиқлаштирилмаган. Уларнинг (бўлим мудирлари ва баъзи бошқа категориялар) лавозим маошлари турли районларда бир хил, ваҳоланки районлардаги аҳоли сони ва маданий-маърифий муассасалар миқдори турличадир. Масалан, кутубхона мудирларининг маошлари уларнинг маълумоти ва иш стажига боғлиқ бўлиб, лекин улар меҳнатининг китоб обороти,

китобхонлар миқдори, китобларни пропаганда қилиш каби ва бошқа кўрсаткичлари инобатга олинмаслиги тўғрими ахир? Район социал таъминот бўлими апарати ходимларининг (мудирлар, катта ва кичик инспекторлар) меҳнатига ҳақ тўлаш ҳам шундай принцип асосида белгиланган. Ушбу категориядаги ходимларнинг иш ҳақини улар хизмат кўрсатадиган аҳоли сонига қараб табақалаштириш уларнинг меҳнати сифатини оширишда ҳам, КПСС МК, СССР Олий Совети Президиуми ва СССР Министрлар Советининг «КПСС XXVII съезди қарорлари асосида халқ депутатлари Советларининг ролини янада ошириш ва социал-иқтисодий ривожланишни жадаллаштириш учун масъулиятини кучайтириш тадбирлари тўғрисида» 1986 йил июлда қабул қилинган қарорини амалга оширишда ҳам ижобий роль ўйнаган бўлур эди.

Социализмда меҳнатнинг сифати социалистик тараққиётнинг энг юқори мезонидир. Фақат ҳамманинг зўр бериб ва сифатли меҳнат қилиши асосидагина жамиятимизнинг ишлаб чиқарувчи кучларини муваффақиятли ривожлантириш, одамларнинг турмуш шароитларини яхшилаш мумкин.

Биобарин, кишиларда меҳнат қилиш эҳтиёжини вужудга келтириш ва меҳнат активлигини ошириш тобора муҳим аҳамият касб этмоқдаки, бу кўпгина социал-иқтисодий омилларга боғлиқдир. Юқорида қайд қилиб ўтилганидек, социализмда меҳнат ҳали кишиларнинг биринчи ҳаётий эҳтиёжига айланмаганлиги сабабли меҳнатга қараб тақсимлаш қонуни меҳнат қилишга ундовчи асосий омилдир. Шу билан бирга тақсимот, В. И. Ленин кўрсатмасига мувофиқ «...ишлаб чиқаришни кўтариш учун хизмат қиладиган бир метод, қурол ва восита...» бўлиши керак (ТАТ, 43-том, 406-бет).

Социализмда ишлаб чиқаришни ривожлантириш «ҳаммадан кўпроқ шундай тақсимот усули билан рағбатлантириладики, бу усул жамиятнинг барча аъзоларига ўз қобилиятларини мумкин қадар кўпроқ ҳар томонлама ривожлантириш, саклаб туриш ва юзага чиқариш имконини беради» (К. Маркс ва Ф. Энгельс. Асарлар, 20-том, 206-бет). Агар ходимнинг меҳнат фаолияти унга ўз қобилиятларини рўёбга чиқариш имконини бермаса, агар унинг вазифалари «ўзига ёқмаса», у ҳолда меҳнатга ҳақ тўлашнинг одам меҳнат активлигини рағбатлантирувчи таъсири таъминланмайди. Шунинг учун партия халқ хўжалигининг барча соҳалари ва бўғинларида кадрларни танлаш, жой-жойига қўйиш ва фойдаланишда ленинча талабларга қатъий амал қилинишига ғоят катта аҳамият бермоқда. КПСС МК 1987 йил январь Пленуми эътиборни ана шунга қаратди.

Одамларнинг меҳнат активлигини ўстириш меҳнатни ташкил этишни ва ишлаб чиқаришни бошқаришни такомиллаштириш билан чамбарчас боғлиқдир. Меҳнатнинг социал-иқтисодий, техникавий, маънавий-психологик ва бошқа шароитлари яхшиланиши билан бир вақтда кишиларнинг ишчанлик қобилияти ва ижодий ташаббускорлиги муқаррар суратда ошади. Агар бошқарувнинг ҳамма бўғинлари аниқ ишласа, агар сифатли, юқори унумли меҳнат изчил рағбатлантириб борилса, ҳар бир виждонсизлик, масъулиятсизлик ҳодисаси эса айбдорларнинг моддий мукофотланишида, маънавий обрўсида ва хизмат мавқеида муқаррар равишда акс этадиган бўлса, у ҳолда яхши ишчанлик муҳити қарор топади, унинг асосида эса коллективда меҳнат кўтаринкилиги юзага келади.

Ҳамма жойда мана шундай муҳитни барқарор қилиш учун КПСС Марказий Комитети ва Совет ҳукумати партия XXVII съезди қарорларига мувофиқ меҳнатни ташкил этиш ва рағбатлантириш, халқ хўжалигини бошқаришни такомиллаштириш юзасидан конкрет тадбирларни ишлаб чиқмоқда ва амалга оширмоқда. Масалан, 1986 йил мартда КПСС МК ва СССР Министрлар Советининг «Мамлакат агросаноат комплексига хўжалик юритишнинг иқтисодий механизмининг янада такомиллаштириш тўғрисида»ги қарори қабул қилинди. Бу қарор прогрессив нормативлар асосида планлаштириш ва иқтисодий рағбатлантиришнинг янги методларини кенг жорий этишни, хўжалик вазифаларини ҳал этишда колхозлар, совхозлар, агросаноат корхоналари ва ташкилотларининг ҳуқуқларини кенгайтиришни, меҳнат коллективлари ва барча бошқарув бўғинларининг пириовард маҳсулот олишдан манфаатдорлиги ва масъулиятини кучайтиришни ҳамда бошқа муҳим тадбирларни кўзда тутди.

Қарорда меҳнатни ташкил этишнинг пудрат формасини ёйиш зарурлиги ҳақ кўрсатилган бўлиб, унда меҳнатни баҳолаш ва унга ҳақ тўлаш пировард натижага қараб амалга оширилади, ҳар бир ходимнинг ва бутун коллективнинг меҳнат унумдорлиги ўсиши учун шароит вужудга келади, бир қатор социал вазифалар ҳақ этилади, шунингдек коллективизм, ўзаро ёрдам ва масъулият каби юксак маънавий ҳислатлар тарбияланади. Аммо ушбу прогрессив форма сушт жорий қилинмоқда. Хўжалик ҳисобидаги бригадаларга бирлашган ходимлар улуши 1985 йилда мамлакат бўйича ўрта ҳисобда уларнинг мазкур тармоқлардаги умумий миқдорига нисбатан саноатда — 28,6, қурилишда — 39,8 ва қишлоқ хўжалигида эса 23 процентни ташкил этди. Ўзбекистондаги колхозлар, совхозлар ва хўжаликлараро қорхоналарда экинзорларнинг атиги 60 проценти, тракторларнинг 46,5 проценти, қорамолларнинг 11,4 проценти, чўчкаларнинг 4,4 проценти қўй ва эчкиларнинг 21,6 проценти коллектив пудратга бириктирилган.

Меҳнатни ташкил этишнинг ушбу прогрессив формаси сушт жорий этилаётганлигининг асосий сабабларидан бири шуки, меҳнат ресурсларидан оқилона фойдаланиш учун раҳбарлар на моддий ва на маънавий жавобгар эмаслар, шу туфайли уларнинг қўплари ушбу масалага етарлича эътибор бермаётирлар, бу эса меҳнат интизоми ва активликнинг бўшашиб кетишига, одамларнинг жамоат хўжалигида банд бўлиш даражаси пасайиб кетишига олиб келмоқда. Чунончи, Ўзбекистонда меҳнат ресурслари анча ўсганлигига қарамай, ходимларнинг бир совхозга тўғри келадиган ўртача йиллик сони 1969—1970 йилларда 1100 кишини, 1985 йилда эса атиги 874 кишини ташкил қилди. Шу билан бирга уларнинг меҳнат активлиги юқори эмас: кейинги 15—20 йил мобайнида ҳар бир колхозчи ёки совхоз ишчиси қишлоқ хўжалик ишлари айни қизғин пайтларда ойига ўрта ҳисобда атиги 21—22 киши-кун ишламоқда, ваҳоланки улар меҳнатининг интенсивлик даражаси маълумки, ҳали ижтимоий зарурий даражага етгани йўқ.

Одамларнинг меҳнат фаолиятини активлаштириш билан боғлиқ бўлган резервларни ишга солиш учун, бошқа чоралардан ташқари, раҳбарларнинг лавозим маошлари меҳнат ресурсларидан фойдаланишга боғлиқ қилиб қўйилиши керак. Шунингдек колхозчилар, совхозларнинг ишчилари билан хўжалик раҳбарларининг ўртача иш ҳақи ўртасига илмий асосланган коэффицентлар киритилиши лозим, бу ижтимоий тузумимиз талабларига мувофиқ бўлур эди, зеро бу жамиятда ҳар бир кишининг манфаатлари, бахт-саодати барчанинг бахт-саодати билан чамбарчас боғлиқдир.

Мамлакатимизда ишчи ва колхозчи — бош лавозимлардир. Уларнинг обрўсини янада юқори қўтариш учун ишни шундай ташкил этиш керакки, виждонан ва ташаббус кўрсатиб ишлаш учун ҳамма шароитлар мавжуд бўлсин. Ҳозирги кунда бу ҳар бир раҳбар ва ишлаб чиқариш мутахассисининг бевосита вазифаси ва бурчи бўлмоғи керак.

Меҳнат активлигини ошириш уюшқоқлик, тартиб ва интизомни мустаҳкамлаш билан чамбарчас боғлиқдир. «Меҳнатни ташкил этиш» ва «интизом» — ўзаро боғлиқ ва ўзаро таъсир этувчи категориялардир. Афсуски, буни ҳамма ерда эсда тутмайдилар.

Мўл-кўл «оқ олтин» ҳосили етиштириш учун пахтакорлар қанчадан-қанча машаққатли меҳнат сарфлашлари маълум. Шундан бўлса-да, уни нест-нобуд қилмай териб олиш туғрисидаги қақирқларга қарамай, мавсум охирида ҳосилнинг қандайдир қисми ўз вақтида териб олинмай далада қолиб кетади. Бошқа бир қисми ўз вақтида кўрак чувиш машинасидан ўтказилмайди ва у ҳам нобуд бўлади. Натижада давлат халқ хўжалиги учун шу қадар керакли хом ашёни кам-олади, уни етиштирган кишилар эса моддий ва маънавий зарар кўрадилар. Мана шундай «тартиб» меҳнат интизомини мустаҳкамлаши, меҳнат активлигини ошириши мумкинми?

Ваҳоланки, 50-йилларда, қудратли замонавий қишлоқ хўжалик техникаси, ҳозирги пахта териш ва кўсак териш машиналари, марказлаштирилган пахта тозалаш хўжаликлари мавжуд бўлмаган, нам пахтани колхоз ва совхозлардаги ибтидоий қуриш цехларида қурилган даврда етиштирилган ҳосилнинг нобуд бўлишига деярли йўл қўйилмас эди. Асосан бу шунинг учунки, интизом мустаҳкам эди, ҳар ким шахсан жавобгарлик сезарди: юқорида тилга олинган бузилишлар

учун хўжалик раҳбарлари, илгари хизматларига қарамай, вазифасидан олиб ташлашга қадар жазоланардилар. Дарвоқе, улар билан бир қаторда конкрет хўжаликларга биркитиб қўйилган район микёсидаги раҳбарлар ҳам жавобгарликка тортилар эдилар. Шунинг учун улар қишлоқ хўжалик ишлари қизғин бораётган дамларда доимо колхозчилар, совхозларнинг ишчилари билан бирга бўлардилар.

70-йилларда ва 80-йилларнинг бошида тамоман бошқача манзара кузатилди: нафақат район микёсидаги кўпгина раҳбарлар, балки хўжалик раҳбарлари ҳам далада ва дала шийпонида камдан-кам кўринардилар. Улар хизмат кабинетидан чиқмас, яъни асосан идоровий методлар билан раҳбарлик қилишни афзал кўрар эдилар. Область ёки райондаги юкори ташкилотлар вакилларининг хўжаликларнинг раҳбарлари ҳамроҳлигида шу хўжаликларга таширф буюришлари эса одатда далачилик бригадалари ва фермалар яқинидаги йўлдан машинада ўтиб кетишдан иборат бўларди.

Ана шундай раҳбарлар меҳнатда муваффақиятларга эришиш, меҳнат интизомини мустаҳкамлашга даъват этиш учун наҳотки маънавий ҳуқуққа эга бўлсалар? Айтмоқчи, интизомга риоя қилиш раҳбарлар учун ҳам, оддий ходимлар учун ҳам бир хил бўлиши керак, деган гапга қўшилиш қийин. Коммунист раҳбарлар учун у алоҳида бўлиши керак, зеро улар меҳнатда, ижтимоий ҳаётда ва турмушда шахсан ўрнатилган кўрсатишлари лозим. Ўшандагина улар одамларни ўз кетларидан эргаштира ва уларнинг меҳнат активлигини юксалтира оладилар.

КПСС XXVII съезди минбаридан ҳам шу тўғрида гапирилди. Партия ҳамма босқичдаги раҳбарларни ўзларини қатъиян қайта қуришга, кабинетбоп, идоровий иш услубини тугатишга, унинг янги формалари ва усуллари излашга, одамларга қулоқ солишни ва улар билан маслаҳатлашишни ўрганишга, эришилган ютуқларга маҳлиё бўлиб кетмасликка даъват этмоқда. Дабдабабозлик ва бепарволикни батамом йўқотиш, ишчанликни, одамларга эътиборли бўлишни, лавозимли шахсларнинг ишида ошкораликни барқарор қилиш — инсон омилини активлаштиришнинг, иш сифатини оширишнинг муҳим шартидир. Партиямиз раҳбарлари одамлар билан бевосита улар ишлайдиган жойларда ва истикоматгоҳларда мулоқотда бўлишда шахсан намуна кўрсатмоқдалар. КПСС МК Бош секретари М. С. Горбачевнинг Ленинградда, Тюменда, Томскда, Днепрпетровскда, Киевда, Тольяттида, Узок Шарк районларида, Краснодар ўлкасида, Болтиқбўйи республикаларида бўлган чоғида ишчилар, колхозчилар, интеллигенция вакиллари билан уларнинг иш ва турмуш шароитлари тўғрисида қилган суҳбатлари совет кишиларининг меҳнат ва жамоатчилик фаолиятини активлаштиришга жуда катта таъсир кўрсатмоқда.

Ижтимоий ишлаб чиқариш илғор техника ва технология билан тобора кўпроқ таъминланаётган, меҳнатни кооперациялаш чуқурлашиб бораётган ҳозирги шароитда меҳнат интизомининг роли ошмоқда. Интизомнинг замонавий машина ва ускуналарнинг бекор туриб қолишига олиб келади бузилишлари жамиятга тобора қимматга тушади. Меҳнат интизомини мустаҳкамлаш ва ушқоқлик — ишлаб чиқариш самарадорлигини ва меҳнат унумдорлигини ошириш демакдир, бу эса социализмнинг ҳаётий манфаатлари ва принципларига тўғри келади. В. И. Ленин интизомни мустаҳкамлаш учун ишонтириш билан бир қаторда мажбур қилиш методини ҳам қўлланишни таклиф этганлиги бежиз эмас. Лениннинг ушбу фикри ҳозирги шароитда ҳам актуаллигини КПСС XXVII съезди тасдиқлади. Съезд социалистик қурилишнинг меҳнат анъаналарини мустаҳкамлаш, онгли интизомни барқарор қилиш, кишиларда сидқидиллиликни, ижодий дадилликни, коллективизмни шакллантириш ва ривожлантириш зарурлигини кўрсатиш билан бирга шуни қайд қилдики, меҳнат интизми фақат рағбатлантириш ва ишонтириш йўли билан эмас, балки моддий ва маънавий неъматлардан маҳрум этиш йўли билан, меҳнат интизомини бузувчиларга уларнинг вазифаларини эслатиш билангина эмас, балки мажбур этиш йўли билан ҳам мустаҳкамланиши керак.

Меҳнат активлиги ва меҳнат сифатининг ўсиши ходимларнинг ўз амалий ташаббусларини юзага чиқара олиш имкониятларига жуда ҳам боғлиқдир. Партия ҳар қандай фаолият соҳасида меҳнат новаторларини актив қўллаб-қувватлашга, улар тажрибасини ёйишга даъват этмоқда. Бу эса бюрократизмга,

бепарволикка, маҳаллийчиликка, идоравий нуқтаи назардан ёндашишга, ташаббусни ривожлантиришга тўсқинлик қилувчи эскирган қоида ва инструкцияларга, социализм принципларига тўғри келмайдиган ҳамма нарсаларга қарши кескин кураш олиб бориш билан бевосита боғлиқдир.

Бюрократизм, қўпол маъмуриятчилик, хушомадгўйлик томир ёйган жойда ҳақиқий ташаббус, меҳнат ва ижтимоий активлик бўлмайди, лекин ўйлаб чиқарилган ташаббуслар намоён бўлади, ясама илғорлар учун алоҳида шаронтлар яратиб берилади. Афсуски, яқин ўтмишда жамиятимизда, шу жумладан республикамизда ана шундай салбий ҳодисалар ғоят кенг тарқалган эди. Буларнинг ҳаммаси одамларни тарбиялашга, шубҳасиз, салбий таъсир кўрсатди, маънавий негизларга путур етказди, адолатга ишонмасликни, бепарволикни, сиёсий ва меҳнатда пассивликни келтириб чиқарди.

КПССнинг янги таҳрирдаги Программасида меҳнат фаолиятини моддий ва маънавий рағбатлантиришни моҳирона қўшиб олиб бориш тўғрисида гапирилади. Совет кишиларининг моддий фаровонлиги анча юксалган ҳозирги шаронтда социал ва маънавий омилларнинг аҳамияти тобора ошмоқда. Бу эса меҳнат натижалари билан моддий неъматлар ва хизматларни тақсимлаш ўртасидаги боғланишни кучайтиришни талаб этади.

Бизда ҳар қандай иш ижтимоий аҳамиятга эга. Ишчининг, колхозчининг, врач, педагог, инженер, олимнинг меҳнати — умумлашган ижтимоий меҳнатнинг ўзаро боғлиқ ва ўзаро таъсир этувчи қисмларидир. Халқ хўжалигининг ҳамма жабҳаларида меҳнат фаолиятини активлаштириш, виждонан ва энг кўп самара бериб ишлаётган кишилар сафларини кўпайтириш — ижтимоий меҳнат сифатини оширишнинг, мамлакатни социал-иқтисодий ривожлантиришни жадаллаштириш йўлини амалга оширишнинг асосий шартларидан бирidir.

*Шаҳар ва район партия комитетлари
қайта қуриш йўлларида*

ТАРБИЯВИЙ ИШГА КОМПЛЕКС ЁНДАШУВ

Н. САВЧЕНКО,

Ўзбекистон Компартияси Чирчик шаҳар
комитетининг секретари

КПСС XXVII СЪЕЗДИ, унинг Марказий Комитетининг 1987 йил январь Пленуми талаб қилганидек, партиявий ишни дадил ва фаол қайта қуриш — ҳар бир партия комитети, унинг аппарати, сайланиб қўйиладиган активининг бурчидир. Бунинг учун эса анча куч-ғайрат, кадрлар тафаккурида ўзгаришлар ясаш, эскириб қолган схемалар ва андозалардан воз кечиш, янгича яшаш ва ҳаракат қилиш зарурлигини тўла-тўқис англаб олиш керак. Ишчанлик ва реализм, ижтимоий жараёнларни теран идрок этиш, турли социал группалар ва айрим шахслар манфаатларини аниқ ҳисобга олиш, энг яхши тажрибадан фаол фойдаланиш ва янги ечимларни тинимсиз излаш, пухта кадрлар сиёсати юритиш, тарбиявий ишга комплекс ёндашув, конкрет инсонни партия ташкилотларининг диққат марказига қўйиш — бугунги кунда ғоявий-тарбиявий ишни қайта қуришнинг, шу жумладан бизнинг Чирчик шаҳар партия ташкилотимизда ҳам қайта қуришнинг асосий йўналишлари ана шундай.

Марксча-ленинча таълим ғоявий-сиёсий таъсир қилишнинг, демак ижтимоий психологияни ҳам қайта қуришнинг, одамлар ақл-шуурида, кайфиятларида ўзгариш ясашнинг энг муҳим воситасидир. КПСС XXVII съездининг, КПСС МКнинг 1987 йил январь Пленуми материалларини пропаганда қилишда партия раҳбарлик ролининг ошиб бориши масалалари, унинг назарияси ва сиёсатининг ижодий характери, партия ташкилотлари ишини мамлакат социал-иқтисодий тараққиётини жадаллаштириш шароитида кўрсатиш биринчи ўринга чиқарилди.

Биз партия ўқуви системасидаги экспериментни ниҳоясига етказдик, бу Ўзбекистон Компартияси МК қарорига мувофиқ икки йил давомида Чирчик, Коммунистик ва Тошкент районлари партия ташкилотларида ўтказилган эди. Бундан мақсад расмийташқилка барҳам бериш ва шу асосда коммунистлар, активистларга революцион таълимотни, КПСС сиёсатини чуқурроқ ўзлаштиришларига ёрдамлашиш, уларда ленинча, коммунистчасига ишлаш, яшаш ва курашиш маҳоратини сабот билан ривожлантиришдан иборат эди. Бошланғич партия ташкилотларида ўқув формаларини танлаш, ўқув плани мундарижасига тузатишлар киритиш ҳуқуқи берилгани принципиал аҳамиятга молик бўлди. Натижада улар партия ўқувининг кўп бўғинли системасидан холи бўлишди. Барча меҳнат коллективларида марксизм-ленинизм асослари мактаблари ташкил этилди, тингловчилар бу мактабларда «В. И. Ленин, КПСС социализм ва коммунизм қурилиши тўғрисида» курсини ўргандилар. Халқ маорифи ходимлари учун илмий коммунизм мактаблари ишлаб турди, унда «Фан-техника тараққиёти ва умумий таълим ҳамда ҳунар мактаби ислохотининг амалга оширилиши» курси ўрганилди. Раҳбар ходимлар шаҳар партия комитети ҳузуридаги марксизм-ленинизм университетида таълим олишди.

Партия ташкилотларининг секретарлари, пропагандистлар, шаҳар партия комитети аппарати ходимларининг фикрича, эксперимент муваффақиятли бўлди. Бундай ишга муайян мақсадга қаратилганлик, конкретлик, адреснинг аниқ

бўлиши хосдир. Сифат яхшиланди, ўқувнинг амалий жиҳати анча такомиллашди. Бу эса тингловчилар ижтимоий-сиёсий активлигининг ошишига ёрдам берди. Бугунги кунда уларнинг ҳар бештасидан бири сиёсий ахборотчи, ҳар тўрттасидан бири — агитатордир. Ўтган ўқув йили давомида 4067 тингловчидан 1580 нафари биттадан тўрттагача амалий топшириқни бажарди. Улар партия йиғилишлари, бюро мажлисларини тайёрлашда кўпроқ қатнашадиган, уларда ишни яхшилашга доир танқидий мулоҳазалар ва таклифлар билан чиқадиган бўлиб қолдилар.

«Чирчиксельмаш» заводи, тикувчилик ва пойабзал фабрикаларида ўтказилган иқтисодий таълим соҳасидаги эксперимент ҳам фойдали бўлди. Бу ерда социалистик экономика мактаблари ишлаб турди, унинг программаси мазкур коллективнинг конкрет ишлаб чиқариш топшириқлари билан яқиндан боғланган проблемаларни ўрганишни кўзда тутди. Машғулотлар тингловчиларни ана шу проблемаларни ҳал этиш йўллари, излашга, айрим меҳнат операциялари технологиясини такомиллаштиришга, рационализаторлик ва ихтирочиликда кенгрок қатнашишга рағбатлантирди.

Ҳозирги ўқув йилида эксперимент жараёнида синалган структура партия ўқуви системасида сақланиб қолди. 201 марксизм-ленинизм асослари мактаблари ишлаб турибди, буларда 5129 тингловчи «Мамлакатни социал-иқтисодий ривожлантиришни жадаллаштириш — КПССнинг стратегик йўли» икки йиллик ўқув курсини ўрганадилар. Шаҳар партия комитети ҳузуридаги марксизм-ленинизм университетида хўжалик раҳбарлари, партия қурилиши, экономика, илмий атеизм, халқаро муносабатлар бўлимларида 412 киши таълим олмоқда.

Қайта қуриш ҳар бир пропагандист воқеаларга синфий, партиявий баҳо беришга қодир идеология жангчиси бўлишини, одамларнинг диққат-эътиборини меҳнат коллективлари ҳал этаётган асосий вазифаларга жалб қилишини талаб этади. Шаҳар пропагандистлари тингловчиларнинг социалистик мажбуриятларни ҳимоя қилишларини ташкил этди, саноат ва қурилишда икки ва уч сменали иш режимида ўтиш учун, бригада пудратини жорий этиш учун маънавий жавобгарликни зиммаларига олди.

«Чирчиксельмаш» заводидаги марксизм-ленинизм асослари мактабларида корхонада фан-техника тараққиётини жадаллаштириш, меҳнат интизомини мустаҳкамлаш, электр энергияси ва бошқа ресурсларни тежашга тингловчилар таъсирини кучайтириш юзасидан коллектив мажбурият олинди. «Электрo-химпром» бирлашмасининг «Капролактaм» ишлаб чиқаришидаги тингловчилар бутун маҳсулотни биринчи такдимдаёқ давлат қабули орқали топширишга қарор қилдилар. Улар технология жараёнидаги танг жойлар кўрсатиб ўтилган, ностандарт капролактaм ишлаш сабаблари айтилган машғулотлар вақтида шу қарорга келишди.

Ҳозирча узил-кесил натижалар тўғрисида гапиришга вақт эрта, лекин дастлабки силжишлар бор. Жумладан, сифати юкори категорияли маҳсулот ишлаб чиқариш кўпайди, у ҳозир умумий миқдорнинг 25,6 процентини ташкил этади.

Эксперимент ўтказилиши пропагандистлар билан олиб борадиган ишимиз мазмунини яхшилашига ёрдам берди. Уларнинг бари ўрганилаётган курсга доир дарсликлар, кўргазмали қўлланмалар, шунингдек справка-информация материаллари, методик тавсияномалар билан таъминланди. Бу маълум даражада улар меҳнатини енгиллаштирди ва улар машғулотни ўтказиш методикасига, ўқитувнинг актив формаларидан фойдаланишга, техникавий воситаларни қўлланишга кўпроқ эътибор бериш имконига эга бўлдилар. Ўзбекистон кийин эрийдиган ва иссиққа чидамли металл комбинати, «Электрoхимпром» ва «Средазхиммаш» ишлаб чиқариш бирлашмалари, Давлат азот саноати институтининг Чирчик филиали, 2-автокорхона партия ташкилотларида ўқув айниқса яхши йўлга қўйилди. Шаҳар партия комитети ўқув йили бошланиши олдидан пропагандистлар учун қисқа муддатли (4—5 кунлик) курслар ташкил этмоқда. Уларнинг программасида — мунозаралар, шаҳар партия комитети секретарлари, шаҳар ижроия комитети раиси ва унинг ўринбосарлари, маъмурий органлар, шаҳар хўжалиги хизматлари раҳбарлари билан учрашувлар, «давра суҳбати» мажлислари, ҳужжатли кинофильмлар кўрсатиш, экскурсиялар, маданий тадбирлар бор. Шундай қилиб, пропагандистлар ўзларини қизиқтирган ҳамма саволларга жавоб олишлари,

марксча-ленинча таълимни янада такомиллаштиришга доир ўз истакларини айтишлари мумкин.

Меҳнаткашларнинг сиёсий ўқувига партиявий раҳбарлик, уни назорат қилиш формалари бойиди. Бу масалалар шаҳар партия комитети бюроси, пропаганда ва агитация бўлими, марксча-ленинча таълим бўйича шаҳар методика кенгаши мажлисларида мунтазам муҳокама этилади.

Лекин, эришилган муваффақиятларни таҳлил этиб, шунингдек очик тан олиш керакки, меҳнаткашлар сиёсий ўқувидagi расмийлашқиликни биз ҳали бутунлай тугатолганимиз йўқ. Бундан буён ҳам коммунистларнинг марксизм-ленинизм классиклари асарларини, партия ҳужжатларини чуқур ўрганишларига катта эътибор бериш, пропагандистларга яхшироқ ёрдамлашиш, энг мураккаб масалаларни тушунтириш, конкрет вазиятларни жойнинг ўзидa аниқлаштириш лозим бўлади. Шаҳар ва бошқа партия комитетлари секретарларининг, корхоналар раҳбарларининг пропагандистлар билан учрашувларини, шаҳар методика кенгашининг сайёр мажлисларини бевосита ташкилотларда тез-тез ўтказиб туриш, тингловчилар билан яқка тартибдаги ишга доир тавсияномаларни тайёрлаш зарур.

Идеология, оммавий-сиёсий фаолият соҳасида бугун унинг форма, воситалари ва методларининг бутун арсенали янгиланмоқда. Лекция пропагандасида, масалан, қайта қуриш қандай бормоқда? Бунда Ўзбекистон Компартияси Марказий Комитети тасдиқлаган ҳозирги талабларга жавоб берадиган бошқариш структураси ва системаси жорий этилмоқда. Меҳнат коллективлари, ўқув юртларида, аҳолининг яшаш ва дам олиш жойларида лекция аудиторияси паспортлаштирилди, шунингдек лекторлар аттестация қилинди. Лекторларнинг қарийб ярмиси коммунистлардир. Яна саккиз халқ университети, шу жумладан оила ва турмуш, фан-техника тараққиёти, илмий атеизм, маданият, юқори синфдагилар учун ҳуқуқ билимлари масалалари юзасидан университетлар очилди. Саломатлик халқ университетида энди «Алкоголь — бизнинг душманимиз» деган янги факультет иш кўрмоқда. Шаҳарда жами 30 халқ университети ишламоқда.

Лекция пропагандасининг мазмуни ўзгарди. У аниқроқ амалий йўналиш касб этди, янги, илғор жиҳатларга қаратилди. Лекин барибир у ҳали ҳам халқимиз олдида турган асосий вазифа — фан-техника тараққиёти ютуқлари неғизида социал-иктисодий ривожлантиришни жадаллаштириш, ишлаб чиқаришни интенсификациялаш, меҳнат унумдорлигини ошириш билан суғ боғланган. Кўпгина партия ташкилотларимиз иктисодий, сиёсий, социал вазифаларни ҳал этишда, меҳнаткашларни коммунистик тарбиялашда инсон омилини активлаштиришнинг таъсирчан воситаси бўлган лекция пропагандасига етарлича баҳо бермаётирлар. Мазкур соҳага бундай ёндашувни ўзгартириш учун шаҳар партия комитети бошланғич партия ташкилотларининг бу ишдаги масъулиятини оширишга қаратилган бир қатор тадбирлар белгилади.

Ёшлар аудиторияси учун лекция пропагандасини қайта қуришга айниса кўп куч-ғайрат сарфлаш лозим бўлади. Зеро ҳозир шаҳарда салкам 20 минг ишловчи ҳамда олий ва ўрта махсус ўқув юртларида ўқиётган 9,5 минг йигит ва қизлар бор. Бу соҳада проблемалар талайгина. Масалан, планлаштиришда аниқлик йўқ. Лекторлар фақат қаримокда. Масалан, «Билим» жамиятининг шаҳар ташкилотида ёшлар атиги 6 процентни ташкил этади. Биз «Билим» жамияти бошланғич ташкилотининг ҳар бир раиси коммунист бўлишига ҳаракат қиляпмиз. Лекторлар фақатининг ўқиши системали тус олиши керак.

Оммавий-сиёсий ишда баъзи ижодий ўзгаришлар юз берди. Ҳамма ерда ягона сиёсий кунлар тан олинди, бунда шаҳар меҳнаткашлари ишлаб чиқариш ва социал ҳаётдаги ҳаётий зарур проблемаларни кўтариб чиқмоқдалар. Жорий масалалар одатда қисқа муддат ичида ҳал этилади ва бу тўғрисида «Социалистический Чирчик» шаҳар газетаси саҳифаларида «Ягона сиёсий кун, унинг таъсирчанлиги» рубрикаси остида хабар қилиб борилади. Истикболга доир масалалар эса шаҳарнинг, корхоналарнинг иктисодий ва социал ривожланиши планларига киритилади.

Ягона сиёсий кунларни ўтказишга ёндашувдаги сифат ўзгаришлари тўғрисида айтмасдан бўлмайди. Агар илгари мумкин қадар кўпроқ одам тўплаш тўғрисида қайғурган бўлсак, эндиликда кишиларни тўлқинлантираётган мавзулар тўғрисидаги суҳбатларнинг жонли, ошқора, манфаатдорлик билан самимий ўтиши

учун учрашувларни цехлар, бригадалар, сменалар, агитация майдончаларида ўтказяпмиз.

Шуни таъкидлаш керакки, икки йил мукаддам ҳар бир сиёсий кунда 400 дан ортиқ савол берилган бўлса, ҳозир саволлар 150 дан ошмайди. Айтилган таклифлар ва танкидий мулоҳазаларни рўёбга чиқариш жараёнида саноат, қурилишда меҳнат шароити яхшиланди, шаҳар кўчалари ва микрорайонлари ободонлаштирилди. Меҳнаткашлар болалар майдончалари, «Эртак», «Акмал» қахвахонаси, «Мулокот» ва «Гулнора» ёшлар қахвахонаси, тўрт кафетерий, «Ором» кўли ва бошқа маиший ҳамда маданий объектлар уларнинг истаклари билан қурилганлигини яхши биладилар.

Ягона сиёсий кунларни такомиллаштиришда анча иш қилинди. Лекин шаҳар партия комитети уларнинг таъсирчанлигини ошириш: автобуслар маршрутдан четга юрмаслиги, совук ва иссиқ сув узлуксиз бериб турилиши, умумий овқатланишда сифат кўрсаткичлари яхшиланиши, совет конунлари бузилмаслиги учун келгусида кўп иш қилиши лозим бўлади.

Бугунги кунда одамлар билан ишлашда ленинча принциплардан ҳар қандай чекинишларга тоқат қилиб бўлмайди. Шаҳар партия комитети идеология фаолияти самарадорлигини ошириш мақсадларида унга барча даражадаги раҳбарларни, аввало хўжалик раҳбарлари, халқ хўжалиги мутахассисларини жалб этишга интиломда.

Идеология планеркалари деб аталган идеология масалалари бўйича кенгашлар яхши баҳо олди. Бундай кенгашларни шаҳардаги бирлашмалар, корхоналар, ташкилотларнинг маъмурияти ўтказмокда. Бу тадбирлар плани бир йилга мўлжаллаб тузилади. Планеркалар ойда бир марта белгиланган кунда директор раислигида ўтказилади. Унда партком (бюро) секретари, сабаба союз комитети раиси, комсомол комитети секретари, цех ва бўлимларнинг бошлиқлари, цех партия ташкилотлари секретарлари, бошқа жамоат ташкилотларининг вакиллари қатнашадилар. Улар ғоявий-тарбиявий иш, социалистик мусобақа, истикомат жойларида меҳнаткашларни коммунистик тарбиялашда инженер-техник ходимларнинг иштироки ва бошқа масалалар юзасидан цехлар, бўлимлар, хизматлар бошлиқларининг, бошқа хўжалик раҳбарларининг ҳисоботлари, ахборотларини эшитадилар.

Шуни айтиш керакки, бу кенгашлар меҳнат коллективларидаги маънавий-психологик иқлимга баракали таъсир кўрсатди, социалистик мусобақа яхшиланди, ошкоралик мустаҳкамланди. Шаҳарликлар бўш вақтларидан оқилона фойдаланадиган бўлдилар. Ахлоқ қоидаларига хилоф ишлар, жиноятлар сони камайиб бормокда.

Кейинги вақтларда идеология планеркаларида меҳнат коллективлари ҳаётининг турли жиҳатларига оид масалалар тобора кўпроқ муҳокама қилинмокда: «Средазхиммаш» ишлаб чиқариш бирлашмасида «Ёшлар билан ишлашга комплекс ёндашув», 160-қурилиш трестида — «Соғлом турмуш тарзи учун», Ўзбекистон қийин эрийдиган ва иссиққа чидамли металллар комбинатида — «4-, 8-цехларда, контрол-ўлчов приборлари цехида касалликни камайтириш иши тажрибаси тўғрисида» мавзулари муҳокама қилинди. Амалий оперативка ўтказиш расм бўлмокда, буларда меҳнаткашларнинг дам олишини ташкил этиш, физкультура ва спортни, бадий ҳаваскорликни ривожлантириш ва шу каби меҳнат коллективларида тарбиявий ишни такомиллаштириш проблемалари муҳокама қилинмокда.

Бирок, шаҳар партия комитети, бошланғич партия ташкилотлари транспорт, маиший хизмат, савдо корхоналарида идеология планеркаларини системали тарзда ўтказишга ҳали эришганларича йўқ. Холбуки бу ерда кишиларни тарбиялашда раҳбарлар иштироки айниқса муҳимдир. Улар ўз итбатларидаги кишиларга аввало профессионал хислатлари, уларни тўғри йўлга сола билиши, улар меҳнатини ташкил эта олиши билан таъсир кўрсатишлари керак. «Биринчи шахс»нинг шахсий намунаси жуда катта аҳамиятга эга. Шу сабабли шаҳар партия комитети раҳбарлар психологиясини, тафаккурини, фаолият услубини қайта қуриш борасида улар билан яқка тартибда астойдил иш олиб бормокдалар.

Маълумки, меҳнат коллективи шахсга таъсир қилишнинг жуда катта имкониятларига эга. Конкрет иқтисодий ва социал вазифаларни ҳал этиш.

гражданларни тарбиялаш, ҳар бир меҳнатчининг маънавий соғломлиги учун масъулият аввало унга юкланади. Ўтган йили шаҳар партия комитети «Меҳнат коллективи — ғоявий-тарбиявий ишнинг маркази» деган темада илмий-амалий конференция ўтказди. Бундай тадбирлар бизда илгари ҳам бўлган эди. Лекин бу сафар уни тайёрлаш, ўтказишда, тавсияномалар ишлаб чиқишда ҳўжалик раҳбарлари кенг иштирок этишди. Масалан, «Чирчиксельмаш» заводи директори В. А. Беляев корхонада ишлаб чиқилган ишчи меҳнатини баҳолашнинг комплекс системаси тўғрисида гапириб берди, бу маҳсулот сифатини оширишга, интизомни яхшилашга, иш жойини яхши ҳолатда саклашга, планлар ва социалистик мажбуриятларни бажаришга, ишлаб чиқарувчилар малакасини ўстиришга ёрдам беради. Ўзбекистон қийин эрийдиган ва иссиққа чидамли металллар комбинат директорининг иқтисодий масалалар бўйича ўринбосари Т. С. Худойбердиев раҳбарлар фаолиятида ҳўжалик ва тарбиявий функцияларнинг бирлиги тўғрисида гапириб берди. «Средазхиммаш» ишлаб чиқариш бирлашмаси коллективининг янги маросимларни жорий этиш, ахлокий ва атеистик тарбия соҳасидаги иши корхона директори О. А. Вартеванян докладида ёритилди. Конференция меҳнат коллективида планлаштириш ҳамда ғоявий-тарбиявий фаолият системасини яратиш, социалистик мусобаканинг тарбиявий ролини ошириш ва бошқа масалалар юзасидан тавсияномалар ишлаб чиқди.

Ҳарбий-ватанпарварлик тарбиясига бағишланган конференция, сўнгра эса меҳнаткашларни ҳамда шаҳардаги ўқувчи ёшларни интернационал тарбиялашга доир илмий-амалий конференция ҳам пухта тайёрланди. Илмий-амалий конференцияни тайёрлашда шаҳар партия комитети учта бўлимнинг ходимлари, кенг жамоатчилик, Тошкент олий партия мактаби олимлари қатнашдилар, меҳнат коллективларидаги социал иқтисодий проблемалар, меҳнатни ташкил этишнинг бригада формасини ривожлантириш юзасидан социологик тадқиқотлар ўтказилди, шаҳардаги партия ташкилотларида интернационал тарбиянинг аҳволини ўрганиш ҳамда улар қўлга киритган энг яхши нарсаларни танлаб олиш учун шаҳар партия комитети аппарати ходимларига эслатма тайёрланди.

Шаҳар партия комитетининг 1987 йилги планларида яна бир конференция ўтказиш белгиланган. У идеология активи мактаби тингловчилари билан «Якка тартибдаги тарбиявий иш — социал-иқтисодий ривожлантиришни жадаллаштириш учун курашда инсон омилини активлаштиришнинг энг муҳим шарти» темасида ўтказилади.

Қайта қуриш натижалари инсоннинг турмуши, саломатлиги, жамоат ишларига ижобий таъсир кўрсатганида киши уларни тўлиқроқ ҳис қилади. Шунинг учун биз истикомат жойларидаги ишни такомиллаштиришга, социал вазифаларни ҳал этишга партиявий таъсирни қучайтиришга катта аҳамият бермоқдамиз. Бу масалалар шаҳарни иқтисодий ва социал ривожлантириш перспектив планига киритилган бўлиб, уларнинг бажарилиши шаҳар партия комитети пленумларида, бюро мажлисларида муҳокама қилиб борилади. Ҳозир бизда аҳолининг ҳамма категориялари: мактабгача ёшдаги болалар, ўқувчилар, ишлаётган ва олий мактаб, техникумларда ўқиётган ёшлар, бошқа меҳнаткашлар, хотин-қизлар, пенсионерлар ва уй бекаларини ҳисобга оладиган иш системаси таркиб топган. Шаҳримизда 160 минг аҳоли яшайди, улар 72 миллат вакиллари дир. Бизда 13 тураржой микрорайонлари, 60 маҳалла комитети бор. Шаҳарда 7 та уй-жойдан фойдаланиш бошқармаси ва 392 уй комитети мавжуд. Истикомат жойларидаги бутун ишни шаҳар партия комитетининг биринчи секретари бошчилик қилаётган махсус шаҳар Совети бошқариб ва мувофиқлаштириб туради. Шаҳар Советига микрорайонларнинг советлари бўйсунди. Уларнинг ҳар бирида тўрт секция: оммавий-тарбиявий иш, болалар ва ўсмирлар билан ишлаш, иқтисодий ва социал ривожланиш комплекс планини рўёбга чиқариш секцияси, жинояткорликнинг олдини олиш ва ҳуқуқни бузиш профилактикаси бўйича жамоатчилик ва милициянинг таянч пункти бор. Ижроия комитет қарори билан микрорайонга қирадиган корхоналар, муассасалар рўйхати тасдиқланган, чегаралар белгиланган, хариталар тузилган. Микрорайонлар советларига коммунистлар — бош корхоналар директорлари бошчилик қилишади, ана шу корхоналарнинг партия ташкилотлари партиявий раҳбарликни амалга оширишади.

Масалан, Ўзбекистон кийин эрийдиган ва иссиққа чидамли металллар комбинатининг директори — КПСС XXVI ва XXVII съездларининг делегати. Ўзбекистон Компартияси МК аъзоси, Ўзбекистон ССР Олий Совети депутати П. С. Мақсудов Металлургия микрорайони советининг раисидир. У навбатдаги тадбирлар ўтказилаётган уйларнинг ҳовлиларига тез-тез бориб туради, тарбиявий ишларга яхши шароит яратиш учун кўп иш қилади. Микрорайонда «Сплав» спорт комплекси (бу 20 минг ўринли стадион, волейбол, баскетбол майдончаси, бассейн), Металлургия саройи, кишки ва ёзги кинозаллар, болалар ва катталар учун кутубхоналар бор. Қизиқишлар бўйича клублар: ўсмирлар учун — «Факел», ёшлар ётоқхонасида — «Спутник», «Октябрь» маҳалласида — «Аёллар давраси», шунингдек «Ветеран», «Еш атеист», «Дугона» ва бошқа клублар ташкил этилган. Бу аҳолининг ҳамма категориялари билан кўп қиррали иш олиб бориш имконини беради. Ҳозир микрорайонда вояга етмаганлар ўртасида жиноятлар йўқ, умуман ҳуқуқни бузиш ҳоллари 13 процент камайди, ичкиликбозлар анча озайди.

Лекин бу ерда ҳам ҳал этилмаган проблемалар талайгина. Масалан, «Факел» клубининг биноси кичкина бўлиб кўпи билан 250 болани сиғдиради, ҳолбуки микрорайонда 600 бола бор. Бундай аҳвол бутун шаҳарга хосдир.

Бизни болаларда юксак маънавий-ахлоқий хислатларни, ватанпарварлик ва интернационализм, меҳнатсеварлик, бойлик орттириш психологиясидан нафратланиш туйғуларини шакллантириш учун онланинг тарбиявий ролини, ота-оналарнинг масъулиятини ошириш масаласи айниқса тўлқинлантирмоқда. Буларни ҳал этиш йўллари изламоқдамиз. Шу мақсадда бу йил Химзавод микрорайонидаги 8, 10, 15, 24-мактаблар ва 36-СПТУда социал-педагогик комплекслар барпо қилинмоқда. «Электрхимпром» ишлаб чиқариш бирлашмаси бу комплексларнинг базавий корхонасидир. Комплексларнинг вазифалари хилма-хил: микрорайонни ободонлаштириш ишлари учун мактаб отрядлари ташкил этиш, «бебош» болалар ўқувини назорат қилиб бориш, уларга ёрдам бериш ва педагогларнинг умумий таълимини ўтказиш шулар жумласидандир.

Ахборот-сиёсий марказлар фаолияти қайтадан кўриб чиқиларди, микрорайонларда хотин-қизлар советлари сайланди.

Бир микрорайонда жойлашган заводлар, ташкилотлар, ўқув юртларининг истикомат жойларида олиб борадиган ишларида ҳали пухта ҳамжиҳатлик йўқ. Чунончи, 1986 йил март ойида шаҳар партия комитети бюросида ўз микрорайонида бош корхона ҳисобланган ва жамоатчилик куч-ғайратини мувофиқлаштириши лозим бўлган «Трансформатор» ишлаб чиқариш бирлашмаси партия ташкилоти шаънига жиддий таъналар айтилди.

Биз истикомат жойларидаги ишнинг камчиликларини таҳлил этиб, у ҳам системали, комплекс бўлиши керак деган хулосага келдик. Бунинг учун эса одамлар яшайдиган микрорайонларни планлаштириш ва қуриш вақтида қизиқишлар бўйича, техника ва ҳаваскорлик бадний ижод юзасидан машғулотлар ўтказиш учун типовой бинолар, болалар спорт майдончалари, агитация майдончалари, ўсмирлар клублари бўлишини кўзда тутиш зарур. Ҳозирча бу объектлар одатда бўшаб қолган ярим ер тўла биноларда жойлаштирилмоқда.

Шаҳарда маданий-спорт комплекслари барпо қилиш меҳнаткашлар дам олишини муайян мақсадни кўзлаб ташкил этиш имконини берди. Ойида икки дафъа парклар, майдонлар, микрорайонларда дам олиш кунлари, кўча байрамлари, оммавий халқ сайллари ўтказилмоқда.

Шуни айтиш лозимки, клуб муассасалари ва спорт иншоотларидан фойдаланишни яхшилашда раҳбарларнинг қатнашиши жуда муҳимдир. Биз уларни жисмоний тарбияга кенгрок жалб этишга қарор қилдик. Токи, улар ўз саломатликларини мустаҳкамласинлар ва спорт учун лозимича моддий база яратиш иши билан астойдил шуғуллансинлар. «Сплав» спорт базасида раҳбарлар учун ҳар ойнинг биринчи шанбаси соат 10 дан 16 гача бўлган вақтни ягона саломатлик куни деб белгиладик.

Биз Ўзбекистон ССРдаги болалар, ўқувчи ёшлар, студентлар ва меҳнаткашлар орасидаги оммавий-сиёсий иш, техника ижодиёти, жисмоний тайёргарлик аҳволининг комплекс кўригини ўтказишга киришдик, кўрик шартларини Ўзбекистон Компартияси МК ишлаб чиққан. Бу нарса бизда бутун мавжуд моддий базани ишга солишимизга, халқ техника ижодиёти потенциалини бирлаштиришга ҳамда

уни ишлаб чиқаришни интенсивлашга қаратишга ёрдам беради, рационализи-торлик ва ихтирочиликни активлаштиришга, илғор меҳнат методларини ўз вақтида ва кенг ёйишга, бадий хаваскорликни ривожлантиришга, истеъдодли ижодкор ёшларни аниқлаш ва тарбиялаш имконини беради.

Ўзбекистон Компартияси МК III пленумида (1986 йил октябрь) идеология кадрлари билан ишлашни яхшилашга катта эътибор берилди. Бу соҳада биз партиянинг ўқитиб-ўргатиш ва қаттиқ жавобгарлик, талабчанликни ошириш бош принципига амал қиламиз. Ҳар йили шаҳардаги идеология кадрларининг ғоявий-назарий ва методик ўқуви комплекс планини ишлаб чиқамиз.

Биз ҳўжалик раҳбарлари тарбиявий потенциали ҳамда уни тўлароқ рўёбга чиқариш имкониятларини аниқлашга, илғор тажрибани ўрганиш ва жорий этишга, идеология кадрлари билан ишлаш форма ва методларини такомиллашти-ришга, сўз билан ишнинг бирлигини қарор топтиришга катта эътибор бермоқда-миз. Албатта, буларнинг бари бошланғич партия ташкилотлари билан яқин ҳамкорликда, уларнинг ҳар томонлама мадади билан амалга оширилиши мумкин. Эндиликда бизда кенгашлар, мажлислар кам ўтказилмоқда, қабул қилинаётган қарорлар ва бошланғич партия ташкилотларидан келиб турадиган ахборотлар сони камайди, иш планлари конкретроқ бўлиб қолди, шаҳар партия комитети аппаратининг ходимлари жойларга мунтазам бориб турибдилар. Илгари бўлганидек, расмийчилик ва тадбирбозликдан холи бўлган партия ва совет ходимларининг корхоналар ва истикомат жойларида одамлар билан учрашувлари таомилга кирмоқда. Шаҳар комитети барча бўлимларининг инструкторлари сиёсий докладчилар бўлиб, ягона сиёсий кунларни ўтказишда қатнашмоқдалар, графикка мувофиқ партия ўқуви ва меҳнаткашларга иқтисодий билим бериш системасидаги машғулотларга қатнашмоқдалар. Бўлимларнинг жойларда амалий ёрдам кўрсатиш юзасидан сайёр мажлислари ўтказиб турилибди.

Биз шаҳар партия комитети пленумларига тайёргарлик кўришда жамоатчи-лик фикрини ўрганадиган бўлдик. Масалан, «КПСС XXVII съезди қарорлари асосида идеология, сиёсий-тарбиявий ишни янада такомиллаштириш тўғрисида»ги масала муҳокама қилинган пленум олдидан «Социалистический Чирчик» шаҳар газетасида газетхонлардан корхонадаги меҳнат интизомининг аҳволи тўғрисида ва ичкиликбозликка барҳам бериш, совет турмуш тарзини қарор топтириш, истикомат жойларидаги ишни яхшилаш тўғрисида ҳикоя қилиб бериш сўралган анкета эълон қилинди. Шаҳар партия комитети идеология фаолиятини тако-миллаштириш юзасидан ҳаққоний танқид ва яхши таклифлар қилинган 120 дан кўпроқ хат олди. Пленумдаги докладни тайёрлашда ва қарорни тузиб чиқишда ана шу хатлардан фойдаланилди.

Биз қилинган ишларимиз қайта қуришдан иборат катта ишнинг факат бошланиши эканлигини яхши биламиз. Ҳаётнинг реал проблемаларини чуқур ўрганиш, сафсатабозлик ва насиҳатгўйликдан қутулиш, юклатилган иш учун масъулиятни ошириш, ошқораликни кенгайтириш, идеологик, тарбиявий ишнинг таъсирини кучайтириш — бу иш муваффақиятининг гаровидир. Ўзбекистон Компартияси МКнинг шу йил февраль ва мартда бўлиб ўтган IV ва V пленумлари идеология соҳасидаги кўпгина камчиликларни кўрсатиб ўтди. Пленум қарорида таъкидланадики, одамларнинг онги ва ҳулқ-атворида таъсир этишининг ҳамма форма ва воситалари ҳали тўла ишга солингани йўқ, ўтмиш сарқитлари, диний кўри-нишлар секинлик билан тугатилмоқда, гиёҳвандлик, ичкиликбозлик, меҳнатсиз даромадлар, жинояткорлик, ўғирликлар билан курашда кескинлик ва ҳужумкор-лик етишмайди. Иш билан банд бўлмаган аҳолини ижтимоий ишлаб чиқаришга сабот билан жалб этиш ҳам жуда муҳим аҳамиятга моликдир. Умуман аҳолининг барча қатламлари орасидаги ғоявий-тарбиявий ишда расмийчилик ва кампания-чиликка барҳам берилмаган. Ана шу ва бошқа кўпгина камчиликлар у ёки бу дара-жада бизнинг шаҳар партия комитетимиз фаолияти учун ҳам характерлидир. Биз КПСС XXVII съезди, меҳнаткашларнинг сиёсий ва иқтисодий ўқуви системасини, қайта қуришнинг Асосий йўналишлари қўйган вазифалар ҳаётимиз воқелигига айланиши учун бу камчиликларга қатъият ва изчиллик билан барҳам берамиз.

ЎЗБЕКИСТОН АГРОСАНОАТ КОМПЛЕКСИ ФАОЛИЯТИНИ ТАКОМИЛЛАШТИРИШ ПРОБЛЕМАЛАРИ

Редакцияга хат ва мақолалар кетма-кет келиб турибди, уларнинг авторлари иқтисод фанлари кандидати Д. Зокирхўжаевнинг «Ўзбекистон агросаноат комплекси-ни бошқаришнинг такомиллаштирилиши» мақоласида («Ўзбекистон коммунисти», 1986, № 11) кўтарилган масалаларга доир ўз фикр-мулоҳазаларини билдириптилар, шунингдек республика агросаноат комплекси фаолиятини такомиллаштиришнинг бошқа проблемаларини қараб чиқяптилар. Улардан баъзиларини эълон қилаемиз.

Агросаноат комплексини бошқариш республика олий мактабининг доценти
Л. Б. МИРҲАЙДАРОВ:

— Мамлакат халқ хўжалигининг интенсив иш методларига ўтказилиши бошқариш ва хўжалик юритиш механизми органларини ҳар томонлама ташкилий қайта қуришни талаб этди. Жумладан, аграр секторда бир қатор министрлик ва идоралар негизида агросаноат давлат комитети ташкил этилди, қурилиш ва баъзи бир бошқа тармоқлар бошқарилишида қайта қуриш юз берди, хўжалик юритишнинг иқтисодий методлари ҳам ўзгарди. Лекин, модомики бошқариш органларини, иш методлари ва услубини қайта қуриш динамик жараён экан, табиийки илгаридан амал қилиб келган ва янги киритилган формаларнинг кам-кўсти тузатилади, уларга сайқал берилади.

Д. Зокирхўжаев ўз мақоласида республикада амалга оширилган ишларга қўшимча равишда бир қатор ташкилий қайта қуришларни, жумладан, Ўзбекистон ССР Ўрмон хўжалиги министрлиги, Ўзбекистон ССР Балиқ хўжалиги давлат комитети бўлинмаларининг, Республика мелиорация ва сув хўжалиги министрлиги эксплуатация қисмини Ўзбекистон ССР Агросаноат давлат комитети ягона раҳбарлиги остида бирлаштиришни, шунингдек, Ўзбекистон ССР Госснаби ва Ўзбекбирлашувнинг кишлоқ хўжалигини таъминлаш соҳасида бир-бирини такрорловчи функцияларини Госагропромга бериш орқали таъминот операцияларини тартибга солишни таклиф этади.

Баъзи бир таклифлар — Минводхоз эксплуатация қисмининг Госагропромга берилиши, ана шу министрлик қурилиш бўлинмаси ва Ўзбекистон ССР Госкомводстрой базасида сув хўжалиги қурилиши министрлигини ташкил этиш ҳақидаги таклифлар — бизнингча, эътиборга лойикдир. Шу сабаблики, биринчидан, суғориладиган деҳқончилик шаронтида кишлоқ хўжалик ишлаб чиқаришининг ўсиши кўп жиҳатдан ирригацион-мелиоратив таъминотга боғлиқдир, бинобарин, ана шу соҳанинг Госагропромга берилиши эса, шубҳасиз, оператив бошқарувни яхшилайди. Иккинчидан, Ўзбекистон ССР Минводхоз ва Госагропроми қурилиш фаолиятлари аслида бир хил бўлгани учун ҳам уларни бирлаштириш қўшимча харажатларни камайтирибгина қолмай, балки қурилиш индустриясини оптимал меъёрга концентрациялашга ҳам имкон беради.

Қолган таклифларни қабул қилишдан олдин ишлаб чиқаришда қарор топган муносабатларни, ишлаб чиқариш қувватлари, меҳнат коллективларида шаклланган кўникмаларни чуқур ўрганиб чиқиш керак бўлади.

ҚИШЛОҚ ХЎЖАЛИК ИШЛАБ ЧИҚАРИШИ САМАРАДОРЛИГИНИ ОШИРИШ МАСАЛАСИГА ДОИР

Мамлакат социал-иқтисодий тараққиётини жадаллаштириш, КПСС Марказий Комитетининг партия XXVII съездига Сиёсий докладада айтилганидек, яқин вақт ичидаги ва истикболдаги барча проблемаларимизни, иқтисодий ва социал, сиёсий ва идеологик, ички ва ташқи проблемаларимизни ҳал этиш калитидир. Ижтимоий ишлаб чиқариш самарадорлигини уни интенсивлаштириш йўлисиз ошириш мумкин эмас.

Бу жараён қонуний ҳол бўлиб, унинг ривожланиши ва ўзгаришларга учрашини социализмнинг объектив иқтисодий қонунлари, жумладан, ижтимоий ишлаб чиқариш самарадорлигини ошириш қонуни амал қилиши тақозо этади. Ушбу қонун ишлаб чиқарувчи кучлар ва ишлаб чиқариш муносабатлари ривожланишини характерловчи негиз сифатида, бир томондан, самара ва ишлаб чиқариш ресурслари ўртасидаги сабабли натижа алоқаларни акс эттиради, бошқа томондан — умуман жамият ва айрим коллективлар ўртасидаги зарурий барқарор муносабатларни ифодалайди. У кишиларнинг ўсиб бораётган эҳтиёжларини янада тўлароқ қондириш йўлида ишлаб чиқариш самарасининг максимум бўлишини таъминлашга, меҳнат шарт-шароитларини яхшилашга, бўш вақтдан оқилона фойдаланиш учун шарт-шароит яратишга олиб келади, жамиятимиз барча аъзоларининг ҳар тарафлама камол топишига имконият яратади.

Ишлаб чиқариш самарадорлигини ошириш қонунининг амал қилиши кишиларнинг планли, ижтимоий уюшган фаолияти, меҳнат унумдорлиги, асосий фондлар ва капитал маблағлар самарадорлигининг муттасил ўсиши, моддий харажатларнинг камайиши ва ҳоказолар орқали рўёбга чиқади. Мазкур қонун намоён бўлишининг ушбу формалари ишлаб чиқариш самарадорлигини ошириш жараёнини бошқаришда ундан амалий фойдаланиш воситаси, рицаги бўлиб хизмат қилади.

Социализмни ҳар томонлама такомиллаштириш мобайнида ижтимоий ишлаб чиқариш самарадорлигини ошириш негиз ва омилларининг ўзгариши тилга олинган қонуннинг намоён бўлиш формалари ҳам ўзгаришига олиб келади — улардан баъзи бирларининг аҳамияти кучсизланади ёки бутунлай йўқолади, баъзилари эса (асосий вазифаларнинг характериға боғлиқ ҳолда) кучаяди. Масалан, аввало ишлаб чиқаришни интенсивлашда, меҳнат унумдорлиги, фонд самарадорлиги ўсишида, материал сарф-харажатлари пасайишида, табиий ресурслардан оқилона фойдаланиш ва маҳсулот сифатини яхшилашда ифодаланувчи сифат омилларининг устун туриши ҳозирги босқичда ижтимоий ишлаб чиқариш самарадорлигини оширишнинг ўзига хос хусусиятидир.

Қишлоқ хўжалик ишлаб чиқаришини интенсивлаш шароитида меҳнат унумдорлигининг ўсиши қишлоқ хўжалик ишлаб чиқаришини ўстириш омиллари орасида алоҳида роль касб этмокдаки, бу ҳақда КПСС Марказий Комитетида 1987 йил 23 январда бўлиб ўтган кенгашда жуда асосли гапирилди. Ана шу вазифа Ўзбекистон қишлоқ хўжалиги учун беҳад актуалдир. Бизнинг ҳисобларимизга кўра, бу ерда ўн биринчи беш йиллик мобайнида меҳнат унумдорлиги (ҳар бир ишловчига ҳисоблаганда ялпи даромаднинг ҳосил қилиниши) 9,6 процент ўсди, меҳнатнинг фонд билан таъминланиши эса 27,7 процент ўсган эди. Республикада ана шу соҳада яратилган миллий даромад ўсишининг атиги 47,5 процентигина меҳнат унумдорлигини ошириш ҳисобига қўлга киритилдики, мамлакат қишлоқ хўжалигида эса у 100 процентга тенг бўлди.

Ўзбекистон қишлоқ хўжалигида банд бўлган ходимлар миқдорининг узлуксиз ошиб борганлиги, унинг ялпи маҳсулот ишлаб чиқариш ўсиши билан балансланмаганлиги, бинобарин, ана шу ишлаб чиқариш бирлигига меҳнатнинг нормативдан ошқича сарф этилганлиги бундай аҳволни юзага келтирган сабаблардир. 1981—1985 йилларда республика қишлоқ хўжалигида банд бўлган ходимлар сони 9,5 процентга кўпайди, ялпи маҳсулот ишлаб чиқариш ҳажми эса 6 процент

пасайди. Ана шу давр мобайнида совхозларда 1 центнер дои етиштириш учун кетадиган ўртача йиллик бевосита сарф-харажатлар 31,2 процент ўсди, ана шундай харажатлар пахта етиштиришда 26,7 процент ва картошка етиштиришда 18,9 процент кўпайган эди. Меҳнатнинг бевосита сарф-харажатлари Қорақалпоғистон АССР, Қашқадарё, Навоий, Самарқанд ва Фарғона областларининг колхозларида ҳамда Андижон, Қашқадарё, Навоий ва Хоразм областларининг совхозларида айниқса юқори бўлди.

Қишлоқ хўжалик техникасидан ёмон фойдаланиш меҳнат сарфи кўпайишига таъсир кўрсатяпти. Масалан, сабзавотларни механизмлар ёрдамида экиш салмоғи ишларнинг умумий ҳажмига нисбатан олганда 1980 йилдаги 27 процентдан 1985 йилда 24 процентга, пичан ғарамлашда — 36 дан 26 процентга, картошка қавлашда — 81 дан 58 процентга, ўғит ортишда 93 дан 87 процентга тушиб қолди. ҳолбуки шу давр мобайнида тракторлар парки 157,3 минг донадан 196,7 минг донага, дон комбайнлари 8,5 мингдан 11,7 минг донага ошди. Пахта териш машиналари парки 1980 йилдаги 36,6 мингдан 1985 йилда 40,2 минг донага етгани ҳолда умумий иш ҳажмида пахтани (кўрак билан биргаликда) машинада териб олиш салмоғи 63 процентдан 40 процентга тушиб қолди. Ўзбекистон Компартияси МҚ V пленумида (1987 йил март) Ўзбекистон Компартияси Марказий Комитети биринчи секретари И. Б. Усмонхўжаев қилган докладда таъкидланганидек, «Бухоро, Жиззах, Қашқадарё, Навоий областлари антимеханизаторлик кайфиятларининг ўзига хос марказлари бўлиб қолди».

Пахтачиликда меҳнатни механизациялаш ва унинг унумдорлиги даражасининг ва пировард натижада самарадорлигининг пасайиши, — Ўзбекистон Компартияси XXI съездида таъкидланганидек, — асосан ишлаб чиқаришни бошқаришдаги жиддий нуқсонларнинг, шунингдек, қўшиб ёзиш, ўғирлик ва 70-йиллар — 80-йиллар бошларида Ўзбекистонда кенг ёйилган бошқа негатив ҳодисаларнинг оқибати эди. Улар қишлоқ хўжалиги меҳнатчиларининг ишлаб чиқариш ҳажмини оширишдан, унинг самарадорлиги ва иш сифатини юксалтиришдан манфаатдорлигини камайтириб юборди.

Республиканинг баъзи бир хўжаликларида меҳнатни механизациялаш даражасининг пасайиши ёки ҳатто уни инкор этилишига қишлоқ хўжалик машиналари унумдорлигининг пастлиги, уларнинг эҳтиёт қисмлар билан таъминламаганлиги ҳам жиддий таъсир кўрсатди. Масалан, 14ХВ-2,4 пахта териш машинаси 16 йил, трактор прицеplари 20 йил, автомобилларнинг ярим прицеplари 21, Т-62-1 дизели 20, С-242 насоси 36 йил давомида модернизация қилинмади ва ҳоказо. Культиваторларнинг ишловчи органларга бўлган эҳтиёжлари фақат 60—70 процент, чанглатувчи-пуркагичларга эҳтиёж эса ярмидан кам даражада қондириляпти.

Ишларни механизациялаш даражаси пасайишининг ва техникадан фойдаланишнинг бошқа бир сабаби унга тегишли кадрларнинг етишмаслигидадир. Ҳозирги пайтда, бизнинг ҳисобларимизга қараганда, битта механизаторга 1,2 дона қишлоқ хўжалик машинаси тўғри келади, яъни уларнинг ҳатто бир сменали иши ҳам таъминланмаган. Айниқса Навоий, Жиззах областларида ва Қорақалпоғистон АССРда механизатор кадрлар масаласи оғир, бу ерда йиғим-терим мавсумида учдан бир ҳиссадан кўпроқ тракторчи ва комбайнчилар етишмайди.

Қишлоқ хўжалик техникасидан етарлича фойдаланмаслиқнинг объектив ва субъектив сабаblари асосий ишлаб чиқариш фондларининг 1 сўми ҳисобига ялли даромад ҳосил қилишнинг пасайишига олиб келди. 1981—1985 йилларда бу кўрсаткич 46 тийиндан 39 тийинга тушиб қолди.

Қишлоқ хўжалигидаги асосий ишлаб чиқариш фондлари қийматининг пасив қисми ҳиссасининг ошиши натижасида ҳам бу фондлар самарадорлиги камаймоқда. Бу чорвачилик комплекслари барпо этишга, сув хўжалиги объектлари қурилишига капитал маблағларни кўп ажратиш билан боғлиқки, улардан самара олиш узоқ вақтга мўлжалланган. Қишлоқ хўжалигидаги асосий ишлаб чиқариш фондларининг қийматида машина ва ускуналар ҳиссаси 1980 йилдаги 16,5 процентдан 1985 йилда 14,3 процентга тушиб қолгани ҳолда, бинолар, иншоотлар ва узатма қурилмаларнинг ҳиссаси 63,3 процентдан 67,4 процентга кўтарилди.

Шундай қилиб, республика хўжаликларида қишлоқ хўжалиги асосий ишлаб чиқариш фондларидан фойдаланиш самарадорлигини оширишнинг катта ре-

зервлари мавжуд. Энг муҳими — техникани модернизациялаш, ишлаб чиқаришнинг янада самарали ва ресурсларни тежовчи технологияларини қўллаш асосида ана шунга эришишдир. Бошқача айтганда, қишлоқ хўжалиги асосий ишлаб чиқариш фондларини такрор ишлаб чиқаришда ҳар томонлама интенсивлашга ўтишни таъминлаш зарур, чунки қисман, бир томонлама интенсивлаш ҳозирги босқичда самарасиз бўлиб, фонд самарадорлигининггина эмас, балки ишлаб чиқариш самарадорлиги бошқа кўрсаткичларининг ҳам пасайишига олиб боради.

Ўзбекистонда, масалан, қишлоқ хўжалик ишлаб чиқаришини бир томонлама интенсивлаш маҳсулотнинг моддий сарф-харажатлари ошишига олиб келди: ўн биринчи беш йиллик мобайнида ялпи даромаднинг 1 сўмини ҳосил қилишга кетган моддий харажатлар (амортизациясиз) 32 тийиндан 34 тийинга кўпайди. Анализ шуни кўрсатдики, бунда уруғлик ва озуқа, минерал ўғитлар, ёқилғи ва электр энергия сарфларининг ошганлиги роль ўйнаган. Агар ёқилғи ва электр энергия харажатлари қишлоқ хўжалик ишлаб чиқариш фондларининг ўсишига пропорционал тарзда ошган бўлса, уруғлик, озуқа ва минерал ўғитларга кетган харажатлар улардан нораціонал фойдаланиш ҳисобига ҳам ошиб кетган. Хусусан, минерал ўғитлар кўпинча агрономик-тупроқ карталари хусусиятларини ва улардан фойдаланишнинг энг мақбул пайтини танлашни ҳисобга олмай ишлатилади.

Қишлоқ хўжалик ишлаб чиқариши самарадорлигининг пасайиши қишлоқ хўжалигини иқтисодий ривожлантиришнинг асосий натижали кўрсаткичи — фойдаланилаётган ернинг ҳар гектарида олинадиган соф маҳсулот миқдорининг пасайишига олиб келди. 1985 йилда у Ўзбекистонда 1980 йилдагига нисбатан атиги 11,3 процент ошиқ бўлди.

Шундай қилиб, қишлоқ хўжалигида ижтимоий ишлаб чиқариш самарадорлигини ошириш қонунининг амал қилиши кейинги вақтда етарлича ҳисобга олинмай келинди. Иқтисодий кўрсаткичларнинг ошиши факат қўлланилаётган ишлаб чиқариш ресурсларини сифат ўзгаришларсиз ўстириш ҳисобига таъминланиб келдики, тармоқни бошқаришдаги жиддий нуксонлар ва бошқа негатив ҳодисалар билан биргаликда республикада қишлоқ хўжалик ишлаб чиқариши самарадорлигининг пасайишига ва умумиттифоқ даражасидан орқада қолишга олиб келди.

Фан-техника тараққиёти ва бошқарувни такомиллаштиришни бирлаштириш назария билан практиканинг алоқасини мустаҳкамлаш асосида қишлоқ хўжалик ишлаб чиқаришини ҳар томонлама интенсивлаш орқали ана шу колоқликка барҳам берилади ва белгиланган марраларга эришилади.

И. САЛОМОВ,
Ўзбекистон ССР Фанлар академияси
Экономика институтининг аспиранти.

Иқтисод фанлари доктори Р. Досумов мақоласида («Ўзбекистон коммуниста», 1986 йил, 12-сон) республикада фан-техника тараққиётининг бошқаришнинг қатор ғоят актуал масалалари кўтарилган. Жумладан, унда тилга олинган фан-техника тараққиётининг жадаллаштиришга план-экономика механизми таъсири проблемаси, бизнинг назаримизда, янада батафсилроқ кўриб чиқишга муҳтож. Куйида эълон қилинаётган мақола шу мавзуга бағишланади.

ПЛАН-ЭКОНОМИКА МЕХАНИЗМИ ВА ФАН-ТЕХНИКА ТАРАҚҚИЁТИНИНГ ЖАДАЛЛАШТИРИШ

Ш. ОРИФХОНОВ,
иқтисод фанлари кандидати

ФАҚАТ ИЛМИЙ-ТЕХНИКАВИЙ, иқтисодий ва социал ривожланишнинг қонуниятлари ҳамда тенденцияларини чуқур билишга таянибгина мураккаб, динамик, кўп тармоқли халқ хўжалик системасига муваффақиятли равишда планли раҳбарлик қилиш мумкин. КПСС ишлаб чиққан жадаллаштириш стратегияси, биринчидан, фан ва техниканинг кенг фронти бўйлаб илгари ҳаракат қилиб, маблағларни асосий имтиёзли йўналишларда тўплашдан, иккинчидан, тажрибада текширилган ишончли техникавий янгиликлардан оммавий фойдаланишга кенг йўл очишдан, учинчидан, меҳнат унумдорлигини бир неча марта оширадиган принципаал янги техника ва технологияларни яратишни ва ўзлаштиришни таъминлайдиган илмий, лойиҳавий ва конструкторлик ишланмаларини жадал ва аниқ мақсадни кўзлаб олиб боришдан иборатдир. Партия XXVII съездида уқтирилганидек, бу масалалар ечимни ўн иккинчи беш йилликдаёқ амалга оширила бошланади.

Мамлакатимизда давлат планлаштириши ягона илмий-техника сиёсатини амалга оширишнинг асосий формасидир. Маълумки, Госплан тармоқларга онд ҳамда тармоқлараро фанларнинг фан ва техникани ривожлантиришни планлаштириш соҳасидаги фаолиятини координация қилади ва мувофиқлаштириб туради. Шу билан бирга, КПСС МКда 1985 йил июнда фан-техника тараққиётининг жадаллаштириш масалаларига бағишлаб ўтказилган кенгашда таъкидланганидек, Госплани амалда илмий-иқтисодий органга айлантириш тўғрисидаги ленинча ғояни амалга ошириш керак бўлади. Бу планлаштиришнинг, бошқаришнинг илмий даражасини янада ошириш ва хўжалик механизмини такомиллаштириш зарурлиги билан боғлиқ бўлиб, буни партия энг муҳим хўжалик-сиёсий вазифа деб билади. Аслида социалистик план системаси афзалликларидан янада тўлароқ фойдаланишни таъминлашга, экономикадаги салбий тенденцияларни бартараф этишга ва фан-техника тараққиёти негизда экономикани ривожлантиришнинг интенсив омиллари родини оширишга принципаал янгича ёндашув белгиланди.

Бундай ёндашув халқ хўжалигини планлаштириш натижаларини умумлаштиришга ва унинг назарий асосларини ҳозирги шароитларга мувофиқ ривожлантиришга эътиборни кучайтиришни объектив равишда тақозо этади. Шунингдек, планлаштириш соҳасида фундаментал тадқиқотларни кенгайтириш, ишлаб чиқаришни интенсификаштириш проблемаларини, социал ривожлантириш, фан-техника тараққиёти ютуқларидан фойдаланиш қонуниятларини чуқур ўрганиш ҳам қонуний ҳолдир.

Мамлакатимизда экономикани бошқариш ва планлаштириш тажрибаси иқтисодий тараққиёт, унинг суръатлари ва халқ хўжалиги структурасини ўзгартиришга актив таъсир ўтказишининг мавжуд имкониятларига ҳамда

экономикани ривожлантиришнинг объектив шартланганлиги, ички қонуниятлари ва мантикига етарли баҳо бермасликнинг хатолигини кўрсатди. Келажакка мўлжалланган сиёсатнинг реаллиги — перспектив планлаштириш илмийлигининг энг муҳим белгиларидан биридир. В. И. Ленин планли фаолиятнинг дастлабки якунларини таҳлил қилаётиб огоҳлантирганидек, асосий хато — реал ҳўжалик-сиёсий шароитларни ҳисобга олмайдиган ва планларнинг бажарилмаслигига олиб келадиган «бюрократларча хомхаёллар»га берилишдир (Тўла асарлар тўплами, 44-том, 71-бетга қаралсин).

Планларнинг илмий асосланганлиги нафакат объектив ҳўжалик шароитлари ва иқтисодий тенденцияларнинг, шу билан бирга фан-техника тараққиёти талаблари ва самараларининг ҳам қай даражада тўла ҳисобга олинишига боғлиқ. Техникавий ривожланишнинг юксак суръатларини таъминлаш — халқ ҳўжалигини планлаштиришнинг муҳим вазифаларидан биридир. Ана шу ўзига хос хусусият ижтимоий ҳаётнинг барча соҳаларида мазкур вазифани ҳал этишга имкон берадиган ҳўжалик юритиш формалари ва методларини излашни ҳамда ишлаб чиқишни тақозо этади. Шунинг унутмаслик керакки, умумиттифок халқ ҳўжалик комплексининг илгарилаб ривожланувчи характери ва баланслашганлиги унинг барча тармоқлари ва ҳамма иттифокдош республикалар экономикалари пропорционал ўстирилишини тақозо қилади.

Ўзбекистон Компартияси МК ва Ўзбекистон ССР ҳукумати республика халқ ҳўжалиги, айниқса умумиттифок меҳнат тақсимоотида унинг ихтисослашувини белгилайдиган тармоқлар моддий-техника базасини мустаҳкамлашнинг энг зарур проблемаларига жиддий эътибор бериб келмоқда. Бироқ бу ерда фан-техника тараққиёти ҳали экономикани интенсив ривожлантиришнинг асосий омилига айланмаган. Интенсивлаштириш йўлига ўтиш муносабати билан республика халқ ҳўжалигида фан ва техника ютуқларидан комплекс фойдаланиш вазифаси ғоят актуал бўлиб бормоқда.

Бугунги кунда илмий-техникавий ишланмаларни ишлаб чиқаришга жадал жорий этиш талабларини ҳисобга олиш даражаси — экономикани ривожлантириш планлари илмийлигининг энг муҳим белгиларидан биридир. Бунда фан ва техниканинг айни шу пайтдаги даражасига эмас, балки келгусидаги — олдиндан кўриб турилган ва жадал яқинлашадиган даражасини мўлжаллаб иш олиб бориш назарда тутилади. Шу сабабли фаннинг ва унинг ишлаб чиқаришда техника жиҳатдан ишлатилишининг ривожланишини олдиндан айтиб бериш зарур бўлиб қолмоқда, шу билан бирга бу перспектив планлаштириш ҳамда социал-иқтисодий тараққиётни бошқариш соҳасидаги энг қийин вазифа ҳамдир. Бинобарин, бу вазифани ҳал этиш ва олинаятган натижаларни таҳлил қилиш илмий муассасаларнинг ҳамда табиий, техникавий, ижтимоий фанлар соҳасида иш олиб борадиган йирик олимларнинг доимий эътиборидаги объект бўлиши лозим.

Р. Досумов мақоласида республикани истиқболда иқтисодий ва социал ривожлантиришнинг асосий йўналишларини белгилашда планлаштирувчи органлар фан-техника тараққиётининг 20 йилга тузиладиган Комплекс программаси ҳамда Ўзбекистон ССР ишлаб чиқарувчи кучларини ривожлантириш ва жойлаштиришнинг 15 йилга мўлжалланган Схемаси вазифаларидан келиб чиқиш кераклиги тўғрисидаги масала кўтарилган. Шу билан бирга қайд қилиш керакки, план тузишдан олдин тайёрланадиган ана шу икки муҳим ҳужжатни ишлаб чиқишда амалда кўпинча изчиллик ва давомийлик бўлмади, шунингдек илмий-техникавий ва социал-иқтисодий жиҳатлар мувофиқлаштирилмади, яъни фан-техника тараққиётининг ишлаб чиқариш пировард натижаларига таъсирини акс эттирадиган кўрсаткичлар, техникавий кўрсаткичлардан социал-иқтисодий кўрсаткичларга ўтиш назарда тутилмади. Бундан ташқари, шу ҳужжатларнинг айрим бўлимларида, жумладан фан бўлимида қайтариклар учрайди.

Илмий-техникавий сиёсат ишлаб чиқарувчи кучларни ривожлантириш воситаси эканлигини ҳисобга олиб, Комплекс программани ва Схемани, бизнинг фикримизча, бир вақтнинг ўзида (ҳозир қилинаётганидек) эмас, балки кетма-кет ишлаб чиқиш керак. Бунда фан-техника тараққиёти Комплекс программаси фаннинг таклифлари сифатида ишлаб чиқилишидан ва асосий маълумот берувчи ҳужжат эмаслигидан келиб чиқиш лозим. Унда асосий эътибор фаннинг таъсирчанлигини оширадиган механизмни асослашга, фан-техника тараққиётининг

регионал жиҳатларини, ҳўжалик юритиш методларини ҳисобга олиб, фундаментал ва амалий фанни ривожлантиришнинг имтиёзли йўналишларини белгилашга ва шу сингариларга қаратилади, яъни у аслида «мулоҳаза қилиш учун ахборот» вазифасини бажаради. Ишлаб чиқарувчи кучларни ривожлантириш ва жойлаштириш Схемаси эса фан ёрдамида ишлаб чиқилиб, тасдиқланадиган ҳужжатдир. унда асосий эътибор жойлардаги ташкилий ишларга қаратилади (илмий-тадқиқот муассасалари ва фанга хизмат қилувчи базалар тармоғининг қўламлари, янги мўлжалланаётган қурилишлар ва реконструкция қилиниши ҳамда кенгайтирилиши лозим бўлган ишлаб турган объектлар рўйхати ва шу сингарилар асослаб берилади).

Шуни ҳам эсдан чиқармаслик керакки, фан-техника тараққиёти Комплекс программаси фақат республика миқёсида ишлаб чиқилади, Схемада эса ишлаб чиқарувчи кучларни территориал тарзда ривожлантириш ва жойлаштириш ҳам кўзда тутилади. Бу тармоқларга оид ва территориал бошқарув органлари системасида структуравий ўзгаришлар қилишда номувофиқликка сабаб бўлади.

Мамлакатда бошланган планлаштириш ва бошқарувни, бутун ҳўжалик механизмининг чуқур қайта қуриш жараёнида регионал ўзига хос хусусиятларни ҳисобга олган ҳолда бу қайта қуришни амалга оширишнинг объектив ишончли йўлларини топиш керак. Мазкур жараёнга планли асосда раҳбарлик қилишнинг мураккаблиги аввало шундаки, фундаментал ва амалий фан, тажриба-конструкторлик ва лойиҳа-технологик ишланмалар, фан ва техника ютуқларини ишлаб чиқариш орқали халқ ҳўжалигида амалга ошириш сингари бир-бирига узвий боғланган, лекин ҳар бири ўзига хос бўлинмалар фаолиятини ҳар бир маълум вақт бўлагида мувофиқлаштириб туриш керак бўлади. Биринчи иккита бўлинма академик, олий ўқув юртлари, тармоқ фанлари илмий аппаратини ривожлантириш истиқболларини ва улар ишланмаларини практикада амалга ошириш имкониятини очиб беради, учинчи бўлинма эса ана шу ишланмаларнинг моддий таъмин қилинишини ва иқтисодий самарадорлигини таъминлайди.

Биз фаннинг моддий базасини ҳар тарафлама кенгайтириш ва шу билан бир йўла барча йўналишлар бўйлаб илмий фаолият интенсивлаштирилишини ошириш зарур деб ҳисоблаймиз. Республиканинг илмий ташкилотларини бошқаришдаги муайян зиддиятни бартараф қилиш ҳақида ҳам ўйлаб кўриш керак, бу зиддият илмий-тадқиқот ишларини планлаштириш ва маблағ билан таъминлаш марказлаштирилган асосда амалга оширилиб, уларнинг натижалари эса ишлаб чиқаришга марказлаштирилмаган ҳолда жорий этилишидан иборатдир. Иш шундай ташкил қилинганида илмий-техникавий ишланмаларнинг жорий этилишига тўсқинлик қиладиган кўпгина субъектив ва объектив омиллар «фан — ишлаб чиқариш» алоқаси ўрнатилишига таъсир этади. Шунингдек иттифоқдош республикада илмий-тадқиқот ишларини планлаштириш ва уларни маблағ билан таъминлаш ўртасида илмий муассасаларни сақлашга «умумий таъминотчилик» методи асосида харажат ажратишга алоқадор номувофиқлик ҳам мавжуд. **Мақсадни кўзлаб маблағ билан таъминлаш комплекс ва тармоқлараро илмий-техникавий проблемаларнинг ҳал этилишига мос бўлур эди.**

Ҳозирги пайтда халқ ҳўжалигини планлаштиришнинг илмий базасини мустаҳкамлаш ҳамда бошқарувнинг турли даражаларида планларни шакллантиришга олимларни тобора фаолроқ жалб этиш юзасидан чора-тадбирлар кўрилмоқда. Халқ ҳўжалигини ривожлантиришнинг асосий масалалари юзасидан тақлифлар ва мақсадли комплекс программалар тайёрлаш учун йирик олимлар ва мутахассислардан доимий ёки вақтинча амал қилувчи комиссиялар ва ишчи гуруҳлари ташкил қилинмоқда. Планлаштирувчи органлар системасининг илмий-инженерлик муассасалари ва ҳисоблаш марказлари томонидан бажарилаётган илмий ишланмаларни, шунингдек илмий ташкилотлар ва олий ўқув юртлари ўтказаётган иқтисодий тадқиқотларни координациялаш, самарадорлигини ошириш ва улар натижаларини жорий этишда Госпланининг роли кучайтирилмоқда.

Кейинги пайтдаги партиявий ҳужжатларда қайд қилинганидек, ҳўжалик фаолияти ва иқтисодий фикрлаш услуби, планлаштириш методлари, бошқарув системаси етарлича фаол қайта қурилмаяпти.

Тигиз планлар олишдан, фан-техника тараққиётини жадаллаштириш, маҳсулот сифатини оширишдан корхоналар ва бирлашмалар иқтисодий манфа-

атдор бўлмайдиган вазиятларга барҳам берилмаяпти. Яхши ва ёмон ишлайдиган корхоналар баъзан бир хил шароитларга солиб қўйилади. Ишлаб чиқаришни махсулотнинг янги турларини чиқаришга тайёрлашни ташкил этишдаги хатолар, интизом бўшлиғи ва белгиланган вазифалар бажарилишининг қаттиқ назорат қилинмаслиги, шунингдек фан ва техникани ривожлантириш планларининг ишлаб чиқариш планлари билан етарлича мувофиқлаштирилмаслиги сабабли тадбирларнинг талай қисми бажарилмай қолмоқда.

Қўпинча техникавий янгиликларни ишлаб чиқаришнинг мавжуд шароитларини ҳисобга олмасдан қўлланишга ҳаракат қилишадик, бу янги техникани жорий этиш амалда кам самара беришига олиб келади, чунки бу билан боғлиқ тадбирларнинг аксарияти қўп маблағ сарфлашни талаб қилиб, оз натижа беради. Баъзан план топшириқларининг бажарилмаслиги уларни камайтириш томонга ўзгартириш билан ҳаспўшлаб юборилади. КПСС МҚ ва СССР Министрлар Советининг ҳўжалик механизмини такомиллаштириш тўғрисидаги қарорлари ҳаётга сустратиб қилинмоқда.

Буларнинг ҳаммаси, бизнинг фикримизча, план тузишдан олдин тайёрланадиган илмий-техникавий ишланмалар ва лойиҳа-қидирув ишлари натижаларининг тегишли планларни шакллантиришдаги ролини янада кучайтириш зарурлигини тасдиқлайди. Чунки планлаштириш объектив шарт-шароитларнинг ўзгаришига қанчалик ўз вақтида жавоб берса ва вужудга келаётган проблемаларни ҳал этишнинг оптимал йўллари кўрсатиб берса, у шунчалик мукамал бўлади.

Масаланинг бошқа бир томонини кўриб чиқайлик. Ҳозирги пайтда Ўзбекистон ССРда 186 муассаса, шу жумладан 43 олий ўқув юрти ва республика Фанлар академиясининг 37 институти илмий-тадқиқот ишлари олиб боради. Фан ҳамда илмий хизмат кўрсатиш соҳасида ўн минглаб киши ишлайди, улар орасида 1200 дан зиёд фан доктори ва 15,5 минг фан кандидати бор.

Бирок бизда фаннинг кадрлар потенциалини шакллантириш ишининг аҳволи яхши эмас. Республикада 10 минг аҳолига 21 илмий ходим тўғри келади. Бу умуман мамлакатдагига (53) ва Украина ҳамда Белоруссия (40), Латвия (51), Арманистон (63) каби республикалардагига нисбатан анча камдир.

Шунингдек, фаннинг ресурслар билан таъминланиш, техникавий жиҳозланиш ва айниқса тажриба-экспериментал базаси ривожланиш даражаси жиҳатидан Ўзбекистон кўпгина республикалар ва мамлакатнинг илмий марказларидан орқада қолган. Олий ўқув юртининг бир ўқитувчисига тўғри келадиган илмий-тадқиқот ишлари ҳажми умумиттифок даражасидан 2 барабар кам. Илмий тадқиқотларда қўлланиладиган ускуна ва асбоблар Ўзбекистон ССР Фанлар академиясининг бир ходимига ҳисоблаганда Украина, Белоруссия, Эстония каби иттифокдош республикалардагига нисбатан 1,5—2 барабар камдир. Бунда маънавий ва жисмоний эскирган асбоб-ускуналар — актив ишлаб чиқариш фондлари амортизацияси республика фанининг штаби бўлган Фанлар академиясида 52 процентни ташкил қилади.

Аспирантурада ўқитиш самарадорлиги ҳам ниҳоятда паст. Аспирантурани тугатганларнинг ярмидан камроғи диссертация ишларини белгиланган муддатда топширади, уларнинг атиги 5—6 проценти ишини ҳимоя қила олади. Шунингдек мақсадли аспирантура ва толиблик орқали илмий кадрлар тайёрлаш имкониятларидан ҳам етарлича фойдаланилмаяпти.

Айниқса илмий изланишнинг фан-техника тараққиётини белгиладиган перспектив йўналишларида фан докторлари тайёрлаш масаласи кескин бўлиб турибди. Ўзбекистонда фан докторлари ва кандидатлари нисбати сўнгги 15 йил мобайнида деярли ўзгаргани йўқ, у 1:13 ни ташкил этади, бу кўрсаткич иттифокдаги ўртача кўрсаткичдан (1:9) ва айниқса, Закавказье республикаларида эришилган рационал кўрсаткичдан (1:7) жиддий фарк қилади.

Фан кандидатлари ва докторларининг илмий-тадқиқот институтларидаги нисбий ҳиссаси олий ўқув юртларидагига нисбатан ҳамон кам бўлиб қолмоқда. Барча илмий ходимларнинг атиги 8 процентдан кўпроғи саноат корхоналарида ишлайди, бу фаннинг завод сектори заифлигини кўрсатади. Фикримизча, илмий изланиш етакчи йўналишларининг бундан кейинги ривожланиш истикболлари илмий ходимларни комплекс илмий-тадқиқот институтлари ва илмий-ишлаб чиқариш бирлашмалари доирасида тўплашни кучайтириш билан боғлиқ, чунки бу

соҳаларда янги билимларга эришиш тажриба-экспериментал синовлар ва инженерлик ишланмалари билан қўшиб олиб борилади.

Ўзбекистонда лойиҳачилар, ишлаб чиқарувчилар ва олимлар ўртасидаги ҳамкорлик етарлича мустаҳкам эмаслиги эътиборни тортади. Бунинг сабаби, афтидан, лойиҳа-қидирув ишланмаларининг планларни шакллантиришдаги ролига етарли баҳо берилмаслигида, улар моҳиятини оширадиган ҳуқуқий механизмнинг тартибга солинмаганлигидадир. Лойиҳа институтлари илмий муассасалар ва ишлаб чиқариш корхоналаридек ҳуқуқларга эга эмас. Лойиҳа ташкилотлари ходимларининг умумий сониди олимлар ва тажрибали инженерлар салмоғининг камлиги ана шундандирки, бу лойиҳалар сифатига салбий таъсир кўрсатади ва Ўзбекистон ССР Госплани, Госстройи, министрликлар, идоралар ҳамда маҳаллий Советлар ижрокомларининг тегишли бўлинмалари лойиҳалар экспертизасини ташкил этишни жиддий яхшилашларини зарур қилиб қўймоқда.

Планларнинг илмийлиги принципини изчил амалга ошириш йўли билан планга оид ишлар савиясини ошириш — мураккаб жараён. У планлаштириш методологиясида, план ва ҳўжалик ходимларини тайёрлашда, инсон омилига муносабатда жиддий ўзгаришлар қилинишини тақозо этади. Партия белгиланган мамлакатни иқтисодий ва социал ривожлантиришни жадаллаштириш стратегиясини, бошқарувни демократлаштиришга қаратилган, фан-техника революцияси янада авж олдирилиши билан пировард маҳсулот сифатининг конкрет ижрочилар ижодий активлигига ва меҳнат коллективларининг ташаббускорлигига тобора кўпроқ боғлиқ бўлиб қолишига қаратилган узоқ муддатга мўлжалланган йўлни амалга ошириш негизларидан бири ана шундадир.

Истикболда амалда имтиёзлилик принципи ҳал қилувчи аҳамият касб этади. Бу илмий ресурслар фан-техника тараққиётининг мамлакат учун энг муҳим йўналишларида тўпланишини англатади. Бинобарин, Ўзбекистон учун ҳам ана шундай имтиёзли йўналишлар ва энг муҳим илмий-техникавий проблемалар доирасини таърифлаш керак бўлади. Кейинчалик ана шу йўналишлар ва проблемаларнинг республикага: биринчидан, жаҳон даражасидан ошиб кетишга, иккинчидан, 10—15 йил ичида янги технологик имкониятлар очишга, учинчидан, перспектив йўналишларни ривожлантиришда жиддий қадам ташлашга имкон берадиганларининг ривожлантириш мақсадга мувофиқдир.

Бу вазифалар ечими Ўзбекистон ССР территориясида жойлашган барча фан ва илмий хизмат кўрсатиш муассасалари фаолиятини синчиклаб таҳлил этишни ва бу ишда етакчи роль ўйнаши мумкин бўлган илмий коллективларни аниқлашни (илмий замин мавжудлигини, кадрларни, моддий-техника таъминотини, ташкилий шарт-шароитларни ва шу кабиларни ҳисобга олиб) тақозо этади. Шу билан бир вақтда самарасиз ва актуаллигини йўқотган илмий муассасаларни бартараф қилиш асосида перспектив йўналишларда ишлайдиган янги муассасаларни ташкил этиш лозим бўлади. Молиявий ва моддий ресурсларни шунчаки институтларни сақлаб туриш учун эмас, балки олдиндан белгиланган пировард мақсадли конкрет тадқиқотлар учун ажратиш вақти етди.

План-экономика механизми илмий коллективлар: академия институтлари ва олий ўқув юр்தларининг — илмий изланишнинг имтиёзли ва принципиал янги фундаментал йўналишларида тадқиқот юргизишдан; тармоқларга оид илмий лойиҳа-конструкторлик ва технологик ташкилотларнинг — ишлаб чиқаришни революционлаштирувчи принципиал янги техникавий ечимларни ишлаб чиқишда фундаментал фан таклифларидан оптимал фойдаланишдан, ишлаб чиқарувчиларнинг эса — фан-техника ютуқларини жадал жорий этишдан нафақат манфаатдорлигини, шу билан бирга бунга масъуллигини ҳам таъминлаши лозим. Бундай механизм илмий-техникавий фаолиятнинг ҳамма томонларини — тадқиқотлар ва ишланмаларни муфассал планлаштиришни, маблағ билан таъминлаш ва рағбатлантиришни, тажриба-саноат ишлаб чиқаришини амалга оширишни, манфаатдор министрликлар (идоралар), бирлашмалар ва корхоналар билан биргаликда олинган натижаларнинг жорий қилинишини ташкил этишни ва шу кабиларни камраб олиши керак.

Жорий этиш — бу фан билан ишлаб чиқариш ўртасида бўладиган бир марталик босқич эмаслиги, балки «фан — техника — ишлаб чиқариш — истеъмол» кўринишидаги мураккаб, кўп босқичли цикл эканлигига эътиборни

кучайтириш лозим бўлади, бу циклга динамизм, изчиллик ва прогрессивлик хосдир. Хар бир ҳолда уни конкретлаштириш мазкур жараёни планли асосда бошқариш самарадорлигининг муҳим шартидир.

Алоҳида муҳим илмий-тадқиқот ва тажриба-конструкторлик ишланмалари, кашфиётлар ва ихтироларни жадал жорий этиш ва кенг миқёсда кўпайтириш мақсадида мамлакатда, жумладан Белоруссияда ва Грузияда мавжуд тажрибадан фойдаланиб муассасалараро характердаги тегишли комиссияни ташкил этиш зарур. Ўзбекистон ССР Госплани, Фанлар академияси, Олий ва ўрта махсус таълим министрлиги, Ўзбекистон қасаба союзлари республика Совети, Ўзбекистон ССР Халқ контроли комитети ва бошқа дахлдор министрликлар ва идоралар раҳбарлари бу комиссия составига кириши мумкин.

Фикримизча, шунингдек Ўзбекистон ССР Фан ва техника давлат комитетини таъсис этиш тўғрисидаги масалани ҳам кўриб чиқиш пайти етди, бу масала республика матбуотида бир неча марта қўйилмоқда. Бундай комитет республика Госпланининг фан, янги ва ҳисоблаш техникасини жорий этиш йиғма бўлими негизида ташкил қилиниши мумкин. Бу, биринчидан, тармоқлараро характердаги комплекс илмий-техникавий программаларни амалга ошириш ва умумдавлат органи томонидан уларни планли асосда бошқариш учун Ўзбекистоннинг марказлаштирилган фан ва техника фондини ташкил этиш ва уни маблағ билан таъминлайдиган манбаларни излаб топишга, иккинчидан, КПСС XXVII съезди қабул қилган фан-техника тараққиёти муҳим йўналишларини белгилаш, тармоқлараро йирик фан-техника проблемаларини ҳал этиш, принципиал янги техника ва технологияни ишлаб чиқишни ташкил этиш, тармоқларнинг илмий-техник даражасини, ишлаб чиқаришнинг дунёдаги энг яхши ютуқларга мувофиқлигини, илмий-тадқиқот, лойиҳа-конструкторлик ва технология ташкилотларини шакллантиришни контрол қилишдан иборат ҳаракатлар программасини амалга оширишда янада муваффақиятли қатнашишга имкон берган бўлар эди.

Илмий фаолият билан инженерлик фаолиятининг тобора бир-бирига омихта бўлиб кетадиган характерга эга бўлишини ҳисобга олиб, фан докторлари ва кандидатларини тармоқларга оид илмий-тадқиқот институтларида, конструкторлик бюроларида ва бошқа шу сингари ташкилотларда ишлашга кенгрок жалб қилиш мақсадга мувофиқдир, бу фаннинг завод секторини мустақамлашга хизмат қилади. Зарур ихтисослардаги олимларга эҳтиёжни белгилаш, улар сонини планлаштириш ва тақсимлаш билан, бизнинг фикримизча, биринчи навбатда министрликларнинг ўзлари республика Госплани билан биргаликда шуғулланишлари лозим. Шунингдек, инженер-экономистлар тайёрлайдиган олий ўқув юртларининг ўқув планларида план-экономика ва ҳўжалик механизмининг фан-техника тараққиётини жадаллаштиришга таъсир ўтказиш методларини ўрганишнинг кўзда тутилиши зарур деб ҳисоблаймиз.

Республика фанини, жумладан унинг кадрлар қисмини ресурслар билан таъминлашни ривожлантириш истиқболларини белгилашда анъанавий (эришилган натижага қараб белгиланадиган) методлардан воз кечиш ва КПСС МК ва СССР Министрлар Совети яқинда қабул қилган қарорга мувофиқ илмий кадрларни тайёрлашни ва улардан фойдаланишни тубдан қайта қуриш талабларига асосланиш керак бўлади.

Юқорида санаб ўтилган барча масалаларнинг ҳал этилиши Ўзбекистонда фан-техника тараққиётини жадаллаштиришга план-экономика механизми таъсирини кучайтиришга имкон беради, чунки бу янги ғояларни ишлаб чиқиш босқичлари билан уларни амалда бажариш ўртасида мутаносибликни таъминлайди.

МАРКСЧА-ЛЕНИНЧА ТАЪЛИМ СИСТЕМАСИ УЧУН

«Мамлакатни социал-иқтисодий ривожлантиришни жадаллаштириш — КПССнинг стратегик йўли» курси бўйича методик маслаҳатлар

СОВЕТ ЖАМИЯТИНИНГ МАЪНАВИЙ ТАРАҚҚИЁТИ

Инсон ва жамият маънавий ҳаётининг тараққий этиши ҳамда ҳозирги дунёда унинг ролининг ўзгариши энг актуал проблема эди ва шундай бўлиб қолмоқда. Марксизм-ленинизмнинг индивид маънавий дунёси проблемаларига «бефарқлиги» ҳақида қанчалик уйдирмалар тўқилмасин, марксизм гўё фақат жамиятнинг моддий ҳаёти, синфлар кураши, сиёсий воқеалар билангина кизиқади деб унга айб қўйишмасин, тарих тажрибаси шуни рад этиб бўлмас даражада исботладик, айнан марксизм-ленинизм инсоният маънавий ҳаётининг тараққиёти ва уни ҳозирги даврда тубдан ўзгартириш проблемаларини биринчи марта илмий асосда ҳал қилиб берди. Империализмнинг ҳатто энг ашаддий маддоҳлари ҳам совет халқининг жамият маънавий ҳаёти соҳасидаги улкан ютуқларини тан олишга мажбур бўлдиларки, бу ютуқлар меҳнаткашлар кенг оммасини тарихий ижодга отлантирган Коммунистик партия революцион-туб ўзгартувчилик фаолиятининг натижаларидир.

КПСС инсон омилини активлаштириш борасидаги қўп қиррали ишни авж олдириб, жамиятимизнинг маънавий тараққиётига ҳар тарафлама қўмаклашмоқда. У фан, маданият, адабиёт ва санъатни, халқ маорифи системасини янада юксалтириш борасидаги куч-ғайратни ошира бориб, уларнинг улкан гуманистик имкониятларидан шахсни шакллантириш йўлида тобора кенг фойдаланмоқда. Бугунги кунда фақат экономикадагина эмас, балки социал соҳада, идеология соҳасида ҳам ижодий кучларни сафарбар этиш, ишни янгича олиб бориш маҳорати талаб этилади, деб ҳисоблайди КПСС.

Машғулотнинг қуйидаги плани тавсия этилади:

1. Мамлакат маънавий тараққиёти билан социал-иқтисодий ривожининг ўзаро алоқадорлигини чуқурлаштириш.
2. Социал-психологик омилар, уларни активлаштириш — жадаллаштиришнинг муҳим резерви.
3. Идеология билан ҳаётнинг алоқасини мустаҳкамлаш, сўз билан иш бирлиги.

МАМЛАКАТ МАЪНАВИЙ ТАРАҚҚИЁТИ БИЛАН СОЦИАЛ-ИҚТИСОДИЙ РИВОЖИНИНГ ЎЗАРО АЛОҚАДОРЛИГИНИ ЧУҚУРЛАШТИРИШ

Пропагандист социализмда маънавий тараққиёт ҳақида гапирар экан, тингловчиларга шуни тушунтирадик, марксизм тарихда биринчи марта кишилар маънавий ҳаётининг табиатини, улар ижтимоий онгини социал-иқтисодий тузум ва пировард натижада, моддий ишлаб чиқаришнинг ривожланиши такозо этишини очиб берди, инсон индивидуал онгининг социал муҳитга ва унинг амалий фаолиятига боғлиқлигини, маънавий ҳаёт турли формаларининг нисбий мустақиллигини, унинг жамият ривожига фаол таъсир кўрсатиш, социал туб ўзгаришларга тўсқинлик қилиш ёки қўмаклашиш қобилиятини аниқлаб берди. К. Маркс ва Ф. Энгельс XIX аср буржуа философиясен ва социологиясининг идеалистик ва субъективистик концепцияларига қарши курашда ижтимоий борлиқнинг ижтимоий онда акс этишини илмий анализ қилиб бердилар, кишилар маънавий ҳаётининг турли жиҳатлари ва формаларининг (ахлоқ, дин, санъат, сиёсий ва ҳуқуқий идеология ҳамда бошқалар) келиб чиқиши ва социал илдиэларини очдилар. Бу билан марксизм-ленинизм асосчилари ижтимоий тафаккурни фаннинг мустаҳкам заминига қўйдилар, ижтимоий ҳаракатлар ва социал назариялардаги утопик, волюнтаристик ва бошқа идеалистик карашларнинг ўтмишдаги ҳукмронлигини бартараф этдилар, ғоя оммага сингиши биланок моддий кучга айланишини исботладилар.

Маркс ва Энгельс таълимоти ХХ асрда ижодий ривожлантириш, ижтимоий онгининг тарих ва маданиятдаги ролини ҳар тарафлама асослаш, халқ оммасининг маънавий ҳаётини революцион тарзда ўзгартириш иши В. И. Ленин, у бунёд этган Коммунистик партия, бошқа марксчи-ленинчи партиялар зиммасига тушди. Жамиятнинг маънавий ҳаёти ҳамда уни социалистик асосларда тубдан ўзгартиш ҳақидаги марксистик таълимот Ленин асарларида, ленинизмда янада ривожлантирилди ва конкретлаштирилди. В. И. Ленин мамлакатимизнинг социализм ва коммунизм сари ҳаракат йўлини очиб берар экан, маънавий ҳаёт соҳасидаги революцион тўнтартиш янги жамият қурилишининг асосий қонуниятларидан бири эканлигини илмий жиҳатдан асослади, тарихий тажриба эса бунини тасдиқлади. У шундан иборатки, инсон тафаккури ўтмишда яратган ва ҳозир яратаётган жами чинакам бойликлар янгича ҳаёт касб этади — бутун халқ мулкига айланади, коммунистик дунё-қарашнинг революцион ғоялари билан йўғрилади ва руҳлантирилади ҳамда жамият ва шахсни ҳар тарафлама тараққий эттириш мақсадларига хизмат қилади.

Бу ўринда шунини гапириш керакки, В. И. Ленин совет жамиятининг жадал, илмий асосга қўйилган, давлат тадбирлари билан таъминланган маънавий тараққиёти социалистик қурилиш учун ғоят муҳим эканлигига партия эътиборини муттасил қаратиб келди. Бунда у жуда кенг маънода халқ маданиятини — меҳнат, турмуш маданиятини, давлатни бошқаришда иштирок этиш маданиятини, экономикадан бошлаб ижтимоий ҳаётнинг ҳамма жиҳатларини онгли равишда тубдан ўзгартиш маданиятини юксалтиришни назарда тутган эди (Тўла асарлар тўплами, 44-том, 195-бетга қаралсин).

Тингловчиларга шунини тушунтириш маъқулки, жамиятнинг маънавий ҳаёти — бу кишилар ақл-идроки, ирода ва туйғулари фаолияти барча қўринишларининг ривожланиш жараёнидаги йиғиндисидирки, булар амалий фаолият негизда ривожланади. Маънавий ҳаёт табиий ва социал борлиқни акс эттиради ҳамда жуда хилма-хил ғоялар, қарашлар, тушунчаларда кишилар, социал группалар, синфлар тасаввурлари ва ахлоқларида, улар ривожлантириб борадиган ва яратадиган маънавий маданият қадриятларида гавдаланади.

Жамият маънавий ҳаётига унинг ўз динамикаси, нисбий мустақиллиги ҳосил ва у, оддий қилиб айтиладиган бўлса, шунда ўз ифодасини топиши мумкинки, умумтарихий маънода онг объектив ҳақиқатдан «олдинда бориши», унда янги, илғор нарсаларнинг пайдо бўлишига кўмаклашиши ҳам мумкин, ундан орқада қолиши ҳам мумкин. Социалистик жамият қарор топа борган сари айнан биринчи тенденция тобора устун бўла боради, ва шунинг учун ҳам биз тўла асос билан унинг маънавий тараққий этиши ҳақида гапира оламиз. Аммо «тараққиёт» тушунчаси маънавий соҳага нисбатан, ўз вақтида Маркс уқтирганидек, ўзининг оддий абстрактлигида қўлланилмаслиги лозим: чунки бу кишилар маънавий-ахлоқий юксалишининг жонли процессидир ва ҳамма жонли нарсалар каби, зиддиятли процессдир. Бошқа ҳамма процесс ва воқеалар билан минглаб ришталар орқали боғланган бу процесс идеология ишида, инсон омилини активлаштириш борасидаги фаолиятда ҳар тарафлама ҳисобга олиниши шартдир.

Социализмдаги маънавий тараққиётнинг спецификасини нима белгилайди? Янги жамиятда унинг тарихий тақдирда асосли ўзгариш содир бўлади. В. И. Ленин кўрсатганидек, буржуа тузуми шароитида меҳнаткаш оммани «озчилик идора қилади, капиталистик мулкда иштирок этувчи, одамларнинг ғоят кўпчилигини қулликда саклаш учун капиталистик маданиятнинг энг юксак таянчи ва энг юксак самараси бўлган илм ва фанни эксплуатация қуролига айлантириб олган, монополия қилиб олган мулкдорлардан иборат озчилик идора қилади» (ТАТ, 37-том, 517-бет). Социализм эса ҳукмрон синфларнинг маънавий бойликдан фойдаланишга, билим-маърифатга, маънавий-ижодий фаолиятнинг юксак формаларига бўлган монополиясини таг-томири билан йўқотади. У маънавий ишлаб чиқаришнинг принцип жиҳатдан янги типини, фан, маориф, адабиёт ва санъатни, халқ ижодининг барча формаларини жадал ривожлантириш учун шарт-шароитларни яратади. КПСС Программасида қайд этилганидек, социализм — бу шундай жамиятки, унда «чинакам инсонпарвар марксча-ленинча идеология ҳукмронлик қилмоқда, халқ оммаси барча билим манбаларидан баҳраманд бўлмоқда, жаҳон маданиятининг барча яхши жиҳатларини ўзига синдириб бораётган илғор маданият яратилган».

Ана шу туб ўзгартишлар туфайли, деб таъкидлайди пропагандист, социалистик жамиятнинг маънавий тараққиёти шунчаки анча тез ривожланибгина қолмай — у ўз қисқасини ўзгартиради: у капитализмда ўзига хос бўлган антагонистликни, чуқур ички дисгармонияни йўқ қилади ҳамда тобора кенгайиб боровчи социал базада амалга оширилади. Социализмда маънавий тараққиёт унинг асосий бойлиги бўлмиш кишилар ижодий қучлари ва лаёқатларини оширишга, «Ҳар бир кишининг эркин ривожланиши ҳамманинг эркин ривожланишининг шартидир» деган буюк коммунистик шнорнинг амалга ошишига тўғридан-тўғри хизмат қилади. Ана шу туфайли жамиятнинг маънавий тараққиёти шахснинг маънавий тараққиёти билан тобора кўпроқ мослашиб боради. Равшанки, бунда гап узокка чўзиладиган процесс ҳақида, умумий қонуният ҳақида боради, аммо бу қонуният бутун совет жамияти маънавий тараққиётининг бош йўлини белгилаб беради.

Сўнгра маънавий тараққиётнинг социал-иктисодий ривожланиш билан ўзаро алоқаси чуқурлашиб боришининг моҳиятини очиб, айтиш чокда мамлакатимиз ижтимоий ҳаётнинг барча соҳаларида эришган улкан муваффақиятларни кўрсатиш лозим. У янги тузум афзалликларига таяниб, тарихан қисқа мuddат ичида иктисодий ва социал-маданий тараққиёт чўққиларига кўтарилдики, бу билан ҳар бир совет кишиси ҳақли равишда фахрланади. Айтиш чокда ҳаёт, унинг динамизми бундан буён ҳам силжишлар ва тўб ўзгаришлар қилиш, жамиятнинг сифат жиҳатдан янги ҳолатига, сўзнинг жуда кенг маъносидаги янги ҳолатига эришиш зарурлигини такозо этади (бу ўринда партия аниқ белгиланган ва содир бўлиши лозим бўлган ўзгаришлар ҳақида, бизнинг ижтимоий системамиз жавоб берадиган параметрлар ҳақида гапириш лозим — КПСС XXVII съездининг материаллари, 158—160-бетларга қаралсин). Партия илгари сурган жадаллаштириш стратегиясида социалистик жамият ривожини ҳозирги босқичнинг асосий белгиси: экономика тараққиётининг социал-сиёсий ва маънавий тараққиёт билан ўзаро боғлиқлигининг чуқурлашуви ва мураккаблашуви тўла-тўқис ҳисобга олинган. Жуда катта социал-маданий резервларимиздан фойдаланиш мамлакат ривожини жадаллаштиришнинг омма меҳнат ва ижтимоий-сиёсий активлигини оширишнинг, янги инсонни шакллантиришнинг, жамият сиёсий стабиллигининг муҳим омили бўлиши социалистик турмуш тарзини барқарор этишнинг қудратли воситаларидан биридир.

Бу ўринда шуни алоҳида уқтириш лозимки, жадаллаштириш йўли партиянинг узокка мўлжалланган сиёсий йўли бўлиб қолган бир даврда маънавий резервлар ҳақидаги масала биринчи даражали аҳамият касб этади. Бу энг аввало фанга — фан-техника тараққиётининг жараёни ва истикболларини белгилаб берадиган табиий-илмий, техникавий ва жамиятшунослик предметларининг жами сифатида бутун фанга тааллуқлидир. Бу фан-техника ютуқларини жамиятда ва ишлаб чиқаришда ўзлаштиришнинг зарур шарт бўлган таълимга ҳам тааллуқлидир. Бу идеология, дунёқараш, ахлоққа ҳам шунчалик тааллуқлики, булар социал ва фан-техника тараққиёти мақсадлари ва устунигини белгилаб беради. уни тартибга солувчи сифатида майдонга чиқади. Фан-техника революциясининг Маркс дохиёна олдидан кўра билган асосий социал оқибатини ҳам назарда тутиш лозимки, бунда инсоннинг ишлаб чиқариш фаолияти таркибида интеллектуал ва ташкилотчилик функциялари тобора кўп ўрин эгаллайди ҳамда уларни бажариш юксак умумий билим ва профессионал тайёргарликни талаб қилади.

Бу ҳол эса шуни такозо этадики, фан-техника тараққиётини жадаллаштириш вазифалари маънавий тараққиёт вазифалари билан, шахсни шакллантириш билан чамбарчас боғлиқ бўлиб, шахс фақат фан ва техника ривожини талабларига шунчаки мос бўлибгина қолмай, унинг ўзи ана шу жараённинг қудратли «жадаллаштирувчиси» сифатида майдонга чиқиши лозим. Маънавий ривожланиш билан ижтимоий ишлаб чиқаришнинг ўсиши ўртасидаги нисбат юқоридаги гапларнинг ишончли далилидир. Ҳозирги кунда партия билан халқнинг куч-ғайрати ишлаб чиқариш самарадорлигини кескин оширишга, яқин ўн беш йил ичида меҳнат унумдорлигини 2,3—2,5 баравар хўжалиқнинг бир қатор тармоқларида эса ундан ҳам кўпроқ оширишга эришишга қаратилгандир. КПСС бундан қандай қилиб амалга ошириш мумкинлигини аниқ белгилаб берди. Мавжуд баҳоларга кўра, ишлаб чиқаришда фан-техника ютуқларидан фойдаланиш миллий даромад ўсимининг ярмидан кўпроғини ҳамда меҳнат унумдорлиги ўсимининг тахминан учдан икки қисмини таъминлайди. Партия иктисодий сиёсатининг мақсади ишлаб чиқаришнинг моддий-техника базасини сифат жиҳатдан тубдан ўзгаришга қаратилгандир. Гап аслида жамият ишлаб чиқарувчи кучларида чинакам революция қилиш ҳақида боради.

Бу революцияни амалга ошириш учун фанни тадқиқотларнинг ҳамма жабҳалари бўйича олға силжитмок, унинг ишлаб чиқариш билан узвий интеграциясига эришмок лозим. Жамиятимиз инсоният тўпланган жуда катта маданият, билимлар ва техника запасларини «социализм қуроли»га айлантириш вазифасини ҳал қилиш учун гоёт кенг имкониятларга эга. Шуни эслатиш қифояки, ҳозир СССРда фан соҳасида қарийб 4,5 миллион киши, шу жумладан салкам 1,5 миллион илмий ходим ишламоқда. Минглаб илмий муассасалар тахминан 250 та илмий-ишлаб чиқариш бирлашмалари, 893 та олий ўқув юрти, қарийб 40 мингта лойиҳалаш-конструкторлик ташкилотлари тадқиқотлар ва ишланмаларни амалга оширмоқда. Ҳамма иттифокдош республикаларда Фанлар академиялари ишламоқда. Табиий бойликлар жадал ўзлаштирилаётган, саноати ва кишлок хўжалиги тез ўсиб бораётган регионларда йирик илмий-тадқиқот бўлинмалари барпо этилган. Рационализаторлар ва ихтирочилар, меҳнаткашларнинг турли ижодий бирлашмалари фан ва техникани ривожлантиришга онд кўп масалаларни ҳал этишда актив роль ўйнамоқда.

Ана шу қудратли бутун фан-техника потенциалини, В. И. Ленин тақрор-тақрор айтганидек, «социализм қуроли»га айлантириш, олимлар, инженерларнинг кашфиётлар ихтиролар, технологик янгилликларда жамланган ижодий куч-ғайратини ишга солиш — экономиканинг ривожланишига жуда катта куч бахш этиш демакдир: баъзи бир ҳисобларга кўра, фанда қилинган кашфиётларнинг ўзини ишлаб чиқаришга жорий этиш истеъмолий мақсадларини ишлаб чиқаришни бир неча бор кўпайтиришга қодирдир. Шу боисдан

партиянинг бу борадаги позицияси аниқ ва равшандир: жамиятимиз ҳозиргига қараганда бандан бекиёс даражада катта самара олиши мумкин ва лозим. Фан олдида турган вазифаларга янгича, замон талаблари — фанни ижтимоий ишлаб чиқариш эҳтиёжлари томон, ишлаб чиқаришни эса фан томон қатъий буришга қаратилган талаблар нуктаи назаридан қарамоқ зарур. КПСС Марказий Комитети ҳам фан, техника ва ишлаб чиқаришни бирлаштирувчи барча бўғинларни анализ қилишга, уларни мустаҳкамлаш гадбирларини белгилашга ана шу позициялардан туриб ёндашишга чақирмоқда. Принцип жиҳатдан янги техника ва технологиянинг назарий асосларини яратишдек улкан, масъулиятли ишда академиялар институтлари ҳам, олий ўқув юрти фани ҳам, тармоқ илмий-техникавий ташкилотлари ҳам ғоят фаол иштирок этишлари лозим.

Бу ўринда тингловчиларга шуни тушунтириш муҳимки, партия фундаментал фанларни ривожлантиришга айланиб катта аҳамият бермоқда, зеро бу фан кўпроқ ғоялар генератори сифатида майдонга чиқмоқда, янги соҳаларга йўл очмоқда, самарадорликнинг янги даражасига эришиш имкониятларини бермоқда. Фундаментал тадқиқотлар, — деб таъкидланди КПСС МКда 1985 йил июнда бўлиб ўтган кенгашда, — ғоят масъулиятли иш бўлиб, уларни авж олдиришда заиф жиҳатлар билан муроса қилишга, сусткашлик ва лоқайдликка асло йўл қўйиб бўлмайди. Фан-техника зиёлиларининг мамлакат олдида турган вазифаларни ҳал қилишдаги иштирокининг самарадорлиги кўп жиҳатдан уларнинг гражданлик масъулиятига, ғоявий-ахлоқий етуқлигига, ҳар бир илмий ходимнинг актив позициясига боғлиқдир.

Тингловчиларга шу ҳақда эслатиб ўтиш ўринлики, фан фақат бевосита ишлаб чиқарувчи куч сифатидагина эмас, балки жамият маънавий ҳаётини бойитишга кўмаклашиши туфайли ҳам ижтимоий тараққиётга кириб боради. Бу ҳол илмий фаолият натижалари қай даражада жамият барча аъзоларининг бойлигига айланишига яраша тўғри бўлиб чиқаверади. КПСС XXVII съездида таъкидландики, фан-техника революцияси шароитида меҳнатни янада тубдан ўзгартириб бориш одамларни билим ва касб жиҳатдан тайёрлаш олдида юсак талаблар қўяди. Ҳозирнинг ўзидаёқ ишчилар ва инженер-техник кадрларнинг етарли малакага эга бўлмаганликлари туфайли энг янги автоматик линиялар, роботлар, программ бошқарув станокларидан кўпинча самарасиз фойдаланилади. Шунинг учун ҳам партия мутахассислар тайёрлаш сифатини кўтариш ҳамда аввало фан-техника тараққиёти билан боғлиқ янги ихтисослар бўйича кадрлар малакасини ошириш вазифасини қўйди.

Пропагандист тингловчилар эътиборини КПСС XXVII съездининг **узлуксиз таълимнинг ягона системасини** яратиш ҳақидаги кўрсатмаларига қаратади. Катта халқ хўжалик ва сиёсий аҳамиятга эга бўлган бу проблема мактабимиз барча босқичлари амал қиладиган доирани кенгайтиришни, ташкил қилинган таълим доирасига ҳамма ёшдаги ва касбдаги миллион-миллион совет кишиларини жалб этишнинг кўзда тутиб қолмайди. Гап халқ маорифини ривожлантиришдаги янги ҳолат ҳақида борадики, бунда у илгаригига қараганда бекиёс катта миқёсда жамиятимизнинг асосий ишлаб чиқарувчи кучи бўлмиш меҳнат аҳлини шакллантиришда ҳам, халқнинг ўсиб бораётган маънавий эҳтиёжларини қондириш, шахснинг янги тарихий типини тарбиялашда, совет турмуш тарзини такомиллаштиришда ҳам реал иштирок этади (бу ўринда мамлакатимизда амалга оширилаётган умумтаълим ва ҳунар мактабларини ислоҳ қилишнинг маъноси ва аҳамиятини тушунтириш, олий ва ўрта махсус таълимни қайта қуришнинг ва родини оширишнинг асосий йўналишларини очиб бериш маъқулдир — қаралсин: «Политическое самообразование» журнали — Никандров Н., Ситникова Н. Ўрта таълимнинг мазмунини такомиллаштириш (1985, № 10); Гершунский Б., Травин В. Ешларга умумий ҳунар таълими бериш — фан-техника тараққиёти талаби (1985, № 11); Шадирков В., Филиппов Ф. Жамиятни маънавий ривожлантиришда мактабнинг роли. Педагог билан социолог диалоги (1987, № 1); Ягодин Г. Олий мактабни қайта қуриш ва узлуксиз таълим (1986, № 7).

Қўйдагиларни таъкидлаш ҳам муҳимдир. Таълим иктисодий ролининг ошиб бориши халқ хўжалиги тармоқлари системасида унинг ўрни ўзгаришига объектив тарзда олиб келади. Мамлакатда меҳнат ресурсларини қайта тиклашнинг, ижтимоий ишлаб чиқариш иштирокчиларининг ҳунар-малака структурасини такомиллаштиришнинг қудратли таълим бериш комплекси ташкил топмоқда. Кун тартибига таълимнинг, биринчи гада олий таълимнинг экономика тармоқлари орасида устунлигини ошириш, бунда жамият моддий ва маънавий ресурсларининг тобора кўп улушини жамлаш вазифаси қўйилмоқда. Ушбу вазифани ҳал қилишнинг бирдан-бир тўғри йўли олий таълимни ривожлантиришнинг кадрлар борасидаги шарт-шароитни фан-техника тараққиётини жадаллаштиришдан аввал шакллантиришга имкон берадиган суръатларига эришишдан иборатдир.

Шу билан бирга социалистик турмуш тарзи фундаментал кадрларни системасида таълимнинг социал аҳамияти ошмоқда. Совет кишиларининг таълим олишга бўлган эҳтиёжларини ривожлантириш, айни пайтда уларни қондириш учун шароит яратиш партия ва давлат социал сиёсатининг етакчи йўналишлари сифатида илгари сурилмоқда. Ўз навбатида бу маданий-маърифий соҳа мазмунини, уни ташкил этишда ва структурасида,

унинг шахсга, шахсининг тўлиқ ва уйғун камол топишига қаратилганлигини кучайтиришда чуқур ўзгаришлар қилишни талаб этади.

Жадаллаштириш стратегиясининг объектив диалектикаси ана шундай: уни амалга ошириш йўлидаги ҳар бир кадам социализмнинг бунёдкорлик имкониятларини янги поғонага қўтариб, коммунистик истикболни яқинлаштиради. Олий мактабни қайта қуриш вазибаларини бажариш, умумий таълим ва ҳунар мактаблари ислохотини амалга ошириш, узлуксиз таълимнинг ягона системасини яратиш ҳам ижтимоий тараккиётнинг ана шу қонунини рўёбга чиқаришга хизмат қилади.

Пропагандист теманинг ушбу бўлимини кўриб чиқишни тугаллар экан, совет турмуш тарзини такомиллаштириш жараёнининг халқ маънавий бойлигини тинимсиз ошириб бориш билан чамбарчас алоқадорлиги ҳақида гапирди. Бизнинг жамиятимиз жуда ривож топган капиталистик мамлакатлар қодир бўлмаган нарсасига: маданиятни амалда меҳнат аҳли билан қўшишга, улар ўртасидаги асрий тўсиқларни йўқотишга, социал аҳволи ва миллатидан қатъи назар ҳар бир киши учун билимнинг барча манбаларини, маънавий ва эстетик бойликларни очиб беришга эришди. Айнан инсон орқали, унинг билим ва маҳоратларини кўпайтириш, унинг янгилашга ишлага шайлигини ошириш, янги техникага мослашиш ва унга эга бўлиш қобилиятини ривожлантириш орқали маънавий тараккиёт ишлаб чиқарувчи кучларга ва ишлаб чиқариш муносабатларига фавқулодда таъсир қилади, социал ўзгаришларга таъсир кўрсатади.

СОЦИАЛ-ПСИХОЛОГИК ОМИЛЛАР, УЛАРНИ АКТИВЛАШТИРИШ — ЖАДАЛЛАШТИРИШНИНГ МУҲИМ РЕЗЕРВИ

Пропагандист теманинг ушбу бўлимини баён этишга киришар экан, тингловчиларга социалистик давлат омма ҳамма воқеалар ҳақида фикр юрита оладиган ва ҳамма ишга оғли равишда қўл урадиган бир шароитда омманинг оғлилиги билан қўлидир деган Ленин қоидасини эслатади. КПСС XXVII съездининг, партия МК 1987 йил январь Пленумининг қарорлари, КПСС МК Бош секретари ўрток М. С. Горбачевнинг, партиянинг ва давлатимиз бошқа раҳбарларининг нутқлари муносабати билан бу қоида айниқса ақтар бўлиб қолди. Қадрлар, барча меҳнаткашларнинг эскириб қолган нарсаларни бартараф этиш зарурлигини чуқур тушуниш, етилган иқтисодий, социал ва бошқа проблемаларни ҳал этиш муҳимлигини аниқлаш, янгилаш ишларининг истиқбол ва маҳоратини ҳосил қилиш мамлакатимизда қурилган социализмни такомиллашнинг XXVII съезд қабул қилган программасини муваффақиятли бажариш учун зарур субъектив шарт-шароитлар яратиш имконини беради. «Кенг меҳнаткашлар оmmasини танлаб олинган йўлнинг тўғрилигига ишонтириш, уларни маънавий ва моддий жихатдан қизиктириш, қадрларнинг психологиясини қайта қуриш — тараккиётимизни жадаллаштиришнинг энг муҳим шартларидир» (КПСС XXVII съездининг материаллари, 27-бет).

Ижтимоий ҳаётни ривожлантиришдаги зиддиятлар, 70- ва 80-йиллар чегарасида вужудга келган шароитлар қайта қуришни зарур қилиб қўйди. Ана шу шарт-шароитлар туфайли, КПСС МКнинг 1987 йил январь Пленумида таъкидланганидек, шундай вазият юзага келдики, натижада экономикада, шунингдек бошқа соҳаларда ҳам объектив равишда ўзгариш қилиш зарурати пишиб етилганди, лекин партия ва давлатнинг амалий фаолиятида бу ўзгаришлар амалга оширилмади. Бундай мураккаб ва зиддиятли вазиятнинг асосий сабаби шунда эдики — бу ҳақда МК январь Пленумида жуда очик-ойдин айтилди ҳам: КПСС Марказий Комитети, мамлакат раҳбарлари энг аввало субъектив сабаблар туфайли ўзгариш зарур эканлигини, жамиятда кризис ҳолатлари ўсиб бориши ҳавфини ўз вақтида ва тўла-тўқис баҳолай олмадилар, уларни бартараф этишнинг, социалистик тўзун замиридаги имкониятлардан янада тўлароқ фойдаланишнинг аниқ йўлини ишлаб чиқ олмадилар.

Бегамлик, бепарволик, ноталабчанлик кайфиятларидан ташкил топган «ўзинга ҳа психологияни» бартараф этиш ва талабчанлик, масъулиятчилик, танқид ва ўз-ўзини танқид, етилган ижтимоий проблемаларни очик-ошкора муҳокама этиш муҳитида етилаётган янги психологияни, жамиятимизда туб сифат ўзгаришлари қилишга қаратилган психологияни вужудга келтириш ҳаётини муҳим эҳтиёж бўлиб қолди. Ана шу маънода ҳа психологик жиҳатдан қайта қуриш бошқарув системасини, партия раҳбарлиги услубини қайта қуришнинг, иқтисодий, социал, сиёсий ҳаётдаги ва ижтимоий ҳаётнинг бошқа соҳаларидаги туб ўзгаришларнинг зарур бўлини сифатида майдонга чиқмоқда.

Сўнгра пропагандист кишиларнинг маънавий дунёсини сифат жиҳатдан тубдан ўзгаришдан иборат бўлган психологик қайта қуришнинг аҳамиятини очиб беради. Унда ҳам умумий, ҳам специфик хусусиятлар ҳосил. Умумий, яъни бутун қайта қуришга ҳа белгилар жумласига, масалан, қўйидагилар қиради: унинг ҳаётини эҳтиёжлиги, амалга оширишни кечиктириб бўлмаслиги; унинг барча томонларининг ўзаро боғлиқлиги; қайта қуришнинг умумхалқ характери, у ҳамма соҳада, айни бир вақтда юқорида ҳам, қуйида ҳам содир бўлиб, партия раҳбарлиги ва давлат бошқарувининг ҳамма поғоналарини қамраб

олиши ҳамда меҳнат коллективларидаги қайта қуриш билан қўшилиб кетиши лозим; қайта қуришни ўтказишда қатъийлик кўрсатиш зарурлиги; унинг революцион туб ўзгаришлар билан тенг аҳамиятга эга эканлиги.

Бу ўринда шунга қайд этиш муҳимки, қайта қуришнинг умумий системасида психологик қайта қуриш биринчи ўринга қўйилади. Гап шундаки, инсон психологиясини, коллектив, жамият психологиясини қайта қурмасдан, инсон омилини активлаштирмасдан туриб барча бошқа ўзгаришларни амалга ошириш қийинлашади. Шу боисдан совет жамияти таракқиётининг ҳозирги бурилиш босқичида психологик қайта қуришнинг ва уни амалга оширишнинг хусусиятларини анализ қилишга шайлиқни ифодаловчи онгли кайфиятни шакллантиришдир.

Психологик қайта қуришнинг ўзига хос хусусияти нимадан иборат? Аввало шундан иборатки, у инсон борлигининг энг нозик, энг мураккаб соҳасига — онг соҳасига дахл қилади. Аслини олганда психологик қайта қуриш инсоннинг ички дунёсини, унинг ориентацияси ва ҳулқ-атвор мотивациясини ўзгартириш, янги вазифаларни ҳал этишга ижобий фаол муносабатни, ҳаракат қилишга шайлиқни ифодаловчи онгли кайфиятни шакллантиришдир. Ана шу асосда психологик қайта қуриш кишилар психологиясида кам деганда қуйидаги ўзгаришларни назарда тутати: 1) партиянинг жадаллаштириш, ижтимоий ҳаёт барча соҳаларини ривожлантиришга қаратилган стратегик йўлининг муҳимлигини **англаш**; 2) ҳозирги моментга тўғри келмайдиган эски тафаккур стереотипларидан, социал йўл-йўриқлардан, одатлардан, фаолият ва ҳулқ-атвор услубидан **воз кечиш**; 3) ижодий тафаккурни, социалистик жамиятнинг ҳозирги таракқиётига янгича қарашлар ва таъсирларни, шунингдек позицияларни, кадрият ориентациялари ва ҳоказоларни **ишлаб чиқиш**, инсон маънавий ривожини замон талабларига мос бўлган сифат жиҳатдан янги поғонага кўтариш.

Сўнгра шунга таъкидлаш лозимки, ҳақмага ва ҳар бир кишига тааллуқли психологик қайта қуриш маънавий дунёнинг муҳим жиҳатларини, айниқса тафаккурни, мотивация ва ирода соҳаларини, ҳулқ-атворнинг гражданлик позицияларини белгилашни, топширилган иш учун масъулият тўғрисида оширишни, интизомни ҳар тарафлама мустаҳкамлаш ҳамда меҳнат ва ижтимоий фаолиятни активлаштириш заруратини англашни ўз ичига олади. Жамиятимиз ривожлана бorgan сари ҳаёт ва фаолият принциплари ва нормаларига: коллективизмга, ҳар кимдан — қобилиятига яраша, ҳар кимга — меҳнатига яраша принципага, адолат, инсонпарварлик ва бошқаларга қатъий риоя қилишга бўлган талаблар тобора ошиб борадики, буларни рўёбга чиқариш социал субъектлар манфаатларини уйғун қўшиб олиб боришни ҳамда бундай қўшиб олиб боришнинг бузилишини бартараф этишни кўзда тутати.

Психологик қайта қуриш ҳам индивидуал, группавий онгни, ҳам ижтимоий онгни ўз ичига олади. Шунинг учун ҳам бунга эътиборни қаратмоқ лозимки, баъзан «психологик қайта қуриш» иборасини факат индивидуал оннга тааллуқли деб биладилар ҳамда бу билан унинг мазмунини торайтирадилар. Психологик қайта қуришнинг бошқа хусусияти унинг ишдаги қайта қуриш билан узвий боғлиқлигидир. Бу — ижтимоий ҳаётни соғломлаштиришдан иборат битта жараённинг томонлари бўлиб, психологик қайта қуриш эса ишда янгиҳасига рўёбга чиқарилади.

Бу ўринда шунга алоҳида қайд этиш зарурки, тафаккурни қайта қуриш (психологик қайта қуриш эса, айтиб ўтилганидек, кишилар тафаккурига жуда ҳам дахл қилади), айтиш мумкин, психологик қайта қуришнинг энг муҳим, бинобарин, энг қийин моментидир. Шунинг учун ҳам энг муҳимки, кишиларда вужудга келган кадриятлар ва ҳаётини позициялар системасининг, фаолият, ҳулқ-атвор мотивлари ва ҳоказоларнинг, яъни бутун маънавий оламнинг ўзгариши тафаккурнинг ўзгаришига боғлиқдир. Тафаккурни қайта қуришдаги қийинчилик эса муқаррардир, чунки инсоннинг фикрлаш тарзи турмуш тарзига боғлиқдир, индвид тафаккурини қайта қуриш эса унинг турмуш тарзига ҳам дахл қилади. Тафаккур, эскириб қолган стереотиплар, усуллар ва методлар, одатлар турғунлигини бартараф этиш инсоний муносабатларнинг кўп қиррали системасига ўзгаришлар киритишни кўзда тутати.

Биринчи ғалда илмий билимларни чуқур эгаллаш тафаккурни қайта қуришга қўмаклашади. Ана шунинг учун ҳам кадрларимизнинг марксча-ленинча назарияни, партия иқтисодий стратегиясини, жамиятнинг ривожланиш қонунлари ва уларнинг намоён бўлиш механизмларини, жадаллаштириш концепциясини ҳамда марксизм-ленинизмнинг бошқа қондаларини ўзлаштириб олишлари ҳозирги шароитда айниқса зарур бўлиб қолди.

Ижтимоий онгни, худди шунингдек группавий ва индивидуал онгни салбий ҳолатлардан тозалаш унинг соғломлашувида олиб келади ҳамда уни жамиятимиз олдига турган улкан иқтисодий, социал, тарбиявий вазифаларни ҳал этишга тезроқ қаратиш имконини беради. Ўзаро муносабатларда, мулоқотда ҳалоллик, виждонлиқлик, ишонч, ҳурмат бўлиши муҳимдир. Кишилар ўртасидаги ўзаро муносабатлар ва мулоқотларнинг ана шундай энг оддий ахлоқий-психологик характеристикаларининг мавжудлиги ҳар қандай коллективда ва бутун жамиятда соғлом ахлоқий-психологик вазиятни (ёки муҳитни) барқарор этишга қўмаклашади. Октябрдан кейинги бутун таърибамиз шундан далолат берадики, маъмурий чоралардан кўра кўпроқ коллективдаги маънавий-психологик

вазият социалистик турмуш тарзи нормаларининг бузилишига йўл қўймайди, коллективлар ичидаги ва коллективлараро муносабатларни, кишилар ўртасидаги мулоқотни такомиллаштиришда қўмаклашади.

Шундай қилиб, бугун психологик қайта қуриш шундай маънавий-психологик вазиятни шакллантириш ва қувватлашга қаратилганки, бундай вазият жамиятда содир бўлган ўзгаришлардан чуқур мамнунлик туйғуси, оптимистик кайфият билан йўғрилган бўлиб, ташаббус кўрсатишни, КПССнинг бош йўлини турмушга ошириш учун катъий курашни, омма, ҳар бир шахс ижодиётини, ижтимоий муносабатларнинг энг муҳим регулятори, социал процессларни бошқаришнинг воситаси, салбий ҳодисаларни бартараф этишнинг кишиларни тарбиялашнинг омил сифатида жамоатчилик фикрининг қувватидан фойдаланишга бўлган психологик интилишни рағбатлантиради.

Пропагандист теманинг ушбу бўлимига хулоса ясар экан, кишиларни психологик жиҳатдан қайта қуриш босқичма-босқич кечишини таъкидлайди. КПСС МК 1985 йил апрель Пленумида ва партия XXVII съездида қайта қуришнинг зарурлиги ва муҳимлигини чуқур аниқлаш вазифаси қўйилган бўлса, кейинги даврда энди ҳеч ким эскича яшашни эскириб қолган, ҳаракатимизга тўғанок солаётган нарсалар билан муроса қилишни хохламаётганлиги қайд этилди. Бу, албатта, жуда катта муваффақиятдир. Аммо эскичасига яшашни истамаслик фақат биринчи босқич, қайта қуриш жараёнининг бошланишидир, ҳолос. Асосий иш — ҳали олдинда турибди, бу ҳол КПСС МК 1987 йил январь Пленумида янги қуч билан таъкидланди. Ўртоқ М. С. Горбачев қайта қуришнинг ҳамда у билан боғлиқ бўлган жамиятни чуқур демократлаштириш процессларининг муҳимлигини уктириб, чинакам революцион ўзгаришларни назарда тутиб, Пленумдаги докладида қайта қуришнинг пировард мақсадига алоҳида эътибор берди, зеро қайта қуриш мамлакат ҳаётининг барча жиҳатларини тубдан янгилашни, социализмга ижтимоий ташкилотнинг энг замонавий формаларини бахш этишни, ўзининг барча ҳал қилувчи соҳаларида — иқтисодий, социал-сиёсий ва ахлоқий соҳаларида тузумимизнинг гуманистик характерини тўлатқис очиб беришни назарда тутди. Қайта қуриш янги сифат касб этмоқда — у кенг ёйилибгина қолмасдан ҳаётнинг чуқур қатламларига ҳам сингиб бормоқда.

Қайта қуриш жамиятнинг барча соғлом қучларини жўш урдириб юборди. Ишлар ахволини объектив, ўз-ўзини танқид этиш нуктаи назаридан баҳолаш, ишда формализм ва андазабозликдан қочиш, проблемаларни ҳал этишнинг янги, ноёб йўлларини излаш хусусиятларини касб этган партия комитетлари ва жамоат ташкилотлари, меҳнат коллективлари тобора кўпайиб бормоқда. Кадриятларга қайта баҳо берилмоқда, улар ижодига қайта мушоҳада этилмоқда, экономикадаги, социал ва маънавий соҳалардаги туб ўзгаришларнинг йўналишлари ҳақида мунозаралар қучайди, ташкилотчилик ва идеологик ишнинг янги методларини излаш кенгаймоқда. Ишлаб чиқаришда талабчанлик ва интизом, уюшқоклик ошмоқда, кўпроқ тартиб ўрнатилди. Пленумда таъкидланганидек, биз учун маънавий ҳаётни қайта қуришдаги дастлабки қадамлар айниқса муҳимдир, чунки ижтимоий онгда бурилиш ясамасдан, кишилар психологияси ва тафаккурида, кайфиятларида ўзгариш қилмасдан туриб муваффақиятга эришиб бўлмайди.

Бинобарин, ижодий фикрлашни шакллантириш ҳамда янги проблемаларни ҳал этишда кишиларнинг реал ҳаракатлари ва туриш-турмушларида намоён бўладиган масъулият, ташаббускорлик, янгиллиқни ҳис этиш каби ва бошқа социал муҳим маънавий-психологик хислатларни ривожлантиришнинг психологик жиҳатдан қайта қуришнинг асосий натижаси бўлмоғи лозим. Кўрсатиб ўтилган ана шу барча моментлар амалга оширилгандагина психологик қайта қуриш ижтимоий тараққиётнинг шарт-шароитларидан бири сифатида майдонга чиқиши мумкин.

ИДЕОЛОГИЯ БИЛАН ҲАЁТНИНГ АЛОҚАСИНИ МУСТАҲКАМЛАШ, СЎЗ БИЛАН ИШ БИРЛИГИ

Пропагандист қайд қиладики, социализм инсон фаолиятининг принцип жиҳатдан янги мотивларини вужудга келтиради ҳамда ишга соладики, бу мотивлар янги ижтимоий системани ривожлантиришнинг энг чуқур асослари ва зарур эҳтиёжларига мос бўлади. Бу мотивлар эксплуатациядан ҳоли кишиларнинг ҳамкорлик ва ўзаро ёрдам муносабатларидан келиб чиқадики, улар учун социализм ҳозир авж олган бунёдкорлик ишида ижодкор бўлишдек имкониятни яратиб беради. Бунда шуни таъкидлаш муҳимки, бу ишда кўр-кўрона ижрочи ёки лоқайд гувоҳ эмас, айнан ижодкор, омилкор бўлиш социалистик бунёдкорлик фани ва санъатини — марксизм-ленинизмни егаллаш демакдир. Бу ижтимоий тараққиёт қонуниятларини, партия билан халқ фаолиятининг мақсадлари ва истикболларини тўла тушунган ҳолда, яъни шахснинг маънавий кнѳасида ички уйғунлиқни шакллантирадиган унинг воқеликка, меҳнат ва ижтимоий фаолиятга, жамият сиёсати ва маънавий ҳаёти проблемаларига ёндашишнинг методологик принциплари билан қўроллангандиган чинакам илмий дунёқарашга таянган ҳолда ижод қилиш демакдир. В. И. Ленин революцион

«дунёкараш»ни ишлаб чиқишга жуда катта аҳамият берар ҳамда бунини коммунистик тарбиянинг асосий мақсади деб билар эди (ТАТ, 7-том, 35-бетга қаралсин).

Бунини вазифа ҳозирги шароитда ҳам ғоявий-тарбиявий ишда марказий вазифа бўлиб қолмоқда. Партия, КПСС Программасида ёзиб қўйилганидек, мамлакатнинг социалистикодий ривожлантиришни жадаллаштириш учун марксча-ленинча идеологиянинг ўзгартирувчи кучидан тўла-тўқис фойдаланиш, совет кишиларини ғоявий-сиёсий, меҳнат билан ва ахлокий тарбиялаш, **ўзида маънавий бойликни, ахлокий покликни ва жисмоний мукамалликни мужассамлаштирган, ҳар томонлама камол топган, ижтимоий жиҳатдан фаол шахсни шакллантириш** йўлида собитқадам иш олиб бориш учун; барча совет кишилари марксча-ленинча таълимоти чуқур эгаллашлари, сиёсий маданиятларини оширишлари, партия сиёсатини ишлаб чиқишда онгли иштирок этишлари ва уни фаол тарзда турмушга ошириб боришлари, бутун партия ва давлат фаолиятининг энг муҳим принципи бўлиш сўз билан ишнинг бирлигига эриша боришлари ҳақида муттасил ғамхўрлик қилиш учун барча зарур чораларни кўради. Фақат «пухта ўйлаб қўрилган ва катъий дунёкараш», В. И. Лениннинг фикрича (ТАТ, 10-том, 51-бетга қаралсин), меҳнат-кашларни социал ҳодисаларга мустақил баҳо беришга, кундалик вазифаларнинг пировард мақсадларимиз билан боғлиқлигини кўришга, ҳар қандай ғоявий душман билан далиллар асосида мунозара юритишга қодир бўлган онгли сиёсий жангчига айлантиради.

Пропагандист дунёкараш билан ахлоқнинг чуқур ва чамбарчас алоқадорлигини таъкидлайди. Бу алоқа Лениннинг коммунизмни ривожлантириш ва мустаҳкамлаш учун, унинг идеалларини рўёбга чиқариш учун кураш коммунистик ахлоқнинг негизидир, деган машҳур формуласида (ТАТ, 41-том, 350-бетга қаралсин) тўла-тўқис ифодаланган. Инсонда илмий-материалистик дунёкарашни шакллантириш унинг кадриятлар ориентациясини, моддий ва маънавий кадриятларни, оқилона қўшиб олиб боришни унинг турмуш тарзини ҳал қилувчи даражада белгилайди.

Сўнгра тингловчиларга нима учун шахснинг ғоявий-ахлокий ўзагини ташкил этувчи ҳамда марксизм-ленинизмни билишга асосланувчи коммунистик онгни, эътиқодни тарбиялаш ҳақида партия муттасил ғамхўрлик қилишини тушунтириб бериш тавсия этилади. Бунини бир қатор шарт-шароитлар, энг аввало ҳаётга одамларнинг тобора янги-янги авлодлари кириб келаётганлиги тақозо этади. Ешлар ўзларидан олдинги авлодларнинг маънавий қиёфасидаги энг яхши белгиларни, уларнинг қарашлари ва эътиқодларини мерос қилиб олишлари учун ҳар бир йигит-кизга марксча-ленинча тарбиянинг улкан мактабидан ўтиш жуда катта ҳажмдаги назарий билимларни ўзлаштириш ҳамда уни амалда қўлланиш лозим бўлади.

Шуни ҳам назарга олиш лозимки, инсон дунёкарашини чуқурлаштириш жараёни, аслини олганда, объектив дунёни билиш жараёнининг ўзи каби чексиздир. Инсоннинг объектив дунё қонуниятлари, ижтимоий тараққиёт жараёнлари ҳақидаги илмий тасаввурларини бойитиш — инсонни уйғун камол топтиришнинг, ижтимоий-сиёсий активлигини оширишнинг зарур шартидир.

Бундан ташқари, билиш объектининг ўзи, ҳаётнинг ўзи ўзгариб боради ва шу муносабат билан марксча-ленинча назария муттасил бойийди, янгиланади, унинг у ёки бу қондалари янги мазмун билан тўлиб боради. Табиийки, инсоннинг дунёкараши ижтимоий тараққиётнинг шароитлари ва эҳтиёжларини адекват тарзда акс эттирган тақдирдагина ўзининг билиш, баҳолаш-белгилаш ва тубдан ўзгартиш ролини муваффақиятли бажариши мумкин.

Ҳозирги шароитда марксча-ленинча дунёкарашни шакллантириш ва чуқурлаштириш айниқас зарурдир. Бунга сабаб шуки, социализмни ҳар тарафлама такомиллаштириш жараёнида маънавий омилнинг ижтимоий тараққиётни жадаллаштирувчи сифатидаги роли ортиб боради, жамиятнинг коммунизм сари ҳаракатининг суръатлари кишиларнинг онглилик, маънавий етуклик, социал активлик даражасини оширишга боғлиқлиги тобора яққолроқ намоён бўлади. Марксизм-ленинизмни, коммунистик дунёкарашни омманинг жонли ижодиёти билан қўшиш — инсон омиллини активлаштиришнинг муҳим шартидир.

Шуни ҳам қайд қилиб ўтиш ўринлики, ҳозирги кунда марксизм-ленинизмни оммавий тарзда ўрганиш ижтимоий оннинг характерли хусусиятларидан биридир. Уни ёйиш ва пропаганда қилиш соҳасидаги иш жуда кенг қўлам касб этди, КПСС раҳбарлигида ахборот ва тарбия комплекси — қудратли, замонавий техника билан қуролланган матбуот, радио ва телевидение орқали, давлат ва жамоат ташкилотлари илмий, ўқув ва маданий-маърифий муассасалар системаси орқали миллион-миллион идеологик ходимлар иштирокида олиб боришмоқда.

Машғулот пайтида партиянинг илмий, марксча-ленинча дунёкарашни шакллантириш борасидаги иши авж олган ҳозирги вазият, умумий қилиб олганда, нима билан характерланишини тушунтириб бериш мақсадга мувофиқдир. Биринчидан, ижтимоий оннинг дунёкараш ва ахлокий активлиги анча ошдики, бунини омманинг социал ва индивидуал ҳаётнинг, тарих, сиёсат, фан, маданиятнинг туб масалаларига ортиб бораётган ки-

зикиши такозо этди, бу масалалар билан илгарилари асосан профессионал пропагандистлар ва жамиятшунос олимлар шуғулланар эдилар; иккинчидан, аҳолининг умумий таълим ва маданий савияси анча ошди, аҳоли орасида асосан ақлий меҳнат билан шуғулланувчи ходимлар салмоғи ортди.

Ҳозирги халқаро вазиятнинг ўзига хос хусусиятлари жамиятимиздаги дунёқараш жараёнида муайян из қолдиради: улар бир-бирига тамомила қарама-қарши бўлган икки дунёқараш, икки сиёсий йўл — социализм билан империализм ўртасидаги курашнинг ўз интенсивлиги ва кескинлиги жиҳатдан урушдан кейинги давр мобайнида бекиёс даражага етганлиги билан характерланади. Миллиард-миллиард кишиларнинг ақли ва калби учун кураш бормокда. Бинобарин, инсониятнинг келажаги кўп жиҳатдан ана шу курашнинг натижасига боғлиқдир. Империализмнинг пропаганда маҳкамалари ғоялар курашига «психологик уруш»нинг ифлос услубларини тобора кўпроқ олиб кириб, турли уйдирмалар ҳамда асоссиз фикрлардан фойдаланмоқда. Шу муносабат билан КПЕС идеология ходимлари олдида антисовет, антикоммунистик пропаганданинг ҳам сийкадушманлик, ҳам маккорона формаларига қарши **хужумкор** кураш олиб бориш вазифасини қўйди.

Сўнгра пропагандист уқтирадики, ижтимоий онг дунёқараш активлигининг ўсиб бориши, равшанлиги, илмий, марксча-ленинча дунёқарашни шакллантириш жараёнининг ўзига ҳам тобора катта таъсир кўрсатади. Бунда энг муҳими шундаки, омма орасидаги идеология ишининг маърифатчилик-дидактик ёндашишга асосланган оммининг ижодкорлик ролини ва тафаккурдаги мустақиллигини етарлича қадрламайдиган форма ва методлари самарасиз бўлиб қолмоқда. Жуда катта социал ва маънавий тажриба соҳибни сифатида жамиятда яшаётган ва ишлаётган бизнинг одамларимиз саволларга бериладиган сийка жавоблардан қониқмайди, ижтимоий тараққиётнинг реал зиддиятларини, кишиларни ташвишга солаётган ва тўқилантираётган проблемалар илдизини очиб бера олмаслик ёки очиб беришдан қўрқиб туфайли юзага келадиган сохта гапларни хушёрлик билан илғаб олади. Маънавий соҳада, дунёқараш борасида бўшлиқ бўлмайди ва бўлиши мумкин эмас: агар кишилар ана шу проблемаларга бизнинг идеологиямиз ва пропагандамыздан жавоб топа олмасалар, бундай жавобни уларнинг ўзлари таърифлайдилар ёки бошқа маънавий анъаналарга, бошқа дунёқарашларга мурожаат қиладилар. Бу борада эса стихиялиликка йўл қўйиб бўлмайди.

Партиямиз янги жамият барпо этиш назарияси ва практикасига оид етилган мураккаб проблемаларни марксизм-ленинизмни ижодий ривожлантириш негизида ҳал этар экан, худди шундай йўл тутмоқда. Бунда шуни қайд этиш муҳимки, назария фақат перспектив социал ва сиёсий ориентация учунгина зарур эмас. У бизнинг олға томон қўядиган ҳамма кадамимиз учун керакдир. Назарий фаолиятнинг ўзи коммунистик қурилишнинг энг муҳим ҳаракатлантирувчи кучларидан бири, қайта қуришнинг энг муҳим қуролига айланмоқда. Ўрток М. С. Горбачев ижтимоий фанлар кафедралари мудирларининг Бутуниттифок кенгашида 1986 йил 1 октябрда сўзлаган нутқида таъкидлаганидек, назарий тафаккур энг аввало социализм ҳозирги босқичининг хусусиятларини, унинг 2000 йилгача ва ундан кейинги даврга мўлжалланган сифат жиҳатдан янги ҳолатига эришишнинг айрич босқичларини тўлароқ ва чуқурроқ очиб бериши лозим. У бутун ҳозирги дунёнинг илмий-объектив манзарасини чизиб бериши керак. Ҳозирги кунда жамиятшунослар олдида ҳаёт эҳтиёжларидан узилишни бартараф этиш ҳамда бутун жамиятшуносликни практика томон катъиян бориш вазифаси турибди.

Фан ёшларнинг мустақил, ижодий фикрлаш қобилиятини шакллантиришга, тарбиялашга, кенг ёйишга даъват этилган. Ижтимоий фанлардан дарс беришнинг шу дамгача мавжуд бўлган форма ва методлари биз догматизм, схоластика деб атайдиган нарсани кучайтирадики, бу ҳақда юқорида тилга олинган Бутуниттифок кенгашида баралла айтилди. «Оддий ҳақиқатлар»дан ҳаётдаги ҳамма воқеаларга тўғри келадиган андозаларни излашга мойиллик сийка тълм беришдан ижодий тафаккурга эмас, балки умумий қондаларни кўр-қўрона ёд олишдан келиб чиқади. Парадоксал бир манзара юзага келди: ҳозирги илмий билишдаги энг қизиқ ва жозибали нарсалар — инсон ва жамият, уларнинг ривожланиш қонунилари, зиддиятлар, синфлар кураши, янги дунёни қуриш, инсониятнинг идеалга интилиши, маънавий изланишлар ва умидсизликка тушиш, ҳақиқатни топиш ва меҳнатдаги қаҳрамонлик лекцияларда, **шунингдек дарсликларда ҳам кўпнча қандайдир зерикари, расмий, формал нарсаларга айланиб қолмоқда.** Бу билан марксизм-ленинизм интеллектуаллигининг бутун эмоционал жозибаси, таъсири йўқ қилинади, холбуки у инсон тафаккурининг чўққиси бўлиб, унда меҳнат аҳлининг ақл-заковати, энг эзгу орзу-ниятлари мўжасам бўлгандир.

Ана шунинг учун ҳам партия янгича фикрлаш ва ишлашга даъват этиб турган ҳозирги кунда **таълим ва тарбия жараёнини кўп жиҳатдан янгича ташкил этмоқ зарур.**

Пропагандист идеология ишини янада такомиллаштириш, сиёсий ва иқтисодий ўқишни қайта қуришнинг муҳимлигини кўрсатиб, мамлакатнинг ижтимоий ҳаётини ҳозир совет кишиларининг сиёсий активлиги жуда яққол характерлаб бераётганлигини қайд этади.

Совет кишилари сиёсат, экономикага, жамият ҳаётининг бошқа соҳаларига оид масалалар бўйича кўпдан-кўп таклифларни кўтариб чиқмоқдалар, ҳар қандай камчиликка дарров фикр билдирмоқдалар. Бинобарин, партиямиз ҳар бир совет кишида юксак сиёсий маданиятни тарбиялаш борасидаги ўз фаолиятини меҳнат ахлини жамият ва давлат ишларини бошқаришга тобора кўпроқ жалб этиш билан чамбарчас боғлаб, Ленин сўзлари билан айтганда, «оммани идора қилиш ишига ўргатиш, китобдан ўқитиб эмас, лекция ва митинглар билан эмас, тажриба йўли билан ўргатиш» (ТАТ, 37-том, 525-бет) йўлида кўп куч-ғайрат сарфламоқда.

Сўнгра адабиёт ва санъатнинг инсонпарварлик, тарбиявий вазифалари ҳақида гапириш лозимки, буларсиз социалистик жамиятнинг маънавий тараққиётини, совет кишининг ички дунёсини тасаввур этиб бўлмайди. Бадний зиёлилар — ёзувчилар, шоирлар, композиторлар, рассомлар, театр ва кино ходимлари — катта обрў-эътибор ва ҳурматга сазовордирлар. Бинобарин, бу улар зиммасига жамият олдида жуда катта масъулият юклайди. Совет адабиёти ва санъатида яратилган барча энг яхши асарлар ҳаминша партия ва халқнинг асосий ишини ва унинг ўй-ташвишларини ифодалаган. Ана шу нарса эътиборга олиниб, КПСС Программасида таъкидланадиги, «партия адабиёт ва санъатнинг ролини оширишга ҳар томонлама ёрдам кўрсатаверади. Адабиёт ва санъат халқ манфаатларига, коммунизм ишига хизмат қилиши, миллионлаб кишилар учун қувонч ва илҳом манбаи бўлиши, уларнинг иродаси, туйғуси ва ўй-фикрини ифодалаши, уларнинг ҳаёвий баркамол бўлиши ва маънавий тарбияланишига актив ёрдам бериши зарур». Шунга асосланиб КПСС адабиёт ва санъатнинг ғоявий йўналиши ҳақида алоҳида ғамхўрлик қилмоқда. Партия ҳозир омма онгини ошириш, кишиларни янги талаблар ва вазифалар руҳида психологик жиҳатдан қайта тарбиялаш борасида олиб борилаётган улкан ишда маданият арбоблари фаол ёрдам кўрсатадилар деб умид қилади.

Пропагандист темага яқун ясар экан, шуни таъкидлайдики, жадаллаштириш стратегияси — бу жамиятни шитоб билан тараққий эттириш стратегияси бўлиб, у инерция, турғунлик ва консерватизмни, шу жумладан социал-маънавий соҳада ҳам катъиян бартараф этиш билан боғлиқдир. КПСС жамиятимизни қайта қуришни жадаллаштириш вазифаларини муваффақиятли ҳал этиш, фан-техника революциясининг эҳтиёжлари ва оқибатларини ўз қўлига олиш мақсадида бундан буён ҳам маънавий-идеологик структураларнинг ғоят пухта, пишиқ, фаол бўлиши, халқ ижодиётининг барча формаларига кенг йўл очиб бериш, идеологик тарбия системасини сифат жиҳатдан яшилаш учун зарур бўлган ҳамма чораларни кўради. Ана шуларнинг ҳаммаси пировард натижада социализм афзалликларини рўёбга чиқаришга кўмаклашади.

ТЕМАГА ОИД АДАБИЁТ

К. М а р к с. Фейербах ҳақида тезислар. — К. Маркс ва Ф. Энгельс. Асарлар, 42-том, 264—266-бетлар.

В. И. Л е н и н. Ешлар союзларининг вазифалари. — Тўла асарлар тўплами, 41-том, 333—335-бетлар.

Совет Иттифоқи Коммунистик партияси XXVII съездининг материаллари. — Т., «Ўзбекистон», 1986, 26—27, 45—46, 96—104, 133—134, 184—191-бетлар.

КПСС Марказий Комитети Пленумининг материаллари. 1987 йил 27—28 январь. — Т., «Ўзбекистон», 1987.

О реформе общеобразовательной и профессиональной школы. Сборник документов и материалов. — М., Политиздат, 1984.

Основные направления перестройки высшего и среднего специального образования в стране. В ЦК КПСС и Совете Министров СССР. — Правда, 1987, 21 марта.

Перестройка неотложна, она касается всех и во всем. Сборник материалов о поездке М. С. Горбачева на Дальний Восток 25—31 июля 1986 года. — М., Политиздат, 1986.

Твердо идти дорогой перестройки и углубления демократии. Сборник материалов о поездке М. С. Горбачева в Латвийскую и Эстонскую ССР 17—21 февраля 1987 года. — М., Политиздат, 1987.

М. С. Г о р б а ч е в. Янгичасига фикрлаш ва ишлашни ўргатайлик. Ижтимоий фанлар кафедралари мудириларининг Бутуниттифок кенгашида сўзланган нутқ. — «Ўзбекистон коммунисти», 1986, № 11, 3—7-бетлар.

М. С. Г о р б а ч е в. Қайта қуриш — халқнинг энг асосий иши. СССР қасаба союзлари XVIII съездида сўзланган нутқ. — «Ўзбекистон коммунисти», 1987, № 4, 14—28-бетлар.

Ўзбекистон Компартияси Марказий Комитети пленумининг материаллари. 1986 йил 4 октябрь. — «Ўзбекистон коммунисти», 1986, № 11.

Ўзбекистон Компартияси Марказий Комитети пленумининг материаллари, 1987 йил, 28 март. — «Ўзбекистон коммунисти», 1987, № 5.

СОВЕТ КИШИСИНИНГ МАЪНАВИЙ МАДАНИЯТИ

Ч. АБУТОЛИПОВ,

тарих фанлари доктори

ХОЗИРГИДАЙ ижтимоий тараққиётнинг бурилиш босқичларида, ҳаётни тубдан қайта қуриш жараёни тез суръатлар билан бораётган, совет кишилари ҳаёт ва фаолиятининг меҳнат ва маънавий соҳалари теран қатламлари тобора чуқур очиб ташланаётган бир даврда биз учун жуда муҳим бўлган «кишининг маънавий маданияти» тушунчасига қизиқиш кескин ортади. Бу қизиқиш бежиз эмас.

Инсоннинг ички олами доимий ташқи, моддий ўзгаришларга ҳамиша мос келиши, унинг ахлоқи маънавий нурашларга учрамаслиги учун нима қилиш кераклиги хусусида гап борар экан, биз бунда даставвал кишида маънавий бойликларга табиий ташналик ҳиссини шакллантиришни назарда тутамиз. «Ҳамёнга ҳам солиб, кўз-кўз қилиш учун деворга ҳам осиб бўлмайдиган» маънавий бойликкина асл инсоний фазилатлар ва муносабатларни сақлаб қолишга, ривожлантириш ҳамда мустаҳкамлашга имкон беради.

Совет экономикасини интенсивлаштириш изига кўчириш, партиянинг фан-техника тараққиёти асосида мамлакатни социал-иқтисодий жиҳатдан ривожлантиришни тезлаштириш йўлини амалга ошириш, инсон меҳнатини интеллектуаллаштиришнинг объектив процесси, инсон омилини бутун чоралар билан активлаштириш зарурати шароитида совет кишиларининг, айниқса ҳамма даражадаги раҳбарларнинг маданий савиясига бўлган талаб бениҳоя ортиб бормоқда. Янги таҳрирдаги партия Программасида шундай деб таъкидланади: «КПСС меҳнаткашлар оммасининг маънавий ва моддий маданият бойликларини тўлароқ ва чуқурроқ ўзлаштиришга, уларни бадий ижодкорликка актив жалб этишга катта аҳамият беради».

Хўш, маънавий маданиятни кенг эгаллаш кадрларимизнинг амалий фаолиятида қай йўсинда акс этапти? Нега энди адабиёт ва санъатдан баҳраманд бўлиш кишиларга ҳаётни, ижтимоий тенденцияларни чуқурроқ билишга, юксак ахлоқий хислатларни шакллантиришга ёрдам беради?

Шу муносабат билан Ф. Энгельснинг бир эътирофини эслатиб ўтмоқчиман. У, ажойиб француз ёзувчиси Бальзак асарларидан иқтисодий деталларни барча мутахассислар — ўша давр тарихчилари, иқтисодчилари, статистларининг ҳамма китобларидан ҳам кўпроқ билиб олдим, деганди. В. И. Ленин эса буюк Лев Толстойни «рус революциясининг кўзгуси» деб атаганди.

Шу нарса яхши маълумки, ҳамиша ўқиб-ўрганиш, маънавий ўз-ўзини камол топтиришни исташ ва бунга эҳтиёж сезиш энг муҳим инсоний фазилатларнинг биридир. Киши бу хислатларга эга бўлмас экан, у том маънодаги инсонлик қиёфасини йўқотади.

Маънавий эҳтиёж — бу фақат санъат, адабиёт, умуман маданият бўлмай, биринчи навбатда билишдир. Билиш жараёни беҳаддир. У инсон табиатининг ўзида бор. Инсоният яшар экан, у ўзлигини ва теварак оламни билишдан, ўрганишдан, бинобарин, марксча-ленинча формулага мувофиқ уни ўзгартиришдан тўхтамайди.

Д. И. Писарев шундай деганди: «Камдан-кам, энг ажойиб одамлар: «Билмайман» деб жўнгина ва ошкора айта оладилар». Менинг назаримда: тушуниб, англаб етмагунча фикр юритмаслик энг гўзал инсоний фазилатдир.

Атрофингиздаги кишилар хатти-ҳаракатини биргина шу позициядан туриб баҳолаб кўрингчи, сиз уларнинг маънавий оламини ва билимини анча тўла аниқлай оласизки, уларнинг классик формуласини Н. Г. Чернишевский ўз давридаёқ илгари сурган эди, — булар камтарлик, кишининг ўз билимини танқидий баҳолаши, янги нарсаларни билишга зўр иштиёқ, фикрлаш одати ва ҳис-туйғуларнинг олижаноблигидир.

В. Маяковский кунларнинг бирида шундай деганди: «Кимлиги доим аниқ-равшан кўриниб турган одам, менимча, аслида нодон бўлса керак». Одамлар олдида оми бўлиб кўринишдан қўрқиш, ўзининг ожиз томонлари тўғрисида очиқ гапиришдан чўчиш — бу энг хавfli инсоний ожизликдир. М. Горький тўла асос билан «Инсоннинг ўз-ўзидан кўнгли тўлмаслигигина муқаддасдир» деган эди. Инсоннинг ўзини доимо маънавий камол топтиришида адабиёт ва санъат унинг маданиятини кўтаради, интеллектини оширади. Одамда адабиёт ва санъатга қизиқиш, иштиёқ сўндими, демак у аслида фикрлашдан ҳам тўхтайдди. Ўзида ички маънавий маданиятни ривожлантиришга эҳтиёж сезмаган одам жиддий ҳулосалар чиқариш ва умумлашмалар қилишга, фақат ижтимоий ҳаёт воқеаларинигина эмас, шунингдек ўз ҳаётини ҳам тушуниб етишга қодир эмас. Бундай одам В. И. Лениннинг ўткир таъбири билан айтганда, «буни билиш у ёқда турсин, ҳатто буни билмаслигини ҳам тушунмайди» (Тўла асарлар тўплами, 45-том, 96-бет). Бурунги донолар, «китобни ўлдириш инсонни ўлдириш билан баробар», «китобни йўқ қилган одам ўз ақлини ўлдиради» деб бежиз айтишмаган. Лениннинг: меҳнатсиз турмуш — ўғрилиқ, санъатсиз турмуш — ваҳшийликдир, деган сўзларини яна бир бор эслайлик.

Бу сўзлар айниқса бугун жуда актуалдир. Ҳа, эҳтимол, ҳар қачонгидан ҳам актуалдир. Бу масалага эътиборни тортишимнинг боиси шундаки, ахборот воситаларида юз бераётган мислсиз фан-техника революцияси, ҳозирги замон телевидениеси, радиоси, кинематографиясининг қудратли ривожини шароитида, гўё адабиётнинг аҳамияти пасаяди, одамлар ўз билимларини ахборотнинг техник воситалари орқали бойитиб бориш имкониятига эга, деган фикрни жуда кўп эшитганман. Менинг назаримда бу ўта хато фикр. Масалан, радионинг бир соатда эфирга салкам 9 минг сўз чиқариши, ўртача китобхон эса бир соатлик ўқиш давомида тахминан 27 минг сўзни назардан ўтказиши ҳисоблаб чиқилган. Демак, китоб ўқимайдиган ахборотни истеъмол қилувчилар ўз билимларини муттасил камбағаллаштириб борадилар.

Бундан ташқари билимни фақат сон жиҳатдан эмас, шунингдек сифат жиҳатдан ҳам камбағаллаштириш юз беради. Телевизион каналларнинг бир типдаги кўрсатувлар билан ортиқча банд бўлиши томошабинга танлаш имконини бермайди, ҳолбуки, неча-неча аср мобайнида бойлик орттирган адабиёт эса бунинг учун жуда кенг имкониятлар яратади.

Тўғри, ахборотнинг замонавий техник воситаларининг аҳамияти жуда катта, келгусида ҳам у муттасил ошиб боради. Лекин билимни тўлдиришни фақат телевизион ахборотлар орқали олаётган маълумотлар билан чегаралаб қўйиш, шунингдек кўнгилоҷар (олди-қочди) кўрсатувларга ҳаддан зиёд берилиш кишида аста-секин билимларни ўзлаштиришнинг пассив кузатувчилик формасини туғдиради, шахснинг фикрлаш фаолияти ривожини секинлаштиради.

Китоб инсоннинг ўз-ўзини маънавий камол топтиришида ҳамиша асосий куч бўлиб келган ва шундай бўлиб қолади. На телевидение, на радио, на кинематограф, на тарбиявий иш ҳеч қачон китобнинг ўрнини босмайди, босолмайди ҳам. Инсоннинг маънавий ҳаёти китобсиз, адабиётсиз кечолмайди, кечиши ҳам мумкин эмас. Бу бойлиқни инсон ўзи, бутун умри давомида куч-ғайрат сарфлаб топиши керак.

Шунга ишончим комилки, ҳозирги қайта қуриш шароитида ҳам совет кишилари ҳаёти ва фаолиятининг ҳамма соҳаларида китобсиз иш битмайди. Зеро, биз қайта ўзгарар эканмиз, эскирган, путурдан кетган, хато нарсаларни инкор қилибгина қолмай, шунингдек кенг маънодаги маданий бойлиқларга таянган ҳолда, янги нарсаларни қарор топтирамиз. Қайта ўзгариш — бу охиригача изчил

коммунист бўлиб қолиш деган сўздир. Ҳамма нарсада — ишда, ижтимоий фаолиятда, одамлар билан муносабатда, шахсий ҳаётда, турмушда изчил бўлиш керак. В. И. Лениннинг фикрини эслатиб ўтмоқчиман: инсоният етиштирган ва етиштираётган ўша маънавий бойликларни эгалламай туриб коммунист бўлиш мумкин эмас. Бу бойликлар энг аввало ва энг яхши тарзда китобда жамланади. Китобсиз бўлиш — маънавий ресурсларсиз қолиш демакдир. Уларсиз киши ё қайта қурилишдан ташқарида туради, ё унга қарши боради.

Маълумки, жамиятимиздаги маънавий иқлимни қайта қуриш зарурлиги, совет кишиси тафаккурининг ўзини ўзгартириш масаласи бугунги кунда жуда муҳим масала бўлиб қолди. Партия съезди ҳам бунга алоҳида эътибор берди, чунки эндиликда илгаригидай яшаб бўлмайди, умуман мумкин эмас. Бундай шароитда шуни аниқ айтиш мумкинки, тафаккурни қайта ўзгартириш учун адабиётдан ҳам қудратли куч йўқ. Санъат турларидан биронтаси адабиёт билан тенглаша олмайди, чунки адабиёт — маънавий маданиятнинг сарасоси, ҳукамо, инсонни олижаноблаштириш, гўзалликни қарор топтиришнинг, эзгулик ва адолатга ишончнинг энг қудратли воситасидир.

Партия съезди биз қаерда ва нима масалаларда ноизчил коммунистлар бўлганлигимизни, қаерда ва қайси масалаларда қоқилганлигимизни, баъзида эса қўпол янглишганлигимизни аёвсиз кўрсатиб ўтдики, биз ҳаммамиз бунини яхши эслаймиз. Консерватизм, технократизм, бюрократизм, фикрлашдаги эринчоқлик ва журъатсизлик, сиёсий ироданинг ожизлиги ёки етишмаслигининг социалистик қурилиш практикаси билан ҳеч қандай алоқаси бўлмаслиги керак. Ахир, кўпдан буён маълум-у: ўша бюрократизмнинг илдизи — маданиятсизлик, инсонпарварлик нуқтаи назаридан жоҳил одамлар технократизм касалига чалинган бўлади. Пушкин ёки Маяковскийнинг новаторлик ғайрат-шижоати, Салтиков-Шчедриннинг ўткир сатираси, Чеховнинг аччиқ кинояси фикрнинг мудрашига ёки танбаллашиб қолишига йўл қўймайди. Бебаҳо бойлик бу биргина бадий адабиёт эмас. Яна ватан тафаккурининг тарихи, ватан фанининг тарихи, яна улғувор жаҳон адабиёти ҳам бор. Буларнинг ҳаммаси — китоблар.

Мен В. А. Сухомлинский ва унинг «Гражданиннинг туғилиши» китобини тез-тез эслаб тураман. Унда ажойиб педагог синфий зиддиятлар бўлмаган социалистик шароитларимизда текинхўрлар, юлғичлар, порахўрлар, умуман жиноятчилар қаёқдан пайдо бўлади-я, деб ўзига ўзи савол беради. Унинг фикрича, буларнинг ҳаммаси эмоционал подонлик оқибати. Эмоционаллик инсонни мардликдан маҳрум этади, деб унга эътироз билдиришган. Йўқ, деб жавоб берганди В. А. Сухомлинский, севишга қодир бўлмаган одам, нафратланишга ҳам қодир эмас. Гўзалликни ҳис этиш туйғуси асл гражданин учун зарурдир.

Бугун чинакам маданиятли кишини маънавий ташналикни қондиришга доимо эҳтиёж сезиш ҳиссисиз тасаввур этиб бўлмайди. Бадий адабиётда пайдо бўлган янги асар ҳам, театрнинг янги постановкаси ҳам, мароқли вернисаж ҳам, музикали фестиваль ҳам унинг эътиборини тортади. У маданий ҳаёт уммонига буткул шўнғийди. Юксак эстетик дид, ёрқин туйғулар ва бугунги воқелик суръатини ҳис этиш ана шунинг натижасидир. Адабиёт ва санъатни севиш шахснинг янги қирраларини ривожлантиради, у эстетик жиҳатдан шунчаки бойибгина, янада билимдон бўлибгина қолмай, шунингдек, менинг назаримда, кўнгил дарёси яна ҳам кенгаяди, бу жуда муҳимдир. «Маънавий» ва «руҳий» сўзларининг яқинлиги ҳам бежиз эмасдир.

Ҳар бир совет кишиси, айниқса раҳбар, идеологик ходим, педагог қалб саховати билан ажралиб туриши керак, бунини, менимча, исботлашнинг ҳожати йўқдир. Шахснинг маънавийлиги унинг тингловчи, суҳбатдоши, ҳамкасбининг, қўл остидаги одамнинг дардини тушунишга, унинг севинч-у, ташвишларига шерик бўлишга интилишида ҳам намоён бўлади. Бадий асар эса инсон психологиясини оча бориб, характерларни ўқиш ва билишга ўргатади, хатти-ҳаракатлар сабабини тушунтиради, воқелик ҳодисаларини нозик, эмоционал идрок этиш ҳиссини шакллантиради.

Яна бир ҳолатни ҳисобга олмаслик мумкин эмас. Гап шундаки, ҳозирги замон фан-техника революцияси профессионаллаштиришни чуқурлаштиришга, барча касбларнинг илм билан йўғрилиши ошишига олиб келади. Бу процесснинг ўзининг ва самаралидир, лекин унинг маълум ишқал томонлари ҳам бор.

Масалан, бегоналашишнинг бартараф этилган турлари — синфлар ва миллатлар ўртасидаги бегоналашиш ўрнига унинг янги тури — профессионал бегоналашишнинг келиш хавфи бор. Профессионал тиллар шаклланиб, улар бир тилдан иккинчи тилга таржима қилишни талаб этади, шунга мувофиқ психологик тўсиқлар пайдо бўлади, улар ижтимоий фаолиятнинг турли соҳаларида банд бўлган кишиларнинг бир-бирларини тушунишларига халақит беради. Бундай ажралишни бартараф эта оладиган бирдан-бир восита бу маданият — фалсафий, сиёсий, ва албатта, маънавий, бадий маданиятдир.

Яна бир муҳим нарсa: бугунги куннинг қадрига етиш учун ўтмишга ҳам назар ташлай билиш керак. Тарихийлик туйғуси ҳозирги кунни реал баҳолашга ёрдам беради. Бу ерда ҳам санъат ва адабиёт энг яхши ва ишончли кўмакдир.

Ўз хизматим юзасидан кейинги йилларда учрашишга тўғри келган одамларнинг кўпчилиги санъатнинг қадрига етадиган нозиктаб одамлар деб қатъий айтолмайман. Лекин уларнинг орасида ажойиб ходимлар, катта ақл ва сахий қалб эгалари, ҳамма нарсaда: табиатда ҳам, ўзарo муносабатларда ҳам гўзалликни кўра ва тушуна оладиган кишилар анчагина эди. Уларнинг кўплари, ёшлари 50 дан анча ошиб қолган кишилар, болалигимиз кечган машаққатли уруш йилларида ўзимиз учун музика, тасвирий санъатнинг сирли оламини очиш имкониятига эга бўлмаганмиз, деб астойдил ачиниб гапирадилар. Лекин барибир улар анча кўп ўқишган ва ниҳоятда банд бўлишларига, ишлари бошидан ошибоши ётишига қарамай ўқиш иштиёқини бир умрга сақлаб қолишган.

Албатта, маънавий бойликларни эгаллаш — бу эрмак эмас, балки машаққатли меҳнат ва ҳар қандай меҳнат сингари у вақт ҳамда куч-ғайрат талаб қилади. Шубҳасиз, телевизорни қўйиб, унда «Уруш ва тинчлик»ни томоша қилишдан осони борми. Лекин бу Л. Толстой билан диққат қилиб, сермулоҳазалик билан, чуқур интим ва узоқ вақт мулоқотда бўлишнинг ўрнини боса олармиди? Мана шундай мулоқотда бўлишга эҳтиёжни тарбиялаш — бу китобни ҳимоя қилиш деганидир. Менингча, чинданам беҳисоб аудиторияга ва унга жуда катта таъсир қилиш кучига эга бўлган телевидение китобни биринчи бўлиб ҳимоя қилиши керак. Телевидениеда ҳозир ҳам китобни пропаганда қиладиган яхши программалар бор. Лекин улар, одатда, реклама-ахборот характерида бўлиб, унинг ўз саботли ишқибозларига мўлжалланган. Мен эса, ҳали китобни чинакамига ўз мулкига айлантирмаган ёки ундан узоқлашаётган кишиларни назарда тутяпман. Айтайлик, академик Д. С. Лихачев, ёзувчилардан Ч. Айтматов, Ю. Бондарев, В. Биков сингари ҳамма тан олган обрўли сиймолар китоб ўқимаслик натижасида бой берилган нарсанинг ўрнини ҳеч нима билан тўлдириб бўлмаслигига ўзларининг оташин сўзлари билан одамларни ишонтиришлари керак. Бу гап фақат катталарга эмас, шунингдек болаларга, ҳа, биринчи навбатда болаларга тааллуқлидир. Ишончим комилки, агар ўн ёшгача болада китобни севиш, унинг қадрига етиш ҳисси тарбияланмаса, унга эҳтиёж туйғуси сингдирилмаса, кейин бу ишни қилиш ниҳоятда қийин бўлади. Балки, буним умуман иложи бўлмас. Лекин ҳозирча анча кўнгилсиз бир фактни қайд қилишга мажбурмизки, «телевизионпараст» ота ва оналарнинг бутун бир авлоди пайдо бўлди, улар китобга тобора кам қизиқиб, ўз болаларини ҳам шу руҳда тарбиялашади. Бундай ҳодиса мактабда ҳам юз беряпти. Бугун биз ўқитишни интенсивлаштиришга интилар, мактаб ва олий таълимни ислоҳ қилишни амалга оширар эканмиз, аини вақтда компьютерларни жорий қилиш тўғрисида ҳам, китобга меҳр уйғотиш тўғрисида ҳам баробар жон куйдиришимиз керак.

М. Горький, ўзимдаги барча яхши хислатлар учун китобдан миннатдорман, деган эди. Шахсда асл инсоний фазилатларни шакллантиришда бадий адабиётнинг роли бебаҳодир. Зеро, асл санъаткор қайноқ воқеалар изидан бориб, уларни умумлаштиришга интилиб, аини ўша кўпчилик яхши пайқамаган, сезмаган нарсаларни бўрттириб, ёрқин қилиб кўрсатади. Бундай асарлар даставвал долзарб социал-иқтисодий проблемаларни ҳал қилишдаги бадий зийраклиги, партиявий манфаатдорлиги билан қимматлидир. Замондошларимиз тақдири ва ишлари, уларнинг зафарию, мағлубиятлари бўялмай-нетмай рўйирост, ҳаққоний тасвирланган спектакль ва фильмларнинг ўз вақтида томошабинларда кучли таассурот қолдиргани бежиз эмас. «Мукофот», «Ун учинчи раис», «Мимино», «Ер фарзанди», «Нон таъми», «Оловбардор», «Москва кўз ёшларига ишонмайди», «Сўроқ», «Биз тубанда қўл қўювчилар», «Сўнгги қочиш», «Ердаг из», «Узоқ

тунлар» ана шулар жумласидандир. Эҳтимол, уларда мунозарали жойлар ҳам бордир. Лекин бу асарлар халқимизга шунинг учун ҳам манзур бўлдики, ҳаммамизга яқин бўлган совет характери, социалистик турмуш тарзининг белгилари уларнинг қаҳрамонларида ёрқин акс этди.

Адабиёт ва санъатнинг аҳамияти айниқса одамларга раҳбарлик қиладиганлар учун жуда муҳимдир. Ахир ҳар қандай раҳбар, айниқса партия ёки совет ходими — бу трибун, пропагандист, агитатор ҳамда тарбиячидир. У ўз билими ва эътиқодини одамларга ёрқин, ҳаммабоп шаклда етказа билиши, образли тилга эга бўлиши керак. Тартиб, уюшқоқлик, интизом ва масъулият учун, ҳақиқат ва инсонлар ақл-заковати учун, очиғини айтиш керакки, шиддатли кураш бораётган ҳозирги пайтда ҳар қандай раҳбар, партия ва совет ходими бу курашда илғор позицияларни эгаллашди. Бунда унга бадий адабиёт, санъат асарлари жуда қўл келиши мумкин, чунки у улардан ишонарли образлар, ёрқин, ибратли мисоллар топади. Шу нарса кўпдан маълумки, кўп ўқиган, эрудияцияли одамнинг нутқи мантикий тузилиши, бадий таъсирчанлиги билан ажралиб туради, унда ҳикматли сўз ва иборалар жилваланиб туради. Нутқининг ўткирлиги, образлилиги уни ҳар қандай, энг кенг ва талабчан аудитория учун ҳам тушунарли, ишонарли қилади.

Ленин мактабининг атоқли пропагандисти А. В. Луначарский, тингловчи тўғри ва мароқли, қизиқарли фикрдан, трактат ёки нутқининг мунтазам композициясидан, чиройли баён этилган далил-исботдан чуқур эстетик завқ олади, деганида, шубҳасиз ҳақ эди. У, «таъсир кўрсатиш механизмининг» бу аспектини тушуниш биринчи навбатда амалий фаолият учун муҳимдир, бунга сира ҳам шубҳаланмаса бўлади, деб ҳисоблаган эди.

А. В. Луначарский санъатнинг ташвиқот-тарғибот ишидаги ролига юксак баҳо бериб, у «сиёсатга хизмат қилиши», «агитация учун таянч» бўлиши керак, деб ёзган эди. Бу билан у санъатнинг фақат бадий ёки эстетик аҳамиятини эмас, шунингдек унинг амалий аҳамиятини ҳам таъкидлаб кўрсатган эди, зеро А. В. Луначарский санъатни пропаганда ва агитациянинг узвий қисмига айлантиришга, унинг ёрдамида кишиларда сиёсатга қизиқиш уйғотишга муттасил интилиб келган. Агитацион-пропагандистик чиқишнинг структурасига сингдириб юборилган санъат муҳим идеологик вазифани бажариб, янги кишини тарбиялашга ёрдам беради. Бунга, деб ёзган эди А. В. Луначарский, «бадий киноя, бадий ифодаланган нафрат ва ҳоказолар билан зришилади. Бунга, шунингдек бизнинг чексиз ва хилма-хил ҳамда доимо ҳаракатда бўлган воқелигимизнинг бадий теран ва ёрқин, жозибали тасвири ҳам киради».

А. В. Луначарский ўзининг асосий хулосаси — партия пропагандаси ва оғзаки сиёсий агитация структурасида бадийликнинг зарурлиги ва муҳимлиги тўғрисидаги хулосасига шу тариқа келади. «Кишиларимизни бадиятга қанчалик кўп жалб этсак, — деган эди у, — уларга шу қадар чуқур таъсир кўрсатамиз».

Шундай қилиб, бадийлик муайян сиёсий йўналишга эга. Биз шахсга ғоявий, ахлоқий, эстетик таъсирни мумкин қадар кучайтириш, санъат орқали, санъат ёрдамида совет кишини коммунистик руҳда тарбиялаш вазифаларини ҳал этиш учун бадиятга мурожаат қиламиз.

Шубҳа йўқки, ҳар қандай раҳбарнинг ғоявий арсенали адабиёт ва санъат асарларидан олинган чуқур фикрлар билан муттасил бойиб бориши керак. Бадий бойликларга бефарқ бўлган одам фақат эстетик жиҳатдан эмас, шунингдек маънавий жиҳатдан ҳам қар бўлиб қолиши ҳеч гап эмас. Бошқача қилиб айтганда, кадрларимизни маънавий жиҳатдан бойитмасдан, ғоявий-ахлоқий жиҳатдан кўтармасдан, ўзимизни танқидий баҳолаш маҳоратини ҳосил қилмай туриб, ички бир истеҳзосиз (В. И. Ленин бунини шахс маънавий бойлигининг олий чўққиси деб ҳисоблаган эди) социализмни планли равишда ва ҳар томонлама такомиллаштириш юзасидан партия олдинга сурган программани бажариб бўлмайди. Агар бу программани ҳар бир совет кишисига нисбатан конкрет қўллайдиган бўлсак, бу аслида биринчи навбатда кишининг ўзини такомиллаштириш программасидир.

Лениннинг: «Китобсиз — илм бўлмайди, илмсиз — коммунизм бўлмайди» деган машҳур таърифининг чуқур социал ва сиёсий маъноси тўғрисида обдон ўйлаб кўрайлик. Шубҳасизки, бу ўринда Владимир Ильич махсус илмий адабиётнигина эмас, шунингдек кишининг бадий, маданий бойликларни, албатта ўзлаштиришини ҳам назарда тутганди. В. И. Лениннинг ўзи қаерда, қанчалик банд

Бўлмасин, ҳатто оғир касал бўлиб, узоқ вақт ётиб қолганида ҳам бир умр ўша қоидага амал қилиб келганди. Синглиси М. И. Ульянова китобхон Ленин қиёфасини қисқа, лекин жуда аниқ таърифлаб берган: «У китобни мутолаа қилишни биларди. Фақат мутолаа эмас, уларни ўрганишни биларди».

Масалан, қуйидаги факт Владимир Ильич қизиқишлари доирасининг қанчалик катталигидан, айтиш мумкинки, фантастик (бошқа сўз билан таърифлаб бўлмайди) даражада бўлганлигидан далолат беради. Марказий партия архиви фондларида ажиб бир ҳужжат — «Алфавит тартибидаги китоб» бўлиб, унга В. И. Ленин илтимосига кўра 1922 йилнинг июль-сентябрь ойларида Горкига юборилган адабиётлар ёзиб бориларди.

Бу шундай бошланган эди. В. И. Ленин 1922 йилнинг 13 июлида Горкидан шундай хабар қилганди: «Соғайганлигим билан табриклашингиз мумкин». У секретарь Л. А. Фотиевадан илтимос қилганди: «Менга жўнатадиган китобларни тайёрлайверинг (менга рўйхатларни ҳам юборинг) 1) илмий, 2) беллетристика, 3) сиёсий...» (Бунгача касалнинг зўрайиши билан врачлар унга китоб ўқишни мутлақо тақиқлаб қўйишганди).

Ўша заҳотиёқ Москвадан Владимир Ильич учун китоблар мунтазам келабошлади.

«Алфавит тартибидаги китоб»нинг гувоҳлик беришича, атиги уч ой ичида Горкига 1028 та турли нашрлар жўнатилди. Езувлар В. И. Лениннинг нималарни ўқиганлигидан тўла-тўқис маълумот беради. Номларининг рўйхатигина кўп нарсадан далолат беради. Мана, ўзингиз бир ўйлаб кўринг.

Биринчи навбатда — К. Маркс, Ф. Энгельс, К. Либкнехт, П. Лафаргнинг китоблари, капитал мамлакатларидаги ишчилар ҳаракатига бағишланган тадқиқотлар.

Китобларнинг салкам тўртдан бир қисми — қишлоқ ҳўжалиги ҳақида. В. И. Ленинни Ўрта Осиёдаги барханларни мустаҳкамлаш проблемалари ҳам, Ноқоратупроқ ерларини мелiorация йўли билан яхшилаш ҳам, Урал шарқидаги омов юрмаган бўшлиқларни ўзлаштириш масалалари ҳам қизиқтирар эди. У ғалла экинзорлари ҳосилдорлигини, чорвачилик маҳсулдорлигини ошириш тўғрисидаги китобларни ҳам оларди. Бутун бир бўлимни агротехникага оид адабиёт эгалларди: бу ерда ёввойи сулига қарши курашдан тортиб, маккажўхори, ажриқбош, қанд лавлаги етиштиришга оид китобларгача бор эди. В. И. Ленин рус олимларининг фундаментал асарлари: Н. М. Тулайковнинг тажриба ишини ташкил этиш, К. Д. Глинканинг — тупроқлар, Е. Ф. Лискуннинг чорвачилик тўғрисидаги китоблари билан танишган эди. У ўша пайтларда машҳур бўлган Г. Ф. Морозовнинг ўрмончиликка оид лекцияларининг конспектларини олган эди. Горкига жаҳон фанининг сўнгги ютуқлари ёритилган китоблар ҳам келиб турарди. Улар орасида — Альберт Эйнштейннинг «Эфир ва нисбатлилиқ принциплари», Лизе Майтнернинг «Радиоактивлик ва атом тузилиши», Макс Планкнинг «Нур табиати» асарлари бор. Ўша ерга микробиология ва эпидемиология, астрофизика ва термодинамикага оид тўпламлар ҳам жўнатиладди. Владимир Ильични В. Вернадский, Н. Жуковский, Л. Пастер, Э. Реклю асарлари қизиқтирарди.

Жуда кўп илмий, маҳсус, техник нашрлар билан бирга В. И. Ленин қанчадан-қанча бадий адабиёт, санъатга оид китобларни оларди. Масалан, унга К. Федин, А. Неверов, В. Вересаев, А. Толстой, К. Чуковский, Н. Ляшколарнинг эндиgina нашрдан чиққан асарлари юборилганди. Китоблар орасида ўша даврда футуристар «Ака-укалар Серапионовлар» группасининг анча шов-шувларга сабаб бўлган тўпламлари ҳам бор эди. В. И. Лениннинг поэзиядан хабардорлиги ҳақида шу вақтгача маълум бўлган маълумотларга қўшимча равишда «Алфавит тартибидаги китоб» янги маълумотлар беради: унда А. Фет, Ф. Тютчев, Э. Верхарн, К. Бальмонт, П. Антокольский, А. Гастевларнинг шеърӣ томлари ёзилган. Афтидан, Владимир Ильич халқ ижоди билан ҳам қизиққан: унга Ярослав яқинидаги қишлоқларда яратилган термалар тўплами юборилган. В. И. Ленин, шунингдек Римский-Корсаков, Мусоргский, Шаляпин ҳақидаги монографияларни, «Музыка умумий тарихи» томини, ўша давр тасвирий санъати ҳақидаги тадқиқотни, Б. Р. Виппернинг «Натурморт ва уни ривожлантириш проблемалари» китобини ва бошқа кўплаб нашрларни олганди.

«Алфавит тартибидаги китоб» билан танишиш кишини ҳайратга солади.

Партия ва давлат ишлари бошидан ошиб-тошиб ётган бир пайтда В. И. Лениннинг тоғ-тоғ китобни қандай қилиб ўқиб, ўрганганлигини тасаввур қилиш қийин! Лекин бу факт, маънавий бойиб боришга интилган, фақат илмий коммунизм асосчиларининг ғоявий-назарий мероси, билимнинг турли соҳаларига оид китобларгагина эмас, шунингдек адабиёт ва санъатга доим мурожаат қилиб турадиган одам қандай имкониятларга эга эканлигини жуда ишонарли кўрсатиб турибди, зеро буларсиз ҳаёт ва меҳнат тўлақонли бўлиши, кишилар тақдирини ва кишилар характерини ҳамда улар орқали — Инсон моҳиятини чуқур билиб, ўрганиб бўлмайди, бу ҳислат Ленин типига раҳбарлар учун айниқса муҳимдир.

Юқорида айтилган гапларнинг, менинг назаримда, яна бир муҳим томони бор. М. С. Горбачев 1984 йил декабрь ойида Москвада бўлиб ўтган «КПСС МК 1983 йил июнь Пленуми қарорлари асосида ривожланган социализмни такомиллаштириш ва партиянинг идеология соҳасидаги иши» Бутуниттифоқ илмий-амалий конференциясида қилган докладыда шундай деганди: «Иқтисодий тафаккурнинг замонавий услубини қарор топтириш — ҳаётий заруратдир. Лекин бу идеологик тафаккурга ҳам шу даражада тааллуқлидир. Бугунги кунда ҳамма кадрлар ижтимоий онг ва идеология ривожининг асосий қонуниятларини билишлари, ўшалар замиридаги социал-иқтисодий реалликларни анализ қилиш кўникмасини, у ёки бу ҳодисани идеологик фаолият билан боғлиқликда туғри баҳолаш маҳоратини эгаллаган бўлишлари керак».

Кадрларимизнинг маънавий маданиятини ривожлантириш уларда худди ана шу «идеологик тафаккурни» қарор топтиришга, биз маданият билан экономика-нинг диалектик синтези деб атаган ўша муҳим кўприкни қуришга ёрдам беради. Фақат кенг сиёсий билимга, ривожланган иқтисодий тафаккурга эга бўлибгина, философия, сиёсий иқтисод, социология, этиканинг бугунги проблемаларини чуқур билибгина қолмай, шунингдек маданият, адабиёт ва санъат масалаларидан ҳам хабардор бўлиш керак — айти шу фазилатлар барча даражадаги кадрларимизнинг обрў-эътиборини таъминлаш учун зарур бўлган ҳислатлардир.

Бизга фақат ўзи учун эмас, балки бошқалар учун ҳам энг юқори ахлоқий мезонлар бўйича жавоб бера оладиган, юксак маданиятли кишилар керак. Бизга ўз эътиқоди ва идеалларига ҳеч қачон хиёнат қилмайдиган одамлар керак. Ўз меҳнати, ўз пешона тери билан топилган нарса кўпроқ қадрланади. Мен ҳаракатдаги коммунистик эътиқодни ана шундай нарса деб биламан. Мен, К. Д. Ушинский сўзлари билан айтганда, аҳмоқона ишини ўзининг фойдасига буриб юбора оладиган, лекин бунга унинг яхши тарбияси, маданиятлилиги йўл қўймайдиган замондошим портретини ўзимча шундай тасаввур қиламан.

Партия жамиятни фақат моддий ишлаб чиқариш соҳасини эмас, шунингдек социал, маданият, экология соҳаларини ҳам — комплекс ривожлантириш вазифасини бугун ҳар қачонгидан кўра кескин қилиб қўймоқда. Кишиларнинг ижодий қобилиятларини намоён қилиш учун кенг имкониятлар яратиб бериш, уларнинг ҳаётини маънавий бой, кўп қиррали қилишни партия ўз маданий сиёсатининг бош вазифаси деб билади. Афсуски, бир томонлама, чекланган ҳолда ёндошишдан биз энди-энди қутуляпмиз, ўшанда энг муҳими моддий ишлаб чиқариш деб қараларди. Ўша пайтларда социализмда ижтимоий ишлаб чиқаришнинг мақсади инсон эканлиги унутиларди, у сояда қолиб кетарди, ҳолбуки қолган ҳамма нарса, шу жумладан моддий ишлаб чиқариш ҳам олий мақсадга — ҳар томонлама камол топган шахсни шакллантириш мақсадига эришиш учун фақат бир воситадир. Партия XXVII съезди ҳужжатларида масала худди шу тарзда қўйилди.

Моддий ишлаб чиқариш ёлғиз мақсадга айлантирилган бир шароитда жамиятнинг социал ва маданий ривожига зарар етказилади. Ана ўшанда мешчанлик диди, мол-дунё кетидан қувиш тантана қилади. Шунинг учун ҳам баъзан планларимиз кенг маданий қурилиш вазифалари ва проблемаларини бир чеккага суриб қўйганлиги ташвиш туғдирган эди. Ҳозирги кунда жуда кўп программалар — машинасозлик, озиқ-овқат, истеъмол ва рўзғор буюмлари соҳаларида программалар амалга оширилмоқда. Балки, мамлакатимизни маданий ривожлантиришнинг узоқ муддатга мўлжалланган программасини қабул қилиш мақсадга мувофиқдир. Бу маданий соҳага ортиб қолган маблағни ажратиш принципини йўқотишга ёрдам бермасмикин?

Шу нарса характерлики, илгарилари ҳеч қандай шубҳа туғдирмаган нарса бизнинг кунларда шак-шубҳасиз бўлиб туюлмади. Хўш, мен нимани назарда тутяпман? Масалан, биз шахснинг барқарорлиги ва собитлилигини таъкидлаб кўрсатиш ниятида баъзида уни монолитга қиёс қиламиз. Ҳолбуки монолитнинг энг муҳим фазилати шундаки, у давр таъсирига деярли берилмайди, у ўзгармайди. Совет кишиси учун эса бу камлик қилади. У ўзи яшаётган дунёни ўзгартириши учун ўзи ривожланиши керак. Биз айрим тушунчалар устида ўйламасликка, бош қотирмасликка ўрганиб қолганмиз, уларни ўзига хос бир аксиома деб ҳисоблаймиз. Масалан, мустаҳкам эътиқоддан ҳам яхши нарса бўлиши мумкинми? Бу ажойиб фазилат-у, шундай эмасми? Фақат у шундагина ажойиб фазилатга айланадики, агар мустаҳкам эътиқоддан кейин коммунистик ғоявийлик, кишининг юксак маънавий маданияти, унинг фикр инерцияси эмас, балки тафаккур изчиллиги турса.

Ҳар қандай ходимнинг профессионал маҳорати унинг маданиятига бевосита боғлиқ эмасми? Менимча, умумий маданий билим профессионализм сифатига айтарли таъсир кўрсатмайди деб ҳисоблайдиган одамлар жуда қаттиқ янглишадилар. Бу фикр анча чайналган фикр бўлсада, лекин социалистик жамиятни такомиллаштириш шароитида у алоҳида маъно касб этади. Бизнинг мақсадимиз — меҳнат ва ҳаётга шунчаки яхши мутахассис ва қонун-қондага амал қилувчи гражданди эмас, балки ишлаб чиқаришни, давлат ва жамоат ишларини бошқаришда фаол иштирок этишга қодир бўлган ижодкор ва сиёсий актив шахсни тайёрлашдир. Бошқача қилиб айтганда, умумий маданиятга, гарчи у қимматли бўлса-да, пухта профессионал билимларга ўзига хос бир қўшимча нарса деб қаралмаслиги керак. Бусиз одамларнинг ўз иши ва ҳаётидан кўнгулларни тўлиши ҳам, доимий изланиш ва олға қараб ҳаракатни таъминловчи соғлом ижтимоий муҳит ҳам бўлиши мумкин эмас.

Юксак маънавий маданият — энг муҳим инсоний фазилатдир. Фақат бу тўғрида ҳар қадамда бақириб-чақириш, гап сотиш керак эмас, шиорлар ҳам, қасам ичишлар, сохта пафос ҳам керакмас, очиғини айтиш керакки, биз бу нарсаларга анча берилиб кетганмиз. Ишончим комилки, улар фақат қилинган ажойиб ишлар эмас, шунингдек ҳали амалга оширилмаган ишлар тўғрисида гапирилганда ҳам, рўй-рост, ҳаққоний, дилдан айтилган сўзларчалик таъсир этмайди.

Расмийчилик, қуруқ гаплар кам бўлсин! Майдон ва кўчалардаги кўргазмалар агитация, стенд, тахталар, ёритилган рекламалар, катта йўл бўйларидаги, аҳоли пунктлари, шаҳарларга кираверишдаги шиорларга бир назар ташланг-а. Ҳаммаёқда тўғри сўзлар. Лекин улар ҳиссиз, «мажбурий» сўзлар! Бу инерция касалидан бўлак нарса эмас. Ҳолбуки, пропаганда ҳозир биз ўйлагандан кўра анча мураккаб. У ҳеч қандай «яланғоч», «тўғридан-тўғри» усулларни ҳазм қилолмайди. Маълум ва машҳур сўзларни ҳадеб такрорлайвергандан иш чиқмайди. Менимча, диалектиканинг асосий қонуни — миқдорнинг сўзсиз сифатга ўтишини, пропагандистлардан бошқа ҳамма яхши эсласа керак, «тўғридан-тўғри» метод қўлланилганида миқдорнинг сифатга ўтиши эса фақат душман тегирмонига сув қуяди. Ҳозир кишилар билан маънавий алоқада бўлиш, уларни айтилган сўзга қандай қилиб қулоқ солдириш, маъзини чақишга мажбур этиш тўғрисида ўйлаш керак.

Биз ажойиб замонда яшайпмиз: биз амалга ошираётган барча ишлар ўз оқибатларига кўра жуда муҳим ва беқиёсдирки, уларни бир қарашда тўлалигича илғаб ололмайсан. Мен шундай дердим: давримизнинг асосий хусусияти шундаки, шахсни маънавий шакллантириш проблемаси бугунги кунда академизм доирасидан чиқиб, тафаккурни расман эмас, балки чинакам қайта ўзгартириш учун зарур ҳисобланган умумдават вазифаси бўлиб қолди. Тафаккурни эса унинг асл маданиятини ўзлаштириш асосидагина ўзгартириш мумкин: бунинг учун тарихий анъаналарни юзаки эмас, балки чуқур англаш, билиш диалектикасини теран эгаллаш, бугунги куннинг ҳар бир вазифасини келажак нуқтаи назаридан кўра билиш, бадий маданият ғоялари ва образларини тўғри тушуна билиш зарур. Тушуниш янги билимларни туғдиради. Қанчалик кўп билсанг, шунчалик кўп иш қила оласан. Модомики, кўп иш қила олар экансан, демак муваффақият ҳам тезроқ келади, у анча пухта ва ишончли бўлади.

ЯНГИ МУСТАМЛАКАЧИЛАРНИНГ ИМПЕРИАЛИСТИК СИЁСАТИ

Н. ЕРМОШКИН,

тарих фанлари кандидати

Янги ТАХРИРДАГИ КПСС Программаси мустамлакачиликнинг барбод бўлганлигини ҳозирги даврнинг революцион характерини белгилаб берувчи энг муҳим хусусиятлар деб атайди. Империализм босиб-янчиб келаётган мамлакатлар якин-якинлардагина, В. И. Лениннинг аниқ таъбири билан айтганда, «тарихдан четда қолиб келган» (Тўла асарлар тўплами, 41-том, 260-бет) эдилар, бугун эса улар ўзларининг мустамлака ўтмишини дадил улоктириб ташлаб, миллий мустакиллигини ҳимоя қилмоқдалар, иктисодий ва маънавий жиҳатдан тўла эркинликка эришиш учун курашмоқдалар. Гарчи дунё сиёсий харитасида ҳали ҳам тўғридан-тўғри мустамлака ҳукмронлигидаги анчагина ороллар сақланиб қолаётган бўлса-да (Намибия ва ЖАРнинг жафокаш халқлари ўз суверенитетини қарор топтириш учун курашда ҳали ҳал қилувчи босқични босиб ўтишлари керак), мустамлакачиликнинг бу районларда ҳам ҳалокатга маҳкум эканлигига эндиликда ҳеч ким шубҳа қилмайди.

Миллий-озодлик ҳаракатлари зарбаси остида, социалистик мамлакатлар ва бутун дунё демократик жамоатчилигининг актив қўллаб-қувватлаши туфайли мустамлакачилик системасининг барбод бўлганлиги халқаро алоқалар структура-сини тубдан ўзгартириб юборган буюк тарихий воқеа бўлдики, у илгари мустамлака ва ярим мустамлака бўлган халқларнинг янги ҳаёт йўлида қайта тикланиши учун шарт-шароит яратиб берди.

* * *

Халқаро майдонда синфий кучлар жойлашувининг ҳозирги шароитида ёш давлатлар сиёсий ва иктисодий манфаатларини ҳимоя қилишнинг коллектив формалари билан қуролланиб ўз мақсадларини катъий ҳимоя қилмоқдалар ва империалистик тазйикка дадил қарши турмоқдалар. Бу қўшилмаслик ҳаракати мамлакатлари давлат ва ҳукумат бошлиқларининг 1986 йил сентябрда Харарда бўлиб ўтган VIII конференциясида айниқса ёрқин намоён бўлди. Унинг катнашчилари бир ярим миллиард аҳоли иродасини ифодалаб, империализмга қарши аниқ позицияда турдилар. Форум қарорларида Қўшма Штатларнинг агрессив, гегемонистик сиёсати ҳар қачонгидан ҳам аёвсиз фош этилди, айрим ҳолларда конференция бу сиёсатни давлат террорчилиги сифатида баҳолади.

Африка Жанубига тегишли пунктлар принципаал тарзда ифодаланган. АҚШ билан апартеид режимининг ирқчиларни ўз мамлакатлари ичкарасида террорчи-ликка ва қўшни мустакил давлатларга қарши сурбетларча агрессив ҳаракатларга рағбатлантириб турувчи «конструктив сиёсати» катъий қораланган.

АҚШ ва Исроил ўртасидаги Якин Шарқдаги аҳволни издан чиқаришга ёрдам берувчи «стратегик уюшма» қораланди. Давлат ва ҳукумат бошлиқлари Исроил 1967 йилдан бери оккупация қилган барча фаластин ва бошқа араб ерларидан, жумладан Қуддусдан ҳам чиқиб кетгандагина, Фаластин араб халқининг қонуний

ва ажралмас ҳуқуқлари, жумладан унинг ўз ватанига эга бўлиш, ўз тақдирини ва давлатчилигини ўзи белгилаш ҳуқуқи таъминлангандагина дунёнинг бу районидаги аҳвол ҳамма жиҳатдан адолатли ва мустаҳкам йўлга солиниши мумкин эканлигини таъкидладилар.

Конференция ҳужжатларига АҚШнинг Ливияга қарши агрессиясига ва Чилидаги Пиночет режими репрессияларига тааллуқли махсус пунктлар киритилди. Американинг Ливиянинг Триполи ва Бенгази шаҳарларини бомбардимон қилганлиги, Ливияга қарши агрессив ҳаракат ва қўпуровчиликларнинг тўхта-тилмаётганлиги «давлат террорчилиги» деб таърифланди. Харарда бўлиб ўтган форум Рейган маъмуриятдан Ливияга етказилган зарарни тўла ва тезда қоплашни талаб қилди.

Қўшилмаётган мамлакатлар АҚШнинг Никарагуага қарши хийла-найранглари кескин қоралади. Давлат ва ҳукумат бошликлари АҚШ конгресси Никарагуа контрастарини пул билан таъминлашга 100 миллион доллар маблағ ажратганлиги тўғрисида қаҳр-ғазаб билан гапирдилар. Бу қадам, деб кўрсатилади ҳужжатда, МРБ ва Америка ҳарбий маслаҳатчилари Никарагуа қонуний ҳукуматини ағдариш учун ёлланма каллакесарларни тайёрлашда очикдан-очик иштирок этишларига фатво берилганлигидир. «Халқаро терроризм» деган махсус бўлимда Ғарбнинг халқлар озодлиқ курашини террорчилик билан тенглаштиришга уриниши чиппакка чиқарилди.

Конференция қабул қилган иктисодий декларацияда ҳам қўшилмаслик ҳаракатининг етуқлиги, унинг асосий принципларга содиқлиги кўриниб турибди. Бу ҳужжатда озодликка эришган давлатлар жаҳон экономикаси фонида қараб чиқилган, капитализм умумий кризиси ҳамда қуролланиш пойгасининг таъсири ҳисобга олинган, Ғарбнинг ўз қийинчиликларини Осиё, Африка ва Лотин Америкаси халқлари зиммасига юклашга бўлган интилишлари фош этилган. «Тинчлик, қуролсизланиш ва ривожланиш ўртасидаги тўғридан-тўғри алоқага» алоҳида эътибор берилган. Қуролланиш, айниқса ядро қуроли билан қуролланиш пойгаси умумий стабиллиكنи бузади, ривожланаётган мамлакатлар экономикаси-га салбий таъсир қилади, деб таъкидланади ҳужжатда. Империализм сиёсати қўшилмаётган давлатларнинг ҳақиқий мустақилликка эришишлари йўлидаги асосий тўсиқдир. Конференция ривожланаётган мамлакатларнинг кўпчилигида иктисодий юксалиш сусайиб бораётганлигини, улар жуда катта қарзга ботганликларини ташвиш билан қайд қилди. Декларацияга Вашингтоннинг Никарагуа ва Ливияга иктисодий бойкот эълон қилганлигини қораловчи пунктлар киритилди.

Америка капитали билан боғлиқ бўлган ва қўшилмаётган мамлакатларга қарз бериб туришда уларни қулликка солувчи шартларни ўртага қўяётган молиявий тартиботлар қаттиқ танқид қилинди. Транснационал корпорациялар (ТНК) фаолиятини фош қилишга махсус бўлим бағишланди.

Бугунги кунда империалистик сиёсатчилар «Шимол-Жануб» диалогини (у аслида бошланмаган) ниқоб қилиб ололмайдилар, риёкорликдан иборат бу диалог ўз социал-иктисодий мақсадларига кўра ёлғон ва сиёсий оқибатлари жиҳатидан батамом пучдир. Янги иктисодий тартиб ўрнатиш соҳасида конкрет ишларга киришиш даъвати қўшилмаётган давлатлар конференциясида сўзланган кўпчилик нутқлар мазмунига сингдириб юборилганди. Бир қатор нутқларда ғарблик воситачини иктисодий муносабатлардан чиқариб ташлаш мақсадида озодликка эришган мамлакатларнинг ўзлари ўртасида янада жипсрок ҳамкорлик бўлиши зарурлиги таъкидланди. Лекин барибир ёш давлатлар империализм кишиларидан айни иктисодий жиҳатдан халос бўлиш соҳасида жуда кам натижага эришдилар. Ғарб собиқ мустамлакаларнинг империалистик марказларга қарамлигини бўшаштириш ўрнига уни янада кўпроқ кучайтириб юборди. Қўшилмаётган давлатларнинг оғир иктисодий аҳволи уларнинг халқлари ўтмишда мустамлака зулми остида бўлганликлари ҳамда Ғарб давлатлари ва ТНҚларнинг ҳозирги ваҳшиёна ҳаракатлари оқибатидир.

Иктисодий ҳамкорлик ва ривожланиш ташкилоти (ИХРТ) маълумотларига кўра, озодликка эришган мамлакатларнинг молиявий қарзи хавфли суръатлар билан ошиб бормокда ва ҳозир фантастик марра — триллион доллардан ҳам ошиб кетдики, бу уларнинг иктисодий юксалишини сусайтириб юборади. Айрим Ғарб давлатлари чинакам судхўрга айланиб бормокдалар, чунки улар ривожланаётган

давлатларнинг сира камаймаётган қарзларининг процентлари ҳисобига яшамокдалар. Мазкур мамлакатларнинг учдан бир қисмида ўсиш мутлақо йўқлиги ёки орқага кетиш кузатилмоқда. 1980—1985 йилларда қўшилмаётган давлатлар экспорт ва импорт нархлар ўртасидаги номувофиқ нисбат туфайли 104 миллион доллар ва учест ставкалари ҳаддан ташқари юксак бўлганлиги сабабли 120 миллиард доллардан кўпрокни бой бердилар. Хом ашё молларининг нархлари тушиб кетганлиги оқибатида улар 1985 йилда 1980 йилдагига нисбатан экспорт қилинадиган товарларни 25 процент кўпайтириб бунинг эвазига шунча миқдордаги четдан келтирилган моллар нарҳини қоплашга мажбур бўлдилар. Натижада уларнинг қарзлари камайиш ўрнига ҳалокатли равишда ошиб кетди.

Четга чиқариладиган хом ашё товарларининг нархлари 80-йилларда мунтазам камайиб бориб, кейинги 50 йил ичида энг паст даражага тушиб қолди. Айни бир вақтда четдан келтириладиган саноат товарларининг нархлари тобора ошиб борапти. Масалан, Шри Ланка ва Ҳиндистон битта трактор сотиб олиш учун жаҳон бозорига 13 тонна чой сотишлари лозим, ҳолбуки ўн йил муқаддам бунинг учун 5 тонна чой чиқариш кифоя эди.

Бунинг натижасида кўпгина ёш давлатлар экономикаси урушдан кейинги даврдаги энг оғир кризисни бошдан кечирмоқда. Уларнинг иқтисодий юксалиш суръатлари кескин пасайиб кетди. Бу давлатларнинг ялпи миллий даромади кейинги йилларда деярли кўпаймади, 1982 йилда ҳатто камайиб кетди. Улардаги ишсизлар сони 500 миллион кишидан кўпроқдир.

Қўшма Штатлар 1985 йилда халқаро молиявий ресурслар бутун оқимининг 24,2 процентига эга бўлдилар, 1980 йилда бу кўрсаткич 6,1 процентга барабар эди. Халқаро валюта фонди империализмнинг молиявий жандарми родини бажаряптики, у «учинчи дунё» мамлакатларидан бюджет ва ташқи савдо дефицитларини тугатишларини, маориф ва соғлиқни сақлашга кетадиган харажатларини камайитишларини, давлат капитал маблағларидан воз кечишларини, ўз валюталарини девальвация қилишларини, истеъмол товарлари ва хизматлар нарҳини кўтаришларини, четдан эркин мол келтирилишига бўлган чеклашларни бекор қилишларини, ҳуллас, қарз ва кризис оғирлиги шундай ҳам хонавайрон қилинаётган халқлар гарданига тушишини талаб қилади. Янги халқаро иқтисодий тартиб ўрнатиш, барча қўшилмаётган мамлакатлар учун келишиб олинган иқтисодий сиёсат ишлаб чиқариш, улар ўртасида мустақкам савдо ва иқтисодий алоқаларни йўлга қўйиш бориб турган заруратдир — Харардаги мунозаранинг умумий якуни ана шундай бўлди.

* * *

Мустамлака империялари барбод бўлиб, улар ўрнида 131 ёш давлатнинг пайдо бўлиши ҳозирги империализмни Осиё, Африка ва Лотин Америкаси халқларини эксплуатация қилишнинг янги стратегияси ва тактикасини ишлаб чиқишга, империялар даврига хос бўлган тўғридан-тўғри сиёсий ҳукмронликни ва ташқи иқтисодий зўравонлик методларини талончиликнинг янги, бир қарашда мақбул кўринадиган янги формалари билан алмаштиришга мажбур қилди. Шубҳасизки, мустамлака зулмидан халос бўлган мамлакатлар ҳозир миллий жиҳатдан оёққа туриш ва социал ривожланишнинг мураккаб даврини бошдан кечирмоқдалар. Мустамлака ўтмишдан мерос бўлган қолоқлик, ўзаро адоват ва тўқнашувлар уларни орқага тортмоқда. Янги мустамлакачиларнинг кўплаб тузоқлари ҳозирча заиф мамлакатларга ҳавф солиб турибди.

Империалистлар йирик капиталистик монополиялар ва банклари, айниқса транснационал корпорацияларни ана шундай тузоқлардан бири сифатида тобора кўпроқ фойдаланмоқдалар. Бизнинг кунларимизда янги мустамлакачилик тушунчаси айни шулар фаолияти билан кўпроқ боғланиб кетади. Транснационал корпорациялар ўзларини ёш давлатларнинг дўстлари қилиб кўрсатиб, «мамлакатлари ва байроқлари бўлмаган» ташкилотлар сифатида тасвирлашни жуда ҳўш кўрадилар. Гўёки улар штаб қароргоҳлари қайси мамлакатда жойлашганлигидан ва корпорацияни қайси мамлакат граждaнлари бошқаришларидан қатъи назар барча халқларга барабар муносабатда бўлар эмишлар.

ТНҚлар ҳозирги боскичда асосан ривожланган капитализм мамлакатларида ўзларининг инвестиция, ишлаб чиқариш фаолиятини ва тайёр маҳсулотларини сотишни асосан ривожланган капитализм мамлакатларида амалга ошириб, ёш давлатларда ўзига хос плацдарм саклаб келаётган бўлсалар-да (уларнинг капитал маблағларининг атиги тўртдан бир қисмигина шу мамлакатларга тўғри келади), улар Осиё, Африка ва Лотин Америкасида ўзларини ҳақиқий хўжайин ҳис қиладилар. Уларнинг инвестициялари мазкур китъаларнинг халқларини том маънода талашга имкон бермоқда. Монополияларнинг озодликка эришган мамлакатлардаги йиллик даромадлари 100 миллиард доллардан ошиб кетди, бу Фарб давлатларининг ёрдами ва капитал маблағларидан анча кўпдир.

Ёш давлатлар билан халқаро монополияларнинг кучлари асло барабар эмас. «Экссон», «Женерал моторос», «Ройял датя-шелл», «Форд» сингари энг йирик тўртта монополистик группадан ҳар бирининг йиллик обороти 160 миллиард долларга барабар бўлиб, Африкадаги озодликка чиққан барча мамлакатларнинг ялпи миллий маҳсулотидан ҳам ошиб кетади. Халқаро монополиялар экспансияси империалистик давлатларни рағбатлантириб, маблағ билан таъминлаб ва тасодифий хавф-хатардан саклаб туради. «Дэалоп-Пирелли», «Крайслар», ИТТ, ИБМ, «Бритиш петролеум», «Филипс», «Мицубуси», «Фиат-Ситроен» ва бошқа бир қатор монополияларнинг миллиардлаб долларлик оборотлари Осиёдаги кўпчилик ёш мамлакатлар миллий даромадидан кўпдир.

ТНҚлар қўлида жамланган иктисодий куч-қувват очик-равшан синфий характерга эга бўлиб, корпорациялар ҳар бир кадамини империализмнинг сиёсий мақсадларига мослаб босишга, яъни жаҳон социализмнинг юқсалишига ва унинг таъсирига қарши курашишга, ривожланаётган носоциалистик давлатларни ўз орбитасида саклаб туришга интиломқдалар. Сиёсат бобида улар, Ленин таъбири билан айтганда, «нукул колок, умри тугаб бораётган ўрта асрчилик»ка кўз тикадилар, «умри тугаган ва тугаб бораётган кучларнинг ҳаммаси билан» бирлашадилар (ТАТ, 23-том, 187-бет). Монополиялар корчалонлари контрреволюция отрядларини тузишда ва уларнинг ёш тараққийпарвар давлатлар территорияларига бостириб киришларини, миллий-озодлик ҳаракатларига қарши курашларини (масалан, Ангола, Мозамбик, Зимбабве, Бенин да бўлгани сингари), давлат тўнтаришларини (Гватемала, Конго, Чили, Боливияда) маблағ билан таъминлашда жуда фаол иштирок этадилар.

ТНҚларнинг «сиёсий» фаолияти кейинги йилларда БМТда, Иктисодий ҳамкорлик ва ривожланиш ташкилотида, Халқаро меҳнат ташкилотида, Иктисодий ва социал кенгашда ҳамда БМТнинг бошқа органларида бир неча бор муҳокама қилинди. Ҳатто ҳозирги империализмнинг ашаддий маддоҳи бўлган «Тайм» журнали «МРБдан бошқа Американинг бирорта ихтироси халқаро корпорациядек кўп шубҳа, ишончсизлик ва эътироз уйғотмаса керак», деб эътироф этишга мажбур бўлди.

Англия, Франция, Бельгия ва бошқа мамлакатларнинг ТНҚлари айна ўзларининг илгариги мустамлакалари билан иш қўришни афзал қўрадилар, улар маълум даражада эски империячилик схемаси асосида ҳаракат қилиб, бу мамлакатларнинг метрополияларга иктисодий қарамлигини янги шароитларда мустахкамламоқдалар. Қачонлардир мустамлакачи давлатлар ўз қарамидаги мамлакатларда савдо идоралари ва факториялар очиб, портлар, омборхоналар ва плацдармлар қурганликлари сингари улар бугун ҳам Осиё ва Африка мамлакатларида янги капиталистик территориялар вужудга келтириб, уларни «пошлинаси» зоналар, «эркин савдо» ва «эркин корхона эғалиги» зоналари, «экспорт товарларни қайта ишлаш» зоналари деб атамоқдалар.

Уларнинг номлари ҳар хил бўлса ҳам моҳияти битта: гап асосан одатда денгиз, дарё портлари ва йирик аэропортлар яқинида жойлашган кенг территориялар ҳусусида борадики, транснационал корпорациялар ёки улар иштирокида асос солинган аралаш компаниялар бу ерларда амалда барча солиқлардан озод бўлишдан тортиб, хом ашё ва ярим фабрикатларни эркин чиқариб олиб кетишгача бўлган кўплаб имтиёзлардан фойдаланадилар. Уларга ер участкаси, сув, электр энергия ва инфраструктуранинг бошқа элементлари арзон нархда берилади, уларнинг турли хизматлари, баъзан эса иш қучи тайёрлашлари маблағ билан таъминлаб турилади. ТНҚлар айна ёш давлатлар территорияларида энг кўп

мехнатталаб, асосан атроф мухитга зарар етказувчи «ифлос» ишлаб чиқаришларни жойлаштирадilar.

Арзон-гаров иш кучини аёвсиз эксплуатация қилиш чет эл капитали учун катта даромадлар манбаи бўлиб қолмоқда. Ишсизларнинг мавжудлиги (айрим ёш давлатларда улар ишга яроқли аҳолининг 40 процентигача етади) албатта меҳнат кадрини тушириб юборади. Америка корпорацияларининг Африкадаги филиалларида банд бўлган ишчиларнинг иш ҳақи АҚШда худди шундай ишларни бажарувчи ишчиларникидан 10—15 барабар камдир.

Табийй ресурслардан ваҳшиёна фойдаланиш монополиялар ҳаддан ташқари кўп даромад олишларининг яна бир манбаи ҳисобланади. Ривожланаётган мамлакатлардан ташиб келтирилган хом ашё солиқ пулини ҳисобга олмганда ТНҚларга ҳар йили 200 миллиард доллар фойда келтирмоқда, айти пайтда бу бойликларнинг хўжайинлари бўлган Осиё, Африка ва Лотин Америкаси мамлакатларига атиги 30 миллиард доллар ёки умумий нархнинг еттидан бир қисмигина тегади, холос.

ТНҚлар технологияларни сотишдан ҳам мисли кўрилмаган фойда олишяпти. Озодликка эришган мамлакатлар пул маблағлари бобида қўллари қисқа бўлганликлари сабабли тадқиқотларга жуда кам маблағ ажратадилар. Масалан, Осиёдаги энг йирик мамлакат бўлган Хиндистон илмий ва техникавий ишланмалар учун «Женерал моторс» ёки ИБМ концернлари шундай мақсадлар учун сарфлайдиган маблағнинг атиги учдан бир қисми ҳажмида маблағ сарфлайди. Ҳозир дунёда мавжуд бўлган 35 миллион патентдан ҳаммаси бўлиб 210 мингги ёш давлатлар саноатида қўлланилмоқда, уларнинг фақат олтидан бир қисмигина осёликлар, африкаликлар ва лотин америкаликларга тегишли ихтиролардир.

Бундан ташқари, монополиялар энг талантили маҳаллий олимлар, инженерлар, маъмуриятчиларни ўз корхоналарига систематик равишда авраб олиб келишлари билан ҳам ёш давлатларга катта зарар етказишяпти. Жуда катта чиқимлар эвазига тайёрланган олий малакали мутахассислар кўп ҳолларда мамлакатни тарк этмоқдалар. Бунинг натижасида кейинги ўн беш йил ичида 284,5 мингга яқин олий маълумотли мутахассис Осиё, Африка ва Лотин Америкасидан АҚШ, Канада, Буюк Британияга кетиб қолди. БМТнинг савдо ва ривожланишга бағишланган конференцияси берган баҳога кўра, АҚШ, Канада ва Буюк Британия уларни тайёрлашга сарфлаши мумкин бўлган 46 миллиард долларни тежаб қолди, бу кишиларнинг меҳнати билан яратилаётган моддий бойликлар ҳақида гапирмаса ҳам бўлади.

Ҳозирги монополистик капитал ўзининг талончилик ва реакцион моҳиятини ўтаётган сохта назариялар билан бежаб кўрсатишга, никоблашга ҳаракат қилмоқда. Транснационал корпорацияларнинг энг жонкуяр тарафдорлари ҳатто корпорациялар, у ёки бу соҳага маблағ сарфлар эканлар, буни инсонпарварлик, қолоқ халқларга индустриалаштиришни амалга оширишда ёрдам бериш ниятидан келиб чиқиб қилмоқдалар демолар. Лекин бу қадар кўпол ёлғон билан бугун ҳеч кимни алдаб бўлмайди. Нигериялик экономист А. Иванкво шундай деб ёзади: «Транснационал корпорациялар озодликка эришган мамлакатлар ривожланишини мантқиққа тўғри келмайдиган ҳолда маблағ билан таъминлаб келишяпти. Улар озгинагина капитал олиб келиб, ундан капитализм иқтисодий назариясининг барча қондаларига мувофиқ равишда товарлар ишлаб чиқаряпмиз ва хизматлар кўрсатяпмиз деган баҳона билан хўжайин мамлакат ресурсларини ташиб кетиш учун фойдаланмоқдалар».

ТНҚлар маддоҳлари иккинчи, анча нозикрок йўлининг моҳияти шундаки, улар ҳозирги капитализмнинг бу авангарди гўё жаҳондаги ресурслардан яхшироқ фойдаланишга ёрдам бераёпти, экономикага барқарорлик бағишляпти, деб даъво қилишяпти. Гўё капитализмни барча миллатлар ва аҳоли табақалари манфаатлари йўлида «янгилашга» қодир бўлган принципиал жиҳатдан янги куч дунёга келганлиги тўғрисидаги афсона зўрлаб сингдирилмоқда. Бунда ТНҚларнинг ўзлари насли-насаби бўлмаган етимчалар сифатида тасвирланади, атайлаб уларнинг сохта кўп миллатлилигига урғу берилади. Бу ТНҚлар табиатини ҳаспўшлаш, уларнинг янги хусусиятлари ва таърифларини монополияларнинг моҳияти ўзгарганлиги билан боғлаш мақсадида шундай қилинмоқдаки, В. И. Ле-

нин айтиб ўтганидек, бундай хусусиятлар империализмнинг теран пойдеворини ташкил қилади.

Ҳозирги транснационал корпорациялар озодликка эришган мамлакатлар учун туғдираётган хавф мустамлака босқинчилиги давридаги монополиялар ва картеллар хавфидан кам эмас. Миллий-озодлик ҳаракати зонасида уларнинг бемалол фаолият кўрсатишига йўл қўйиб бериш ёш мамлакатларнинг жаҳон капитализми системасига қарамлигини узок муддатга мустаҳкамлаб қўйишдан, улар билан монополистик марказлар ўртасидаги жарликни чуқурлаштиришдан бошқа нарсаси эмас. Урушдан кейинги дастлабки ўн йилликлар даврида империалистик давлатлар билан ривожланаётган мамлакатлар ўртасидаги аҳоли жон бошига тўғри келадиган ялпи маҳсулотнинг 10:1 нисбати 80-йилларга келиб 13:1 гача етганлиги ва бу фарқ тобора кўпайиб бораётганлиги ҳам шу билан исботланади.

Транснационал корпорациялар нималарни бошлаб келишини ривожланаётган мамлакатлар ўзларининг аччиқ тажрибаларидан яхши биладилар. Фақат империализмга қатъий ва изчил зарба бериш, иктисодий ва социал-сиёсий ривожланишнинг пухта ўйланган стратегияси, миллий-озодлик кучлари билан социализм кучларининг иттифоқи туфайлигина мустамлака тартиблари қайта тикланишининг олдини олиш мумкин.

* *

* *

Янги мустамлакачилик иктисодий зулмдангина иборат эмас. У сиёсий, ҳарбий, идеологик, маданий ва инфорацион тазйик ўтказиш ҳамда аралашувларнинг мураккаб системасини ташкил қилади. Унинг аслаҳахонасида сотиб олиш ва дўк-пўписа қилиш, халқаро террорчилик ва кучларни намойиш этиш, ёлланма қаллақесарлар ва бандитлардан фойдаланиш, тўғридан-тўғри агрессия актлари ва қўпоровчилик пропаганда ишлари сингари воситалар бор. Миллий-озодлик ҳаракати тобора юксалиб бораётган ва капиталистик система чуқур ларзаларни бошидан кечириётган бир шароитда кураш фронти муттасил кенгайиб, идеология соҳасини ҳам қамраб оляпти. Ҳозирги империализм идеологик хизматларни прогрессив социал ўзгаришларга, маҳаллий ва жаҳон микёсларида силжишларга қарши тура оладиган забардаст бир муштумга айлантиришга бутун куч-ғайратини сарфламокда. Ғарбнинг иктисодий, ҳарбий ва идеологик экспансияси «янги глобализм» сиёсатига чапишиб кетмокда. Бинобарин, бугунги кунда Ғарбдаги ахборот агентликлари кўп ҳолларда илгариги канонеркалар хизмат қилиб келган мақсадларга хизмат қилмокдалар.

Бирок Лондон, Нью-Йорк, Париж ёки Брюссель бутун-бутун китъалар тақдирини ҳал қилиб, Хиндистон ёки Африканинг юз миллионлаб аҳолиси қандай яшashi кераклигини кўрсатадиган даврлар ўтиб кетди. Ҳозирги пайтда Ғарб идеологлари ўзлари шунча йиллар мобайнида назар-писанд қилмай ва нафратланиб келган «учинчи дунё»га жуда катта қизиқиш билан қараётганликларининг боиси ҳам ана шунда. Буржуа олимлари, пропагандистлари, социологлари идеологик таъсир кўрсатишнинг фақат ҳарбий қувватгагина эмас, шунингдек ёш давлатлар ичидаги маслақдошларига ҳам таяниб, янги мустамлакачиликнинг нозик формаларини зўрлаб сингдиришни енгиллаштирадиган янги йўллари зўр бериб излай бошладилар.

Ғарб пропагандаси лотин америкаликлар, африкаликлар ва осиеликларнинг миллатчилик ҳиссини мунтазам ва астойдил авж олдириб, энг аввало собиқ мустамлака ва ярим мустамлакаларнинг ҳукмрон синфи ва зиёлилари турмуш тарзи ҳамда хатти-ҳаракатларига таъсир кўрсатмокда, уларнинг миллий маънавий кадриятларини заифлаштирмокда, истеъмолчилик тенденцияларини шакллантирмокда. Бу пропаганда аслида транснационал корпорациялар учун йўл очиб беряпти. Бир қараганда кўпинча сиёсий мазмундан маҳрум бўлиб кўринган бундай пропаганда ғарбча турмуш тарзи ва энг аввало буржуача қарашларни бевосита сингдиришга уринади.

Афсуски, капиталистик дунёнинг ахборот комплекси устидан контроллик қилиш воситалари ҳозиргача монополистик капитал қўлидадир, бу комплекда бир неча гигант концернларнинг доимий ҳукмронлиги сақланиб қоляпти. Қундалик

газеталар тиражининг 80 процентга яқини, халқаро диапазондаги радиостанцияларнинг 90 проценти, телевидение қувватининг 95 проценти ўстидан ана шу монополиялар контроллик қилади. Капиталистик ва ривожланаётган мамлакатларда таралаётган ахборотнинг қарийб 80 проценти тўртта йирик буржуа агентликлари — Юнайтед Пресс Интернэшнл (ЮПИ), Ассошиэтед Пресс (АП), Рейтер ва Франс Пресс телетайпларидан чиқади. Ғарб «учинчи дунё»нинг иктисодий қолоклиги, кашшоқлиги, саводсизлигини уларга хос ходисалар деб кўрсатиб, туб ерли аҳолининг тарихи, унинг анъаналари ва мустамлака ўтмиши хусусида лом-мим демайди, айрим салбий фактларни бўрттириб кўрсатади. экзотикага «урғу» беради ва уларнинг ҳаммасини ўқувчида, тингловчида. томошабинда кўркув уйғотадиган сарлавҳалар остида берилади.

Қарамликнинг мустамлакачилик ва янги мустамлакачилик структураси тўғрисида оғиз очмаслик, озодликка эришган мамлакатлар халқлари тақдирда империализм ўйнаган ва ўйнаётган роль хусусида шубҳа ва саволлар туғдирмаслик учун бу мамлакатларнинг ҳақиқий проблемаларини тилга олмаслик мақсадида шундай қилинади. Бошқача қилиб айтганда, империалистик оммавий ахборот воситаларидаги бундай бузиб тасвирланган образ мавжуд халқаро иктисодий тартибни, аниқроғи, тартибсизликни сақлаб қолишга, ёш давлатлар капиталистик перифериялар аҳволида қолаверишларига хизмат қилади. Характерли томони шундаки, ақалли ўз ахборот марказларини ташкил этиш ёки миллий агентликларни мустаҳкамлаш йўли билан ана шу қарамликдан қутулишга бўлган ҳар қандай уринишни ғарб ҳукуматлари, газета ва телевидение «баронлари» дарҳол эркин ахборотга нисбатан жуда қўпол тажовуз, ўзлари ёш давлатлар озодлиги ва ҳуқуқларига доимий тажовуз қилиб юрган кишилар ҳуқуқини бузиш деб тасвирлайдилар.

Ҳозир 15 та ТНҚ радио ва телевизион ускуналар, матбуот учун электрон техника, радио ва телевизион алоқа йўлдошлари, полиграфия ускуналари, қоғоз, бўёқ ва оммавий ахборот воситалар инфраструктурасининг бошқа бўғинларини ишлаб чиқаришда етакчилик қилишяпти. Улар нашриётлар, радиотрансляция ва телевизион станцияларни, газета ва журналларни сотиб олиб, амалда ахборот бозорини контрол қилиб турадилар. Ана шу корпорацияларнинг ўнтасида Америка капитали асосий роль ўйнайди. Империализм идеология марказларининг фаолияти тобора кўпроқ айни Қўшма Штатлардан туриб бошқарилаётганлигига ажабланмаса ҳам бўлади. Бунинг устига ўзининг асосий ишлаб чиқариш мақсадлари жиҳатидан идеология соҳасидан йироқ бўлган ТНҚлар ҳам бу соҳага тез-тез аралашадилар.

Ҳарбий-саноат комплексига тегишли ёки улар билан мустаҳкам алоқада бўлган монополиялар оммавий ахборот воситаларига айниқса зўр бериб интилади. Америкадаги ИБМ, «Вестингауз» ва «Вестерн электрик» монополиялари, Ғарбий Германиянинг «Сименс» концерни, француз «Матра» монополияси шулар жумласидандир. Пропагандани ҳарбий ишлаб чиқаришга бевосита қўшиб идеологияни бостириш, агрессия, халқларни бўйсундириш ва талаш машинасига хизмат қилдиришга уриниш яққол кўзга ташланади. Коммунизмга қарши ҳар қандай афсоналар айни ана шу ерда туғилади. АҚШнинг ҳукмрон доиралари ва унинг иттифокчилари ҳар қандай воситалар, жумладан ҳарбий воситалар ёрдамида Ғарб учун «хаётий муҳим» деб эълон қилинган зоналарда контроллик ўрнатишга қаратилган планларини очик-ойдин изҳор этмоқдалар.

Буржуазия пропагандаси янги мустамлакачиларнинг жиноятларини оқлаб ва уларга салобат бағишлашга ҳаракат қилиб, империалистик сиёсат авангардида бормокда. Бунда яхшилик ва ёвузлик, прогресс ва регресс тушунчаларининг ўрни алмашиб кетади. Масалан, Сальвадор ватанпарварларини «террорчилар» деб, озодлик курашини «қонли уруш», котилларни «ижтимоий куч», фашистларни «ҳукумат», америка интервентларини «маслаҳатчилар» деб аташади. Ок уйда «террорчилар» деб эълон қилинганлар орасидан Чили халқининг эркинлигини поймол қилган Пиночетни, туб ерли аҳолини отиб ташлаётган Жанубий Африка ғарбчиларини, Шатила ва Сабрдаги хунрезлик ташкилотчилари бўлган исроилликларни, студентлардан шафқатсиз ўч олаётган Жанубий Корея каллакесарларини излаш беҳудадир.

Дахшат солиш, жамоатчилик норозилигини босиш учун оммавий психоз вазиятини вужудга келтириш ғарблик идеологларнинг энг севган усули бўлиб қолди. Буржуазия оммавий ахборот ва пропаганда воситаларининг Ангола, Афғонистон, Сальвадордаги воқеалар атрофида авж олдирган шов-шувини, ғазабнок тўхматчилик кампаниясини, Ливия ва Сурия, Куба ва Никарагуа шаънига қаратилган ифвогарликлар ва дўк-пўписаларни, АҚШнинг Гренадага босқинчиларча агрессиясини, Ливанга ҳарбий интервенциясини оқлашга уришиш — буржуазия пропагандасининг ана шундай хатти-ҳаракатларини кўрсатувчи сўнгги мисоллардир.

* * *

Капиталга тўрт аср мобайнида хизмат қилиб келган мустамлакачиликка ҳос шафқатсиз сиёсий ҳукмронлик ва ташқи сиёсий зўравонликни алмаштиришга даъват этилган янги мустамлакачиларнинг империалистик сиёсати ва талончилик практикасининг асосий методлари ана шулардан иборат. КПСС Марказий Комитетининг партия XXVII съездида Сиёсий докладида империализм мустамлакачилик даврида вужудга келган иқтисодий қарамлик муносабатларини сақлаб қолишга ва шу негизда «янги мустамлакачилик эксплуатациясининг энг макқорона системасини вужудга келтириш ва йўлга қўйишга» муваффақ бўлганлиги таъкидланади. Бундай эксплуатация Осиё, Африка ва Лотин Америкасидаги юз миллионлаб кишиларга очлик ва қашшоқлик, касалликлар ва саводсизлик олиб келади ва айни пайтда империалистларни мўмай даромадлар билан таъминлайди. Ҳозирги империализмнинг стратегик мақсади собиқ мустамлакаларда капитализмни қарор топтириш, уларни ўз «периферияларига» айлантириб, ҳом ашё қўшимтаси бўлишга мажбур қилишдан иборат.

Шу нарса шубҳасизки, тарихий истикболда ривожланаётган мамлакатларнинг дунё ишларидаги ўрни ва роли улар қандай қучлар билан — тараккийпарвар қучлар биланми ёки реакцион қучлар биланми қўшилиб кетишларига боғлиқ, зеро синфий жамиятда ривожланишнинг ўтиш босқичлари бўлиши мумкин-у, лекин ҳар иккала йўлдан «баравар узокликда» бўлган учинчи йўл бўлиши мумкин эмас. Қерак йўлни танлаш мамлакатлар ва улар халқларининг ички иши ҳисобланади. Фақат империализмга қатъий дадил қаршилиқ кўрсатиш, иқтисодий ва социал-сиёсий ривожланишнинг пухта ўйланган стратегияси, бир-бирларининг манфаатлари ва ҳуқуқларини ўзаро ҳурматлашгина бу мамлакатлар халқларига ўсиб-ўлғайиш қийинчиликлари деб аталмиш тўсиқларни енгиб ўтиш имконини беради. КПССга келганда, у ўз программавий ҳужжатларида бир неча бор таъкидлаганидек, СССРнинг озодликка эришган мамлакатлар билан ҳамкорлигини ривожлантириш, жаҳон социализми билан миллий-озодлик ҳаракати иттифоқини мустаҳкамлаш йўлини собитқадамлик билан ўтказиб келяпти.

СОЦИАЛИСТИК ҚУРИЛИШ ШАРОИТИДА ШАХСНИ ШАКЛЛАНТИРИШ

Социалистик жамиятнинг ҳар бир аъзосини ҳар томонлама камол топтириш, маънавий бойитиш, коммунизмнинг онгли ва актив қурувчисини тарбиялаш партиянинг программавий мақсадларидан биридир. Мамлакатимизда бу соҳада жуда катта тажриба тўпланган бўлиб, уни ўрганиш ва умумлаштириш партиянинг социализмни такомиллаштириш вазифаларини ҳал этишда инсон омилининг ролини ошириш борасидаги фаолиятини яхшилаш учун муҳим аҳамиятга эгадир. М. З. Ўзбековнинг социалистик қурилиш шароитида шахсни камол топтиришнинг яхлит манзарасини акс эттирувчи монографияси* шу нуктан назардан эътиборга сазовордир.

Муаллиф Ўрта Осиё халқлари ўз тараққиётида капитализм босқичини босиб ўтмаганликларини эслатиш билан бирга, бу омил янги типдаги шахснинг шаклланишига таъсир кўрсатганлигини батафсил таҳлил қилади. Қитобда шу нарса акс этирилганки, вужудга келган шароитлар туфайли ўлка аҳолисига янги хислатларни асосан социализм қурилиши жараёнида вужудга келтиришга тўғри келди. Шу муносабат билан юзага келган мураккаб вазифалар СССРдаги тенг ҳуқуқли халқларнинг ҳамдўстлиги туфайли ҳал қилинди ва улар ўртасидаги ҳамкорлик йилдан-йилга мустаҳкамланиб борди. Кадрлар тайёрлашда ёрдам кўрсатиш, бу ерга Россия пролетариати илғор намоёндаларининг юборилиши регион меҳнаткашларини синфий асосда тарбиялашда муҳим роль ўйнади.

Қитобнинг махсус бобида жамиятнинг ҳукмрон синфлари асрлар давомида итоатгўйлик, «худо яратган» тузумнинг, мавжуд тартиботлар ва унга қаршилик кўрсатмасликнинг абадийлиги ғояларини зўр бериб сингдириб келган феодал-патриархал муносабатлар шароитидаги шахснинг аҳволи кўрсатилган (24—39-бетлар).

Асрлар бўйи инсоннинг бутун турмуш тарзига сингиб келган диний дунёқарашлар ҳукмронлиги революциядан аввалги Ўзбекистоннинг характерли белгиси эди, деб таъкидланади қитобда. Октябрь революциясидан кейин ҳам бу дунёқараш, гарчи шахар ва кишлоқ ҳаётида юз берган муҳим ўзгаришлар натижасида чекина бошлаган бўлса-да, лекин узок вақтга қадар маҳаллий аҳоли кўпчилигининг дунёни тушуниши, ҳуқ-атвори ва турмуш тарзида белгиловчи омил бўлиб қолаверди. Бирок ҳозирги воқелик ҳам шунга ишонч ҳосил қиладики, атеистик ишда самарадорликка эришиш учун ҳали кўп куч сарфлаш талаб қилинади, бу билан боғлиқ масалаларни ҳал этишнинг энг оптимал вариантлари баъзи соҳаларда ҳали топилганича йўқ. Шу жиҳатдан олганда тақриз қилинаётган қитоб пропагандист ва тадқиқотчиларга яхши ёрдамчи бўлиши мумкин. Чунки у аҳолига атеистик маърифат тарқатишнинг социализм қуриш жараёнида вужудга келган турли формалари билан таништиради.

Шахснинг шаклланишига таъсир этувчи объектив факторларни кўриб чиқар экан. М. З. Ўзбеков шунинг тўғри таъкидлайдики, жойларда халқ ҳокимият органларини ташкил этиш мамлакатни индустриалаш ва кишлоқ хўжалигини коллективлаштириш, саводсизликни тугатиш, мактабни демократиялаштириш, митинглар ва йиғилишлар ўтказишнинг кенг практикаси, шаҳарнинг кишлоққа оталик ёрдами, сайловларда қатнашиш — ана шуларнинг ҳаммаси биргаликда туб ерли аҳолини сиёсий тарбиялашда ҳал қилувчи роль ўйнади. Аҳолида онг-билим доирасининг торлиги, социал муаммоларга бефарқлик, қолоқлик, ҳурфотлар ва хомхаёллар ўрнига пролетар интернационализми ва совет ватанпарварлиги туйғуси, ривожланган синфий онг, хотин-қизларни ҳурматлаш, меҳнатга ва ижтимоий мулкка онгли муносабат ва янги тузум талабларига жавоб берадиган бошқа сифатлар шаклланди.

Меҳнаткашларда интернационал онгнинг шаклланиш жараёни партиянинг миллий

* М. З. Ўзбеков. Строительство социализма и личность. Ташкент, «Ўзбекистан», 1986, 173 с.

оғмачилик, маҳаллий партия ташкилотларидаги фракциячилик ва гуруҳбозлик кўришларига қарши кураши билан бирга кечди, бундай иллатларнинг илҳомчилари асосан буржуа миллатчилар ва буюк давлатчилик шовинистлари эдилар. Агар миллатчилар миллий жихатларга ортикча баҳо бериб, уларни умумсовет манфаатларига қарши қўйган бўлсалар, шовинистлар эса туб ерли аҳоли ўз вакиллари ҳокимият органларига киритиш ва жамиятда давлат тузумининг демократик формаларини жорий этиш учун ҳали етилгани йўқ деб ҳисоблар эдилар. Такриз қилинаётган китобда кўрсатиб ўтилганидек, характерли белгилари худбинлик ва миллатларнинг ажралиб қолганлиги, интернационал манфаатларга зид равишда миллий манфаатларни абсолютлаштиришдан иборат бўлган майда буржуа миллатчилиги регионда айниқса кенг тарқалган эди.

Китобнинг махсус боби оммада атеистик дунёқарашнинг шаклланиши тажрибасини умумлаштиришга бағишланган. Социалистик шахснинг шаклланиш жараёнида диний хурофотларга қарши кураш тарбиявий ишнинг энг мураккаб соҳасидир. Аммо, социализм қурилиши даврини кўриб чиқаётган муаллифнинг нима учун янги таҳрирдаги КПСС Программасига ва Ўзбекистон Компартиясининг XXI съезди материалларига мурожаат қилганлигини тушуниб бўлмайди. Башарти бу ўтмишдаги вазифаларни тадқиқ қилишни ҳозирги вазифаларни англаш билан узвий равишда боғлаш ва келажакка кириб бориш мақсадида қилинган бўлса, у ҳолда жамиятимиз ривожланишининг ҳозирги реалликларини таҳлил қилиш ва республика аҳолиси ўртасида диндорлик ҳанузга қадар юқори даражада бўлиб қолаётганлигини нима билан изоҳлаш мумкин, деган саволга жавоб бериш керак эди.

М. З. Ўзбеков тарихий материални, шу

проблемага доир адабиётларни синчиклаб ўрганганлигини инкор этолмаймиз. Аммо унинг асарига умуман таъриф-тавсифчилик хос бўлиб қолган, партия ташкилотларининг ўрта Осиёда социализм қурилиш жараёнида шахсни тарбиялаш борасидаги фаолиятига доир фактлар эса чуқур таҳлил қилинмаган.

Китобнинг яна бир муҳим камчилиги амалга оширилган тадбирларнинг объектив оқибатлари бир томонлама кўрсатилганлигидадир. Муаллиф социал факторнинг таъсирини, синфлар, социал группалар ва айрим кишиларнинг онги ва хулқ-атворида юз берган ўзгаришларни кўрсатиб бермаган. Бу ўринда у маълум йўлдан борган: модомики, бирон-бир тадбир амалга оширилган ва унинг оқибатида баъзи ижобий натижаларга эришилган экан, деб хулоса чиқаради у, демак, синфлар ва социал табакалар ва кишиларнинг муносабатлари, фикрлаш тарзи ҳам ўзгарган. Ушбу камчилик китобнинг мазмунига сезиларли путур етказди, умуман унинг мундарижаси ва фактик материалнинг таҳлили юзаки бўлиб қолишига олиб келади.

Нихоят, монографиянинг номи хусусида: у китобнинг мазмунига қараганда анча кенгдир. Лекин, китоб аслини олганда хийлагина тор ва конкрет масалага — «қиска» ривожланиш йўлини босиб ўтиш шароитида янги шахснинг ўзига хос хусусиятлари вужудга келишига бағишлангандир. Бинобарин, уни «Капитализмни четлаб, социализмга ўтиш шароитида социалистик шахснинг шаклланиши» деб аташ тўғрироқ бўлур эди.

Умуман китоб СССРда социализм қурилиши шароитида шахсни шакллантиришнинг умумлашган тарихини яратиш соҳасида дастлабки тадқиқотлардан бири ҳисобланади.

Қ. ХОНАЗАРОВ,
философия фанлари доктори.

ДАВЛАТ ВА ҲУҚУҚ НАЗАРИЯСИГА ДОИР ЯНГИ НАШР

Миллий тилларда дарсликлар ва ўқув қўлланмалари нашр этиш муҳим аҳамиятга эга. Уларнинг босилиб чиқиши назарий илмларга кизикишни оширади, она тилида ўқиётган шахсларнинг фанни ўрганишини енгиллаштиради, республикаларда фаннинг мазкур тармоғининг ривожланиш даражасини ва ўзига хос хусусиятларини акс эттиради. Шу сабабли такриз

қилинаётган ўқув қўлланмасининг* босилиб чиқишини қўтламоқ лозим.

* Ш. Ҳразаев, М. Қориев. Марксча-ленинча давлат ва ҳуқуқ назарияси асослари. Олий ўқув юртлари студентлари учун ўқув қўлланмаси. Тўзатиш ва тўлдирилган 2-нашри. Тошкент, «Ўқитувчи», 1986, 304 бет.

Қўлланмада давлат ва ҳуқуқнинг келиб чиқиши, моҳияти, тарихий типлари, формалари ва бошқа тарихий-назарий жиҳатлари, социалистик давлат ва ҳуқуқ назарияси масалалари кўриб чиқилган. Жамиятимизнинг социал нормалари системасида ҳуқуқнинг ўрни очиб берилган, социалистик конунчилик ва ҳуқуқ тартиботи, ҳуқуққа зид хатти-ҳаракатлар ва юридик масъулият ҳамда бошқа ҳуқуқий проблемалар тўғрисида сўз юритиладиган бўлимлар эътиборга лойикдир. Қўлланмада давлат ва ҳуқуққа буржуача, реформистик қарашлар далилли асосда танкид қилинади, бу, шубҳасиз, студентларда ғоявий эътиқодни шакллантиришга, давлат ва ҳуқуққа оид ҳодисаларни баҳолашга синфий ёндашувни тарбиялашга ёрдам беради.

Китобда асосий тушунчаларнинг қисқача таърифи берилади. Бунда авторлар ўқув қўлланмаси студентлар учун нафакат предметни ўрганишнинг асосий манбаи эканлигини, шу билан бирга унинг студентларга тарбиявий таъсир ўтказиши лозимлигини ҳам эсдан чиқаришмаган. Шунинг ҳам қайд қилиш керакки, СССР ва Ўзбекистон ССРнинг янги Конституциялари, 1977 йилдан кейин қабул қилинган конун актлари дарсликнинг норматив негизини ташкил этади. Шуниси диққатга сазоворки, авторлар юридик терминларни ўзбек тилида тўғри ишлатишади.

Ш. Ўразаев ва М. Қориев К. Маркс, Ф. Энгельс, В. И. Лениннинг давлат ва ҳуқуқ илмий назариясини ривожлантиришга қўшган ҳиссасини ишонарли очиб беришади. Давлат ва ҳуқуқнинг устқурма ҳамда тарихий ўтқинчи ҳодисалар эканлигини тушуниш марксизм-ленинизм классикасига давлат ва ҳуқуқнинг ҳукмрон синфнинг иктисодий манфаатларига боғлиқлигини кўрсатишга, истикболларни очиб беришга ёрдам бериши. Бу пролетариат диктатураси давлатини ўрнатиш зарурлиги тўғрисида ҳулоса чиқариш учун асос бўлди. Буржуа давлат машинасини йўқ қилиш, социалистик давлат ва халқ ҳокимияти формалари тўғрисидаги ва бошқа марксча-ленинча концепциялар улкан аҳамиятга эгадир. КПССнинг социализм қурилишидаги тажрибасига асосланиб, қардош коммунистик ва ишчи партиялар давлат ва ҳуқуқ тўғрисидаги марксча-ленинча таълимотни актив ривожлантирмоқдалар.

Авторларнинг ўқув материални беришда қарор топган стандартларга ҳар доим ҳам амал қилишмаганлиги эътиборга лойик. Баъзан материални баён қилишда анъанавий схемадан четга чиқиш мақсадга мувофиқдир. «Меҳнат коллективлари», «Совет давлатининг социал негизи» каби бўлимлар шунинг далилидир, давлат, ҳуқуқ ва шахс тўғрисидаги боб ўзига хос тарзда ёзилган, «Миллий-озодлик революциялари ҳамда мустамлакачиликнинг тугатилиши натижа-

сида пайдо бўлган давлат ва ҳуқуқ» деган боб, гарчи баҳсли ўринлари бўлса-да, диққатга лойик.

Қўлланманинг ўзига хос хусусияти шундаки, Ш. Ўразаев ва М. Қориев тегишли бўлимларда фақат бизнинг мамлакатимиз тажрибасини анализ қилиш ва умумлаштириш билан чекланмасдан кўп жиҳатдан аини социалистик типдаги давлат ва ҳуқуқ назариясига яқинлаштирган. Совет юридик фанида турли социалистик мамлакатлар материаллари асосида ҳуқуқ назариясининг конкрет масалалари давлат масалаларига нисбатан анча бўш ишланган. Афсуски, бу гап тақриз қилинаётган нашрга ҳам тааллуқлидир. Агар давлат тўғрисидаги бўлим ҳақиқатан унинг турли социалистик формаларини қамраб олса, ҳуқуқ тўғрисидаги бўлим эса фақат совет материаллари асосида қурилган ва, бинобарин, материал баёни умуман ҳуқуқни таърифлаш, ундаги умумий ва ўзига хос жиҳатларни аниқлаш учун зарур умумлаштириш даражасига доим ҳам қўтарила олмаган. Кези келганда шунинг ҳам айтиш керакки, авторлар Ўрта Осиё республикаларининг давлат-ҳуқуқий қурилиши тарихидан қизиқарли мисоллар келтиришади. Масалан, социалистик революция ғалабасидан кейин бу ерда бир қанча вақт мобайнида шарият ва оддий ҳуқуқ (одат) нормаларига амал қиладиган қозилар ва бийлар судлари иш олиб боришган эди.

Шунинг ҳам қайд қилиш керакки, қўлланмада структуравий ва методик характердаги нуқсонлар мавжуд. Чунотки, авторлар тушунча аппаратининг умумий мантиқини ҳисобга олишмаган ва шу туфайли айрим бобларнинг жойлашиши курс программасига мувофиқ эмас. Бундан ташқари, авторлар назарий қондаларга қонунчилик ва ҳуқуқий нормалар қўлланилган практика фактларини қамдан-қам мисол қилиб келтиришади. Бу баёни айрим жойларда қуруқ, мавҳум қилиб қўяди. Фикримизча, давлат ва ҳуқуқнинг келиб чиқиши ва тарихий типлари ҳақидаги масалаларни ёритишда сўнгги илмий маълумотлардан кенгрок фойдаланиш лозим эди.

«КПСС — совет сиёсий системасининг раҳбар ва етакчи кучи» боби муайян эътирозлар уйғотади. Унда жамиятнинг сиёсий системаси тушунчасининг ўзи таърифлаб берилмайди, бу системанинг вазифалари ва функциялари кўриб чиқилмаган, сиёсий система элементларининг ўзаро таъсири ва ўзаро алоқасини, унга у ёки бу муассасаларни қиритиш мезонларини кўрсатишда конкретлилик етишмайди.

Авторлар ҳуқуқнинг бошқа аспект ва элементларини чеклашгани ҳолда унинг норматив жиҳатларига кўпроқ эътибор беришган: китобнинг 22 бобидан ўн учтаси бевосита ҳуқуқ нормаларига бағишланган. Бу, фикримизча, жудаюм тўғри эмас. Қўл-

ланмада ҳуқуқни кенг нуктан назардан кўриб чиқишга имкон берадиган социалистик ҳуқуқ самарадорлиги ва ҳуқуқий тартибга солиш механизми каби муҳим темалар таҳлил этилмаган.

Юридик фанининг кейинги йилларда пайдо бўлган қоидалари ва ҳулосаларининг социалистик ҳуқуқ тўғрисидаги бўлимда учрамаслиги — шу бўлим нуксонидир. Чунончи, ҳозирги пайтда ҳуқуқни фақат объектив ҳолда олинган, ҳуқуқий ижод билан боғланмаган, ижтимоий муносабатларни ҳуқуқий тартибга солиш вазифалари, мақсадлари ва принципларини ҳисобга олмай-диган соҳа сифатида кўриб чиқиш мумкин эмас. Социалистик ҳуқуқ формалари (манбалари) тўғрисидаги бобда қонунни ижод қилишни планлаштириш, СССР ва иттифокдош республикалар Қонунлари тўпламлари тўғрисида ҳеч нарса дейилмаган. Авторлар ҳуқуқнинг «формаси» ёки «манбаси» терминларидан қайси бирдан фойда-

ланиш яхшироқ эканлиги ҳусусидаги баҳсга кўшилиб, «формаси»ни танлашади (50-, 229-бетларга қаралсин). Бироқ улар кейинчалик бунга изчил амал қилишмайди: давлат ва маъмурий ҳуқуқнинг (формаси эмас) асосий манбаи тўғрисида гапиришади (244-бетга қаралсин).

Афсуски, тақриз қилинаётган нашрда редакцион нуксонлар: матбаа хатолари, ноаниқликлар, шунингдек тақрорлар ва қарама-қарши фикрлар учрайди.

Шуни қайд қилиш керакки, китобдаги баъзи бир камчиликлар давлат ва ҳуқуқ назариясига оид қатор мураккаб проблемаларнинг мунозаралилиги билан, бошқалари эса — дарслик авторларининг илмий позицияси билан боғлиқдир. Умуман олганда, студентлар, ўқитувчилар, давлат ва ҳуқуқ назарияси билан қизиқувчилар фойдали қўлланмага эга бўлишиди.

А. САИДОВ,

юридик фанлар кандидати.

«ЎЗБЕКИСТОН» НАШРИЁТИНИНГ БРОШЮРАЛАРИ

Абдунабиев А. **Устав КПСС — кодекс партийной жизни.** 1986, 68 с.

Брошюрада партия Уставининг яратилиши тарихи хикоя қилинган, КПСС XXVII съезди томонидан Уставга киритилган асосий ўзгаришлар ва қўшимчалар аҳамияти очиб берилган.

Каюмов А. **Время и обряды.** 1986, 22 с.

Китобчада ўтмишдаги улуғ мутафаккирлар ва ўзбек совет ёзувчиларининг асарлари, вақтли матбуот материаллари, республика телевиденеси кўрсатувларидан олинган конкрет мисолларда замонамиз талабига жавоб берувчи, совет кишиларини тарбиялашга хизмат қиладиган прогрессив халқ урф-одатлари, маросимларининг ривожланиши ёритилган. Унда социалистик жамиятимиз табиятидан келиб чиқувчи янги маросим ва байрамларга катта аҳамият берилган.

Колемасова Н. Х. **Христианское сектанство в Узбекистане.** 1986, 45 с.

Брошюрада Туркистон ўлкасида христиан дини мазҳабларининг пайдо бўлиши тарихи, уларнинг фаолияти, жамиятимизнинг ҳозирги ҳаётига мослашишга интилиши тўғрисида хикоя қилинади, аҳолининг диндорлигини бартараф этиш йўллари кўрсатилган.

Лукин Б. **Ленинский курс политики партии.** 1986, 95 с.

Автор КПСС XXVII съездининг тарихий аҳамияти тўғрисида хикоя қиладди, партиянинг ҳозирги ички ва ташқи сиёсатига доир

муҳим проблемаларни очиб берган. Бу масалаларнинг ҳаммаси Ўзбекистон партия ташкилоти ҳал этаётган конкрет вазифалар билан боғлиқликда берилган.

Саидов А. **Политическая система советского общества.** 1986, 71 с.

Брошюрада Совет давлатининг бош вазифалари ва асосий функциялари таърифлаб берилган, КПССнинг совет жамияти сиёсий системасининг раҳбар кучи сифатидаги роли кўрсатилган.

Татыбаев С. **Ленинские нормы партийной жизни.** 1986, 51 с.

Автор КПСС XXVII съезди қарорларидан келиб чиқиб, партия турмушининг ленинча нормалари моҳиятини очиб беради, уларнинг партиявий раҳбарлик принциплари билан қамбарчас боғлиқлигини кўрсатади, партиянинг сиёсий ва ташкилотчилик, қабул қилинган қарорларни контрол қилиш ва ижросини текшириш, кадрларни тарбиялаш ишининг бирлиги проблемаларини кўриб чиқади.

Хикматов А., Шепелев В. **Ускорение — стратегический курс КПСС.** 1986, 77 с.

Авторлар КПСС XXVII съезди ва Ўзбекистон Компартияси XXI съезди қарорлари асосида мамлакатни социал-иқтисодий ривожлантиришни жадаллаштириш, ижтимоий ишлаб чиқаришни интенсивлаштириш, планлаштиришни такомиллаштириш ва экономикани бошқариш йўллари кўриб чиқишган.

ЖУРНАЛДА БОСИЛГАН МАТЕРИАЛЛАРИМИЗ ИЗИДАН

«Ўзбекистон коммунисти» журналада (1987 йил 2-сон) тарих фанлари доктори А. Раззоков ва тарих фанлари кандидатлари З. Мухамедова ҳамда М. Хасановларнинг «Коммунистик партия ва Совет ҳукуматининг Туркистонда пахтачиликни тиклаш ва ривожлантириш соҳасидаги фаолияти (1917—1924 йиллар). Хужжатлар ва материаллар» номли китобга тақризи эълон қилинган эди. Тақризда ижобий жиҳатлар билан бир қаторда нашрдаги камчиликлар ҳам қайд этилганди. Жумладан, унда Ўзбекистонда социалистик экономикани вужудга келтириш учун кўп иш қилган В. П. Ногин, И. Е. Любимов ва бошқаларнинг номлари умумий ва тармоқ энциклопедияларига, шу жумладан республика-мизда сўнгги йилларда нашр қилинган «Пахтачилик энциклопедияси»га ҳам киритилма-ганлиги тўғрисида сўз боради. Шунингдек, пахтачилик масалалари тўғрисидаги В. И. Ленин имзолаган ҳужжат, республика партия ташкилотларининг пахтачилик соҳасидаги фаолиятининг социал мақсадларини акс эттирувчи материаллар китобга киритилмаганлиги ҳам қайд қилинади. Яна бошқа эътирозлар ҳам билдирилган эди.

Редакция Ўзбекистон Компартияси МК ҳузуридаги партия тарихи институти директорининг илмий ишлар бўйича ўринбосари, тарих фанлари доктори В. Чеботаревдан ва Ўзбек Совет Энциклопедияси Бош редакцияси бош редактори философия фанлари доктори Қ. Х. Хоназаровдан жавоб хатлари олди. Хатларда тақриз учун миннатдорчилик билдирилади. В. Чеботарева тақризда билдирилган танкидий мулоҳазалар ва таклифлар ҳужжатлар тўпламининг 1925—1937-йилларни камраб оладиган 2-томини тайёрлашда ҳисобга олинажagini ёзади. Хатда партия архиви ходимлари томонидан тегишли ташкилотларга В. П. Ногин, С. Асфандиёров, Н. А. Паскуцкий, И. Е. Любимовларнинг меҳнат ва ижтимоий фаолияти тўғрисида расмий сўровлар юборилганлиги айтилади. Шу талабларга жавоб олинганидан сўнг тайёрланадиган архив справкалари ана шу кишилар хотирасини абадийлаштириш учун асос бўлиб хизмат қилиши мумкин.

Қ. Х. Хоназаров тақризда билдирилган мулоҳазалар Бош редакция нашрга тайёрла-ётган ўзбек тилидаги «Пахтачилик энциклопедияси»да, шунингдек 1990—2000 йилларда чиқарилиши мўлжалланаётган Ўзбек Совет Энциклопедиясининг 2-нашрида эътиборга олинади, деб ёзади.

РЕДАКЦИОН КОЛЛЕГИЯ:

Р. А. Нуруллин (бош редактор), М. Ф. Ваҳобов, Е. И. Завалишин,
З. Ёқубов (бош редактор ўринбосари), М. Б. Ицковский (масъул секретарь),
Б. В. Лунин, Х. Р. Мухамедонов, Х. Рўзиматов, Х. Т. Турсунов, А. У. Улмасов,
С. Қ. Қурбонов, Қ. А. Хасанжонов, Г. А. Хидоятлов.

Редакция адреси: 700000. Тошкент - П. Ленин кўчаси, 41.

Телефонлар: бош редактор - 32-58-01, 32-78-87; бош редактор ўринбосари - 32-58-02, 32-78-93;
масъул секретарь - 32-58-03, 33-60-42; масъул секретарь ўринбосари - 32-58-63, 33-60-42; бўлим-
лар: марксча-ленинча назарияни пропаганда қилиш - 32-58-65; партия ва совет қурилиши -
32-58-68; экономика - 32-58-71; фан ва маданият - 32-58-66; халқаро ҳаёт - 32-58-69;
танкид ва библиография - 32-58-70.

Корректорлар: М. Комилов, Х. Каримов.

Техредактор Э. А. Кушнар.

Теринга берилди 9.04.1987 й. Босинга рухсат этилди 8.05.1987 й. Формати 70×108¹/₁₆. Фотонабор.
Офсет босма усули. Шартли босма листи 8.4. Нашриёт ҳисоб листи 9.3. Тиражи 28.741.
Нашр № В-53. Заказ № 813.

Ўзбекистон Компартияси Марказий Комитети нашриётининг
Меҳнат Қизил Байроқ ордени босмаҳонаси.
Тошкент шаҳри, Ленин кўчаси, 41.

Баҳоси 25 тийин

ISSN 0134 — 2193

Индекс 75399

**На узбекском языке
ежемесячный теоретический и политический
журнал ЦК Компартии Узбекистана**

**«УЗБЕКИСТОН КОММУНИСТИ»
«КОММУНИСТ УЗБЕКИСТАНА»**

**Ордена Трудового Красного Знамени
типография Издательства ЦК Компартии Узбекистана**

